

ऋग्वेदसंहिता
प्रथमोऽष्टकः
प्रथमोऽध्यायः १ वर्गाः (१-३७)

(१) प्रथमं सूक्तम्

(१-६) नवर्चस्यास्य सूक्तस्य वैश्वामित्रो मधुच्छन्दा ऋषिः । अग्निर्देवता ।

गायत्री छन्दः

हरिः ॐ

अग्निमीळे पुरोहितं यज्ञस्य देवमृत्विजम् । होतारं रत्नधातमम् १
अग्निः पूर्वेभिर्ऋषिभिरीड्यो नूतनैरुत । स देवाँ एह वक्षति २
अग्निना रयिमश्नवत् पोषमेव दिवेदिवे । यशसं वीरवत्तमम् ३
अग्ने यं यज्ञमध्वरं विश्वतः परिभूरसि । स इद् देवेषु गच्छति ४
अग्निर्होता कविक्रतुः सत्यश्चित्रश्रवस्तमः । देवो देवेभिरा गतम् ५
यदङ्ग दाशुषे त्वमग्रे भद्रं करिष्यसि । तवेत् तत् सत्यमङ्गिरः ६
उप त्वाग्ने दिवेदिवे दोषावस्तर्धिया वयम् । नमो भरन्त एमसि ७
राजन्तमध्वराणां गोपामृतस्य दीदिविम् । वर्धमानं स्वे दमै ८
स नः पितेर्व सूनवेऽग्रे सूपायनो भव । सचस्वा नः स्वस्तये ९

(२) द्वितीयं सूक्तम्

(१-६) नवर्चस्यास्य सूक्तस्य वैश्वामित्रो मधुच्छन्दा ऋषिः । (१-३) आद्यतृचस्य वायुः (४-६) द्वितीयतृचस्येन्द्रवायू (७-९) तृतीयतृचस्य च मित्रावरुणौ देवताः ।

गायत्री छन्दः

वायुवा याहि दशति मे सोमा अरकृताः । तेषां पाहि श्रुधी हवम् १
वाय उक्थेभिर्जरन्ते त्वामच्छा जरितारः । सुतसोमा अहर्विदः २
वायो तव प्रपृञ्चती धेना जिगाति दाशुषे । उरूची सोमपीतये ३
इन्द्रवायू इमे सुता उप प्रयोभिरा गतम् । इन्द्रवो वामुशन्ति हि ४
वायुविन्द्रश्च चेतथः सुतानां वाजिनीवसू । तावा यातिमुप द्रवत् ५
वायुविन्द्रश्च सुन्वत आ यातिमुप निष्कृतम् । मृद्विशुत्था धिया नरा ६
मित्रं हुवे पूतदक्षं वरुणं च रिशादसम् । धिर्य घृताचीं सार्धन्ता ७
ऋतेन मित्रावरुणा वृतावृधावृतस्पृशा । क्रतुं बृहन्तमाशाथे ८

कवी नो मित्रावरुणा तुविजाता उरुक्षया । दक्षं दधाते अपसम् ६

(३) तृतीयं सूक्तम्

(१-१२) द्वादशर्चस्यास्य सूक्तस्य वैश्वामित्रो मधुच्छन्दा ऋषिः । (१-३)
 आद्यतृचस्याश्विनौ (४-६) द्वितीयतृचस्येन्द्रः (७-९) तृतीयतृचस्य विश्वे देवाः
 (१०-१२) चतुर्थतृचस्य च सरस्वती देवताः । गायत्री छन्दः
 अश्विना यज्वरीरिषो द्रवत्पाणी शुभस्पती । पुरुभुजा चनस्यतम् १
 अश्विना पुरुदंससा नरा शवीरया धिया । धिषण्या वनतं गिरः २
 दस्त्रा युवाकवः सुता नासत्या वृक्तबर्हिषः । आ यातं रुद्रवर्तनी ३
 इन्द्रा याहि चित्रभानो सुता इमे त्वायवः । अरवीभिस्तना पूतासः ४
 इन्द्रा याहि धियेषितो विप्रजूतः सुतावतः । उप ब्रह्माणि वाघतः ५
 इन्द्रा याहि तूतुजान् उप ब्रह्माणि हरिवः । सुते दधिष्व नश्चनः ६
 ओमासश्चर्षणीधृतो विश्वे देवास आ गत । दाश्वासौ दाशुषः सुतम् ७
 विश्वे देवासौ अमुरः सुतमा गन्त तूणयः । उस्त्रा इव स्वसराणि ८
 विश्वे देवासौ अस्त्रिध एहिमायासो अद्रुहः । मेधं जुषन्त वह्नयः ९
 पावका नः सरस्वती वाजैभिर्वाजिनीवती । यज्ञं वष्टु धियावसुः १०
 चोयित्री सूनृतानां चेतन्ती सुमतीनाम् । यज्ञं दधे सरस्वती ११
 महो अर्णः सरस्वती प्र चैतयति केतुना । धियो विश्वा वि रजति १२

(४) चतुर्थं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।
 गायत्री छन्दः
 सुरुपकृत्तुमूतयै सुदुघामिव गोदुहै । जुहूमसि द्यविद्यवि १
 उप नः सवना गहि सोमस्य सोमपाः पिब । गोदा इद रेवतो मदः २
 अथा ते अन्तमानां विद्याम सुमतीनाम् । मा नो अति ख्य आ गहि ३
 परेहि विग्रमस्तृत मिन्द्रं पृच्छा विपश्चितम् । यस्ते सखिभ्य आ वरम् ४
 उत ब्रुवन्तु नो निदो निरन्यतश्चिदारत । दधाना इन्द्र इद दुवः ५
 उत नः सुभगाँ अरि वोचेयुर्दस्म कृष्टयः । स्यामेदिन्द्रस्य शर्मणि ६
 एमाशुमाशवै भर यज्ञश्रियं नृमादनम् । पतयन् मन्दयत्सखम् ७
 अस्य पीत्वा शतक्रतो घ्नो वृत्राणामभवः । प्रावो वाजेषु वाजिनम् ८

तं त्वा वाजेषु वाजिनं वाजयामः शतक्रतो । धनानामिन्द्र सातयै ६
यो रायोऽवनिर्महान्त् सुपारः सुन्वतः सखा । तस्मा इन्द्राय गायत १०

(५) पञ्चमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

गायत्री छन्दः

आ त्वेता नि षीदते न्द्रमभि प्र गायत । सखायुः स्तोमवाहसः १
पुरुतमं पुरुणा मीशानं वार्याणाम् । इन्द्रं सोमे सचा सुते २
स घा नो योग आ भुवत् स राये स पुरंध्याम् । गमद्वाजैभिरा स नः ३
यस्य संस्थे न वृणवते हरीं समत्सु शत्रवः । तस्मा इन्द्राय गायत ४
सुतपावने सुता इमे शुचयो यन्ति वीतयै । सोमासो दध्याशिरः ५
त्वं सुतस्य पीतयै सद्यो वृद्धो अजायथाः । इन्द्र ज्यैष्ठ्याय सुक्रतो ६
आ त्वा विशन्त्वाशवः सोमास इन्द्र गिर्वणः । शं तै सन्तु प्रचेतसे ७
त्वां स्तोमा अवीवृधन् त्वामुक्था शतक्रतो । त्वां वर्धन्तु नो गिरः ८
अक्षितोतिः सनेदिमं वाजमिन्द्रः सहस्त्रिणाम् । यस्मिन् विश्वानि पौस्या ९
मा नो मर्ता अभि द्रुहन् तनूनामिन्द्र गिर्वणः । ईशानो यवया वृधम् १०

(६) षष्ठं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । (१-३, १०)

आद्यानां तिसृणां दशम्याश्चेन्द्रः (४-६) चतुर्थीतः षण्णां मरुतः, तत्रापि (५, ७)

पञ्चमीसप्तम्योश्चेन्द्रो देवताः । गायत्री छन्दः

युञ्जन्ति ब्रध्नमरुषं चरन्तं परि तस्थुषः । रोचन्ते रोचना दिवि १
युञ्जन्त्यस्य काम्या हरी विपक्षसा रथै । शोणा धृष्ण नृवाहसा २
केतुं कृणवन्नकेतवे पेशौ मर्या अपेशसै । समुषद्विरजायथाः ३
आदह स्वधामनु पुनर्गर्भत्वमैरिरे । दधाना नाम युजियम् ४
वीळु चिदारुजबुभिर्गुहा चिदिन्द्र वह्निभिः । अविन्द उस्त्रिया अनु ५
देवयन्तो यथा मृति मच्छा विदद्वसुं गिरः । महामनूषत श्रुतम् ६
इन्द्रेण सं हि दृक्षसे संजग्मानो अबिभ्युषा । मन्दू समानवर्चसा ७
अनवद्यैरभिद्युभिर्मुखः सहस्वदर्चति । गणैरिन्द्रस्य काम्यैः ८
अतः परिज्मन्ना गहि दिवो वा रोचनादधि । समस्मिन्नृञ्जते गिरः ९

इतो वा सातिमीमहे दिवो वा पार्थिवादधि । इन्द्रं महो वा रजसः १०

(७) सप्तमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

गायत्री छन्दः

इन्द्रमिद्वाथिनो बृहदिन्द्रमर्केभिरर्किणः । इन्द्रं वाणीरनूषत १
 इन्द्र इन्द्रयोः सचा संमिश्र आ वचोयुजा । इन्द्रो वज्री हिरण्ययः २
 इन्द्रो दीर्घाय चक्षस आ सूर्य रोहयद् दिवि । वि गोभिरद्रिमैरयत् ३
 इन्द्र वाजेषु नोऽव सहस्रप्रधनेषु च । उग्र उग्राभिरूतिभिः ४
 इन्द्रं वयं महाधन इन्द्रमर्भे हवामहे । युजं वृत्रेषु वज्रिणम् ५
 स नो वृषन्नमुं चरुं सत्रादावन्नपा वृधि । अस्मभ्यमप्रतिष्कृतः ६
 तुञ्जेतुञ्जे य उत्तरे स्तोमा इन्द्रस्य वज्रिणः । न विन्दे अस्य सुष्टुतिम् ७
 वृषा यूथेव वंसगः कृष्टीरियत्योजसा । ईशानो अप्रतिष्कृतः ८
 य एकश्चर्षणीनां वसूनामिरज्यति । इन्द्रः पञ्च क्षितीनाम् ९
 इन्द्रं वो विश्वतस्परि हवामहे जनैभ्यः । अस्माकमस्तु केवलः १०

(८) अष्टमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

गायत्री छन्दः

एन्द्रं सानुसिं रयिं सजित्वानं सदासहम् । वर्षिष्ठमूतयै भर १
 नि येन मुष्टिहृत्या नि वृत्रा रुणधामहे । त्वोतासो न्यर्वता २
 इन्द्र त्वोतास आ वयं वज्रं घृणा ददीमहि । जयैम सं युधि स्पृधः ३
 वयं शूरेभिरस्तृभि रिन्द्र त्वया युजा वयम् । सासह्यार्म पृतन्यतः ४
 महां इन्द्रः परश्च नु महित्वमस्तु वज्रिणै । द्यौर्न प्रथिना शर्वः ५
 समोहे वा य आशत नरस्तोकस्य सन्तितौ । विप्रासो वा धियायवः ६
 यः कुक्षिः सौमपातमः समुद्र इव पिन्वते । उर्वीरापो न काकुदः ७
 एवा ह्यस्य सूनृता विरप्शी गोमती मही । पक्वा शाखा न दाशुषै ८
 एवा हि ते विभूतय ऊतय इन्द्र मावते । सद्यश्चित् सन्ति दाशुषै ९
 एवा ह्यस्य काम्या स्तोम उक्थं च शंस्या । इन्द्राय सोमपीतये १०

(६) नवमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

गायत्री छन्दः

इन्द्रेहि मत्स्यन्धसो विश्वैभिः सोमपर्वभिः । मुहाँ अभिष्टिरोजसा १
 एमैनं सृजता सुते मन्दिमिन्द्राय मन्दिनै । चक्रिं विश्वानि चक्रये २
 मत्स्वा सुशिप्र मन्दिभिः स्तोमैभिर्विश्वचर्षणे । सचैषु सर्वनेष्वा ३
 असृग्रमिन्द्र ते गिरुः प्रति त्वामुदहासत । अजौषा वृषभं पतिम् ४
 सं चौदय चित्रमर्वाग् राधे इन्द्र वरेण्यम् । असदित् तै विभु प्रभु ५
 अस्मान्त्सु तत्र चोदयेन्द्र राये रभस्वतः । तुविद्युम्न यशस्वतः ६
 सं गोमदिन्द्र वाजव दस्मे पृथु श्रवौ बृहत् । विश्वायुर्धेह्यक्षितम् ७
 अस्मे धेहि श्रवौ बृहद् द्युम्नं सहस्रसार्तमम् । इन्द्र ता रथिनीरिषः ८
 वसोरिन्द्रं वसुपतिं गीर्भिर्गृणन्तं ऋग्मियम् । होम गन्तारमूतयै ९
 सुते सुते न्यौकसे बृहद् बृहत् एदरिः । इन्द्राय शूषमर्चति १०

(१०) दशमं सूक्तम्

(१-१२) द्वादशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

अनुष्टुप् छन्दः

गायन्ति त्वा गायत्रिणोऽर्चन्त्यर्कमुर्किणः ।
 ब्रह्माणस्त्वा शतक्रतु उद् वंशमिव येमिरे १
 यत् सानोः सानुमारुहद् भूर्यस्पष्ट कर्त्वम् ।
 तदिन्द्रो अर्थं चेतति यूथेन वृष्णिरेजति २
 युद्धवा हि केशिना हरी वृषणा कक्ष्यप्रा ।
 अथा न इन्द्र सोमपा गिरामुपश्रुतिं चर ३
 एहि स्तोमाँ अभि स्वराऽभि गृणीह्या रुव ।
 ब्रह्म च नो वसो सचेन्द्र यज्ञं च वर्धय ४
 उक्थमिन्द्राय शंस्यं वर्धनं पुरुनिषिधे ।
 शक्रो यथा सुतेषु णो रारणात् सख्येषु च ५
 तमित् सखित्व ईमहे तं राये तं सुवीर्यै ।
 स शक्र उत नः शक्र दिन्द्रो वसु दयमानः ६
 सुविवृतं सुनिरज मिन्द्र त्वादातमिद्यशः ।

गवामपे वृजं वृधि कृणुष्व राधौ अद्रिवः ७
 नहि त्वा रोदसी उभे ऋघायमाणमिन्वतः ।
 जेषुः स्वर्वतीरपः सं गा अस्मभ्यं धूनुहि ८
 आश्रुत्कर्णं श्रुधी हवं नू चिदधिष्व मे गिरः ।
 इन्द्र स्तोममिमं मम कृष्वा युजश्चिदन्तरम् ९
 विद्या हि त्वा वृषन्तमं वार्जेषु हवनश्रुतम् ।
 वृषन्तमस्य हूमह ऊतिं सहस्रसार्तमाम् १०
 आ तू न इन्द्र कौशिक मन्दसानः सुतं पिब ।
 नव्यमायुः प्र सू तिर कृधी सहस्रसामृषिम् ११
 परि त्वा गिर्वणो गिर इमा भवन्तु विश्वतः ।
 वृद्धायुमनु वृद्धयो जुष्टो भवन्तु जुष्टयः १२

(११) एकादशं सूक्तम्

(१-८) अष्टर्चस्यास्य सूक्तस्य माधुच्छन्दसो जेता ऋषिः । इन्द्रो देवता ।

अनुष्टुप् छन्दः

इन्द्रं विश्वा अवीवृधन्त् समुद्रव्यचसं गिरः ।
 रथीतमं रथीनां वाजानां सत्पतिं पतिम् १
 सख्ये त इन्द्र वाजिनो मा भैम शवसस्पते ।
 त्वामुभि प्र णौनुमो जेतारमपराजितम् २
 पूर्वोरिन्द्रस्य रातयो न वि दस्यन्त्युतयः ।
 यदी वार्जस्य गोमतः स्तोतृभ्यो महेते मुघम् ३
 पुरां भिन्दुर्युवा कवि रमितौजा अजायत ।
 इन्द्रो विश्वस्य कर्मणो धर्ता वृज्जी पुरुष्टतः ४
 त्वं वलस्य गोमतोऽपावरद्रिवो बिलम् ।
 त्वां देवा अबिभ्युषस् तुज्यमानास आविषुः ५
 तवाहं शूर रातिभिः प्रत्यायं सिन्धुमावदन् ।
 उपातिष्ठन्त गिर्वणो विदुष्टे तस्य कारवः ६
 मायाभिरिन्द्र मायिनं त्वं शुष्णमवातिरः ।
 विदुष्टे तस्य मेधिरास् तेषां श्रवांस्युत्तिर ७
 इन्द्रमीशानमोजसा भि स्तोमा अनूषत ।

सहस्रं यस्य रातय उत वा सन्ति भूर्यसीः ८

(१२) द्वादशं सूक्तम्

(१-१२) द्वादशर्चस्यास्य सूक्तस्य कारणो मेधातिथिर्ऋषिः । अग्निर्देवता, तत्रापि

(६) षष्ठ्या ऋच आद्यपादस्य निर्मथ्याहवनीयावग्नी देवते । गायत्री छन्दः

अग्निं दूतं वृणीमहे होतारं विश्ववेदसम् । अस्य यज्ञस्य सुक्रतुम् १
अग्निर्मग्निं हवीमभिः सदा हवन्त विश्पतिम् । हव्यवार्हं पुरुप्रियम् २
अग्ने देवाँ इहा वह जज्ञानो वृक्तबर्हिषे । असि होता न ईडयः ३
तां उशतो वि बोधय यदग्ने यासि दूत्यम् । देवैरा सत्सि बर्हिषि ४
घृताहवन दीदिवः प्रति ष्म रिषतो दह । अग्ने त्वं रक्षस्विनः ५
अग्निनाग्निः समिध्यते क्विर्गृहपतिर्युवा । हव्यवाङ् जुह्वास्यः ६
क्विमग्निमुप स्तुहि सत्यधर्माणमध्वरे । देवममीव चार्तनम् ७
यस्त्वामग्ने हविष्पतिर्दूतं देव सपर्यति । तस्य स्म प्राविता भव ८
यो अग्निं देववीतये हविष्माँ आविवांसति । तस्मै पावक मृळय ९
स नः पावक दीदिवोऽग्ने देवाँ इहा वह । उप यज्ञं हविश्च नः १०
स नः स्तवान् आ भर गायत्रेण नवीयसा । रयिं वीरवतीमिषम् ११
अग्ने शक्रेण शोचिषा विश्वाभिर्देवहूतिभिः । इमं स्तोमं जुषस्व नः १२

(१३) त्रयोदशं सूक्तम्

(१-१२) द्वादशर्चस्यास्य सूक्तस्य कारणो मेधातिथिर्ऋषिः । (१) आद्याया ऋच

इध्मः समिद्धो वाग्निः (२) द्वितीयायास्तनूनपात् (३) तृतीयाया नराशंसः (४)

चतुर्थ्या इळः (५) पञ्चम्या बर्हिः (६) षष्ठ्या देवीर्द्वारः (७) सप्तम्या

उषासानक्ता (८) अष्टम्या दैव्यौ होतारौ प्रचेतसौ (९) नवम्यास्तिस्त्रो देव्यः

सरस्वतीळाभारत्यः (१०) दशम्यास्त्वष्टा (११) एकादश्या वनस्पतिः (१२)

द्वादश्याश्च स्वाहाकृतयोऽग्निरूपा देवताः । गायत्री छन्दः (एतदाप्रीसूक्तम्)

सुसमिद्धो न आ वह देवाँ अग्ने हविष्मते । होतः पावक यक्षि च १
मधुमन्तं तनूनपाद् यज्ञं देवेषु नः कवे । अद्या कृणुहि वीतये २
नराशंसमिह प्रिय मस्मिन् यज्ञ उप ह्वये । मधुजिह्वं हविष्कृतम् ३
अग्ने सुखतमे रथे देवाँ ईळित आ वह । असि होता मनुर्हितः ४
स्तृणीत बर्हिरानुषग् घृतपृष्ठं मनीषिणः । यत्रामृतस्य चक्षणम् ५

वि श्रयन्तामृतावृधो द्वारो देवीरसश्चतः । अद्या नूनं च यष्टवे ६
 नक्तोषासा सुपेशसाऽस्मिन् यज्ञ उप ह्वये । इदं नो बर्हिरासदै ७
 ता सुजिह्वा उप ह्वये होतारा दैव्या कवी । यज्ञं नो यक्षतामिमम् ८
 इळा सरस्वती मही तिस्रो देवीर्मयोभुवः । बर्हिः सीदन्त्वस्त्रिधः ९
 इह त्वष्टारमग्रियं विश्वरूपमुप ह्वये । अस्माकमस्तु केवलः १०
 अवं सृजा वनस्पते देवं देवेभ्यो हविः । प्र दातुरस्तु चेतनम् ११
 स्वाहा यज्ञं कृणोतनेन्द्राय यज्वनो गृहे । तत्र देवाँ उप ह्वये १२

(१४) चतुर्दशं सूक्तम्

(१-१२) द्वादशर्चस्यास्य सूक्तस्य कारवो मेधातिथिर्ऋषिः । विश्वे देवा देवताः ।

गायत्री छन्दः

ऐभिरग्ने दुवो गिरो विश्वेभिः सोमपीतये । देवेभिर्याहि यक्षि च १
 आ त्वा कण्वा अहूषत गृणन्ति विप्र ते धियः । देवेभिरग्र आ गहि २
 इन्द्रवायू बृहस्पति मित्राग्निं पूषणं भगम् । आदित्यान् मारुतं गणम् ३
 प्र वो भ्रियन्त इन्द्रो मत्सरा मादयिष्णवः । इप्सा मध्वश्चमूषदः ४
 ईळते त्वामवस्यवः कण्वासो वृक्तबर्हिषः । हविष्मन्तो अरंकृतः ५
 घृतपृष्ठा मनोयुजो ये त्वा वहन्ति वह्नयः । आ देवान्सोमपीतये ६
 तान् यजत्राँ ऋतावृधोऽग्ने पत्नीवतस्कृधि । मध्वः सुजिह्वा पायय ७
 ये यजत्रा य ईड्यास् ते ते पिबन्तु जिह्वया । मधोरग्ने वर्षटकृति ८
 आकीं सूर्यस्य रोचनाद् विश्वान्देवाँ उषर्बुधः । विप्रो होतेह वक्षति ९
 विश्वेभिः सोम्यं मध्वऽग्र इन्द्रेण वायुना । पिबा मित्रस्य धामभिः १०
 त्वं होता मनुर्हितोऽग्ने यज्ञेषु सीदसि । सेमं नो अध्वरं यज ११
 युद्ध्वा ह्यरुषी रथे हरितो देव रोहितः । ताभिर्देवाँ इहा वह १२

(१५) पञ्चदशं सूक्तम्

(१-१२) द्वादशर्चस्यास्य सूक्तस्य कारवो मेधातिथिर्ऋषिः । (१) आद्याया ऋच
 इन्द्रः (२) द्वितीयाया मरुतः (३) तृतीयायास्त्वष्टा (४) चतुर्थ्या अग्निः (५)
 पञ्चम्या इन्द्रः (६) षष्ठ्या मित्रावरुणौ (७-१०) सप्तमीतश्चतसृणां द्रविणोदा अग्निः
 (११) एकादश्या अश्विनौ (१२) द्वादश्याश्चाग्निर्देवताः (ऋतुदेवता एताः) ।

गायत्री छन्दः

इन्द्र सोमं पिबेत् ऋतुनाऽऽ त्वा विशन्तिवन्देवः । मत्सरासस्तदौकसः १
 मरुतः पिबेत् ऋतुना पोत्राद् यज्ञं पुनीतन । यूयं हि ष्ठा सुदानवः २
 अभि यज्ञं गृणीहि नो ग्रावो नेष्टुः पिबेत् ऋतुना । त्वं हि रत्नधा असि ३
 अग्रे देवाँ इहा वह सादया योनिषु त्रिषु । परि भूष पिबेत् ऋतुना ४
 ब्राह्मणादिन्द्र राधसः पिबा सोममृतूर्नु । तवेद्धि सख्यमस्तृतम् ५
 युवं दक्षं धृतव्रत मित्रावरुण दूळभम् । ऋतुना यज्ञमाशाथे ६
 द्रविणोदा द्रविणसो ग्रावहस्तासो अध्वरे । यज्ञेषु देवमीळते ७
 द्रविणोदा ददातु नो वसूनि यानि शृण्वरे । देवेषु ता वनामहे ८
 द्रविणोदाः पिपीषति जुहोतु प्र च तिष्ठत । नेष्टादृतुभिरिष्यत ९
 यत् त्वा तुरीयमृतुभिर्द्रविणोदो यजामहे । अर्धस्मा नो ददिर्भव १०
 अश्विनापिबेत् मधु दीद्यग्नी शुचिव्रता । ऋतुना यज्ञवाहसा ११
 गार्हपत्येन सन्त्य ऋतुना यज्ञनीरसि । देवान् देवयुते यज १२

(१६) षोडशं सूक्तम्

(१-६) नवर्चस्यास्य सूक्तस्य काण्वो मेधातिथिर्ऋषिः । इन्द्रो देवता । गायत्री
 छन्दः

आ त्वा वहन्तु हरयो वृषणं सोमपीतये । इन्द्र त्वा सूरचक्षसः १
 इमा धाना घृतस्रुवो हरी इहोप वक्षतः । इन्द्र सुखर्तमे रथे २
 इन्द्र प्रातर्हवामह इन्द्र प्रयत्यध्वरे । इन्द्रं सोमस्य पीतये ३
 उप नः सुतमा गहि हरिभिरिन्द्र केशिभिः । सुते हि त्वा हवामहे ४
 सेमं नः स्तोममा गृह्येदं सर्वनं सुतम् । गौरो न तृषितः पिब ५
 इमे सोमास इन्देवः सुतासो अर्धि बर्हिषि । ताँ इन्द्र सहसे पिब ६
 अयं ते स्तोमो अग्रियो हृदिस्पृगस्तु शन्तमः । अथा सोमं सुतं पिब ७
 विश्वमित्सर्वनं सुत मिन्द्रो मदाय गच्छति । वृत्रहा सोमपीतये ८
 सेमं नः काममा पूण गोभिरश्वैः शतक्रतो । स्तवाम त्वा स्वाध्यः ९

(१७) सप्तदशं सूक्तम्

(१-६) नवर्चस्यास्य सूक्तस्य काण्वो मेधातिथिर्ऋषिः । इन्द्रावरुणौ देवते । (१-
 ३, ६-६) प्रथमतृचस्य षष्ठ्यादिचतुर्ऋचाञ्च गायत्री (४-५) चतुर्थीपञ्चम्योश्च
 पादनिचृत् (५) पञ्चम्या हसीयसी वा गायत्री छन्दसी

इन्द्रावरुणयोरहं सम्राजोरव आ वृणे । ता नो मृळात ईदृशे १
 गन्तारा हि स्थोऽवसे हवं विप्रस्य मावतः । धर्तारा चर्षणीनाम् २
 अनुकामं तर्पयेथा मिन्द्रावरुण राय आ । ता वां नेदिष्ठमीमहे ३
 युवाकु हि शचीनां युवाकु सुमतीनाम् । भूयाम वाजदाव्नाम् ४
 इन्द्रः सहस्रदाव्नां वरुणः शंस्यानाम् । क्रतुर्भवत्युक्थ्यः ५
 तयोरिदवसा वयं सनेम नि च धीमहि । स्यादुत प्रेचनम् ६
 इन्द्रावरुण वामहं हुवे चित्राय राधसे । अस्मान्सु जिग्युषस्कृतम् ७
 इन्द्रावरुण नू नु वां सिषासन्तीषु धीष्वा । अस्मभ्यं शर्म यच्छतम् ८
 प्र वामश्नोतु सुष्टुति रिन्द्रावरुण यां हुवे । यामृधार्थे सधस्तुतिम् ९

(१८) अष्टादशं सूक्तम्

(१-६) नवर्चस्यास्य सूक्तस्य काण्वो मेधातिथिर्ऋषिः । (१-३) प्रथमतृचस्य
 ब्रह्मणस्पतिः (४) चतुर्थ्या इन्द्रो ब्रह्मणस्पतिः सोमश्च (५) पञ्चम्या ब्रह्मणस्पतिः
 सोम इन्द्रो दक्षिणा च (६-८) षष्ठ्यादितृचस्य सदसस्पतिः (९) नवम्याः

सदसस्पतिर्नराशंसो वा देवताः । गायत्री छन्दः

सोमानं स्वरणं कृणुहि ब्रह्मणस्पते । कक्षीवन्तं य औशिजः १
 यो रेवान् यो अमीवहा वसुवित् पुष्टिवर्धनः । स नः सिषक्तु यस्तुरः २
 मा नः शंसो अररुषो धूर्तिः प्रणइ मर्त्यस्य । रक्षा णो ब्रह्मणस्पते ३
 स घा वीरो न रिष्यति यमिन्द्रो ब्रह्मणस्पतिः । सोमो हिनोति मर्त्यम् ४
 त्वं तं ब्रह्मणस्पते सोम इन्द्रश्च मर्त्यम् । दक्षिणा पात्वंहसः ५
 सदसस्पतिमद्भुतं प्रियमिन्द्रस्य काम्यम् । सनि मेधामयासिषम् ६
 यस्मादृते न सिध्यति यज्ञो विपश्चितश्चन । स धीनां योगमिन्वति ७
 आदृध्नोति हविष्कृतिं प्राञ्च कृणोत्यध्वरम् । होत्रा देवेषु गच्छति ८
 नराशंसं सुधृष्टम् मर्षयं सप्रथस्तमम् । दिवो न सधमखसम् ९

(१९) एकोनविंशं सूक्तम्

(१-६) नवर्चस्यास्य सूक्तस्य काण्वो मेधातिथिर्ऋषिः । अग्निर्मरुतश्च देवताः ।

गायत्री छन्दः

प्रति त्यं चारुमध्वरं गोपीथाय प्र हूयसे । मरुद्भिरग्न आ गंहि १
 नहि देवो न मर्त्यो महस्तव क्रतु परः । मरुद्भिरग्न आ गंहि २

ये म॒हो रज॑सो वि॒दुर्विश्वे॑ दे॒वासो अ॒द्रुहः॑ । म॒रुद्भि॑रग्र॒ आ ग॑हि ३
 य उ॒ग्रा अ॒र्कमा॑नृचु रना॑धृष्टास॒ ओज॑सा । म॒रुद्भि॑रग्र॒ आ ग॑हि ४
 ये शु॒भ्रा घो॑रव॒र्षसः॑ सु॒क्षत्रा॑सो रि॒शाद॑सः । म॒रुद्भि॑रग्र॒ आ ग॑हि ५
 ये ना॒कस्या॑धि रोच॒ने दि॒वि दे॒वास॑ आस॒ते । म॒रुद्भि॑रग्र॒ आ ग॑हि ६
 य ई॒ङ्क्ष्य॑न्ति पर्व॒तान् ति॒रः संमु॑द्रम॒र्णव॑म् । म॒रुद्भि॑रग्र॒ आ ग॑हि ७
 आ ये त॒न्वन्ति॑ र॒श्मिभि॑स् ति॒रः संमु॑द्रमोज॒सा । म॒रुद्भि॑रग्र॒ आ ग॑हि ८
 अ॒भि त्वा॑ पू॒र्वपी॑तये सृ॒जामि॑ सो॒म्यं मधु॑ । म॒रुद्भि॑रग्र॒ आ ग॑हि ९
 इति प्रथमाष्टके प्रथमोऽध्याय ।

द्वितीयोऽध्यायः २ व० १-३८

(२०) विंशं सूक्तम्

(१-८) अष्टर्चस्यास्य सूक्तस्य काण्वो मेधातिथिर्ऋषिः । ऋभवो देवताः ।

गायत्री छन्दः

अ॒यं दे॒वाय॑ जन्म॒ने स्तोमो॑ वि॒प्रेभि॑रा॒सया॑ । अ॒कारि॑ रत्न॒धात॑मः १
 य इन्द्रा॑य वचो॒युजा॑ तत्तु॒र्मन॑सा हरी । श॒र्माभिर्य॑ज्ञमा॒शत॑ २
 तक्ष॑न् नास॒त्याभ्यां॑ परि॒ज्मानं॑ सु॒खं रथ॑म् । तक्ष॑न् धेनुं॒ संबु॑र्दु॒घाम् ३
 युवा॑ना पि॒तरा॑ पुनः॒ सत्य॑मन्त्रा ऋजू॒यवः॑ । ऋ॒भवो वि॑ष्टय॒क्रत॑ ४
 सं वो म॑दा॒सो अ॒गम॑ते न्द्रेण च म॒रुत्व॑ता । आ॒दित्ये॑भिश्च॒ राज॑भिः ५
 उ॒त त्यं च॑म॒सं नव॑ं त्वष्टु॒र्देव॑स्य निष्कृतम् । अ॒र्कत॑ च॒तुरः पुनः॑ ६
 ते नो॑ रत्नानि धत्तन् त्रि॒रा सा॑प्तानि सु॒न्वते॑ । ए॒कमे॑कं सु॒शस्ति॑भिः ७
 अ॒धारय॑न्त॒ वह्नयो॑ऽभजन्त सु॒कृत्य॑या । भा॒गं दे॒वेषु॑ य॒ज्ञिय॑म् ८

(२१) एकविंशं सूक्तम्

(१-६) षडृचस्यास्य सूक्तस्य काण्वो मेधातिथिर्ऋषिः । इन्द्राग्नी देवताः ।

गायत्री छन्दः

इहेन्द्रा॑ग्नी उप॒ ह्वये॑ तयो॒रित् स्तोम॑मु॒श्मसि॑ । ता सोम॑ सोम॒पात॑मा १
 ता य॒ज्ञेषु॑ प्र श॑सते न्द्रा॒ग्नी शु॑म्भता नरः । ता गा॒यत्रेषु॑ गायत २
 ता मि॒त्रस्य॑ प्रश॑स्तय इन्द्रा॒ग्नी ता ह॑वामहे । सोम॒पा सोम॑पीतये ३
 उ॒ग्रा सन्ता॑ हवामह॒ उपे॑दं सर्व॒नं सु॑तम् । इन्द्रा॒ग्नी एह॑ गच्छताम् ४
 ता म॒हान्ता॑ सद॒स्पती॑ इन्द्रा॒ग्नी रक्ष॑ उ॒ब्जत॑म् । अ॒प्रजाः सन्त्व॑त्रिणाः ५

तेन सत्येन जागृतमधि प्रचेतुने पदे । इन्द्राग्नी शर्म यच्छतम् ६

(२२) द्वाविंशं सूक्तम्

(१-२१) एकविंशत्यृचस्यास्य सूक्तस्य काण्वो मेधातिथिर्ऋषिः । (१-४)

प्रथमादिचतुर्ऋचामश्विनौ (५-८) पञ्चम्यादिचतसृणां सविता (९-१०)

नवमीदशम्योरग्निः (११) एकादश्या देव्यः (१२) द्वादश्या इन्द्राणीवरुणान्यग्राय्यः

(१३-१४) त्रयोदशीचतुर्दश्योर्द्वावापृथिव्यौ (१५) पञ्चदश्याः पृथिवी (१६)

षोडश्या विष्णुर्देवा वा (१७-२१) सप्तदश्यादिपञ्चानाञ्च विष्णुर्देवताः । गायत्री

छन्दः

प्रात॑र्युजा॒ वि बौ॑धया॒ श्विना॑वेह गच्छताम् । अस्य॑ सोम॑स्य पीत॑यै १
या सुर॑था र॒थीत॑मो॒भा दे॒वा दि॑विस्पृशा । अश्वि॑ना ता हवामहे २
या वां॑ कशा॒ मधु॑म॒त्य श्वि॑ना सूनृता॑वती । तया॑ यु॒ज्ञं मि॑मिक्षतम् ३
नहि॑ वा॒मस्ति॑ दूर॒के यत्रा॑ रथे॒न गच्छ॑थः । अश्वि॑ना सो॒मिनो॑ गृहम् ४
हि॒रण्य॑पाणि॒मूत॑यै स॒वितार॑मुप॒ ह्वये॑ । स चेत्ता॑ दे॒वता॑ प॒दम् ५
अपां॑ नपा॒तम॑र्वसे स॒वितार॑मुप॒ स्तुहि॑ । तस्य॑ वृ॒तान्यु॑श्मसि ६
वि॒भक्ता॑रं हवामहे वसो॑श्चित्र॒स्य राध॑सः । स॒वितारं॑ नृ॒चक्ष॑सम् ७
सखा॑य॒ आ नि॑ षीदत स॒विता॑ स्तोम्यो॒ नु नः॑ । दा॒ता राधा॑सि शु॒म्भति॑ ८
अग्ने॑ पत्नी॒रिहा॑ वह दे॒वाना॑मु॒शती॑रुप । त्वष्टा॑रं सोम॑पीतये ९
आ ग्रा॑ अ॒ग्न इहा॑र्वसे होत्रा॑ यविष्ट॒ भार॑तीम् । वरू॑त्रीं धि॒षणा॑ वह १०
अभि॑ नो दे॒वीर॑र्वसा म॒हः शर्म॑णा नृप॒त्नीः । अ॒च्छिन्न॑पत्राः सचन्ताम् ११
इहेन्द्रा॑णीमुप॒ ह्वये॑ वरु॒णा नीं स्व॒स्तये॑ । अ॒ग्रायीं॑ सोम॑पीतये १२
म॒ही द्यौः पृ॑थि॒वी च॑ न इ॒मं यु॒ज्ञं मि॑मिक्षताम् । पि॒पृतां॑ नो भरी॑मभिः १३
तयो॑रिद् घृ॒तव॑त् पयो॒ विप्रा॑ रिहन्ति धी॒तिभिः॑ । गु॒न्धर्व॑स्य ध्रु॒वे प॒दे १४
स्यो॒ना पृ॑थि॒वि भवा॑ नृ॒क्षरा॑ नि॒वेश॑नी । यच्छा॑ नः शर्म॑ स॒प्रथः॑ १५
अतो॑ दे॒वा अ॒वन्तु॑ नो यतो॒ विष्णु॑र्विच॒क्रमे॑ । पृथि॒व्याः स॒प्त धाम॑भिः १६
इदं॑ विष्णु॑र्वि च॒क्रमे॑ त्रे॒धा नि॑ द॒धे प॒दम् । समू॑हळमस्य पांसुरे १७
त्रीणि॑ प॒दा वि॑ च॒क्रमे॑ विष्णु॑र्गो॒पा अदा॑भ्यः । अतो॑ धर्मा॑णि धा॒रय॑न् १८
विष्णोः॑ कर्मा॑णि पश्य॑त॒ यतो॑ वृ॒तानि॑ पस्प॒शे । इन्द्र॑स्य यु॒ज्यः सखा॑ १९
तद् विष्णोः॑ प॒रमं॑ प॒दं सदा॑ पश्यन्ति सूर॑यः । दि॒वीव॑ चक्षु॒रात॑तम् २०
तद् विप्रा॑सो विप॒न्यवो॑ जागृ॒वांसः॑ समि॒न्धते॑ । विष्णो॑र्यत् प॒रमं॑ प॒दम् २१

(२३) त्रयोविंशं सूक्तम्

(१-२४) चतुर्विंशत्यृचस्यास्य सूक्तस्य कारवो मेधातिथिर्ऋषिः । (१) प्रथमाया
 ऋचो वायुः (२-३) द्वितीयातृतीययोरिन्द्रवायू (४-६) चतुर्थ्यादितृचस्य
 मित्रावरुणौ (७-९) सप्तम्यादितृचस्येन्द्रो मरुत्वान् (१०-१२) दशम्यादितृचस्य
 विश्वे देवाः (१३-१५) त्रयोदश्यादितृचस्य पूषा (१६-२२, २३)
 षोडश्यादिसप्तानां त्रयोविंश्याः पूर्वार्धस्य चापः (२३, २४) त्रयोविंश्याः परार्धस्य
 चतुर्विंश्याश्चाग्निर्देवताः । (१-१८) प्रथमाद्यष्टादशर्चा गायत्री (१९)
 एकोनविंश्याः पुरउष्णिक् (२१) एकविंश्याः प्रतिष्ठा (२०, २२-२४) विंश्या
 द्वाविंश्यादितृचस्य चानुष्टुप् छन्दांसि

ती॒व्राः सोमा॑स॒ आ ग॑ह्या॒ शी॒र्वन्तः सु॒ता इ॒मे । वा॒यो ता॑न् प्र॒स्थितान्॑ पिब
 १

उ॒भा दे॒वा दि॒विस्पृ॑शै॒न्द्रवा॒यू ह॑वामहे । अस्य सोमस्य पीतये २
 इन्द्र॒वायू॑ म॒नोजु॒वा वि॒प्रा ह॑वन्त ऊ॒तये॑ । सह॒स्त्राक्षा॑ ध्रियस्पती ३
 मि॒त्रं व॒यं ह॑वामहे वरु॑णं सोमपीतये । ज॒ज्ञाना॑ पू॒तदक्ष॑सा ४
 ऋ॒तेन॑ यावृ॒तावृ॑धा॒ वृ॒तस्य॑ ज्योति॒षस्प॑ती । ता मि॒त्रावरु॑णा वे ५
 वरु॑णः प्रा॒विता भु॑वन् मि॒त्रो वि॒श्वाभि॑रू॒तिभिः॑ । क॒रतां॑ नः सु॒राध॑सः ६
 म॒रुत्व॑न्तं हवामहे इन्द्र॒मा सोम॑पीतये । स॒जूर्ग॑णेन तृ॒म्पतु॑ ७
 इन्द्र॒ज्येष्ठा॑ मरु॒द्गणा॑ दे॒वासः॑ पू॒षरा॑तयः । वि॒श्वे म॑म श्रु॒ता ह॑वम् ८
 ह॒त वृ॒त्रं सु॑दानव॒ इन्द्रै॑ण॒ सह॑सा यु॒जा । मा नो॑ दुःशंस ई॒शत॑ ९
 वि॒श्वन् दे॒वान् ह॑वामहे म॒रुतः॑ सोमपीतये । उ॒ग्रा हि॑ पृ॒श्निमा॑तरः १०
 जय॑तामिव तन्य॒तु म॑रुतामेति धृ॒ष्णुया॑ । यच्छु॒भं या॒थना॑ नरः ११
 ह॒स्का॒राद् वि॒द्युत॑स्प॒र्यऽतो॑ जा॒ता अ॑वन्तु नः । म॒रुतो॑ मृ॒ळय॑न्तु नः १२
 आ पू॒षञ्चि॒त्रब॑र्हिष॒ माघृ॑णे ध॒रुणं॑ दि॒वः । आ॒जा नृ॑ष्टं यथा प॒शुम् १३
 पू॒षा रा॒जान॑माघृ॒णि र॑प॒गूह॑ळं गु॒हा हि॑तम् । अ॒विन्द॑ञ्चि॒त्रब॑र्हिषम् १४
 उ॒तो स॑ म॒ह्यमि॑न्दु॒भिः ष॑ड्यु॒क्ताँ अ॑नु॒सेषि॑धत् । गो॒भिर्य॑वं न च॒र्कष॑त् १५
 अ॒म्बयो॑ य॒न्त्यध्व॑भि॒र्जाम॑यो॒ अध्व॑रीय॒ताम् । पृ॒ञ्चती॑र्मधु॒ना प॑यः १६
 अ॒मूर्या॑ उप॒ सूर्ये॑ याभि॒र्वा सूर्यः॑ स॒ह । ता नो॑ हि॒न्वन्त्व॑ध्व॒रम् १७
 अ॒पो दे॒वीरु॑प॒ ह्वये॑ यत्र गा॒वः पि॑बन्ति नः । सि॒न्धुभ्यः॑ क॒र्त्वं ह॒विः १८
 अ॒प्स्वश्॑न्तर॒मृत॑म॒प्सु भै॑ष॒जम॑पा॒मुत॑ प्र॒शस्त॑ये । दे॒वा भ॑व॒त वा॒जिनः॑ १९
 अ॒प्सु मे॒ सोमो॑ अ॒ब्रवी॑ द॒न्तर्वि॑श्वानि भेष॒जा ।

अग्निं च विश्वशंभुव मापश्च विश्वभैषजीः २०
 आपः पृणीत भैषजं वरूथं तन्वेडु मम । ज्योक्च सूर्यं दृशे २१
 इदमापः प्र वहत यत् किं च दुरितं मयि ।
 यद् वाहमभिदुद्रोह यद् वा शेष उतानृतम् २२
 आपौ अद्यान्वचारिषं रसेन समगस्महि ।
 पर्यस्वानग्र आ गहि तं मा सं सृज वर्चसा २३
 सं माग्ने वर्चसा सृज सं प्रजया समायुषा ।
 विद्युर्मे अस्य देवा इन्द्रो विद्यात् सह ऋषिभिः २४

(२४) चतुर्विंशं सूक्तम्

(१-१५) पञ्चदशर्चस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो देवरातः) ऋषिः । (१) प्रथमाया ऋचः कः (प्रजापतिः) (२) द्वितीयाया अग्निः (३-५) तृतीयादितृचस्य सविता (५) पञ्चम्या भगो वा (६-१५) षष्ठ्यादिदशर्चाञ्च वरुणो देवताः । (१-२, ६-१५) आद्ययोर्द्वयचोः षष्ठ्यादिदशर्चाञ्च त्रिष्टुप् (३-५) तृतीयादितृचस्य च गायत्री छन्दसी कस्य नूनं कृतमस्यामृतानां मनामहे चारु देवस्य नाम ।
 को नो मृह्या अदितये पुनर्दात् पितरं च दृशेयं मातरं च १
 अग्नेर्वयं प्रथमस्यामृतानां मनामहे चारु देवस्य नाम ।
 स नो मृह्या अदितये पुनर्दात् पितरं च दृशेयं मातरं च २
 अभि त्वा देव सवितु रीशानं वार्याणाम् । सदावन् भागमीमहे ३
 यश्चिद्धि त इत्था भगः शशमानः पुरा निदः । अद्वेषो हस्तयोर्दधे ४
 भगभक्तस्य ते वय मुदंशेम् तवार्चसा । मूर्धानं राय आरभे ५
 नहि तै क्षत्रं न सहो न मन्युं वयश्चनामी पुतयन्त आपुः ।
 नेमा आपौ अनिमिषं चरन्ती न ये वारतस्य प्रमिनन्त्यभ्वम् ६
 अबुध्रे राजा वरुणो वनस्योर्ध्वं स्तूपं ददते पूतदक्षः ।
 नीचीनाः स्थुरुपरि बुध्र एषा मस्मे अन्तर्निहिताः केतवः स्युः ७
 उरुं हि राजा वरुणश्चकार सूर्याय पन्थामन्वेतवा उ ।
 अपदे पादा प्रतिधातवेऽक रुतापवक्ता हृदयाविधश्चित् ८
 शतं तै राजन् भिषजः सहस्रं मुर्वी गभीरा सुमतिष्टे अस्तु ।
 बाधस्व दूरे निर्मृतिं पराचैः कृतं चिदेनः प्र मुमुग्ध्यस्मत् ९

अमी य ऋक्षा निहितास उच्चा नक्तं ददृश्रे कुहं चिद् दिव्यैः ।
 अदब्धानि वरुणस्य वृतानि विचाकेशच्चन्द्रमा नक्तमेति १०
 तत् त्वां यामि ब्रह्मणा वन्दमानस् तदा शास्ते यजमानो हविर्भिः ।
 अहैळमानो वरुणेह बोध्यु रुशंस मा न आयुः प्र मौषीः ११
 तदिन्नक्तं तद् दिवा मह्यमाहुस् तदयं केतौ हृद् आ वि चष्टे ।
 शुनःशेषो यमहृद् गृभीतः सो अस्मान् राजा वरुणो मुमोक्तु १२
 शुनःशेषो ह्यहृद् गृभीतस् त्रिष्वदित्यं द्रुपदेषु बद्धः ।
 अवैनं राजा वरुणः ससृज्याद् विद्वाँ अदब्धो वि मुमोक्तु पाशान् १३
 अवं ते हेळो वरुण नमोभि रवं यज्ञेभिरीमहे हविर्भिः ।
 क्षयन्नस्मभ्यमसुर प्रचेता राजन्नेनासि शिश्रथः कृतानि १४
 उदुत्तमं वरुण पाशमस्म दवाधमं वि मध्यमं श्रेथाय ।
 अथा वयमादित्य वृते तवा नागसो अदितये स्याम १५

(२५) पञ्चविंशं सूक्तम्

(१-२१) एकविंशत्यृचस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो देवरातः) ऋषिः । वरुणो देवता । गायत्री छन्दः

यच्चिद्धि ते विशो यथा प्र देव वरुण वृतम् । मिनीमसि द्यविद्यवि १
 मा नो वधाये हववे जिहीळानस्य रीरधः । मा हणानस्य मन्यवे २
 वि मृळीकाय ते मनो रथीरक्षं न संदितम् । गीर्भिर्वरुण सीमहि ३
 परा हि मे विमन्यवः पतन्ति वस्येष्टये । वयो न वसतीरुप ४
 कदा क्षत्रश्रियं नर मा वरुणं करामहे । मृळीकायोरुचक्षसम् ५
 तदित् समानमाशाते वेनन्ता न प्र युच्छतः । धृतव्रताय दाशुषे ६
 वेदा यो वीनां पद मन्तरिक्षेण पतताम् । वेद नावः समुद्रियः ७
 वेद मासो धृतव्रतो द्वादश प्रजावतः । वेदा य उपजायते ८
 वेद वार्तस्य वर्तनि मुरोर्ऋष्वस्य बृहतः । वेदा ये अध्यासते ९
 नि षसाद धृतव्रतो वरुणः प्रस्त्याइस्वा । साम्राज्याय सुक्रतुः १०
 अतो विश्वान्यद्भुता चिकित्वाँ अभि पश्यति । कृतानि या च कर्त्वा ११
 स नो विश्वाहा सुक्रतु रादित्यः सुपथां करत् । प्र ण आर्यूषि तारिषत् १२
 बिभ्रद् द्रापिं हिरण्ययं वरुणो वस्त निर्णिजम् । परि स्पशो नि षेदिरे १३
 न यं दिप्सन्ति दिप्सवो न दुह्वाणो जनानाम् । न देवमभिमातयः १४

उ॒त यो मानु॑षेष्वा यश॑श्च॒क्रे असा॑म्या । अ॒स्माक॑मुदरे॒ष्वा १५
 परा॑ मे यन्ति धी॒तयो॑ गावो न गव्य॑तीर॒नु । इच्छ॑न्तीरुच॒क्षसम् १६
 सं नु वो॑चावहै पुन॒र्यतो॑ मे म॒ध्वाभृ॑तम् । होतै॑व क्ष॒दसे॑ प्रि॒यम् १७
 दर्श॑ नु वि॒श्वदर्श॑तुं दर्श॑ रथ॒मधि॑ क्ष॒मि । एता॑ जुष॒त मे॒ गिरः॑ १८
 इमं॑ मे वरुण॑ श्रु॒धी हव॑म॒द्या च॑ मृळय । त्वाम॑व॒स्युरा च॑के १९
 त्वं वि॒श्वस्य॑ मेधिर दि॒वश्च॑ ग्मश्च॑ राज॒सि । स याम॑नि॒ प्रति॑ श्रुधि २०
 उदु॑त्त॒मं मुमु॑ग्धि नो वि पाश॑ म॒ध्यमं॑ च॒त । अवा॑धानि जी॒वसे॑ २१

(२६) षड्विंशं सूक्तम्

(१-१०) दशर्चस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो देवरातः)

ऋषिः । अग्निर्देवता । गायत्री छन्दः

वसि॑ष्वा हि मि॒येध्य॑ वस्त्रा॒णयू॑र्जा पते । सेमं॑ नो अध्व॒रं यज॑ १
 नि नो॑ होता वरै॒णयः॑ सदा॑ यविष्ट॒ मन्म॑भिः । अग्नै॑ दि॒वित्म॑ता वचः॑ २
 आ हि ष्मा॑ सूनवे॒ पिता॑ पिर्यज॒त्यापयै॑ । सखा॑ सख्ये॒ वरै॑णयः ३
 आ नो॑ ब॒र्ही रि॒शाद॑सो वरु॒णो मि॒त्रो अ॒र्यमा॑ । सीद॑न्तु मनु॒षो यथा॑ ४
 पू॒र्व्य हो॒तर॒स्य नो॑ मन्द॑स्व स॒ख्यस्य॑ च । इमा॑ उ॒ षु श्रु॑धी गिरः॑ ५
 यच्चि॑द्धि शश्व॑ता तना॑ दे॒वदै॒वं यजा॑महे । त्वे इ॒द्धय॑ते ह॒विः ६
 प्रि॒यो नो॑ अस्तु वि॒शप॑ति॒ होता॑ म॒न्द्रो वरै॑णयः । प्रि॒याः स्व॒ग्रयो॑ व॒यम् ७
 स्व॒ग्रयो॑ हि वा॒र्य दे॒वासो॑ दधि॒रे च॑ नः । स्व॒ग्रयो॑ मनामहे ८
 अथा॑ न उ॒भयै॑षा म॒मृत॑ म॒र्त्याना॑म् । मि॒थः सं॑न्तु प्र॒शस्त॑यः ९
 वि॒श्वेभिर॑ग्ने अ॒ग्निभि॑रि॒मं यु॒ज्ञमि॑दं वचः॑ । चनो॑ धाः सहसो॒ यहो॑ १०

(२७) सप्तविंशं सूक्तम्

(१-१३) त्रयोदशर्चस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो देवरातः) ऋषिः । (१-१२) प्रथमादिद्वादशर्चामग्निः (१३) त्रयोदश्याश्च देवा देवताः । (१-१२) प्रथमादिद्वादशर्चा गायत्री (१३) त्रयोदश्याश्च त्रिष्टुप् छन्दसी अश्वं न त्वा वार॑वन्तं व॒न्दध्या॑ अ॒ग्निं नमो॑भिः । स॒म्राज॑न्तमध्व॒राणाम् १
 स घा॑ नः सूनुः शर्व॑सा पृथु॒प्रगामा॑ सु॒शेवः॑ । मी॒ढ्वाँ अ॒स्माकं॑ बभू॒यात् २।
 स नो॑ दू॒राच्चा॑साच्च नि म॒र्त्याद॑घा॒योः । पा॒हि स॒दमि॑द् वि॒श्वायुः॑ ३
 इ॒ममू॑ षु त्वम॒स्माकं॑ स॒निं गा॑य॒त्रं नव्या॑सम् । अग्नै॑ दे॒वेषु॑ प्र वो॒चः ४

आ नो भज परमे ष्वा वाजेषु मध्यमेषु । शिन्ना वस्वो अन्तमस्य ५
 विभक्तासि चित्रभानो सिन्धौरुर्मा उपाक आ । सद्यो दाशुषे क्षरसि ६
 यमग्रे पृत्सु मर्त्य मवा वाजेषु यं जुनाः । स यन्ता शश्वतीरिषः ७
 नकिरस्य सहन्त्य पर्येता कर्त्यस्य चित् । वाजो अस्ति श्रवाय्यः ८
 स वाजं विश्वचर्षणि रवद्विरस्तु तरुता । विप्रैभिरस्तु सनिता ९
 जराबोध तद् विविद्धि विशेर्विशे यज्ञियाय । स्तोम रुद्राय दृशीकम् १०
 स नो मुह्यं अनिमानो धूमकेतुः पुरुश्चन्द्रः । धिये वाजाय हिन्वतु ११
 स रेवाँ इव विशपति देव्यः केतुः शृणोतु नः । उक्थैरग्निर्बृहद्भानुः १२
 नमो मुहद्भ्यो नमो अर्भकेभ्यो नमो युवभ्यो नम आशिनेभ्यः ।
 यजाम देवान् यदि शक्नवाम मा ज्यायसः शंसमा वृद्धि देवाः १३

(२८) अष्टाविंशं सूक्तम्

(१-६) नवचर्षस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो देवरातः)
 ऋषिः । (१-४) प्रथमादिचतुर्चामिन्द्रः (५-६) पञ्चमीषष्ठ्योरुलूखलम् (७-
 ८) सप्तम्यष्टम्योरुलूखलमुसले (९) नवम्याश्च प्रजापतिर्हरिश्चन्द्रः अधिषवणचर्म
 सोमो वा देवताः । (१-६) प्रथमादिषड्चामनुष्टुप् (७-९) अन्त्यतृचस्य च
 गायत्री छन्दसी

यत्र ग्रावा पृथुबुध ऊर्ध्वो भवति सोतवे ।
 उलूखलसुताना मवेद्विन्द्र जल्गुलः १
 यत्र द्वाविंश जघना धिषवण्या कृता ।
 उलूखलसुताना मवेद्विन्द्र जल्गुलः २
 यत्र नार्यपच्यव मुपच्यवं च शिञ्जते ।
 उलूखलसुताना मवेद्विन्द्र जल्गुलः ३
 यत्र मन्था विबुधतै रश्मीन् यमित्वा इव ।
 उलूखलसुताना मवेद्विन्द्र जल्गुलः ४
 यच्चिद्धि त्वं गृहेगृह उलूखलक युज्यसे ।
 इह द्युमत्तमं वद जयतामिव दुन्दुभिः ५
 उत स्म ते वनस्पते वातो वि वात्यग्रमित् ।
 अथो इन्द्राय पातवे सुनु सोममुलूखल ६
 आयजी वाजसातमा ता ह्युश्चा विजर्भतः । हरी इवान्धासि बप्सता ७

ता नो अद्य वनस्पती ऋष्वावृष्वेभिः सोतृभिः । इन्द्राय मधुमत् सुतम् ८
उच्छिष्टं चम्बोर्भर सोमं पवित्र आ सृज । नि धेहि गोरधि त्वचि ९

(२९) एकोनत्रिंशं सूक्तम्

(१-७) सप्तर्चस्यास्य सूक्तस्याजीगर्तिः शुनःशेष ऋषिः (स कृत्रिमो वैश्वामित्रो देवरातः) । इन्द्रो देवता । पङ्क्तिश्छन्दः

यच्चिद्धि संत्य सोमपा अनाशस्ता इव स्मसि ।
आ तू न इन्द्र शंसय गोष्वश्वेषु शुश्रिषु सहस्रेषु तुवीमघ १
शिप्रिन् वाजानां पते शचीवस्तव दंसना ।
आ तू न इन्द्र शंसय गोष्वश्वेषु शुश्रिषु सहस्रेषु तुवीमघ २
नि ष्वापया मिथूदृशा सस्तामबुध्यमाने ।
आ तू न इन्द्र शंसय गोष्वश्वेषु शुश्रिषु सहस्रेषु तुवीमघ ३
ससन्तु त्या अरातयो बोधन्तु शूर रातयः ।
आ तू न इन्द्र शंसय गोष्वश्वेषु शुश्रिषु सहस्रेषु तुवीमघ ४
समिन्द्र गर्दभं मृण नुवन्त पापर्यामुया ।
आ तू न इन्द्र शंसय गोष्वश्वेषु शुश्रिषु सहस्रेषु तुवीमघ ५
पताति कुण्डणाच्या दूरं वातो वनादधि ।
आ तू न इन्द्र शंसय गोष्वश्वेषु शुश्रिषु सहस्रेषु तुवीमघ ६
सर्वं परिक्रोशं जहि जम्भया कृकदाश्वम् ।
आ तू न इन्द्र शंसय गोष्वश्वेषु शुश्रिषु सहस्रेषु तुवीमघ ७

(३०) त्रिंशं सूक्तम्

(१-२२) द्वाविंशत्यृचस्यास्य सूक्तस्याजीगर्तिः शुनःशेष ऋषिः (स कृत्रिमो वैश्वामित्रो देवरातः) । (१-१६) प्रथमादिषोडशर्चामिन्द्रः (१७-१९) सप्तदश्यादितृचस्याश्विनौ (२०-२२) विंश्यादितृचस्य च उषा देवताः । (१-१०, १२-१५, १७-२२) प्रथमादिदशर्चा द्वादश्यादिचतुर्ऋचां सप्तदश्यादिषडृचाञ्च गायत्री (११) एकादश्याः पादनिचृद्गायत्री (१६) षोडश्याश्च त्रिष्टुप् छन्दांसि
आ व इन्द्रं क्रिर्वि यथा वाजयन्तः शतक्रतुम् । मंहिष्ठं सिञ्च इन्दुभिः १
शतं वा यः शुचीनां सहस्रं वा समाशिराम् । एदु निम्रं न रीयते २
सं यन्मदाय शुष्मिणा एना ह्यस्योदरैः । समुद्रो न व्यचौ दधे ३

अयमु ते समतसि कपोत इव गर्भधिम् । वचस्तच्चिन्न ओहसे ४
 स्तोत्रं राधानां पते गिर्वाहो वीर यस्य ते । विभूतिरस्तु सूनृता ५
 ऊर्ध्वस्तिष्ठा न ऊतयेऽस्मिन् वाजै शतक्रतो । समन्येषु ब्रवावहै ६
 योगैयोगे तुवस्तरं वाजैवाजे हवामहे । सखाय इन्द्रमूतयै ७
 आ घा गमद्यदि श्रवत् सहस्त्रिणीभिरूतिभिः । वाजैभिरुप नो हवम् ८
 अनु प्रत्स्यौकसो हुवे तुविप्रतिं नरम् । यं ते पूर्वं पिता हुवे ९
 तं त्वा वयं विश्ववाराऽऽशास्महे पुरुहूत । सखे वसो जरितृभ्यः १०
 अस्माकं शिप्रिणीनां सोमपाः सोमपाव्नाम् । सखे वज्रिन्त्सखीनाम् ११
 तथा तदस्तु सोमपाः सखे वज्रिन् तथा कृणु । यथा त उश्मसीष्टयै १२
 रेवतीर्नः सधमाद् इन्द्रै सन्तु तुविवाजाः । क्षुमन्तो याभिर्मदैम् १३
 आ घृ त्वावान् त्मनाप्तः स्तोतृभ्यो धृष्णवियानः । ऋणोरक्षं न चक्रयौः १४
 आ यद् दुर्वः शतक्रतु वा कामं जरितृणाम् । ऋणोरक्षं न शचीभिः १५
 शश्वदिन्द्रः पोषुथद्भिर्जिगाय नानदद्भिः शाश्वसद्भिर्धनानि ।
 स नो हिरण्यरथं दंसनावान् त्स नः सनिता सनये स नोऽदात् १६
 आश्विनावश्वावत्ये षा यातुं शवीरया । गोमद् दस्त्रा हिरण्यवत् १७
 समानयोजनो हि वाँ रथौ दस्त्रावमर्त्यः । समुद्रे अश्विनेयते १८
 न्यर्घ्यस्य मूर्धनि चक्रं रथस्य येमथुः । परि द्यामन्यदीयते १९
 कस्त उषः कधप्रिये भुजे मर्तो अमर्त्ये । कं नक्षसे विभावरि २०
 वयं हि ते अर्मन्मह्याऽऽन्तादा पराकात् । अश्वे न चित्रे अरुषि २१
 त्वं त्येभिरा गहि वाजैभिर्दुहितर्दिवः । अस्मे रयिं नि धारय २२

(३१) एकत्रिंशं सूक्तम्

(१-१८) अष्टादशर्चस्यास्य सूक्तस्याङ्गिरसो हिरण्यस्तूप ऋषिः । अग्निर्देवता ।
 (१-७, ९-१५, १७) प्रथमादिसप्तर्चा नवम्यादिसप्तर्चा सप्तदश्याश्च जगतीः (८, १६,
 १८) अष्टमीषोडश्याश्च त्रिष्टुप् छन्दसी
 त्वमग्ने प्रथमो अङ्गिरा ऋषिर्देवो देवानामभवः शिवः सखा ।
 तव वृते कवयो विद्यनापसोऽजायन्त मरुतो भार्जदृष्टयः १
 त्वमग्ने प्रथमो अङ्गिरस्तमः कविर्देवानां परि भूषसि वृतम् ।
 विभुर्विश्वस्मै भुवनाय मेधिरो द्विमाता शयुः कतिधा चिदायवै २
 त्वमग्ने प्रथमो मातरिश्चन आविर्भव सुक्रतूया विवस्वते ।

अरैजेतां रोदसी होतृवूर्येऽसंघोर्भारमयजो महो वंसो ३
 त्वमग्ने मनवे द्यार्मवाशयः पुरुरवसे सुकृतै सुकृत्तरः ।
 श्वात्रेण यत् पित्रोर्मुच्यसे पर्याऽऽत्वा पूर्वमनयन्नापरं पुनः ४
 त्वमग्ने वृषभः पुष्टिवर्धन उद्यतस्तुचे भवसि श्रवाय्यः ।
 य आहुतिं परि वेदा वर्षट्कृति मेकायुरग्रे विश आविवांससि ५
 त्वमग्ने वृजिनवर्तनिं नरं सक्मनि पिपर्षि विदथे विचर्षणे ।
 यः शूरसाता परितक्म्ये धने दग्धेभिश्चित् समृता हंसि भूर्यसः ६
 त्वं तमग्ने अमृतत्व उत्तमे मर्तं दधासि श्रवसे दिवेदिवे ।
 यस्तातृषाण उभयाय जन्मने मयः कृणोषि प्रय आ च सूर्ये ७
 त्वं नो अग्ने सनये धनानां यशसं कारुं कृणुहि स्तवानः ।
 ऋध्याम् कर्मापसा नवेन देवैर्द्यावापृथिवी प्रावतं नः ८
 त्वं नो अग्ने पित्रोरुपस्थ आ देवो देवेष्वनवद्य जागृविः ।
 तनूकृद् बौधि प्रमतिश्च कारवे त्वं कल्याण वसु विश्वमोषिषे ९
 त्वमग्ने प्रमतिस्त्वं पितासि नस् त्वं वयस्कृत् तव जामयौ वयम् ।
 सं त्वा रायः शतिनः सं सहस्रिणः सुवीरं यन्ति व्रतपामदाभ्य १०
 त्वामग्ने प्रथममायुमायवे देवा अकृण्वन् नहुषस्य विश्पतिम् ।
 इळामकृण्वन् मनुषस्य शासनीं पितुर्यत् पुत्रो ममकस्य जायते ११
 त्वं नो अग्ने तव देव पायुभिर्मघोनो रक्ष तन्वश्च वन्द्य ।
 त्राता तोकस्य तनये गवाम् स्यनिमेषं रक्षमाणस्तव व्रते १२
 त्वमग्ने यज्यवे पायुरन्तरोऽनिषङ्गाय चतुरक्ष इध्यसे ।
 यो रातहव्योऽवृकाय धार्यसे कीरेश्चिन् मन्त्रं मनसा वृनोषि तम् १३
 त्वमग्ने उरुशंसाय वाघते स्पार्हं यद् रेक्णः परमं वृनोषि तत् ।
 आध्रस्य चित् प्रमतिरुच्यसे पिता प्र पाकं शास्सि प्र दिशौ विदुष्टरः १४
 त्वमग्ने प्रयतदक्षिणं नरं वमैव स्यूतं परि पासि विश्वतः ।
 स्वादुक्षद्या यो वंसतौ स्योनृकृज् जीवयाजं यजते सोपमा दिवः १५
 इमामग्ने शरणिं मीमृषो न इममध्वानं यमगाम दूरात् ।
 आपिः पिता प्रमतिः सोम्यानां भूमिरस्यृषिकृन् मर्त्यानाम् १६
 मनुष्वदग्ने अङ्गिरस्वदङ्गिरो ययातिवत् सदेने पूर्ववच्छुचे ।
 अच्छं याह्या वहा दैव्यं जन् मा सादय बर्हिषि यक्षि च प्रियम् १७
 एतेनाग्ने ब्रह्मणा वावृधस्व शक्तीं वा यत् तै चकृमा विदा वा ।

उत प्र शैष्यभि वस्यो अस्मान् त्सं नः सृज सुमत्या वाजवत्या १८

(३२) द्वात्रिंशं सूक्तम्

(१-१५) पञ्चदशर्चस्यास्य सूक्तस्याङ्गिरसो हिरण्यस्तूप ऋषिः । इन्द्रो देवता ।

त्रिष्टुप् छन्दः

इन्द्रस्य नु वीर्याणि प्र वोचं यानि चकार प्रथमानि वृज्री ।
 अहन्नहिमन्वपस्तर्द प्र वक्षणा अभिनत् पर्वतानाम् १
 अहन्नहिं पर्वते शिश्रियाणं त्वष्टास्मै वज्रं स्वयं ततक्ष ।
 वाश्रा इव धेनवः स्यन्दमाना अज्जः समुद्रमव जग्मुरापः २
 वृषायमाणोऽवृणीत सोमं त्रिकद्रुकेष्वपिबत् सुतस्य ।
 आ सायकं मधवादत्त वज्र महन्नेनं प्रथमजामहीनाम् ३
 यदिन्द्राहन् पथमजामहीना मान्मायिनामर्मिनाः प्रोत मायाः ।
 आत् सूर्यं जनयन् द्यामुषासं तादीक्षा शत्रुं न किला विवित्से ४
 अहन् वृत्रं वृत्रतरं व्यस मिन्द्रो वज्रेण महता वधेन ।
 स्कन्धासीव कुलिशेना विवृक्षाऽहिः शयत उपपृक् पृथिव्याः ५
 अयोद्धेव दुर्मद आ हि जुहे महावीरं तुविबाधमृजीषम् ।
 नातारीदस्य समृतिं वधानां सं रुजानाः पिपिषु इन्द्रशत्रुः ६
 अपादहस्तो अपृतन्यदिन्द्र मास्य वज्रमधि सानौ जघान ।
 वृष्णो वधिः प्रतिमानं बुभूषन् पुरुत्रा वृत्रो अशयद् व्यस्तः ७
 नदं न भिन्नममुया शयानं मनो रुहाणा अति यन्त्यापः ।
 याश्चिद् वृत्रो मेहिना पर्यतिष्ठत् तासामहिः पत्सुतः शीर्षभूव ८
 नीचावया अभवद् वृत्रपुत्रेन्द्रौ अस्या अव वधर्जभार ।
 उत्तरा सूरधरः पुत्र आसीद् दानुः शये सहवत्सा न धेनुः ९
 अतिष्ठन्तीनामनिवेशनानां काष्ठानां मध्ये निहितं शरीरम् ।
 वृत्रस्य निशयं वि चरन्त्यापो दीर्घं तम् आशयदिन्द्रशत्रुः १०
 दासपत्नीरहिगोपा अतिष्ठन् निरुद्धा आपः पुणिनैव गावः ।
 अपां बिलमपिहितं यदासीद् वृत्रं जघन्वा अप तद् ववार ११
 अश्वयो वारो अभवस्तदिन्द्र सृके यत् त्वा प्रत्यहन् देव एकः ।
 अजयो गा अजयः शूर सोम मवासृजः सर्तवे सप्त सिन्धून् १२
 नास्मै विद्युन्न तन्यतुः सिषेध न यां मिहमकिरद् धादुनि च ।

इन्द्रश्च यद् युयुधाते अहिंश्चो तापरीभ्यो मघवा वि जिग्ये १३
 अहैर्यातारं कमेपश्य इन्द्र हृदि यत् ते जघ्नुषो भीरगच्छत् ।
 नव च यन् नवतिं च सर्वन्तीः श्येनो न भीतो अतरो रजांसि १४
 इन्द्रो यातोऽवसितस्य राजा शर्मस्य च शृङ्गिणो वज्रबाहुः ।
 सेदु राजा क्षयति चर्षणीना मुरान् न नेमिः परि ता बभूव १५
 इति प्रथमाष्टके द्वितीयोऽध्यायः ।

तृतीयोऽध्यायः ३

। व० १-३५ ।

(३३) त्रयस्त्रिंशं सूक्तम्

(१-१५) पञ्चदशर्चस्यास्य सूक्तस्याङ्गिरसो हिरण्यस्तूप ऋषिः । इन्द्रो देवता ।
 त्रिष्टुप् छन्दः

एतायामोप गव्यन्त इन्द्रमस्माकं सु प्रमतिं वावृधाति ।
 अनामृणः कुविदादस्य रायो गवां केतं परमावर्जते नः १
 उपेदहं धनदामप्रतीतं जुष्टां न श्येनो वसतिं पतामि ।
 इन्द्रं नमस्यन्नुपमेभिरकै र्यः स्तोतृभ्यो हव्यो अस्ति यामन् २
 नि सर्वसेन इषुधीरैसक्त समुर्यो गा अजति यस्य वष्टि ।
 चोष्कूयमाण इन्द्र भूरि वामं मा पणिभूरस्मदधि प्रवृद्ध ३
 वधीर्हि दस्यु धनिर्न घनेनैकश्चरन्नुपशाकेभिरिन्द्र ।
 धनोरधि विषुणक् ते व्यायन्नयज्वानः सनकाः प्रेतिमीयुः ४
 परा चिच्छीर्षा ववृजुस्त इन्द्राऽयज्वानो यज्वभिः स्पर्धमानाः ।
 प्र यद् दिवो हरिवः स्थातरुग्र निरवृताँ अधमो रोदस्योः ५
 अयुयुत्सन्ननवद्यस्य सेनामयातयन्त क्षितयो नवग्वाः ।
 वृषायुधो न वध्र्यो निरष्टाः प्रवद्भिरिन्द्राञ्चितयन्त आयन् ६
 त्वमेतान् रुदतो जक्षतश्चा योधयो रजस इन्द्र पारे ।
 अवादहो दिव आ दस्युमुच्चा प्र सुन्वतः स्तुवतः शंसमावः ७
 चक्राणासः परीणहं पृथिव्या हिरण्येन मणिना शुम्भमानाः ।
 न हिन्वानासस्तिरुस्त इन्द्रं परि स्पशौ अदधात् सूर्येण ८
 परि यदिन्द्र रोदसी उभे अबुभोजीर्महिना विश्वतः सीम् ।
 अमन्यमानाँ अभि मन्यमानै निर्ब्रह्मभिरधमो दस्युमिन्द्र ९

न ये दिवः पृथिव्या अन्तर्मापुर्न मायाभिर्धनदां पर्यभूवन् ।
 युजं वज्रं वृषभश्चक्र इन्द्रो निज्योतिषा तमसो गा अदुक्षत् १०
 अनु स्वधामक्षरन्नापो अस्याऽवर्धत मध्य आ नाव्यानाम् ।
 सध्रीचीनैन मनसा तमिन्द्र ओजिष्ठेन हर्मनाहन्नभि द्यून् ११
 न्याविध्यदिलीबिशस्य दृहळा वि शृङ्गिणमभिनच्छुष्मिन्द्रः ।
 यावत्तरो मघवन् यावदोजो वज्रेण शत्रुमवधीः पृतन्युम् १२
 अभि सिध्मो अजिगादस्य शत्रून् वि तिग्मेन वृषभेणा पुरोऽभेत् ।
 सं वज्रेणासृजद् वृत्रमिन्द्रः प्र स्वां मतिमतिरच्छाशदानः १३
 आवः कुत्समिन्द्र यस्मिञ्चाकन् पावो युध्यन्तं वृषभं दशद्युम् ।
 शफच्युतो रेणुर्नक्षत द्या मुच्छवैत्रेयो नृषाह्याय तस्थौ १४
 आवः शर्म वृषभं तुर्गयासु क्षेत्रज्ञेषे मघवञ्छवित्र्यं गाम् ।
 ज्योक चिदत्र तस्थिवांसौ अक्रञ्छत्रूयतामधरा वेदनाकः १५

(३४) चतुस्त्रिंशं सूक्तम्

(१-१२) द्वादशर्चस्यास्य सूक्तस्याङ्गिरसो हिरण्यस्तूप ऋषिः । अश्विनौ देवते ।
 (१-८, १०-११) प्रथमाद्यष्टर्चा दशम्येकादश्योश्च जगती (९, १२) नवमीद्वादश्योश्च

त्रिष्टुप् छन्दसी

त्रिश्चिन् नो अद्या भवतं नवेदसा विभुर्वा याम उत रातिरश्विना ।
 युवोर्हि युन्नं हिम्येव वाससोऽभ्यायंसेन्या भवतं मनीषिभिः १
 त्रयः पवयो मधुवाहने रथे सोमस्य वेनामनु विश्व इद् विदुः ।
 त्रयः स्कम्भासः स्कभितास आरभे त्रिर्नक्तं याथस्त्रिर्वाश्विना दिवा २
 समाने अहन् त्रिरवद्यगोहना त्रिरद्य युजं मधुना मिमिक्षतम् ।
 त्रिर्वाजवतीरिषो अश्विना युवं दोषा अस्मभ्यमुषसश्च पिन्वतम् ३
 त्रिर्वर्तिर्यातं त्रिरनुव्रते जने त्रिः सुप्राव्यै त्रेधेर्व शिञ्जतम् ।
 त्रिर्नान्द्यं वहतमश्विना युवं त्रिः पृक्षो अस्मे अक्षरैव पिन्वतम् ४
 त्रिर्नो रयिं वहतमश्विना युवं त्रिर्देवताता त्रिरुतावतं धियः ।
 त्रिः सौभगत्वं त्रिरुत श्रवोसि नस् त्रिष्ठं वां सूरै दुहिता रुहद् रथम् ५
 त्रिर्नो अश्विना दिव्यानि भेषजा त्रिः पार्थिवानि त्रिरु दत्तमुद्भ्यः ।
 ओमानं शंयोर्ममकाय सूनवे त्रिधातु शर्म वहतं शुभस्पती ६
 त्रिर्नो अश्विना यजता दिवेदिवे परि त्रिधातु पृथिवीमशायतम् ।

तिस्रो नासत्या रथ्या परावत आत्मेव वातः स्वसराणि गच्छतम् ७
 त्रिरश्विना सिन्धुभिः सप्तमातृभिस् त्रय आहावास्त्रेधा हविष्कृतम् ।
 तिस्रः पृथिवीरूपरि प्रवा दिवो नाकं रक्षेथे द्युभिर्क्तुभिर्हितम् ८
 क्वशु त्री चक्रा त्रिवृतो रथस्य क्वशु त्रयो वन्धुरो ये सनीळाः ।
 कदा योगौ वाजिनो रासभस्य येन यज्ञं नासत्योपयाथः ९
 आ नासत्या गच्छतं हूयते हविर्मध्वः पिबतं मधुपेभिरासभिः ।
 युवोर्हि पूर्वं सवितोषसो रथमृताय चित्रं घृतवन्तमिष्यति १०
 आ नासत्या त्रिभिरेकादशैरिह देवेभिर्यातं मधुपेयमश्विना ।
 प्रायुस्तारिष्टुं नी रपांसि मृक्षतं सेधतं द्वेषो भवतं सचाभुवा ११
 आ नो अश्विना त्रिवृता रथेनाऽर्वाञ्च रयिं वहतं सुवीरम् ।
 शृण्वन्तां वामवसे जोहवीमि वृधे च नो भवतं वाजसातौ १२

(३५) पञ्चत्रिंशं सूक्तम्

(१-११) एकादशर्चस्यास्य सूक्तस्याङ्गिरसो हिरण्यस्तूप ऋषिः । (१) प्रथमर्चः
 (पादक्रमेण) अग्निर्मित्रावरुणौ रात्रिः सविता च (२-११) द्वितीयादिदशानाञ्च
 सविता देवताः । (१, ६) प्रथमानवम्योर्ऋचोर्जगती (२-८, १०-११)

द्वितीयादिसप्तानां दशम्येकादश्योश्च त्रिष्टुप् छन्दसी

हयाम्यग्निं प्रथमं स्वस्तये हयामि मित्रावरुणाविहारवसे ।
 हयामि रात्रिं जगतो निवेशनीं हयामि देवं सवितारमृतये १
 आ कृष्णेन रजसा वर्तमानो निवेशयन्नमृतं मर्त्यं च ।
 हिरण्ययेन सविता रथेनाऽऽदेवो याति भुवनानि पश्यन् २
 याति देवः प्रवता यात्युद्धता याति शम्भ्राभ्यां यजतो हरिभ्याम् ।
 आ देवो याति सविता परावतोऽपु विश्वा दुरिता बाधमानः ३
 अभीवृतं कृशनैर्विश्वरूपं हिरण्यशम्यं यजतो बृहन्तम् ।
 आस्थाद् रथं सविता चित्रभानुः कृष्णा रजांसि तविषीं दधानः ४
 वि जनाञ्छयावाः शितिपादो अरव्यन् रथं हिरण्यप्रउगं वहन्तः ।
 शश्वद् विशः सवितुर्देव्यस्यो पस्थे विश्वा भुवनानि तस्थुः ५
 तिस्रो द्यावः सवितुर्द्वा उपस्थाँ एका यमस्य भुवने विराषाद् ।
 आणिं न रथ्यमृताधि तस्थु रिह ब्रवीतु य उ तच्चिकेतत् ६
 वि सुपर्णो अन्तरिक्षायख्यद् गभीरवैपा असुरः सुनीथः ।

क्वे॑दानीं॒ सूर्यः॑ कश्चि॑केत कत॒मां द्यां॑ र॒श्मिर॒स्या त॑तान ७
 अष्टौ॑ व्य॒ख्यत् क॒कुभः॑ पृथि॒व्यास् त्री॑ धन्व॒ योज॑ना स॒प्त सि॒न्धून् ।
 हि॒र॒ण्य॒क्षः स॒विता॑ दे॒व आ॒गाद् द॒ध॒द्र॒त्वा दा॒शुषे॑ वा॒र्याणि॑ ८
 हि॒र॒ण्यपा॑णिः स॒विता॑ वि॒च॒र्षणि॑ रु॒भे द्यावा॑पृथि॒वी अ॒न्तरी॑यते ।
 अपा॑मी॒वां बा॒धते॑ वेति॒ सूर्य॑ म॒भि कृ॒ष्णेन॑ रज॒सा द्या॑मृ॒णोति॑ ९
 हि॒र॒ण्यह॑स्तो अ॒सुरः॑ सुनी॒थः सु॑मृ॒ळीकः॑ स्ववाँ॑ यात्व॒र्वाङ् ।
 अप॒सेध॑न् र॒क्षसो॑ यातु॒धाना॑ न॒स्थाद् दे॒वः प्र॑तिदोषं गृ॒णानः॑ १०
 ये ते॒ पन्थाः॑ स॒वितः॑ पू॒र्व्यासो॑ऽरेण॒वः सु॑कृ॒ता अ॒न्तरि॑क्षे ।
 तेभि॑र्नो अ॒द्य पृथि॑भिः सु॒गेभी॑ र॒क्षा च॒ नो अ॒धि च॒ ब्रूहि॑ दे॒व ११

(३६) षट्त्रिंशं सूक्तम्

(१-२०) विंशत्यृचस्यास्य सूक्तस्य घौरः कणव ऋषिः । (१-२०)

प्रथमादिविंशत्यृचामग्निः (१३-१४) त्रयोदशीचतुर्दश्योर्यूपो वा देवता । प्रगाथः
 (विषमर्चा बृहती, समर्चा सतोबृहती) छन्दः

प्र वो॑ य॒हं पु॒रू॒णां वि॒शां दै॒वय॑तीनाम् ।
 अ॒ग्निं सू॒क्तेभि॑र्वचो॒भिरी॑महे यं सी॒मिद॑न्य ई॒ळते॑ १
 जना॑सो अ॒ग्निं द॑धिरे स॒होवृ॑धं ह॒विष्म॑न्तो वि॒धेम॑ ते ।
 स त्वं नो॑ अ॒द्य सु॒मना॑ इ॒हावि॒ता भ॒वा वा॒जेषु॑ सन्त्य २
 प्र त्वा॑ दू॒तं वृ॒णीम॑हे हो॒तारं॑ वि॒श्ववै॑दसम् ।
 म॒हस्तै॑ स॒तो वि॑ च॒रन्त्य॑र्चयो॒ दिवि॑ स्पृ॒शन्ति॑ भान॒वः ३
 दे॒वास॑स्त्वा वरु॒णो मि॒त्रो अ॒र्य॒मा सं दू॒तं प्र॒त्नमि॑न्धते ।
 वि॒श्वं सो अ॒ग्ने ज॑यति॒ त्वया॑ धनं॒ यस्तै॑ द॒दाश॑ म॒र्त्यः ४
 मु॒न्द्रो हो॒ता गृ॑हप॒तिर॒ग्ने दू॒तो वि॒शाम॑सि ।
 त्वे वि॒श्वा सं॑ग॒तानि॑ वृ॒ता ध्रु॒वा या॒नि दे॒वा अ॒कृण॑वत ५
 त्वे इ॒द॒ग्ने सु॒भगे॑ यवि॒ष्ठय॑ वि॒श्वमा॑ हू॒यते॑ ह॒विः ।
 स त्वं नो॑ अ॒द्य सु॒मना॑ उ॒ताप॑रं य॒क्षि दे॒वान्त्सु॑वीर्या ६
 तं घै॒मि॒त्था न॑म॒स्विन् उ॒प स्व॒राज॑मासते ।
 हो॒त्राभि॑र॒ग्निं म॑नु॒षः स॑मि॒न्धते॑ ति॒तिर्वा॑सो अ॒ति स्त्रि॑धः ७
 घ्नन्तो॑ वृ॒त्रम॑त॒रन् रो॑द॒सी अप॑ उ॒रु क्ष॑याय च॒क्रिरे॑ ।
 भुव॑त् क॒णवे॑ वृषा॑ द्यु॒म॒त्राह॑तः क्र॒न्दद॑श्चो ग॒र्विष्टि॑षु ८

सं सीदस्व म॒हां अ॒सि शोच॑स्व दे॒व॒वीत॑मः ।
 वि धूम॑म॒ग्ने अ॒रुषं॑ मि॒येध्य॑ सृ॒ज प्र॑शस्त दर्श॑तम् ६
 यं त्वा दे॒वासो॑ मन॑वे द॒धुरि॑ह यजि॑ष्ठं हव्य॑वाहन ।
 यं क॒रवो॑ मे॒ध्याति॑थिर्धन॒स्पृतं॑ यं वृ॒षा य॑मु॒पस्तु॑तः १०
 य॒म॒ग्निं मे॒ध्याति॑थिः क॒रव॑ ई॒ध ऋ॒तादधि॑ ।
 तस्य॑ प्रेषो॑ दी॒दियु॑स्तमि॒मा ऋ॒चस् त॑म॒ग्निं वर्ध॑यामसि ११
 रा॒य॒स्पृ॒र्धि स्व॒धावो॑ऽस्ति हि तेऽ॒ग्ने दे॒वेष्व॑ाप्यम् ।
 त्वं वा॒जस्य॑ श्रुत्य॑स्य राज॑सि स नो॑ मृळ म॒हां अ॒सि १२
 ऊ॒र्ध्व ऊ॒ षु ण॑ ऊ॒तये॑ तिष्ठा दे॒वो न स॑विता ।
 ऊ॒र्ध्वो वा॒जस्य॑ स॒निता॑ यद॒ञ्जिभि॑र्वा॒घर्द्धि॑र्वि॒ह्वयाम॑हे १३
 ऊ॒र्ध्वो नः॑ पा॒ह्यंह॑सो नि के॒तुना॑ वि॒श्वं स॑म॒त्रिण॑ दह ।
 कृ॒धी न॑ ऊ॒र्ध्वाञ्च॑रथा॒य जी॒वसे॑ वि॒दा दे॒वेषु॑ नो दुर्वः १४
 पा॒हि नो॑ अ॒ग्ने र॒क्षसः॑ पा॒हि धूर्ते॑ररा॒व्णः ।
 पा॒हि री॑षत उ॒त वा॑ जि॒घांस॑तो बृ॒हद्भानो॑ यवि॑ष्ठय १५
 घ॒नेव॑ वि॒ष्वग्वि॑ ज॒ह्यरा॑व्णस् तपु॑र्ज॒म्भ यो अ॑स्म॒ध्रुक॑ ।
 यो म॒र्त्यः शि॑शी॒ते अ॒त्य॒क्तुभि॑र्मा नः॑ स रि॒पुरी॑शत १६
 अ॒ग्निर्व॑न्ने सु॒वीर्य॑म॒ग्निः क॒रवा॑यु सौ॒भग॑म् ।
 अ॒ग्निः प्रा॑वन् मि॒त्रोत॑ मे॒ध्याति॑थि म॒ग्निः सा॒ता उ॑पस्तु॒तम् १७
 अ॒ग्निना॑ तुर्व॒शं यदु॑ प॒राव॑त उ॒ग्रादे॑वं हवामहे ।
 अ॒ग्निर्न॑यन्न॒र्ववा॑स्त्वं बृ॒हद्र॑थं तुर्वी॒तिं दस्य॑वे स॒हः १८
 नि त्वा॑म॒ग्ने म॒नु॒र्दधे॑ ज्योति॒र्जना॑यु श॒श्वते॑ ।
 दी॒देथ॑ क॒रव॑ ऋ॒तजा॑त उ॒क्षितो॑ यं न॑म॒स्यन्ति॑ कृ॒ष्टयः॑ १९
 त्वे॒षासो॑ अ॒ग्नेर॑म॒वन्तो॑ अ॒र्चयो॑ भी॒मासो॑ न प्रती॑तये ।
 र॒क्षस्वि॑नः स॒दमि॑द् या॒तुमा॑व॒तो वि॒श्वं स॑म॒त्रिण॑ दह २०

(३७) सप्तत्रिंशं सूक्तम्

(१-१५) पञ्चदशर्चस्यास्य सूक्तस्य घोरः क॒रव ऋ॒षिः । म॒रुतो॑ दे॒वताः॑ ।

गायत्री छन्दः

क्री॒ळं वः॑ श॒र्धो मा॑रुत म॒नु॒र्वाण॑ रथे॒शुभ॑म् । क॒रवा॑ अ॒भि प्र॑ गा॒यत॑ १
 ये पृ॑षतीभिर्ऋ॒ष्टिभिः॑ सा॒कं वा॑शी॒भिर॒ञ्जिभिः॑ । अ॒जाय॑न्त स्व॒भान॑वः २

इहेव शृणव एषां कशा हस्तेषु यद् वदान् । नि यामञ्चित्रमृञ्जते ३
 प्र वः शर्धाय घृष्वये त्वेषद्युम्नाय शष्मिणौ । देवत्तं ब्रह्म गायत ४
 प्र शसा गोष्वघ्नयं क्रीळं यच्छर्धो मारुतम् । जम्भे रसस्य वावृधे ५
 को वो वर्षिष्ठ आ नरो दिवश्च गमश्च धूतयः । यत् सीमन्तं न धूनुथ ६
 नि वो यामाय मानुषो दध्र उग्राय मन्यवे । जिहीत पर्वतो गिरिः ७
 येषामज्मेषु पृथिवी जुजुवाँ इव विश्पतिः । भिया यामेषु रेजते ८
 स्थिरं हि जानमेषां वयौ मातुर्निरैतवे । यत् सीमनु द्विता शवः ९
 उदु त्ये सूनवो गिरः काष्ठा अज्मैष्वन्नत । वाश्रा अभिज्ञु यातवे १०
 त्यं चिद् घा दीर्घं पृथुं मिहो नपातममृध्रम् । प्र च्यावयन्ति यामभिः ११
 मरुतो यद्ध वो बलं जनां अचुच्यवीतन । गिरीरैचुच्यवीतन १२
 यद्ध यान्ति मरुतः सं ह ब्रुवतेऽध्वन्ना । शृणोति कश्चिदेषाम् १३
 प्र यात शीर्भमाशुभिः सन्ति कण्वेषु वो दुवः । तत्रो षु मादयाध्वे १४
 अस्ति हि ष्मा मदाय वः स्मसि ष्मा वयमेषाम् । विश्वं चिदायुर्जीवसै १५

(३८) अष्टात्रिंशं सूक्तम्

(१-१५) पञ्चदशर्चस्यास्य सूक्तस्य घौरः कण्व ऋषिः । मरुतो देवताः ।

गायत्री छन्दः

कद्ध नूनं कंधप्रियः पिता पुत्रं न हस्तयोः । दधिध्वे वृक्तबर्हिषः १
 क्व नूनं कद् वो अर्थं गन्ता दिवो न पृथिव्याः । क्व वो गावो न रणयन्ति २
 क्व वः सुम्ना नव्यासि मरुतः क्व सुविता । क्वोऽविश्वानि सौभगा ३
 यद् यूयं पृथिनमातरो मर्तासः स्यातन । स्तोता वो अमृतः स्यात् ४
 मा वो मृगो न यवसे जरिता भूदजौष्यः । पृथा यमस्य गादुप ५
 मो षु णः परापरा निर्ऋतिर्दुर्हणा वधीत् । पृदीष्ट तृष्णाया सह ६
 सत्यं त्वेषा अमवन्तो धन्वञ्चिदा रुद्रियासः । मिह कृणवन्त्यवाताम् ७
 वाश्रेव विद्युन्मिमाति वृत्सं न माता सिषक्ति । यदैषां वृष्टिरसर्जि ८
 दिवा चित् तमः कृणवन्ति पर्जन्येनोदवाहेन । यत्पृथिवी व्युन्दन्ति ९
 अर्धं स्वनान्मरुतां विश्वमा सद्य पार्थिवम् । अरैजन्त प्र मानुषाः १०
 मरुतो वीळुपाणिभिश् चित्रा रोधस्वतीरनु । यातेमखिद्रयामभिः ११
 स्थिरा वः सन्तु नेमयो रथा अश्वास एषाम् । सुसंस्कृता अभीशवः १२
 अच्छा वदा तना गिरा जरायै ब्रह्मणस्पतिम् । अग्निं मित्रं न दर्शतम् १३

मिमीहि श्लोकमास्यै पर्जन्य इव ततनः । गायं गायत्रमुक्थ्यम् १४
वन्दस्व मारुतं गुणं त्वेषं पनस्युमर्किणम् । अस्मे वृद्धा असन्निह १५

(३६) एकोनचत्वारिंशं सूक्तम्

(१-१०) दशर्चस्यास्य सूक्तस्य घौरः कणवः ऋषिः । मरुतो देवताः । प्रगाथः
(विषमर्चा बृहती, समर्चा सतोबृहती) छन्दः

प्र यदित्था परावतः शोचिर्न मानुमस्यथ ।
कस्य क्रत्वा मरुतः कस्य वर्षसा कं याथ कं ह धूतयः १
स्थिरा वः सन्त्वायुधा पराणुदै वीळू उत प्रतिष्कभै ।
युष्माकमस्तु तविषी पनीयसी मा मर्त्यस्य मायिनः २
परा ह यत् स्थिरं ह्यथ नरो वर्तयथा गुरु ।
वि याथन वनिनः पृथिव्या व्याशाः पर्वतानाम् ३
नहि वः शत्रुर्विविदे अधि द्यवि न भूम्या रिशादसः ।
युष्माकमस्तु तविषी तना युजा रुद्रासो नू चिदाधृषे ४
प्र वैपयन्ति पर्वतान् वि विञ्चन्ति वनस्पतीन् ।
प्रो आरत मरुतो दुर्मदा इव देवासः सर्वया विशा ५
उपो रथेषु पृषतीरयुध्वं प्रष्टिर्वहति रोहितः ।
आ वो यामाय पृथिवी चिदश्रो दबीभयन्त मानुषाः ६
आ वो मद्भू तनाय कं रुद्रा अवो वृणीमहे ।
गन्ता नूनं नोऽवसा यथा पुरे तथा कणवाय बिभ्युषे ७
युष्मेषितो मरुतो मर्त्येषित आ यो नो अभ्व ईषते ।
वि तं युयोत शर्वसा व्योजसा वि युष्माकाभिरूतिभिः ८
असामि हि प्रयज्यवः कणव द्रुद प्रचेतसः ।
असामिभिर्मरुत आ न ऊतिभिर्गन्ता वृष्टिं न विद्युतः ९
असाम्योजो बिभृथा सुदानवोऽसमि धूतयः शर्वः ।
ऋषिद्विषे मरुतः परिमन्यव इषुं न सृजत द्विषम् १०

(४०) चत्वारिंशं सूक्तम्

(१-८) अष्टर्चस्यास्य सूक्तस्य घौरः कणव ऋषिः । ब्रह्मणस्पतिर्देवता । प्रगाथः
(विषमर्चा बृहती, समर्चा सतोबृहती) छन्दः

उत्तिष्ठ ब्रह्मणस्पते देवयन्तस्त्वेमहे ।
 उप प्र यन्तु मरुतः सुदानव इन्द्रं प्राशूर्भवा सचा १
 त्वामिद्धि सहसस्पुत्र मर्त्य उपब्रूते धनै हिते ।
 सुवीर्यं मरुत आ स्वश्वयं दधीत यो व आचके २
 प्रेतु ब्रह्मणस्पतिः प्र देव्येतु सूनृता ।
 अच्छा वीरं नर्यं पङ्क्तिराधसं देवा यज्ञं नयन्तु नः ३
 यो वाघते ददाति सूनरं वसु स धत्ते अक्षिति श्रवः ।
 तस्मा इळां सुवीरामा यजामहे सुप्रतूर्तिमनेहसम् ४
 प्र नूनं ब्रह्मणस्पति मन्त्रं वदत्युक्थ्यम् ।
 यस्मिन्निन्द्रो वरुणो मित्रो अर्यमा देवा ओकांसि चक्रिरे ५
 तमिद् वौचेमा विदथेषु शंभुवं मन्त्रं देवा अनेहसम् ।
 इमां च वाचं प्रतिहर्यथा नरो विश्वेद् वामा वौ अश्नवत् ६
 को देवयन्तमश्नवज् जनं को वृक्तबर्हिषम् ।
 प्रप्र दाश्वान् पुस्त्याभिरस्थिताऽन्तर्वावत् क्षयं दधे ७
 उप क्षत्रं पृञ्चीत हन्ति राजभि र्नये चित् सुक्षितिं दधे ।
 नास्य वर्ता न तरुता महाधने नाभै अस्ति वज्रिणः ८

(४१) एकचत्वारिंशं सूक्तम्

(१-६) नवर्चस्यास्य सूक्तस्य घौरः कणव ऋषिः । (१-३, ७-६)

प्रथमान्तिमृतचयोर्वरुणमित्रार्यमणः (४-६) द्वितीयतृचस्य चादित्या देवताः ।

गायत्री छन्दः

यं रक्षन्ति प्रचेतसो वरुणो मित्रो अर्यमा । नू चित् स दभ्यते जनः १
 यं बाहुतैव पिप्रति पान्ति मर्त्यं रिषः । अरिष्टः सर्व एधते २
 वि दुर्गा वि द्विषः पुरो घ्नन्ति राजान एषाम् । नयन्ति दुरिता तिरः ३
 सुगः पन्थां अनृक्षर आदित्यास ऋतं यते । नात्रावखादो अस्ति वः ४
 यं यज्ञं नयथा नर आदित्या ऋजुना पथा । प्र वः स धीतये नशत् ५
 स रत्नं मर्त्यो वसु विश्वं लोकमुत त्मना । अच्छा गच्छत्यस्तृतः ६
 कथा राधाम सखायः स्तोमं मित्रस्यार्यमणः । महि प्सरो वरुणस्य ७
 मा वो घ्नन्तं मा शर्पन्तं प्रति वोचे देवयन्तम् । सुमैरिद् व आ विवासे ८
 चतुरश्रिद् ददमानाद् बिभीयादा निधातोः । न दुरुक्ताय स्पृहयेत् ९

(४२) द्विचत्वारिंशं सूक्तम्

(१-१०) दशर्चस्यास्य सूक्तस्य घौरः कण्व ऋषिः । पूषा देवता । गायत्री छन्दः
 सं पूषन्नध्वनस्तिर व्यंहौ विमुचो नपात् । सद्धवा देव प्र णस्पुरः १
 यो नः पूषन्नघो वृकौ दुःशेव आदिदेशति । अप स्म तं पथो जहि २
 अप त्यं परिपन्थिनं मुषीवाणं हरश्चितम् । दूरमधि स्तुतेरज ३
 त्वं तस्य द्याविनोऽघशंसस्य कस्य चित् । पदाभि तिष्ठ तपुषिम् ४
 आ तत् तै दस्त्र मन्तुमः पूषन्नवौ वृणीमहे । येन पितृनचौदयः ५
 अधा नो विश्वसौभग हिरण्यवाशीमत्तम । धनानि सुषणा कृधि ६
 अति नः सश्चतौ नय सुगा नः सुपथा कृणु । पूषन्निह क्रतुं विदः ७
 अभि सूयवसं नय न नवज्जारो अध्वने । पूषन्निह क्रतुं विदः ८
 शग्धि पूर्धि प्र यंसि च शिशीहि प्रास्युदरम् । पूषन्निह क्रतुं विदः ९
 न पूषणं मेथामसि सूक्तैरभि गृणीमसि । वसूनि दस्ममीमहे १०

(४३) त्रिचत्वारिंशं सूक्तम्

(१-६) नवर्चस्यास्य सूक्तस्य घौरः कण्व ऋषिः । (१-२, ४-६)
 प्रथमाद्वितीययोर्ऋचोश्चतुर्थ्यादितृचस्य च रुद्रः (३) तृतीयाया रुद्रो मित्रावरुणौ च
 (७-९) सप्तम्यादितृचस्य च सोमो देवताः । (१-८) प्रथमाद्यष्टर्चा गायत्री (९)

नवम्याश्चानुष्टुप् छन्दसी

कद् रुद्राय प्रचेतसे मीहुष्टमाय तव्यसे । वोचेम शन्तमं हृदे १
 यथा नो अदितिः कर्त् पश्चे नृभ्यो यथा गवै । यथा तोकाय रुद्रियम् २
 यथा नो मित्रो वरुणो यथा रुद्रश्चिकेतति । यथा विश्वे सजोषसः ३
 गाथपतिं मेधपतिं रुद्रं जलाषभेषजम् । तच्छंयोः सुम्रमीमहे ४
 यः शक्र इव सूर्यो हिरण्यमिव रोचते । श्रेष्ठो देवानां वसुः ५
 शं नः कर्त्त्यवते सुगं मेषाय मेष्ठ्यै । नृभ्यो नारिभ्यो गवै ६
 अस्मे सौम श्रियमधि नि धैहि शतस्य नृणाम् । महि श्रवस्तुविनृणाम् ७
 मा नः सोमपरिबाधो मारातयो जुहुरन्त । आ न इन्द्रो वाजै भज ८
 यास्तै प्रजा अमृतस्य परस्मिन् धामनृतस्य ।
 मूर्धा नाभा सोम वेन आभूषन्तीः सोम वेदः ९

(४४) चतुश्चत्वारिंशं सूक्तम्

(१-१४) चतुर्दशर्चस्यास्य सूक्तस्य कारवः प्रकरव ऋषिः । (१-२)

प्रथमाद्वितीययोर्ऋचोरग्निरश्विनावुषाश्च (३-१४) तृतीयादिद्वादशानाञ्चाग्निर्देवताः ।

प्रगाथः (विषमर्चा बृहती, समर्चा सतोबृहती) छन्दः

अग्ने विवस्वदुषसंश् चित्रं राधो अमर्त्य ।
 आ दाशुषै जातवेदो वह्ना त्व मद्या देवाँ उषर्बुधः १
 जुष्टो हि दूतो असि हव्यवाहनोऽग्ने रथीरध्वराणाम् ।
 सजूरश्विभ्यामुषसा सुवीर्य मस्मे धेहि श्रवौ बृहत् २
 अद्या दूतं वृणीमहे वसुमग्निं पुरुप्रियम् ।
 धूमकैतुं भाऋजीकं व्युष्टिषु यज्ञानामध्वरश्रियम् ३
 श्रेष्ठं यविष्ठमतिथिं स्वाहुतं जुष्टं जनाय दाशुषै ।
 देवाँ अच्छा यातवे जातवेदस मग्निमीळे व्युष्टिषु ४
 स्तविष्यामि त्वामहं विश्वस्यामृत भोजन ।
 अग्ने त्रातारममृतं मियेध्य यजिष्ठं हव्यवाहन ५
 सुशंसौ बोधि गृणते यविष्ठ्य मधुजिह्वः स्वाहुतः ।
 प्रस्करवस्य प्रतिरन्नायुर्जीवसे नमस्या दैव्यं जनम् ६
 होतारं विश्ववेदसं सं हि त्वा विश इन्धते ।
 स आ वह पुरुहूत प्रचेतसोऽग्ने देवाँ इह द्रवत् ७
 सवितारमुषसमश्विना भग मग्निं व्युष्टिषु क्षपः ।
 कर्वासस्त्वा सुतसौमास इन्धते हव्यवाहं स्वध्वर ८
 पतिह्यध्वराणा मग्ने दूतो विशामसि ।
 उषर्बुध आ वह सोमपीतये देवाँ अद्य स्वर्दृशः ९
 अग्ने पूर्वा अनूषसो विभावसो दीदेथ विश्वदर्शतः ।
 असि ग्रामैष्वविता पुरोहितोऽसि यज्ञेषु मानुषः १०
 नि त्वा यज्ञस्य सार्धं न मग्ने होतारमृत्विजम् ।
 मनुष्वद् दैव धीमहि प्रचेतसं जीरं दूतममर्त्यम् ११
 यद् देवानां मित्रमहः पुरोहितोऽन्तरो यासि दूत्यम् ।
 सिन्धौरिव प्रस्वनितास ऊर्मयोऽग्नेर्भ्राजन्ते अर्चयः १२
 श्रुधि श्रुत्कर्ण वह्निभि देवैरग्ने सयावभिः ।
 आ सीदन्तु बर्हिषि मित्रो अर्यमा प्रातर्यावाणो अध्वरम् १३

शृण्वन्तु स्तोमं मरुतः सुदानवोऽग्निजिह्वा ऋतावृधः ।
पिबन्तु सोमं वरुणो धृतव्रतोऽश्विभ्यामुषसा सजुः १४

(४५) पञ्चचत्वारिंशं सूक्तम्

(१-१०) दशर्चस्यास्य सूक्तस्य कारवः प्रस्करव ऋषिः । (१-६, १०)
प्रथमादिनवर्चा दशम्याः पूर्वार्धस्य चाग्निः (१०) दशम्या उत्तरार्धस्य च देवा
देवताः । अनुष्टुप् छन्दः

त्वमग्ने वसूरिह रुद्राँ आदित्याँ उत ।
यजाँ स्वध्वरं जनं मनुजातं घृतप्रुषम् १
श्रुष्टीवानो हि दाशुषे देवा अग्ने विचेतसः ।
तान् रौहिदश्च गिर्वणस् त्रयस्त्रिंशतुमा वह २
प्रियमेधवदत्रिवज् जातवेदो विरूपवत् ।
अङ्गिरस्वन्महिब्रत प्रस्करवस्य श्रुधी हवम् ३
महिकेरव ऊतये प्रियमैधा अहूषत ।
राजन्तमध्वराणाँ मुग्निं शक्रेण शोचिषाँ ४
घृताहवन सन्त्ये मा उ पु श्रुधी गिरः ।
याभिः करवस्य सूनवो हवन्तेऽवसे त्वा ५
त्वां चित्रश्रवस्तम् हवन्ते विक्षु जन्तवः ।
शोचिष्कैशं पुरुप्रियाँ ऽग्ने हव्याय वोहळवे ६
नि त्वा होतारमृत्विजं दधिरे वसुवित्तमम् ।
श्रुत्कर्णं सप्रथस्तमं विप्राँ अग्ने दिर्विष्टिषु ७
आ त्वा विप्राँ अचुच्यवुः सुतसौमा अभि प्रयः ।
बृहद् भा बिभ्रतो हवि रग्ने मर्ताय दाशुषे ८
प्रातर्याव्णाः सहस्कृत सोमपेयाय सन्त्य ।
इहाद्य दैव्यं जनं बर्हिरा सादया वसो ९
अर्वाञ्च दैव्यं जनं मग्ने यद्व सहीतिभिः ।
अयं सोमः सुदानवस् तं पात तिरो अह्वयम् १०

(४६) षट्चत्वारिंशं सूक्तम्

(१-१५) पञ्चदशर्चस्यास्य सूक्तस्य कारवः प्रस्करव ऋषिः । अश्विनौ देवते ।

गायत्री छन्दः

एषो उ॒षा अ॒पू॒र्व्या व्यु॑च्छति प्रि॒या दि॒वः । स्तु॒षे वा॑म॒श्विना बृ॑हत् १
 या द॒स्त्रा सि॒न्धुमा॑तरा म॒नो॒तरा रयी॑णाम् । धि॒या दे॒वा व॑सु॒विदा २
 व॒च्यन्तै॑ वां ककु॒हासौ जू॒र्णायाम॑धि वि॒ष्टपि॑ । यद् वां र॒थो वि॑भि॒ष्पतात् ३
 ह॒विषा जा॒रो अ॒पां पि॒प॒र्ति प॑पु॒रि॒ररा । पि॒ता कु॑ट॒स्य च॑र्ष॒णिः ४
 आ॒दा॒रो वा॑ म॒तीनां॑ नास॒त्या म॑तवचसा । पा॒तं सोम॑स्य धृ॒ष्ण्या ५
 या नः॑ पी॒प॒रद॑श्विना ज्योति॑ष्मती तम॑स्तिरः । ताम॒स्मे रा॑सा॒थामि॑षम् ६
 आ नो॑ ना॒वा म॑तीनां या॒तं पा॒राय॑ गन्त॒वे । यु॒ञ्जा॒थाम॑श्विना रथम् ७
 अ॒रि॒त्रं वां दि॒वस्पृ॑थु ती॒र्थे सि॒न्धूनां॑ रथः । धि॒या यु॑यु॒ज्ज इ॒न्द्रवः॑ ८
 दि॒वस्कर॑वास इ॒न्द्रवो॑ वसु॒ सिन्धू॑नां प॒दे । स्वं व॒त्रिं कु॑ह॒ धित्स॑थः ९
 अ॒भूदु॒भा उ॑ अ॒ंशवे॑ हि॒र॒ण्यं प्र॑ति सूर्यः । व्य॒ख्यज्जि॒ह्यासि॑तः १०
 अ॒भूदु॒ पा॒रमे॑त॒वे प॑न्था॒ ऋ॒तस्य॑ साधुया । अ॒दर्शि॑ वि स्तु॒तिर्दि॒वः ११
 तत्त॑दि॒दश्वि॑नो॒रवो॑ ज॒रिता॑ प्र॒ति भू॑षति । म॒दे सोम॑स्य पि॒प्रतोः॑ १२
 वा॒व॒सा॒ना वि॒वस्व॑ति सोम॑स्य पी॒त्या गि॒रा । म॒नुष्व॑च्छ॒भू आ ग॑तम् १३
 यु॒वो॒रुषा॑ अनु॒ श्रियं॑ प॒रि॒ज्मनो॑रुपाच॒रत् । ऋ॒ता र्च॑नथो अ॒क्तुभिः॑ १४
 उ॒भा पि॑बतम॒श्विनो॒भा नः॑ शर्म॒ यच्छ॑तम् । अ॒वि॒द्रि॒याभि॑रू॒तिभिः॑ १५

चतुर्थोऽध्यायः ४

। व० १-२६ ।

(४७) सप्तचत्वारिंशं सूक्तम्

(१-१०) दशर्चस्यास्य सूक्तस्य काण्वः प्रस्करव ऋषिः । अश्विनौ देवते ।

प्रगाथः (विषमर्चा बृहती, समर्चा सतोबृहती) छन्दः

अ॒यं वा॑ म॒धुम॑त्तमः सु॒तः सोम॑ ऋ॒तावृ॑धा ।
 तम॑श्विना पि॒बतं॑ ति॒रोअ॒ह्यं धृ॑त्तं र॒त्नानि॑ दा॒शुषै॑ १
 त्रि॒व॒न्धुरे॑ण॒ त्रि॒वृता॑ सु॒पेश॑सा रथे॒ना या॑तम॒श्विना ।
 क॒रवा॑सो वां ब्र॒ह्म कृ॑णवन्त्यध्व॒रे तेषां॑ सु शृ॒णुतं॑ ह॒वम् २
 अ॒श्विना॑ म॒धुम॑त्तमं पा॒तं सोम॑मृतावृधा ।
 अ॒थाद्य॑ द॒स्त्रा वसु॑ बिभ्र॒ता रथे॑ दा॒श्वांस॑मुप॒ गच्छ॑तम् ३
 त्रि॒ष॒ध॒स्थे ब॒र्हिषि॑ विश्ववे॒दसा॑ म॒ध्वा यु॒ज्ञं मि॑मिक्षतम् ।
 क॒रवा॑सो वां सु॒तसो॑मा अ॒भिद्य॑वो यु॒वां ह॑वन्ते अ॒श्विना ४

याभिः कण्वमभिष्टिभिः प्रावतं युवमश्विना ।
 ताभिः प्वश्रुस्माँ अवतं शुभस्पती प्रातं सोममृतावृधा ५
 सुदासे दस्त्रा वसु बिभ्रता रथे पृक्षौ वहतमश्विना ।
 रयिं समुद्रादुत वा दिवस्पयस्मे धत्तं पुरुस्पृहम् ६
 यन्नासत्या परावति यद् वा स्थो अधि तुर्वशे ।
 अतो रथैन सुवृता न आ गतं साकं सूर्यस्य रश्मिभिः ७
 अर्वाञ्चा वां सप्तयोऽध्वरश्रियो वहन्तु सवनेदुप ।
 इषं पृञ्चन्ता सुकृते सुदानव आ बर्हिः सीदतं नरा ८
 तेन नासत्या गतं रथेन सूर्यत्वचा ।
 येन शश्वदूहथुर्दाशुषे वसु मध्वः सोमस्य पीतये ९
 उक्थेभिर्वागवसे पुरुवसू अर्केश्च नि ह्वयामहे ।
 शश्वत् कण्वानां सदसि प्रिये हि कं सोमं पपथुरश्विना १०

(४८) अष्टचत्वारिंशं सूक्तम्

(१-१६) षोडशर्चस्यास्य सूक्तस्य कारणः प्रस्करण ऋषिः । उषा देवता ।

प्रगाथः (विषमर्चा बृहती, समर्चा सतोबृहती) छन्दः

सह वामेन न उषो व्युच्छा दुहितर्दिवः ।
 सह द्युम्नेन बृहता विभावरि राया दैवि दास्वती १
 अश्वावतीर्गोमतीर्विश्वसुविदो भूरि च्यवन्त वस्तवे ।
 उदीरय प्रति मा सूनृतो उषश् चोद राधौ मघोनाम् २
 उवासोषा उच्छाञ्च नु देवी जीरा रथानाम् ।
 ये अस्या आचरणेषु दधिरे समुद्रे न श्रवस्यवः ३
 उषो ये ते प्र यामेषु युञ्जते मनौ दानाय सूरयः ।
 अत्राह तत् कण्व एषां कण्वतमो नाम गृणाति नृणाम् ४
 आ घा योषैव सूनर्युषा याति प्रभुञ्जती ।
 जरयन्ती वृजनं पद्वदीयत् उत्पातयति पक्षिणः ५
 वि या सृजति समनं व्यश्रुथिनः पदं न वेत्योदती ।
 वयो नकिष्टे पतिवांस आसते व्युष्टौ वाजिनीवति ६
 एषायुक्त परावतः सूर्यस्योदयनादधि ।
 शतं रथेभिः सुभगोषा इयं वि यात्यभि मानुषान् ७

विश्वमस्या नानाम् चक्षसे जगज् ज्योतिष्कृणोति सूनरी ।
 अप द्वेषौ मघोनी दुहिता दिव उषा उच्छदप् स्त्रिर्धः ८
 उष आ भाहि भानुना चन्द्रेण दुहितर्दिवः ।
 आवहन्ती भूर्यस्मभ्यं सौभगं व्युच्छन्ती दिविष्टिषु ९
 विश्वस्य हि प्राणनं जीवनं त्वे वि यदुच्छसि सूनरि ।
 सा नो रथैन बृहता विभावरि श्रुधि चित्रामघे हवम् १०
 उषो वाजं हि वंस्व यश्चित्रो मानुषे जनै ।
 तेना वह सुकृतौ अध्वराँ उप ये त्वा गृणन्ति वह्नयः ११
 विश्वान् देवाँ आ वह सोमपीतयेऽन्तरिक्षादुषस्त्वम् ।
 सास्मासु धा गोमदश्चावदुक्थ्यश्मुषो वाजं सुवीर्यम् १२
 यस्या रुशन्तो अर्चयुः प्रति भद्रा अर्दक्षत ।
 सा नो रयिं विश्ववारं सुपेशस मुषा ददातु सुगम्यम् १३
 ये चिद्धि त्वामृषयः पूर्वं ऊतये जुहूरेऽवसे महि ।
 सा नः स्तोमाँ अभि गृणीहि राधसो षः शक्रेण शोचिषा १४
 उषो यदद्य भानुना वि द्वारावृणवो दिवः ।
 प्र नो यच्छतादवृकं पृथु च्छर्दिः प्र दैवि गोमतीरिषः १५
 सं नो राया बृहता विश्वपेशसा मिमिक्ष्वा समिळाभिरा ।
 सं द्युम्नेन विश्वतुरौषो महि सं वाजैर्वाजिनीवति १६

(४६) एकोनपञ्चाशं सूक्तम्

(१-४) चतुर्ऋचस्यास्य सूक्तस्य काणवः प्रस्करव ऋषिः । उषा देवता ।

अनुष्टुप् छन्दः

उषो भद्रेभिरा गहि दिवश्चिद् रोचनादधि ।
 वहन्त्वृणप्सव उप त्वा सोमिनो गृहम् १
 सुपेशसं सुखं रथं यमध्यस्था उषस्त्वम् ।
 तेना सुश्रवसं जनं प्रावाद्य दुहितर्दिवः २
 वयश्चित् ते पतत्रिणौ द्विपच्चतुष्पदर्जुनि ।
 उषः प्रारन्नृतूरनु दिवो अन्तैभ्यस्परि ३
 व्युच्छन्ती हि रश्मिभि विश्वमाभासि रोचनम् ।
 तां त्वामृषवसूयवो गीर्भिः कण्वा अहूषत ४

(५०) पञ्चाशं सूक्तम्

(१-१३) त्रयोदशर्चस्यास्य सूक्तस्य कारवः प्रस्कन्व ऋषिः । सूर्यो देवता । (१-६) प्रथमादिनवर्चा गायत्री (१०-१३) दशम्यादिचतसृणाञ्चानुष्टुप् छन्दसी उदु त्यं जातवैदसं देवं वहन्ति केतवः । दृशे विश्वायु सूर्यम् १
 अपु त्ये तायवौ यथा नक्षत्रा यन्त्यक्तुभिः । सूराय विश्वचक्षसे २
 अर्दृश्रमस्य केतवो वि रश्मयो जनाँ अनु । भार्जन्तो अग्रयो यथा ३
 तरणिर्विश्वदर्शतो ज्योतिष्कृदसि सूर्य । विश्वमा भासि रोचनम् ४
 प्रत्यङ् देवानां विशः प्रत्यङ् दुर्दैषि मानुषान् । प्रत्यङ् विश्वं स्वर्दृशे ५
 येना पावक चक्षसा भुरगयन्तं जनाँ अनु । त्वं वरुण पश्यसि ६
 वि द्यामैषि रजस्पृथ्व हा मिमानो अक्तुभिः । पश्यञ्जन्मानि सूर्य ७
 सप्त त्वा हरितो रथे वहन्ति देव सूर्य । शोचिष्कैशं विचक्षण ८
 अयुक्त सप्त शन्ध्युवः सूरौ रथस्य नमयः । ताभिर्याति स्वयुक्तिभिः ९
 उद् वयं तमसस्परि ज्योतिष्पश्यन्त उत्तरम् ।
 देवं दैवत्रा सूर्य मगन्म ज्योतिरुत्तमम् १०
 उद्यन्नद्य मित्रमह आरोहन्नुत्तरां दिवम् ।
 हद्गोमं मम सूर्य हरिमाणं च नाशय ११
 शुक्लैषु मे हरिमाणं रोपणाकासु दध्मसि ।
 अथौ हारिद्रवेषु मे हरिमाणं नि दध्मसि १२
 उदगादयमादित्यो विश्वेन सहसा सह ।
 द्विषन्तं मह्यं रन्धयन् मो अहं द्विषते रधम् १३

(५१) एकपञ्चाशं सूक्तम्

(१-१५) पञ्चदशर्चस्यास्य सूक्तस्याङ्गिरसः सव्य ऋषिः । इन्द्रो देवता । (१-१३) प्रथमादित्रयोदशर्चा जगती (१४-१५) चतुर्दशीपञ्चदशयोश्च त्रिष्टुप् छन्दसी अभि त्यं मेषं पुरुहूतमृग्मिय मिन्द्रं गीर्भिर्मदता वस्वौ अर्णवम् ।
 यस्य द्यावो न विचरन्ति मानुषा भुजे मंहिष्ठमभि विप्रमर्चत १
 अभीमवन्वन्त्स्वभिष्टिमूतयोऽन्तरिक्षप्रां तविषीभिरावृतम् ।
 इन्द्रं दक्षस ऋभवौ मदच्युतं शतक्रतुं जर्वनी सूनृतारुहत् २
 त्वं गोत्रमङ्गिरोभ्योऽवृणोरपो तात्रये शतदुरेषु गातुवित् ।
 ससेन चिद् विमदायावहो वस्वा जावद्वि वावसानस्य नर्तयन् ३

त्वमपामपिधानावृणोरपाऽधारयुः पर्वते दानुमद् वसु ।
 वृत्रं यदिन्द्र शवसावधीरहि मादित् सूर्यं दिव्यारौहयो दृशे ४
 त्वं मायाभिरप मायिनोऽधमः स्वधाभिर्ये अधि शुप्तावर्जुह्वत ।
 त्वं पिप्रौर्नमणः प्रारुजः पुरः प्र ऋजिश्चानं दस्युहृत्येष्वाविथ ५
 त्वं कुत्सं शुष्णहृत्येष्वाविथा रन्धयोऽतिथिगवायु शम्बरम् ।
 मुहान्तं चिदर्बुदं नि क्रमीः पदा सनादेव दस्युहृत्याय जज्ञिषे ६
 त्वे विश्वा तविषी सधर्यगिघता तव राधः सोमपीथाय हर्षते ।
 तव वज्रश्चिकिते बाहोर्हितो वृश्वा शत्रोरव विश्वानि वृष्ण्या ७
 वि जानीह्यार्यान् ये च दस्यवो बर्हिष्मते रन्धया शासदवृतान् ।
 शाकी भव यजमानस्य चोदिता विश्वेत् ता ते सधमादैषु चाकन ८
 अनुव्रताय रन्धयन्नपव्रता नाभूभिरिन्द्रः श्नथयन्ननाभुवः ।
 वृद्धस्य चिद् वर्धतो द्यामिनक्षतः स्तवानो वम्रो वि जघान सन्दिहः ९
 तक्षद् यत ते उशना सहसा सहो वि रोदसी मुज्मना बाधते शर्वः ।
 आ त्वा वातस्य नृमणो मनोयुज आ पूर्यमाणमवहन्नभि श्रवः १०
 मन्दिष्टु यदुशनै काव्ये सचाँ इन्द्रो वड्कू वड्कुतराधि तिष्ठति ।
 उग्रो ययिं निरपः स्रोतसासृजद् वि शुष्णस्य दृहिता ऐरयत् पुरः ११
 आ स्मा रथं वृषपाणेषु तिष्ठसि शार्यातस्य प्रभृता येषु मन्दसे ।
 इन्द्र यथा सुतसौमेषु चाकनोऽनुवाणिं श्लोकमा रौहसे दिवि १२
 अददा अभूमिहते वचस्यवै कक्षीवते वचयामिन्द्र सुन्वते ।
 मेनाभवो वृष्णश्चस्य सुक्रतो विश्वेत् ता ते सर्वनेषु प्रवाच्या १३
 इन्द्रो अश्रायि सुध्यौ निरेके पञ्जेषु स्तोमो दुर्यो न यूपः ।
 अश्वयुर्गव्यू रथयुर्वसूयु रिन्द्र इद्रायः क्षयति प्रयन्ता १४
 इदं नमो वृषभाय स्वराजै सत्यशुष्माय तवसेऽवाचि ।
 अस्मिन्निन्द्र वृजने सर्ववीराः स्मत् सूरिभिस्तव शर्मन्त्स्याम १५

(५२) द्विपञ्चाशं सूक्तम्

(१-१५) पञ्चदशर्चस्यास्य सूक्तस्याङ्गिरसः सव्य ऋषिः । इन्द्रो देवता । (१-१२,
 १४) प्रथमादिद्वादशर्चा चतुर्दश्याश्च जगती
 (१३, १५) त्रयोदशीपञ्चदश्याश्च त्रिष्टुप् छन्दसी
 त्यं सु मेषं महया स्वर्विदं शतं यस्य सुभ्वः साकमीरते ।

अत्यं न वाजं हवनस्यदं रथमेन्द्रं ववृत्यामवसे सुवृत्तिभिः १
 स पर्वतो न धरुणेष्वच्युतः सहस्रमूतिस्तविषीषु वावृधे ।
 इन्द्रो यद् वृत्रमवधीन्नदीवृतं मुब्जन्नर्णांसि जर्हषाणो अन्धसा २
 स हि दुरो दुरिषु वव्र ऊर्धनि चन्द्रबुधो मदवृद्धो मनीषिभिः ।
 इन्द्रं तमहे स्वपस्यया धिया मंहिष्ठारातिं स हि पप्रिन्धसः ३
 आ यं पृणन्ति दिवि सद्यबर्हिषः समुद्रं न सुभ्वशुः स्वा अभिष्टयः ।
 तं वृत्रहत्ये अनु तस्थुरूतयः शुष्मा इन्द्रमवाता अहुतप्सवः ४
 अभि स्ववृष्टिं मदं अस्य युध्यतो रध्वीरिव प्रवणे संस्त्रुतयः ।
 इन्द्रो यद् वज्री धृषमाणो अन्धसा भिनद् वलस्य परिधीरिव त्रितः ५
 परीं घृणा चरति तित्विषे शवोऽपो वृत्वी रजसो बुधमाशयत् ।
 वृत्रस्य यत् प्रवणे दुर्गृभिश्चनो निजघन्थ हन्वोरिन्द्र तन्यतुम् ६
 हृदं न हि त्वा नृषन्त्यूर्मयो ब्रह्माणीन्द्र तव यानि वर्धना ।
 त्वष्टा चित् ते युज्यं वावृधे शवं स्ततद् वज्रमभिभूत्योजसम् ७
 जघन्वाँ उ हरिभिः संभृतक्रतु विन्द्रं वृत्रं मनुषे गातुयन्नपः ।
 अयच्छथा बाहोर्वज्रमायस मधारयो दिव्या सूर्यं दृशे ८
 बृहत् स्वश्चन्द्रमवद यदुक्थ्यशु मकृणवत भियसा रोहणं दिवः ।
 यन्मानुषप्रधना इन्द्रमूतयः स्वनृषाचौ मरुतोऽमदन्ननु ९
 द्यौश्चिदस्यामवाँ अर्हेः स्वना दयौयवीद् भियसा वज्र इन्द्र ते ।
 वृत्रस्य यद् वद्वधानस्य रोदसी मदं सुतस्य शवसाभिन्च्छिरः १०
 यदिन्विन्द्र पृथिवी दशभुजि रहानि विश्वा ततनन्त कृष्टयः ।
 अत्राह ते मघवन् विश्रुतं सहो द्यामनु शवसा बर्हणा भुवत् ११
 त्वमस्य पारे रजसो व्यौमनः स्वभूत्योजा अवसे धृषन्मनः ।
 चकृषे भूमिं प्रतिमानमोजसोऽपः स्वः परिभूरेष्या दिवम् १२
 त्वं भुवः प्रतिमानं पृथिव्या ऋष्ववीरस्य बृहतः पतिर्भूः ।
 विश्वमाप्रा अन्तरिक्षं महित्वा सत्यमुद्धा नकिरन्यस्त्वावान् १३
 न यस्य द्यावापृथिवी अनु व्यचो न सिन्धवो रजसो अन्तमानुशुः ।
 नोत स्ववृष्टिं मदं अस्य युध्यत एकौ अन्यच्चकृषे विश्वमानुषक १४
 आर्चन्नत्र मरुतः सस्मिन्नाजौ विश्वे देवासौ अमदन्ननु त्वा ।
 वृत्रस्य यद् भृष्टिमता वधेन नि त्वमिन्द्र प्रत्यानं जघन्थ १५

(५३) त्रिपञ्चाशं सूक्तम्

(१-११) एकादशर्चस्यास्य सूक्तस्याङ्गिरसः सव्य ऋषिः । इन्द्रो देवता । (१-६)
 प्रथमादिनवर्चा जगती (१०-११) दशम्येकादश्योश्च त्रिष्टुप् छन्दसी
 न्यू॒ञ्छु षु वाचं प्र मु॒हे भ॑रामहे गिर॒ इन्द्रा॑यु॒ स॒द॒ने वि॒वस्व॑तः ।
 नू चि॒द्धि रत्नं स॒स॒तामि॒वावि॑दुन्न दु॒ष्टुति॑र्द्रवि॒णो॒देषु॑ शस्यते १
 दुरो अ॒श्वस्य॑ दुर ईन्द्र॒ गोरे॑सि दुरो य॒वस्य॑ वसु॒न इ॒नस्प॑तिः ।
 शि॒क्षान॑रः प्र॒दि॒वो अ॒काम॑कर्श॒नः सखा॑ सखि॒भ्यस्त॑मिदं गृणीमसि २
 शची॑व इन्द्र पुरु॒कृद् द्यु॒मत्त॑म् तवे॒दि॒दम॑भित॒श्चेकि॑ते वसु ।
 अ॒तः स॒गृभ्या॑भिभूत आ भ॑र मा त्वा॒यतो॑ ज॒रितुः॑ का॒र्ममू॑नयीः ३
 ए॒भिर्द्यु॑भिः सु॒मना॑ ए॒भिरि॑न्दुभि॒ निरु॑न्धा॒नो अ॒म॒तिं गो॑भि॒रश्वि॑ना ।
 इ॒न्द्रेण॑ दस्यु॒ द॒रय॑न्त इ॒न्दुभि॑र्यु॒तद्वैष॑सः स॒मिषा॑ र॒भेम॑हि ४
 स॒मिन्द्र॑ रा॒या स॒मिषा॑ र॒भेम॑हि सं वा॒जैभिः॑ पु॒रुश्च॑न्द्रै॒रभि॑द्युभिः ।
 सं दे॒व्या प्र॑मत्या वी॒रशु॑ष्मया गो॒अ॒ग्रया॑श्चा॒वत्या॑ र॒भेम॑हि ५
 ते त्वा॒ मदा॑ अ॒मद॑न् तानि वृ॒ष्ण्या॑ ते सोमा॑सो वृ॒त्रह॑त्येषु स॒त्पते॑ ।
 यत् का॒रवे॑ दशं वृ॒त्राय॑प्रति ब॒र्हिष्म॑ते नि स॒हस्रा॑णि ब॒र्हयः॑ ६
 यु॒धा यु॒धमु॑प घे॒र्देषि॑ धृ॒ष्ण्या॑ पु॒रा पु॒रं स॒मिदं॑ ह॒स्योर्ज॑सा ।
 न॒म्या यदि॑न्द्र स॒ख्या प॑राव॒र्ति नि॒ब॒र्हयो॑ न॒मुचि॑न् नाम॑ मा॒यिन॑म् ७
 त्वं क॑र॒ञ्जमु॑त पु॒र्णय॑ वधी॒ स्तेजि॑ष्ठयातिथि॒ग्वस्य॑ वर्त॒नी ।
 त्वं श॒ता वे॒ङ्गद॑स्याभि॒नत् पुरो॑ऽनानुदः परि॒षूता॑ ऋ॒जिश्च॑ना ८
 त्वमे॒ताञ्ज॑न॒राज्ञो॑ द्वि॒र्दशा॑ऽब॒न्धुना॑ सु॒श्रव॑सोप॒जग्मु॑षः ।
 ष॒ष्टिं स॒हस्रा॑ न॒व॒तिं न॒व श्रु॑तो नि च॒क्रेण॑ रथ्या॒ दुष्प॑दावृ॒णक् ९
 त्वमा॑विथ सु॒श्रव॑सं तवो॒तिभि॑ स्तव॒ त्राम॑भिरिन्द्र॒ तूर्व॑याणम् ।
 त्वम॑स्मै कु॒त्स॑मतिथि॒ग्वमा॑युं मु॒हे रा॒ज्ञे यू॒नै अ॒रन्ध॑नायः १०
 य उ॒दृची॑न्द्र दे॒वगो॑पाः सखा॑यस्ते शि॒वत॑मा॒ असा॑म ।
 त्वां स्तो॑षाम॒ त्वया॑ सु॒वीरा॑ द्राघी॒य आ॑युः प्र॒तरं॑ दधा॒नाः ११

(५४) चतुःपञ्चाशं सूक्तम्

(१-११) एकादशर्चस्यास्य सूक्तस्याङ्गिरसः सव्य ऋषिः । इन्द्रो देवता । (१-५,
 ७, १०) प्रथमादिपञ्चर्चा सप्तमीदशम्योश्च जगती (६, ८-९, ११)

षष्ठ्यष्टमीनवम्येकादशीनाञ्च त्रिष्टुप् छन्दसी
 मा नो अस्मिन् मघवन् पृत्स्वंहसि नृहि ते अन्तः शर्वसः परीणशै ।
 अक्रन्दयो नृद्योऽरोरुवद् वना कथा न क्षोणीर्भियसा समारत १
 अर्चा शक्राय शाकिने शर्चीवते शृणवन्तमिन्द्रं महयन्नभि ष्टहि ।
 यो धृष्णुना शर्वसा रोदसी उभे वृषा वृषत्वा वृषभो न्यृञ्जतै २
 अर्चा दिवे बृहते शूष्यं वचः स्वक्षत्रं यस्य धृषतो धृषन्मनः ।
 बृहच्छ्रवा असुरो बर्हणा कृतः पुरो हरिभ्यां वृषभो रथो हि षः ३
 त्वं दिवो बृहतः सानु कोपयोऽव त्मना धृषता शंबरं भिनत् ।
 यन्मायिनो वृन्दिनो मन्दिना धृष च्छितां गर्भस्तिमशनिं पृतन्यसि ४
 नि यद् वृणक्षि श्वसनस्य मूर्धनि शुष्णस्य चिद् वृन्दिनो रोरुवद् वना ।
 प्राचीनैन मनसा बर्हणावता यद्वा चित् कृणवः कस्त्वा परि ५
 त्वमाविथ नयं तुर्वशं यदुं त्वं तुर्वीति वय्यं शतक्रतो ।
 त्वं रथमेतशं कृत्वये धने त्वं पुरो नवतिं दम्भयो नव ६
 स घा राजा सत्पतिः शूशुवञ्जनो रातहव्यः प्रति यः शासमिन्वति ।
 उक्था वा यो अभिगृणाति राधसा दानुरस्मा उपरा पिन्वते दिवः ७
 असमं क्षत्रमसमा मनीषा प्र सौमपा अपसा सन्तु नेमै ।
 ये त इन्द्र ददुषौ वर्धयन्ति महि क्षत्रं स्थविरं वृषयं च ८
 तुभ्येदेते बहुला अद्रिदुग्धाश्चमूषदश्चमसा इन्द्रपानाः ।
 व्यश्नुहि तर्पया काममेषा मथा मनो वसुदेयाय कृष्व ९
 अपामतिष्ठद्वरुणह्वरं तमोऽन्तर्वृत्रस्य जठरेषु पर्वतः ।
 अभीमिन्द्रो नृद्यो वृत्रिणा हिता विश्वा अनुष्ठाः प्रवृणेषु जिघ्रते १०
 स शेवृधमधि धा द्युम्रमस्मे महि क्षत्रं जनाषाळिन्द्र तव्यम् ।
 रक्षा च नो मघोनः पाहि सूरीन् राये च नः स्वपत्या इषे धाः ११

(५५) पञ्चपञ्चाशं सूक्तम्

(१-८) अष्टर्चस्यास्य सूक्तस्याङ्गिरसः सव्य ऋषिः । इन्द्रो देवता । जगती छन्दः
 दिवश्चिदस्य वरिमा वि पप्रथ इन्द्रं न मुहा पृथिवी चन प्रति ।
 भीमस्तुविष्माञ्चर्षणिभ्य आतपः शिशीते वज्रं तेजसे न वंसंगः १
 सो अर्णवो न नृद्यः समुद्रियः प्रति गृभ्णाति विश्रिता वरीमभिः ।

इन्द्रः सोमस्य पीतयै वृषायते सनात् स युध्म ओजसा पनस्यते २
 त्वं तमिन्द्र पर्वतं न भोजसे मुहो नृम्णस्य धर्मणामिरज्यसि ।
 प्र वीर्येण देवताति चेकिते विश्वस्मा उग्रः कर्मणे पुरोहितः ३
 स इद् वनै नमस्युभिर्वचस्यते चारु जनैषु प्रब्रुवाण इन्द्रियम् ।
 वृषा छन्दुर्भवति हर्यतो वृषा क्षेमैण धेना मघवा यदिन्वति ४
 स इन्महानि समिथानि मुज्मना कृणोति युध्म ओजसा जनैभ्यः ।
 अधा चन श्रद् दधति त्विषीमत इन्द्राय वज्रं निघनिघ्नते वधम् ५
 स हि श्रवस्युः सदनानि कृत्रिमा क्षमया वृधान ओजसा विनाशयन् ।
 ज्योतीषि कृणवन्नवृकाणि यज्यवेऽव सुक्रतुः सर्तवा अपः सृजत् ६
 दानाय मर्नः सोमपावन्नस्तु तेऽर्वाञ्चा हरी वन्दनश्रुदा कृधि ।
 यमिष्ठासः सारथयो य इन्द्र ते न त्वा केता आ देभुवन्ति भूरण्यः ७
 अप्रक्षितं वसु बिभर्षि हस्तयो रषाहळं सहस्तन्वि श्रुतो दधे ।
 आवृतासोऽवृतासो न कर्तृभिस्तनूषु ते क्रतव इन्द्र भूरयः ८

(५६) षट्पञ्चाशं सूक्तम्

(१-६) षट्चस्यास्य सूक्तस्याङ्गिरसः सव्य ऋषिः । इन्द्रो देवता । जगती छन्दः
 एष प्र पूर्वीरव तस्य चमिषोऽत्यो न योषामुदयंस्त भुवर्णिः ।
 दक्षं मुहे पाययते हिरण्ययं रथमावृत्वा हरियोगमृभ्वसम् १
 तं गूर्तयौ नेमन्निषः परीणसः समुद्रं न संचरणे सनिष्यवः ।
 पतिं दक्षस्य विदथस्य नू सहौ गिरिं न वेना अधि रोह तेजसा २
 स तुर्वणिर्महाँ अरेणु पौस्यै गिरेर्भृष्टिर्न भ्राजते तुजा शवः ।
 येन शुष्णं मायिनमायसो मदै दुध्र आभूषु रामयन्नि दामनि ३
 देवी यदि तविषी त्वावृधोतय इन्द्रं सिषक्त्युषसं न सूर्यः ।
 यो धृष्णुना शवसा बाधते तम् इयति रेणुं बृहदह्रिष्वणिः ४
 वि यत् तिरो धरुणमच्युतं रजोऽतिष्ठिपो दिव आतासु बर्हणा ।
 स्वर्मीहळे यन्मद इन्द्र हर्ष्याहन् वृत्रं निरपामौब्जो अर्णवम् ५
 त्वं दिवो धरुणं धिष ओजसा पृथिव्या इन्द्र सदनैषु माहिनः ।
 त्वं सुतस्य मदै अरिणा अपो वि वृत्रस्य समया पाष्यारुजः ६

(५७) सप्तपञ्चाशं सूक्तम्

(१-६) षडृचस्यास्य सूक्तस्याङ्गिरसः सव्य ऋषिः । इन्द्रो देवता । जगती छन्दः
 प्र मंहिष्ठाय बृहते बृहद्रये सत्यशुष्माय तवसे मतिं भरे ।
 अपामिव प्रवणे यस्य दुर्धरं राधो विश्वायु शर्वसे अपावृतम् १
 अर्धं ते विश्वमनु हासदिष्टय आपो निम्नेव सर्वना हविष्मतः ।
 यत् पर्वते न समशीत हर्यत इन्द्रस्य वज्रः शनथिता हिरण्ययः २
 अस्मै भीमाय नमसा समध्वर उषो न शुभ्र आ भरा पनीयसे ।
 यस्य धाम शर्वसे नामैन्द्रियं ज्योतिरकारि हरितो नार्यसे ३
 इमे ते इन्द्र ते वयं पुरुष्टु ये त्वारभ्य चरामसि प्रभूवसो ।
 नहि त्वदन्यो गिर्वणो गिरः सघत् क्षोणीरिव प्रति नो हर्य तद् वचः ४
 भूरि त इन्द्र वीर्यं तव स्मस्यस्य स्तोतुर्मघवन् काममा पृण ।
 अनु ते द्यौर्बृहती वीर्यं मम इयं च ते पृथिवी नैम् ओजसे ५
 त्वं तमिन्द्र पर्वतं महामुरुं वज्रैण वज्रिन् पर्वशश्चकर्तिथ ।
 अवांसृजो निर्वृताः सर्तवा अपः सत्रा विश्वं दधिषे केवलं सहः ६

(५८) अष्टपञ्चाशं सूक्तम्

(१-६) नवर्चस्यास्य सूक्तस्य गौतमो नोधा ऋषिः । अग्निर्देवता । (१-५)
 प्रथमादिपञ्चर्चा जगती (६-६) षष्ठ्यादिचतसृणाञ्च त्रिष्टुप् छन्दसी
 नू चित् सहोजा अमृतो नि तुन्दते होता यद् दूतो अभवद् विवस्वतः ।
 वि साधिष्ठेभिः पृथिभी रजो मम आ देवताता हविषा विवासति १
 आ स्वमघं युवमानो अजरं स्तृष्वविष्यन्नतसेषु तिष्ठति ।
 अत्यो न पृष्ठं प्रुषितस्य रोचते दिवो न सानुं स्तनयन्नचिक्रदत् २
 क्राणा रुद्रेभिर्वसुभिः पुरोहितो होता निषत्तो रयिषाळमर्त्यः ।
 रथो न विद्ववृञ्जसान आयुषु व्यानुषग्वार्या देव ऋणवति ३
 वि वार्तजूतो अतसेषु तिष्ठते वृथा जुहूभिः सृण्या तुविष्वशिः ।
 तृषु यदग्ने वनिनो वृषायसे कृष्णं त एम् रुशदूर्मे अजर ४
 तपुर्जम्भो वन् आ वार्तचोदितो यूथे न साह्यं अर्वा वाति वंसंगः ।
 अभिव्रजन्नक्षितं पार्जसा रजः स्थातुश्चरथं भयते पतत्रिणः ५
 दधुष्टा भृगवो मानुषेष्वा रयिं न चारुं सुहवं जनैभ्यः ।
 होतारमग्ने अतिथिं वरेण्यं मित्रं न शेवं दिव्यायु जन्मने ६

होतारं सप्त जुहोऽं यजिष्ठं यं वाघतो वृणते अध्वरेषु ।
 अग्निं विश्वेषामरतिं वसूनां सपर्यामि प्रयसा यामि रत्नम् ७
 अच्छिद्रा सूनो सहसो नो अद्य स्तोतृभ्यो मित्रमहः शर्म यच्छ ।
 अग्रे गृणन्तमंहस उरुष्योर्जो नपात् पूर्भिरायसीभिः ८
 भवा वरूथं गृणते विभावो भवा मघवन् मघवद्भ्यः शर्म ।
 उरुष्याग्ने अंहसो गृणन्तं प्रातर्मक्षू धियावसुर्जगम्यात् ९

(५६) एकोनषष्टितमं सूक्तम्

(१-७) सप्तर्चस्यास्य सूक्तस्य गौतमो नोधा ऋषिः । अग्निर्वैश्वानरो देवता ।

त्रिष्टुप् छन्दः

व्या इदमे अग्रयस्ते अन्ये त्वे विश्वे अमृता मादयन्ते ।
 वैश्वानर नाभिरसि क्षितीनां स्थूणैव जना उपमिद् ययन्थ १
 मूर्धा दिवो नाभिरग्निः पृथिव्या अथाभवदरती रोदस्योः ।
 तं त्वा देवासोऽजनयन्त देवं वैश्वानर ज्योतिरिदार्याय २
 आ सूर्ये न रश्मयो ध्रुवासो वैश्वानरे दधिरेऽग्रा वसूनि ।
 या पर्वतेष्वोषधीष्वप्सु या मानुषेष्वसि तस्य राजा ३
 बृहती इव सूनवे रोदसी गिरो होता मनुष्योऽं न दक्षः ।
 स्वर्वते सत्यशुष्माय पूर्वी वैश्वानराय नृतमाय युहीः ४
 दिवश्चित् ते बृहतो जातवेदो वैश्वानर प्र रिरिचे महित्वम् ।
 राजा कृष्टीनामसि मानुषीणां युधा देवेभ्यो वरिवश्चकर्थ ५
 प्र नू महित्वं वृषभस्य वोचं यं पूरवो वृत्रहणं सचन्ते ।
 वैश्वानरो दस्युमग्निर्जघन्वा अधूनोत् काष्ठा अव शंबरं भेत् ६
 वैश्वानरो महिम्ना विश्वकृष्टिर्भरद्वाजेषु यजतो विभावा ।
 शातवनेये शतिनीभिरग्निः पुरुणीथे जरते सूनृतावान् ७

(६०) षष्टितमं सूक्तम्

(१-५) पञ्चर्चस्यास्य सूक्तस्य गौतमो नोधा ऋषिः । अग्निर्देवता । त्रिष्टुप् छन्दः
 वह्निं यशसं विदथस्य केतुं सुप्राव्य दूतं सद्यो अर्थम् ।
 द्विजन्मानं रयिमिव प्रशस्तं रातिं भरद् भृगवे मातरिश्वा १
 अस्य शासुरुभयासः सचन्ते हविष्मन्त उशिजो ये च मर्ताः ।

दिवश्चित् पूर्वो न्यसादि होताऽऽपृच्छयो विशपतिर्विन्नु वेधाः २
 तं नव्यसी हृद आ जायमान मस्मत् सुकीर्तिर्मधुजिह्वमश्याः ।
 यमृत्विजो वृजने मानुषासः प्रयस्वन्त आयवो जीजनन्त ३
 उशिक पावको वसुमानुषेषु वरैरयो होताधायि विन्नु ।
 दमूना गृहपतिर्दम आँ अग्निर्भुवद् रयिपती रयीणाम् ४
 तं त्वा वयं पतिमग्रे रयीणां प्र शंसामो मृतिभिर्गोतमासः ।
 आशं न वाजंभरं मर्जयन्तः प्रातर्मन्त्रू धियावसुर्जगम्यात् ५

(६१) एकषष्टितमं सूक्तम्

(१-१६) षोडशर्चस्यास्य सूक्तस्य गौतमो नोधा ऋषिः । इन्द्रो देवता ।

त्रिष्टुप् छन्दः

अस्मा इदु प्र तवसे तुराय प्रयो न हर्मि स्तोमं माहिनाय ।
 ऋचीषमायाधिगव ओह मिन्द्राय ब्रह्माणि रातर्तमा १
 अस्मा इदु प्रय इव प्र यसि भराम्याङ्गुषं बाधे सुवृक्ति ।
 इन्द्राय हृदा मनसा मनीषा प्रत्वाय पत्ये धियो मर्जयन्त २
 अस्मा इदु त्यमुपमं स्वर्षा भराम्याङ्गुषमास्येन ।
 मंहिष्ठमच्छौक्तिभिर्मतीनां सुवृक्तिभिः सूरिं वावृधध्यै ३
 अस्मा इदु स्तोमं सं हिनोमि रथं न तष्टेव तत्सिनाय ।
 गिरश्च गिर्वाहसे सुवृक्तीन्द्राय विश्वमिन्वं मेधिराय ४
 अस्मा इदु सप्तिमिव श्रवस्येन्द्रायार्क जुह्वाऽ समञ्जे ।
 वीरं दानौकसं वन्दध्यै पुरां गूर्तश्रवसं दुर्माणम् ५
 अस्मा इदु त्वष्टा तन्नद् वज्रं स्वपस्तमं स्वर्यं रणाय ।
 वृत्रस्य चिद् विदद् येन मर्म तुजन्नीशानस्तुजता कियेधाः ६
 अस्येदु मातुः सर्वनेषु सद्यो महः पितुं पपिवाञ्चार्वन्ना ।
 मुषायद् विष्णुः पचतं सहीयान् विध्यद् वराहं तिरो अद्रिमस्ता ७
 अस्मा इदु ग्राश्चिद् देवपत्नी रिन्द्रायार्कमहिहत्य ऊवुः ।
 परि द्यावापृथिवी जभ्र उर्वी नास्य ते महिमानं परि ष्टः ८
 अस्येदेव प्र रिरिचे महित्वं दिवस्पृथिव्याः पर्यन्तरिक्षात् ।
 स्वराळिन्द्रो दम आ विश्वगूर्तः स्वरिमत्रो ववक्षे रणाय ९
 अस्येदेव शर्वसा शषन्तं वि वृश्चद् वज्रेण वृत्रमिन्द्रः ।

गा न ब्राणा अवनीरमुञ्च दधि श्रवो दावने सचेताः १०
 अस्येदु त्वेषसा रन्त सिन्धवः परि यद् वज्रेण सीमयच्छत् ।
 ईशानकृद् दाशुषे दशस्यन् तुर्वीतये गाधं तुर्वणिः कः ११
 अस्मा इदु प्र भरा तूतुजानो वृत्राय वज्रमीशानः कियेधाः ।
 गोर्न पर्व वि रंदा तिरश्चे ष्यन्नर्णास्यपां चरध्यै १२
 अस्येदु प्र ब्रूहि पूर्व्याणि तुरस्य कर्माणि नव्य उक्थैः ।
 युधे यदिष्णान आयुधा न्यघायमाणो निरिणाति शत्रून् १३
 अस्येदु भिया गिरयश्च दृहळा द्यावा च भूमा जनुषस्तुजेते ।
 उपौ वेनस्य जोगुवान ओणिं सद्यो भुवद् वीर्याय नोधाः १४
 अस्मा इदु त्यदनु दाय्येषा मेको यद् वव्ने भूरेरीशानः ।
 प्रेतशं सूर्यै पस्पृधानं सौवश्वये सुष्विमावदिन्द्रः १५
 एवा तै हारियोजना सुवृक्तीन्द्र ब्रह्माणि गोतमासो अक्रन् ।
 ऐषु विश्वपैशसं धियं धाः प्रातर्मक्षू धियावसुर्जगम्यात् १६

पञ्चमोऽध्यायः ५

। व० १-३१ ।

(६२) द्विषष्टितमं सूक्तम्

(१-१३) त्रयोदशर्चस्यास्य सूक्तस्य गौतमो नोधा ऋषिः । इन्द्रो देवता ।

त्रिष्टुप् छन्दः

प्र मन्महे शवसानाय शूष माङ्गूषं गिर्वणसे अङ्गिरस्वत् ।
 सुवृक्तिभिः स्तुवत ऋग्मियाया ऽर्चामार्कं नरे विश्रुताय १
 प्र वो महे महि नमो भरध्व माङ्गूष्यं शवसानाय सामं ।
 येना नः पूर्वे पितरः पदज्ञा अर्चन्तो अङ्गिरसो गा अविन्दन् २
 इन्द्रस्याङ्गिरसां चेष्टौ विदत् सरमा तनयाय धासिम् ।
 बृहस्पतिर्भिनदद्रिं विदद् गाः समुस्त्रियाभिर्वावशन्त नरः ३
 स सुष्टुभा स स्तुभा सप्त विप्रैः स्वरेणाद्रिं स्वयोर्यो नवगवैः ।
 सरण्युभिः फलिगमिन्द्र शक्र वलं रवेण दरयो दशगवैः ४
 गृणानो अङ्गिरोभिर्दस्म वि व रुषसा सूर्येण गोभिरन्धः ।
 वि भूम्या अप्रथय इन्द्र सानुं दिवो रज उपरमस्तभायः ५
 तदु प्रयत्नतममस्य कर्म दस्मस्य चारुतममस्ति दंसः ।

उ॒प॒ह्वरे॒ यदु॒प॒रा अ॒पि॒न्वन् म॒ध्व॒र्ण॒सो न॒द्य॒श्च॒त॒स्रः ६
 द्वि॒ता वि॒ व॒त्रे स॒न॒जा स॒नी॒ळे अ॒या॒स्यः स्त॒व॒मा॒नेभि॒र॒कैः ।
 भ॒गो न मे॒नै प॒रमे॒ व्यो॒म॒ न्न॒धा॒रय॒द् रो॒द॒सी सु॒द॒साः ७
 स॒नाद् दि॒वं प॒रि भू॒मा वि॒रू॒पे पु॒न॒र्भु॒वा यु॒व॒ती स्वे॒भि॒रे॒वैः ।
 कृ॒ष्णे॒भि॒र॒क्तो॒षा रु॒श॒द्भि॒र्व॒पु॒र्भि॒रा च॒रतो॒ अ॒न्या॒न्या ८
 स॒नैमि॒ स॒ख्यं स्वं॒प॒स्य॒मा॒नः सू॒नु॒र्दा॒धार॒ श॒व॒सा सु॒द॒साः ।
 आ॒मा॒सु चि॒द् द॒धि॒षे प॒क्व॒म॒न्तः प॒यः कृ॒ष्णा॒सु रु॒श॒द् रो॒हि॒णीषु ९
 स॒नात् स॒नी॒ळा अ॒व॒नी॒र॒वा॒ता वृ॒ता र॒क्ष॒न्ते अ॒मृ॒ताः स॒हो॒भिः ।
 पु॒रू स॒ह॒स्रा ज॒न॒यो न प॒त्नी दु॒व॒स्य॒न्ति स्व॒सा॒रो अ॒ह॒या॒णम् १०
 स॒ना॒यु॒वो न॒म॒सा न॒व्यो अ॒कैर्व॒सू॒य॒वो म॒त॒यो द॒स्म द॒द्रुः ।
 प॒तिं न प॒त्नीरु॒श॒तीरु॒श॒न्त॒ स्पृ॒श॒न्ति त्वा श॒व॒सा॒वन् म॒नी॒षाः ११
 स॒नादे॒व त॒व रा॒यो ग॒र्भ॒स्तौ न क्षी॒र्य॒न्ते नो॒प द॒स्य॒न्ति द॒स्म ।
 द्यु॒माँ अ॒सि क्र॒तु॒माँ इन्द्र॒ धी॒रः शि॒क्षा श॒ची॒व॒स्त॒व नः श॒ची॒भिः १२
 स॒ना॒य॒ते गो॒त॒म इन्द्र॒ न॒व्य॒ म॒त॒क्ष॒द् ब्र॒ह्म ह॒रि॒यो॒ज॒नाय ।
 सु॒नी॒थाय॒ नः श॒व॒सान॒ नो॒धाः प्रा॒त॒र्म॒क्षू धि॒या॒व॒सु॒र्ज॒ग॒म्यात् १३

(६३) त्रिषष्टितमं सूक्तम्

(१-६) नवर्चस्यास्य सूक्तस्य गौतमो नोधा ऋषिः । इन्द्रो देवता । त्रिष्टुप् छन्दः
 त्वं मु॒हाँ इन्द्र॒ यो ह॒ शु॒ष्मै द्या॒वा ज॒ज्ञानः पृ॒थि॒वी अ॒मै धाः ।
 यद्ध॒ ते वि॒श्वा गि॒रय॑श्चि॒द॒भ्वा भि॒या दृ॒ह॒ळासः॑ कि॒रणा॒ नैज॑न् १
 आ यद्ध॒री इन्द्र॒ वि॒व॒ता वे॒रा ते॒ वज्रं॑ ज॒रिता॒ ब्रा॒ह्मो॒धात् ।
 येना॒वि॒ह॒र्य॒त॒क्रतो॒ अ॒मि॒त्रान् पु॒र इ॒ष्णा॒सि पु॒रु॒हूत॒ पूर्वीः २
 त्वं स॒त्य इन्द्र॒ धृ॒ष्णु॒रे॒तान् त्व॒मृ॒भु॒क्षा न॒र्य॒स्त्वं षा॑ट् ।
 त्वं शु॒ष्णं वृ॒ज॒ने पृ॒क्ष आ॒णौ यू॒ने कु॒त्सा॒य द्यु॒मते॒ सचा॑हन् ३
 त्वं ह॒ त्यदि॑न्द्र॒ चो॒दीः स॒खा वृ॒त्रं यद् व॑ज्रिन् वृष॒क॒र्म॒नु॒भ्नाः ।
 यद्ध॒ शूर॒ वृष॑म॒णः प॒राचै॒र्वि द॒स्यु॒र्यो॒नाव॑कृ॒तो वृ॒था॒षा॑ट् ४
 त्वं ह॒ त्यदि॑न्द्रा॒रि॒षय॑न् दृ॒ह॒ळस्य॑ चि॒न्म॒ता॒नाम॑जु॒ष्टौ ।
 व्य॒श्म॒दा का॒ष्ठा अ॒व॒ते व॒र्ध॒ने॒व व॒ज्रि॒ञ्छ॒न॒थि॒ह्यमि॒त्रान् ५
 त्वां ह॒ त्यदि॑न्द्रा॒र्ण॒सा॒तौ स्व॒र्मी॒ह॒ळे न॒र आ॒जा ह॑व॒न्ते ।
 त॒व स्व॑धा॒व इ॒य॒मा स॒म॒र्य ऊ॒ति॒र्वा॒जै॒ष्वत॑सा॒य्या भू॑त् ६

त्वं ह त्वदिन्द्र सप्त युध्यन् पुरौ वज्रिन् पुरुकुत्साय दर्दः ।
 बर्हिर्न यत्सुदासे वृथा वर्गहो राजन्वरिवः पूरवै कः ७
 त्वं त्यां न इन्द्र देव चित्रा मिषमापो न पीपयः परिज्मन् ।
 यया शूर प्रत्यस्मभ्यं यंसि त्मन्मूर्जं न विश्वध क्षरं ध्यै ८
 अकारि त इन्द्र गोतमेभिर्ब्रह्माण्योक्ता नमसा हरिभ्याम् ।
 सुपेशसं वाजमा भरा नः प्रातर्मक्षू धियावसुर्जगम्यात् ९

(६४) चतुःषष्टितमं सूक्तम्

(१-१५) पञ्चदशर्वस्यास्य सूक्तस्य गौतमो नोधा ऋषिः । मरुतो देवताः । (१-

१४) प्रथमादिचतुर्दशर्चा जगती १५ पञ्चदश्याश्च त्रिष्टुप् छन्दसी

वृष्णे शर्धाय सुमखाय वेधसे नोधः सुवृत्तिं प्र भरा मरुद्भ्यः ।
 अपो न धीरो मनसा सुहस्त्यो गिरः समञ्जे विदथेष्वाभुवः १
 ते जज्ञिरे दिव ऋष्वासो उक्ष्णो रुद्रस्य मर्या असुरा अरेपसः ।
 पावकासः शुचयः सूर्या इव सत्वानो न द्रप्सिनो घोरवर्षसः २
 युवानो रुद्रा अजरा अभोग्धनो ववक्षुरधिगावः पर्वता इव ।
 दृहळा चिद् विश्वा भुवनानि पार्थिवा प्र च्यावयन्ति दिव्यानि मज्मना ३
 चित्रैरञ्जिभिर्वपुषे व्यञ्जते वक्षःसु रुक्माँ अधि येतिरे शभे ।
 असैष्वेषां नि मिमृक्षुर्ऋष्टयः साकं जज्ञिरे स्वधया दिवो नरः ४
 ईशानकृतो धुनयो रिशादसो वातान् विद्युतस्तविषीभिरक्रत ।
 दुहन्त्यूर्धर्दिव्यानि धूतयो भूमिं पिन्वन्ति पर्यसा परिज्रयः ५
 पिन्वन्त्यपो मरुतः सुदानवः पर्यो घृतवद् विदथेष्वाभुवः ।
 अत्यं न मिहे वि नयन्ति वाजिन् मुत्सं दुहन्ति स्तनयन्तमक्षितम् ६
 महिषासौ मायिनश्चित्रभानवो गिरयो न स्वतवसो रघुष्यदः ।
 मृगा इव हस्तिनः खादथा वना यदारुणीषु तविषीरयुग्धम् ७
 सिंहा इव नानदति प्रचैतसः पिशा इव सुपिशो विश्ववैदसः ।
 क्षपो जिन्वन्तः पृषतीभिर्ऋष्टिभिः समित् सबाधः शवसाहिमन्यवः ८
 रोदसी आ वदता गणश्रियो नृषाचः शूराः शवसाहिमन्यवः ।
 आ वन्धुरैष्वमतिर्न दर्शता विद्युन्न तस्थौ मरुतो रथेषु वः ९
 विश्ववैदसो रयिभिः समौकसः संमिश्लास्तविषीभिर्विरप्शिनः ।
 अस्तार इषु दधिरे गर्भस्त्यो रनन्तशष्मा वृषखादयो नरः १०

हिरण्ययेभिः पविभिः पयोवृध उज्जिघ्नन्त आपथ्योऽं न पर्वतान् ।
 मखा अयासः स्वसृतौ ध्रुवच्युतौ दुध्नकृतौ मरुतो भ्राजदृष्टयः ११
 घृषु पावकं वनिनं विचर्षणिं रुद्रस्य सूनुं हवसा गृणीमसि ।
 रजस्तुरं तवसं मारुतं गुणं मृजीषिणं वृषणं सश्वत श्रिये १२
 प्र नू स मर्तः शर्वसा जनाँ अतिं तस्थौ व ऊती मरुतो यमावत ।
 अर्वद्विर्वाजं भरते धना नृभि रापृच्छयं क्रतुमा क्षेति पुष्यति १३
 चर्कृत्य मरुतः पृत्सु दुष्टरं द्युमन्तं शुष्मं मघवत्सु धत्तन ।
 धनस्पृतमुक्थ्यं विश्वचर्षणिं तोकं पुष्येम तनयं शतं हिमाः १४
 नू छिरं मरुतो वीरवन्त मृतीषाहं रयिमस्मासु धत्त ।
 सहस्रिणं शतिर्न शूशवांसं प्रातर्मक्षू धियार्वसुर्जगम्यात् १५

(६५) पञ्चषष्टितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा
 विराट् छन्दः

पश्वा न तायुं गुहा चतन्तं नमो युजानं नमो वहन्तम् १
 सजोषा धीराः पदैरनु ग्मन्नुप त्वा सीदन् विश्वे यजत्राः १ २
 ऋतस्य देवा अनु वृता गुर्भुवत्परिष्टिद्यौर्न भूमं ३
 वर्धन्तीमपः पन्वा सुर्शिश्चि मृतस्य योना गर्भे सुजातम् २ ४
 पुष्टिर्न रणवा क्षितिर्न पृथ्वी गिरिर्न भुज्म क्षोदो न शंभु ५
 अत्यो नाज्मन् त्सर्गप्रतक्तः सिन्धुर्न क्षोदः क ई वराते ३ ६
 जामिः सिन्धूनां भ्रातैव स्वस्त्रा मिभ्यान्न राजा वनान्यत्ति ७
 यद् वार्तजूतो वना व्यस्था दग्निर्ह दाति रोमा पृथिव्याः ४ ८
 श्वसित्यप्सु हंसो न सीदन् क्रत्वा चेतिष्ठो विशामुषर्भुत् ९
 सोमो न वेधा ऋतप्रजातः पशुर्न शिश्वा विभुर्दूरभाः ५ १०

(६६) षट्षष्टितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा
 विराट् छन्दः

रयिर्न चित्रा सूर्यो न सन्दृगायुर्न प्राणो नित्यो न सूनुः १
 तक्वा न भूर्णिर्वना सिषक्ति पयो न धेनुः शुचिर्विभावा १ २

दा॒धार॒ क्षेम॒मोको॒ न र॒णवो॒ यवो॒ न पु॒क्वो जेता॒ जनानाम् ३
 ऋ॒षिर्न॒ स्तुभ्वा॒ वि॒क्षु प्र॒शस्तो॒ वा॒जी न प्रीतो॒ वयौ॑ दधाति २ ४
 दुरो॒क॒शोचिः॒ क्रतु॒र्न नित्यो॑ जा॒येव॒ योना॒वरं॒ विश्व॑स्मै ५
 चि॒त्रो यद॒भ्राट् छ॒वेतो॒ न वि॒क्षु रथो॒ न रु॒क्मी त्वेषः॒ समत्सु॑ ३ ६
 सेनै॒व सृ॒ष्टाम॑ दधा॒त्य स्तु॒र्न दि॒द्युत् त्वेष॑प्रतीका ७
 य॒मो ह॑ जा॒तो य॒मो ज॒नित्वं॒ जा॒रः क॒नीनां॒ पति॑र्जनीनाम् ४ ८
 तं व॑श्चराथा॒ व॒यं व॑स॒त्या स्तं॒ न गावो॒ न क्ष॑न्त इद्धम् ९
 सि॒न्धुर्न क्षोदः॒ प्र नी॑र्च॒रिनो॒ ब्रव॑न्त गावः॒ स्व॑र्द्ध॒शीके॑ ५ १०

(६७) सप्तषष्ठितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा
 विराट् छन्दः

वने॑षु जा॒युर्म॑र्तेषु मि॒त्रो वृ॑णीते श्रुष्टिं॒ राजै॑वाजु॒र्यम् १
 क्षेमो॒ न सा॒धुः क्रतु॒र्न भ॒द्रो भु॑र्वत् स्वा॒धी ह्री॑ता हव्य॒वाद् १ २
 हस्ते॒ दधा॑नो नृ॒मणा॒ विश्वा॒न्यमे॑ दे॒वान् धा॒द् गुहा॑ नि॒षीद॑न् ३
 वि॒दन्ती॒मत्र॒ नरो॑ धि॒यं धा॒ ह॒दा यत् त॒ष्टान् मन्त्राँ॑ अ॒शंस॑न् २ ४
 अ॒जो न क्षां॑ दा॒धारं पृ॒थि॒वीं त॒स्तम्भ॒ द्यां मन्त्रै॑भिः स॒त्यैः ५
 प्रि॒या पु॒दानि॑ पु॒श्चो नि॒ पोहि॑ विश्वा॒युर॒ग्रे गुहा॑ गुहं गाः ३ ६
 य ई॑ चि॒केत् गुहा॑ भव॑न्त॒ मा यः स॒साद् धा॒रामृ॑तस्य ७
 वि॒ ये च॑तन्त्यृ॒ता स॒प॑न्त॒ आदि॑द् व॒सूनि॒ प्र व॑वाचा॒स्मै ४ ८
 वि॒ यो वी॒रुत्सु॒ रोध॑न्महि॒त्वो त प्र॒जा उ॒त प्र॒सूष्व॑न्तः ९
 चि॒त्ति॒रपां॑ द॒मै विश्वा॒युः सद्यै॑व॒ धीराः॒ संमा॑य चक्रुः ५ १०

(६८) अष्टषष्ठितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा
 विराट् छन्दः

श्री॒णन्न॒प॒ स्था॒द् दि॒वं भु॒रग॒युः स्था॒तुश्च॒रथ॑म॒क्तून् व्यू॑र्णोत् १
 परि॒ यदै॑षामेको॒ विश्वै॑षां भु॒र्वद् दे॒वो दे॒वानां॑ म॒हित्वा॑ १ २
 आदि॑त् ते विश्वे॒ क्रतुं॑ जुषन्त॒ शुष्का॑द् यद् दे॒व जी॒वो ज॒नि॒ष्टाः ३
 भज॑न्त॒ विश्वे॒ दे॒वत्वं॒ नाम॑ ऋ॒तं स॒प॑न्तो॒ अ॒मृत॑मे॒वैः २ ४

ऋतस्य प्रेषां ऋतस्य धीतिर्विश्वायुर्विश्वे अपांसि चक्रुः ५
 यस्तुभ्यं दाशाद् यो वा ते शिञ्जात् तस्मै चिकित्वान् रयिं दयस्व ३ ६
 होता निषत्तो मनोरपत्ये स चिन्वासां पती रयीणाम् ७
 इच्छन्त रेता मिथस्तनूषु सं जानतु स्वैर्दक्षैर्मूराः ४ ८
 पितुर्न पुत्राः क्रतुं जुषन्त श्रोषन् ये अस्य शासं तुरासः ९
 वि रायं और्णोद् दुरं पुरुक्षुः पिपेश नाकं स्तृभिर्दमूनाः ५ १०

(६६) एकोनसप्ततितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा

विराट् छन्दः

शक्रः शशक्वाँ उषो न जारः पुप्रा समीची दिवो न ज्योतिः १
 परि प्रजातः क्रत्वा बभूथ भुवो देवानां पिता पुत्रः सन् १ २
 वेधा अर्द्धो अग्निर्विजानन् धर्न गोनां स्वाद्या पितूनाम् ३
 जने न शेव आहूर्यः सन् मध्ये निषत्तो रगवो दुरोणे २ ४
 पुत्रो न जातो रगवो दुरोणे वाजी न प्रीतो विशो वि तारीत् ५
 विशो यदहे नृभिः सनीळा अग्निर्देवत्वा विश्वान्यश्याः ३ ६
 न किंष्ट एता वृता मिनन्ति नृभ्यो यदेभ्यः श्रुष्टिं चकथ ७
 तत् तु ते दंसो यदहन्त्समानैर्नृभिर्यद् युक्तो विवे रपांसि ४ ८
 उषो न जारो विभावोस्त्रः संजातरूपश्चिकेतदस्मै ९
 त्मना वहन्तो दुरो व्यृण्वन् नवन्त विश्वे स्वर्द्धशीके ५ १०

(७०) सप्ततितमं सूक्तम्

(१-११) एकादशर्चस्यास्य सूक्तस्य शाक्त्यः पराशर ऋषिः । अग्निर्देवता ।

द्विपदा विराट् छन्दः

वनेम पूर्वीर्यो मनीषा अग्निः सुशोको विश्वान्यश्याः १
 आ दैव्यानि वृता चिकित्वा ना मानुषस्य जनस्य जन्म १ २
 गर्भो यो अपां गर्भो वनानां गर्भश्च स्थातां गर्भश्चरथाम् ३
 अद्रौ चिदस्मा अन्तर्दुरोणे विशां न विश्वौ अमृतः स्वाधीः २ ४
 स हि क्षपावाँ अग्नी रयीणां दाशद् यो अस्मा अरं सूक्तैः ५
 एता चिकित्वो भूमा नि पाहि देवानां जन्म मर्ताश्च विद्वान् ३ ६

वर्धान्यं पूर्वीः क्षपो विरूपाः स्थातुश्च रथमृतप्रवीतम् ७
 अराधि होता स्वर्निर्षत्तः कृगवन् विश्वान्यपांसि सत्या ४ ८
 गोषु प्रशस्तिं वर्नेषु धिषे भरन्त विश्वे बलिं स्वर्णः ९
 वि त्वा नरः पुरुत्रा संपर्यन् पितुर्न जिवेर्वि वेदो भरन्त ५ १०
 साधुर्न गृधुरस्तैव शूरो यातैव भीमस्त्वेषः समत्सु ६ ११

(७१) एकसप्ततितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता ।

त्रिष्टुप् छन्दः

उप प्र जिन्वन्नशतीरुशन्तं पतिं न नित्यं जनयः सनीळाः ।
 स्वसारः श्यावीमरुषीमजुषचफद्रज् चित्रमुच्छन्तीमुषसं न गावः १
 वीळु चिद् दृहळा पितरौ न उक्थै रद्रि रुजन्नङ्गिरसो रवेण ।
 चक्रुर्दिवो बृहतो गातुमस्मे अहः स्वर्विविदुः केतुमुस्ताः २
 दधन्नृतं धनयन्नस्य धीति मादिदुर्यो दिधिष्वोर् विभृत्राः ।
 अर्तृष्यन्तीरपसो यन्त्यच्छा देवाञ्जन्म प्रयसा वर्धयन्तीः ३
 मथीद् यदीं विभृतो मातरिश्वा गृहेगृहे श्येतो जेन्यो भूत् ।
 आदीं राज्ञे न सहीयसे सचा सन्ना दूत्यं भृगवाणो विवाय ४
 महे यत् पित्र ई रसं दिवे क रवं त्सरत् पृशन्त्यश्चिकित्वान् ।
 सृजदस्ता धृषता दिद्युमस्मै स्वायां देवो दुहितरि त्विषिं धात् ५
 स्व आ यस्तुभ्यं दम् आ विभाति नमो वा दाशादुशतो अनु द्यून् ।
 वर्धो अग्ने वयो अस्य द्विबर्हा यासद् राया सरथं यं जुनासि ६
 अग्निं विश्वा अभि पृक्षः सचन्ते समुद्रं न स्रवतः सप्त यहीः ।
 न जामिभिर्वि चिकिते वयो नो विदा देवेषु प्रमतिं चिकित्वान् ७
 आ यदिषे नृपतिं तेज आनद् छुचि रेतो निषिक्तं द्यौरभीकै ।
 अग्निः शर्धमनवद्यं युवानं स्वाध्यं जनयत् सूदयच्च ८
 मनो न यो ऽध्वनः सद्य एत्ये कः सत्रा सूरौ वस्व ईशे ।
 राजाना मित्रावरुणा सुपाणी गोषु प्रियममृतं रक्षमाणा ९
 मा नो अग्ने सख्या पित्र्याणि प्र मर्षिष्ठा अभि विदुष्कविः सन् ।
 नभो न रूपं जरिमा मिनाति पुरा तस्या अभिशस्तेरधीहि १०

(७२) द्विसप्ततितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता ।

त्रिष्टुप् छन्दः

नि काव्या वेधसः शश्वतस्कृ हस्ते दधानो नर्या पुरूणि ।
 अग्निर्भुवद् रयिपती रयीणां सत्रा चक्राणो अमृतानि विश्वा १
 अस्मे वत्सं परि षन्तं न विन्दन्निच्छन्तो विश्वे अमृता अमूराः ।
 श्रमयुवः पदव्यौ धियुंधा स्तस्थुः पदे परमे चार्वग्रेः २
 तिस्रो यदग्रे शरदस्त्वामिच्छुचिं घृतेन शुचयः सपर्यान् ।
 नामानि चिद् दधिरे यज्ञियान्यसूदयन्त तन्वः सुजाताः ३
 आ रोदसी बृहती वेविदानाः प्र रुद्रिया जधिरे यज्ञियासः ।
 विदन्मतौ नेमधिता चिकित्वा नग्निं पदे परमे तस्थिवांसम् ४
 संजानाना उप सीदन्नभिजु पत्नीवन्तो नमस्य नमस्यन् ।
 रिरिक्वांसस्तन्वः कृणवतु स्वाः सखा सख्युर्निमिषि रक्षमाणाः ५
 त्रिः सप्त यद् गुह्यानि त्वे इत् पदाविदन्निहिता यज्ञियासः ।
 तेभी रक्षन्ते अमृतं सजोषाः पशूञ्च स्थातृचफटृञ्चरथं च पाहि ६
 विद्वाँ अग्रे वयुनानि क्षितीनां व्यानुषक् छुरुधौ जीवसे धाः ।
 अन्तर्विद्वाँ अध्वनो देवयाना नतन्द्रो दूतो अभवो हविर्वाद् ७
 स्वाध्यो दिव आ सप्त यही रायो दुरो व्यृतज्ञा अजानन् ।
 विदद् गव्यं सरमा दृहळमूर्वं येना नु कं मानुषी भोजते विद् ८
 आ ये विश्वा स्वपत्यानि तस्थुः कृणवानासौ अमृतत्वाय गातुम् ।
 मृहा मृहद्भिः पृथिवी वि तस्थे माता पुत्रैरदितिर्धार्यसे वेः ९
 अधि श्रियं नि दधुश्चारुमस्मिन् दिवो यदक्षी अमृता अकृणवन् ।
 अध क्षरन्ति सिन्धवो न सृष्टाः प्र नीचीरग्रे अरुषीरजानन् १०

(७३) त्रिसप्ततितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता ।

त्रिष्टुप् छन्दः

रयिर्न यः पितृवित्तो वयोधाः सुप्रणीतिश्चिकितुषो न शासुः ।
 स्योनशीरतिथिर्न प्रीणानो होतैव सद्यं विधतो वि तारीत् १
 देवो न यः सविता सत्यमन्मा क्रत्वा निपाति वृजनानि विश्वा ।

पुरुप्रशस्तो अमतिर्न सत्य आत्मेव शेवो दिधिषाय्यो भूत् २
 देवो न यः पृथिवीं विश्वधाया उपक्षेति हितमित्रो न राजा ।
 पुरःसदः शर्मसदो न वीरा अनवद्या पतिजुष्टेव नारी ३
 तं त्वा नरो दम् आ नित्यमिद्ध मग्ने सचन्त क्षितिषु ध्रुवासु ।
 अर्धि द्युम्नं नि दधुर्भूर्यस्मिन् भवा विश्वायुर्धरुणौ रयीणाम् ४
 वि पृक्षौ अग्ने मघवानो अश्रुर्वि सूरयो ददतो विश्वमायुः ।
 सनेम वाजं समिथेष्वर्यो भागं देवेषु श्रवसे दधानाः ५
 ऋतस्य हि धेनवो वावशानाः स्मर्द्धीः पीपयन्त द्युभक्ताः ।
 परावतः सुमतिं भिक्षमाणा वि सिन्धवः समया सस्त्रद्रिम् ६
 त्वे अग्ने सुमतिं भिक्षमाणा दिवि श्रवो दधिरे यज्ञियासः ।
 नक्ता च चक्रुरुषसा विरूपे कृष्णं च वर्णमरुणं च सं धुः ७
 यान् राये मर्तान्सुषूदो अग्ने ते स्याम मघवानो वयं च ।
 छायेव विश्वं भुवनं सिसक्ष्या पप्रिवान् रोदसी अन्तरिक्षम् ८
 अर्वद्विरग्ने अर्वतो नृभिर्नृन् वरैर्वीरान् वनुयामा त्वोताः ।
 ईशानासः पितृवित्तस्य रायो वि सूरयः शतहिमा नो अश्रुः ९
 एता ते अग्न उचथानि वेधो जुष्टानि सन्तु मनसे हृदे च ।
 शकेम रायः सुधुरो यमं ते ऽधि श्रवो देवभक्तं दधानाः १०

(७४) चतुःसप्ततितमं सूक्तम्

(१-६) नवर्चस्यास्य सूक्तस्य राहूगणो गोतम ऋषिः । अग्निर्देवता । गायत्री छन्दः
 उपप्रयन्तो अध्वरं मन्त्रं वोचेमाग्रये । आरे अस्मे च शृणवते १
 यः स्त्रीहितीषु पूर्व्यः संजग्मानासु कृष्टिषु । अरक्षद् दाशुषे गयम् २
 उत ब्रुवन्तु जन्तव उदग्निर्वृत्रहार्जनि । धनं जयो रणैरणे ३
 यस्य दूतो असि क्षये वेषि हव्यानि वीतये । दुस्मत् कृणोष्यध्वरम् ४
 तमित् सुहव्यमङ्गिरः सुदेवं सहसो यहो । जना आहुः सुबर्हिषम् ५
 आ च वहासि ताँ इह देवाँ उप प्रशस्तये । हव्या सुश्वन्द्र वीतये ६
 न योरुपद्विरश्वयः शृणवे रथस्य कच्चन । यदग्ने यासि दूत्यम् ७
 त्वोतो वाज्यहयो ऽभि पूर्वस्मादपरः । प्र दाश्वौ अग्ने अस्थात् ८
 उत द्युमत् सुवीर्यं बृहदग्ने विवाससि । देवेभ्यो देव दाशुषे ९

(७५) पञ्चसप्ततितमं सूक्तम्

(१-५) पञ्चर्चस्यास्य सूक्तस्य राहूगणो गोतम ऋषिः । अग्निर्देवता ।

गायत्री छन्दः

जुषस्व सप्रथस्तमं वचो देवप्सरस्तमम् । हव्या जुहान आसनि १
 अथा ते अङ्गिरस्तमा ग्रै वेधस्तम प्रियम् । वोचेम ब्रह्म सानुसि २
 कस्तै जामिर्जनाना मग्ने को दाश्वध्वरः । को ह कस्मिन्नसि श्रितः ३
 त्वं जामिर्जनाना मग्ने मित्रो असि प्रियः । सखा सखिभ्य ईड्यः ४
 यजा नो मित्रावरुणा यजा देवाँ ऋतं बृहत् । अग्ने यज्ञि स्वं दमम् ५

(७६) षट्सप्ततितमं सूक्तम्

(१-५) पञ्चर्चस्यास्य सूक्तस्य राहूगणो गोतम ऋषिः । अग्निर्देवता । त्रिष्टुप् छन्दः

का त उपैतिर्मनसो वराय भुवदग्ने शन्तमा का मनीषा ।
 को वा यज्ञैः परि दक्षं त आप केन वा ते मनसा दाशेम १
 एह्यग्र इह होता नि षीदा दब्धः सु पुरेता भवा नः ।
 अवतां त्वा रोदसी विश्वमिन्वे यजा महे सौमनसाय देवान् २
 प्र सु विश्वान् रक्षसो धक्ष्यग्ने भवा यज्ञानामभिशस्तिपावा ।
 अथा वह सोमपतिं हरिभ्या मातिथ्यमस्मै चकृमा सुदाव्ने ३
 प्रजावता वचसा वहिरासा ऽऽ च हुवे नि च सत्सीह देवैः ।
 वेषि होत्रमुत पोत्रं यजत्र बोधि प्रयन्तर्जनितुर्वसूनाम् ४
 यथा विप्रस्य मनुषो हविर्भिर् देवाँ अयजः क्विभिः क्विः सन् ।
 एवा होतः सत्यतर त्वमद्या ग्रै मन्द्रया जुहा यजस्व ५

(७७) सप्तसप्ततितमं सूक्तम्

(१-५) पञ्चर्चस्यास्य सूक्तस्य राहूगणो गोतम ऋषिः । अग्निर्देवता । त्रिष्टुप् छन्दः

कथा दाशेमाग्रये कास्मै देवजुष्टोच्यते भामिने गीः ।
 यो मर्त्येष्वमृतं ऋतावा होता यजिष्ठ इत् कृणोति देवान् १
 यो अध्वरेषु शन्तम ऋतावा होता तमू नमोभिरा कृणुध्वम् ।
 अग्निर्यद् वेर्मताय देवा न्स चा बोधाति मनसा यजाति २
 स हि क्रतुः स मर्यः स साधु मित्रो न भूदद्भुतस्य रथीः ।
 तं मेधेषु प्रथमं देवयन्ती विंश उप ब्रुवते दस्ममारीः ३

स नो नृ॒णां नृ॒तमो रि॒शादो अ॒ग्निर्गि॒रोऽव॑सा वेतु धी॒तिम् ।
 तना॑ च॒ ये मु॒घवा॑नः शवि॒ष्ठा वाज॑प्रसूता इ॒षय॑न्त॒ मन्म॑ ४
 ए॒वाग्नि॑र्गोत॒मेभिर्भृ॑तावा वि॒प्रैभिर॑स्तोष्ट जा॒तवै॑दाः ।
 स ए॒षु द्यु॒म्रं पी॑पयत् स वाजं॒ स पु॒ष्टिं या॑ति जोष॒मा चि॑क्त्वा॒न् ५

(७८) अष्टसप्ततितमं सूक्तम्

(१-५) पञ्चर्चस्यास्य सूक्तस्य राहूगणो गोतम ऋषिः । अग्निर्देवता ।

गायत्री छन्दः

अ॒भि त्वा॒ गोत॑मा गि॒रा जा॑तवेदो विच॑र्षणे । द्यु॒म्रैर॒भि प्र शौ॑नुमः १
 तमु॑ त्वा॒ गोत॑मो गि॒रा रा॒यस्का॑मो दुवस्यति । द्यु॒म्रैर॒भि प्र शौ॑नुमः २
 तमु॑ त्वा वाज॒सात॑म म॒द्गिर॑स्वद्ध्वामहे । द्यु॒म्रैर॒भि प्र शौ॑नुमः ३
 तमु॑ त्वा वृ॒त्रह॑न्त॒मं यो द॑स्यूर॒वधू॑नुषे । द्यु॒म्रैर॒भि प्र शौ॑नुमः ४
 अवो॑चाम् राहू॒गणा अ॒ग्नये॑ मधु॒मद् वचः॑ । द्यु॒म्रैर॒भि प्र शौ॑नुमः ५

(७९) एकोनाशीतितमं सूक्तम्

(१-१२) द्वादशर्चस्यास्य सूक्तस्य राहूगणो गोतम ऋषिः । (१-३)

प्रथमतृचस्याग्निर्मध्यमोऽग्निर्वा (४-१२) चतुर्थ्यादिनवर्चाञ्चाग्निर्देवता । (१-३)

प्रथमतृचस्य त्रिष्टुप् (४-६) द्वितीयतृचस्योष्णिक् (७-१२) तृतीयचतुर्थतृचयोश्च

गायत्री छन्दांसि

हि॒र॒ण्यके॑शो रज॑सो वि॒सारे॑ ऽहि॒र्धुनि॑र्वात॒ इव॑ ध्रज॑मान् ।
 शुचि॑भ्राजा उ॒षसो॑ नवै॒दा यश॑स्वतीर॒पस्यु॑वो न स॒त्याः १
 आ तै॑ सु॒पर्णा अ॑मिनन्त॒ एवैः॑ कृ॒ष्णो नौ॑नाव वृष॒भो यदी॑दम् ।
 शि॒वाभि॑र्न स्मय॑मानाभिरागात् पत॑न्ति मि॒हः स्त॑नय॒न्त्यभ्रा॑ २
 यदी॑मृतस्य॒ पय॑सा पि॒यानो॑ नय॒न्नृत॑स्य॒ पृथि॑भी रजि॒ष्ठैः ।
 अ॒र्य॒मा मि॒त्रो वरु॑णः परि॒ज्मा त्वचं॑ पृ॒ञ्चन्त्यु॑परस्य॒ योनौ॑ ३
 अ॒ग्ने वाज॑स्य॒ गोम॑त॒ ईशा॑नः सहसो य॒हो । अ॒स्मे धै॑हि जा॒तवे॑दो म॒हि श्रवः॑
 ४

स इ॒ध्ना॒नो वसु॑ष्क॒वि र॒ग्निरी॑ळेन्यो गि॒रा । रे॒वद॑स्मभ्यं पु॒र्वणी॑क दी॒दिहि॑ ५
 क्ष॒पो राज॑न्न॒त त्मना॑ ग्रे वस्तो॒रुतो॑षसः । स ति॒ग्मज॑म्भ र॒क्षसो॑ द॒हृ प्रति॑ ६
 अ॒वा नो॑ अ॒ग्न ऊ॒तिभि॑र्गाय॒त्रस्य॑ प्रभ॑र्मणि । वि॒श्वा॒सु धी॑षु व॒न्द्य ७

आ नो अग्ने रयिं भर सत्रासाहं वरैरयम् । विश्वांसु पृत्सु दुष्टरम् ८
 आ नो अग्ने सुचेतुना रयिं विश्वायुषोषसम् । मर्डीकं धैहि जीवसै ९
 प्र पूतास्तिग्मशौचिषे वाचो गोतमाग्रयै । भरस्व सुम्रयुर्गिरः १०
 यो नो अग्ने ऽभिदासत्यन्ति दूरे पदीष्ट संः । अस्माकमिद वृधे भव ११
 सहस्राक्षो विचर्षणि रग्नी रक्षासि सेधति । होता गृणीत उक्थ्यः १२

(८०) अशीतितमं सूक्तम्

(१-१६) षोडशर्चस्यास्य सूक्तस्य राहूगणो गोतम ऋषिः । (१-१५)

प्रथमादिपञ्चदशर्चामिन्द्रः (१६) षोडश्याश्चेन्द्रोऽथर्वा मनुर्दध्यङ् च देवताः ।

पङ्क्तिश्छन्दः

इत्था हि सोम इन्मदै ब्रह्मा चकार वर्धनम् ।
 शर्विष्ठ वज्रिन्नोजसा पृथिव्या निः शशा अहि मर्चन्ननु स्वराज्यम् १
 स त्वामदुद् वृषा मदः सोमः श्येनाभृतः सुतः ।
 येना वृत्रं निरुद्धो जघन्थ वज्रिन्नोजसा चर्चन्ननु स्वराज्यम् २
 प्रेह्यभीहि धृष्णुहि न ते वज्रो नि र्यसते ।
 इन्द्रे नृमणं हि ते शवो हनो वृत्रं जया अपो ऽचर्चन्ननु स्वराज्यम् ३
 निरिन्द्र भूम्या अधि वृत्रं जघन्थ निर्दिवः ।
 सृजा मरुत्वतीरव जीवधन्या इमा अपो ऽचर्चन्ननु स्वराज्यम् ४
 इन्द्रो वृत्रस्य दोधतः सानुं वज्रेण हीळितः ।
 अभिक्रम्याव जिघ्रते ऽपः समाय चोदय न्नर्चन्ननु स्वराज्यम् ५
 अधि सानौ नि जिघ्रते वज्रेण शतपर्वणा ।
 मन्दान इन्द्रो अर्धसः सखिभ्यो गातुमिच्छत्यर्चन्ननु स्वराज्यम् ६
 इन्द्र तुभ्यमिदं द्रिवो ऽनुत्तं वज्रिन् वीर्यम् ।
 यद्ध त्यं मायिनं मृगं तमु त्वं माययावधी रर्चन्ननु स्वराज्यम् ७
 वि ते वज्रासो अस्थिर न्नवति न्नाव्याऽनु ।
 महत् ते इन्द्र वीर्यं बाहोस्ते बलं हित मर्चन्ननु स्वराज्यम् ८
 सहस्रं साकर्मर्चतु परि षोभत विंशतिः ।
 शतैरुमन्वनोनवु रिन्द्राय ब्रह्मोद्यत मर्चन्ननु स्वराज्यम् ९
 इन्द्रो वृत्रस्य तविषीं निरहन्त्सहसा सहः ।
 महत् तदस्य पौंस्यं वृत्रं जघन्वाँ असृज दर्चन्ननु स्वराज्यम् १०

इमे चित् तव मन्यवे वेपैते भियसा मही ।
 यदिन्द्र वज्रिन्नोजसा वृत्रं मरुत्वाँ अवधी रचन्ननु स्वराज्यम् ११
 न वेपसा न तन्यते न्द्रं वृत्रो वि बीभयत् ।
 अभ्येनं वज्र आयसः सहस्रभृष्टिरायता चन्ननु स्वराज्यम् १२
 यद् वृत्रं तव चाशनिं वज्रेण समयोधयः ।
 अहिमिन्द्र जिघांसतो दिवि तै बद्धधे शवो ऽचन्ननु स्वराज्यम् १३
 अभिष्टने तै अद्रिवो यत् स्था जगच्च रेजते ।
 त्वष्टा चित् तव मन्यव इन्द्र वेविज्यते भिया चन्ननु स्वराज्यम् १४
 नहि नु यादधीमसी न्द्रं को वीर्या परः ।
 तस्मिन्नुत्तममुत क्रतुं देवा ओजांसि सं दधुर चन्ननु स्वराज्यम् १५
 यामर्थवा मनुष्यिता दध्यङ् धियमवत ।
 तस्मिन् ब्रह्माणि पूर्वथे न्द्र उक्था समग्मता चन्ननु स्वराज्यम् १६

षष्ठोऽध्यायः

व० १-३२

(८१) एकाशीतितमं सूक्तम्

(१-६) नवर्चस्यास्य सूक्तस्य राहूगणो गोतम ऋषिः । इन्द्रो देवता । पङ्क्तिश्छन्दः
 इन्द्रो मदाय वावृधे शर्वसे वृत्रहा नृभिः ।
 तमिन्महत्स्वाजिषू तेमर्भे हवामहे स वाजेषु प्र नोऽविषत् १
 असि हि वीर सेन्यो ऽसि भूरि पराददिः ।
 असि दध्रस्य चिद् वृधो यजमानाय शिक्तसि सुन्वते भूरि ते वसु २
 यदुदीरत आजयो धृष्णवे धीयते धना ।
 युक्त्वा मदच्युता हरी कं हनः कं वसौ दधो ऽस्माँ इन्द्र वसौ दधः ३
 क्रत्वा मुहाँ अनुष्वधं भीम आ वावृधे शर्वः ।
 श्रिय ऋष्व उपाकयो नि शिप्री हरिवान् दधे हस्तयोर्वज्रमायसम् ४
 आ पप्रौ पार्थिवं रजौ बद्धधे रौचना दिवि ।
 न त्वावाँ इन्द्र कश्चन न जातो न जनिष्यते ऽति विश्वं ववक्षिथ ५
 यो अर्यो मर्तुभोजनं पराददाति दाशुषै ।
 इन्द्रो अस्मभ्यं शिक्तु वि भजा भूरि ते वसु भक्षीय तव राधसः ६
 मदमदे हि नो ददिर्यूथा गवामृजुक्रतुः ।

सं गृभाय पुरु शतो भयाहस्त्या वसुं शिशीहि राय आ भर ७
 मादयस्व सुते सचा शर्वसे शूर राधसे ।
 विद्या हि त्वां पुरुवसु मुप कामान्त्ससृज्महे ऽथा नोऽविता भव ८
 एते ते इन्द्र जन्तवो विश्वं पुष्यन्ति वार्यम् ।
 अन्तर्हि ख्यो जनाना मर्यो वेदो अदाशुषां तेषां नो वेद आ भर ९

(८२) द्व्यशीतितमं सूक्तम्

(१-६) षड्वचस्यास्य सूक्तस्य राहूगणो गोतम ऋषिः । इन्द्रो देवता । (१-५)

प्रथमादिपञ्चर्चा पङ्क्तिः (६) षष्ठ्याश्च जगती छन्दसी

उपो षु शृणुही गिरो मघवन् मातथा इव ।
 यदा नः सूनृतावतः कर आदर्थयास इद योजा न्विन्द्र ते हरी १
 अक्षन्नमीमदन्त ह्य व प्रिया अधूषत ।
 अस्तौषत स्वभानवो विप्रा नविष्ठया मृती योजा न्विन्द्र ते हरी २
 सुसंदृशं त्वा वयं मघवन् वन्दिषीमहि ।
 प्र नूनं पूर्णवन्धुरः स्तुतो याहि वशां अनु योजा न्विन्द्र ते हरी ३
 स घा तं वृषणं रथ मधि तिष्ठाति गोविदम् ।
 यः पात्रं हारियोजनं पूर्णमिन्द्र चिकेतति योजा न्विन्द्र ते हरी ४
 युक्तस्ते अस्तु दक्षिण उत सव्यः शतक्रतो ।
 तेन जायामुपे प्रियां मन्दानो याह्यन्धसो योजा न्विन्द्र ते हरी ५
 युनज्मि ते ब्रह्मणा केशिना हरी उप प्र याहि दधिषे गर्भस्त्योः ।
 उत त्वा सुतासौ रभसा अमन्दिषुः पूषणवान् वज्रिन्त्समु पत्रयामदः ६

(८३) त्र्यशीतितमं सूक्तम्

(१-६) षड्वचस्यास्य सूक्तस्य राहूगणो गोतम ऋषिः । इन्द्रो देवता ।

जगती छन्दः

अश्वावति प्रथमो गोषु गच्छति सुप्रावीरिन्द्र मर्त्यस्तवोतिभिः ।
 तमित् पृणक्षि वसुना भवीयसा सिन्धुमापो यथाभितो विचैतसः १
 आपो न देवीरुपं यन्ति होत्रिय मवः पश्यन्ति विततं यथा रजः ।
 प्राचैर्देवासः प्र शयन्ति देवयुं ब्रह्मप्रियं जोषयन्ते वरा इव २
 अधि द्वयोरदधा उक्थ्यं वचौ यतस्त्रुचा मिथुना या सपर्यतः ।

असंयत्तो वृते ते द्येति पुष्यति भद्रा शक्तिर्यजमानाय सुन्वते ३
 आदङ्गिराः प्रथमं दधिरे वयं इद्धाग्रयुः शम्या ये सुकृत्यया ।
 सर्वं पुणेः समविन्दन्त भोजनं मश्वावन्तं गोमन्तमा पशुं नरः ४
 यज्ञैरथर्वा प्रथमः पृथस्तते ततः सूर्यो व्रतपा वेन आर्जनि ।
 आ गा आजदुशना काव्यः सचा यमस्य जातममृतं यजामहे ५
 बर्हिर्वा यत् स्वपत्याय वृज्यते ऽर्को वा श्लोकमाघोषते दिवि ।
 ग्रावा यत्र वदति कारुरुक्थ्यस्तस्येदिन्द्रो अभिपित्वेषु रणयति ६

(८४) चतुरशीतितमं सूक्तम्

(१-२०) विंशत्यृचस्यास्य सूक्तस्य राहूगणो गोतम ऋषिः । इन्द्रो देवता । (१-६) प्रथमद्वितीयतृचयोरनुष्टुप् (७-९) तृतीयतृचस्योष्णिक (१०-१२) चतुर्थतृचस्य पङ्क्तिः (१३-१५) पञ्चमतृचस्य गायत्री (१६-१८) षष्ठतृचस्य त्रिष्टुप् (१९-२०)
 एकोनविंश्या विंश्याश्च प्रगाथः (विषमाया बृहती, समायाः सतोबृहती) छन्दांसि
 असावि सोमं इन्द्र ते शविष्ठ धृष्णवा गंहि ।
 आ त्वा पृणक्त्वन्द्रियं रजः सूर्यो न रश्मिभिः १
 इन्द्रमिद्धरी वहतो ऽप्रतिधृष्टशवसम् ।
 ऋषीणां च स्तुतीरुपं यज्ञं च मानुषाणाम् २
 आ तिष्ठ वृत्रहन् रथं युक्ता ते ब्रह्मणा हरी ।
 अर्वाचीनं सु ते मनो ग्रावा कृणोतु वृमुना ३
 इममिन्द्र सुतं पिब ज्येष्ठममर्त्यं मदम् ।
 शक्रस्य त्वाभ्यक्षरन् धारा ऋतस्य सादने ४
 इन्द्राय नूनमर्चतो कथानि च ब्रवीतन ।
 सुता अमत्सुरिन्दवो ज्येष्ठं नमस्यता सहः ५
 नकिष्ट्वद् रथीतरो हरी यदिन्द्र यच्छसे ।
 नकिष्ट्वानु मज्मना नकिः स्वश्व आनशे ६
 य एक इद् विदयते वसु मर्ताय दाशुषे ।
 ईशानो अप्रतिष्कुत इन्द्रो अङ्ग ७
 कदा मर्तमराधसं पदा क्षुम्पमिव स्फुरत् ।
 कदा नः शुश्रवद् गिर इन्द्रो अङ्ग ८
 यश्चिद्धि त्वा बृहभ्य आ सुतावा आविवांसति ।

उग्रं तत् पत्यते शव इन्द्रो अङ्ग ६
 स्वादोरित्था विषूवतो मध्वः पिबन्ति गौर्यः ।
 या इन्द्रेण सयावरी वृष्णा मदन्ति शोभसे वस्वीरनु स्वराज्यम् १०
 ता अस्य पृशनायुवः सोमं श्रीणन्ति पृश्नयः ।
 प्रिया इन्द्रस्य धेनवो वज्रं हिन्वन्ति सायकं वस्वीरनु स्वराज्यम् ११
 ता अस्य नमसा सहः सपर्यन्ति प्रचेतसः ।
 व्रतान्यस्य सश्विरे पुरुणि पूर्वचित्तये वस्वीरनु स्वराज्यम् १२
 इन्द्रो दधीचो अस्थभिर्वृत्रायप्रतिष्कृतः । जघान नवतीर्नव १३
 इच्छन्नश्चस्य यच्छिरः पर्वतेष्वपश्रितम् । तद् विदच्छर्यणावति १४
 अत्राह गोरमन्वतु नाम त्वष्टुरपीच्यम् । इत्था चन्द्रमसो गृहे १५
 को अद्य युङ्क्ते धुरि गा ऋतस्य शिमीवतो भामिनो दुर्हणायून् ।
 आसन्निषून् ह्रस्वसो मयोभून् य एषां भृत्यामृणधत् स जीवात् १६
 क ईषते तुज्यते को बिभायु को मंसते सन्तमिन्द्रं को अन्ति ।
 कस्तोकायु क इभायोत राये ऽधि ब्रवत् तन्वेः को जनाय १७
 को अग्निमीढे हविषा घृतेन स्तुचा यजाता ऋतुभिर्ध्रुवेभिः ।
 कस्मै देवा आ वहानाशु होम को मंसते वीतिहोत्रः सुदेवः १८
 त्वमङ्ग प्र शंसिषो देवः शविष्ठु मर्त्यम् ।
 न त्वदन्यो मघवन्नस्ति मर्दिते न्द्र ब्रवीमि ते वचः १९
 मा ते राधासि मा त ऊतयो वसो ऽस्मान् कदा चना दभन् ।
 विश्वा च न उपमिमीहि मानुष वसूनि चर्षणिभ्य आ २०

(८५) पञ्चाशीतितमं सूक्तम्

(१-१२) द्वादशर्चस्यास्य सूक्तस्य राहूगणो गोतम ऋषिः । मरुतो देवताः । (१-४, ६-११) प्रथमादिचतुर्ऋचां षष्ठ्यादिषण्णाञ्च जगती (५, १२)

पञ्चमीद्वादशयोश्च त्रिष्टुप् छन्दसी

प्र ये शुम्भन्ते जनयो न सप्तयो यामन् रुद्रस्य सूनवः सुदंससः ।
 रोदसी हि मरुतश्चक्रिरे वृधे मदन्ति वीरा विदथेषु घृष्वयः १
 त उक्षितासौ महिमानमाशत दिवि रुद्रासो अर्धि चक्रिरे सदः ।
 अर्चन्तो अर्कं जनयन्त इन्द्रिय मधि श्रियो दधिरे पृश्निमातरः २
 गोमातरो यच्छुभयन्ते अञ्जिभिस्तनूषु श्म्रा दधिरे विरुक्मतः ।

बाधन्ते विश्वमभिमातिनमप वत्मान्येषामनु रीयते घृतम् ३
 वि ये भ्राजन्ते सुमखास ऋष्टिभिः प्रच्यावयन्तो अच्युता चिदोजसा ।
 मनोजुवो यन्मरुतो रथेष्व वृषवातासः पृषतीरयुग्ध्वम् ४
 प्र यद् रथेषु पृषतीरयुग्ध्वं वाजे अद्रिं मरुतो रंहयन्तः ।
 उतारुषस्य वि ष्यन्ति धाराश्चर्मवोदभिव्युन्दन्ति भूम ५
 आ वो वहन्तु सप्तयो रघुष्यदौ रघुपत्वानुः प्र जिगात बाहुभिः ।
 सीदता बर्हिरुरु वः सदस्कृतं मादयध्वं मरुतो मध्वो अन्धसः ६
 तैऽवर्धन्त स्वतवसो महित्वना नाकं तस्थुरु चक्रिरे सदः ।
 विष्णुर्यद्वावद् वृषणं मदच्युतं वयो न सीदन्नधि बर्हिषि प्रिये ७
 शूरा इवेद् युयुधयो न जग्मयः श्रवस्यवो न पृतनासु येतिरे ।
 भयन्ते विश्वा भुवना मरुद्भ्यो राजान इव त्वेषसदृशो नरः ८
 त्वष्टा यद् वज्रं सुकृतं हिरण्ययं सहस्रभृष्टिं स्वपा अवर्तयत् ।
 धत्त इन्द्रो नर्यपांसि कर्तवे ऽहन् वृत्रं निरपामौब्जदर्शवम् ९
 ऊर्ध्वं नुनद्रेऽवतं त ओजसा ददृहाणं चिद् बिभिदुर्वि पर्वतम् ।
 धमन्तो व्राणं मरुतः सुदानवो मदे सोमस्य रणर्यानि चक्रिरे १०
 जिह्वं नुनद्रेऽवतं तया दिशा सिञ्चन्नुत्सं गोतमाय तृष्णजे ।
 आ गच्छन्तीमवसा चित्रभानवः कामं विप्रस्य तर्पयन्त धामभिः ११
 या वः शर्म शशमानाय सन्ति त्रिधातूनि दाशुषे यच्छताधि ।
 अस्मभ्यं तानि मरुतो वि यन्त रयिं नो धत्त वृषणः सुवीरम् १२

(८६) षडशीतितमं सूक्तम्

(१-१०) दशर्चस्यास्य सूक्तस्य राहूगणो गोतम ऋषिः । मरुतो देवताः ।

गायत्री छन्दः

मरुतो यस्य हि क्षयै पाथा दिवो विमहसः । स सुगोपातमो जनः १
 यज्ञैर्वा यज्ञवाहसो विप्रस्य वा मतीनाम् । मरुतः शृणुता हवम् २
 उत वा यस्य वाजिनो ऽनु विप्रमर्तक्षत । स गन्ता गोमति वृजे ३
 अस्य वीरस्य बर्हिषि सुतः सोमो दिविष्टिषु । उक्थं मदश्च शस्यते ४
 अस्य श्रौषन्त्वा भुवो विश्वा यश्चर्षणीरभि । सूरं चित् सस्नुषीरिषः ५
 पूर्वीभिर्हि ददाशिम शरद्धिर्मरुतो वयम् । अवौभिश्चर्षणीनाम् ६
 सुभगः स प्रयज्यवो मरुतो अस्तु मर्त्यः । यस्य प्रयांसि पर्षथ ७

श॒श॒मा॒न॒स्य॑ वा न॒रः॒ स्वेद॑स्य सत्यशवसः । वि॒दा का॒र्म॒स्य॒ वे॒न॒तः ८
यू॒यं तत् स॑त्यशवस आ॒विष्क॑र्त महि॒त्व॒ना । वि॒ध्य॑ता वि॒द्युता॒ रक्षः॑ ९
गू॒ह॒ता गु॒ह्यं तमो॑ वि या॒तु विश्व॑म॒त्रिण॑म् । ज्योति॑ष्कर्ता यदु॒श्मसि॑ १०

(८७) सप्ताशीतितमं सूक्तम्

(१-६) षडृचस्यास्य सूक्तस्य राहूगणो गोतम ऋषिः । मरुतो देवताः ।

जगती छन्दः

प्र॒त्वंक्ष॑सः प्र॒त॒व॒सो वि॒र॒प्शि॒नो ऽना॑न॒ता अ॒वि॒थु॒रा ऋ॒जी॒षि॒णः ।
जुष्ट॑त॒मासो॑ नृ॒त॒मा॒सो अ॒ञ्जि॒भि॒र्व्या॑न॒ज्रे के॒ चि॒दु॒स्त्रा इ॒व स्तृ॑भिः १
उ॒प॒ह॒रेषु॑ यदचि॒ध्वं य॒यिं व॒यं इ॒व म॒रुतः॑ के॒न चि॒त् प॒था ।
श्रो॑र्त॒न्ति को॒शा उप॑ वो रथे॒ष्वा घृ॒तमु॑क्ष॒ता मधु॑व॒र्णम॑र्चते २
प्रै॒षाम॑ज्मैषु वि॒थुरे॒वं रे॒जते॑ भूमि॒र्यामै॑षु यद्ध॑ यु॒ञ्जते॑ शु॒भे ।
ते क्री॑ळ॒यो धु॒नयो॑ भ्राज॑दृष्टयः स्व॒यं म॑हि॒त्वं प॑नयन्त॒ धू॒तयः॑ ३
स हि स्व॒सृत् पृ॑ष॒दश्चो॒ युवा॑ ग॒णो॒र्इ ऽया ई॒शान॑स्तविषीभि॒रावृ॑तः ।
अ॒सिं स॒त्य ऋ॒णया॑वानै॒द्यो ऽस्या॑ धि॒यः प्रा॑वि॒ताथा॒ वृषा॑ ग॒णः ४
पि॒तुः प्र॒त्नस्य॑ जन्म॒ना व॑दाम॒सि सोम॑स्य जि॒ह्वा प्र जि॑गाति॒ चक्ष॑सा ।
यदी॒मिन्द्रं॑ श॒म्यृक्वा॑ण आ॒श॒ता दि॒न्नामा॑नि य॒ज्ञिया॑नि दधिरे ५
श्रि॒यसे॒ कं भानु॑भिः सं मि॒मिक्षि॑रे ते र॒श्मि॒भिस्त॑ ऋक्व॒भिः सु॒खाद॑यः ।
ते वा॒शीम॑न्त इ॒ष्मि॒णो अ॒भी॒रवो॑ वि॒द्रे प्रि॒यस्य॑ मा॒रुत॑स्य धा॒म्नः ६

(८८) अष्टाशीतितमं सूक्तम्

(१-६) षडृचस्यास्य सूक्तस्य राहूगणो गोतम ऋषिः । मरुतो देवताः । (१, ६)

प्रथमाषष्ठ्योऽर्चोः प्रस्तारपङ्क्तिः (२-४) द्वितीयादितृचस्य त्रिष्टुप् (५) पञ्चम्याश्च

विराड् रूपा छन्दांसि

आ वि॒द्युन्म॑द्भिर्म॒रुतः॑ स्व॒कै रथै॑भिर्या॒त ऋ॒ष्टि॒मद्भि॒रश्व॑प॒णैः ।
आ व॑र्षि॒ष्ठया॒ न इ॒षा व॒यो न प॑प्त॒ता सु॒मायाः॑ १
तै॒ऽरु॒णेभि॑र्व॒रमा॑ पि॒शङ्गैः॑ शु॒भे कं या॑न्ति रथ॒तूर्भि॑रश्वैः ।
रु॒क्मो न चि॑त्रः स्व॒धि॒तीवा॑न् प॒व्या रथ॑स्य जङ्घ॒नन्त॑ भूमि २
श्रि॒ये कं वो॑ अ॒धि त॒नूषु॑ वा॒शी मे॒धा व॒ना न कृ॑णवन्त ऊ॒र्ध्वा ।
युष्म॑भ्यं कं म॒रुतः॑ सु॒जा॒ता स्तु॒वि॒द्युन्मा॑सौ धनयन्ते अ॒द्रिम् ३

अ॒हानि॑ गृ॒ध्राः पर्या॑ व॒ आगु॑रि॒मां धिर्य॑ वा॒र्कार्या॑ च॒ देवीम् ।
 ब्र॒ह्म कृ॒णवन्तो॑ गो॒तमा॑सो अ॒र्कै रू॒र्ध्वं नु॑नु॒द्र उ॒त्सधिं॑ पि॒ब॒ध्यै ४
 ए॒तत् त्य॒न्न यो॒र्जन॑मचेति स॒स्वर्ह॑ यन्म॒रुतो॑ गो॒तमो॑ वः ।
 प॒श्यन् हि॒र॒ण्यच॑क्रानयो॒दंष्ट्रान् वि॒धाव॑तो व॒राह॑न् ५
 ए॒षा स्या॑ वो॒ मरु॑तोऽनु॒भ॒र्त्री प्र॑ति॒ षो॒भति॑ वा॒घतो॑ न वा॒णी ।
 अ॒स्तोभ॑य॒द् वृ॒थासा॒मनु॑ स्व॒धां ग॑भ॒स्त्योः ६

(८६) एकोननवतितमं सूक्तम्

(१-१०) दशर्चस्यास्य सूक्तस्य राहूगणो गोतम ऋषिः । विश्वे देवा देवताः ।

(१-५, ७) प्रथमादिपञ्चर्चा सप्तम्याश्च जगती (६) षष्ठ्या विराट्स्थाना (८-१०)

अष्टम्यादितृचस्य च त्रिष्टुप् छन्दांसि

आ नो॑ भ॒द्राः क्र॑त॒वो य॑न्तु वि॒श्वतो॑ ऽद॒ब्धासो॑ अप॒रीता॑स उ॒द्भिदः॑ ।
 दे॒वा नो॑ यथा॒ सद॑मिद् वृ॒धे अ॒स॒न्नप्रा॑युवो र॒क्षिता॑रौ दि॒वेदि॑वे १
 दे॒वानां॑ भ॒द्रा सु॑म॒तिर्ऋ॑जूय॒तां दे॒वानां॑ रा॒तिर॒भि नो॑ निर्व॒र्तता॑म् ।
 दे॒वानां॑ स॒ख्यमु॑प॒ सेदि॑मा व॒यं दे॒वा न॒ आ॒युः प्र॑ ति॒रन्तु॑ जी॒वसे॑ २
 तान् पू॒र्वया॑ नि॒विदा॑ हू॒महे व॒यं भ॒र्ग मि॒त्रम॑दि॒तिं द॒क्षम॑स्त्रि॒धम् ।
 अ॒र्य॒म॒णं व॑रु॒णं सो॒मम॑श्वि॒ना सर॑स्वती नः सु॒भगा॑ म॒र्यस्कर॑त् ३
 तन्नो॑ वा॒तो म॒योभु॑ वा॒तु भे॑ष॒जं त॑न्मा॒ता पृ॑थि॒वी तत् पि॒ता द्यौः ।
 तद् ग्रा॒वा॒णः सो॒मसु॑तो॒ मयो॑भुव॒स्तद॑श्वि॒ना शृ॑णु॒तं धि॒ष्ण्या॑ यु॒वम् ४
 तमी॑शा॒नं ज॑ग॒तस्त॑स्थुष॒स्पतिं॑ धि॒यंजि॑न्वम॒वसे॑ हू॒महे व॒यम् ।
 पू॒षा नो॑ यथा॒ वेद॑साम॒सद् वृ॒धे र॒क्षिता॑ पा॒युरद॑ब्धः स्व॒स्तये॑ ५
 स्व॒स्ति न॒ इन्द्रो॑ वृ॒द्धश्र॑वाः स्व॒स्ति नः॑ पू॒षा वि॒श्ववे॑दाः ।
 स्व॒स्ति न॒स्ताक्ष॑र्यो॒ अरि॑ष्टनेमिः स्व॒स्ति नो॑ बृ॒हस्प॑तिर्द॒धातु॑ ६
 पृ॒षद॑श्वा म॒रुतः॑ पृ॒श्निमा॑तरः शु॒भ॒यावा॑नो वि॒दथे॑षु ज॒ग्मयः॑ ।
 अ॒ग्निजि॑ह्वा म॒नवः॑ सू॒रच॑क्ष॒सो वि॒श्वे नो॑ दे॒वा अ॒वसा॑ ग॒मन्नि॒ह ७
 भ॒द्रं क॑रु॒णैभिः॑ शृ॒णुयाम॑ दे॒वा भ॒द्रं प॑श्येमा॒क्षभि॑र्यज॒त्राः ।
 स्थि॒रैरङ्गैः॑ स्तुष्टुवा॒संस्त॑नूभि॒र्व्यशे॑म दे॒वहि॑तं यदायुः ८
 श॒तमि॑न्नु श॒रदो॑ अ॒न्ति दे॒वा यत्रा॑ नश्च॒क्रा ज॒रसं॑ तु॒नूना॑म् ।
 पु॒त्रासो॑ यत्र पि॒तरो॑ भव॒न्ति मा॑ नो॒ म॒ध्या री॑रिष॒तायु॑र्गन्तौः ९
 अ॒दि॒तिर्द्यौ॑रदि॒तिर॒न्तरि॑क्ष॒मदि॑तिर्मा॒ता स पि॒ता स पु॒त्रः ।

विश्वे देवा अदितिः पञ्च जना अदितिर्जातमदितिर्जनित्वम् १०

(६०) नवतितमं सूक्तम्

(१-६) नवर्चस्यास्य सूक्तस्य राहूगणो गोतम ऋषिः । विश्वे देवा देवताः । (१-

८) प्रथमाद्यष्टर्चा गायत्री (६) नवम्याश्चानुष्टुप् छन्दसी

ऋजुनीती नो वरुणो मित्रो नयतु विद्वान् । अर्यमा देवैः सजोषाः १
ते हि वस्वो वसवाना स्ते अप्रमूरा महौभिः । वृता रक्षन्ते विश्वाहा २
ते अस्मभ्यं शर्म यंस नमृता मर्त्येभ्यः । बार्धमाना अप द्विषः ३
वि नः पथः सुविताय चियन्त्विन्द्रो मरुतः । पूषा भगो वन्द्यासः ४
उत नो धियो गोअग्राः पूषन् विष्णवेवयावः । कर्ता नः स्वस्तिमतः ५
मधु वाता ऋतायते मधु क्षरन्ति सिन्धवः । माध्वीर्नः सन्त्वोषधीः ६
मधु नक्तमुतोषसो मधुमत् पार्थिवं रजः । मधु द्यौरस्तु नः पिता ७
मधुमान्नो वनस्पतिर्मधुमाँ अस्तु सूर्यः । माध्वीर्गावो भवन्तु नः ८
शं नो मित्रः शं वरुणः शं नो भवत्वर्यमा ।
शं न इन्द्रो बृहस्पतिः शं नो विष्णुरुक्रमः ९

(६१) एकनवतितमं सूक्तम्

(१-२३) त्रयोविंशत्यृचस्यास्य सूक्तस्य राहूगणो गोतम ऋषिः । सोमो देवता ।

(१-४, १८-२३) प्रथमादिचतुर्चामष्टादश्यादिषण्णाञ्च त्रिष्टुप् (५-१६)

पञ्चम्यादिद्वादशानां गायत्री (१७) सप्तदश्याश्चोष्णिक छन्दांसि

त्वं सोम प्र चिकितो मनीषा त्वं रजिष्ठमनु नेषि पन्थाम् ।
तव प्रणीती पितरौ न इन्द्रो देवेषु रत्नमभजन्त धीराः १
त्वं सोम क्रतुभिः सुक्रतुर्भूस्त्वं दक्षैः सुदक्षौ विश्ववेदाः ।
त्वं वृषा वृषत्वेभिर्महित्वा द्युप्तेभिर्द्युप्तेभ्यो नृचक्षाः २
राज्ञो नु ते वरुणस्य वृतानि बृहद् गोभीरं तव सोम धाम् ।
शुचिष्ठर्मसि प्रियो न मित्रो दक्षाय्यो अर्यमेवासि सोम ३
या ते धामानि दिवि या पृथिव्यां या पर्वतेष्वोषधीष्वप्सु ।
तेभिर्नो विश्वैः सुमना अहैळन् राजन्त्सोम प्रति हव्या गृभाय ४
त्वं सोमासि सत्पतिस्त्वं राजोत वृत्रहा । त्वं भद्रो असि क्रतुः ५
त्वं च सोम नो वशो जीवातुं न मरामहे । प्रियस्तौत्रो वनस्पतिः ६

त्वं सोम म॒हे भग॑ त्वं यू॒न ऋ॑ताय॒ते । दक्षं॑ दधासि जी॒वसे॑ ७
 त्वं नः॑ सोम वि॒श्वतो॑ रक्षा॑ राजन्नघाय॒तः । न रि॑ष्येत् त्वाव॑तः सखा॑ ८
 सोम॒ यास्तै॑ मयो॒भुव॑ ऊ॒तयुः॑ सन्ति॑ दा॒शुषे॑ । ताभि॑र्नो ऽवि॒ता भव॑ ९
 इ॒मं यु॒ज्ञमि॒दं वचो॑ जुजुषा॒ण उ॒पाग॑हि । सोम॒ त्वं नो॑ वृ॒धे भव॑ १०
 सोम॑ गी॒र्भिष्ठा॑ व॒यं व॒र्धया॑मो वचो॒विदः॑ । सु॒मृ॒ळी॒को न॒ आ वि॑श ११
 गु॒य॒स्फा॒नो अमी॑व॒हा व॑सु॒वित् पु॑ष्टि॒वर्ध॑नः । सु॒मित्रः॑ सोम॒ नो भव॑ १२
 सोम॑ रा॒न्धि नो॑ ह॒दि गा॒वो न॑ यव॑से॒ष्वा । मर्य॑ इ॒व स्व॑ ओ॒क्यै १३
 यः सोम॑ स॒ख्ये तव॑ रा॒णद् दे॒व म॒र्त्यः । तं दक्षः॑ स॒चते॑ क॒विः १४
 उ॒रु॒ष्या णो॑ अ॒भि॒शस्तेः॑ सोम॒ नि पा॒ह्यंह॑सः । सखा॑ सु॒शेव॑ ए॒धि नः॑ १५
 आ प्या॑यस्व॒ समै॑तु ते वि॒श्वतः॑ सोम॒ वृ॒षय॑म् । भवा॒ वाज॑स्य सं॒गु॒थे १६
 आ प्या॑यस्व मदि॒न्तम् सोम॒ विश्वे॑भि॒रंशु॑भिः ।
 भवा॑ नः सु॒श्रव॑स्तम् सखा॑ वृ॒धे १७
 सं ते॒ पर्या॑सि॒ समु॑ यन्तु॒ वाजाः॑ सं वृ॒षयान्य॑भिमा॒तिषा॑हः ।
 आ॒प्याय॑मानो अ॒मृता॑य सोम दि॒वि श्रवा॑स्यु॒त्तमा॑नि॒ धिष्व॑ १८
 या ते॒ धामा॑नि ह॒विषा॑ यज॑न्ति॒ ता ते॒ विश्वा॑ परि॒भूर॑स्तु॒ यज्ञम्॑ ।
 गु॒य॒स्फा॒नः प्र॒तर॑णः सु॒वीरो॑ ऽवी॒रहा॑ प्र च॑रा सोम॒ दुर्या॑न् १९
 सोमो॑ धे॒नुं सोमो॑ अ॒र्वन्त॑मा॒शुं सोमो॑ वी॒रं क॑र्म॒ण्य द॑दाति ।
 सा॒द॒न्यं वि॒द॒थ्यं स॒भेयं॑ पि॒तृश्रव॑णं॒ यो द॑दा॒शद॑स्मै २०
 अ॒षा॒हळं॑ यु॒त्सु पृ॑त॒नासु॑ प॒त्रिं स्व॑र्षामि॒प्सां वृ॑जन॒स्य गो॑पाम् ।
 भूरे॒षुजां॑ सु॒क्षितिं॑ सु॒श्रवे॑सं॒ जय॑न्तं॒ त्वामनु॑ म॒देम॑ सोम २१
 त्वमि॒मा ओष॑धीः सोम॒ विश्वा॑ स्त्वम॒पो अ॑जनय॒स्त्वं गाः॑ ।
 त्वमा॑ त॒तन्थो॑र्व॒न्त॒रि॒क्षं त्वं॑ ज्योति॒षा वि॑ तमो॑ वव॒र्थ २२
 दे॒वेन॑ नो॒ मन॑सा॒ देव॑ सोम रा॒यो भा॑गं स॒हसा॑व॒न्नभि॑ यु॒ध्य ।
 मा त्वा॑ त॒न॒दीशि॑षे वी॒र्य॑स्यो॒ भये॑भ्यः प्र चि॒कित्सा॑ गवि॒ष्टौ २३

(६२) द्विनवतितमं सूक्तम्

(१-१८) अष्टादशर्चस्यास्य सूक्तस्य राहूगणो गोतम ऋषिः । (१-१५)
 प्रथमादिपञ्चदशर्चामुषाः (१३-१८) षोडश्यादितृचस्य चाश्विनौ देवताः । (१-४)
 प्रथमादिचतुर्ऋचां जगती (५-१२) पञ्चम्याद्यष्टानां त्रिष्टुप् (१३-१८)
 त्रयोदश्यादिषण्णाञ्चोष्णिक् छन्दांसि

एता उ त्या उषसः केतुमक्रतु पूर्वे अर्धे रजसो भानुमञ्जते ।
 निष्कृण्वाना आयुधानीव धृष्णवः प्रति गावोऽरुषीर्यन्ति मातरः १
 उदपप्नन्नरुणा भानवो वृथा स्वायुजो अरुषीर्गा अयुक्षत ।
 अक्रन्नुषासौ वयुनानि पूर्वथा रुशन्तं भानुमरुषीरशिश्रयुः २
 अर्चन्ति नारीरपसो न विष्टिभिः समानेन योजनेना परावतः ।
 इषं वहन्तीः सुकृतै सुदानवे विश्वेदह यजमानाय सुन्वते ३
 अधि पेशांसि वपते नूतूरिवा पौर्णते वक्ष उस्त्रेव बर्जहम् ।
 ज्योतिर्विश्वस्मै भुवनाय कृण्वती गावो न व्रजं व्युष्षा आवर्तमः ४
 प्रत्यर्ची रुशदस्या अदर्शि वि तिष्ठते बाधते कृष्णमभ्वम् ।
 स्वरुं न पेशौ विदथैष्वञ्जज् चित्रं दिवो दुहिता भानुमश्नेत् ५
 अतारिष्म तमसस्परमस्यो षा उच्छन्ती वयुना कृणोति ।
 श्रिये छन्दो न स्मयते विभाती सुप्रतीका सौमनसायाजीगः ६
 भास्वती नेत्री सूनृतानां दिवः स्तवे दुहिता गोतमेभिः ।
 प्रजावतो नूवतो अश्वबुध्या नुषो गोअग्राँ उप मासि वाजान् ७
 उषस्तमश्यां यशसं सुवीरं दासप्रवर्गं रयिमश्वबुध्यम् ।
 सुदंससा श्रवसा या विभासि वाजप्रसूता सुभगे बृहन्तम् ८
 विश्वानि देवी भुवनाभिचक्ष्या प्रतीची चक्षुरुर्विया वि भाति ।
 विश्वं जीवं चरसै बोधयन्ती विश्वस्य वाचमविदन्मनायोः ९
 पुनःपुनर्जायमाना पुराणी समानं वर्णमभि शुम्भमाना ।
 श्वघ्नीव कृत्तुर्विजं आमिनाना मर्तस्य देवी जरयन्त्यायुः १०
 व्यूरवती दिवो अन्ताँ अबो ध्यप स्वसारं सनुतयुयोति ।
 प्रमिनती मनुष्या युगानि योषां जारस्य चक्षसा वि भाति ११
 पशून् चित्रा सुभगो प्रथाना सिन्धुर्न क्षोद उर्विया व्यश्नेत् ।
 अर्मिनती दैव्यानि वृतानि सूर्यस्य चेति रश्मिभिर्दृशाना १२
 उषस्तच्चित्रमा भरा स्मभ्यं वाजिनीवति ।
 येन तोकं च तनयं च धामहे १३
 उषो अद्येह गौम् त्यश्वावति विभावरि ।
 रेवदस्मे व्युच्छ सूनृतावति १४
 युद्धा हि वाजिनीव त्यश्वाँ अद्यारुणाँ उषः ।
 अथा नो विश्वा सौभगान्या वह १५

अश्विना वृत्तिरस्मदा गोमद दस्त्रा हिरण्यवत् ।
 अर्वाग्रथं समनसा नि यच्छतम् १६
 यावित्था श्लोकमा दिवो ज्योतिर्जनाय चक्रथुः ।
 आ न ऊर्जं वहतमश्विना युवम् १७
 एह देवा मयोभुवा दस्त्रा हिरण्यवर्तनी ।
 उषर्बुधौ वहन्तु सोमपीतये १८

(६३) त्रिनवतितमं सूक्तम्

(१-१२) द्वादशर्चस्यास्य सूक्तस्य राहूगणो गोतम ऋषिः । अग्नीषोमौ देवते ।
 (१-३) प्रथमादितृचस्यानुष्टुप् (४-७, १२) चतुर्थ्यादिचतसृणां द्वादश्याश्च त्रिष्टुप्
 ८ अष्टम्या जगती त्रिष्टुब् वा (९-११) नवम्यादितृचस्य च गायत्री छन्दांसि
 अग्नीषोमाविमं सु मै शृणुतं वृषणा हवम् ।
 प्रति सूक्तानि हर्यतं भवतं दाशुषे मयः १
 अग्नीषोमा यो अद्य वा मिदं वचः सपर्यति ।
 तस्मै धत्तं सुवीर्यं गवां पोषं स्वश्वयम् २
 अग्नीषोमा य आहतिं यो वां दाशाद्धविष्कृतिम् ।
 स प्रजया सुवीर्यं विश्वमायुर्व्यश्नवत् ३
 अग्नीषोमा चेति तद्वीर्यं वां यदमुष्णीतमवसं पृणिं गाः ।
 अवातिरतं बृसयस्य शेषो ऽविन्दतं ज्योतिरेकं बहुभ्यः ४
 युवमेतानि दिवि रौचना न्यग्निश्च सोम स्रक्तू अधत्तम् ।
 युवं सिन्धूरभिर्शस्तेरवद्या दग्नीषोमावमुञ्चतं गृभीतान् ५
 आन्यं दिवो मातरिश्वा जभारा मथ्नादन्यं परि श्येनो अद्रैः ।
 अग्नीषोमा ब्रह्मणा वावृधानो रं यज्ञाय चक्रथुरु लोकम् ६
 अग्नीषोमा हविषः प्रस्थितस्य वीतं हर्यतं वृषणा जुषेथाम् ।
 सुशर्माणा स्वर्वसा हि भूत मथा धत्तं यजमानाय शं योः ७
 यो अग्नीषोमा हविषा सपर्याद् देवद्रीचा मनसा यो घृतेन ।
 तस्य व्रतं रक्षतं पातमंहसो विशे जनाय महि शर्म यच्छतम् ८
 अग्नीषोमा सर्वेदसा सहृती वनतं गिरः । सं देवत्रा बभूवथुः ९
 अग्नीषोमावनेन वां यो वां घृतेन दाशति । तस्मै दीदयतं बृहत् १०
 अग्नीषोमाविमानि नो युवं हव्या जुजोषतम् । आ यातमुप नः सचा ११

अग्नीषोमा पिपृतमर्वतो न आ प्यायन्तामुस्त्रिया हव्यसूदः ।
अस्मे बलानि मघवत्सु धत्तं कृणुतं नो अध्वरं श्रुष्टिमन्तम् १२

(६४) चतुर्नवतितमं सूक्तम्

(१-१६) षोडशर्चस्यास्य सूक्तस्याङ्गिरसः कुत्स ऋषिः । (१-१६)

प्रथमादिषोडशर्चामग्निर्जातवेदाः, तत्रापि (८) अष्टम्याः पादत्रयस्य देवाः (१६)

षोडश्या उत्तरार्धस्य मित्रवरुणादितिसिन्धुपृथिवीद्यावो वा देवताः । (१-१४)

प्रथमादिचतुर्दशर्चा जगती (१५-१६) पञ्चदशीषोडशयोश्च त्रिष्टुप् छन्दसी

इमं स्तोममर्हते जातवेदसे रथमिव सं महेमा मनीषया ।

भद्रा हि नः प्रमतिरस्य संसद्यग्रै सख्ये मा रिषामा वयं तव १

यस्मै त्वमायजसे स साधत्यनुर्वा दैति दधते सुवीर्यम् ।

स तूताव नैनमश्नोत्यंहति रग्रै सख्ये मा रिषामा वयं तव २

शकेम त्वा समिधं साधया धियस्त्वे देवा हविरदन्त्याहुतम् ।

त्वमादित्याँ आ वह तान् ह्युश्मस्यग्रै सख्ये मा रिषामा वयं तव ३

भरामेध्मं कृणवामा हवींषि ते चितयन्तः पर्वणापर्वणा वयम् ।

जीवातवे प्रतुरं साधया धियो ऽग्रै सख्ये मा रिषामा वयं तव ४

विशां गोपा अस्य चरन्ति जन्तवो द्विपञ्च यदुत चतुष्पदकुभिः ।

चित्रः प्रकेत उषसौ महां अस्यग्रै सख्ये मा रिषामा वयं तव ५

त्वमध्वर्युरुत होतासि पूर्यः प्रशास्ता पोता जनुषा पुरोहितः ।

विश्वा विद्वाँ आत्विज्या धीर पुष्यस्यग्रै सख्ये मा रिषामा वयं तव ६

यो विश्वतः सुप्रतीकः सदृङ्ङसि दूरे चित् सन्तुळिदिवाति रोचसे ।

रात्र्याश्चिदन्धो अति देव पश्यस्यग्रै सख्ये मा रिषामा वयं तव ७

पूर्वो देवा भवतु सुन्वतो रथो ऽस्माकं शंसौ अभ्यस्तु दूढयः ।

तदा जानीतोत पुष्यता वचो ऽग्रै सख्ये मा रिषामा वयं तव ८

वधैर्दुःशंसाँ अप दूढयौ जहि दूरे वा ये अन्ति वा के चिदत्रिणः ।

अर्था यज्ञाय गृणते सुगं कृध्यग्रै सख्ये मा रिषामा वयं तव ९

यदयुक्था अरुषा रोहिता रथे वार्तजूता वृषभस्यैव ते रवः ।

आदिन्वसि वनिनौ धूमकैतुना ऽग्रै सख्ये मा रिषामा वयं तव १०

अर्धं स्वनादुत बिभ्युः पतत्रिणौ द्रप्सा यत् ते यवसादो व्यस्थिरन् ।

सुगं तत् ते तावकेभ्यो रथेभ्यो ऽग्रै सख्ये मा रिषामा वयं तव ११

अयं मित्रस्य वरुणस्य धार्यसे ऽवयातां मरुतां हेळो अद्भुतः ।
 मृळा सु नो भूत्वैषां मनः पुनरग्रे सख्ये मा रिषामा वयं तव १२
 देवो देवानामसि मित्रो अद्भुतो वसुर्वसूनामसि चारुध्वरे ।
 शर्मन्त्स्याम तव सप्रथस्तमे ऽग्रे सख्ये मा रिषामा वयं तव १३
 तत् ते भद्रं यत्समिद्धः स्वे दमे सोमाहुतो जरसे मृळयत्तमः ।
 दधासि रत्नं द्रविणं च दाशुषे ऽग्रे सख्ये मा रिषामा वयं तव १४
 यस्मै त्वं सुद्रविणो ददाशो ऽनागास्त्वमदिते सर्वताता ।
 यं भद्रेण शर्वसा चोदयासि प्रजावता राधसा ते स्याम १५
 स त्वमग्रे सौभगत्वस्य विद्वा नस्माकमायुः प्र तिरेह दैव ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः १६

सप्तमोऽध्यायः ७

व० १-३२

(६५) पञ्चनवतितमं सूक्तम्

(१-११) एकादशर्चस्यास्य सूक्तस्याङ्गिरसः कुत्स ऋषिः । अग्निरौषसोऽग्निर्वा
 देवता । त्रिष्टुप् छन्दः

द्वे विरूपे चरतुः स्वर्थे अन्यान्या वृत्समुप धापयेते ।
 हरिरन्यस्यां भवति स्वधावाञ् छुक्रो अन्यस्यां ददृशे सुवर्चाः १
 दशेमं त्वष्टुर्जनयन्त गर्भं मतन्द्रासो युवतयो विभृत्रम् ।
 तिग्मानीकं स्वयंशसं जने विरोचमानं परि षीं नयन्ति २
 त्रीणि जाना परि भूषन्त्यस्य समुद्र एकं दिव्येकमुप्सु ।
 पूर्वामनु प्र दिशं पार्थिवाना मृतून् प्रशासद् वि दधावनुष्टु ३
 क इमं वो निरयमा चिकेत वृत्सो मातृर्जनयत स्वधाभिः ।
 ब्रह्मीनां गर्भो अपसामुपस्था न्महान् कविर्निश्चरति स्वधावान् ४
 आविष्ट्यो वर्धते चारुरासु जिह्वानामूर्ध्वः स्वयंशा उपस्थे ।
 उभे त्वष्टुर्बिभ्यतुर्जायमानात् प्रतीची सिंहं प्रति जोषयेते ५
 उभे भद्रे जोषयेते न मेने गावो न वाश्रा उप तस्थुरेवैः ।
 स दक्षाणां दक्षपतिर्बभूवा ज्ञान्ति यं दक्षिणतो हविर्भिः ६
 उद् ययमीति सवितेव ब्राह्म उभे सिचौ यतते भीम ऋजन् ।
 उच्छुक्रमत्कमजते सिमस्मान्नवा मातृभ्यो वसना जहाति ७

त्वेषं रूपं कृणुत उत्तरं यत् संपृञ्चानः सदनं गोभिरद्भिः ।
 कविर्बुध्नं परि मर्मज्यते धीः सा देवताता समितिर्बभूव ८
 उरु ते जयः पर्येति बुध्नं विरोचमानं महिषस्य धाम ।
 विश्वेभिरग्ने स्वयंशोभिरिद्धो ऽदब्धेभिः पायुभिः पाह्यस्मान् ९
 धन्वन्त्सरोतः कृणुते गातुमूर्मिं शक्रैरूर्मिभिरभि नक्षति क्षाम् ।
 विश्वा सनानि जठरैषु धत्ते ऽन्तर्नवासु चरति प्रसूषु १०
 एवा नो अग्ने समिधा वृधानो रेवत् पावक श्रवसे वि भाहि ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ११

(६६) षण्णवतितमं सूक्तम्

(१-६) नवर्चस्यास्य सूक्तस्याङ्गिरसः कुत्स ऋषिः । अग्निर्द्रविणोदा अग्निर्वा देवता
 । त्रिष्टुप् छन्दः

स प्रब्रथा सहसा जायमानः सद्यः काव्यानि बळधत्त विश्वा ।
 आपश्च मित्रं धिषणा च साधन् देवा अग्निं धारयन् द्रविणोदाम् १
 स पूर्वया निविदा कव्यतायो रिमाः प्रजा अजनयन्मनूनाम् ।
 विवस्वता चक्षसा द्यामपश्च देवा अग्निं धारयन् द्रविणोदाम् २
 तमीळत प्रथमं यज्ञसाधुं विश आरीराहुतमृञ्जसानम् ।
 ऊर्जः पुत्रं भरतं सृप्रदानुं देवा अग्निं धारयन् द्रविणोदाम् ३
 स मातरिश्वा पुरुवारपुष्टिर्विदद् गातुं तनयाय स्वर्वित् ।
 विशां गोपा जनिता रोदस्यो देवा अग्निं धारयन् द्रविणोदाम् ४
 नक्तोषासा वर्णमामेभ्याने धापयेते शिशुमेकं समीची ।
 द्यावाक्षामा रुक्मो अन्तर्वि भाति देवा अग्निं धारयन् द्रविणोदाम् ५
 रायो बुध्नः संगमनो वसूनां यज्ञस्य केतुर्मन्मसाधनो वेः ।
 अमृतत्वं रक्षमाणास एनं देवा अग्निं धारयन् द्रविणोदाम् ६
 नू च पुरा च सदनं रयीणां जातस्य च जायमानस्य च क्षाम् ।
 सतश्च गोपां भवतश्च भूरै देवा अग्निं धारयन् द्रविणोदाम् ७
 द्रविणोदा द्रविणसस्तुरस्य द्रविणोदाः सनरस्य प्र यंसत् ।
 द्रविणोदा वीरवतीमिषं नो द्रविणोदा रांसते दीर्घमायुः ८
 एवा नो अग्ने समिधा वृधानो रेवत् पावक श्रवसे वि भाहि ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ९

(६७) सप्तनवतितमं सूक्तम्

(१-८) अष्टर्चस्यास्य सूक्तस्याङ्गिरसः कुत्स ऋषिः । अग्निः शुचिरग्निर्वा देवता ।

गायत्री छन्दः

अप नः शोशचदुधमग्ने शुशग्ध्या रयिम् । अप नः शोशचदुधम् १
 सुक्षेत्रिया सुगातुया वसूया च यजामहे । अप नः शोशचदुधम् २
 प्र यद् भन्दिष्ठ एषां प्रास्माकांसश्च सूरयः । अप नः शोशचदुधम् ३
 प्र यत् ते अग्ने सूरयो जायैमहि प्र ते वयम् । अप नः शोशचदुधम् ४
 प्र यद् अग्नेः सहस्वतो विश्वतो यन्ति भानवः । अप नः शोशचदुधम् ५
 त्वं हि विश्वतोमुख विश्वतः परिभूरसि । अप नः शोशचदुधम् ६
 द्विषो नो विश्वतोमुखा ति नावेव पारय । अप नः शोशचदुधम् ७
 स नः सिन्धुमिव नावया ति पर्षा स्वस्तये । अप नः शोशचदुधम् ८

(६८) अष्टनवतितमं सूक्तम्

(१-३) तृचस्यास्य सूक्तस्याङ्गिरसः कुत्स ऋषिः । अग्निर्वैश्वानरोऽग्निर्वा देवता ।

त्रिष्टुप् छन्दः

वैश्वानरस्य सुमतौ स्याम राजा हि कं भुवनानामभिश्रीः ।
 इतो जातो विश्वमिदं वि चष्टे वैश्वानरो यतते सूर्येण १
 पृष्ठो दिवि पृष्ठो अग्निः पृथिव्यां पृष्ठो विश्वा ओषधीरा विवेश ।
 वैश्वानरः सहसा पृष्ठो अग्निः स नो दिवा स रिषः पातु नक्तम् २
 वैश्वानर तव तत् सत्यमस्त्वस्मान् रायौ मघवानः सचन्ताम् ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ३

(६९) नवनवतितमं सूक्तम्

(१) एकर्चस्यास्य सूक्तस्य मारीचः कश्यप ऋषिः । अग्निर्जातवेदा अग्निर्वा देवता

। त्रिष्टुप् छन्दः

जातवेदसे सुनवाम् सोम मरातीयतो नि दहाति वेदः ।
 स नः पर्षदति दुर्गाणि विश्वा नावेव सिन्धुं दुरितात्यग्निः १

(१००) शततमं सूक्तम्

(१-१६) एकोनविंशत्यृचस्यास्य सूक्तस्य चार्षागिरा ऋज्जाश्वाम्बरीष-सहदेव-

भयमान-सुराधस ऋषयः । इन्द्रो देवता । त्रिष्टुप् छन्दः
 स यो वृषा वृषयैभिः समौका मृहो दिवः पृथिव्याश्च सम्राट् ।
 सतीनसत्वा हव्यो भरैषु मरुत्वान् नो भवत्विन्द्र ऊती १
 यस्यानाप्तः सूर्यस्येव यामो भरैभरे वृत्रहा शुष्मो अस्ति ।
 वृषन्तमः सखिभिः स्वेभिरेवै मरुत्वान् नो भवत्विन्द्र ऊती २
 दिवो न यस्य रेतसो दुधानाः पन्थासो यन्ति शवसापरीताः ।
 तुरद्वेष्टाः सासहिः पौंस्यैभि मरुत्वान् नो भवत्विन्द्र ऊती ३
 सो अङ्गिरोभिरङ्गिरस्तमो भूद् वृषा वृषभिः सखिभिः सखा सन् ।
 ऋग्मिभिर्ऋग्मी गातुभिर्ज्येष्ठो मरुत्वान् नो भवत्विन्द्र ऊती ४
 स सूनुभिर्न रुद्रेभिर्ऋभ्वा नृषाह्यै सासह्यै अमित्रान् ।
 सनीळेभिः श्रवस्यानि तूर्वन मरुत्वान् नो भवत्विन्द्र ऊती ५
 स मन्युमीः समदनस्य कर्ता ऽस्माकैभिर्नृभिः सूर्यं सनत् ।
 अस्मिन्नहन्तसत्पतिः पुरुहूतो मरुत्वान् नो भवत्विन्द्र ऊती ६
 तमूतयौ रणयञ्छूरसातौ तं क्षेमस्य क्षितयः कृणवतु त्राम् ।
 स विश्वस्य कुरुणस्येश एको मरुत्वान् नो भवत्विन्द्र ऊती ७
 तमप्सन्तु शर्वस उत्सवेषु नरो नरमवसे तं धनाय ।
 सो अन्धे चित् तमसि ज्योतिर्विदन् मरुत्वान् नो भवत्विन्द्र ऊती ८
 स सव्येन यमति ब्राधतश्चित् स दक्षिणे संगृभीता कृतानि ।
 स कीरिणा चित् सनिता धनानि मरुत्वान् नो भवत्विन्द्र ऊती ९
 स ग्रामैभिः सनिता स रथैभिर्विदे विश्वाभिः कृष्टिभिर्नर्वद्य ।
 स पौंस्यैभिरभिभूरशस्ती मरुत्वान् नो भवत्विन्द्र ऊती १०
 स जामिभिर्यत् समजाति मीहळे ऽजामिभिर्वा पुरुहूत एवैः ।
 अपां तोकस्य तनयस्य जेषे मरुत्वान् नो भवत्विन्द्र ऊती ११
 स वज्रभृद् दस्युहा भीम उग्रः सहस्रचेताः शतनीथ ऋभ्वा ।
 चम्रीषो न शर्वसा पाञ्चजन्यो मरुत्वान् नो भवत्विन्द्र ऊती १२
 तस्य वज्रः क्रन्दति स्मत् स्वर्षा दिवो न त्वेषो रवथः शिमीवान् ।
 तं सचन्ते सनयस्तं धनानि मरुत्वान् नो भवत्विन्द्र ऊती १३
 यस्याजस्त्रं शर्वसा मानमुक्थं परिभुजद् रोदसी विश्वतः सीम् ।
 स पारिषत् क्रतुभिर्मन्दसानो मरुत्वान् नो भवत्विन्द्र ऊती १४
 न यस्य देवा देवता न मर्ता आपश्चन शर्वसो अन्तमापुः ।

स प्र॒रिक्वा॒ त्वक्ष॑सा॒ क्षमो॑ दि॒वश्च॑ म॒रुत्वान्॑ नो भव॒त्विन्द्र॑ ऊ॒ती १५
 रोहि॑च्छ्या॒वा सु॒मद॑शु॒र्ललामि॑ द्यु॒क्षा रा॒य ऋ॒ज्राश्व॑स्य ।
 वृ॒षण॑वन्तं बिभ्र॑ती धू॒र्षु रथं॑ म॒न्द्रा चि॑केत॒ नाहु॑षीषु वि॒क्षु १६
 एतत् त्यत् ते॑ इन्द्र॒ वृ॒ष्णा उ॒क्थं वा॑र्षा॒गिरा॑ अ॒भि गृ॑णन्ति राधः ।
 ऋ॒ज्राश्वः॑ प्र॒ष्टिभि॑रम्ब॒रीषः॑ स॒हदे॑वो भय॑मानः सु॒राधाः॑ १७
 दस्यु॑ञ्छि॒म्यैश्च॑ पु॒रुहू॑त ए॒वै ह॑त्वा पृ॒थि॒व्यां शर्वा॑ नि ब॑र्हीत् ।
 सन॑त् क्षे॒त्रं सखि॑भिः श्वि॒तये॑भिः सन॑त् सूर्य॑ स॒नद॑पः सु॒वज्रः॑ १८
 वि॒श्वाहेन्द्रो॑ अधि॒वृक्ता नो॑ अ॒स्त्वपे॑रिहृताः स॒नुयाम्॑ वा॒जम् ।
 तन्नो॑ मि॒त्रो वरु॑णो मा॒महन्ता॑ म॒दितिः॑ सि॒न्धुः पृ॒थि॒वी उ॒त द्यौः॑ १९

(१०१) एकोत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कुत्स ऋषिः । इन्द्रो देवता । (१-
 ७) प्रथमादिसप्तर्चा जगती (८-११) अष्टम्यादिचतसृणाञ्च त्रिष्टुप् छन्दसी
 प्र म॒न्दिनै॑ पि॒तुम॑दर्चता॒ वचो॑ यः कृ॒ष्णग॑र्भा नि॒रह॑न्वृ॒जिश्च॑ना ।
 अ॒व॒स्य॒वो वृ॒षणं॑ वज्र॑दक्षिणं म॒रुत्व॑न्तं स॒ख्याय॑ हवामहे १
 यो व्य॑सं जाह॒षाणे॑न म॒न्युना॑ यः श॒म्बरं॑ यो अ॒हन् पि॑प्रुमव॒तम् ।
 इन्द्रो॑ यः शु॒ष्णाम॑शुषं न्यावृ॒णइ म॒रुत्व॑न्तं स॒ख्याय॑ हवामहे २
 यस्य॑ द्यावा॒पृथि॒वी पौ॑स्यं म॒हद् यस्य॑ वृ॒ते वरु॑णो यस्य॑ सूर्यः ।
 यस्येन्द्र॑स्य॒ सिन्ध॑वः स॒श्रति॑ व॒तं म॒रुत्व॑न्तं स॒ख्याय॑ हवामहे ३
 यो अ॒श्वानां॑ यो ग॒वां गो॑पतिर्व॒शी य आ॑रि॒तः क॑र्म॒णि क॑र्म॒णि स्थि॑रः ।
 वी॒ळोश्चि॑दिन्द्रो॒ यो अ॑सु॒न्वतो॑ व॒धो म॒रुत्व॑न्तं स॒ख्याय॑ हवामहे ४
 यो वि॒श्वस्य॑ जग॑तः प्रा॒णत॑स्पति॒र्यो ब्र॑ह्म॒णै प्र॑थ॒मो गा॑ अ॒विन्द॑त् ।
 इन्द्रो॑ यो दस्यु॑र॒धरां॑ अ॒वाति॑रन् म॒रुत्व॑न्तं स॒ख्याय॑ हवामहे ५
 यः शू॒रेभि॑र्हव्यो यश्च॑ भी॒रुभि॑र्यो॒ धाव॑द्भिर्हू॒यते॑ यश्च॑ जि॒ग्युभिः॑ ।
 इन्द्रं॑ यं वि॒श्वा भु॑र्व॒नाभि॑ स॒दधु॑ म॒रुत्व॑न्तं स॒ख्याय॑ हवामहे ६
 रु॒द्राणा॑मेति प्र॒दिशा॑ वि॒चक्ष॑णो रु॒द्रेभि॑र्योषा॑ तनु॒ते पृ॑थु ज॒यः ।
 इन्द्रं॑ म॒नीषा॑ अ॒भ्यर्च॑ति श्रु॒तं म॒रुत्व॑न्तं स॒ख्याय॑ हवामहे ७
 यद् वा॑ म॒रुत्वः॑ प॒रमे॑ स॒धस्थे॑ यद् वा॑व॒मे वृ॑जने॒ माद॑या॒से ।
 अ॒त आ॑ या॒ह्यध्व॑रं नो॒ अ॒च्छा॑ त्वा॒या ह॒विश्च॑कृ॒मा स॒त्यरा॑धः ८
 त्वा॒येन्द्र॑ सोमं सुषु॒मा सु॒दक्ष॑ त्वा॒या ह॒विश्च॑कृ॒मा ब्र॑ह्मवाहः ।

अधा नियुत्वः सर्गणो मरुद्भि रस्मिन् यज्ञे बर्हिषि मादयस्व ६
 मादयस्व हरिभिर्ये ते इन्द्र वि ष्यस्व शिप्रे वि सृजस्व धेनै ।
 आ त्वा सुशिप्र हरयो वहन्तु शन् हव्यानि प्रति नो जुषस्व १०
 मरुत्स्तोत्रस्य वृजनस्य गोपा वयमिन्द्रेण सनुयाम वाजम् ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ११

(१०२) द्व्युत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कुत्स ऋषिः । इन्द्रो देवता । (१-
 १०) प्रथमादिदशर्चा जगती (११) एकादश्याश्च त्रिष्टुप् छन्दसी
 इमां ते धियं प्र भरे म॒हो म॒ही म॒स्य स्तोत्रे धिषणा यत् ते आनुजे ।
 तमुत्सवे च प्रसवे च सासहि मिन्द्र देवासः शर्वसामदन्ननु १
 अस्य श्रवो नद्यः सप्त बिभ्रति द्यावाक्षामा पृथिवी दर्शतं वपुः ।
 अस्मे सूर्याचन्द्रमसाभिचक्षे श्रद्धे कर्मिन्द्र चरतो वितर्तुरम् २
 तं स्मा रथं मघवन् प्राव सातये जैत्रं यं ते अनुमदाम संगमे ।
 आजान इन्द्र मनसा पुरुष्टुत त्वायद्भ्यो मघवञ्छर्म यच्छ नः ३
 वयं जयेम त्वया युजा वृत मस्माकमंशमुदवा भरेभरे ।
 अस्मभ्यमिन्द्र वरिवः सुगं कृधि प्र शत्रूणां मघवन् वृषया रुज ४
 नाना हि त्वा हवमाना जना इमे धनानां धर्तुर्वसा विपन्यवः ।
 अस्माकं स्मा रथमा तिष्ठ सातये जैत्रं हीन्द्र निभृतं मनस्तव ५
 गोजिता बाहू अमितक्रतुः सिमः कर्मन्कर्मञ्छतमूतिः खजंकरः ।
 अकल्प इन्द्रः प्रतिमानमोजसा था जना वि ह्वयन्ते सिषासवः ६
 उत ते शतान्मघवन्नुच्च भूर्यस उत सहस्राद् रिरिचे कृष्टिषु श्रवः ।
 अमात्रं त्वा धिषणा तित्विषे म ह्यधा वृत्राणि जिघ्रसे पुरंदर ७
 त्रिविष्टिधातु प्रतिमानमोजस स्तिस्त्रो भूर्मीर्नृपते त्रीणि रोचना ।
 अतीदं विश्वं भुवनं ववक्षिथा शत्रुरिन्द्र जनुषा सनादसि ८
 त्वां देवेषु प्रथमं हवामहे त्वं बभूथ पृतनासु सासहिः ।
 सेमं नः कारुमुपमन्युमुद्दिद मिन्द्रः कृणोतु प्रसवे रथं पुरः ९
 त्वं जिगेथ न धना रुरोधिथा भैष्वाजा मघवन् महत्सु च ।
 त्वामुग्रमवसे सं शिशीम स्यथा न इन्द्र हवनेषु चोदय १०
 विश्वाहेन्द्रौ अधिवक्ता नौ अस्त्वपरिहृताः सनुयाम वाजम् ।

तन्नो मित्रो वरुणो मामहन्ता मदितिः सिन्धुः पृथिवी उत द्यौः ११

(१०३) त्र्युत्तरशततमं सूक्तम्

(१-८) अष्टर्चस्यास्य सूक्तस्याङ्गिरसः कुत्स ऋषिः । इन्द्रो देवता । त्रिष्टुप् छन्दः
तत् त इन्द्रियं परमं पराचै रधारयन्त कवयः पुरेदम् ।
क्षमेदमन्यद् दिव्यश्न्यदस्य समी पृच्यते समनेव केतुः १
स धारयत् पृथिवीं प्रथञ्च वज्रेण हत्वा निरपः संसर्ज ।
अहन्नहिमभिन्नद्रौहिणं व्यहन् व्यसं मघवा शचीभिः २
स जातूभर्मा श्रद्धधान ओजः पुरो विभिन्दन्नचरद् वि दासीः ।
विद्वान् वज्रिन् दस्यवे हेतिमस्या ऽऽर्यं सहो वर्धया द्युममिन्द्र ३
तदूचुषे मानुषेमा युगानि कीर्तेन्य मघवा नाम बिभ्रत् ।
उपप्रयन् दस्युहत्याय वज्री यद्ध सूनुः शर्वसे नाम दधे ४
तदस्येदं पश्यता भूरि पुष्टं श्रदिन्द्रस्य धत्तन वीर्याय ।
स गा अविन्दत् सो अविन्ददश्चान् त्स ओषधीः सो अपः स वनानि ५
भूरिकर्मणे वृषभाय वृष्णे सत्यशुष्माय सुनवाम् सोमम् ।
य आदृत्या परिपन्थीव शूरो ऽर्यज्वनो विभजन्नेति वेदः ६
तदिन्द्र प्रेव वीर्यं चकर्थ यत् ससन्तं वज्रेणाबोधयोऽहिम् ।
अनु त्वा पत्नीर्हृषितं वर्यश्च विश्वे देवासौ अमदन्ननु त्वा ७
शुष्णं पिपुं कुर्यवं वृत्रमिन्द्र यदावधीर्वि पुरः शम्बरस्य ।
तन्नो मित्रो वरुणो मामहन्ता मदितिः सिन्धुः पृथिवी उत द्यौः ८

(१०४) चतुरुत्तरशततमं सूक्तम्

(१-६) नवर्चस्यास्य सूक्तस्याङ्गिरसः कुत्स ऋषिः । इन्द्रो देवता । त्रिष्टुप् छन्दः
योनिष्ट इन्द्र निषदै अकारि तमा नि षीद स्वानो नार्वा ।
विमुच्या वयोऽवसायाश्चान् दोषा वस्तोर्वहीयसः प्रपित्वे १
ओ त्ये नर इन्द्रमूतये गु नू चित् तान् त्सद्यो अध्वनो जगम्यात् ।
देवासौ मनुं दासस्य श्मन् ते न आ वक्षन् त्सुविताय वर्णम् २
अव त्मना भरते केतवेदा अव त्मना भरते फेनमुदन् ।
क्षीरेण स्नातः कुर्यवस्य योषे हते ते स्यातां प्रवणे शिफायाः ३

युयोप॒ नाभिरु॑परस्यायोः प्र पूर्वा॑भिस्तिरते॒ राष्ट्रि शूरः॑ ।
 अ॒ञ्जसी॑ कुलि॒शी वी॒रप॑त्नी पयौ हिन्वा॒ना उ॒दभि॑र्भरन्ते ४
 प्रति॒ यत् स्या॑ नीथादर्शि॒ दस्यो॑ रोको॒ नाच्छा॑ सदनं जान॒ती गा॑त् ।
 अ॒र्ध॑ स्मा नो म॒घव॑ञ्चकृ॒तादि॑न्मा नो म॒घेव॑ निष्प॒पी परा॑ दाः ५
 स त्वं न॑ इन्द्र॒ सूर्ये॑ सो अ॒प्स्व नागा॑स्त्व आ भ॑ज जीव॒शंसे॑ ।
 मान्तरां॑ भुज॒मा री॑रिषो नः श्रद्धि॒तं ते म॑ह॒त इन्द्रि॑याय ६
 अ॒र्धा मन्ये॑ श्रत् तै अ॒स्मा अ॒धायि॑ वृषा॒ चोद॑स्व म॒हते॑ धनाय ।
 मा नो॒ अकृ॑ते पुरु॒हूत॑ योना॒ विन्द्र॒ क्षु॒ध्यद्भ्यो॑ वय॒ आसु॑तिं दाः ७
 मा नो॒ वधी॑रिन्द्र॒ मा परा॑ दा मा नः प्रि॒या भो॑र्जनानि प्र मौषीः ।
 आ॒ण्डा मा नो॑ म॒घव॑ञ्छक्र॒ निर्भे॑न्मा नः पात्रा॑ भेत् स॒हजा॑नुषाणि ८
 अ॒र्वाडे॑हि सोम॒कामं॑ त्वाहु॒ रयं॑ सु॒तस्तस्य॑ पि॒त्रा म॑दाय ।
 उ॒रु॒व्यचा॑ ज॒ठर॒ आ वृ॑षस्व पि॒तेर्व॑ नः शृणु॑हि हूय॒मानः॑ ९

(१०५) पञ्चोत्तरशततमं सूक्तम्

(१-१६) एकोनविंशत्यृचस्यास्य सूक्तस्याप्तयस्त्रित आङ्गिरसः कुत्सो वा ऋषिः ।

विश्वे देवा देवताः । (१-७, ६-१८) प्रथमादिसप्तर्चा नवम्यादिदशानाञ्च पङ्क्तिः

(८) अष्टम्या यवमध्या महाबृहती (१६) एकोनविंश्याश्च त्रिष्टुप् छन्दांसि

चन्द्रमा॑ अ॒प्स्वश्॑न्तरा सु॒प॒र्णो धा॑वते दि॒वि ।

न वो॑ हिरण्यनेमयः पु॒दं वि॑न्दन्ति विद्युतो वि॒त्तं मे॑ अस्य रौ॒दसी॑ १

अ॒र्थमि॑द् वा उ॒ अर्थि॑न् आ जा॒या यु॑वते पति॒म् ।

तु॒ज्जाते॑ वृ॒ष्णयं॑ पयः परि॒दाय॑ रसं दु॒हे वि॑त्तं मे॑ अस्य रौ॒दसी॑ २

मो षु॑ दे॒वा अ॒दः स्व॑श् रव॒ पादि॑ दि॒वस्परि॑ ।

मा सो॒म्यस्य॑ शंभुवः शू॒नै भू॑म् कदा॒ चन॑ वि॒त्तं मे॑ अस्य रौ॒दसी॑ ३

य॒ज्ञं पृ॑च्छाम्यव॒मं स तद् दू॒तो वि॑ वौचति ।

क्व॑ ऋ॒तं पू॒र्व्यं गु॑तं कस्तद् बि॒भर्ति॑ नू॒तनो॑ वि॒त्तं मे॑ अस्य रौ॒दसी॑ ४

अ॒मी ये दे॒वा स्थ॑ने त्रि॒ष्वारौ॑चने दि॒वः ।

कद् व॑ ऋ॒तं कद॑नृ॒तं क्व॑ प्र॒त्ना व॒ आहु॑ति वि॒त्तं मे॑ अस्य रौ॒दसी॑ ५

कद् व॑ ऋ॒तस्य॑ ध॒र्णसि॑ कद् वरु॒णस्य॑ चक्ष॒णम् ।

कद॑र्य॒म्णो म॒हस्प॑था॒ ति॒ क्रामे॑म दू॒ढ्यौ वि॑त्तं मे॑ अस्य रौ॒दसी॑ ६

अ॒हं सो अ॑स्मि॒ यः पु॒रा सु॑ते वदामि॒ कानि॑ चि॒त् ।

तं मा व्यन्त्याध्योऽं वृको न तृष्णर्जं मृगं वित्तं मे अस्य रौदसी ७
 सं मा तपन्त्यभितः सपत्नीरिव पशवः ।
 मूषो न शिशना व्यदन्ति माध्यः स्तोतारं ते शतक्रतो वित्तं मे अस्य रौदसी
 ८
 अमी ये सप्त रश्मयस्तत्रा मे नाभिरातता ।
 त्रितस्तद् वेदाप्तयः स जामित्वाय रेभति वित्तं मे अस्य रौदसी ९
 अमी ये पञ्चोक्षणो मध्ये तस्थुर्महो दिवः ।
 देवत्रा नु प्रवाच्यं सध्रीचीना नि वावृतु वित्तं मे अस्य रौदसी १०
 सुपर्णा एत आसते मध्यं आरोधने दिवः ।
 ते सैधन्ति पथो वृकं तरन्तं यहतीरपो वित्तं मे अस्य रौदसी ११
 नव्यं तदुक्थ्यं हितं देवासः सुप्रवाचनम् ।
 अतमर्षन्ति सिन्धवः सत्यं तातान् सूर्यो वित्तं मे अस्य रौदसी १२
 अग्रे तव त्यदुक्थ्यं देवेष्वस्त्याप्यम् ।
 स नः सत्तो मनुष्वदा देवान् यक्षि विदुष्टरो वित्तं मे अस्य रौदसी १३
 सत्तो होता मनुष्वदा देवाँ अच्छा विदुष्टरः ।
 अग्निर्हव्या सुषूदति देवो देवेषु मेधिरो वित्तं मे अस्य रौदसी १४
 ब्रह्मा कृणोति वरुणो गातुविदं तमीमहे ।
 व्यूणोति हृदा मतिं नव्यो जायतामृतं वित्तं मे अस्य रौदसी १५
 असौ यः पन्था आदित्यो दिवि प्रवाच्यं कृतः ।
 न स देवा अतिक्रमे तं मर्तासो न पश्यथ वित्तं मे अस्य रौदसी १६
 त्रितः कूपेऽवहितो देवान् हवत ऊतये ।
 तच्छुश्राव बृहस्पतिः कृणवन्नहूरणादुरु वित्तं मे अस्य रौदसी १७
 अरुणो मा सकृद् वृकः पथा यन्तं ददर्श हि ।
 उज्जिहीते निचाय्या तष्टैव पृष्ठ्यामयी वित्तं मे अस्य रौदसी १८
 एनाङ्गुषेण व्यमिन्द्रवन्तो ऽभि ध्याम वृजने सर्ववीराः ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः १९

(१०६) षडुत्तरशततमं सूक्तम्

(१-७) सप्तर्चस्यास्य सूक्तस्याङ्गिरसः कुत्स ऋषिः । विश्वे देवा देवताः । (१-
 ६) प्रथमादिषडृचां जगती (७) सप्तम्याश्च त्रिष्टुप् छन्दसी

इन्द्रं मित्रं वरुणमग्निमूतये मारुतं शर्धो अदितिं हवामहे ।
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन १
 त आदित्या आ गता सर्वतातये भूत देवा वृत्रतूर्येषु शंभुवः ।
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन २
 अर्वन्तु नः पितरः सुप्रवाचना उत देवी देवपुत्रे ऋतावृधा ।
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन ३
 नराशंसं वाजिनं वाजयन्निह क्षयद्वीरं पूषणं सुमैरीमहे ।
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन ४
 बृहस्पते सदमिन्नः सुगं कृधि शं योर्यत् ते मनुर्हितं तदीमहे ।
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन ५
 इन्द्रं कुत्सो वृत्रहणं शचीपतिं काटे निबाहळ ऋषिरह्णदूतये ।
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन ६
 देवैर्नो देव्यदितिर्नि पातु देवस्त्राता त्रायतामप्रयुच्छन् ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ७

(१०७) सप्तोत्तरशततमं सूक्तम्

(१-३) तृचस्यास्य सूक्तस्याङ्गिरसः कुत्स ऋषिः । विश्वे देवा देवताः ।

त्रिष्टुप् छन्दः

यज्ञो देवानां प्रत्येति सुम्न मादित्यासो भवता मृळयन्तः ।
 आ वो ऽर्वाचीं सुमतिर्ववृत्या दंहोश्चिद्या वरिवोवित्तरासत् १
 उप नो देवा अवसा गमन्त्वङ्गिरसां सामभिः स्तूयमानाः ।
 इन्द्रं इन्द्रियैर्मरुतो मरुद्भि रादित्यैर्नो अदितिः शर्म यंसत् २
 तन्न इन्द्रस्तद् वरुणस्तदग्निस्तदर्यमा तत् सविता चनो धात् ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ३

(१०८) अष्टोत्तरशततमं सूक्तम्

(१-१३) त्रयोदशर्चस्यास्य सूक्तस्याङ्गिरसः कुत्स ऋषिः । इन्द्राग्नी देवते ।

त्रिष्टुप् छन्दः

य इन्द्राग्नी चित्रतमो रथो वा मभि विश्वानि भुवनानि चष्टे ।

तेना यातं सरथं तस्थिवांसा था सोमस्य पिबतं सुतस्य १
 यावदिदं भुवनं विश्वमस्त्युरुव्यचा वरिमता गभीरम् ।
 तावाँ अयं पातवे सोमो अस्त्वरमिन्द्राग्नी मनसे युवभ्याम् २
 चक्राथे हि सध्र्यश्ङनाम भद्रं संधीचीना वृत्रहणा उत स्थः ।
 ताविन्द्राग्नी सध्र्यश्चा निषद्या वृष्णः सोमस्य वृष्णा वृषेथाम् ३
 समिद्धेष्वग्निष्वानजाना यतस्तुचा बर्हिर् ततिस्तिराणा ।
 तीव्रैः सोमैः परिषित्तेभिर्वा गेन्द्राग्नी सौमनसाय यातम् ४
 यानीन्द्राग्नी चक्रथुर्वीर्याणि यानि रूपाण्युत वृष्ण्यानि ।
 या वाँ प्रत्नानि सख्या शिवानि तेभिः सोमस्य पिबतं सुतस्य ५
 यदब्रवं प्रथमं वाँ वृणानोऽयं सोमो असुरैर्नो विहव्यः ।
 तां सत्यां श्रद्धामभ्या हि यात मथा सोमस्य पिबतं सुतस्य ६
 यदिन्द्राग्नी मदथः स्वे दुरोणे यद् ब्रह्मणि राजनि वा यजत्रा ।
 अतः परि वृष्णावा हि यात मथा सोमस्य पिबतं सुतस्य ७
 यदिन्द्राग्नी यदेषु तुर्वशेषु यद् द्रुह्युष्वनुषु पूरुषु स्थः ।
 अतः परि वृष्णावा हि यात मथा सोमस्य पिबतं सुतस्य ८
 यदिन्द्राग्नी अवमस्यां पृथिव्यां मध्यमस्यां परमस्यामुत स्थः ।
 अतः परि वृष्णावा हि यात मथा सोमस्य पिबतं सुतस्य ९
 यदिन्द्राग्नी परमस्यां पृथिव्यां मध्यमस्यामवमस्यामुत स्थः ।
 अतः परि वृष्णावा हि यात मथा सोमस्य पिबतं सुतस्य १०
 यदिन्द्राग्नी दिवि षो यत् पृथिव्यां यत् पर्वतेष्वोषधीष्वप्सु ।
 अतः परि वृष्णावा हि यात मथा सोमस्य पिबतं सुतस्य ११
 यदिन्द्राग्नी उदिता सूर्यस्य मध्ये दिवः स्वधया मादयेथे ।
 अतः परि वृष्णावा हि यात मथा सोमस्य पिबतं सुतस्य १२
 एवेन्द्राग्नी पपिवांसा सुतस्य विश्वास्मभ्यं सं जयतं धनानि ।
 तन्नौ मित्रो वरुणो मामहन्ता मदितिः सिन्धुः पृथिवी उत द्यौः १३

(१०६) नवोत्तरशततमं सूक्तम्

(१-८) अष्टार्चस्यास्य सूक्तस्याङ्गिरसः कुत्स ऋषिः । इन्द्राग्नी देवते ।

त्रिष्टुप् छन्दः

वि ह्यख्यं मनसा वस्य इच्छन्निन्द्राग्नी ज्ञास उत वाँ सजातान् ।

नान्या युवत् प्रमतिरस्ति मह्यं स वां धिर्यं वाजयन्तीमतक्षम् १
 अश्रवं हि भूरिदावत्तरा वां विजामातुरुत वां घा स्यालात् ।
 अथा सोमस्य प्रयती युवभ्या मिन्द्राग्नी स्तोमं जनयामि नव्यम् २
 मा च्छेद्य रश्मीरिति नाधमानाः पितृचफढृणां शक्तीरनुयच्छमानाः ।
 इन्द्राग्निभ्यां कं वृषणो मदन्ति ता ह्यद्रीं धिषणाया उपस्थे ३
 युवाभ्यां देवी धिषणा मदायेन्द्राग्नी सोममुशती सुनोति ।
 तावश्विना भद्रहस्ता सुपाणी आ धावतं मधुना पृङ्क्तमप्सु ४
 युवामिन्द्राग्नी वसुनो विभागे तवस्तमा शुश्रव वृत्रहत्ये ।
 तावासद्या बर्हिषि यज्ञे अस्मिन् प्र चर्षणी मादयेथां सुतस्य ५
 प्र चर्षणिभ्यः पृतनाहवेषु प्र पृथिव्या रिरिचाथे दिवश्च ।
 प्र सिन्धुभ्यः प्र गिरिभ्यो महित्वा प्रेन्द्राग्नी विश्वा भुवनात्यन्या ६
 आ भरतं शिक्तं वज्रबाहू अस्माँ इन्द्राग्नी अवतं शचीभिः ।
 इमे नु ते रश्मयः सूर्यस्य येभिः सपित्वं इंपतरौ न आसन् ७
 पुरंदरा शिक्तं वज्रहस्ता स्माँ इन्द्राग्नी अवतं भरेषु ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ८

(११०) दशोत्तरशततमं सूक्तम्

(१-६) नवर्चस्यास्य सूक्तस्याङ्गिरसः कुत्स ऋषिः । ऋभवो देवताः । (१-४,

६-८) प्रथमादिचतुर्त्रचां षष्ठ्यादितृचस्य च जगती

(५, ६) पञ्चमीनवम्योश्च त्रिष्टुप् छन्दसी

ततं मे अपस्तदुं तायते पुनः स्वादिष्टा धीतिरुचथाय शस्यते ।
 अयं समुद्र इह विश्वदैव्यः स्वाहाकृतस्य समु तृप्णुत ऋभवः १
 आभोगयं प्र यदिच्छन्त ऐतना पाकाः प्राञ्चो मम के चिदापयः ।
 सौधन्वनासश्चरितस्य भूमना गच्छत सवितुर्दाशुषो गृहम् २
 तत् सविता वोऽमृतत्वमासुव दगौह्यं यच्छचफढृवयेन्त ऐतन ।
 त्यं चिञ्चमसमसुरस्य भक्ष्ण मेकं सन्तमकृणुता चतुर्वयम् ३
 विष्टी शमी तरणित्वेन वाघतो मर्तासः सन्तो अमृतत्वमानशः ।
 सौधन्वना ऋभवः सूरचक्षसः संवत्सरे समपृच्यन्त धीतिभिः ४
 क्षेत्रमिव वि ममुस्तेजनेन एकं पात्रमृभवो जेहमानम् ।
 उपस्तुता उपमं नाधमाना अमर्त्येषु श्रव इच्छमानाः ५

आ मनीषामन्तरिक्षस्य नृभ्यः सुचेवं घृतं जुहवाम विघ्नना ।
 तुरणित्वा ये पितुरस्य सश्चिर ऋभवो वाजमरुहन् दिवो रजः ६
 ऋभुर्न इन्द्रः शर्वसा नवीया नृभुर्वाजैर्भिर्वसुभिर्वसुर्ददिः ।
 युष्माकं देवा अवसाहनि प्रियेऽभि तिष्ठेम पृत्सुतीरसुन्वताम् ७
 निश्चर्मण ऋभवो गामपिंशत सं वत्सेनासृजता मातरं पुनः ।
 सौधन्वनासः स्वपस्यया नरो जिब्री युवाना पितराकृणोतन ८
 वाजैभिर्नो वाजसातावविह्वृभुमाँ इन्द्र चित्रमादर्षि राधः ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ९

(१११) एकादशोत्तरशततमं सूक्तम्

(१-५) पञ्चर्चस्यास्य सूक्तस्याङ्गिरसः कुत्स ऋषिः । ऋभवो देवताः । (१-४)

प्रथमादिचतुर्ऋचां जगती (५) पञ्चम्याश्च त्रिष्टुप् छन्दसी

तक्षन् रथं सुवृत्तं विघ्ननापस स्तक्षन् हरीं इन्द्रवाहा वृषणवसू ।
 तक्षन् पितृभ्यामृभवो युवद् वयु स्तक्षन् वत्साय मातरं सचाभुवम् १
 आ नो यज्ञाय तक्षत ऋभुमद्वयः क्रत्वे दक्षाय सुप्रजावतीमिषम् ।
 यथा क्षयाम् सर्ववीरया विशा तन्नः शर्धाय धासथा स्विन्द्रियम् २
 आ तक्षत सातिमस्मभ्यमृभवः सातिं रथाय सातिमर्वते नरः ।
 सातिं नो जैत्रीं सं महेत विश्वहा जामिमजामिं पृतनासु सक्षणिम् ३
 ऋभुक्षणिमिन्द्रमा हुव ऊतय ऋभून् वाजान् मरुतः सोमपीतये ।
 उभा मित्रावरुणा नूनमश्विना ते नो हिन्वन्तु सातये धिये जिषे ४
 ऋभुर्भयं सं शिशातु सातिं समर्यजिद्वाजौ अस्माँ अविष्टु ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ५

(११२) द्वादशोत्तरशततमं सूक्तम्

(१-२५) पञ्चविंशत्यृचस्यास्य सूक्तस्याङ्गिरसः कुत्स ऋषिः । (१) प्रथमर्चः

प्रथमपादस्य द्यावापृथिव्यौ द्वितीयपादस्याग्निरुत्तरार्धस्य (२-२५) द्वितीयादिच-
 तुर्विंशतीनाञ्चाश्विनौ देवताः । (१-२३) प्रथमादित्रयोविंशतीनां जगती (२४-२५)

चतुर्विंशीपञ्चविंशयोश्च त्रिष्टुप् छन्दसी

१ उत्तरार्धस्य अश्विनौ २-२५ अश्विनौ । जगती २४-२५ त्रिष्टुप् ।
 ईळे द्यावापृथिवी पूर्वर्चित्तये ऽग्निं घृमं सुरुचं यामन्निष्टयै ।

याभिर्भरै कारमंशाय जिन्वथ स्ताभिरू षु ऊतिभिरश्विना गतम् १
 युवोर्दानाय सुभरा असश्चतो रथमा तस्थुर्वचसं न मन्तवे ।
 याभिर्धियोऽर्वथः कर्मन्निष्टये ताभिरू षु ऊतिभिरश्विना गतम् २
 युवं तासां दिव्यस्य प्रशासने विशां क्षयथो अमृतस्य मुज्मना ।
 याभिर्धेनुमस्वश्इपन्वथो नरा ताभिरू षु ऊतिभिरश्विना गतम् ३
 याभिः परिज्मा तनयस्य मुज्मना द्विमाता तूर्षु तरणिर्विभूषति ।
 याभिस्त्रिमन्तुरभवद् विचक्षण स्ताभिरू षु ऊतिभिरश्विना गतम् ४
 याभी रेभं निवृतं सितमुद्भ्य उद् वन्दनमैरयतं स्वर्दृशे ।
 याभिः कण्वं प्र सिषासन्तमावृतं ताभिरू षु ऊतिभिरश्विना गतम् ५
 याभिरन्तकं जसमानमारणे भुज्युं याभिरव्यथिभिर्जिज्जिन्वथुः ।
 याभिः कर्कन्धु वर्य्यं च जिन्वथ स्ताभिरू षु ऊतिभिरश्विना गतम् ६
 याभिः शुचन्तिं धनसां सुषंसदं तप्तं घर्ममोम्यावन्तमत्रये ।
 याभिः पृश्निगुं पुरुकुत्समावृतं ताभिरू षु ऊतिभिरश्विना गतम् ७
 याभिः शचीभिर्वृषणा परावृजं प्रान्धं श्रोणं चक्षस एतवे कृथः ।
 याभिर्वर्तिकां ग्रसिताममुञ्चतं ताभिरू षु ऊतिभिरश्विना गतम् ८
 याभिः सिन्धुं मधुमन्तमसश्चतं वसिष्ठं याभिरजरावजिन्वतम् ।
 याभिः कुत्सं श्रुतर्यं नर्यमावृतं ताभिरू षु ऊतिभिरश्विना गतम् ९
 याभिर्विश्पलां धनसामथर्व्यं सहस्रमीहळ आजावजिन्वतम् ।
 याभिर्वशमश्वचं प्रेणिमावृतं ताभिरू षु ऊतिभिरश्विना गतम् १०
 याभिः सुदानू औशिजाय वृणिजै दीर्घश्रवसे मधु कोशो अक्षरत् ।
 कक्षीवन्तं स्तोतारं याभिरावृतं ताभिरू षु ऊतिभिरश्विना गतम् ११
 याभी रसां क्षोदसोद्गः पिपिन्वथु रनुश्वं याभी रथमावृतं जिषे ।
 याभिस्त्रिशोकं उस्त्रिया उदार्जत ताभिरू षु ऊतिभिरश्विना गतम् १२
 याभिः सूर्यं परियाथः परावति मन्धातारं क्षैत्रपत्येष्वावतम् ।
 याभिर्विप्रं प्र भरद्वाजमावृतं ताभिरू षु ऊतिभिरश्विना गतम् १३
 याभिर्महामतिथिग्वं कशोजुवं दिवौदासं शम्बरहत्य आवतम् ।
 याभिः पूर्भिद्यै त्रसदस्युमावृतं ताभिरू षु ऊतिभिरश्विना गतम् १४
 याभिर्वृषं विपिपानमुपस्तुतं कलिं याभिर्वित्तजानिं दुवस्यथः ।
 याभिरव्यश्वमुत पृथिमावृतं ताभिरू षु ऊतिभिरश्विना गतम् १५
 याभिर्नरा शयवे याभिरत्रये याभिः पुरा मनवे गातुमीषथुः ।

याभिः शारीराजतं स्यूमरश्मये ताभिरू षु ऊतिभिरश्विना गतम् १६
 याभिः पठर्वा जठरस्य मुज्मना गिर्नादीदेद्वित इद्धो अज्मन्ना ।
 याभिः शर्यातमवथो महाधने ताभिरू षु ऊतिभिरश्विना गतम् १७
 याभिरङ्गिरो मनसा निरयथो ऽग्रं गच्छथो विवरे गोअर्णसः ।
 याभिर्मनुं शूरमिषा समावतं ताभिरू षु ऊतिभिरश्विना गतम् १८
 याभिः पत्नीर्विमदाय न्यूहथु रा घं वा याभिररुणीरशिक्षतम् ।
 याभिः सुदास ऊहथुः सुदेव्यं ताभिरू षु ऊतिभिरश्विना गतम् १९
 याभिः शंताती भवथो ददाशुषै भुज्युं याभिरवथो याभिरधिगुम् ।
 ओम्यावतीं सुभरामृतस्तुभं ताभिरू षु ऊतिभिरश्विना गतम् २०
 याभिः कृशानुमसने दुवस्यथो जवे याभिर्यनो अर्वन्तमावतम् ।
 मधु प्रियं भरथो यत् सरड्भ्य स्ताभिरू षु ऊतिभिरश्विना गतम् २१
 याभिर्नरं गोषुयुधं नृषाह्ये क्षेत्रस्य साता तनयस्य जिन्वथः ।
 याभी रथाँ अवथो याभिरवत स्ताभिरू षु ऊतिभिरश्विना गतम् २२
 याभिः कुत्समार्जुनेयं शतक्रतू प्र तुर्वीतिं प्र च दभीतिमावतम् ।
 याभिर्ध्वसन्ति पुरुषन्तिमावतं ताभिरू षु ऊतिभिरश्विना गतम् २३
 अप्रस्वतीमश्विना वाचमस्मे कृतं नौ दस्त्रा वृषणा मनीषाम् ।
 अद्यत्येऽवसे नि ह्वये वां वृधे च नो भवतं वाजसातौ २४
 द्युभिरक्तुभिः परि पातमस्मा नरिष्टेभिरश्विना सौभगेभिः ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः २५

अष्टमोऽध्यायः १८

व० १-२६

(११३) त्रयोदशोत्तरशततमं सूक्तम्

(१-२०) विंशत्युचस्यास्य सूक्तस्याङ्गिरसः कुत्स ऋषिः । (१, २-२०) प्रथमर्चः
 पूर्वार्धस्य द्वितीयाद्येकोनविंशतीनाञ्च उषाः (१) प्रथमाया उत्तरार्धस्य च रात्रिर्देवते
 । त्रिष्टुप् छन्दः

इदं श्रेष्ठं ज्योतिषां ज्योतिरागां चित्रः प्रकेतो अजनिष्ट विभ्वा ।
 यथा प्रसूता सवितुः सवार्य एवा रात्र्युषसे योनिमारैक् १
 रुशद्वत्सा रुशती श्वेत्यागा दारैगु कृष्णा सदनान्यस्याः ।
 समानबन्धू अमृतै अनुची द्यावा वर्णं चरत आमिनाने २

स॒मा॒नो अ॒ध्वा स्व॒स्त्रोर॒न्त॒स्तम॒न्या॒न्या च॒रतो दे॒वशि॑ष्टे ।
न मै॒थेते॒ न त॑स्थतुः सु॒मेके॒ नक्तो॑षासा॒ सम॑नसा॒ विरू॑पे ३
भास्व॑ती ने॒त्री सू॒नृता॑ना॒ मचै॑ति चि॒त्रा वि॒ दुरो॑ न आवः ।
प्रा॒र्प्या जग॑द्भ्यु॒ नो रा॒यो अ॒रव्य॑ दु॒षा अ॒जीग॑र्भुव॒नानि॑ विश्वा ४
जि॒ह्वश॑ये॒ चरि॑तवे म॒घो न्या॑भोगय इष्टये॒ राय॑ उ॒ त्वम् ।
द॒ध्रं प॒श्यद्भ्य॑ उ॒र्विया॑ वि॒चक्ष॑ उ॒षा अ॒जीग॑र्भुव॒नानि॑ विश्वा ५
क्ष॒त्राय॑ त्वं श्रव॑से त्वं मही॒या इष्टये॑ त्वम॒र्थमि॒व त्वमि॒त्यै ।
वि॒सदृ॑शा जी॒विता॑भि॒प्रचक्ष॑ उ॒षा अ॒जीग॑र्भुव॒नानि॑ विश्वा ६
ए॒षा दि॒वो दु॑हिता प्रत्य॑दर्शि व्यु॒च्छन्ती॑ यु॒वतिः॑ शक्र॒वासाः॑ ।
वि॒श्वस्ये॑षा॒ना पा॒र्थिव॑स्य॒ वस्व॑ उ॒षो अ॒द्येह॑ सु॒भगे॑ व्यु॒च्छ ७
प॒राय॑तीनाम॒न्वेति॑ पा॒र्थ आ॒यती॑नां प्रथ॒मा शश्व॑तीनाम् ।
व्यु॒च्छन्ती॑ जी॒वमु॑दीरय॒ न्त्यु॑षा मृतं कं च॒न बो॒धय॑न्ती ८
उ॒षो यद॑ग्निं स॒मिधै॑ च॒कर्त्त॑ वि॒ यदा॑व॒श्चक्ष॑सा॒ सूर्य॑स्य ।
यन्मा॑नु॒षान् य॒क्ष्यमा॑णां अ॒जीग॑ स्तद् दे॒वेषु॑ च॒कृषे॑ भ॒द्रम॑प्रः ९
कि॒या॒त्या यत् स॒मया॑ भवा॒ति या व्यू॑षुर्याश्च॒ नूनं॑ व्यु॒च्छान् ।
अ॒नु पूर्वाः॑ कृ॒पते॑ वाव॒शाना॑ प्र॒दीर्घ्या॑ना॒ जोष॑म॒न्याभि॑रेति १०
ई॒युष्टे॑ ये पूर्॒वतरा॑मप॒श्यन् व्यु॒च्छन्ती॑मु॒षसं॑ म॒र्त्यासः॑ ।
अ॒स्माभि॑रू॒ नु प्र॑तिच॒क्ष्याभू॑दो ते ये॒न्ति ये अ॒परी॑षु प॒श्यान् ११
या॒व॒यद् द्वे॑षा अ॒त॒पा अ॒तेजाः॑ सु॒म्ना॒वरी॑ सू॒नृता॑ ईर॒यन्ती॑ ।
सु॒मु॒ङ्गली॑र्बि॒भ्रती॑ दे॒ववी॑ति मि॒हाद्यो॑षः श्रेष्ठ॑त॒मा व्यु॒च्छ १२
शश्व॑त् पु॒रोषा॑ व्यु॒वास॑ दे॒व्यथो॑ अ॒द्येदं॑ व्या॒वो म॒घोनी॑ ।
अथो॑ व्यु॒च्छादु॑त्तरां॒ अनु॑ द्यू॒ न॒जरा॑मृता॒ चर॑ति स्व॒धाभिः॑ १३
व्य॑ञ्जिभिर्दिव॒ आता॑स्वद्यौ॒ दप॑ कृष्णां नि॒र्णिजं॑ दे॒व्यावः॑ ।
प्र॒बो॒धय॑न्त्यरु॒णेभि॑र॒श्चै॒रोषा॑ याति सु॒युजा॑ रथे॒न १४
आ॒व॒हन्ती॑ पोष्या॒ वार्या॑णि चि॒त्रं के॒तुं कृ॑णुते चे॒किताना॑ ।
ई॒युषी॑णामु॒प॒मा शश्व॑तीनां वि॒भाती॑नां प्रथ॒मोषा॑ व्य॒श्चैत् १५
उदी॑र्ध्वं जी॒वो अ॒सुर्न॒ आगा॑ दप॒ प्रागा॑त् तम॒ आ ज्यो॑तिरिति ।
आ॒रैक॑ पन्थां या॒तवे॑ सू॒र्याया॑ गन्म॒ यत्र॑ प्र॒तिर॑न्त॒ आयुः॑ १६
स्यू॑म॒ना वा॒च उ॒दिय॑ति॒ वह्निः॑ स्तवा॒नो रे॒भ उ॒षसो॑ वि॒भातीः॑ ।
अ॒द्या तदु॑च्छ गृ॒णते॑ म॒घो न्य॒स्मे आ॒युर्नि दि॑दीहि प्र॒जाव॑त् १७

या गोमतीरुषसः सर्ववीरा व्युच्छन्ति दाशुषे मर्त्याय ।
 वायोरिव सूनृतानामुदके ता अश्वदा अश्ववत् सोमसुत्वा १८
 माता देवानामदितेरनीकं यज्ञस्य केतुर्बृहती वि भाहि ।
 प्रशस्तिकृद् ब्रह्मणे नो व्युच्छा नो जनै जनय विश्ववारे १९
 यच्चित्रमप्र उषसो वहन्ती जानाय शशमानाय भद्रम् ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः २०

(११४) चतुर्दशोत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कुत्स ऋषिः । रुद्रो देवता । (१-६)

प्रथमादिनवर्चा जगती (१०-११) दशम्येकादश्योश्च त्रिष्टुप् छन्दसी

इमा रुद्राय तवसे कपर्दिने ज्ञयद्वीराय प्र भरामहे मृतीः ।
 यथा शमस् द्विपदे चतुष्पदे विश्वं पुष्टं ग्रामे अस्मिन्ननातुरम् १
 मृळा नो रुद्रोत नो मर्यस्कृधि ज्ञयद्वीराय नमसा विधेम ते ।
 यच्छं च योश्च मनुराये जे पिता तदश्याम् तव रुद्र प्रणीतिषु २
 अश्याम ते सुमतिं देवयज्यया ज्ञयद्वीरस्य तव रुद्र मीद्वः ।
 सुम्रायन्निद् विशो अस्माकमा चरा रिष्टवीरा जुहवाम ते हविः ३
 त्वेषं वयं रुद्रं यज्ञसाधं वड्कुं कविमवसे नि ह्वयामहे ।
 आरे अस्मद् दैव्यं हेळो अस्यतु सुमतिमिद् वयमस्या वृणीमहे ४
 दिवो वराहमरुषं कपर्दिनं त्वेषं रूपं नमसा नि ह्वयामहे ।
 हस्ते बिभ्रद् भेषजा वार्याणि शर्म वर्म चूर्दिरस्मभ्यं यंसत् ५
 इदं इंपुत्रे मरुतामुच्यते वचः स्वादोः स्वादीयो रुद्राय वर्धनम् ।
 रास्वा च नो अमृत मर्तभोजनं त्मने तोकाय तनयाय मृळ ६
 मा नो महान्तमुत मा नो अर्भकं मा न उक्षन्तमुत मा न उक्षितम् ।
 मा नो वधीः पितरं मोत मातरं मा नः प्रियास्तन्वो रुद्र रीरिषः ७
 मा नस्तोके तनये मा न आयौ मा नो गोषु मा नो अश्वेषु रीरिषः ।
 वीरान् मा नो रुद्र भामितो वधी हविष्मन्तिः सदमित्वा हवामहे ८
 उप ते स्तोमान् पशपा इवाकरं रास्वा पितर्मरुतां सुम्रमस्मे ।
 भद्रा हि ते सुमतिर्मृळयत्तमा था वयमव इत् ते वृणीमहे ९
 आरे ते गोघ्नमुत पूरुषघ्नं ज्ञयद्वीर सुम्रमस्मे ते अस्तु ।
 मृळा च नो अधि च ब्रूहि देवा धा च नः शर्म यच्छ द्विबर्हाः १०

अवोचाम् नमो अस्मा अवस्यवः शृणोतु नो हव रुद्रो मरुत्वान् ।
तन्नो मित्रो वरुणो मामहन्ता मदितिः सिन्धुः पृथिवी उत द्यौः ११

(११५) पञ्चदशोत्तरशततमं सूक्तम्

(१-६) षड्वचस्यास्य सूक्तस्याङ्गिरसः कुत्स ऋषिः । सूर्यो देवता । त्रिष्टुप् छन्दः
चित्रं देवानामुदगादनीकं चक्षुर्मित्रस्य वरुणस्याग्नेः ।
आप्रा द्यावापृथिवी अन्तरिक्षं सूर्य आत्मा जगतस्तस्थुषश्च १
सूर्यो देवीमुषसं रोचमानां मर्यो न योषामभ्येति पश्चात् ।
यत्रा नरो देवयन्तौ युगानि वितन्वते प्रति भद्राय भद्रम् २
भद्रा अश्वा हरितः सूर्यस्य चित्रा एतग्वा अनुमाद्यासः ।
नमस्यन्तौ दिव आ पृष्ठमस्थुः परि द्यावापृथिवी यन्ति सद्यः ३
तत्सूर्यस्य देवत्वं तन्महित्वं मध्या कर्तोर्विततं सं जभार ।
यदेदयुक्त हरितः सधस्था दाद्रात्री वासस्तनुते सिमस्मै ४
तन्मित्रस्य वरुणस्याभिचक्षे सूर्यो रूपं कृणुते द्योरुपस्थै ।
अनन्तमन्यद् रुशदस्य पाजः कृष्णमन्यद्धरितः सं भरन्ति ५
अद्या देवा उदिता सूर्यस्य निरंहसः पिपृता निरवद्यात् ।
तन्नो मित्रो वरुणो मामहन्ता मदितिः सिन्धुः पृथिवी उत द्यौः ६

(११६) षोडशोत्तरशततमं सूक्तम्

(१-२५) पञ्चविंशत्यृचस्यास्य सूक्तस्यौशिजो दैर्घतमसः कक्षीवान् ऋषिः ।

अश्विनौ देवते । त्रिष्टुप् छन्दः

नासत्याभ्यां बर्हिरिव प्र वृञ्जे स्तोमाँ इयम्यभ्रियैव वातः ।
यावर्भगाय विमदाय जायां सैनाजुवा न्यूहतू रथेन १
वीळपत्नभिराशहेमभिर्वा देवानां वा जूतिभिः शाशदाना ।
तद् रासभो नासत्या सहस्रमाजा यमस्य प्रधने जिगाय २
तुग्रौ ह भुज्युमश्विनोदमेघे रयिं न कश्चिन्ममृवाँ अवाहाः ।
तमूहथुनोभिरात्मन्वतीभि रन्तरिक्षप्रुद्धिरपोदकाभिः ३
तिस्रः क्षपस्त्रिरहातिव्रजद्धि नासत्या भुज्युमूहथुः पतङ्गैः ।
समुद्रस्य धन्वन्नार्द्रस्य पारे त्रिभी रथैः शतपद्भिः षळश्वैः ४
अनारम्भणे तदवीरयेथा मनास्थाने अग्रभणे समुद्रे ।

यदश्विना ऊहथुर्भुज्युमस्तं शतारित्रां नावमातस्थिवांसम् ५
 यमश्विना ददथुः श्वेतमश्वं मघाश्वायु शश्वदित् स्वस्ति ।
 तद् वा दात्रं महि कीर्तेन्यं भूत् पैद्वो वाजी सदमिद्धव्यौ अर्यः ६
 युवं नरा स्तुवते पञ्जियाय कक्षीवते अरदतं पुरंधिम् ।
 कारोतराच्छपादश्वस्य वृष्णः शतं कुम्भाँ असिञ्चतं सुरायाः ७
 हिमेनाग्निं घ्नंसमवारयेथां इंपतुमतीमूर्जमस्मा अधत्तम् ।
 ऋबीसे अत्रिमश्विनावनीत् मुन्निन्यथुः सर्वगणं स्वस्ति ८
 परावृतं नासत्यानुदेथा मुच्चाबुध्नं चक्रथुर्जिह्मबारम् ।
 क्षरन्नापो न पायनाय राये सहस्राय तृष्यते गोतमस्य ९
 जुजुरुषौ नासत्योत वृत्रिं प्रामुञ्चतं द्रापिमिव च्यवानात् ।
 प्रातिरतं जहितस्यार्युर्दस्त्रा दित् पतिमकृणुतं कनीनाम् १०
 तद् वा नरा शंस्यं राध्यं चा भिष्टिमन्नासत्या वरूथम् ।
 यद् विद्वांसा निधिमिवापगूहळ मुद् दर्शतादूपथुर्वन्दनाय ११
 तद्वा नरा सनये दंसं उग्र माविष्कृणोमि तन्यतुर्न वृष्टिम् ।
 दध्यङ् ह यन्मध्वाथर्वणो वा मश्वस्य शीष्णां प्र यदीमुवाच १२
 अजौहवीन्नासत्या करा वा महे यामन् पुरुभुजा पुरंधिः ।
 श्रुतं तच्छासुरिव वधिमत्या हिरण्यहस्तमश्विनावदत्तम् १३
 आस्त्रो वृकस्य वर्तिकामभीकै युवं नरा नासत्यामुमुक्तम् ।
 उतो क्विं पुरुभुजा युवं ह कृपमाणमकृणुतं विचक्षै १४
 चरित्रं हि वेरिवाच्छेदि पूर्ण माजा खेलस्य परितक्म्यायाम् ।
 सद्यो जङ्घामार्यसीं विश्पलायै धनै हिते सतवे प्रत्यधत्तम् १५
 शतं मेषान् वृक्यै चक्षदान मृज्जाश्वं तं इंपतान्धं चकार ।
 तस्मा अक्षी नासत्या विचक्ष आधत्तं दस्त्रा भिषजावनुर्वन् १६
 आ वां रथं दुहिता सूर्यस्य कार्ष्मेवातिष्ठदर्वता जयन्ती ।
 विश्वे देवा अन्वमन्यन्त हृद्भिः समु श्रिया नासत्या सचेथे १७
 यदयातुं दिवौदासाय वर्ति भूरद्वाजायाश्विना हर्यन्ता ।
 रेवदुवाह सचनो रथौ वां वृषभश्च शिंशुमारश्च युक्ता १८
 रयिं सुक्षत्रं स्वपत्यमायुः सुवीर्यं नासत्या वहन्ता ।
 आ जह्वावीं समनसोप वाजै स्त्रिरह्नौ भागं दधतीमयातम् १९
 परिविष्टं जाहुषं विश्वतः सीं सुगेभिर्नक्तमूहथू रजौभिः ।

विभिन्दुना नासत्या रथेन वि पर्वतां अजरयू अयातम् २०
 एकस्या वस्तोरावतं रणाय वशमश्विना सनये सहस्रा ।
 निरहतं दुच्छुना इन्द्रवन्ता पृथुश्रवसो वृषणावरातीः २१
 शरस्य चिदार्चत्कस्यावतादा नीचादुच्चा चक्रथुः पातवे वाः ।
 शयवे चिन्नासत्या शचीभिर्जसुरये स्तर्यं इंपप्यथुर्गाम् २२
 अवस्यते स्तुवते कृष्ण्याय ऋजूयते नासत्या शचीभिः ।
 पशुं न नष्टमिव दर्शनाय विष्णाप्वं ददथुर्विश्वकाय २३
 दश रात्रीरशिवेना नव द्यू नवनद्धं शनथितमुप्स्वशन्तः ।
 विप्रुतं रेभमुदनि प्रवृक्त मुन्निन्यथुः सोममिव स्तुवेण २४
 प्र वां दंसास्यश्विनाववोच मस्य पतिः स्यां सुगवः सुवीरः ।
 उत पश्यन्नशुवन् दीर्घमायु रस्तमिवेज्रिमाणै जगम्याम् २५

(११७) सप्तदशोत्तरशततमं सूक्तम्

(१-२५) पञ्चविंशत्यृचस्यास्य सूक्तस्यौशिजो दैर्घतमसः कक्षीवान् ऋषिः ।

अश्विनौ देवते । त्रिष्टुप् छन्दः

मध्वः सोमस्याश्विना मदाय प्रतो होता विवासते वाम् ।
 बर्हिष्मती रातिर्विश्रिता गी रिषा यातं नासत्योप वाजैः १
 यो वामश्विना मनसो जवीयान् रथः स्वश्चो विश आजिगाति ।
 येन गच्छथः सुकृतौ दुरोणं तेन नरा वर्तिरस्मभ्यं यातम् २
 ऋषिं नरावहंसः पाञ्चजन्य मृबीसादत्रि मुञ्चथो गुणेन ।
 मिनन्ता दस्योरशिवस्य माया अनुपूर्वं वृषणा चोदयन्ता ३
 अश्वं न गूहळमश्विना दुरेवै ऋषिं नरा वृषणा रेभमुप्सु ।
 सं तं रिणीथो विप्रुतं दंसौभिर्न वां जूर्यन्ति पूर्व्या कृतानि ४
 सुषुप्त्वांसं न निर्ऋतेरुपस्थे सूर्यं न दस्त्रा तमसि क्षियन्तम् ।
 शुभे रुक्मं न दर्शतं निखात मुदूपथुरश्विना वन्दनाय ५
 तद् वां नरा शंस्यं पञ्जियेण कक्षीवता नासत्या परिज्मन् ।
 शफादश्वस्य वाजिनो जनाय शतं कुम्भां असिञ्चतं मधूनाम् ६
 युवं नरा स्तुवते कृष्ण्याय विष्णाप्वं ददथुर्विश्वकाय ।
 घोषायै चित् पितृषदै दुरोणे पतिं जूर्यन्त्या अश्विनावदत्तम् ७
 युवं श्यावाय रुशेतीमदत्तं महः क्षोणस्याश्विना कणवाय ।

प्र॒वाच्यं॑ तद् वृष॑णा कृतं वां यन्ना॑र्षदाय॒ श्रवो॑ अ॒ध्यर्ध॑त्तम् ८
 पु॒रू व॑र्षा॒स्यश्वि॑ना द॒धाना॑ नि पे॒दव॑ ऊ॒हथु॑राशुम॒श्वम् ।
 स॒हस्र॑सां वा॒जिन॑म॒प्रती॑त॒ महि॑हनं श्रव॒स्यं॑ तरु॒त्रम् ९
 ए॒तानि॑ वां श्रव॒स्या सु॑दानू ब्र॒ह्माङ्ग॑षं स॒दनं॑ रो॒दस्योः॑ ।
 यद् वां पु॒ज्रासो॑ अ॒श्विना॑ हव॒न्ते या॑तमिषा च वि॒दुषे॑ च वा॒जम् १०
 सू॒नोम॑र्निनाश्विना गृ॒णाना॑ वा॒जं वि॒प्राय॑ भुर॒णा र॑दन्ता ।
 अ॒गस्त्ये॑ ब्र॒ह्मणा॑ वावृ॒धाना॑ सं वि॒श॒पला॑ नास॒त्यारि॑णीतम् ११
 कु॒ह या॑न्ता सु॒ष्टुतिं॑ का॒व्यस्य॑ दि॒वो न॑पाता वृष॑णा शयु॒त्रा ।
 हि॒र॒ण्यस्ये॑व क॒लशं॑ नि॒खात॑ मु॒दूप॑थु॒र्दश॑मे अ॒श्विना॑हन् १२
 यु॒वं च्य॑वा॒नम॑श्विना ज॒रन्तं॑ पु॒नर्यु॑वा॒नं च॑क्रथुः श॒चीभिः॑ ।
 यु॒वो रथं॑ दु॒हिता॑ सू॒र्यस्य॑ स॒ह श्रि॒या ना॑स॒त्यावृ॑णीत १३
 यु॒वं तु॒ग्राय॑ पू॒र्व्येभि॑रेवैः पु॒नर्म॑न्याव॒भवतं॑ यु॒वाना॑ ।
 यु॒वं भु॒ज्यम॑र्ण॒सो निः॑ संमु॒द्राद् वि॑भि॒रूह॑थु॒र्त्रजे॑भि॒रश्वैः॑ १४
 अ॒जो॒हवी॑दश्विना तौ॒ग्रयो॑ वां प्रो॒हळः॑ स॒मुद्र॑म॒व्यथि॑र्जग॒न्वान् ।
 नि॒ष्टमू॑हथुः सु॒युजा॑ रथे॒न म॑नो॒जव॑सा वृष॑णा स्व॒स्ति १५
 अ॒जो॒हवी॑दश्विना वर्तिका वा मा॒स्रो यत् सी॒ममु॑ञ्चतुं वृ॒कस्य॑ ।
 वि ज॒युषा॑ ययथुः सा॒न्वद्रै॑र्जातं वि॒ष्वाचो॑ अ॒हतं॑ वि॒षेण॑ १६
 श॒तं मे॒षान् वृ॒क्यै मा॑म॒हानं॑ तम्ः प्र॒णीत॑मशि॒वेन॑ पि॒त्रा ।
 आ॒क्षी ऋ॒ज्राश्वे॑ अ॒श्विना॑वधत्तं ज्योति॒रन्ध्रा॑य चक्रथु॒र्विचक्षे॑ १७
 श॒नम॑न्धाय॒ भर॑म॒ह्यत् सा॑ वृ॒कीर॑श्विना वृष॑णा नरेति ।
 जा॒रः क॒नीनं॑ इव चक्ष॒दान॑ ऋ॒ज्राश्वः॑ श॒तमे॑कं च मे॒षान् १८
 म॒ही वा॑मू॒तिर॑श्विना मयो॒भू र॒त स्ना॑मं धि॒ष्ण्या सं रि॑णीथः ।
 अ॒था यु॑वामि॒दह्य॑त् पु॒रधि॑ रा॒गच्छ॑तं सीं वृष॑णाव॒वोभिः॑ १९
 अ॒धेनुं॑ द॒स्त्रा स्त॑र्यं॒ विष॑क्ता म॒पिन्व॑तं श॒यवै॑ अ॒श्विना॑ गाम् ।
 यु॒वं श॒चीभि॑र्वि॒मदा॑य जा॒यां न्यू॑हथुः पु॒रुमि॑त्रस्य योषा॒म् २०
 य॒वं वृ॒कैणा॑श्विना व॒पन्ते॑ षं दु॒हन्ता॑ मनु॒षाय॑ द॒स्त्रा ।
 अ॒भि द॑स्युं ब॒कुरे॑णा ध॒र्मन्तो॑ रु ज्योति॒श्चक्र॑थुरा॒र्याय॑ २१
 आ॒थर्व॑णाया॒श्विना॑ दधी॒चे ऽश्व॑यं शि॒रः प्र॑त्यै॒रय॑तम् ।
 स वां मधु॑ प्र वो॒चद॑तायन् त्वा॒ष्ट्रं यद् द॑स्त्राव॒पिक्व॑र्यं वा॒म् २२
 सदा॑ कवी सु॒म॒तिमा॑ च॒के वां॑ वि॒श्वा धि॑यो अ॒श्विना॑ प्राव॒तं मे॑ ।

अस्मे रयिं नासत्या बृहन्तं मपत्यसाचं श्रुत्य रराथाम् २३
 हिरण्यहस्तमश्विना रराणा पुत्रं नरा वधिमत्या अदत्तम् ।
 त्रिधा ह श्यावमश्विना विकस्तं मुञ्जीवसं ऐरयतं सुदानू २४
 एतानि वामश्विना वीर्याणि प्र पूर्याण्यायवो ऽवोचन् ।
 ब्रह्म कृणवन्तो वृषणा युवभ्यां सुवीरांसो विदथमा वदेम २५

(११८) अष्टादशोत्तरशततमं सूक्तम्

(१-११) एकादशर्चस्यास्य सूक्तस्यौशिजो दैर्घतमसः कक्षीवान् ऋषिः । अश्विनौ
 देवते । त्रिष्टुप् छन्दः

आ वां रथौ अश्विना श्येनपत्वा समृळीकः स्ववाँ यात्वर्वाङ् ।
 यो मर्त्यस्य मनसो जवीयान् त्रिवन्धुरो वृषणा वाररंहाः १
 त्रिवन्धुरेण त्रिवृता रथेन त्रिचक्रेण सुवृता यातमर्वाक् ।
 पिन्वतं गा जिन्वतमवतो नो वर्धयतमश्विना वीरमस्मे २
 प्रवद्यामना सुवृता रथेन दस्त्राविमं शृणुतं श्लोकमद्रैः ।
 किमुङ्ग वां प्रत्यवर्ति गमिष्ठा हविर्प्रासो अश्विना पुराजाः ३
 आ वां श्येनासौ अश्विा वहन्तु रथे युक्तासं आशर्वः पतङ्गाः ।
 ये अमुरौ दिव्यासो न गृध्रा अभि प्रयौ नासत्या वहन्ति ४
 आ वां रथं युवतिस्तिष्ठदत्र जुष्टी नरा दुहिता सूर्यस्य ।
 परि वामश्चा वपुषः पतङ्गा वयौ वहन्त्वरुषा अभीकै ५
 उद् वन्दनमैरतं दंसनाभि रुद्रेभं दस्त्रा वृषणा शचीभिः ।
 निष्टौगर्यं पारयथः समुद्रात् पुनश्चयवानं चक्रथुर्युवानम् ६
 युवमत्रयेऽवनीताय तप्त मूर्जमोमानमश्विनावधत्तम् ।
 युवं कणवायापिरिप्ताय चक्षुः प्रत्यधत्तं सुष्टुतिं जुजुषाणा ७
 युवं धेनुं शयवै नाधिताया पिन्वतमश्विना पूर्याय ।
 अमुञ्चतं वर्तिकांमंहसो निः प्रति जङ्घां विश्पलाया अधत्तम् ८
 युवं श्वेतं पेदव इन्द्रजूत महिहनमश्विनादत्तमश्वम् ।
 जोहूत्रमर्यो अभिभूतिमुग्रं सहस्रसां वृषणं वीड्वङ्गम् ९
 ता वां नरा स्वर्वसे सुजाता हवामहे अश्विना नाधमानाः ।
 आ न उप वसुमता रथेन गिरौ जुषाणा सुविताय यातम् १०
 आ श्येनस्य जवसा नूतनेना स्मे यातं नासत्या सजोषाः ।

हवे हि वामश्विना रातहव्यः शश्वत्तमाया उषसो व्युष्टौ ११

(११६) एकोनविंशत्युत्तरशततमं सूक्तम्

(१-१०) दशर्चस्यास्य सूक्तस्यौशिजो दैर्घतमसः कक्षीवान् ऋषिः । अश्विनौ देवते । जगती छन्दः

आ वां रथं पुरुमायं मनोजुवं जीराश्वं यज्ञियं जीवसे हवे ।
 सहस्रकेतुं वनिनं शतद्वसुं श्रुष्टीवानं वरिवो धामभि प्रयः १
 ऊर्ध्वा धीतिः प्रत्यस्य प्रयाम् न्यधायि शस्मन्त्समयन्त आ दिशः ।
 स्वदामि घर्मं प्रति यन्त्युतय आ वामूर्जानी रथमश्विनारुहत् २
 सं यन्मिथः पस्पृधानासो अगमन्त शभे मखा अमिता जायवो रणौ ।
 युवोरहं प्रवणे चैकिते रथो यदश्विनो वहथः सूरिमा वरम् ३
 युवं भुज्युं भुरमाणं विभिर्गतं स्वयुक्तिभिर्निवहन्ता पितृभ्य आ ।
 यासिष्टं वर्तिर्वृषणा विजेन्यं दिवौदासाय महि चेति वामवः ४
 युवोरश्विना वपुषे युवायुजं रथं वाणी येमतुरस्य शर्ध्यम् ।
 आ वां पतित्वं सख्याय जग्मुषी योषावृणीत जेन्या युवां पती ५
 युवं रेभं परिषूतेरुष्यथो हिमेन घर्मं परितप्तमत्रये ।
 युवं शयोरवसं इपप्यथुर्गवि प्र दीर्घेण वन्दनस्तार्यायुषा ६
 युवं वन्दनं निर्त्रितं जरणयया रथं न दस्त्रा करणा समिन्वथः ।
 क्षेत्रादा विप्रं जनथो विपन्यया प्र वामत्रे विधते दुंसना भुवत् ७
 अगच्छतुं कृपमाणं परावति पितुः स्वस्य त्यजसा निबाधितम् ।
 स्वर्वतीरित ऊतीर्युवोरहं चित्रा अभीकै अभवन्नभिष्टयः ८
 उत स्या वां मधुमन्मक्षिकारप् न्मदे सोमस्यौशिजो हुवन्यति ।
 युवं दधीचो मन आ विवासथो ऽथा शिरः प्रति वामश्वयं वदत् ९
 युवं पेदवै पुरुवारमश्विना स्पृधां श्वेतं तरुतारं दुवस्यथः ।
 शयैरभिद्युं पृतनासु दुष्टरं चर्कृत्यमिन्द्रमिव चर्षणीसहम् १०

(१२०) विंशत्युत्तरशततमं सूक्तम्

(१-१२) द्वादशर्चस्यास्य सूक्तस्यौशिजो दैर्घतमसः कक्षीवान् ऋषिः । अश्विनौ देवते । (१, १०-१२) प्रथमर्चः दशम्यादितृचस्य च गायत्री (२) द्वितीयायाः ककुप् (३) तृतीयायाः काविराट् (४) चतुर्थ्या नष्टरूपी (५) पञ्चम्यास्तनुशिरा

(६) षष्ठ्या उष्णिक् (७) सप्तम्या विष्टारबृहती (८) अष्टम्याः कृतिः (९)

नवम्याश्च विराट् छन्दांसि

का रा॒ध॒द्धो॒त्रा॒श्विना वा॑ को वा॑ जोष॑ उ॒भयोः॑ । क॒था वि॒धा॒त्यप्र॑चेताः १
वि॒द्वांसा॒विद् दुः॑ पृ॒च्छे द॒वि॒द्वा॒नित्था॒परो अ॒चेताः॑ । नू चि॒न्नु म॒र्ते अ॒क्रौ २
ता वि॒द्वांसा॑ हवामहे वा॑ ता नो वि॒द्वांसा॑ म॒न्म वो॒चेत॑मुद्य ।

प्रा॒र्चद् द॒य॒मानो यु॒वाकुः॑ ३

वि पृ॒च्छामि पा॒क्या॒इ न दे॒वान् वर्ष॑ट्कृतस्या॒द्भुत॑स्य द॒स्त्रा ।

पा॒तं च॒ सह्य॑सो यु॒वं च॒ रभ्य॑सो नः ४

प्र या घोषे भृ॒गवा॑णे न शोभे॒ यया॑ वा॒चा यज॑ति प॒ज्जियो॑ वा॒म् । प्रै॒ष॒युर्न

वि॒द्वान् ५

श्रु॒तं गा॒य॒त्रं त॒क॒वान॒स्या हं चि॒द्धि रि॒रेभा॑श्विना वा॒म् । आ॒क्षी शु॑भस्पती दन्
६

यु॒वं ह्या॒स्तं म॒हो रन् यु॒वं वा॒ यन्निर॑तंतंसतम् ।

ता नो व॒सू सु॒गो॒पा स्या॑तं पा॒तं नो वृ॒का॒दघा॑योः ७

मा क॒स्मै धा॒तम॒भ्यमि॒त्रिणे॑ नो मा॒कुत्रा॑ नो गृ॒हेभ्यो॑ धे॒नवो॑ गुः ।

स्त॒नाभु॒जो अ॒शि॒श्वीः ८

दु॒ही॒यन् मि॒त्रधि॑तये यु॒वाकु॑ रा॒ये च॑ नो मि॒मीतं॑ वा॒जव॑त्यै ।

इ॒षे च॑ नो मि॒मीतं॑ धे॒नुम॑त्यै ९

अ॒श्विनो॑र॒सनं॑ रथं म॒नु॒श्वं वा॒जिनी॑वतोः । तेना॒हं भूरि॑ चा॒कन १०

अ॒यं स॑म॒ह मा त॒नू ह्या॒ते ज॒नां अ॒नु । सोम॑पे॒य सु॒खो रथः॑ ११

अ॒ध स्व॑प्र॒स्य निर्वि॑दे ऽभु॒ञ्जत॑श्च रे॒वतः॑ । उ॒भा ता ब॒स्त्रि न॑श्यतः १२

(१२१) एकविंशत्युत्तरशततमं सूक्तम्

(१-१५) पञ्चदशर्चस्यास्य सूक्तस्यौशिजो दैर्घतमसः कक्षीवान् ऋषिः । इन्द्रो विश्वे

देवा वा देवताः । त्रिष्टुप् छन्दः

कदि॒त्था नूँः पा॒त्रं दे॒वय॑तां श्रव॒ग् गि॒रो अ॒ङ्गिर॑सां तु॒रय॑न् ।

प्र य॒दान॒ड्वि॒श आ ह॒र्म्यस्यो॑ रु॒ क्रंस॑ते अ॒ध्वरे॑ यज॒त्रः १

स्त॒भी॒द्ध द्यां स॒ ध्रु॒रुणं॑ पु॒षाय॑ दृ॒भुर्वा॒जाय॑ द्रवि॒णं न॒रो गोः॑ ।

अ॒नु स्व॑जां म॒हिष॑श्च॒क्षत॑ व्रां मे॒नाम॑श्च॒स्य परि॑ मा॒तरं॑ गोः २

न॒क्ष॒द्धव॑म॒रुणीः॑ पू॒र्व्य रा॒ट् तु॒रो वि॒शाम॑ङ्गि॒रसाम॑नु द्यून् ।

द्वितीयोऽष्टकः

प्रथमोऽध्यायः १ व० १-२६

(१) प्रथमं सूक्तम्

(१-१५) पञ्चदशर्चस्यास्य सूक्तस्यौशिजो दैर्घतमसः कक्षीवान् ऋषिः । विश्वे देवा देवताः । (१-४, ७-१५) प्रथमादिचतुर्ऋचां सप्तम्यादिनवानाञ्च त्रिष्टुप् (५-६)

पञ्चमीषष्ठ्योश्च विराड्रूपा छन्दसी

प्र वः पान्तं रघुमन्यवोऽन्धो यज्ञं रुद्राय मीहळुषे भरध्वम् ।
 दिवो अस्तोष्यसुरस्य वीरे रिषुध्येव मरुतो रोदस्योः १
 पत्नीव पूर्वहूतिं वावृधध्या उषासानक्ता पुरुधा विदाने ।
 स्तरीनात्कं व्युतं वसाना सूर्यस्य श्रिया सुदृशी हिरण्यैः २
 ममत्तु नः परिज्मा वसर्हा ममत्तु वातौ अपां वर्षणवान् ।
 शिशीतमिन्द्रापर्वता युवं न स्तन्नो विश्वे वरिवस्यन्तु देवाः ३
 उत त्या मै यशसा श्वेतनायै व्यन्ता पान्तौशिजो हुवध्यै ।
 प्र वो नपातम्पां कृणुध्वं प्र मातरा रास्पिनस्यायोः ४
 आ वो रुवणयुमौशिजो हुवध्यै घोषेव शंसमर्जुनस्य नंशै ।
 प्र वः पूष्णे दावन आँ अच्छा वोचेय वसुतातिमग्नेः ५
 श्रुतं मै मित्रावरुणा हवेमो त श्रुतं सदेने विश्वतः सीम् ।
 श्रोतुं नः श्रोतुरातिः सुश्रोतुः सुक्षेत्रा सिन्धुरद्भिः ६
 स्तुषे सा वा वरुण मित्र राति गर्वा शता पृक्षयामेषु पृजे ।
 श्रुतरथे प्रियरथे दधानाः सद्यः पुष्टिं निरुन्धानासौ अगमन् ७
 अस्य स्तुषे महिमघस्य राधः सचा सनेम् नहुषः सुवीराः ।
 जनो यः पृजेभ्यो वाजिनीवा नश्वावतो रथिनो मह्यं सूरिः ८
 जनो यो मित्रावरुणावभिधु गपो न वा सुनोत्यक्षणाधुक् ।
 स्वयं स यक्ष्मं हृदये नि धत्त आप यदी होत्राभिर्ऋतावा ९
 स बाधतो नहुषो दंसुजुतः शर्धस्तरो नरां गूर्तश्रवाः ।
 विसृष्टरातिर्याति बाहळसृत्वा विश्वासु पृत्सु सदमिच्छूरः १०
 अध गमन्ता नहुषो हव सूरैः श्रोता राजानो अमृतस्य मन्द्राः ।
 नभोजुवो यन्निरवस्य राधः प्रशस्तये महिना रथवते ११
 एतं शर्धं धाम यस्य सूरै रित्यवोचन् दशतयस्य नंशै ।

द्युम्नानि येषु वसुतांती रारन् विश्वे सन्वन्तु प्रभृथेषु वाजम् १२
 मन्दामहे दशतयस्य धासे द्विर्यत् पञ्च बिभ्रतो यन्त्यन्ना ।
 किमिष्टाश्च इष्टरश्मिरेत ईशानासस्तरुष ऋञ्जते नृन् १३
 हिरण्यकर्णमणिग्रीवमर्णस्तन्नो विश्वे वरिवस्यन्तु देवाः ।
 अर्यो गिरः सद्य आ जग्मुषीरो स्नाश्चाकन्तूभयैष्वस्मे १४
 चत्वारो मा मशशारस्य शिश्वस्त्रयो राज्ञ आयवसस्य जिष्णोः ।
 रथो वां मित्रावरुणा दीर्घाप्साः स्यूमगभस्तिः सूरौ नाद्यौत् १५

(२) द्वितीयं सूक्तम्

(१-१३) त्रयोदशर्चस्यास्य सूक्तस्य औशिजो दैर्घतमसः कक्षीवान् ऋषिः । उषा
 देवता । त्रिष्टुप् छन्दः

पृथू रथो दक्षिणाया अयोज्यै न देवासो अमृतासो अस्थुः ।
 कृष्णादुदस्थादुर्याइ विहाया श्विकित्सन्ती मानुषाय क्षयाय १
 पूर्वा विश्वस्माद् भुवनादबोधि जयन्ती वाजं बृहती सनुत्री ।
 उच्चा व्यख्यद् युवतिः पुनर्भू रोषा अगन् प्रथमा पूर्वहूतौ २
 यदद्य भागं विभजासि नृभ्य उषो देवि मर्त्यत्रा सुजाते ।
 देवो नो अत्र सविता दमूना अनागसो वोचति सूर्याय ३
 गृहंगृहमहना यात्यच्छा दिवेदिवे अधि नामा दधाना ।
 सिषासन्ती द्योतना शश्वदागा दग्रमग्रमिद् भजते वसूनाम् ४
 भगस्य स्वसा वरुणस्य जामि रुषः सूनृते प्रथमा जैरस्व ।
 पश्चा स दध्या यो अघस्य धाता जयैम् तं दक्षिणाया रथेन ५
 उदीरतां सूनृता उत् पुरन्धी रुदग्रयः शुशुचानासो अस्थुः ।
 स्पार्हा वसूनि तमसापगूहळा विष्कृणवन्त्युषसो विभातीः ६
 अपान्यदेत्यभ्यश्न्यदैति विषुरूपे अहनी सं चरेते ।
 परिक्षितोस्तमो अन्या गुहाक रद्यौदुषाः शोशुचता रथेन ७
 सदृशीरद्य सदृशीरिदु श्वो दीर्घ संचन्ते वरुणस्य धाम ।
 अनवद्यास्त्रिंशत् योजेना न्येकैका क्रतुं परि यन्ति सद्यः ८
 जानत्यहः प्रथमस्य नाम शक्रा कृष्णादजनिष्ट श्वितीची ।
 ऋतस्य योषा न मिनाति धामा हरहर्निष्कृतमाचरन्ती ९
 कन्यैव तन्वाइ शाशदानां एषि देवि देवमिर्यक्षमाणम् ।

संस्मर्यमाना युवतिः पुरस्तादाविर्वक्षासि कृणुषे विभाती १०
 सुसंकाशा मातृमृष्टेव योषा विस्तन्व कृणुषे दृशे कम् ।
 भद्रा त्वमुषो वितुरं व्युच्छ न तत् तै अन्या उषसौ नशन्त ११
 अश्वावतीर्गोमतीर्विश्ववारा यतमाना रश्मिभिः सूर्यस्य ।
 परा च यन्ति पुनरा च यन्ति भद्रा नाम वहमाना उषासः १२
 ऋतस्य रश्मिर्मनुयच्छमाना भद्रंभद्रं क्रतुमस्मासु धेहि ।
 उषो नो अद्य सुहवा व्युच्छा स्मासु रायौ मघवत्सु च स्युः १३

(३) तृतीयं सूक्तम्

(१-१३) त्रयोदशर्चस्यास्य सूक्तस्यौशिजो दैर्घतमसः कक्षीवान् ऋषिः । उषा
 देवता । त्रिष्टुप् छन्दः

उषा उच्छन्ती समिधाने अग्रा उद्यन्सूर्य उर्विया ज्योतिरश्रेत् ।
 देवो नो अत्र सविता न्वर्थं प्रासावीद् द्विपत् प्र चतुष्पदित्यै १
 अमिनती दैव्यानि वृतानि प्रमिनती मनुष्या युगानि ।
 ईयुषीणामुपमा शश्वतीना मायतीनां प्रथमोषा व्यद्यौत् २
 एषा दिवो दुहिता प्रत्यदर्शि ज्योतिर्वसाना समना पुरस्तात् ।
 ऋतस्य पन्थामन्वेति साधु प्रजानतीव न दिशौ मिनाति ३
 उषो अदर्शि शन्ध्युवो न वक्षो नोधा इवाविरकृत प्रियाणि ।
 अद्यसन्न ससतो बोधयन्ती शश्वत्तमागात् पुनरेयुषीणाम् ४
 पूर्वे अर्धे रजसो अमघस्य गवां जनित्र्यकृत प्र केतुम् ।
 व्यु प्रथते वितुरं वरीय ओभा पृणन्ती पित्रोरुपस्था ५
 एवेदेषा पुरुतमा दृशे कं नाजामिं न परि वृणक्ति जामिम् ।
 अरेपसा तन्वाश् शाशदाना नार्भादीषते न महो विभाती ६
 अभ्रातेव पुंस ऐति प्रतीची गर्तारुगिव सनये धनानाम् ।
 जायेव पत्य उशती सुवासा उषा हस्त्रेव नि रिणीते अप्सः ७
 स्वसा स्वस्त्रे ज्यायस्यै योनिमारै गपैत्यस्याः प्रतिचक्ष्यैव ।
 व्युच्छन्ती रश्मिभिः सूर्यस्या अयङ्क्ते समनगा इव वाः ८
 आसां पूर्वासामहसु स्वसृणा मपरा पूर्वामभ्यैति पश्चात् ।
 ताः प्रब्रवन्नव्यसीनूनमस्मे रेवदुच्छन्तु सुदिना उषासः ९
 प्र बोधयोषः पृणतो मघो न्यबुध्यमानाः पृणयः ससन्तु ।

रेवदुच्छ मघवद्भ्यो मघोनि रेवत् स्तोत्रे सूनृते जारयन्ती १०
 अवेयमश्चैद् युवतिः पुरस्ताद् युङ्क्ते गवामरुणानामनीकम् ।
 वि नूनमुच्छादसति प्र केतुर्गृहंगृहमुप तिष्ठाते अग्निः ११
 उत् ते वयश्चिद् वसतेरपप्तन् नरश्च ये पितुभाजो व्युष्टौ ।
 अमा सते वहसि भूरि वाम मुषौ देवि दाशुषे मर्त्याय १२
 अस्तौढवं स्तोम्या ब्रह्मणा मे ऽवीवृधध्वमुशतीरुषासः ।
 युष्मार्कं देवीरवसा सनेम सहस्त्रिणं च शतिनं च वार्जम् १३

(४) चतुर्थं सूक्तम्

(१-७) सप्तर्चस्यास्य सूक्तस्यौशिजो दैर्घतमसः कक्षीवान् ऋषिः । स्वनयम्य
 दानस्तुतिर्देवता । (१-३, ६-७) प्रथमतृचस्य षष्ठीसप्तम्योर्ऋचोश्च त्रिष्टुप् (४-५)
 चतुर्थीपञ्चम्योश्च जगती छन्दसी

प्राता रत्नं प्रातरित्वा दधाति तं चिकित्वान् प्रतिगृह्या नि धत्ते ।
 तेन प्रजां वर्धयमान् आयूरायस्पोषेण सचते सुवीरः १
 सुगुरसत् सुहिरण्यः स्वश्चो बृहदस्मै वय इन्द्रो दधाति ।
 यस्त्वायन्तं वसुना प्रातरित्वो मुक्षीर्जयेव पदिमुत्सिनाति २
 आयमद्य सुकृतं प्रातरिच्छ त्रिष्टुः पुत्रं वसुमता रथेन ।
 अंशोः सुतं पायय मत्सरस्य क्षयद्वीरं वर्धय सूनृताभिः ३
 उप क्षरन्ति सिन्धवो मयोभुव ईजानं च यक्ष्यमाणं च धेनवः ।
 पूणन्तं च पपुर्णि च श्रवस्यवो घृतस्य धारा उप यन्ति विश्वतः ४
 नाकस्य पृष्ठे अधि तिष्ठति श्रितो यः पूणाति स ह देवेषु गच्छति ।
 तस्मा आपौ घृतमर्षन्ति सिन्धवस्तस्मा इयं दक्षिणा पिन्वते सदा ५
 दक्षिणावतामिदिमानि चित्रा दक्षिणावतां दिवि सूर्यासः ।
 दक्षिणावन्तो अमृतं भजन्ते दक्षिणावन्तः प्र तिरन्त आयुः ६
 मा पूणन्तो दुरितमेन आरन् मा जारिषुः सूरयः सुव्रतासः ।
 अन्यस्तेषां परिधिरस्तु कश्चिदपूणन्तमभि सं यन्तु शोकाः ७

(५) पञ्चमं सूक्तम्

(१-७) सप्तर्चस्यास्य सूक्तस्य (१-५) प्रथमादिपञ्चर्चामौशिजो दैर्घतमसः
 कक्षीवान् (६) षष्ठ्याः स्वनयो भावयव्य ऋषी (७) सप्तम्याश्च रोमशा ऋषिका

। (१-५, ७) प्रथमादिपञ्चर्चा सप्तम्याश्च स्वनयो भावयव्यः (६) षष्ठ्याश्च रोमशा
 देवते । (१-५) प्रथमादिपञ्चर्चा त्रिष्टुप् (६, ७) षष्ठीसप्तम्योश्चानुष्टुप् छन्दसी
 अमन्दान् तस्तोमान् प्र भरि मनीषा सिन्धावधिं क्षियुतो भाव्यस्य ।
 यो मे सहस्रममिमीत सवानतूर्तो राजा श्रव इच्छमानः १
 शतं राज्ञो नार्धमानस्य निष्काज् छतमश्चान् प्रयतान् त्सद्य आदम् ।
 शतं कक्षीवाँ असुरस्य गोनां दिवि श्रवो ऽजरमा ततान २
 उप मा श्यावाः स्वनयेन दत्ता वधूमन्तो दश रथासो अस्थुः ।
 षष्टिः सहस्रमनु गव्यमागात् सनत् कक्षीवाँ अभिपित्वे अह्नाम् ३
 चत्वारिंशद् दशरथस्य शोणाः सहस्रस्याग्रे श्रेणिं नयन्ति ।
 मुदच्युतः कृशनावतो अत्यान् कक्षीवन्त उदमृक्षन्त पुत्राः ४
 पूर्वामनु प्रयतिमा ददे व स्त्रीन् युक्ताँ अष्टावरिधायसो गाः ।
 सुबन्धवो ये विश्या इव वा अनस्वन्तः श्रव ऐषन्त पुत्राः ५
 आर्गधिता परिगधिता या कशीकेव जङ्गहे ।
 ददाति मह्यं या दुरी याशूनां भोज्या शता ६
 उपौप मे परा मृश मा मे दभ्राणि मन्यथाः ।
 सर्वाहमस्मि रोमशा गन्धारीणामिवाविका ७

(६) षष्ठं सूक्तम्

(१-११) एकादशर्चस्यास्य सूक्तस्य दैवोदासिः परुच्छेप ऋषिः । अग्निर्देवता ।

(१-५, ७-११) प्रथमादिपञ्चर्चा सप्तम्यादिपञ्चानाञ्चात्यष्टिः (६)

षष्ठ्याश्चाधृतिश्छन्दसी

अग्निं होतारं मन्ये दास्वन्तं वसुं सूनुं सहसो जातवेदसं विप्रं न जातवेदसम् ।

य ऊर्ध्वया स्वध्वरो देवो देवाच्या कृपा ।

घृतस्य विभ्राष्टिमनु वष्टि शोचिषाऽऽजुह्वानस्य सर्पिषः १

यजिष्ठं त्वा यजमाना हुवेम ज्येष्ठमङ्गिरसां विप्र मन्मभि विप्रैभिः शुक्र
 मन्मभिः ।

परिज्मानमिव द्यां होतारं चर्षणीनाम् ।

शोचिष्कैशं वृषणं यमिमा विशः प्रावन्तु जूतये विशः २

स हि पुरू चिदोजसा विरुक्मता दीद्यानो भवति दुहन्तरः परशुर्न दुहन्तरः ।

वीळु चिद् यस्य समृतौ श्रुवद् वनेव यत् स्थिरम् ।
 निष्पहमाणो यमते नायते धन्वासहा नायते ३
 दृहळा चिदस्मा अनु दुर्यथा विदे तेजिष्ठाभिररणिभिर्दाष्टचर्वसे ऽग्रये
 दाष्टचर्वसे ।
 प्र यः पुरुणि गाहते तद्गद् वनेव शोचिषा ।
 स्थिरा चिदन्ना नि रिणात्योजसा नि स्थिराणि चिदोजसा ४
 तमस्य पृक्षमुपरासु धीमहि नक्तं यः सुदर्शतरो दिवातरा दप्रायुषे दिवातरात्
 ।
 आदस्यायुर्ग्रभणवद् वीळु शर्म न सूनवे ।
 भक्तमभक्तमवो व्यन्तौ अजरा अग्रयो व्यन्तौ अजराः ५
 स हि शर्धो न मारुतं तुविष्वणि रप्रस्वतीषूर्वरास्विष्टनिरार्तनास्विष्टनिः ।
 आदद्धव्यान्याददि र्यज्ञस्य केतुरर्हणा ।
 अर्ध स्मास्य हर्षतो हर्षीवतो विश्वे जुषन्त पन्थां नरः शभे न पन्थाम् ६
 द्विता यदी कीस्तासौ अभिद्यवो नमस्यन्त उपवोचन्त भृगवो मथ्नन्तौ दाशा
 भृगवः ।
 अग्निरीशे वसूनां शुचिर्यो धृणिरेषाम् ।
 प्रियाँ अपिधीँ वनिषीष्ट मेधिर आ वनिषीष्ट मेधिरः ७
 विश्वासां त्वा विशां पतिं हवामहे सर्वासां समानं दंपतिं भुजे सत्यगिर्वाहसं
 भुजे ।
 अतिथिं मानुषाणां इपतुर्न यस्यासया ।
 अमी च विश्वे अमृतास आ वयो हव्या देवेष्वा वयः ८
 त्वमग्ने सहसा सहन्तमः शष्मिन्तमो जायसे देवतातये रयिर्न देवतातये ।
 शष्मिन्तमो हि ते मदौ द्युमिन्तम उत क्रतुः ।
 अर्ध स्मा ते परि चरन्त्यजर श्रुष्टीवानो नाजर ९
 प्र वो महे सहसा सहस्वत उषर्बुधे पशुषे नाग्रये स्तोमो बभूत्वग्रये ।
 प्रति यदी हविष्मान् विश्वासु क्षासु जोगुवे ।
 अग्रे रेभो न जरत ऋषूणां जूर्णिर्होत ऋषूणाम् १०
 स नो नेदिष्टुं ददृशान् आ भुराग्ने देवेभिः सचर्नाः सुचेतुनां महो रायः
 सुचेतुनां ।
 महि शविष्ठ नस्कृधि संचक्षे भुजे अस्यै ।

महिं स्तोतृभ्यो मघवन् त्सुवीर्यं मथीरुगो न शर्वसा ११

(७) सप्तमं सूक्तम्

(१-८) अष्टर्चस्यास्य सूक्तस्य दैवोदासिः परुच्छेप ऋषिः । अग्निर्देवता ।

अत्यष्टिश्छन्दः

अयं जायतु मनुषो धरीमणि होता यजिष्ठ उशिजामनु व्रत मग्निः स्वमनु
व्रतम् ।

विश्वश्रुष्टिः सखीयुते रयिरिव श्रवस्युते ।

अदब्धो होता नि षददिळस्पदे परिवीत इळस्पदे १

तं यज्ञसाधमपि वातयाम स्यूतस्य पथा नर्मसा हविष्मता देवताता
हविष्मता ।

स न ऊर्जामुपाभृत्यया कृपा न जूर्यति ।

यं मातरिश्वा मनवे परावतौ देवं भाः परावतः २

एवेन सद्यः पर्येति पार्थिवं मुहुर्गी रेतो वृषभः कर्निक्रदद् दधद् रेतुः
कर्निक्रदत् ।

शतं चक्ष्णो अक्षभिर्देवो वनेषु तुर्वणिः ।

सदो दधानु उपरेषु सानुष्वग्निः परेषु सानुषु ३

स सुक्रतुः पुरोहितो दमैदमे ऽग्निर्यज्ञस्याध्वरस्य चेतति क्रत्वा यज्ञस्य चेतति
।

क्रत्वा वेधा इषूयते विश्वा जातानि पस्पशे ।

यतौ घृतश्रीरतिथिरजायत वह्निर्वेधा अजायत ४

क्रत्वा यदस्य तविषीषु पृञ्चते ऽग्नेरवेण मरुतां न भोज्यै षिराय न भोज्या ।

स हि ष्मा दानमिन्वति वसूनां च मज्मना ।

स नस्त्रासते दुरितादभिहुतः शंसादुघादभिहुतः ५

विश्वो विहाया अरतिर्वसुर्दधे हस्ते दक्षिणे तरणिर्न शिश्रथ च्छ्रवस्यया न
शिश्रथत् ।

विश्वस्मा इदिषुध्यते दैवत्रा हव्यमोहिषे ।

विश्वस्मा इत् सुकृते वारमृगव त्याग्निर्द्वारा व्यृगवति ६

स मानुषे वृजने शंतमो हितोऽग्निर्यज्ञेषु जेन्यो न विश्पतिः प्रियो यज्ञेषु
विश्वपतिः ।

स हव्या मानुषाणा । मिळा कृतानि पत्यते ।
 स नस्त्रासते वरुणस्य धूर्तेर्महो देवस्य धूर्तेः ७
 अग्निं होतारमीळते वसुधितिं इंप्रयं चेतिष्ठमरतिं न्यैरिरे हव्यवाहं न्यैरिरे ।
 विश्वार्यु विश्ववैदसं होतारं यजतं कविम् ।
 देवासो रणवमवसे वसूयवो गीर्भी रणवं वसूयवः ८

(८) अष्टमं सूक्तम्

(१-११) एकादशर्चस्यास्य सूक्तस्य दैवोदासिः परुच्छेप ऋषिः । (१-५, ७-११)
 प्रथमादिपञ्चर्चा सप्तम्यादिपञ्चानाञ्चेन्द्रः (६) षष्ठ्याञ्चेन्दुर्देवते । (१-७, १०)
 प्रथमादिसप्तानां दशम्याश्चात्यष्टिः (८-९) अष्टमीनवम्योरतिशक्वरी (११)

एकादश्याश्चाष्टिश्छन्दांसि

यं त्वं रथमिन्द्र मेधसातये ऽपाका सन्तमिषिर प्रणयसि प्रानवद्य नयसि ।
 सद्यश्चित्तमभिष्टये करो वशश्च वाजिनम् ।
 सास्माकमनवद्य तूतुजान वेधसा मिमां वाचं न वेधसाम् १
 स श्रुधि यः स्मा पृतनासु कासु चिद् दक्षाय्य इन्द्र भरहूतये नृभिरसि प्रतूर्तये
 नृभिः ।
 यः शूरैः स्वशूः सनिता यो विप्रैर्वाजं तरुता ।
 तमीशानास इरधन्त वाजिनं पृक्षमत्यं न वाजिनम् २
 दुस्मो हि ष्मा वृषण इपन्वसि त्वचं कं चिद् यावीररुं शूर मर्त्यं परिवृणक्षि
 मर्त्यम् ।
 इन्द्रोत तुभ्यं तद् दिवे तद् रुद्राय स्वयशसे ।
 मित्राय वोचं वरुणाय सप्रथः समृळीकाय सप्रथः ३
 अस्माकं व इन्द्रमुश्मसीष्टये सखायं विश्वार्यु प्रासहं युजं वाजेषु प्रासहं
 युजम् ।
 अस्माकं ब्रह्मोतये ऽवा पृतसुषु कासु चित् ।
 नहि त्वा शत्रुः स्तरते स्तृणोषि यं विश्वं शत्रु स्तृणोषि यम् ४
 नि षू नमार्तिमतिं कयस्य चित् तेजिष्ठाभिररणिभिर्नोतिभि रूग्राभिरुग्रोतिभिः
 ।
 नेषि णो यथा पुरा ऽनेनाः शूर मन्यसे ।
 विश्वानि पूरोरर्प पर्षि वह्नि रासा वह्निर्नो अच्छ ५

प्र तद् वौचेयं भव्यायेन्दवे हव्यो न य इषवान् मन्म रेजति रक्षोहा मन्म
 रेजति ।
 स्वयं सो अस्मदा निदो वधैरजेत दुर्मतिम् ।
 अवं स्रवेदघशंसोऽवतुर मवं क्षुद्रमिव स्रवेत् ६
 वनेम तद्धोत्रया चितन्त्या वनेम रयिं रयिवः सुवीर्यं रणवं सन्तं सुवीर्यम् ।
 दुर्मन्मानं सुमन्तुभि रेमिषा पृचीमहि ।
 आ सत्याभिरिन्द्रं द्युम्रहूतिभि र्यजत्रं द्युम्रहूतिभिः ७
 प्रप्रा वो अस्मे स्वयेशोभिरूती परिवर्गं इन्द्रो दुर्मतीनां दरीमन् दुर्मतीनाम् ।
 स्वयं सा रिष्यध्वै या न उपेषे अत्रैः ।
 हतेमसन्न वक्षति क्षिप्ता जूर्णिर्न वक्षति ८
 त्वं न इन्द्र राया परीणसा याहि पथां अनेहसा पुरो याह्यरक्षसा ।
 सचस्व नः पराक आ सचस्वास्तमीक आ ।
 पाहि नो दूरादारादभिष्टिभिः सदा पाह्यभिष्टिभिः ९
 त्वं न इन्द्र राया तरूषसो ग्रं चित् त्वा महिमा सक्षदवसे महे मित्रं नावसे
 ।
 ओजिष्ठ त्रातरविता रथं कं चिदमर्त्य ।
 अन्यमुस्मद् रिरिषेः कं चिदद्रिवो रिरिक्षन्तं चिदद्रिवः १०
 पाहि न इन्द्र सुष्टुत स्त्रिधौ ऽवयाता सदमिद् दुर्मतीनां देवः सन् दुर्मतीनाम्
 ।
 हन्ता पापस्य रक्षसं स्त्राता विप्रस्य मावतः ।
 अधा हि त्वा जनिता जीजनद् वसो रक्षोहणं त्वा जीजनद् वसो ११

(९) नवमं सूक्तम्

(१-१०) दशर्चस्यास्य सूक्तस्य दैवोदासिः परुच्छेप ऋषिः । इन्द्रो देवता । (१-

६) प्रथमादिनवर्चामत्यष्टिः (१०) दशम्याश्च त्रिष्टुप् छन्दसी

एन्द्रं याह्युप नः परावतो नायमच्छा विदथानीव सत्पति रस्तं राजैव
 सत्पतिः ।

हवामहे त्वा वयं प्रयस्वन्तः सुते सचा ।

पुत्रासो न पितरं वाजसातये मंहिष्ठं वाजसातये १

पिबा सोममिन्द्र सुवानमद्रिभिः कोशैन सिक्तमवृतं न वंसंगस्तातृषाणो न

वंसंगः ।

मदाय ह॒र्यताय॑ ते तुविष्ट॑माय॒ धाय॑से ।

आ त्वा॑ यच्छन्तु ह॒रितो॑ न सूर्य॑ महा॒ विश्वे॑व॒ सूर्यम् २

अवि॑न्दद् दि॒वो निहि॑तुं गुहा॑ नि॒धिं वे॑र्न गर्भं॑ परि॒वीत॑म॒श्म॒न्यन्ते॑
अ॒न्तर॑श्म॒नि ।

वृजं॑ वृ॒ज्जी गवा॑मिव॒ सिषा॑सन्नङ्गि॑रस्तमः ।

अपा॑वृ॒णोदि॑ष॒ इन्द्रः॑ परी॒वृता॑ द्वा॒र इ॑षः परी॒वृताः ३

दा॒दृहा॑णो व॒ज्रमिन्द्रो॑ ग॒र्भस्त्योः॑ क्ष॒द्यैव॑ ति॒ग्मम॑स॒नाय॑ सं श्य॑ दहि॒हत्या॑य॒ सं
श्य॑त् ।

संवि॑व्या॒न ओज॑सा॒ शवो॑भिरिन्द्र॒ मुज्म॑ना ।

तष्टे॑व वृ॒क्षं व॒निनो॑ नि वृ॒श्चसि॑ पर॒श्वेव॑ नि वृ॒श्चसि॑ ४

त्वं वृ॒थो न॒द्ये इन्द्र॑ स॒र्तवे॑ ऽच्छा॑ समु॒द्रम॑सृ॒जो रथा॑ इव वाज॒यतो॑ रथा॑ इव ।

इत॑ ऊ॒तीर॑युञ्जत॒ समान॑म॒र्थम॑क्षितम् ।

धे॒नूरि॑व॒ मन॑वे वि॒श्वदो॑हसो॒ जना॑य वि॒श्वदो॑हसः ५

इमां॑ ते वाचं॑ वसू॒यन्त॑ आ॒यवो॑ रथं॑ न धी॒रः स्व॑पा॒ अत॑क्षिषुः सु॒म्नाय॑
त्वा॒म॒त॒क्षिषुः॑ ।

श॒म्भन्तो॑ जे॒न्यं यथा॑ वा॒जेषु॑ विप्र॒ वाजि॑नम् ।

अ॒त्य॑मिव॒ शर्व॑से सा॒तये॑ ध॒ना वि॒श्वा ध॒नानि॑ सा॒तये॑ ६

भि॒नत् पुरो॑ नव॒तिमि॑न्द्र पू॒रवे॑ दि॒वोदा॑साय॒ महि॑ दा॒शुषे॑ नृ॒तो वज्रे॑ण दा॒शुषे॑
नृ॒तो ।

अ॒तिथि॑ग्वाय॒ शम्ब॑रं गि॒रेरु॑ग्रो अ॒वाभ॑रत् ।

मु॒हो ध॒नानि॑ द॒यमा॑न॒ ओज॑सा॒ विश्वा॑ ध॒नान्यो॑जसा ७

इन्द्रः॑ स॒मत्सु॑ यज॒मान॑मा॒र्यं प्रा॑व॒द् विश्वे॑षु श॒तमू॑तिरा॒जिषु॑ स्व॒र्मीह॑ळेष्वा॒जिषु॑
।

म॒न॒वे शा॑स॒दव॑तान् त्वचं॑ कृ॒ष्णाम॑रन्ध॒यत् ।

दक्ष॑न्न वि॒श्वं त॑तृषा॒णमौष॑ति॒ न्य॒र्शसा॑नमौषति ८

सूर॑श्च॒क्रं प्र॑ वृ॒हजा॑त ओज॑सा प्र॒पित्वे॑ वाचं॑म॒रुणो॑ मु॒षाय॑ती॒ शान॑ आ
मु॒षाय॑ति ।

उ॒शना॑ यत् प॒राव॑तो ऽज॑गन्नू॒तये॑ कवे ।

सु॒म्नानि॑ वि॒श्वा म॑नु॒षेव॑ तु॒र्वणि॑र॒हा वि॒श्वेव॑ तु॒र्वणिः॑ ९

स नो नव्यैभिवृषकर्मन्वुक्थैः पुरां दर्तः पायुभिः पाहि शग्मैः ।
दिवोदासेभिरिन्द्र स्तवानो वावृधीथा अहौभिरिव द्यौः १०

(१०) दशमं सूक्तम्

(१-७) सप्तर्चस्यास्य सूक्तस्य दैवोदासिः परुच्छेप ऋषिः । इन्द्रो देवता ।

अत्यष्टिश्छन्दः

इन्द्राय हि द्यौरसुरो अनम्रते न्द्राय मही पृथिवी वरीमभिर्द्युम्रसाता
वरीमभिः ।

इन्द्रं विश्वे सजोषसो देवासो दधिरे पुरः ।

इन्द्राय विश्वा सर्वनानि मानुषा रातानि सन्तु मानुषा १

विश्वेषु हि त्वा सर्वनेषु तुञ्जते समानमेकं वृषमणयवः पृथक् स्वः सनिष्यवः
पृथक् ।

तं त्वा नावं न पर्षणिं शूषस्य धुरि धीमहि ।

इन्द्रं न यज्ञैश्चितयन्त आयवः स्तोमैभिरिन्द्रमायवः २

वि त्वा ततस्त्रे मिथुना अवस्यवो व्रजस्य साता गव्यस्य निःसृजः सक्षन्त
इन्द्र निःसृजः ।

यद् गव्यन्ता द्वा जना स्वर्श्यन्ता समूहसि ।

आविष्करिक्वद् वृषणं सचाभुवं वज्रमिन्द्र सचाभुवम् ३

विदुष्टे अस्य वीर्यस्य पूरवः पुरो यदिन्द्र शारदीरवातिरः सासहानो
अवातिरः ।

शासस्तमिन्द्र मर्त्यं मयज्युं शवसस्पते ।

महीममुष्णाः पृथिवीमिमा अपो मन्दसान इमा अपः ४

आदित् तै अस्य वीर्यस्य चर्किरन् मदेषु वृषन्नुशिजो यदाविथ सखीयतो
यदाविथ ।

चकर्थ कारमैभ्यः पृतनासु प्रवन्तवे ।

ते अन्यामन्यां नद्यं सनिष्णत श्रवस्यन्तः सनिष्णत ५

उतो नो अस्या उषसो जुषेत ह्यर्कस्य बोधि हविषो हवीमभिः स्वर्षाता
हवीमभिः ।

यदिन्द्र हन्तवे मृधो वृषा वज्रिञ्चिकेतसि ।

आ मे अस्य वेधसो नवीयसो मन्म श्रुधि नवीयसः ६

त्वं तमिन्द्र वावृधानो अस्मयु रमित्रयन्तं तुविजातु मर्त्यं वज्रेण शूर मर्त्यम् ।

जहि यो नो अघायति शृणुष्व सुश्रवस्तमः ।

रिष्टं न यामन्नप भूतु दुर्मतिर्विश्वाप भूतु दुर्मतिः ७

(११) एकादशं सूक्तम्

(१-६) षडृचस्यास्य सूक्तस्य दैवोदासिः परुच्छेप ऋषिः । (१-५, ६)
प्रथमादिपञ्चर्चा षष्ठ्या उत्तरार्धर्चस्य चेन्द्रः (६) षष्ठ्याः पूर्वार्धर्चम्येन्द्रापर्वतौ देवताः
। अत्यष्टिश्छन्दः

त्वया वयं मघवन् पूर्व्ये धनु इन्द्रत्वोताः सासह्याम पृतन्यतो वनुयाम
वनुष्यतः ।

नेदिष्ठे अस्मिन्नह न्यधि वोचा नु सुन्वते ।

अस्मिन् यज्ञे वि चयेमा भरे कृतं वाजयन्तो भरे कृतम् १

स्वर्जेषे भरे आप्रस्य वक्म न्युषर्बुधः स्वस्मिन्नञ्जसि क्राणस्य स्वस्मिन्नञ्जसि ।

अहन्निन्द्रो यथा विदे शीष्णाशीष्णोपवाच्यः ।

अस्मन्ना ते सध्र्येक् सन्तु रातयो भद्रा भद्रस्य रातयः २

तत् तु प्रयः प्रबथा ते शुशुक्वनं यस्मिन् यज्ञे वारमकृणवत् क्षय मृतस्य
वारसि क्षयम् ।

वि तद् वौचेरध द्विताऽन्तः पश्यन्ति रश्मिभिः ।

स घा विदे अन्विन्द्रो गुवेषणो बन्धुक्षिद्भ्यो गुवेषणः ३

नू इत्था ते पूर्वथा च प्रवाच्यं यदङ्गिरोभ्योऽवृणोरप व्रज मिन्द्र शिञ्जन्नप
व्रजम् ।

ऐभ्यः समान्या दिशाऽस्मभ्यं जेषि योत्सि च ।

सुन्वद्भ्यो रन्धया कं चिदव्रतं हृणायन्तं चिदव्रतम् ४

सं यजनान् क्रतुभिः शूर ईक्षय द्धनै हिते तरुषन्त श्रवस्यवः प्र यक्षन्त
श्रवस्यवः ।

तस्मा आयुः प्रजावदिद् वार्धे अर्चन्त्योजसा ।

इन्द्र ओक्य दिधिषन्त धीतयो देवाँ अच्छा न धीतयः ५

युवं तमिन्द्रापर्वता पुरोयुधा यो नः पृतन्यादप तन्मिद्धतं वज्रेण तन्मिद्धतम् ।

दूरे च॒त्ताय॑ च्छन्त्स॒द् ग॒हेन॑न् यदि॒र्नक्ष॑त् ।
अ॒स्माकं॑ श॒त्रून् परि॑ शूर॒ विश्व॑तो॒ द॒र्मा द॑र्षीष्ट॒ विश्व॑तः ६

(१२) द्वादशं सूक्तम्

(१-७) सप्तर्चस्यास्य सूक्तस्य दैवोदासिः परुच्छेप ऋषिः । इन्द्रो देवता । (१)
प्रथमर्चस्त्रिष्टुप् (२-४) द्वितीयादितृचस्यानुष्टुप् (५) पञ्चम्या गायत्री (६) षष्ठ्या
धृतिः (७) सप्तम्याश्चाष्टिश्छन्दांसि
उ॒भे पु॑नामि॒ रोद॑सी ऋ॒तेन॑ द्रु॒हो द॑हामि॒ सं मु॒हीर॑निन्द्राः ।
अ॒भि॒व्लग्य॑ यत्र॒ ह॒ता अ॒मित्रा॑ वैल॒स्थानं॑ परि॒ तृ॒हळा॑ अ॒शैर॑न् १
अ॒भि॒व्लग्या॑ चिद॒द्रिवः॑ शी॒र्षा या॑तुम॒तीनाम् ।
छि॒न्धि व॑टूरि॒णा पु॒दा मु॒हाव॑टूरि॒णा पु॒दा २
अ॒वासां॑ म॒घव॑ञ्जहि॒ शर्धो॑ या॒तुम॑तीनाम् ।
वै॒ल॒स्थान॑के अ॒र्मके॑ मु॒हावै॑ल॒स्थे अ॒र्मके॑ ३
यासां॑ ति॒स्रः प॑ञ्चा॒शतो॑ ऽभि॒व्लङ्गैर॑पाव॒पः ।
तत् सु॒ ते म॑नायति॒ त॒कत् सु॒ ते म॑नायति ४
पि॒शङ्ग॑भृष्टि॒मम्भृ॑णं इ॒प॒शाचि॑मिन्द्र॒ सं मृ॑ण । स॒र्वं र॒क्षो नि॑ ब॒र्हय॑ ५
अ॒व॒र्म॒ह इ॒न्द्र दा॑दृहि श्रु॒धी नः॑ शु॒शोच॑ हि द्यौः क्षा॒ न भी॑षाँ अ॒द्रिवो॑ घृ॒णान्न॑
भी॒षाँ अ॒द्रिवः॑ ।
शु॒ष्मिन्त॑मो हि शु॒ष्मिभि॑र्व॒धैरु॑ग्रेभि॒रीय॑से ।
अ॒पूरु॑षघ्नो अ॒प्रती॑त शूर॒ स॒त्त्व॒भिस्त्रि॑स॒प्तैः शूर॑ स॒त्त्व॒भिः ६
व॒नोति॑ हि सु॒न्वन् क्ष॑यं प॒रीण॑सः सु॒न्वा॒नो हि ष्मा॑ य॒ज॒त्यव॑ द्वि॒षो दे॒वाना॑म॒व॒
द्वि॒षः ।
सु॒न्वा॒न इत् सि॑षासति॒ सह॑स्रा॒ वा॒ज्यवृ॑तः ।
सु॒न्वा॒नाये॒न्द्रो द॑दा॒त्याभु॑र्व॒ रयि॑ं द॑दा॒त्याभु॑र्वम् ७

(१३) त्रयोदशं सूक्तम्

(१-६) षडृचस्यास्य सूक्तस्य दैवोदासिः परुच्छेप ऋषिः । वायुर्देवता । (१-५)
प्रथमादिपञ्चर्चामत्यष्टिः (६) षष्ठ्याश्चाष्टिश्छन्दसी
आ त्वा॒ जुवो॑ रारहा॒णा अ॒भि प्र॑यो॒ वायो॑ वह॒न्त्वह॑ पूर्॒वपी॑तये॒ सोम॑स्य
पूर्॒वपी॑तये ।

ऊर्ध्वा ते अनु सूनृता मनस्तिष्ठतु जानृती ।
 नियुत्वता रथेना याहि दावने वायो मुखस्य दावने १
 मन्दन्तु त्वा मन्दिनो वायुविन्दवो ऽस्मत् क्राणासः
 सुकृता अभिद्यवो गोभिः क्राणा अभिद्यवः ।
 यद्ध क्राणा इरध्यै दक्षं सचन्त ऊतयः ।
 सध्रीचीना नियुतो दावने धियु उप ब्रुवत ई धियः २
 वायुर्युङ्क्ते रोहिता वायुररुणा वायू रथे अजिरा धुरि वोहळवे वहिष्ठा धुरि
 वोहळवे ।
 प्र बोधया पुरंधिं जार आ संसृतीमिव ।
 प्र चक्षय रोदसी वासयोषसः श्रवसे वासयोषसः ३
 तुभ्यमुषासः शुचयः परावति भद्रा वस्त्रा तन्वते दंसु रश्मिषु चित्रा नव्येषु
 रश्मिषु ।
 तुभ्यं धेनुः संबर्दुघा विश्वा वसूनि दोहते ।
 अर्जनयो मरुतो वृक्षणाभ्यो दिव आ वृक्षणाभ्यः ४
 तुभ्यं शुक्रासः शुचयस्तुरगयवो मदेषूग्रा इषणन्त भुवर्गय पामिषन्त भुवर्गि ।
 त्वां त्सारी दसमानो भर्गमीदृ तक्ववीर्यै ।
 त्वं विश्वस्माद् भुवनात्पासि धर्मणा ऽसुर्यात् पासि धर्मणा ५
 त्वं नो वायवेष्मामपूर्व्यः सोमानां प्रथमः पीतिर्महसि सुतानां पीतिर्महसि ।
 उतो विहुत्सतीनां विशां ववर्जुषीणाम् ।
 विश्वा इत् तै धेनवो दुह आशिरं घृतं दुहत आशिरम् ६

(१४) चतुर्दशं सूक्तम्

(१-६) नवर्चस्यास्य सूक्तस्य दैवोदासिः परुच्छेप ऋषिः । (१-३, ६)
 प्रथमादितृचस्य नवम्यचश्च वायुः (४-८) चतुर्थ्यादिपञ्चानाञ्चेन्द्रवायू देवताः ।
 (१-६, ६) प्रथमादिषडृचां नवम्याश्चात्यष्टिः (७-८) सप्तम्यष्टम्योश्चाष्टिश्छन्दसी
 स्तीर्णं बर्हिरूपं नो याहि वीतयै सहस्रेण नियुता नियुत्वते
 श्रुतिनीभिर्नियुत्वते ।
 तुभ्यं हि पूर्वपीतये देवा देवाय येमिरे ।
 प्र तै सुतासो मधुमन्तो अस्थिरन् मदाय क्रत्वै अस्थिरन् १
 तुभ्यायं सोमः परिपूतो अद्रिभिः स्पार्हा वसानः परि कोशमर्षति शुक्रा

वसानो अर्षति । तवायं भाग आयुषु सोमो देवेषु हूयते ।

वह वायो नियुतो याह्यस्मयुर्जुषाणो याह्यस्मयुः २

आ नो नियुद्धिः शतिनीभिरध्वरं सहस्रिणीभिरुप याहि वीतये वायो
हव्यानि वीतये ।

तवायं भाग अत्वियुः सरश्मिः सूर्ये सचा ।

अध्वर्युभिर्भरमाणा अयंसत वायो शक्रा अयंसत ३

आ वां रथो नियुत्वान् वक्षदवसे ऽभि प्रयासि सुधितानि वीतये वायो
हव्यानि वीतये ।

पिबतं मध्वो अन्धसः पूर्वपेयं हि वां हितम् ।

वायवा चन्द्रेण राधसा गतु मिन्द्रश्च राधसा गतम् ४

आ वां धियो ववृत्युरध्वरां उपे ममिन्दु मर्मजन्त वाजिन माशुमत्यं न
वाजिनम् ।

तेषां इंपबतमस्मयू आ नो गन्तमिहोत्या ।

इन्द्रवायू सुतानामद्रिभिर्युवं मदाय वाजदा युवम् ५

इमे वां सोमा अप्स्वा सुता इहा ध्वर्युभिर्भरमाणा अयंसत वायो शुक्रा
अयंसत ।

एते वामभ्यसृक्षत तिरः पवित्रमाशवः ।

युवायवोऽति रोमाण्यव्यया सोमासो अत्यव्यया ६

अति वायो ससतो याहि शश्वतो यत्र गावा वदति तत्र गच्छतं गृहमिन्द्रश्च
गच्छतम् ।

वि सूनृता ददृशे रीयते घृत मा पूर्णया नियुता याथो अध्वर मिन्द्रश्च याथो
अध्वरम् ७

अत्राह तद् वहेथे मध्व आहुतिं यमश्चत्थमुपतिष्ठन्त जायवो ऽस्मे ते संन्तु
जायवः ।

साकं गावः सुवते पच्यते यवो न तै वायु उप दस्यन्ति धेनवो नाप दस्यन्ति
धेनवः ८

इमे ये ते सु वायो बाह्वोजसो ऽन्तर्नदी तै पतयन्त्युक्षणा महि बार्धन्त उक्षणाः
।

धन्वञ्चिद् ये अनाशवो जीराश्चिदगिरौकसः ।

सूर्यस्येव रश्मयो दुर्नियन्तवो हस्तयोर्दुर्नियन्तवः ९

(१५) पञ्चदशं सूक्तम्

(१-७) सप्तर्चस्यास्य सूक्तस्य दैवोदासिः परुच्छेप ऋषिः । (१-५)

प्रथमादिपञ्चर्चा मित्रावरुणौ (६-७) षष्ठीसप्तम्योश्च लिङ्गोक्ता देवताः । (१-६)

प्रथमादिषडृचामत्यष्टिः (७) सप्तम्याश्च त्रिष्टुप् छन्दसी

प्र सु ज्येष्ठं निचिराभ्यां बृहन्नमो हव्यं मतिं भरता मृळयद्भ्यां स्वादिष्ठं
मृळयद्भ्याम् ।

ता सम्राजा घृतासुती यज्ञेयज्ञ उपस्तुता ।

अथैनोः क्षत्रं न कुतश्चनाधृषे देवत्वं नू चिदाधृषे १

अदर्शि गातुरुरवे वरीयसी पन्था ऋतस्य समयंस्त रश्मिभिश्चक्षुर्भगस्य
रश्मिभिः ।

द्युक्षं मित्रस्य सार्दन मर्यम्णो वरुणस्य च ।

अथा दधाते बृहदुक्थ्यं वयं उपस्तुत्यं बृहद् वयः २

ज्योतिष्मतीमदिति धारयत्क्षितिं स्वर्वतीमा सचेते दिवेदिवे जागृवांसां
दिवेदिवे ।

ज्योतिष्मत् क्षत्रमाशाते आदित्या दानुनस्पती ।

मित्रस्तयोर्वरुणो यातयज्ञनो ऽर्यमा यातयज्ञनः ३

अयं मित्राय वरुणाय शंतम् सोमो भूत्ववृपानेष्वभगो देवो देवेष्वभगः ।

तं देवासो जुषेरत् विश्वे अद्य सजोषसः ।

तथा राजाना करथो यदीमह ऋतावान् यदीमहे ४

यो मित्राय वरुणाय विधुञ्जनो ऽनुर्वाणं तं परि पातो अंहसो दाश्वांसं

मर्तमंहसः । तमर्यमाभि रक्षत्यृजूयन्तमनु व्रतम् ।

उक्थैर्य एनोः परिभूषति व्रतं स्तोमैराभूषति व्रतम् ५

नमो दिवे बृहते रोदसीभ्यां इमत्राय वोचं वरुणाय मीहळुषे सुमृळीकाय
मीहळुषे ।

इन्द्रमग्निमुप स्तुहि द्युक्षमर्यमणं भगम् ।

ज्योग्जीवन्तः प्रजया सचेमहि सोमस्योती सचेमहि ६

ऊती देवानां वयमिन्द्रवन्तो मंसीमहि स्वयंशसो मरुद्भिः ।

अग्निर्मित्रो वरुणः शर्म यंसन् तदश्याम मघवानो वयं च ७

द्वितीयोऽध्यायः २

वर्गाः १-१२७

(१६) षोडशं सूक्तम्

(१-३) तृचस्यास्य सूक्तस्य दैवोदासिः परुच्छेप ऋषिः । मित्रावरुणौ देवते ।

अतिशक्वरी छन्दः

सुषुमा यातमद्रिभिर्गोश्रीता मत्सरा इमे सोमासो मत्सरा इमे ।

आ राजाना दिविस्पृशा ऽस्मत्रा गन्तमुप नः ।

इमे वा इमत्रावरुणा गवाशिरः सोमाः शक्रा गवाशिरः १

इम आ यातमिन्दवः सोमासो दध्याशिरः सुतासो दध्याशिरः ।

उत वामुषसो बुधि साकं सूर्यस्य रश्मिभिः ।

सुतो मित्राय वरुणाय पीतये चारुर्ऋताय पीतये २

तां वा धेनुं न वासरी मंशं दुहन्त्यद्रिभिः सोमं दुहन्त्यद्रिभिः ।

अस्मत्रा गन्तमुप नो ऽर्वाञ्चा सोमपीतये ।

अयं वा मित्रावरुणा नृभिः सुतः सोम आ पीतये सुतः ३

(१७) सप्तदशं सूक्तम्

(१-४) चतुर्ऋचस्यास्य सूक्तस्य दैवोदासिः परुच्छेप ऋषिः । पूषा देवता ।

अत्यष्टिश्छन्दः

प्रप्र पूष्णस्तुविजातस्य शस्यते महित्वमस्य तवसो न तन्दते स्तोत्रमस्य न तन्दते ।

अर्चामि सुम्रयन्नह मन्त्यूतिं मयोभुवम् ।

विश्वस्य यो मन आयुयुवे मुखो देव आयुयुवे मुखः १

प्र हि त्वा पूषन्नजिरं न यामनि स्तोमैभिः कृणव ऋणवो यथा मृध उष्ट्रो न पीपरो मृधः ।

हुवे यत् त्वा मयोभुव देवं सख्यायु मर्त्यः ।

अस्माकमाङ्गूषान् द्युम्निनस्कृधि वाजेषु द्युम्निनस्कृधि २

यस्य ते पूषन् त्सख्ये विपन्यवः क्रत्वा चित् सन्तोऽर्वसा बुभुजिर इति

क्रत्वा बुभुजिरे ।

तामनु त्वा नवीयसीं नियुतं राय ईमहे ।

अहैळमान उरुशंस सरी भव वाजैवाजे सरी भव ३

अस्या ऊ षु ण उप सातये भुवो ऽहेळमानो ररिवाँ अजाश्च श्रवस्यतामजाश्च ।

ओ षु त्वा ववृतीमहि स्तोमैभिर्दस्म साधुभिः ।

नहि त्वा पूषन्नतिमन्य आघृणे न तै सख्यमपह्वे ४

(१८) अष्टादशं सूक्तम्

(१-११) एकादशर्चस्यास्य सूक्तस्य दैवोदासिः परुच्छेप ऋषिः । (१, ११)

प्रथमर्च एकादश्याश्च विश्वे देवाः (२) द्वितीयाया मित्रावरुणौ (३-५)

तृतीयादितृचस्याश्विनौ (६) षष्ठ्या इन्द्रः (७) सप्तम्या अग्निः (८) अष्टम्या मरुतः (९) नवम्या इन्द्राग्नी (१०) दशम्याश्च बृहस्पतिर्देवताः । (१-४, ६-१०)

प्रथमादिचतुर्ऋचां षष्ठ्यादिपञ्चानाञ्चात्यष्टिः (५) पञ्चम्या बृहती (११)

एकादश्याश्च त्रिष्टुप् छन्दांसि

अस्तु श्रौषट् पुरो अग्निं धिया दध आ नु तच्छर्धो दिव्यं वृणीमह इन्द्रवायू वृणीमहे ।

यद्ध क्राणा विवस्वति नाभा संदायि नव्यसी ।

अध प्र सू न उप यन्तु धीतयो देवाँ अच्छा न धीतयः १

यद्ध त्यन्मित्रावरुणावृतादध्याददाथे अनृतं स्वेन मन्युना दक्षस्य स्वेन मन्युना ।

युवोरित्थाधि सद्य स्वपश्याम हिरण्ययम् ।

धीभिश्चन मनसा स्वेभिरक्षभिः सोमस्य स्वेभिरक्षभिः २

युवां स्तोमैभिर्देवयन्तौ अश्विना ऽऽश्रावयन्त इव श्लोकमायवौ युवां हव्याभ्याश्चरवः ।

युवोर्विश्वा अधि श्रियुः पृक्षश्च विश्ववेदसा ।

पुषायन्तै वां पवयौ हिरण्यये रथे दस्त्रा हिरण्यये ३

अचैति दस्त्रा व्युश्रु नार्कमृणवथो युञ्जतै वां रथयुजो दिविष्टिष्वध्वस्मानो दिविष्टिषु ।

अधि वां स्थाम वन्धुरे रथे दस्त्रा हिरण्यये ।

पथेव यन्तावनुशासता रजो ऽञ्जसा शासता रजः ४

शचीभिर्नः शचीवसू दिवा नक्तं दशस्यतम् ।

मा वां रातिरुप दसत् कदा चना स्मद् रातिः कदा चन ५

वृषन्निन्द्र वृषपाणांस इन्द्रव इमे सुता अद्रिषुतास उद्भिद-स्तुभ्य सुतास
उद्भिदः ।

ते त्वा मन्दन्तु दावने महे चित्राय राधसे ।

गीर्भिर्गिर्वाहः स्तवमान आ गहि सुमृळीको न आ गहि ६

ओ षू णौ अग्ने शृणुहि त्वमीळितो देवेभ्यो ब्रवसि यज्ञियैभ्यो राजभ्यो
यज्ञियैभ्यः ।

यद्ध त्यामङ्गिरोभ्यो धेनुं देवा अदत्तन ।

वि तां दुहे अर्यमा कर्तरी सचाँ एष तां वेद मे सचाँ ७

मो षु वौ अस्मदभि तानि पौस्या सना भूवन् द्युम्रानि मोत जारिषु रस्मत्
पुरोत जारिषुः ।

यद् वश्चित्रं युगेयुगे नव्यं घोषादमर्त्यम् ।

अस्मासु तन्मरुतो यच्च दुष्टरं दिधृता यच्च दुष्टरम् ८

दध्यङ् ह मे जनुषं पूर्वो अङ्गिराः प्रियमैधः कणवो अत्रिर्मनुर्विदुस्ते मे पूर्वे
मनुर्विदुः ।

तेषां देवेष्वायति रस्माकं तेषु नाभयः ।

तेषां पदेन मह्या नमे गिरेन्द्राग्नी आ नमे गिरा ९

होता यक्षद् वनिनौ वन्त वार्यं बृहस्पतिर्यजति वेन उक्षभिः

पुरुवारैभिरुक्षभिः ।

जगृभ्मा दूरआदिशं श्लोकमद्रेरध त्मना ।

अधारयदरिन्दानि सुक्रतुः पुरु सद्यानि सुक्रतुः १०

ये देवासो दिव्येकादश स्थ पृथिव्यामध्येकादश स्थ ।

अप्सुक्षितौ महिनैकादश स्थ ते देवासो यज्ञमिमं जुषध्वम् ११

(१६) एकोनविंशं सूक्तम्

(१-१३) त्रयोदशर्चस्यास्य सूक्तस्यौचथ्यो दीर्घतमा ऋषिः । अग्निर्देवता । (१-

६, ११) प्रथमादिनवर्चामेकादश्याश्च जगती (१०) दशम्या जगती त्रिष्टुब् वा

(१२-१३) द्वादशीत्रयोदशयोश्च त्रिष्टुप् छन्दसी

वेदिषदै प्रियधामाय सुद्युतै धासिमिव प्र भरा योनिमग्रये ।

वस्त्रैणेव वासया मन्मना शुचिं ज्योतीरथं शक्रवर्णं तमोहनम् १

अभि द्विजन्मा त्रिवृदन्नमृज्यते संवत्सरे वावृधे जग्धमी पुनः ।

अन्यस्यासा जिहया जेन्यो वृषा न्यन्येन वनिनो मृष्ट वारुणः २
 कृष्णपुतौ वेविजे अस्य सक्षिता उभा तरेते अभि मातरा शिशुम् ।
 प्राचाजिह्वं ध्वसयन्तं तृषुच्युत मा साच्यं कुपयं वर्धनं इंपुतुः ३
 मुमुक्ष्वोऽं मनवे मानवस्यते रघुदुर्वः कृष्णसीतास ऊ जुवः ।
 असमना अजिरासौ रघुष्यदो वार्तजूता उप युज्यन्त आशवः ४
 आदस्य ते ध्वसयन्तो वृथैरते कृष्णमभ्वं महि वर्षः करिक्रतः ।
 यत् सी महीमवनिं प्राभि मर्मश दभिश्चसन् त्स्तनयन्नेति नानदत् ५
 भूषन् न योऽधि बभूषु नम्रते वृषैव पत्नीरभ्येति रोर्ववत् ।
 ओजायमानस्तन्वश्च शुम्भते भीमो न शृङ्गा दविधाव दुर्गृभिः ६
 स संस्तिरौ विष्टिरः सं गृभायति जानन्नेव जानतीर्नित्य आ शये ।
 पुनर्वर्धन्ते अपि यन्ति देव्य मन्यद् वर्षः पित्रोः कृणवते सचा ७
 तमगुर्वः केशिनीः सं हि रैभिर ऊर्ध्वास्तस्थुर्मृषीः प्रायवे पुनः ।
 तासां जरां प्रमुञ्चन्नेति नानद दसुं परं जनयञ्जीवमस्तृतम् ८
 अधीवासं परि मातू रिहन्नहं तुविग्रेभिः सत्त्वभिर्याति वि जयः ।
 वयो दधत् पद्वते रेरिहत् सदा ऽनु श्येनी सचते वर्तनीरहं ९
 अस्माकमग्रे मघवत्सु दीदि ह्यध श्वसीवान् वृषभो दमूनाः ।
 अवास्या शिशुमतीरदीदे र्वमेव युत्सु परिजर्भुराणः १०
 इदमग्रे सुधितं दुर्धितादधि प्रियार्दु चिन्मन्मनः प्रेयो अस्तु ते ।
 यत् तै शक्रं तन्वोऽं रोचते शुचि तेनास्मभ्यं वनसे रत्नमा त्वम् ११
 रथाय नावमुत नो गृहाय नित्यारित्रां पद्वतीं रास्यग्रे ।
 अस्माकं वीरां उत नो मघोनो जनांश्च या पारयाच्छर्म या च १२
 अभी नो अग्र उक्थमिजुगुर्या द्यावाक्षामा सिन्धवश्च स्वगूर्ताः ।
 गव्यं यव्यं यन्तौ दीर्घहि षं वरमरुण्यो वरन्त १३

(२०) विंशं सूक्तम्

(१-१३) त्रयोदशर्चस्यास्य सूक्तस्यौचथ्यो दीर्घतमा ऋषिः । अग्निर्देवता । (१-
 ११) प्रथमाद्येकादशर्चा जगती (१२-१३) द्वादशीत्रयोदशयोश्च त्रिष्टुप् छन्दसी
 बळित्था तत् वपुषे धायि दर्शतं देवस्य भर्गः सहस्रो यतो जनि ।
 यदीमुप ह्वरते सार्धते मति अतस्य धेना अनयन्त सस्रुतः १
 पृक्षो वपुः पितुमान् नित्य आ शये द्वितीयमा सप्तशिवासु मातृषु ।

तृतीयमस्य वृषभस्य दोहसे दशप्रमतिं जनयन्त योषणः २
 निर्यदीं बुध्रान्महिषस्य वर्षस ईशानासः शर्वसा क्रन्तं सूरयः ।
 यदीमनुं प्रदिवो मध्वं आधवे गुहा सन्तं मातरिश्वा मथायति ३
 प्र यत् पितुः परमात्रीयते पर्या पृक्षुधौ वीरुधो दंसु रोहति ।
 उभा यदस्य जनुषं यदिन्वत आदिद् यविष्ठो अभवद् घृणा शुचिः ४
 आदिन्मातराविशद् यास्वा शुचि रहस्यमान उर्विया वि वावृधे ।
 अनु यत् पूर्वा अरुहत् सनाजुवो नि नव्यसीष्ववरासु धावते ५
 आदिद्धोतारं वृणते दिविष्टिषु भर्गमिव पपृचानासं ऋञ्जते ।
 देवान् यत् क्रत्वा मुज्मनां पुरुष्टतो मर्तं शंसं विश्वधा वेति धायसे ६
 वि यदस्थाद् यजतो वार्तचोदितो हारो न वक्वा जरणा अनाकृतः ।
 तस्य पत्नम् दक्षुषः कृष्णजहसः शुचिजन्मनो रज आ व्यध्वनः ७
 रथो न यातः शिक्वाभिः कृतो द्यामङ्गैभिरुषेभिरीयते ।
 आदस्य ते कृष्णासौ दक्षि सूरयः शूरस्येव त्वेषथादीषते वयः ८
 त्वया ह्यग्ने वरुणो धृतव्रतो मित्रः शाशद्रे अर्यमा सुदानवः ।
 यत् सीमनु क्रतुना विश्वथा विभु ररान्न नेमिः परिभूरजायथाः ९
 त्वमग्ने शशमानाय सुन्वते रत्नं यविष्ठ देवतातिमिन्वसि ।
 तं त्वा नु नव्यं सहसो युवन् वयं भगं न कारे महिरत्न धीमहि १०
 अस्मे रयिं न स्वर्थं दमूनसं भगं दक्षं न पपृचासि धर्णसिम् ।
 रश्मीरिव यो यमति जन्मनी उभे देवानां शंसमृत आ च सुक्रतुः ११
 उत नः सुद्योत्मा जीराश्चो होता मन्द्रः शृणवच्चन्द्ररथः ।
 स नो नेषन्नेषतमैरमूरो ऽग्निर्वामं सुवितं वस्यो अच्छ १२
 अस्ताव्यग्निः शिमीवद्भिरकैः साम्राज्याय प्रतरं दधानः ।
 अमी च ये मघवानो वयं च मिहं न सूरौ अति निष्टतन्युः १३

(२१) एकविंशं सूक्तम्

(१-१३) त्रयोदशर्चस्यास्य सूक्तस्यौचथ्यो दैर्घतमा ऋषिः । (१) प्रथमर्च इध्मः
 समिद्धो वाग्निः (२) द्वितीयायास्तनूनपात् (३) तृतीयाया नराशंसः (४)
 चतुर्थ्या इळः (५) पञ्चम्या बर्हिः (६) षष्ठ्या देवीर्द्वारः (७) सप्तम्या
 उषासानक्ता (८) अष्टम्या दैव्यौ होतारौ प्रचेतसौ (९) नवम्यास्तिस्रो देव्यः
 सरस्वतीळाभारत्यः (१०) दशम्यास्त्वष्टा

(११) एकादश्या वनस्पतिः (१२) द्वादश्याः स्वाहाकृतयः (१३) त्रयोदश्याश्चेन्द्रो
देवताः । अनुष्टुप् छन्दः

समिद्धो अग्र आ वह देवाँ अद्य यतस्तुचे ।
तन्तुं तनुष्व पूर्व्यं सुतसौमाय दाशुषे १
घृतवन्तमुप मासि मधुमन्तं तनूनपात् ।
यज्ञं विप्रस्य मावतः शशमानस्य दाशुषः २
शुचिः पावको अबुद्धतो मध्वा यज्ञं इममिदति ।
नराशंसस्त्रिरा दिवो देवो देवेषु यज्ञियः ३
ईळितो अग्र आ वहेन्द्रं चित्रमिह प्रियम् ।
इयं हि त्वा मतिर्ममा च्छा सुजिह्व वच्यते ४
स्तृणानासौ यतस्तुचो बहिर्यज्ञे स्वध्वरे ।
वृञ्जे देवव्यचस्तम् मिन्द्राय शर्म सप्रथः ५
वि श्रयन्तामृतावृधः प्रये देवेभ्यो महीः ।
पावकासः पुरुस्पृहो द्वारो देवीरसश्चतः ६
आ भन्दमाने उपाके नक्तोषासा सुपेशासा ।
यह्वी ऋतस्य मातरा सीदतां बहिरा सुमत् ७
मन्द्रजिह्वा जुगुर्वणी होतारा दैव्या कवी ।
यज्ञं नो यक्षतामिमं सिध्रमद्य दिविस्पृशम् ८
शुचिर्देवेष्वर्पिता होत्रा मरुत्सु भारती ।
इळा सरस्वती मही बर्हिः सीदन्तु यज्ञियाः ९
तन्नस्तुरीपमद्भुतं पुरु वारं पुरु त्मना ।
त्वष्टा पोषाय वि ध्यतु राये नाभा नो अस्मयुः १०
अवसृजन्नुप त्मना देवान् यक्षि वनस्पते ।
अग्निर्हव्या सुषूदति देवो देवेषु मेधिरः ११
पूषणवते मरुत्वते विश्वदेवाय वायवे ।
स्वाहा गायत्रवेपसे हव्यमिन्द्राय कर्तन १२
स्वाहाकृतान्या गु ह्युप हव्यानि वीतये ।
इन्द्रा गीहि श्रुधी हवं त्वां हवन्ते अध्वरे १३

(२२) द्वाविंशं सूक्तम्

(१-८) अष्टर्चस्यास्य सूक्तस्यौचथ्यो दीर्घतमा ऋषिः । अग्निर्देवता । (१-७)

प्रथमादिसप्तर्चा जगती (८) अष्टम्याश्च त्रिष्टुप् छन्दसी

प्र तव्यसीं नव्यसीं धीतिमग्रये वाचो मतिं सहसः सूनवे भरे ।
 अपां नपाद् यो वसुभिः सह प्रियो होता पृथिव्यां न्यसीददृत्वियः १
 स जायमानः परमे व्योम न्याविरग्रिर्भवन्मातुरिश्वने ।
 अस्य क्रत्वा समिधानस्य मज्मना प्र द्यावा शोचिः पृथिवी अरोचयत् २
 अस्य त्वेषा अजरा अस्य भानवः सुसंदृशः सुप्रतीकस्य सुद्युतः ।
 भावक्षसो अत्यक्तुर्न सिन्धवो ऽग्रे रैजन्ते असेसन्तो अजराः ३
 यमैरिरे भृगवो विश्ववेदसं नाभा पृथिव्या भुवनस्य मज्मना ।
 अग्निं तं गीर्भिर्हिनुहि स्व आ दमे य एको वस्वो वरुणो न राजति ४
 न यो वराय मरुतामिव स्वनः सेनैव सृष्टा दिव्या यथाशनिः ।
 अग्निर्जम्भैस्तिगितैरन्ति भवति योधो न शत्रून् त्स वना नृञ्जते ५
 कुविन्नो अग्निरुचथस्य वीरसद् वसुष्कुविद् वसुभिः काममावरत् ।
 चोदः कुवित् तुतुज्यात् सातये धियः शुचिप्रतीकं तमया धिया गृणे ६
 घृप्रतीकं व ऋतस्य धूर्षद् मुग्निं इमत्रं न समिधान ऋञ्जते ।
 इन्धानो अक्रो विदर्थेषु दीद्यच्छुक्रवर्णामुदु नो यंसते धियम् ७
 अप्रयुच्छन्नप्रयुच्छद्विरग्रे शिवेभिर्नः पायुभिः पाहि शग्मैः ।
 अदब्धेभिरदृपितेभिरिष्टे ऽनिमिषद्भिः परि पाहि नो जाः ८

(२३) त्रयोविंशं सूक्तम्

(१-७) सप्तर्चस्यास्य सूक्तस्यौचथ्यो दीर्घतमा ऋषिः । अग्निर्देवता ।

जगती छन्दः

एति प्र होता व्रतमस्य माययोर्ध्वा दधानः शुचिपेशसं धियम् ।
 अभि स्तुचः क्रमते दक्षिणावृतो या अस्य धाम प्रथमं ह निंसते १
 अभीमृतस्य दोहना अनूषत् योनौ देवस्य सदेने परीवृताः ।
 अपामुपस्थे विभृतो यदावस दध स्वधा अधयद् याभिरीयते २
 युयूषत् सर्वयसा तदिद् वपुः समानमर्थं वितरित्रता मिथः ।
 आदी भगो न हव्यः समस्मदा वोहळुर्न रश्मीन् त्समयंस्त सारथिः ३
 यमीं द्वा सर्वयसा सपर्यतः समाने योना मिथुना समौकसा ।

दिवा न नक्तं पलितो युवाजनि पुरु चरन्नजरो मानुषा युगा ४
 तमीं हिन्वन्ति धीतयो दश त्रिंशो देवं मर्तास ऊतये हवामहे ।
 धनोरधि प्रवत आ स ऋणव त्यभिव्रजद्विर्वयुना नवाधित ५
 त्वं ह्यग्ने दिव्यस्य राजसि त्वं पार्थिवस्य पशपा इव त्मना ।
 एनीं त एते बृहती अभिश्रिया हिरण्ययी वक्वरी बर्हिरीशाते ६
 अग्ने जुषस्व प्रति हर्य तद् वचो मन्द्र स्वधाव ऋतजात सुक्रतो ।
 यो विश्वतः प्रत्यङ्ङसि दर्शतो ऋणवः संदृष्टौ पितुमाँ इव क्षयः ७

(२४) चतुर्विंशं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । अग्निर्देवता । (१-४)

प्रथमादिचतुर्ऋचां जगती (५) पञ्चम्याश्च त्रिष्टुप् छन्दसी
 तं पृच्छता स जंगामा स वेद स चिकित्वाँ ईयते सा न्वीयते ।
 तस्मिन् त्सन्ति प्रशिषस्तस्मिन्निष्टयः स वाजस्य शर्वसः शष्मिणस्पतिः १
 तमित् पृच्छन्ति न सिमो वि पृच्छति स्वेनैव धीरो मनसा यदग्रभीत् ।
 न मृष्यते प्रथमं नापरं वचो ऽस्य क्रत्वा सचते अप्रदृपितः २
 तमिद् गच्छन्ति जुह्वस्तमर्वती विश्वान्येकः शृणवद् वचांसि मे ।
 पुरुषैषस्ततुरिर्यज्ञसाधनो ऽच्छिद्रोतिः शिशरादत्त सं रभः ३
 उपस्थाय चरति यत् समारत सद्यो जातस्तत्सार युज्येभिः ।
 अभि श्रान्तं मृशते नान्द्ये मुदे यदीं गच्छन्त्युशतीरपिष्ठितम् ४
 स ई मृगो अप्यौ वनर्गुरुप त्वच्युपमस्यां नि धायि ।
 व्यब्रवीद् वयुना मत्येभ्यो ऽग्निर्विद्वाँ ऋतचिद्धि सत्यः ५

(२५) पञ्चविंशं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । अग्निर्देवता । त्रिष्टुप् छन्दः
 त्रिमूर्धानं सप्तर्शिमं गृणीषे ऽनूनमग्निं इंपत्रोरुपस्थे ।
 निषत्तमस्य चरतो ध्रुवस्य विश्वा दिवो रौचनापप्रिवांसम् १
 उक्ता महां अभि ववक्ष एने अजरस्तस्थावितऊतिर्ऋष्वः ।
 उर्व्याः पदो नि दधाति सानौ रिहन्त्यूधौ अरुषासौ अस्य २
 समानं वत्समभि संचरन्ती विष्वग्धेनू वि चरतः सुमेके ।
 अनपवृज्याँ अध्वनो मिमाने विश्वान् केताँ अधि महो दधाने ३

धीरांसः पदं कवयो नयन्ति नाना हृदा रक्षमाणा अजुर्यम् ।
 सिषासन्तः पर्यपश्यन्त सिन्धु माविरेभ्यो अभवत् सूर्यो नृन् ४
 दिदृक्षेण्यः परि काष्ठासु जेन्य ईळैन्यो महो अर्भाय जीवसे ।
 पुरुत्रा यदभवत् सूरहैभ्यो गर्भैभ्यो मघवा विश्वदर्शतः ५

(२६) षड्विंशं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । अग्निर्देवता । त्रिष्टुप् छन्दः
 कथा ते अग्ने शचर्यन्त आयो ददाशुर्वाजैभिराशुषाणाः ।
 उभे यत् तोके तनये दधाना ऋतस्य सामन् रणर्यन्त देवाः १
 बोधा मे अस्य वचसो यविष्ठ मंहिष्ठस्य प्रभृतस्य स्वधावः ।
 पीर्यति त्वो अनु त्वो गृणाति वन्दारुस्ते तन्व वन्दे अग्ने २
 ये पायवो मामतेयं ते अग्ने पश्यन्तो अन्धं दुरितादरक्षन् ।
 ररक्ष तान् त्सुकृतौ विश्ववेदा दिप्सन्त इद् रिपवो नाहं देभुः ३
 यो नो अग्ने अररिवाँ अघायु ररातीवा मर्चयति द्वयेन ।
 मन्त्रो गुरुः पुनरस्तु सो अस्मा अनु मृक्षीष्ट तन्व दुरुक्तैः ४
 उत वा यः सहस्य प्रविद्वान् मर्तो मर्तं मर्चयति द्वयेन ।
 अतः पाहि स्तवमान स्तुवन्त मग्ने मार्किर्नो दुरिताय धायीः ५

(२७) सप्तविंशं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । अग्निर्देवता । त्रिष्टुप् छन्दः
 मथीद् यदीं विष्टो मातरिश्वा होतारं विश्वाप्सु विश्वदैव्यम् ।
 नि यं दधुर्मनुष्यासु विक्षु स्वर्णं चित्रं वपुषे विभार्वम् १
 ददानमिन्न ददभन्त मन्मा ग्निर्वरू थं मम् तस्य चाकन् ।
 जुषन्त विश्वान्यस्य कर्मो पस्तुतिं भरमाणस्य कारोः २
 नित्यै चिन्नु यं सदेने जगृभ्रे प्रशस्तिभिर्दधिरे यज्ञियांसः ।
 प्र सू नयन्त गृभर्यन्त इष्टा वश्वांसो न रथ्यो रारहाणाः ३
 पुरुणि दस्मो नि रिणाति जम्भै राद् रोचते वन् आ विभावा ।
 आदस्य वातो अनु वाति शोचि रस्तुर्न शर्यामसनामनु हून् ४
 न यं रिपवो न रिषयवो गर्भे सन्त रेषणा रेषयन्ति ।
 अन्धा अपश्या न दभन्नभिख्या नित्यास ई प्रेतारो अरक्षन् ५

(२८) अष्टाविंशं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । अग्निर्देवता ।

विराट् छन्दः

म॒हः स रा॒य ए॒षते॒ पति॑र्द॒न्निन॒ इ॒नस्य॒ वसु॑नः प॒द आ॑ ।
 उ॒प ध्रज॑न्त॒मद्र॑यो वि॒धन्नित् १
 स यो वृ॒षा न॒रां न रोद॑स्योः श्रवो॑भिरस्ति जी॒वपी॑तसर्गः ।
 प्र यः सं॒स्त्राणः॑ शि॒श्रीत॑ योनौ २
 आ यः पु॒रं ना॒र्मिणी॑मदी॒दे दत्यः॑ क॒विर्न॒भन्यो॑र्न॒ नावा॑ ।
 स॒ूरो न रु॒क्वाञ्छ॑तात्मा ३
 अ॒भि द्वि॒जन्मा॒ त्री रौच॑नानि वि॒श्वा रजा॑सि शु॒शुचा॑नो अ॒स्थात् ।
 होता॒ यजि॑ष्ठो अ॒पां स॒धस्थै॑ ४
 अ॒यं स होता॒ यो द्वि॒जन्मा॒ विश्वा॑ द॒धे वा॒र्याणि॑ श्रव॒स्या ।
 म॒तो यो अ॒स्मै सु॒तुको॑ द॒दाश॑ ५

(२९) एकोनत्रिंशं सूक्तम्

(१-३) तृचस्यास्य सूक्तस्यौचथ्यो दीर्घतमा ऋषिः । अग्निर्देवता । उष्णिक् छन्दः
 पु॒रु त्वा॑ दा॒श्वान् वौचे॑ ऽरि॒रग्ने॑ तव॒ स्वि॒दा । तो॒दस्यै॑व श॒रण आ॑ म॒हस्य॑ १
 व्य॒निन॑स्य॒ धनि॑नः प्र॒होषे॑ चि॒दर॑रुषः । क॒दा च॒न प्र॒जिग॑तो अ॒दे॒वयोः॑ २
 स च॒न्द्रो वि॑प्र॒ मर्त्यो॑ म॒हो ब्रा॑ध॒न्तमो॑ दि॒वि । प्र॒प्रेत् तै॑ अ॒ग्ने व॒नुषः॑ स्याम ३

(३०) त्रिंशं सूक्तम्

(१-६) नवर्चस्यास्य सूक्तस्यौचथ्यो दीर्घतमा ऋषिः । (१) प्रथमर्चो मित्रः (२-

६) द्वितीयाद्यष्टानाञ्च मित्रावरुणौ देवताः । जगती छन्दः

मि॒त्रं न यं शि॒म्या गो॑षु ग॒व्यवः॑ स्वा॒ध्यो वि॒दथै॑ अ॒प्सु जी॒र्जन॑न् ।
 अ॒रैजे॑तां रोद॑सी पा॒र्जसा॑ गि॒रा प्र॒ति प्रि॒यं य॒जतं॑ ज॒नुषा॑मवः १
 यद्ध॒ त्यद् वा॑ पु॒रुमी॑हळस्य॒ सोमि॑नः प्र मि॒त्रासो॑ न द॒धिरे॑ स्वा॒भुवः॑ ।
 अ॒ध क्र॑तुं वि॒दतं॑ गा॒तुम॑र्चत उ॒त श्रु॑तं वृषणा प॒स्त्या॑वतः २
 आ वा॑ भूषन् क्षि॒तयो॑ जन्म॒ रोद॑स्योः प्र॒वाच्यं॑ वृषणा दक्ष॑से म॒हे ।
 यदी॑मृ॒ताय॑ भर॑थो यदव॑ते प्र हो॒त्र्या शि॒म्या वी॑थो अ॒ध्वर॑म् ३
 प्र सा॑ क्षि॒तिर॑सुर या म॒हि प्रि॒य ऋ॒तावा॑नावृ॒तमा॑ घौष॑थो बृ॒हत् ।

यु॒वं दि॒वो बृ॒हतो दक्ष॑मा॒भुव॑ं गां न धु॒र्युप॑ यु॒ञ्जाथे॑ अ॒पः ४
 म॒ही अ॒त्र म॒हिना॑ वार॑मृ॒णव॑थो ऽरे॒णव॑स्तु॒ज आ स॒धन् धे॒नवः॑ ।
 स्वर॑न्ति॒ ता उ॑पर॒ताति॑ सूर्य॒ मा नि॒मृच॑ उ॒षस॑स्तक्व॒वीरि॑व ५
 आ वा॑मृ॒ताय॑ के॒शिनी॑रनूष॒तु मि॒त्र य॒त्र वरु॑ण गा॒तुम॑र्चथः ।
 अव॒ त्मना॑ सृ॒जत॑ इ॒पन्व॑तं धियो॒ युवं वि॒प्रस्य॑ मन्म॑नामिरज्यथः ६
 यो वा॑ यु॒ज्ञैः श॑शमा॒नो ह॒ दाश॑ति॒ क॒विर्हो॑ता यज॑ति मन्म॑साध॒नः ।
 उपा॑ह॒ तं गच्छ॑थो वी॒थो अ॒ध्वर॑ म॒च्छा गि॒रः सु॒म॒तिं ग॑न्तमस्म॒यू ७
 यु॒वां यु॒ज्ञैः प्र॑थ॒मा गो॑भिरञ्ज॒तु ऋ॒तावा॑ना॒ मन॑सो न प्रयु॑क्तिषु ।
 भ॑र॒न्ति वा॑ मन्म॑ना स॒न्यता॑ गि॒रो ऽदृ॑प्य॒ता मन॑सा रे॒वदा॑शाथे ८
 रे॒वद् वयो॑ दधाथे रे॒वदा॑शाथे नरा॑ मा॒याभि॑रि॒तऊ॑ति॒ माहि॑नम् ।
 न वा॑ द्या॒वोऽह॑भि॒र्नोत॑ सि॒न्धवो॑ न दै॒वत्वं पु॒ण्यो॑ नान॑शु॒र्मघ॑म् ९

(३१) एकत्रिंशं सूक्तम्

(१-७) सप्तर्चस्यास्य सूक्तस्यौचथ्यो दीर्घतमा ऋषिः । मित्रावरुणौ देवते ।

त्रिष्टुप् छन्दः

यु॒वं वस्त्रा॑णि पी॒वसा॑ व॒साथे॑ यु॒वोरच्छि॑द्रा मन्त॑वो ह॒ सर्गाः॑ ।
 अ॒वाति॑रत॒मनृ॑तानि॒ विश्व॑ ऋ॒तेर्न॑ मि॒त्रावरु॑णा स॒चेथे॑ १
 ए॒तच्च॒न त्वो॑ वि चि॒केत॑दे॒षां स॒त्यो मन्त्रः॑ क॒विश॑स्त ऋ॒धावान् ।
 त्रि॒रश्रि॑ ह॒न्ति च॑तु॒रश्रि॑रु॒ग्रो दै॒वनि॑दो ह॒ प्रथ॑मा अ॒जूर्य॑न् २
 अ॒पादै॑ति प्र॒थमा॑ पु॒द्वती॑नां कस्तद् वा॑ मि॒त्रावरु॑णा चि॒केत॑ ।
 ग॒र्भो भ्रा॑रं भ॒रत्या॑ चि॒दस्य॑ ऋ॒तं पि॒प॒त्यनृ॑तं नि ता॑रीत् ३
 प्र॒यन्त॑मित् परि॑ जा॒रं क॒नीनां॑ प॒श्याम॑सि॒ नोप॑निपद्य॒मानम् ।
 अ॒न॒वपृ॑ग्णा॒ वित॑ता॒ वसा॑नं प्रि॒यं मि॒त्रस्य॑ वरु॒णस्य॑ धाम् ४
 अ॒न॒श्चो जा॑तो अ॒नभी॑शु॒र्वा क॑नि॒क्रद॑त् प॒तय॑दूर्ध्वसा॒नुः ।
 अ॒चित्तं॑ ब्र॒ह्म जु॑जुषु॒र्यवान्॑ प्र मि॒त्रे धाम्॑ वरु॒णे गृ॑णन्तः ५
 आ धे॒नवो॑ मा॒मते॑यमव॑न्ती ब्र॒ह्मप्रि॑यं पी॒पय॑न् त्सस्मि॒न्नूध॑न् ।
 पि॒त्वो भि॑क्षे॒त व॒युना॑नि वि॒द्वा ना॒सावि॑वा॒सन्न॑दि॒तिमु॑रुष्येत् ६
 आ वा॑ मि॒त्रावरु॑णा ह॒व्यजु॑ष्टिं नम॑सा दे॒वाव॑वसा॒ ववृ॑त्याम् ।
 अ॒स्माकं॑ ब्र॒ह्म पृ॑त॒नासु॑ स॒ह्या अ॒स्माकं॑ वृ॒ष्टिर्दि॒व्या सु॑पा॒रा ७

(३२) द्वात्रिंशं सूक्तम्

(१-४) चतुर्ऋचस्यास्य सूक्तस्यौचथ्यो दीर्घतमा ऋषिः । मित्रावरुणौ देवते ।

त्रिष्टुप् छन्दः

यजामहे वां मुहः सजोषां हव्येभिर्मित्रावरुणा नमोभिः ।
 घृतैर्घृतसू अघ्र यद् वामस्मे अघ्वर्यवो न धीतिभिर्भरन्ति १
 प्रस्तुतिर्वा धाम न प्रयुक्ति रयामि मित्रावरुणा सुवृक्तिः ।
 अनक्ति यद् वां विदथेषु होता सुम्रं वां सूरिर्वृषणाविर्यक्षन् २
 पीपाय धेनुरदितिर्ऋताय जनाय मित्रावरुणा हविर्दे ।
 हिनोति यद् वां विदथे सपर्यन् त्स रातहव्यो मानुषो न होता ३
 उत वां विक्षु मद्यास्वन्धो गाव आपश्च पीपयन्त देवीः ।
 उतो नो अस्य पूर्व्यः पतिर्दन् वीतं पातं पर्यस उस्त्रियायाः ४

(३३) त्रयस्त्रिंशं सूक्तम्

(१-६) षडृचस्यास्य सूक्तस्यौचथ्यो दीर्घतमा ऋषिः । विष्णुर्देवता ।

त्रिष्टुप् छन्दः

विष्णोर्नु कं वीर्याणि प्र वौचं यः पार्थिवानि विममे रजांसि ।
 यो अस्कभायदुत्तरं सधस्थं विचक्रमाणस्त्रेधोरुगायः १
 प्र तद् विष्णुः स्तवते वीर्येण मृगो न भीमः कुचरो गिरिष्ठाः ।
 यस्योरुषु त्रिषु विक्रमणे ष्वधिक्षियन्ति भुवनानि विश्वा २
 प्र विष्णावे शूषमेतु मन्म गिरिक्षित उरुगायाय वृष्णे ।
 य इदं दीर्घं प्रयतं सधस्थ मेकौ विममे त्रिभिरित् पदेभिः ३
 यस्य त्री पूर्णा मधुना पदा न्यक्षीयमाणा स्वधया मदन्ति ।
 य उ त्रिधातु पृथिवीमुत द्या मेकौ दाधार भुवनानि विश्वा ४
 तदस्य प्रियमभि पार्थो अश्यां नरो यत्र देवयवो मदन्ति ।
 उरुक्रमस्य स हि बन्धुरित्था विष्णोः पदे परमे मध्व उत्सः ५
 ता वां वास्तून्नुश्मसि गर्मध्ये यत्र गावो भूरिशृङ्गा अयासः ।
 अत्राह तदुरुगायस्य वृष्णः परमं पदमव भाति भूरि ६

(३४) चतुस्त्रिंशं सूक्तम्

(१-६) षडृचस्यास्य सूक्तस्यौचथ्यो दीर्घतमा ऋषिः । (१-३)

प्रथमतृचस्येन्द्राविष्णू (४-६) द्वितीयतृचस्य च विष्णुर्देवताः । जगती छन्दः

प्र वः पान्तमन्धसो धियायते महे शूराय विष्णावे चार्चत ।
 या सानुनि पर्वतानामदाभ्या महस्तस्थतुरवतेव साधुना १
 त्वेषमित्था समरं शिमीवतो रिन्द्राविष्णू सुतपा वामुरुष्यति ।
 या मर्त्याय प्रतिधीयमानमित् कृशानोरस्तुरसनामुरुष्यथः २
 ता ई वर्धन्ति मह्यस्य पौंस्यं नि मातरा नयति रेतसे भुजे ।
 दधाति पुत्रोऽवरं परं पितुर्नाम तृतीयमधि रोचने दिवः ३
 तत्तदितदिदस्य पौंस्यं गृणीमसी नस्य त्रातुरवृकस्य मीळहृषः ।
 यः पार्थिवानि त्रिभिरिदं विर्गामभि रुरु क्रमिष्टोरुगायाय जीवसे ४
 द्वे इदस्य क्रमणे स्वर्दृशौ ऽभिरव्यायु मर्त्यो भुरणयति ।
 तृतीयमस्य नकिरा दधर्षति वयश्चन पतयन्तः पतत्रिणः ५
 चतुर्भिः साकं नवतिं च नामभिश्चक्रं न वृत्तं व्यतीरवीविपत् ।
 बृहच्छरीरो विमिमान् ऋक्वभि र्युवाकुमारः प्रत्येत्याहुवम् ६

(३५) पञ्चत्रिंशं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । विष्णुर्देवता ।

जगती छन्दः

भवा मित्रो न शेव्यो घृतासुति विभूतद्युम्न एवया उ सप्रथाः ।
 अधा ते विष्णो विदुषा चिदध्यः स्तोमो यज्ञश्च राध्यो हविष्मता १
 यः पूर्याय वेधसे नवीयसे सुमज्जानये विष्णावे ददाशति ।
 यो जातमस्य महतो महि ब्रवत् सेदु श्रवोभिर्युज्यं चिदभ्यसत् २
 तमु स्तोतारः पूर्व्यं यथा विद ऋतस्य गर्भं जनुषा पिपर्तन ।
 आस्यं जानन्तो नाम चिद् विवक्तन महस्तै विष्णो सुमतिं भजामहे ३
 तमस्य राजा वरुणस्तमश्विना क्रतुं सचन्त मारुतस्य वेधसः ।
 दाधार दक्षमुत्तममहर्विदं वृजं च विष्णुः सखिवाँ अपोर्णते ४
 आ यो विवायं सचथाय दैव्य इन्द्राय विष्णुः सुकृतै सुकृत्तरः ।
 वेधा अजिन्वत् त्रिषधस्थ आर्य मृतस्य भागे यजमानमाभजत् ५

(३६) षट्त्रिंशं सूक्तम्

(१-६) षड्वचस्यास्य सूक्तस्यौचथ्यो दीर्घतमा ऋषिः । अश्विनौ देवते । (१-४)

प्रथमादिचतुर्त्रिंशं जगती (५-६) पञ्चमीषष्ठ्योश्च त्रिष्टुप् छन्दसी

अबोध्याग्निर्ज्म उदैति सूर्यो व्युषाश्चन्द्रा मह्यावो अर्चिषा ।
 आयुक्षातामश्विना यातवे रथं प्रासावीद् देवः सविता जगत् पृथक् १
 यद् युञ्जाथे वृषणमश्विना रथं घृतेन नो मधुना क्षत्रमुक्षतम् ।
 अस्माकं ब्रह्म पृतनासु जिन्वतं वयं धना शूरसाता भजेमहि २
 अर्वाङ् त्रिचक्रो मधुवाहनो रथो जीराश्वो अश्विनोर्यातु सुष्टुतः ।
 त्रिवन्धुरो मधवा विश्वसौभगः शं न आ वक्षद् द्विपदे चतुष्पदे ३
 आ न ऊर्जं वहतमश्विना युवं मधुमत्या नः कशया मिमिक्षतम् ।
 प्रायुस्तारिष्टुं नी रपांसि मृक्षतं सेधतं द्वेषो भवतं सचाभुवा ४
 युवं ह गर्भं जगतीषु धत्थो युवं विश्वेषु भुवनेष्वतः ।
 युवमग्निं च वृषणावपश्च वनस्पतीरश्विनावैरयेथाम् ५
 युवं ह स्थो भिषजा भेषजेभि रथौ ह स्थो रथ्याः राथ्यैभिः ।
 अथौ ह क्षत्रमधि धत्थ उग्रा यो वा हविष्मान् मनसा ददाश ६

तृतीयोऽध्यायः ३

व० १-२६

(३७) सप्तत्रिंशं सूक्तम्

(१-६) षडृचस्यास्य सूक्तस्यौचथ्यो दीर्घतमा ऋषिः । अश्विनौ देवते । (१-५)

प्रथमादिपञ्चर्चा त्रिष्टुप् (६) षष्ठ्याश्चानुष्टुप् छन्दसी

वसू रुद्रा पुरुमन्तू वृधन्ता दशस्यतं नो वृषणावभिष्टौ ।
 दस्त्रा ह यद् रेक्णं औचथ्यो वां प्र यत् सस्त्राथे अर्कवाभिरूती १
 को वा दाशत् सुमतयै चिदस्यै वसू यद् धेथे नमसा पदे गौः ।
 जिगृतमस्मे रेवतीः पुरंधीः कामप्रेणैव मनसा चरन्ता २
 युक्तो ह यद् वा तौग्रचार्य पेरुर्वि मध्ये अर्णसो धार्यि पृजः ।
 उपे वामवः शरणं गमेयं शूरो नाज्म पतर्यद्विरेवैः ३
 उपस्तुतिरौचथ्यमुरुष्ये न्मा मामिमे पतत्रिणी वि दुग्धाम् ।
 मा मामेधो दशतयश्चितो धाक् प्र यद् वा बद्धस्त्वमनि खादति क्षाम् ४
 न मा गरन् नद्यौ मातृतमा दासा यदीं सुसमुब्धमवाधुः ।
 शिरो यदस्य त्रैतनो वितक्षत् स्वयं दास उरो अंसावपि गध ५
 दीर्घतमा मामतेयो जुजुवान् दशमे युगे ।
 अपामर्थं युतीनां ब्रह्मा भवति सारथिः ६

(३८) अष्टात्रिंशं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । द्यावापृथिव्यौ देवते ।

जगती छन्दः

प्र द्यावा यज्ञैः पृथिवी ऋतावृधा मही स्तुषे विदथेषु प्रचैतसा ।
 देवेभिर्ये देवपुत्रे सुदंससे त्वा धिया वार्याणि प्रभूषतः १
 उत मन्ये पितुरद्रुहो मनो मातुर्महि स्वतवस्तद्धवीमभिः ।
 सुरेतसा पितरा भूम चक्रतुरु प्रजाया अमृतं वरीमभिः २
 ते सूनवः स्वपसः सुदंससो मही जज्ञुर्मातरा पूर्वचित्तये ।
 स्थातुश्च सत्यं जगतश्च धर्मणि पुत्रस्य पाथः पदमद्वयाविनः ३
 ते मायिनो ममिरे सुप्रचैतसो जामी सयौनी मिथुना समौकसा ।
 नव्यनव्यं तन्तुमा तन्वते दिवि समुद्रे अन्तः कवयः सुदीतयः ४
 तद् राधो अद्य सवितुर्वरेण्यं वयं देवस्य प्रसवे मनामहे ।
 अस्मभ्यं द्यावापृथिवी सुचेतुना रयिं धत्तं वसुमन्तं शतग्विनम् ५

(३९) एकोनचत्वारिंशं सूक्तम्

(१-५) पञ्चर्चस्यास्य सूक्तस्यौचथ्यो दीर्घतमा ऋषिः । द्यावापृथिव्यौ देवते ।

जगती छन्दः

ते हि द्यावापृथिवी विश्वशंभुव ऋतावरी रजसो धारयत्कवी ।
 सुजन्मनी धिषणै अन्तरीयते देवो देवी धर्मणा सूर्यः शुचिः १
 उरुव्यचसा महिनी असश्चता पिता माता च भुवनानि रक्षतः ।
 सुधृष्टमे वपुष्ये न रोदसी पिता यत् सीमभि रूपैरवासयत् २
 स वह्निः पुत्रः पित्रोः पवित्रवान् पुनाति धीरो भुवनानि मायया ।
 धेनुं च पृश्निं वृषभं सुरेतसं विश्वाहा शुक्रं पयो अस्य दुक्षत ३
 अयं देवानामपसामपस्तमो यो जजान रोदसी विश्वशंभुवा ।
 वि यो ममे रजसी सुक्रतूयया ऽजरैभि स्कम्भनेभिः समानृचे ४
 ते नो गृणाने महिनी महि श्रवः क्षत्रं द्यावापृथिवी धासथो बृहत् ।
 येनाभि कृष्टीस्ततनाम विश्वहा पुनाय्यमोजौ अस्मे समिन्वतम् ५

(४०) चत्वारिंशं सूक्तम्

(१-१४) चतुर्दशर्चस्यास्य सूक्तस्यौचथ्यो दीर्घतमा ऋषिः । ऋभवो देवताः ।

(१-१३) प्रथमादित्रयोदशर्चा जगती (१४) चतुर्दश्याश्च त्रिष्टुप् छन्दसी
 किमु श्रेष्ठः किं यविष्ठो न आजगन् किमीयते दूत्यं कद् यदूचिम ।
 न निन्दिम चमसं यो महाकुलो ऽग्रे भ्रातृर्दृण इद् भूतिर्मूदिम १
 एकं चमसं चतुरः कृणोतन् तद् वो देवा अब्रुवन् तद् व आगमम् ।
 सौधन्वना यद्येवा करिष्यथ साकं देवैर्यज्ञियासो भविष्यथ २
 अग्निं दूतं प्रति यदब्रवीतनाश्चः कर्त्वो रथ उतेह कर्त्वः ।
 धेनुः कर्त्वा युवशा कर्त्वा द्वा तानि भ्रातरन् वः कृत्व्येमसि ३
 चकृवांसं ऋभवस्तदपृच्छत् क्वेदभूद् यः स्य दूतो न आजगन् ।
 यदावाख्यञ्चमसाञ्चतुरः कृता नादित् त्वष्टा ग्रास्वन्तन्यानजे ४
 हनामैनाँ इति त्वष्टा यदब्रवी चमसं ये देवपानमनिन्दिषुः ।
 अन्या नामानि कृणवते सुते सचाँ अन्यैरेनान् कन्याइ नामभि स्पर्त् ५
 इन्द्रो हरी युयुजे अश्विना रथं बृहस्पतिर्विश्वरूपामुर्पाजत ।
 ऋभुर्विभ्वा वाजो देवाँ अगच्छत् स्वपसो यज्ञियं भागमैतन ६
 निश्चर्मणो गामरिणीत धीतिभि र्या जरन्ता युवशा ताकृणोतन ।
 सौधन्वना अश्वादश्चमतक्षत युक्त्वा रथमुप देवाँ अयातन ७
 इदमुदकं पिबतेत्यब्रवीतने दं वा घा पिबता मुञ्जनेजनम् ।
 सौधन्वना यदि तन्नेव हर्यथ तृतीयै घा सर्वने मादयाध्वै ८
 आपो भूयिष्ठा इत्येको अब्रवी दग्निर्भूयिष्ठ इत्यन्यो अब्रवीत् ।
 वधर्यन्ती बहुभ्यः प्रैको अब्रवी दृता वदन्तश्चमसाँ अपिंशत ९
 श्रोणामेक उदकं गामवाजति मांसमेकः पिंशति सूनयाभृतम् ।
 आ निमुचः शकृदेको अपाभरत् किं स्वित् पुत्रेभ्यः पितरा उपावतुः १०
 उद्वत्स्वस्मा अकृणोतना तृणं निवत्स्वपः स्वपस्यया नरः ।
 अगौह्यस्य यदसस्तना गृहे तदद्येदमृभवो नानु गच्छथ ११
 संमील्य यद् भुवना पर्यसर्पत् क्वं स्वित् तात्या पितरा व आसतुः ।
 अशपत् यः करस्त्रं व आददे यः प्राब्रवीत् प्रो तस्मा अब्रवीतन १२
 सुषुप्वांसं ऋभवस्तदपृच्छता गौह्य क इदं नो अब्रूबुधत् ।
 श्वानं ब्रस्तो बौधयितारमब्रवीत् संवत्सर इदमुद्या व्यख्यत १३
 दिवा यान्ति मरुतो भूम्याग्नि रयं वातो अन्तरिक्षेण याति ।
 अद्भिर्याति वरुणः समुद्रे र्युष्माँ इच्छन्तः शवसो नपातः १४

(४१) एकचत्वारिंशं सूक्तम्

(१-२२) द्वाविंशत्यृचस्यास्य सूक्तस्यौचथ्यो दीर्घतमा ऋषिः । अश्वो देवता ।

(१-२, ४-५, ७-२२) प्रथमाद्वितीययोश्चतुर्थीपञ्चम्योस्सप्तम्यादिषोडशर्चाञ्च त्रिष्टुप्

(३, ६) तृतीयाषष्ठयोश्च जगती छन्दसी

मा नो मित्रो वरुणो अर्यमायु रिन्द्र ऋभुक्षा मरुतः परि ख्यन् ।
यद् वाजिनो देवजातस्य सप्तैः प्रवक्ष्यामो विदथै वीर्याणि १
यन्निर्णिजा रेक्कासा प्रावृतस्य रातिं गृभीतां मुखतो नयन्ति ।
सुप्राङ्जो मेम्यद् विश्वरूप इन्द्रापूष्णोः प्रियमप्येति पार्थः २
एष च्छागः पुरो अश्वेन वाजिना पूष्णो भागो नीयते विश्वदैव्यः ।
अभिप्रियं यत् पुरोळाशमर्वता त्वष्टेदेनं सौश्रवसाय जिन्वति ३
यद्धविष्यमृतुशो देवयानं त्रिर्मानुषाः पर्यश्वं नयन्ति ।
अत्रा पूष्णः प्रथमो भाग एति यज्ञं देवेभ्यः प्रतिवेदयन्नजः ४
होताध्वर्युरावया अग्निमिन्धो ग्रावग्राभ उत शंस्ता सुविप्रः ।
तेन यज्ञेन स्वरंकृतेन स्विष्टेन वक्षणा आ पूणध्वम् ५
यूपवस्का उत ये यूपवाहा श्रृषालं ये अश्वयूपाय तक्षति ।
ये चार्वते पचनं संभरन्त्युतो तेषामभिगूर्तिर्न इन्वतु ६
उप प्रागात् सुमन्मैऽधायि मन्म देवानामाशा उप वीतपृष्ठः ।
अन्वेनं विप्रा ऋषयो मदन्ति देवानां पुष्टे चकृमा सुबन्धुम् ७
यद् वाजिनो दामं सदानमर्वतो या शीर्षगया रशना रजुरस्य ।
यद् वा घास्य प्रभृतमास्येऽर्तृणं सर्वा ता ते अपि देवेष्वस्तु ८
यदश्वस्य क्रविषो मक्षिकाश यद् वा स्वरौ स्वधितौ रिप्तमस्ति ।
यद्धस्तयोः शमितुर्यन्नखेषु सर्वा ता ते अपि देवेष्वस्तु ९
यदूर्ध्वमुदरस्यापवाति य आमस्य क्रविषो गुन्धो अस्ति ।
सुकृता तच्छमितारः कृण्वन्तु त मेधं शृतपाकं पचन्तु १०
यत् ते गात्रादग्निना पच्यमाना दधि शूलं निहतस्यावधारति ।
मा तद् भूम्यामा श्रिषन्मा तृणेषु देवेभ्यस्तदुशङ्घौ रातमस्तु ११
ये वाजिनं परिपश्यन्ति पक्वं य ईमाहुः सुरभिर्निहरेति ।
ये चार्वतो मांसभिन्नामुपासत उतो तेषामभिगूर्तिर्न इन्वतु १२
यन्नीक्ष्णं मांसपचन्या उखाया या पात्राणि यूष्ण आसेचनानि ।
ऊष्मण्यापिधाना चरूणा मुङ्गाः सूनाः परि भूषन्त्यश्वम् १३

नि॒क्रम॑णं नि॒षद॑नं वि॒वर्त॑नं यच्च प॒ड्बी॑शमर्वतः ।
 यच्च॑ प॒पौ यच्च॑ घासिं ज॒घास॑ सर्वा ता ते अपि॑ दे॒वेष्व॑स्तु १४
 मा त्वाग्नि॑ध्व॒नयी॑द् धू॒मग॑न्धि॒मोखा॑ भ्राज॒न्त्यभि॑ वि॒क्त ज॑घ्निः ।
 इष्टं॑ वी॒तम॑भि॒गूर्तुं॑ वर्ष॒ट्कृतं॑ तं दे॒वासः॑ प्रति॑ गृ॒भ्णान्त्य॑श्वम् १५
 यदश्वा॑य॒ वासं॑ उ॒पस्तृ॑ण॒न्त्यधी॑वा॒सं या॑ हि॒र॒ण्या॒न्यस्मै॑ ।
 सं॒दान॑मर्वन्तुं प॒ड्बी॑शं प्रि॒या दे॒वेष्वा॑ यामयन्ति १६
 यत् ते॑ स॒दे म॑ह॒सा शू॑क॒तस्य॑ पा॒ष्या वा॑ क॒श्या वा॑ तु॒तोद॑ ।
 सु॒चेव॑ ता ह॒विषो॑ अ॒ध्वरेषु॑ सर्वा ता ते ब्र॒ह्म॒णा सू॑दयामि १७
 चतु॑स्त्रिंशद् वा॒जिनो॑ दे॒वब॑न्धो॒र्वङ्की॑र॒श्वस्य॑ स्व॒धितिः॑ समैति ।
 अ॒च्छि॑द्रा गात्रा व॒युना॑ कृ॒णोत॑ प॒रुष॑रु॒नुघु॑ष्या वि श॑स्त १८
 ए॒क॒स्त्वष्ट॑र॒श्वस्या॑ वि॒शस्ता॑ द्वा य॒न्तारा॑ भवत॒स्तथ॑ ऋ॒तुः ।
 या ते॑ गात्रा॒णामृ॑तु॒था कृ॑णोमि ता॒ता पि॑ण्डा॒नां प्र जु॑होम्य॒ग्नौ १९
 मा त्वा॑ तपत् प्रि॒य आ॒त्मापि॑यन्तुं मा स्व॒धिति॑स्त॒न्वश् आ॑ तिष्ठि॒पत् ते॑ ।
 मा ते॑ गृ॒धुर॑वि॒शस्ता॑ति॒हाय॑ छि॒द्रा गात्रा॑ण्य॒सिना॑ मिथू॒कः २०
 न वा उ॑ ए॒तन्मि॑यसे न रि॒ष्यसि॑ दे॒वाँ इ॒दैषि॑ प॒थिभिः॑ सु॒गेभिः॑ ।
 हरी॑ ते यु॒ञ्जा पृ॑षती अ॒भूता॑ मु॒पास्था॑द् वा॒जी धु॑रि रा॒सभ॑स्य २१
 सु॒गव्यं॑ नो वा॒जी स्व॑श्व॒यं पुंसः॑ पु॒त्राँ उ॒त वि॑श्वा॒पुषं॑ र॒यिम् ।
 अ॒नागा॑स्त्वं नो अ॒दितिः॑ कृ॒णोतु॑ क्ष॒त्रं नो॑ अ॒श्वो व॑नतां ह॒विष्मा॑न् २२

(४२) द्विचत्वारिंशं सूक्तम्

(१-१३) त्रयोदशर्चस्यास्य सूक्तस्यौचथ्यो दीर्घतमा ऋषिः । अश्वो देवता ।

त्रिष्टुप् छन्दः

यद॒क्रन्दः॑ प्र॒थमं॑ जा॒यमान॑ उ॒द्यन् त्स॑मु॒द्रादु॑त वा॒ पुरी॑षात् ।
 श्ये॒नस्य॑ प॒क्षा ह॑रि॒णस्य॑ बा॒हू उ॑प॒स्तुत्यं॑ म॒हि जा॑तं ते॒ अर्वन् १
 यमे॒न द॑त्तं त्रि॒त ए॒नमा॑यु॒न गि॒न्द्र ए॒णं प्र॑थ॒मो अ॒र्ध्यति॑ष्ठत् ।
 ग॒न्धर्वो॑ अ॒स्य र॑श॒नाम॑गृ॒भ्णात् सू॒राद॑श्वं व॒सवो॑ नि॒रत॑ष्ठ २
 अ॒सिं य॒मो अ॒स्यादि॑त्यो अ॒र्वन्न॑सि॒ त्रितो॑ गु॒ह्येन॑ वृ॒तेन॑ ।
 अ॒सि सो॒मैर्न॑ स॒मया॑ वि॒पृक्त॑ आ॒हुस्ते॑ त्रीणि॑ दि॒वि ब॑न्ध॒नानि॑ ३
 त्रीणि॑ त आ॒हुर्दिवि॑ बन्ध॒नानि॑ त्री॒ण्यप्सु॑ त्री॒ण्यन्तः॑ सं॒मुद्रे॑ ।
 उ॒तेर्व॑ मे॒ वरु॑णश्छन्त्स्य॒र्वन् यत्रा॑ त आ॒हुः प॑र॒मं ज॒नित्र॑म् ४

इमा ते वाजिन्नवमार्जनानी मा शफानां सनितुर्निधाना ।
 अत्रा ते भुद्रा रशना अपश्य मृतस्य या अभिरक्षन्ति गोपाः ५
 आत्मानं ते मनसारादजाना मवो दिवा पतर्यन्तं पतङ्गम् ।
 शिरौ अपश्यं पृथिभिः सुगेभि ररेणुभिर्जेहमानं पतत्रि ६
 अत्रा ते रूपमुत्तममपश्यं जिगीषमाणमिष आ पदे गोः ।
 यदा ते मर्तो अनु भोगमान् ळादिद् ग्रसिष्ठ ओषधीरजीगः ७
 अनु त्वा रथो अनु मर्यो अर्वन्ननु गावोऽनु भगः कनीनाम् ।
 अनु व्रातासस्तर्व सख्यमीयु रनु देवा ममिरे वीर्यं ते ८
 हिरण्यशृङ्गो ऽयौ अस्य पादा मनोजवा अर्वर इन्द्र आसीत् ।
 देवा इदस्य हविरद्यमायन् यो अर्वन्तं प्रथमो अध्यतिष्ठत् ९
 ईर्मानासः सिल्किमध्यमासः सं शूरणासो दिव्यासो अत्याः ।
 हंसा इव श्रेणिशो यतन्ते यदाक्षिषुर्दिव्यमज्ममश्वाः १०
 तव शरीरं पतयिष्ववर्वन् तव चित्तं वात इव धर्जीमान् ।
 तव शृङ्गाणि विष्टिता पुरुत्रा रण्येषु जर्भुराणा चरन्ति ११
 उप प्रागाच्छसनं वाज्यर्वा देवद्रीचा मनसा दीध्यानः ।
 अजः पुरो नीयते नाभिरस्या नु पश्चात् कवयो यन्ति रेभाः १२
 उप प्रागात् परमं यत् सधस्थ मवाँ अच्छा पितरं मातरं च ।
 अद्या देवाञ्जुष्टतमो हि गुम्या अथा शास्ते दाशुषे वार्याणि १३

(४३) त्रिचत्वारिंशं सूक्तम्

(१-५२) द्विपञ्चाशदृचस्यास्य सूक्तस्यौचध्यो दीर्घतमा ऋषिः । (१-४१)
 प्रथमाद्येकचत्वारिंशदृचां विश्वे देवाः (४२) द्विचत्वारिंश्याः पूर्वार्धस्य वाक्
 उत्तरार्धस्य चापः (४३) त्रिचत्वारिंश्याः पूर्वार्धस्य शकधूमः उत्तरार्धस्य च सोमः
 (४४) चतुश्चत्वारिंश्याः केशिनः (अग्निः सूर्यो वायुश्च) (४५) पञ्चचत्वारिंश्या
 वाक् (४६-४७) षट्चत्वारिंशीसप्तचत्वारिंश्योः सूर्यः (४८) अष्टचत्वारिंश्याः
 संवत्सरकालचक्रम् (४९) एकोनपञ्चाश्याः सरस्वती (५०) पञ्चाश्याः साध्याः ।
 (५१) एकपञ्चाश्याः सूर्यः पर्जन्याग्नी वा (५२) द्विपञ्चाश्याश्च सरस्वान् सूर्यो वा
 देवताः । (१-११, १३-१४, १६-२२, २४-२८, ३०-३५, ३७-४०, ४३-५०, ५२)
 प्रथमाद्येकादशर्चा त्रयोदशीचतुर्दश्योः षोडश्यादिसप्तानां चतुर्विंश्यादिपञ्चानां
 त्रिंश्यादिषण्णां सप्तत्रिंश्यादिचतसृणां त्रिचत्वारिंश्याद्यष्टानां द्विपञ्चाश्याश्च त्रिष्टुप्
 (१२, १५, २३, २६, ३६, ४१)

द्वादशीपञ्चदशीत्रयोविंशयेकोनत्रिंशीषट्त्रिंशयेकचत्वारिंशीनां जगती (४२)

द्विचत्वारिंश्याः प्रस्तारपङ्क्तिः (५१) एकपञ्चाश्याश्चानुष्टुप् छन्दांसि

अस्य वामस्य पलितस्य होतुस्तस्य भ्राता मध्यमो अस्त्यश्वः ।
 तृतीयो भ्राता घृतपृष्ठो अस्यात्रापश्यं विश्वपतिं सप्तपुत्रम् १
 सप्त युञ्जन्ति रथमेकचक्रमेको अश्वो वहति सप्तनामा ।
 त्रिनाभिं चक्रमजरमनर्वं यत्रेमा विश्वा भुवनाधि तस्थुः २
 इमं रथमधि ये सप्त तस्थुः सप्तचक्रं सप्त वहन्त्यश्वः ।
 सप्त स्वसारो अभि सं नवन्ते यत्र गवां निहिता सप्त नाम ३
 को ददर्श प्रथमं जायमानमस्थन्वन्तं यदनस्था बिभर्ति ।
 भूम्या असुरसृगात्मा क्व स्वित् को विद्वांसमुप गात् प्रष्टुमेतत् ४
 पार्कः पृच्छामि मनसाविजानन् देवानामेना निहिता पदानि ।
 वत्से बृष्कयेऽधि सप्त तन्तून् वि तत्रिरे कवय ओतुवा उ ५
 अचिकित्वाञ्चिकितुषश्चिदत्रे कवीन् पृच्छामि विघ्ने न विद्वान् ।
 वि यस्तस्तम्भ षळिमा रजा स्यजस्य रूपे किमपि स्विदेकम् ६
 इह ब्रवीतु य ईमङ्ग वेदास्य वामस्य निहितं पदं वेः ।
 शीर्ष्णः क्षीरं दुहते गावो अस्य वृत्रिं वसाना उदकं पदापुः ७
 माता पितरमृत आ बभाज धीत्यग्रे मनसा सं हि जग्मे ।
 सा बीभत्सुर्गर्भरसा निविद्धा नमस्वन्त इदुपवाकमीयुः ८
 युक्ता मातासीद् धुरि दक्षिणाया अतिष्ठद् गर्भो वृजनीष्वन्तः ।
 अमीमेद् वत्सो अनु गामपश्यद् विश्वरूप्यं त्रिषु योजनेषु ९
 तिस्रो मातृस्त्रीन् पितृन् बिभ्रदेक ऊर्ध्वस्तस्थौ नेमव ग्लापयन्ति ।
 मन्त्रयन्ते दिवो अमुष्यं पृष्ठे विश्वविदं वाचमविश्वमिन्वाम् १०
 द्वादशारं नहि तज्जरायुर्वर्ति चक्रं परि द्यामृतस्य ।
 आ पुत्रा अग्रे मिथुनासो अत्र सप्त शतानि विंशतिश्च तस्थुः ११
 पञ्चपादं पितरं द्वादशाकृतिं दिव आहुः परे अर्धे पुरीषिणम् ।
 अथेमे अन्य उपरे विचक्ष्णं सप्तचक्रे षळर आहुरपितम् १२
 पञ्चरि चक्रे परिवर्तमाने तस्मिन्ना तस्थुर्भुवनानि विश्वा ।
 तस्य नाक्षस्तप्यते भूरिभारः सनादेव न शीर्यते सनाभिः १३
 सनेमि चक्रमजरं वि वावृत उत्तानायां दश युक्ता वहन्ति ।
 सूर्यस्य चक्षू रजसैत्यावृतं तस्मिन्नार्पिता भुवनानि विश्वा १४

साकंजानां सप्तथमाहरेकजं षळिद् यमा ऋषयो देवजा इति ।
 तेषामिष्टानि विहितानि धामशः स्थात्रे रैजन्ते विकृतानि रूपशः १५
 स्त्रियः सतीस्ताँ उ मे पुंस आहुः पश्यदक्षगवान्न वि चैतदुन्धः ।
 कविर्यः पुत्रः स ईमा चिकेतु यस्ता जिनात् स पितुष्पितासत् १६
 अवः परेण पुर एनावरेण पदा वत्सं बिभ्रती गौरुदस्थात् ।
 सा कद्रीची कं स्विदर्धं परागात् क्वं स्वित् सूते नहि यूथे अन्तः १७
 अवः परेण पितरं यो अस्या नुवेदं पुर एनावरेण ।
 कवीयमानः क इह प्र वौचद् देवं मनः कुतो अधि प्रजातम् १८
 ये अर्वाञ्चस्ताँ उ पराच आहु र्ये पराञ्चस्ताँ उ अर्वाच आहुः ।
 इन्द्रश्च या चक्रथुः सोम तानि धुरा न युक्ता रजसो वहन्ति १९
 द्वा सुपर्णा सयुजा सखाया समानं वृक्षं परि षस्वजाते ।
 तयोरन्यः पिप्पलं स्वाद्व त्यनश्नन्नन्यो अभि चाकशीति २०
 यत्रा सुपर्णा अमृतस्य भाग मनिमेषं विदथाभिस्वरन्ति ।
 इनो विश्वस्य भुवनस्य गोपाः स मा धीरः पाकमत्रा विवेश २१
 यस्मिन् वृक्षे मध्वदः सुपर्णा निविशन्ते सुर्वते चाधि विश्वे ।
 तस्येदाहुः पिप्पलं स्वाद्वग्रे तन्नोन्नश्नद्यः पितरं न वेद २२
 यद् गायत्रे अधि गायत्रमाहितं त्रैष्टुभाद् वा त्रैष्टुभं निरतक्षत ।
 यद् वा जगज्जगत्याहितं पदं य इत् तद् विदुस्ते अमृतत्वमानशुः २३
 गायत्रेण प्रति मिमीते अर्क मर्केण साम त्रैष्टुभेन वाकम् ।
 वाकेन वाकं द्विपदा चतुष्पदा ऽक्षरेण मिमते सप्त वाणीः २४
 जगता सिन्धु दिव्यस्तभायद् रथन्तरे सूर्य पर्यपश्यत् ।
 गायत्रस्य समिधस्तिस्त्र आहु स्ततौ मुह्य प्र रिरिचे महित्वा २५
 उप ह्वये सुदुर्घा धेनुमेतां सुहस्तौ गोधुगुत दौहदेनाम् ।
 श्रेष्ठं सवं सविता साविषन्नो ऽभीद्धो घर्मस्तदु षु प्र वौचम् २६
 हिङ्गुणवती वसुपत्नी वसूनां वत्समिच्छन्ती मनसाभ्यागात् ।
 दुहामश्विभ्यां पयो अघ्नयेयं सा वर्धतां महते सौभगाय २७
 गौरमीमेदनु वत्सं मिषन्त मूर्धानं हिङ्ङकृणोन्मातुवा उ ।
 सृक्वाणं घर्ममभि वावशाना मिमाति मायुं पर्यते पयोभिः २८
 अयं स शिङ्क्ते येन गौरभीवृता मिमाति मायुं ध्वसनावधि श्रिता ।
 सा चित्तिभिर्नि हि चकार मर्त्यं विद्युद् भवन्ती प्रति वव्रिमौहत २९

अ॒न॒च्छये॑ तुरगा॑तु जी॒व मे॑जद् ध्रु॒वं म॒ध्य आ प॒स्त्या॑नाम् ।
 जी॒वो मृ॒तस्य॑ च॒रति॑ स्व॒धाभि॑ र॒म॒त्यो म॒त्येना॑ स॒यौनिः॑ ३०
 अ॒प॒श्यं गो॑पा॒मनि॑प॒द्यमा॑न् मा च॒ परा॑ च प॒थिभि॑श्चर॒न्तम् ।
 स स॒ध्रीचीः॑ स वि॒षूची॑र्वसा॒न् आ व॑रीव॒र्ति भु॑र्वनेष्व॒न्तः ३१
 य ई च॒कार॑ न सो अ॒स्य वे॑द् य ई द॒दर्श॑ हि॒रु॒गि॒न्नु तस्मा॑त् ।
 स मा॒तुर्यो॑ना॒ परि॑वीतो अ॒न्त ब॑हु॒प्रजा॑ नि॒र्ऋ॒ति॒मा वि॑वेश ३२
 द्यौर्मे पि॒ता ज॑नि॒ता ना॒भिर॑त्र ब॒न्धु॒र्मे मा॒ता पृ॑थि॒वी म॒हीय॑म् ।
 उ॒त्ता॒नयो॑श्च॒म्वो॒र्यो॒नि॒र॒न्त र॒त्रा पि॒ता दु॑हि॒तुर्ग॑र्भमाधात् ३३
 पृ॒च्छामि॑ त्वा प॒र॒म॒न्त पृ॑थि॒व्याः पृ॒च्छामि॑ यत्र भु॒र्वन॑स्य नाभिः ।
 पृ॒च्छामि॑ त्वा वृ॒ष्णो अ॒श्वस्य॑ रेतः पृ॒च्छामि॑ वा॒चः प॒र॒मं व्यो॑म ३४
 इ॒यं वे॒दिः प॒रो अ॒न्तः पृ॑थि॒व्या अ॒यं य॒ज्ञो भु॑र्वन॒स्य नाभिः॑ ।
 अ॒यं सो॒मो वृ॒ष्णो अ॒श्वस्य॑ रेतो ब्र॒ह्मा॒यं वा॒चः प॒र॒मं व्यो॑म ३५
 स॒प्ता॒र्ध॒ग॒र्भा भु॑र्वन॒स्य रे॒तो वि॒ष्णो॑स्तिष्ठन्ति प्र॒दिशा॑ वि॒ध॒र्म॒णि ।
 ते धी॒तिभि॑र्मन॒सा ते वि॑प॒श्चितः॑ प॒रि॒भुवः॑ प॒रि भ॑वन्ति वि॒श्वतः॑ ३६
 न वि जा॑नामि॒ यदि॑वे॒दम॑स्मि॒ नि॒शयः॑ सं॒न॒द्धो म॑न॒सा च॑रामि ।
 य॒दा मा॑ग॒न् प्र॒थम॑जा ऋ॒तस्या॑ दि॒द् वा॒चो अ॑श्नु॒वे भा॑ग॒म॒स्याः ३७
 अ॒पा॒ङ् प्रा॒डेति॑ स्व॒धया॑ गृ॒भीतो ऽम॑त्यो म॒त्येना॑ स॒यौनिः॑ ।
 ता श॑श्व॒न्ता वि॒षूची॑ना॒ विय॑न्ता न्य॒श्न्यं चि॑क्युर्न नि चि॒क्यु॒रन्य॑म् ३८
 ऋ॒चो अ॒क्षरै॑ प॒र॒मे व्यो॑म॒न् यस्मि॑न् दे॒वा अधि॑ विश्वे निषे॒दुः ।
 यस्त॑न्न वे॒द् कि॒मृ॒चा के॑रिष्यति॒ य इत् तद् वि॑दुस्त॒ इमे स॑मा॒सते॑ ३९
 सू॒यव॑साद् भ॒गव॑ती हि भू॒या अथो॑ व॒यं भ॑गवन्तः स्याम ।
 अ॒द्धि तृ॑ण॒मघ्न॑ये वि॒श्वदा॑नीं पिब॑ श॒द्धमु॑द॒कमा॑चर॒न्ती ४०
 गौ॒री॒र्मि॒माय॑ स॒लिला॑नि॒ तक्ष॑त्येक॒पदी॑ द्वि॒पदी॑ सा चतु॑ष्पदी ।
 अ॒ष्टा॒पदी॑ नव॒पदी॑ ब॒भूवु॑षी स॒हस्रा॑क्षरा प॒र॒मे व्यो॑म॒न् ४१
 तस्याः॑ स॒मु॒द्रा अधि॑ वि क्षर॒न्ति ते॑न जी॒वन्ति॑ प्र॒दिश॑श्चत॒स्रः ।
 ततः॑ क्षर॒त्यक्ष॑रं तद् वि॒श्वमु॑प जी॒वति॑ ४२
 श॒क्र॒म॒यं धूम॑मा॒राद॑प॒श्यं वि॒षूव॑ता प॒र ए॒नाव॑रेण ।
 उ॒क्षा॒णं पृ॑श्नि॒मप॑चन्त वी॒रा स्ता॑नि ध॒र्मा॒णि प्र॒थमा॑न्यासन् ४३
 त्रयः॑ के॒शि॒न ऋ॒तु॒था वि च॑क्षते सं॒वत्स॑रे व॒पत् ए॒क ए॒षाम् ।
 वि॒श्वमे॒कौ अ॒भि च॑ष्टे श॒ची॒भि॒र्धा॒जि॒रेक॑स्य ददृ॒शे न रू॒पम् ४४

चत्वारि वाक् परिमिता पदानि तानि विदुर्ब्राह्मणा ये मनीषिणः ।
 गुहा त्रीणि निहिता नेङ्गयन्ति तुरीयं वाचो मनुष्या वदन्ति ४५
 इन्द्रं मित्रं वरुणमग्निमाहु रथो दिव्यः स सुपर्णो गुरुत्मान् ।
 एकं सद् विप्रा बहुधा वेदन्त्यग्निं यमं मातरिश्वानमाहुः ४६
 कृष्णं नयानं हरयः सुपर्णा अपो वसाना दिवमुत्पतन्ति ।
 त आर्ववृत्रन् त्सदनादृतस्यादिद् घृतेन पृथिवी व्युद्यते ४७
 द्वादश प्रधयश्चक्रमेकं त्रीणि नभ्यानि क उ तच्चिकेत ।
 तस्मिन् त्साकं त्रिशता न शङ्कवो ऽर्पिताः षष्टिर्न चलाचलासः ४८
 यस्ते स्तनः शशयो यो मयोभू र्येन विश्वा पुष्यसि वार्याणि ।
 यो रत्नधा वसुविद् यः सुदत्रः सरस्वति तमिह धातवे कः ४९
 यज्ञेन यज्ञमयजन्त देवास्तानि धर्माणि प्रथमान्यासन् ।
 ते ह नाकं महिमानः सचन्त यत्र पूर्वे साध्याः सन्ति देवाः ५०
 समानमेतदुदकमुच्चैत्यव चाहभिः ।
 भूमिं पर्जन्या जिन्वन्ति दिवं जिन्वन्त्यग्रयः ५१
 दिव्यं सुपर्णं वायुसं बृहन्तं मुपां गर्भं दर्शतमोषधीनाम् ।
 अभीपतो वृष्टिभिस्तर्पयन्तं सरस्वन्तमवसे जोहवीमि ५२

(४४) चतुश्चत्वारिंशं सूक्तम्

(१-१५) पञ्चदशर्चस्यास्य सूक्तस्य (१-२, ४, ६, ८, १०-१२)

प्रथमाद्वितीययोर्ऋचोश्चतुर्थीषष्ठ्यष्टमीनां दशम्यादितृचस्यास्य चेन्द्रः (३, ५, ७, ९)

तृतीयापञ्चमीसप्तमीनवमीनां मरुतः (१३-१५) त्रयोदश्यादितृचस्य च

मैत्रावरुणिरगस्त्य ऋषयः । मरुत्वानिन्द्रो देवता । त्रिष्टुप् छन्दः

कया शभा सर्वयसः सनीळाः समान्या मरुतः सं मिमिक्षुः ।
 कया मृती कुत एतास एते ऽर्चन्ति शुष्मं वृषणो वसूया १
 कस्य ब्रह्माणि जुजुषुर्यवानः को अर्ध्वरे मरुत आ वर्तत ।
 श्येनां इव ध्रजतो अन्तरिक्षे केन महा मनसा रीरमाम २
 कुतस्त्वमिन्द्र माहिनुः स त्रेको यासि सत्पते किं ते इत्था ।
 सं पृच्छसे समराणः शुभानैर्वोचेस्तन्नो हरिवो यत् ते अस्मे ३
 ब्रह्माणि मे मतयः शं सुतासः शुष्म इयति प्रभृतो मे अद्रिः ।
 आ शासते प्रति हर्यन्त्युक्थे मा हरी वहतस्ता नो अच्छ ४

अतो वयमन्तमेभिर्युजानाः स्वक्षत्रेभिस्तन्वः शुभमानाः ।
 महोभिरेताँ उप युज्महे न्विन्द्र स्वधामनु हि नो बभूथ ५
 क्वः स्या वो मरुतः स्वधासीद् यन्मामेकं समधत्ताहिहत्यै ।
 अहं ह्युग्रस्तविषस्तुविष्मान् विश्वस्य शत्रोरनमं वधस्त्रैः ६
 भूरि चकर्थ युज्यैभिरस्मे समानेभिर्वृषभ पौस्यैभिः ।
 भूरीणि हि कृणवामा शविष्ठेन्द्र क्रत्वा मरुतो यद् वशाम ७
 वर्धो वृत्रं मरुत इन्द्रियेण स्वेन भामेन तविषो बभूवान् ।
 अहमेता मनवे विश्वश्चन्द्राः सुगा अपश्चकर वज्रबाहुः ८
 अनुत्तमा ते मघवन्नकिर्नु न त्वावाँ अस्ति देवता विदानः ।
 न जायमानो नशते न जातो यानि करिष्या कृणुहि प्रवृद्ध ९
 एकस्य चिन्मे विभ्वःस्त्वोजो या नु दधृष्वान् कृणवै मनीषा ।
 अहं ह्युग्रो मरुतो विदानो यानि च्यवमिन्द्र इदीश एषाम् १०
 अमन्दन्मा मरुतः स्तोमो अत्र यन्मै नरुः श्रुत्यं ब्रह्म चक्र ।
 इन्द्राय वृष्णे सुमखाय मह्यं सख्ये सखायस्तन्वै तनूभिः ११
 एवेदेते प्रति मा रोचमाना अनैद्यः श्रव एषो दधानाः ।
 संचक्ष्या मरुतश्चन्द्रवर्णा अछान्त मे छदयाथा च नूनम् १२
 को न्वत्र मरुतो मामहे वः प्र यातनु सखीरिच्छा सखायः ।
 मन्मानि चित्रा अपिवातयन्त एषां भूत नवेदा म अतानाम् १३
 आ यद् दुवस्याद् दुवसे न कारु रस्माञ्चक्रे मान्यस्य मेधा ।
 ओ षु वर्त मरुतो विप्रमच्छे मा ब्रह्माणि जरिता वो अर्चत् १४
 एष वः स्तोमो मरुत इयं गी मान्दार्यस्य मान्यस्य कारोः ।
 एषा यासीष्ट तन्वै वयां विद्यामेषं वृजन जीरदानुम् १५

चतुर्थोऽध्यायः ४

व० १-२६

(४५) पञ्चचत्वारिंशं सूक्तम्

(१-१५) पञ्चदशस्यास्य सूक्तस्य मैत्रावरुणिरगस्त्य ऋषिः । मरुतो देवताः । (१-

१३) प्रथमादित्रयोदशर्चा जगती (१४-१५) चतुर्दशीपञ्चदशयोश्च त्रिष्टुप् छन्दसी
 तन्नु वोचाम रभसाय जन्मने पूर्वं महित्वं वृषभस्य केतवै ।

ऐधेव यामन् मरुतस्तुविष्वणो युधेव शक्रास्तविषाणि कर्तन १

नित्यं न सूनं मधु बिभ्रत् उप क्रीळन्ति क्रीळा विदथेषु घृष्वयः ।
 नक्षन्ति रुद्रा अर्वासा नमस्विनं न मर्धन्ति स्वतवसो हविष्कृतम् २
 यस्मा ऊमासो अमृता अरासत रायस्पोष च हविषा ददाशुषे ।
 उक्षन्त्यस्मै मरुतो हिता इव पुरू रजांसि पर्यसा मयोभुवः ३
 आ ये रजांसि तविषीभिरव्यत प्र व एवासः स्वयतासो अध्वजन् ।
 भयन्ते विश्वा भुवनानि हर्म्या चित्रो वो यामः प्रयतास्वृष्टिषु ४
 यत् त्वेषयामा नदयन्त पर्वतान् दिवो वा पृष्ठं नर्या अचुच्यवुः ।
 विश्वो वो अज्मन् भयते वनस्पती रथीयन्तीव प्र जिहीत ओषधिः ५
 यूयं न उग्रा मरुतः सुचेतुना ऽरिष्टग्रामाः सुमतिं पिपर्तन् ।
 यत्रा वो दिद्युद् रदति क्रिविदती रिणाति पश्वः सुधितेव ब्रह्मणा ६
 प्र स्कभदेष्णा अनवभ्रराधसो ऽलातृणासौ विदथेषु सुष्टुताः ।
 अर्चन्त्यर्कं मन्दिरस्य पीतये विदुर्वीरस्य प्रथमानि पौस्या ७
 शतभुजिभिस्तमभिहुतेरघात् पूर्भी रक्षता मरुतो यमावत ।
 जनं यमुग्रास्तवसो विरप्शिनः पाथना शंसात् तनयस्य पुष्टिषु ८
 विश्वानि भद्रा मरुतो रथेषु वो मिथस्पृध्यैव तविषाणयार्हिता ।
 अंसेष्वा वः प्रपथेषु खादयो ऽक्षौ वश्चक्रा समया वि वावृते ९
 भूरीणि भद्रा नर्येषु बाहुषु वक्षःसु रुक्मा रभसासौ अज्जयः ।
 अंसेष्वेताः पविषु क्षुरा अधि वयो न पक्षान् व्यनु श्रियो धिरे १०
 महान्तौ मृहा विभ्वोऽ विभूतयो दूरेदृशो ये दिव्या इव स्तृभिः ।
 मन्द्राः सुजिह्वाः स्वरितार आसभिः संमिश्ला इन्द्रै मरुतः परिष्टुभः ११
 तद् वः सुजाता मरुतो महित्वनं दीर्घं वो दात्रमदितेरिव वृतम् ।
 इन्द्रश्चन त्यजसा वि हुणाति त जनाय यस्मै सुकृते अराध्वम् १२
 तद् वो जामित्वं मरुतः परै युगे पुरू यच्छंसममृतास आवत ।
 अया धिया मनवे श्रुष्टिमाव्या साकं नरो दंसनैरा चिकित्रिरे १३
 येन दीर्घं मरुतः शूशवाम युष्माकैन् परीणसा तुरासः ।
 आ यत् ततनन् वृजने जनास एभिर्यज्ञेभिस्तदभीष्टिमश्याम् १४
 एष वः स्तोमो मरुत इयं गी मन्दार्यस्य मान्यस्य कारोः ।
 एषा यासीष्ट तन्वै वयां विद्यामेषं वृजनं जीरदानुम् १५

(४६) षट्चत्वारिंशं सूक्तम्

(१-११) एकादशर्चस्यास्य सूक्तस्य मैत्रावरुणिरगस्त्य ऋषिः । (१) प्रथमर्च इन्द्रः

(२-११) द्वितीयादिदशानाञ्च मरुतो देवताः । त्रिष्टुप् छन्दः

सहस्रं त इन्द्रोतयौ नः सहस्रमिषौ हरिवो गूर्ततमाः ।
 सहस्रं रायौ मादयध्वै सहस्रिण उप नो यन्तु वाजाः १
 आ नोऽवौभिर्मरुतौ यान्त्वच्छा ज्येष्ठैभिर्वा बृहद् दिवैः सुमायाः ।
 अध यदैषां नियुतः परमाः समुद्रस्य चिद् धनयन्त पारे २
 मिम्यन्त येषु सुधिता घृताची हिरण्यनिर्णिगुपरा न ऋष्टिः ।
 गुहा चरन्ती मनुषो न योषा सभावती विदुथ्यैव सं वाक् ३
 परा शुभ्रा अयासौ युव्या साधारण्येव मरुतौ मिमिक्षुः ।
 न रोदसी अप नुदन्त घोरा जुषन्त वृधं सख्याय देवाः ४
 जोषद् यदीमसुर्या सचध्वै विषितस्तुका रोदसी नृमणाः ।
 आ सूर्येव विधुतो रथं गात् त्वेषप्रतीका नभसो नेत्या ५
 आस्थापयन्त युवति युवानः शुभे निर्मिशलां विदथैषु पञ्चाम् ।
 अर्को यद् वो मरुतो हविष्मान् गायद् गाथं सुतसौमो दुवस्यन् ६
 प्र तं विवक्मि वक्म्यो य एषां मरुतां महिमा सत्यो अस्ति ।
 सचा यदीं वृषमणा अहंयुः स्थिरा चिज्जनीर्वहते सुभागाः ७
 पान्ति मित्रावरुणाववृद्धा च्ययत ईमर्यमो अप्रशस्तान् ।
 उत च्यवन्ते अच्युता ध्रुवाणि वावृध ई मरुतो दार्तिवारः ८
 नही नु वौ मरुतो अन्त्यस्मे आरात्ताच्चिच्छर्वसो अन्तमापुः ।
 ते धृष्णुना शर्वसा शूशवांसो ऽर्णो न द्वेषौ धृषता परिष्ठुः ९
 वयमद्येन्द्रस्य प्रेष्ठा वयं श्वो वौचेमहि समर्ये ।
 वयं पुरा महि च नो अनु हून् तन्न ऋभुक्षा नरामनुष्यात् १०
 एष वः स्तोमो मरुत इयं गीमान्दार्यस्य मान्यस्य कारोः ।
 एषा यासीष्ट तन्वै वयां विद्यामेषं वृजनं जीरदानुम् ११

(४७) सप्तचत्वारिंशं सूक्तम्

(१-१०) दशर्चस्यास्य सूक्तस्य मैत्रावरुणिरगस्त्य ऋषिः । मरुतो देवताः । (१-

७) प्रथमादिसप्तर्चा जगती (८-१०) अष्टम्यादितृचस्य च त्रिष्टुप् छन्दसी
 यज्ञायज्ञा वः समना तुतुर्वणिर्धियं धियं वो देव्या उ दधिध्वे ।

आ वोऽर्वाचः सुविताय रोदस्यो महे ववृत्यामवसे सुवृक्तिभिः १
 वव्रासो न ये स्वजाः स्वतवस इषं स्वरभिजायन्त धूतयः ।
 सहस्रियासो अपां नोर्मय आसा गावो वन्द्यासो नोक्षणः २
 सोमासो न ये सुतास्तृप्तांशवो हत्सु पीतासौ दुवसो नासते ।
 ऐषामसैषु रम्भिणीव रारभे हस्तेषु खादिश्च कृतिश्च सं दधे ३
 अव स्वयुक्ता दिव आ वृथा ययु रमर्त्याः कशया चोदतु त्मना ।
 अरेणवस्तुविजाता अचुच्यवु दृळ्हानि चिन्मरुतो भ्राजदृष्टयः ४
 को वो ऽन्तर्मरुत ऋष्टिविद्युतो रजति त्मना हन्वेव जिह्या ।
 धन्वच्युत इषां न यामनि पुरुषैषा अहन्योऽ नैतशः ५
 क्वं स्वित्स्य रजसो महस्परं क्वावरं मरुतो यस्मिन्नायय ।
 यच्चयावयथ विथुरेव संहितं व्यद्रिणा पतथ त्वेषमर्णवम् ६
 सातिर्न वोऽमवती स्वर्वती त्वेषा विपाका मरुतः पिपिष्वती ।
 भद्रा वो रातिः पूणतो न दक्षिणा पृथुजयी असुर्येव जज्ञती ७
 प्रति षोभन्ति सिन्धवः पविभ्यो यदभियां वाचमुदीरयन्ति ।
 अव स्मयन्त विद्युतः पृथिव्यां यदी घृतं मरुतः पुष्णवन्ति ८
 असूत पृश्निर्महते रणाय त्वेषमयासा मरुतामनीकम् ।
 ते सप्सरासौ ऽजनयन्ताभ्व मादित् स्वधामिषिरां पर्यपश्यन् ९
 एष वः स्तोमो मरुत इयं गी मन्दार्यस्य मान्यस्य कारोः ।
 एषा यासीष्ट तन्वे वयां विद्यामेषं वृजन जीरदानुम् १०

(४८) अष्टचत्वारिंशं सूक्तम्

(१-८) अष्टर्चस्यास्य सूक्तस्य मैत्रावरुणिरगस्त्य ऋषिः । इन्द्रो देवता । (१, ३-
 ८) प्रथमर्चः तृतीयादिषणञ्च त्रिष्टुप् (२) द्वितीयायाश्च चतुष्पदा विराट् छन्दसी
 महश्चित् त्वमिन्द्र यत एतान् महश्चिदसि त्यजसो वरुता ।
 स नो वेधो मरुतां चिकित्वान् त्सुम्ना वनुष्व तव हि प्रेष्ठा १
 अयुजन्त इन्द्र विश्वकृष्टी विद्वानासौ निषिधौ मर्त्यत्रा ।
 मरुतां पृत्सुतिर्हासमाना स्वर्मीळ्हस्य प्रधनस्य सातौ २
 अम्यक् सा त इन्द्र ऋष्टिरस्मे सनेम्यभ्वं मरुतौ जुनन्ति ।
 अग्निश्चिद्धिष्मातसे शशक्वा नापो न द्वीपं दधति प्रयासि ३
 त्वं तू न इन्द्र तं रयिं दा ओजिष्ठया दक्षिणयेव रातिम् ।

स्तुतश्च यास्तै चकनन्त वायोः स्तनं न मध्वः पीपयन्त वाजैः ४
 त्वे राय इन्द्र तोशतमाः प्रणेतारः कस्य चिदृतायोः ।
 ते षु शो मरुतो मृळयन्तु ये स्मा पुरा गातूयन्तीव देवाः ५
 प्रति प्र याहीन्द्र मीळ्हुषो नृन् मुहः पार्थिवे सदेने यतस्व ।
 अध यदैषां पृथुबुध्रास एता स्तीर्थे नार्यः पौस्यानि तस्थुः ६
 प्रति घोराणामेतानामयासां मरुतां शृणव आयतामुपब्दिः ।
 ये मर्त्यं पृतनायन्तमूमै ऋणावानं न पृतयन्त सगैः ७
 त्वं मानेभ्य इन्द्र विश्वजन्या रदा मरुद्भिः शरुधो गोअग्राः ।
 स्तवानेभिः स्तवसे देव देवै विद्यामेषं वृजनं जीरदानुम् ८

(४९) एकोनपञ्चाशं सूक्तम्

(१-५) पञ्चर्चस्यास्य सूक्तस्य (१, ३, ४) प्रथमातृतीयाचतुर्थीनामृचामिन्द्रश्चतुर्थ्या
 अगस्त्यो वा (२, ५) द्वितीयापञ्चम्योश्च मैत्रावरुणिरगस्त्य ऋषी । इन्द्रो देवता ।

(१) प्रथमर्चो बृहती (२-४) द्वितीयादितृचस्यानुष्टुप्

(५) पञ्चम्याश्च त्रिष्टुप् छन्दांसि

न नूनमस्ति नो श्वः कस्तद् वेदु यदद्भुतम् ।
 अन्यस्य चित्तमभि संचरेण्य मुताधीतं वि नश्यति १
 किं न इन्द्र जिघांससि भ्रातरो मरुतस्तव ।
 तेभिः कल्पस्व साधुया मा नः समरणे वधीः २
 किं नो भ्रातरगस्त्य सखा सन्नति मन्यसे ।
 विद्या हि ते यथा मनो ऽस्मभ्यमिन्न दित्ससि ३
 अरं कृणवन्तु वेदिं समग्निमिन्धतां पुरः ।
 तत्रामृतस्य चेतनं यज्ञं ते तनवावहै ४
 त्वमीशिषे वसुपते वसूनां त्वं मित्राणां मित्रपते धेष्ठः ।
 इन्द्र त्वं मरुद्भिः सं वेदस्वाध प्राशान ऋतुथा हवींषि ५

(५०) पञ्चाशं सूक्तम्

(१-६) षडृचस्यास्य सूक्तस्य मैत्रावरुणिरगस्त्य ऋषिः । (१-२)

प्रथमाद्वितीययोर्ऋचोर्मरुतः (३-६) तृतीयादिचतसृणाञ्च मरुत्वानिन्द्रो देवताः ।

त्रिष्टुप् छन्दः

प्रति व एना नमसाहमेमि सूक्तेन भिक्षे सुमतिं तुराणाम् ।
 रुराणता मरुतो वेद्याभिर्नि हेळौ धत्त वि मुचध्वमश्वान् १
 एष वः स्तोमौ मरुतो नमस्वान् हृदा तृष्टो मनसा धायि देवाः ।
 उपेमा यातु मनसा जुषाणा यूयं हि ष्ठा नमस इद वृधासः २
 स्तुतासौ नो मरुतौ मृळयन्तू त स्तुतो मृषवा शंभविष्ठः ।
 ऊर्ध्वा नः सन्तु कोम्या वना न्यहानि विश्वा मरुतो जिगीषा ३
 अस्मादहं तविषादीषमाण इन्द्राद् भिया मरुतो रेजमानः ।
 युष्मभ्यं हव्या निशितान्यासन् तान्यारे चकृमा मृळता नः ४
 येन मानासश्चितयन्त उस्त्रा व्युष्टिषु शर्वसा शश्वतीनाम् ।
 स नो मरुद्भिरवृषभ श्रवौ धा उग्र उग्रेभिः स्थविरः सहोदाः ५
 त्वं पाहीन्द्र सहीयसो नृन् भवा मरुद्भिरवयातहेळाः ।
 सुप्रकेतेभिः सासहिर्दधानो विद्यामेषं वृजनं जीरदानुम् ६

(५१) एकपञ्चाशं सूक्तम्

(१-३) तृचस्यास्य सूक्तस्य मैत्रावरुणिरगस्त्य ऋषिः । मरुतो देवताः ।

गायत्री छन्दः

चित्रो वोऽस्तु यामश्चित्र ऊती सुदानवः । मरुतो अहिभानवः १
 आरे सा वः सुदानवो मरुत ऋञ्जती शरुः । आरे अश्मा यमस्यथ २
 तृणस्कन्दस्य नु विशः परि वृङ्क्त सुदानवः । ऊर्ध्वान् नः कर्त जीवसे ३

(५२) द्विपञ्चाशं सूक्तम्

(१-१३) त्रयोदशर्चस्यास्य सूक्तस्य मैत्रावरुणिरगस्त्य ऋषिः । इन्द्रो देवता ।

त्रिष्टुप् छन्दः

गायत् सामं नभन्यं यथा वे रर्चाम तद् वावृधानं स्वर्वत् ।
 गावौ धेनवौ बर्हिष्यदब्धा आ यत् सघानं दिव्यं विवासान् १
 अर्चद् वृषा वृषेभिः स्वेदुहव्यै मृगो नाश्नो अति यजुगुर्यात् ।
 प्र मन्दयुर्मनां गूर्त होता भरते मर्यो मिथुना यजत्रः २
 नक्षद्धोता परि सद्य मिता यन् भरद् गर्भमा शरदः पृथिव्याः ।
 क्रन्ददश्चो नयमानो रुवद् गौ रन्तर्दूतो न रोदसी चरद् वाक् ३
 ता कर्मर्षतरास्मै प्र च्यौत्तानि देवयन्तौ भरन्ते ।

जुजोषदिन्द्रो दस्मवर्चा नासत्येव सुगम्यो रथेष्ठाः ४
 तमुं हृहीन्द्रं यो ह सत्वा यः शूरो मघवा यो रथेष्ठाः ।
 प्रतीचश्चिद् योधीयान् वृषणवान् ववृषश्चित्तमसो विहन्ता ५
 प्र यदित्था महिना नृभ्यो अस्त्यरं रोदसी कद्येइ नास्मै ।
 सं विव्य इन्द्रो वृजनं न भूमा भर्ति स्वधावाँ ओपशमिव द्याम् ६
 समत्सु त्वा शूर सतामुराणं प्रपथिन्तमं परितंसुयध्यै ।
 सजोषस इन्द्रं मदे क्षोणीः सूरिं चिद् ये अनुमदन्ति वाजैः ७
 एवा हि ते शं सर्वना समुद्र आपो यत् तं आसु मदन्ति देवीः ।
 विश्वा ते अनु जोष्या भूद् गौः सूरिंश्चिद् यदि धिषा वेषि जनान् ८
 असाम् यथा सुष्वार्य एन स्वभिष्टयौ नरां न शंसैः ।
 असद् यथा न इन्द्रो वन्दनेष्ठा स्तुरो न कर्म नयमान उक्था ९
 विष्वर्धसो नरां न शंसै रस्माकसिदिन्द्रो वज्रहस्तः ।
 मित्रायुवो न पूर्पतिं सुशिष्टौ मध्यायुव उप शिक्षन्ति युज्ञैः १०
 युज्ञो हि ष्मेन्द्रं कश्चिद्वन्ध जुहुराणश्चिन्मनसा परियन् ।
 तीर्थे नाच्छां तातृषाणमोकौ दीर्घो न सिध्रमा कृणोत्यध्वा ११
 मो षू ण इन्द्रात्र पृत्सु देवै रस्ति हि ष्मा ते शुष्मिन्नव्याः ।
 महश्चिद् यस्य मीळहृषौ युव्या हविष्मतो मरुतो वन्दते गीः १२
 एष स्तोम इन्द्र तुभ्यमस्मे एतेन गातुं हरिवो विदो नः ।
 आ नो ववृत्याः सुविताय देव विद्यामेषं वृजनं जीरदानुम् १३

(५३) त्रिपञ्चाशं सूक्तम्

(१-१०) दशर्चस्यास्य सूक्तस्य मैत्रावरुणिरगस्त्य ऋषिः । इन्द्रो देवता ।

त्रिष्टुप् छन्दः

त्वं राजेन्द्र ये च देवा रक्षा नृन् पाह्यसुर त्वमस्मान् ।
 त्वं सत्पतिर्मघवा न्स्तरुत्र स्त्वं सत्यो वसवानः सहोदाः १
 दनो विश इन्द्र मृध्रवाचः सप्त यत् पुरः शर्म शारदीर्दत् ।
 ऋणोरपो अनवद्याणा यूने वृत्रं पुरुकुत्साय रन्धीः २
 अजा वृत इन्द्र शूरपत्नी द्यां च येभिः पुरुहूत नूनम् ।
 रक्षो अग्निमशुषं तूर्वयाणं सिंहो न दमे अपासि वस्तौः ३
 शेषन् नु त इन्द्र सस्मिन् योनौ प्रशस्तये पवीरवस्य मुह्ना ।

सृजदण्यस्यव यद् युधा गा स्तिष्ठद्धरी धृषता मृष्ट वाजान् ४
 वह कुत्समिन्द्र यस्मिञ्चाकन् त्स्यूमन्यू ऋजा वातस्याश्वा ।
 प्र सूरश्चक्रं बृहतादभीके ऽभि स्पृधौ यासिषद् वज्रबाहुः ५
 जघन्वाँ इन्द्र मित्रेरू ओदप्रवृद्धो हरिवो अदाशून् ।
 प्र ये पश्यन्नर्यमणं सचायो स्त्वया शूर्ता वहमाना अपत्यम् ६
 रपत् कविरिन्द्रार्कसातौ क्षां दासायोपबर्हणीं कः ।
 करत् तिस्रो मघवा दानुचित्रा नि दुयोणे कुर्यवाचं मृधि श्रेत् ७
 सना ता त इन्द्र नव्या आगुः सहो नभोऽविरणाय पूर्वीः ।
 भिनत् पुरो न भिदो अदेवी ननमो वधरदेवस्य पीयोः ८
 त्वं धुनिरिन्द्र धुनिमती ऋणोरपः सीरा न स्रवन्तीः ।
 प्र यत् समुद्रमतिं शूर पर्षि पारया तुर्वशं यदु स्वस्ति ९
 त्वमस्मार्कमिन्द्र विश्वधं स्या अवृकतमो नरां नृपाता ।
 स नो विश्वासां स्पृधां सहोदा विद्यामेषं वृजनं जीरदानुम् १०

(५४) चतुःपञ्चाशं सूक्तम्

(१-६) षडृचस्यास्य सूक्तस्य मैत्रावरुणिरगस्त्य ऋषिः । इन्द्रो देवता । (१)
 प्रथमर्चः स्कन्धोग्रीवी बृहती (२-५) द्वितीयादिचतसृणामनुष्टुप् (६) षष्ठ्याश्च
 त्रिष्टुप् छन्दांसि

मत्स्यपायि ते महः पात्रस्येव हरिवो मत्सरो मदः ।
 वृषा ते वृष्ण इन्दुर्वाजी सहस्रसातमः १
 आ नस्ते गन्तु मत्सरो वृषा मदो वरैरयः ।
 सहावाँ इन्द्र सानुसिः पृतनाषाळमर्त्यः २
 त्वं हि शूरः सनिता चोदयो मनुषो रथम् ।
 सहावान् दस्युमवृत मोषः पात्रं न शोचिषा ३
 मुषाय सूर्यं कवे चक्रमीशान् ओजसा ।
 वह शुष्णाय वधं कुत्सं वातस्याश्वैः ४
 शुष्मिन्तमो हि ते मदौ द्युमिन्तम उत क्रतुः ।
 वृत्रघ्ना वरिवोविदा मंसीष्ठा अश्वसातमः ५
 यथा पूर्वैभ्यो जरितृभ्य इन्द्र मय इवापो न तृष्यते बभूथ ।
 तामनु त्वा निविदं जोहवीमि विद्यामेषं वृजनं जीरदानुम् ६

(५५) पञ्चपञ्चाशं सूक्तम्

(१-६) षट्चस्यास्य सूक्तस्य मैत्रावरुणिरगस्त्य ऋषिः । इन्द्रो देवता । (१-५)

प्रथमादिपञ्चार्चामनुष्टुप् (६) षष्ठ्याश्च त्रिष्टुप् छन्दसी

मत्सि नो वस्य इष्टय इन्द्रमिन्द्रो वृषा विश ।
 ऋषायमाण इन्वसि शत्रुमन्ति न विन्दसि १
 तस्मिन्ना वैशया गिरो य एकश्चर्षणीनाम् ।
 अनु स्वधा यमुप्यते यवं न चर्कषद् वृषा २
 यस्य विश्वानि हस्तयोः पञ्च क्षितीनां वसु ।
 स्पाशयस्व यो अस्मधु गिद्व्येवाशनिर्जहि ३
 असुन्वन्तं समं जहि दूणाशं यो न ते मयः ।
 अस्मभ्यमस्य वेदनं दद्धि सूरिश्चिदोहते ४
 आवो यस्य द्विबर्हसो ऽर्केषु सानुषगसत् ।
 आजविन्द्रस्येन्द्रो प्रावो वाजेषु वाजिनम् ५
 यथा पूर्वैभ्यो जरितृभ्य इन्द्र मय इवापो न तृष्यते बभूथ ।
 तामनु त्वा निविद जोहवीमि विद्यामेषं वृजनं जीरदानुम् ६

(५६) षट्पञ्चाशं सूक्तम्

(१-५) पञ्चर्चस्यास्य सूक्तस्य मैत्रावरुणिरगस्त्य ऋषिः । इन्द्रो देवता ।

त्रिष्टुप् छन्दः

आ चर्षणिप्रा वृषभो जनानां राजा कृष्टीनां पुरुहूत इन्द्रः ।
 स्तुतः श्रवस्यन्नवसोप मुद्रि ग्युक्त्वा हरी वृषणा याह्यर्वाङ् १
 ये ते वृषणो वृषभास इन्द्र ब्रह्मयुजो वृषरथासो अर्त्याः ।
 तां आ तिष्ठ तेभिरा याह्यर्वाङ् हवामहे त्वा सुत इन्द्र सोमै २
 आ तिष्ठ रथं वृषणं वृषा ते सुतः सोमः परिषिक्ता मधूनि ।
 युक्त्वा वृषभ्यां वृषभ क्षितीनां हरिभ्यां याहि प्रवतोप मुद्रिक् ३
 अयं युजो देवया अयं मियेध इमा ब्रह्माण्ययमिन्द्र सोमः ।
 स्तीर्णं बर्हिरा तु शक्र प्र याहि पिबा निषद्य वि मुचा हरी इह ४
 ओ सुष्टुत इन्द्र याह्यर्वा ङुप् ब्रह्माणि मान्यस्य कारोः ।
 विद्याम् वस्तोरवसा गृणन्तौ विद्यामेषं वृजनं जीरदानुम् ५

(५७) सप्तपञ्चाशं सूक्तम्

(१-५) पञ्चर्चस्यास्य सूक्तस्य मैत्रावरुणिरगस्त्य ऋषिः । इन्द्रो देवता ।

त्रिष्टुप् छन्दः

यद्ध स्या तं इन्द्र श्रुष्टिरस्ति यया बभूथ जरितृभ्य ऊती ।
 मा नः कामं मह्यन्तमा ध ग्विश्वा ते अश्यां पर्याप आयोः १
 न घा राजेन्द्र आ दभन्नो या नु स्वसारा कृण्वन्त योनौ ।
 आपश्चिदस्मै सुतुका अवेष्टन् गर्मन् इन्द्रः सख्या वयश्च २
 जेता नृभिरिन्द्रः पृत्सु शूरः श्रोता हवं नाधमानस्य कारोः ।
 प्रभर्ता रथं दाशुर्ष उपाक उद्यन्ता गिरो यदि च त्मना भूत् ३
 एवा नृभिरिन्द्रः सुश्रवस्या प्रखादः पृत्तो अभि मित्रिणौ भूत् ।
 समर्य इषः स्तवते विवाचि सत्राकरो यजमानस्य शंसः ४
 त्वया वयं मघवन्निन्द्र शत्रू नृभि ष्याम महतो मन्यमानान् ।
 त्वं त्राता त्वमु नो वृधे भू विद्यामेषं वृजनं जीरदानुम् ५

(५८) अष्टपञ्चाशं सूक्तम्

(१-६) षडृचस्यास्य सूक्तस्य (१-२) प्रथमाद्वितीययोर्ऋचोर्लोपामुद्रा ऋषिका
 (३-४) तृतीयाचतुर्थयोर्मैत्रावरुणिरगस्त्यः (५-६) पञ्चमीषष्ठयोश्चागस्त्यान्तेवासी
 ब्रह्मचारी ऋषी । रतिर्देवता । (१-४, ६) प्रथमादिचतुर्ऋचां षष्ठ्याश्च त्रिष्टुप्

(५) पञ्चम्याश्च बृहती छन्दसी

पूर्वीरुहं शरदः शश्रमाणा दोषा वस्तोरुषसौ जरयन्तीः ।
 मिनाति श्रियं जरिमा तनूना मप्यु नु पत्नीर्वृषणो जगम्युः १
 ये चिद्धि पूर्व ऋतसाप आसन् त्साकं देवेभिरवदन्नृतानि ।
 ते चिदवासुर्नह्यन्तमापुः समू नु पत्नीर्वृषभिर्जगम्युः २
 न मृषा श्रान्तं यदवन्ति देवा विश्वा इत् स्पृधौ अभ्यश्नवाव ।
 जयावेदत्र शतनीथमाजिं यत् सम्यञ्चा मिथुनावभ्यजाव ३
 नृदस्य मा रुधतः काम आगं न्नित आजतो अमुतः कुतश्चित् ।
 लोपामुद्रा वृषणं नी रिणाति धीरमधीरा धयति श्वसन्तम् ४
 इमं नु सोममन्तितो हत्सु पीतमुपं ब्रुवे ।
 यत् सीमार्गश्चकृमा तत् सु मृळतु पुलुकामो हि मर्त्यः ५
 अगस्त्यः खनमानः खनित्रैः प्रजामर्पत्यं बलमिच्छमानः ।

उ॒भौ वर्णा॑वृ॒षिरु॒ग्रः पु॒पोष॑ स॒त्या दे॒वेष्वा॒शिषो॑ जगाम ६

(५६) एकोनषष्टितमं सूक्तम्

(१-१०) दशर्चस्यास्य सूक्तस्य मैत्रावरुणिरगस्त्य ऋषिः । अश्विनौ देवते ।

त्रिष्टुप् छन्दः

यु॒वो रजा॑सि सु॒यमा॑सो अश्वा॒ रथो॑ यद् वा॒ं पर्य॑णा॑सि दी॒यत् ।
 हि॒र॒ण्यया॑ वा॒ं पु॒वर्यः॑ पु॒षाय॑न् म॒ध्वः पि॒बन्ता॑ उ॒षसः॑ स॒चेथे॑ १
 यु॒वम॒त्यस्या॑व॒ नक्ष॑थो यद् वि॒प॒त्मनो॑ न॒र्यस्य॑ प्र॒यज्योः॑ ।
 स्व॒सा यद् वा॑ वि॒श्वगू॑र्ती भ॒राति॑ वा॒जाये॑द्वै म॒धुपा॑वि॒षे च॑ २
 यु॒वं पय॑ उ॒स्त्रिया॑याम॒धत्तं॑ पु॒क्वमा॑मा॒याम॑व॒ पूर्व्यं॑ गोः ।
 अ॒न्त॒र्यद् व॒निनो॑ वामृ॒तप्सू॑ ह्वा॒रो न शु॒चिर्य॑जते ह॒विष्मान् ३
 यु॒वं ह॑ घ॒र्म म॒धुम॑न्त॒मत्र॑ये ऽपो न क्षो॒दोऽवृ॑णीतमे॒षे ।
 तद् वा॑ न॒राव॑श्विना प॒श्वइ॑ष्टी रथ्ये॒व च॒क्रा प्र॑ति॒ यन्ति॑ म॒ध्वः ४
 आ वा॑ द॒नाय॑ ववृ॒तीय द॑स्त्रा गो॒रोहै॑ण तौ॒ग्रयो॑ न जि॒व्रिः ।
 अ॒पः क्षो॒णी स॑च॒ते मा॒हिना॑ वा॒ं जू॒र्णो वा॒मक्षु॑रंह॒सो यज॑त्रा ५
 नि यद् यु॒वेथै॑ नि॒युतः॑ सु॒दानू॑ उ॒र्पे स्व॒धाभिः॑ सृ॒जथः॑ पु॒रंधि॑म् ।
 प्रेष॑द् वे॒षद् वा॒तो न सू॒रिरा॑ म॒हे द॑दे सु॒व्रतो॑ न वा॒जम् ६
 व॒यं चि॒द्धि वा॑ ज॒रितारैः॑ स॒त्या वि॒प॒न्याम॑हे वि पु॒णिर्हि॑तावा॒न् ।
 अ॒धा चि॒द्धि ष्मा॑श्विना॒वनि॑न्द्या पा॒थो हि ष्मा॑ वृष॒णाव॑न्ति॒देवम् ७
 यु॒वां चि॒द्धि ष्मा॑श्विना॒वनु॑ द्यून् वि॒रुद्र॑स्य प्र॒स्त्रव॑णस्य सा॒तौ ।
 अ॒गस्त्यो॑ न॒रां नृ॒षु प्र॑श॒स्तः का॒राधु॑नीव चि॒तय॑त् स॒हस्रैः॑ ८
 प्र यद् व॒हैथे॑ म॒हिना॑ रथ्यस्य प्र स्प॒न्द्रा या॒थो म॑नु॒षो न हो॑ता ।
 ध॒त्तं सू॒रिभ्य॑ उ॒त वा॑ स्व॒श्वय॑ ना॒सत्या॑ रयि॒षाचैः॑ स्याम ९
 तं वा॑ रथं व॒यम॑द्या हु॒वेम॑ स्तोमै॒रश्वि॑ना सु॒वि॒ताय॑ नव्यम् ।
 अ॒रि॒ष्टने॑मिं प॒रि द्या॑मि॒यानं॑ वि॒द्यामे॑षं वृ॒जनं॑ जी॒रदा॑नुम् १०

(६०) षष्टितमं सूक्तम्

(१-६) नवर्चस्यास्य सूक्तस्य मैत्रावरुणिरगस्त्य ऋषिः । अश्विनौ देवते ।

त्रिष्टुप् छन्दः

क॒दु प्रे॒ष्ठावि॑षां र॒यीणा॑ म॒ध्वर्य॑न्ता यदु॒न्निनी॑थो अ॒पाम् ।

अयं वा यज्ञो अकृत प्रशस्तिं वसुधित्वा अवितारा जनानाम् १
 आ वामश्वासः शुचयः पयस्पा वार्तरंहसो दिव्यासो अत्याः ।
 मनोजुवो वृषणो वीतपृष्ठा एह स्वराजो अश्विना वहन्तु २
 आ वां रथोऽवनिर्न प्रवत्वान् त्सृप्रवन्धुरः सुविताय गम्याः ।
 वृष्णाः स्थातारा मनसो जवीया नहंपूर्वो यजतो धिष्ण्या यः ३
 इहेह जाता समवावशीता मरेपसा तन्वाइ नामभिः स्वैः ।
 जिष्णुर्वामन्यः सुमखस्य सुरिर्दिवो अन्यः सुभगः पुत्र ऊहे ४
 प्र वां निचेरुः ककुहो वशां अनु पिशङ्गरूपः सदनानि गम्याः ।
 हरी अन्यस्य पीपयेन्त वाजैर्मथा रजांस्यश्विना वि घोषैः ५
 प्र वां शरद्वान् वृषभो न निष्पाट् पूर्वोरिषश्चरति मध्व इष्णन् ।
 एवैरन्यस्य पीपयेन्त वाजैर्वेषन्तीरुध्वा नद्यौ न आगुः ६
 असर्जि वां स्थविरा वेधसा गीर्बाळ्हे अश्विना त्रेधा क्षरन्ती ।
 उपस्तुताववतं नाधमानं यामन्नयामञ्छृणुतं हव मे ७
 उत स्या वां रुशतो वप्ससो गीस्त्रिबर्हिषि सदसि पिन्वते नृन् ।
 वृषा वां मेघो वृषणा पीपाय गोर्न सेके मनुषो दशस्यन् ८
 युवां पूषेवाश्विना पुरंधि रग्निमुषां न जरते हविष्मान् ।
 हुवे यद् वां वरिवस्या गृणानो विद्यामेषं वृजनं जीरदानुम् ९

(६१) एकषष्टितमं सूक्तम्

(१-८) अष्टर्चस्यास्य सूक्तस्य मैत्रावरुणिरगस्त्य ऋषिः । अश्विनौ देवते । (१-
 ५, ७) प्रथमादिपञ्चर्चा सप्तम्याश्च जगती (६, ८) षष्ठ्यष्टम्योश्च त्रिष्टुप् छन्दसी
 अभूदिदं वयुनमो षु भूषता रथो वृषणवान् मदता मनीषिणः ।
 धियंजिन्वा धिष्या विष्पलावसू दिवो नपाता सुकृते शुचिव्रता १
 इन्द्रतमा हि धिष्या मरुतमा दस्त्रा दंसिष्ठा रथ्या रथीतमा ।
 पूर्णं रथं वहेथे मध्व आचितं तेन दाश्वासमुप याथो अश्विना २
 किमत्र दस्त्रा कृणुथः किमासाथे जनो यः कश्चिदहविर्महीयते ।
 अति क्रमिष्टं जुरतं पणेरसुं ज्योतिर्विप्राय कृणुतं वचस्यवै ३
 जम्भयतमभितो रायतुः शुनौ हतं मृधौ विदथुस्तान्यश्विना ।
 वाचवाचं जरितू रत्निनी कृत मुभा शंस नासत्यावतं मम ४
 युवमेतं चक्रथुः सिन्धुषु प्लव मात्मन्वन्तं पक्षिणं तौग्रयाय कम् ।

येन देव॒त्रा मन॑सा निरू॒हथुः सु॒प॒स॒नी पै॑तथुः क्षोद॑सो म॒हः ५
 अव॑विद्धं तौ॒ग्रच॑म॒प्स्व॑न्त र॒नार॑म्भ॒णे त॑म॒सि प्र॑विद्धम् ।
 चत॑स्रो नावो जठ॑लस्य जुष्टा उद॑श्चिभ्यामिषिताः पार॑यन्ति ६
 कः स्वि॑द् वृ॒क्षो नि॑ष्ठितो मध्ये अ॒र्णसो॑ यं तौ॒ग्रचो॑ ना॒धितः॑ प॒र्य॑षस्वजत् ।
 पु॒र्णा मृ॑गस्य प॒तरौ॑रिवा॒रभ॑ उद॑श्चिना ऊ॒हथुः॑ श्रोम॑ताय॒ कम् ७
 तद् वा॑ नरा नास॒त्याव॑नु॒ष्याद् यद् वा॑ मा॒नास॑ उ॒चथ॑मवोचन् ।
 अ॒स्माद॒द्य स॑द॒सः सो॒म्यादा॑ वि॒द्यामे॒षं वृ॒जन॑ जी॒रदा॑नुम् ८

(६२) द्विषष्टितमं सूक्तम्

(१-६) षडृचस्यास्य सूक्तस्य मैत्रावरुणिगस्त्य ऋषिः । अश्विनौ देवते ।

त्रिष्टुप् छन्दः

तं यु॒ञ्जाथां॑ मन॑सो यो ज॒वीया॑न् त्रि॒वन्धु॑रो वृष॑णा यस्त्रि॒चक्रः॑ ।
 येनो॑पयाथः सु॒कृतौ॑ दुरो॒णं त्रि॒धातु॑ना पतथो वि॒र्न पु॒र्णैः १
 सु॒वृद् रथौ॑ वर्तते यन्न॒भि क्षां॑ यत् तिष्ठ॒थः क्रतु॑म॒न्तानु॑ पृ॒क्षे ।
 वपु॑र्वपुष्या स॒चता॑मि॒यं गी॒र्दिवो॑ दु॒हित्रो॑षसा स॒चेथे २
 आ तिष्ठ॑तं सु॒वृत्तं॑ यो रथौ॑ वा॒ मनु॑ व॒तानि॑ वर्तते ह॒विष्मा॑न् ।
 येन॑ नरा नास॒त्येष॑य॒ध्यै वर्ति॑र्याथस्त॒नया॑य॒ त्मनै॑ च ३
 मा वा॑ वृ॒को मा॑ वृ॒कीरा॑ द॒धर्षी॑न्मा परि॑ वर्क॒तमु॑त मा॒ति ध॑क्तम् ।
 अ॒यं वा॑ भा॒गो नि॒हित॑ इ॒यं गी॒र्दस्त्रा॑वि॒मे वा॑ नि॒धयो॑ मधू॒नाम् ४
 यु॒वां गो॑त॒मः पु॒रुमी॑ळ्हो अ॒त्रिर्द॑स्त्रा ह॒वते॑ ऽव॒से ह॒विष्मा॑न् ।
 दि॒शं न दि॒ष्टामृ॑जूयेव॒ यन्ता॑ मे ह॒व ना॑स॒त्योप॑ यातम् ५
 अ॒तारि॑ष्म॒ तम॑स॒स्पार॑म॒स्य प्र॑ति॒ वा॑ स्तोमो॑ अ॒श्विना॑व॒धायि॑ ।
 ए॒ह या॑तं प॒थिभि॑र्दे॒व्यानै॑र्वि॒द्यामे॒षं वृ॒जन॑ जी॒रदा॑नुम् ६

पञ्चमोऽध्यायः

व० १-३१

(६३) त्रिषष्टितमं सूक्तम्

(१-६) षडृचस्यास्य सूक्तस्य मैत्रावरुणिगस्त्य ऋषिः । अश्विनौ देवते ।

त्रिष्टुप् छन्दः

ता वा॑म॒द्य ता॑व॒पुं ह॒वेमो॑ च्छ॒न्त्यामु॑ष॒सि व॒ह्नि॒रुक्थैः॑ ।

नासत्या कुहं चित् सन्तावर्यो दिवो नपाता सुदास्तराय १
 अस्मे ऊ षु वृषणा मादयेथा मुत् पर्णीर्हतमूर्म्या मदन्ता ।
 श्रुतं मे अच्छौक्तिभिर्मतीना मेष्टा नरा निचेतारा च कर्णैः २
 श्रिये पूषन्निषुकृतैव देवा नासत्या वहतुं सूर्यायाः ।
 वच्यन्तै वां ककुहा अप्सु जाता युगा जूर्णैव वरुणस्य भूरैः ३
 अस्मे सा वां माध्वी रातिरस्तु स्तोमं हिनोतं मान्यस्य कारोः ।
 अनु यद् वां श्रवस्या सुदानू सुवीर्याय चर्षणयो मदन्ति ४
 एष वां स्तोमौ अश्विनावकारि मानैभिर्मघवाना सुवृक्ति ।
 यातं वर्तिस्तनयाय त्मनै चा गस्त्यै नासत्या मदन्ता ५
 अतारिष्म तमसस्परमस्य प्रति वां स्तोमौ अश्विनावधायि ।
 एह यातं पृथिभिर्देव्याना विद्यामेषं वृजनं जीरदानुम् ६

(६४) चतुःषष्टितमं सूक्तम्

(१-११) एकादशर्चस्यास्य सूक्तस्य मैत्रावरुणिरगस्त्य ऋषिः । द्यावापृथिव्यौ देवते । त्रिष्टुप् छन्दः

कतरा पूर्वा कतरापरायोः कथा जाते कवयः को वि वेद ।
 विश्वं त्मना बिभृतो यद्ध नाम वि वर्तेते अहनी चक्रियैव १
 भूरिं द्वे अचरन्ती चरन्तं पद्वन्तं गर्भमपदी दधाते ।
 नित्यं न सूनं पित्रोरुपस्थे द्यावा रक्षतं पृथिवी नो अभ्वात् २
 अनेहो दात्रमदितेरनुर्व हुवे स्वर्वदवधं नमस्वत् ।
 तद् रोदसी जनयतं जरित्रे द्यावा रक्षतं पृथिवी नो अभ्वात् ३
 अतप्यमाने अवसारवन्ती अनु ष्याम रोदसी देवपुत्रे ।
 उभे देवानामुभयैभिरह्नां द्यावा रक्षतं पृथिवी नो अभ्वात् ४
 संगच्छमाने युवती समन्ते स्वसारा जामी पित्रोरुपस्थे ।
 अभिजिघ्रन्ती भुवनस्य नाभिं द्यावा रक्षतं पृथिवी नो अभ्वात् ५
 उर्वी सघनी बृहती ऋतेन हुवे देवानामवसा जनित्री ।
 दधाते ये अमृतं सुप्रतीके द्यावा रक्षतं पृथिवी नो अभ्वात् ६
 उर्वी पृथ्वी बहुले दूरेअन्ते उपे ब्रुवे नमसा युज्ञे अस्मिन् ।
 दधाते ये सुभगे सुप्रतूर्ती द्यावा रक्षतं पृथिवी नो अभ्वात् ७
 देवान् वा यच्चकृमा कच्चिदागः सखायं वा सदमिज्जास्पतिं वा ।

इ॒यं धी॒र्भूया॑ अ॒व॒यान॑मेषां द्या॒वा र॑क्षतं पृथि॒वी नो॑ अ॒भ्वात् ८
 उ॒भा शंसा॑ न॒र्या मा॑मविष्टा मु॒भे मा॑मू॒ती अ॒वसा॑ सचेताम् ।
 भूरि॑ चिद॒र्यः सु॒दास्तरा॑ये षा म॒दन्त॑ इषयेम दे॒वाः ९
 ऋ॒तं दि॒वे तद॑वोचं पृथि॒व्या अ॑भि॒श्रावा॑य प्रथ॒मं सु॑मे॒धाः ।
 पा॒ताम॑व॒द्याद् दु॑रि॒ताद॑भी॒कै पि॒ता मा॒ता च॑ रक्षतामवो॒भिः १०
 इ॒दं द्या॑वापृथि॒वी स॒त्यम॑स्तु पि॒त॒र्मा॒त॒र्यदि॒होप॑ब्रुवे वा॒म् ।
 भू॒तं दे॒वाना॑मव॒मे अ॒वो॒भिर्वि॒द्यामे॑षं वृ॒जन॑ जी॒रदा॑नुम् ११

(६५) पञ्चषष्टितमं सूक्तम्

(१-११) एकादशर्चस्यास्य सूक्तस्य मैत्रावरुणिगस्त्य ऋषिः । विश्वे देवा देवताः

। त्रिष्टुप् छन्दः

आ न॒ इळा॑भिर्वि॒दथै॑ सु॒श॒स्ति वि॒श्वान॑रः स॒वि॒ता दे॒व ए॑तु ।
 अ॒पि यथा॑ यु॒वानो॑ मत्स॒था नो॑ वि॒श्वं जग॑दभि॒पित्वे॑ म॒नीषा॑ १
 आ नो॑ वि॒श्व आ॒स्क्रा ग॑मन्तु दे॒वा मि॒त्रो अ॒र्यमा॑ वरु॒णः स॒जोषाः॑ ।
 भु॒वन् यथा॑ नो॒ वि॒श्वे वृ॒धासः॑ क॒रन्त्सु॑षाहा वि॒थुरं॑ न श॒वः २
 प्रे॒ष्ठ वो॑ अ॒तिथिं॑ गृणी॒षे ऽग्निं॑ श॒स्तिभि॑स्तु॒र्वणिः॑ स॒जोषाः॑ ।
 अ॒सद् यथा॑ नो॒ वरु॑णः सु॒की॒र्तिरि॒षश्च॑ प॒र्षद॑रि॒गूर्तः॑ सू॒रिः ३
 उ॒प व ए॒षे नम॑सा जिगी॒षो षा॑सान॒क्ता सु॒दुर्ध्वे॑व धे॒नुः ।
 स॒मा॒ने अ॒हन् वि॒मिमा॑नो अ॒र्कं वि॒षुरु॑पे प॒र्यसि॑ स॒स्मिन्नू॑धन् ४
 उ॒त नो॑ ऽहि॒र्बु॒ध्यो॒ऽम॒र्यस्क्रुः॑ शि॒शं न पि॒प्युषी॑व वे॒ति सि॒न्धुः ।
 ये॒न नपा॑तमु॒पां जु॒नाम॑ मनोजु॒वो वृ॒षणो॑ यं वह॑न्ति ५
 उ॒त न॑ ई त्वष्टा ग॒न्त्वच्छा॑ स्मत् सू॒रिभि॑रभि॒पित्वे॑ स॒जोषाः॑ ।
 आ वृ॒त्रहे॑न्द्रश्च॒र्षणि॑प्रा॒स्तुवि॑ष्टमो न॒रां न॑ इ॒ह ग॑म्याः ६
 उ॒त न॑ ई म॒तयो॑ ऽश्व॒योगाः॑ शि॒शं न गा॑व॒स्तरु॑णं रिहन्ति ।
 तमी॑ गि॒रो ज॑न॒यो न प॑त्नीः सु॒रभि॑ष्टमं न॒रां न॑सन्त ७
 उ॒त न॑ ई म॒रुतो॑ वृ॒द्धसै॑नाः स्मद् रो॒दसी॑ स॒मन॑सः स॒दन्तु॑ ।
 पृ॒षद॑श्चा॒सोऽव॑न॒यो न रथा॑ रि॒शाद॑सो मि॒त्रयु॑जो न दे॒वाः ८
 प्र नु॑ यदै॒षां म॑हि॒ना चि॑क्त्रि॒त्रे प्र यु॑ज्जते प्र॒युज॑स्ते सु॒वृत्ति॑ ।
 अ॒ध्र यदै॒षां सु॑दि॒ने न श॑रु॒र्विश्व॑मे॒रिणं॑ प्रुषा॒यन्त॑ से॒नाः ९
 प्रो अ॒श्विना॑व॒वै कृ॑णु॒ध्वं प्र पू॑षणं स्व॒तव॑सो हि सन्ति ।

अद्वेषो विष्णुर्वार्तं ऋभुक्षा अच्छा सुम्नाय ववृतीय देवान् १०
 इयं सा वो अस्मे दीधितिर्यजत्रा अपिप्राणी च सदेनी च भूयाः ।
 नि या देवेषु यतते वसूयुर्विद्यामेषं वृजनं जीरदानुम् ११

(६६) षट्षष्टितमं सूक्तम्

(१-११) एकादशर्चस्यास्य सूक्तस्य मैत्रावरुणिरगस्त्य ऋषिः । अन्नं देवता । (१)

प्रथमर्चोऽनुष्टुब्गभोष्णिक् (३, ५-७, ११) तृतीयायाः

पञ्चम्यादितृचस्यैकादश्याश्चानुष्टुप् (११) एकादश्या बृहती वा (२, ४, ८-१०)

द्वितीयाचतुर्थ्योरष्टम्यादितृचस्य च गायत्री छन्दांसि

पितुं नु स्तौषं मुहो धर्माणं तविषीम् ।
 यस्य त्रितो व्योर्जसा वृत्रं विपर्वमर्दयत् १
 स्वादौ पितो मधो पितो वयं त्वा ववृमहे । अस्माकमविता भव २
 उप नः पितुवा चर शिवः शिवाभिरूतिभिः ।
 मयोभुरद्विषेणयः सखा सुशेवो अद्वयाः ३
 तव त्वे पितो रसा रजांस्यनु विष्टिताः ।
 दिवि वाता इव श्रिताः ४
 तव त्वे पितो ददतु स्तव स्वादिष्ट ते पितो ।
 प्र स्वाद्यानो रसानां तुविग्रीवा इवेरते ५
 त्वे पितो महानां देवानां मनो हितम् ।
 अकारि चारु केतुना तवाहिमवसावधीत् ६
 यददो पितो अर्जगन् विवस्व पर्वतानाम् ।
 अत्रा चिन्नो मधो पितो ऽरं भुक्षाय गम्याः ७
 यदपामोषधीनां परिशमारिशामहे । वातापि पीव इद् भव ८
 यत् तै सोम गवाशिरो यवाशिरो भजामहे । वातापि पीव इद् भव ९
 क्रुम्भ ओषधे भव पीवो वृक्क उदारथिः । वातापि पीव इद् भव १०
 तं त्वा वयं पितो वचोभिर्गावो न हव्या सुषूदिम ।
 देवेभ्यस्त्वा सधमाद मस्मभ्य त्वा सधमादम् ११

(६७) सप्तषष्टितमं सूक्तम्

(१-११) एकादशर्चस्यास्य सूक्तस्य मैत्रावरुणिरगस्त्य ऋषिः । (१) प्रथमर्च इध्मः

समिद्धो वाग्निः (२) द्वितीयायास्तनूनपात् (३) तृतीयाया इळः (४) चतुर्थ्या
 बर्हिः (५) पञ्चम्या देवीर्द्वारः (६) षष्ठ्या उषासानक्ता (७) सप्तम्या दैव्यौ
 होतारौ प्रचेतसौ (८) अष्टम्यास्तिस्रो देव्यः सरस्वतीळाभारत्यः (९)
 नवम्यास्त्वष्टा (१०) दशम्या वनस्पतिः (११) एकादश्याश्च स्वाहाकृतयो देवताः
 । गायत्री छन्दः

समिद्धो अद्य राजसि देवो देवैः सहस्रजित् । दूतो हव्या कविर्वह १
 तनूनपादृतं यते मध्वा यज्ञः समज्यते । दधत् सहस्रिणीरिषः २
 आजुह्वानो न ईड्यो देवाँ आ वक्षि यज्ञियान् । अग्रे सहस्रसा असि ३
 प्राचीनं बर्हिरोजसा सहस्रवीरमस्तृणन् । यत्रादित्या विराजथ ४
 विराट् सम्राड्विभ्वीः प्रभ्वी ब्रह्मीश्च भूर्यसीश्च याः । दुरो घृतान्यक्षरन् ५
 सुरुक्मे हि सुपेशसा ऽधि श्रिया विराजतः । उषासावेह सौदताम् ६
 प्रथमा हि सुवाचसा होतारा दैव्या कवी । यज्ञं नो यक्षतामिमम् ७
 भारतीळे सरस्वति या वः सर्वा उपब्रुवे । ता नश्चोदयत श्रिये ८
 त्वष्टा रूपाणि हि प्रभुः पशून् विश्वान् त्समानजे । तेषां नः स्फातिमा यज
 ९
 उप त्मन्या वनस्पते पार्थो देवेभ्यः सृज । अग्निर्हव्यानि सिष्वदत् १०
 पुरोगा अग्निर्देवानां गायत्रेण समज्यते । स्वाहाकृतीषु रोचते ११

(६८) अष्टषष्टितमं सूक्तम्

(१-८) अष्टर्चस्यास्य सूक्तस्य मैत्रावरुणिरगस्त्य ऋषिः । अग्निर्देवता ।

त्रिष्टुप् छन्दः

अग्ने नय सुपथा राये अस्मान् विश्वानि देव वयुनानि विद्वान् ।
 युयोध्यस्मज्जुहुराणमेनो भूर्यिष्ठां ते नमउक्तिं विधेम १
 अग्ने त्वं पारया नव्यो अस्मान् त्वस्तिभिरति दुर्गाणि विश्वा ।
 पूश्च पृथ्वी बहुला न उर्वी भवा तोकाय तनयाय शं योः २
 अग्ने त्वमस्मद् युयोध्यमीवा अनग्नित्रा अभ्यमन्त कृष्टीः ।
 पुनरस्मभ्यं सुविताय देव क्षां विश्वेभिरमृतैभिर्यजत्र ३
 पाहि नो अग्ने पायुभिरजस्रै रुत प्रिये सदेन आ शशक्वान् ।
 मा तै भयं जरितारं यविष्ठ नूनं विदन्मापरं सहस्वः ४
 मा नो अग्नेऽव सृजो अघायो ऽविष्यवै रिपवै दुच्छुनायै ।

मा द॒त्वते॒ द॒शते॒ माद॑ते॒ नो॒ मा री॑षते॒ सह॑साव॒न् परा॑ दाः ५
 वि घृ॒ त्वावाँ॑ ऋ॒तजा॑त॒ यंस॑द् गृ॒णानो॑ अ॒ग्ने त॒न्वे॒रु॑ वरू॒थम् ।
 विश्वा॑द् रि॒रि॒क्षो॒रु॒त वा॑ नि॒नि॒त्सो॒ र॒भि॒हु॒ता॒मसि॑ हि दे॒व वि॒ष्पट् ६
 त्वं ताँ॑ अ॒ग्न उ॒भया॑न् वि वि॒द्वान् वे॒षि प्र॒पित्वे॑ म॒नुषो॑ यज॒त्र ।
 अ॒भि॒पित्वे॑ म॒नवे॑ शा॒स्यो भू॑ र्म॒र्मृ॒जे॒न्य उ॒शि॒ग्भि॒र्ना॒क्रः ७
 अ॒वो॒चाम॑ नि॒वच॑नान्यस्मिन् मान॑स्य सू॒नुः स॒ह॒साने॑ अ॒ग्रौ ।
 व॒यं स॒ह॒स्र॒मृषि॑भिः स॒नेम॑ वि॒द्यामे॑षं वृ॒जनं॑ जी॒रदा॑नुम् ८

(६६) एकोनसप्ततितमं सूक्तम्

(१-८) अष्टर्चस्यास्य सूक्तस्य मैत्रावरुणिगस्त्य ऋषिः । बृहस्पतिर्देवता ।

त्रिष्टुप् छन्दः

अ॒न॒र्वा॒णं वृ॒षभं॑ म॒न्द्रजि॑ह्वं बृ॒हस्प॑तिं व॒र्धया॑ न॒व्यम॑कैः ।
 गा॒थान्यः॑ सु॒रुचो॑ यस्य दे॒वा आ॑श्रु॒णव॑न्ति न॒वमा॑नस्य॒ मर्ताः॑ १
 तमृ॒त्विया॑ उप॒ वाचः॑ स॒चन्ते॒ सर्गो॑ न यो दे॒वय॑तामस॒र्जि ।
 बृ॒हस्प॑तिः स ह्य॒ञ्जो व॑रा॒सि वि॒भ्वाभ॑वत् स॒मृते॑ मा॒तरि॒श्वा २
 उप॑स्तुतिं न॒मस॑ उ॒द्यतिं॑ च श॒लोकं॑ यंसत् स॒विते॑व प्र॒बाहू॑ ।
 अ॒स्य क्र॒त्वा॒ह॒न्यो॒रु॒ यो अ॒स्ति मृ॒गो न भी॑मो अ॒रक्ष॑सस्तुवि॒ष्मान् ३
 अ॒स्य श॒लोकौ॑ दि॒वीय॑ते पृथि॒व्या म॒त्यो न यंस॑द् य॒क्षभृ॑द् वि॒चैताः॑ ।
 मृ॒गाणां॑ न हे॒तयो॑ यन्ति चे॒मा बृ॒हस्प॑तेरहि॒मायाँ॑ अ॒भि द्यून् ४
 ये त्वा॑ दे॒वोस्त्रि॑कं म॒न्यमा॑नाः पा॒पा भ॒द्रमु॑पजीवन्ति पु॒ज्राः ।
 न दू॒ढये॑रु॒ अनु॑ ददा॒सि वा॒मं बृ॒हस्प॑ते च॒र्यस॑ इत् पि॒यारु॑म् ५
 सु॒प्रैतुः॑ सू॒यव॑सो न प॒न्था दु॑र्नियन्तुः परि॒प्रीतो॑ न मि॒त्रः ।
 अ॒न॒र्वा॒णो अ॒भि ये च॑क्ष॒ते नो॒ ऽपी॑वृ॒ता अपो॑र्णुवन्तौ अ॒स्थुः ६
 सं यं॑ स्तु॒भोऽव॑न॒यो न यन्ति॑ स॒मुद्रं॑ न स्र॒वतो॑ रो॒धच॑क्राः ।
 स वि॒द्वान् उ॒भयं॑ च॒ष्टे अ॒न्त बृ॒हस्प॑तिस्तर॒ आप॑श्च गृ॒ध्रः ७
 ए॒वा म॒हस्तु॑विजा॒तस्तु॑वि॒ष्मान् बृ॒हस्प॑तिर्वृ॒षभो॑ धा॒यि दे॒वः ।
 स नः॑ स्तु॒तो वी॒रव॑द् धा॒तु गो॑म॒द् वि॒द्यामे॑षं वृ॒जनं॑ जी॒रदा॑नुम् ८

(७०) सप्ततितमं सूक्तम्

(१-१६) षोडशर्चस्यास्य सूक्तस्य मैत्रावरुणिगस्त्य ऋषिः । अमृणसूर्या देवताः ।

(१-६, १४-१६) प्रथमादिनवर्चा चतुर्दश्यादितृचस्य चानुष्टुप् (१०-१२)

दशम्यादितृचस्य महापङ्क्तिः (१३) त्रयोदश्याश्च महाबृहती छन्दांसि

कङ्कतो न कङ्कतो ऽथो सतीनकङ्कतः ।

द्वाविति प्लुषी इति न्यश्दृष्टा अलिप्सत १

अदृष्टान् हन्त्याय त्यथो हन्ति परायती ।

अथो अवघ्नती हन्त्यथो पिनष्टि पिंषती २

शरासः कुशरासो दुर्भासः सैर्या उत ।

मौञ्जा अदृष्टा बैरिणाः सर्वे साकं न्यलिप्सत ३

नि गावो गोष्ठे असदन् नि मृगासो अविक्षत ।

नि केतवो जनानां न्यश्दृष्टा अलिप्सत ४

एत उ त्ये प्रत्यदृश्न प्रदोषं तस्करा इव ।

अदृष्टा विश्वदृष्टाः प्रतिबुद्धा अभूतन ५

द्यौर्वः पिता पृथिवी माता सोमो भ्रातादितिः स्वसा ।

अदृष्टा विश्वदृष्टा स्तिष्ठतेलयता सु कम् ६

ये अस्य ये अङ्ग्याः सूचीका ये प्रकङ्कताः ।

अदृष्टाः किं चनेह वः सर्वे साकं नि जस्यत ७

उत् पुरस्तात् सूर्य एति विश्वदृष्टो अदृष्टहा ।

अदृष्टान् त्सर्वाञ्जिम्भयन् त्सर्वाश्च यातुधान्यः ८

उदपप्तदसौ सूर्यः पुरु विश्वानि जूर्वन् ।

आदित्यः पर्वतेभ्यो विश्वदृष्टो अदृष्टहा ९

सूर्ये विषमा संजामि दृतिं सुरावतो गृहे ।

सो चिन्नु न मराति नो वयं मरामाऽऽरे अस्य योजनं हरिष्ठा मधु त्वा मधुला
चकार १०

इयत्तिका शकुन्तिका सका जघास ते विषम् ।

सो चिन्नु न मराति नो वयं मरामाऽऽरे अस्य योजनं हरिष्ठा मधु त्वा मधुला
चकार ११

त्रिः सप्त विष्पुलिङ्गका विषस्य पुष्पमक्षन् ।

ताश्चिन्नु न मरन्ति नो वयं मरामाऽऽरे अस्य योजनं हरिष्ठा मधु त्वा मधुला
चकार १२

नवानां नवतीनां विषस्य रोपुषीणाम् ।

सर्वासामग्रभुं नामाऽऽरे अस्य योजनं हरिष्ठा मधु त्वा मधुला चकार १३
 त्रिः सप्त मयूर्यः सप्त स्वसारो अगुर्वः ।
 तास्तै विषं वि जश्निर उदकं कुम्भिनीरिव १४
 इयत्तकः कुषुम्भकस्तकं इभनदम्यश्मना ।
 ततो विषं प्र वावृते पराचीरनु संवतः १५
 कुषुम्भकस्तदब्रवीद् गिरेः प्रवर्तमानकः ।
 वृश्चिकस्यारसं विष मरसं वृश्चिक ते विषम् १६

(७१) एकसप्ततितमं सूक्तम्

(१-१६) षोडशर्चस्यास्य सूक्तस्य शौनको गृत्समद ऋषिः । अग्निर्देवता ।

जगती छन्दः

त्वमग्ने द्युभिस्त्वमाशुशक्षणि स्त्वमद्भ्यस्त्वमश्मनस्परि ।
 त्वं वनैभ्यस्त्वमोषधीभ्यस्त्वं नृणां नृपते जायसे शुचिः १
 तवाग्ने होत्रं तव पोत्रमृत्विद्यं तव नेष्टृचफट् त्वमग्निर्दृतायतः ।
 तव प्रशास्त्रं त्वमध्वरीयसि ब्रह्मा चासि गृहपतिश्च नो दमै २
 त्वमग्न इन्द्रो वृषभः सतामसि त्वं विष्णुरुगुगायो नमस्यः ।
 त्वं ब्रह्मा रयिविद् ब्रह्मणस्पते त्वं विधर्तः सचसे पुरेन्ध्या ३
 त्वमग्ने राजा वरुणो धृतव्रतस्त्वं मित्रो भवसि दस्म ईडयः ।
 त्वमर्युमा सत्पतिर्यस्य संभुजं त्वमंशौ विदथै देव भाजयुः ४
 त्वमग्ने त्वष्टा विधते सुवीर्यं तव गावो मित्रमहः सजात्यम् ।
 त्वमाशहेमा ररिषे स्वश्वयं त्वं नरां शर्धो असि पुरुवसुः ५
 त्वमग्ने रुद्रो असुरो महो दिवस्त्वं शर्धो मारुतं पृक्ष ईशिषे ।
 त्वं वातैरुणैर्यासि शंगयस्त्वं पूषा विधतः पांसि नु त्मना ६
 त्वमग्ने द्रविणोदा अरंकृते त्वं देवः सविता रब्रधा असि ।
 त्वं भगौ नृपते वस्व ईशिषे त्वं पायुर्दमे यस्तेऽविधत् ७
 त्वमग्ने दम् आ विश्पतिं विश् स्त्वां राजानं सुविदत्रमृञ्जते ।
 त्वं विश्वानि स्वनीक पत्यसे त्वं सहस्राणि शता दश प्रति ८
 त्वमग्ने पितरमिष्टिभिर्नरस्त्वां भ्रात्राय शम्या तनूरुचम् ।
 त्वंपुत्रो भवसि यस्तेऽविधत् त्वं सर्वा सुशेवः पास्याधृषः ९
 त्वमग्न ऋभुराके नमस्यस्त्वं वाजस्य क्षुमतौ राय ईशिषे ।

त्वं वि भास्यन् दक्षि दावने त्वं विशिद्धुरसि यज्ञमातनिः १०
 त्वमग्ने अदितिर्देव दाशुषे त्वं होत्रा भारती वर्धसे गिरा ।
 त्वमिळा शतहिमासि दक्षसे त्वं वृत्रहा वसुपते सरस्वती ११
 त्वमग्ने सुभृत उत्तमं वयस्त्वर्ह्ये वर्ण आ सन्दृशि श्रियः ।
 त्वं वाजः प्रतरणो बृहन्नसि त्वं रयिर्बहुलो विश्वतस्पृथुः १२
 त्वामग्ने आदित्यास आस्यं त्वां जिह्वां शुचयश्चक्रिरे कवे ।
 त्वां रातिषाचो अध्वरेषु सश्चिरे त्वे देवा हविरदन्त्याहुतम् १३
 त्वे अग्ने विश्वे अमृतांसो अद्रुह आसा देवा हविरदन्त्याहुतम् ।
 त्वया मर्तासः स्वदन्त आसुतिं त्वं गर्भो वीरुधा जज्ञिषे शुचिः १४
 त्वं तान् त्सं च प्रति चासि मज्मना ऽग्ने सुजात प्र च देव रिच्यसे ।
 पृक्षो यदत्र महिना वि ते भुवदनु द्यावापृथिवी रोदसी उभे १५
 ये स्तोतृभ्यो गोअग्रामश्चपेशस मग्ने रातिमुपसृजन्ति सूरयः ।
 अस्माञ्च तांश्च प्र हि नेषि वस्य आ बृहद् वदेम विदथे सुवीराः १६

(७२) द्विसप्ततितमं सूक्तम्

(१-१३) त्रयोदशर्चस्यास्य सूक्तस्य शौनको गृत्समद ऋषिः । अग्निर्देवता ।

जगती छन्दः

यज्ञेन वर्धत जातवैदस मग्निं यजध्वं हविषा तना गिरा ।
 समिधानं सुप्रयसं स्वर्णं द्युक्षं होतारं वृजनैषु धूर्षदम् १
 अभि त्वा नक्तीरुषसौ ववाशिरे ऽग्ने वत्सं न स्वसरेषु धेनवः ।
 दिव इवेदरतिर्मानुषा युगा क्षपौ भासि पुरुवार संयतः २
 तं देवा बुध्रे रजसः सुदंसं दिवस्पृथिव्योरति न्यैरिरे ।
 रथमिव वेद्यं शक्रशोचिष मग्निं मित्रं न क्षितिषु प्रशंस्यम् ३
 तमुक्षमाणं रजसि स्व आ दमै चन्द्रमिव सुरुचं हार आ दधुः ।
 पृथ्याः पतरं चितयन्तमक्षभिः पाथो न पायुं जनसी उभे अनु ४
 स होता विश्वं परि भूत्वध्वरं तमु हव्यैर्मनुष ऋञ्जते गिरा ।
 हिरिशिप्रो वृधसानासु जर्भुरद् द्यौर्न स्तृभिश्चितयद् रोदसी अनु ५
 स नो रेवत् समिधानः स्वस्तये संददस्वान् रयिमस्मासु दीदिहि ।
 आ नः कृणुष्व सुविताय रोदसी अग्ने हव्या मनुषो देव वीतये ६
 दा नो अग्ने बृहतो दाः सहस्रिणो दुरो न वाजं श्रुत्या अपा वृधि ।

प्राची द्यावापृथिवी ब्रह्मणा कृधि स्वर्णं शक्रमुषसो वि दिद्युतुः ७
 स ईधान उषसो राम्या अनु स्वर्णं दीदेदरूपेण भानुना ।
 होत्राभिरग्निर्मनुषः स्वध्वरो राजा विशामतिथिश्चारुरायवे ८
 एवा नो अग्ने अमृतैषु पूर्य धीष्णीपाय बृहद् दिवेषु मानुषा ।
 दुहाना धेनुर्वृजनेषु कारवे तमना शतिर्न पुरुरूपमिषणि ९
 वयमग्ने अर्वता वा सुवीर्यं ब्रह्मणा वा चितयेमा जनाँ अति ।
 अस्माकं द्युम्नमधि पञ्च कृष्टिषू द्या स्वर्णं शशुचीत दुष्टरम् १०
 स नो बोधि सहस्य प्रशंस्यो यस्मिन् त्सुजाता इषयन्त सूरयः ।
 यमग्ने यज्ञमुपयन्ति वाजिनो नित्ये तोके दीदिवांसं स्वे दमे ११
 उभयांसो जातवेदः स्याम ते स्तोतारौ अग्ने सूरयश्च शर्मणि ।
 वस्वो रायः पुरुश्चन्द्रस्य भूयसः प्रजावतः स्वपत्यस्य शग्धि नः १२
 ये स्तोतृभ्यो गोअग्रामश्चपेशस मग्ने रातिमुपसृजन्ति सूरयः ।
 अस्माञ्च तांश्च प्र हि नेषि वस्य आ बृहद् वंदेम विदथे सुवीराः १३

(७३) त्रिसप्ततितमं सूक्तम्

(१-११) एकादशर्चस्यास्य सूक्तस्य शौनको गृत्समद ऋषिः । (१) प्रथमर्च इध्मः
 समिद्धो वाग्निः (२) द्वितीयाया नराशंसः (३) तृतीयाया इळः (४) चतुर्थ्या
 बर्हिः (५) पञ्चम्या देवीद्वारः (६) षष्ठ्या उषासानक्ता (७) सप्तम्या दैव्यौ
 होतारौ प्रचेतसौ (८) अष्टम्यास्तिस्त्रो देव्यः सरस्वतीळाभारत्यः (९)
 नवम्यास्त्वष्टा (१०) दशम्या वनस्पतिः (११) एकादश्याश्च स्वाहाकृतयो देवताः
 । (१-६, ८-११) प्रथमादितृचद्वयस्य अष्टम्यादिचतुर्नृचाञ्च त्रिष्टुप् (७) सप्तम्याश्च
 जगती छन्दसी

समिद्धो अग्निर्निहितः पृथिव्यां प्रत्यङ् विश्वानि भुवनान्यस्थात् ।
 होता पावकः प्रदिवः सुमेधा देवो देवान् यजत्वग्निरहन् १
 नराशंसः प्रति धामान्यञ्जन् तिस्रो दिवः प्रति मुह्य स्वाधिः ।
 घृतपुषा मनसा हव्यमुन्दन् मूर्धन् यज्ञस्य समनक्तु देवान् २
 ईळितो अग्ने मनसा नो अहन् देवान् यज्ञि मानुषात् पूर्वो अद्य ।
 स आ वह मरुतां शर्धो अच्युत मिन्द्रं नरो बर्हिषदं यजध्वम् ३
 देव बर्हिर्वर्धमानं सुवीरं स्तीर्णं राये सुभरं वेद्यस्याम् ।
 घृतेनाक्तं वसवः सीदतेदं विश्वे देवा आदित्या यज्ञियांसः ४

वि श्रयन्तामुर्विया हूयमाना द्वारौ देवीः सुप्रायणा नमोभिः ।
 व्यचस्वतीर्वि प्रथन्तामजुर्या वर्णं पुनाना यशसं सुवीरम् ५
 साध्वपांसि सनता न उक्षिते उषासानक्ता व्यथैव रशिवते ।
 तन्तुं ततं संवयन्ती समीची यज्ञस्य पेशः सुदुघे पर्यस्वती ६
 दैव्या होतारा प्रथमा विदुष्टर ऋजु यक्षतः समृचा वपुष्टरा ।
 देवान् यजन्तावृतुथा समञ्जतो नाभा पृथिव्या अधि सानुषु त्रिषु ७
 सरस्वती साधयन्ती धिर्यं न इळा देवी भारती विश्वतूर्तिः ।
 तिस्रो देवीः स्वधया बहिरिदमच्छिद्रं पान्तु शरणं निषद्य ८
 पिशङ्गरूपः सुभरौ वयोधाः श्रुष्टी वीरो जायते देवकामः ।
 प्रजां त्वष्टा विष्यतु नाभिमुस्मे अथा देवानामप्येतु पार्थः ९
 वनस्पतिरवसृजन्नुपस्था दग्निर्हविः सूदयाति प्रधीभिः ।
 त्रिधा समक्तं नयतु प्रजानन् देवेभ्यो दैव्यः शमितोप हव्यम् १०
 घृतं मिमिक्षे घृतमस्य योनिं घृते श्रितो घृतम्वस्य धाम ।
 अनुष्वधमा वह मादयस्व स्वाहाकृतं वृषभ वक्षि हव्यम् ११

(७४) चतुःसप्ततितमं सूक्तम्

(१-६) नवर्चस्यास्य सूक्तस्य भार्गवः सोमाहुतिर्ऋषिः । अग्निर्देवता ।

त्रिष्टुप् छन्दः

हुवे वः सुद्योत्मानं सुवृक्तिं विशामग्निमतिथिं सुप्रयसम् ।
 मित्र इव यो दिधिषाय्यो भूद् देव आदेवे जनै जातवेदाः १
 इमं विधन्तो अपां सधस्थै द्वितादधुर्भृगवो विद्वान् इयोः ।
 एष विश्वान्यभ्यस्तु भूमा देवानामग्निरेतिर्जीराश्वः २
 अग्निं देवासो मानुषीषु विक्षुप्रियं धुः क्षेप्यन्तो न मित्रम् ।
 स दीदयदुशतीरूर्म्या आ दक्षाय्यो यो दास्वते दम् आ ३
 अस्य रगवा स्वस्यैव पुष्टिः संदृष्टिरस्य हियानस्य दक्षोः ।
 वि यो भरिभ्रदोषधीषु जिह्वा मत्यो न रथ्यो दोधवीति वारान् ४
 आ यन्मे अभ्वं वनदः पनन्तो शिग्भ्यो नामिमीत वर्णम् ।
 स चित्रेण चिकिते रंसु भासा जुजुवाँ यो मुहुरा युवा भूत् ५
 आ यो वना तातृषाणो न भाति वार्षं पथा रथ्यैव स्वानीत् ।
 कृष्णाध्वा तपू रगवश्चिकेत द्यौरिव स्मर्यमानो नमोभिः ६

स यो व्यस्थादभि दक्षदुर्वी पशुर्नैति स्वयुरगौपाः ।
 अग्निः शोचिष्माँ अतसान्युष्णान् कृष्णव्यथिरस्वदयन्न भूमं ७
 नू ते पूर्वस्यावसो अधीतौ तृतीयै विदथे मन्म शंसि ।
 अस्मे अग्ने संयद्वीरं बृहन्तं क्षुमन्तं वार्जं स्वपुत्यं रुयिं दाः ८
 त्वया यथा गृत्समदासौ अग्ने गुहा वन्वन्त उपराँ अभि ष्युः ।
 सुवीरांसो अभिमातिषाहः स्मत् सूरिभ्यो गृणते तद् वयो धाः ९

(७५) पञ्चसप्ततितमं सूक्तम्

(१-८) अष्टर्चस्यास्य सूक्तस्य भार्गवः सोमाहुतिर्ऋषिः । अग्निर्देवता ।

अनुष्टुप् छन्दः

होताजनिष्ट चेतनः पिता पितृभ्य ऊतयै ।
 प्रयक्षजेन्यं वसुं शकेम वाजिनो यमम् १
 आ यस्मिन् त्सप्त रश्मयस्तता यज्ञस्य नेतरि ।
 मनुष्वद् दैव्यमष्टमं पोता विश्वं तदिन्वति २
 दधन्वे वा यदीमनु वोचद् ब्रह्माणि वेरु तत् ।
 परि विश्वानि काव्या नेमिश्चक्रमिवाभवत् ३
 साकं हि शुचिना शुचिः प्रशास्ता क्रतुनाजनि ।
 विद्वाँ अस्य वृता ध्रुवा वया इवानु रोहते ४
 ता अस्य वर्णमायुवो नेष्टुः सचन्त धेनवः ।
 कुवित् तिसृभ्य आ वरं स्वसारो या इदं ययुः ५
 यदी मातुरुप् स्वसा घृतं भरन्त्यस्थित ।
 तासामध्वर्युरागतौ यवौ वृष्टीव मोदते ६
 स्वः स्वायु धार्यसे कृणुतामृत्विगृत्विजम् ।
 स्तोमं यज्ञं चादरं वनेमो ररिमा वयम् ७
 यथा विद्वाँ अरं कर्द् विश्वेभ्यो यजतेभ्यः ।
 अयमग्ने त्वे अपि यं यज्ञं चकृमा वयम् ८

(७६) षट्सप्ततितमं सूक्तम्

(१-८) अष्टर्चस्यास्य सूक्तस्य भार्गवः सोमाहुतिर्ऋषिः । अग्निर्देवता ।

गायत्री छन्दः

इ॒मां मे॑ अ॒ग्ने स॒मिध॑ मि॒मामु॑प॒सद॑ वनेः । इ॒मा उ॒ षु श्रु॑धी गिरः १
 अ॒या ते॑ अ॒ग्ने वि॒धेमो॒ जौ न॒पाद॑श्चमिष्टे । ए॒ना सू॒क्तेन॑ सुजात २
 तं त्वा॑ गी॒र्भिर्गिर्व॑णसं द्रवि॒णस्युं॑ द्रवि॒णोदः॑ । स॒पर्ये॑म स॒पर्य॑वः ३
 स बो॑धि सू॒रिर्मु॑घवा॒ वसु॑पते॒ वसु॑दावन् । यु॒यो॒ध्यश्म॑द् द्वे॒षांसि॑ ४
 स नो॑ वृ॒ष्टिं दि॒वस्प॑रि स नो॒ वाज॑मन॒वर्ण॑म् । स नैः सह॑स्त्रि॒णीरि॑षः ५
 ई॒ळा॒नाया॑व॒स्यवे॑ यवि॒ष्ठ दू॒त नो॑ गिरा । यजि॑ष्ठ हो॒तरा॑ ग॒हि ६
 अ॒न्तर्ह्य॑ग्र ई॒यसे॑ वि॒द्वान् जन्मो॑भया॒ कवे॑ । दू॒तो ज॒न्यैव॑ मि॒त्र्यः ७
 स वि॒द्वाँ आ च॑ पिप्रयो॒ यक्षि॑ चि॒कित्त्व॑ आ॒नुष॑क् ।
 आ चा॒स्मिन् त्स॑त्सि ब॒र्हिषि॑ ८

(७७) सप्तसप्ततितमं सूक्तम्

(१-६) षडृचस्यास्य सूक्तस्य भार्गवः सोमाहुतिर्ऋषिः

। अग्निर्देवता । गायत्री छन्दः

श्रेष्ठं॑ यवि॒ष्ठ भा॒रता॑ ऽग्ने॒ द्युम॑न्त॒मा भ॑र । वसो॑ पुरु॒स्पृहं॑ र॒यिम् १
 मा नो॑ अ॒राति॑रीशत दे॒वस्य॑ म॒र्त्यस्य॑ च । पर्षि॑ तस्या॒ उ॒त द्वि॑षः २
 विश्वा॑ उ॒त त्वया॑ व॒यं धा॑रा उ॒द॒न्या इ॒व । अ॒ति गा॑हेमहि द्वि॒षः ३
 शुचिः॑ पाव॒क् व॒न्द्यो ऽग्ने॑ बृ॒हद् वि॒ रौच॑से । त्वं घृ॒तेभि॑राहुतः ४
 त्वं नो॑ असि भा॒रता॑ ऽग्ने॒ व॒शाभि॑रु॒क्षभिः॑ । अ॒ष्टार्प॑दीभि॒राहुतः॑ ५
 द्र॒वन्नः॑ स॒र्पिरा॑सुतिः प्र॒बो होता॑ वरे॒णयः॑ । सह॑स॒स्पुत्रो॑ अ॒द्भुतः॑ ६

(७८) अष्टसप्ततितमं सूक्तम्

(१-६) षडृचस्यास्य सूक्तस्य शौनको गृत्समद ऋषिः । अग्निर्देवता । (१-५)

प्रथमादिपञ्चर्चा गायत्री (६) षष्ठ्याश्चानुष्टुप् छन्दसी

वा॒ज॒य॒न्नि॒व नू॑ र॒थान्॑ यो॒गाँ अ॒ग्नेरु॑प॒ स्तुहि॑ । य॒शस्त॑मस्य मी॒ळ॒हृषः॑ १
 यः सु॒नी॒थो द॑दा॒शुषे॑ ऽजु॒र्यो ज॒रय॑न्नरिं । चा॒रुप्र॑ती॒क् आ॑हुतः २
 य उ॑ श्रि॒या दमे॑ष्वा दो॒षोष॑सि प्र॒श॒स्यते॑ । यस्य॑ वृ॒तं न॑ मी॒र्यते॑ ३
 आ यः स्व॑र्णं भा॒नुना॑ चि॒त्रो वि॒भात्य॑र्चिषा । अ॒ज्ञानो॑ अ॒जरै॑र॒भि ४
 अ॒त्रि॒मनु॑ स्वर॒ाज्यं॑ म॒ग्निमु॑क्थानि वावृ॒धुः । विश्वा॑ अ॒धि श्रि॒यो दधे॑ ५
 अ॒ग्नेरि॒न्द्रस्य॑ सोम॒स्य दे॒वाना॑मू॒तिभि॑र्व॒यम् । अ॒रि॒ष्यन्तः॑ स॒चेम॑ह्य॒भि ष्या॑म
 पृ॒त॒न्यतः॑ ६

षष्ठोऽध्यायः

। व० १-३ २

(७६) एकोनाशीतितमं सूक्तम्

(१-६) षडृचस्यास्य सूक्तस्य शौनको गृत्समद ऋषिः । अग्निर्देवता ।

त्रिष्टुप् छन्दः

नि होता होतृषदने विदानस्त्वेषो दीदिवाँ असदत् सुदक्षः ।
 अदब्धव्रतप्रमतिर्वसिष्ठः सहस्रंभरः शुचिजिह्वो अग्निः १
 त्वं दूतस्त्वमु नः परस्पास्त्वं वस्य आ वृषभ प्रणेता ।
 अग्रे लोकस्य नस्तने तनूना मप्रयुच्छन् दीद्यद् बोधि गोपाः २
 विधेम ते परमे जन्मन्नग्रे विधेम स्तोमैरवरे सधस्थै ।
 यस्माद् योनैरुदारिथा यजे तं प्र त्वे हवींषि जुहुरे समिद्धे ३
 अग्रे यजस्व हविषा यजीया ऋरुष्टी देष्णमभि गृणीहि राधः ।
 त्वं ह्यसि रयिपती रयीणां त्वं शक्रस्य वचसो मनोता ४
 उभयं ते न क्षीयते वसव्यं दिवेदिवे जायमानस्य दस्म ।
 कृधि क्षुमन्तं जरितारमग्रे कृधि पतिं स्वपत्यस्य रायः ५
 सैनानीकेन सुविदत्रो अस्मे यष्टा देवाँ आर्यजिष्ठः स्वस्ति ।
 अदब्धो गोपा उत नः परस्पा अग्रे द्युमदुत रेवद् दिदीहि ६

(८०) अशीतितमं सूक्तम्

(१-६) षडृचस्यास्य सूक्तस्य शौनको गृत्समद ऋषिः । अग्निर्देवता ।

त्रिष्टुप् छन्दः

जोहूत्रो अग्निः प्रथमः पितेवेळस्पदे मनुषा यत् समिद्धः ।
 श्रियं वसानो अमृतो विचैता मर्मजेन्यः श्रवस्यः स वाजी १
 श्रूया अग्निश्चित्रभानुर्हव मे विश्वाभिर्गीर्भिरमृतो विचैताः ।
 श्यावा रथं वहतो रोहिता वो तारुषाह चक्रे विभृत्रः २
 उत्तानायामजनयन् त्सुषूतं भुवदग्निः पुरुपेशासु गर्भः ।
 शिरिणायां चिदक्तुना महोभि रपरीवृतो वसति प्रचैताः ३
 जिघर्म्यग्निं हविषा घृतेन प्रतिक्षियन्तं भुवनानि विश्वा ।
 पृथुं तिरश्चा वयसा बृहन्तं व्यचिष्टमन्नै रभसं दृशानम् ४
 आ विश्वतः प्रत्यञ्च जिघर्म्य रक्षसा मनसा तज्जुषेत ।

मर्य॑श्रीः स्पृ॒ह्यद्व॑र्णो अ॒ग्निर्ना॒भि॒मृशै॑ त॒न्वा॒ऽज॒भुरा॑णः ५
 ज्ञेया॑ भा॒गं स॒हसा॑नो वरे॑ण त्वा॒दूता॑सो मनु॒वद् व॑देम ।
 अ॒नू॒नम॒ग्निं जु॒ह्वा व॒च॒स्या म॑धु॒पृचं॑ धन॒सा जौ॑हवीमि ६

(८१) एकाशीतितमं सूक्तम्

(१-२१) एकविंशत्यृचस्यास्य सूक्तस्य शौनको गृत्समद ऋषिः । इन्द्रो देवता ।

(१-२०) प्रथमादिविंशत्यृचां विराट्स्थाना (२१) एकविंशत्याश्च त्रिष्टुप् छन्दसी
 श्रु॒धी ह॒वमिन्द्र॑ मा रि॒षण्यः॑ स्याम॑ ते दा॒वने॑ वसू॒नाम् ।
 इ॒मा हि त्वा॒मूर्जो॑ व॒र्धय॑न्ति वसू॒यवः॑ सि॒न्धवो॑ न क्षर॑न्तः १
 सृ॒जो म॒हीरिन्द्र॑ या अपि॒न्वः परि॑ष्ठिता अ॒हिना॑ शूर॒ पूर्वीः॑ ।
 अ॒मर्त्यं॑ चिद् दा॒सं म॒न्यमान॑ मवा॒भिनदु॑क्थैर्वावृ॒धानः॑ २
 उ॒क्थेष्विन्द्र॑ शूर॒ येषु॑ चा॒कन् त॒स्तोमै॑ष्विन्द्र रु॒द्रियेषु॑ च ।
 तु॒भ्येदे॒ता यासु॑ म॒न्दसा॑नः प्र वा॒यवे॑ सि॒स्रते॑ न श॒भ्राः ३
 श॒भ्रं नु ते॑ शु॒ष्मं व॒र्धय॑न्तः श॒भ्रं वज्रं॑ बा॒होर्द॑धानाः ।
 श॒भ्रस्त्वमिन्द्र॑ वावृ॒धानो अ॒स्मे दा॒सीर्वि॑शः सू॒र्येण॑ स॒ह्याः ४
 गु॒हां हि॒तं गु॒ह्यं गू॒ळम॒प्स्व पी॑वृतं मा॒यिनं॑ क्षि॒यन्त॑म् ।
 उ॒तो अ॒पो द्यां त॑स्त॒भ्वांस॒ मह॑न्नहिं शूर॒ वी॒र्येण॑ ५
 स्तवा॑ नु ते इन्द्र पू॒र्व्या म॒हा न्यु॒त स्त॑वाम॒ नूत॑ना कृ॒तानि॑ ।
 स्तवा॑ वज्रं बा॒होरु॑शन्तं स्तवा॑ हरी॒ सूर्य॑स्य के॒तू ६
 हरी॑ नु ते इन्द्र वा॒जय॑न्ता घृ॒तश्चु॑तं स्वा॒रम॑स्वा॒र्ष्टाम् ।
 वि स॑मु॒ना भूमि॑रप्रथि॒ष्टा ऽर॑स्त॒ पर्व॑तश्चित् स॒रिष्यन्॑ ७
 नि पर्व॑तः साद्यप्रयु॒च्छन् त्सं॑ मा॒तृभि॑र्वाव॒शानो॑ अ॒क्रान् ।
 दू॒रे पा॒रे वा॒णीं व॒र्धय॑न्त॒ इन्द्रै॑षितां ध॒मनिं॑ पप्रथन् नि ८
 इन्द्रो॑ म॒हां सि॒न्धुमा॑शया॒नं मा॒यावि॑नं वृ॒त्रम॑स्फुर॒न्निः ।
 अ॒रैजे॒तां रोद॑सी भि॒याने॑ क॒निक्र॑दतो वृ॒ष्णो अस्य॑ वज्रात् ९
 अ॒रौर॑वीद् वृ॒ष्णो अस्य॑ वज्रो ऽमा॒नुषं॑ य॒न्मानु॑षो नि॒जूर्वात् ।
 नि मा॒यिनो॑ दान॒वस्य॑ मा॒या अपा॑दयत् प॒पिवान् त्सु॑तस्य १०
 पि॒बापि॑बेदिन्द्र शूर॒ सोमं॑ म॒न्दन्तु॑ त्वा म॒न्दिनः॑ सु॒तासः॑ ।
 पृ॒णन्त॑स्ते कु॒क्षी व॑र्धयन्ति॒ त्वा सु॑तः पौर॑ इन्द्र॒माव ११
 त्वे इन्द्रा॑प्य॒भूम॑ वि॒प्रा धि॑र्य वनेम ऋ॒तया॑ स॒पन्तः॑ ।

अवस्यवो धीमहि प्रशस्तिं सद्यस्तै रायो दावने स्याम १२
 स्याम ते त इन्द्र ये त ऊती अवस्यव ऊर्जं वर्धयन्तः ।
 शष्मिन्तमं यं चाकनाम देवाऽस्मे रयिं रासि वीरवन्तम् १३
 रासि क्षयं रासि मित्रमस्मे रासि शर्धं इन्द्र मारुतं नः ।
 सजोषसो ये च मन्दसानाः प्र वायवः पान्त्यग्रणीतिम् १४
 व्यन्तिवन्तु येषु मन्दसानस्तृपत् सोमं पाहि द्रुह्यदिन्द्र ।
 अस्मान् त्सु पृत्स्वा तरुत्रावर्धयो द्यां बृहद्भिरकैः १५
 बृहन्त इन्नु ये तै तरुत्रो वथेभिर्वा सुम्रमाविवसान् ।
 स्तृणानासौ बर्हिः पस्त्यावत् त्वोता इदिन्द्र वाजमग्मन् १६
 उग्रेष्विन्नु शूर मन्दसानस्त्रिकद्वकेषु पाहि सोममिन्द्र ।
 प्रदोधुवच्छमश्रुषु प्रीणानो याहि हरिभ्यां सुतस्य पीतिम् १७
 धिष्वा शर्वः शूर येन वृत्र मवाभिन्द् दानुमौर्णवाभम् ।
 अपावृणोज्योतिरार्याय नि सव्यतः सादि दस्युरिन्द्र १८
 सनेम ये त ऊतिभिस्तरन्तो विश्वाः स्पृध आर्येण दस्यून् ।
 अस्मभ्यं तत् त्वाष्ट्रं विश्वरूप मरन्धयः सारव्यस्य त्रितार्य १९
 अस्य सुवानस्य मन्दिनस्त्रितस्य न्यबुदं वावृधानो अस्तः ।
 अवर्तयत् सूर्यो न चक्रं भिनद् वलमिन्द्रो अङ्गिरस्वान् २०
 नूनं सा ते प्रति वरं जरित्रे दुहीयदिन्द्र दक्षिणा मघोनी ।
 शिक्ता स्तोतृभ्यो माति धग्भगौ नो बृहद् वदेम विदथे सुवीराः २१

(८२) द्व्यशीतितमं सूक्तम्

(१-१५) पञ्चदशर्चस्यास्य सूक्तस्य शौनको गृत्समद ऋषिः । इन्द्रो देवता ।

त्रिष्टुप् छन्दः

यो जात एव प्रथमो मनस्वान् देवो देवान् क्रतुना पर्यभूषत् ।
 यस्य शुष्माद् रोदसी अभ्यसेतां नृणस्य मृहा स जनास इन्द्रः १
 यः पृथिवीं व्यथमानामदृहद् यः पर्वतान् प्रकुपितां अरम्णात् ।
 यो अन्तरिक्षं विममे वरीयो यो द्यामस्तभ्नात् स जनास इन्द्रः २
 यो हत्वाहिमरिणात् सप्त सिन्धून् यो गा उदाजदपृधा वलस्य ।
 यो अश्मनोरन्तरग्निं जजान संवृक् समत्सु स जनास इन्द्रः ३
 येनेमा विश्वा च्यवना कृतानि यो दासं वर्णमधरं गुहाकः ।

श्वघ्नीव॒ यो जि॒गीवाँ ल॒क्षमाद॑ दुर्यः पु॒ष्टानि॒ स ज॑नास॒ इन्द्रः॑ ४
 यं स्मा॑ पृ॒च्छन्ति॒ कुह॑ सेति॒ घोर॑ मु॒तेमा॑हुर्नैषो अ॒स्तीत्ये॑नम् ।
 सो अ॒र्यः पु॒ष्टीर्विज॑ इवा मि॒नाति॒ श्रद॑स्मै ध॒त्त स ज॑नास॒ इन्द्रः॑ ५
 यो र॒ध्रस्य॑ चोदिता यः कृ॒शस्य॑ यो ब्र॒ह्मणो॑ नाध॒मानस्य॑ कीरेः ।
 यु॒क्तग्रा॑व्णो यो ऽवि॒ता सु॑शि॒प्रः सु॒तसो॑मस्य॒ स ज॑नास॒ इन्द्रः॑ ६
 यस्याश्वा॑सः प्र॒दिशि॒ यस्य॑ गावो॒ यस्य॑ ग्रामा॒ यस्य॑ विश्वे रथा॑सः ।
 यः सूर्यं॑ य उ॒षसं॑ ज॒जान॒ यो अ॒पां ने॒ता स ज॑नास॒ इन्द्रः॑ ७
 यं क्र॒न्दसी॑ संयु॒ती वि॒ह्वये॑ते परेऽव॑र उ॒भया॑ अ॒मित्राः॑ ।
 स॒मानं॑ चिद् रथ॑मातस्थि॒वांसा॒ नाना॑ हवे॒ते स ज॑नास॒ इन्द्रः॑ ८
 यस्मा॒न्न ऋ॒ते वि॒जय॑न्ते जना॑सो यं यु॒ध्यमा॑ना अ॒वसे॑ हव॒न्ते ।
 यो विश्व॑स्य प्र॒तिमानं॑ ब॒भूव॒ यो अ॒च्युत॑च्युत् स ज॑नास॒ इन्द्रः॑ ९
 यः श॒श्वतो॑ म॒ह्येनो॑ दधा॒ना न॑म॒न्यमा॑नाञ्छ॒र्वा ज॒घान॑ ।
 यः श॒र्धते॑ नानुद॒दाति॑ शृ॒ध्यां यो द॑स्योर्ह॒न्ता स ज॑नास॒ इन्द्रः॑ १०
 यः श॒म्बरं॑ पर्व॒तेषु॑ क्षि॒यन्तं॑ च॒त्वारि॑ंश्यां श॒रद्य॑न्ववि॒न्दत् ।
 ओ॒जाय॑मानं॒ यो अ॒हिं ज॒घान॒ दानुं॑ श॒यानं॑ स ज॑नास॒ इन्द्रः॑ ११
 यः स॒प्तर्षि॑मवृष॒भस्तु॑विष्मा न॒वासृ॑जत् स॒र्तवे॑ स॒प्त सि॒न्धून् ।
 यो रौ॒हिण॑मस्फुर॒द् वज्र॑बाहु॒र्द्यामा॑रोह॒न्तं स ज॑नास॒ इन्द्रः॑ १२
 द्यावा॑ चिद॒स्मै पृ॒थि॒वी न॑मे॒ते शु॒ष्माच्चि॑दस्य॒ पर्व॑ता भय॒न्ते ।
 यः सौ॒म॒पा नि॒चितो॑ वज्र॒बाहु॒र्यो वज्र॑हस्तः स ज॑नास॒ इन्द्रः॑ १३
 यः सु॒न्वन्त॑मव॒ति यः प॑च॒न्तं यः शंस॑न्तं॒ यः श॑श॒मान॑मू॒ती ।
 यस्य॑ ब्र॒ह्म व॑र्ध॒नं यस्य॑ सोमो॒ यस्ये॑दं रा॒धः स ज॑नास॒ इन्द्रः॑ १४
 यः सु॒न्वते॑ पच॒ते दु॒ध आ चि॑द् वाजं॒ दर्द॑र्षि॒ स किला॑सि स॒त्यः ।
 व॒यं तं इन्द्र॑ वि॒श्वह॑ प्रि॒यासः॑ सु॒वीरा॑सो वि॒दथ॑मा व॒देम॑ १५

(८३) त्र्यशीतितमं सूक्तम्

(१-१३) त्रयोदशर्चस्यास्य सूक्तस्य शौनको गृत्समद ऋषिः । इन्द्रो देवता । (१-

१२) प्रथमादिद्वादशर्चा जगती (१३) त्रयोदश्याश्च त्रिष्टुप् छन्दसी

ऋतु॒र्जनि॑त्री तस्या॑ अ॒पस्परि॑ म॒क्षू जा॒त आ॒विश॑द् यासु व॒र्धते॑ ।
 तदा॑हना अ॒भवत् पि॒प्युषी॑ प॒यो ऽशोः॑ पी॒यूषं॑ प्रथ॒मं तदु॑क्थ्यम् १
 स॒ध्रीमा॑ यन्ति॒ परि॑ बिभ्र॒तीः प॒योवि॑श्वप्स॒न्याय॑ प्र भ॒रन्त॑ भोज॒नम् ।
 स॒मानो॑ अध्वा॒ प्रव॑तामनुष्यदे॒ यस्ता॑कृ॒णोः प्रथ॑मं सास्युक्थ्यः २

अन्वेको वदति यद् ददाति तद् रूपा मिनन्तदपा एक ईयते ।
 विश्वा एकस्य विनुदस्तिक्षते यस्ताकृणोः प्रथमं सास्युक्थ्यः ३
 प्रजाभ्यः पुष्टिं विभजन्त आसते रयिर्मिव पृष्ठं प्रभवन्तमायते ।
 असिन्वन् दंष्ट्रैः पितुरेत्ति भोजनं यस्ताकृणोः प्रथमं सास्युक्थ्यः ४
 अधाकृणोः पृथिवीं संदृशे दिवे यो धौतीनामहिहन्नारिणक् पथः ।
 तं त्वा स्तोमैभिरुदभिर्न वाजिनं देवं देवा अजनन् त्सास्युक्थ्यः ५
 यो भोजनं च दयसे च वर्धन मद्रादा शुष्कं मधुमद् दुदोहिथ ।
 स शैवधिं नि दधिषे विवस्वति विश्वस्यैक ईशिषे सास्युक्थ्यः ६
 यः पुष्पिणीश्च प्रस्वश्च धर्मणा ऽधि दाने व्यश्वनीरधारयः ।
 यश्चासमा अजनो दिद्युतौ दिव उरुर्वाँ अभितः सास्युक्थ्यः ७
 यो नार्मरं सहवसुं निहन्तवे पृक्षाय च दासवैशाय चार्वहः ।
 ऊर्जयन्त्या अपरिविष्टमास्य मुतैवाद्य पुरुकृत् सास्युक्थ्यः ८
 शतं वा यस्य दश साकमाद्य एकस्य श्रुष्टौ यद्ध चोदमाविथ ।
 अरज्जौ दस्युन् त्समुनब्दभीतये सुप्राव्यो अभवः सास्युक्थ्यः ९
 विश्वेदनु रोधना अस्य पौस्यं ददुरस्मै दधिरे कृत्ववे धनम् ।
 षळस्तभ्ना विष्टिरः पञ्च संदृशः परि परो अभवः सास्युक्थ्यः १०
 सुप्रवाचनं तव वीर वीर्यं यदेकेन क्रतुना विन्दसे वसु ।
 जातूष्टिरस्य प्र वयः सहस्वतो या चकर्त्त सेन्द्र विश्वास्युक्थ्यः ११
 अरमयः सरपसस्तराय कं तुर्वीतये च व्य्याय च स्तुतिम् ।
 नीचा सन्तमुदनयः परावृजं प्रान्धं श्रोणं श्रवयन् त्सास्युक्थ्यः १२
 अस्मभ्यं तद् वसो दानाय राधः समर्थयस्व बहु तै वसव्यम् ।
 इन्द्र यच्चित्रं श्रवस्या अनु द्यून् बृहद् वदेम विदथै सुवीराः १३

(८४) चतुरशीतितमं सूक्तम्

(१-१२) द्वादशर्चस्यास्य सूक्तस्य शौनको गृत्समद ऋषिः । इन्द्रो देवता ।

त्रिष्टुप् छन्दः

अध्वर्यवो भरतेन्द्राय सोमं मामत्रेभिः सिञ्चता मद्यमन्धः ।
 कामी हि वीरः सदमस्य पीतिं जुहोत वृष्णे तदिदेश वष्टि १
 अध्वर्यवो यो अपो वव्रिवांसं वृत्रं जघानाशन्यैव वृक्षम् ।
 तस्मा एतं भरत तद्वृशायै एष इन्द्रो अर्हति पीतिमस्य २

अध्वर्यवो यो दृभीकं जघान यो गा उदाजदप हि वलं वः ।
 तस्मा एतमुन्तरिक्षे न वात मिन्द्रं सोमैरोर्णुत जूर्न वस्त्रैः ३
 अध्वर्यवो य उरणं जघान नव चख्वांसं नवतिं च ब्राहून् ।
 यो अर्बुदमव नीचा बबाधे तमिन्द्रं सोमस्य भूथे हिनोत ४
 अध्वर्यवो यः स्वशर्नं जघान यः शुष्णमशुषं यो व्यसम् ।
 यः पिपुं नमुचिं यो रुधिक्रां तस्मा इन्द्रायान्धसो जुहोत ५
 अध्वर्यवो यः शतं शम्बरस्य पुरो बिभेदाश्मनेव पूर्वीः ।
 यो वर्चिनः शतमिन्द्रः सहस्रं मुपावपद् भरता सोममस्मै ६
 अध्वर्यवो यः शतमा सहस्रं भूम्या उपस्थेऽवपजघन्वान् ।
 कुत्सस्यायोरतिथिग्वस्य वीरान् न्यावृणग् भरता सोममस्मै ७
 अध्वर्यवो यन्नरः कामयाध्वे श्रुष्टी वहन्तो नशथा तदिन्द्रैः ।
 गर्भस्तिपूतं भरत श्रुतायेन्द्राय सोमं यज्यवो जुहोत ८
 अध्वर्यवः कर्तना श्रुष्टिमस्मै वने निपूतं वन उन्नयध्वम् ।
 जुषाणो हस्त्यमभि वावशे व इन्द्राय सोमं मदिरं जुहोत ९
 अध्वर्यवः पयसोध्वर्यथा गोः सोमैभिरीं पृणता भोजमिन्द्रम् ।
 वेदाहमस्य निभृतं म एतद् दित्सन्तं भूयो यजतश्चिकेत १०
 अध्वर्यवो यो दिव्यस्य वस्वो यः पार्थिवस्य क्षम्यस्य राजा ।
 तमूर्दं न पृणता यवेनेन्द्रं सोमैभिस्तदपो वो अस्तु ११
 अस्मभ्यं तद् वसो दानाय राधः समर्थयस्व बहु तै वसव्यम् ।
 इन्द्र यच्चित्रं श्रवस्या अनु द्यून् बृहद् वदेम विदथै सुवीराः १२

(८५) पञ्चाशीतितमं सूक्तम्

(१-१०) दशर्चस्यास्य सूक्तस्य शौनको गृत्समद ऋषिः । इन्द्रो देवता ।

त्रिष्टुप् छन्दः

प्र घा न्वस्य महतो महानि सत्या सत्यस्य करणानि वोचम् ।
 त्रिकद्रुकेष्वपिबत् सुतस्यास्य मदे अहिमिन्द्रो जघान १
 अवंशे द्यामस्तभयाद् बृहन्त मा रोदसी अपृणदुन्तरिक्षम् ।
 स धारयत् पृथिवीं प्रथञ्च सोमस्य ता मद् इन्द्रश्चकार २
 सद्यैव प्राचो वि मिमाय मानैर्वज्रेण खान्यतृणन्नदीनाम् ।
 वृथासृजत् पृथिभिर्दीर्घयाथैः सोमस्य ता मद् इन्द्रश्चकार ३

स प्रवोळ्ढचफट्ण् परिगत्या दुभीते विश्वमधागायुधमिद्धे अग्रौ ।
 सं गोभिरश्वैरसृजद् रथैभिः सोमस्य ता मद इन्द्रश्चकार ४
 स ई महीं धुनिमेतौररम्णात् सो अस्त्रातृनपारयत् स्वस्ति ।
 त उत्स्राय रयिमुभि प्र तस्थुः सोमस्य ता मद इन्द्रश्चकार ५
 सोदञ्चं सिन्धुमरिणान्महित्वा वज्रेणान उषसः सं इंपपेष ।
 अजवसौ जविनीभिर्विवृश्चन् त्सोमस्य ता मद इन्द्रश्चकार ६
 स विद्वाँ अपगोहं कनीना माविर्भवन्नदतिष्ठत् परावृक् ।
 प्रति श्रोणः स्थाद् व्ययश्नगचष्ट सोमस्य ता मद इन्द्रश्चकार ७
 भिनद् वलमङ्गिरोभिर्गृणानो वि पर्वतस्य दृंहितान्यैरत् ।
 रिणग्रोधांसि कृत्रिमाणयेषां सोमस्य ता मद इन्द्रश्चकार ८
 स्वप्नेनाभ्युप्या चुमुरिं धुनिं च जघन्थ दस्युं प्र दुभीतिमावः ।
 रम्भी चिदत्र विविदे हिरण्यं सोमस्य ता मद इन्द्रश्चकार ९
 नूनं सा ते प्रति वरं जरित्रे दुहीयदिन्द्र दक्षिणा मघोनी ।
 शिक्ता स्तोतृभ्यो मारि धग्भगौ नो बृहद् वदेम विदथे सुवीराः १०

(८६) षडशीतितमं सूक्तम्

(१-६) नवर्चस्यास्य सूक्तस्य शौनको गृत्समद ऋषिः । इन्द्रो देवता । (१-८)

प्रथमाद्यष्टर्चा जगती (६) नवम्याश्च त्रिष्टुप् छन्दसी

प्र वः सतां ज्येष्ठतमाय सुष्टुति मग्नाविव समिधाने हविर्भरे ।
 इन्द्रमजुर्यं जरयन्तमुक्षितं सनाद् युवानमवसे हवामहे १
 यस्मादिन्द्राद् बृहतः किं चनेमृते विश्वान्यस्मिन् त्संभृताधि वीर्या ।
 जठरे सोमं तन्वीरं सहो महो हस्ते वज्रं भरति शीर्षणि क्रतुम् २
 न क्षोणीभ्यां परिभ्वै त इन्द्रियं न समुद्रैः पर्वतैरिन्द्र ते रथः ।
 न ते वज्रमन्वश्नोति कश्चन यदाशुभिः पतसि योजना पुरु ३
 विश्वे ह्यस्मै यजताय धृष्णवे क्रतुं भरन्ति वृषभाय सश्वते ।
 वृषा यजस्व हविषा विदुष्टरः पिबेन्द्र सोमं वृषभेण भानुना ४
 वृष्णः कोशः पवते मध्व ऊर्मि वृषभान्नाय वृषभाय पार्तवे ।
 वृषणाध्वर्यु वृषभासो अद्रयो वृषणं सोमं वृषभाय सुष्वति ५
 वृषा ते वज्र उत ते वृषा रथो वृषणा हरी वृषभाणयायुधा ।
 वृष्णो मदस्य वृषभ त्वमीशिष इन्द्र सोमस्य वृषभस्य तृष्णहि ६

प्र ते नावृं न समने वचस्युवृं ब्रह्मणा यामि सर्वनेषु दार्धृषिः ।
 कुविन्नौ अस्य वचसो निबोधिषु दिन्द्रमुत्सं न वसेनः सिचामहे ७
 पुरा संबाधादभ्या ववृत्स्व नो धेनुर्न वृत्सं यवसस्य पिप्युषी ।
 सकृत्सु तै सुमतिभिः शतक्रतो सं पत्नीभिर्न वृषणो नसीमहि ८
 नूनं सा ते प्रति वरं जरित्रे दुहीयदिन्द्र दक्षिणा मघोनी ।
 शिक्ता स्तोतृभ्यो मार्ति धग्भगौ नो बृहद् वदेम विदथे सुवीराः ९

(८७) सप्ताशीतितमं सूक्तम्

(१-९) नवर्चस्यास्य सूक्तस्य शौनको गृत्समद ऋषिः । इन्द्रो देवता । (१-७)

प्रथमादिसप्तर्चा जगती (८-९) अष्टमीनवम्योश्च त्रिष्टुप् छन्दसी

तदस्मै नव्यमङ्गिरस्वदर्चतु शुष्मा यदस्य प्रथोदीरते ।
 विश्वा यद् गोत्रा सहसा परीवृता मदे सोमस्य दृंहितान्यैरयत् १
 स भूतु यो ह प्रथमाय धार्यस ओजो मिमानो महिमान्मातिरत् ।
 शूरो यो युत्सु तन्वं परिव्यत शीर्षणि द्यां महिना प्रत्यमुञ्चत २
 अधाकृणोः प्रथमं वीर्यं महद् यदस्याग्रे ब्रह्मणा शुष्ममैरयः ।
 रथेष्टेन हर्यश्वेन विच्युताः प्र जीरयः सिस्रते सध्रचश्क पृथक् ३
 अधा यो विश्वा भुवनाभि मज्मनै शानकृत् प्रवया अभ्यवर्धत ।
 आद् रोदसी ज्योतिषा वह्निरातनोत् सीव्यन् तमांसि दुर्धिता समव्ययत् ४
 स प्राचीनान् पर्वतान् दृंहदौजसा ऽधराचीनमकृणोदपामपः ।
 अधारयत् पृथिवीं विश्वधार्यस मस्तभ्नान्मायया द्यामवस्त्रसः ५
 सास्मा अरं बाहुभ्यां यं पिताकृणोद् विश्वस्मादा जनुषो वेदसस्परि ।
 येना पृथिव्यां नि क्रिर्वि शयध्ये वज्रेण हत्व्यवृणक् तुविष्वणिः ६
 अमाजूरिव पित्रोः सचा सती समानादा सदसस्त्वामिये भगम् ।
 कृधि प्रकेतमुप मास्या भर दद्धि भागं तन्वोर् येन मामहः ७
 भोजं त्वामिन्द्र वयं हुवेम ददिष्टमिन्द्रापांसि वाजान् ।
 अविद्धीन्द्र चित्रया न ऊती कृधि वृषन्निन्द्र वस्यसो नः ८
 नूनं सा ते प्रति वरं जरित्रे दुहीयदिन्द्र दक्षिणा मघोनी ।
 शिक्ता स्तोतृभ्यो मार्ति धग्भगौ नो बृहद् वदेम विदथे सुवीराः ९

(८८) अष्टाशीतितमं सूक्तम्

(१-६) नवर्चस्यास्य सूक्तस्य शौनको गृत्समद ऋषिः । इन्द्रो देवता ।

त्रिष्टुप् छन्दः

प्रा॒ता रथो॑ नवो॑ योजि॑ सस्त्रि॒श्चतु॑र्युगस्त्रि॒कशः॑ स॒प्तरी॑श्मिः ।
 दशा॑रि॒त्रो मनु॑ष्यः स्व॒र्षाः स इष्टि॑भिर्म॒तिभी॑ र॒ह्यो भू॑त् १
 सास्मा॑ अरं प्रथ॒मं स द्वि॑तीयं॒ मुतो॑ तृतीयं॒ मनु॑षः स होता ।
 अ॒न्यस्या॑ गर्भ॒मन्य॑ ऊँ जनन्त॒ सो अ॒न्येभिः॑ सच॒ते जे॒न्यो वृषा॑ २
 हरी॑ नु कं रथ॒ इन्द्र॑स्य योज॒ मायै॑ सूक्तेन॒ वच॑सा नवे॒न ।
 मो षु॑ त्वामत्र॒ बृह॑वो हि वि॒प्रा नि री॑र॒मन् यज॑मानासो अ॒न्ये ३
 आ द्वाभ्यां॑ हरि॒भ्यामिन्द्र॑ या॒ ह्या च॒तुर्भिरा॑ षडि॒र्भूय॑मानः ।
 आष्टा॑भिर्दशभिः॒ सोम॑पेयं॒ मयं सु॑तः सु॒मख॒ मा मृ॑ध॒स्कः ४
 आ वि॑ंशत्या त्रि॒ंशता॑ या॒ह्यर्वा॒डा च॑त्वारि॒ंशता॑ हरि॒भिर्यु॑जानः ।
 आ प॑ञ्चाशता॒ सुर॑थै॒भिरिन्द्रा॑ ऽऽ ष॒ष्ट्या स॑प्तत्या॒ सोम॑पेयम् ५
 आशी॑त्या नव॒त्या या॑ह्यर्वा॒डा श॑तेन॒ हरि॑भिरु॒ह्यमा॑नः ।
 अ॒यं हि ते॑ श॒नहो॑त्रेषु॒ सोम॑ इन्द्र॒ त्वाया॑ परि॒षिक्तो॑ मदा॒य ६
 मम॑ ब्रह्मै॒न्द्र या॑ह्यच्छा॒ विश्वा॑ हरी॒ धुरि॑ धि॒ष्वा रथ॑स्य ।
 पु॒रुत्रा॑ हि वि॒हव्यो॑ ब॒भूथा॑ स्मिञ्छू॒र स॑र्वने मादयस्व ७
 न म॑ इन्द्रै॒ण स॒ख्यं वि॒ यौष॑ द॒स्मभ्य॑मस्य॒ दक्षि॑णा दुहीत ।
 उप॑ ज्येष्ठे वरू॒थे गर्भ॑स्तौ प्रा॒येप्रा॑ये जिगी॒वांसः॑ स्याम ८
 नूनं॑ सा ते प्रति॒ वरं॑ ज॒रित्रे॑ दु॒हीय॑दिन्द्र॒ दक्षि॑णा म॒घोनी॑ ।
 शि॒क्षा स्तो॑तृभ्यो॒ माति॑ ध॒ग्भगो॑ नो बृहद् वदे॒म वि॒दथै॑ सु॒वीराः॑ ९

(८९) एकोननवतितमं सूक्तम्

(१-६) नवर्चस्यास्य सूक्तस्य शौनको गृत्समद ऋषिः । इन्द्रो देवता ।

त्रिष्टुप् छन्दः

अ॒पा॒य्यस्या॑न्ध॒सो म॑दा॒य म॒नीषि॑णः सु॒वा॒नस्य॒ प्रय॑सः ।
 यस्मि॑न्निन्द्रः प्र॒दि॒वि वावृ॑धान ओ॒को दु॒धे ब्र॑ह्म॒ण्यन्त॑श्च नरः १
 अ॒स्य म॑न्दा॒नो म॒ध्वो व॑ज्रह॒स्तो ऽहि॑मिन्द्रो॒ अ॒र्णोवृ॑तं वि वृ॒श्चत् ।
 प्र॒ यद् व॒यो न॒ स्वस॑रा॒ण्यच्छा॑ प्रया॒सि च॒ न॒दीनां॑ चक्र॒मन्त॑ २

स माहि॑न् इन्द्रो॑ अ॒र्णो अ॒पां पैर॑यदहिहाच्छा॑ समु॒द्रम् ।
 अ॒र्जन॑यत् सूर्यं॑ वि॒दद् गा अ॒क्तुना॑ह्ना व॒युना॑नि सा॒धत् ३
 सो अ॒प्रती॑नि म॒नवे॑ पु॒रूणी॑न्द्रो दाश॑द् दा॒शुषे॑ ह॒न्ति वृ॒त्रम् ।
 स॒द्यो यो नृ॑भ्यो अ॒तसा॑य्यो भू॒त् प॑स्प॒धाने॑भ्यः सूर्य॑स्य सा॒तौ ४
 स सु॑न्व॒त इन्द्रः॑ सूर्य॑मा ऽऽ दे॒वो रि॑ण॒इम॑त्या॒य स्त॒वान् ।
 आ यद् र॒यिं गु॒हर्द॑वद्यमस्मै भ॒रदं॑शं नैत॑शो द॒शस्य॑न् ५
 स र॑न्ध॒यत् स॒दिवः॑ सा॒रथ॑ये शु॒ष्णाम॑शु॒षं कुर्य॑वं कु॒त्सा॑य ।
 दि॒वोदा॑साय न॒वतिं॑ च न॒वेन्द्रः॑ पु॒रो व्यैर॑च्छ॒म्बर॑स्य ६
 ए॒वा त इन्द्रो॑च॒रथ॑महे॒म श्रव॑स्या न त्म॒ना वा॒जय॑न्तः ।
 अ॒श्याम॑ तत् सा॒प्तमा॑शु॒षाणा॑ न॒नमो॑ व॒धर॑दे॒वस्य॑ पी॒योः ७
 ए॒वा तै गृ॑त्सम॒दाः शूर॑ म॒न्मा व॑स्य॒वो न व॑युना॑नि त॒क्षुः ।
 ब्र॒ह्मण॑यन्त इन्द्र॑ ते न॒वीय॑ इ॒षमूर्जं॑ सु॒क्षितिं॑ सु॒म्रम॑श्युः ८
 नूनं॑ सा ते प्र॒ति वरं॑ ज॒रित्रे॑ दु॒हीय॑दिन्द्र॒ दक्षि॑णा म॒घोनी॑ ।
 शि॒क्षा स्तो॒तृभ्यो॑ मा॒र्ति ध॒ग्भगो॑ नो बृ॒हद् व॑दे॒म वि॒दथै॑ सु॒वीराः॑ ९

(९०) नवतितमं सूक्तम्

(१-९) नवर्चस्यास्य सूक्तस्य शौनको गृत्समद ऋषिः । इन्द्रो देवता । (१-२,
 ४-९) प्रथमाद्वितीययोर्ऋचोश्चतुर्थ्यादितृचद्वयस्य च त्रिष्टुप् (३) तृतीयायाश्च

विराड्रूपा छन्दसी

व॒यं ते॒ वयं॑ इन्द्र॑ वि॒द्धि षु॒ णः॑ प्र भ॑रामहे वा॒जयु॑र्न रथ॑म् ।
 वि॒प॒न्यवो॑ दी॒ध्यतो॑ म॒नीषा॑ सु॒म्रमि॑र्य॒क्षन्त॑स्त्वाव॑तो नृन् १
 त्वं न इन्द्र॑ त्वाभि॒रूती॑ त्वा॒यतो॑ अ॒भिष्टि॑पासि॒ जनान्॑ ।
 त्वमि॒नो दा॑शु॒षो व॑रू॒ते त्वा॒धीर॑भि यो न॒क्षति॑ त्वा २
 स नो॑ यु॒वेन्द्रो॑ ज॒ोहूत्रः॑ स॒खा शि॒वो न॒राम॑स्तु पा॒ता ।
 यः शंस॑न्तं यः श॑शमा॒नमू॑ती प॒चन्तं॑ च स्तु॒वन्तं॑ च प्र॒णेष॑त् ३
 तमु॑ स्तु॒ष इन्द्रं॑ तं गृ॒णीषे॑ यस्मिन् पु॒रा वा॑वृ॒धुः शा॑श॒दुश्च॑ ।
 स वस्वः॑ का॒र्म पी॑परदि॒यानो॑ ब्र॒ह्मण॑य॒तो नू॑र्त॒नस्या॑योः ४
 सो अ॒ङ्गिर॑सामु॒चथा॑ जुजु॒ष्वान् ब्र॒ह्मा तू॒तोदिन्द्रो॑ गा॒तुमि॑ष्णन् ।
 मु॒ष्णन्नु॒षसः॑ सूर्य॑ण स्त॒वान् श॑न॒स्य चि॑च्छि॒शन॑थत् पू॒र्व्याणि॑ ५
 स ह॑ श्रु॒त इन्द्रो॑ ना॒म दे॒व ऊ॒र्ध्वो भु॑व॒न्मनु॑षे द॒स्मर्त॑मः ।

अव प्रियमर्शसानस्य साहा ञ्छिरौ भरद् दासस्य स्वधावान् ६
 स वृत्रहेन्द्रः कृष्णयौनीः पुरंदरो दासीरिरयुद् वि ।
 अर्जनयन् मर्नवे क्षामपश्च सत्रा शंसं यजमानस्य तूतोत् ७
 तस्मै तवस्यश्मनु दायि सत्रेन्द्राय देवेभिरर्शसातौ ।
 प्रति यदस्य वज्रं बाह्वोर्धु हृत्वी दस्युन् पुर आर्यसीर्नि तारीत् ८
 नूनं सा ते प्रति वरं जरित्रे दुहीयदिन्द्र दक्षिणा मघोनी ।
 शिक्ता स्तोतृभ्यो माति धग्भगौ नो बृहद् वदेम विदथे सुवीराः ९

(६१) एकनवतितमं सूक्तम्

(१-६) षडृचस्यास्य सूक्तस्य शौनको गृत्समद ऋषिः । इन्द्रो देवता । (१-५)

प्रथमादिपञ्चर्चा जगती (६) षष्ठ्याश्च त्रिष्टुप् छन्दसी
 विश्वजिते धनजिते स्वर्जिते सत्राजिते नृजिते उर्वराजिते ।
 अश्वजिते गोजिते अब्जिते भरेन्द्राय सोमं यजताय हर्यतम् १
 अभिभुवैऽभिभुङ्गाय वन्वते ऽषाळ्हाय सहमानाय वेधसै ।
 तुविग्रये वह्नये दुष्टरीतवे सत्रासाहे नम इन्द्राय वोचत २
 सत्रासाहो जनभुक्तो जनंसहश्चयवनो युध्मो अनु जोषमुक्षितः ।
 वृत्तचयः सहुरिर्विद्वारित इन्द्रस्य वोचं प्र कृतानि वीर्या ३
 अनानुदो वृषभो दोधतो वधो गम्भीर ऋष्वो असमष्टकाव्यः ।
 रध्रचोदः शनर्थनो वीळितस्पृथुरिन्द्रः सुयज्ञ उषसः स्वर्जनत् ४
 यज्ञेन गातुमसुरौ विविद्रिरे धियो हिन्वाना उशिजौ मनीषिणः ।
 अभिस्वरा निषदा गा अवस्यव इन्द्रे हिन्वाना द्रविणान्याशत ५
 इन्द्र श्रेष्ठानि द्रविणानि धेहि चित्तिं दक्षस्य सुभगत्वमस्मे ।
 पोषं रयीणामरिष्टिं तनूनां स्वाधानं वाचः सुदिनत्वमहाम् ६

(६२) द्विनवतितमं सूक्तम्

(१-४) चतुर्ऋचस्यास्य सूक्तस्य शौनको गृत्समद ऋषिः । इन्द्रो देवता । (१)

प्रथमर्च अष्टिः (२-४) द्वितीयादितृचस्य चातिशक्वरी

(४) चतुर्थ्या अष्टिर्वा छन्दसी

त्रिकट्टुकेषु महिषो यवाशिरं तुविशुष्मं स्तृपत् सोममपिबद् विष्णुना सुतं
 यथावशत् ।
 स ई ममाद् महि कर्म कर्तवे महामुरुं सैनं सश्वद् देवो देवं सत्यमिन्द्रं सत्य

इन्दुः १

अध त्विषीमाँ अभ्योजसा क्रिवि युधाभ्वदा रोदसी अपृणदस्य मज्मना प्र वावृधे ।

अधत्तान्यं जठरे प्रेमरिच्यत सैन सश्वद् देवो देवं सत्यमिन्द्रं सत्य इन्दुः २
साकं जातः क्रतुना साकमोजसा ववक्षिथ साकं वृद्धो वीर्यैः सासहिर्मृधो
विचर्षणिः ।

दाता राधः स्तुवते काम्यं वसु सैन सश्वद् देवो देवं सत्यमिन्द्रं सत्य इन्दुः
३

तव त्यन्नर्यं नृतोऽपे इन्द्र प्रथमं पूर्वं दिवि प्रवाच्यं कृतम् ।

यद् देवस्य शर्वसा प्रारिणा असु रिणन्नपः ।

भुवद् विश्वमभ्यादेवमोजसा विदादूर्जं शतक्रतुर्विदादिषम् ४

(६३) त्रिनवतितमं सूक्तम्

(१-१६) एकोनविंशत्यृचस्यास्य सूक्तस्य शौनको गृत्समद ऋषिः । (१, ५, ६, ११, १७, १६) प्रथमापञ्चमीनवम्येकादशीसप्तदशयेकोनविंश्यृचां ब्रह्मणस्पतिः (२-४, ६-८, १०, १२-१६, १८) द्वितीयादिषष्ठ्यादितृचयोर्दशम्या
द्वादश्यादिपञ्चानामष्टादश्याश्च बृहस्पतिर्देवते । (१-१४, १६-१८)

प्रथमादिचतुर्दशर्चा षोडश्यादितृचस्य च जगती (१५, १६) पञ्चदशयेकोनविंश्योश्च
त्रिष्टुप् छन्दसी

गुणानां त्वा गुणपतिं हवामहे कविं कवीनामुपमश्रवस्तमम् ।

ज्येष्ठराजं ब्रह्मणां ब्रह्मणस्पत आ नः शृण्वन्नूतिभिः सीद सादनम् १

देवाशिचत् ते असुर्य प्रचैतसो बृहस्पते यज्ञियं भागमानशुः ।

उस्त्रा इव सूर्यो ज्योतिषा महो विश्वेषामिज्जनिता ब्रह्मणामसि २

आ विबाध्या परिरापस्तमांसि च ज्योतिष्मन्तं रथमृतस्य तिष्ठसि ।

बृहस्पते भीमममित्रदम्भनं रक्षोहणं गोत्रभिदं स्वर्विदम् ३

सुनीतिभिर्नयसि त्रायसे जनं यस्तुभ्यं दाशान्न तमंहो अशनवत् ।

ब्रह्मद्विषस्तपनो मन्युमीरसि बृहस्पते महि तत् तै महित्वनम् ४

न तमंहो न दुरितं कुतश्चन नारातयस्तितिरुर्न द्वयाविनः ।

विश्वा इदस्माद् ध्वरसो वि बाधसे यं सुगोपा रक्षसि ब्रह्मणस्पते ५

त्वं नो गोपाः पथिकृद् विचक्षणस्तव वृताय मतिभिर्जरामहे ।

बृहस्पते यो नो अभि हरो दधे स्वा तं मर्मर्तु दुच्छुना हरस्वती ६
 उत वा यो नो मूर्चयादनागसो ऽरातीवा मर्तः सानुको वृकः ।
 बृहस्पते अप तं वर्तया पथः सुगं नो अस्यै देववीतये कृधि ७
 त्रातारं त्वा तनूनां हवामहे ऽर्वस्पतरधिवृत्तारमस्मयुम् ।
 बृहस्पते देवनिदो नि बर्हय मा दुरेवा उत्तरं सुम्रमुन्नशन् ८
 त्वया वयं सुवृधां ब्रह्मणस्पते स्पार्हा वसु मनुष्या ददीमहि ।
 या नो दूरे तळितो या अरातयो ऽभि सन्ति जम्भया ता अनप्रसः ९
 त्वया वयमुत्तमं धीमहे वयो बृहस्पते पप्रिणा सस्त्रिना युजा ।
 मा नो दुःशंसौ अभिदिप्सुरीशत् प्र सुशंसा मतिभिस्तारिषीमहि १०
 अनानुदो वृषभो जग्मिराहवं निष्टप्ता शत्रुं पृतनासु सासहिः ।
 अस्मि सत्य ऋणया ब्रह्मणस्पत उग्रस्य चिद् दमिता वीळहृषिणः ११
 अदेवेन मनसा यो रिषण्यति शासामुग्रो मन्यमानो जिघांसति ।
 बृहस्पते मा प्रणक् तस्य नो वधो नि कर्म मन्युं दुरेवस्य शर्धतः १२
 भरेषु हव्यो नमसोपसद्यो गन्ता वाजेषु सनिता धनधनम् ।
 विश्वा इदुर्यो अभिदिप्स्वोऽं मृधो बृहस्पतिर्वि ववर्हा रथाँ इव १३
 तेजिष्ठया तपनी रुक्षसस्तप ये त्वा निदे दधिरे दृष्टवीर्यम् ।
 आविस्तत् कृष्व यदसत् त उक्थ्यं बृहस्पते वि परिरापो अर्दय १४
 बृहस्पते अति यदुर्यो अर्हाद् द्युमद् विभाति क्रतुमज्जनेषु ।
 यद् दीदयच्छर्वस ऋतप्रजात् तदस्मासु द्रविणं धेहि चित्रम् १५
 मा नः स्तेनेभ्यो ये अभि द्रुहस्पदे निरामिणौ रिपवोऽन्नैषु जागृधुः ।
 आ देवानामोहते वि वर्यो हृदि बृहस्पते न पुरः साम्नौ विदुः १६
 विश्वेभ्यो हि त्वा भुवनेभ्यस्परि त्वष्टाजनुत् साम्नःसाम्नः कविः ।
 स ऋणचिदृणया ब्रह्मणस्पतिं द्रुहो हन्ता मह ऋतस्य धर्तरि १७
 तव श्रिये व्यजिहीत् पर्वतो गवो गोत्रमुदसृजो यदङ्गिरः ।
 इन्द्रेण युजा तमसा परीवृतं बृहस्पते निरपामौब्जो अर्णवम् १८
 ब्रह्मणस्पते त्वमस्य युन्ता सूक्तस्य बोधि तनयं च जिन्व ।
 विश्वं तद् भद्रं यदवन्ति देवा बृहद् वदेम विदथै सुवीराः १९
 इति द्वितीयोष्टके षष्ठोऽध्यायः

सप्तमोऽध्यायः

व० १-२५

(६४) चतुर्नवतितमं सूक्तम्

(१-१६) षोडशर्चस्यास्य सूक्तस्य शौनको गृत्समद ऋषिः । (१, १०) प्रथमर्चो

दशम्याश्च बृहस्पतिः (२-६, ११, १३-१६)

द्वितीयाद्यष्टानामेकादश्यास्त्रयोदश्यादिचतसृणाञ्च ब्रह्मणस्पतिः (१२)

द्वादश्याश्चेन्द्राब्रह्मणस्पती देवताः । (१-११, १३-१५) प्रथमाद्येकादशर्चा

त्रयोदश्यादितृचस्य च जगती (१२, १६) द्वादशीषोडश्योश्च त्रिष्टुप् छन्दसी

सेमामविद्धि प्रभृतिं य ईशिषे ऽया विधेम नवया महा गिरा ।

यथा नो मीढ्वान् त्स्त्वते सखा तव बृहस्पते सीषधः सोत नो मतिम् १

यो नन्त्वान्यनमन्नयोजसोता दर्दमन्युना शम्बराणि वि ।

प्राच्यावयदच्युता ब्रह्मणस्पति रा चाविशद् वसुमन्तं वि पर्वतम् २

तद् देवानां देवतमाय कर्त्तु मश्रश्नन् दृळ्हावदन्त वीळिता ।

उद् गा आजदभिन्द् ब्रह्मणा वलमगूहत् तमो व्यचक्षयत् स्वः ३

अश्मास्यमवतं ब्रह्मणस्पति मधुधारमभि यमोजसातृणत् ।

तमेव विश्वे पपिरे स्वर्दृशौ बहु साकं सिसिचुरुत्समुद्रिणम् ४

सना ता का चिद् भुवना भवीत्वा माद्भिः शरद्भिर्दुरौ वरन्त वः ।

अयतन्ता चरतो अन्यदन्यदिद् या चकार वयुना ब्रह्मणस्पतिः ५

अभिनक्षन्तो अभि ये तमानुशु निर्धिं पंणीनां परमं गुहा हितम् ।

ते विद्वांसः प्रतिचक्ष्यानृता पुनर्यत उ आयन् तदुदीयुराविशम् ६

अतावानः प्रतिचक्ष्यानृता पुनरात् आ तस्थुः कवयौ महस्पथः ।

ते बाहुभ्यां धमितमग्निमश्मनि नकिः षो अस्त्यरणो जहर्हि तम् ७

अतज्येन क्षिप्रेण ब्रह्मणस्पतिर्यत्र वष्टि प्र तदर्शनोति धन्वना ।

तस्य साध्वीरिषवो याभिरस्यति नृचक्षसो दृशये कर्णयोनयः ८

स सनयः स विनयः पुरोहितः स सुष्टुतः स युधि ब्रह्मणस्पतिः ।

चाक्ष्मो यद् वाजं भरते मती धना ऽऽदित् सूर्यस्तपति तप्यतुर्वृथा ९

विभु प्रभु प्रथमं मेहनावतो बृहस्पतेः सुविदत्राणि राध्या ।

इमा सातानि वेन्यस्य वाजिनो येन जना उभये भुञ्जते विशः १०

योऽवरे वृजनै विश्वथा विभुर्महामु रणवः शर्वसा ववक्षिथ ।

स देवो देवान् प्रति पप्रथे पृथु विश्वेदु ता परिभूर्ब्रह्मणस्पतिः ११

विश्वं सत्यं मघवाना युवोरिदा पश्चन प्र मिनन्ति वृतं वाम् ।
 अच्छैन्द्राब्रह्मणस्पती हविर्नो ऽन्नं युजैव वाजिना जिगातम् १२
 उताशिष्टा अनु शृणवन्ति वह्नयः सभेयो विप्रो भरते मृती धना ।
 वीळद्वेषा अनु वशं ऋणमाददिः स ह वाजी समिथे ब्रह्मणस्पतिः १३
 ब्रह्मणस्पतेरभवद् यथावशं सत्यो मन्युर्महि कर्मा करिष्यतः ।
 यो गा उदाजत् स दिवे वि चाभजन् महीव रीतिः शर्वसासरत् पृथक् १४
 ब्रह्मणस्पते सुयमस्य विश्वहा रायः स्याम रथ्योर् वयस्वतः ।
 वीरेषु वीराँ उप पृङ्धि नस्त्वं यदीशानो ब्रह्मणा वेषि मे हवम् १५
 ब्रह्मणस्पते त्वमस्य यन्ता सूक्तस्य बोधि तनयं च जिन्व ।
 विश्वं तद् भद्रं यदवन्ति देवा बृहद् वदेम विदथै सुवीराः १६

(६५) पञ्चनवतितमं सूक्तम्

(१-५) पञ्चर्चस्यास्य सूक्तस्य शौनको गृत्समद ऋषिः । ब्रह्मणस्पतिर्देवता ।

जगती छन्दः

इन्धानो अग्निं वनवद् वनुष्यतः कृतब्रह्मा शूशुवद् रातहव्य इत् ।
 जातेन जातमति स प्र संसृति ययं युजं कृणुते ब्रह्मणस्पतिः १
 वीरेभिर्वीरान् वनवद् वनुष्यतो गोभी रयिं पप्रथद् बोधति त्मना ।
 तोकं च तस्य तनयं च वर्धते ययं युजं कृणुते ब्रह्मणस्पतिः २
 सिन्धुर्न क्षोदः शिमीवाँ ऋषायतो वृषैव वर्धिरिभि वृष्टयोजसा ।
 अग्नेरिव प्रसितिर्नाह वर्तवे ययं युजं कृणुते ब्रह्मणस्पतिः ३
 तस्मा अर्षन्ति दिव्या असञ्चतः स सत्वभिः प्रथमो गोषु गच्छति ।
 अनिभृष्टतविषिर्हन्त्योजसा ययं युजं कृणुते ब्रह्मणस्पतिः ४
 तस्मा इद् विश्वे धुनयन्त सिन्धवो ऽच्छिद्रा शर्म दधिरे पुरूणि ।
 देवानां सुप्ते सुभगः स एधते ययं युजं कृणुते ब्रह्मणस्पतिः ५

(६६) षण्णवतितमं सूक्तम्

(१-४) चतुर्ऋचस्यास्य सूक्तस्य शौनको गृत्समद ऋषिः । ब्रह्मणस्पतिर्देवता ।

जगती छन्दः

ऋजुरिच्छंसौ वनवद् वनुष्यतो दैवयन्निददैवयन्तमभ्यसत् ।
 सुप्रावीरिद् वनवत् पृत्सु दुष्टरं यज्वेदयज्योर्वि भजाति भोजनम् १

यजस्व वीर प्र विहि मनायतो भद्रं मनः कृणुष्व वृत्रतूर्यै ।
 हविष्कृणुष्व सुभगो यथाससि ब्रह्मणस्पतेरव आ वृणीमहे २
 स इज्जनैन स विशा स जन्मना स पुत्रैर्वार्ज भरते धना नृभिः ।
 देवानां यः पितरमाविवांसति श्रद्धामेना हविषा ब्रह्मणस्पतिम् ३
 यो अस्मै हव्यैर्घृतवद्भिरविधत् प्र तं प्राचा नयति ब्रह्मणस्पतिः ।
 उरुष्यतीमंहसो रक्षती रिषोँऽहोश्चिदस्मा उरुचक्रिरद्भुतः ४

(६७) सप्तनवतितमं सूक्तम्

(१-१७) सप्तदशर्चस्यास्य सूक्तस्य गृत्समदो गार्त्समदः कूर्मो वा ऋषिः ।

आदित्या देवताः । त्रिष्टुप् छन्दः

इमा गिर आदित्येभ्यो घृतसूः सनाद् राजभ्यो जुहा जुहोमि ।
 शृणोतु मित्रो अर्यमा भगौ न स्तुविजातो वरुणो दक्षो अंशः १
 इमं स्तोमं सक्रतवो मे अद्य मित्रो अर्यमा वरुणो जुषन्त ।
 आदित्यासः शुचयो धारपूता अवृजिना अनवद्या अरिष्टाः २
 त आदित्यास उरवो गभीरा अदब्धासो दिप्सन्तो भूर्यक्षाः ।
 अन्तः पश्यन्ति वृजिनोत साधु सर्वं राजभ्यः परमा चिदन्ति ३
 धारयन्त आदित्यासो जगत् स्था देवा विश्वस्य भुवनस्य गोपाः ।
 दीर्घाधियो रक्षमाणा असुर्य मृतावानश्चर्यमाना ऋणानि ४
 विद्यामादित्या अवसो वो अस्य यदर्यमन् भुय आ चिन्मयोभु ।
 युष्माकं मित्रावरुणा प्रणीतौ परि श्वभ्रैव दुरितानि वृज्याम् ५
 सुगो हि वो अर्यमन् मित्र पन्था अनृक्षरो वरुण साधुरस्ति ।
 तेनादित्या अधि वोचता नो यच्छता नो दुष्परिहन्तु शर्म ६
 पिपर्तु नो अदिती राजपुत्रा ऽति द्वेषास्यर्यमा सुगेभिः ।
 बृहन्मित्रस्य वरुणस्य शर्मो प स्याम पुरुवीरा अरिष्टाः ७
 तिस्रो भूमीर्धारयन् त्रीरुत द्यून् त्रीणि वृता विदथे अन्तरैषाम् ।
 अतेनादित्या महि वो महित्वं तदर्यमन् वरुण मित्र चारु ८
 त्री रौचना दिव्या धारयन्त हिरण्ययाः शुचयो धारपूताः ।
 अस्वप्रजो अनिमिषा अदब्धा उरुशंसा ऋजवे मर्त्याय ९
 त्वं विश्वेषां वरुणासि राजा ये च देवा असुर ये च मर्ताः ।
 शतं नो रास्व शरदौ विचक्षे ऽश्यामार्यूषि सुधितानि पूर्वा १०

न दक्षिणा वि चिकिते न सव्या न प्राचीनमादित्या नोत पश्चा ।
 पाक्या चिद् वसवो धीर्या चिद् युष्मानीतो अभयं ज्योतिरश्याम् ११
 यो राजभ्य ऋतुनिभ्यो ददाश यं वर्धयन्ति पुष्टयश्च नित्याः ।
 स रेवान् याति प्रथमो रथेन वसुदावा विदथेषु प्रशस्तः १२
 शुचिरपः सूयवसा अदब्ध उपेक्षेति वृद्धवयाः सुवीरः ।
 नकिष्टं घ्नन्त्यन्तितो न दूराद् य आदित्यानां भवति प्रणीतौ १३
 अदिते मित्र वरुणोत मृळ यद् वौ वयं चकृमा कच्चिदागः ।
 उर्वश्यामभयं ज्योतिरिन्द्र मा नो दीर्घा अभि नशन्तमिस्राः १४
 उभे अस्मै पीपयतः समीची दिवो वृष्टिं सुभगो नाम पुष्यन् ।
 उभा क्षयावाजयन् याति पृत्सू भावधौ भवतः साधू अस्मै १५
 या वौ माया अभिद्रुहै यजत्राः पाशा आदित्या रिपवे विचृत्ताः ।
 अश्वीव तां अति येषं रथेना रिष्टा उरावा शर्मन् तस्याम १६
 माहं मघोनो वरुण प्रियस्य भूरिदावन् आ विदं शूनमापेः ।
 मा रायो राजन् त्सुयमादव स्थां बृहद् वदेम विदथे सुवीराः १७

(६८) अष्टनवतितमं सूक्तम्

(१-११) एकादशर्चस्यास्य सूक्तस्य गृत्समदो गार्त्समदः कूर्मो वा ऋषिः । वरुणो देवता । त्रिष्टुप् छन्दः

इदं कुवेरादित्यस्य स्वराजो विश्वानि सान्त्यभ्यस्तु मृहा ।
 अति यो मन्द्रो यजथाय देवः सुकीर्तिं भिक्षे वरुणस्य भूरैः १
 तव वृते सुभगांसः स्याम स्वाध्यौ वरुण तुष्टुवांसः ।
 उपायन उषसां गोमतीना मग्नयो न जरमाणा अनु द्यून् २
 तव स्याम पुरुवीरस्य शर्मन् रुशंसस्य वरुण प्रणेतः ।
 यूयं नः पुत्रा अदितेरदब्धा अभि क्षमध्वं युज्याय देवाः ३
 प्र सीमादित्यो असृजद् विधतां ऋतं सिन्धवो वरुणस्य यन्ति ।
 न श्राम्यन्ति न वि मुचन्त्येते वयो न पप्सू रघुया परिज्मन् ४
 वि मच्छ्रथाय रशनामिवागं ऋध्याम ते वरुण खामृतस्य ।
 मा तन्तुश्छेदि वयतो धिर्य मे मा मात्रा शार्यपसः पुर ऋतोः ५
 अपो सु म्यक्ष वरुण भियसं मत् सम्राळतावोऽनु मा गृभाय ।
 दामैव वत्साद् वि मुमुग्ध्यंहौ नहि त्वदारे निमिषश्चनेशै ६

मा नो वृधैर्वरुण ये त इष्टा वेनः कृणवन्तमसुर भीरुन्ति ।
 मा ज्योतिषः प्रवसथानि गन्म वि षू मृधः शिश्रथो जीवसे नः ७
 नमः पुरा तै वरुणोत नून मुतापरं तुविजात ब्रवाम ।
 त्वे हि कं पर्वते न श्रिता न्यप्रच्युतानि दूळभ वृतानि ८
 परं ऋणा सावीरध मत्कृतानि माहं राजन्नन्यकृतेन भोजम् ।
 अव्युष्टा इन्नु भूयसीरुषास आ नो जीवान् वरुण तासु शाधि ९
 यो मै राजन् युज्यो वा सखा वा स्वप्ने भयं भीरवे मह्यमाह ।
 स्तेनो वा यो दिप्सति नो वृको वा त्वं तस्माद् वरुण पाह्यस्मान् १०
 माहं मघोनो वरुण प्रियस्य भूरिदावन् आ विदं शूनमापेः ।
 मा रायो राजन् त्सुयमादव स्थां बृहद् वदेम विदथे सुवीराः ११

(६६) नवनवतितमं सूक्तम्

(१-७) सप्तर्चस्यास्य सूक्तस्य गृत्समदो गार्त्समदः कूर्मो वा ऋषिः । विश्वे देवा
देवताः । त्रिष्टुप् छन्दः

धृतव्रता आदित्या इषिरा आरे मत् कर्त रहसूरिवागः ।
 शृणवतो वो वरुण मित्र देवा भद्रस्य विद्वाँ अवसे हुवे वः १
 यूयं देवाः प्रमतिर्युयमोजौ यूयं द्वेषांसि सनुतर्युयोत ।
 अभिज्ञतारौ अभि च क्षमध्व मद्या च नो मृळयतापरं च २
 किम् नु वः कृणवामापरेण किं सनेन वसव आप्येन ।
 यूयं नो मित्रावरुणादिते च स्वस्तिमिन्द्रामरुतो दधात ३
 ह्ये देवा यूयमिदापर्यः स्थ ते मृळत नाधमानाय मह्यम् ।
 मा वो रथो मध्यमवाळते भून्मा युष्मावत्स्वापिषु श्रमिष्म ४
 प्र वृ एको मिमय भूर्यागो यन्मा पितेव कितवं शशास ।
 आरे पाशा आरे अघानि देवा मा माधि पुत्रे विमिव ग्रभीष्ट ५
 अर्वाञ्चौ अद्या भवता यजत्रा आ वो हार्दि भयमानो व्ययेयम् ।
 त्राध्वं नो देवा निजुरो वृकस्य त्राध्वं कर्तादिवपदो यजत्राः ६
 माहं मघोनो वरुण प्रियस्य भूरिदावन् आ विदं शूनमापेः ।
 मा रायो राजन् त्सुयमादव स्थां बृहद् वदेम विदथे सुवीराः ७

(१००) शततमं सूक्तम्

(१-११) एकादशर्चस्यास्य सूक्तस्य शौनको गृत्समद ऋषिः । (१-५, ७, ८, १०)
 प्रथमादिपञ्चर्चा सप्तम्या अष्टम्या उत्तरार्धर्चस्य दशम्याश्चेन्द्रः (६) षष्ठ्या इन्द्रासोमौ
 (८) अष्टम्या पूर्वार्धर्चस्य सरस्वती (९) नवम्या बृहस्पतिः (११) एकादश्याश्च
 मरुतो देवताः । (१-१०) प्रथमादिदशर्चा त्रिष्टुप् (११) एकादश्याश्च जगती

छन्दसी

ऋतं देवाय कृणवते सवित्र इन्द्रायाहिघ्ने न रमन्त आपः ।
 अहरहर्यात्यक्तुरपां कियत्या प्रथमः सर्ग आसाम् १
 यो वृत्राय सिनमत्राभरिष्यत् प्र तं जनित्री विदुष उवाच ।
 पथो रदन्तीरनु जोषमस्मै दिवेदिवे धुनयो यन्त्यर्थम् २
 ऊर्ध्वो ह्यस्थादध्यन्तरिक्षे ऽधा वृत्राय प्र वधं जभार ।
 मिहं वसानु उप हीमदुद्रोत् तिग्मायुधो अजयच्छत्रुमिन्द्रः ३
 बृहस्पते तपुषाशनैव विध्य वृकद्वरसो असुरस्य वीरान् ।
 यथा जघन्थे धृषता पुरा चि देवा जहि शत्रुमस्माकमिन्द्र ४
 अव क्षिप दिवो अश्मानमुच्चा येन शत्रुं मन्दसानो निजूर्वाः ।
 तोकस्य सातौ तनयस्य भूरै रस्माँ अर्धं कृणुतादिन्द्र गोनाम् ५
 प्र हि क्रतुं वृहथो यं वनुथो रध्रस्य स्थो यजमानस्य चोदौ ।
 इन्द्रासोमा युवमस्माँ अविष्ट मस्मिन् भयस्थे कृणुतमु लोकम् ६
 न मा तमुन्न श्रमुन्नोत तन्द्र न्न वौचाम मा सुनोतेति सोमम् ।
 यो मै पृणाद् यो ददुद् यो निबोधाद् यो मा सुन्वन्तमुप गोभिरायत् ७
 सरस्वति त्वमस्माँ अविद्धि मरुत्वती धृषती जैषि शत्रून् ।
 त्यं चिच्छर्धन्तं तविषीयमाणं मिन्द्रो हन्ति वृषभं शशिर्दकानाम् ८
 यो नः सन्त्य उत वा जिघ्रुर भिरूयाय तं तिगितेन विध्य ।
 बृहस्पत आयुधैर्जेषि शत्रून् द्रुहे रीषन्तं परि धेहि राजन् ९
 अस्माकैभिः सत्वभिः शूर शूरै र्वीर्या कृधि यानि ते कत्वानि ।
 ज्योग्भूवन्ननुधूपितासो हृत्वी तेषामा भरा नो वसूनि १०
 तं वः शर्धं मारुतं सुम्रयुर्गिरो प ब्रुवे नमसा दैव्यं जनम् ।
 यथा रयिं सर्ववीरं नशामहा अपत्यसाचं श्रुत्य दिवेदिवे ११

(१०१) एकोत्तरशततमं सूक्तम्

(१-७) सप्तर्चस्यास्य सूक्तस्य शौनको गृत्समद ऋषिः । विश्वे देवा देवताः ।

(१-६) प्रथमादिषडृचां जगती (७) सप्तम्याश्च त्रिष्टुप् छन्दसी
अस्माकं मित्रावरुणावतुं रथं मादित्यै रुद्रैर्वसुभिः सचाभुवा ।
प्र यद् वयो न पप्तन्वस्मन्स्पतिं श्रवस्यवो हृषीवन्तो वनर्षदः १
अर्धं स्मा न उदवता सजोषसो रथं देवासो अभि विक्षु वाजयुम् ।
यदाशवः पद्याभिस्तित्रतो रजः पृथिव्याः सानौ जङ्घनन्त पाणिभिः २
उत स्य न इन्द्रो विश्वचर्षणि दिवः शर्धेन मारुतेन सुक्रतुः ।
अनु नु स्थात्यवृकाभिरूतिभी रथं महे सनये वाजसातये ३
उत स्य देवो भुवनस्य सक्षणि स्त्वष्टा ग्राभिः सजोषा जूजुवद् रथम् ।
इळा भगौ बृहद्विवोत रोदसी पूषा पुरंधिरश्विनावधा पती ४
उत त्ये देवी सुभगे मिथूदृशो षासानक्ता जगतामपीजुवा ।
स्तुषे यद् वा पृथिवि नव्यसा वचः स्थातुश्च वयस्त्रिवया उपस्तिरे ५
उत वः शंसमुशिजामिव श्मस्यर्हिर्बुध्योऽज एकपादुत ।
त्रित ऋभुक्षाः सविता चनो दधे ऽपां नपादाशहेमा धिया शमि ६
एता वो वश्मयुद्यता यजत्रा अर्तक्षन्नायवो नव्यसे सम् ।
श्रवस्यवो वाजं चकानाः सप्तिर्न रथ्यो अहं धीतिमश्याः ७

(१०२) द्व्युत्तरशततमं सूक्तम्

(१-८) अष्टर्चस्यास्य सूक्तस्य शौनको गृत्समद ऋषिः । (१) प्रथमर्चो
द्यावापृथिव्यौ (२-३) द्वितीयातृतीययोरिन्द्रस्त्वष्टा वा (४-५) चतुर्थीपञ्चम्यो
राका (६-७) षष्ठीसप्तम्योः सिनीवाली (८) अष्टम्याश्च लिङ्गोक्ता देवताः ।

(१-५) प्रथमादिपञ्चर्चा जगती (६-८) षष्ठ्यादितृचस्य चानुष्टुप् छन्दसी
अस्य मे द्यावापृथिवी ऋतायतो भूतमवित्री वचसः सिषासतः ।
ययोरार्युः प्रतरं ते इदं पुर उपस्तुते वसूयुवां महो दधे १
मा नो गुह्या रिपे आयोरहन् दभन् मा न आभ्यो रीरधो दुच्छुनाभ्यः ।
मा नो वि यौः सख्या विद्धि तस्य नः सुम्नायता मनसा तत् त्वेमहे २
अहैळता मनसा श्रुष्टिमा वह दुहानां धेनुं पिप्युषीमसश्चतम् ।
पद्याभिराशुं वचसा च वाजिनं त्वां हिनोमि पुरुहूत विश्वहा ३
राकामहं सुहवां सुष्टुती हवे शृणोतु नः सुभगा बोधतु त्मना ।

सीव्यत्वपः सूच्याच्छिद्यमानया ददातु वीरं शतदायमुक्थ्यम् ४
 यास्तै राके सुमतर्यः सुपेशसो याभिर्ददासि दाशुषे वसूनि ।
 ताभिर्नो अद्य सुमना उपागहि सहस्रपोषं सुभगे रराणा ५
 सिनीवालि पृथुष्टुके या देवानामसि स्वसा ।
 जुषस्व हव्यमाहुतं प्रजां देवि दिदिङ्घि नः ६
 या सुबाहुः स्वङ्गुरिः सुषूमा बहुसूवरी ।
 तस्यै विश्पत्तयै हविः सिनीवालयै जुहोतन ७
 या गुङ्गुर्या सिनीवाली या राका या सरस्वती ।
 इन्द्राणीमह ऊतये वरुणानीं स्वस्तये ८

(१०३) त्र्युत्तरशततमं सूक्तम्

(१-१५) पञ्चदशर्चस्यास्य सूक्तस्य शौनको गृत्समद ऋषिः । रुद्रो देवता ।

त्रिष्टुप् छन्दः

आ तै पितर्मरुतां सुम्रमेतु मा नः सूर्यस्य सदृशौ युयोथाः ।
 अभि नो वीरो अर्वति क्षमेतु प्र जायेमहि रुद्र प्रजाभिः १
 त्वादत्तेभी रुद्र शतमेभिः शतं हिमा अशीय भेषजेभिः ।
 व्यश्मद् द्वेषौ वितुरं व्यंहो व्यमीवाश्चातयस्वा विषूचीः २
 श्रेष्ठौ जातस्य रुद्र श्रियासि त्वस्तमस्तवसां वज्रबाहो ।
 पर्षि णः पारमंहसः स्वस्ति विश्वा अभीती रपसो युयोधि ३
 मा त्वा रुद्र चुक्रुधामा नमोभिर्मा दुष्टुती वृषभ मा सहती ।
 उन्नो वीरां अर्पय भेषजेभिर्भिषक्तं त्वा भिषजां शृणोमि ४
 हवीमभिर्हवते यो हविर्भिरव स्तोमेभी रुद्रं दिषीय ।
 ऋदूदरः सुहवो मा नो अस्यै बभ्रुः सुशिप्रौ रीरधन्मनायै ५
 उन्मा ममन्द वृषभो मरुत्वान् त्वर्क्षीयसा वर्यसा नाधमानम् ।
 घृणीव छायामरपा अशीयाऽऽ विवासेयं रुद्रस्य सुम्रम् ६
 क्वश् स्य तै रुद्र मृळयाकुर्हस्तो यो अस्ति भेषजो जलाषः ।
 अपभर्ता रपसो दैव्यस्याभी नु मा वृषभ चक्षमीथाः ७
 प्र बभ्रवै वृषभार्य श्वितीचे महो महीं सुष्टुतिमीरयामि ।
 नमस्या कल्मलीकिनं नमोभिर्गृणीमसि त्वेषं रुद्रस्य नाम ८
 स्थिरेभिरङ्गैः पुरुरूप उग्रो बभ्रुः शक्रेभिः पिपिशे हिरण्यैः ।

ईशानादस्य भुवनस्य भूरे न वा उ योषद् रुद्रादसुर्यम् ६
 अहन् बिभर्षि सायकानि धन्वा हन् निष्कं यजतं विश्वरूपम् ।
 अहन्निदं दयसे विश्वमभ्वं न वा ओजीयो रुद्र त्वदस्ति १०
 स्तुहि श्रुतं गर्तसदं युवानं मृगं न भीममुपहृत्तुमुग्रम् ।
 मृळा जेस्त्रि रुद्र स्तवानो ऽन्यं तै अस्मन्नि वपन्तु सेनाः ११
 कुमारश्चित् पितरं वन्दमानं प्रति नानाम रुद्रोपयन्तम् ।
 भूरैर्दातारं सत्पतिं गृणीषे स्तुतस्त्वं भैषजा रास्यस्मे १२
 या वो भैषजा मरुतः शुचीनि या शन्तमा वृषणो या मयोभु ।
 यानि मनुरवृणीता पिता न स्ता शं च योश्च रुद्रस्य वश्मि १३
 परि णो हेती रुद्रस्य वृज्याः परि त्वेषस्य दुर्मतिर्मही गात् ।
 अव स्थिरा मघवद्भ्यस्तनुष्व मीढ्वस्तोकाय तनयाय मृळ १४
 एवा बभ्रो वृषभ चेकितान् यथा देव न हृणीषे न हंसि ।
 हवनश्रुन्नौ रुद्रेह बोधि बृहद् वदेम विदथे सुवीराः १५

(१०४) चतुरत्तरशततमं सूक्तम्

(१-१५) पञ्चदशर्चस्यास्य सूक्तस्य शौनको गृत्समद ऋषिः । मरुतो देवताः ।

(१-१४) प्रथमादिचतुर्दशर्चा जगती (१५) पञ्चदश्याश्च त्रिष्टुप् छन्दसी
 धारावरा मरुतो धृषवौजसो मृगा न भीमास्तविषीभिर्चिनः ।
 अग्रयो न शशुचाना ऋजीषिणो भूमिं धमन्तो अपु गा अवृणवत १
 द्यावो न स्तृभिश्चितयन्त खादिनो व्यश्भ्रिया न द्युतयन्त वृष्टयः ।
 रुद्रो यद् वो मरुतो रुक्मवक्षसो वृषाजनि पृश्न्याः शक्र ऊर्धनि २
 उक्षन्ते अश्वाँ अत्याँ इवाजिषु नदस्य करैस्तुरयन्त आशुभिः ।
 हिरण्यशिप्रा मरुतो दविध्वतः पृक्षं याथ पृषतीभिः समन्यवः ३
 पृक्षे ता विश्वा भुवना ववक्षिरे मित्राय वा सदमा जीरदानवः ।
 पृषदश्वासो अनवभ्र्राधस ऋजिप्यासो न वयुनेषु धूर्षदः ४
 इन्धन्वभिर्धेनुभी रपशदूधभि रध्वस्मभिः पृथिभिर्भ्राजदृष्टयः ।
 आ हंसासो न स्वसराणि गन्तन् मधोर्मदाय मरुतः समन्यवः ५
 आ नो ब्रह्माणि मरुतः समन्यवो नरां न शंसः सर्वनानि गन्तन् ।
 अश्वामिव पिप्यत धेनुमूर्धनि कर्ता धिर्य जस्त्रि वाजपेशसम् ६
 तं नो दात मरुतो वाजिनं रथ आपानं ब्रह्म चितयद् दिवेदिवे ।

इषं स्तोतृभ्यो वृजनेषु कारवे सनि मेधामरिष्टं दुष्टं सहः ७
 यद् युञ्जते मरुतो रुक्मवक्षसो ऽश्वान् रथेषु भग आ सुदानवः ।
 धेनुर्न शिश्वे स्वसरेषु पिन्वते जनाय रातर्हविषे महीमिषम् ८
 यो नो मरुतो वृकताति मर्त्यो रिपुर्दधे वसवो रक्षता रिषः ।
 वर्तयत तपुषा चक्रियाभि त मर्व रुद्रा अशसौ हन्तना वर्धः ९
 चित्रं तद् वो मरुतो याम चेकिते पृश्न्या यदूधरप्यापयो दुहुः ।
 यद् वा निदे नवमानस्य रुद्रिया स्त्रितं जराय जुरतामदाभ्याः १०
 तान् वो महो मरुत एवयाव्नो विष्णोरिषस्य प्रभुथे हवामहे ।
 हिरण्यवर्णान् ककुहान् यतस्तुचो ब्रह्मण्यन्तः शंस्यं राध ईमहे ११
 ते दशग्वाः प्रथमा यज्ञमूहिरे ते नो हिन्वन्तूषसो व्युष्टिषु ।
 उषा न रामीररुणैरपौरुते महो ज्योतिषा शुचता गोअर्णसा १२
 ते क्षोणीभिररुणेभिर्नाञ्जिभी रुद्रा अतस्य सदनेषु वावृधुः ।
 निमेघमाना अत्यै न पाजसा सुञ्चन्द्रं वर्णं दधिरे सुपेशसम् १३
 तां ईयानो महि वरूथमूतय उप घेदेना नमसा गृणीमसि ।
 त्रितो न यान् पञ्च होतृन्भिष्टय आववर्तदवराञ्चक्रियावसे १४
 यया रुध्रं पारयथात्यहो यया निदो मुञ्चथ वन्दितारम् ।
 अर्वाची सा मरुतो या व ऊति रो षु वाश्रेव सुमतिर्जिगातु १५

(१०५) पञ्चोत्तरशततमं सूक्तम्

(१-१५) पञ्चदशर्चस्यास्य सूक्तस्य शौनको गृत्समद ऋषिः । अपां नपात् देवता ।

त्रिष्टुप् छन्दः

उपैमसृक्षि वाजयुर्वचस्यां चनो दधीत नाद्यो गिरौ मे ।
 अपां नपादाशहेमा कुवित् स सुपेशसस्करति जोषिषद्धि १
 इमं स्वस्मै हृद आ सुतष्टं मन्त्रं वोचेम कुविदस्य वेदत् ।
 अपां नपादसुर्यस्य महा विश्वान्यर्यो भुवना जजान २
 समन्या यन्त्युप यन्त्यन्याः समानमूर्वं नद्यः पृणन्ति ।
 तमू शुचिं शुचयो दीदिवांस मपां नपातं परि तस्थुरापः ३
 तमस्मैरा युवतयो युवानं मर्मज्यमानाः परि यन्त्यापः ।
 स श्क्रेभिः शिक्वभी रेवदस्मै दीदायानिध्मो घृतनिर्णिगप्सु ४

अ॒स्मै ति॒स्रो अ॒व्य॒थ्याय॒ नारी॑र्दे॒वाय॒ दे॒वीर्दि॒धिष॒न्त्यन्न॑म् ।
 कृ॒ता इ॒वोप॒ हि प्र॑स॒र्त्ते अ॒प्सु स पी॒यूषं॑ ध॒यति॑ पू॒र्वसू॑नाम् ५
 अ॒श्व॒स्यात्र॒ जनि॑मा॒स्य च॒ स्वर्द्धु॑हो रि॒षः संपृ॑चः पा॒हि सू॒रीन् ।
 आ॒मासु॑ पू॒षु प॒रो अ॒प्रमृ॑ष्यं ना॒रा॒तयो॒ वि न॑श॒न्नानृ॑तानि ६
 स्व आ॒ दमे॑ सु॒दुघा॒ यस्य॑ धे॒नुः स्व॒धां पी॑पाय सु॒भ्वन्न॑मत्ति ।
 सो अ॒पां न॒पादूर्ज॑यन्न॒प्स्वश्न्त॑ वसु॒देया॑य वि॒धते॑ वि भा॒ति ७
 यो अ॒प्स्वा शु॒चि॒ना दै॒व्येन॑ अ॒तावा॑जस्र उ॒र्विया॑ वि॒भाति॑ ।
 व॒या इ॒द॒न्या भु॑र्वना॒न्यस्य॒ प्र जा॑यन्ते वी॒रुध॑श्च प्र॒जाभिः॑ ८
 अ॒पां न॒पादा॒ ह्य॒स्थादु॑प॒स्थं जि॒ह्माना॑मू॒र्ध्वो वि॒द्युतं॑ वसा॒नः ।
 तस्य॒ ज्येष्ठं॑ म॒हिमा॑नं॒ वह॑न्ती॒ हिर॑ण्यव॒र्णाः परि॑ यन्ति यु॒ह्वीः ९
 हिर॑ण्यरूपः स हिर॑ण्यसंदृ॒ग्पां न॒पात् से॒दु हिर॑ण्यव॒र्णः ।
 हि॒र॒ण्यया॑त् परि॒ योने॑र्निषद्या॒ हिर॑ण्यदा द॑द॒त्यन्न॑मस्मै १०
 तद॒स्यानी॑कमु॒त चारु॑ नामा॒पीच्यं॑ वर्धते॒ नप्त॑रपाम् ।
 यमि॒न्धते॑ यु॒वत॑यः स॒मि॒त्था हिर॑ण्यव॒र्णं घृ॑तमन्नमस्य ११
 अ॒स्मै ब॑हूनाम॒व॒माय॑ स॒ख्ये य॒ज्ञैर्वि॑धेम॒ नम॑सा ह॒विर्भिः॑ ।
 सं सा॒नु मा॒ज्मि॒ दि॒धिषा॑मि बि॒ल्मै र्द॒धाम्य॑न्नेः परि॑ वन्द ऋ॒ग्भिः १२
 स ईं वृ॑षा॒जन॑यत् तासु॒ गर्भं॑ स ईं शि॒श॒र्धय॑ति तं रि॒हन्ति॑ ।
 सो अ॒पां न॒पाद॑र्नभि॒म्लात॑व॒र्णो ऽन्य॑स्यै॒वेह॑ त॒न्वा वि॒वेष॑ १३
 अ॒स्मिन् प॒दे प॑र॒मे त॑स्थि॒वांसं॑ म॒ध्वस्म॑भिर्वि॒श्वहा॑ दी॒दिवा॑सम् ।
 आ॒पो न॒ज्रे घृ॑तमन्नं॒ वह॑न्तीः स्व॒यम॑त्कैः परि॑ दी॒यन्ति॑ यु॒ह्वीः १४
 अ॒या॑सम॒ग्रे सु॒क्षितिं॑ जना॒या या॑समु॒ म॒घव॑द्भ्यः सु॒वृक्ति॑म् ।
 वि॒श्वं तद् भ॒द्रं यद॑वन्ति दे॒वा बृ॒हद् व॑देम वि॒दथै॑ सु॒वीराः॑ १५

(१०६) षडुत्तरशततमं सूक्तम्

(१-६) षडृचस्यास्य सूक्तस्य शौनको गृत्समद ऋषिः । (१) प्रथमर्च इन्द्रो मधुश्च
 (२) द्वितीयाया मरुतो माधवश्च (३) तृतीयायास्त्वष्टा शुक्रश्च (४) चतुर्थ्या
 अग्निः शुचिश्च (५) पञ्चम्या इन्द्रो नभश्च (६) षष्ठ्याश्च मित्रावरुणौ नभस्यश्च देवताः
 । जगती छन्दः

तुभ्यं हि॒न्वा॒नो व॑सिष्ट॒ गा अ॒पो ऽधु॑क्षन् त्सी॒मवि॑भिर॒द्रिभि॑र्नरः ।
 पि॒बैन्द्र॒ स्वाहा॒ प्रहृ॑तं व॒षट्कृतं॑ हो॒त्रादा॑ सोमं प्रथ॒मो य ई॑शिषे १

यज्ञैः संमिश्रिताः पृषतीभिर्ऋष्टिभिर् यामञ्जुभ्रासौ अञ्जिषु प्रिया उत ।
 आसद्या बर्हिर्भरतस्य सूनवः पोत्रादा सोमं पिबता दिवो नरः २
 अमेव नः सुहवा आ हि गन्तन् नि बर्हिषि सदतना रणिष्टन ।
 अथा मन्दस्व जुजुषाणो अन्धसस्त्वष्टदेवेभिर्जनिभिः सुमद्गणः ३
 आ वक्षि देवाँ इह विप्र यक्षि चो शन् होतुर्नि षदा योनिषु त्रिषु ।
 प्रति वीहि प्रस्थितं सोम्यं मधु पिबाग्नीध्रात् तव भागस्य तृप्णहि ४
 एष स्य तै तन्वौ नृम्णवर्धनः सह ओजः प्रदिवि बाहोर्हितः ।
 तुभ्यं सुतो मघवन् तुभ्यमाभृत स्त्वमस्य ब्राह्मणादा तृपत् पिब ५
 जुषेथा यज्ञं बोधतं हवस्य मे सत्तो होता निविदः पूर्या अनु ।
 अच्छा राजाना नम एत्यावृतं प्रशास्त्रादा पिबतं सोम्यं मधु ६

अष्टमोऽध्यायः

। व० १-२७

(१०७) सप्तोत्तरशततमं सूक्तम्

(१-६) षडृचस्यास्य सूक्तस्य शौनको गृत्समद ऋषिः । (१-४)

प्रथमादिचतुर्ऋचां द्रविणोदाः (५) पञ्चम्या अश्विनौ (६) षष्ठ्याश्वाग्निर्देवताः ।

जगती छन्दः

मन्दस्व होत्रादनु जोषमन्धसो ऽध्वर्यवः स पूर्णा वष्ट्यासिचम् ।
 तस्मा एतं भरत तद्वशो ददि होत्रात् सोमं द्रविणोदः पिब ऋतुभिः १
 यमु पूर्वमहुवे तमिदं हुवे सेदु हव्यौ ददिर्यो नाम पत्यते ।
 अध्वर्युभिः प्रस्थितं सोम्यं मधु पोत्रात् सोमं द्रविणोदः पिब ऋतुभिः २
 मेघन्तु ते वह्नयो येभिरीयसे ऽरिषण्यन् वीळयस्वा वनस्पते ।
 आयूया धृष्णो अभिगूया त्वं नेष्ट्रात् सोमं द्रविणोदः पिब ऋतुभिः ३
 अपाद्धोत्रादुत पोत्रादमत्तो त नेष्ट्रादजुषत् प्रयो हितम् ।
 तुरीयं पात्रममृक्तममर्त्यं द्रविणोदाः पिबतु द्राविणोदसः ४
 अर्वाञ्चमद्य यय्यं नृवाहणं रथं युञ्जाथामिह वा विमोचनम् ।
 पृङ्क्तं हवींषि मधुना हि कै गतमथा सोमं पिबतं वाजिनीवसू ५
 जोष्यग्रे समिधं जोष्याहुतिं जोषि ब्रह्म जन्त्यं जोषि सुष्टतिम् ।
 विश्वेभिर्विश्वाँ ऋतुना वसो मह उशन् देवाँ उशतः पायया हविः ६

(१०८) अष्टोत्तरशततमं सूक्तम्

(१-११) एकादशर्चस्यास्य सूक्तस्य शौनको गृत्समद ऋषिः । सविता देवता ।

त्रिष्टुप् छन्दः

उदु ष्य देवः सविता सवायं शश्वत्तमं तदपा वह्निरस्थात् ।
 नूनं देवेभ्यो वि हि धाति रत्न मथाभजद् वीतिहौत्रं स्वस्तौ १
 विश्वस्य हि श्रुष्टये देव ऊर्ध्वः प्र बाहवा पृथुपाणिः सिसर्ति ।
 आपश्चिदस्य व्रत आ निर्मृगा अयं चिद् वातौ रमते परिज्मन् २
 आशुभिश्चिद्यान् वि मुचाति नून मरीरमदतमानं चिदेतौ ।
 अह्यर्षणां चिन्नयेयां अविष्या मनु व्रतं सवितुर्मोक्यागात् ३
 पुनः समव्यद् विततं वयन्ती मध्या कर्तोर्न्यधाच्छक्म धीरः ।
 उत् सहायास्थाद् व्यृत्तूरैर्दधर रमतिः सविता देव आगात् ४
 नानौकांसि दुर्यो विश्वमायुर्वि तिष्ठते प्रभवः शोकौ अग्नेः ।
 ज्येष्ठं माता सूनवे भागमाधा दन्वस्य केतमिषितं सवित्रा ५
 समाववर्ति विष्टितो जिगीषुर्विश्वेषां कामश्चरताममाभूत् ।
 शश्वाँ अपो विकृतं हित्व्यागादनु व्रतं सवितुर्देव्यस्य ६
 त्वया हितमप्यमप्सु भागं धन्वान्वा मृगयसो वि तस्थुः ।
 वनानि विभ्यो नकिरस्य तानि व्रता देवस्य सवितुर्मिनन्ति ७
 याद्राध्यं वरुणो योनिमप्यमनिशितं निमिषि जर्भुराणः ।
 विश्वौ मार्ताण्डो व्रजमा पशुर्गात् स्थशो जन्मानि सविता व्याकः ८
 न यस्येन्द्रो वरुणो न मित्रो व्रतमर्यमा न मिनन्ति रुद्रः ।
 नारातयस्तमिदं स्वस्ति हुवे देवं सवितारं नमोभिः ९
 भगं धियं वाजयन्तः पुरन्धिं नराशंसो ग्रास्पतिर्नो अव्याः ।
 आये वामस्य संगथे रयीणां प्रिया देवस्य सवितुः स्याम १०
 अस्मभ्यं तद् दिवो अद्भ्यः पृथिव्या स्त्वया दत्तं काम्यं राध आ गात् ।
 शं यत् स्तोतृभ्य आपये भवा त्युरुशंसाय सवितर्जरित्रे ११

(१०९) नवोत्तरशततमं सूक्तम्

(१-८) अष्टर्चस्यास्य सूक्तस्य शौनको गृत्समद ऋषिः । अश्विनौ देवते ।

त्रिष्टुप् छन्दः

ग्रावाणेव तदिदथ जरेथे गृध्रेव वृक्षं निधिमन्तमच्छ ।
 ब्रह्माणैव विदथ उक्थशासा दूतेव हव्या जन्या पुरुत्रा १
 प्रातर्यावाणा रथ्यैव वीरा ऽजेव युमा वरमा संचेथे ।
 मेने इव तन्वाः शुम्भमाने दंपतीव क्रतुविदा जनैषु २
 शृङ्गेव नः प्रथमा गन्तमर्वाक् छफाविव जभुराणा तरौभिः ।
 चक्रवाकेव प्रति वस्तोरुस्त्रा ऽर्वाञ्चा यातं रथ्यैव शक्रा ३
 नावेव नः पारयतं युगेव नभ्यैव न उपधीव प्रधीव ।
 श्वानैव नो अरिषण्या तनूनां खृगलेव विस्त्रसः पातमस्मान् ४
 वातैवाजुर्या नद्यैव रीति रक्षी इव चक्षुषा यातमर्वाक् ।
 हस्ताविव तन्वेः शंभविष्ठा पादैव नो नयतं वस्यो अच्छ ५
 ओष्ठाविव मध्वास्त्रे वदन्ता स्तनाविव पिप्यतं जीवसे नः ।
 नासैव नस्तन्वो रक्षितारा कर्णाविव सुश्रुता भूतमस्मे ६
 हस्तैव शक्तिमभि सद्दी नः क्षामैव नः समजतं रजांसि ।
 इमा गिरौ अश्विना युष्मयन्तीः क्षणेत्रैणेव स्वधितिं सं शिशीतम् ७
 एतानि वामश्विना वर्धनानि ब्रह्म स्तोमं गृत्समुदासौ अक्रन् ।
 तानि नरा जुजुषाणोप यातं बृहद् वदेम विदथै सुवीराः ८

(११०) दशोत्तरशततमं सूक्तम्

(१-६) षड्वचस्यास्य सूक्तस्य शौनको गृत्समद ऋषिः । (१-५, ६)

प्रथमादिपञ्चर्चा षष्ठ्याः पूर्वार्धस्य च सोमापूषणौ (६) षष्ठ्या उत्तरार्धस्य
चादितिर्देवताः । त्रिष्टुप् छन्दः

सोमापूषणा जनना रयीणां जनना दिवो जनना पृथिव्याः ।
 जातौ विश्वस्य भुवनस्य गोपौ देवा अकृणवन्नमृतस्य नाभिम् १
 इमौ देवौ जायमानौ जुषन्ते मौ तमांसि गूहतामर्जुष्टा ।
 आभ्यामिन्द्रः पक्वमामास्वन्तः सोमापूषभ्यां जनदुस्त्रियासु २
 सोमापूषणा रजसो विमानं सप्तचक्रं रथमविश्वमिन्वम् ।
 विषूवृतं मनसा युज्यमानं तं जिन्वथो वृषणा पञ्चरश्मिम् ३
 दिव्यश्न्यः सदनं चक्र उच्चा पृथिव्यामन्यो अध्यन्तरिक्षे ।
 तावस्मभ्यं पुरुवारं पुरुक्षुं रायस्पोषं वि ष्यतां नाभिमस्मे ४
 विश्वान्यन्यो भुवना जजान विश्वमन्यो अभिचक्षाण एति ।

सोमा॑पूष॒णाव॑व॒तं धि॒र्य मे यु॒वाभ्यां॑ वि॒श्वाः पृ॒तना॑ जयेम ५
 धि॒र्य पू॒षा जि॑न्वतु वि॒श्वमि॒न्वो र॒यिं सोमो॑ रयि॒पति॑र्दधातु ।
 अ॒व॒तु दे॒व्यदि॑तिर॒नु॒र्वा बृ॒हद् व॑देम वि॒दथै॑ सु॒वीराः ६

(१११) एकादशोत्तरशततमं सूक्तम्

(१-२१) एकविंशत्यृचस्यास्य सूक्तस्य शौनको गृत्समद ऋषिः । (१-२)
 प्रथमाद्वितीययोर्ऋचोर्वायुः (३) तृतीयाया इन्द्रवायू (४-६) चतुर्थ्यादितृचस्य
 मित्रावरुणौ (७-९) सप्तम्यादितृचस्याश्विनौ (१०-१२) दशम्यादितृचस्येन्द्रः
 (१३-१५) त्रयोदश्यादितृचस्य विश्वे देवाः (१६-१८) षोडश्यादितृचस्य सरस्वती
 (१९-२१) एकोनविंश्यादितृचस्य द्यावापृथिव्यौ हविर्धानि वा (१९)
 एकोनविंश्यास्तृतीयपादस्य चाग्निर्वा देवताः । (१-१५, १९-२१)
 प्रथमादिपञ्चदशर्चामेकोनविंश्यादितृचस्य च गायत्री (१६-१७)
 षोडशीसप्तदशयोरनुष्टुप् (१८) अष्टादश्याश्च बृहती छन्दांसि
 वायो॒ ये ते॑ सह॒स्त्रि॒णो रथा॑स॒स्तेभिरा॑ ग॒हि । नि॒यु॒त्वान्सोम॑पीतये १
 नि॒यु॒त्वान् वा॒य॒वा ग॑ह्य॒यं श॒क्रो अ॒यामि॑ ते । गन्ता॑सि सु॒न्वतो॑ गृ॒हम् २
 शु॒क्रस्या॒द्य गवा॑शिर॒ इन्द्र॑वायू नि॒यु॒त्वतः॑ । आ या॑तुं पि॒बतं॑ नरा ३
 अ॒यं वा॑ मि॒त्रावरु॑णा सु॒तः सोम॑ ऋ॒तावृ॑धा । ममे॒दिह॑ श्रु॒तं ह॒वम् ४
 राजा॑ना॒वन॑भि॒द्रुहा॑ ध्रु॒वे स॑द॒स्युत्त॑मे । स॒हस्र॑स्थू॒ण आ॑साते ५
 ता स॒म्राजा॑ घृ॒तासु॑ती आ॒दि॒त्या दा॑नु॒नस्प॑ती । सचै॑ते अ॒न॒व॒ह॒रम् ६
 गोम॑दू॒षु ना॑स॒त्या ऽश्वा॑वद् या॒तम॑श्विना । व॒र्ती रु॑द्रा नृ॒पाय्य॑म् ७
 न यत् प॒रो ना॑न्तर आ॒द॒ध॒र्षद् वृ॑षणवसू । दुःशंसो॑ म॒र्त्यो रि॒पुः ८
 ता न॒ आ वो॑ळ्हमश्विना र॒यिं पि॑शङ्ग॒संदृ॑शम् । धि॒ष्ण्या॑ वरि॒वोवि॑दम् ९
 इन्द्रो॑ अ॒ङ्ग म॒हद् भ॒य म॒भी ष॑दप॒ चु॒च्यव॑त् । स हि स्थि॒रो वि॑च॒र्षणिः॑ १०
 इन्द्र॑श्च मृ॒ळ्याति॑ नो न नः प॒श्चाद॑घं न॒शत् । भ॒द्रं भ॑वाति नः पुरः ११
 इन्द्र॑ आशा॒भ्यस्परि॑ सर्वा॒भ्यो अ॑भयं करत् । जे॒ता श॑त्रून् वि॒च॒र्षणिः॑ १२
 विश्वे॑ दे॒वास॒ आ ग॑त श्रु॒णु॒ता म॑ इ॒मं ह॒वम् । ए॒दं ब॒र्हिर्नि॑ षी॒दत॑ १३
 ती॒व्रो वो॑ मधु॒माँ अ॒यं श॑नहो॒त्रेषु॑ मत्स॒रः । ए॒तं पि॑बत॒ काम्य॑म् १४
 इन्द्र॑ज्येष्ठा मरु॒द्गणा॑ दे॒वासिः॑ पू॒षरा॑तयः । वि॒श्वे म॑म॒ श्रु॒ता ह॒वम् १५
 अ॒म्बि॒तमे॑ नदी॒तमे॑ दे॒वित॑मे॒ सर॑स्वति ।
 अ॒प्र॒श॒स्ता इ॒व स्म॑सि प्र॒श॒स्ति॒मम्ब॑ नस्कृ॒धि १६

त्वे विश्वा सरस्वति श्रितार्यूषि देव्याम् ।
 शनहौत्रेषु मत्स्व प्रजां दैवि दिदिङ्घि नः १७
 इमा ब्रह्म सरस्वति जुषस्व वाजिनीवति ।
 या ते मन्म गृत्समदा ऋतावरि प्रिया देवेषु जुहति १८
 प्रेता यज्ञस्य शंभुवा युवामिदा वृणीमहे । अग्निं च हव्यवाहनम् १९
 द्यावा नः पृथिवी इमं सिध्मद्य दिविस्पृशम् । यज्ञं देवेषु यच्छताम् २०
 आ वामुपस्थमद्रुहा देवाः सीदन्तु यज्ञियाः । इहाद्य सोमपीतये २१

(११२) द्वादशोत्तरशततमं सूक्तम्

(१-३) तृचस्यास्य सूक्तस्य शौनको गृत्समद ऋषिः । शकुन्तो (कपिञ्जलरूपीन्द्रः)
 देवता । त्रिष्टुप् छन्दः

कर्निक्रदञ्जनुषं प्रब्रुवाण इर्यति वार्चमरितेव नार्वम् ।
 सुमङ्गलश्च शकुने भवासि मा त्वा का चिदभिभा विश्वया विदत् १
 मा त्वा श्येन उद् वधीन्मा सुपर्णो मा त्वा विदुदिषुमान् वीरो अस्ता ।
 पित्र्यामनुं प्रदिशं कर्निक्रदत् सुमङ्गलो भद्रवादी वदेह २
 अर्व क्रन्द दक्षिणतो गृहाणां सुमङ्गलो भद्रवादी शकुन्ते ।
 मा नः स्तेन ईशत् माघशंसो बृहद् वदेम विदथै सुवीराः ३

(११३) त्रयोदशोत्तरशततमं सूक्तम्

(१-३) तृचस्यास्य सूक्तस्य शौनको गृत्समद ऋषिः । शकुन्तो (कपिञ्जलरूपीन्द्रः)
 देवता । (१, ३) प्रथमातृतीययोर्ऋचोर्जगती

(२) द्वितीयायाश्चातिशक्वर्यष्टिर्वा छन्दसी

शकुन्तः कपिञ्जलरूपीन्द्रः । जगती २ अतिशक्वरी अष्टिर्वा ।
 प्रदक्षिणिदुभि गृणन्ति कारवो वयो वदन्त ऋतुथा शकुन्तयः ।
 उभे वाचौ वदति सामगा इव गायत्रं च त्रैष्टुभं चानु राजति १
 उद्गातेव शकुने सामं गायसि ब्रह्मपुत्र इव सर्वनेषु शंससि ।
 वृषेव वाजी शिशमतीरपीत्या सर्वतौ नः शकुने भद्रमा वद विश्वतौ नः
 शकुने पुण्यमा वद २
 आवदस्त्वं शकुने भद्रमा वद तूष्णीमासीनः सुमतिं चिकिद्धि नः ।
 यदुत्पतन् वदसि कर्करिर्यथा बृहद् वदेम विदथै सुवीराः ३

(११४) चतुर्दशोत्तरशततमं सूक्तम्

(१-२३) त्रयोविंशत्यृचस्यास्य सूक्तस्य गाथिनो विश्वामित्र ऋषिः । अग्निर्देवता ।

त्रिष्टुप् छन्दः

सोमस्य मा तवसं वक्ष्ये वह्निं चकर्थ विदथे यजध्वे ।
 देवां अच्छा दीद्यद् युञ्जे अद्रिं शमाये अग्ने तन्वं जुषस्व १
 प्राञ्च यज्ञं चकृम् वर्धतां गीः समिद्धिरग्निं नमसा दुवस्यन् ।
 दिवः शशासुर्विदथा कवीनां गृत्साय चित् तवसे गातुमीषुः २
 मयौ दधे मेधिरः पूतदक्षो दिवः सुबन्धुर्जनुषा पृथिव्याः ।
 अविन्दन्नु दर्शतमप्स्वश्न्त देवासो अग्निमपसि स्वसृचफट्णाम् ३
 अवर्धयन् त्सुभगं सप्त यहीः श्वेतं जज्ञानमरुषं महित्वा ।
 शिशं न जातमभ्यारुरश्वा देवासो अग्निं जनिमन् वपुष्यन् ४
 शक्रेभिरङ्घ्रै रज आततन्वान् क्रतुं पुनानः कविभिः पवित्रैः ।
 शौचिर्वसानः पर्यायुरपां श्रियो मिमीते बृहतीरनूनाः ५
 वव्राजा सीमनदतीरदब्धा दिवो यहीरवसाना अनग्नाः ।
 सना अत्र युवतयः सयोनी रेकं गर्भं दधिरे सप्त वाणीः ६
 स्तीर्णा अस्य संहतो विश्वरूपा घृतस्य योनौ स्रवथे मधूनाम् ।
 अस्थुरत्र धेनवः पिन्वमाना मही दुस्मस्य मातरा समीची ७
 बभ्राणः सूनो सहस्रो व्यद्यौद् दधानः शुक्रा रभसा वपूषि ।
 श्रोतन्ति धारा मधुनो घृतस्य वृषा यत्र वावृधे काव्येन ८
 पितुश्चिदूर्ध्वर्जनुषा विवेद् व्यस्य धारा असृजद् वि धेनाः ।
 गुहा चरन्तं सखिभिः शिवेभिर्दिवो यहीभिर्न गुहा बभूव ९
 पितुश्च गर्भं जनितुश्च बभ्रे पूर्वरिको अधयत् पीप्यानाः ।
 वृष्णो सपत्नी शुचये सबन्धू उभे अस्मै मनुष्येऽनि पाहि १०
 उरौ महां अनिब्रधे ववर्धा ऽऽपो अग्निं यशसः सं हि पूर्वीः ।
 अतस्य योनावशयद् दमूना जामीनामग्निरपसि स्वसृणाम् ११
 अक्रो न बभ्रिः समिथे महीना दिदृक्षेयः सूनवे भातृजीकः ।
 उदुस्त्रिया जनिता यो जजाना ऽपां गर्भो नृतमो यहो अग्निः १२
 अपां गर्भं दर्शतमोषधीनां वना जजान सुभगा विरूपम् ।
 देवासश्चिन्मनसा सं हि जग्मुः पनिष्ठं जातं तवसं दुवस्यन् १३
 बृहन्त इद् भानवो भातृजीक मग्निं सचन्त विद्युतो न शुक्राः ।

गुहैव वृद्धं सदसि स्वे अन्तरपार ऊर्वे अमृतं दुहानाः १४
 ईळे च त्वा यजमानो हविर्भिरीळे सखित्वं सुमतिं निकामः ।
 देवैरवो मिमीहि सं जरित्रे रक्षा च नो दम्येभिरनीकैः १५
 उपक्षेतास्तव सुप्रणीते ऽग्ने विश्वानि धन्या दधानाः ।
 सुरेतसा श्रवसा तुञ्जमाना अभिष्याम पृतना यूँदैवान् १६
 आ देवानामभवः केतुरग्ने मन्द्रो विश्वानि काव्यानि विद्वान् ।
 प्रति मताँ अवासयो दमूना अनु देवान् रथिरो यासि साधन् १७
 नि दुरोणे अमृतो मर्त्यानां राजा ससाद विदथानि साधन् ।
 घृतप्रतीक उर्विया व्यद्यौ दग्निर्विश्वानि काव्यानि विद्वान् १८
 आ नो गहि सख्येभिः शिवेभिर्महान् महीभिरूतिभिः सरण्यन् ।
 अस्मे रयिं बहुलं संतरुत्रं सुवाचं भागं यशसं कृधी नः १९
 एता ते अग्ने जनिमा सनानि प्र पूर्व्याय नूतनानि वोचम् ।
 महान्ति वृष्णे सर्वना कृतेमा जन्मन्जन्मन् निहितो जातवैदाः २०
 जन्मन्जन्मन् निहितो जातवैदा विश्वामित्रेभिरिध्यते अजस्रः ।
 तस्य वयं सुमतौ यज्ञियस्या ऽपि भद्रे सौमनसे स्याम २१
 इमं यज्ञं सहसावन् त्वं नो देवत्रा धैहि सुक्रतो रराणः ।
 प्र यसि होतर्बृहतीरिषो नो ऽग्ने महि द्रविणमा यजस्व २२
 इळामग्ने पुरुदंसं सनिं गोः शश्वत्तमं हवमानाय साध ।
 स्यान्नः सूनुस्तनयो विजावा ऽग्ने सा ते सुमतिर्भूत्वस्मे २३

(११५) पञ्चदशोत्तरशततमं सूक्तम्

(१-१५) पञ्चदशर्चस्यास्य सूक्तस्य गाथिनो विश्वामित्र ऋषिः । वैश्वानरोऽग्निर्देवता

। जगती छन्दः

वैश्वानराय धिषणांमृतावृधे घृतं न पूतमग्रये जनामसि ।
 द्विता होतारं मनुषश्च वाघतो धिया रथं न कुलिशः समृणवति १
 स रौचयज्जनुषा रोदसी उभे स मात्रोरभवत् पुत्र ईडयः ।
 हव्यवाळग्निरजरश्चनौहितो दूळभौ विशामर्तिथिर्विभावसुः २
 क्रत्वा दक्षस्य तरुषो विधर्मणि देवासो अग्निं जनयन्त चित्तिभिः ।
 रुरुचानं भानुना ज्योतिषा महा मत्यं न वार्जं सनिष्यन्नुप ब्रुवे ३
 आ मन्द्रस्य सनिष्यन्तो वरैरयं वृणीमहे अहयं वार्जमृग्मिर्यम् ।

रा॒तिं भृ॒गूणा॑मु॒शिर्ज॑ क॒विक्र॑तु म॒ग्निं रा॒जन्तं॑ दि॒व्येन॑ शो॒चिषा॑ ४
 अ॒ग्निं सु॒म्राय॑ दधिरे पु॒रो जना॑ वा॒जश्र॑वसमिह वृ॒क्तब॑र्हिषः ।
 य॒तस्त्रु॑चः सुरु॒चं वि॒श्वदै॒व्यं रु॒द्रं य॒ज्ञानां॑ सा॒धदि॑ष्टि॒मप॑सां ५
 पा॒र्वक॑शो॒चे तव॑ हि क्ष॒यं परि॑ हो॒तर्य॑ज्ञेषु वृ॒क्तब॑र्हिषो नरः ।
 अ॒ग्ने दु॒र्व इ॒च्छमा॑नास॒ आप्य॑ मु॒पास॑ते द्रवि॒णं धेहि॑ तेभ्यः ६
 आ रो॒दसी॑ अपू॒णदा॑ स्व॒र्मह॑ जा॒तं यदे॑नम॒पसो॑ अधा॒रयन्॑ ।
 सो अ॒ध्वरा॑य॒ परि॑ णी॒यते॑ क॒वि र॒त्यो न वा॑जसा॒तये॑ चनो॒हितः॑ ७
 न॒मुस्य॑त ह॒व्यदा॑तिं स्व॒ध्वरं॑ दु॒वस्य॑त॒ दम्य॑ जा॒तवै॑दसम् ।
 र॒थीर्ऋ॑तस्य बृ॒हतो॑ वि॒चर्ष॑णि र॒ग्निर्दे॑वाना॒मभव॑त् पु॒रोहि॑तः ८
 ति॒स्रो य॒हस्य॑ स॒मिधः॑ परि॒ज्मनो॑ ऽग्ने॒रपु॑न॒नुशि॑जो अ॒मृत्य॑वः ।
 तासा॑मे॒काम॑द॒धुर्म॑त्ये॒ भुज॑ मु॒ लोक॑मु॒ द्वे उप॑ जा॒मिमी॑यतुः ९
 वि॒शां क॒विं वि॒शप॑तिं मा॒नुषी॑रिषः स॒ सौम॑कृ॒णव॑न् त्स्व॒धितिं॑ न ते॒जसे॑ ।
 स उ॒द्धतो॑ नि॒वतो॑ या॒ति वे॒र्विष॑त् स ग॒र्भमे॑षु भु॒र्वने॑षु दी॒धर॑त् १०
 स जि॒न्वते॑ ज॒ठरे॑षु प्र॒जज्ञि॑वान॒ वृषा॑ चि॒त्रेषु॑ ना॒नद॑न्न सि॒ंहः ।
 वै॒श्वान॑रः पृ॒थुपा॑जा अ॒मृत्यो॑ वसु॒ रत्ना॑ द॒यमा॑नो वि दा॒शुषे॑ ११
 वै॒श्वान॑रः प्र॒ब॒था ना॑क॒मारु॑हद् दि॒वस्पृ॑ष्ठं भ॒न्दमा॑नः सु॒मन्म॑भिः ।
 स पूर्॒वव॑ज्जन॒यञ्जन्त॑वे ध॒नं स॒मान॑म॒ज्मं प॑र्येति जा॒गृविः॑ १२
 ऋ॒तावा॑नं य॒ज्ञियं॑ वि॒प्रमु॑क्थ्य॒ मा यं॑ द॒धे मा॑त॒रिश्वा॑ दि॒वि क्ष॑र्यम् ।
 तं चि॒त्रया॑मृ॒हरि॑केशमी॒महे सु॑दी॒तिम॒ग्निं सु॑वि॒ताय॑ नव्य॒से १३
 शु॒चिं न या॑म॒न्निषि॑रं स्व॒र्दृशं॑ के॒तुं दि॒वो रौ॑च॒नस्था॑मु॒षर्बु॑धम् ।
 अ॒ग्निं मू॒र्धानं॑ दि॒वो अ॒प्रति॑ष्कु॒तं तमी॑महे न॒मसा॑ वा॒जिनं॑ बृ॒हत् १४
 म॒न्द्रं हो॑ता॒रं शु॒चिम॑द्र॒यावि॑नं द॒मून॑समु॒क्थ्यं वि॒श्वच॑र्षणिम् ।
 रथं॑ न चि॒त्रं व॑पु॒षाय॑ दर्श॒तं मनु॑र्हि॒तं स॒दमि॑द् रा॒य ई॑महे १५

(११६) षोडशोत्तरशततमं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । वैश्वानरोऽग्निर्देवता । जगती छन्दः

वै॒श्वान॑राय॒ पृथु॑पा॒जसे॑ वि॒पो रत्ना॑ वि॒धन्त॑ ध॒रुणै॑षु गा॒तवे॑ ।
 अ॒ग्निर्हि॑ दे॒वाँ अ॒मृतो॑ दु॒वस्य॑त्य॒था ध॒र्माणि॑ स॒नता॑ न दू॒दुष॑त् १
 अ॒न्तर्दू॑तो रो॒दसी॑ द॒स्म ई॑यते होता नि॒षत्तो॑ म॒नुषः॑ पु॒रोहि॑तः ।

क्षयं बृहन्तं परि भूषति द्युभिर्देवेभिरग्निरिषितो धियावसुः २
 केतुं यज्ञानां विदथेस्य साधनं विप्रोसो अग्निं महयन्त चित्तिभिः ।
 अपांसि यस्मिन्नधि संदधुर्गिरस्तस्मिन्त्सुम्नानि यजमान आ चके ३
 पिता यज्ञानामसुरो विपश्चिता विमानमग्निर्वयुनं च वाघताम् ।
 आ विवेश रोदसी भूरिवर्षसा पुरुप्रियो भन्दते धामभिः कविः ४
 चन्द्रमग्निं चन्द्ररथं हरिव्रतं वैश्वानरमप्सुषदं स्वर्विदम् ।
 विगाहं तूग्निं तविषीभिरावृतं भूग्निं देवासं इह सुश्रियं दधुः ५
 अग्निर्देवेभिर्मनुषश्च जन्तुभिस्तन्वानो यज्ञं पुरुपेशेसं धिया ।
 रथीरन्तरीयते साधदिष्टिभिर्जीरो दमूना अभिशस्तिचातनः ६
 अग्ने जरस्व स्वपत्य आयुं नयूर्जा पिन्वस्व समिषो दिदीहि नः ।
 वयांसि जिन्व बृहतश्च जागृव उशिग्देवानामसि सुक्रतुर्विपाम् ७
 विश्पतिं युहमतिथिं नरः सदा यन्तारं धीनामुशिजं च वाघताम् ।
 अध्वराणां चेतनं जातवैदसं प्र शंसन्ति नमसा जूतिभिर्वृधे ८
 विभावा देवः सुरणः परि क्षिती रग्निर्बभूव शर्वसा सुमद्रथः ।
 तस्य व्रतानि भूरिपोषिणो वयमुप भूषेम दम आ सुवृत्तिभिः ९
 वैश्वानर तव धामानया चके येभिः स्वर्विदभवो विचक्षण ।
 जात आपृणो भुवनानि रोदसी अग्ने ता विश्वा परिभूरसि त्मना १०
 वैश्वानरस्य दंसनाभ्यो बृहदरिणादेकः स्वपस्यया कविः ।
 उभा पितरा महयन्नजायता गिर्द्यावापृथिवी भूरिरतसा ११

(११७) सप्तदशोत्तरशततमं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । (१) प्रथमर्च
 इध्मः समिद्धो वाग्निः (२) द्वितीयायास्तनूनपात् (३) तृतीयाया इळः (४)
 चतुर्थ्या बर्हिः (५) पञ्चम्या देवीर्द्वारः (६) षष्ठ्या उषासानक्ता (७) सप्तम्या
 दैव्यौ होतारौ प्रचेतसौ (८) अष्टम्यास्तिस्रो देव्यः सरस्वतीळाभारत्यः (९)
 नवम्यास्त्वष्टा (१०) दशम्या वनस्पतिः (११) एकादश्याश्च स्वाहाकृतयो देवताः
 । त्रिष्टुप् छन्दः

समित्समित् सुमना बोध्यस्मे शुचाशुचा सुमतिं रांसि वस्वः ।
 आ देव देवान् यथाय वक्षि सखा सखीन् त्सुमना यद्यग्ने १
 यं देवासस्त्रिरहन्नायजन्ते दिवेदिवे वरुणो मित्रो अग्निः ।

सेमं य॒ज्ञं म॒धुम॑न्तं कृ॒धी न॒ स्तनू॑नपाद् घृ॒तयो॑निं वि॒धन्त॑म् २
 प्र दी॒धिति॑र्वि॒श्ववा॑रा जिगाति॒ होतार॑मि॒ळः प्र॑थ॒मं यज॑ध्यै ।
 अ॒च्छा नमो॑भिर्वृष॒भं व॒न्दध्यै॑ स दे॒वान् य॑ज्ञदि॒षितो॑ य॒र्जीया॑न् ३
 ऊ॒र्ध्वो वा॑ गा॒तुर॑र्ध्वरे अ॒का रू॑र्ध्वा शो॒चींषि॑ प्र॒स्थिता॑ रजा॒सि ।
 दि॒वो वा॑ नाभा॒ नय॑सादि॒ होतो॑ स्तृ॒णीम॑हि दे॒वव्य॑चा वि ब॒र्हिः ४
 स॒प्त हो॒त्राणि॑ मन॑सा वृ॒णा॒ना इ॒न्वन्तो॑ वि॒श्वं प्र॑ति य॒न्तेन॑ ।
 नृ॒पेश॑सो वि॒दथै॑षु प्र जा॒ता अ॒भी॒ष्टं य॒ज्ञं वि॑ चरन्त॒ पूर्वीः ५
 आ भ॑न्द॒माने॑ उ॒षसा॑ उपा॒के उ॒त स्म॑येते त॒न्वा॒ऽवि॒रूपे॑ ।
 यथा॑ नो मि॒त्रो वरु॑णो जुजोष॒ दिन्द्रो॑ म॒रुत्वाँ॑ उ॒त वा॑ महो॒भिः ६
 दै॒व्या हो॒तारा॑ प्र॒थ॒मा न॑य॒ञ्जे स॒प्त पृ॒क्षासः॑ स्व॒धया॑ मदन्ति ।
 ऋ॒तं शंस॑न्त ऋ॒तमि॑त् त आ॒हु र॑नु व॒तं व॑त॒पा दी॒ध्यानाः॑ ७
 आ भा॑र॒ती भा॑र॒तीभिः॑ स॒जोषा॑ इ॒ळा दे॒वैर्म॑नुष्यै॒भिर॑ग्निः ।
 सर॑स्वती सार॒स्वते॑भि॒र्वाक् ति॒स्रो दे॒वीर्ब॑र्हिरे॒दं सं॑दन्तु ८
 तन्न॑स्तुरी॒पम॑ध॒ पोष॑यि॒तु दे॒वं त्वष्ट॑र्वि र॒राणः॑ स्य॒स्व ।
 यतो॑ वी॒रः क॑र्म॒ण्यः सु॒दक्षो॑ यु॒क्तग्रा॑वा जा॒यते॑ दे॒वका॑मः ९
 वन॑स्प॒तेऽव॑ सृ॒जोप॑ दे॒वा न॒ग्निर्ह॑विः श॒मिता॑ सू॒दया॑ति ।
 से॒दु हो॒ता स॒त्यत॑रो यजाति॒ यथा॑ दे॒वानां॑ ज॒निमा॑नि वे॒द १०
 आ या॑ह्यग्ने स॒मिधा॑नो अ॒र्वा डि॒न्द्रेण॑ दे॒वैः स॒रथ॑ तुरे॒भिः ।
 ब॒र्हिर्न॑ आस्ता॒मदि॑तिः सु॒पुत्रा॑ स्वाहा॒ दे॒वा अ॒मृता॑ मा॒दय॑न्ताम् ११

(११८) अष्टादशोत्तरशततमं सूक्तम्

(११) एकादशर्चस्यास्य सूक्तस्य गाथिनो विश्वामित्र ऋषिः । अग्निर्देवता ।

त्रिष्टुप् छन्दः

प्र॒त्य॒ग्नि॒रुष॑स॒श्चेकि॑तानो ऽबो॒धि वि॒प्रः प॒द्वीः क॑वी॒नाम् ।
 पृ॒थु॒पाजा॑ दे॒वय॑द्भिः स॒मिद्धो॑ ऽप॒ द्वारा॑ त॒मसो॑ वह्नि॒रावः॑ १
 प्रे॒द्व॒ग्नि॒र्वावृ॑धे स्तो॒मैभि॑र्गी॒र्भिः स्तो॑तृ॒णां न॑म॒स्य उ॒क्थैः ।
 पूर्वी॑र्ऋ॒तस्य॑ स॒दृश॑श्च॒कानः॑ सं दू॒तो अ॒द्यौदु॑षसो वि॒रोके॑ २
 अ॒धा॒य्य॒ग्नि॒र्मानु॑षीषु वि॒द्वव॑र्षां ग॒र्भो मि॒त्र ऋ॑तेन॒ साध॑न् ।
 आ ह॑र्यतो य॒जतः॑ सान्त्व॒स्था द॑भू॒दु वि॒प्रो ह॒व्यो म॑ती॒नाम् ३
 मि॒त्रो अ॒ग्निर्भ॑वति॒ यत् स॒मिद्धो॑ मि॒त्रो हो॒ता वरु॑णो जा॒तवै॑दाः ।

मि॒त्रो अ॒ध्व॒र्युरि॒षि॒रो द॒मू॒ना मि॒त्रः सि॒न्धू॒नामु॒त प॒र्व॒ता॒नाम् ४
 पा॒ति प्रि॒यं रि॒पो अ॒ग्रं प॒दं वेः पा॒ति य॒ह॒श्चर॑णं सूर्यस्य ।
 पा॒ति ना॒भा स॒प्तशी॑र्षाणम॒ग्निः पा॒ति दे॒वा॒नामु॒प॒मा॒द॒मृ॒ष्वः ५
 ऋ॒भुश्च॑क्र ईड॒यं चा॒रु॒ नाम॒ विश्वा॑नि दे॒वो व॒यु॒ना॒नि वि॒द्वान् ।
 स॒स॒स्य॒ चर्म॑ घृ॒तव॑त् प॒दं वे॒ स्तदि॑द॒ग्नी र॑क्षत्यप्रयुच्छन् ६
 आ यो॒निम॒ग्निर्घृ॑तवन्तम॒स्थात् पृ॒थु॒प्र॒गा॒णमु॒श॒न्तमु॒शा॒नः ।
 दी॒द्यान्ः शु॒चिर्ऋ॑ष्वः पा॒व॒कः पु॒नः पु॒न॒र्मा॒तरा॑ नव्यसी कः ७
 स॒द्यो जा॒त ओ॒षधी॑भिर्ववक्षे यदी व॒र्ध॑न्ति प्र॒स्वौ घृ॑तेन ।
 आप॑ इव प्र॒व॒ता शु॒भ॒मा॒ना उ॒रु॒ष्यद॒ग्निः पि॒त्रो॒रु॒प॒स्थै ८
 उ॒दु॒ष्टुतः स॒मि॒धा य॒हो अ॒द्यौ॒द् व॒र्ष्मन् दि॒वो अ॒धि ना॒भा पृ॒थि॒व्याः ।
 मि॒त्रो अ॒ग्निरी॒ड्यौ मा॒तरि॒श्वा ऽऽ दू॒तो व॑क्षद् य॒ज॒था॒य दे॒वान् ९
 उ॒द॑स्त॒म्भीत् स॒मि॒धा ना॒क॒मृ॒ष्वो॒र्ऽग्नि॑र्भवन्न॒त्तमो॑ रौ॒च॒ना॒नाम् ।
 यदी॑ भृ॒गु॒भ्यः परि॑ मा॒तरि॒श्वा गु॒हा स॒न्तं ह॒व्य॒वा॒हं स॒मी॒धे १०
 इ॒ळा॒म॒ग्रे पु॒रु॒द॑सं स॒निं गोः श॑श्च॒त्त॒मं ह॒व॒मा॒नाय॑ साध ।
 स्या॒न्नः सू॒नु॒स्त॒न॒यो वि॒जा॒वा ऽग्ने॒ सा तै॑ सु॒म॒ति॒र्भू॒त्व॒स्मे ११

(११६) एकोनविंशत्युत्तरशततमं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । अग्निर्देवता ।

त्रिष्टुप् छन्दः

प्र का॒र॒वो म॒न॒ना व॒च्य॒मा॒ना दे॒व॒द्री॒चीं न॒य॒त दे॒व॒य॒न्तः ।
 द॒क्षि॒णा॒वाड् वा॒जि॒नी प्रा॒च्यै॒ति ह॒वि॒र्भ॒र॑न्त्य॒ग्नये॑ घृ॒ता॒ची १
 आ रो॒द॑सी अ॒पृ॒णा जा॒य॑मान उ॒त प्र रि॒क्था॑ अ॒ध नु॑ प्र॒य॒ज्यो ।
 दि॒वश्चि॑द॒ग्ने म॒हि॒ना पृ॒थि॒व्या व॒च्य॒न्ता॑ ते व॒ह॒यः स॒प्तजि॑ह्वाः २
 द्यौश्च॑ त्वा पृ॒थि॒वी य॒ज्ञि॒या॒सो नि॑ हो॒ता॒रं सा॒द॒य॒न्ते द॒मा॒य ।
 यदी॑ वि॒शो मा॒नु॒षी॒र्दे॒व॒य॒न्तीः प्र॒य॒स्व॒ती॒री॒ळ॑ते श॒क्र॒म॒र्चिः ३
 म॒हान् त्स॒ध॒स्थै ध्रु॒व आ॒ नि॒ष॒त्तो ऽन्त॑र्द्या॒वा मा॒हि॒ने ह॒र्य॑माणः ।
 आ॒स्क्रे स॒प॒ती अ॒ज॒रे अ॒मृ॒क्ते स॒व॒र्दु॒घै उ॒रु॒गा॒य॒स्य धे॒नू ४
 व॒ता तै॑ अ॒ग्ने म॒हतो॑ म॒हानि॑ तव॒ क्र॒त्वा रो॒द॑सी आ॒ त॑त॒न॒थ ।
 त्वं दू॒तो अ॒भवो॑ जा॒य॑मान॒ स्त्वं ने॒ता वृ॑ष॒भ च॑र्ष॒णी॒नाम् ५
 ऋ॒त॒स्य॒ वा के॒शि॒ना यो॒ग्या॒भि॒र्घृ॑त॒स्रु॒वा रो॒हि॒ता धु॒रि धि॑ष्व ।

अथा वह देवान् दैव विश्वान् त्वध्वरा कृणुहि जातवेदः ६
 दिवश्चिदा तै रुचयन्त रोका उषो विभातीरनु भासि पूर्वीः ।
 अपो यदग्र उशध्रग्वनेषु होतुर्मन्द्रस्य पुनयन्त देवाः ७
 उरौ वा ये अन्तरिक्षे मदन्ति दिवो वा ये रौचने सन्ति देवाः ।
 ऊर्मा वा ये सुहर्वासो यजत्रा आयेमिरे रथ्यो अग्ने अश्वाः ८
 ऐभिरग्ने सुरर्थ याह्यर्वाङ् नानारथं वा विभवो ह्यश्वाः ।
 पत्नीवतस्त्रिंशतं त्रींश्च देवा ननुष्वधमा वह मादयस्व ९
 स होता यस्य रोदसी चिदुर्वी यज्ञं यज्ञमभि वृधे गृणीतः ।
 प्राची अध्वरेव तस्थतुः सुमेकै अतावरी अतजातस्य सत्ये १०
 इळामग्ने पुरुदंसं सनिं गोः शश्वत्तमं हवमानाय साध ।
 स्यान्नः सूनुस्तनयो विजावा ऽग्ने सा तै सुमतिर्भूत्वस्मे ११
 इति द्वितीयोऽष्टकः

अथ तृतीयोऽष्टकः

(१) प्रथमं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । अग्निर्देवता ।

त्रिष्टुप् छन्दः

प्र य आरुः शितिपृष्ठस्य धासे रा मातरा विविशुः सप्त वाणीः ।
 परिक्षिता पितरा सं चरेते प्र संस्रति दीर्घमायुः प्रयक्षे १
 दिवक्षसो धेनवो वृष्णो अश्वा देवीरा तस्थौ मधुमद् वहन्तीः ।
 अतस्य त्वा सदसि क्षेमयन्तं पर्येका चरति वर्तनिं गौः २
 आ सीमरोहत् सुयमा भवन्तीः पतिश्चिकित्वान् रयिविद् रयीणाम् ।
 प्र नीलपृष्ठो अतसस्य धासे स्ता अवासयत् पुरुधप्रतीकः ३
 महि त्वाष्टचफट्मूर्जयन्तीरजुर्य स्तभूयमानं वहतौ वहन्ति ।
 व्यङ्गैर्भिर्दिद्युतानः सधस्थ एकांमिव रोदसी आ विवेश ४
 जानन्ति वृष्णो अरुषस्य शेव मुत ब्रध्नस्य शासने रणन्ति ।
 दिवोरुचः सुरुचो रोचमाना इळा येषां गण्या माहिना गीः ५
 उतो पितृभ्यां प्रविदानु घोषं महो महद्भ्यामनयन्त शूषम् ।
 उक्ता ह यत्र परि धानमक्तो रनु स्वं धाम जरितुर्ववक्षे ६
 अध्वर्युभिः पञ्चभिः सप्त विप्राः प्रियं रक्षन्ते निहितं पदं वेः ।
 प्राञ्चौ मदनत्युक्ष्णौ अजुर्या देवा देवानामनु हि वृता गुः ७
 दैव्या होतारा प्रथमा नयृञ्जे सप्त पृक्षासः स्वधया मदन्ति ।
 अतं शंसन्त अतमित् त आहु रनु वृतं वृतपा दीध्यानाः ८
 वृषायन्तै महे अत्याय पूर्वी वृष्णो चित्राय रश्मयः सुयामाः ।
 देव होतर्मन्द्रतरश्चिकित्वान् महो देवान् रोदसी एह वक्षि ९
 पृक्षप्रयजो द्रविणः सुवाचः सुकेतव उषसो रेवदूषुः ।
 उतो चिदग्रे महिना पृथिव्याः कृतं चिदेनः सं महे दशस्य १०
 इळामग्रे पुरुदंसं सनिं गोः शश्वत्तमं हवमानाय साध ।
 स्यान्नः सूनुस्तनयो विजावा ऽग्रे सा तै सुमतिर्भूत्वस्मे ११

(२) द्वितीयं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । (१-५)

प्रथमादिपञ्चर्चा यूपः (६-१०) षष्ठ्यादिपञ्चानां यूपाः (८) अष्टम्या विश्वे देवा वा

११ एकादश्याश्च ब्रश्चनो देवताः । (१-२, ४-६, ८-११)

प्रथमाद्वितीययोऽर्च्योश्चतुर्थ्यादितृचस्याष्टम्यादिचतसृणाञ्च त्रिष्टुप् (३, ७)

तृतीयासप्तम्योश्चानुष्टुप् छन्दसी

अञ्जन्ति त्वामध्वरे देवयन्तो वनस्पते मधुना दैव्येन ।
 यदूर्ध्वस्तिष्ठा द्रविणेह धत्ताद् यद् वा क्षयौ मातुरस्या उपस्थे १
 समिद्धस्य श्रयमाणः पुरस्ताद् ब्रह्म वन्वानो अजरं सुवीरम् ।
 आरे अस्मदमतिं बार्धमान उच्छ्रयस्व महते सौभगाय २
 उच्छ्रयस्व वनस्पते वर्ष्मन् पृथिव्या अधि ।
 सुमिती मीयमानो वर्चो धा युज्ञवाहसे ३
 युवा सुवासाः परिवीत आगात् स उ श्रेयान् भवति जायमानः ।
 तं धीरासः क्वय उन्नयन्ति स्वाध्योऽं मनसा देवयन्तः ४
 जातो जायते सुदिनत्वे अह्ना समर्थ आ विदथे वर्धमानः ।
 पुनन्ति धीरा अपसौ मनीषा देव्या विप्र उदियति वाचम् ५
 यान् वो नरो देवयन्तो निमिम्यु वनस्पते स्वधितिर्वा ततक्ष ।
 ते देवासः स्वरवस्तस्थिवांसः प्रजावदस्मे दिधिषन्तु रत्नम् ६
 ये वृक्णासो अधि क्षमि निर्मितासो यतस्तुचः ।
 ते नो व्यन्तु वार्य देवत्रा क्षेत्रसाधसः ७
 आदित्या रुद्रा वसवः सुनीथा द्यावाक्षामा पृथिवी अन्तरिक्षम् ।
 सजोषसो युज्ञमवन्तु देवा ऊर्ध्वं कृण्वन्त्वध्वरस्य केतुम् ८
 हंसा इव श्रेणिशो यतानाः शक्रा वसानाः स्वरवो न आगुः ।
 उन्नीयमानाः कविभिः पुरस्ताद् देवा देवानामपि यन्ति पार्थः ९
 शृङ्गाणीवेच्छृङ्गिणां सं ददृशे चषालवन्तः स्वरवः पृथिव्याम् ।
 वाघद्धिर्वा विह्वे श्रोषमाणा अस्माँ अवन्तु पृतनाज्येषु १०
 वनस्पते शतवल्शो वि रोह सहस्रवल्शा वि वयं रुहेम ।
 यं त्वामयं स्वधितिस्तेजमानः प्रणिनाय महते सौभगाय ११

(३) तृतीयं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । अग्निर्देवता । (१-८)

प्रथमाद्यष्टर्चा बृहती (६) नवम्याश्च त्रिष्टुप् छन्दसी

सखायस्त्वा ववृमहे देवं मर्तास ऊतये ।

अपां नपातं सुभर्गं सुदीदिति सुप्रतूर्तिमनेहसम् १
 कार्यमानो वना त्वं यन्मातृरजगन्नपः ।
 न तत् ते अग्ने प्रमृषे निवर्तनं यद् दूरे सन्निहाभवः २
 अति तृष्टं ववक्षिथाथैव सुमना असि ।
 प्रप्रानये यन्ति पर्यनय आसते येषां सख्ये असि श्रितः ३
 ईयिवांसमति स्त्रिधः शश्वतीरति सश्वतः ।
 अन्वीमविन्दन् निचिरासौ अद्रुहो ऽप्सु सिंहमिव श्रितम् ४
 ससृवांसमिव त्मना ऽग्निमित्था तिरोहितम् ।
 ऐर्न नयन्मातरिश्वा परावतो देवेभ्यो मथितं परि ५
 तं त्वा मर्ता अगृभ्णत देवेभ्यो हव्यवाहन ।
 विश्वान् यद् यज्ञां अभिपासि मानुष तव क्रत्वा यविष्ठय ६
 तद् भद्रं तव दंसना पाकाय चिच्छदयति ।
 त्वां यदग्ने पशवः समासते समिद्धमपिशवरे ७
 आ जुहोता स्वध्वरं शीरं पावकशौचिषम् ।
 आशं दूतमजिरं प्रत्नमीडयं श्रुष्टी देवं संपर्यत ८
 त्रीणि शता त्री सहस्राण्यग्निं त्रिंशच्च देवा नव चासपर्यन् ।
 औक्षन् घृतैरस्तृणन् बर्हिरेस्मा आदिद्धोतारं नयसादयन्त ९

(४) चतुर्थं सूक्तम्

(१-९) नवर्चस्यास्य सूक्तस्य गाथिनो विश्वामित्र ऋषिः । अग्निर्देवता ।

उष्णिक छन्दः

त्वामग्ने मनीषिणः सम्राजं चर्षणीनाम् । देवं मर्तास इनधते समध्वरे १
 त्वां यज्ञेष्वृत्विज मग्ने होतारमीळते । गोपा ऋतस्य दीदिहि स्वे दमे २
 स घा यस्ते ददाशति समिधा जातवेदसे । सो अग्ने धत्ते सुवीर्यं स पुष्यति ३
 स केतुरध्वराणां मग्निर्देवेभिरा गमत् । अञ्जानः सप्त होतृभिर्हविष्मते ४
 प्र होत्रे पूर्व्यं वचो ऽग्नये भरता बृहत् । विपां ज्योतीषि बिभ्रते न वेधसे ५
 अग्निं वर्धन्तु नो गिरो यतो जायत उक्थ्यः । महे वाजाय द्रविणाय दर्शतः ६
 अग्ने यजिष्ठो अध्वरे देवान् दैवयते यज । होता मुन्द्रो वि राजस्यति स्त्रिधः ७

स नः पावक दीदिहि द्युमदस्मे सुवीर्यम् । भवा स्तोतृभ्यो अन्तमः स्वस्तये
 ८
 तं त्वा विप्रा विपनयवो जागृवांसः समिनधते । हव्यवाहममर्त्य सहोवृधम्
 ९

(५) पञ्चमं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । अग्निर्देवता ।

गायत्री छन्दः

अग्निर्होता पुरोहितो ऽध्वरस्य विचर्षणिः । स वैद यज्ञमानुषक १
 स हव्यवाळमर्त्य उशिग्दूतश्चनौहितः । अग्निर्धिया समृणवति २
 अग्निर्धिया स चैतति केतुर्यज्ञस्य पूर्व्यः । अर्थं ह्यस्य तरणि ३
 अग्निं सूनं सनश्चतुं सहसो जातवैदसम् । वह्निं देवा अकृणवत ४
 अदाभ्यः पुरेता विशामग्निर्मानुषीणाम् । तूर्णी रथः सदा नवः ५
 साह्वान् विश्वो अभियुजः क्रतुर्देवानाममृक्तः । अग्निस्तुविश्रवस्तमः ६
 अभि प्रयांसि वाहसा दाश्वा अश्नोति मर्त्यः । क्षयं पावकशौचिषः ७
 परि विश्वानि सुधिता ऽग्नेरश्याम मन्मभिः । विप्रांसो जातवैदसः ८
 अग्ने विश्वानि वार्या वाजेषु सनिषामहे । त्वे देवास एरिरे ९

(६) षष्ठं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । इन्द्राग्नी देवते ।

गायत्री छन्दः

इन्द्राग्नी आ गतं सुतं गीर्भिर्नभो वरेण्यम् । अस्य पातं धियेषिता १
 इन्द्राग्नी जरितुः सचा यज्ञो जिगाति चेतनः । अया पातमिमं सुतम् २
 इन्द्रमग्निं कविच्छदा यज्ञस्य जूत्या वृणे । ता सोमस्येह तृम्पताम् ३
 तोशा वृत्रहणा हुवे सजित्वानांपराजिता । इन्द्राग्नी वाजसातमा ४
 प्र वामर्चनत्युक्थिनो नीथाविदो जरितारः । इन्द्राग्नी इष आ वृणे ५
 इन्द्राग्नी नवतिं पुरो दासपत्नीरधूनुतम् । साकमेकैः कर्मणा ६
 इन्द्राग्नी अपसस्पर्यु प प्र यन्ति धीतयः । ऋतस्य पथ्या इ अनु ७
 इन्द्राग्नी तविषाणि वां सधस्थानि प्रयांसि च । युवोरमूर्यै हितम् ८
 इन्द्राग्नी रोचना दिवः परि वाजेषु भूषथः । तद् वा चेति प्र वीर्यम् ९

(७) सप्तमं सूक्तम्

(१-७) सप्तर्चस्यास्य सूक्तस्य वैश्वामित्र ऋषभ ऋषिः । अग्निर्देवता ।

अनुष्टुप् छन्दः

प्र वो देवायाग्रये बर्हिष्ठमर्चास्मै ।
 गमद् देवेभिरा स नो यजिष्ठो बर्हिरा सदत् १
 ऋतावा यस्य रोदसी दक्षं सचन्त ऊतयः ।
 हविष्मन्तस्तमीळते तं सनिष्यन्तोऽवसे २
 स यन्ता विप्र एषां स यज्ञानामथा हि षः ।
 अग्निं तं वो दुवस्यत दाता यो वर्निता मुघम् ३
 स नः शर्माणि वीतये ऽग्निर्यच्छतु शतमा ।
 यतौ नः पुष्णवद् वसु दिवि क्षितिभ्यो अप्स्वा ४
 दीदिवांसमपूर्व्यं वस्वीभिरस्य धीतिभिः ।
 ऋक्वाणो अग्निर्मिनधते होतारं विशपति विशाम् ५
 उत नो ब्रह्मन्नविष उक्थेषु देवहूतमः ।
 शं नः शोचा मरुद्वधो ऽग्ने सहस्रसातमः ६
 नू नो रास्व सहस्रवत् लोकवत् पुष्टिमद् वसु ।
 द्युमदग्ने सुवीर्यं वर्षिष्ठमनुपक्षितम् ७

(८) अष्टमं सूक्तम्

(१-७) सप्तर्चस्यास्य सूक्तस्य वैश्वामित्र ऋषभ ऋषिः । अग्निर्देवता ।

त्रिष्टुप् छन्दः

आ होता मन्द्रो विदथानयस्थात् सत्यो यज्वा कवितमः स वेधाः ।
 विद्युद्रथः सहसस्पुत्रो अग्निः शोचिष्कैशः पृथिव्यां पाजौ अश्रेत् १
 अयामि ते नमउक्तिं जुषस्व ऋतावस्तुभ्यं चेतते सहस्वः ।
 विद्वाँ आ वक्षि विदुषो नि षत्सि मध्य आ बर्हिरूतये यजत्र २
 द्रवतां त उषसा वाजयन्ती अग्ने वातस्य पृथ्याभिरच्छ ।
 यत् सीमञ्जन्ति पूर्व्यं हविर्भि रा वनधुरैव तस्थतुर्दुरोणे ३
 मित्रश्च तुभ्यं वरुणः सहस्वो ऽग्ने विश्वे मरुतः सुमर्मर्चन् ।
 यच्छोचिषा सहसस्पुत्र तिष्ठा अभि क्षितीः प्रथयन् त्सूर्यो नृन् ४
 वयं ते अद्य ररिमा हि काम मुत्तानहस्ता नमसोपसद्य ।

यजिष्ठेन॒ मनसा॑ यद्धि दे॒वान॒ नस्त्रैध॑ता॒ मन्म॑ना॒ विप्रौ॑ अ॒ग्ने ५
 त्वद्धि पु॒त्र सह॑सो वि पूर्वी॑ दे॒वस्य॑ यन॒त्यूत॑यो वि वाजाः ।
 त्वं दे॒हि सह॑स्त्रिण॒ रयि॑ नो ऽद्रो॒घेण॑ वच॒सा स॒त्यम॑ग्ने ६
 तुभ्य॑ दत्त क॒विक्र॑तो॒ यानी॑मा दे॒व मर्ता॑सो अ॒ध्वरे॑ अ॒कर्म॑ ।
 त्वं वि॒श्वस्य॑ सु॒रथ॑स्य बो॒धि सर्व॑ तद॒ग्ने अ॒मृत॑ स्वदे॒ह ७

(६) नवमं सूक्तम्

(१-७) सप्तर्चस्यास्य सूक्तस्य कात्य उत्कील ऋषिः । अग्निर्देवता । त्रिष्टुप् छन्दः
 वि पाज॑सा पृथु॒ना शो॑शु॒चानो॑ बाध॑स्व द्विषो॒ रक्ष॑सो अ॒मीवाः॑ ।
 सु॒शर्म॑णो बृ॒हतः॑ शर्म॑णि स्या॒ म॒ग्नेर॒हं सु॒हव॑स्य प्रणी॒तौ १
 त्वं नो॑ अ॒स्या उ॒षसो॑ व्यु॒ष्टौ त्वं॑ सू॒र उ॒दिते॑ बो॒धि गो॒पाः ।
 जन्मे॑व॒ नित्यं॑ तन॒यं जुष॑स्व॒ स्तोमं॑ मे अ॒ग्ने त॒न्वा सु॒जात॑ २
 त्वं नृ॒चक्षा॑ वृष॒भानु॑ पूर्वीः कृ॒ष्णास्व॑ग्ने अ॒रुषो॑ वि भा॒हि ।
 वसो॑ नेषि॒ च पर्षि॑ चात्य॒हः कृ॒धी नो॑ रा॒य उ॒शिजो॑ यविष्ठ ३
 अ॒षाळ॑हो अ॒ग्ने वृष॑भो दि॒दीहि॑ पुरो वि॒श्वाः सौ॒भगा॑ संजिगी॒वान् ।
 य॒ज्ञस्य॑ ने॒ता प्र॑थ॒मस्य॑ पा॒यो जा॑तवे॒दो बृ॒हतः॑ सु॒प्रणी॑ते ४
 अ॒च्छि॑द्रा शर्म॑ ज॒रितः॑ पु॒रूणि॑ दे॒वाँ अ॒च्छा दी॒द्यानः॑ सु॒मेधाः॑ ।
 रथो॑ न स॒स्त्रिर॒भि व॑द्धि वाज॒ म॒ग्ने त्वं॑ रोद॑सी नः सु॒मेकै॑ ५
 प्र पी॑पय वृष॒भ जिन्व॑ वाजा॒ न॒ग्ने त्वं॑ रोद॑सी नः सु॒दोषै॑ ।
 दे॒वेभि॑र्दे॒व सु॒रुचा॑ रु॒चानो॑ मा नो मर्त॑स्य दुर्म॒तिः परि॑ ष्ठात् ६
 इ॒ळाम॑ग्ने पु॒रुद॑सं स॒निं गोः॑ श॒श्वत्त॑मं हव॑मानाय साध ।
 स्यान्नः॑ सू॒नुस्त॑न॒यो वि॒जावा॑ ऽग्ने सा ते॑ सु॒म॒तिर्भू॑त्व॒स्मे ७

(१०) दशमं सूक्तम्

(१-६) षडृचस्यास्य सूक्तस्य कात्य उत्कील ऋषिः । अग्निर्देवता । प्रगाथः
 (विषमर्चा बृहती समर्चा सतोबृहती) छन्दः

अ॒यम॒ग्निः सु॒वीर्य॑स्ये॒ शै म॒हः सौ॒भग॑स्य ।
 रा॒य ई॒शे स्व॑प॒त्यस्य॑ गो॒म॒तु ई॒शे वृ॒त्रह॑थाना॒म् १
 इ॒मं न॑रो मरुतः स॒श्वता॑ वृ॒धं यस्मि॑न् रा॒यः शे॒वृधा॑सः ।
 अ॒भि ये स॑न्ति पृ॒तना॑सु दू॒ढ्यौ वि॒श्वाहा॑ शत्रु॒माद॑भुः २

स त्वं नो रायः शिशीहि मीद्वौ अग्ने सुवीर्यस्य ।
 तुविद्युम्न वर्षिष्ठस्य प्रजावतो ऽनमीवस्य शष्मिणः ३
 चक्रिर्यो विश्वा भुवनाभि सासहिश्चक्रिर्देवैष्वा दुर्वः ।
 आ देवेषु यततु आ सुवीर्य आ शंस उत नृणाम् ४
 मा नो अग्नेऽर्मतये मावीरतायै रीरधः ।
 मागोतायै सहसस्पुत्र मा निदे ऽपु द्वेषांस्या कृधि ५
 शृग्धि वाजस्य सुभग प्रजावतो ऽग्ने बृहतो अध्वरे ।
 सं राया भूर्यसा सृज मयोभुना तुविद्युम्न यशस्वता ६

(११) एकादशं सूक्तम्

(१-५) पञ्चर्चस्यास्य सूक्तस्य वैश्वामित्रः कत ऋषिः । अग्निर्देवता । त्रिष्टुप् छन्दः
 समिध्यमानः प्रथमानु धर्मा समुक्तुभिरज्यते विश्ववारः ।
 शोचिष्केशो घृतनिर्णिक पावकः सुयज्ञो अग्निर्यजथाय देवान् १
 यथायजो होत्रमग्ने पृथिव्या यथा दिवो जातवेदश्चिकित्वान् ।
 एवानेन हविषा यक्षि देवान् मनुष्वद् यज्ञं प्र तिरेममद्य २
 त्रीण्यार्यूषि तव जातवेद स्तिस्त्र आजानीरुषसस्ते अग्ने ।
 ताभिर्देवानामवो यक्षि विद्वान्ना भव यजमानाय शं योः ३
 अग्निं सुदीतिं सुदृशं गृणन्तौ नमस्यामस्त्वेडयं जातवेदः ।
 त्वां दूतमरतिं हव्यवाहं देवा अकृणवन्नमृतस्य नाभिम् ४
 यस्त्वद्धोता पूर्वी अग्ने यजीयान् द्विता च सत्ता स्वधया च शंभुः ।
 तस्यानु धर्मं प्र यजा चिकित्वो ऽथा नो धा अध्वरं देववीतौ ५

(१२) द्वादशं सूक्तम्

(१-५) पञ्चर्चस्यास्य सूक्तस्य वैश्वामित्रः कत ऋषिः । अग्निर्देवता । त्रिष्टुप् छन्दः
 भवा नो अग्ने सुमना उपैतौ सखेव सख्ये पितरेव साधुः ।
 पुरुद्बुहो हि क्षितयो जनानां प्रति प्रतीचीर्दहतादरातीः १
 तपो ष्वग्ने अन्तरां अमित्रान् तपा शंसमररुषः परस्य ।
 तपो वसो चिकित्तानो अचित्तान् वि तै तिष्ठन्तामजरं अयासः २
 इध्मेनाग्न इच्छमानो घृतेन जुहोमि हव्यं तरसे बलाय ।
 यावदीशे ब्रह्मणा वन्दमान इमां धिर्यं शतसेयाय देवीम् ३

उच्छ्रोचिषा सहसस्पुत्र स्तुतो बृहद् वयः शशमानेषु धेहि ।
 रेवदग्ने विश्वामित्रेषु शं योर्मर्मृज्मा तै तन्वंशभूरि कृत्वः ४
 कृधि रत्नं सुसनितुर्धनानां स घेदग्ने भवसि यत् समिद्धः ।
 स्तोतुर्दुरोणे सुभगस्य रेवत् सृप्रा करस्त्रा दधिषे वर्षषि ५

(१३) त्रयोदशं सूक्तम्

(१-५) पञ्चर्चस्यास्य सूक्तस्य कौशिको गाथी ऋषिः । अग्निर्देवता । त्रिष्टुप् छन्दः
 अग्निं होतारं प्र वृणे मियेधे गृत्सं कृविं विश्वविदममूरम् ।
 स नो यज्ञद् देवताता यजीयान् राये वाजाय वनते मृधानि १
 प्र तै अग्ने हविष्मतीमियु र्म्यच्छा सुद्युम्नां रातिनीं घृताचीम् ।
 प्रदक्षिणिद् देवतातिमुराणः सं रातिभिर्वसुभिर्यज्ञमश्नेत् २
 स तेजीयसा मनसा त्वोत उत शिञ्ज स्वपत्यस्य शिञ्जोः ।
 अग्ने रायो नृतमस्य प्रभूतौ भूयाम ते सुष्टुतयश्च वस्वः ३
 भूरीणि हि त्वे दधिरे अनीका ऽग्ने देवस्य यज्यवो जनासः ।
 स आ वह देवतातिं यविष्ठ शर्धो यदद्य दिव्यं यजासि ४
 यत् त्वा होतारमनजन् मियेधे निषादयन्तो यजथाय देवाः ।
 स त्वं नो अग्नेऽवितेह बोध्य धि श्रवांसि धेहि नस्तनूषु ५

(१४) चतुर्दशं सूक्तम्

(१-५) पञ्चर्चस्यास्य सूक्तस्य कौशिको गाथी ऋषिः । (१, ५)
 प्रथमापञ्चम्योर्ऋचोर्विश्वे देवाः (२-४) द्वितीयादितृचस्य चाग्निर्देवताः ।

त्रिष्टुप् छन्दः

अग्निमुषसमृश्विना दधिक्रां व्युष्टिषु हवते वह्निरुक्थैः ।
 सुज्योतिषो नः शृण्वन्तु देवाः सजोषसो अध्वरं वावशानाः १
 अग्ने त्री ते वार्जिना त्री षधस्था तिस्रस्तै जिह्वा ऋतजात पूर्वीः ।
 तिस्र उ ते तन्वो देववाता स्ताभिर्नः पाहि गिरो अप्रयुच्छन् २
 अग्ने भूरीणि तव जातवेदो देव स्वधावोऽमृतस्य नाम ।
 याश्च माया मायिना विश्वमिन्व त्वे पूर्वीः संदधुः पृष्ठबनधो ३
 अग्निर्नेता भग इव क्षितीनां दैवीनां देव ऋतुपा ऋतावा ।
 स वृत्रहा सनयो विश्ववैदाः पर्षद् विश्वाति दुरिता गृणन्तम् ४

दुधिक्रामग्निमुषसं च देवीं बृहस्पतिं सवितारं च देवम् ।
अश्विना मित्रावरुणा भर्गं च वसून् रुद्राँ आदित्याँ इह हुवे ५

(१५) पञ्चदशं सूक्तम्

(१-५) पञ्चर्चस्यास्य सूक्तस्य कौशिको गाथी ऋषिः । अग्निर्देवता । (१)
प्रथमर्चस्त्रिष्टुप् (२-३) द्वितीयातृतीययोरनुष्टुप् (४) चतुर्थ्या विराड् रूपा (५)
पञ्चम्याश्च सतोबृहती छन्दांसि
इमं नो यज्ञममृतैषु धेही मा हव्या जातवेदो जुषस्व ।
स्तोकानामग्ने मेदसो घृतस्य होतः प्राशान प्रथमो निषद्य १
घृतवन्तः पावक ते स्तोकाः श्रौतन्ति मेदसः ।
स्वधर्मन् देववीतये श्रेष्ठं नो धेहि वार्यम् २
तुभ्यं स्तोका घृतश्चुतो ऽग्ने विप्राय सनत्य ।
ऋषिः श्रेष्ठः समिध्यसे यज्ञस्य प्राविता भव ३
तुभ्यं श्रोतनत्यध्रिगो शचीवः स्तोकासौ अग्ने मेदसो घृतस्य ।
क्व विशस्तो बृहता भानुनागा हव्या जुषस्व मेधिर ४
ओर्जिष्ठं ते मध्यतो मेद उद्धतं प्र ते वयं ददामहे ।
श्रोतन्ति ते वसो स्तोका अर्धं त्वचि प्रति तान् देवशो विहि ५

(१६) षोडशं सूक्तम्

(१-५) पञ्चर्चस्यास्य सूक्तस्य कौशिको गाथी ऋषिः । (१-३, ५)
प्रथमादितृचस्य पञ्चम्या ऋचश्चाग्निः (४) चतुर्थ्याश्च पुरीष्या अग्नयो देवताः । (१-
३, ५) प्रथमादितृचस्य पञ्चम्या ऋचश्च त्रिष्टुप् (४) चतुर्थ्याश्चानुष्टुप् छन्दसी
अयं सो अग्निर्यस्मिन् त्सोमिन्द्रः सुतं दुधे जठरै वावशानः ।
सहस्रिणं वाजमत्यं न समि ससवान् त्सन् त्स्तूयसे जातवेदः १
अग्ने यत् ते दिवि वर्चः पृथिव्यां यदोषधीष्वप्स्वा यजत्र ।
येनान्तरिक्षमुर्वाततनर्थ त्वेषः स भानुरर्णवो नृचक्षाः २
अग्नौ दिवो अर्णमच्छा जिगास्यच्छा देवाँ ऊचिषे धिष्या ये ।
या रौचने परस्तात् सूर्यस्य याश्चावस्तादुपतिष्ठन्त आपः ३
पुरीष्यासो अग्नयः प्रावृणोभिः सजोषसः ।
जुषन्ता यज्ञमद्भुहो ऽनमीवा इषो महीः ४

इळा॒मग्ने॑ पु॒रुदं॑सं स॒निं गोः॑ श॒श्वत्त॑मं ह॒वमा॑नाय साध ।
स्यान्नः॑ सू॒नुस्त॑नयो वि॒जावा ऽग्ने॑ सा तै॑ सु॒म॒तिर्भू॑त्वस्मे ५

(१७) सप्तदशं सूक्तम्

(१-५) पञ्चर्चस्यास्य सूक्तस्य भारतौ देवश्रवोदेववातावृषी । अग्निर्देवता । (१-२, ४-५) प्रथमाद्वितीययोर्ऋचोश्चतुर्थीपञ्चम्योश्च त्रिष्टुप्

(३) तृतीयायाश्च सतोबृहती छन्दसी

निर्म॑थितः सु॒धित॒ आ स॒धस्थे॑ यु॒वा क॒विर॑ध्व॒रस्य॑ प्र॒णेता ।
जू॒र्यत्स्व॒ग्नि॒रज॒रो वने॑ष्व॒त्रा दधे॑ अ॒मृतं॑ जा॒तवै॑दाः १
अ॒मन्थि॑ष्टां भा॒रता॑ रे॒वद॒ग्निं दे॒वश्र॑वा दे॒ववा॑तः सु॒दक्ष॑म् ।
अग्ने॑ वि प॑श्य बृ॒हता॑भि रा॒येषां॑ नो ने॒ता भ॑वता॒दनु॒ द्यून् २
द॒श क्षि॑पः पू॒र्व्यं सी॑मजीज॒नन् त्सु॑जा॒तं मा॒तृषु॑ प्रि॒यम् ।
अ॒ग्निं स्तु॑हि दै॒ववा॑तं दै॒वश्र॑वो यो ज॒नाना॑मस॒द् व॒शी ३
नि त्वा॑ दधे॒ वर॒ आ पृ॑थि॒व्या इळा॑यास्प॒दे सु॑दि॒न॒त्वे अ॒ह्नाम् ।
दृ॒षद्व॑त्यां मा॒नुष॑ आ॒प॒यायां॑ सर॒स्वत्यां॑ रे॒वद॑ग्ने दि॒दीहि॑ ४
इळा॒मग्ने॑ पु॒रुदं॑सं स॒निं गोः॑ श॒श्वत्त॑मं ह॒वमा॑नाय साध ।
स्यान्नः॑ सू॒नुस्त॑नयो वि॒जावा ऽग्ने॑ सा तै॑ सु॒म॒तिर्भू॑त्वस्मे ५

(१८) अष्टादशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । अग्निर्देवता । (१) प्रथमर्चोऽनुष्टुप् (२-५) द्वितीयादिचतसृणाञ्च गायत्री छन्दसी
अग्ने॑ स॒ह॒स्व पृ॑त॒ना अ॒भिमा॑ती॒रपा॑स्य । दु॒ष्टर॒स्तर॒न्नाती॑ र्व॒र्चो धा॑ य॒ज्ञवा॑हसे १
अ॒ग्नं इळा॑ स॒मि॒ध्यसे॑ वी॒तिहो॑त्रो अ॒मर्त्यः॑ । जु॒षस्व॒ सू नो॑ अ॒ध्वर॑म् २
अ॒ग्नै द्यु॒म्नेन॑ जा॒गृवे॑ स॒ह॒सः॑ सू॒नवा॑हुत । ए॒दं ब॒र्हिः स॑दो म॒म ३
अ॒ग्ने वि॒श्वेभिर॒ग्निभि॑र्दे॒वेभि॑र्म॒हया॑ गि॒रः । य॒ज्ञेषु॑ य उ॑ चा॒यवः॑ ४
अ॒ग्ने दा॑ दा॒शुषे॑ र॒यिं वी॑र॒वन्तं॑ परी॒णस॑म् । शि॒शीहि॑ नः सू॒नुम॑तः ५

(१९) एकोनविंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । (१-३, ५) प्रथमादितृचस्य पञ्चम्या ऋचश्चाग्निः (४) चतुर्थ्याश्चेन्द्राग्नी देवते । विराट् छन्दः

अग्रै दिवः सूनुरसि प्रचेता स्तना पृथिव्या उत विश्ववैदाः ।
 ऋधग्देवाँ इह यजा चिकित्वः १
 अग्निः संनोति वीर्याणि विद्वान् त्सनोति वाजममृताय भूषन् ।
 स नो देवाँ एह वहा पुरुक्षो २
 अग्निर्द्यावापृथिवी विश्वजनये आ भाति देवी अमृते अमूरः ।
 क्षयन् वाजैः पुरुश्चन्द्रो नमोभिः ३
 अग्र इन्द्रश्च दाशुषौ दुरोणे सुतावतो यज्ञमिहोप यातम् ।
 अर्मर्धन्ता सोमपेयाय देवा ४
 अग्रै अपां समिध्यसे दुरोणे नित्यः सूनो सहसो जातवेदः ।
 सधस्थानि मह्यमान ऊती ५

(२०) विंशं सूक्तम्

(१-६) नवर्चस्यास्य सूक्तस्य (१-६, ८-६) प्रथमतृचद्वयस्याष्टमीनवम्योर्ऋचोश्च
 गाथिनो विश्वामित्रः (७) सप्तम्याश्च ब्रह्म ऋषी । (१-३) प्रथमादितृचस्य
 वैश्वानरोऽग्निः (४-६) चतुर्थ्यादितृचस्य मारुतोऽग्निः (७-८)
 सप्तम्यष्टम्योर्ऋचोरग्निः परं ब्रह्म वा (९) नवम्याश्च विश्वामित्रोपाध्यायो देवताः ।

(१-६) प्रथमतृचद्वयस्य जगती (७-६) तृतीयतृचस्य च त्रिष्टुप् छन्दसी
 वैश्वानरं मनसाग्निं निचाय्या हविष्मन्तो अनुषृत्यं स्वर्विदम् ।
 सुदानुं देवं रथिरं वसूयवो गीर्भी रणवं कुशिकासो हवामहे १
 तं शभ्रमग्निमवसे हवामहे वैश्वानरं मातरिश्वा नमुक्थ्यम् ।
 बृहस्पतिं मनुषो देवतातये विप्रं श्रोतारमतिथिं रघुष्यदम् २
 अश्वो न क्रन्दञ्जनिभिः समिध्यते वैश्वानरः कुशिकेभिर्युगेयुगे ।
 स नो अग्निः सुवीर्यं स्वश्वयं दधातु रत्नममृतैषु जागृविः ३
 प्र यन्तु वाजास्तविषीभिरग्रयः शभे संइमंशलाः पृषतीरयुक्षत ।
 बृहदुक्षो मरुतो विश्ववैदसः प्र वेपयन्ति पर्वताँ अदाभ्याः ४
 अग्निश्रियो मरुतो विश्वकृष्टय आ त्वेषमुग्रमव ईमहे वयम् ।
 ते स्वानिनो रुद्रिया वर्षनिर्णिजः सिंहा न हेषक्रतवः सुदानवः ५
 व्रातव्रातं गुणंगणं सुशस्तिभि रग्रेभर्म मरुतामोज ईमहे ।
 पृषदश्वासो अनवभ्रराधसो गन्तारो यज्ञं विदथेषु धीराः ६
 अग्निरस्मि जन्मना जातवैदा घृतं मे चक्षुरमृतं म आसन् ।

अ॒र्कस्त्रि॒धातू रज॑सो वि॒मानो ऽज॑स्रो घृ॒र्मो ह॒विर॑स्मि॒ नाम ७
 त्रि॒भिः पु॒वित्रै॑रपु॒पोद्ध॑य॒र्कं ह॒दा म॒तिं ज्योति॑रनु॒ प्रजा॑नन् ।
 वर्षि॑ष्ठं रत्न॑मकृत स्व॒धाभि॑ रादिद् द्यावा॑पृथि॒वी पर्य॑पश्यत् ८
 शत॑धा॒रमु॒त्सम॑क्षीयमा॒णं वि॒पुश्चित॑ इ॒ंपुतरं॑ वक्त्वानाम् ।
 मे॒ळिं म॑दन्तं पि॒त्रोरु॒पस्थे॑ तं रौ॒दसी॑ पिपृतं सत्य॒वाच॑म् ९

(२१) एकविंशं सूक्तम्

(१-१५) पञ्चदशर्चस्यास्य सूक्तस्य गाथिनो विश्वामित्र ऋषिः । (१-१५)

पञ्चदशर्चामग्निः (१) प्रथमाया ऋतवो वा देवताः । गायत्री छन्दः
 प्र वो वाजा॑ अ॒भिद्य॑वो ह॒विष्म॑न्तो घृ॒ताच्या॑ । दे॒वाञ्जि॑गाति सु॒म॒युः १
 ई॒ळे अ॒ग्निं वि॒पुश्चित॑ गिरा य॒ज्ञस्य॑ सा॒धन॑म् । श्रु॒ष्टीवा॑नं धि॒तावा॑नम् २
 अ॒ग्रे श॒केम॑ ते व॒यं यम॑ दे॒वस्य॑ वा॒जिनः॑ । अ॒ति द्वे॑षा॒सि तरे॑म ३
 स॒मि॒ध्यमा॑नो अ॒ध्वरे॑ऽग्निः पा॒वक॑ ई॒डयः॑ । शो॒चिष्कै॑शस्त॒मीम॑हे ४
 पृ॒थुपा॑जा अ॒मर्त्यो॑ घृ॒तनि॑र्णिक॒ स्वा॒हुतः॑ । अ॒ग्निर्य॑ज्ञस्य॒ हव्य॑वाद् ५
 तं स॒बाधो॑ य॒तस्तु॑च इ॒त्था धि॒या य॒ज्ञव॑न्तः । आ च॑क्रु॒रग्नि॑मू॒तयै॑ ६
 होता॑ दे॒वो अ॒मर्त्यः॑ पु॒रस्ता॑देति मा॒यया॑ । वि॒दथानि॑ प्र॒चोद॑यन् ७
 वा॒जी वा॒जेषु॑ धी॒यते॑ ऽध्व॒रेषु॑ प्र रणी॑यते । वि॒प्रो य॒ज्ञस्य॑ सा॒धनः॑ ८
 धि॒या च॑क्रे वरै॒रयो॑ भू॒तानां॑ गर्भ॒मा द॑धे । दक्ष॑स्य पि॒तरं॑ तना॑ ९
 नि त्वा॑ द॒धे वरै॒रयं॑ दक्ष॑स्ये॒ळा स॑हस्कृत । अ॒ग्रे सु॒दीति॑मु॒शिज॑म् १०
 अ॒ग्निं यु॒न्तुर्मु॒पुर् मू॒तस्य॑ योगे॒ वनु॑षः । वि॒प्रा वा॒जैः स॒मिन॑धते ११
 ऊ॒र्जो न॑पा॒तम॑ध्व॒रे दी॑दि॒वांस॑मु॒प द्य॑वि । अ॒ग्निमी॑ळे क॒विक्र॑तुम् १२
 ई॒ळेन॑यो नम॒स्य स्ति॒रस्त॑मा॒सि दर्श॑तः । स॒म॒ग्निरि॑ध्यते वृ॒षा १३
 वृ॒षो अ॒ग्निः स॒मि॒ध्यते॑ ऽश्चो न दै॒ववा॑हनः । तं ह॒विष्म॑न्त ई॒ळते॑ १४
 वृ॒षणं॑ त्वा व॒यं वृ॑षन् वृ॒षणः॑ स॒मि॒धीम॑हि । अ॒ग्रे दी॑द्यतं बृ॒हत् १५

(२२) द्वाविंशं सूक्तम्

(१-६) षडृचस्यास्य सूक्तस्य गाथिनो विश्वामित्र ऋषिः । अग्निर्देवता । (१-२,

६) प्रथमाद्वितीययोर्ऋचोः षष्ठ्याश्च गायत्री (३) तृतीयाया उष्णिक् (४)

चतुर्थ्यास्त्रिष्टुप् (५) पञ्चम्याश्च जगती छन्दांसि

अ॒ग्रे जु॒षस्व॑ नो ह॒विः पु॒रोळा॑शं जा॒तवे॑दः । प्रा॒तःसा॒वे धि॒याव॑सो १

पुरोळा अग्ने पचत स्तुभ्यं वा घा परिष्कृतः । तं जुषस्व यविष्ठय २
 अग्ने वीहि पुरोळाश माहुतं तिरोअह्यम् । सहसः सूनुरस्यध्वरे हितः ३
 माध्यदिने सर्वने जातवेदः पुरोळाशमिह कवे जुषस्व ।
 अग्ने युहस्य तव भागुधेयं न प्र मिनन्ति विदथेषु धीराः ४
 अग्ने तृतीये सर्वने हि कानिषः पुरोळाश सहसः सूनवाहुतम् ।
 अथा देवेष्वध्वरं विपनयया धा रत्नवन्तममृतैषु जागृविम् ५
 अग्ने वृधान आहुतिं पुरोळाश जातवेदः । जुषस्व तिरोअङ्गनयम् ६

(२३) त्रयोविंशं सूक्तम्

(१-१६) षोडशर्चस्यास्य सूक्तस्य गाथिनो विश्वामित्र ऋषिः । (१-४, ६-१६)
 प्रथमादिचतुर्ऋचां षष्ठ्याद्येकादशानाञ्चाग्निः (५) पञ्चम्याश्च अग्निर्ऋत्विजो वा देवताः
 । (१, ४, १०, १२) प्रथमाचतुर्थीदशमीद्वादशीनामनुष्टुप् (२, ३, ५, ७-९, १३,
 १६) द्वितीयातृतीययोः पञ्चम्याः सप्तम्यादितृचस्य त्रयोदशीषोडश्योश्च त्रिष्टुप् (६, ११,
 १४, १५) षष्ठ्येकादशीचतुर्दशीपञ्चदशीनाञ्च जगती छन्दांसि

अस्तीदमधि मनथन् मस्ति प्रजननं कृतम् ।
 एतां विश्पत्नीमा भराग्निं मनथाम पूर्वथा १
 अरण्योर्निहितो जातवेदा गर्भ इव सुधितो गर्भिणीषु ।
 दिवेदिव ईड्यो जागृवद्भिर्हविष्मद्भिर्मनुष्यैभिरग्निः २
 उत्तानायामव भरा चिकित्वान् त्सद्यः प्रवीता वृषणं जजान ।
 अरुषस्तूपो रुशदस्य पाज इळायास्पुत्रो वयुने ऽजनिष्ट ३
 इळायास्त्वा पुदे वयं नाभा पृथिव्या अधि ।
 जातवेदो नि धीम ह्यग्ने हव्याय वोळहवे ४
 मनथता नरः कविमद्वयन्तं प्रचेतसममृतं सुप्रतीकम् ।
 यज्ञस्य केतुं प्रथमं पुरस्तादग्निं नरो जनयता सुशेवम् ५
 यदी मनथन्ति बाहुभिर्वि रौचते ऽश्वो न वाज्यरूपो वनेष्वा ।
 चित्रो न यामन्नश्चिनोरनिवृतः परि वृणक्त्यश्मन्स्तृणा दहेन् ६
 जातो अग्नी रौचते चेकितानो वाजी विप्रः कविशस्तः सुदानुः ।
 यं देवास ईड्यं विश्वविदं हव्यवाहुमदधुरध्वरेषु ७
 सीदं होतुः स्व उ लोके चिकित्वान् त्सादया यज्ञं सुकृतस्य योनौ ।
 देवावीर्देवान् हविषा यजास्यग्ने बृहद् यजमाने वर्यो धाः ८

कृ॒णोत॑ धूमं वृष॑णं सखा॒यो ऽस्त्रे॑धन्त इत॒न् वाज॑मच्छ ।
 अ॒यम॒ग्निः पृ॑तनाषाद् सु॒वीरो॒ येन॑ दे॒वासो॒ अस॑हन्त दस्यून् ६
 अ॒यं ते॒ योनि॑र्ऋ॒त्वियो॒ यतो॑ जा॒तो अ॒रौच॑थाः ।
 तं जा॒नन्न॑ग्ना आ सी॒दात्था॑ नो वर्ध॒या गिरः॑ १०
 त॒नून॑पादुच्यते गर्भ॑ आसुरो नरा॒शंसो॑ भवति॒ यद् वि॒जाय॑ते ।
 मा॒तरि॒श्वा यद॑मिमीत मा॒तरि॒ वात॑स्य॒ सर्गो॑ अभवत् सरी॒मणि ११
 सु॒निर्म॑था निर्मथितः सु॒निधा॑ नि॒र्हितः॑ क॒विः ।
 अ॒ग्रे स्व॑ध्वरा कृ॒णु दे॒वान् दै॒वय॑ते यज १२
 अ॒जी॒जन॑न्नमृतं म॒र्त्यासो॑ ऽस्त्रे॒माणं॑ त॒रणि॑ वी॒ळुज॑म्भम् ।
 द॒श स्व॑सारो अ॒गुर्वः॑ समी॒चीः पु॒मांसं॑ जा॒तम॒भि सं र॑भन्ते १३
 प्र स॒प्तहो॑ता स॒नका॑दर्शोचत मा॒तुरु॑प॒स्थे यद॑शौच॒दूध॑नि ।
 न नि मि॑षति सु॒रणो॑ दि॒वेदि॑वे॒ यद॑सुरस्य ज॒ठरा॑दजायत १४
 अ॒मि॒त्रायु॑धौ म॒रुता॑मिव प्र॒याः प्र॑थम॒जा ब्र॑ह्म॒णो वि॒श्वमि॑द् वि॒दुः ।
 द्यु॒म्वद् ब्र॑ह्म कु॒शिका॑स ए॒रिर॒ एक॑एको दमे॑ अ॒ग्निं समी॑धिरे १५
 यद॑द्य त्वा प्र॒यति॑ यु॒ज्ञे अ॒स्मिन् हो॑तश्चि॒कित्वो॑ऽवृ॒णीम॑हीह ।
 ध्रु॒वम॑या ध्रु॒वमु॒ताश॑मि॒ष्टाः प्र॒जा॒नन् वि॒द्वाँ उप॑ याहि सोम॑म् १६

द्वितीयोऽध्यायः

व० १-२६

(२४) चतुर्विंशं सूक्तम्

(१-२२) द्वाविंशत्यृचस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इच्छ॑न्ति त्वा सो॒म्यासः॑ सखा॒यः सु॒न्वन्ति॒ सोमं॑ दध॒ति प्र॑या॒सि ।
 ति॒ति॒क्षन्ते॑ अ॒भिशा॑स्तिं जना॒ना मि॒न्द्र त्वदा॑ कश्च॒न हि प्र॑केतः १
 न ते॑ दू॒रे प॑र॒मा चि॒द् रजा॑ स्या तु प्र या॒हि ह॑रि॒वो ह॑रि॒भ्याम् ।
 स्थि॒राय॑ वृ॒ष्णे स॑र्वना कृ॒तेमा॑ यु॒क्ता ग्रा॑वा॒णः समि॑धा॒ने अ॒ग्नौ २
 इन्द्रः॑ सु॒शिप्रो॑ म॒घवा॑ त॒रुत्रो॑ म॒हावा॑तस्तुविकू॒र्मिर्ऋ॑धा॒वान् ।
 यदु॒ग्रो धा॑ बा॒धितो॑ म॒र्त्येषु॑ क्व॒र् त्या ते॑ वृष॑भ वी॒र्या॑णि ३
 त्वं हि ष्मा॑ च्या॒वय॑न्नच्यु॒ता न॑ये॒को वृ॒त्रा च॑र॒सि जिघ्र॑मानः ।
 तव॑ द्यावा॑पृथि॒वी प॑र्व॒तासो॑ ऽनु॒ वृ॒ताय॑ निर्मि॒तेव॑ तस्थुः ४

उ॒ता॒भये॑ पु॒रु॒हूत॑ श्रवो॑भि॒रेको॑ दृ॒ळ॒ह॒र्म॒वदो॑ वृ॒त्र॒हा स॑न् ।
 इ॒मे चि॑दि॒न्द्र रो॑द॒सी अ॒पारे॑ यत् स॒ंगृ॒भ्णा म॑घवन् का॒शि॒रि॒त्तै ५
 प्र॒सू त॑ इन्द्र प्र॒वता॑ हरि॒भ्यां प्र॒ते व॑ज्रः प्र॒मृ॒ण॒न्नेतु॑ शत्रून् ।
 ज॒हि प्र॑ती॒चो अ॑नूचः परा॒चो वि॒श्वं स॒त्यं कृ॑णुहि वि॒ष्ट॒र्म॒स्तु ६
 यस्मै॑ धा॒युर॑द॒धा म॒र्त्या॒या भ॑क्तं चिद् भजते गे॒ह्यं॑ सः ।
 भ॒द्रा त॑ इन्द्र सु॒म॒ति॒र्धृ॒ताची॑ स॒हस्र॑दाना पु॒रु॒हूत॑ रा॒तिः ७
 स॒हदा॑नुं पु॒रु॒हूत॑ क्षि॒यन्त॑ मह॒स्तमि॑न्द्र सं इ॒ं॒प॒ण॒क कु॑णा॒रुम् ।
 अ॒भि वृ॒त्रं व॑र्ध॒मानं॑ पि॒या॒रु म॒पाद॑मिन्द्र त॒वसा॑ जघनथ ८
 नि स॒मि॒नामि॑षिरामिन्द्र भूमि॑ म॒ही॒म॒पा॒रां स॑दने सस॒त्थ ।
 अस्त॑भ्नाद् द्यां वृ॒ष॒भो अ॒न्तरि॑क्ष म॒र्ष॒न॒त्वाप॑स्त्वये॒ह प्र॑सू॒ताः ९
 अ॒ला॒तृ॒णो व॒ल इ॑न्द्र वृ॒जो गोः॑ पु॒रा ह॑न्तो॒र्भय॑मानो व्या॒र ।
 सु॒गान् प॒थो अ॑कृ॒णो॒न्निर॑जे गाः प्रा॒वन् वा॒णीः पु॒रु॒हूतं॑ ध॒र्म॒न्तीः १०
 ए॒को द्वे॑ वसु॒मती॑ समी॒ची इन्द्र॑ आ प॒प्रौ पृ॑थि॒वीमु॑त द्याम् ।
 उ॒तान्तरि॑क्षाद॒भि नः॑ समी॒क इ॒षो र॒थीः स॒युजः॑ शूर॒ वाजा॑न् ११
 दि॒शः सूर्यो॑ न मि॒नाति॑ प्र॒दि॒ष्टा दि॒वेदि॑वे ह॒र्य॑श्चप्रसू॒ताः ।
 सं य॑दान॒ळ॒ध्वन् आ॑दि॒द॒श्वैर्वि॑मोचनं कृ॒णुते॑ तत् त्व॑स्य १२
 दि॒दृक्ष॑न्त उ॒षसो॑ या॒म॒न्न॒क्तो वि॑वस्व॒त्या महि॑ चि॒त्रम॑नी॒कम् ।
 वि॒श्वे जा॑नन्ति म॒हिना॑ यदा॒गा दि॒न्द्रस्य॑ क॒र्म सु॑कृ॒ता पु॒रु॒णि १३
 महि॑ ज्योति॒र्निहि॑तं वृ॒क्षणा॑ स्वा॒मा प॒क्वं च॑रति बिभ्र॒ती गौः॑ ।
 वि॒श्वं स्वा॑द्य संभृत॒मु॒स्त्रिया॑यां यत् सी॒मिन्द्रो॑ अ॒द॒धाद् भो॑ज॒नाय १४
 इन्द्र॑ दृ॒ह्यं या॑म॒कोशा॑ अ॒भूव॑न् य॒ज्ञाय॑ शि॒क्ष गू॑णते सखि॒भ्यः ।
 दु॒र्मा॒यवो॑ दु॒रे॒वा म॒र्त्या॒सो नि॑ष॒ङ्गि॒णो रि॑पवो ह॒नत्वा॑सः १५
 सं घो॑षः शृ॒णवे॑ऽव॒मैर॑मि॒त्रैर्ज॒ही न॑येष्व॒शनिं॑ तपि॒ष्ठाम् ।
 वृ॒श्चे॒म॒धस्ता॑द् वि रु॒जा स॑ह॒स्व ज॒हि र॒क्षो म॑घवन् र॒न॒ध॒र्य॑स्व १६
 उ॒द् बृ॑ह र॒क्षः स॒हमू॑लमिन्द्र वृ॒श्चा म॒ध्यं प्र॑त्य॒ग्रं शृ॑णीहि ।
 आ की॑र्वतः स॒ल॒लूकं॑ च॒कर्थ॑ ब्र॒ह्म॒द्वि॒षे त॑पु॒षि हे॑ति॒र्म॒स्य १७
 स्व॒स्तये॑ वा॒जिभि॑श्च प्र॒णेतुः॑ सं यन्म॒हीरि॑ष आ॒सत्सि॑ पूर्वीः ।
 रा॒यो वृ॑न्तारौ बृ॒हतः॑ स्या॒मा ऽस्मे अ॑स्तु भ॒ग इन्द्र॑ प्र॒जावा॑न् १८
 आ नो॑ भ॒र भ॑गमिन्द्र द्यु॒मन्तं॑ नि तै दे॒ष्ण॑स्य॒ धीम॑हि प्र॒रेके॑ ।
 ऊ॒र्व इ॒व प॑प्र॒थे का॑मो॒ अस्मे॑ त॒मा पृ॑ण वसु॒पते॑ वसू॒नाम् १९

इमं कामं मन्दया गोभिरश्वैश्चन्द्रवता राधसा पप्रथश्च ।
 स्वर्यवो मतिभिस्तुभ्यं विप्रा इन्द्राय वाहः कुशिकासौ अक्रन् २०
 आ नो गोत्रा ददृहि गोपते गाः समस्मभ्यं सनयो यन्तु वाजाः ।
 दिवक्षा असि वृषभ सत्यशुष्मो ऽस्मभ्यं सु मघवन् बोधि गोदाः २१
 शूनं हुवेम मघवानमिन्द्रं मस्मिन् भरे नृतमं वाजसातौ ।
 शृण्वन्तमुग्रमूतयै समत्सु घन्तं वृत्राणि संजितं धनानाम् २२

(२५) पञ्चविंशं सूक्तम्

(१-२२) द्वाविंशत्यृचस्यास्य सूक्तस्य गाथिनो विश्वामित्र ऐषीरथिः कुशिको वा

ऋषिः । इन्द्रो देवता । त्रिष्टुप् छन्दः

शासद् वह्निर्दुहितुर्नप्तयं गाद् विद्वाँ ऋतस्य दीधितिं सपर्यन् ।
 पिता यत्र दुहितुः सेकमृञ्जन् त्सं शगम्येन मनसा दधन्वे १
 न जामये तान्वो रिक्थमरैक् चकार गर्भं सनितुर्निधानम् ।
 यदी मातरौ जनयन्त वह्निं मनयः कर्ता सुकृतीरनय ऋनधन् २
 अग्निर्जज्ञे जुह्वा रेजमानो महस्पुत्राँ अरुषस्य प्रयक्षे ।
 महान् गर्भो मह्या जातमेषां मही प्रवृद्धयश्चस्य यज्ञैः ३
 अभि जैत्रीरसचन्त स्पृधानं महि ज्योतिस्तमसो निरजानन् ।
 तं जानतीः प्रत्युदायन्नुषासः पतिर्गवामभवदेक इन्द्रः ४
 वीळौ सतीरभि धीरा अतृन्दन् प्राचाहिन्वन् मनसा सप्त विप्राः ।
 विश्वामविन्दन् पथ्यामृतस्य प्रजानन्नित्ता नमसा विवेश ५
 विदद् यदी सरमा रुग्णमद्रेर्महि पार्थः पूर्व्यं सध्वयक्कः ।
 अग्रं नयत् सुपद्यक्षराणा मच्छा रवं प्रथमा जानती गात् ६
 अगच्छदु विप्रतमः सखीय न्नसूदयत् सुकृते गर्भमद्रिः ।
 ससान् मर्यो युवभिर्मखस्य न्नथाभवदङ्गिराः सद्यो अर्चन् ७
 सतःसतः प्रतिमानं पुरो भूर्विश्वा वेद जनिमा हन्ति शुष्णम् ।
 प्र णो दिवः पद्वीर्गव्युर्चन् त्सखा सखीरमुञ्चन्निरवद्यात् ८
 नि गव्यता मनसा सेदुरकैः कृणवानासौ अमृतत्वाय गातुम् ।
 इदं चिन्नु सदनं भूर्येषां येन मासाँ असिषासन्वृतेन ९
 संपश्यमाना अमदन्नभि स्वं पर्यः प्रत्स्य रेतसो दुघानाः ।
 वि रोदसी अतपद् घोष एषां जाते निःष्ठामदधुर्गोषु वीरान् १०

स जातेभिर्वृत्रहा सेदु हव्यै रुदुस्त्रिया असृजदिन्द्रो अकैः ।
 उरुच्यस्मै घृतवद् भरन्ती मधु स्वाद्य दुदुहे जेन्या गौः ११
 पित्रे चिच्चक्रुः सदनं समस्मै महि त्विषीमत् सुकृतो वि हि ख्यन् ।
 विष्कभन्तः स्कम्भनेना जनित्री आसीना ऊर्ध्वं रभसं वि मिन्वन् १२
 मही यदि धिषणा शिशनथे धात् सद्योवृधं विभ्वं रोदस्योः ।
 गिरो यस्मिन्ननवद्याः समीची विश्वा इन्द्राय तविषीरनुत्ताः १३
 मह्या तै सख्यं वशिम शक्ती रा वृत्रघ्ने नियुतौ यन्ति पूर्वीः ।
 महि स्तोत्रमव आगन्म सुरेस्माकं सु मघवन् बोधि गोपाः १४
 महि क्षेत्रं पुरु श्वन्द्रं विविद्वा नादित् सखिभ्यश्चरथं समैरत् ।
 इन्द्रो नृभिरजनुद् दीद्यानः साकं सूर्यमुषसं गातुमग्निम् १५
 अपश्चिदेष विभवोऽ दमूनाः प्र सधीचौरसृजद् विश्वश्चन्द्राः ।
 मध्वः पुनानाः कविभिः पवित्रै द्युभिर्हिन्वनत्यक्तुभिर्धनुत्रीः १६
 अनु कृष्णे वसुधिति जिहाते उभे सूर्यस्य मंहना यजत्रे ।
 परि यत् तै महिमानं वृजध्यै सखाय इन्द्र काम्या ऋजिप्याः १७
 पतिर्भव वृत्रहन् त्सूनृतीनां गिरां विश्वायुर्वृषभो वयोधाः ।
 आ नौ गहि सख्येभिः शिवेभिर्महान् महीभिरूतिभिः सख्यन् १८
 तमङ्गिरस्वन्नमसा सपर्यन् नव्यं कृणोमि सनयसे पुराजाम् ।
 द्रुहो वि याहि बहुला अदेवीः स्वश्च नो मघवन् त्सातयै धाः १९
 मिहः पावकाः प्रतेता अभूवन् त्वस्ति नः पिपृहि पारमांसाम् ।
 इन्द्र त्वं रथिरः पाहि नो रिषो मक्ष्मक्ष्म कृणुहि गोजितौ नः २०
 अदेदिष्ट वृत्रहा गोपतिर्गा अन्तः कृष्णां अरुषैर्धामभिर्गात् ।
 प्र सूनृता दिशमान ऋतेन दुरश्च विश्वा अवृणोदप स्वाः २१
 शुनं हवेम मघवान्मिन्द्रं मस्मिन् भरे नृतमं वाजसातौ ।
 शृगवन्तमुग्रमूतयै समत्सु घन्तं वृत्राणि संजितं धनानाम् २२

(२६) षड्विंशं सूक्तम्

(१-१७) सप्तदशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इन्द्र सोमं सोमपते पिबेमं माध्यदिनं सर्वनं चारु यत् तै ।
 प्रप्रुथ्या शिप्रे मघवन्नृजीषिन् विमुच्या हरी इह मादयस्व १

गवा॑शिरं म॒न्थिन॑मिन्द्र शक्रं॑ इ॒पबा॑ सोमं॑ र॒रिमा॑ ते॒ मदा॑य ।
 ब्र॒ह्मकृ॑ता मा॒रुते॑ना गु॒णेन॑ स॒जोषा॑ रु॒द्रेस्तृ॑पदा वृष॑स्व २
 ये ते॒ शुष्मं॑ ये तवि॑षीमव॒र्धन्न॑र्चन्त इन्द्र॑ म॒रुत॑स्त ओजः॑ ।
 मा॒र्ध्यदि॑ने॒ सर्व॑ने वज्र॑हस्त पिबा॑ रु॒द्रेभिः॑ स॒र्गणः॑ सुशि॒प्र ३
 त इ॒न्वस्य॑ मधु॑मद् विवि॒प्र इन्द्र॑स्य श॒र्धौ म॒रुतो॑ य आ॒सन् ।
 येभि॑र्वृ॒त्रस्यै॑षितो वि॒वेदा॑ म॒र्मणो॑ मनय॑मानस्य म॒र्म ४
 म॒नुष्व॑दिन्द्र॒ सर्व॑नं जुषा॒णः पिबा॑ सोमं॑ शश्व॑ते वी॒र्या॑य ।
 स आ॑ ववृ॒त्स्व ह॑र्यश्च यु॒ज्ञैः स॒रण॑युभि॒रपो॑ अ॒र्णा सिस॑र्षि ५
 त्वम॒पो यद्ध॑ वृ॒त्रं ज॑घ॒न्वाँ अ॒त्याँ इव॑ प्रासृ॒जः स॒र्तवा॑जौ ।
 शया॑नमिन्द्र च॒रता॑ व॒धेन॑ व॒त्रिवा॑सं परि॑ दे॒वीरदे॑वम् ६
 यजा॑म॒ इन्न॑मसा वृद्धमिन्द्र॑ बृ॒हन्त॑मृष्वम॒जरं॑ यु॒वान॑म् ।
 यस्य॑ प्रि॒ये म॒मर्तु॑र्य॒ज्ञिय॑स्य न रोद॑सी महि॒मानं॑ म॒मातै॑ ७
 इन्द्र॑स्य क॒र्म सु॑कृ॒ता पु॒रूणि॑ वृ॒तानि॑ दे॒वा न मि॑नन्ति वि॒श्वे ।
 दा॒धार॒ यः पृ॑थि॒वीं द्या॑मु॒तेमां॑ ज॒जान॑ सूर्य॑मुष॒सं सु॑दं॒साः ८
 अ॒द्रौघ॑ स॒त्यं तव॑ त॒न्महि॑त्वं स॒द्यो य॒ज्ञातो॑ अपि॒बो ह॒ सोम॑म् ।
 न द्या॑व इन्द्र॒ तव॑सस्त ओजो॒ नाहा॑ न मा॒साः श॒रदो॑ वरन्त ९
 त्वं स॒द्यो अपि॑बो जा॒त इन्द्र॑ मदा॑य सोमं॑ प॒रमे॑ व्योम॒न् ।
 यद्ध॑ द्यावा॑पृथि॒वी आ॑वि॒वेशी॑ रथा॒भवः॑ पू॒र्व्यः का॒रुधा॑याः १०
 अ॒ह॒न्नहि॑ परि॒श्यान्म॑र्ण ओजा॒यमा॑नं तुविजा॒त तव्या॑न् ।
 न तै॑ महि॒त्वमनु॑ भू॒द्ध द्यौ॑ र्यद॒नय॑या स्फि॒ग्या॒इ क्षा॑मव॒स्थाः ११
 य॒ज्ञो हि तं॑ इन्द्र॒ वर्ध॑नो भू॒दुत॑ प्रि॒यः सु॑तसौमो मि॒येधः॑ ।
 य॒ज्ञेन॑ य॒ज्ञम॑व य॒ज्ञियः॑ सन् य॒ज्ञस्ते॑ वज्र॑महि॒हत्य॑ आवत् १२
 य॒ज्ञेनेन्द्र॑मव॒सा च॑क्रे अ॒र्वा गै॑र सु॒म्राय॑ नव्य॑से ववृ॒त्याम् ।
 यः स्तो॑मैभि॒र्वावृ॑धे पू॒र्व्येभि॒र्यो म॑ध्य॒मेभि॑रु॒त नू॑तनेभिः १३
 वि॒वेष॑ यन्मा॑ धि॒षणा॑ ज॒जान॑ स्तवै॑ पु॒रा पा॒र्यादि॑न्द्रम॒हः ।
 अ॒हंसो॑ यत्र॑ पी॒पर॑द् यथा॑ नो ना॒वेव॑ या॒न्तमु॑भयै॒ हव॑न्ते १४
 आ॒पू॒र्णो अस्य॑ क॒लशः॑ स्वा॒हा से॒तैव॑ को॒शे सिसि॑चे पि॒ब॒ध्यै ।
 समु॑ प्रि॒या आ॑ववृ॒त्रन् मदा॑य प्रद॑क्षिणि॒दभि॑ सोमा॑स इन्द्र॑म् १५
 न त्वा॑ ग॒भीरः॑ पु॒रुहू॑त् सि॒नधु॑र्ना॒द्रयः॑ परि॑ षन्तो॒ वर॑न्त ।
 इ॒त्था स॒खिभ्य॑ इ॒षितो॑ यदिन्द्रा॒ऽऽदृ॑ळ॒हं चि॒दरु॑जो गव्य॑मूर्वम् १६

शूनं हुवेम म॒घवान॑मिन्द्र॒ म॒स्मिन् भ॒रे नृ॒तमं॑ वा॒जसा॑तौ ।
शृ॒णवन्त॑मु॒ग्रमू॒तये॑ स॒मत्सु॑ घ्नन्त॑ वृ॒त्राणि॑ स॒जितं॑ ध॒नाना॑म् १७

(२७) सप्तविंशं सूक्तम्

(१-१३) त्रयोदशर्चस्यास्य सूक्तस्य (१-३, ५, ७, ९, ११-१३) प्रथमादितृचस्य पञ्चमीसप्तमीनवम्युचामेकादश्यादितृचस्य च गाथिनो विश्वामित्र ऋषिः (४, ६, ८, १०) चतुर्थीषष्ठ्यष्टमीदशमीनाञ्च नद्य ऋषिकाः । (१-३, ५, ९, ११-१३)
प्रथमादितृचस्य पञ्चमीनवम्योर्ऋचोरेकादश्यादितृचस्य च नद्यः (४, ८, १०)
चतुर्थ्यष्टमीदशमीनां विश्वामित्रः (६, ७) षष्ठीसप्तम्योश्चेन्द्रो देवताः । (१-१२)
प्रथमादिद्वादशर्चा त्रिष्टुप् (१३) त्रयोदश्याश्चानुष्टुप् छन्दसी

प्र पर्व॑तानामु॒शती॑ उ॒पस्था॑ द॒श्वे इव॑ वि॒षिते॑ हा॒स॒माने॑ ।
गा॒र्वेव॑ शु॒भ्रे मा॒तरा॑ रि॒हाणे॑ वि॒पाट॑छु॒तुद्री॑ प॒र्यसा॑ ज॒वेते॑ १
इन्द्रै॑षिते प्र॒स॒वं इ॒भक्ष॑माणे अ॒च्छा॑ स॒मुद्रं॑ र॒थ्येव॑ याथः ।
स॒मा॒राणे॑ ऊ॒र्मिभिः॑ पि॒न्व॒माने॑ अ॒नया॑ वा॒म॒नया॑म॒प्येति॑ शु॒भ्रे २
अ॒च्छा॑ सि॒नधुं॑ मा॒तृ॒त॒मा॒मया॑सं वि॒पा॒शमु॒र्वी सु॒भगा॑मगन्म ।
वृ॒त्स॒मिव॑ मा॒तरा॑ सं॒रिहा॑णे स॒मानं॑ यो॒निम॑नु॒ संच॑रन्ती ३
ए॒न व॒यं प॒र्यसा॑ पि॒न्व॒माना॑ अनु॒ योनिं॑ दे॒वकृ॑तं च॒रन्तीः॑ ।
न॒ वर्त॑वे प्र॒स॒वः सर्ग॑त॒क्तः कि॑युर्विप्रौ न॒द्यौ जो॑हवीति ४
र॒म॒ध्वं मे॑ वच॑से सो॒म्याय॑ ऋ॒ताव॑रीरुप॒ मुहूर्त॑मेवैः ।
प्र सि॒नधु॑म॒च्छा बृ॒हती॑ म॒नीषा॑ ऽव॒स्युर॑हे कु॒शिक॑स्य॒ सूनुः॑ ५
इन्द्रो॑ अ॒स्माँ अ॒रद॑द् व॒ज्रबा॑ ह॒रपा॑हन् वृ॒त्रं प॑रि॒धिं न॒दीना॑म् ।
दे॒वोऽन॑यत् स॒विता॑ सु॒पाणि॑स्तस्य॒ वयं॑ प्र॒स॒वे या॑म उ॒र्वीः ६
प्र॒वाच्यं॑ श॒श्वधा॑ वी॒र्यं॑ त दिन्द्र॑स्य॒ कर्म॑ यदहि॑ विवृ॒श्चत् ।
वि व॒ज्रेण॑ प॒रिषदौ॑ जघा॒ना ऽऽय॑न्नापोऽय॒नमि॑च्छ॒मानाः॑ ७
ए॒तद् वचौ॑ ज॒रित॑र्मापि मृ॒ष्टा आ॑ यत् ते घोषा॒नुत्तरा॑ यु॒गानि॑ ।
उ॒क्थेषु॑ का॒रो प्र॑ति नो जुषस्व॒ मा नो॑ नि कः पुरुष॒त्रा न॑मस्ते ८
ओ षु स्व॑सारः का॒रवे॑ शृणोत॒ ययौ॑ वो दू॒राद॑न॒सा रथे॑न ।
नि षू न॑म॒ध्वं भ॑र्वता सु॒पा॒रा अ॒धोअ॒क्षाः सि॑नध॒वः स्त्रो॒त्याभिः॑ ९
आ तै॑ का॒रो शृ॑णवामा॒ वचा॑सि॒ ययार्थ॑ दू॒राद॑न॒सा रथे॑न ।
नि तै॑ न॒सै पी॒प्याने॑व॒ योषा॑ म॒र्याये॑व क॒नया॑ श॒श्वचै॑ तै १०

यदङ्ग त्वा भ॒रताः संत॑रैयुर्ग॒व्यन् ग्रामं॑ इषि॒त इन्द्र॑जूतः ।
 अर्षा॑दहं प्रस॒वः सर्ग॑तक्त॒ आ वो॑ वृ॒णे सु॒म॒तिं य॒ज्ञिया॑नाम् ११
 अ॒ता॒रिषु॑र्भ॒रता ग॒व्यवः॑ स॒ म॒भक्त॑ विप्रः सु॒म॒तिं न॒दीना॑म् ।
 प्र पि॒न्वध्व॑मिष॒यन्तीः सु॒राधा॑ आ वृ॒क्षणाः॑ पृ॒णध्वं॑ या॒त शी॑र्भम् १२
 उद् वं ऊ॒र्मिः श॒म्या ह॒ नत्वा॑पो योक्त्रा॑णि मुञ्चत ।
 मादु॑ष्कृतौ व्यैनसा॒ ऽघ्न॑चौ शू॒नमा॑रताम् १३

(२८) अष्टाविंशं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इन्द्रः पू॒र्भिदा॑ति॒रद् दा॑स॒म॒कैर्वि॑दद् व॒सु॒र्दय॑मानो वि शत्रून् ।
 ब॒र्हज॑तस्त॒न्वा वा॑वृ॒धानो॑ भूरि॒दात्र॑ आपू॒णद् रो॑द॒सी उ॒भे १
 म॒खस्य॑ ते तवि॒षस्य॑ प्र जूति॒ मिय॑र्मि॒ वाच॑म॒मृता॑य॒ भूष॑न् ।
 इन्द्र॑ क्षि॒तीना॑म॒सि मा॑नु॒षीणां॑ वि॒शां दै॒वीना॑मु॒त पू॒र्वया॑वा २
 इन्द्रो॑ वृ॒त्रम॑वृ॒णोच्छ॑र्धनीतिः प्र मा॒यिना॑म॒मिना॑द् वर्प॒णीतिः॑ ।
 अ॒हन् व्य॑समु॒शध॑ग्वने॒ ष्वावि॑र्धेना॒ अकृ॑णोद् रा॒म्याणा॑म् ३
 इन्द्रः॑ स्व॒र्षा ज॒नय॑न्न॒हानि॑ जि॒गायो॑शि॒ग्भिः पृ॑त॒ना अ॒भिष्टिः॑ ।
 प्रा॒रौच॑य॒न्मन॑वे के॒तुम॑ह्ना म॒विन्द॑ज॒चोर्ति॑र्बृ॒हते र॑णाय ४
 इन्द्र॑स्तुजो ब॒र्हणा॑ आ वि॒वेश नृ॑वद् द॒धानो॑ न॒र्या पु॑रू॒णि ।
 अ॒चैत॑यद् धि॒र्य इ॒मा ज॑रि॒त्रे प्रे॑मं वर्ण॑म॒तिर॑च्छु॒क्रमा॑साम् ४
 म॒हो म॒हानि॑ प॒नय॑न॒त्यस्येन्द्र॑स्य क॒र्म सु॑कृ॒ता पु॑रू॒णि ।
 वृ॒जने॑न वृ॒जिना॑न् त्सं इ॒पपे॑ष मा॒याभि॑र्द॒स्यूर॑भि॒भूत्यो॑जाः ६
 यु॒धेन्द्रो॑ म॒ह्ना वरि॑वश्च॒कार दे॒वेभ्यः॑ स॒त्पति॑श्च॒र्षणि॑प्राः ।
 वि॒वस्व॑तः स॒दने॑ अ॒स्य ता॑नि वि॒प्रा उ॒क्थेभिः॑ क॒वयौ॑ गृ॒णन्ति ७
 स॒त्रासा॑हं वरै॒रयं॑ स॒होदां॑ स॒सवा॑सं स्व॒रप॑श्च दे॒वीः ।
 स॒सान् यः पृ॑थि॒वीं द्या॑मु॒तेमा॑ मिन्द्रं म॒दुन॑त्यनु॒ धीर॑णा॒सः ८
 स॒साना॑त्याँ उ॒त सू॒र्यं स॑सानेन्द्रः स॒सान पु॑रु॒भोज॑सं गा॒म् ।
 हि॒र॒ण्य॒र्यमु॑त भो॒र्गं स॑सान ह॒त्वी द॑स्युन् प्रा॒र्यं वर्ण॑मावत् ९
 इन्द्र॑ ओ॒षधी॑र॒सनो॑द॒हानि॑ व॒नस्प॑ती॒रसनो॑द॒न्तरि॑क्षम् ।
 बि॒भेद॑ व॒लं नु॑नु॒दे वि॒वाचो॑ ऽथा॒भवद् द॑मि॒ताभि॑क्र॒तूना॑म् १०

शूनं हुवेम मघवानमिन्द्रं मस्मिन् भरे नृतमं वाजसातौ ।
शृणवन्तमुग्रमूतयै समत्सु घन्तं वृत्राणि संजितं धनानाम् ११

(२६) एकोनत्रिंशं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

तिष्ठा हरी रथ आ युज्यमाना याहि वायुर्न नियुतो नो अच्छ ।
पिबास्यनधौ अभिसृष्टो अस्मे इन्द्र स्वाहा ररिमा ते मदाय १
उपाजिरा पुरुहूताय सप्ती हरी रथस्य धूर्वा युनज्मि ।
द्रवद् यथा संभृतं विश्वतश्चि दुपेमं यज्ञमा वहातु इन्द्रम् २
उपो नयस्व वृषणा तपुष्पो तेमव त्वं वृषभ स्वधावः ।
ग्रसेतामश्वा वि मुचेह शोणा दिवेदिवे सदृशीरद्धि धानाः ३
ब्रह्मणा ते ब्रह्मयुजा युनज्मि हरी सखाया सधुमाद आशू ।
स्थिरं रथं सुखमिन्द्राधितिष्ठन् प्रजानन् विद्वाँ उप याहि सोमम् ४
मा ते हरी वृषणा वीतपृष्ठा नि रीरमुन् यजमानासो अनये ।
अत्यायाहि शश्वतो वयं ते ऽरं सुतेभिः कृणवाम सोमैः ५
तवायं सोमस्त्वमेह्यर्वाङ् शश्वत्तमं सुमना अस्य पाहि ।
अस्मिन् यज्ञे बर्हिष्या निषद्या दधिष्वेमं जठर इन्दुमिन्द्र ६
स्तीर्णं ते बर्हिः सुत इन्द्र सोमः कृता धाना अत्तवे ते हरिभ्याम् ।
तदौकसे पुरुशाकाय वृष्णै मरुत्वते तुभ्यं राता हवींषि ७
इमं नरः पर्वतास्तुभ्यमापः समिन्द्र गोभिर्मधुमन्तमक्रन् ।
तस्यागत्या सुमना ऋष्व पाहि प्रजानन् विद्वान् पथ्याऽनु स्वाः ८
याँ आभजो मरुत इन्द्र सोमे ये त्वामवर्धन्नभवन् गणस्तै ।
तेभिरतं सजोषा वावशानोऽग्नेः पिब जिह्या सोममिन्द्र ९
इन्द्र पिब स्वधया चित् सुतस्या ग्रेवा पाहि जिह्या यजत्र ।
अध्वर्योर्वा प्रयतं शक्र हस्ता द्योतुर्वा यज्ञं हविषौ जुषस्व १०
शूनं हुवेम मघवानमिन्द्रं मस्मिन् भरे नृतमं वाजसातौ ।
शृणवन्तमुग्रमूतयै समत्सु घन्तं वृत्राणि संजितं धनानाम् ११

(३०) त्रिंशं सूक्तम्

(१-११) एकादशर्चस्यास्य सूक्तस्य (१-६, ११) प्रथमादिनवर्चामेकादश्याश्च गाथिनो विश्वामित्रः (१०) दशम्याश्चाङ्गिरसो घोर ऋषी । इन्द्रो देवता ।

त्रिष्टुप् छन्दः

इमामू षु प्रभृतिं सातयै धाः शश्वच्छश्वदूतिभिर्यादमानः ।
 सुतेसुते वावृधे वर्धनेभिर्यः कर्मभिर्महद्भिः सुश्रुतो भूत् १
 इन्द्राय सोमाः प्रदिवो विदानीना अभुर्येभिर्वृषपर्वा विहायाः ।
 प्रयुम्यमानान् प्रति षू गृभायेन्द्र पिब वृषधूतस्य वृष्णाः २
 पिबा वर्धस्व तव घा सुतासु इन्द्र सोमासः प्रथमा उतेमे ।
 यथापिबः पूव्याँ इन्द्र सोमाँ एवा पाहि पनयो अद्या नवीयान् ३
 मुहाँ अमत्रो वृजनै विरप्श्युर्ग्रं शर्वः पत्यते धृष्णवोजः ।
 नाहं विव्याच पृथिवी चनैनं यत् सोमासो हर्यश्चममन्दन् ४
 मुहाँ उग्रो वावृधे वीर्याय समाचक्रे वृषभः काव्येन ।
 इन्द्रो भगौ वाजदा अस्य गावः प्र जायन्ते दक्षिणा अस्य पूर्वीः ५
 प्र यत् सिनधवः प्रसवं यथायु न्नापः समुद्रं रथ्यैव जग्मुः ।
 अतश्चिदिन्द्रः सदसो वरीयान् यदीं सोमः पृणति दुग्धो अंशुः ६
 समुद्रेण सिनधवो यादमाना इन्द्राय सोमं सुषुतं भरन्तः ।
 अंशुं दुहन्ति हस्तिनो भरित्रैर्मध्वः पुनन्ति धारया पवित्रैः ७
 हृदा इव कुक्षयः सोमधानाः समी विव्याच सर्वना पुरुणि ।
 अन्ना यदिन्द्रः प्रथमा व्याश वृत्रं जघन्वाँ अवृणीत सोमम् ८
 आ तू भर माकिरेतत् परि ष्टाद् विद्या हि त्वा वसुपतिं वसूनाम् ।
 इन्द्र यत् ते माहिनुं दत्रमस्त्यस्मभ्यं तद्धर्यश्च प्र यन्धि ९
 अस्मे प्र यन्धि मघवन्नृजीषि त्रिन्द्र रायो विश्ववारस्य भूरैः ।
 अस्मे शतं शरदौ जीवसै धा अस्मे वीराञ्छश्वत इन्द्र शिप्रिन् १०
 शनं हुवेम मघवान्मिन्द्र मस्मिन् भरे नृतमं वार्जसातौ ।
 शृणवन्तमुग्रमूतयै समत्सु घन्तं वृत्राणि संजितं धनानाम् ११

(३१) एकत्रिंशं सूक्तम्

(१-११) एकादशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

(१-१०) प्रथमादिदशर्चा गायत्री (११) एकादश्याश्चानुष्टुप् छन्दसी
 वात्रहत्यायु शर्वसे पृतनाषाह्याय च । इन्द्र त्वा वर्तयामसि १
 अर्वाचीनुं सु ते मन उत चक्षुः शतक्रतो । इन्द्र कृणवन्तु वाघतः २
 नामानि ते शतक्रतो विश्वाभिर्गीर्भिरीमहे । इन्द्राभिमातिषाह्यै ३
 पुरुष्टतस्य धार्मभिः शतेन महयामसि । इन्द्रस्य चर्षणीधृतः ४
 इन्द्र वृत्राय हन्तवे पुरुहूतमुप ब्रुवे । भरेषु वाजसातये ५
 वाजेषु सासहिर्भव त्वामीमहे शतक्रतो । इन्द्र वृत्राय हन्तवे ६
 द्युम्नेषु पृतनाज्यै पृतसुतूर्षु श्रवःसु च । इन्द्र सादवाभिमातिषु ७
 शष्मिन्तमं न ऊतये द्युम्निनं पाहि जागृविम् । इन्द्र सोमं शतक्रतो ८
 इन्द्रियाणि शतक्रतो या ते जनैषु पञ्चसु । इन्द्र तानि त आ वृणे ९
 अगन्निन्द्र श्रवो बृहद् द्युम्नं दधिष्व दुष्टरम् । उते शुष्मं तिरामसि १०
 अर्वावतो न आ गुह्यथो शक्र परावतः ।
 उ लोको यस्तै अद्रिव इन्द्रेह तत आ गहि ११

(३२) द्वात्रिंशं सूक्तम्

(१-१०) दशर्चस्यास्य सूक्तस्य वैश्वामित्रो वाच्यो वा प्रजापतिः तावुभौ वा गाथिनो

विश्वामित्रो वा ऋषिः । इन्द्रो देवता । त्रिष्टुप् छन्दः

अभि तष्टैव दीधया मनीषा मत्यो न वाजी सुधुरो जिहानः ।
 अभि प्रियाणि मर्मशत् पराणि कवीरिच्छामि संदृशै सुमेधाः १
 इनोत पृच्छ जनिमा कवीनां मनोधृतः सुकृतस्तक्षत द्याम् ।
 इमा उ ते प्रणयोर्धर्माना मनोवाता अध नु धर्मणि गमन् २
 नि षीमिदत्र गुह्या दधाना उत क्षत्राय रोदसी समञ्जन् ।
 सं मात्राभिर्ममिरे येमुरुर्वी अन्तर्मही समृते धार्यसे धुः ३
 आतिष्ठन्तं परि विश्वै अभूष ऋरियो वसानश्चरति स्वरोचिः ।
 महत् तद् वृष्णो असुरस्य नामाऽऽ विश्वरूपो अमृतानि तस्थौ ४
 असूत पूर्वो वृषभो ज्याया निमा अस्य शुरुधः सन्ति पूर्वीः ।
 दिवो नपाता विदथस्य धीभिः क्षत्रं राजाना प्रदिवो दधाथे ५
 त्रीणि राजाना विदथै पुरुणि परि विश्वानि भूषथः सदांसि ।
 अपश्यमत्र मनसा जगन्वान् वृते गनधर्वा अपि वायुकैशान् ६
 तदिन्वस्य वृषभस्य धेनो रा नामभिर्ममिरे सक्म्यं गोः ।

अनयदनयदसुर्यं वसाना नि मायिनो ममिरे रूपमस्मिन् ७
 तदिन्वस्य सवितुर्नकिर्मे हिरण्ययीममतिं यामशिश्नेत् ।
 आ सुष्टुती रोदसी विश्वमिन्वे अपीव योषा जनिमानि ववे ८
 युवं प्रत्नस्य साधथो मुहो यद् दैवी स्वस्तिः परि णः स्यातम् ।
 गोपाजिह्वस्य तस्थुषो विरूपा विश्वे पश्यन्ति मायिनः कृतानि ९
 शनं हुवेम मुघवानुमिन्द्र मुस्मिन् भरे नृतमं वाजसातौ ।
 शृणवन्तमुग्रमूतये समत्सु घन्त वृत्राणि संजितं धनानाम् १०

(३३) त्रयस्त्रिंशं सूक्तम्

(१-९) नवर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इन्द्रं मतिर्हृद आ वच्यमाना ऽच्छा पतिं स्तोमं तष्टा जिगाति ।
 या जागृविर्विदथे शस्यमानेन्द्र यत्ते जायते विद्धि तस्य १
 दिवश्चिदा पूर्वा जायमाना वि जागृविर्विदथे शस्यमाना ।
 भद्रा वस्त्राण्यर्जुना वसाना सेयमस्मे संनजा पित्र्या धीः २
 यमा चिदत्र यमसूरसूत जिह्वाया अग्रं पतदा ह्यस्थात् ।
 वर्षेषु जाता मिथुना संचेते तमोहना तपुषो बुध एता ३
 नकिरेषां निन्दिता मर्त्येषु ये अस्माकं इंपतरो गोषु योधाः ।
 इन्द्र एषां दंहिता माहिनावा नुद् गोत्राणि ससृजे दंसनावान् ४
 सखा ह यत्र सखिभिर्नवंगवै रभिज्ज्वा सत्वभिर्गा अनुगमन् ।
 सत्यं तदिन्द्रो दशभिर्दशगवैः सूर्यं विवेद तमसि क्षियन्तम् ५
 इन्द्रो मधु संभृतमुस्त्रियायां पद्वद् विवेद शफवन्नमे गोः ।
 गुहा हितं गुह्यं गूळहमप्सु हस्तै दधे दक्षिणे दक्षिणावान् ६
 ज्योतिर्वृणीत तमसो विजान न्नारे स्याम दुरितादुभीकै ।
 इमा गिरः सोमपाः सोमवृद्ध जुषस्वैन्द्र पुरुतमस्य कारोः ७
 ज्योतिर्यज्ञाय रोदसी अनु ष्या दारे स्याम दुरितस्य भूरैः ।
 भूरि चिद्धि तुजतो मर्त्यस्य सुपारासो वसवो बर्हणावत् ८
 शनं हुवेम मुघवानुमिन्द्र मुस्मिन् भरे नृतमं वाजसातौ ।
 शृणवन्तमुग्रमूतये समत्सु घन्त वृत्राणि संजितं धनानाम् ९

तृतीयोऽध्यायः

व० १-३१

(३४) चतुस्त्रिंशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

गायत्री छन्दः

इन्द्रं त्वा वृषभं वयं सुते सोमं हवामहे । स पाहि मध्वो अनर्धसः १
 इन्द्रं क्रतुविदं सुतं सोमं हर्यं पुरुष्टुत । पिबा वृषस्व तातृपिम् २
 इन्द्र प्र णो धितावानं यज्ञं विश्वैर्भिर्देवेभिः । तिर स्तवान विश्पते ३
 इन्द्र सोमाः सुता इमे तव प्र यन्ति सत्पते । क्षयं चन्द्रास इन्द्रवः ४
 दधिष्वा जठरं सुतं सोममिन्द्र वरेण्यम् । तव द्युक्षास इन्द्रवः ५
 गिर्वणः पाहि नः सुतं मधोर्धाराभिरज्यसे । इन्द्र त्वादातमिद् यशः ६
 अभि द्युम्नानि वनिन् इन्द्रं सचन्ते अक्षिता । पीत्वी सोमस्य वावृधे ७
 अर्वावतौ न आ गहि परावतश्च वृत्रहन् । इमा जुषस्व नो गिरः ८
 यदन्तरा परावतं मर्वावतं च हूयसे । इन्द्रेह तत् आ गहि ९

(३५) पञ्चत्रिंशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

गायत्री छन्दः

आ तू न इन्द्र मद्रथे गधुवानः सोमपीतये । हरिभ्यां याह्यद्रिवः १
 सत्तो होता न ऋत्विर्यं स्तिस्तुरे बर्हिरानुषक् । अयुजन् प्रातरद्रयः २
 इमा ब्रह्म ब्रह्मवाहः क्रियन्त आ बर्हिः सौद । वीहि शूर पुरोळाशम् ३
 रा॒रन्धि॒ सर्व॑नेषु ण एषु स्तोमेषु वृत्रहन् । उक्थेष्विन्द्र गिर्वणः ४
 म॒तयः॑ सोम॒पामु॑रं रि॒हन्ति॑ शर्व॒सस्प॑तिम् । इन्द्रं व॒त्सं न मा॒तरः॑ ५
 स म॑न्दस्वा ह्यनर्धसो राधसे तन्वां महे । न स्तोतारं निदे करः ६
 व॒यमिन्द्र॑ त्वा॒यवो॑ ह॒विष्म॑न्तो ज॒राम॑हे । उ॒त त्वम॑स्म॒युर्वसो॑ ७
 मा॒रे अ॒स्मद् वि मु॑मु॒चो हरि॑प्रिया॒र्वाड या॑हि । इन्द्र स्वधावो मत्स्वेह ८
 अ॒र्वाञ्च॑ त्वा सु॒खे रथे॑ व॒हता॑मिन्द्र के॒शिना॑ । घृ॒तस्त्रू ब॒र्हि॒रास॑दै ९

(३६) षट्त्रिंशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

गायत्री छन्दः

उप नः सुतमा गंहि सोममिन्द्र गवांशिरम् । हरिभ्यां यस्तै अस्मयुः १
 तमिन्द्र मदमा गंहि बर्हिष्ठां ग्रावभिः सुतम् । कुविन्वस्य तृष्णवः २
 इन्द्रमित्था गिरो ममा च्छागुरिषिता इतः । आवृते सोमपीतये ३
 इन्द्रं सोमस्य पीतये स्तोमैरिह हवामहे । उक्थेभिः कुविदागमत् ४
 इन्द्र सोमाः सुता इमे तान् दधिष्व शतक्रतो । जठरै वाजिनीवसो ५
 विद्या हि त्वा धनंजयं वाजेषु दधृषं कवे । अधा ते सुम्रमीमहे ६
 इममिन्द्र गवांशिरं यवांशिरं च नः पिब । आगत्या वृषभिः सुतम् ७
 तुभ्येदिन्द्र स्व ओक्थेऽ सोमं चोदामि पीतये । एष ररन्तु ते हृदि ८
 त्वां सुतस्य पीतये प्रबमिन्द्र हवामहे । कुशिकासौ अवस्यर्वः ९

(३७) सप्तत्रिंशं सूक्तम्

(१-८) अष्टर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

आ याह्यर्वाडुप वनधुरेष्ठा स्तवेदनु प्रदिवः सोमपेयम् ।
 प्रिया सखाया वि मुचोप बर्हि स्त्वामिमे हव्यवाहौ हवन्ते १
 आ याहि पूर्विरति चर्षणीरां अर्य आशिष उप नो हरिभ्याम् ।
 इमा हि त्वा मृतयः स्तोमतष्टा इन्द्र हवन्ते सख्यं जुषाणाः २
 आ नो यज्ञं नमोवृधं सजोषा इन्द्र देव हरिभिर्याहि तूयम् ।
 अहं हि त्वा मतिभिर्जोहवीमि घृतप्रयाः सधमादे मधूनाम् ३
 आ च त्वामेता वृषणा वहातो हरी सखाया सुधुरा स्वङ्गा ।
 धानावदिन्द्रः सर्वनं जुषाणः सखा सख्युः शृणवद् वन्दनानि ४
 कुविन्मा गोपां करसे जनस्य कुविद् राजानं मघवन्नजीषिन् । विन्म ऋषिं
 पपिवांसं सुतस्य कुविन्मे वस्वौ अमृतस्य शिक्ताः ५
 आ त्वा बृहन्तो हरयो युजाना अर्वागिन्द्र सधमादौ वहन्तु ।
 प्र ये द्विता दिव अञ्जनत्याताः सुसमृष्टासो वृषभस्य मूराः ६
 इन्द्र पिब वृषधूतस्य वृष्ण आ यं तै श्येन उशते जभारै ।
 यस्य मदै च्यावयसि प्र कृष्टी र्यस्य मदे अप गोत्रा ववर्थ ७
 शूनं हुवेम मघवानमिन्द्र मुस्मिन् भरे नृतमं वाजसातौ ।
 शृणवन्तमुग्रमृतये समत्सु घन्तं वृत्राणि संजितं धनानाम् ८

(३८) अष्टात्रिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

बृहती छन्दः

अयं तै अस्तु हर्यतः सोम आ हरिभिः सुतः ।
 जुषाण इन्द्र हरिभिर्न आ गुह्या तिष्ठ हरितं रथम् १
 हर्यन्नुषसमर्चयः सूर्य हर्यन्नरोचयः ।
 विद्वांश्चिकित्वान् हर्यश्च वर्धस इन्द्र विश्वा अभि श्रियः २
 द्यामिन्द्रो हरिधायसं पृथिवीं हरिवर्षसम् ।
 अधारयद्धरितोर्भूरि भोजनं ययोरन्तर्हश्चरत् ३
 जज्ञानो हरितो वृषा विश्वमा भाति रोचनम् ।
 हर्यश्चो हरितं धत्त आयुधमा वज्रं बाहोर्हरिम् ४
 इन्द्रो हर्यन्तमर्जुनं वज्रं शक्रैरभीवृतम् ।
 अपावृणोद्धरिभिरद्रिभिः सुत मुद् गा हरिभिराजत ५

(३९) एकोनचत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

बृहती छन्दः

आ मन्द्रैरिन्द्र हरिभिर्याहि मयूररोमभिः ।
 मा त्वा के चिन्नि यमन्विं ना पाशिनो ऽति धन्वैव तां ईहि १
 वृत्रखादो वलंरुजः पुरां दुर्मो अपामजः ।
 स्थाता रथस्य हयोरभिस्वर इन्द्रो दृळहा चिदारुजः २
 गुम्भीरां उदधीरिव क्रतुं पुष्यसि गा इव ।
 प्र सुगोपा यवसं धेनवौ यथा हृदं कुल्या इवाशत ३
 आ नस्तुजं रयिं भ्रांशं न प्रतिजानते ।
 वृक्षं पुक्वं फलमङ्गीव धूनुहीन्द्र संपारणं वसु ४
 स्वयुरिन्द्र स्वराळसि स्मदिष्टिः स्वयंशस्तरः ।
 स वावृधान ओजसा पुरुष्टु भवा नः सुश्रवस्तमः ५

(४०) चत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

यु॒ध्मस्य॑ ते वृ॒षभ॑स्य॒ स्व॒राज॑ उ॒ग्रस्य॑ यू॒नः स्थ॑वि॒रस्य॑ घृ॒ष्वैः ।
 अ॒जूर्य॑तो व॒ज्रिणो॑ वी॒र्या॑श्नीन्द्रं श्रु॒तस्य॑ म॒हतो॑ म॒हानि॑ १
 म॒हाँ अ॒सि म॒हिष॑ वृ॒ष्णयै॑भिर्ध॒नस्पृ॑दु॒ग्र स॒ह॒मानो॑ अ॒नयान् ।
 ए॒को वि॒श्वस्य॑ भु॒वन॑स्य॒ राजा॑ स यो॒धया॑ च क्ष॒यया॑ च ज॒नान् २
 प्र मा॒त्रा॒भी रि॒रिचे॑ रोच॒मानः॑ प्र दे॒वेभिर्वि॑श्वतो अ॒प्रती॑तः ।
 प्र म॒ज्मना॑ दि॒व इन्द्रः॑ पृ॒थि॒व्याः प्रो॒रोर्म॑हो अ॒न्तरि॑क्षादृ॒जिषी॑ ३
 उ॒रुं ग॒भीरं॑ ज॒नुषा॑भ्यु॒ग्रं वि॒श्वव्य॑चसमव॒तं म॑तीनाम् ।
 इन्द्रं॑ सोमाः प्र॒दि॒वि सु॒तासः॑ स॒मुद्रं॑ न स्र॒वत॑ आ वि॒शन्ति॑ ४
 यं सोम॑मिन्द्र पृ॒थि॒वीद्या॒वा गर्भं॑ न मा॒ता बि॑भृतस्त्वा॒या ।
 तं तै॑ हि॒न्वन्ति॑ तमु॒ ते मृ॑जनत्य॒ध्व॒र्यवो॑ वृ॒षभ॑ पा॒त॒वा उ॑ ५

(४१) एकचत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

म॒रुत्वाँ॑ इन्द्र वृ॒षभो॑ रणा॒य पि॒त्रा सोम॑मनुष्व॒धं म॑दा॒य ।
 आ सिञ्च॑स्व ज॒ठरे॑ म॒ध्वं ऊ॒र्मि त्वं॑ राजा॒सि प्र॒दि॒वः सु॒ताना॑म् १
 स॒जोषा॑ इन्द्र स॒ग॒णो म॒रुद्भिः॑ सोमं॑ इ॒प॒ब वृ॒त्रहा॑ शूर॒ वि॒द्वान् ।
 ज॒हि श॒त्रूँ॑प॒ मृधो॑ नुद॒स्वाऽथा॑भयं कृ॒णुहि॑ वि॒श्वतो॑ नः २
 उ॒त अ॒तुभिर्ऋ॑तुपाः पा॒हि सोम॑मिन्द्र दे॒वेभिः॑ स॒खिभिः॑ सु॒तं नः॑ ।
 याँ आ॑भजो म॒रुतो॑ ये त्वा ऽन्व॑हन् वृ॒त्रम॑दधु॒स्तुभ्य॑मो॒जः ३
 ये त्वा॑हि॒हत्यै॑ म॒घव॑न्नव॒र्धन् ये॑ शा॒म्बरे॑ ह॒रिवो॑ ये ग॒विष्टौ॑ ।
 ये त्वा॑ नू॒नम॑नुमद॒न्ति वि॒प्राः पि॒बेन्द्र॑ सोमं॑ स॒ग॒णो म॒रुद्भिः॑ ४
 म॒रुत्वा॑न्तं वृ॒षभं॑ वा॒वृ॒धान॑ म॒क॒वारि॑ दि॒व्यं शा॑समिन्द्रम् ।
 वि॒श्वासा॑ह॒मव॑से नू॒तना॑यो॒ग्रं स॑हो॒दामि॑ह तं ह॒वेम॑ ५

(४२) द्विचत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

सद्यो ह जातो वृषभः कनीनः प्रभर्तुमावदनधंसः सुतस्य ।
 साधोः पिब प्रतिकामं यथा ते रसाशिरः प्रथमं सोम्यस्य १
 यज्जायथास्तदहरस्य कामेऽशोः पीयूषमपिबो गिरिष्ठाम् ।
 तं ते माता परि योषा जनित्री महः पितुर्दम् आसिञ्चदग्रे २
 उपस्थाय मातरमन्नमैव तिग्ममपश्यदभि सोममूधः ।
 प्रयावयन्नचरद् गृत्सो अनयान् महानि चक्रे पुरुधप्रतीकः ३
 उग्रस्तुराषाळभिभूत्योजा यथावृशं तन्व चक्र एषः ।
 त्वष्टारमिन्द्रो जनुषाभिभूयाऽऽमुष्या सोममपिबच्चमूषु ४
 शनं हुवेम मुघवान्मिन्द्र मुस्मिन् भरे नृतमं वाजसातौ ।
 शृगवन्तमुग्रमूतये समत्सु घन्त वृत्राणि संजितं धनानाम् ५

(४३) त्रिचत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

शंसा महामिन्द्रं यस्मिन् विश्वा आ कृष्टयः सोमपाः काममव्यन् ।
 यं सुक्रतुं धिषणै विभवतुष्टं घनं वृत्राणां जनयन्त देवाः १
 यं नु नकिः पृतनासु स्वरार्ज द्विता तरति नृतमं हरिष्ठाम् ।
 इनर्तमः सत्त्वभिर्यो ह शूषैः पृथुजया अमिनादायुर्दस्योः २
 सहावा पृत्सु तरणिर्नावा व्यानशी रोदसी मेहनवान् ।
 भगो न कारे हव्यो मतीनां इंपतेव चारुः सुहवो वयोधाः ३
 धर्ता दिवो रजसस्पृष्ट ऊर्ध्वो रथो न वायुर्वसुभिर्नियुत्वान् ।
 क्षपां वस्ता जनिता सूर्यस्य विभक्ता भागं धिषणैव वाजम् ४
 शनं हुवेम मुघवान्मिन्द्र मुस्मिन् भरे नृतमं वाजसातौ ।
 शृगवन्तमुग्रमूतये समत्सु घन्त वृत्राणि संजितं धनानाम् ५

(४४) चतुश्चत्वारिंशं सूक्तम्

(१-५) पञ्चर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।

त्रिष्टुप् छन्दः

इन्द्रः स्वाहा पिबतु यस्य सोम आगत्या तुम्रो वृषभो मरुत्वान् ।
 ओरुव्यचाः पृणतामेभिरन्नै रास्य हविस्तन्वः काममृध्याः १

आ तै सपर्यु जवसे युनज्मि ययोरनु प्रदिवः श्रुष्टिमावः ।
 इह त्वा धेयुर्हरयः सुशिप्र पिबा त्वशस्य सुषुतस्य चारौः २
 गोभिर्मिमिक्षुं दधिरे सुपार मिन्द्रं ज्यैष्ठ्याय धार्यसे गृणानाः ।
 मन्दानः सोमं पपिवाँ ऋजीषिन् त्समस्मभ्यं पुरुधा गा इषण्य ३
 इमं कामं मन्दया गोभिरश्वैश्चन्द्रवता राधसा प्रथश्च ।
 स्वर्यवो मृतिभिस्तुभ्यं विप्रा इन्द्राय वाहः कुशिकासो अक्रन् ४
 शुनं हुवेम मघवानमिन्द्रं मस्मिन् भरे नृतमं वाजसातौ ।
 श्रुवन्तमुग्रमूतये समत्सु घन्तं वृत्राणि संजितुं धनानाम् ५

(४५) पञ्चचत्वारिंशं सूक्तम्

(१-१२) द्वादशर्चस्यास्य सूक्तस्य गाथिनो विश्वामित्र ऋषिः । इन्द्रो देवता ।
 (१-३) प्रथमादितृचस्य जगती (४-६) चतुर्थ्यादितृचद्वयस्य त्रिष्टुप् (१०-१२)

दशम्यादितृचस्य च गायत्री छन्दांसि

चर्षणीधृतं मघवानमुक्थ्यशमिन्द्रं गिरौ बृहतीरभ्यनूषत ।
 वावृधानं पुरुहूतं सुवृक्तिभिर्मर्त्यं जरमाणं दिवेदिवे १
 शतक्रतुमर्णवं शाकिनं नरं गिरौ म इन्द्रमुप यन्ति विश्वतः ।
 वाजसनिं पूर्षिदं तूर्णिमसुरं धामसाचमभिषाचं स्वर्विदम् २
 आक्रे वसौर्जरिता पनस्यते ऽनेहसः स्तुभ इन्द्रो दुवस्यति ।
 विवस्वतः सदन आ हि पिप्रिये सत्रासाहमभिमातिहनं स्तुहि ३
 नृणामु त्वा नृतमं गीर्भिरुक्थैरभि प्र वीरमर्चता सबाधः ।
 सं सहसे पुरुमायो जिहीते नमो अस्य प्रदिव एक ईशे ४
 पूर्वीरस्य निष्पिधो मर्त्येषु पुरु वसूनि पृथिवी बिभर्ति ।
 इन्द्राय द्याव ओषधीरुतापो रयिं रक्षन्ति जीरयो वनानि ५
 तुभ्यं ब्रह्माणि गिर इन्द्र तुभ्यं सत्रा दधिरे हरिवो जुषस्व ।
 बोध्याश्पिरवसो नूतनस्य सखे वसो जरितृभ्यो वयौ धाः ६
 इन्द्रं मरुत्व इह पाहि सोमं यथा शायति अपिबः सुतस्य ।
 तव प्रणीती तव शूर शर्म न्ना विवासन्ति कवयः सुयज्ञाः ७
 स वावशान इह पाहि सोमं मरुद्भिरिन्द्र सखिभिः सुतं नः ।
 जातं यत् त्वा परि देवा अभूषन् महे भराय पुरुहूत विश्वे ८
 अमूर्ये मरुत आपिरेषो ऽमन्दन्निन्द्रमनु दातिवाराः ।

तेभिः साकं इंपेवतु वृत्रखादः सुतं सोमं दाशुषः स्वे सधस्थे ६
 इदं ह्यन्वोजसा सुतं राधानां पते । पिब त्वशस्य गिर्वणः १०
 यस्ते अनु स्वधामसत् सुते नि यच्छ तन्वम् । स त्वा ममत्तु सोम्यम् ११
 प्र ते अश्नोतु कुक्षयोः प्रेन्द्र ब्रह्मणा शिरः । प्र बाहू शूर राधसे १२

(४६) षट्चत्वारिंशं सूक्तम्

(१-८) अष्टर्चस्यास्य सूक्तस्य गाथिनो विश्वामित्र ऋषिः । इन्द्रो देवता । (१-४)

प्रथमादिचतुर्ऋचां गायत्री (५, ७-८) पञ्चम्याः सप्तम्यष्टम्योश्च त्रिष्टुप् (६)

षष्ठ्याश्च जगती छन्दांसि

धानावन्तं कर्म्मिणामपूपवन्तमुक्थिनम् । इन्द्रं प्रातर्जुषस्व नः १
 पुरोळाशं पचत्यं जुषस्वेन्द्रा गुरस्व च । तुभ्यं हव्यानि सिस्त्रते २
 पुरोळाशं च नो घसौ जोषयासे गिरश्च नः । वधूयुरिव योषणाम् ३
 पुरोळाशं सनश्रुत प्रातःसावे जुषस्व नः । इन्द्र क्रतुर्हि ते बृहन् ४
 माध्यन्दिनस्य सर्वनस्य धानाः पुरोळाशमिन्द्र कृष्वेह चारुम् ।
 प्र यत् स्तोता जरिता तूर्यर्थो वृषायमाण उप गीर्भिरीष्टे ५
 तृतीयं धानाः सर्वने पुरुष्टुत पुरोळाशमाहुतं मामहस्व नः ।
 अभुमन्तं वाजवन्तं त्वा कवे प्रयस्वन्त उप शिद्धेम धीतिभिः ६
 पूषणवते ते चक्रमा कर्म्मं हरिवते हर्यश्वाय धानाः ।
 अपूपमद्धि सर्गणो मरुद्भिः सोमं पिब वृत्रहा शूर विद्वान् ७
 प्रति धाना भरत तूर्यमस्मै पुरोळाशं वीरतमाय नृणाम् ।
 दिवेदिवे सदृशीरिन्द्र तुभ्यं वर्धन्तु त्वा सोमपेयोय धृष्णो ८

(४७) सप्तचत्वारिंशं सूक्तम्

(१-२४) चतुर्विंशत्यृचस्यास्य सूक्तस्य गाथिनो विश्वामित्र ऋषिः । (१) प्रथमर्च

इन्द्रापर्वतौ (२-१४) द्वितीयादित्रयोदशानामिन्द्रः (१५-१६) पञ्चदशीषोडश्योः

ससर्परी वाक् (१७-२०) सप्तदश्यादिचतसृणां रथाङ्गानि (२१-२४)

एकविंश्यादिचतसृणाञ्चाभिशापो देवताः ।

(१-६, ११, १४-१५, १७, १६, २१, २३-२४)

प्रथमादिनवर्चामेकादशीचतुर्दशीपञ्चदशीसप्तदश्येकोनविंश्येकविंशीत्रयोविंशीचतुर्वि

शीनाञ्च त्रिष्टुप् (१०, १६) दशमीषोडश्योर्जगती (१२, २०, २२)

द्वादशीविंशीद्वाविंशीनामनुष्टुप् (१३) त्रयोदश्या गायत्री (१८) अष्टादश्याश्च

बृहती छन्दांसि

इन्द्रा॑पर्व॒ता बृ॒हता रथे॑न वा॒मीरि॒ष आ व॑हतं सु॒वीराः ।
 वी॒तं ह॒व्यान॑र्य॒ध्वरेषु॑ दे॒वा व॑र्धे॒थां गी॑र्भीरि॒ळ्या म॑दन्ता १
 ति॒ष्ठा सु॑ कं म॒घव॑न् मा परा॑ गाः सोम॑स्य नु त्वा सु॒षुत॑स्य य॒क्षि ।
 पि॒तुर्न पु॒त्रः सि॒च॒मा र॑भे त॒ इन्द्र॑ स्वादि॒ष्ठया गि॑रा श॒चीवः २
 शंसा॑वा॒ध्वर्यो॑ प्रति॒ मे गृ॑णी॒हीन्द्रा॑य॒ वाहः॑ कृ॒णवा॑व जुष्टम् ।
 ए॒दं ब॒र्हि॒र्यज॑मानस्य सी॒दाऽथा॑ च भू॒दुक्थ॑मिन्द्रा॒य श॑स्तम् ३
 जा॒येद॑स्तं म॒घव॑न् त्सेदु॒ योनि॑ स्तदि॒त् त्वा यु॑क्ता ह॒रयो॑ वहन्तु ।
 य॒दा क॒दा च॑ सु॒नवा॑म॒ सोम॑ म॒ग्निष्ठा॑ दू॒तो ध॑न्वा॒त्यच्छ॑ ४
 परा॑ याहि म॒घव॑न्ना च॒ याही॑न्द्र॒ भ्रातरु॑भ॒यत्रा॑ ते अर्थम् ।
 यत्रा॑ रथ॑स्य बृ॒हतो नि॒धानं॑ वि॒मोच॑नं वा॒जिनो॑ रा॒सभ॑स्य ५
 अ॒पाः सोम॑मस्तमिन्द्र॒ प्र या॑हि क॒ल्या॒णीर्जा॑या सु॒रणं॑ गृ॒हे तै ।
 यत्रा॑ रथ॑स्य बृ॒हतो नि॒धानं॑ वि॒मोच॑नं वा॒जिनो॑ दक्षि॒णाव॑त् ६
 इ॒मे भो॒जा अ॒ङ्गिर॑सो वि॒रूपा॑ दि॒वस्पु॑त्रा॒सो अ॒सुर॑स्य वी॒राः ।
 वि॒श्वामि॑त्राय॒ दद॑तो म॒घानि॑ सह॒स्रसा॑वे प्र ति॒रन्त॑ आयुः ७
 रू॒पंरू॑पं म॒घवा॑ बो॒भवी॑ति मा॒याः कृ॑णवा॒नस्त॑न्व॒ंश॑परि॒ स्वाम् ।
 त्रि॒र्यद् दि॒वः परि॑ मु॒हूर्त॑मागा॒त् स्वै॒र्मन॑त्रैर॒नृतु॑पा अ॒तावा॑ ८
 म॒हाँ ऋ॑षिर्दे॒वजा॑ दे॒वजू॑तो ऽस्त॑भ्ना॒त् सि॒न्धुम॑र्ण॒वं नृ॑चक्षः ।
 वि॒श्वामि॑त्रो यद॒व॑हत् सु॒दास॑ म॒ग्नि॒याय॑त कु॒शिके॑भिरिन्द्रः ९
 हंसा॑ इ॒व कृ॑णुथ श॒लो॒कम॑द्रि॒भिर्म॑दन्तो गी॒र्भीर॑ध्व॒रे सु॑ते सचा ।
 दे॒वेभि॑र्वि॒प्रा ऋ॑षयो नृ॒चक्ष॑सो वि पि॒बध्वं॑ कु॒शिकाः॑ सो॒म्यं म॑धु १०
 उप॒ प्रेत॑ कु॒शिका॑श्चे॒तय॑ध्व॒ मश्वं॑ रा॒ये प्र मु॑ञ्चता सु॒दासः॑ ।
 राजा॑ वृ॒त्रं ज॑ङ्घ॒नत् प्रा॑ग॒पागु॑द् ग॒था य॑जाते व॒र आ पृ॑थि॒व्याः ११
 य इ॒मे रो॑द॒सी उ॒भे अ॒हमिन्द्र॑म॒तुष्ट॑वम् ।
 वि॒श्वामि॑त्रस्य र॒क्षति॑ ब्र॒ह्मे॒दं भा॑र॒तं ज॑नम् १२
 वि॒श्वामि॑त्रा अ॒रास॑तु ब्र॒ह्मेन्द्रा॑य वृ॒जि॒णै । क॑र॒दिन्नः॑ सु॒राध॑सः १३
 किं॑ तै कृ॒णव॑न्ति की॒कटेषु॑ गा॒वो ना॑शि॒रं दु॒हे न त॑पन्ति घ॒र्मम् ।
 आ नो॑ भ॒र प्र॑म॒गन्द॑स्य वे॒दो नै॒चाशा॑खं म॒घव॑न् र॒नध॑या नः १४
 स॒स॒र्प॒रीर॑म॒तिं बा॑र्ध॒माना॑ बृ॒हन्मि॑माय॒ ज॒मद॑ग्नि॒दत्ता॑ ।
 आ सूर्य॑स्य दु॒हिता॑ त॒तान॑ श्रवो॒ दे॒वेष्व॑मृ॒तम॑जु॒र्यम् १५

सस॒र्प॒री॒रभ॒रत् तू॒यमे॒भ्यो ऽधि॒ श्रवः॑ पाञ्च॒जनया॑सु कृ॒ष्टिषु॑ ।
 सा पु॒द्ग्या॒र्न न॒व्यमा॒युर्द॒धाना॑ यां मे॒ पल॑स्तिजमद॒ग्रयो॑ दु॒दुः १६
 स्थि॒रौ गावौ॑ भवतां वी॒ळर॑क्षो मेषा वि व॒र्हि मा यु॒गं वि शा॑रि ।
 इन्द्रः॑ पात॒ल्यै दद॑तां शरी॒तो ररि॑ष्टनेमे अ॒भि नः॑ सचस्व १७
 बलं॑ धेहि त॒नूषु॑ नो बल॑मिन्द्रान॒ळत्सु॑ नः ।
 बलं॑ तो॒काय॑ तन॒याय॑ जी॒वसे॑ त्वं हि बल॑दा असि १८
 अ॒भि व्य॑यस्व खदि॒रस्य॑ सा॒र मो॒जो धेहि॑ स्पन्द॒ने शिं॑शपा॒याम् ।
 अक्षं॑ वी॒ळो वी॒ळित॑ वी॒ळ्यस्व॑ मा या॒माद॑स्मादव जी॒हिपो॑ नः १९
 अ॒यम॑स्मान् वन॒स्पति॑र्मा च हा मा च॑ रीरिषत् ।
 स्व॒स्त्या गृ॒हेभ्य॑ आव॒सा आ वि॒मोच॑नात् २०
 इन्द्रो॑तिभिर्बहु॒लाभि॑र्नो अ॒द्य या॑च्छे॒ष्टाभि॑र्मघवञ्छूर जिन्व ।
 यो नो॑ द्वेष्ट॒यध॑रः स॒स्पदी॑ष्ट यमु॒ द्विष्म॑स्तमु॒ प्राणो॑ जहातु २१
 पू॒रशुं॑ चिद् वि तपति शि॒म्बलं॑ चिद् वि वृ॒श्चति॑ ।
 उ॒खा चि॑दिन्द्र॒ येष॑न्ती प्र॒यस्ता॑ फेनमस्यति २२
 न सा॒यक॑स्य चि॒किते॑ जना॒सो लो॒धं न॑यन्ति पश॒ मन॑य॒मानाः॑ ।
 नावा॑जिनं वा॒जिना॑ हासयन्ति न गर्दु॒भं पु॒रो अ॒श्वा॒न्नय॑न्ति २३
 इम॑ ईन्द्र॒ भर॑तस्य पु॒त्रा अप॑पित्वं चि॒कितु॑र्न प्र॒पित्व॑म् ।
 हि॒न्वन॑त्यश्च॒मर॑णं न नित्यं॒ ज्यावा॑जं परि॒ णय॑नत्या॒जौ २४

(४८) अष्टचत्वारिंशं सूक्तम्

(१-२२) द्वाविंशत्यृचस्यास्य सूक्तस्य वैश्वामित्रो वाच्यो वा प्रजापतिर्ऋषिः । विश्वे
देवा देवताः । त्रिष्टुप् छन्दः

इमं॑ म॒हे वि॒द॒ध्याय॑ शूषं श॒श्वत् कृ॒त्व ई॒ड्या॑य प्र ज॒भ्रुः॑ ।
 शृ॒णोतु॑ नो द॒म्यैभि॑रनी॒कैः शृ॒णोत्व॒ग्निर्दिव्यै॑रज॒स्रः १
 म॒हि म॒हे दि॒वे अ॒र्चा पृ॒थिव्यै॑ कामौ म॒ इच्छ॑ञ्चरति प्रजा॒नन् ।
 ययो॑र्ह स्तोमे॒ विद॑थैषु दे॒वाः संप॑र्यवो मा॒दय॑न्ते सचा॒योः २
 यु॒वोऽर्त॑तं रो॒दसी॑ स॒त्यम॑स्तु म॒हे षु॑ णः सु॒विता॑य प्र भू॒तम् ।
 इ॒दं दि॒वे नमो॑ अ॒ग्रे पृ॒थिव्यै॑ संप॒र्यामि॑ प्र॒यसा॑ यामि रत्न॑म् ३
 उ॒तो हि॑ वां पू॒र्व्या आ॒वि॒वि॒द्र ऋ॒ताव॑री रो॒दसी॑ स॒त्यवा॑चः ।
 नर॑श्चिद् वां स॒मि॒थे शू॒रसा॑तौ ववन्दि॒रे पृ॒थिवि॑ वे॒वि॒दानाः॑ ४

को अद्धा वेद क इह प्र वोचद् देवाँ अच्छा पथ्याइ का समेति ।
 ददृश्र एषामवमा सदांसि परेषु या गुह्येषु वृतेषु ५
 कविर्नृचक्षा अभि षीमचष्ट ऋतस्य योना विधृते मदन्ती ।
 नाना चक्राते सदनं यथा वेः समानेन क्रतुना संविदाने ६
 समानया वियुते दूरेअन्ते ध्रुवे पदे तस्थतुर्जागरूके ।
 उत स्वसारा युवती भवन्ती आदु ब्रुवाते मिथुनानि नाम ७
 विश्वेदेते जनिमा सं विविक्तो महो देवान् बिभ्रेती न व्यथेते ।
 एजद् ध्रुवं पत्यते विश्वमेकं चरत् पतत्रि विषुणं वि जातम् ८
 सना पुराणमध्यैम्यारा न्महः पितुर्जनितुर्जामि तन्नः ।
 देवासो यत्र पनितार एवै रुरौ पथि व्युते तस्थुरन्तः ९
 इमं स्तोमं रोदसी प्र ब्रवीम यदूदराः शृणवन्नग्निजिह्वाः ।
 मित्रः सम्राजो वरुणो युवान आदित्यासः कवयः पप्रथानाः १०
 हिरण्यपाणिः सविता सुजिह्व स्त्रिरा दिवो विदथे पत्यमानः ।
 देवेषु च सवितः श्लोकमश्रे रादस्मभ्यमा सुव सर्वतातिम् ११
 सुकृत् सुपाणिः स्ववाँ ऋतावा देवस्त्वष्टावसे तानि नो धात् ।
 पूषणवन्त ऋभवो मादयध्वमूर्ध्वग्रावाणो अध्वरमतष्ट १२
 विद्युद्रथा मरुत ऋष्टिमन्तौ दिवो मर्या ऋतजाता अयासः ।
 सरस्वती शृणवन् यज्ञियासो धाता रयिं सहवीरं तुरासः १३
 विष्णुं स्तोमासः पुरुदस्ममर्का भगस्येव कारिणो यामनि ग्मन् ।
 उरुक्रमः ककुहो यस्य पूर्वी न मर्धन्ति युवतयो जनित्रीः १४
 इन्द्रो विश्वैर्वीर्यैः पत्यमान उभे आ पप्रौ रोदसी महित्वा ।
 पुरंदरो वृत्रहा धृष्णुषैणः संगृभ्या न आ भरा भूरि पश्वः १५
 नासत्या मे पितरा बनधुपृच्छा सजात्यमश्विनोश्चारु नाम ।
 युवं हि स्थो रयिदौ नो रयीणां दात्रं रक्षेथे अकवैरदब्धा १६
 महत् तद् वः कवयश्चारु नाम यद्ध देवा भवथ विश्व इन्द्रै ।
 सखं ऋभुभिः पुरुहूत प्रियेभि रिमां धियं सातयै तक्षता नः १७
 अर्यमा णो अदितिर्यज्ञियासो ऽदब्धानि वरुणस्य वृतानि ।
 युयोत नो अनपत्यानि गन्तौः प्रजावान् नः पशमाँ अस्तु गातुः १८
 देवानां दूतः पुरुध प्रसूतो ऽनागान् नो वोचतु सर्वताता ।
 शृणोतु नः पृथिवी द्यौरुतापः सूर्यो नक्षत्रैरुर्वन्तरिक्षम् १९

शृण्वन्तु नो वृषणः पर्वतासो ध्रुवक्षेमास इळ्या मदन्तः ।
 आदित्यैर्नो अदितिः शृणोतु यच्छन्तु नो मरुतः शर्म भद्रम् २०
 सदा सुगः पितुमाँ अस्तु पनथा मध्वा देवा ओषधीः सं पिपृक्त ।
 भगौ मे अग्ने सख्ये न मृध्या उद् रायो अश्यां सदनं पुरुक्षोः २१
 स्वदस्व हव्या समिषो दिदी ह्यस्मद्रयश्क सं मिमीहि श्रवांसि ।
 विश्वाँ अग्ने पृत्सु ताज्जेषि शत्रूँ नहा विश्वा सुमना दीदिही नः २२

(४६) एकोनपञ्चाशं सूक्तम्

(१-२२) द्वाविंशत्यृचस्यास्य सूक्तस्य वैश्वामित्रो वाच्यो वा प्रजापतिर्ऋषिः । विश्वे
 देवा देवताः । त्रिष्टुप् छन्दः

उषसः पूर्वा अध यद् व्यूषुर्महद् वि जज्ञे अक्षरं पदे गौः ।
 वृता देवानामुप नु प्रभूषन् महद् देवानामसुरत्वमेकम् १
 मो षू णो अत्र जुहुरन्त देवा मा पूर्वे अग्ने पितरः पदज्ञाः ।
 पुराणयोः सद्यनोः केतुरन्त महद् देवानामसुरत्वमेकम् २
 वि मे पुरुत्रा पतयन्ति कामाः शम्यच्छा दीद्ये पूर्व्याणि ।
 समिद्धे अग्रावृतमिद् वदेम महद् देवानामसुरत्वमेकम् ३
 समानो राजा विभृतः पुरुत्रा शयै शयासु प्रयुतो वनानु ।
 अनया वृत्सं भरति क्षेति माता महद् देवानामसुरत्वमेकम् ४
 आक्षित् पूर्वास्वपरा अनूरुत् सद्यो जातासु तरुणीष्वन्तः ।
 अन्तर्वतीः सुवते अप्रवीता महद् देवानामसुरत्वमेकम् ५
 शयुः परस्तादध नु द्विमाता ऽर्बनधनश्चरति वृत्स एकः ।
 मित्रस्य ता वरुणस्य वृतानि महद् देवानामसुरत्वमेकम् ६
 द्विमाता होता विदथेषु सम्रा ळन्वग्रं चरति क्षेति बुध्नः ।
 प्र रणयानि रणयवाचो भरन्ते महद् देवानामसुरत्वमेकम् ७
 शूरस्येव युध्यतो अन्तमस्य प्रतीचीनं ददृशे विश्वमायत् ।
 अन्तर्मुतिश्चरति निषिधं गो महद् देवानामसुरत्वमेकम् ८
 नि वैवेति पलितो दूत आ स्वन्तर्महांश्चरति रोचनेन ।
 वर्षेषु बिभ्रदभि नो वि चष्टे महद् देवानामसुरत्वमेकम् ९
 विष्णुर्गोपाः परमं पाति पार्थः प्रिया धामानयमृता दधानः ।
 अग्निष्ठा विश्वा भुवनानि वेद महद् देवानामसुरत्वमेकम् १०

नानां चक्राते यम्या३ वपूषि तयोरनयद् रोचते कृष्णमनयत् ।
 श्यावीं च यदरुषी च स्वसारौ महद् देवानामसुरत्वमेकम् ११
 माता च यत्र दुहिता च धेनू संबर्दुधे धापयैते समीची ।
 ऋतस्य ते सदसीळे अन्तर्मुहद् देवानामसुरत्वमेकम् १२
 अनयस्या वत्सं रिहती मिमाय कया भुवा नि दधे धेनुरूधः ।
 ऋतस्य सा पर्यसापिन्वतेळा महद् देवानामसुरत्वमेकम् १३
 पद्या वस्ते पुरुरूपा वपूष्यूर्ध्वा तस्थौ त्र्यविं रेरिहाणा ।
 ऋतस्य सद्य वि चरामि विद्वान् महद् देवानामसुरत्वमेकम् १४
 पदे इव निहिते दुस्मे अन्तस्तयोरनयद् गुह्यमाविरनयत् ।
 सध्रीचीना पथ्या३ सा विषूची महद् देवानामसुरत्वमेकम् १५
 आ धेनवो धुनयन्तामशिक्षीः सबर्दुधाः शशया अप्रदुग्धाः ।
 नव्यानव्या युवतयो भवन्ती महद् देवानामसुरत्वमेकम् १६
 यदनयासु वृषभो रोरवीति सो अनयस्मिन् यूथे नि दधाति रेतः ।
 स हि क्षपावान् त्स भगः स राजा महद् देवानामसुरत्वमेकम् १७
 वीरस्य नु स्वश्वयं जनासुः प्र नु वौचाम विदुरस्य देवाः ।
 षोळ्हा युक्ताः पञ्चपञ्चा वहन्ति महद् देवानामसुरत्वमेकम् १८
 देवस्त्वष्टा सविता विश्वरूपः पुपोष प्रजाः पुरुधा जजान ।
 इमा च विश्वा भुवनानयस्य महद् देवानामसुरत्वमेकम् १९
 मही समैरञ्चमवा समीची उभे ते अस्य वसुना नयृष्टे ।
 शृगवे वीरो विन्दमानो वसूनि महद् देवानामसुरत्वमेकम् २०
 इमां च नः पृथिवीं विश्वधाया उप क्षेति हितमित्रो न राजा ।
 पुरःसदः शर्मसदो न वीरा महद् देवानामसुरत्वमेकम् २१
 निषिध्वरीस्त ओषधीरुतापो रयिं त इन्द्र पृथिवी बिभर्ति ।
 सखायस्ते वामभाजः स्याम महद् देवानामसुरत्वमेकम् २२

चतुर्थोऽध्यायः

व० १-२५

(५०) पञ्चाशं सूक्तम्

(१-८) अष्टर्चस्यास्य सूक्तस्य वैश्वामित्रो वाच्यो वा प्रजापतिर्ऋषिः । विश्वे देवा
देवताः । त्रिष्टुप् छन्दः

न ता मि॒नन्ति मा॒यिनो॒ न धीरां वृ॒ता दे॒वानां प्रथ॒मा ध्रु॒वाणि ।
 न रोद॑सी अ॒द्रुहा वे॒द्याभि॒र्न पर्व॑ता नि॒नमै॑ तस्मि॒न्वांसः॑ १
 षड् भाराँ॑ ए॒को अ॒र्चरन् बिभ॑त्यृ॒तं वर्षि॑ष्ठमु॒प गाव॑ आ॒गुः ।
 तिस्रो॑ म॒हीरु॑परास्त॒स्थुरत्या॑ गु॒हा द्वे निहि॑ते द॒श्येका॑ २
 त्रि॒पाज॑स्यो वृ॒षभो वि॒श्वरूप॑ उ॒त त्र्यु॒धा पुरु॑ध प्र॒जावान् ।
 त्र्य॒नीकः प॑त्यते मा॒हिना॒वान् त्स रेतो॑धा वृ॒षभः शश्व॑तीनाम् ३
 अ॒भीकं आ॒सां पद॑वीर॒बो ध्या॑दि॒त्याना॑म॒ह्ने चारु॑ नाम ।
 आप॑श्चिद॒स्मा अ॒रमन्त॑ दे॒वीः पृथ॑ग् ब्रज॑न्तीः परि॑ षीमवृ॒ज्जन् ४
 त्री ष॒धस्था॑ सि॒नध॒वस्त्रिः क॑वीना मु॒त त्रि॒मा॒ता वि॒दथै॑षु स॒म्राट् ।
 अ॒ताव॑रीर्योष॒णास्ति॒स्रो अप्या॑स्त्रि॒रा दि॒वो वि॒दथे॑ प॒त्यमा॑नाः ५
 त्रि॒रा दि॒वः स॑वि॒तर्वा॒याणि॑ दि॒वेदि॑व आ सु॒व त्रि॒र्नो अ॒हः ।
 त्रि॒धातु॑ रा॒य आ सु॒वा वसू॑नि भ॒ग त्रा॑तर्धिष॒णे सा॒तयै॑ धाः ६
 त्रि॒रा दि॒वः स॑वि॒ता सौष॑वीति॒ राजा॑ना मि॒त्रावरु॑णा सु॒पा॒णी ।
 आप॑श्चिद॒स्य रोद॑सी चिदु॒र्वी रत्नं॑ भि॒क्षन्त॑ स॒वितुः स॒वाय॑ ७
 त्रि॒रु॒त्त॒मा दू॒णशा॑ रो॒च॒नानि॑ त्रयो॑ राज॒नत्य॑सुर॒स्य वी॒राः ।
 अ॒तावा॑न इ॒षिरा दू॒ळभा॑स॒स्त्रि॒रा दि॒वो वि॒दथै॑ सन्तु दे॒वाः ८

(५१) एकपञ्चाशं सूक्तम्

(१-६) षडृचस्यास्य सूक्तस्य गाथिनो विश्वामित्र ऋषिः । विश्वे देवा देवताः ।

त्रिष्टुप् छन्दः

प्र मै वि॒विक्वाँ अ॒विद॑न्मनी॒षां धे॒नुं चर॑न्तीं प्र॒युता॑मगौ॒पाम् ।
 स॒द्यश्चि॒द् या दु॑दुहे भूरि॑ धा॒से रि॒न्द्रस्त॑द॒ग्निः प॑नि॒तारौ॑ अ॒स्याः १
 इ॒न्द्रः सु॑ पू॒षा वृ॑ष॒णा सु॒हस्ता॑ दि॒वो न प्री॑ताः श॒शयं॑ दु॒दुहे ।
 वि॒श्वे यद॑स्यां र॒णय॑न्त दे॒वाः प्र वो॑ऽत्र वसवः सु॒म्रम॑श्याम् २
 या जा॒मयो॑ वृ॒ष्णा इ॒च्छन्ति॑ श॒क्तिं न॑म॒स्यन्ती॑र्जानि॒ते गर्भ॑मस्मिन् ।
 अ॒च्छा पु॒त्रं धे॒नवो॑ वाव॒शाना॑ म॒हश्च॑रन्ति बिभ्र॑तं वपू॒षि ३
 अ॒च्छा वि॒वक्मि॑ रोद॑सी सु॒मेके॑ ग्रा॒व्णो यु॒जानो॑ अ॒ध्वरे॑ म॒नीषा॑ ।
 इ॒मा उ॑ ते म॒नवे॑ भूरि॒वारा॑ ऊ॒र्ध्वा भ॑वन्ति द॒र्शता॑ यज॑त्राः ४
 या तै जि॒ह्वा म॑धु॒मती॑ सु॒मेधा॑ अ॒ग्रे दे॒वेषु॑च्यत उ॒रूची॑ ।
 तये॒ह वि॒श्वाँ अ॒वसे॑ यज॑त्रा॒ना सा॑दय पा॒यया॑ चा म॒धूनि॑ ५

या तै अग्ने पर्वतस्येव धारा संश्रन्ती पीपयद् देव चित्रा ।
तामस्मभ्यं प्रमतिं जातवेदो वसो रास्व सुमतिं विश्वजनयाम् ६

(५२) द्विपञ्चाशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । अश्विनौ देवते ।

त्रिष्टुप् छन्दः

धेनुः प्रत्नस्य काम्यं दुहान्ताऽन्तः पुत्रश्चरति दक्षिणायाः ।
आ द्यौतनिं वहति शभ्रयामो षसः स्तोमौ अश्विनावजीगः १
सुयुग् वहन्ति प्रति वामृतेनोर्ध्वा भवन्ति पितरैव मेधाः ।
जरैथामस्मद् वि पुरेर्मनीषां युवोरवश्चकृमा यातमर्वाक् २
सुयुग्भिरश्वैः सुवृता रथेन दस्त्राविमं शृणुतं श्लोकमद्रैः ।
किमङ्ग वां प्रत्यवर्तिं गमिष्ठा ऽऽहुर्विप्रासो अश्विना पुराजाः ३
आ मनयेथामा गतं कच्चिदेवैर्विश्वे जनासो अश्विना हवन्ते ।
इमा हि वां गोऋजीका मधूनि प्र मित्रासो न ददुरुस्त्रो अग्ने ४
तिरः पुरु चिदश्विना रजा स्याङ्गुषो वा मघवाना जनैषु ।
एह यातं पृथिभिर्देवयानैर्दस्त्राविमे वा निधयो मधूनाम् ५
पुराणमोकः सख्यं शिवं वा युवोनरा द्रविणं जह्वाव्याम् ।
पुनः कृणवानाः सख्या शिवानि मध्वा मदेम सह नू समानाः ६
अश्विना वायुना युवं सुदक्षा नियुद्भिश्च सजोषसा युवाना ।
नासत्या तिरोऽह्न्यं जुषाणा सोमं पिबतमस्त्रिधा सुदानू ७
अश्विना परि वामिषः पुरुची रीयुर्गीर्भिर्यतमाना अमृधाः ।
रथौ ह वामृतजा अद्रिजूतः परि द्यावापृथिवी याति सद्यः ८
अश्विना मधुषुत्तमो युवाकुः सोमस्तं पातुमा गतं दुरोणे ।
रथौ ह वां भूरि वर्षः करिक्वत् सुतावतो निष्कृतमार्गमिष्ठः ९

(५३) त्रिपञ्चाशं सूक्तम्

(१-६) नवर्चस्यास्य सूक्तस्य गाथिनो विश्वामित्र ऋषिः । मित्रो देवता । (१-५)

प्रथमादिपञ्चर्चा त्रिष्टुप् (६-९) षष्ठ्यादिचतसृणाञ्च गायत्री छन्दसी

मित्रो जनान् यातयति ब्रुवाणो मित्रो दाधार पृथिवीमुत द्याम् ।
मित्रः कृष्टीरनिमिषाभि चष्टे मित्राय हव्यं घृतवजुहोत १

प्र स मित्रं मर्तो अस्तु प्रयस्वान् यस्तं आदित्यं शिञ्जति वृतेन ।
 न हनयते न जीयते त्वोतो नैनमंहो अश्नोत्यन्तितो न दूरात् २
 अनमीवास इळ्या मदन्तो मितज्ञवो वरिमन्ना पृथिव्याः ।
 आदित्यस्य व्रतमुपक्षियन्तो वयं मित्रस्य सुमतौ स्याम ३
 अयं मित्रो नमस्यः सुशेवो राजा सुक्षत्रो अजनिष्ट वेधाः ।
 तस्य वयं सुमतौ यज्ञियस्याऽपि भद्रे सौमनसे स्याम ४
 मुह्यं आदित्यो नमसोपसद्यो यातयज्ञनो गृणते सुशेवः ।
 तस्मा एतत् पनयतमाय जुष्टं मग्नौ मित्राय हविरा जुहोत ५
 मित्रस्य चर्षणीधृतो ऽवो देवस्य सानसि । द्युम्नं चित्रश्रवस्तमम् ६
 अभि यो महिना दिवं मित्रो बभूव सप्रथाः । अभि श्रवोभिः पृथिवीम् ७
 मित्राय पञ्च येमिरे जना अभिष्टिशवसे । स देवान् विश्वान् बिभर्ति ८
 मित्रो देवेष्वायुषु जनाय वृक्तबर्हिषे । इष इष्टव्रता अकः ९

(५४) चतुःपञ्चाशं सूक्तम्

(१-७) सप्तर्चस्यास्य सूक्तस्य गाथिनो विश्वामित्र ऋषिः । (१-४)

प्रथमादिचतुर्ऋचामृभवः (५-७) पञ्चम्यादितृचस्य च ऋभव इन्द्रश्च देवताः ।

जगती छन्दः

इहेह वो मनसा ब्रनधुता नर उशिजो जग्मुरभि तानि वेदसा ।
 याभिर्मायाभिः प्रतिजूतिवर्षसः सौधन्वना यज्ञियं भागमानुश १
 याभिः शचीभिश्चमसाँ अपिशत यया धिया गामरिणीतु चर्मणः ।
 येन हरी मनसा निरतक्षत तेन देवत्वमृभवः समानश २
 इन्द्रस्य सख्यमृभवः समानश मनोर्नपातो अपसो दधन्विरे ।
 सौधन्वनासौ अमृतत्वमेरिरे विष्टी शमीभिः सुकृतः सुकृत्यया ३
 इन्द्रेण याथ स्रथं सुते सचाँ अथो वशानां भवथा सह श्रिया ।
 न वः प्रतिमै सुकृतानि वाघतः सौधन्वना ऋभवो वीर्याणि च ४
 इन्द्रं ऋभुभिर्वाजवद्भिः समुक्षितं सुतं सोममा वृषस्वा गर्भस्त्योः ।
 धियेषितो मघवन् दाशुषो गृहे सौधन्वनेभिः सह मत्स्वा नृभिः ५
 इन्द्रं ऋभुमान् वाजवान् मत्स्वेह नो ऽस्मिन् त्सर्वने शच्या पुरुष्टुत ।
 इमानि तुभ्यं स्वसराणि येमिरे व्रता देवानां मनुषश्च धर्मभिः ६
 इन्द्रं ऋभुभिर्वाजिभिर्वाजयन्निह स्तोमं जरितुरुप याहि यज्ञियम् ।

शतं केतैभिरिषिरेभिः रायवे सहस्रणीथो अध्वरस्य होमनि ७

(५५) पञ्चपञ्चाशं सूक्तम्

(१-७) सप्तर्चस्यास्य सूक्तस्य गाथिनो विश्वामित्र ऋषिः । उषा देवता ।

त्रिष्टुप् छन्दः

उषो वाजैन वाजिनि प्रचैताः स्तोमं जुषस्व गृणतो मघोनि ।
 पुराणी दैवि युवतिः पुरंधिरनु वृतं चरसि विश्ववारे १
 उषो देव्यमर्त्या वि भाहि चन्द्ररथा सूनृता ईरयन्ती ।
 आ त्वा वहन्तु सुयमांसो अश्वा हिरण्यवर्णा पृथुपार्जसो ये २
 उषः प्रतीची भुवनानि विश्वोर्वा तिष्ठस्यमृतस्य केतुः ।
 समानमर्थं चरणीयमाना चक्रमिव नव्यस्या ववृत्स्व ३
 अव स्यूमेव चिन्वती मघोन युषा याति स्वसरस्य पत्नी ।
 स्वर्जर्जन्ती सुभगा सुदंसा आन्ताद् दिवः पप्रथ आ पृथिव्याः ४
 अच्छा वो देवीमुषसं विभातीं प्र वो भरध्वं नमसा सुवृक्तिम् ।
 ऊर्ध्वं मधुधा दिवि पाजौ अश्रेत् प्र रौचिना रुरुचे रणवसंदृक् ५
 ऋतावरी दिवो अकैरबो ध्या रेवती रोदसी चित्रमस्थात् ।
 आयतीमग्न उषसं विभातीं वाममेषि द्रविणं भिक्षमाणाः ६
 ऋतस्य बुध्न उषसामिषण्यन् वृषा मही रोदसी आ विवेश ।
 मही मित्रस्य वरुणस्य माया चन्द्रेव भानुं वि दधे पुरुत्रा ७

(५६) षट्पञ्चाशं सूक्तम्

(१-१८) अष्टादशर्चस्यास्य सूक्तस्य गाथिनो विश्वामित्रः (१६-१८)

षोडश्यादितृचस्य च जमदग्निर्वा ऋषिः । (१-३) प्रथमादितृचस्येन्द्रावरुणौ (४-

६) चतुर्थ्यादितृचस्य बृहस्पतिः (७-९) सप्तम्यादितृचस्य पूषा (१०-१२)

दशम्यादितृचस्य सविता (१३-१५) त्रयोदश्यादितृचस्य सोमः (१६-१८)

षोडश्यादितृचस्य च मित्रावरुणौ देवताः । (१-३) प्रथमादितृचस्य त्रिष्टुप् (४-१८)

चतुर्थ्यादिपञ्चदशर्चाञ्च गायत्री छन्दसी

इमा उ वां भूमयो मनयमाना युवावते न तुज्या अभूवन् ।
 क्वत् त्यदिन्द्रावरुणा यशौ वां येन स्मा सिनं भरथः सखिभ्यः १
 अयमु वां पुरुतमौ रयीय ऋश्वत्तममवसे जोहवीति ।

सजोषाविन्द्रावरुणा मरुद्भिर्दिवा पृथिव्या शृणुतुं हव मे २
 अस्मे तदिन्द्रावरुणा वसु ष्या दस्मे रयिर्मरुतुः सर्ववीरः ।
 अस्मान् वरून्त्रीः शरणैरव नत्वस्मान् होत्रा भारती दक्षिणाभिः ३
 बृहस्पते जुषस्व नो हव्यानि विश्वदेव्य । रास्व रत्नानि दाशुषे ४
 शुचिमर्कैर्बृहस्पतिं मध्वरेषु नमस्यत । अनाम्योज आ चके ५
 वृषभं चर्षणीनां विश्वरूपमदाभ्यम् । बृहस्पतिं वरैरयम् ६
 इयं तै पूषन्नाघृणे सुष्टुतिर्देव नव्यसी । अस्माभिस्तुभ्यं शस्यते ७
 तां जुषस्व गिरं मर्म वाजयन्तीमवा धियम् । वधूयुरिव योषणाम् ८
 यो विश्वाभि विपश्यति भुवना सं च पश्यति । स नः पूषाविता भुवत् ९
 तत् सवितुर्वरेण्यं भर्गो देवस्य धीमहि । धियो यो नः प्रचोदयात् १०
 देवस्य सवितुर्वयं वाजयन्तः पुरंध्या । भर्गस्य रातिमीमहे ११
 देवं नरः सवितारं विप्रा यज्ञैः सुवृक्तिभिः । नमस्यन्ति धियेषिताः १२
 सोमो जिगाति गातुविद् देवानामेति निष्कृतम् । ऋतस्य योनिमासदम् १३
 सोमो अस्मभ्यं द्विपदे चतुष्पदे च पशवै । अनमीवा इषस्करत् १४
 अस्माकमार्युर्वर्धयन्नभिमातीः सहमानः । सोमः सधस्थमासदत् १५
 आ नो मित्रावरुणा घृतैर्गव्यूतिमुक्षतम् । मध्वा रजांसि सुक्रतू १६
 उरुशंसा नमोवृधा मृहा दक्षस्य राजथः । द्राघिष्ठाभिः शुचिव्रता १७
 गृणाना जमदग्निना योनावृतस्य सीदतम् । पातं सोममृतावृधा १८

(५७) सप्तपञ्चाशं सूक्तम्

(१-२०) विंशत्यृचस्यास्य सूक्तस्य गौतमो वामदेव ऋषिः । (१, ६-२०)
 प्रथमर्चः षष्ठ्यादिपञ्चदशानाञ्चाग्निः (२-५) द्वितीयादिचतसृणाञ्चाग्निर्वरुणो वा
 देवता । (१) प्रथमर्च अष्टिः (२) द्वितीयाया अतिजगती (३) तृतीयाया धृतिः
 (४-२०) चतुर्थ्यादिसप्तदशानाञ्च त्रिष्टुप् छन्दांसि
 त्वां ह्यग्ने सदमित् समन्यवो देवासो देवमरति न्यैरि इति क्रत्वा न्यैरिरे ।
 अमर्त्यं यजत मर्त्येष्व देवमादैवं जनत प्रचैतसं विश्वमादैवं जनत प्रचैतसम्
 १
 स भ्रातरं वरुणमग्र आ ववृत्स्व देवाँ अच्छा सुमती यज्ञवनसं ज्येष्ठं
 यज्ञवनसम् । ऋतावानमादित्यं चर्षणीधृतं राजानं चर्षणीधृतम् २
 सखे सखायम्भ्या ववृत्स्वाशुं न चक्रं रथ्यैव रंह्यास्मभ्यं दस्म रंह्या ।

अग्ने मृळीकं वरुणे सचा विदो मरुत्सु विश्वभानुषु ।
 तोकार्यं तुजे शशुचान् शं कृध्यस्मभ्यं दस्म शं कृधि ३
 त्वं नो अग्ने वरुणस्य विद्वान् देवस्य हेळोऽव यासिसीष्ठाः ।
 यजिष्ठो वह्नितमः शोशुचानो विश्वा द्वेषांसि प्र मुमुग्ध्यस्मत् ४
 स त्वं नो अग्नेऽवमो भवोती नेदिष्ठो अस्या उषसो व्युष्टौ ।
 अव यद्व नो वरुणं रराणो वीहि मृळीकं सुहवो न एधि ५
 अस्य श्रेष्ठा सुभगस्य सदृग् देवस्य चित्रतमा मर्त्येषु ।
 शुचिं घृतं न तप्तमघ्नयायाः स्पार्हा देवस्य मंहनैव धेनोः ६
 त्रिरस्य ता परमा सन्ति सत्या स्पार्हा देवस्य जनिमान्यग्नेः ।
 अनन्ते अन्तः परिवीत आगा च्छुचिः शक्रो अर्यो रोरुचानः ७
 स दूतो विश्वेदभि वष्टि सद्या होता हिरण्यरथो रंसुजिह्वः ।
 रोहिदंश्चो वपुष्यो विभावा सदा रणवः पितुमतीव संसत् ८
 स चैतयन्मनुषो यज्ञबन्धुः प्र तं मृह्या रशनया नयन्ति ।
 स चैत्यस्य दुर्यासु सार्धेन् देवो मर्तस्य सधनित्वमाप ९
 स तू नो अग्निर्नयतु प्रजानन्नच्छा रत्नं देवभक्तं यदस्य ।
 धिया यद् विश्वे अमृता अकृण्वन् द्यौष्पिता जनिता सत्यमुक्षन् १०
 स जायत प्रथमः पुस्त्यासु महो बुध्ने रजसो अस्य योनौ ।
 अपादशीर्षा गुहमानो अन्ता ऽऽयोयुवानो वृषभस्य नीळे ११
 प्र शर्ध आर्त प्रथमं विपुन्याँ ऋतस्य योना वृषभस्य नीळे ।
 स्पार्हो युवा वपुष्यो विभावा सप्त प्रियासोऽजनयन्त वृष्णौ १२
 अस्माकमत्र पितरौ मनुष्या अभि प्र सैदुर्ऋतमाशुषाणाः ।
 अश्मव्रजाः सुदुधा वव्रे अन्त रुदुस्त्रा आजन्नुषसौ हुवानाः १३
 ते मर्मजत ददृवांसो अद्रिं तदैषामन्ये अभितो वि वौचन् ।
 पृथ्व्यन्त्रासो अभि कारमर्चन् विदन्त ज्योतिश्चकृपन्त धीभिः १४
 ते गव्यता मर्नसा दृध्रमुब्धं गा यैमानं परि षन्तमद्रिम् ।
 दृळ्हं नरो वचसा दैव्यैन व्रजं गोमन्तमुशिजो वि वव्रुः १५
 ते मन्वत प्रथमं नाम धेनो स्त्रिः सप्त मातुः परमाणि विन्दन् ।
 तज्जानतीरभ्यनूषत् वा आविर्भुवदरुणीर्यशसा गोः १६
 नेशत् तमो दुधितं रोचत् द्यौ रुद् देव्या उषसौ भानुरर्त ।
 आ सूर्यो बृहतस्तिष्ठदज्राँ ऋजु मर्तेषु वृजिना च पश्यन् १७

आदित् पश्चा बुबुधाना व्यख्यन्नादिद् रत्नं धारयन्त द्युभक्तम् ।
 विश्वे विश्वांसु दुर्यासु देवा मित्रं धिये वरुण सत्यमस्तु १८
 अच्छा वोचेय शुशुचानमग्निं होतारं विश्वभरसं यजिष्ठम् ।
 शुच्यूधौ अतृणन्न गवामन्धो न पूतं परिषिक्तमंशोः १९
 विश्वेषामदितिर्यज्ञियानां विश्वेषामतिथिर्मानुषाणाम् ।
 अग्निर्देवानामव आवृणानः समृच्छीको भवतु जातवैदाः २०

(५८) अष्टपञ्चाशं सूक्तम्

(१-२०) विंशत्यृचस्यास्य सूक्तस्य गौतमो वामदेव ऋषिः । अग्निर्देवता ।

त्रिष्टुप् छन्दः

यो मर्त्येष्वमृतं ऋतावा देवो देवेष्वरतिर्निधायि ।
 होता यजिष्ठो महा शचध्यै हव्यैरग्निर्मनुष ईर्यध्यै १
 इह त्वं सूनो सहसो नो अद्य जातो जातां उभयाँ अन्तरंग्रे ।
 दूत ईयसे युयुजान ऋष्व ऋजुमुष्कान् वर्षणः शुक्रांश्च २
 अत्या वृधसू रोहिता घृतसू ऋतस्य मन्ये मनसा जविष्ठा ।
 अन्तरीयसे अरुषा युजानो युष्मांश्च देवान् विश आ च मर्तान् ३
 अर्यमणं वरुणं मित्रमेषा मिन्द्राविष्णू मरुतौ अश्विनोत ।
 स्वश्वौ अग्ने सुरथः सुराधा एदु वह सुहविषे जनाय ४
 गोमाँ अग्नेऽविमाँ अश्वी यज्ञो नृवत्सखा सदमिदप्रमृष्यः ।
 इळावाँ एषो असुर प्रजावान् दीर्घो रयिः पृथुबुधः सभावान् ५
 यस्त इध्मं जभरत् सिष्विदानो मूर्धानं वा ततपेते त्वाया ।
 भुवस्तस्य स्वतवाँ पायुरंग्रे विश्वस्मात् सीमघायुत उरुष्य ६
 यस्ते भरादन्नियते चिदन्नं निशिषन्मन्द्रमतिथिमुदीरत् ।
 आ दैव्युरिनिधते दुरोणे तस्मिन् रयिर्ध्रुवो अस्तु दास्वान् ७
 यस्त्वा दोषा य उषसि प्रशंसात् प्रियं वा त्वा कृणवते हविष्मान् ।
 अश्वो न स्वे दम् आ हेम्यावान् तमंहसः पीपरो दाश्वांसम् ८
 यस्तुभ्यमग्ने अमृताय दाशद् दुवस्त्वे कृणवते यतस्तुक् ।
 न स राया शशमानो वि यौष नैनमंहः परि वरदघायोः ९
 यस्य त्वमग्ने अध्वरं जुजौषो देवो मर्तस्य सुधितं रराणः ।
 प्रीतेदसद्धोत्रा सा यविष्ठाऽसाम् यस्य विधतो वृधासः १०

चित्तिमचित्तिं चिनवद् वि विद्वान् पृष्ठेव वीता वृजिना च मर्तान् ।
 राये च नः स्वपत्याय देव दितिं च रास्वादितिमुरुष्य ११
 क्विं शशासुः क्वयोऽदब्धा निधारयन्तो दुर्यास्वायोः ।
 अतस्त्वं दृश्याँ अग्र एतान् पडिभः पश्येरद्धताँ अर्य एवैः १२
 त्वमग्ने वाघते सुप्रणीतिः सुतसौमाय विधते यविष्ठ ।
 रत्नं भर शशमानाय घृष्वे पृथुश्चन्द्रमवसे चर्षणिप्राः १३
 अधा ह यद् वयमग्ने त्वाया पडिभर्हस्तैभिश्चक्रमा तनूभिः ।
 रथं न क्रन्तो अपसा भुरिजौ ऋतं यैमुः सुर्ध्व आशुषाणाः १४
 अधा मातुरुषसः सप्त विप्रा जायेमहि प्रथमा वेधसो नृचफट्ण् ।
 दिवस्पुत्रा अङ्गिरसो भवेमाऽद्रिं रुजेम धनिर्न शचन्तः १५
 अधा यथा नः पितरः परासः प्रत्तासौ अग्र ऋतमाशुषाणाः ।
 शुचीदयन् दीर्घितिमुक्थशासः क्षामा भिन्दन्तो अरुणीरप वन् १६
 सुकर्माणः सुरुचौ देवयन्तो ऽयो न देवा जनिमा धमन्तः ।
 शुचन्तो अग्निं ववृधन्त इन्द्रं मूर्ध्व गव्यं परिषदन्तो अगमन् १७
 आ यूथेव क्षुमर्ति पश्वो अख्यद् देवानां यजनिमान्त्युग्र ।
 मर्तानां चिदुर्वशीरकृप्रन् वृधे चिदर्य उपरस्यायोः १८
 अकर्म ते स्वपसो अभूम ऋतमवस्त्रनुषसौ विभातीः ।
 अनूनमग्निं पुरुधा सुश्चन्द्रं देवस्य मर्मजतश्चारु चक्षुः १९
 एता तै अग्र उचथानि वेधो ऽवौचाम क्वये ता जुषस्व ।
 उच्छौचस्व कृणुहि वस्यसो नो महो रायः पुरुवार प्र यन्धि २०

(५६) एकोनषष्टितमं सूक्तम्

(१-१६) षोडशर्चस्यास्य सूक्तस्य गौतमो वामदेव ऋषिः । (१) प्रथमर्चोऽग्नी रुद्रो वा (२-१६) द्वितीयादिपञ्चदशानाञ्चाग्निर्देवता । त्रिष्टुप् छन्दः

आ वो राजानमध्वरस्य रुद्रं होतारं सत्ययजं रोदस्योः ।
 अग्निं पुरा तेनयित्वोरचित्ता द्विरणयरूपमवसे कृणुध्वम् १
 अयं योनिश्चक्रमा यं वयं तै जायेव पत्य उशती सुवासाः ।
 अर्वाचीनः परिवीतो नि षीदेमा उ ते स्वपाक प्रतीचीः २
 आशृण्वते अदृपिताय मन्म नृचक्षसे सुमृळीकाय वेधः ।
 देवाय शस्तिममृताय शंस ग्रावैव सोता मधुषुद् यमीळे ३

त्वं चिन्नः शम्या अग्ने अस्या ऋतस्य बोध्यतचित् स्वाधीः ।
 कदा त उक्था सधमाद्यानि कदा भवन्ति सख्या गृहे तै ४
 कथा ह तद् वरुणाय त्वमग्ने कथा दिवे गर्हसे कन्न आर्गः ।
 कथा मित्राय मीळ्हषै पृथिव्यै ब्रवः कदर्यम्णे कद् भगाय ५
 कद् धिष्ण्यासु वृधसानो अग्ने कद् वाताय प्रतवसे शुभये ।
 परिज्मने नासत्याय क्षे ब्रवः कदग्ने रुद्राय नृघ्ने ६
 कथा महे पुष्टिभराय पूष्णे कद् रुद्राय सुमखाय हविर्दे ।
 कद् विष्णव उरुगायाय रेतो ब्रवः कदग्ने शरवे बृहत्यै ७
 कथा शर्धाय मरुतामृताय कथा सूर्ये बृहते पृच्छयमानः ।
 प्रति ब्रवोऽदितये तुराय साधा दिवो जातवेदश्चिकित्वान् ८
 ऋतेन ऋतं नियतमीळ आ गो रामा सचा मधुमत् पक्वमग्ने ।
 कृष्णा सती रुशता धासिनैषा जामर्येण पर्यसा पीपाय ९
 ऋतेन हि ष्मा वृषभश्चिदुक्तः पुमाँ अग्निः पर्यसा पृष्ठयेन ।
 अस्पन्दमानो अचरद् वयोधा वृषा शक्रं दुदुहे पृश्नरूधः १०
 ऋतेनाद्रिं व्यसन् भिदन्तः समङ्गिरसौ नवन्त गोभिः ।
 शूनं नरः परि षदनुषास माविः स्वरभवज्जाते अग्रौ ११
 ऋतेन देवीरमृता अमृक्ता अर्णोभिरापो मधुमद्भिरग्ने ।
 वाजी न सर्गेषु प्रस्तुभानः प्र सदमित् स्रवितवे दधन्युः १२
 मा कस्य युक्षं सदमिद्धरो गा मा वेशस्य प्रमिनतो मापेः ।
 मा भ्रातुरग्ने अनृजोऽर्जुणं वे मा सख्युर्दक्षं रिपोर्भुजेम १३
 रक्षा णो अग्ने तव रक्षणेभी रारक्षाणः सुमख प्रीणानः ।
 प्रति ष्फुर वि रुज वीड्वंहौ जहि रक्षो महि चिद् वावृधानम् १४
 एभिर्भव सुमना अग्ने अकै रिमान् त्स्पृश मन्मभिः शूर वाजान् ।
 उत ब्रह्माण्यङ्गिरो जुषस्व सं तै शस्तिर्देववाता जरेत १५
 एता विश्वा विदुषे तुभ्यं वेधो नीथान्यग्ने निश्या वचांसि ।
 निवर्चना कवये काव्या न्यशांसिषं मतिभिर्विप्र उक्थैः १६

(६०) षष्ठितमं सूक्तम्

(१-१५) पञ्चदशर्चस्यास्य सूक्तस्य गौतमो वामदेव ऋषिः । रक्षोहाग्निर्देवता ।

त्रिष्टुप् छन्दः

कृणुष्व पाजः प्रसितिं न पृथ्वीं याहि राजेवामवाँ इभैन ।
 तृष्वीमनु प्रसितिं दूणानो ऽस्तासि विध्य रक्षसस्तपिष्ठैः १
 तव भ्रमास आशया पतन्त्यनु स्पृश धृषता शोशुचानः ।
 तपूष्यग्रे जुह्वा पतङ्गा नसदितो वि सृज विष्वगुल्काः २
 प्रति स्पशो वि सृज तूष्णितमो भवा पायुर्विशो अस्या अदब्धः ।
 यो नो दूरे अघशंसो यो अन्त्यग्रे माकिष्टे व्यथिरा दधर्षीत् ३
 उदग्रे तिष्ठ प्रत्या तनुष्व न्यमित्राँ ओषतात् तिग्महेते ।
 यो नो अरातिं समिधान चक्रे नीचा तं धक्ष्यतसं न शुष्कम् ४
 ऊर्ध्वो भव प्रति विध्याध्यस्म दाविष्कृणुष्व दैव्यान्यग्रे ।
 अव स्थिरा तनुहि यातुजूनां जामिमजामिं प्र मृणीहि शत्रून् ५
 स ते जानाति सुमतिं यविष्ठ य ईवते ब्रह्मणे गातुमैरत् ।
 विश्वान्यस्मै सुदिनानि रायो द्युम्नान्यर्यो वि दुरो अभि द्यौत् ६
 सेदग्रे अस्तु सुभगः सुदानु र्यस्त्वा नित्येन हविषा य उक्थैः ।
 पिप्रीषति स्व आयुषि दुरोणे विश्वेदस्मै सुदिना सासदिष्टिः ७
 अर्चामि ते सुमतिं घोष्यर्वाक् सं ते वावातां जरतामियं गीः ।
 स्वश्वास्त्वा सुरथा मर्जयेमा ऽस्मे क्षत्राणि धारयेरनु द्यून् ८
 इह त्वा भूर्या चरेदुप त्मन् दोषावस्तर्दीदिवांसमनु द्यून् ।
 क्रीळन्तस्त्वा सुमनसः सपेमा ऽभि द्युम्ना तस्थिवांसो जनानाम् ९
 यस्त्वा स्वश्वः सुहिरण्यो अग्न उपयाति वसुमता रथेन ।
 तस्य त्राता भवसि तस्य सखा यस्त आतिथ्यमानुषग् जुजौषत् १०
 महो रुजामि बन्धुता वचोभि स्तन्मा पितुर्गोतमादन्विषाय ।
 त्वं नो अस्य वचसश्चिकिद्धि होतर्यविष्ठ सुक्रतो दमूनाः ११
 अस्वप्रजस्तरणयः सुशेवा अतन्द्रासो ऽवृका अश्रमिष्ठाः ।
 ते पायवः सध्र्यञ्चो निषद्या ऽग्रे तव नः पान्त्वमूर १२
 ये पायवो मामतेयं ते अग्रे पश्यन्तो अन्धं दुरितादरक्षन् ।
 ररक्ष तान् त्सुकृतौ विश्ववेदा दिप्सन्त इद् रिपवो नाहं देभुः १३
 त्वया वयं सध्न्यस्त्वोता स्तव प्रणीत्यश्याम् वाजान् ।
 उभा शंसा सूदय सत्यताते ऽनुष्ठया कृणुह्यहयाण १४
 अया ते अग्रे समिधा विधेम प्रति स्तोमं शस्यमानं गृभाय ।
 दहाशसो रक्षसः पाह्यस्मान् द्रुहो निदो मित्रमहो अवद्यात् १५

पञ्चमोऽध्यायः

व० १ । २६

(६१) एकषष्टितमं सूक्तम्

(१-१५) पञ्चदशर्चस्यास्य सूक्तस्य गौतमो वामदेव ऋषिः । वैश्वानरोऽग्निर्देवता ।

त्रिष्टुप् छन्दः

वैश्वानराय मीळ्हषै सुजोषाः कथा दाशेमाग्रये बृहद् भाः ।
 अनूनेन बृहता वक्षथेनो प स्तभायदुपमिन्न रोधः १
 मा निन्दतु य इमां मह्यं रातिं देवो ददौ मर्त्याय स्वधावान् ।
 पाकाय गृत्सो अमृतो विचेता वैश्वानरो नृतमो यहो अग्निः २
 सामं द्विबर्हा महि तिग्मभृष्टिः सहस्त्रेता वृषभस्तुविष्मान् ।
 पदं न गोरपंगूळहं विविद्वा नग्निर्मह्यं प्रेदु वोचन्मनीषाम् ३
 प्र ताँ अग्निर्बभसत् तिग्मजम्भ स्तर्पिष्ठेन शोचिषा यः सुराधाः ।
 प्र ये मिनन्ति वरुणस्य धामं प्रिया मित्रस्य चेततो ध्रुवाणि ४
 अभ्रातरो न योषणो व्यन्तः पतिरिपो न जनयो दुरेवाः ।
 पापासः सन्तौ अनृता असत्या इदं पदमजनता गभीरम् ५
 इदं मै अग्ने किर्यते पावका ऽमिनते गुरुं भारं न मन्म ।
 बृहद् दधाथ धृषता गभीरं यहं पृष्ठं प्रयसा सप्तधातु ६
 तमिन्वेइव समना समान मभि क्रत्वा पुनती धीतिरश्याः ।
 ससस्य चर्मन्नधि चारु पृश्ने रग्रे रूप आरुपितं जबारु ७
 प्रवाच्यं वचसः किं मै अस्य गुहा हितमुप निणिग्वदन्ति ।
 यदुस्त्रियाणामप वारिव व्रन् पाति प्रियं रूपो अग्रं पदं वेः ८
 इदमु त्यन्महि महामनीकं यदुस्त्रिया सचत पूर्व्य गौः ।
 अतस्य पदे अधि दीद्यानं गुहा रघुष्यद् रघुयद् विवेद ९
 अधं द्युतानः पित्रोः सचासा ऽमनुत गुह्यं चारु पृश्नैः ।
 मातुष्पदे परमे अन्ति षद् गो वर्ष्णाः शोचिषः प्रयतस्य जिह्वा १०
 अतं वौचे नमसा पृच्छयमानं स्तवाशसा जातवेदो यदीदम् ।
 त्वमस्य क्षयसि यद्ध विश्वं दिवि यदु द्रविणं यत् पृथिव्याम् ११
 किं नो अस्य द्रविणं कद्ध रत्नं वि नो वोचो जातवेदश्चिकित्वान् ।
 गुहाध्वनः परमं यन्नो अस्य रेकु पदं न निदाना अगन्म १२
 का मर्यादा वयुना कद्ध वाम मच्छा गमेम रघवो न वार्जम् ।

कदा नो देवीरमृतस्य पत्नीः सूरौ वर्णेन ततननुषासः १३
 अनिरेण वचसा फल्ग्वेन प्रतीत्येन कृधुनातृपासः ।
 अधा ते अग्ने किमिहा वेदन्त्यनायुधास आसता सचन्ताम् १४
 अस्य श्रिये समिधानस्य वृष्णो वसोरनीकं दम् आ रुरोच ।
 रुशद् वसानः सुदृशीकरूपः क्षितिर्न राया पुरुवारौ अद्यौत् १५

(६२) द्विषष्टितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । अग्निर्देवता ।

त्रिष्टुप् छन्दः

ऊर्ध्व ऊ षु णौ अध्वरस्य होतृ ग्रे तिष्ठ देवताता यजीयान् ।
 त्वं हि विश्वमभ्यसि मन्म प्र वेधसश्चित् तिरसि मनीषाम् १
 अमूरो होता न्यसादि विद्वश्-ग्निर्मन्द्रो विदथेषु प्रचेताः ।
 ऊर्ध्व भानुं सवितेवाश्रे न्मेतेव धूमं स्तभायदुप द्याम् २
 यता सुजूर्णी रातिनी घृताची प्रदक्षिणिद् देवतातिमुराणः ।
 उदु स्वरुर्नवजा नाक्रः पृश्नो अनत्ति सुधितः सुमेकः ३
 स्तीर्णे बर्हिषि समिधाने अग्रा ऊर्ध्वो अध्वर्युर्जुषाणो अस्थात् ।
 पर्यग्निः पशपा न होता त्रिविष्टयेति प्रदिव उराणः ४
 परि त्मना मितद्वरेति होता ग्निर्मन्द्रो मधुवचा अतावा ।
 द्रवन्त्यस्य वाजिनो न शोका भयन्ते विश्वा भुवना यदभ्राट् ५
 भद्रा ते अग्ने स्वनीक संदृग् घोरस्य सतो विषुणस्य चारुः ।
 न यत् ते शोचिस्तमसा वरन्त न ध्वस्मानस्तन्वीरेप आ धुः ६
 न यस्य सातुर्जनिर्तोखा न मातरापितरा नू चिदिष्टौ ।
 अधा मित्रो न सुधितः पावकोरे ऽग्निर्दीदाय मानुषीषु विक्षु ७
 द्विर्य पञ्च जीजनन् त्संवसानाः स्वसारो अग्निं मानुषीषु विक्षु ।
 उषर्बुधमथर्योरे न दन्तं शुक्रं स्वासं परशुं न तिग्मम् ८
 तव ते अग्ने हरितौ घृतस्ना रोहितास अज्वञ्चः स्वञ्चः ।
 अरुषासो वृषण अजुमुष्का आ देवतातिमहन्त दस्माः ९
 ये ह ते ते सहमाना अयास स्त्वेषासो अग्ने अर्चयुश्चरन्ति ।
 श्येनासो न दुवसनासो अर्थं तुविष्वणसो मारुतं न शर्धः १०
 अकारि ब्रह्म समिधानं तुभ्यं शंसात्युक्थं यजते व्यू धाः ।

होतारमग्निं मनुषो नि षैदुर्नमस्यन्त उशिजः शंसमायोः ११

(६३) त्रिषष्टितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । अग्निर्देवता । (१)

प्रथमर्चो जगती (२-६) द्वितीयादिपञ्चानामनुष्टुप् (७-११) सप्तम्यादिपञ्चानाञ्च

त्रिष्टुप् छन्दांसि

अयमिह प्रथमो धायि धातृभिर्होता यजिष्ठो अध्वरेष्वीड्यः ।

यमप्रवानो भृगवो विरुचुर्वनैषु चित्रं विभ्वं विशेर्विशे १

अग्रे कदा ते आनुषग् भुवद् देवस्य चेतनम् ।

अधा हि त्वा जगृभिरे मर्तासो विद्वीड्यम् २

ऋतावानं विचेतसं पश्यन्तो द्यामिव स्तृभिः ।

विश्वेषामध्वराणां हस्कृत्तारं दमैदमे ३

आशुं दूतं विवस्वतो विश्वा यश्चर्षणीरभि ।

आ जभ्रुः केतुमायवो भृगवाणं विशेर्विशे ४

तमीं होतारमानुषक् चिकित्वांसं नि षैदिरे ।

रणं पावकशौचिषं यजिष्ठं सप्त धामभिः ५

तं शश्वतीषु मातृषु वन आ वीतमश्रितम् ।

चित्रं सन्तं गुहां हितं सुवेदं कूचिदर्थिनम् ६

ससस्य यद् वियुता सस्मिन्नूर्ध्वतस्य धामन् रणयन्त देवाः ।

महाँ अग्निर्मसा रातहव्यो वेरध्वराय सदमिदृतावा ७

वेरध्वरस्य दूत्यानि विद्वा नुभे अन्ता रोदसी संचिकित्वान् ।

दूत ईयसे प्रदिव उराणो विदुष्टरो दिव आरोधनानि ८

कृष्णं तु एम् रुशतः पुरो भाश्चरिष्यवश्चिर्वपुषामिदेकम् ।

यदप्रवीता दधते ह गभं सद्यश्चिज्जातो भवसीदु दूतः ९

सद्यो जातस्य ददृशानमोजो यदस्य वातो अनुवार्ति शोचिः ।

वृणक्ति तिग्मामतसेषु जिह्वां स्थिरा चिदन्ना दयते वि जम्भैः १०

तृषु यदन्ना तृषुणा ववक्ष तृषु दूतं कृणुते यहो अग्निः ।

वार्तस्य मेळिं संचते निजूर्वा न्नाशुं न वाजयते हिन्वे अर्वा ११

(६४) चतुःषष्टितमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । अग्निर्देवता ।

गायत्री छन्दः

दूतं वो विश्ववैदसं हव्यवाहुर्मर्त्यम् । यजिष्ठमृञ्जसे गिरा १
 स हि वेदा वसुधितिं मुहाँ आरोधनं दिवः । स देवाँ एह वक्षति २
 स वेद देव आनमं देवाँ ऋतायुते दमै । दाति प्रियाणि चिद् वसु ३
 स होता सेदु दूत्यं चिकित्वाँ अन्तरीयते । विद्वाँ आरोधनं दिवः ४
 ते स्याम ये अग्र्ये ददाशुर्हव्यदातिभिः । य ई पुष्यन्त इन्धते ५
 ते राया ते सुवीर्यैः ससवांसो वि शृणिवरे । ये अग्रा दधिरे दुवः ६
 अस्मे रायो दिवेदिवे सं चरन्तु पुरुस्पृहः । अस्मे वाजास ईरताम् ७
 स विप्रश्चर्षणीनां शर्वसा मानुषाणाम् । अति क्षिप्रेव विध्यति ८

(६५) पञ्चषष्टितमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । अग्निर्देवता ।

गायत्री छन्दः

अग्रै मृळ मुहाँ असि य ईमा देवयुं जनम् । इयेथ बृहिरासदम् १
 स मानुषीषु दूळभो विक्षु प्रावीर्मर्त्यः । दूतो विश्वेषां भुवत् २
 स सद्य परि णीयते होता मुन्द्रो दिर्विष्टिषु । उत पोता नि षीदति ३
 उत ग्रा अग्रिर्ध्वर उतो गृहपतिर्दमै । उत ब्रह्मा नि षीदति ४
 वेषि ह्यध्वरीयता मुपवृक्ता जनानाम् । हव्या च मानुषाणाम् ५
 वेषीद्वस्य दूत्यं यस्य जुजौषो अध्वरम् । हव्यं मर्तस्य वोळहवे ६
 अस्माकं जोष्यध्वर मुस्माकं यज्ञमङ्गिरः । अस्माकं शृणुधी हवम् ७
 परि ते दूळभो रथो ऽस्माँ अश्नोतु विश्वतः । येन रक्षसि दाशुषः ८

(६६) षट्षष्टितमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । अग्निर्देवता । (१-३)

प्रथमतृचस्य पदपङ्क्तिः (४, ६, ७) चतुर्थीषष्ठीसप्तमीनामृचां पदपङ्क्तिरुष्णिग्वा (५)

पञ्चम्या महापदपङ्क्तिः (८) अष्टम्याश्चोष्णिक छन्दांसि

अग्ने तमुद्या ऽश्वं न स्तोमैः क्रतुं न भद्रं हृदिस्पृशम् । ऋध्यामा तु ओहैः १
 अधा ह्यग्ने क्रतौर्भद्रस्य दक्षस्य साधोः । रथीर्ऋतस्य बृहतो बभूथ २

एभिर्नो अर्केर्भवा नो अर्वाङ् स्वर्णं ज्योतिः । अग्ने विश्वेभिः सुमना
अनीकैः ३

आभिष्टे अद्य गीर्भिर्गृणन्तो ऽग्ने दाशेम । प्र ते दिवो न स्तनयन्ति शुष्माः ४
तव स्वादिष्टा ऽग्ने संदृष्टि रिदा चिदहं इदा चिदुक्तोः । श्रिये रुक्मो न रौचत
उपाके ५

घृतं न पूतं तनूररेपाः शुचि हिरण्यम् । तत् ते रुक्मो न रौचत स्वधावः ६
कृतं चिद्धि ष्मा सनेमि द्वेषो ऽग्रं इनोषि मर्तात् । इत्था यजमानादृतावः ७
शिवा नः सख्या सन्तु भ्रात्रा ऽग्ने देवेषु युष्मे । सो नो नाभिः सदेने
सस्मिन्नूर्धन् ८

(६७) सप्तषष्ठितमं सूक्तम्

(१-६) षडृचस्यास्य सूक्तस्य गौतमो वामदेव ऋषिः । अग्निर्देवता । त्रिष्टुप् छन्दः
भद्रं ते अग्ने सहसिन्ननीकमुपाक आ रौचते सूर्यस्य ।
रुशद् दृशे ददृशे नक्तया चिदरूक्षितं दृश आ रूपे अन्नम् १
वि षाह्यग्ने गृणते मनीषां खं वेपसा तुविजातु स्तवानः ।
विश्वेभिर्यद् वावनः शुक्र देवैस्तन्नो रास्व सुमहो भूरि मन्म २
त्वदग्ने काव्या त्वन्मनीषा स्त्वदुक्था जायन्ते राध्यानि ।
त्वदैति द्रविणं वीरपेशा इत्थार्धिये दाशुषे मर्त्याय ३
त्वद् वाजी वाजंभरो विहाया अभिष्टिकृज्जायते सत्यशुष्मः ।
त्वद् रयिर्देवजूतो मयो भुस्त्वदाशुर्जुवाँ अग्ने अर्वा ४
त्वामग्ने प्रथमं देवयन्तो देवं मर्ता अमृत मन्द्रजिह्वम् ।
द्वेषोयुतमा विवासन्ति धीभिर्दमूनसं गृहपतिममूरम् ५
आरे अस्मदमतिमारे अंह आरे विश्वा दुर्मतिं यन्निपासि ।
दोषा शिवः सहसः सूनो अग्ने यं देव आ चित् सचसे स्वस्ति ६

(६८) अष्टषष्ठितमं सूक्तम्

(१-६) षडृचस्यास्य सूक्तस्य गौतमो वामदेव ऋषिः । अग्निर्देवता । त्रिष्टुप् छन्दः
यस्त्वामग्रं इनर्धते यतस्तुक् त्रिस्ते अन्नं कृणवत् सस्मिन्नहन् ।
स सु द्युमैरभ्यस्तु प्रसन्नत् तव क्रत्वा जातवेदश्चिकित्वान् १
इध्मं यस्तै जभरच्छश्रमाणो महो अग्ने अनीकमा संपूर्यन् ।

स इ॒ध्ना॑नः प्र॒ति दो॒षामु॒षासं॑ पु॒ष्यन् र॒यिं स॑च॒ते घ्न॑न्मि॒त्रान् २
 अ॒ग्नि॒री॒शे बृ॒हतः॑ क्ष॒त्रिय॑स्या॒ग्नि॒र्वाज॑स्य प॒रम॑स्य रा॒यः ।
 दधा॑ति रत्नं वि॒ध॒ते य॒विष्ठो॑ व्या॒नुष॑ङ्ग॒त्याय॑ स्व॒धावा॑न् ३
 यच्चि॒द्धि तै पुरु॑ष॒त्रा य॒विष्ठाऽ॒चित्ति॑भिश्च॒कृमा॑ कच्चि॒दागः॑ ।
 कृ॒धी ष्व॑श्स्माँ अ॒दि॒तेर॑ना॒गान् व्ये॑ना॒सि शि॒श्रथो॑ वि॒ष्वग॑ग्रे ४
 म॒हश्चि॑द॒ग्र ए॒नसो॑ अ॒भीक॑ ऊ॒र्वाद् दे॒वाना॑मु॒त म॒र्त्याना॑म् ।
 मा ते॒ सखा॑यः स॒दमि॑द् रि॒षाम् यच्छा॑ तो॒काय॑ त॒नया॑य॒ शं योः ५
 यथा॑ ह॒ त्यद् व॑स॒वो गौ॑र्यं चि॒त् प॒दि षि॒ताम॑मु॒ञ्चता॑ यज॒त्राः ।
 ए॒वो ष्व॑श्स्मन्मु॒ञ्चता॑ व्य॒हः प्र ता॑र्य॒ग्रे प्र॒त॒रं न॒ आरुः॑ ६

(६६) एकोनसप्ततितमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । अग्निर्लिङ्गोक्ता वा देवताः
 । त्रिष्टुप् छन्दः

प्र॒त्य॒ग्नि॒रु॒षसा॑म॒ग्रम॑ख्यद् वि॒भाती॑नां सु॒मना॑ रत्न॒धेय॑म् ।
 या॒तम॑श्चि॒ना सु॒कृ॒तो दुरो॑ण॒मुत् सूर्यो॑ ज्योति॒षा दे॒व ए॒ति १
 ऊ॒र्ध्वं भानुं॑ स॒वि॒ता दे॒वो अ॑श्नेद् द्र॒प्सं द॒विध्व॑द् ग॒विषो॑ न स॒त्वा ।
 अ॒नु व॒तं व॑रु॒णो य॒न्ति मि॒त्रो यत् सूर्यं॑ दि॒व्या॒रोह॑यन्ति २
 यं सी॒मकृ॑ण॒वन् तम॑से वि॒पृचै॑ ध्रु॒वक्षे॑मा॒ अन॑वस्यन्तो अर्थम् ।
 तं सूर्यं॑ ह॒रितः॑ स॒प्त य॒ज्ञीः स्प॒शं वि॒श्वस्य॑ ज॒गतो॑ व॒हन्ति ३
 वहि॑ष्ठेभिर्वि॒हर॑न्यासि॒ तन्तु॑ म॒व॒व्यय॑न्न॒सितं॑ दे॒व व॒स्म ।
 द॒विध्व॑तो र॒श्मयः॑ सूर्य॑स्य च॒र्मेवा॑वा॒धुस्त॑मो॒ अप्स्व॑न्तः ४
 अ॒नाय॑तो अ॒निब॑द्धः क॒थायं॑ न्य॒ङ्ङुत्तानो॑ऽव॒ पद्य॑ते न ।
 क॒या या॑ति स्व॒धया॑ को द॑दर्श दि॒व स्क॑म्भः स॒मृतः॑ पा॒ति नाक॑म् ५

(७०) सप्ततितमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । अग्निर्लिङ्गोक्ता वा देवताः ।
 त्रिष्टुप् छन्दः

प्र॒त्य॒ग्नि॒रु॒षसो॑ जा॒तवै॑दा अ॒ख्यद् दे॒वो रोच॑माना॒ महौ॑भिः ।
 आ ना॑स॒त्योरु॑गा॒या रथे॑ने॒मं य॒ज्ञमु॑प॒ नो या॑त॒मच्छ॑ १
 ऊ॒र्ध्वं के॒तुं स॒वि॒ता दे॒वो अ॑श्ने॒ ज्योति॑र्वि॒श्वस्मै॑ भु॒वना॑य कृ॒णवन् ।

आप्रा द्यावापृथिवी अन्तरिक्षं वि सूर्यो रश्मिभिश्चेकितानः २
 आवहन्त्यरुणीज्योतिषागां नमही चित्रा रश्मिभिश्चेकिताना ।
 प्रबोधयन्ती सुविताय देव्युषा ईयते सुयुजा रथेन ३
 आ वां वहिष्ठा इह ते वहन्तु रथा अश्वास उषसो व्युष्टौ ।
 इमे हि वां मधुपेयाय सोमो अस्मिन् यज्ञे वृषणा मादयेथाम् ४
 अनायतो अर्निबद्धः कथायं न्यङ्ङुत्तानोऽव पद्यते न ।
 कया याति स्वधया को ददर्श दिवः स्कम्भः समृतः पाति नाकम् ५

(७१) एकसप्ततितमं सूक्तम्

(१-१०) दशर्चस्यास्य सूक्तस्य गौतमो वामदेव ऋषिः । (१-६)

प्रथमादिषडृचामग्निः (७-८) सप्तम्यष्टम्योः साहदेव्यः सोमकः (९-१०)

नवमीदशम्योश्चाश्विनौ देवताः । गायत्री छन्दः

अग्निर्होता नो अध्वरे वाजी सन् परिणीयते । देवो देवेषु यज्ञियः १
 परि त्रिविष्टचध्वरं यात्यग्नी रथीरिव । आ देवेषु प्रयो दधत् २
 परि वार्जपतिः कवि रग्निर्हव्यान्यक्रमीत् । दधद् रत्नानि दाशुषे ३
 अयं यः सृञ्जये पुरो दैववाते समिध्यते । द्युमाँ अमित्रदम्भनः ४
 अस्य घा वीर ईवतोऽग्नेरीशीतु मर्त्यः । तिम्रजम्भस्य मीळुषः ५
 तमर्वन्तं न सानुसि मरुषं न दिवः शिशुम् । मर्मृज्यन्ते दिवेदिवे ६
 बोधद्यन्मा हरिभ्यां कुमारः साहदेव्यः । अच्छा न हूत उदरम् ७
 उत त्या यजता हरीं कुमारात् साहदेव्यात् । प्रयता सद्य आ ददे ८
 एष वां देवावश्विना कुमारः साहदेव्यः । दीर्घायुरस्तु सोमकः ९
 तं युवं दैवावश्विना कुमारं साहदेव्यम् । दीर्घायुषं कृणोतन १०

(७२) द्विसप्ततितमं सूक्तम्

(१-२१) एकविंशत्यृचस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

आ सत्यो यातु मघवाँ ऋजीषी द्रवन्त्वस्य हरय उप नः ।
 तस्मा इदन्धः सुषुमा सुदक्ष मिहाभिपित्वं करते गृणानः १
 अवस्य शूराध्वनो नान्तेऽस्मिन् नो अद्य सर्वने मन्दध्यै ।

शंसात्युक्थमुशनेव वेधाश्चिकितुषे असुर्याय मन्म २
 कविर्न निरयं विदथानि साधन् वृषा यत् सेकं विविपानो अर्चात् ।
 दिव इत्था जीजनत् सप्त कारू नह्ना चिच्चक्रुर्वयुना गृणन्तः ३
 स्वर्श्येद् वेदि सुदृशीकमर्के महि ज्योती रुरुचुर्यद्ध वस्तौः ।
 अन्धा तमांसि दुधिता विचक्षे नृभ्यश्चकार नृत्तमो अभिष्टौ ४
 ववक्ष इन्द्रो अमितमृजी ष्युभे आ पप्रौ रोदसी महित्वा ।
 अर्तश्चिदस्य महिमा वि रे च्यभि यो विश्वा भुवना बभूव ५
 विश्वानि शक्रो नर्याणि विद्वा नपो रिरिच सखिभिर्निकामैः ।
 अश्मानं चिद् ये बिभिदुर्वचौभिर्वजं गोमन्तमुशिजो वि वव्रुः ६
 अपो वृत्रं वव्रिवांसं पराहन् प्रावत् ते वज्रं पृथिवी सचैताः ।
 प्राणांसि समुद्रियाण्यैनोः पतिर्भवञ्छवसा शूर धृष्णो ७
 अपो यदद्रिं पुरुहूत दर्द राविर्भुवत् सरमा पूर्वं तै ।
 स नो नेता वाजमा दर्षि भूरि गोत्रा रुजन्नङ्गिरोभिर्गृणानः ८
 अच्छा कविं नृमणो गा अभिष्टौ स्वर्षाता मघवन्नाधमानम् ।
 ऊतिभिस्तमिषणो द्युम्रहूतौ नि मायावानब्रह्मा दस्युरर्त ९
 आ दस्युघ्ना मनसा याह्यस्तं भुवत् ते कुत्सः सख्ये निकामः ।
 स्वे योनौ नि षदत् सारूपा वि वां चिकित्सदृत्चिद्ध नारी १०
 यासि कुत्सेन स्रथमवस्यु स्तोदो वातस्य हयोरीशानः ।
 ऋज्वा वाजं न गध्यं ययूषन् कविर्यदहन् पार्याय भूषात् ११
 कुत्साय शुष्णामशुषं नि बर्हीः प्रपित्वे अहः कुर्येवं सहस्त्रा ।
 सद्यो दस्युन् प्र मृण कुत्स्येन् प्र सूरश्चक्रं वृहतादभीके १२
 त्वं इंप्रुं मृगयं शूशवांसं मृजिश्चने वैदथिनाय रन्धीः ।
 पञ्चाशत् कृष्णा नि वपः सहस्त्रा ऽत्कं न पुरौ जरिमा वि दर्दः १३
 सूर उपाके तन्वंशं दधानो वि यत् ते चेत्यमृतस्य वर्षः ।
 मृगो न हस्ती तविषीमुषाणः सिंहो न भीम आयुधानि बिभ्रत् १४
 इन्द्रं कामा वसूयन्तौ अग्नन् त्वर्मिळहे न सर्वने चकानाः ।
 श्रवस्यवः शशमानास उक्थै रोको न रणवा सुदृशीव पुष्टिः १५
 तमिद् व इन्द्रं सुहवं हुवेम यस्ता चकार नर्या पुरुणि ।
 यो मावते जरित्रे गध्यं चिन्मन्तू वाजं भरति स्पार्हराधाः १६
 तिग्मा यदन्तरशनिः पताति कस्मिञ्चिच्छूर मुहुके जनानाम् ।

घोरा यदर्यं समृतिर्भवात्यधं स्मा नस्तन्वो बोधि गोपाः १७
 भुवोऽविता वामदेवस्य धीनां भुवः सखावृको वाजसातौ ।
 त्वामनु प्रमतिमा जगन्मो रुशंसौ जरित्रे विश्वधं स्याः १८
 एभिर्नृभिर्निन्द्र त्वायुभिर्ष्ट्वा मघवर्द्धिर्मघवन् विश्वं आजौ ।
 द्यावो न द्युमैरभि सन्तौ अर्यः क्षपो मदेम शरदश्च पूर्वीः १९
 एवेदिन्द्राय वृषभाय वृष्णे ब्रह्माकर्म भृगवो न रथम् ।
 नू चिद् यथा नः सख्या वियोषदसन्न उग्रोऽविता तनूपाः २०
 नू ष्टत इन्द्र नू गृणान इषं जरित्रे नद्योऽं न पीपेः ।
 अकारि ते हरिवो ब्रह्म नव्यं धिया स्याम रथ्यः सदासाः २१

(७३) त्रिसप्ततितमं सूक्तम्

(१-२१) एकविंशत्यृचस्यास्य सूक्तस्य गौतमो वामदेव ऋषिः । इन्द्रो देवता ।

(१-१४, १६-२१) प्रथमादिचतुर्दशर्चा षोडश्यादिषण्णाञ्च त्रिष्टुप् (१५)

पञ्चदश्याश्चैकपदा विराट् छन्दसी

त्वं मुहाँ इन्द्र तुभ्यं हृ क्षा अनु क्षत्रं मुंहना मन्यत द्यौः ।
 त्वं वृत्रं शर्वसा जघन्वान् त्सृजः सिन्धूरहिना जग्रसानान् १
 तव त्विषो जनिमन् रेजत द्यौ रेजद् भूमिर्भियसा स्वस्य मन्योः ।
 ऋघायन्त सुभ्वः पर्वतास आर्दन् धन्वानि सरयन्त आपः २
 भिनद् गिरिं शर्वसा वज्रमिष्णन्नाविष्कृण्वानः सहसान ओजः ।
 वधीद् वृत्रं वज्रेण मन्दसानः सरन्नापो जर्वसा हतवृष्णीः ३
 सुवीरस्ते जनिता मन्यत द्यौ रिन्द्रस्य कर्ता स्वपस्तमो भूत् ।
 य ई जजान स्वयं सुवज्र मनपच्युतं सदसो न भूम ४
 य एक इच्चयावर्यति प्र भूमा राजा कृष्टीनां पुरुहूत इन्द्रः ।
 सत्यमैनमनु विश्वे मदन्ति रातिं देवस्य गृणतो मघोनः ५
 सत्रा सोमा अभवन्नस्य विश्वे सत्रा मदासो बृहतो मदिष्ठाः ।
 सत्राभवो वसुपतिर्वसूनां दत्रे विश्वा अधिथा इन्द्र कृष्टीः ६
 त्वमधं प्रथमं जायमानो ऽमे विश्वा अधिथा इन्द्र कृष्टीः ।
 त्वं प्रति प्रवत आशयानुमहिं वज्रेण मघवन् वि वृश्चः ७
 सत्राहणं दार्धृषिं तुम्रमिन्द्रं महामपारं वृषभं सुवज्रम् ।
 हन्ता यो वृत्रं सनितोत वाजं दाता मघानि मघवा सुराधाः ८

अयं वृत्तश्चातयते समीचीर्य आजिषु मघवा शृण्व एकः ।
 अयं वाजं भरति यं सनोत्यस्य प्रियासः सख्ये स्याम ६
 अयं शृणवे अध जयन्नुत घ्नन्नयमुत प्र कृणुते युधा गाः ।
 यदा सत्यं कृणुते मन्युमिन्द्रो विश्वं दृळ्हं भयत एजदस्मात् १०
 समिन्द्रो गा अजयत् सं हिरण्या समश्चिया मघवा यो ह पूर्वीः ।
 एभिर्नृभिर्नृतमो अस्य शाकै रायो विभक्ता सभरश्च वस्वः ११
 कियत् स्विदिन्द्रो अध्येति मातुः कियत् पितुर्जनितुर्यो जजान ।
 यो अस्य शुष्मं मुहुकैरियति वातो न जूतः स्तनयद्विरभैः १२
 क्षियन्तं त्वमक्षियन्तं कृणोती यति रेणुं मघवा समोहम् ।
 विभञ्जनुरशनिमां इव द्यौ रूत स्तोतारं मघवा वसौ धात् १३
 अयं चक्रमिषणत् सूर्यस्य न्येतशं रीरमत् ससृमाणम् ।
 आ कृष्ण ई जुहुराणो जिघर्ति त्वचो बुध्रे रजसो अस्य योनौ १४
 अस्मिन्त्यां यजमानो न होता १५
 गव्यन्त इन्द्रं सख्याय विप्रा अश्वायन्तो वृषणं वाजयन्तः ।
 जनीयन्तौ जनिदामक्षितोति मा च्यावयामोऽवृते न कोशम् १६
 त्राता नो बोधि ददृशान आपि रभिरख्याता मर्दिता सोम्यानाम् ।
 सखा पिता पितृतमः पितृणां कर्तुमु लोकमुशते वयोधाः १७
 सखीयतामविता बोधि सखा गृणान इन्द्र स्तुवते वयो धाः ।
 वयं ह्या ते चकृमा सबाध आभिः शमीभिर्महयन्त इन्द्र १८
 स्तुत इन्द्रो मघवा यद्ध वृत्रा भूरीण्येको अप्रतीनि हन्ति ।
 अस्य प्रियो जरिता यस्य शर्म न्नकिर्देवा वारयन्ते न मर्ताः १९
 एवा न इन्द्रो मघवा विरप्शी करत् सत्या चर्षणीधृदनुर्वा ।
 त्वं राजा जनुषां धेह्यस्मे अधि श्रवो माहिनुं यज्ररित्रे २०
 नू ष्टुत इन्द्र नू गृणान इषं जरित्रे नृद्योऽ न पीपेः ।
 अकारि ते हरिवो ब्रह्म नव्यं धिया स्याम रथ्यः सदासाः २१

(७४) चतुःसप्ततितमं सूक्तम्

(१-१३) त्रयोदशर्चस्यास्य सूक्तस्य (१) प्रथमर्च इन्द्रः (२-३, ४, ८-१३)
 द्वितीयातृतीययोर्ध्वतुर्थ्याः पूर्वार्धस्याष्टम्यादिषण्णाञ्च गौतमो वामदेव ऋषी (४, ५-
 ७) चतुर्थ्या उत्तरार्धस्य पञ्चम्यादितृचस्य चादितिर्ऋषिका । (१, ४, ५-७)

प्रथमर्चश्चतुर्थ्या उत्तरार्धस्य पञ्चम्यादितृचस्य च वामदेवः (२-३, ४, ८-१३)

द्वितीयातृतीययोश्चतुर्थ्याः पूर्वार्धस्याष्टम्यादिषण्णाञ्चेन्द्रो देवते । त्रिष्टुप् छन्दः

अयं पन्था अनुवित्तः पुराणो यतो देवा उदजायन्त विश्वे ।
 अतश्चिदा जनिषीष्ट प्रवृद्धो मा मातरममुया पत्तवे कः १
 नाहमतो निरया दुर्गहितत् तिरश्चता पार्श्वान्निर्गमाणि ।
 बहूनि मे अकृता कर्त्तानि युध्यै त्वेन सं त्वेन पृच्छै २
 पुरायतीं मातरमन्वचष्ट न नानु गान्यनु नू गमानि ।
 त्वष्टुर्गृहे अपिबत् सोममिन्द्रः शतधन्यं चम्बोः सुतस्य ३
 किं स ऋधक कृणवद् यं सहस्रं मासो जभारं शरदश्च पूर्वीः ।
 नही न्वस्य प्रतिमानमस्त्यन्तर्जतिषूत ये जनित्वाः ४
 अवृद्धमिव मन्यमाना गुहाक रिन्द्रं माता वीर्येणा न्यृष्टम् ।
 अथोदस्थात् स्वयमत्कं वसान् आ रोदसी अपृणाज्जायमानः ५
 एता अर्षन्त्यललाभवन्ती ऋतावरीरिव संक्रोशमानाः ।
 एता वि पृच्छ किमिदं भनन्ति कमापो अद्रिं परिधिं रुजन्ति ६
 किमु ष्विदस्मै निविदौ भनन्ते न्द्रस्यावृद्धं दिधिषन्त आपः ।
 ममैतान् पुत्रो महता वधेन वृत्रं जघन्वाँ असृजद् वि सिन्धून् ७
 ममच्चन त्वा युवतिः पुरास ममच्चन त्वा कुषवा जगार ।
 ममच्चिदापः शिशवे ममृड्यु ममच्चिदिन्द्रः सहस्रोदतिष्ठत् ८
 ममच्चन तै मघवन् व्यसो निविविध्वाँ अप हनू जघान ।
 अधा निविद्ध उत्तरो बभूवा जिह्रौ दासस्य सं इंपणग्वधेन ९
 गृष्टिः संसूव स्थविरं तवागा मनाधृष्यं वृषभं तुम्रमिन्द्रम् ।
 अरीळहं वत्सं चरथाय माता स्वयं गातुं तन्व इच्छमानम् १०
 उत माता महिषमन्ववेन दमी त्वा जहति पुत्र देवाः ।
 अथाब्रवीद् वृत्रमिन्द्रो हनिष्यन् त्सखै विष्णो वितुरं वि क्रमस्व ११
 कस्तै मातरं विधवामचक्र च्छयुं कस्त्वामजिघांसच्चरन्तम् ।
 कस्तै देवो अधि माडीक आसीद् यत् प्राक्षिणाः पितरं पादुगृह्य १२
 अवर्त्या शुनं आन्त्राणि पेचे न देवेषु विविदे मर्दितारम् ।
 अपश्यं जायाममहीयमाना मधा मे श्येनो मध्वा जभार १३

षष्ठोऽध्यायः

व० १-३०

(७५) पञ्चसप्ततितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

ए॒वा त्वा॒मिन्द्र॑ व॒ज्रिन्न॑त्र॒ विश्वे॑ दे॒वासः॑ सु॒हवा॑स॒ ऊमाः॑ ।
 मु॒हामु॑भे रोद॑सी वृ॒द्धमृ॑ष्वं निरे॒कमि॑द् वृ॒णते॑ वृ॒त्रह॑त्यै १
 अ॒वा॒सृज॑न्त॒ जिब्र॑यो न दे॒वा भुवः॑ स॒म्राळि॑न्द्र स॒त्ययो॑निः ।
 अ॒हुन्न॑हिं प॒रिश्या॑न्म॒र्णः प्र॑ वर्त॒नीर॑रदो विश्व॒धेनाः॑ २
 अ॒र्तृप॑णुवन्तं वि॒यत॑मबु॒ध्यम॑बु॒ध्यमा॑नं सुषु॒पाण॑मिन्द्र ।
 स॒प्त प्र॑ति प्र॒वत॑ आ॒श्या॑न्महिं व॒ज्रेण॑ वि रि॒णा अ॑प॒र्वन् ३
 अ॒क्षौद॑य॒च्छव॑सा॒ क्षाम॑ बु॒धं वा॑र्ण॒ वात॑स्तवि॒षीभि॑रिन्द्रः ।
 दृ॒ळहा॑न्यौ॒भ्नादु॑शमा॒न् ओ॒जो ऽवा॑भिनत् क॒कुभः॑ पर्व॒ताना॑म् ४
 अ॒भि प्र॑ द॒द्गुर्ज॑ने॒यो न॑ गर्भं रथा॑ इव प्र॒येयुः॑ सा॒कम॑द्रयः ।
 अ॒र्तर्प॑यो वि॒सृत॑ उ॒ब्ज ऊ॒र्मीन् त्वं॑ वृ॒ताँ अ॑रि॒णा इन्द्र॑ सिन्धून् ५
 त्वं मु॒हीम॑वर्नि विश्व॒धेनां॑ तुर्वी॒तये॑ व॒य्याय॑ क्षर॒न्तीम् ।
 अ॒रम॑यो नम॒सैज॑दर्शः सु॒तर॑णाँ अ॒कृणो॑रिन्द्र सिन्धून् ६
 प्रा॒गुवो॑ नभ॒न्वो॒र्न न॑ वक्वा॒ ध्वस्त्रा॑ अ॒पिन्व॑द् युव॒तीर्ऋ॑त॒ज्ञाः ।
 ध॒न्वा॒न्यज्राँ॑ अ॒पृण॑क् तृषा॒णाँ अ॒धो॒गिन्द्रः॑ स्त॒र्यो॒र्न दं॑सु॒पतीः॑ ७
 पूर्वा॑रुष॒सः श॑रद॒श्च गू॒र्ता वृ॒त्रं ज॑घ॒न्वाँ अ॑सृज॒द् वि सिन्धू॑न् ।
 परि॑ष्ठिता अ॒तृण॑द् ब॒द्धधा॑नाः सी॒रा इन्द्रः॑ स्रवि॒तवे॑ पृथि॒व्या ८
 व॒म्रीभिः॑ पु॒त्रमु॑गुवो॒ अदा॑नं नि॒वेश॑नाद्धरि॒व आ ज॑भर्थ ।
 व्य॑श्न्धो अ॒ख्यद॑हि॒माद॑दानो नि॒र्भूदु॑ख॒च्छि॒त् सम॑रन्त॒ पर्व ९
 प्र ते॑ पूर्वा॒णि कर॑णानि वि॒प्रा ऽऽवि॒द्वाँ आ॑ह वि॒दुषे॑ करा॒सि ।
 यथा॑यथा॒ वृ॒ष्ण्या॑नि स्व॒गूर्ता॑ ऽपा॒सि रा॒जन् न॑र्यावि॒वेषीः॑ १०
 नू ष्ट॑त इन्द्र॒ नू गृ॑णान॒ इषं॑ ज॒रित्रे॑ न॒द्यो॒र्न पी॑पेः ।
 अ॒कारि॑ ते ह॒रिवो॑ ब्रह्म॒ नव्यं॑ धि॒या स्या॑म र॒थ्यः सदा॑साः ११

(७६) षट्सप्ततितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

आ न॒ इन्द्रो॑ दू॒रादा न॑ आ॒सा द॑भिष्टि॒कृद॑व॒से या॑सदु॒ग्रः ।
 ओजि॑ष्ठेभिर्नृ॒पति॑र्वज्र॒बाहुः स॒ंगे स॒मत्सु॑ तुर्व॒णिः पृ॒तन्यून् १
 आ न॒ इन्द्रो॑ हरि॒भिर्या॑त्वच्छा॒ ऽर्वाची॑नोऽव॒से रा॑ध॒से च ।
 तिष्ठा॑ति व॒ज्री म॒घवा॑ वि॒रप्शी॑ मं य॒ज्ञमनु॑ नो वाज॑सातौ २
 इमं॑ य॒ज्ञं त्वम॒स्माक॑मिन्द्र॒ पुरो॑ दध॑त् सनिष्यसि॒ क्रतुं॑ नः ।
 श्व॒घ्नीव॑ वज्रिन् त्स॒नये॑ ध॒र्मानां॑ त्वया॒ वयम॑र्य आ॒जिं ज॑येम ३
 उ॒शन्नु॑ षु॒णः सु॒मना॑ उ॒पाके॑ सोम॒स्य नु॑ सु॒षुत॑स्य स्वधावः ।
 पा॒ इन्द्र॑ प्रति॒भृत॑स्य मध्वः॒ सम॑न्ध॒सा म॑मदः पृ॒ष्ठयै॑न ४
 वि॒ यो र॑र॒प्श ऋ॑षिभिर्न॒वैभि॑र्वृ॒क्षो न॑ प॒क्वः सृ॒ण्यो न॑ जेता ।
 म॒र्यो न॑ योषा॒मभि॑ मन्य॒मानो॑ ऽच्छा॒ विव॑क्मि॒ पुरु॑हूतमिन्द्रम् ५
 गिरि॑र्न यः स्व॒तवाँ॑ ऋ॒ष्व इन्द्रः॑ स॒नादे॑व स॒हसे॑ जा॒त उ॒ग्रः ।
 आ॒द॒र्ता व॒ज्रं स्थ॑वि॒रं न॑ भीम उ॒दने॑व॒ कोशं॑ वसु॒ना न्यृ॑ष्टम् ६
 न॒ यस्य॑ व॒र्ता ज॒नुषा॑ न्वस्ति॒ न रा॑ध॒स आ॑मरी॒ता म॒घस्य॑ ।
 उ॒द्धावृ॑षाणस्त॒विषी॑व उ॒ग्रा स्म॑भ्य॒ दद्धि॑ पुरु॒हूत रा॑यः ७
 ई॒क्षै रा॑यः क्ष॒यस्य॑ च॒र्षणी॑ना॒ मुत॑ व॒ज्रम॑पव॒र्तासि॑ गो॒नाम् ।
 शि॒क्षान॑रः स॒मिथे॑षु॒ प्रहा॑वान् वस्वो॒ राशि॑म॒भिने॑तासि॒ भूरि॑म् ८
 क॒या तच्छृ॑ण्वे श॒च्या श॑चि॒ष्ठो यया॑ कृ॒णोति॑ मुहु॒ का चि॑दृष्वः ।
 पुरु॑ दा॒शुषे॑ विच॒यिष्ठो॑ अ॒हो ऽथा॑ दधा॒ति द्र॑वि॒णं ज॑रि॒त्रे ९
 मा नो॑ म॒र्धीरा॑ भ॒रा द॒द्धि तन्नः॑ प्र दा॒शुषे॑ दा॒तवे॑ भूरि॒ यत् तै॑ ।
 नव्ये॑ दे॒ष्णे श॒स्ते अ॒स्मिन् ते॑ उ॒क्थे॑ प्र ब्र॒वाम॑ व॒यमिन्द्र॑ स्तुवन्तः १०
 नू॒ष्टुत॑ इन्द्र॒ नू गृ॑णान॒ इषं॑ ज॒रि॒त्रे न॒द्योऽं न॑ पी॒पेः ।
 अ॒कारि॑ ते हरि॒वो ब्र॑ह्म नव्यं॒ धिया॑ स्या॒म र॒थ्यः सदा॑साः ११

(७७) सप्तसप्ततितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

आ या॒त्विन्द्रो॑ऽव॒स उ॒प न॑ इह स्तुतः स॒धमा॑दस्तु शूरः ।
 वा॒वृ॒धान॑स्तवि॒षीर्य॑स्य॒ पूर्वी॑ द्यौर्न॒ क्षत्र॑म॒भिभू॑ति॒ पुष्या॑त् १

तस्येदिह स्तवथ वृष्ण्यानि तुविद्युमस्य तुविरार्धसो नृन् ।
 यस्य क्रतुर्विदथ्योर् न सम्राट् साह्वान् तरुत्रो अभ्यस्ति कृष्टीः २
 आ यात्विन्द्रो दिव आ पृथिव्या मक्षू समुद्रादुत वा पुरीषात् ।
 स्वर्णरादवसे नो मरुत्वान् परावतौ वा सदेनादृतस्य ३
 स्थूरस्य रायो बृहतो य ईशे तमुष्टवाम विदथेष्विन्द्रम् ।
 यो वायुना जयति गोमतीषु प्र धृष्ण्या नयति वस्यो अच्छ ४
 उप यो नमो नमसि स्तभाय त्रियर्ति वाचं जनयन् यजध्वै ।
 ऋञ्जसानः पुरुवार उक्थै रेन्द्रं कृणवीत सदेनेषु होता ५
 धिषा यदि धिषणयन्तः सरणयान् त्सदेन्तो अद्रिमौशिजस्य गोहे ।
 आ दुरोषाः पास्त्यस्य होता यो नो महान् त्संवरणेषु वह्निः ६
 सत्रा यदी भार्वरस्य वृष्णः सिषक्ति शुष्मः स्तुवते भराय ।
 गुहा यदीमौशिजस्य गोहे प्र यद् धिये प्रायसे मदाय ७
 वि यद् वरांसि पर्वतस्य वृणवे पयोभिर्जिन्वे अपां जवासि ।
 विदद् गौरस्य गवयस्य गोहे यदी वाजाय सुध्योर् वहन्ति ८
 भद्रा ते हस्ता सुकृतोत प्राणी प्रयन्तारा स्तुवते रार्ध इन्द्र ।
 का ते निषत्तिः किमु नो ममत्सि किं नोदुदु हर्षसे दातुवा उ ९
 एवा वस्व इन्द्रः सत्यः सम्रा इन्ता वृत्रं वरिवः पूरवे कः ।
 पुरुष्टुत् क्रत्वा नः शग्धि रायो भन्तीय तेऽवसो दैव्यस्य १०
 नूष्टुत इन्द्र नू गृणान इषं जरित्रे नद्योर् न पीपेः ।
 अकारि ते हरिवो ब्रह्म नव्यं धिया स्याम रथ्यः सदासाः ११

(७८) अष्टसप्ततितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

यन्न इन्द्रो जुजुषे यच्च वष्टि तन्नो महान् करति शष्म्या चित् ।
 ब्रह्म स्तोमं मघवा सोममुक्था यो अश्मानं शर्वसा बिभ्रदेति १
 वृषा वृषन्धिं चतुरश्रिमस्य नृग्रो बाहुभ्यां नृतम् शचीवान् ।
 श्रिये परुष्णीमुषमाण ऊर्णा यस्याः पर्वाणि सख्याय विव्ये २
 यो देवो देवर्तमो जायमानो महो वाजैर्भिर्महद्भिश्च शुष्मैः ।
 दधानो वज्रं बाहोरुशन्तं द्याममेन रेजयत् प्र भूर्म ३

विश्वा रोधांसि प्रवतश्च पूर्वी द्यौर्ऋष्वज्जनिमन् रेजतु क्षाः ।
 आ मातरा भरति शष्म्या गो नृवत् परिज्मन् नोनुवन्त वाताः ४
 ता तू तै इन्द्र महतो महानि विश्वेष्वित् सर्वनेषु प्रवाच्या ।
 यच्छूर धृष्णो धृषता दधृष्वानहिं वज्रेण शवसाविवेषीः ५
 ता तू तै सत्या तुविनृम्ण विश्वा प्र धेनवः सिस्रते वृष्ण ऊध्रः ।
 अधा ह त्वद् वृषमणो भियानाः प्र सिन्धवो जवसा चक्रमन्त ६
 अत्राह ते हरिवस्ता उ देवी रवोभिरिन्द्र स्तवन्त स्वसारः ।
 यत् सीमनु प्र मुचो बद्धधाना दीर्घामनु प्रसितिं स्यन्दयध्वै ७
 पिपीळे अंशुर्मद्यो न सिन्धु रा त्वा शमी शशमानस्य शक्तिः ।
 अस्मद्रथेक शुशुचानस्य यम्या आशुर्न रश्मिं तुव्योजसं गोः ८
 अस्मे वर्षिष्ठा कृणुहि ज्येष्ठा नृम्णानि सत्रा सहरे सहांसि ।
 अस्मभ्यं वृत्रा सुहनानि रन्धि जहि वर्धर्वनुषो मर्त्यस्य ९
 अस्माकमित् सु शृणुहि त्वमिन्द्राऽस्मभ्यं चित्राँ उप माहि वाजान् ।
 अस्मभ्यं विश्वा इषणः पुरंधी रस्माकं सु मघवन् बोधि गोदाः १०
 नू ष्टत इन्द्र नू गृणान इषं जरित्रे नद्योऽ न पीपेः ।
 अकारि ते हरिवो ब्रह्म नव्यं धिया स्याम रथ्यः सदासाः ११

(७९) एकोनाशीतितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । (१-७, ११)

प्रथमादिसप्तर्चामेकादश्याश्चेन्द्रः (८-१०) अष्टम्यादितृचस्येन्द्र ऋतं वा देवता ।

त्रिष्टुप् छन्दः

कथा महामवृधत् कस्य होतु र्यज्ञं जुषाणो अभि सोममूर्धः ।
 पिबन्नुशानो जुषमाणो अन्धौ ववृक्ष ऋष्वः शुचते धनाय १
 को अस्य वीरः संध्रमादमाप समानंश सुमतिभिः को अस्य ।
 कदस्य चित्रं चिकिते कदूती वृधे भुवच्छशमानस्य यज्यौः २
 कथा शृणोति हूयमानमिन्द्रः कथा शृणवन्नवसामस्य वेद ।
 का अस्य पूर्वीरुपमातयो ह कथैनमाहुः पपुर्न जरित्रे ३
 कथा सुबाधः शशमानो अस्य नशदभि द्रविणं दीध्यानः ।
 देवो भुवन्नवेदा म ऋतानां नमो जगृभ्वाँ अभि यजुजौषत् ४
 कथा कदस्या उषसो व्युष्टौ देवो मर्तस्य सख्यं जुजोष ।

क॒था कद॑स्य स॒ख्यं सखि॑भ्यो ये अ॒स्मिन् कामं॑ सु॒युजं॑ त॒तस्त्रे ५
 कि॒मादम॑त्रं स॒ख्यं सखि॑भ्यः क॒दा नु तै॑ भ्रा॒त्रं प्र ब्र॑वाम ।
 श्रि॒ये सु॒दृशो॑ व॒पु॒रस्य॑ सर्गाः स्व॒र्णं चि॒त्रत॑ममिष॒ आ गोः ६
 द्रु॒हं जिघा॑सन् ध्व॒रस॑मनि॒न्द्रां तेति॑क्ते ति॒ग्मा तु॒जसे॑ अनी॒का ।
 ऋ॒णा चि॒द् यत्र॑ ऋ॒णया॑ न उ॒ग्रो दू॒रे अ॒ज्ञाता॑ उ॒षसौ॑ ब॒बाधे ७
 ऋ॒तस्य॑ हि श॒रुधः॑ सन्ति॒ पूर्वा॑ ऋ॒तस्य॑ धी॒तिर्वृ॑जिनानि॒ हन्ति॑ ।
 ऋ॒तस्य॑ श॒लोको॑ ब॒धिरा॑ त॒तर्द॑ कर्णा॒ बुधा॑नः श॒चमा॑न आ॒योः ८
 ऋ॒तस्य॑ दृ॒ळ्हा ध॒रुणा॑नि सन्ति॒ पुरू॑णि च॒न्द्रा व॒पुषे॑ व॒पूषि॑ ।
 ऋ॒तेन॑ दी॒र्घमि॑षणन्त॒ पृक्ष॑ ऋ॒तेन॑ गा॒वं ऋ॒तमा॑ वि॒वेशुः ९
 ऋ॒तं येमा॑न ऋ॒तमि॑द् व॒नोत्पृ॑तस्य॒ शुष्म॑स्तुरया॒ उ॒ ग॒व्युः ।
 ऋ॒ताय॑ पृ॒थ्वी ब॑हु॒ले ग॑भी॒रे ऋ॒ताय॑ धे॒नू प॑र॒मे दु॑हाते १०
 नू ष्ट॒त ई॒न्द्र नू॑ गृ॒णान॑ इषं ज॒रित्रे॑ न॒द्योर्न॑ पी॒षेः ।
 अ॒कारि॑ ते ह॒रिवो॑ ब्र॒ह्म न॒व्यं धि॒या स्या॑म र॒थ्यः स॒दासाः ११

(८०) अशीतितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रो देवता । (१-
 ६, ११) प्रथमादिनवर्चामेकादश्याश्च त्रिष्टुप् (१०) दशम्याश्चानुष्टुप् छन्दसी
 का सुष्टुतिः शर्वसः सूनुमिन्द्रं मर्वाचीनं राधस आ ववर्तत् ।
 दृदिर्हि वीरो गृणते वसूनि स गोपतिर्निषिधां नो जनासः १
 स वृत्रहत्ये हव्यः स ईड्यः स सुष्टुत इन्द्रः सत्यराधाः ।
 स यामन्ना मघवा मर्त्याय ब्रह्मण्यते सुष्वये वरिवो धात् २
 तमिन्नरो वि ह्वयन्ते समीके रिक्वांसस्तन्वः कृणवत् त्राम् ।
 मिथो यत् त्यागमुभयासो अग्नन् नरस्तोकस्य तनयस्य सातौ ३
 क्रतूयन्ति क्षितयो योग उग्रा ऽऽशुषाणासौ मिथो अर्णसातौ ।
 सं यद् विशोऽववृत्रन्त युध्मा आदिन्नेम इन्द्रयन्ते अभीके ४
 आदिद्ध नेम इन्द्रियं यजन्त आदित् पृक्तिः पुरोळाशं रिरिच्यात् ।
 आदित् सोमो वि पपृच्यादसुष्वी नादिज्जुजोष वृषभं यजध्वै ५
 कृणोत्यस्मै वरिवो य इत्थेन्द्राय सोममुशते सुनोति ।
 सध्रीचीनैन मनसाविवेनन् तमित् सखायं कृणुते समत्सु ६
 य इन्द्राय सुनवत् सोममद्य पचात् पृक्तीरुत भृजाति धानाः ।

प्रति मनायोरुचथानि हर्यन् तस्मिन् दधद् वृषणं शुष्ममिन्द्रः ७
 यदा समर्य व्यचेदृघावा दीर्घं यदाजिमभ्यख्यदर्यः ।
 अचिक्रदद् वृषणं पत्न्यच्छा दुरोण आ निशितं सोमसुद्धिः ८
 भूर्यसा वस्त्रमचरत् कनीयो ऽविक्रीतो अकानिषं पुनर्यन् ।
 स भूर्यसा कनीयो नारिचीद् दीना दक्षा वि दुहन्ति प्र वाणम् ९
 क इमं दशभिर्ममेन्द्रं क्रीणाति धेनुभिः ।
 यदा वृत्राणि जङ्घन दथैनं मे पुनर्ददत् १०
 नू ष्टत इन्द्र नू गृणान इषं जरित्रे नृद्योऽं न पीपेः ।
 अकारि ते हरिवो ब्रह्म नव्यं धिया स्याम रथ्यः सदासाः ११

(८१) एकाशीतितमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

को अद्य नर्यो देवकाम उशन्निन्द्रस्य सख्यं जुजोष ।
 को वा महेऽर्वसे पार्याय समिद्धे अग्रौ सुतसौम ईद्वे १
 को नानाम् वचसा सोम्याय मनायुर्वा भवति वस्त उस्त्राः ।
 क इन्द्रस्य युज्यं कः सखित्वं को भ्रात्रं वष्टि कवये क ऊती २
 को देवानामवो अद्या वृणीते क आदित्याँ अदितिं ज्योतिरीद्वे ।
 कस्याश्विनाविन्द्रो अग्निः सुतस्यां ऽशोः पिबन्ति मनसाविवेनम् ३
 तस्मा अग्निभरितः शर्म यंस ज्योक् पश्यात् सूर्यमुच्चरन्तम् ।
 य इन्द्राय सुनवामेत्याहु नरे नर्याय नृतमाय नृणाम् ४
 न तं जिनन्ति ब्रह्मो न दुभ्रा उर्वस्मा अदितिः शर्म यंसत् ।
 प्रियः सुकृत् प्रिय इन्द्रै मनायुः प्रियः सुप्रावीः प्रियो अस्य सोमी ५
 सुप्राव्यः प्राशषाळेष वीरः सुष्वैः पत्तिं कृणुते केवलेन्द्रः ।
 नासुष्वेरापिर्न सखा न जामि दुष्प्राव्योऽवहन्तेदवाचः ६
 न रेवता पणिना सख्यमिन्द्रो ऽसुन्वता सुतपाः सं गृणीते ।
 आस्य वेदः खिदति हन्ति नृगं वि सुष्वये पत्तये केवलो भूत् ७
 इन्द्रं परेऽवरे मध्यमास इन्द्रं यान्तो ऽवसितास इन्द्रम् ।
 इन्द्रं क्षियन्त उत युध्यमाना इन्द्रं नरो वाजयन्तौ हवन्ते ८

(८२) द्व्यशीतितमं सूक्तम्

(१-७) सप्तर्चस्यास्य सूक्तस्य (१-३) प्रथमादितृचस्य गौतमो वामदेव इन्द्रो वा
(४-७) चतुर्थ्यादिचतसृणाञ्च गौतमो वामदेव ऋषिः । (१-३) प्रथमादितृचस्येन्द्र

आत्मा वा (४-७) चतुर्थ्यादिचतसृणाञ्च श्येनो देवते । त्रिष्टुप् छन्दः

अ॒हं म॒नुर॒भवं॒ सूर्य॑श्चा॒ऽहं क॒क्षीवाँ॑ ऋ॒षिर॑स्मि॒ विप्रः॑ ।
अ॒हं कु॒त्स॑मार्जु॒नेयं॑ न्यृ॒ञ्जे ऽहं॑ क॒विरु॒शना॑ पश्य॒ता मा १
अ॒हं भूमि॑मद॒दामा॑र्याया॒ऽहं वृ॒ष्टिं दा॑शुषे म॒र्त्याय॑ ।
अ॒हम॒पो अ॒नयं॑ वाव॒शाना॑ म॒र्म दे॒वासो॑ अनु॒ के॒र्तमा॑यन् २
अ॒हं पुरो॑ म॒न्दसा॒नो व्यैरं॑ न॒व सा॒कं न॑व॒तीः श॒म्बर॑स्य ।
श॒त॒त॒मं वे॒श्यं स॒र्वता॑ता दि॒वो॒दा॒सम॑ति॒थि॒ग्वं यदा॑वम् ३
प्र सु ष वि॒भ्यो म॒रुतो॑ वि॒रस्तु॑ प्र श्ये॒नः श्ये॒नेभ्य॑ आ॒शप॑त्वा ।
अ॒चक्र॑या यत् स्व॒धया॑ सु॒पर्णो॑ ह॒व्यं भ॒रन्म॑न॒वे दे॒वजु॑ष्टम् ४
भ॒रद् यदि॑ वि॒रतो॑ वे॒र्वि॒जानः॑ प॒थोरु॑णा म॒नोज॑वा अ॒सर्जि॑ ।
तूर्यं॑ य॒यौ म॒धुना॑ सो॒म्येनो॑ त श्र॒वो वि॒विदे॑ श्ये॒नो अत्र॑ ५
ऋ॒जी॒पी श्ये॒नो द॑द॒मानो॑ अ॒ंशं प॑रा॒वतः॑ श॒कुनो॑ म॒न्द्रं म॑दम् ।
सोमं॑ भ॒रद् दा॑दृहा॒णो दे॒वावा॑न् दि॒वो अ॒मुष्मा॑दु॒त्तरा॑दा॒दाय॑ ६
आ॒दाय॑ श्ये॒नो अ॒भर॑त् सोमं॑ स॒हस्रं॑ स॒वाँ अ॒युतं॑ च सा॒कम् ।
अत्रा॑ पु॒रंधि॑रजहा॒दरा॑ती॒ मदे॑ सोम॑स्य मू॒रा अ॒मूरः॑ ७

(८३) त्र्यशीतितमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । (१-४) प्रथमादिचतुर्ऋचां
श्येनः (५) पञ्चम्याश्च श्येन इन्द्रो वा देवता । (१-४) प्रथमादिचतुर्ऋचां त्रिष्टुप्

(५) पञ्चम्याश्च शक्वरी छन्दसी

ग॒र्भे नु॑ सन्न॒न्वैषा॑मवेद॒ म॒हं दे॒वानां॑ ज॒र्निमा॑न् वि॒श्वा ।
श॒तं मा॑ पु॒र आ॑र्य॒सीर॑क्ष॒न्नध॑ श्ये॒नो ज॒वसा॑ नि॒रदी॑यम् १
न घा॒ स मा॑मप॒ जोष॑ ज॒भारा॑ ऽभी॒मास॑ त्व॒क्षसा॑ वी॒र्ये॑ण ।
ई॒र्मा पु॒रंधि॑रजहा॒दरा॑ती॒ रूत॑ वा॒ताँ अ॒तर॑च्छू॒शुवानः॑ २
अ॒व॒ यच्छ॑ये॒नो अ॒स्वनी॑दध॒ द्यो वि॑ यद् यदि॒ वात॑ ऊ॒हः पु॒रंधि॑म् ।
सृ॒जद् यद॑स्मा॒ अ॒व॒ ह क्षि॑प॒ज्यां कृ॑शानु॒रस्ता॑ म॒नसा॑ भु॒रय॑न् ३
ऋ॒जि॒प्य ई॒मिन्द्रा॑वतो॒ न भु॑ज्युं श्ये॒नो ज॑भार॒ बृ॒हतो॑ अ॒धि ष्णोः॑ ।

अन्तः पतत् पतत्र्यस्य पुर्णं मधु यामनि प्रसितस्य तद् वेः ४
 अधं श्वेतं कलशं गोभिरक्तं मापिप्यानं मधवा शक्रमन्धः ।
 अध्वर्युभिः प्रयतुं मध्वो अग्रमिन्द्रो मदायुं प्रति धत् पिबध्यै शूरो मदायुं
 प्रति धत् पिबध्यै ५

(८४) चतुरशीतितमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । इन्द्र इन्द्रासोमौ वा देवते ।

त्रिष्टुप् छन्दः

त्वा युजा तव तत् सोम सख्य इन्द्रो अपो मनवे सुस्रुतस्कः ।
 अहन्नहिमरिणात् सप्त सिन्धू नपावृणोदपिहितेव खानि १
 त्वा युजा नि खिदत् सूर्यस्येन्द्रश्चक्रं सहसा सद्य इन्द्रो ।
 अधिष्णुना बृहता वर्तमानं महो द्रुहो अप विश्वायुं धायि २
 अहन्निन्द्रो अदहदग्निरिन्द्रो पुरा दस्यून् मध्यंदिनादभीके ।
 दुर्गे दुरोणे क्रत्वा न यातां पुरु सहस्रा शर्वा नि बर्हीत् ३
 विश्वस्मात् सीमधमाँ इन्द्र दस्यून् विशो दासीरकृणोरप्रशस्ताः ।
 अबाधेथाममृणतुं नि शत्रू नविन्देथामपचितिं वधत्रैः ४
 एवा सत्यं मधवाना युवं त दिन्द्रश्च सोमोर्वमश्चयं गोः ।
 आददृतमपिहितान्यश्नां रिरिचथुः चाश्चित् ततृदाना ५

(८५) पञ्चाशीतितमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । इन्द्रो देवता ।

त्रिष्टुप् छन्दः

आ नः स्तुत उप वाजैभिरूती इन्द्र याहि हरिभिर्मन्दसानः ।
 तिरश्चिदर्यः सर्वना पुरुषया द्वेषेभिर्गृणानः सत्यराधाः १
 आ हि ष्मा याति नर्यश्चिकित्वान् हूयमानः सोतृभिरुप यज्ञम् ।
 स्वश्चो यो अभीरुर्मन्यमानः सुष्वाणेभिर्मदति सं ह वीरैः २
 श्रावयेदस्य कर्णा वाजयध्यै जुष्टामनु प्र दिशं मन्दयध्यै ।
 उद्धावृषाणो राधसे तुविष्मान् करन्न इन्द्रः सुतीर्थाभयं च ३
 अच्छा यो गन्ता नाधमानमूती इत्था विप्रं हवमानं गृणन्तम् ।
 उप त्मनि दधानो धुर्याशून् त्सहस्राणि शतानि वज्रबाहुः ४

त्वोतांसो मघवन्निन्द्र विप्रा वयं ते स्याम सूरयो गृणन्तः ।
भेजानासो बृहदिवस्य राय आकाय्यस्य दावने पुरुक्षोः ५

(८६) षडशीतितमं सूक्तम्

(१-२४) चतुर्विंशत्यृचस्यास्य सूक्तस्य गौतमो वामदेव ऋषिः । (१-८, १२-२४)
प्रथमाद्यष्टर्चा द्वादश्यादित्रयोदशानाञ्चेन्द्रः (६-११) नवम्यादितृचस्य चेन्द्रोषसौ देवते
। (१-७, ६-२३) प्रथमादिसप्तर्चा नवम्यादिपञ्चदशानाञ्च गायत्री (८, २४)

अष्टमीचतुर्विंशयोश्चानुष्टुप् छन्दसी

नकिरिन्द्र त्वदुत्तरो न ज्यायाँ अस्ति वृत्रहन् । नकिरेवा यथा त्वम् १
सत्रा ते अनु कृष्टयो विश्वा चक्रेव वावृतुः । सत्रा मुहाँ असि श्रुतः २
विश्वे चनेदना त्वा देवास इन्द्र युयुधुः । यदहा नक्तमातिरः ३
यत्रोत बाधितेभ्यश्चक्रं कुत्साय युध्यते । मुषाय इन्द्र सूर्यम् ४
यत्र देवाँ ऋघायतो विश्वाँ अयुध्य एक इत् । त्वमिन्द्र वनूरहन् ५
यत्रोत मर्त्याय क मरिणा इन्द्र सूर्यम् । प्रावः शचीभिरेतशम् ६
किमादुतासि वृत्रहन् मघवन् मन्युमत्तमः । अत्राह दानुमातिरः ७
एतद् घेदुत वीर्यमिन्द्र चकर्थ पौंस्यम् । स्त्रियं यद् दुर्हणायुवं वधीर्दुहितरं
दिवः ८

दिवश्चिद् घा दुहितरं महान् महीयमानाम् । उषासमिन्द्र सं इंपणक् ९
अपोषा अनसः सरत् संइंपष्टादहं बिभ्युषी । नि यत् सीं शिश्नथद् वृषा १०
एतदस्या अनः शये सुसंइंपष्टं विपाश्या । ससारं सीं परावतः ११
उत सिन्धुं विबाल्य वितस्थानामधि क्षमि । परि ष्ठा इन्द्र मायया १२
उत शुष्णस्य धृष्ण्या प्र मृक्षो अभि वेदनम् । पुरो यदस्य सं इंपणक् १३
उत दासं कौलितुरं बृहतः पर्वतादधि । अवाहन्निन्द्र शम्बरम् १४
उत दासस्य वर्चिनः सहस्राणि शतावधीः । अधि पञ्च प्रधीरिव १५
उत त्वं पुत्रमग्रुवः परावृत्तं शतक्रतुः । उक्थेष्विन्द्र आर्भजत् १६
उत त्या तुर्वशायदू अस्नातारा शचीपतिः । इन्द्रो विद्वाँ अपारयत् १७
उत त्या सद्य आर्या सरयोरिन्द्र पारतः । अर्णाचित्ररथावधीः १८
अनु द्वा जहिता नयो ऽन्धं श्रोणं च वृत्रहन् । न तत् ते सुम्रमष्टवे १९
शतमश्मन्मयीनां पुरामिन्द्रो व्यास्यत् । दिवौदासाय दाशुषे २०
अस्वापयद् दभीतये सहस्रा त्रिंशत् हथैः । दासानामिन्द्रो मायया २१

स घेदुतासि वृत्रहन् त्समान इन्द्र गोपतिः । यस्ता विश्वानि चिच्युषे २२
 उत नूनं यदिन्द्रियं करिष्या इन्द्र पौंस्यम् । अद्या नकिष्टदा मिनत् २३
 वामं वामं त आदुरे देवो ददात्वयमा । वामं पूषा वामं भगौ वामं देवः
 करूळती २४

(८७) सप्ताशीतितमं सूक्तम्

(१-१५) पञ्चदशर्चस्यास्य सूक्तस्य गौतमो वामदेव ऋषिः । इन्द्रो देवता । (१-
 २, ४-१५) प्रथमाद्वितीययोर्ऋचोश्चतुर्थ्यादिद्वादशानाञ्च गायत्री (३) तृतीयायाश्च
 पादनिचृच्छन्दसी

कया नश्चित्र आ भुव दूती सदावृधः सखा । कया शचिष्ठया वृता १
 कस्त्वा सत्यो मदानां मंहिष्ठो मत्सदन्धसः । दृळहा चिदारुजे वसु २
 अभी षु णः सखीना मविता जरितृणाम् । शतं भवास्यूतिभिः ३
 अभी न आ ववृत्स्व चक्रं न वृत्तमवतः । नियुद्धिश्चर्षणीनाम् ४
 प्रवता हि क्रतूना मा हा पदेव गच्छसि । अभन्ति सूर्ये सचा ५
 सं यत् ते इन्द्र मन्यवः सं चक्राणि दधन्विरे । अध त्वे अध सूर्ये ६
 उत स्मा हि त्वामाहुरिन्मघवानं शचीपते । दातारमविदीधयुम् ७
 उत स्मा सद्य इत् परि शशमानाय सुन्वते । पुरु चिन्महसे वसु ८
 नहि ष्मा ते शतं चन राधो वरन्त आमुरः । न च्यौत्नानि करिष्यतः ९
 अस्माँ अवन्तु ते शत मस्मान् त्सहस्रमूतयः । अस्मान् विश्वा अभिष्टयः १०
 अस्माँ इहा वृणीष्व सख्याय स्वस्तये । महो राये दिवित्मते ११
 अस्माँ अविद्धि विश्वहेन्द्र राया परीणसा । अस्मान् विश्वाभिरूतिभिः १२
 अस्मभ्यं ताँ अपा वृधि ब्रजाँ अस्तैव गोमतः । नवाभिरिन्द्रोतिभिः १३
 अस्माकं धृष्ण्या रथौ द्युमाँ इन्द्रानपच्युतः । गव्युरश्चयुरीयते १४
 अस्माकमुत्तमं कृधि श्रवौ देवेषु सूर्य । वर्षिष्ठं द्यामिवोपरि १५

(८८) अष्टाशीतितमं सूक्तम्

(१-२४) चतुर्विंशत्यृचस्यास्य सूक्तस्य गौतमो वामदेव ऋषिः । (१-२२)
 प्रथमादिद्वाविंशत्यृचामिन्द्रः (२३-२४) त्रयोविंशीचतुर्विंशयोश्चेन्द्रस्याश्वौ देवताः ।
 गायत्री छन्दः

आ तू न इन्द्र वृत्रह न्नास्माकमर्धमा गहि । महान् महीभिरूतिभिः १

भूमिश्चिद् घासि तूतुजि रा चित्र चित्रिणीष्वा । चित्रं कृणोष्युतये २
 दुध्रेभिश्चिच्छशीयांसं हंसि ब्राधन्तमोजसा । सखिभिर्ये त्वे सचा ३
 वयमिन्द्र त्वे सचा वयं त्वाभि नौनुमः । अस्माँअस्माँ इदुदव ४
 स नश्चित्राभिरद्विवो ऽनवृद्याभिरूतिभिः । अनाधृष्टाभिरा गंहि ५
 भूयामो षु त्वावतः सखाय इन्द्र गोमतः । युजो वाजाय घृष्वये ६
 त्वं ह्येक ईशिष इन्द्र वाजस्य गोमतः । स नो यन्धि महीमिषम् ७
 न त्वा वरन्ते अन्यथा यद् दित्ससि स्तुतो मघम् । स्तोतृभ्य इन्द्र गिर्वणः ८
 अभि त्वा गोतमा गिरा ऽनूषत प्र दावने । इन्द्र वाजाय घृष्वये ९
 प्र तै वोचाम वीर्यां या मन्दसान आरुजः । पुरो दासीरभीत्य १०
 ता तै गृणन्ति वेधसो यानि चकथ पौस्या । सुतेष्विन्द्र गिर्वणः ११
 अवीवृधन्त गोतमा इन्द्र त्वे स्तोमवाहसः । ऐषु धा वीरवद् यशः १२
 यच्चिद्धि शश्वतामसीन्द्र साधारणस्त्वम् । तं त्वा वयं हवामहे १३
 अर्वाचीनो वसो भवा ऽस्मे सु मत्स्वान्धसः । सोमानामिन्द्र सोमपाः १४
 अस्माकं त्वा मतीना मा स्तोम इन्द्र यच्छतु । अर्वागा वर्तया हरी १५
 पुरोळाशं च नो घसो जोषयासे गिरश्च नः । वधूयुरिव योषणाम् १६
 सहस्रं व्यतीनां युक्तानामिन्द्रमीमहे । शतं सोमस्य खार्यः १७
 सहस्रा ते शता वयं गवामा च्यावयामसि । अस्मन्ना राध एतु ते १८
 दश ते कलशानां हिरण्यानामधीमहि । भूरिदा असि वृत्रहन् १९
 भूरिदा भूरि देहि नो मा दुभ्रं भूर्या भर । भूरि घेदिन्द्र दित्ससि २०
 भूरिदा ह्यसि श्रुतः पुरुत्रा शूर वृत्रहन् । आ नो भजस्व राधसि २१
 प्र तै बभू विचक्षणं शंसामि गोषणो नपात् । माभ्यां गा अनु शिश्रथः २२
 कनीनकेव विद्रुधे नवे द्रुपदे अर्भके । बभू यामेषु शोभेते २३
 अरं म उस्त्रयाम्णे ऽरमनुस्त्रयाम्णे । बभू यामेष्वस्त्रिधा २४

(८६) एकोननवतितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । ऋभवो देवताः ।

त्रिष्टुप् छन्दः

प्र ऋभुभ्यो दूतमिव वाचमिष्य उपस्तिरे श्वेतरिं धेनुमीळे ।
 ये वार्तजूतास्तरणिभिरेवैः परि द्यां सद्यो अपसौ बभूवुः १

यदारमक्रन्मृभवः पितृभ्यां परिविष्टी वेषणा दंसनाभिः ।
 आदिद् देवानामुप सख्यमायन् धीरांसः पुष्टिमवहन् मनायै २
 पुनर्ये चक्रुः पितरा युवाना सना यूपैव जरणा शयाना ।
 ते वाजो विभ्वाँ ऋभुरिन्द्रवन्तो मधुप्सरसो नोऽवन्तु यज्ञम् ३
 यत् संवत्समृभवो गामरक्षन् यत् संवत्समृभवो मा अपिशन् ।
 यत् संवत्समभरन् भासौ अस्यास्ताभिः शमीभिरमृतत्वमाशुः ४
 ज्येष्ठ आह चमसा द्वा करेति कनीयान् त्रीन् कृण्वामेत्याह ।
 कनिष्ठ आह चतुरस्करेति त्वष्ट ऋभवस्तत् पनयद् वचौ वः ५
 सत्यमूचुरर् एवा हि चक्रु रनु स्वधामृभवो जग्मुरेताम् ।
 विभ्राजमानांश्चमसाँ अहेवाऽवैनत् त्वष्टा चतुरौ ददृश्वान् ६
 द्वादश द्यून् यदगौह्यस्याऽऽतिथ्ये रणन्मृभवः ससन्तः ।
 सुक्षेत्राकृण्वन्नयन्त सिन्धून् धन्वातिष्ठन्नोषधीर्निघ्नमार्षः ७
 रथं ये चक्रुः सुवृत्तं नरेष्ठां ये धेनुं विश्वजुर्व विश्वरूपाम् ।
 त आ तक्षन्त्वृभवो रयिं नः स्ववसः स्वपसः सुहस्ताः ८
 अपो ह्येषामजुषन्त देवा अभि क्रत्वा मनसा दीध्यानाः ।
 वाजो देवानामभवत् सुकर्मेन्द्रस्य ऋभुक्षा वरुणस्य विभ्वा ९
 ये हरी मेधयोवथा मरन्त इन्द्राय चक्रुः सुयुजा ये अश्वा ।
 ते रायस्पोषं द्रविणान्यस्मे धत्त ऋभवः क्षेमयन्तो न मित्रम् १०
 इदाहः पीतिमुत वो मदं धुर्न ऋते श्रान्तस्य सख्याय देवाः ।
 ते नूनमस्मे ऋभवो वसूनि तृतीयै अस्मिन् त्सर्वने दधात ११

(६०) नवतितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । ऋभवो देवताः ।

त्रिष्टुप् छन्दः

ऋभुर्विभ्वा वाज इन्द्रो नो अच्छे मं यज्ञं रत्नधेयोप यात ।
 इदा हि वो धिषणा देव्यहा मधात् पीतिं सं मदा अगमता वः १
 विदानासो जन्मनो वाजरत्ना उत ऋतुभिर्ऋभवो मादयध्वम् ।
 सं वो मदा अगमत् सं पुरंधिः सुवीरामस्मे रयिमेरयध्वम् २
 अयं वो यज्ञ ऋभवोऽकारि यमा मनुष्वत् प्रदिवो दधिध्वे ।
 प्र वोऽच्छा जुजुषाणासौ अस्थु रभूत विश्वे अग्रियोत वाजाः ३

अ॒भूदु वो वि॒धते र॒त्न॒धेय॑ मि॒दा न॑रो दा॒शुषे॑ म॒र्त्याय॑ ।
 पि॒बेत वा॒जा ऋ॒भवो॑ द॒दे वो॒ महि॑ तृतीयं सर्व॒नं म॑दाय ४
 आ वा॒जा या॒तोप॑ न ऋ॒भुक्षा म॒हो न॑रो द्रवि॒णसो॑ गृ॒णानाः॑ ।
 आ वः॑ पी॒तयोऽभि॑पि॒त्वे अ॒ह्ना मि॒मा अ॒स्तं न॒व॒स्व इ॒व ग॒मन् ५
 आ न॑पातः शव॒सो या॒त॒नोपे॑ मं य॒ज्ञं न॑म॒सा हू॒यमा॑नाः ।
 स॒जोष॑सः सूर॒यो यस्य॑ च॒ स्थ म॒ध्वः पा॒त र॒त्न॒धा इन्द्र॑वन्तः ६
 स॒जोषा॑ इन्द्र वरु॒णेन॒ सोम॑ स॒जोषाः॑ पा॒हि गि॒र्व॒णो म॒रुद्भिः॑ ।
 अ॒ग्रेपा॑भिर्ऋ॒तुपा॑भिः स॒जोषा॑ ग्रास्प॒तीभी॑ र॒त्न॒धाभिः॑ स॒जोषाः॑ ७
 स॒जोष॑स आ॒दित्यै॑र्मा॒दय॑ध्वं स॒जोष॑स ऋ॒भवः॑ पर्व॒तेभिः॑ ।
 स॒जोष॑सो दै॒व्यैना॑ स॒वित्रा॑ स॒जोष॑सः सि॒न्धुभी॑ र॒त्न॒धेभिः॑ ८
 ये अ॒श्विना॑ ये पि॒तरा॑ य ऊ॒ती धे॒नुं त॑त॒क्षुर्ऋ॒भवो॑ ये अ॒श्वा ।
 ये अ॒स॒त्रा य ऋ॒ध॒ग्रोद॑सी ये वि॒भवो॑ नरः स्व॒प॒त्यानि॑ च॒क्रुः ९
 ये गो॑म॒न्तं वा॒ज॒वन्तं॑ सु॒वीरं॑ र॒यिं ध॒त्थ व॑सु॒मन्तं॑ पु॒रु॒क्षुम् ।
 ते अ॒ग्रेपा॑ ऋ॒भवो॑ म॒न्दसा॑ना अ॒स्मे ध॑त्त॒ ये च॑ रा॒तिं गृ॑णन्ति १०
 नापा॑भूत॒ न वोऽती॑तृषामा॒ऽनिःश॑स्ता ऋ॒भवो॑ य॒ज्ञे अ॒स्मिन् ।
 स॒मिन्द्रे॑ण म॒द॒थ सं म॒रुद्भिः॑ सं रा॒ज॒भी र॒त्न॒धेया॑य दे॒वाः ११

(६१) एकनवतितमं सूक्तम्

(१-६) नवर्चस्यास्य सूक्तस्य गौतमो वामदेव ऋषिः । ऋभवो देवताः ।

त्रिष्टुप् छन्दः

इ॒होप॑ या॒त श॒व॒सो न॑पातः सौ॒ध॒न्वना॑ ऋ॒भवो॑ मा॒प॒ भूत॑ ।
 अ॒स्मिन् हि वः॑ सर्व॒ने र॒त्न॒धेयं॑ ग॒म॒न्त्विन्द्र॑म॒नु वो॒ म॑दा॒सः १
 आ॒ग॒न्त्र॒भूणामि॒ह र॒त्न॒धेय॑म॒भूत् सोम॑स्य सु॒षु॒तस्य॑ पी॒तिः ।
 सु॒कृ॒त्यया॑ यत् स्व॒प॒स्यया॑ चँ॒ एकं॑ वि॒च॒क्र च॑म॒सं च॑तु॒र्धा २
 व्य॑कृ॒णोत॑ च॒म॒सं च॑तु॒र्धा स॒खे वि॑ शि॒क्षे॒त्यब्र॑वीत् ।
 अथै॒त वा॒जा अ॒मृत॑स्य प॒न्था॑ ग॒णं दे॒वाना॑मृ॒भवः॑ सु॒हस्ताः॑ ३
 किं॒मयः॑ स्वि॒द्यम॒स एष॑ आ॒स यं का॒व्येन॑ च॒तुरौ॑ वि॒च॒क्र ।
 अथा॑ सु॒नु॒ध्वं सर्व॒नं म॑दा॒य पा॒त ऋ॒भवो॑ म॒धुनः॑ सो॒म्यस्य॑ ४
 श॒च्या॒कर्त॑ पि॒तरा॑ यु॒वा॒ना श॒च्या॒कर्त॑ च॒म॒सं दै॒व॒पान॑म् ।
 श॒च्या॒ हरी॑ ध॒नु॒तरा॑व॒तष्टे॑ न्द्रवा॒हावृ॑भवो वा॒ज॒रत्नाः॑ ५

यो वः सुनोत्यभिपित्वे अह्ना तीव्रं वाजासः सर्वान् मदाय ।
 तस्मै रयिमृभवः सर्ववीरमा तक्षत वृषणो मन्दसानाः ६
 प्रातः सुतमपिबो हर्यश्च माध्यदिनं सर्वान् केवलं ते ।
 समृभुभिः पिबस्व रत्नधेभिः सर्वायाँ इन्द्र चकृषे सुकृत्या ७
 ये देवासो अभवता सुकृत्या श्येना इवेदधि दिवि निषेद ।
 ते रत्नं धात शवसो नपातः सौधन्वना अभवतामृतासः ८
 यत् तृतीयं सर्वान् रत्नधेय मकृणुध्वं स्वपस्या सुहस्ताः ।
 तदृभवः परिषिक्तं व एतत् सं मदभिरिन्द्रियेभिः पिबध्वम् ९

(६२) द्विनवतितमं सूक्तम्

(१-६) नवर्चस्यास्य सूक्तस्य गौतमो वामदेव ऋषिः । ऋभवो देवताः । (१-८)

प्रथमाद्यष्टर्चा जगती (६) नवम्याश्च त्रिष्टुप् छन्दसी

अनश्चो जातो अनभीशुरुक्थ्योऽरथस्त्रिचक्रः परि वर्तते रजः ।
 महत् तद् वो देव्यस्य प्रवाचनं द्यामृभवः पृथिवीं यच्च पुष्यथ १
 रथं ये चक्रुः सुवृतं सुचेतसो ऽविह्वरन्तं मनसस्परि ध्यया ।
 ताँ ऊ न्वशस्य सर्वनस्य पीतय आ वो वाजा ऋभवो वेदयामसि २
 तद् वो वाजा ऋभवः सुप्रवाचनं देवेषु विभ्वो अभवन्महित्वनम् ।
 जिब्री यत् सन्ता पितरा सनाजुरा पुनर्युवाना चरथाय तक्षथ ३
 एकं वि चक्र चमसं चतुर्वयं निश्चर्मणो गामरिणीत धीतिभिः ।
 अथा देवेष्वमृतत्वमानश श्रुष्टी वाजा ऋभवस्तद् व उक्थ्यम् ४
 ऋभुतो रयिः प्रथमश्रवस्तमो वाजश्रुतासो यमजीजनन् नरः ।
 विभ्वतष्टो विदथेषु प्रवाच्यो यं देवासोऽवथा स विचर्षणिः ५
 स वाज्यर्वा स ऋषिर्वचस्यया स शूरो अस्ता पृतनासु दुष्टरः ।
 स रायस्पोषं स सुवीर्यं दधे यं वाजो विभ्वाँ ऋभवो यमाविषुः ६
 श्रेष्ठं वः पेशो अधि धायि दर्शतं स्तोमो वाजा ऋभवस्तं जुजुष्टन ।
 धीरासो हि ष्ठा कवयो विपश्चितस्तान् व एना ब्रह्मणा वेदयामसि ७
 यूयमस्मभ्यं धिषणाभ्यस्परि विद्वांसो विश्वा नर्याणि भोजना ।
 हुमन्तं वाजं वृषशुष्ममुत्तममा नो रयिमृभवस्तक्षता वयः ८
 इह प्रजामिह रयिं रराणा इह श्रवो वीरवत् तक्षता नः ।
 येन वयं चितयेमात्यन्यान् तं वाजं चित्रमृभवो ददा नः ९

(६३) त्रिनवतितमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । ऋभवो देवताः । (१-४)

प्रथमादिचतुर्ऋचां त्रिष्टुप् (५-८) पञ्चम्यादिचतसृणाञ्चानुष्टुप् छन्दसी
 उप नो वाजा अध्वरमृभुक्षा देवा यात पृथिभिर्देवयानैः ।
 यथा यज्ञं मनुषो विद्ध्वाऽसु दधिध्वे रणवाः सुदिनेष्वहाम् १
 ते वो हृदे मनसे सन्तु यज्ञा जुष्टासो अद्य घृतनिर्णिजो गुः ।
 प्र वः सुतासौ हरयन्त पूर्णाः क्रत्वे दक्षाय हर्षयन्त पीताः २
 त्र्युदायं देवहितं यथा वः स्तोमो वाजा ऋभुक्षणे ददे वः ।
 जुह्वे मनुष्वदुपरासु विक्षु युष्मे सचा बृहद्विवेषु सोमम् ३
 पीवोऽश्वाः शुचद्रथा हि भूताऽयःशिप्रा वाजिनः सुनिष्काः ।
 इन्द्रस्य सूनो शवसो नपातोऽनु वञ्चेत्यग्रियं मदाय ४
 ऋभुमृभुक्षणे रयिं वाजै वाजिन्तमं युजम् ।
 इन्द्रस्वन्तं हवामहे सदासातममश्विनम् ५
 सेदृभवो यमवथ यूयमिन्द्रश्च मर्त्यम् ।
 स धीभिरस्तु सनिता मेधसाता सो अर्वता ६
 वि नो वाजा ऋभुक्षणः पृथश्चितन यष्टवे ।
 अस्मभ्यं सूरयः स्तुता विश्वा आशास्तरिषणि ७
 तं नो वाजा ऋभुक्षणे इन्द्र नासत्या रयिम् ।
 समश्वं चर्षणिभ्य आ पुरु शस्त मघत्तये ८

(६४) चतुर्नवतितमं सूक्तम्

(१-१०) दशर्चस्यास्य सूक्तस्य गौतमो वामदेव ऋषिः । (१) प्रथमर्चो

द्यावापृथिव्यौ (२-१०) द्वितीयादिनवानाञ्च दधिक्रा देवताः । त्रिष्टुप् छन्दः
 उतो हि वा दात्रा सन्ति पूर्वा या पूरुभ्यस्त्रसदस्युर्नितोशे ।
 क्षेत्रासां ददथुरुर्वरासां घनं दस्युभ्यो अभिभूतिमुग्रम् १
 उत वाजिनं पुरुनिषिध्वानं दधिक्रामुं ददथुर्विश्वकृष्टिम् ।
 ऋजिप्यं श्येनं प्रुषितप्सुमाशुं चर्कृत्यमर्यो नृपतिं न शूरम् २
 यं सीमनु प्रवतैव द्रवन्तं विश्वः पूरुर्मदति हर्षमाणः ।
 पडिभर्गृध्यन्तं मेधयुं न शूरं रथतुरं वार्तमिव ध्रजन्तम् ३
 यः स्मारुन्धानो गध्या समत्सु सनुतरश्चरति गोषु गच्छन् ।

आविर्ऋजीको विदथा निचिक्यत् तिरो अरतिं पर्याप आयोः ४
 उत स्मैनं वस्त्रमथिं न तायु मनु क्रोशन्ति क्षितयो भरेषु ।
 नीचार्यमानं जसुरिं न श्येनं श्रवश्चाच्छा पशमच्च यूथम् ५
 उत स्मासु प्रथमः सरिष्यन् नि वैवेति श्रेणिभी रथानाम् ।
 स्रजं कृणवानो जन्यो न शुभ्वा रेणुं रेरिहत् किरणं ददृश्वान् ६
 उत स्य वाजी सहुरिर्ऋतावा शुश्रूषमाणस्तन्वा समर्ये ।
 तुरं यतीषु तुरयन्नृजिप्यो ऽधि भ्रुवोः किरते रेणुमृञ्जन् ७
 उत स्मास्य तन्यतोरिव द्यो ऋघायतो अभियुजौ भयन्ते ।
 यदा सहस्रमभि षीमयोधीद् दुर्वतुः स्मा भवति भीम ऋञ्जन् ८
 उत स्मास्य पनयन्ति जना जूतिं कृष्टिप्रो अभिभूतिमाशोः ।
 उतैनमाहुः समिथे वियन्तः परा दधिक्रा असरत् सहस्रैः ९
 आ दधिक्राः शर्वसा पञ्च कृष्टीः सूर्य इव ज्योतिषापस्ततान् ।
 सहस्रसाः शतसा वाज्यर्वा पृणक्तु मध्वा समिमा वर्चासि १०

(६५) पञ्चनवतितमं सूक्तम्

(१-६) षडृचस्यास्य सूक्तस्य गौतमो वामदेव ऋषिः । दधिक्रा देवता । (१-५)

प्रथमादिपञ्चर्चा त्रिष्टुप् (६) षष्ठ्याश्चानुष्टुप् छन्दसी

आशुं दधिक्रां तमु नु ष्टवाम दिवस्पृथिव्या उत चर्किराम ।
 उच्छन्तीर्माषसः सूदयन्त्वति विश्वानि दुरितानि पर्षन् १
 महश्चर्कर्म्यर्वतः क्रतुप्रा दधिक्राव्णोः पुरुवारस्य वृष्णः ।
 यं पुरुभ्यो दीदिवांसं नाग्निं ददथुर्मित्रावरुणा ततुरिम् २
 यो अश्वस्य दधिक्राव्णो अकारीत् समिद्धे अग्रा उषसो व्युष्टौ ।
 अनागसं तमदितिः कृणोतु स मित्रेण वरुणेना सजोषाः ३
 दधिक्राव्णो इष ऊर्जो महो य दमन्महि मरुतां नाम भद्रम् ।
 स्वस्तये वरुणं इमत्रमग्निं हवामह इन्द्रं वज्रबाहुम् ४
 इन्द्रमिवेदुभये वि ह्वयन्त उदीराणा यज्ञमुपप्रयन्तः ।
 दधिक्रामु सूदनं मर्त्याय ददथुर्मित्रावरुणा नो अश्वम् ५
 दधिक्राव्णो अकारिषं जिष्णोरश्वस्य वाजिनः ।
 सुरभि नो मुखं कर्त्तु प्र ण आयूषि तारिषत् ६

(६६) षण्णवतितमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । (१-४) प्रथमादिचतुर्ऋचां दधिक्राः (५) पञ्चम्याश्च सूर्यो देवते । (१) प्रथमर्चस्त्रिष्टुप् (२-५)

द्वितीयादिचतसृणाञ्च जगती छन्दसी

दुधिक्राव्ण इदु नु चर्किराम विश्वा इन्मामुषसः सूदयन्तु ।
अपामग्रेरुषसः सूर्यस्य बृहस्पतैराङ्गिरसस्य जिष्णोः १
सत्वा भरिषो गविषो दुवन्यस च्छचफद्धवस्यादिष उषसस्तुरगयसत् ।
सत्यो द्रवो द्रवुरः पतङ्गुरो दधिक्रावेषमूर्ज स्वर्जनत् २
उत स्मास्य द्रवतस्तुरगयतः पूर्णं न वेरनु वाति प्रगर्धिनः ।
श्येनस्यैव धर्जतो अङ्कुसं परि दधिक्राव्णः सहोर्जा तरित्रतः ३
उत स्य वाजी क्षिपणिं तुरगयति ग्रीवाया बद्धो अपिकक्ष आसनि ।
क्रतुं दधिक्रा अनु संतवीत्वत् पथामङ्गांस्यन्वापनीफणत् ४
हंसः शचिषद् वसुरन्तरिक्षस द्योता वेदिषदतिथिर्दुरोणसत् ।
नृषद् वरसदृतसद् व्योमस दुब्जा गोजा ऋतजा अद्रिजा ऋतम् ५

(६७) सप्तनवतितमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । इन्द्रावरुणौ देवते ।

त्रिष्टुप् छन्दः

इन्द्रा को वां वरुणा सुम्रमापु स्तोमो हविष्माँ अमृतो न होता ।
यो वां हृदि क्रतुमाँ अस्मदुक्तः पुस्पशदिन्द्रावरुणा नमस्वान् १
इन्द्रा ह यो वरुणा चक्र आपी देवौ मर्तः सख्याय प्रयस्वान् ।
स हन्ति वृत्रा समिथेषु शत्रू नवोभिर्वा महद्भिः स प्र शृणवे २
इन्द्रा ह रत्नं वरुणा धेष्टे तथा नृभ्यः शशमानेभ्यस्ता ।
यदी सखाया सख्याय सोमैः सुतेभिः सुप्रयसा मादयैते ३
इन्द्रा युवं वरुणा दिद्युमस्मि न्नोजिष्ठमुग्रा नि वधिष्टं वज्रम् ।
यो नो दुरेवो वृकतिर्दभीति स्तस्मिन् मिमाथामभिभूत्योर्जः ४
इन्द्रा युवं वरुणा भूतमस्या धियः प्रेतारी वृषभेव धेनोः ।
सा नो दुहीयद् यवसेव गृत्वी सहस्रधारा पर्यसा मही गौः ५
तोके हिते तेनय उर्वरासु सूरौ दृशीके वृषणश्च पौंस्यै ।
इन्द्रा नो अत्र वरुणा स्यातामवोभिर्दस्मा परितक्म्यायाम् ६

युवामिद्धयवसे पूर्व्याय परि प्रभूती गुविषः स्वापी ।
 वृणीमहे सख्याय प्रियाय शूरा मंहिष्ठा पितरैव शंभू ७
 ता वां धियोऽवसे वाजयन्ती राजिं न जग्मुर्यवयूः सुदानू ।
 श्रिये न गाव उष सोममस्थु रिन्द्रं गिरो वरुणं मे मनीषाः ८
 इमा इन्द्रं वरुणं मे मनीषा अगमन्नुप द्रविणमिच्छमानाः ।
 उपैमस्थुर्जोष्टार इव वस्वो रध्वीरिव श्रवसो भिक्षमाणाः ९
 अश्वयस्य तमना रथ्यस्य पुष्टे नित्यस्य रायः पतयः स्याम ।
 ता चक्राणा ऊतिभिर्नव्यसीभि रस्मत्रा रायौ नियुतः सचन्ताम् १०
 आ नो बृहन्ता बृहतीभिरूती इन्द्र यातं वरुण वाजसातौ ।
 यद् दिद्यवः पृतनासु प्रक्रीळान् तस्य वां स्याम सनितार आजेः ११

(६८) अष्टनवतितमं सूक्तम्

(१-१०) दशर्चस्यास्य सूक्तस्य पौरकुत्स्यस्त्रसदस्युर्ऋषिः । (१-६)
 प्रथमादिषड्चामात्मा (७-१०) सप्तम्यादिचतसृणाञ्चेन्द्रावरुणौ देवताः ।

त्रिष्टुप् छन्दः

मम द्विता राष्ट्रं क्षत्रियस्य विश्वायोर्विश्वे अमृता यथा नः ।
 क्रतुं सचन्ते वरुणस्य देवा राजामि कृष्टेरुपमस्य वव्रेः १
 अहं राजा वरुणो मह्यं तान्यसुर्याणि प्रथमा धारयन्त ।
 क्रतुं सचन्ते वरुणस्य देवा राजामि कृष्टेरुपमस्य वव्रेः २
 अहमिन्द्रो वरुणस्ते महित्वो र्वी गर्भीरे रजसी सुमेकै ।
 त्वष्टेव विश्वा भुवनानि विद्वान् त्समैरयं रोदसी धारय च ३
 अहमपो अपिन्वमुक्षमाणा धारयं दिवं सदन ऋतस्य ।
 ऋतेन पुत्रो अदितेर्ऋतावो त त्रिधातु प्रथयद् वि भूम ४
 मां नरः स्वश्वा वाजयन्तो मां वृताः समरणे हवन्ते ।
 कृणोम्याजिं मघवाहमिन्द्र इयमि रेणुमभिभूत्योजाः ५
 अहं ता विश्वा चकरं नकिर्मा दैव्यं सहो वरते अप्रतीतम् ।
 यन्मा सोमासो ममदन्यदुक्थो भे भयेते रजसी अपारे ६
 विदुष्टे विश्वा भुवनानि तस्य ता प्र ब्रवीषि वरुणाय वेधः ।
 त्वं वृत्राणि शृणिवषे जघन्वान् त्वं वृताँ अरिणा इन्द्र सिन्धून् ७
 अस्माकमत्र पितरस्त आसन् त्सप्त ऋषयो दौर्गहे बुध्यमाने ।

त आर्यजन्त त्रसदस्युमस्या इन्द्रं न वृत्रतुरमर्धदेवम् ८
 पुरुकुत्सानी हि वामदाश ह्रव्येभिरिन्द्रावरुणा नमोभिः ।
 अथा राजानं त्रसदस्युमस्या वृत्रहणं ददथुरर्धदेवम् ९
 राया वयं ससवांसौ मदेम ह्रव्येन देवा यवसेन गावः ।
 तां धेनुमिन्द्रावरुणा युवं नो विश्वाहा धत्तमनपस्फुरन्तीम् १०

(६६) नवनवतितमं सूक्तम्

(१-७) सप्तर्चस्यास्य सूक्तस्य सौहोत्रौ पुरुमीळहाजमीळ्हावृषी । अश्विनौ देवते ।

त्रिष्टुप् छन्दः

क उ श्रवत् कतमो यज्ञियानां वन्दारु देवः कतमो जुषाते ।
 कस्येमां देवीममृतैषु प्रेष्ठा हृदि श्रेषाम सुष्टुतिं सुह्रव्याम् १
 को मृळाति कतम आगमिष्ठो देवानामु कतमः शंभविष्ठः ।
 रथं कर्माहुर्द्वदश्वमाशं यं सूर्यस्य दुहितावृणीत २
 मक्षू हि ष्मा गच्छथ ईवतो द्यू निन्द्रो न शक्तिं परितक्म्यायाम् ।
 दिव आजाता दिव्या सुपर्णा कया शचीनां भवथः शचिष्ठा ३
 का वा भूदुपमातिः कया न आश्विना गमथो हूयमाना ।
 को वा महश्चित् त्यजसो अभीक उरुष्यत माध्वी दस्त्रा न ऊती ४
 उरु वां रथः परि नक्षति द्यामा यत् समुद्रादभि वर्तते वाम् ।
 मध्वा माध्वी मधु वां प्रुषायन् यत् सीं वां पृक्षौ भुरजन्त पक्वाः ५
 सिन्धुर्ह वां रसया सिञ्चदश्वान् घृणा वयोऽरुषासः परि गमन् ।
 तदू षु वामजिरं चेति यानुं येन पती भवथः सूर्यायाः ६
 इहेह यद् वां समना पपृक्षे सेयमस्मे सुमतिवाजरत्ना ।
 उरुष्यत जरितारं युवं ह श्रितः कामौ नासत्या युवद्रिक् ७

(१००) शततमं सूक्तम्

(१-७) सप्तर्चस्यास्य सूक्तस्य सौहोत्रौ पुरुमीळहाजमीळ्हावृषी । अश्विनौ देवते ।

त्रिष्टुप् छन्दः

तं वां रथं वयमद्या हुवेम पृथुज्यमश्विना संगतिं गोः ।
 यः सूर्या वहति वन्धुरायुर्गिर्वाहसं पुरुतमं वसूयुम् १
 युवं श्रियमश्विना देवता तां दिवौ नपाता वनथः शचीभिः ।

युवोर्वपूरभि पृक्षः सचन्ते वहन्ति यत् कंकुहासो रथे वाम् २
 को वामद्या करते रातहव्य ऊतयै वा सुतपेयाय वाकैः ।
 अतस्य वा वनुषै पूव्याय नमो येमानो अश्विना ववर्तत् ३
 हिरण्ययेन पुरुभू रथेने मं यज्ञं नासत्योप यातम् ।
 पिबाथ इन्मधुनः सोम्यस्य दधथो रत्नं विधते जनाय ४
 आ नो यातं दिवो अच्छा पृथिव्या हिरण्ययेन सुवृता रथेन ।
 मा वामन्ये नि यमन् देवयन्तः सं यद् ददे नार्भिः पूव्या वाम् ५
 नू नो रयिं पुरुवीरं बृहन्तं दस्त्रा मिमाथामुभयेष्वस्मे ।
 नरो यद् वामश्विना स्तोममावन् त्सधस्तुतिमाजमीळहासौ अगमन् ६
 इहेह यद् वा समना पपृक्षे सेयमस्मे सुमतिर्वाजरत्ना ।
 उरुष्यतं जरितारं युवं हं श्रितः कामो नासत्या युवद्रिक् ७

(१०१) एकोत्तरशततमं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । अश्विनौ देवते । (१-६)

प्रथमादिषडृचां जगती (७) सप्तम्याश्च त्रिष्टुप् छन्दसी

एष स्य भानुरुदियति युज्यते रथः परिज्मा दिवो अस्य सानवि ।
 पृक्षासौ अस्मिन् मिथुना अधि त्रयो दृतिस्तुरीयो मधुनो वि रप्शते १
 उद् वा पृक्षासो मधुमन्त ईरते रथा अश्वास उषसो व्युष्टिषु ।
 अपोर्णुवन्तस्तम् आ परीवृतं स्वर्णं शक्रं तन्वन्त आ रजः २
 मध्वः पिबतं मधुपेभिरासभि रूत प्रियं मधुने युजाथां रथम् ।
 आ वर्तनिं मधुना जिन्वथस्पथो दृतिं वहेथे मधुमन्तमश्विना ३
 हंसासो ये वां मधुमन्तो अस्त्रिधो हिरण्यपर्णा उहव उषर्बुधः ।
 उदप्रुतौ मन्दिनौ मन्दिनिस्पृशो मध्वो न मक्षः सर्वनानि गच्छथः ४
 स्वध्वरासो मधुमन्तो अग्रय उस्त्रा जरन्ते प्रति वस्तोरश्विना ।
 यन्निक्तहस्तस्तरणिर्विचक्ष्णः सोमं सुषाव मधुमन्तमद्रिभिः ५
 आकेनिपासो अहभिर्दविध्वतः स्वर्णं शक्रं तन्वन्त आ रजः ।
 सूरश्चिदश्वान् युयुजान ईयते विश्वाँ अनु स्वधया चेतथस्पथः ६
 प्र वामवोचमश्विना धियुंधा रथः स्वश्वौ अजरो यो अस्ति ।
 येन सद्यः परि रजांसि याथो हविष्मन्तं तरणिं भोजमच्छ ७

(१०२) द्व्युत्तरशततमं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । (१) प्रथमर्चो वायुः

(२-७) द्वितीयादिषण्णाञ्चेन्द्रवायू देवते । गायत्री छन्दः

अग्रं इं॒प॒वा म॒धूनां सु॒तं वा॒यो दि॒विष्टि॑षु । त्वं हि पू॒र्वपा॒ अ॒सि १
 श॒तेना॑ नो अ॒भिष्टि॑भिर्नियु॒त्वाँ इन्द्र॑सारथिः । वा॒यो सु॒तस्य॑ तृ॒म्पत॑म् २
 आ वा॑ स॒हस्रं॑ ह॒रय॑ इन्द्र॒वायू॑ अ॒भि प्र॑यः । वह॑न्तु सोम॒पीत॑ये ३
 रथं॑ हि॒र॒ण्यव॑न्धुरमिन्द्र॒वायू॑ स्व॒ध्वर॑म् । आ हि स्था॒थौ दि॒विस्पृ॑शम् ४
 रथे॑न पृथु॒पाज॑सा दा॒श्वांस॑मुप॒ गच्छ॑तम् । इन्द्र॒वायू॑ इहा ग॒तम् ५
 इन्द्र॒वायू॑ अ॒यं सु॒तस्तं॑ दे॒वेभिः॑ स॒जोष॑सा । पि॒बतं॑ दा॒शुषो॑ गृ॒हे ६
 इ॒ह प्र॒याण॑मस्तु वा॒मिन्द्र॒वायू॑ वि॒मोच॑नम् । इ॒ह वा॑ सोम॒पीत॑ये ७

(१०३) त्र्युत्तरशततमं सूक्तम्

(१-४) चतुर्ऋचस्यास्य सूक्तस्य गौतमो वामदेव ऋषिः । (१) प्रथमर्चो वायुः

(२-४) द्वितीयादितृचस्य चेन्द्रवायू देवते । अनुष्टुप् छन्दः

वा॒यो श॒क्रो अ॒यामि॑ ते म॒ध्वो अ॒ग्रं दि॒विष्टि॑षु ।
 आ या॑हि सोम॒पीत॑ये स्पा॒र्हो दै॒व नि॒युत्वा॑ता १
 इन्द्र॑श्च वा॒यवेषां॑ सोमा॒नां पी॒तिर्म॑र्हथः ।
 यु॒वां हि य॑न्तीन्द्र॒वो नि॒म्रमा॑पो न स॒ध्वय॑क् २
 वा॒युवि॒न्द्रश्च॑ श॒ष्मिणा॑ सर॒थं श॑वसस्पती ।
 नि॒युत्वा॑न्ता न ऊ॒तय॑ आ या॒तुं सोम॑पीतये ३
 या वा॑ सन्ति पुरु॒स्पृहो॑ नि॒युतो॑ दा॒शुषे॑ नरा ।
 अ॒स्मे ता य॑ज्ञवा॒हसे॑न्द्र॒वायू॑ नि य॑च्छतम् ४

(१०४) चतुरुत्तरशततमं सूक्तम्

(१-५) पञ्चर्चस्यास्य सूक्तस्य गौतमो वामदेव ऋषिः । वायुर्देवता ।

अनुष्टुप् छन्दः

वि॒हि हो॒त्रा अ॒वीता॑ वि॒पो न रा॒यो अ॒र्यः॑ ।
 वा॒युवा॑ च॒न्द्रेण॑ रथे॑न या॒हि सु॒तस्य॑ पी॒तये॑ १
 नि॒र्युवा॑णो अ॒शस्ती॑ नि॒र्युत्वा॑ँ इन्द्र॑सारथिः ।

वाय॒वा च॒न्द्रेण॑ रथे॒न या॒हि सु॒तस्य॑ पी॒तये॑ २
 अनु॑ कृ॒ष्णे वसु॑धिते॒ येमा॑तै वि॒श्वपै॑शसा ।
 वाय॒वा च॒न्द्रेण॑ रथे॒न या॒हि सु॒तस्य॑ पी॒तये॑ ३
 वह॑न्तु त्वा म॒नोयु॑जौ यु॒क्तासौ॑ नव॒तिर्नव॑ ।
 वाय॒वा च॒न्द्रेण॑ रथे॒न या॒हि सु॒तस्य॑ पी॒तये॑ ४
 वायौ॑ श॒तं हरी॑णां यु॒वस्व॑ पो॒ष्याणाम्॑ ।
 उ॒त वा॑ ते स॒हस्रि॑णो रथ॒ आ या॑तु पा॒जसा॑ ५

(१०५) पञ्चोत्तरशततमं सूक्तम्

(१-६) षडृचस्यास्य सूक्तस्य गौतमो वामदेव ऋषिः । इन्द्राबृहस्पती देवते ।

गायत्री छन्दः

इ॒दं वा॑मा॒स्यै ह॒विः प्रि॒यमि॑न्द्रा॒बृह॑स्पती । उ॒क्थं म॑द॒श्च श॑स्यते १
 अ॒यं वा॑ परि॒ षि॒च्यते॑ सोम॑ इन्द्रा॒बृह॑स्पती । चा॒रुर्म॑दा॒य पी॒तये॑ २
 आ न॑ इन्द्रा॒बृह॑स्पती गृ॒हमि॑न्द्र॒श्च ग॑च्छतम् । सोम॒पा सोम॑पीतये ३
 अ॒स्मे इ॑न्द्रा॒बृह॑स्पती र॒यिं ध॑त्तं श॒त॒ग्वि॒नम् । अ॒श्वाव॑न्तं स॒हस्रि॑णाम् ४
 इन्द्रा॒बृह॑स्पती व॒यं सु॒ते गी॑र्भिर्हवामहे । अ॒स्य सोम॑स्य पी॒तये॑ ५
 सोम॑मिन्द्रा॒बृह॑स्पती पि॒बतं॑ दा॒शुषौ॑ गृ॒हे । मा॒दये॑थां तदौ॒कसा॑ ६

(१०६) षडुत्तरशततमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । (१-६)

प्रथमादिनवर्चा बृहस्पतिः (१०-११) दशम्येकादश्योश्चेन्द्राबृहस्पती देवते । (१-६,

११) प्रथमादिनवर्चामेकादश्याश्च त्रिष्टुप् (१०) दशम्याश्च जगती छन्दसी

यस्त॑स्त॒म्भ स॑हसा॒ वि ज्मो॑ अ॒न्तान् बृ॑हस्पति॑स्त्रिष॒धस्थो॑ रवे॒ण ।
 तं प्र॒त्नास॑ ऋ॒षयो॑ दी॒ध्यानाः॑ पु॒रो वि॒प्रा द॑धिरे म॒न्द्रजि॑ह्वम् १
 धु॒नेत॑यः सु॒प्रके॑तं म॒दन्तो॑ बृहस्पते॒ अभि॑ ये नस्त॒तस्त्रे॑ ।
 पृ॒षन्तं॑ सृ॒प्रम॑द॒ब्धमूर्व॑ बृहस्पते॒ रक्ष॑तादस्य॒ योनि॑म् २
 बृहस्पते॒ या पर॑मा परा॒वद॑त॒ आ तं॑ ऋ॒तस्पृ॑शो नि पै॒दुः ।
 तु॒भ्यं खा॑ता अ॒वृता॑ अ॒द्रिदु॑ग्धा म॒ध्वः श्रो॑तन्त्य॒भितौ॑ वि॒रप्श॑म् ३
 बृहस्पतिः॑ प्र॒थमं॑ जा॒र्यमा॑नो म॒हो ज्यो॑तिषः पर॒मे व्यो॑मन् ।
 स॒प्तास्य॑स्तुविजा॒तो रवे॑ण॒ वि स॒प्तर॑श्मि॒रध॑म॒त् तमा॑सि ४

स सुष्टुभा स ऋक्वता गुणेन वलं रुरोज फलिगं रवेण ।
 बृहस्पतिरुस्त्रिया हव्यसूदः कनिक्रदद् वावशतीरुदाजत् ५
 एवा पित्रे विश्वदेवाय वृष्णे यज्ञैर्विधेम नमसा हविर्भिः ।
 बृहस्पते सुप्रजा वीरवन्तो वयं स्याम पतयो रयीणाम् ६
 स इद् राजा प्रतिजन्यानि विश्वा शुष्मेण तस्थावभि वीर्येण ।
 बृहस्पतिं यः सुभृतं इंब्रभर्ति वल्गूयति वन्दते पूर्वभार्जम् ७
 स इत् क्षेति सुधित ओकसि स्वे तस्मा इळा पिन्वते विश्वदानीम् ।
 तस्मै विशः स्वयमेवा नमन्ते यस्मिन् ब्रह्मा राजनि पूर्व एति ८
 अप्रतीतो जयति सं धनानि प्रतिजन्यान्युत या सजन्या ।
 अवस्यवे यो वरिवः कृणोति ब्रह्मणे राजा तमवन्ति देवाः ९
 इन्द्रश्च सोमं इंपबतं बृहस्पते ऽस्मिन् यज्ञे मन्दसाना वृषणवसू ।
 आ वा विशन्तिवन्दवः स्वाभुवो ऽस्मे रयिं सर्ववीरं नि यच्छतम् १०
 बृहस्पत इन्द्र वर्धतं नः सचा सा वा सुमतिर्भूत्वस्मे ।
 अविष्टं धियो जिगृतं पुरंधी र्जजस्तमर्यो वनुषामरातीः ११

अथाष्टमोऽध्यायः

। व० १-२६

(१०७) सप्तोत्तरशततमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । उषा देवता ।

त्रिष्टुप् छन्दः

इदमु त्यत् पुरुतमं पुरस्ता ज्योतिस्तमसो वयुनावदस्थात् ।
 नूनं दिवो दुहितरौ विभातीर्गातुं कृणवन्नुषसो जनाय १
 अस्थुरु चित्रा उषसः पुरस्ता न्मिता इव स्वरवोऽध्वरेषु ।
 व्यू वृजस्य तमसो द्वारो च्छन्तीरवृज्जुचयः पावकाः २
 उच्छन्तीरद्य चितयन्त भोजान् राधोदेयायोषसौ मघोनीः ।
 अचित्रे अन्तः प्रणयः ससन्त्वबुध्यमानास्तमसो विमध्ये ३
 कुवित् स देवीः सनयो नवो वा यामो बभूयादुषसो वो अद्य ।
 येना नवगवे अङ्गिरे दशगवे सप्तास्यै रेवती रेवदूष ४
 यूयं हि देवीर्ऋतयुग्भिरश्वैः परिप्रयाथ भुवनानि सद्यः ।
 प्रबोधयन्तीरुषसः ससन्तं द्विपाच्चतुष्पाच्चरथाय जीवम् ५

क्व स्विदासां कतुमा पुराणी यया विधाना विदधुर्भूणाम् ।
 शुभं यच्छुभ्रा उषसश्चरन्ति न वि ज्ञायन्ते सदृशीरजुर्याः ६
 ता घा ता भद्रा उषसः पुरासु रभिष्टिद्युम्ना अतर्जतिसत्याः ।
 यास्वीजानः शशमान उक्थैः स्तुवञ्छंसन् द्रविणं सद्य आप ७
 ता आ चरन्ति समना पुरस्तात् समानतः समना पप्रथानाः ।
 अतस्य देवीः सदसो बुधाना गवां न सर्गा उषसो जरन्ते ८
 ता इन्वेइव समना समानी रमीतवर्णा उषसश्चरन्ति ।
 गूहन्तीरभ्वमसितं रुशद्भिः शक्रास्तनूभिः शुचयो रुचानाः ९
 रयिं दिवो दुहितरो विभातीः प्रजावन्तं यच्छतास्मासु देवीः ।
 स्योनादा वः प्रतिबुध्यमानाः सुवीर्यस्य पतयः स्याम १०
 तद् वो दिवो दुहितरो विभाती रूपं ब्रुव उषसो यज्ञकैतुः ।
 वयं स्याम यशसो जनेषु तद् द्यौश्च धत्तां पृथिवी च देवी ११

(१०८) अष्टोत्तरशततमं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । उषा देवता ।

गायत्री छन्दः

प्रति ष्या सूनरी जनी व्युच्छन्ती परि स्वसुः । दिवो अदर्शि दुहिता १
 अश्वैव चित्रारुषी माता गवामृतावरी । सखाभूदश्विनोरुषाः २
 उत सखास्यश्विनो रुत माता गवामसि । उतोषो वस्व ईशिषे ३
 यावयद्द्वेषसं त्वा चिकित्वित् सूनृतावरि । प्रति स्तोमैरभुत्स्महि ४
 प्रति भद्रा अदक्षत गवां सर्गा न रश्मयः । ओषा अप्रा उरु जयः ५
 आपुप्रुषी विभावरि व्यावर्ज्योतिषा तमः । उषो अनु स्वधामव ६
 आ द्यां तनोषि रश्मिभि रान्तरिक्षमुरु प्रियम् । उषः शक्रेण शोचिषा ७

(१०९) नवोत्तरशततमं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । सविता देवता ।

जगती छन्दः

तद् देवस्य सवितुर्वार्यं महद् वृणीमहे असुरस्य प्रचेतसः ।
 छुर्दिर्येन दाशुषे यच्छति त्मना तन्नो मह्यं उदयान् देवो अक्तुभिः १
 दिवो धर्ता भुवनस्य प्रजापतिः पिशङ्गं द्रापिं प्रति मुञ्चते कविः ।

विचक्षणः प्रथयन्नापृणन्नुर्व जीजनत् सविता सुम्रमुक्थ्यम् २
 आप्रा रजांसि दिव्यानि पार्थिवा श्लोकं देवः कृणुते स्वाय धर्मणे ।
 प्र बाहू अस्त्राक् सविता सर्वामनि निवेशयन् प्रसुवन्नक्तुभिर्जगत् ३
 अदाभ्यो भुवनानि प्रचाकशद् वृतानि देवः सविताभि रक्षते ।
 प्रास्त्राग्बाहू भुवनस्य प्रजाभ्यो धृतव्रतो महो अज्मस्य राजति ४
 त्रिन्तरिक्षं सविता महित्वना त्री रजांसि परिभूस्त्रीणि रोचना ।
 तिस्रो दिवः पृथिवीस्तिस्त्र इन्वति त्रिभिर्व्रतैरभि नो रक्षति त्मना ५
 बृहत्सुम्रः प्रसवीता निवेशनो जगतः स्थातुरुभयस्य यो वशी ।
 स नो देवः सविता शर्म यच्छ त्वस्मे क्षयाय त्रिवरूथमंहसः ६
 आगन् देव ऋतुभिर्वर्धतु क्षयं दधातु नः सविता सुप्रजामिषम् ।
 स नः क्षपाभिरहभिश्च जिन्वतु प्रजावन्तं रयिमुस्मे समिन्वतु ७

(११०) दशोत्तरशततमं सूक्तम्

(१-६) षडृचस्यास्य सूक्तस्य गौतमो वामदेव ऋषिः । सविता देवता । (१-५)

प्रथमादिपञ्चर्चा जगती (६) षष्ठ्याश्च त्रिष्टुप् छन्दसी
 अभूद् देवः सविता वन्द्यो नु न इदानीमहं उपवाच्यो नृभिः ।
 वि यो रत्ना भजति मानवेभ्यः श्रेष्ठं नो अत्र द्रविणं यथा दधत् १
 देवेभ्यो हि प्रथमं यज्ञियैभ्यो ऽमृतत्वं सुवसिं भागमुत्तमम् ।
 आदिद् दामानं सवितुर्व्यूर्णुषे ऽनूचीना जीविता मानुषेभ्यः २
 अचिन्ती यच्चकृमा दैव्ये जनै दीनैर्दक्षैः प्रभूती पूरुषत्वता ।
 देवेषु च सवितुर्मानुषेषु च त्वं नो अत्र सुवतादनागसः ३
 न प्रमियै सवितुर्दैव्यस्य तद् यथा विश्वं भुवनं धारयिष्यति ।
 यत् पृथिव्या वरिमन्ना स्वङ्गुरिर्वर्ष्मन् दिवः सुवति सत्यमस्य तत् ४
 इन्द्रज्येष्ठान् बृहद्भ्यः पर्वतेभ्यः क्षयाँ एभ्यः सुवसि पस्त्यावतः ।
 यथायथा पुतर्यन्तो वियेमिर एवैव तस्थुः सवितः सवार्य ते ५
 ये ते त्रिरहन् त्सवितः सवासौ दिवेदिवे सौभगमासुवन्ति ।
 इन्द्रो द्यावापृथिवी सिन्धुरद्भि रादित्यैर्नो अदितिः शर्म यंसत् ६

(१११) एकादशोत्तरशततमं सूक्तम्

(१-१०) दशर्चस्यास्य सूक्तस्य गौतमो वामदेव ऋषिः । विश्वे देवा देवताः ।

(१-७) प्रथमादिसप्तर्चा त्रिष्टुप् (८-१०) अष्टम्यादितृचस्य च गायत्री छन्दसी
 को वस्त्राता वसवः को वरूता द्यावाभूमी अदिते त्रासीथां नः ।
 सहीयसो वरुण मित्र मर्तात् को वोऽध्वरे वरिवो धाति देवाः १
 प्र ये धामानि पूव्याण्यर्चान् वि यदुच्छान् वियोतारो अमूराः ।
 विधातारो वि ते दधुरजस्त्रा ऋतधीतयो रुरुचन्त दस्माः २
 प्र पुस्त्याऽमदितिं सिन्धुमकैः स्वस्तिमीळे सख्याय देवीम् ।
 उभे यथा नो अहनी निपात उषासानक्ता करतामदब्धे ३
 व्यर्यमा वरुणश्चेति पन्था मिषस्पतिः सुवितं गातुमग्निः ।
 इन्द्राविष्णू नृवदु षु स्तवाना शर्म नो यन्तममवद् वरूथम् ४
 आ पर्वतस्य मरुतामवासि देवस्य त्रातुरवि भगस्य ।
 पात् पतिर्जन्यादंहसो नो मित्रो मित्रियादुत न उरुष्येत् ५
 नू रौदसी अहिना बुध्यैन स्तुवीत देवी अप्येभिरिष्टैः ।
 समुद्रं न संचरणे सनिष्यवो घर्मस्वरसो नद्योऽप व्रन् ६
 देवैर्नो देव्यदितिर्नि पातु देवस्त्राता त्रायतामप्रयुच्छन् ।
 नहि मित्रस्य वरुणस्य धासि महामसि प्रमियं सान्वग्नेः ७
 अग्निरीशे वसव्यस्याऽऽग्रमहः सौभगस्य । तान्यस्मभ्यं रासते ८
 उषो मघोन्या वहू सूनृते वार्या पुरु । अस्मभ्यं वाजिनीवति ९
 तत् सु नः सविता भगो वरुणो मित्रो अर्यमा । इन्द्रो नो राधसा गमत् १०

(११२) द्वादशोत्तरशततमं सूक्तम्

(१-७) सप्तर्चस्यास्य सूक्तस्य गौतमो वामदेव ऋषिः । द्यावापृथिव्यौ देवते ।

(१-४) प्रथमादिचतुर्ऋचां त्रिष्टुप् (५-७) पञ्चम्यादितृचस्य च गायत्री छन्दसी
 मुही द्यावापृथिवी इह ज्येष्ठै रुचा भवतां शचर्यद्विरकैः ।
 यत् सीं वरिष्ठे बृहती विमिन्वन् रुवद्धोक्षा पप्रथानेभिरेवैः १
 देवी देवेभिर्यजते यजत्रै रमिनती तस्थतुरुक्षमाणे ।
 ऋतावरी अद्रुहा देवपुत्रे यज्ञस्य नेत्री शचर्यद्विरकैः २
 स इत् स्वपा भुवनेष्वास य इमे द्यावापृथिवी जजान ।
 उर्वी गभीरे रजसी सुमेकै अवंशे धीरः शच्या समैरत् ३
 नू रौदसी बृहद्विर्नो वरूथैः पत्नीवद्विरिषयन्ती सजोषाः ।
 उरूची विश्वे यजते नि पातं धिया स्याम रथ्यः सदासाः ४

प्र वां महि द्यवीं अभ्युपस्तुतिं भरामहे । शुची उप प्रशस्तये ५
 पुनाने तन्वा मिथः स्वेन दक्षेण राजथः । ऊह्याथै सनादृतम् ६
 मही मित्रस्य साधथ स्तरन्ती पिप्रती ऋतम् । परि यज्ञं नि पैदथुः ७

(११३) त्रयोदशोत्तरशततमं सूक्तम्

(१-८) अष्टर्चस्यास्य सूक्तस्य गौतमो वामदेव ऋषिः । (१-३) प्रथमादितृचस्य
 क्षेत्रपतिः (४) चतुर्थ्या ऋचः शुनः (५, ८) पञ्चम्यष्टम्योः शुनासीरौ (६-७)
 षष्ठीसप्तम्योश्च सीता देवताः । (१, ४, ६-७)
 प्रथमाचतुर्थीषष्ठीसप्तमीनामृचामनुष्टुप् (२-३, ८) द्वितीयातृतीयाष्टमीनां त्रिष्टुप्
 (५) पञ्चम्याश्च पुर उष्णिक् छन्दांसि

क्षेत्रस्य पतिना वयं हितेनैव जयामसि ।
 गामश्च पोषयित्वा स नो मृळातीदृशै १
 क्षेत्रस्य पते मधुमन्तमूर्मि धेनुरिव पयो अस्मासु धुक्त्व ।
 मधुश्चुतं घृतमिव सुपूत मृतस्य नः पतयो मृळयन्तु २
 मधुमतीरोषधीर्द्याव आपो मधुमन्नो भवत्वन्तरिक्षम् ।
 क्षेत्रस्य पतिर्मधुमान् नो अस्त्व रिष्यन्तो अन्वेनं चरेम ३
 शूनं वाहाः शूनं नरः शूनं कृषतु लाङ्गलम् ।
 शूनं वरत्रा बध्यन्तां शनमष्टामुदिङ्गय ४
 शुनासीराविमां वाचं जुषेथां यद् दिवि चक्रथुः पयः ।
 तेनेमामुप सिञ्चतम् ५
 अर्वाची सुभगे भव सीते वन्दामहे त्वा ।
 यथा नः सुभगासंसि यथा नः सुफलासंसि ६
 इन्द्रः सीतां नि गृह्णातु तां पूषानु यच्छतु ।
 सा नः पर्यस्वती दुहा मुर्तरामुत्तरां समाम् ७
 शूनं नः फाला वि कृषन्तु भूमि शूनं कीनाशा अभि यन्तु वाहैः ।
 शूनं पर्जन्यो मधुना पयोभिः शुनासीरा शनमस्मासु धत्तम् ८

(११४) चतुर्दशोत्तरशततमं सूक्तम्

(१-११) एकादशर्चस्यास्य सूक्तस्य गौतमो वामदेव ऋषिः । अग्निः सूर्यो वाऽऽपो
 वा गावो वा घृतं वा देवता । (१-१०) प्रथमादिदशर्चा त्रिष्टुप् (११)
 एकादश्याश्च जगती छन्दसी

समुद्रादूर्मिर्मधुमाँ उदार दुपांशुना सममृतत्वमानद् ।
 घृतस्य नाम गुह्यं यदस्ति जिह्वा देवानाममृतस्य नाभिः १
 वयं नाम प्र ब्रवामा घृतस्याऽस्मिन् यज्ञे धारयामा नमोभिः ।
 उपे ब्रह्मा शृणवच्छस्यमानं चतुःशृङ्गोऽवमीद् गौर एतत् २
 चत्वारि शृङ्गा त्रयो अस्य पादा द्वे शीर्षे सप्त हस्तासो अस्य ।
 त्रिधा बद्धो वृषभो रौरवीति मुहो देवो मर्त्याँ आ विवेश ३
 त्रिधा हितं पुनिभिर्गुह्यमानं गवि देवासो घृतमन्वविन्दन् ।
 इन्द्र एकं सूर्य एकं जजान वेनादेकं स्वधया निष्टेत्तनुः ४
 एता अर्षन्ति हृद्यात् समुद्रा च्छतव्रजा रिपुणा नावचक्षे ।
 घृतस्य धारा अभि चाकशीमि हिरण्ययो वेतसो मध्य आसाम् ५
 सम्यक् स्रवन्ति सरितो न धेना अन्तर्हृदा मनसा पूयमानाः ।
 एते अर्षन्त्यूर्मयो घृतस्य मृगा इव क्षिपुणोरीषमाणाः ६
 सिन्धौरिव प्राध्वने शूघनासो वार्तप्रमियः पतयन्ति युहाः ।
 घृतस्य धारा अरुषो न वाजी काष्ठा भिन्दन्मूर्मिभिः पिन्वमानः ७
 अभि प्रवन्त समनेव योषाः कल्याणयश्ः स्मर्यमानासो अग्निम् ।
 घृतस्य धाराः समिधौ नसन्त ता जुषाणो हर्यति जातवैदाः ८
 कन्या इव वहतुमेतवा उ अञ्जयेज्जाना अभि चाकशीमि ।
 यत्र सोमः सूयते यत्र यज्ञो घृतस्य धारा अभि तत् पवन्ते ९
 अभ्यर्षत सुष्टुतिं गव्यमाजि मस्मासु भद्रा द्रविणानि धत्त ।
 इमं यज्ञं नयत देवता नो घृतस्य धारा मधुमत् पवन्ते १०
 धामन् ते विश्वं भुवन्मधि श्रित मन्तः समुद्रे हृद्यन्तरायुषि ।
 अपामनीके समिथे य आभृत स्तमश्याम् मधुमन्तं त ऊर्मिम् ११

(११५) पञ्चदशोत्तरशततमं सूक्तम्

(१-१२) द्वादशर्चस्यास्य सूक्तस्यात्रेयौ बुधगविष्टिरावृषी ।

अग्निर्देवता । त्रिष्टुप् छन्दः

अबोध्याग्निः समिधा जनानां प्रति धेनुर्मिवायतीमुषासम् ।
 युहा इव प्र वयामुज्जिहानाः प्र भानवः सिस्रते नाकमच्छ १
 अबोधि होता यजथाय देवा नूध्वो अग्निः सुमनाः प्रातरस्थात् ।
 समिद्धस्य रुशददर्शि पाजौ महान् देवस्तमसो निरमोचि २

यदीं गुणस्य रशनामजीगुः शुचिरङ्के शुचिभिर्गोभिरग्निः ।
 आद् दक्षिणा युज्यते वाजय न्त्युत्तानामूर्ध्वो अंधयजुहूभिः ३
 अग्निमच्छा देवयतां मनांसि चक्षूषीव सूर्ये सं चरन्ति ।
 यदीं सुवाते उषसा विरूपे श्वेतो वाजी जायते अग्रे अह्वाम् ४
 जनिष्ट हि जेन्यो अग्रे अह्वा हितो हितेष्वरूपो वनेषु ।
 दमैदमे सप्त रत्ना दधानो ऽग्निर्होता नि षसादा यजीयान् ५
 अग्निर्होता न्यसीदद् यजीया नुपस्थै मातुः सुरभा उं लोके ।
 युवा कविः पुरुनिष्ठ ऋतावा धर्ता कृष्टीनामुत मध्य इद्धः ६
 प्र णु त्यं विप्रमध्वरेषु साधु मग्निं होतारमीळते नमोभिः ।
 आ यस्ततान् रोदसी ऋतेन नित्यं मृजन्ति वाजिनं घृतेन ७
 मार्जाल्यौ मृज्यते स्वे दमूनाः कविप्रशस्तो अतिथिः शिवो नः ।
 सहस्रशृङ्गो वृषभस्तदौजा विश्वाँ अग्रे सहसा प्रास्यन्यान् ८
 प्र सद्यो अग्रे अत्यैष्यन्त्या नाविर्यस्मै चारुतमो बभूथ ।
 ईळैन्यौ वपुष्यौ विभावा प्रियो विशामतिथिर्मानुषीणाम् ९
 तुभ्यं भरन्ति क्षितयौ यविष्ठ बलिमग्रे अन्तित ओत दूरात् ।
 आ भन्दिष्ठस्य सुमतिं चिकिद्धि बृहत् तै अग्रे महि शर्म भद्रम् १०
 आद्य रथं भानुमो भानुमन्त मग्रे तिष्ठ यजतेभिः समन्तम् ।
 विद्वान् पथीनामुर्वश्न्तरिक्ष मेह देवान् हविरद्याय वक्षि ११
 अवौचाम कवये मेध्याय वचो वन्दारु वृषभाय वृष्णे ।
 गर्विष्ठिरो नमसा स्तोममग्नौ दिवीव रुक्ममुरुव्यञ्चमश्रेत् १२

(११६) षोडशोत्तरशततमं सूक्तम्

(१-१२) द्वादशर्चस्यास्य सूक्तस्य (१, ३-८, १०-१२) प्रथमर्चस्तृतीयादिषण्णां
 दशम्यादितृचस्य चात्रेयः कुमारो जानो वृशो वा, उभौ वा, (२, ६)

द्वितीयानवम्योश्च जानो वृश ऋषिः । अग्निर्देवता । (१-११) प्रथमाद्येकादशर्चा
 त्रिष्टुप्, (१२) द्वादश्याश्च शक्वरी छन्दसी

कुमारं माता युवतिः समुब्धं गुहा बिभर्ति न ददाति पित्रे ।
 अनीकमस्य न मिनज्जनासः पुरः पश्यन्ति निहितमुरतौ १
 कमेतं त्वं युवते कुमारं पेषी बिभर्षि महिषी जजान ।
 पूर्वीर्हि गर्भः शरदौ ववर्धा ऽपश्यं जातं यदसूत माता २

हिरण्यदन्तं शुचिवर्णमारात् क्षेत्रादपश्यमायुधा मिमानम् ।
 ददानो अस्मा अमृतं विपृक्वत् किं मामनिन्द्राः कृणवन्ननुक्थाः ३
 क्षेत्रादपश्यं सनुतश्चरन्तं सुमद् यूथं न पुरु शोभमानम् ।
 न ता अगृभ्रन्नर्जनिष्ट हि षः पलिकनीरिद् युवतयो भवन्ति ४
 के मे मर्यकं वि यवन्त गोभिर्न येषां गोपा अरणश्चिदास ।
 य ई जगृभुरव ते सृजन्त्वाजाति पृश्न उप नश्चिकित्वान् ५
 वसां राजानं वसतिं जनानां मरातयो नि दधुर्मर्त्येषु ।
 ब्रह्मण्यत्रेव तं सृजन्तु निन्दितारो निन्द्यासो भवन्तु ६
 शुनश्चिच्छेपं निर्दितं सहस्राद् यूपादमुञ्चो अशमिष्ट हि षः ।
 एवास्मदग्ने वि मुमुग्धि पाशान् होतश्चिकित्व इह तू निषद्य ७
 हणीयमानो अप हि मदैयेः प्र मे देवानां व्रतपा उवाच ।
 इन्द्रो विद्वाँ अनु हि त्वां चचक्ष तेनाहमग्ने अनुशिष्ट आगाम् ८
 वि ज्योतिषा बृहता भात्यग्नि राविर्विश्वानि कृणुते महित्वा ।
 प्रादेवीर्मायाः सहते दुरेवाः शिशीते शृङ्गे रक्षसे विनिक्षे ९
 उत स्वानासौ दिवि षन्त्वग्ने स्तिग्मायुधा रक्षसे हन्तवा उ ।
 मदै चिदस्य प्र रुजन्ति भामा न वरन्ते परिबाधो अदेवीः १०
 एतं ते स्तोमं तुविजात विप्रो रथं न धीरः स्वपा अतक्षम् ।
 यदीदग्ने प्रति त्वं देव हर्याः स्वर्वतीरप एना जयेम ११
 तुविग्रीवो वृषभो वावृधानो ऽशत्र्वर्ष्यः समजाति वेदः ।
 इतीममग्निमृता अवोचन् बर्हिष्मते मनवे शर्म
 यंस ह्रविष्मते मनवे शर्म यंसत् १२

(११७) सप्तदशोत्तरशततमं सूक्तम्

(१-१२) द्वादशर्चस्यास्य सूक्तस्यात्रेयो वसुश्रुत ऋषिः । (१-२, ४-१२)
 प्रथमाद्वितीययोर्ऋचोश्चतुर्थ्यादिनवानाञ्चाग्निः, (३) तृतीयायाश्च मरुद्भुद्रविष्णवो
 देवताः । (१) प्रथमर्चो विराट्, (२-१२) द्वितीयाद्येकादशानाञ्च त्रिष्टुप् छन्दसी
 त्वमग्ने वरुणो जायसे यत् त्वं इमत्रो भवसि यत् समिद्धः ।
 त्वे विश्वे सहसस्पुत्र देवा स्त्वमिन्द्रो दाशुषे मर्त्याय १
 त्वमर्यमा भवसि यत् कनीनां नाम स्वधावन् गुह्यं इबभर्षि ।

अ॒ञ्जन्ति॑ मि॒त्रं सु॒धितुं॑ न गो॒भि॒र्यद् दं॑प॒ती स॒मन॑सा कृ॒णोषि॑ २
 तव॑ श्रि॒ये म॒रुतौ॑ म॒र्जय॑न्त॒ रुद्र॑ यत् ते ज॒निम् च॑रु॒ चित्र॑म् ।
 प॒दं यद् वि॒ष्णोरु॑प॒मं नि॒धायि॑ तेन॒ पासि॑ गु॒ह्यं नाम॑ गो॒नाम् ३
 तव॑ श्रि॒या सु॒दृशौ॑ दे॒व दे॒वाः पु॒रू द॑धा॒ना अ॒मृतं॑ स॒पन्त॑ ।
 हो॒ता॒र॒म॒ग्निं म॑नु॒षो नि॑ षै॒दुर्द॑श॒स्यन्त॑ उ॒शि॒जः शंस॑मा॒योः ४
 न त्व॑द्धो॒ता पूर्॒वो अ॒ग्ने य॒जीया॑न् न का॒व्यैः पु॒रो अ॑स्ति स्व॒धावः॑ ।
 वि॒शश्च॑ यस्या॒ अति॑थि॒र्भवा॑सि॒ स यु॒ज्ञेन॑ वन॒वद् दे॒व म॑र्ता॒न् ५
 व॒यम॑ग्ने व॒नुयाम॑ त्वो॒ता व॒सूय॒वो ह॒विषा॑ बु॒ध्यमा॑नाः ।
 व॒यं स॑म॒र्ये वि॒दथे॑ष्व॒ह्ना व॒यं रा॒या स॑हस॒स्पुत्र॑ म॒र्ता॒न् ६
 यो न॒ आगौ॑ अ॒भ्येनो॑ भ॒रा॒त्यधी॑द॒घमु॑घ॒शंसे॑ द॒धात॑ ।
 ज॒ही चि॑कित्वो अ॒भि॒श॒स्तिमे॒ता म॑ग्ने यो नो॒ म॒र्चय॑ति द्रु॒येन॑ ७
 त्वाम॑स्या॒ व्यु॑षि॒ दे॒व पूर्॒वे दू॒तं कृ॑ण॒वाना॑ अ॒यज॑न्त॒ ह॒व्यैः ।
 सं॒स्थे यद॑ग्र॒ ईय॑से र॒यीणां॑ दे॒वो म॑तै॒र्वसु॑भि॒रि॒ध्यमा॑नः ८
 अ॒व स्पृ॑धि पि॒तरं॑ यो॒धि वि॒द्वान् पु॒त्रो य॑स्तै॒ सह॑सः॒ सून॑ ऊ॒हे ।
 क॒दा चि॑कित्वो अ॒भि च॑क्ष॒से नो॑ ऽग्रै॒ कदाँ॑ ऋ॒तचि॑द् या॒तया॑से ९
 भूरि॑ नाम॒ वन्द॑मानो द॒धाति॑ पि॒ता व॑सो॒ यदि॑ तज्जोष॒यासे॑ ।
 कु॒विद् दे॒वस्य॑ स॒हसा॑ च॒कानः॑ सु॒म्रम॑ग्नि॒र्वन॑ते वावृ॒धानः॑ १०
 त्वम॑ङ्ग॒ ज॒रितारं॑ यवि॒ष्टु वि॒श्वान्य॑ग्ने दुरि॒ताति॑ प॒र्षि ।
 स्ते॒ना अ॑दृ॒श्रन् रि॒पवो॑ ज॒ना॒सो ऽज्ञा॑तके॒ता वृ॒जिना॑ अ॒भूवन्॑ ११
 इ॒मे या॑मा॒सस्त्व॒द्रिग॑भू॒वन् व॑स॒वे वा॒ तदि॑दागौ अ॒वाचि॑ ।
 ना॒हाय॑म॒ग्निर॑भि॒श॒स्तये॒ नो न॑ री॒षते॑ वावृ॒धानः॑ प॒रा दा॑त् १२

(११८) अष्टादशोत्तरशततमं सूक्तम्

(१-११) एकादशर्चस्यास्य सूक्तस्यात्रेयो वसुश्रुत ऋषिः । अग्निर्देवता ।

त्रिष्टुप् छन्दः

त्वाम॑ग्ने वसु॒पतिं॑ वसू॒ना म॒भि प्र॑ म॒न्दे अ॒ध्वरे॑षु॒ राजन्॑ ।
 त्वया॑ वा॒जं वा॒जय॑न्तौ ज॒येमा॑भि॒ष्याम॑ पृ॒त्सु॒तीर्म॑र्त्या॒नाम् १
 ह॒व्यवा॑ळ॒ग्निर॒जरः॑ पि॒ता नो॑ वि॒भुर्वि॑भा॒वा सु॒दृशी॑को अ॒स्मे ।
 सु॒गा॒र्ह॒पत्याः॑ स॒मिषौ॑ दि॒दी ह्य॑स्म॒द्रय॑क॒ सं मि॑मीहि श्र॒वांसि॑ २

विशां कविं विशपतिं मानुषीणां शुचिं पावकं घृतपृष्ठमग्निम् ।
 नि होतारं विश्वविदं दधिध्वे स देवेषु वनते वार्याणि ३
 जुषस्वाग्निं इळ्या सजोषा यतमानो रश्मिभिः सूर्यस्य ।
 जुषस्व नः समिधं जातवेद आ च देवान् हविरद्याय वक्षि ४
 जुष्टो दमूना अतिथिर्दुरोण इमं नो यज्ञमुप याहि विद्वान् ।
 विश्वा अग्ने अभियुजो विहत्या शत्रूयतामा भरा भोजनानि ५
 वधेन दस्युं प्र हि चातयस्व वयः कृण्वानस्तन्वेर् स्वायै ।
 पिपर्षि यत् सहसस्पुत्र देवान् त्सो अग्ने पाहि नृतम् वाजै अस्मान् ६
 वयं ते अग्न उक्थैर्विधेम वयं हव्यैः पावक भद्रशोचे ।
 अस्मे रयिं विश्ववारं समिन्वा स्मे विश्वानि द्रविणानि धेहि ७
 अस्माकमग्ने अध्वरं जुषस्व सहसः सूनो त्रिषधस्थ हव्यम् ।
 वयं देवेषु सुकृतः स्याम शर्मणा नस्त्रिवरूथेन पाहि ८
 विश्वानि नो दुर्गहा जातवेदः सिन्धुं न नावा दुरिताति पर्षि ।
 अग्नै अत्रिवन्नमसा गृणानोर् अस्माकं बोध्यविता तनूनाम् ९
 यस्त्वा हृदा कीरिणा मन्यमानो ऽमर्त्य मर्त्यो जोहवीमि ।
 जातवेदो यशो अस्मासु धेहि प्रजाभिरग्ने अमृतत्वमश्याम् १०
 यस्मै त्वं सुकृते जातवेद उ लोकमग्ने कृणवः स्योनम् ।
 अश्विनं स पुत्रिणं वीरवन्तं गोमन्तं रयिं नशते स्वस्ति ११

(११६) एकोनविंशत्युत्तरशततमं सूक्तम्

(१-११) एकादशर्चस्यास्य सूक्तस्यात्रेयो वसुश्रुत ऋषिः । (१) प्रथमर्च इध्मः
 समिद्धो वाग्निः, (२) द्वितीयाया नराशंसः, (३) तृतीयाया इळः, (४) चतुर्थ्या
 बर्हिः, (५) पञ्चम्या देवीर्द्वारः, (६) षष्ठ्या उषासानक्ता, (७) सप्तम्या दैव्यौ
 होतारौ प्रचेतसौ, (८) अष्टम्यास्तिस्रो देव्यः सरस्वतीळाभारत्यः, (९)
 नवम्यास्त्वष्टा, (१०) दशम्या वनस्पतिः, (११) एकादश्याश्च स्वाहाकृतयो
 देवताः । गायत्री छन्दः

सुसमिद्धाय शोचिषे घृतं तीव्रं जुहोतन । अग्नये जातवेदसे १
 नराशंसः सुषूदती मं यज्ञमदाभ्यः । कविर्हि मधुहस्त्यः २
 ईळितो अग्न आ वहेन्द्रं चित्रमिह प्रियम् । सुखै रथैभिरूतयै ३
 ऊर्णमदा वि प्रथस्वा ऽभ्यर्का अनूषत । भवो नः शुभ्र सातयै ४

देवीर्द्धारो वि श्रयध्वं सुप्रायणा न ऊतयै । प्रप्र यज्ञं पृणीतन ५
 सुप्रतीके वयोवृधा युही ऋतस्य मातरा । दोषामुषासमीमहे ६
 वातस्य पत्मन्नीळिता दैव्या होतारा मनुषः । इमं नो यज्ञमा गतम् ७
 इळा सरस्वती मुही तिस्रो देवीर्मयोभुवः । बर्हिः सीदन्त्वस्त्रिधः ८
 शिवस्त्वष्टरिहा गहि विभुः पोष उत त्मना । यज्ञेयज्ञे न उदव ९
 यत्र वेत्थ वनस्पते देवानां गुह्या नामानि । तत्र हव्यानि गामय १०
 स्वाहाग्रये वरुणाय स्वाहेन्द्राय मरुद्भ्यः । स्वाहा देवेभ्यो हविः ११

(१२०) विंशत्युत्तरशततमं सूक्तम्

(१-१०) दशर्चस्यास्य सूक्तस्यात्रेयो वसुश्रुत ऋषिः । अग्निर्देवता । पङ्क्तिश्छन्दः
 अग्निं तं मन्ये यो वसु रस्तं यं यन्ति धेनवः ।
 अस्तमर्वन्त आशवो ऽस्तं नित्यासो वाजिन इषं स्तोतृभ्य आ भर १
 सो अग्निर्यो वसुर्गृणे सं यमायन्ति धेनवः ।
 समर्वन्तो रघुद्रुवः सं सुजातासः सूरय इषं स्तोतृभ्य आ भर २
 अग्निर्हि वाजिनं विशे ददाति विश्वचर्षणिः ।
 अग्नी राये स्वाभुवं स प्रीतो याति वार्य मिषं स्तोतृभ्य आ भर ३
 आ तै अग्र इधीमहि द्युमन्तं देवाजरम् ।
 यद्ध स्या ते पनीयसी समिद् दीदर्यति द्यवी षं स्तोतृभ्य आ भर ४
 आ तै अग्र ऋचा हविः शुक्रस्य शोचिषस्पते ।
 सुश्चन्द्र दस्म विश्पते हव्यवाद् तुभ्यं हूयत इषं स्तोतृभ्य आ भर ५
 प्रो त्ये अग्रयोऽग्निषु विश्वं पुष्यन्ति वार्यम् ।
 ते हिंन्विरे त इन्विरे त इषयन्त्यानुष गिषं स्तोतृभ्य आ भर ६
 तव त्ये अग्ने अर्चयो महि ब्राधन्त वाजिनः ।
 ये पत्वंभिः शफानां वृजा भुरन्त गोना मिषं स्तोतृभ्य आ भर ७
 नवा नो अग्र आ भर स्तोतृभ्यः सुक्ष्मितीरिषः ।
 ते स्याम य आनृचु स्त्वादूतासो दमैदम् इषं स्तोतृभ्य आ भर ८
 उभे सुश्चन्द्र सर्पिषो दवी श्रीणीष आसनि ।
 उतो न उत पुंपूर्या उक्थेषु शवसस्पत इषं स्तोतृभ्य आ भर ९
 एवां अग्निर्मजुर्यमु र्गीर्भिर्यज्ञेभिरानुषक् ।
 दधदस्मे सुवीर्यमुत त्यदाश्वश्चय मिषं स्तोतृभ्य आ भर १०

(१२१) एकविंशत्युत्तरशततमं सूक्तम्

(१-१०) दशर्चस्यास्य सूक्तस्यात्रेय इष ऋषिः । अग्निर्देवता । (१-६)

प्रथमादिनवर्चामनुष्टुप्, (१०) दशम्याश्च पङ्क्तिश्छन्दसी

सखायः सं वः सम्यञ्च मिषं स्तोमं चाग्रयै ।
वर्षिष्ठाय क्षितीना मूर्जो नज्रे सहस्वते १
कुत्रा चिद् यस्य समृतौ रणवा नरो नृषदने ।
अर्हन्तश्चिद् यमिन्धते संजनयन्ति जन्तवः २
सः यदिषो वनामहे सं हव्या मानुषाणाम् ।
उत द्युमस्य शर्वस ऋतस्य रश्मिमा ददे ३
स स्मा कृणोति केतुमा नक्तं चिद्वर आ सते ।
पावको यद् वनस्पतीन् प्र स्मा मिनात्यजरः ४
अव स्म यस्य वेषणे स्वेदं पथिषु जुहति ।
अभीमह स्वजैन्यं भूमा पृष्ठेव रुरुहुः ५
यं मर्त्यः पुरुस्पृहं विदद् विश्वस्य धार्यसे ।
प्र स्वादनं इंपतूना मस्ततातिं चिदायवै ६
स हि ष्मा धन्वाक्षितं दाता न दात्या पशुः ।
हिरिश्मश्रुः शुचिद नृभुरनिभृष्टतविषिः ७
शुचिः ष्म यस्मा अत्रिवत् प्र स्वधितीव रीयते ।
सुषूरसूत माता क्राणा यदानुशे भगम् ८
आ यस्तै सर्पिरासुते ऽग्ने शमस्ति धार्यसे ।
ऐषु द्युममुत श्रव आ चित्तं मर्त्येषु धाः ९
इति चिन्मन्युमध्विज स्त्वादातमा पशुं ददे ।
आदग्ने अपृणतो ऽत्रिः सासह्याद् दस्यू निषः सासह्यान् चफदृन् १०

(१२२) द्वाविंशत्युत्तरशततमं सूक्तम्

(१-७) सप्तर्चस्यास्य सूक्तस्यात्रेय इष ऋषिः । अग्निर्देवता । जगती छन्दः

त्वामग्र ऋतायवः समीधिरे प्रत्वं प्रत्वास ऊतयै सहस्कृत ।
पुरुश्चन्द्रं यजतं विश्वधायसं दमूनसं गृहपतिं वरैरयम् १
त्वामग्ने अतिथिं पूर्य विशः शोचिष्केशं गृहपतिं नि षैदिरे ।
बृहत्कैतुं पुरुरूपं धनस्पृतं सुशर्माणं स्वर्वसं जरद्विषम् २

त्वामग्ने मानुषीरीळते विशौ होत्राविदं विविचिं रत्नधातमम् ।
 गुहा सन्तं सुभग विश्वदर्शतं तुविष्वणसं सुयजं घृतश्रियम् ३
 त्वामग्ने धर्णसिं विश्वधा वयं गीर्भिर्गृणन्तो नमसोप सेदिम ।
 स नो जुषस्व समिधानो अङ्गिरो देवो मर्तस्य यशसा सुदीतिभिः ४
 त्वमग्ने पुरुरूपौ विशेविशे वयौ दधासि प्रत्नथा पुरुष्टुत ।
 पुरुरायन्ना सहसा वि राजसि त्विषिः सा तै तित्विषाणस्य नाधृषे ५
 त्वामग्ने समिधानं यविष्ठ्य देवा दूतं चक्रिरे हव्यवाहनम् ।
 उरुज्यसं घृतयौनिमाहुतं त्वेषं चक्षुर्दधिरे चोदयन्मति ६
 त्वामग्ने प्रदिव आहुतं घृतैः सुम्नायवः सुषमिधा समीधिरे ।
 स वावृधान ओषधीभिरुक्षितोऽभि जयांसि पार्थिवा वि तिष्ठसे ७
 इति तृतीयोऽष्टकः

अथ चतुर्थोऽष्टकः ।

प्रथमोऽध्यायः

। व० १ । १३

(१) प्रथमं सूक्तम्

(१-७) सप्तर्चस्यास्य सूक्तस्यात्रेयो गय ऋषिः । अग्निर्देवता । (१-४, ६)

प्रथमादिचतुर्त्रचां षष्ठ्याश्चानुष्टुप्, (५, ७) पञ्चमीसप्तम्योश्च पङ्क्तिश्छन्दसी
त्वामग्ने हविष्मन्तो देवं मर्तास ईळते ।

मन्ये त्वा जातवेदसं स हव्या वक्ष्यानुषक् १

अग्निर्होता दास्वतः क्षयस्य वृक्तबर्हिषः ।

सं यज्ञासश्चरन्ति यं सं वाजसिः श्रवस्यवः २

उत स्म यं शिशुं यथा नवं जनिष्ठा रणी ।

धर्तारं मानुषीणां विशामग्निं स्वध्वरम् ३

उत स्म दुर्गभीयसे पुत्रो न ह्यार्याणाम् ।

पुरू यो दग्धासि वना ऽग्ने पशुर्न यवसे ४

अर्धं स्म यस्यार्चयः सम्यक् संयन्ति धूमिनः ।

यदीमहं त्रितो दिव्यु प ध्मातेव धर्माति शिशीते ध्मातरी यथा ५

तवाहमग्न ऊतिभिर्मित्रस्य च प्रशस्तिभिः ।

द्वेषोयुतो न दुरिता तुर्याम् मर्त्यानाम् ६

तं नो अग्ने अभी नरो रयिं सहस्व आ भर ।

स क्षेपयत् स पौषयद् भुवद् वाजस्य सातय उतैधि पृत्सु नो वृधे ७

(२) द्वितीयं सूक्तम्

(१-७) सप्तर्चस्यास्य सूक्तस्यात्रेयो गय ऋषिः । अग्निर्देवता । (१-३, ५-६)

प्रथमादितृचस्य पञ्चमीषष्ठ्योर्त्रचोश्चानुष्टुप् (४, ७) चतुर्थीसप्तम्योश्च पङ्क्तिश्छन्दसी
अग्न ओजिष्ठमा भर द्युमन्मस्मभ्यमग्निगो ।

प्र नो राया परीणसा रत्सि वाजाय पन्थाम् १

त्वं नो अग्ने अब्रुत क्रत्वा दक्षस्य मंहना ।

त्वे असुर्यश्मारुहत् क्राणा मित्रो न यज्ञियः २

त्वं नो अग्न एषां गर्यं पुष्टिं च वर्धय ।

ये स्तोमैभिः प्र सूरयो नरो मघान्यानुशुः ३

ये अग्ने चन्द्र ते गिरः शम्भन्त्यश्चराधसः ।
 शुष्मैभिः शष्मिणो नरो दिवश्चिद् येषां बृहत् सुकीर्तिर्बोधति त्मना ४
 तव त्वे अग्ने अर्चयो भ्राजन्तो यन्ति धृष्णया ।
 परिज्मानो न विद्युतः स्वानो रथो न वज्रियुः ५
 नू नो अग्न ऊतये सबाधसश्च रातये ।
 अस्माकांसश्च सूरयो विश्वा आशास्तरीषणि ६
 त्वं नो अग्ने अङ्गिरः स्तुतः स्तवान् आ भर ।
 होतर्विभ्वासह रयिं स्तोतृभ्यः स्तवसे च न उत्तैधि पृत्सु नो वृधे ७

(३) तृतीयं सूक्तम्

(१-६) षडृचस्यास्य सूक्तस्यात्रेयः सुतम्भर ऋषिः । अग्निर्देवता । जगती छन्दः
 जनस्य गोपा अजनिष्ट जागृवि रग्निः सुदक्षः सुविताय नव्यसे ।
 घृतप्रतीको बृहता दिविस्पृशा द्युमद् वि भाति भरतेभ्यः शुचिः १
 यज्ञस्य केतुं प्रथमं पुरोहित मग्निं नरस्त्रिषधस्थे समीधिरे ।
 इन्द्रेण देवैः सरथं स बर्हिषि सीदन्नि होता यजथाय सुक्रतुः २
 असंमृष्टो जायसे मात्रोः शुचिर्मन्द्रः कविरुदतिष्ठो विवस्वतः ।
 घृतेन त्वावर्धयन्नग्न आहुत धूमस्तै केतुरभवद् दिवि श्रितः ३
 अग्निर्नो यज्ञमुप वेतु साधुया ऽग्निं नरो वि भरन्ते गृहेगृहे ।
 अग्निर्दूतो अभवद्धव्यवाहनो ऽग्निं वृणाना वृणते कविक्रतुम् ४
 तुभ्येदमग्ने मदुमत्तमं वचस्तुभ्यं मनीषा इयमस्तु शं हृदे ।
 त्वां गिरः सिन्धुमिवावनीर्मही रा पृणन्ति शर्वसा वर्धयन्ति च ५
 त्वामग्ने अङ्गिरसो गुहा हित मन्वविन्दज्छश्रियाणं वनेवने ।
 स जायसे मथ्यमानः सहो महत् त्वामाहुः सहसस्पुत्रमङ्गिरः ६

(४) चतुर्थं सूक्तम्

(१-६) षडृचस्यास्य सूक्तस्यात्रेयः सुतम्भर ऋषिः । अग्निर्देवता । त्रिष्टुप् छन्दः
 प्राग्रये बृहते यज्ञियाय ऋतस्य वृष्णे असुराय मन्म ।
 घृतं न यज्ञ आस्येर् सुपूतं गिरं भरे वृषभार्य प्रतीचीम् १
 ऋतं चिकित्वा ऋतमिच्चिकिद्धयु तस्य धारा अनु तृन्धि पूर्वीः ।
 नाहं यातुं सहसा न द्वयेन ऋतं संपाम्यरुषस्य वृष्णाः २

कया॑ नो अ॒ग्र ऋ॒तय॑न्वृ॒तेन॒ भुवो॑ नवे॒दा उ॒चथ॑स्य नव्यः ।
 वेदा॑ मे दे॒व ऋ॒तुपा॑ ऋ॒तूनां॑ नाहं पतिं स॒नितु॑रस्य रा॒यः ३
 के ते॑ अ॒ग्ने रि॒पवे॑ बन्ध॒नासः॑ के पा॒यवः॑ स॒निष॑न्त द्युमन्तः ।
 के धा॒सिम॑ग्ने अ॒नृत॑स्य पा॒न्ति क आ॑स॒तो व॑चसः स॒न्ति गो॑पाः ४
 सखा॑यस्ते वि॒षुणा॑ अ॒ग्र ए॒ते शि॒वासः॑ स॒न्तो अ॑शि॒वा अ॒भूव॑न् ।
 अ॒धूर्ष॑त स्व॒यमे॒ते व॒चोभि॑र् ऋ॒जूय॑ते वृ॒जिना॑नि ब्रुवन्तः ५
 यस्तै॑ अ॒ग्ने न॑मसा॒ यज्ञ॑मी॒दृ ऋ॒तं स पा॑त्यरु॒षस्य॑ वृ॒ष्णाः ।
 तस्य॑ क्षयः पृ॒थुरा सा॒धुरै॑तु प्र॒सस्त्रा॑णस्य नहृषस्य शेषः ६

(५) पञ्चमं सूक्तम्

(१-६) षडृचस्यास्य सूक्तस्यात्रेयः सुतम्भर ऋषिः । अग्निर्देवता । गायत्री छन्दः
 अ॒र्चन्त॑स्त्वा हवाम॒हे ऽर्च॑न्तः स॒मि॒धीम॑हि । अ॒ग्ने अ॒र्चन्त॑ ऊ॒तयै॑ १
 अ॒ग्नेः स्तोमं॑ मनामहे सि॒ध्मम॑द्य दि॒विस्पृ॑शः । दे॒वस्य॑ द्रवि॒णस्य॑वः २
 अ॒ग्निर्जु॑षत नो गि॒रो हो॒ता यो मा॑नु॒षेष्वा॑ । स य॑ज्ञद् दै॒व्यं ज॑नम् ३
 त्वम॑ग्ने स॒प्रथा॑ अ॒सि जु॑ष्टो हो॒ता वरै॑णयः । त्वया॑ य॒ज्ञं वि॑ त॒न्वते॑ ४
 त्वाम॑ग्ने वा॒जसा॑त॒मं वि॒प्रा व॑र्धन्ति सु॒ष्टुत॑म् । स नो॑ रास्व सु॒वीर्य॑म् ५
 अ॒ग्ने ने॒मिरा॑ ईव दे॒वाँस्त्वं प॑रि॒भूर॑सि । आ रा॒धश्चि॒त्रमृ॑ञ्जसे ६

(६) षष्ठं सूक्तम्

(१-६) षडृचस्यास्य सूक्तस्यात्रेयः सुतम्भर ऋषिः । अग्निर्देवता । गायत्री छन्दः
 अ॒ग्निं स्तोमै॑न बो॒धय॑ स॒मि॒धानो॑ अ॒मर्त्य॑म् । ह॒व्या दे॒वेषु॑ नो दधत् १
 तम॑ध्वरे॒ष्वीळ॑ते दे॒वं म॒र्ता अ॑मर्त्यम् । यजि॑ष्ठं मा॒नुषे॑ ज॒नै २
 तं हि॑ शश्व॑न्त ई॒ळते॑ स्तु॒चा दे॒वं घृ॑तश्चु॒ता । अ॒ग्निं ह॒व्याय॑ वोळ॒हवे॑ ३
 अ॒ग्निर्जा॑तो अ॒रोच॑त॒ घ्नन् द॑स्यू॒ञ्ज्योति॑षा तमः । अ॒वि॒न्दद् गा॒ अपः॑ स्वः ४
 अ॒ग्निमी॒ळेन्य॑ क॒विं घृ॑तपृ॒ष्ठं स॑पर्यत । वे॒तु मे॑ शृ॒णव॑द्ध॒वम् ५
 अ॒ग्निं घृ॑तेन॒ वावृ॑धुः स्तोमै॑भिर्वि॒श्वच॑र्षणिम् । स्वा॒धीभि॑र्वच॒स्युभिः॑ ६

(७) सप्तमं सूक्तम्

(१-५) पञ्चर्चस्यास्य सूक्तस्याङ्गिरसो धरुण ऋषिः । अग्निर्देवता ।
 त्रिष्टुप् छन्दः

प्र वेधसे कवये वेद्याय गिरं भरे यशसे पूर्वाय ।
 घृतप्रसक्तो असुरः सुशेवो रायो धर्ता धरुणो वस्वो अग्निः १
 अतेन अतं धरुणं धारयन्त यज्ञस्य शाके परमे व्योमन् ।
 दिवो धर्मन् धरुणं सेदुषो नृञ्जातैरजातां अभि ये ननुक्षुः २
 अंहोयुर्वस्तन्वस्तन्वते वि वयो महद् दुष्टरं पूर्वाय ।
 स संवतो नवजातस्तुतुर्यात् सिंहं न क्रुद्धमभितुः परि षुः ३
 मातेव यद् भर्से पप्रथानो जनंजनं धार्यसे चक्षसे च ।
 वयौवयो जरसे यद् दधानः परि त्मना विषुरूपो जिगासि ४
 वाजो नु ते शर्वसस्यात्वन्तं मुरुं दोषं धरुणं देव रायः ।
 पदं न तायुर्गुहा दधानो महो राये चितयन्नत्रिमस्पः ५

(८) अष्टमं सूक्तम्

(१-५) पञ्चर्चस्यास्य सूक्तस्यात्रेयः पूरुर्ऋषिः । अग्निर्देवता । (१-४)

प्रथमादिचतुर्ऋचामनुष्टुप् , (५) पञ्चम्याश्च पङ्क्तिश्छन्दसी

बृहद् वयो हि भानवे ऽर्चा देवायाग्रये ।
 यं इमत्रं न प्रशस्तिभिर्मर्तासो दधिरे पुरः १
 स हि द्युभिर्जनानां होता दक्षस्य बाहोः ।
 वि हव्यमग्निरानुषग्भगो न वारमृशवति २
 अस्य स्तोमैर्मघोनः सख्ये वृद्धशौचिषः ।
 विश्वा यस्मिन् तुविष्वणि समये शुष्ममादधुः ३
 अध्रा ह्यग्न एषां सुवीर्यस्य मंहना ।
 तमिद् युहं न रोदसी परि श्रवो बभूवतुः ४
 नू न एहि वार्यमग्नैर्गृणान आ भर ।
 ये वयं ये च सूरयः स्वस्ति धामहे सचो तैर्धि पृत्सु नो वृधे ५

(९) नवमं सूक्तम्

(१-५) पञ्चर्चस्यास्य सूक्तस्यात्रेयः पूरुर्ऋषिः । अग्निर्देवता । (१-४)

प्रथमादिचतुर्ऋचामनुष्टुप् , (५) पञ्चम्याश्च पङ्क्तिश्छन्दसी

आ यज्ञैर्देव मर्त्य इत्था तव्यासमूतये ।
 अग्निं कृते स्वध्वरे पूरुरीळीतार्वसे १

अस्य हि स्वयंशस्तर आसा विधर्मन् मन्यसे ।
 तं नार्कं चित्रशौचिषं मुन्द्रं पुरो मनीषया २
 अस्य वासा उ अर्चिषा य आयुक्त तुजा गिरा ।
 दिवो न यस्य रेतसा बृहच्छोचन्त्यर्चयः ३
 अस्य क्रत्वा विचैतसो दस्मस्य वसु रथ आ ।
 अधा विश्वासु हव्यो ऽग्निर्विद्धु प्र शस्यते ४
 नू न इद्धि वार्य मासा सचन्त सूरयः ।
 ऊर्जो नपादभिष्टये पाहि शग्धि स्वस्तये उत्तैधि पृत्सु नो वृधे ५

(१०) दशमं सूक्तम्

(१-५) पञ्चर्चस्यास्य सूक्तस्य मृक्तवाहा आत्रेयो द्वित ऋषिः । अग्निर्देवता । (१-४) प्रथमादिचतुर्ऋचामनुष्टुप् , (५) पञ्चम्याश्च पङ्क्तिश्छन्दसी
 प्रातरग्निः पुरुप्रियो विशः स्तवेतातिथिः ।
 विश्वानि यो अमर्त्यो हव्या मर्तेषु रणयति १
 द्विताय मृक्तवाहसे स्वस्य दक्षस्य मंहना ।
 इन्दुं स धेत्त आनुषक् स्तोता चित् ते अमर्त्य २
 तं वो दीर्घायुशोचिषं गिरा हुवे मघोनाम् ।
 अरिष्टो येषां रथो व्यश्चदावन्नीयते ३
 चित्रा वा येषु दीधिति रासन्नृक्था पान्ति ये ।
 स्तीर्णं बर्हिः स्वर्णरे श्रवांसि दधिरे परि ४
 ये मे पञ्चाशतं ददु रश्वानां सधस्तुति ।
 द्युमदग्ने महि श्रवौ बृहत् कृधि मघोनां नृवदमृत नृणाम् ५

(११) एकादशं सूक्तम्

(१-५) पञ्चर्चस्यास्य सूक्तस्यात्रेयो वव्रिर्ऋषिः । अग्निर्देवता । (१-२) प्रथमाद्वितीययोर्ऋचोर्गायत्री, (३-४) तृतीयाचतुर्थ्योरनुष्टुप् , (५) पञ्चम्याश्च विराड् रूपा छन्दांसि
 अभ्यवस्थाः प्र जायन्ते प्र ववेर्वविश्चिकेत । उपस्थे मातुर्वि चष्टे १
 जुहुरे वि चितयन्तो ऽनिमिषं नृम्णां पान्ति । आ दृळ्हां पुरं विविशुः २

आ श्वैत्रेयस्य जन्तवो द्युमद् वर्धन्त कृष्टयः ।
 निष्कग्रीवो बृहदुक्थ एना मध्वा न वाजयुः ३
 प्रियं दुग्धं न काम्यमजामि जाम्योः सचा ।
 घर्मो न वाजजठरो ऽदब्धः शश्वतो दभः ४
 क्रीळन् नो रश्म आ भुवः सं भस्मना वायुना वेविदानः ।
 ता अस्य सन् धृषजो न तिग्माः सुसंशिता वक्ष्यो वक्षणेस्थाः ५

(१२) द्वादशं सूक्तम्

(१-४) चतुर्ऋचस्यास्य सूक्तस्यात्रेयाः प्रयस्वन्त ऋषयः । अग्निर्देवता । (१-३)

प्रथमादितृचस्यानुष्टुप् , (४) चतुर्थ्या ऋचश्च पङ्क्तिश्छन्दसी

यमग्ने वाजसातम् त्वं चिन् मन्यसे रयिम् ।
 तं नो गीर्भिः श्रवाय्यं देवत्रा पनया युजम् १
 ये अग्ने नेरयन्ति ते वृद्धा उग्रस्य शर्वसः ।
 अप द्वेषो अप हरो ऽन्यव्रतस्य सश्विरे २
 होतारं त्वा वृणीमहे ऽग्ने दक्षस्य साधनम् ।
 यज्ञेषु पूर्व्यं गिरा प्रयस्वन्तो हवामहे ३
 इत्था यथा त ऊतये सहसावन् दिवेदिवे ।
 राय ऋताय सुक्रतो गोभिः प्याम सधमादौ वरैः स्याम सधमादः ४

(१३) त्रयोदशं सूक्तम्

(१-४) चतुर्ऋचस्यास्य सूक्तस्यात्रेयः सस ऋषिः । अग्निर्देवता । (१-३)

प्रथमादितृचस्यानुष्टुप् , (४) चतुर्थ्या ऋचश्च पङ्क्तिश्छन्दसी

मनुष्वत् त्वा नि धीमहि मनुष्वत् समिधीमहि ।
 अग्ने मनुष्वदङ्गिरो देवान् देवयुते यज १
 त्वं हि मानुषे जने ऽग्ने सुप्रीत इध्यसे ।
 स्रुचस्त्वा यन्त्यानुषक् सुजात सर्पिरासुते २
 त्वां विश्वे सजोषसो देवासो दूतमक्रत ।
 सपर्यन्तस्त्वा कवे यज्ञेषु देवमीळते ३
 देवं वो देवयज्यया ऽग्निमीळीतु मर्त्यः ।
 समिद्धः शुक्र दीदिह्यु तस्य योनिमासदः ससस्य योनिमासदः ४

(१४) चतुर्दशं सूक्तम्

(१-४) चतुर्ऋचस्यास्य सूक्तस्यात्रेयो विश्वसामा ऋषिः । अग्निर्देवता । (१-३)

प्रथमादितृचस्यानुष्टुप् , (४) चतुर्थ्या ऋचश्च पङ्क्तिश्छन्दसी

प्र विश्वसामन्नत्रिव दर्चा पावकशौचिषे ।

यो अर्ध्वरेष्वीड्यो होता मन्द्रतमो विशि १

न्यग्निं जातवैदसं दधाता देवमृत्विजम् ।

प्र युज्ञ एत्वानुष गृह्या देवव्यचस्तमः २

चिकित्विन्मनसं त्वा देवं मर्तास ऊतयै ।

वरैरयस्य तेऽवस इयानासौ अमन्महि ३

अग्रे चिकिद्धयस्य न इदं वचः सहस्य ।

तं त्वा सुशिप्र दंपते स्तोमैर्वर्धन्त्यत्रयो गीर्भिः शुम्भन्त्यत्रयः ४

(१५) पञ्चदशं सूक्तम्

(१-४) चतुर्ऋचस्यास्य सूक्तस्यात्रेयो विश्वचर्षणिर्द्युम्न ऋषिः । अग्निर्देवता । (१-

३) प्रथमादितृचस्यानुष्टुप् , (४) चतुर्थ्या ऋचश्च पङ्क्तिश्छन्दसी

अग्रे सहन्तमा भर द्युम्नस्य प्रासहो रयिम् ।

विश्वा यश्चर्षणीरभ्याः सा वाजेषु सासहत् १

तमग्रे पृतनाषहं रयिं सहस्व आ भर ।

त्वं हि सत्यो अद्भुतो दाता वाजस्य गोमतः २

विश्वे हि त्वा सजोषसो जनासो वृक्तबर्हिषः ।

होतारं सद्यसु प्रियं व्यन्ति वार्या पुरु ३

स हि ष्मा विश्वचर्षणि रभिमाति सहो दधे ।

अग्र एषु क्षयेष्वा रेवन्नः शुक्र दीदिहि द्युमत् पावक दीदिहि ४

(१६) षोडशं सूक्तम्

(१-४) चतुर्ऋचस्यास्य सूक्तस्य बन्धुः सुबन्धुः श्रुतबन्धुर्विप्रबन्धुश्च गौपायना

लौपायना वा क्रमेणर्षयः । अग्निर्देवता । द्विपदा विराट् छन्दः

अग्रे त्वं नो अन्तम उत त्राता शिवो भवा वरूथ्यः १

वसुरग्निर्वसुश्रवा अच्छा नक्षि द्युमत्तमं रयिं दाः १ २

स नो बोधि श्रुधी हवमुरुष्या गौ अघायुतः समस्मात् ३

तं त्वां शोचिष्ठ दीदिवः सुम्नाय नूनमीमहे सखिभ्यः २ ४

(१७) सप्तदशं सूक्तम्

(१-६) नवर्चस्यास्य सूक्तस्यात्रेया वसूयव ऋषयः । अग्निर्देवता । अनुष्टुप् छन्दः
 अच्छा वो अग्निमवसे देवं गांसि स नो वसुः ।
 रासत् पुत्र ऋषूणा मृतावा पर्वति द्विषः १
 स हि सत्यो यं पूर्वे चिद् देवासश्चिद् यमीधिरे ।
 होतारं मन्द्रजिह्वमित् सुदीतिभिर्विभावसुम् २
 स नो धीती वरिष्ठया श्रेष्ठया च सुमत्या ।
 अग्रे रायो दिदीहि नः सुवृक्तिभिर्वरेण्य ३
 अग्निर्देवेषु राजत्यग्निर्मर्षेष्वाविशन् ।
 अग्निर्नो हव्यवाहनो ऽग्निं धीभिः संपर्यत ४
 अग्निस्तुविश्रवस्तमं तुविब्रह्माणमुत्तमम् ।
 अतूर्तं श्रावयत्पतिं पुत्रं ददाति दाशुषे ५
 अग्निर्ददाति सत्पतिं सासाह यो युधा नृभिः ।
 अग्निरत्यं रघुष्यदं जेतारमपराजितम् ६
 यद् वाहिष्ठं तदग्र्यै बृहदर्च विभावसो ।
 महिषीव त्वद् रयिस्त्वद् वाजा उदीरते ७
 तव द्युमन्तौ अर्चयो ग्रावैवोच्यते बृहत् ।
 उतो ते तन्यतुर्यथा स्वानो अर्तु त्मना दिवः ८
 एवाँ अग्निं वसूयवः सहसानं ववन्दिम ।
 स नो विश्वा अति द्विषः पर्षन्नावेव सुक्रतुः ९

(१८) अष्टादशं सूक्तम्

(१-६) नवर्चस्यास्य सूक्तस्यात्रेया वसूयव ऋषयः । (१-८) प्रथमाद्यष्टर्चामग्निः,

(९) नवम्याश्च लिङ्गोक्ता देवताः । गायत्री छन्दः

अग्रे पावक रोचिषा मन्द्रया देव जिह्वया । आ देवान् वक्षि यक्षि च १
 तं त्वां घृतस्त्रवीमहे चित्रभानो स्वर्दृशम् । देवाँ आ वीतये वह २
 वीतिहोत्रं त्वा कवे द्युमन्तं समिधीमहि । अग्रे बृहन्तमध्वरे ३
 अग्रे विश्वैभिरा गहि देवेभिर्हव्यदातये । होतारं त्वा वृणीमहे ४

यजमानाय सुन्वत आग्ने सुवीर्यं वह । देवैरा संत्सि बर्हिषि ५
 समिधानः सहस्रजि दग्ने धर्माणि पुष्यसि । देवानां दूत उक्थ्यः ६
 न्यग्निं जातवैदसं होत्रवाहं यविष्ठयम् । दधाता देवमृत्विजम् ७
 प्र यज्ञ एत्वानुषगुद्या देवव्यचस्तमः । स्तृणीत बर्हिरासदे ८
 एदं मरुतो अश्विना मित्रः सीदन्तु वरुणः । देवासः सर्वया विशा ९

(१६) एकोनविंशं सूक्तम्

(१-६) षडृचस्यास्य सूक्तस्य त्रैवृष्णस्त्र्यरुणः पौरुकुत्स्यस्त्रसदस्युर्भारतोऽश्वमेधश्च
 राजानो भोमौऽत्रिर्वा ऋषिः । (१-५) प्रथमादिपञ्चर्चामग्निः, (६) षष्ठ्याश्चेन्द्राग्नी
 देवते । (१-३) प्रथमतृचस्य त्रिष्टुप्, (४-६) द्वितीयतृचस्य चानुष्टुप् छन्दसी
 अनस्वन्ता सत्पतिर्माहे मे गावा चेतिष्ठो असुरो मघोनः ।
 त्रैवृष्णो अग्ने दशभिः सहस्रैर्वैश्वानर त्र्यरुणश्चिकेत १
 यो मे शता च विंशतिं च गोनां हरी च युक्ता सुधुरा ददाति ।
 वैश्वानर सुष्टुतो वावृधानो ऽग्ने यच्छ त्र्यरुणाय शर्म २
 एवा ते अग्ने समृतिं चकानो नविष्ठाय नवमं त्रसदस्युः ।
 यो मे गिरस्तुविजातस्य पूर्वा युक्तेनाभि त्र्यरुणो गृणाति ३
 यो म इति प्रवोच त्यश्वमेधाय सूरये ।
 दददृचा सनिं यते ददन्मेधामृतायते ४
 यस्ये मा परुषाः शत मुद्धर्षयन्त्युक्षणः ।
 अश्वमेधस्य दानाः सोमा इव त्र्याशिरः ५
 इन्द्राग्नी शतदाव्यश्वमेधे सुवीर्यम् ।
 क्षत्रं धारयतं बृहद् दिवि सूर्यमिवाजरम् ६

(२०) विंशं सूक्तम्

(१-६) षडृचस्यास्य सूक्तस्यात्रेयी विश्ववारा ऋषिका । अग्निर्देवता । (१, ३)
 प्रथमर्चस्तृतीयायाश्च त्रिष्टुप्, (२) द्वितीयाया जगती, (४) चतुर्थ्या अनुष्टुप्,
 (५-६) पञ्चमीषष्ठ्योश्च गायत्री छन्दांसि
 समिद्धो अग्निर्दिवि शोचिरंश्रेत् प्रत्यङ्ङुषसुर्विया वि भाति ।
 एति प्राची विश्ववारा नमो भिर्देवाँ ईळाना हविषा घृताची १
 समिध्यमानो अमृतस्य राजसि हविष्कृणवन्त सचसे स्वस्तये ।

विश्वं स धत्ते द्रविणं यमिन्व स्यातिथ्यमग्ने नि च धत्त इत् पुरः २
 अग्ने शर्ध महते सौभगाय तव द्युमन्युत्तमानि सन्तु ।
 सं जास्पत्यं सुयममा कृणुष्व शत्रूयतामभि तिष्ठा महासि ३
 समिद्धस्य प्रमेहसो ऽग्ने वन्दे तव श्रियम् ।
 वृषभो द्युमनवाँ असि समध्वरेष्विध्यसे ४
 समिद्धो अग्न आहुत देवान् यक्षि स्वध्वर । त्वं हि हव्यवाळसि ५
 आ जुहोता दुवस्यताऽग्निं प्रयत्यध्वरे । वृणीध्वं हव्यवाहनम् ६

(२१) एकविंशं सूक्तम्

(१-१५) पञ्चदशर्चस्यास्य सूक्तस्य शाक्त्यो गौरिवीतिर्ऋषिः । इन्द्रो देवता,
 तत्रापि (६) नवम्या ऋचः प्रथमपादस्योशना वा देवता । त्रिष्टुप् छन्दः
 त्र्ययमा मनुषो देवताता त्री रौचना दिव्या धारयन्त ।
 अर्चन्ति त्वा मरुतः पूतदक्षा स्त्वमेषामृषिरिन्द्रासि धीरः १
 अनु यदी मरुतो मन्दसान मार्चन्निन्द्र पपिवांसं सुतस्य ।
 आदत्त वज्रमभि यदहिं ह न्नपो यहीरसृजत् सर्तवा उ २
 उत ब्रह्माणो मरुतो मे अस्येन्द्रः सोमस्य सुषुतस्य पेयाः ।
 तद्धि हव्यं मनुषे गा अविन्द दहन्नहिं पपिवाँ इन्द्रो अस्य ३
 आद् रोदसी वितुरं वि ष्कभायत् संविद्यानश्चिद् भियसे मृगं कः ।
 जिगर्तिमिन्द्रो अपजर्गुराणः प्रति श्वसन्तमव दानुवं हन् ४
 अध क्रत्वा मघवन् तुभ्य देवा अनु विश्वे अददुः सोमपेयम् ।
 यत् सूर्यस्य हरितः पतन्तीः पुरः सतीरुपरा एतशे कः ५
 नव यदस्य नवतिं च भोगान् त्साकं वज्रेण मघवा विवृश्चत् ।
 अर्चन्तीन्द्र मरुतः सधस्थे त्रैष्टुभेन वचसा बाधत द्याम् ६
 सखा सख्यै अपचत् तूर्यमग्नि रस्य क्रत्वा महिषा त्री शतानि ।
 त्री साकमिन्द्रो मनुषः सरांसि सुतं इंपबद् वृत्रहत्याय सोमम् ७
 त्री यच्छता महिषाणामघो मा स्त्री सरांसि मघवा सोम्यापोः ।
 कारं न विश्वे अहन्त देवा भरमिन्द्राय यदहिं जघान ८
 उशना यत् सहस्यैरयातं गृहमिन्द्र जूजुवानेभिरश्वैः ।
 वन्वानो अत्र सरथ ययाथ कुत्सेन देवैरवनोर्ह शुष्णम् ९
 प्रान्यच्चक्रमवृहः सूर्यस्य कुत्सायान्यद् वरिवो यातवेऽकः ।

अनासो दस्यूरमृणो वधेन नि दुर्योण आवृणङ् मध्रवाचः १०
 स्तोमासस्त्वा गौरिवीतेरवर्धन्नरन्धयो वैदथिनाय पिपुम् ।
 आ त्वामृजिश्वा सख्याय चक्रे पचन् पत्नीरपिबः सोममस्य ११
 नवगवासः सुतसौमास इन्द्रं दशगवासो अभ्यर्चन्त्यर्कैः ।
 गव्यं चिदूर्वमपिधानवन्तं तं चिन्नरः शशमाना अपं व्रन् १२
 कथो नु ते परि चराणि विद्वान् वीर्या मघवन् या चकर्थ ।
 या चो नु नव्या कृणवः शविष्टु प्रेदु ता तै विदथेषु ब्रवाम १३
 एता विश्वा चकृवाँ इन्द्र भूर्य परीतो जनुषा वीर्येण ।
 या चिन्नु वज्रिन् कृणवौ दधृष्वान् न तै वर्ता तविष्या अस्ति तस्याः १४
 इन्द्र ब्रह्म क्रियमाणा जुषस्व या तै शविष्टु नव्या अकर्म ।
 वस्त्रैव भद्रा सुकृता वसूयू रथं न धीरः स्वपा अतक्षम् १५

(२२) द्वाविंशं सूक्तम्

(१-१५) पञ्चदशर्चस्यास्य सूक्तस्यात्रेयो वभुर्ऋषिः । (१-११)

प्रथमाद्येकादशर्चामिन्द्रः, (१२-१५) द्वादश्यादिचतसृणाञ्च ऋणञ्चयेन्द्रौ देवते ।

त्रिष्टुप् छन्दः

क्वश्स्य वीरः को अपश्यदिन्द्रं सुखरथमीर्यमानं हरिभ्याम् ।
 यो राया वज्री सुतसौममिच्छन् तदोको गन्ता पुरुहूत ऊती १
 अवाचचक्षं पदमेस्य सस्व रुग्रं निधातुरन्वायमिच्छन् ।
 अपृच्छमन्याँ उत ते म आहु रिन्द्रं नरो बुबुधाना अशेम २
 प्र नु वयं सुते या तै कृतानीन्द्र ब्रवाम् यानि नो जुजौषः ।
 वेददविद्वाञ्छृणवञ्च विद्वान् वहतेऽयं मघवा सर्वसेनः ३
 स्थिरं मनश्चकृषे जात इन्द्र वेषीदेको युधये भूर्यसश्चित् ।
 अश्मानं चिच्छवसा दिद्युतो वि विदो गवामूर्वमुस्त्रियाणाम् ४
 पुरो यत् त्वं परम आजनिष्ठाः परावति श्रुत्यं नाम बिभ्रत् ।
 अतश्चिदिन्द्रादभयन्त देवा विश्वा अपो अजयद् दासपत्नीः ५
 तुभ्येदेते मरुतः सुशेवा अर्चन्त्यर्कं सुन्वन्त्यन्धः ।
 अहिमोहानमुप आशयानं प्र मायाभिर्मायिनं सक्षदिन्द्रः ६
 वि षू मृधौ जनुषा दानमिन्व ब्रह्मन् गवा मघवन् त्संचकानः ।
 अत्रा दासस्य नमुचेः शिरो य दवर्तयो मनवे गातुमिच्छन् ७

युजं हि मामकृथा आदिदिन्द्र शिरौ दासस्य नमुचेर्मथायन् ।
 अश्मानं चित् स्वर्यं वर्तमानं प्र चक्रियैव रोदसी मरुद्भ्यः ८
 स्त्रियो हि दास आयुधानि चक्रे किं मां करन्नबला अस्य सेनाः ।
 अन्तर्ह्यख्यदुभे अस्य धेने अथोप प्रैद् युधये दस्युमिन्द्रः ९
 समत्र गावोऽभितौऽनवन्ते हेह वत्सैर्वियुता यदासन् ।
 सं ता इन्द्रो असृजदस्य शाकैर्यदीं सोमासः सुषुता अमन्दन् १०
 यदीं सोमा बभ्रुधूता अमन्दन्नरौरवीद् वृषभः सार्दनेषु ।
 पुरंदरः पपिवां इन्द्रो अस्य पुनर्गवामददादुस्त्रियाणाम् ११
 भद्रमिदं रुशमा अग्रे अक्रन् गवां चत्वारि ददतः सहस्रा ।
 ऋणंचयस्य प्रयता मृगानि प्रत्यग्रभीष्म नृतमस्य नृणाम् १२
 सुपेशसं माव सृजन्त्यस्तं गवां सहस्रै रुशमासो अग्रे ।
 तीव्रा इन्द्रमममन्दुः सुतासो ऽक्तोर्व्यष्टौ परितक्म्यायाः १३
 औच्छत् सा रात्री परितक्म्या यां ऋणंचये राजनि रुशमानाम् ।
 अत्यो न वाजी रघुरज्यमानो बभ्रुश्चत्वार्यसनत् सहस्रा १४
 चतुःसहस्रं गव्यस्य पश्वः प्रत्यग्रभीष्म रुशमैष्वग्रे ।
 घर्मश्चित् तप्तः प्रवृजे य आसी दयस्मयस्तम्वादाम् विप्राः १५

(२३) त्रयोविंशं सूक्तम्

(१-१३) त्रयोदशर्चस्यास्य सूक्तस्यात्रेय अवस्युर्ऋषिः । (१-७, ८, १०-१३)

प्रथमादिसप्तर्चामष्टम्याः प्रथमद्वितीयपादयोर्दशम्यादिचतसृणाञ्चेन्द्रः (८)

अष्टम्यास्तृतीयपादस्येन्द्रः कुत्सो वा, चतुर्थपादस्येन्द्र उशना वा, (९)

नवम्याश्चेन्द्राकुत्सौ देवताः । त्रिष्टुप् छन्दः

इन्द्रो रथाय प्रवर्त कृणोति यमध्यस्थान्मघवां वाजयन्तम् ।
 यूथेव पश्वो व्युनोति गोपा अरिष्टो याति प्रथमः सिषासन् १
 आ प्र द्रव हरिवो मा वि वैनः पिशङ्गराते अभि नः सचस्व ।
 नहि त्वदिन्द्र वस्यो अन्यदस्त्य मेनांश्चिज्जनिवतश्चकर्थ २
 उद्यत् सहः सहस्र आजनिष्ट देदिष्ट इन्द्र इन्द्रियाणि विश्वा ।
 प्राचौदयत् सुदुघा वृत्रे अन्त वि ज्योतिषा संववृत्वत् तमोऽवः ३
 अर्नवस्ते रथमश्वाय तक्षन् त्वष्टा वज्रं पुरुहूत द्युमन्तम् ।
 ब्रह्माण इन्द्र महयन्तो अर्के रवर्धयन्नहये हन्तवा उ ४

वृष्णे यत् ते वृषणो अर्कमर्चा निन्द्रा ग्रावाणो अदितिः सजोषाः ।
 अनश्वासो ये पवयोऽरथा इन्द्रैषिता अभ्यवर्तन्त दस्यून् ५
 प्र ते पूर्वाणि करणानि वोचं प्र नूतना मघवन् या चकर्थ ।
 शक्तीवो यद् विभरा रोदसी उभे जयन्नपो मनवे दानुचित्राः ६
 तदिन्नु ते करणं दस्म विप्राऽहिं यद् घ्नन्नोजो अत्रामिमीथाः ।
 शुष्णस्य चित् परि माया अगृभ्णाः प्रपित्वं यन्नपु दस्यूरसेधः ७
 त्वमपो यदेवे तुर्वशायाऽरमयः सुदुर्घाः पार इन्द्र ।
 उग्रमयातुमवहो ह कुत्सं सं ह यद् वामुशनारन्त देवाः ८
 इन्द्राकुत्सा वहमाना रथेनाऽऽ वामत्या अपि कर्णे वहन्तु ।
 निः षीमद्भ्यो धर्मथो निः षधस्थान् मुघोनो हदो वरथस्तमांसि ९
 वारतस्य युक्तान् त्सुयुजश्चिदश्चान् कविश्चिदेषो अजगन्नवस्युः ।
 विश्वे ते अत्र मरुतः सखाय इन्द्र ब्रह्माणि तविषीमवर्धन् १०
 सूरश्चिद् रथं परितक्म्यायां पूर्वं करदुपरं जूजुवांसम् ।
 भरच्चक्रमेतशः सं रिणाति पुरो दधत् सनिष्यति क्रतुं नः ११
 आयं जना अभिचक्षे जगामेन्द्रः सखायं सुतसौममिच्छन् ।
 वदन् ग्रावाव वेदिं इभ्रयाते यस्य जीरमध्वर्यवश्चरन्ति १२
 ये चाकनन्त चाकनन्त नू ते मर्ता अमृत मो ते अंह आरन् ।
 वावन्धि यज्यूरुत तेषु धेह्यो जो जनैषु येषु ते स्याम १३

(२४) चतुर्विंशं सूक्तम्

(१-१२) द्वादशर्चस्यास्य सूक्तस्यात्रेयो गातुर्ऋषिः । इन्द्रो देवता । त्रिष्टुप् छन्दः
 अर्ददुरुत्समसृजो वि खानि त्वमर्णवान् बद्धधानां अरम्णाः ।
 महान्तमिन्द्र पर्वतं वि यद् वः सृजो वि धारा अव दानुवं हन् १
 त्वमुत्सां ऋतुभिर्बद्धधानां अरंह ऊधः पर्वतस्य वज्रिन् ।
 अहिं चिदुग्र प्रयुतं शयानं जघन्वाँ इन्द्र तविषीमधत्थाः २
 त्यस्य चिन्महतो निर्मृगस्य वधर्जघान् तविषीभिरिन्द्रः ।
 य एक इदप्रतिर्मन्यमान् आदस्मादन्यो अजनिष्ट तव्यान् ३
 त्यं चिदेषां स्वधया मदन्तं इमहो नपातं सुवृधं तमोगाम् ।
 वृषप्रभर्मा दानवस्य भामं वज्रैण वज्री नि जघान् शुष्णाम् ४
 त्यं चिदस्य क्रतुभिर्निषत्तम मर्मणो विददिदस्य मर्म ।

यदीं सुक्षत्रं प्रभृता मदस्य युयुत्सन्तं तमसि हर्म्ये धाः ५
 त्यं चिदित्था केत्पयं शयानमसूर्ये तमसि वावृधानम् ।
 तं चिन्मन्दानो वृषभः सुतस्यो चैरिन्द्रो अपगूर्या जघान ६
 उद् यदिन्द्रो महते दानवाय वधर्यमिष्ट सहो अप्रतीतम् ।
 यदीं वज्रस्य प्रभृतौ ददाभु विश्वस्य जन्तोरधमं चकार ७
 त्यं चिदर्णं मधुपं शयानमसिन्वं वृत्रं मह्याददुग्रः ।
 अपादमत्रं महता वधेन नि दुर्योण आवृणइ मध्रवाचम् ८
 को अस्य शुष्मं तविषीं वरातु एको धना भरते अप्रतीतः ।
 इमे चिदस्य जयसो नु देवी इन्द्रस्यौजसो भियसा जिहाते ९
 न्यस्मै देवी स्वधितिर्जिहीतु इन्द्राय गातुरुशतीव येमे ।
 सं यदोजो युवते विश्वमाभिरनु स्वधाव्नै क्षितयो नमन्त १०
 एकं नु त्वा सत्पतिं पाञ्चजन्यं जातं शृणोमि यशसं जनैषु ।
 तं मै जगृभ्र आशसो नविष्टं दोषा वस्तोर्हवमानास इन्द्रम् ११
 एवा हि त्वामृतुथा यातयन्तं मघा विप्रैभ्यो ददतं शृणोमि ।
 किं ते ब्रह्माणो गृहते सखायो ये त्वाया निदधुः काममिन्द्र १२

द्वितीयोऽध्यायः ।

। व० १ । २८

(२५) पञ्चविंशं सूक्तम्

(१-१०) दशर्चस्यास्य सूक्तस्य प्राजापत्यः संवरण ऋषिः । इन्द्रो देवता ।

त्रिष्टुप् छन्दः

महिं महे तवसे दीध्ये नृ निन्द्रायेत्था तवसे अतव्यान् ।
 यो अस्मै सुमतिं वार्जसातौ स्तुतो जनै समर्यश्चिकेत १
 स त्वं न इन्द्र धियसानो अर्के हरीणां वृषन् योक्त्रमश्रेः ।
 या इत्था मघवन्ननु जोषं वक्षौ अभि प्रार्यः सन्नि जनान् २
 न ते त इन्द्राभ्यश्स्मदृष्वाऽयुक्तासो अब्रह्मता यदसन् ।
 तिष्ठा रथमधि तं वज्रहस्ता ऽऽरश्मिं देव यमसे स्वश्वः ३
 पुरू यत् त इन्द्र सन्त्युक्था गर्वे चकथोर्वरासु युध्यन् ।
 ततक्षे सूर्याय चिदोर्कसि स्वे वृषा समत्सु दासस्य नाम चित् ४
 वयं ते त इन्द्र ये च नरः शर्धौ जज्ञाना याताश्च रथाः ।

आस्माञ्जगम्यादहिशुष्म सत्वा भगो न हव्यः प्रभृथेषु चारुः ५
 पृष्टेण्यमिन्द्र त्वे ह्योजौ नृम्णानि च नृतमानो अमर्तः ।
 स न एनी वसवानो रयिं दाः प्रार्यः स्तुषे तुविमघस्य दानम् ६
 एवा न इन्द्रोतिभिरेव पाहि गृणतः शूर कारून् ।
 उत त्वचं ददतो वाजसातौ पिप्रीहि मध्वः सुषुतस्य चारौः ७
 उत त्वे मा पौरुकुत्स्यस्य सूरैः स्त्रसदस्योर्हिरणिनो रराणाः ।
 वहन्तु मा दश श्येतासो अस्य गैरिद्वितस्य क्रतुभिर्नु संश्वे ८
 उत त्वे मा मारुताश्वस्य शोणाः क्रत्वामघासो विदथस्य रातौ ।
 सहस्रा मे च्यवतानो ददान आनूकमर्यो वपुषे नार्चत् ९
 उत त्वे मा ध्वन्यस्य जुष्टा लक्ष्मण्यस्य सुरुचो यतानाः ।
 मृहा रायः संवरणस्य ऋषेर्व्रजं न गावः प्रयता अपि गमन् १०

(२६) षड्विंशं सूक्तम्

(१-६) नवर्चस्यास्य सूक्तस्य प्राजापत्यः संवरण ऋषिः । इन्द्रो देवता । (१-८)

प्रथमाद्यष्टर्चा जगती (६) नवम्याश्च त्रिष्टुप् छन्दसी

अजातशत्रुमजरा स्वर्व त्यनु स्वधामिता दुस्ममीयते ।
 सुनोतन् पचत् ब्रह्मवाहसे पुरुष्टताय प्रतरं दधातन १
 आ यः सोमैन जठरमपिप्रता ऽमन्दत मघवा मध्वो अन्धसः ।
 यदी मृगाय हन्तवे महावधः सहस्रभृष्टिमुशना वृधं यमत् २
 यो अस्मै घंस उत वा य ऊर्धनि सोम सुनोति भवति द्युमाँ अह ।
 अपाप शक्रस्तनुष्टिमूहति तनूशुभ्रं मघवा यः कवासखः ३
 यस्यावधीत् पितरं यस्य मातरं यस्य शक्रो भ्रातरं नात ईषते ।
 वेतीद्वस्य प्रयता यतंकरो न किल्बिषादीषते वस्व आक्रः ४
 न पञ्चभिर्दशभिर्वष्ट्यारभं नासुन्वता सचते पुष्यता चन ।
 जिनाति वेदमुया हन्ति वा धुनि रा दैवयुं भजति गोमति वृजे ५
 वित्वक्ष्णः समृतौ चक्रमासजो ऽसुन्वतो विषुणः सुन्वतो वृधः ।
 इन्द्रो विश्वस्य दमिता विभीषणो यथावृशं नयति दासमार्यः ६
 समी पुणेरजति भोजनं मुषे वि दाशुषे भजति सूनरं वसु ।
 दुर्गे चन ध्रियते विश्व आ पुरु जनो यो अस्य तविषीमचुक्रुधत् ७
 सं यजनौ सुधनौ विश्वशर्धसाव वेदिन्द्रौ मघवा गोषु शश्रिषु ।

युजं ह्य॑न्यमकृत प्रवेप॑न्युदीं गव्यं सृजते सत्व॑भिर्धुनिः ८
 सहस्र॑सामाग्निवेशिं गृणीषे शत्रि॑मग्न उप॒मां केतु॑मर्यः ।
 तस्मा॑ आपः संयतः पीपयन्त॑ तस्मिन् क्षत्र॑ममवत् त्वेष॑मस्तु ९

(२७) सप्तविंशं सूक्तम्

(१-८) अष्टर्चस्यास्य सूक्तस्याङ्गिरसः प्रभूवसुर्ऋषिः । इन्द्रो देवता । (१-७)

प्रथमादिसप्तर्चामनुष्टुप् , (८) अष्टम्याश्च पङ्क्तिश्छन्दसी

यस्ते साधि॑ष्ठोऽवस॑ इन्द्र॒ क्रतु॑ष्टमा भर ।
 अस्म॑भ्यं चर्षणी॒सहं सस्त्रिं॑ वाजैषु दुष्ट॑रम् १
 यदिन्द्र॒ ते चत॑स्त्रो यच्छूर॒ सन्ति॑ तिस्रः ।
 यद् वा पञ्च॑ क्षिती॒नामव॑स्तत् सु न॒ आ भर॑ २
 आ तेऽवो वरै॑रयं वृष॑न्तमस्य हूमहे ।
 वृष॑जूतिर्हि जज्ञिष॒ आभू॑भिरिन्द्र तुर्वणिः ३
 वृषा॑ ह्यसि॒ राध॑से जज्ञिषे वृष्णि॑ ते शवः ।
 स्वक्ष॑त्रं ते धृष॒न्मनः॑ सत्रा॒हमिन्द्र॑ पौंस्यम् ४
 त्वं तमिन्द्र॒ मर्त्यं॑ ममि॒त्रयन्त॑मद्रिवः ।
 सर्व॑रथा शत॒क्रतो॑ नि याहि शव॑सस्पते ५
 त्वामिद् वृ॒त्रह॑न्तम् जना॑सो वृ॒क्तब॑र्हिषः ।
 उ॒ग्रं पूर्वी॑षु पू॒र्व्यं हव॑न्ते वाज॑सातये ६
 अस्मा॑कमिन्द्र दुष्ट॑रं पुरो॒यावान॑माजिषु ।
 सया॑वानं धनै॒धने॑ वाज॒यन्त॑मवा रथम् ७
 अस्मा॑कमिन्द्रेहि नो रथ॑मवा पुर॑ध्या ।
 वयं॑ शविष्ठ॒ वार्यं॑ दिवि श्रवो॑ दधीमहि दिवि॒ स्तोमं॑ मनामहे ८

(२८) अष्टाविंशं सूक्तम्

(१-६) षडृचस्यास्य सूक्तस्याङ्गिरसः प्रभूवसुर्ऋषिः । इन्द्रो देवता । (१-२, ४-

६) प्रथमाद्वितीययोर्ऋचोश्चतुर्थ्यादितृचस्य च त्रिष्टुप् ,

(३) तृतीयायाश्च जगती छन्दसी

स आ ग॑मदिन्द्रो यो वसू॑नां चिकै॒तद् दातुं॑ दाम॒नो रयी॑णाम् ।
 धन्व॑चरो न वंस॑गस्तृषा॒णश्च॑क॒मानः॑ पिबतु दुग्ध॑मंशुम् १

आ ते हनू हरिवः शूर शिप्रे रुहृत् सोमो न पर्वतस्य पृष्ठे ।
 अनु त्वा राजन्नर्वतो न हिन्वन् गीर्भिर्मदेम पुरुहूत विश्वे २
 चक्रं न वृत्तं पुरुहूत वेपते मनो भिया मे अमतेरिदद्विवः ।
 रथादधि त्वा जरिता सदावृध कुविन्नु स्तोषन्मघवन् पुरुवसुः ३
 एष ग्रावेव जरिता त इन्द्रे यतिं वाचं बृहदाशुषाणः ।
 प्र सव्येन मघवन् यंसि रायः प्र दक्षिणिद्धरिवो मा वि वैनः ४
 वृषा त्वा वृषणं वर्धतु द्यौ वृषा वृषभ्यां वहसे हरिभ्याम् ।
 स नो वृषा वृषरथः सुशिप्र वृषक्रतो वृषा वज्रिन् भरै धाः ५
 यो रोहितौ वाजिनौ वाजिनीवान् त्रिभिः शतैः सचमानावदिष्ट ।
 यूने समस्मै क्षितयो नमन्तां श्रुतरथाय मरुतो दुवोया ६

(२९) एकोनत्रिंशं सूक्तम्

(१-५) पञ्चर्चस्यास्य सूक्तस्य भौमोऽत्रिर्ऋषिः । इन्द्रो देवता । त्रिष्टुप् छन्दः
 सं भानुना यतते सूर्यस्या ऽऽजुह्वानो घृतपृष्ठः स्वञ्चाः ।
 तस्मा अमृधा उषसो व्युच्छान् य इन्द्राय सुनवामेत्याह १
 समिद्धाग्निर्वनवत् स्तीर्णबर्हि र्युक्तग्रावा सुतसौमो जराते ।
 ग्रावाणो यस्यैषिरं वदन्त्य यदध्वर्युर्हविषाव सिन्धुम् २
 वधूरियं पतिमिच्छन्त्येति य ई वहति महिषीमिषिराम् ।
 आस्य श्रवस्याद् रथ आ च घोषात् पुरु सहस्रा परि वर्तयाते ३
 न स राजा व्यथते यस्मिन्निन्द्र स्तीव्रं सोमं इंपबति गोसखायम् ।
 आ सत्वनैरजति हन्ति वृत्रं क्षेति क्षितीः सुभगो नाम पुष्यन् ४
 पुष्यात् क्षेमै अभि योगे भवा त्युभे वृतौ संयती सं जयाति ।
 प्रियः सूर्ये प्रियो अग्रा भवाति य इन्द्राय सुतसौमो ददाशत् ५

(३०) त्रिंशं सूक्तम्

(१-५) पञ्चर्चस्यास्य सूक्तस्य भौमोऽत्रिर्ऋषिः । इन्द्रो देवता । अनुष्टुप् छन्दः
 उरोष्ट इन्द्र राधसो विभ्वी रातिः शतक्रतो ।
 अधा नो विश्वचर्षणे हुम्ना सुक्षत्र मंहय १
 यदीमिन्द्र श्रवाय्य मिषं शविष्ठ दधिषे ।
 पप्रथे दीर्घश्रुतमं हिरण्यवर्णं दुष्टरम् २

शुष्मासो ये तै अद्रिवो मेहना केतसापः ।
 उभा देवावभिष्टये दिवश्च गमश्च राजथः ३
 उतो नौ अस्य कस्य चिद् दक्षस्य तव वृत्रहन् ।
 अस्मभ्यं नृणामा भराऽस्मभ्यं नृणस्यसे ४
 नू त आभिरभिष्टिभिस्तव शर्मञ्छतक्रतो ।
 इन्द्र स्याम सुगोपाः शूर स्याम सुगोपाः ५

(३१) एकत्रिंशं सूक्तम्

(१-५) पञ्चर्चस्यास्य सूक्तस्य भौमोऽत्रिर्ऋषिः । इन्द्रो देवता । (१-४)

प्रथमादिचतुर्ऋचामनुष्टुप् , (५) पञ्चम्याश्च पङ्क्तिश्छन्दसी

यदिन्द्र चित्र मेहना ऽस्ति त्वादातमद्रिवः ।
 राधस्तन्नो विदद्वस उभयाहस्त्या भर १
 यन्मन्यसे वरेण्य मिन्द्र द्युक्षं तदा भर ।
 विद्याम तस्य ते वय मर्कूपारस्य दावने २
 यत् तै दित्सु प्राध्यं मनो अस्ति श्रुतं बृहत् ।
 तेन दृळ्हा चिदद्रिव आ वाजं दर्षि सातये ३
 मंहिष्ठं वो मधोनां राजानं चर्षणीनाम् ।
 इन्द्रमुप प्रशस्तये पूर्वीभिर्जुजुषे गिरः ४
 अस्मा इत् काव्यं वच उक्थमिन्द्राय शंस्यम् ।
 तस्मा उ ब्रह्मवाहसे गिरौ वर्धन्त्यत्रयो गिरः शुम्भन्त्यत्रयः ५

(३२) द्वात्रिंशं सूक्तम्

(१-६) नवर्चस्यास्य सूक्तस्य भौमोऽत्रिर्ऋषिः । (१-४) प्रथमादिचतुर्ऋचामिन्द्रः

(५) पञ्चम्याः सूर्यः (६-६) षष्ठ्यादिचतसृणाञ्चात्रिर्देवताः । (१-३)

प्रथमादितृचस्योष्णिक, (४, ६-८) चतुर्थ्याः षष्ठ्यादितृचस्य च त्रिष्टुप् , (५, ६)

पञ्चमीनवम्योश्चानुष्टुप् छन्दांसि

आ याह्यद्रिभिः सुतं सोमं सोमपते पिब । वृषन्निन्द्र वृषभिर्वृत्रहन्तम् १
 वृषा ग्रावा वृषा मदो वृषा सोमौ अयं सुतः । वृषन्निन्द्र वृषभिर्वृत्रहन्तम् २
 वृषा त्वा वृषणं हुवे वज्रिञ्चित्राभिरूतिभिः । वृषन्निन्द्र वृषभिर्वृत्रहन्तम् ३
 ऋजीषी वज्री वृषभस्तुराषाट्छुष्मी राजा वृत्रहा सौमपावा ।

युक्त्वा हरिभ्यामुप यासदुर्वाङ् माध्यन्दिने सर्वने मत्सदिन्द्रः ४
 यत् त्वा सूर्य स्वर्भानु स्तमसाविध्यदासुरः ।
 अक्षेत्रविद् यथा मुग्धो भुवनान्यदीधयुः ५
 स्वर्भानोरध यदिन्द्र माया अवो दिवो वर्तमाना अवाहन् ।
 गूळहं सूर्य तमसापव्रतेन तुरीयेण ब्रह्मणाविन्ददत्रिः ६
 मा मामिमं तव सन्तमत्र इरस्या दुग्धो भियसा नि गारीत् ।
 त्वं इमत्रो असि सत्यराधा स्तौ मेहावतं वरुणश्च राजा ७
 ग्राव्णौ ब्रह्मा युयुजानः संपर्यन् कीरिणा देवान् नमसोपशिक्षन् ।
 अत्रिः सूर्यस्य दिवि चक्षुराधात् स्वर्भानोरप माया अघुक्षत् ८
 यं वै सूर्य स्वर्भानु स्तमसाविध्यदासुरः ।
 अत्रयस्तमन्वाविन्दन् नह्येन्ये अशक्नुवन् ९

(३३) त्रयस्त्रिंशं सूक्तम्

(१-२०) विंशत्यृचस्यास्य सूक्तस्य भौमोऽत्रिर्ऋषिः । विश्वे देवा देवताः । (१-

१५, १८-१९) प्रथमादिपञ्चदशर्चामष्टादश्येकोनविंश्योश्च त्रिष्टुप् , (१६-१७)

षोडशीसप्तदशयोरतिजगती, (२०) विंश्याश्चैकपदा विराट् छन्दांसि

को नु वा इमत्रावरुणावृतायन् दिवो वा महः पार्थिवस्य वा दे ।
 अतस्य वा सदसि त्रासीथां नो यज्ञायते वा पशषो न वाजान् १
 ते नो मित्रो वरुणो अर्यमायु रिन्द्र ऋभुक्षा मरुतो जुषन्त ।
 नमोभिर्वा ये दधते सुवृक्तिं स्तोमं रुद्राय मीळहुषे सजोषाः २
 आ वां येषांश्चिना हुवध्यै वातस्य पत्मन् रथ्यस्य पुष्टौ ।
 उत वा दिवो असुराय मन्म प्रान्धासीव यज्यवे भरध्वम् ३
 प्र सक्ष्णौ दिव्यः कण्वहोता त्रितो दिवः सजोषा वातो अग्निः ।
 पूषा भगः प्रभृथे विश्वभोजा आजिं न जग्मुराश्वश्चतमाः ४
 प्र वो रयिं युक्ताश्च भरध्वं राय एषेऽवसे दधीत धीः ।
 सुशेव एवैरौशिजस्य होता ये व एवा मरुतस्तुराणाम् ५
 प्र वो वायुं रथयुजं कृणुध्वं प्र देवं विप्रं पनितारमर्कैः ।
 इषुध्यव ऋतसापः पुरंधी र्वस्वीर्नो अत्र पत्नीरा धिये धुः ६
 उप व एषे वन्द्यैभिः शूषैः प्र यही दिवश्चितयद्भिरर्कैः ।
 उषासानक्ता विदुषीव विश्वमा हा वहतो मर्त्याय यज्ञम् ७

अ॒भि वो॑ अ॒र्चे पो॒ष्याव॑तो नृन् वा॒स्तोष्प॑तिं त्व॒ष्टारं॑ रराणः ।
 ध॒न्या स॒जोषा॑ धि॒षणा॑ नमो॒भिर्व॑न॒स्पती॑रोष॒धी रा॒य एषै ८
 तुजे न॒स्तने॑ पर्व॒ताः सन्तु॑ स्वै॒तवो॑ ये वस॒वो न वी॑राः ।
 प॒नित॑ आ॒प्तयो॑ य॒जतः॑ सदा॒ नो व॑र्ध॒न्नः शंसं॑ न॒र्यो अ॒भिष्टौ ९
 वृ॒ष्णो अ॒स्तोषि॑ भूम्य॒स्य गर्भं॑ त्रि॒तो न॑पा॒तम॑पां सु॒वृत्ति॑ ।
 गृ॒णीते॑ अ॒ग्निरे॒तरी॑ न शू॒षैः शो॒चिष्कै॑शो नि रि॒णाति॑ वना १०
 क॒था म॒हे रु॒द्रिया॑य ब्र॒वाम॑ कद् रा॒ये चि॑क्कि॒तुषे॑ भगा॒य ।
 आप॒ ओष॑धीरु॒त नोऽव॑न्तु द्यौर्व॒ना गि॒रयो॑ वृ॒क्षकै॑शाः ११
 शृ॒णोतु॑ न ऊ॒र्जा प॑ति॒र्गिरिः॑ स नभ॒स्तरि॑याँ इ॒षिरः॑ परि॒ज्मा ।
 शृ॒णव॑न्त्वापः पुरो न श॒भ्राः परि॑ स्तुचौ ब॒बृहा॑णस्या॒द्रैः १२
 वि॒दा चि॒नु म॑हान्तो ये व॒ एवा॑ ब्र॒वाम॑ दस्मा॒ वार्य॑ द॒धानाः॑ ।
 व॒र्यश्च॑न सु॒भ्वश् आ॒व य॑न्ति क्षु॒भा म॑र्त॒मनु॑यतं व॒धस्त्रैः॑ १३
 आ दै॒व्यानि॑ पा॒र्थिवा॑नि जन्मा॒ ऽपश्चा॑च्छा सु॒मखा॑य वोचम् ।
 व॒र्धन्तां॑ द्या॒वो गि॑रश्चन्द्रा॒ग्रा उ॒दा व॑र्धन्ताम॒भिषा॑ता अ॒र्णाः १४
 प॒देप॑दे मे ज॒रिमा॑ नि धा॒यि व॑रू॒त्री वा श॒क्रा या पा॑युभिश्च ।
 सि॒षक्तु॑ मा॒ता म॒ही र॒सा नः॑ स्मत् सूरि॒भिर्ऋ॑जुहस्तं ऋ॒जुव॑निः १५
 क॒था दा॑शे॒म नम॑सा सु॒दानू॑ ने॒वया॑ म॒रुतो॑ अ॒च्छोक्तौ॑ प्र॒श्रव॑सो म॒रुतो॑
 अ॒च्छोक्तौ॑ ।
 मा नोऽहि॑र्बु॒ध्यो रि॒षे धा॑ द॒स्माकं॑ भूदुपमाति॒वनिः॑ १६
 इति॑ चि॒नु प्र॒जायै॑ प॒शुम॑त्यै दे॒वासो॑ वन॒ते म॑त्यो व॒ आ दे॑वासो वन॒ते म॑त्यो
 वः ।
 अ॒त्रा शि॒वां त॒न्वो धा॑सि॒मस्या॑ ज॒रां चि॑न्मे नि॒र्ऋति॑र्ज॒ग्रसी॑त १७
 तां वो॑ दे॒वाः सु॑म॒तिमूर्ज॑यन्ती मि॒षम॑श्याम वस॒वः श॒सा गोः॑ ।
 सा नः॑ सु॒दानु॑र्मृ॒ळय॑न्ती दे॒वी प्र॑ति द्रव॒न्ती सु॒विता॑य ग॒म्याः १८
 अ॒भि न॒ इळा॑ यू॒थस्य॑ मा॒ता स्म॑न्नदीभि॒रुर्वशी॑ वा गृ॒णातु॑ ।
 उ॒र्वशी॑ वा बृ॒हद्दि॒वा गृ॑णा॒ना ऽभ्यू॑र॒वा॒ना प्र॑भृ॒थस्या॑योः १९
 सि॒षक्तु॑ न ऊ॒र्जव्य॑स्य पु॒ष्टेः २०

(३४) चतुस्त्रिंशं सूक्तम्

(१-१८) अष्टादशर्चस्यास्य सूक्तस्य भौमोऽत्रिर्ऋषिः । (१-१०, १२-१८)

प्रथमादिदशर्चा द्वादश्यादिसप्तानाञ्च विश्वे देवाः, (११) एकादश्याश्च रुद्रो देवताः ।

(१-१६, १८) प्रथमादिषोडशर्चामष्टादश्याश्च त्रिष्टुप् ,

(१७) सप्तदश्याश्चैकपदा विराट् छन्दसी

प्र शंतमा वरुणं दीधिती गी मित्रं भगमदिति नूनमश्याः ।

पृषद्योनिः पञ्चहोता शृणोत्व तूर्तपन्था असुरो मयोभुः १

प्रति मे स्तोममदितिर्जगृभ्यात् सूनं न माता हृद्य सुशेवम् ।

ब्रह्म प्रियं देवहितं यदस्त्य हं इमत्रे वरुणे यन्मयोभु २

उदीरय कवितमं कवीना मुनतैनमभि मध्वा घृतेन ।

स नो वसूनि प्रयता हितानि चन्द्राणि देवः सविता सुवाति ३

समिन्द्र णो मनसा नेषि गोभिः सं सूरिभिर्हरिवः सं स्वस्ति ।

सं ब्रह्मणा देवहितं यदस्ति सं देवानां सुमत्या यज्ञियानाम् ४

देवो भगः सविता रायो अंश इन्द्रो वृत्रस्य संजितो धनानाम् ।

अभुक्षा वाज उत वा पुरंधि रवन्तु नो अमृतासस्तुरासः ५

मरुत्वतो अप्रतीतस्य जिष्णो रजूर्यतः प्र ब्रवामा कृतानि ।

न ते पूर्वे मघवन् नापरासो न वीर्यं नूतनः कश्चनाप ६

उप स्तुहि प्रथमं रत्नधेयं बृहस्पतिं सनितारं धनानाम् ।

यः शंसते स्तुवते शंभविष्ठः पुरुवसुरागमज्जोह्वानम् ७

तवोतिभिः सचमाना अरिष्ठा बृहस्पते मघवानः सुवीराः ।

ये अश्वदा उत वा सन्ति गोदा ये वस्त्रदाः सुभगास्तेषु रायः ८

विसर्माणं कृणुहि वित्तमेषां ये भुञ्जते अपृणन्तो न उक्थैः ।

अपव्रतान् प्रसवे वावृधानान् ब्रह्मद्विषः सूर्याद् यावयस्व ९

य ओहते रक्षसौ देववीता वचक्रेभिस्तं मरुतो नि यात ।

यो वः शमी शशमानस्य निन्दात् तुच्छयान् कामान् करते सिष्विदानः १०

तमुं ष्टुहि यः स्विषुः सुधन्वा यो विश्वस्य क्षयति भेषजस्य ।

यद्वामा महे सौमनसार्य रुद्रं नमोभिर्देवमसुरं दुवस्य ११

दर्मनसो अपसो ये सुहस्ता वृष्णः पत्नीर्नद्यौ विभवतृष्ठाः ।

सरस्वती बृहद्विवोत राका दशस्यन्तीर्वरिवस्यन्तु शम्भ्राः १२

प्र सू महे सुशरणाय मेधां गिरं भरे नव्यसीं जार्यमानाम् ।

य आहना दुहितुर्वक्षणासु रूपा मिनानो अकृणोदिदं नः १३

प्र सुष्टुतिः स्तनयन्तं रुवन्तं मिळस्पतिं जरितनूनमश्याः ।

यो अ॒ब्दि॒माँ उ॒द॒नि॒माँ इ॒य॒ति॒ प्र वि॒द्यु॒ता रो॒द॒सी उ॒क्ष॒मा॒णः १४
 ए॒षः स्तो॒मो मा॒रु॒तं श॒र्धो अ॒च्छा रु॒द्रस्य॑ सू॒नूर्यु॒व॒न्यूरु॑द॒श्याः ।
 का॒मो रा॒ये ह॒वते॑ मा स्व॒स्त्यु प॑ स्तु॒हि पृष॑द॒श्वाँ अ॒यासः॑ १५
 प्रै॒षः स्तो॒मः पृ॒थि॒वीम॒न्तरि॑क्षं व॒नस्प॑ती॒रोष॑धी रा॒ये अ॒श्याः ।
 दे॒वोदे॑वः सु॒हवो॑ भू॒तु म॒ह्यं मा नो॑ मा॒ता पृ॒थि॒वी दु॒र्म॒तौ धा॒त् १६
 उ॒रौ दे॒वा अ॒नि॒ब्रा॒धे स्या॑मि १७
 स॒म॒श्वि॒नो॒र॒व॒सा नू॒त॒नेन॑ म॒यो॒भु॒वा सु॒प्र॒णी॒ती ग॒मे॒म ।
 आ नो॑ र॒यिं व॒ह॒त॒मो॒त वी॒रा॒ना वि॒श्वान्य॑मृ॒ता सौ॒भ॒गानि॑ १८

(३५) पञ्चत्रिंशं सूक्तम्

(१-१७) सप्तदशर्चस्यास्य सूक्तस्य भौमोऽत्रिर्ऋषिः । विश्वे देवा देवताः । (१-
 १५, १७) प्रथमादिपञ्चदशर्चा सप्तदश्याश्च त्रिष्टुप् ,

(१६) षोडश्याश्चैकपदा विराट् छन्दसी

आ धे॒नवः॑ प॒यसा॑ तू॒र्य॒र्था अ॒म॒र्ध॒न्ती॒रुप॑ नो य॒न्तु म॒ध्वा ।
 म॒हो रा॒ये बृ॒ह॒तीः स॒प्त वि॒प्रो म॒यो॒भु॒वो ज॒रि॒ता जौ॒ह॒वीति॑ १
 आ सु॒ष्टु॒ती न॒मसा॑ वर्त॒य॒ध्ये द्या॒वा वा॒जाय॑ पृ॒थि॒वी अ॒मृ॒ध्रे ।
 पि॒ता मा॒ता म॒धु॒व॒चाः सु॒ह॒स्ता भ॒रै॒भरे॑ नो य॒शसा॑व॒विष्टा॑म् २
 अ॒ध्व॒र्य॒वश्च॑कृ॒वांसो॑ म॒धूनि॑ प्र वा॒यवे॑ भ॒रत॑ चा॒रु श॒क्रम् ।
 हो॒तै॒व नः॑ प्र॒थ॒मः पा॒ह्य॒स्य दे॒व म॒ध्वो र॒ग्नि॒मा ते॒ म॒दा॒य ३
 द॒श क्षि॒पो यु॒ञ्जते॑ ब्रा॒ह्म अ॒द्रिं सो॒मस्य॑ या श॒मि॒तारा॑ सु॒ह॒स्ता ।
 म॒ध्वो र॒सं सु॒ग॒र्भ॒स्तिर्गि॒रि॒ष्ठां च॒नि॒श्च॒दद् दु॒दुहे॑ श॒क्रम॑ंशः ४
 अ॒सा॒वि ते॒ जु॒जुषा॑णाय॒ सोमः॑ क्र॒त्वे द॒क्षा॒य बृ॒ह॒ते म॒दा॒य ।
 ह॒री र॒थे सु॒धुरा॑ यो॒गे अ॒र्वा गि॒न्द्र प्रि॒या कृ॒णु॒हि हू॒य॒मानः॑ ५
 आ नो॑ म॒हीम॒र॒म॒तिं स॒जोषा॑ ग्रां दे॒वीं न॒मसा॑ रा॒त॒ह॒व्याम् ।
 म॒धो॒र्म॒दा॒य बृ॒ह॒तीमृ॑त॒ज्ञा मा॒ग्रे व॒ह पृ॒थि॒भिर्दे॒व॒यानैः॑ ६
 अ॒ञ्ज॒न्ति यं प्र॒थ॒य॒न्तो न वि॒प्रो वृ॒पा॒र्व॒न्तं ना॒ग्नि॒ना त॒प॒न्तः ।
 पि॒तुर्न पु॒त्र उ॒प॒सि प्रे॒ष्ठ आ घृ॒र्मो अ॒ग्नि॒मृ॒त॒य॒न्न॒सादि॑ ७
 अ॒च्छा म॒ही बृ॒ह॒ती श॒न्त॒मा गी॒र्दूतो॑ न ग॒न्त्व॒श्वि॒ना हु॒व॒ध्ये ।
 म॒यो॒भु॒वा स॒र॒था या॑त॒म॒र्वा ग॒ग॒न्तं नि॒धिं धु॒र॒मा॒णिर्न ना॒भिम् ८
 प्र त॒व्य॒सो न॒म॒उ॒क्तिं तु॒र॒स्याऽहं॑ पू॒ष्ण उ॒त वा॒योरे॑दि॒क्षि ।

या राधसा चोदितारा मतीनां या वाजस्य द्रविणोदा उत त्मन् ६
 आ नामभिर्मरुतो वक्षि विश्वाना रूपेभिर्जातवेदो हुवानः ।
 यज्ञं गिरौ जरितुः सुष्टुतिं च विश्वे गन्त मरुतो विश्व ऊती १०
 आ नो दिवो बृहतः पर्वतादा सरस्वती यजता गन्तु यज्ञम् ।
 हव देवी जुजुषाणा घृताचीं शग्मां नो वाचमुशती शृणोतु ११
 आ वेधसं नीलपृष्ठं बृहन्तं बृहस्पतिं सदेने सादयध्वम् ।
 सादद्यौनिं दम् आ दिदिवांसं हिरण्यवर्णमरुषं सपेम १२
 आ धर्णसिर्बृहद्विवो रराणो विश्वेभिर्गन्त्वोर्मभिर्हुवानः ।
 ग्रा वसान् ओषधीरमृध्र स्त्रिधातुशृङ्गो वृषभो वयोधाः १३
 मातुष्पदे परमे शक्र आयो विपन्यवो रास्पिरासो अगमन् ।
 सुशेव्यं नमसा रातहव्याः शिशुं मृजन्त्यायवो न वासे १४
 बृहद् वयो बृहते तुभ्यमग्रे धियाजुरौ मिथुनासः सचन्त ।
 देवोदैवः सुहवो भूतु मह्यं मा नो माता पृथिवी दुर्मतौ धात् १५
 उरौ देवा अनिबाधे स्यामि १६
 समश्विनोरवसा नूतनेन मयोभुवा सुप्रणीती गमेम ।
 आ नो रयिं वहतमोत वीराना विश्वान्यमृता सौभगानि १७

(३६) षट्त्रिंशं सूक्तम्

(१-१५) पञ्चदशर्चस्यास्य सूक्तस्य काश्यपोऽवत्सारो लिङ्गोक्ताश्च ऋषयः । विश्वे
 देवा देवताः । (१-१३) प्रथमादित्रयोदशर्चा जगती, (१४-१५)

चतुर्दशीपञ्चदश्योश्च त्रिष्टुप् छन्दसी

तं प्रत्नथा पूर्वथा विश्वथेमथा ज्येष्ठतातिं बर्हिषदं स्वर्विदम् ।
 प्रतीचीनं वृजनं दोहसे गिरा ऽऽशं जयन्तमनु यासु वर्धसे १
 श्रिये सुदृशीरुपरस्य याः स्व विरोचमानः ककुभामचोदतै ।
 सुगोपा असि न दभाय सुक्रतो परो मायाभिर्ऋत आस नाम ते २
 अत्यं हविः संचते सञ्च धातु चाऽरिष्टगातुः स होता सहोभरिः ।
 प्रसस्त्राणो अनु बर्हिर्वृषा शिश मध्ये युवाजरौ विस्नुहा हितः ३
 प्र व एते सुयुजो यामन्निष्टये नीचीरमुष्मै यम्य ऋतावृधः ।
 सुयन्तुभिः सर्वशासैरभीशभिः क्रिविर्नामानि प्रवृणे मुषायति ४
 संजर्भुराणस्तरुभिः सुतेगृभं वयाकिनं चित्तगर्भासु सुस्वरुः ।

धारवाकेष्वृजुगाथ शोभसे वर्धस्व पत्नीरभि जीवो अर्ध्वरे ५
 यादृगेव ददृशे तादृगुच्यते सं छायाया दधिरे सिध्याप्स्वा ।
 महीमस्मभ्यमुरुषामुरु जयौ बृहत् सुवीरमनपच्युतं सहः ६
 वेत्यगुर्जनिवान् वा अति स्पृधः समर्यता मनसा सूर्यः कविः ।
 घंसं रक्षन्तं परि विश्वतो गर्य मस्माकं शर्म वनवत् स्वावसुः ७
 ज्यायांसमस्य यतुनस्य केतुन ऋषिस्वरं चरति यासु नाम ते ।
 यादृश्मिन् धायि तमपस्यया विदुद् य उ स्वयं वर्हते सो अरं करत् ८
 समुद्रमासामव तस्थे अग्रिमा न रिष्यति सर्वनुं यस्मिन्नायता ।
 अत्रा न हार्दि क्रवणस्य रेजते यत्रा मतिर्विद्यते पूतबन्धनी ९
 स हि क्षत्रस्य मनसस्य चित्तिभि रेवावदस्य यजतस्य सधैः ।
 अवत्सारस्य स्पृणवाम रणवभिः शविष्ठं वाजं विदुषा चिदध्यम् १०
 श्येन आसामदितिः कक्षयोर् मदी विश्ववारस्य यजतस्य मायिनः ।
 समन्यमन्यमर्थयन्त्येतवे विदुर्विषाणं परिपानमन्ति ते ११
 सदापृणो यजतो वि द्विषौ वधीद् बाहुवृक्तः श्रुतवित् तयो वः सचा ।
 उभा स वरा प्रत्येति भाति च यदीं गणं भजते सुप्रयारवभिः १२
 सुतंभरो यजमानस्य सत्पति विश्वासामूधः स धियामुदञ्चनः ।
 भरद् धेनू रसवच्छिश्रिये पयौ ऽनुब्रुवाणो अध्येति न स्वपन् १३
 यो जागार तमृचः कामयन्ते यो जागार तमु सामानि यन्ति ।
 यो जागार तमयं सोमं आह तवाहमस्मि सख्ये न्यौकाः १४
 अग्निर्जागार तमृचः कामयन्ते ऽग्निर्जागार तमु सामानि यन्ति ।
 अग्निर्जागार तमयं सोमं आह तवाहमस्मि सख्ये न्यौकाः १५

(३७) सप्तत्रिंशं सूक्तम्

(१-११) एकादशर्चस्यास्य सूक्तस्यात्रेयः सदापृण ऋषिः । विश्वे देवा देवताः ।

त्रिष्टुप् छन्दः

विदा दिवो विष्यन्नद्रिमुक्थै रायत्या उषसौ अर्चिनौ गुः ।
 अपावृत व्रजिनीरुत् स्वर्गाद् वि दुरो मानुषीर्देव आवः १
 वि सूर्यो अमतिं न श्रियं सादो वाद् गवा माता जानती गात् ।
 धन्वर्णसो नद्यः ४७-ः खादोअर्णाः स्थूणैव सुमिता दृहत द्यौः २
 अस्मा उक्थाय पर्वतस्य गर्भो महीनां जनुषे पूर्व्याय ।

वि पर्वतो जिहीतु साधतु द्यौ रविवासन्तो दसयन्त भूम ३
 सूक्तेभिर्वो वचोभिर्देवजुष्टै रिन्द्रा न्वश्ग्री अवसे हुवध्यै ।
 उक्थेभिर्हिष्मा कवयः सुयज्ञा आविवासन्तो मरुतो यजन्ति ४
 एतो न्वश्द्य सुध्योर्भवां प्र दुच्छुनां मिनवामा वरीयः ।
 आरे द्वेषोसि सनुतर्दधामा ऽर्याम प्राञ्चो यजमानमच्छ ५
 एता धियं कृण्वामा सखायो ऽपु या मातां ऋणुत वृजं गोः ।
 यया मनुर्विशिशिप्रं जिगाय यया वणिग्वङ्कुरापा पुरीषम् ६
 अनूतोदत्र हस्तयतो अद्रि रार्चन् येन दश मासो नवग्वाः ।
 ऋतं यती सरमा गा अविन्दद् विश्वानि सत्याङ्गिराश्चकार ७
 विश्वे अस्या व्युषि माहिनायाः सं यद् गोभिरङ्गिरसो नवन्त ।
 उत्स आसां परमे सधस्थं ऋतस्य पथा सरमा विदद् गाः ८
 आ सूर्यो यातु सप्ताश्वः क्षेत्रं यदस्योर्विया दीर्घयाथे ।
 रघुः श्येनः पतयदन्धो अच्छा युवा कविर्दीदयद् गोषु गच्छन् ९
 आ सूर्यो अरुहच्छुक्रमर्णो ऽयुक्त यद्भरितौ वीतपृष्ठाः ।
 उदना न नावमनयन्त धीरा आश्रयवतीरापो अर्वागतिष्ठन् १०
 धियं वो अप्सु दधिषे स्वर्षा ययातरन् दश मासो नवग्वाः ।
 अया धिया स्याम देवगौपा अया धिया तुतुर्यामात्यंहः ११

(३८) अष्टात्रिंशं सूक्तम्

(१-८) अष्टर्चस्यास्य सूक्तस्यात्रेयः प्रतिक्षत्र ऋषिः । (१-६) प्रथमादिषडृचां विश्वे देवाः, (७-८) सम्यष्टम्योश्च देवपत्न्यो देवताः । (१, ३-७)

प्रथमर्चस्तृतीयादिपञ्चानाञ्च जगती, (२, ८) द्वितीयाष्टम्योश्च त्रिष्टुप् छन्दसी
 हयो न विद्वाँ अयुजि स्वयं धुरि तां वहामि प्रतरणीमवस्युवम् ।
 नास्यां वशिम् विमुचं नावृतं पुनर्विद्वान् पथः पुरएत ऋजु नैषति १
 अग्न इन्द्र वरुण मित्र देवाः शर्धः प्र यन्त मारुतोत विष्णो ।
 उभा नासत्या रुद्रो अध गाः पूषा भगः सरस्वती जुषन्त २
 इन्द्राग्नी मित्रावरुणादितिं स्वः पृथिवीं द्यां मरुतः पर्वतां अपः ।
 हुवे विष्णुं पूषणं ब्रह्मणस्पतिं भगं नु शंसं सवितारमूतयै ३
 उत नो विष्णुरुत वातौ अस्त्रिधौ द्रविणोदा उत सोमो मयस्करत् ।
 उत ऋभवं उत राये नो अश्विनोत त्वष्टोत विभ्वानु मंसते ४

उ॒त त्यन्नो॑ मा॒रुतं॑ श॒र्ध आ ग॑मद् दि॒वि॒क्षयं॑ य॒ज॒तं ब॒र्हि॒रा॒सदे॑ ।
 बृ॒ह॒स्प॒तिः श॒र्म पू॒षो॒त नो॑ यमद् व॒रू॒थ्यं॑ व॒रु॒णो मि॒त्रो अ॒र्य॒मा ५
 उ॒त त्ये नः॑ प॒र्व॒ता॒सः सु॒श॒स्तयः॑ सु॒दी॒तयो॑ न॒द्यश्च॑राम॒णे भुवन् ।
 भ॒गौ वि॒भृ॒क्ता श॒व॒सा॒व॒सा ग॑म॒दु॒रु॒व्य॒चा अ॒दि॒तिः श्रो॒तु मे॑ ह॒वम् ६
 दे॒वानां॑ प॒त्नीरु॑श॒तीर॑वन्तु नः॑ प्रा॒व॒न्तु न॒स्तु॒जये॑ वा॒ज॒सा॒तये॑ ।
 याः पा॒रि॒था॒वा॒सो या॑ अ॒पाम॑पि ब्रू॒ते ता नो॑ दे॒वीः सु॒ह॒वाः श॒र्म य॒च्छत ७
 उ॒त ग्रा॑ व्य॒न्तु दे॒वप॑त्नी रि॒न्द्रा॒ण्यश्ग्रा॑य्य॒श्विनी॑ राट् ।
 आ रो॒द॒सी व॒रु॒णा॒नी शृ॒णो॒तु व्य॒न्तु दे॒वीर्य॑ अ॒तु॒र्जनी॑नाम् ८

तृतीयोऽध्यायः

व० १ । ३१

(३६) एकोनचत्वारिंशं सूक्तम्

(१-७) सप्तर्चस्यास्य सूक्तस्यात्रेयः प्रतिरथ ऋषिः । विश्वे देवा देवताः ।

त्रिष्टुप् छन्दः

प्र॒यु॒ञ्जती॑ दि॒व ए॒ति ब्रु॒वा॒णा म॒ही मा॒ता दु॒हितु॑र्बोधयन्ती ।
 आ॒वि॒वा॒सन्ती॑ यु॒व॒ति॒र्म॒नी॒षा पि॒तृ॒भ्य आ स॑द॒ने जो॑हु॒वाना १
 अ॒जि॒रा॒स॒स्तद॑प॒ ई॒य॒मा॒ना आ॒त॒स्थि॒वा॒सो अ॒मृ॒त॒स्य॑ नाभिम् ।
 अ॒न॒न्ता॒स उ॒रवो॑ वि॒श्वतः॑ सीं॒ परि॑ द्या॒वापृ॑थि॒वी य॑न्ति प॒न्थाः २
 उ॒क्ता स॑मु॒द्रो अ॒रु॒षः सु॒प॒र्णः पू॒र्व॒स्य॑ यो॒नि इ॑प॒तुरा॑ वि॒वेश ।
 म॒ध्ये दि॒वो नि॒हि॒तः पृ॑श्नि॒र॒श्मा वि॑ च॒क्रमे॑ रज॒स॒स्पा॒त्यन्तौ ३
 च॒त्वार॑ ईं बिभ्र॒ति क्षे॒म॒य॒न्तो द॑श॒ गर्भं॑ च॒रसे॑ धा॒पय॑न्ते ।
 त्रि॒धा॒त॒वः प॒र॒मा अ॒स्य॑ गा॒वो दि॒वश्च॑रन्ति॒ परि॑ स॒द्यो अ॒न्तान् ४
 इ॒दं व॑पु॒र्नि॒व॒च॒नं ज॑ना॒सश्च॑रन्ति॒ यन्न॑द्य॒स्त॒स्थुरा॑पः ।
 द्वे॒ यदी॑ बिभृ॒तो मा॒तु॒र॒न्ये इ॒हेह॑ जा॒ते य॒म्या॒इ स॑बन्धू ५
 वि॒ त॑न्व॒ते धि॒यो अ॒स्मा अ॒पा॒सि व॒स्त्रा पु॒त्राय॑ मा॒तरौ॑ वयन्ति ।
 उ॒प॒प्र॒क्षे वृ॑ष॒णो मो॑द॒माना॑ दि॒व॒स्प॒था व॒ध्वो य॒न्त्य॒च्छ ६
 तद॑स्तु मि॒त्रा॒व॒रु॒णा तद॑ग्रे॒ शं यो॒र॒स्म॒भ्यमि॑द॒मस्तु॑ श॒स्तम् ।
 अ॒शी॒महि॑ गा॒ध॒मु॒त प्र॑ति॒ष्ठां नमो॑ दि॒वे बृ॒ह॒ते सा॑द॒नाय ७

(४०) चत्वारिंशं सूक्तम्

(१-५) पञ्चर्चस्यास्य सूक्तस्यात्रेयः प्रतिभानुर्ऋषिः । विश्वे देवा देवताः ।

जगती छन्दः

कदु प्रियाय धाम्ने मनामहे स्वक्षत्राय स्वयशसे महे वयम् ।
 आमेन्यस्य रजसो यदभ्र आँ अपो वृणाना वितनोति मायिनी १
 ता अतत वयुन वीरवक्ष्णं समान्या वृतया विश्वमा रजः ।
 अपो अपाचीरपरा अपैजते प्र पूर्वाभिस्तिरते देवयुर्जनः २
 आ ग्रावभिरहन्यैभिरक्तुभिर्वरिष्ठं वज्रमा जिघर्ति मायिनि ।
 शतं वा यस्य प्रचरन् त्वे दमे संवर्तयन्तो वि च वर्तयन्नहा ३
 तामस्य रीतिं परशोरिव प्रत्य नीकमख्यं भुजे अस्य वर्षसः ।
 सचा यदि पितुमन्तमिव क्षयं रत्नं दधाति भरहूतये विशे ४
 स जिह्या चतुरनीक ऋञ्जते चारु वसानो वरुणो यतन्नरिम् ।
 न तस्य विद्य पुरुषत्वता वयं यतो भगः सविता दाति वार्यम् ५

(४१) एकचत्वारिंशं सूक्तम्

(१-५) पञ्चर्चस्यास्य सूक्तस्यात्रेयः प्रतिप्रभ ऋषिः । विश्वे देवा देवताः ।

त्रिष्टुप् छन्दः

देवं वो अद्य सवितारमेषे भगं च रत्नं विभजन्तमायोः ।
 आ वा नरा पुरुभुजा ववृत्यां दिवेदिवे चिदश्विना सखीयन् १
 प्रति प्रयाणमसुरस्य विद्वान् त्सूक्तैर्देवं सवितारं दुवस्य ।
 उप ब्रुवीत नमसा विजानञ्ज्येष्ठं च रत्नं विभजन्तमायोः २
 अदत्रया दयते वार्याणि पूषा भगो अदितिर्वस्त उग्रः ।
 इन्द्रो विष्णुर्वरुणो मित्रो अग्नि रहानि भद्रा जनयन्त दुस्माः ३
 तन्नो अनुर्वा सविता वरुथं तत् सिन्धव इषयन्तो अनु गमन् ।
 उप यद् वोचै अध्वरस्य होता रायः स्याम पतयो वाजरत्नाः ४
 प्र ये वसुभ्य ईवदा नमो दु र्ये मित्रे वरुणे सूक्तवाचः ।
 अवैत्वर्ध्वं कृणुता वरीयो दिवस्पृथिव्योरवसा मदेम ५

(४२) द्विचत्वारिंशं सूक्तम्

(१-५) पञ्चर्चस्यास्य सूक्तस्यात्रेयः स्वस्त्यात्रेय ऋषिः । विश्वे देवा

देवताः । (१-४) प्रथमादिचतुर्ऋचामनुष्टुप् , (५) पञ्चम्याश्च
पङ्क्तिश्छन्दसी

विश्वो देवस्य नेतुर्मतो वुरीत सख्यम् ।
विश्वो राय इषुध्यति द्युम्नं वृणीत पुष्यसै १
ते तै देव नेतुर्ये चेमाँ अनुशसै ।
ते राया ते ह्याइपृचे सचैमहि सचथ्यैः २
अतो न आ नृनतिथी नतः पत्नीर्दशस्यत ।
आरे विश्वं पथेष्ठां द्विषो युयोतु यूयुविः ३
यत्र वह्निरभिहितो दुद्रवद् द्रोणयः पशुः ।
नृमणा वीरपस्त्यो ऽर्णा धीरेव सनिता ४
एष तै देव नेता रथस्पतिः शं रयिः ।
शं राये शं स्वस्तय इषः स्तुतो मनामहे देवस्तुतो मनामहे ५

(४३) त्रिचत्वारिंशं सूक्तम्

(१-१५) पञ्चदशर्चस्यास्य सूक्तस्यात्रेयः स्वस्त्यात्रेय ऋषिः । (१-३, ८-१५)
प्रथमादितृचस्याष्टम्याद्यष्टर्चाञ्च विश्वे देवाः, (४, ६-७) चतुर्थ्याः
षष्ठीसप्तम्योश्चेन्द्रवायू, (५) पञ्चम्याश्च वायुर्देवताः । (१-४) प्रथमादिचतुर्ऋचां
गायत्री, (५-१०) पञ्चम्यादिषण्णामुष्णिक्, (११-१३) एकादश्यादितृचस्य जगती
त्रिष्टुब् वा, (१४-१५) चतुर्दशीपञ्चदशयोश्चानुष्टुप् छन्दांसि
अग्ने सुतस्य पीतये विश्वैरूर्मेभिरा गंहि । देवेभिर्हव्यदातये १
ऋतधीतय आ गत सत्यधर्माणो अध्वरम् । अग्नेः पिबत जिह्वया २
विप्रैर्विप्र सन्त्य प्रातुर्यावभिरा गंहि । देवेभिः सोमपीतये ३
अयं सोमश्चमू सुतो ऽमत्रे परि पिच्यते । प्रिय इन्द्राय वायवे ४
वायवा याहि वीतये जुषाणो हव्यदातये ।
पिबा सुतस्यान्धसो अभि प्रयः ५
इन्द्रश्च वायवेषां सुतानां पीतिर्महथः । ताञ्जुषेथामरेपसावभि प्रयः ६
सुता इन्द्राय वायवे सोमासो दध्याशिरः ।
निम्नं न यन्ति सिन्धवोऽभि प्रयः ७
सजूर्विश्वेभिर्देवेभिरश्विभ्यामुषसां सजूः । आ याह्यग्ने अत्रिवत् सुते रण ८
सजूर्मित्रावरुणाभ्यां सजूः सोमै न विष्णुना । आ याह्यग्ने अत्रिवत् सुते रण ९

स॒ज॒रू॒रदि॒त्यैर्वसु॑भिः स॒ज॒रि॒न्द्रेण॑ वा॒युना॑ । आ या॒ह्यग्रे॑ अ॒त्रिवत् सु॒ते र॑ण १०
 स्व॒स्ति नो॑ मिमी॒ताम॒श्विना॑ भ॒गः स्व॒स्ति दे॒व्यदि॒तिरनु॑र्वणः ।
 स्व॒स्ति पू॒षा असु॑रो दधातु नः स्व॒स्ति द्यावा॑पृथि॒वी सु॑चेतुना ११
 स्व॒स्तये॑ वा॒युमुप॑ ब्रवाम॒है सोमं॑ स्व॒स्ति भुव॑नस्य॒ यस्पतिः॑ ।
 बृ॒हस्प॑तिं स॒र्वग॑णं स्व॒स्तये॑ स्व॒स्तये॑ आ॒दित्या॑सौ भवन्तु नः १२
 विश्वे॑ दे॒वा नो॑ अ॒द्या स्व॒स्तये॑ वैश्वान॒रो वसु॑र॒ग्निः स्व॒स्तये॑ ।
 दे॒वा अव॑न्त्व॒भवंः स्व॒स्तये॑ स्व॒स्ति नो॑ रु॒द्रः पा॒त्वंह॑सः १३
 स्व॒स्ति मि॒त्रावरु॑णा स्व॒स्ति प॑थ्ये रेवति ।
 स्व॒स्ति न॒ इन्द्र॑श्चा॒ग्निश्च॑ स्व॒स्ति नो॑ अ॒दिते॑ कृ॒धि १४
 स्व॒स्ति प॒न्था॒मनु॑ चरेम॒ सूर्या॑चन्द्रमसा॒विव ।
 पु॒नर्द॑दुता॒घ्नता॑ जा॒नुता॑ सं ग॒मेम॑हि १५

(४४) चतुश्चत्वारिंशं सूक्तम्

(१-१७) सप्तदशर्चस्यास्य सूक्तस्यात्रेयः श्यावाश्व ऋषिः । मरुतो देवताः । (१-
 ५, ७-१५) प्रथमादिपञ्चर्चा सप्तम्यादिनवानाञ्चानुष्टुप् , (६, १६-१७) षष्ठ्याः
 षोडशीसप्तदश्योश्च पङ्क्तिश्छन्दसी

प्र श्या॒वाश्व॑ धृ॒ष्णुया॑ ऽर्चा म॒रुद्भिर्ऋ॒क्वभिः॑ ।
 ये अ॒द्रोघ॑म॒नुष्व॒धं श्रवो॑ मद॑न्ति॒ यज्ञियाः॑ १
 ते हि स्थि॒रस्य॑ शर्व॒सः सखा॑यः सन्ति॑ धृ॒ष्णुया॑ ।
 ते याम॒न्ना धृ॒षद्वि॑न॒स्तम॑ना॒ पान्ति॑ शश्व॒तः २
 ते स्प॒न्द्रासो॑ नो॒क्षणो॑ ऽति॑ ष्क॒न्दन्ति॑ शर्व॒रीः ।
 म॒रुता॑म॒ध्वा महो॑ दि॒वि क्ष॒मा च॑ म॒न्महे॑ ३
 म॒रुत्सु॑ वो दधीम॒हि स्तोमं॑ य॒ज्ञं च॑ धृ॒ष्णुया॑ ।
 विश्वे॑ ये मानु॑षा युगा॒ पान्ति॑ म॒र्त्यं रि॒षः ४
 अ॒र्हन्तो॑ ये सु॒दान॑वो नरो॒ असा॑मिशवसः ।
 प्र य॒ज्ञं य॒ज्ञियै॑भ्यो दि॒वो अ॒र्चा म॒रुद्भ्यः॑ ५
 आ रु॒क्मैरा॑ यु॒धा नर॑ ऋ॒ष्वा ऋ॒ष्टीर॑सृ॒क्षत॑ ।
 अ॒न्वे॒नाँ अ॒र्ह वि॒द्युतो॑ म॒रुतो॑ ज॒ज्झती॑रिव भानु॒रर्त॑ त्मना॑ दि॒वः ६
 ये वा॑वृ॒धन्त॑ पा॒र्थिवा॑ य उ॒राव॑न्त॒रि॒क्ष आ॑ ।
 वृ॒जने॑ वा न॒दीना॑ स॒धस्थे॑ वा म॒हो दि॒वः ७

शर्धो मारुतमुच्छस सत्यशिवसमृभ्वसम् ।
 उत स्म ते शभे नरः प्र स्पन्द्रा युजत त्मना ८
 उत स्म ते परुषा मूणा वसत शन्ध्यवः ।
 उत पुव्या रथाना मद्रीं इभन्दन्त्योजसा ९
 आपथयो विपथयो ऽन्तस्पथा अनुपथाः ।
 एतेभिर्मह्यं नामभि र्यज्ञं विष्टार ओहते १०
 अधा नरो न्योहते ऽधा नियुत ओहते ।
 अधा पारावता इति चित्रा रूपाणि दश्या ११
 छन्दःस्तुभः कुभन्यव उत्समा कीरिणौ नृतुः ।
 ते मे के चिन्न तायव ऊमा आसन् दृशि त्विषे १२
 य ऋष्वा ऋष्टिर्विद्युतः कवयः सन्ति वेधसः ।
 तमृषे मारुतं गणं नमस्या रमया गिरा १३
 अच्छ ऋषे मारुतं गणं दाना मित्रं न योषणा ।
 दिवो वा धृष्णव ओजसा स्तुता धीभिरिषयत १४
 नू मन्वान एषां देवाँ अच्छा न वक्षणा ।
 दाना सचेत सूरिभिर्यामश्रुतेभिरञ्जिभिः १५
 प्र ये मै बन्ध्वेषे गां वोचन्त सूरयः पृश्निं वोचन्त मातरम् ।
 अधा पितरमिष्मिणं रुद्रं वोचन्त शिक्वसः १६
 सप्त मै सप्त शाकिन एकमेका शता ददुः ।
 यमुनायामधि श्रुत मुद् राधो गव्यं मृजे नि राधो अश्वयं मृजे १७

(४५) पञ्चचत्वारिंशं सूक्तम्

(१-१६) षोडशर्चस्यास्य सूक्तस्यात्रेयः श्यावाश्व ऋषिः । मरुतो देवताः । (१,
 ५, १०-११, १५) प्रथमापञ्चमीदशम्येकादशीपञ्चदशीनामृचां ककुभ् , (२)
 द्वितीयाया बृहती, (३) तृतीयाया अनुष्टुप् , (४) चतुर्थ्याः पुर उष्णिक्, (६-७,
 ९, १३-१४, १६) षष्ठीसप्तमीनवमीत्रयोदशीचतुर्दशीषोडशीनां सतोबृहति, (८,
 १२) अष्टमीद्वादश्योश्च गायत्री छन्दांसि

को वेद जानमेषां को वा पुरा सुमेष्वास मरुताम् ।
 यद् युयुजे किलास्यः १

ऐतान् रथेषु तस्थुषः कः शृश्राव कथा ययुः ।
 कस्मै सस्रुः सुदासे अन्वापय इळाभिर्वृष्टयः सह २
 ते म आहुर्य आययु रूप द्युभिर्विभिर्मदे ।
 नरो मर्या अरेपस इमान् पश्यन्निति ष्टहि ३
 ये अञ्जिषु ये वाशीषु स्वभानवः स्रक्षु रुक्मेषु खादिषु ।
 श्राया रथेषु धन्वसु ४
 युष्मार्कं स्मा रथां अनु मुदे दधे मरुतो जीरदानवः ।
 वृष्टी द्यावो यतीरिव ५
 आ यं नरः सुदानवो ददाशुषे दिवः कोशमचुच्यवुः ।
 वि पर्जन्यं सृजन्ति रोदसी अनु धन्वना यन्ति वृष्टयः ६
 ततृदानाः सिन्धवः क्षोदसा रजः प्र संस्रुर्धनवो यथा ।
 स्यन्ना अश्वा इवा ध्वनो विमोचने वि यद् वर्तन्त एन्यः ७
 आ यात मरुतो दिव आन्तरिक्षादुमादुत ।
 मार्व स्थात परावतः ८
 मा वो रसानितभा कुभा क्रमुर्मा वः सिन्धुर्नि रीरमत् ।
 मा वः परिष्ठात् सरयुः पुरीषिण्यस्मे इत् सुम्रमस्तु वः ९
 तं वः शर्धं रथानां त्वेषं गुणं मारुतं नव्यसीनाम् ।
 अनु प्र यन्ति वृष्टयः १०
 शर्धंशर्धं व एषां वार्तव्रातं गुणंगणं सुशस्तिभिः ।
 अनु क्रामेम धीतिभिः ११
 कस्मा अद्य सुजाताय रातहव्याय प्र ययुः ।
 एना यामैन मरुतः १२
 येन तोकाय तनयाय धान्यं बीजं वहध्वे अक्षितम् ।
 अस्मभ्यं तद् धत्तनु यद् व ईमहे राधौ विश्वायु सौभगम् १३
 अतीयाम निदस्तिरः स्वस्तिभिर्हि त्वावद्यमरीतीः ।
 वृष्टी शं योराप उस्त्रि भैषजं स्याम मरुतः सह १४
 सुदेवः समहासति सुवीरो नरो मरुतः स मर्त्यः ।
 यं त्रायध्वे स्याम ते १५
 स्तुहि भोजान् त्तुवतो अस्य यामनि रणन् गावो न यवसे ।
 यतः पूर्वा इव सखीरनु ह्वय गिरा गृणीहि कामिनः १६

(४६) षट्चत्वारिंशं सूक्तम्

(१-१५) पञ्चदशर्चस्यास्य सूक्तस्यात्रेयः श्यावाश्च ऋषिः । मरुतो देवताः । (१-१३, १५) प्रथमादित्रयोदशर्चा पञ्चदश्याश्च जगती,

(१४) चतुर्दश्याश्च त्रिष्टुप् छन्दसी

प्र शर्धा॑य॒ मारु॑ताय॒ स्वभा॑नव इ॒मां वाच॑मनजा पर्व॒त॒च्युते॑ ।
 घ॒र्म॒स्तुभै॑ दि॒व आ पृ॑ष्ठयज्व॒ने द्यु॒म॒श्रव॑से महि॑ नृ॒णाम॑र्चत १
 प्र वो॑ मरुतस्तवि॒षा उ॑द॒न्यवो॑ वयो॒वृधो॑ अ॒श्वयु॑जः परि॒ज्रयः॑ ।
 सं वि॒द्युता॑ दध॒ति वा॑श॒ति त्रि॒तः स्वर॑न्त्यापोऽव॒ना परि॑ज्रयः २
 वि॒द्युन्म॑हसो नरो अ॒श्मदि॑द्यवो वा॒र्त॒त्विषो॑ म॒रुतः॑ पर्व॒त॒च्युतः॑ ।
 अ॒ब्दया॑ चिन्मु॒हुरा हा॑दुनीवृ॒तः स्त॒नय॑दमा रभ॒सा उदौ॑जसः ३
 व्य॑श्क्तून् रु॒द्रा व्य॑हानि शिक्व॒सो व्य॑श्न्तरि॒क्षं वि रजा॑सि धू॒तयः॑ ।
 वि यद॑ज्राँ अ॒र्जथ॑ नाव॑ ई॒ यथा॑ वि दु॒र्गाणि॑ मरुतो॒ नाह॑ रिष्यथ ४
 तद् वी॒र्यं॑ वो मरुतो महि॒त्वनं॑ दी॒र्घं तै॑तान॒ सूर्यो॑ न यो॒र्जनम्॑ ।
 ए॒ता न या॑मे अ॒र्गभी॑तशोचि॒षो ऽन॑श्चदां यन्न॒यया॑तना गि॒रिम् ५
 अ॒भ्राजि॑ शर्धो॑ मरुतो॒ यदर्श॑सं मोष॒था वृ॒क्षं क॑प॒नेव॑ वेधसः ।
 अ॒र्धं स्मा नो॑ अ॒रम॑तिं सजोष॒सश्चक्षु॑रिव॒ यन्त॑मनु॒ नेष॑था सु॒गम् ६
 न स जी॑यते मरुतो॒ न ह॑न्यते॒ न स्त्रै॑धति॒ न व्य॑थते॒ न रि॑ष्यति । नास्य॒ राय॑
 उप॑ दस्यन्ति॒ नोत॑य॒ ऋषि॑ वा॒ यं राजा॑नं वा॒ सुषू॑दथ ७
 नि॒यु॒त्वंन्तो॑ ग्रा॒म॒जितो॑ यथा॒ नरो॑ ऽर्य॒म॒णो न म॑रुतः॒ कब्र॑न्धि॒नः ।
 पि॒न्व॒न्त्युत्सं॑ य॒दिना॑सो अ॒स्वर॑न् व्यु॒न्दन्ति॑ पृथि॒र्वी म॑ध्वो अ॒न्धसा॑ ८
 प्र॒व॒त्वंती॑यं पृथि॒वी म॑रुद्भ्यः प्र॒व॒त्वंती॑ द्यौर्भवति प्र॒यद्भ्यः॑ ।
 प्र॒व॒त्वंतीः॑ पृथ्या॒ अ॒न्तरि॑क्ष्याः प्र॒व॒त्वंन्तः॑ पर्व॒ता जी॑रदा॒नवः॑ ९
 यन्म॑रुतः सभर॒सः स्वर॑ण॒ः सूर्य॑ उदि॒ते म॑द॒था दि॒वो नरः॑ ।
 न वोऽश्वाः॑ श्रथय॒न्ताह॑ सि॒स्रतः॑ स॒द्यो अ॒स्याध्व॑नः पा॒रम॑श्नुथ १०
 अ॒सैषु॑ व अ॒ष्टयः॑ प॒त्सु खा॑दयो वक्षःसु रु॒क्मा म॑रुतो रथे शु॒भः ।
 अ॒ग्निभ्रा॑जसो वि॒द्युतो॑ ग॒र्भस्त्योः॑ शि॒प्राः शी॑र्षसु वि॒त॒ता हि॒र॒ण्ययीः॑ ११
 तं नाक॑म॒र्यो अ॒र्गभी॑तशोचि॒षं रु॑शत् पि॒प्पलं॑ मरुतो॒ वि धू॑नुथ ।
 स॒म॒च्यन्त॑ वृ॒जना॑ति॒त्विष॑न्त॒ यत् स्वर॑न्ति॒ घोषं॑ वि॒त॒तमृ॑तायवः १२
 यु॒ष्माद॑त्तस्य मरुतो वि॒चेत॑सो रा॒यः स्या॑म र॒थ्यो॑ऽव॒यस्व॑तः ।
 न यो यु॑च्छति॒ तिष्यो॑ऽ॒ यथा॑ दि॒वो॑ऽ॒ ऽस्मे रा॑रन्त॒ मरुतः॑ सह॒स्त्रिण॑म् १३

यूयं रयिं मरुतः स्पार्हवीरं यूयमृषिमवथ सामविप्रम् ।
 यूयमर्वन्तं भरताय वाजं यूयं धत्थ राजानं श्रुष्टिमन्तम् १४
 तद् वो यामि द्रविणं सद्यऊतयो येना स्वर्णं ततनाम् नूरभि ।
 इदं सु मे मरुतो हर्यता वचो यस्य तरेम् तरेसा शतं हिमाः १५

(४७) सप्तचत्वारिंशं सूक्तम्

(१-१०) दशर्चस्यास्य सूक्तस्यात्रेयः श्यावाश्च ऋषिः । मरुतो देवताः । (१-६)

प्रथमादिनवर्चा जगती, (१०) दशम्याश्च त्रिष्टुप् छन्दसी

प्रयज्यवो मरुतो भ्राजदृष्टयो बृहद् वयो दधिरे रुक्मवक्षसः ।
 ईर्यन्ते अश्वैः सुयमैभिराशुभिः शुभं यातामनु रथा अवृत्सत १
 स्वयं दधिध्वे तविर्षीं यथा विद बृहन्महान्त उर्विया वि राजथ ।
 उतान्तरिक्षं ममिरे व्योजसा शुभं यातामनु रथा अवृत्सत २
 साकं जाताः सुभ्वः साकमुक्षिताः श्रिये चिदा प्रतरं वावृधुर्नरः ।
 विरोकिणः सूर्यस्येव रश्मयः शुभं यातामनु रथा अवृत्सत ३
 आभूषेण्य वो मरुतो महित्वनं दिदृक्षेण्यं सूर्यस्येव चक्षणम् ।
 उतो अस्मां अमृतत्वे दधातु शुभं यातामनु रथा अवृत्सत ४
 उदीरयथा मरुतः समुद्रतो यूयं वृष्टिं वर्षयथा पुरीषिणः ।
 न वो दस्त्रा उपे दस्यन्ति धेनवः शुभं यातामनु रथा अवृत्सत ५
 यदश्वान् धूर्षु पृषतीरयुग्ध्वं हिरण्ययान् प्रत्यत्कां अमुग्ध्वम् ।
 विश्वा इत् स्पृधौ मरुतो व्यस्यथ शुभं यातामनु रथा अवृत्सत ६
 न पर्वता न नद्यो वरन्त वो यत्राचिध्वं मरुतो गच्छथेदु तत् ।
 उत द्यावापृथिवी याथना परि शुभं यातामनु रथा अवृत्सत ७
 यत् पूर्वं मरुतो यच्च नूतनं यदुद्यतै वसवो यच्च शस्यतै ।
 विश्वस्य तस्य भवथा नवेदसः शुभं यातामनु रथा अवृत्सत ८
 मृळत नो मरुतो मा वधिष्टनाऽस्मभ्यं शर्म बहुलं वि यन्तन ।
 अधि स्तोत्रस्य सख्यस्य गातु शुभं यातामनु रथा अवृत्सत ९
 यूयमस्मान् नयत वस्यो अच्छा निरहतिभ्यो मरुतो गृणानाः ।
 जुषध्वं नो हव्यदातिं यजत्रा वयं स्याम पतयो रयीणाम् १०

(४८) अष्टचत्वारिंशं सूक्तम्

(१-६) नवर्चस्यास्य सूक्तस्यात्रेयः श्यावाश्च ऋषिः । मरुतो देवताः । (१-२, ४-६, ८-९) प्रथमाद्वितीययोर्ऋचोश्चतुर्थ्यादितृचस्याष्टमीनवम्योश्च बृहती, (३, ७)

तृतीयासप्तम्योश्च सतोबृहती छन्दसी

अग्ने शर्धन्तमा गुणं इं॒प॒ष्टं रु॒क्मेभि॒रञ्जिभिः ।
 विशो॑ अ॒द्य म॒रुता॒मव॑ ह्वये दि॒वश्चि॒द् रो॒चना॒दधि॑ १
 यथा॑ चि॒न्मन्य॑से ह॒दा तदि॒न्मै जग्मु॑राशसः ।
 ये ते नेदि॑ष्टं ह॒र्वना॒न्याग॑म॒न् तान् वर्ध॑ भीम॒सदृ॑शः २
 मी॒ळ॒हृष्म॑तीव पृथि॒वी परा॑हता म॒दन्त्ये॒त्यस्मदा॑ ।
 ऋ॒क्षो न वो॑ मरुतः शिमी॒वाँ अ॒मो दु॒ध्रो गौ॒रिव॑ भीम॒युः ३
 नि ये रि॒णन्त्यो॒र्जसा॑ वृथा गावो न दु॒र्धुरः॑ ।
 अश्मा॑न चित् स्व॒र्यं प॑र्वतं गि॒रिं प्र च्या॑वयन्ति याम॑भिः ४
 उत् तिष्ठ॑ नूनमै॒षां स्तोमैः॑ स॒मुक्षि॑तानाम् ।
 म॒रुता॑ पु॒रुत॑म॒मपूर्व्य॑ गवां सर्ग॑मिव ह्वये ५
 यु॒ङ्गध्वं॑ ह्यरु॒षी रथे॑ यु॒ङ्गध्वं॑ रथेषु रो॒हितः॑ ।
 यु॒ङ्गध्वं॑ हरी॑ अ॒जिरा॑ धुरि वोळ॒हवे॑ वहि॒ष्ठा धुरि॑ वोळ॒हवे॑ ६
 उ॒त स्य वा॒ज्यरु॑षस्तु॒विष्वणि॑ रि॒ह स्म॑ धायि दर्शतः ।
 मा वो॒ यामै॑षु मरुतश्चि॒रं के॒रत् प्र तं॑ रथेषु चोदत ७
 रथं॑ नु मा॒रुतं॑ व॒यं श्रव॑स्युमा हु॒वामहे॑ ।
 आ यस्मि॑न् त॒स्थौ सु॒रणा॑नि बिभ्रती सचा॑ म॒रुत्सु॑ रोद॒सी ८
 तं वः॑ शर्धै॑ रथेषु॒र्भ त्वे॑षं पे॒नस्यु॑मा हु॒वे ।
 यस्मि॑न् त्सुजा॑ता सु॒भगा॑ महीयते सचा॑ म॒रुत्सु॑ मी॒ळ॒हृषी॑ ९

(४९) एकोनपञ्चाशं सूक्तम्

(१-८) अष्टर्चस्यास्य सूक्तस्यात्रेयः श्यावाश्च ऋषिः । मरुतो देवताः । (१-६)

प्रथमादिषडृचां जगती, (७-८) सप्तम्यष्टम्योश्च त्रिष्टुप् छन्दसी

आ रु॒द्रास॑ इन्द्र॒वन्तः स॒जोष॑सो हि॒रंश॑य॒रथाः॑ सु॒वि॒ताय॑ गन्तन ।
 इ॒यं वो॑ अ॒स्मत् प्र॑ति ह॒र्यते॑ म॒ति स्तृ॑ष्णजे न दि॒व उत्सा॑ उ॒दन्यवै॑ १
 वाशी॑मन्त ऋष्टि॒मन्तो॑ मनी॒षिणः॑ सु॒धन्वा॑न् इ॒षुम॑न्तो निष॒ङ्गिणः॑ ।
 स्वश्वाः॑ स्थ सु॒रथाः॑ पृश्नि॒मातरः॑ स्वा॒युधा॑ म॒रुतो॑ याथ॒ना शु॒र्भम् २

ध॒नु॒थ द्यां पर्व॑तान् दा॒शुषे॑ वसु॒ नि वो॒ वना॑ जिहते॒ याम॑नो भि॒या ।
 को॒पय॑थ पृथि॒वीं पृ॑श्निमातरः श॒भे यदु॑ग्राः पृष॑तीरयुग्ध्वम् ३
 वा॒र्त॒त्विषो॑ म॒रुतो॑ व॒र्षनि॑र्णिजो य॒मा इ॒व सु॑सदृशः सुपे॑शंसः ।
 पि॒शङ्गा॑श्वा अ॒रुणा॑श्वा अ॒रेप॑सः प्र॒त्वंक्ष॑सो म॒हिना॑ द्यौरि॒वोर॑वः ४
 पु॒रु॒द्रप्सा॑ अ॒ञ्जिम॑न्तः सु॒दान॑व स्त्वे॒षस॑दृशो अ॒नव॑भ्र॒राध॑सः ।
 सु॒जा॒तासौ॑ ज॒नुषा॑ रु॒क्मव॑क्षसो दि॒वो अ॒र्का अ॒मृतं॑ नाम भेजिरे ५
 अ॒ष्टयो॑ वो म॒रुतो॑ अ॒संयो॑रधि सह॒ ओजो॑ बा॒होर्वो॑ बलं हि॒तम् ।
 नृ॒म्णा शी॑र्षस्वायु॒धा रथे॑षु वो वि॒श्वा वः॑ श्रीरधि॒ तनू॑षु पिपि॒शे ६
 गो॒म॒दश्वा॑वद् रथ॑वत् सु॒वीरं॑ च॒न्द्रव॑द् रा॒धौ म॑रुतो ददा नः ।
 प्र॒श॒स्तिं नः॑ कृ॒णुत॑ रु॒द्रिया॑सो भ॒क्षीय॑ वोऽ॒र्वसो॑ दै॒व्यस्य॑ ७
 ह॒ये न॑रो म॒रुतो॑ मृ॒ळता॑ न॒ स्तु॒र्वीम॑घासो अ॒मृता॑ ऋ॒त॒ज्ञाः ।
 स॒त्य॑श्रुतः क॒वयो॑ यु॒वानो॑ बृह॒द्गिर॑यो बृह॒दुक्ष॑माणाः ८

(५०) पञ्चाशं सूक्तम्

(१-८) अष्टर्चस्यास्य सूक्तस्यात्रेयः श्यावाश्च ऋषिः । मरुतो देवताः ।

त्रिष्टुप् छन्दः

तमु॒ नूनं॑ तवि॒षीम॑न्तमेषां स्तु॒षे गु॒णं मा॑रुतं न॒व्यसी॑नाम् ।
 य आ॒श्वश्वा॑ अ॒मव॑द् वह॑न्त उ॒तेशि॑रे अ॒मृत॑स्य स्व॒राजः॑ १
 त्वे॒षं गु॒णं तु॒वसं॑ खादि॒हस्तं॑ धु॒निव॑तं मा॒यिनं॑ दा॒तिवा॑रम् ।
 म॒यो॒भुवो॑ ये अ॒मिता॑ म॒हित्वा॑ वन्द॒स्व वि॒प्र तु॒विरा॑धसो नृन् २
 आ वो॑ यन्तू॒दवा॑हासौ अ॒द्य वृ॑ष्टिं ये वि॒श्वे म॑रुतो॒ जुन॑न्ति ।
 अ॒यं यो अ॒ग्निर्म॑रुतः स॒मिद्ध॑ ए॒तं जु॑षध्वं क॒वयो॑ यु॒वानः॑ ३
 यू॒यं रा॒जा॒न॒मिर्य॑ जना॒य वि॒भ्वतु॑ष्टं ज॒नय॑था यज॒त्राः ।
 यु॒ष्मदै॑ति मु॒ष्टिहा॑ बा॒हुजू॑तो यु॒ष्मत् स॒द॒श्चो म॑रुतः सु॒वीरः॑ ४
 अ॒रा इ॒वेद॑च॒रमा॑ अ॒हैव॑ प्र॒प्र जा॑यन्ते अ॒र्कवा॑ महौ॒भिः ।
 पृ॒श्नैः पु॒त्रा उ॑प॒मासो॑ र॒भिष्ठाः॑ स्व॒या म॑त्या म॒रुतः॑ सं मि॒मिक्षुः॑ ५
 यत् प्रा॒या॒सिष्ट॑ पृष॑तीभि॒रश्वै॑र्वी॒ळुप॑विभि॒र्मरु॑तो रथै॒भिः ।
 क्षो॒द॒न्त आपो॑ रि॒णते॑ व॒ना न्य॑वो॒स्त्रियो॑ वृष॒भः क्र॑न्दतु द्यौः ६
 प्रथि॑ष्ट॒ याम॑न् पृथि॒वी चि॑दे॒षां भ॑र्त॒व गर्भं॑ स्वमिच्छ॒वो धुः॑ ।
 वा॒ता॒न् ह्य॒श्वान् धु॑र्या॒युयु॑जे व॒र्ष स्वे॑दं च॒क्रिरे॑ रु॒द्रिया॑सः ७

हृये नरो मरुतो मृळता न स्तुर्वीमघासो अमृता ऋतज्ञाः ।
सत्यश्रुतः कवयो युवानो बृहद्विरयो बृहदुक्षमाणाः ८

(५१) एकपञ्चाशं सूक्तम्

(१-८) अष्टर्चस्यास्य सूक्तस्यात्रेयः श्यावाश्च ऋषिः । मरुतो देवताः । (१-७)

प्रथमादिसप्तर्चा जगती, (८) अष्टम्याश्च त्रिष्टुप् छन्दसी
प्र वः स्पळक्रन् त्सुविताय दावने ऽर्चा दिवे प्र पृथिव्या ऋतं भरे ।
उक्षन्ते अश्वान् तरुषन्त आ रजो ऽनु स्वं भानुं श्रथयन्ते अर्णवैः १
अमादिषां इभयसा भूमिरेजति नौर्न पूर्णा क्षरति व्यथिर्यती ।
दूरेदृशो ये चितयन्त एमभि रन्तर्महे विदथे येतिरे नरः २
गवामिव श्रियसे शृङ्गमुत्तमं सूर्यो न चक्षू रजसो विसर्जने ।
अत्या इव सुभ्वश्चरवः स्थन मर्या इव श्रियसे चेतथा नरः ३
को वो महान्ति महतामुदशनवत् कस्काव्या मरुतः को ह पौस्या ।
यूयं ह भूमिं किरणं न रैजथ प्र यद् भरध्वे सुविताय दावने ४
अश्वा इवेदरुषासः सबन्धवः शूरा इव प्रयुधः प्रोत युयुधुः ।
मर्या इव सुवृधौ वावृधुर्नरः सूर्यस्य चक्षुः प्र मिनन्ति वृष्टिभिः ५
ते अज्येष्ठा अकनिष्ठास उद्भिदो ऽर्मध्यमासो महसा वि वावृधुः ।
सुजातासौ जनुषा पृश्निमातरो दिवो मर्या आ नो अच्छा जिगातन ६
वयो न ये श्रेणीः पपुरोजसा ऽन्तान् दिवो बृहतः सानुनस्परि ।
अश्वास एषामुभये यथा विदुः प्र पर्वतस्य नभनूरैचुच्यवुः ७
मिमातु द्यौरदितिर्वीतये नः सं दानुचित्रा उषसौ यतन्ताम् ।
आचुच्यवुर्दिव्यं कोशमेत ऋषे रुद्रस्य मरुतौ गृणानाः ८

(५२) द्विपञ्चाशं सूक्तम्

(१-८) अष्टर्चस्यास्य सूक्तस्यात्रेयः श्यावाश्च ऋषिः । मरुतोऽग्रामरुतौ वा देवते ।

(१-६) प्रथमादितृचद्वयस्य त्रिष्टुप्, (७-८) सप्तम्यष्टम्योर्ऋचोश्च जगती छन्दसी
ईळे अग्निं स्ववसं नमोभि रिह प्रसत्तो वि चयत् कृतं नः ।
रथैरिव प्र भरे वाजयद्भिः प्रदक्षिणिन्मरुतां स्तोममृध्याम् १
आ ये तस्थुः पृषतीषु श्रुतासु सुखेषु रुद्रा मरुतो रथेषु ।
वनां चिदुग्रा जिहते नि वो भिया पृथिवी चिद् रेजते पर्वतश्चित् २

पर्वतश्चिन्महि वृद्धो बिभाय दिवश्चित् सानु रेजत स्वने वः ।
 यत् क्रीळथ मरुत ऋष्टिमन्त आप इव सध्व्यञ्चो धवध्वे ३
 वरा इवेद् रैवतासो हिरण्यै रभि स्वधाभिस्तन्वः पिपिश्रे ।
 श्रिये श्रेयांसस्तवसो रथेषु सत्रा महासि चक्रिरे तनूषु ४
 अज्येष्टासो अकनिष्ठास एते सं भार्तरो वावृधुः सौभगाय ।
 युवा पिता स्वपा रुद्र एषां सुदुघा पृश्निः सुदिना मरुद्भ्यः ५
 यदुत्तमे मरुतो मध्यमे वा यद् वावमे सुभगासो दिवि छ ।
 अतो नो रुद्रा उत वा न्वस्या ग्रै वित्ताद्धविषो यद् यजाम ६
 अग्निश्च यन्मरुतो विश्ववेदसो दिवो वहध्व उत्तरादधि ष्णुभिः ।
 ते मन्दसाना धुनयो रिशादसो वामं धत्त यजमानाय सुन्वते ७
 अग्रै मरुद्भिः शभयद्भिर्ऋक्वभिः सोमं इंपब मन्दसानो गणश्रिभिः ।
 पावकेभिर्विश्वमिन्वेभिरायुभिर्वै श्वानर प्रदिवा केतुना सजूः ८

(५३) त्रिपञ्चाशं सूक्तम्

(१-१६) एकोनविंशत्यृचस्यास्य सूक्तस्यात्रेयः श्यावाश्च ऋषिः । (१-४, ११-१६)
 प्रथमादिचतुर्ऋचामेकादश्यादिषण्णाञ्च मरुतः, (५-८) पञ्चम्यादिचतसृणां
 तरन्तमहिषी शशीयसी, (९) नवम्या वैददश्चिः पुरुमीळहः, (१०) दशम्या
 वैददश्चिस्तरन्तः, (१७-१८) सतदश्यादितृचस्य च दाभ्यो रथवीतिर्देवताः । (१-
 ४, ६-८, १०-११) प्रथमादिचतुर्ऋचां षष्ठ्यादितृचस्य दशम्यादिद्वादशानाञ्च गायत्री,
 (५) पञ्चम्या अनुष्टुप्, (९) नवम्याश्च सतोबृहती छन्दांसि
 के ष्ठा नरः श्रेष्ठतमा य एकैक आयय । पुरमस्याः परावतः १
 क्वश् वोऽश्वाः क्वाश्भीशवः कथं शैक कथा यय । पृष्ठे सदो नसोर्यमः २
 जघने चोद एषां वि सक्थानि नरो यमुः । पुत्रकृथे न जनयः ३
 परा वीरास एतन् मर्यासो भद्रजानयः । अग्नितपो यथासंथ ४
 सन्त साश्वयं पशु मुत गव्यं शतावयम् ।
 श्यावाश्चस्तुताय या दोर्वीरायोपबर्बहत् ५
 उत त्वा स्त्री शशीयसी पुंसो भवति वस्यसी । अदेवत्रादराधसः ६
 वि या जानाति जसुरिं वि तृष्यन्तं वि कामिनम् । देवत्रा कृणुते मनः ७
 उत घा नेमो अस्तुतः पुमाँ इति ब्रुवे पणिः । स वैरदेय इत् समः ८
 उत मैऽरपद् युवतिर्मन्दुषी प्रति श्यावाय वतनिम् ।

वि रोहिता पुरुमीळहाय येमतु विप्राय दीर्घयशसे ६
 यो मै धेनूनां शतं वैददश्चिर्यथा ददत् । तुरन्त इव मुंहना १०
 य ई वहन्त आशुभिः पिबन्तो मदिरं मधु । अत्र श्रवांसि दधिरे ११
 येषो इश्रयाधि रोदसी विभ्राजन्ते रथेष्ववा । दिवि रुक्म इवोपरि १२
 युवा स मारुतो गुणस्त्वेषरथो अनेद्यः । शुभ्यावाप्रतिष्कृतः १३
 को वैद नूनमेषां यत्रा मदन्ति धृतयः । ऋतजाता अरेपसः १४
 यूयं मर्तं विपन्यवः प्रणेतार इत्था धिया । श्रोतारो यामहूतिषु १५
 ते नो वसूनि काम्या पुरुश्चन्द्रा रिशादसः । आ यज्ञियासो ववृत्तन १६
 एतं मे स्तोममूर्म्ये दाभ्याय परा वह । गिरौ देवि रथीरिव १७
 उत मै वोचतादिति सुतसोमे रथवीतौ । न कामो अप वेति मे १८
 एष क्षेति रथवीति मघवा गोमतीरनु । पर्वतेष्वपश्रितः १९

(५४) चतुःपञ्चाशं सूक्तम्

(१-६) नवर्चस्यास्य सूक्तस्यात्रेयः श्रुतविदृषिः । मित्रावरुणौ देवते ।

त्रिष्टुप् छन्दः

ऋतेन ऋतमपिहितं ध्रुवं वां सूर्यस्य यत्र विमुचन्त्यश्वाङ् ।
 दशं शता सह तस्थुस्तदेकं देवानां श्रेष्ठं वपुषामपश्यम् १
 तत् सु वां मित्रावरुणा महित्व मीर्मा तस्थुषीरहभिर्दुदुहे ।
 विश्वाः पिन्वथः स्वसरस्य धेना अनु वामेकः पविरा ववर्त २
 अधारयतं पृथिवीमुत द्यां इमत्रराजाना वरुणा महौभिः ।
 वर्धयतमोषधीः पिन्वतुं गा अव वृष्टिं सृजतं जीरदानू ३
 आ वामश्वासः सुयुजो वहन्तु यतरेश्मय उप यन्त्वर्वाक् ।
 घृतस्य निर्णिगर्नु वर्तते वा मुप सिन्धवः प्रदिवि क्षरन्ति ४
 अनु श्रुताममतिं वर्धदुर्वी बर्हिरिव यजुषा रक्षमाणा ।
 नमस्वन्ता धृतदक्षाधि गर्ते मित्रासाथे वरुणेळास्वन्तः ५
 अक्रविहस्ता सुकृतै परस्पा यं त्रासाथे वरुणेळास्वन्तः ।
 राजाना क्षत्रमहेणीयमाना सहस्रस्थूणं इबभृथः सह द्वौ ६
 हिरण्यनिर्णिगयो अस्य स्थूणा वि भ्राजते दिव्यश्वाजनीव ।
 भद्रे क्षेत्रे निर्मिता तिल्विले वा सनेम मध्वो अधिगर्त्यस्य ७
 हिरण्यरूपमुषसो व्युष्टा वयःस्थूणमुदिता सूर्यस्य ।

आ रौहथो वरुण मित्रं गर्तं मर्तश्चक्ष्माथे अदितिं दितिं च ८
 यद् बंहिष्ठं नातिविधे सुदानू अच्छिद्रं शर्म भुवनस्य गोपा ।
 तेन नो मित्रावरुणावविष्टं सिषासन्तो जिगीवांसः स्याम ९

चतुर्थोऽध्यायः

व० १ । ३६

(५५) पञ्चपञ्चाशं सूक्तम्

(१-७) सप्तर्चस्यास्य सूक्तस्यात्रेयोऽर्चनाना ऋषिः । मित्रावरुणौ देवते ।

जगती छन्दः

ऋतस्य गोपावधिं तिष्ठथो रथं सत्यधर्माणा परमे व्योमनि ।
 यमत्र मित्रावरुणावथो युवं तस्मै वृष्टिर्मधुमत् पिन्वते दिवः १
 सम्राजावस्य भुवनस्य राजथो मित्रावरुणा विदथे स्वर्दृशा ।
 वृष्टिं वां राधौ अमृतत्वमीमहे द्यावापृथिवी वि चरन्ति तन्यवः २
 सम्राजा उग्रा वृषभा दिवस्पती पृथिव्या मित्रावरुणा विचर्षणी ।
 चित्रेभिरभैरुप तिष्ठथो रवं द्यां वर्षयथो असुरस्य मायया ३
 माया वा मित्रावरुणा दिवि श्रिता सूर्यो ज्योतिश्चरति चित्रमायुधम् ।
 तमभ्रेण वृष्ट्या गूहथो दिवि पर्जन्य द्रप्सा मधुमन्त ईरते ४
 रथं युञ्जते मरुतः शभे सुखं शूरो न मित्रावरुणा गविष्टिषु ।
 रजांसि चित्रा वि चरन्ति तन्यवो दिवः सम्राजा पर्यसा न उक्षतम् ५
 वाचं सु मित्रावरुणाविरावतीं पर्जन्यश्चित्रां वेदति त्विषीमतीम् ।
 अभ्रा वसत मरुतः सु मायया द्यां वर्षयतमरुणाम रेपसम् ६
 धर्मणा मित्रावरुणा विपश्चिता वृता रक्षेथे असुरस्य मायया ।
 ऋतेन विश्वं भुवनं वि राजथः सूर्यमा धत्थो दिवि चित्र्यं रथम् ७

(५६) षट्पञ्चाशं सूक्तम्

(१-७) सप्तर्चस्यास्य सूक्तस्यात्रेयोऽर्चनाना ऋषिः । मित्रावरुणौ देवते । (१-६)

प्रथमादिषड्चामनुष्टुप् , (७) सप्तम्याश्च पङ्क्तिश्छन्दसी

वरुणं वो रिशादस मृचा मित्रं हवामहे ।
 परि व्रजेव बाह्वो र्जगन्वासा स्वर्णरम् १
 ता बाहवा सुचेतुना प्र यन्तमस्मा अर्चते ।

शेवं हि जा॒र्यं वां विश्वा॑सु क्षा॒सु जो॒गुवे २
 यन्नून॑म॒श्यां गतिं मि॒त्रस्य॑ या॒यां प॒था ।
 अस्य॑ प्रि॒यस्य॑ शर्म॒णय॑ हिं॒सानस्य॑ सश्चिरे ३
 यु॒वाभ्यां इ॑म॒त्रावरु॑णो पु॒मं धे॑यामृ॒चा ।
 यद्ध क्षये॑ म॒घोनां॑ स्तोतृ॒णां च॑ स्पर्ध॒सै ४
 आ नो॑ मि॒त्र सुदी॑ति भि॒र्वरु॑णश्च स॒धस्थ॑ आ ।
 स्वे क्षये॑ म॒घोनां॑ स॒खीनां॑ च वृ॒धसै॑ ५
 यु॒वं नो॒ येषु॑ वरु॒ण क्ष॒त्रं बृ॒हच्च॑ बिभृ॒थः ।
 उ॒रु णो॑ वा॒जसा॑तये कृ॒तं रा॒ये स्व॑स्तये ६
 उ॒च्छन्त्या॑ मे य॒जता॑ दे॒वक्ष॑त्रे रु॒शद्ग॑वि ।
 सु॒तं सोमं॑ न ह॒स्तिभि॑रा प॒डि॒भर्धा॑वतं न॒रा बिभ्र॑तावर्च॒नान॑सम् ७

(५७) सप्तपञ्चाशं सूक्तम्

(१-६) षडृचस्यास्य सूक्तस्यात्रेयो रातहव्य ऋषिः । मित्रावरुणौ देवते । (१-५)

प्रथमादिपञ्चार्चामनुष्टुप्, (६) षष्ठ्याश्च पङ्क्तिश्छन्दसी

यश्चि॒केत॑ स सु॒क्रतु॑ दे॒व॒त्रा स॑ ब्रवी॒तु नः॑ ।
 वरु॑णो यस्य दर्श॒तो मि॒त्रो वा॑ वन॒ते गि॑रः १
 ता हि श्रेष्ठ॑वर्चसा॒ राजा॑ना दीर्घ॑श्रु॒त्तमा॑ ।
 ता सत्प॑ती ऋ॒तावृ॑धं ऋ॒तावा॑ना जने॑जने २
 ता वा॑मि॒यानोऽव॑से पूर्वा॒ उप॑ ब्रुवे स॒चा ।
 स्वश्वा॑सः सु॒चेतु॑ना॒ वाजाँ॑ अभि प्र दा॒वने॑ ३
 मि॒त्रो अ॒होश्चि॒दादु॑रु क्षया॑य गा॒तुं व॑नते ।
 मि॒त्रस्य॑ हि प्र॒तूर्व॑तः सु॒म॒तिर॑स्ति वि॒धतः॑ ४
 व॒यं मि॒त्रस्या॑व॒सि स्या॑म॒ सप्र॑थ॒स्तमे॑ ।
 अ॒नेह॑स॒स्त्वोत॑यः स॒त्रा वरु॑णशेष॑सः ५
 यु॒वं इ॑म॒त्रे॒मं ज॑नं यत॒थः सं च॑ नयथः ।
 मा म॒घोनुः॑ परि॒ ख्यत॑ं मो अ॒स्माक॑मृ॒षीणा॑ गोपी॒थे न॑ उरुष्यतम् ६

(५८) अष्टपञ्चाशं सूक्तम्

(१-६) षडृचस्यास्य सूक्तस्यात्रेयो रातहव्य ऋषिः । मित्रावरुणौ देवते ।

अनुष्टुप् छन्दः

आ चि॒कितान॑ सु॒क्रतू॑ दे॒वौ म॑र्त रि॒शाद॑सा ।
 वरु॑णाय ऋ॒तपै॑शसे दधी॒त प्र॑यसे मु॒हे १
 ता हि क्ष॒त्रम॑वि॒हुतं॑ स॒म्यग॑सु॒र्यश्मा॑शा॒ति ।
 अ॒र्धं वृ॒तेव॑ मा॒नुषं॑ स्व॒र्णं धा॑यि दर्श॒तम् २
 ता वा॒मेषे॑ रथा॒ना मु॒र्वी ग॑व्यू॒तिमेषा॑म् ।
 रा॒तह॑व्यस्य सु॒ष्टतिं॑ द॒धृक् स्तो॑मैर्मनामहे ३
 अ॒घ्रा हि का॑व्यो यु॒वं दक्ष॑स्य पू॒र्भिर॑द्भुता ।
 नि के॒तुना॑ जना॒नां चि॒केथे॑ पू॒तदक्ष॑सा ४
 तदृ॒तं पृ॑थिवि बृ॒हच्छृ॑चफ॒द्रव॑एष ऋ॒षीणा॑म् ।
 ज॒यसा॑नावरं पृ॒थ्व ति॑ क्षरन्ति या॒मभिः॑ ५
 आ यद् वा॒मीय॑चक्ष॒सा मि॒त्रं व॒यं च॑ सू॒रयः॑ ।
 व्यचि॑ष्ठे बहु॒पाय्ये॒ यतै॑महि स्व॒राज्यै॑ ६

(५६) एकोनषष्टितमं सूक्तम्

(१-५) पञ्चर्चस्यास्य सूक्तस्यात्रेयो यजत ऋषिः । मित्रावरुणौ देवते ।

अनुष्टुप् छन्दः

ब॒ळि॒त्था दे॒व निष्कृ॑त मा॒दित्या॑ यज॒तं बृ॒हत् ।
 वरु॑ण मि॒त्रार्य॑म॒न् वर्षि॑ष्ठं क्ष॒त्रमा॑शा॒थे १
 आ यद् यो॒निं हि॒रण्य॑यं वरु॑ण मि॒त्रं स॑द॒थः ।
 ध॒र्तारा॑ च॒र्षणी॑नां य॒न्तं सु॒म्नं रि॑शादसा २
 वि॒श्वे हि वि॒श्ववै॑दसो वरु॑णो मि॒त्रो अ॑र्य॒मा ।
 वृ॒ता प॒देव॑ स॒श्चिरे॑ पान्ति म॒र्त्यं रि॑षः ३
 ते हि स॒त्या ऋ॒तस्पृ॑शं ऋ॒तावा॑नो जने॒जने॑ ।
 सु॒नी॒थासः॑ सु॒दान॑वो ऽहो॒श्चिदु॑रुचक्रयः ४
 को नु वा॑ इ॒म॒त्रास्तु॑तो वरु॑णो वा त॒नूना॑म् ।
 तत् सु॒ वा॒मेष॑ते म॒तिर॒त्रिभ्य॑ एष॑ते म॒तिः ५

(६०) षष्टितमं सूक्तम्

(१-५) पञ्चर्चस्यास्य सूक्तस्यात्रेयो यजत ऋषिः । मित्रावरुणौ देवते ।

गायत्री छन्दः

प्र वो मित्राय गायत वरुणाय विपा गिरा । महिन्नत्रावृतं बृहत् १
सम्राजा या घृतयौनी मित्रश्चोभा वरुणश्च । देवा देवेषु प्रशस्ता २
ता नः शक्तं पार्थिवस्य मुहो रायो दिव्यस्य । महि वां क्षत्रं देवेषु ३
ऋतमृतेन सपन्ते षिरं दक्षमाशाते । अद्रुहा देवौ वर्धेते ४
वृष्टिद्यावा रीत्यापे षस्पती दानुमत्याः । बृहन्तं गर्तमाशाते ५

(६१) एकषष्टितमं सूक्तम्

(१-४) चतुर्ऋचस्यास्य सूक्तस्यात्रेय उरुचक्रिर्ऋषिः । मित्रावरुणौ देवते ।

त्रिष्टुप् छन्दः

त्री रौचना वरुण त्रीरुत द्यून् त्रीणि मित्र धारयथो रजांसि ।
वावृधानावमतिं क्षत्रियस्याऽनु वृतं रक्षमाणावजुर्यम् १
इरावतीवरुण धेनवौ वां मधुमद् वां सिन्धवो मित्र दुहे ।
त्रयस्तस्थुर्वृषभासस्ति सृणां धिषणानां रेतोधा वि द्युमन्तः २
प्रातर्देवीमदितिं जोहवीमि मध्यंदिन उदिता सूर्यस्य ।
राये मित्रावरुणा सर्वताते ळे तोकाय तनयाय शं योः ३
या धर्तारा रजसो रोचनस्यो तादित्या दिव्या पार्थिवस्य ।
न वां देवा अमृता आ मिनन्ति वृतानि मित्रावरुणा ध्रुवाणि ४

(६२) द्विषष्टितमं सूक्तम्

(१-४) चतुर्ऋचस्यास्य सूक्तस्यात्रेय उरुचक्रिर्ऋषिः । मित्रावरुणौ देवते ।

गायत्री छन्दः

पुरूरुणा चिद्धयस्त्य वौ नूनं वां वरुण । मित्र वंसि वां सुमतिम् १
ता वां सम्यग्द्रुहाणे षमश्याम धार्यसे । वयं ते रुद्रा स्याम २
पातं नो रुद्रा पायुभि रूत त्रायेथां सुत्रात्रा । तुर्याम दस्यून् तनूभिः ३
मा कस्याद्भुतक्रतू यक्षं भुजेमा तनूभिः । मा शेषसा मा तनसा ४

(६३) त्रिषष्टितमं सूक्तम्

(१-३) तृचस्यास्य सूक्तस्यात्रेयो बाहुवृक्त ऋषिः । मित्रावरुणौ देवते ।

गायत्री छन्दः

आ नो गन्तं रिशादसा वरुण मित्र बर्हणा । उपेमं चारुमध्वरम् १
 विश्वस्य हि प्रचेतसा वरुण मित्र राजथः । ईशाना पिप्यतं धियः २
 उप नः सुतमा गतं वरुण मित्र दाशुषः । अस्य सोमस्य पीतये ३

(६४) चतुषष्टितमं सूक्तम्

(१-३) तृचस्यास्य सूक्तस्यात्रेयो बाहुवृक्त ऋषिः ।

मित्रावरुणौ देवते । उष्णिक् छन्दः

आ मित्रे वरुणे वयं गीर्भिर्जुहुमो अत्रिवत् । नि बर्हिषि सदतं सोमपीतये १
 वृतेन स्थो ध्रुवक्षेमा धर्मणा यातयज्जना । नि बर्हिषि सदतं सोमपीतये २
 मित्रश्च नो वरुणश्च जुषेतां यज्ञमिष्टये । नि बर्हिषि सदतां सोमपीतये ३

(६५) पञ्चषष्टितमं सूक्तम्

(१-१०) दशर्चस्यास्य सूक्तस्यात्रेयः पौर ऋषिः । अश्विनौ देवते । अनुष्टुप् छन्द
 यदद्य स्थः परावति यदवावत्यश्विना । यद् वा पुरु पुरुभुजा यदन्तरिक्षा आ
 गतम् १

इह त्या पुरुभूतमा पुरु दंसांसि बिभ्रता । वरस्या याम्यधिगू हुवे तुविष्टमा
 भुजे २

ईर्मान्यद् वपुषे वपुश्चक्रं रथस्य येमथुः । पर्यन्या नाहुषा युगा मृहा रजांसि
 दीयथः ३

तद् षु वामेना कृतं विश्वा यद् वामनु ष्वे । नाना जातावरेपसा समस्मे
 बन्धुमेयथुः ४

आ यद् वा सूर्या रथं तिष्ठद् रघुष्यदं सदा । परि वामरुषा वयो घृणा वरन्त
 आपः ५

युवोरत्रिश्चितेति नरा सुप्तेन चेतसा । घर्म यद् वामरेपसं नासत्यास्त्रा
 भुरणयति ६

उग्रो वा ककुहो ययिः शृणवे यामेषु संतनिः । यद् वां
 दंसौभिरश्विना ऽत्रिर्नराववर्तति ७

मध्व ऊ षु मधूयुवा रुद्रा सिषक्ति पिप्युषी । यत् समुद्राति पर्षथः पक्वाः
 पृक्षौ भरन्त वाम् ८

सत्यमिद् वा उ अश्विना युवामाहर्मयोभुवा । ता यामन् यामहूतमा यामन्ना

मृळयत्तमा ६

इ॒मा ब्र॒ह्मा॒णि व॒र्धना॒ ऽश्वि॒भ्यां सन्तु॒ शन्त॑मा । या त॒क्षाम् रथाँ॑ इ॒वा ऽवो॑चाम
बृ॒हन्न॑मः १०

(६६) षट्षष्टितमं सूक्तम्

(१-१०) दशर्चस्यास्य सूक्तस्यात्रेयः पौर ऋषिः । अश्विनौ देवते । अनुष्टुप् छन्दः
कू॒ष्ठौ दे॒वाव॒श्विना॒ ऽद्या दि॒वो म॑नावसू । तच्छ्र॒वथो॑ वृषणवसू अ॒त्रिर्वा॒मा
वि॒वास॑ति १

कु॒ह॒ त्या कु॒ह॒ नु श्रु॒ता दि॒वि दे॒वा ना॑सत्या । कस्मि॒न्ना य॑तथो जने॒ को वा॑
न॒दीनां॑ सचा २

कं या॑थः कं हं गच्छ॒थः कम॑च्छा यु॒ज्जाथे॑ रथम् । कस्य॒ ब्रह्मा॑णि रणयथो व॒यं
वा॑मु॒श्मसी॑ष्टयै ३

पौ॒रं चि॒द्धयु॑दप्रुतं पौ॒रं पौ॒राय॑ जिन्वथः । यदी॑ गृ॒भीत॑तातये सि॒ंहमि॑व द्रु॒हस्प॑दे
४

प्र च्य॒वाना॑ज्जु॒रुषो॑ व॒त्रिम॑त्कं न मुञ्चथः । यु॒वा यदी॑ कृ॒थः पुन॑ रा
का॒ममृ॑गवे व॒ध्वः ५

अ॒स्ति हि वा॑मि॒ह स्तो॑ता स्मसि॑ वां स॒दृशि॑ श्रिये । नू श्रु॒तं म॒ आ
ग॑तु॒ मवो॑भिर्वाजिनीवसू ६

को वा॑म॒द्य पु॑रू॒णा मा वे॒न्ने म॑त्या॒नाम् । को वि॒प्रो वि॒प्रवा॑हसा॒ को
य॒ज्ञैर्वा॑जिनीवसू ७

आ वां रथो॑ रथा॒नां ये॒ष्ठो या॑त्वश्विना । पु॒रू चि॑दस्म॒युस्ति॒र आ॑ङ्गु॒षो म॑र्त्ये॒ष्वा
८

श॒मू षु वा॑ म॒धूयु॒वा ऽस्मा॑कमस्तु च॒र्कृतिः॑ । अ॒र्वाची॑ना वि॒चेत॑सा वि॒भिः
श्ये॒नेव॑ दीयतम् ९

अ॒श्विना॑ य॒द्ध क॑र्हि चि॒च्छु॒श्रूया॑तमिमं हव॑म् । व॒स्वीरू॒ षु वां भु॑जः पृ॒ञ्चन्ति॑
सु वां पृ॑चः १०

(६७) सप्तषष्टितमं सूक्तम्

(१-६) नवर्चस्यास्य सूक्तस्यात्रेयोऽवस्युर्ऋषिः । अश्विनौ देवते । पङ्क्तिश्छन्दः
प्रति प्रियतमं रथं वृषणं वसुवाहनम् ।

स्तोता वा॑म॒श्विना॒वृषिः॑ स्तोमे॑न॒ प्रति॑ भूष॒ति मा॒ध्वी म॑म॒ श्रुतं॑ हव॒म् १
 अ॒त्याया॑तम॒श्विना॒ तिरो॑ वि॒श्वा अ॒हं स॑ना ।
 द॒स्त्रा हि॑र॒ण्यव॑र्तनी॒ सुषु॑म्ना॒ सिन्धु॑वा॒हसा॒ मा॒ध्वी म॑म॒ श्रुतं॑ हव॒म् २
 आ नो॑ र॒त्नानि॑ बिभ्र॒ताव॑श्वि॒ना गच्छ॑तं यु॒वम् ।
 रु॒द्रा हि॑र॒ण्यव॑र्तनी॒ जुषा॑णा वा॒जिनी॑वसू॒ मा॒ध्वी म॑म॒ श्रुतं॑ हव॒म् ३
 सु॒ष्टुभौ॑ वां वृष॒णव॑सू रथे वा॒णीच्या॑हिता ।
 उ॒त वा॑ ककु॒हो मृ॑गः पृ॒क्षः कृ॑णोति वापु॒षो मा॒ध्वी म॑म॒ श्रुतं॑ हव॒म् ४
 बो॒धिन्म॑नसा र॒थ्यै षि॒रा ह॑वन॒श्रुता॑ ।
 वि॒भिश्च॑यवा॒नम॑श्वि॒ना नि या॑थो अ॒द्वया॑वि॒नं मा॒ध्वी म॑म॒ श्रुतं॑ हव॒म् ५
 आ वा॑ नरा म॒नोयु॑जो ऽश्वा॑सः प्रु॒षित॑प्सवः ।
 वयो॑ वहन्तु पी॒तयै॑ स॒ह सु॒प्नेभि॑र॒श्विना॒ मा॒ध्वी म॑म॒ श्रुतं॑ हव॒म् ६
 अ॒श्विना॒वेह॑ गच्छ॒तं ना॑स॒त्या मा॒ वि वै॑नतम् ।
 ति॒रश्चि॑दर्य॒या परि॑ व॒र्तिर्या॑तमदा॒भ्या मा॒ध्वी म॑म॒ श्रुतं॑ हव॒म् ७
 अ॒स्मिन् य॒ज्ञे अ॒दाभ्या॑ ज॒रितार॑ शु॒भस्प॑ती ।
 अ॒व॒स्युर्म॑श्वि॒ना यु॒वं गृ॑णन्त॒मुप॑ भूष॒थो मा॒ध्वी म॑म॒ श्रुतं॑ हव॒म् ८
 अ॒भूदु॑षा रु॒शत्प॑श॒ राग्नि॑र॒धाय्य॑त्वि॒यः ।
 अ॒र्यो॒जि वां वृष॑णवसू रथौ द॒स्त्राव॑म॒र्त्यो मा॒ध्वी म॑म॒ श्रुतं॑ हव॒म् ९

(६८) अष्टषष्टितमं सूक्तम्

(१-५) पञ्चर्चस्यास्य सूक्तस्य भौमोऽत्रिर्ऋषिः । अश्विनौ देवते । त्रिष्टुप् छन्दः
 आ भा॒त्यग्नि॑रु॒षसा॒मनी॑क॒ मुद् वि॑प्रा॒णां दे॒व्या वा॑चौ अस्थुः ।
 अ॒र्वाञ्चा॑ नूनं र॒थ्येह॑ या॒तं पी॒पिवा॑सम॒श्विना॒ घ॒र्मम॑च्छ १
 न स॑स्कृ॒तं प्र॑ मिमी॒तो ग॒मिष्ठा॑ ऽन्ति॑ नूनम॒श्विनो॑प॒स्तुते॑ह ।
 दि॒वाभि॑पि॒त्वेऽव॑सा॒गमि॑ष्ठा प्रत्यव॒र्ति दा॑शु॒षे शं॑भ॒विष्ठा॑ २
 उ॒ता या॑तं संग॒वे प्रा॑तर॒हो म॒ध्यन्दि॑न॒ उदि॑ता सूर्यस्य ।
 दि॒वा न॑क्तम॒वसा॑ श॒तमे॑न॒ नेदा॑नी पी॒तिर॒श्विना॒ त॑तान ३
 इ॒दं हि॑ वा॒ प्र॒दिवि॑ स्थान॒मो॒क इ॒मे गृ॑हा अ॒श्विने॑दं दु॒रोण॑म् ।
 आ नो॑ दि॒वो बृ॑हतः पर्व॒तादा॑ ऽद्भो या॒तमि॑ष॒मूर्जं॑ वह॒न्ता ४
 स॒म॒श्विनो॑र॒वसा॑ नू॒तने॑न म॒योभु॑वा सु॒प्रणी॑ती गमेम ।

आ नो रयिं वहतमोत वीराना विश्वान्यमृता सौभगानि ५

(६६) एकोनसप्ततितमं सूक्तम्

(१-५) पञ्चर्चस्यास्य सूक्तस्य भौमोऽत्रिर्ऋषिः । अश्विनौ देवते । त्रिष्टुप् छन्दः
 प्रातर्यावाणा प्रथमा यजध्वं पुरा गृध्रादररुषः पिबातः ।
 प्रातर्हि यज्ञमश्विना दधाते प्र शंसन्ति कवयः पूर्वभार्जः १
 प्रातर्यजध्वमश्विना हिनोत न सायमस्ति देवया अर्जुष्टम् ।
 उतान्यो अस्मद् यजते वि चावः पूर्वःपूर्वो यजमानो वनीयान् २
 हिरण्यत्वङ्मधुवर्णो घृतस्रुः पृक्षो वहन्ना रथो वर्तते वाम् ।
 मनोजवा अश्विना वार्तरंहा येनातियाथो दुरितानि विश्वा ३
 यो भूयिष्ठं नासत्याभ्यां विवेष चर्निष्ठं इंपत्वो ररते विभागे ।
 स लोकमस्य पीपृच्छमीभि रनूर्ध्वभासः सदमित् तुतुर्यात् ४
 समश्विनोरवसा नूतनेन मयोभुवा सुप्रणीती गमेम ।
 आ नो रयिं वहतमोत वीराना विश्वान्यमृता सौभगानि ५

(७०) सप्ततितमं सूक्तम्

(१-६) नवर्चस्यास्य सूक्तस्यात्रेयः सप्तवध्निर्ऋषिः । अश्विनौ देवते । (१-३)
 प्रथमादितृचस्योष्णिक, (४) चतुर्थ्या ऋचस्त्रिष्टुप्, (५-६)

पञ्चम्यादिपञ्चानाञ्चानुष्टुप् छन्दांसि

अश्विनावेह गच्छतं नासत्या मा वि वैनतम् । हंसाविव पततुमा सुताँ उपे १
 अश्विना हरिणाविव गौराविवानु यवसम् । हंसाविव पततुमा सुताँ उपे २
 अश्विना वाजिनीवसू जुषेथा यज्ञमिष्टये । हंसाविव पततुमा सुताँ उपे ३
 अत्रिर्यद् वामवरोहन्वृषीस मजौहवीन्नाधमानेव योषा ।
 श्येनस्य चिज्जवसा नूतनेना ऽऽगच्छतमश्विना शंतमेन ४
 वि जिहीष्व वनस्पते योनिः सूर्यन्त्या इव ।
 श्रुतं मे अश्विना हव सप्तवध्निं च मुञ्चतम् ५
 भीताय नार्धमानाय ऋषये सप्तवध्रये ।
 मायाभिरश्विना युवं वृक्षं सं च वि चाचथः ६
 यथा वार्तः पुष्करिणीं समिद्गयति सर्वतः ।

ए॒वा ते॒ गर्भं॑ ए॒जतु॑ नि॒रैतु॑ द॒शमा॑स्यः ७
 यथा॑ वा॒तो यथा॑ व॒नं यथा॑ स॒मुद्र॑ ए॒जति॑ ।
 ए॒वा त्वं द॑शमा॒स्य स॒हावै॑हि ज॒रायु॑णा ८
 द॒श मा॑सा॒ञ्छश्या॑नः कु॒मारो॑ अ॒धि मा॒तरि॑ ।
 नि॒रैतु॑ जी॒वो अ॒क्षतो॑ जी॒वो जी॒वन्त्या॑ अ॒धि ९

(७१) एकसप्ततितमं सूक्तम्

(१-१०) दशर्चस्यास्य सूक्तस्यात्रेयः सत्यश्रवा ऋषिः । उषा देवता । पङ्क्तिश्छन्दः
 म॒हे नो॑ अ॒द्य बो॑धयो॒षो रा॒ये दि॒वि॒त्मती॑ ।
 यथा॑ चि॒न्नो अ॒बो॑धयः स॒त्यश्र॑वसि वा॒य्ये सु॒जाते॑ अ॒श्वसू॑नृते १
 या सु॒नी॒थे शौ॑च॒द्रथे॑ व्यौ॒च्छो दु॑हित॒र्दिवः॑ ।
 सा व्यु॑च्छ स॒ही॒यसि॑ स॒त्यश्र॑वसि वा॒य्ये सु॒जाते॑ अ॒श्वसू॑नृते २
 सा नो॑ अ॒द्याभ॑र॒द्रसु॑ व्यु॒च्छा दु॑हित॒र्दिवः॑ ।
 यो व्यौ॑च्छः स॒ही॒यसि॑ स॒त्यश्र॑वसि वा॒य्ये सु॒जाते॑ अ॒श्वसू॑नृते ३
 अ॒भि ये त्वा॑ वि॒भाव॑रि॒स्तोमै॑र्गृ॒णन्ति॑ व॒ह॒यः ।
 म॒घैर्म॑घोनि सु॒श्रियो॑ दा॒मन्व॑न्तः सु॒रात॑यः सु॒जाते॑ अ॒श्वसू॑नृते ४
 यच्चि॒द्धि तै॑ ग॒णा इ॒मे छ॒दय॑न्ति म॒घत्त॑ये ।
 परि॑ चि॒द् व॒ष्टयो॑ द॒धु र्द॑द॒तो रा॒धो अ॒ह॒यं सु॒जाते॑ अ॒श्वसू॑नृते ५
 ऐ॒षु धा॑ वी॒रव॑द् य॒श उ॒षो म॑घोनि सू॒रिषु॑ ।
 ये नो॑ रा॒धांस्य॑ह॒या म॒घवा॑नो अ॒रास॑तु सु॒जाते॑ अ॒श्वसू॑नृते ६
 तेभ्यो॑ द्यु॒म्रं बृ॒हद् य॒श उ॒षो म॑घो॒न्या व॑ह ।
 ये नो॑ रा॒धांस्य॑श्व॒द्या ग॒व्या भ॑जन्त सू॒रयः॑ सु॒जाते॑ अ॒श्वसू॑नृते ७
 उ॒त नो॑ गो॒र्मती॑रिषु आ व॑हा दु॒हित॒र्दिवः॑ ।
 सा॒कं सू॒र्यस्य॑ र॒श्मिभिः॑ श॒क्रैः शो॑च॒द्भिर्चि॑भिः सु॒जाते॑ अ॒श्वसू॑नृते ८
 व्यु॑च्छा दु॒हित॒र्दिवो॑ मा चि॒रं त॑नु॒था अ॒पः ।
 नेत् त्वा॑ स्ते॒नं यथा॑ रि॒पुं त॑पा॒ति सू॒रो अ॒र्चिषा॑ सु॒जाते॑ अ॒श्वसू॑नृते ९
 ए॒ताव॑द् वे॒दुष॑स्त्वं भू॒यो वा॑ दा॒तुम॑र्हसि ।
 या स्तो॑तृभ्यो॒ वि॒भाव॑र्यु॒च्छन्ती॑ न प्र॒मीय॑से सु॒जाते॑ अ॒श्वसू॑नृते १०

(७२) द्विसप्ततितमं सूक्तम्

(१-६) षडृचस्यास्य सूक्तस्यात्रेयः सत्यश्रवा ऋषिः । उषा देवता । त्रिष्टुप् छन्दः
 द्युतद्यामानं बृहतीमृतेन ऋतावरीमरुणप्सु विभातीम् ।
 देवीमुषसं स्वरावहेन्तीं प्रति विप्रांसो मतिभिर्जरन्ते १
 एषा जनं दर्शता बोधयन्ती सुगान् पथः कृण्वती यात्यग्रे ।
 बृहद्रथा बृहती विश्वमिन्वो षा ज्योतिर्यच्छत्यग्रे अह्वाम् २
 एषा गोभिररुणेभिर्युजाना ऽस्त्रैधन्ती रयिमप्रायु चक्रे ।
 पथो रदन्ती सुविताय देवी पुरुष्टुता विश्ववारा वि भाति ३
 एषा व्यैनी भवति द्विबर्हा आविष्कृण्वाना तन्वं पुरस्तात् ।
 ऋतस्य पन्थामन्वेति साधु प्रजानतीव न दिशो मिनाति ४
 एषा शभ्रा न तन्वो विदानो ध्वेवं स्नाती दृशये नो अस्थात् ।
 अप द्वेषो बार्धमाना तमांस्यु षा दिवो दुहिता ज्योतिषागात् ५
 एषा प्रतीची दुहिता दिवो नृन् योषैव भद्रा नि रिणीते अप्सः ।
 व्यूण्वती दाशुषे वार्याणि पुनर्ज्योतिर्युवतिः पूर्वथाकः ६

(७३) त्रिसप्ततितमं सूक्तम्

(१-५) पञ्चर्चस्यास्य सूक्तस्यात्रेयः श्यावाश्व ऋषिः । सविता देवता ।
 जगती छन्दः

युञ्जते मन उत युञ्जते धियो विप्रा विप्रस्य बृहतो विपश्चितः ।
 वि होत्रा दधे वयुनाविदेक इ न्मही देवस्य सवितुः परिष्टतिः १
 विश्वा रूपाणि प्रति मुञ्चते कविः प्रासावीद् भद्रं द्विपदे चतुष्पदे ।
 वि नाकमख्यत् सविता वरेण्यो ऽनु प्रयाणमुषसो वि राजति २
 यस्य प्रयाणमन्वन्य इद् ययु देवा देवस्य महिमानमोजसा ।
 यः पार्थिवानि विममे स एतंशो रजांसि देवः सविता महित्वना ३
 उत यांसि सवितस्त्रीणि रोचनो त सूर्यस्य रश्मिभिः समुच्यसि ।
 उत रात्रीमुभयतः परीयस उत मित्रो भवसि देव धर्मभिः ४
 उतेशिषे प्रसवस्य त्वमेक इ दुत पूषा भवसि देव यामभिः ।
 उतेदं विश्वं भुवन् वि राजसि श्यावाश्वस्ते सवितु स्तोममानशे ५

(७४) चतुःसप्ततितमं सूक्तम्

(१-६) नवर्चस्यास्य सूक्तस्यात्रेयः श्यावाश्च ऋषिः । सविता देवता । (१)

प्रथमर्चोऽनुष्टुप् , (२-६) द्वितीयाद्यष्टानाञ्च गायत्री छन्दसी
तत् सवितुर्वृणीमहे वयं देवस्य भोजनम् । श्रेष्ठं सर्वधातमं तुरं भगस्य
धीमहि १

अस्य हि स्वयंशस्तरं सवितुः कञ्चन प्रियम् । न मिनन्ति स्वराज्यम् २
स हि रत्नानि दाशुषै सुवाति सविता भगः । तं भागं चित्रमीमहे ३
अद्या नो देव सवितः प्रजावत् सावीः सौभगम् । परा दुःष्वप्रयं सुव ४
विश्वानि देव सवित दुर्गतानि परा सुव । यद् भद्रं तन्न आ सुव ५
अनागसो अदितये देवस्य सवितुः सवे । विश्वा वामानि धीमहि ६
आ विश्वदैवं सत्पतिं सूक्तैरद्या वृणीमहे । सत्यसवं सवितारम् ७
य इमे उभे अहनी पुर एत्यप्रयुच्छन् । स्वाधीर्देवः सविता ८
य इमा विश्वा जाता न्याश्रावयति श्लोकैः । प्र च सुवाति सविता ९

(७५) पञ्चसप्ततितमं सूक्तम्

(१-१०) दशर्चस्यास्य सूक्तस्य भौमोऽत्रिर्ऋषिः । पर्जन्यो देवता । (१, ५-८,

१०) प्रथमर्चः पञ्चम्यादिचतसृणां दशम्याश्च त्रिष्टुप् , (२-४) द्वितीयादितृचस्य

जगती (६) नवम्याश्चानुष्टुप् छन्दांसि

अच्छा वद तवसं गीर्भिराभिः स्तुहि पर्जन्यं नमसा विवास ।
कनिक्रदद् वृषभो जीरदानू रेतो दधात्योषधीषु गर्भम् १
वि वृक्षान् हन्त्युत हन्ति रक्षसो विश्वं इबभाय भुवनं महावधात् ।
उतानागा ईषते वृष्यावतो यत् पर्जन्यः स्तनयन् हन्ति दुष्कृतः २
रथीव कश्याश्वा अभिक्षिपन्नाविर्दूतान् कृणुते वृष्यांश्च अहं ।
दूरात् सिंहस्य स्तनथा उदीरते यत् पर्जन्यः कृणुते वृष्यंश्च नभः ३
प्र वाता वान्ति पतर्यन्ति विद्युत् उदोषधीर्जिहते पिन्वते स्वः ।
इति विश्वस्मै भुवनाय जायते यत् पर्जन्यः पृथिवीं रेतसावति ४
यस्य वृते पृथिवी ननमीति यस्य वृते शफवज्रभुरीति ।
यस्य वृत ओषधीर्विश्वरूपाः स नः पर्जन्य महि शर्म यच्छ ५
दिवो नो वृष्टिं मरुतो ररीध्वं प्र पिन्वत वृष्णो अश्वस्य धाराः ।
अवाङितेन स्तनयितुनेह्यपो निषिञ्चन्नसुरः पिता नः ६

अभि क्रन्द स्तनय गर्भमा धा उदन्वता परि दीया रथेन ।
 दृतिं सु कर्ष विषितं न्यञ्चं समा भवन्तूदृतौ निपादाः ७
 महान्तं कोशमुदचा नि षिञ्च स्यन्दन्तां कुल्या विषिताः पुरस्तात् ।
 घृतेन द्यावापृथिवी व्युन्धि सुप्रपाणं भवत्वघ्नयाभ्यः ८
 यत् पर्जन्य कनिक्रदत् स्तनयन् हंसि दुष्कृतः ।
 प्रतीदं विश्वं मोदते यत् किं च पृथिव्यामधि ९
 अवर्षीर्वर्षमुदु षू गृभाया ऽकधन्वान्यत्यैतवा उ ।
 अजीजन ओषधीर्भोजनाय कमुत प्रजाभ्योऽविदो मनीषाम् १०

(७६) षट्सप्ततितमं सूक्तम्

(१-३) तृचस्यास्य सूक्तस्य भौमोऽत्रिर्ऋषिः । पृथिवी देवता । अनुष्टुप् छन्दः
 बळित्था पर्वतानां खिद्रं इंबभर्षि पृथिवि ।
 प्र या भूमिं प्रवत्वति मृहा जिनोषि महिनि १
 स्तोमासस्त्वा विचारिणि प्रति षोभन्त्यक्तुभिः ।
 प्र या वाजं न हेषन्तं पेरुमस्यस्यर्जुनि २
 दृळहा चिद् या वनस्पतीन् क्षमया दर्धर्ष्योर्जसा ।
 यत् ते अभ्रस्य विद्युतौ दिवो वर्षन्ति वृष्टयः ३

(७७) सप्तसप्ततितमं सूक्तम्

(१-८) अष्टर्चस्यास्य सूक्तस्य भौमोऽत्रिर्ऋषिः । वरुणो देवता । त्रिष्टुप् छन्दः
 प्र सम्राजै बृहदर्चा गभीरं ब्रह्म प्रियं वरुणाय श्रुताय ।
 वि यो जघान शमितेव चर्मोपस्तिरै पृथिवीं सूर्याय १
 वनेषु व्यश्नरिक्षं ततान वाजमवत्सु पय उस्त्रियासु ।
 हत्सु क्रतुं वरुणो अप्सवश्ग्रिं दिवि सूर्यमदधात् सोममद्रौ २
 नीचीर्नबारं वरुणः कवन्धं प्र संसर्ज रोदसी अन्तरिक्षम् ।
 तेन विश्वस्य भुवनस्य राजा यवं न वृष्टिव्युनत्ति भूम ३
 उनत्ति भूमिं पृथिवीमुत द्यां यदा दुग्धं वरुणो वष्ट्यादित् ।
 समुभ्रेण वसतु पर्वतास स्तविषीयन्तः श्रथयन्त वीराः ४
 इमामूष्वासुरस्य श्रुतस्य महीं मायां वरुणस्य प्र वौचम् ।
 मानैनेव तस्थिवाँ अन्तरिक्षे वि यो ममे पृथिवीं सूर्येण ५

इमामू नु क्वितमस्य मायां महीं देवस्य नकिरा दधर्ष ।
 एकं यदुदना न पृणन्त्येनी रासिञ्चन्तीरवनयः समुद्रम् ६
 अर्यम्य वरुण मित्र्य वा सखायं वा सदमिद्भ्रातरं वा ।
 वेशं वा नित्यं वरुणारणं वा यत् सीमागश्चकृमा शिश्रथस्तत् ७
 कितवासो यद् रिंरिपुर्न दीवि यद् वा घा सत्यमुत यन्न विघ्न ।
 सर्वा ता वि ष्य शिथिरेव देवाऽधा ते स्याम वरुण प्रियासः ८

(७८) अष्टसप्ततितमं सूक्तम्

(१-६) षडृचस्यास्य सूक्तस्य भौमोऽत्रिर्ऋषिः । इन्द्राग्नी देवते । (१-५)

प्रथमादिपञ्चर्चामनुष्टुप् (६) षष्ठ्याश्च विराट्पूर्वा छन्दसी

इन्द्राग्नी यमवथ उभा वाजेषु मर्त्यम् ।
 दृळ्हा चित् स प्र भैदति द्युम्ना वाणीरिव त्रितः १
 या पृतनासु दुष्टरा या वाजेषु श्रवाय्या ।
 या पञ्च चर्षणीरभीन्द्राग्नी ता हवामहे २
 तयोरिदमवच्छव स्तिग्मा दिद्युन्मघोनोः ।
 प्रति दुष्टा गभस्त्योर्गवा वृत्रघ्न एषते ३
 ता वामेषु रथाना मिन्द्राग्नी हवामहे ।
 पती तुरस्य राधसो विद्वांसा गिर्वणस्तमा ४
 ता वृधन्तावनु द्यून् मर्ताय देवावदभा ।
 अर्हन्ता चित् पुरो दधेऽशैव देवाववर्ते ५
 एवेन्द्राग्निभ्यामहावि हव्यं शूष्यं घृतं न पूतमद्रिभिः ।
 ता सूरिषु श्रवौ बृहद् रयिं गृणत्सु दिधृतइ मर्षं गृणत्सु दिधृतम् ६

(७९) एकोनाशीतितमं सूक्तम्

(१-६) नवर्चस्यास्य सूक्तस्यात्रेय एवयामरुदृषिः । मरुतो देवताः ।

अतिजगती छन्दः

प्र वो महे मृतयो यन्तु विष्णवे मरुत्वते गिरिजा एवयामरुत् ।
 प्र शर्धाय प्रयज्यवे सुखादये तवसे भन्ददिष्टये धुनिव्रताय शर्वसे १
 प्र ये जाता महिना ये च नु स्वयं प्र विघ्नो ब्रुवते एवयामरुत् ।
 क्रत्वा तद् वो मरुतो नाधृषे शवो दाना मुहा तदेषा मधृष्टासो नाद्रयः २

प्र ये दिवो बृहत्तः शृङ्गवरे गिरा सुशुक्वानः सुभ्वं एवयामरुत् ।
 न येषामिरीं सधस्थ ईष्ट आँ अग्रयो न स्वविद्युतः प्र स्पन्द्रासो धुनीनाम् ३
 स चक्रमे महतो निरुक्रमः समानस्मात् सदस एवयामरुत् ।
 यदायुक्त त्मना स्वादधि ष्णुभिर्विष्पर्धसो विमहसो जिगाति शेवृधो नृभिः
 ४

स्वनो न वोऽमवान् रेजयद् वृषा त्वेषो ययिस्तविष एवयामरुत् ।
 येना सहन्त ऋजत स्वरोचिषः स्थारश्मानो हिरण्ययाः स्वायुधास इष्मिणः
 ५

अपारो वो महिमा वृद्धशवस स्त्वेषं शवोऽवत्वेवयामरुत् ।
 स्थातारो हि प्रसितौ सदृशि स्थन ते न उरुष्यता निदः शुशुक्वांसो नाग्रयः
 ६

ते रुद्रासः सुमखा अग्रयो यथा तुविद्युम्ना अवन्त्वेवयामरुत् ।
 दीर्घं पृथु पप्रथे सद्य पार्थिवं येषामज्मेष्वा महः शर्धास्यद्भुतैनासाम् ७
 अद्वेषो नो मरुतो गातुमेतन् श्रोता हव जरितुरैवयामरुत् ।
 विष्णोर्महः समन्यवो युयोतन् स्मद् रथ्योर् न दंसना उप द्वेषांसि सनुतः ८
 गन्ता नो यज्ञं यज्ञियाः सुशमि श्रोता हवमरक्ष एवयामरुत् ।
 ज्येष्ठांसो न पर्वतासो व्यौमनि यूयं तस्य प्रचेतसः स्यात दुर्धर्तवो निदः ९

(८०) अशीतितमं सूक्तम्

(१-१३) त्रयोदशर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

त्वं ह्यग्ने प्रथमो मनोता ऽस्या धियो अभवो दस्म होता ।
 त्वं सीं वृषन्नकृणोर्दुष्टरीतु सहो विश्वस्मै सहसे सहध्वै १
 अधा होता न्यसीदो यजीया निळस्पद इषयन्नीडयः सन् ।
 तं त्वा नरः प्रथमं देवयन्तो महो राये चितयन्तो अनु ग्मन् २
 वृतेव यन्तं बहुभिर्वसव्यैर् स्त्वे रयिं जागृवांसो अनु ग्मन् ।
 रुशन्तमग्निं दर्शतं बृहन्तं वपावन्तं विश्वर्हा दीदिवांसम् ३
 पदं देवस्य नमसा व्यन्तः श्रवस्यवः श्रव आपन्नमृक्तम् ।
 नामानि चिद् दधिरे यज्ञियानि भुद्रायां ते रणयन्तं सदृष्टौ ४
 त्वां वर्धन्ति क्षितयः पृथिव्यां त्वां राय उभयांसो जनानाम् ।

त्वं त्राता तरणे चेत्यो भूः पिता माता सदमिन्मानुषाणाम् ५
 सपर्येणयः स प्रियो विद्वश्ग्रि ह्योता मन्द्रो नि षसादा यजीयान् ।
 तं त्वा वयं दम् आ दीदिवांस मुप जुबाधो नमसा सदेम ६
 तं त्वा वयं सुध्योर् नव्यमग्ने सुम्नायव ईमहे देवयन्तः ।
 त्वं विशो अनयो दीद्यानो दिवो अग्ने बृहता रौचनेन ७
 विशां कविं विशपतिं शश्वतीनां नितोशनं वृषभं चर्षणीनाम् ।
 प्रेतीषणिमिषयन्तं पावकं राजन्तमग्निं यजतं रयीणाम् ८
 सो अग्न ईजे शशमे च मर्तो यस्त आनद समिधा हव्यदातिम् ।
 य आहुतिं परि वेदा नमोभिर्विश्वेत् स वामा दधते त्वोतः ९
 अस्मा उ ते महि महे विधेम नमोभिरग्ने समिधोत हव्यैः ।
 वेदी सूनो सहसो गीर्भिरुक्थै रा ते भद्रायां सुमतौ यतेम १०
 आ यस्ततन्थ रोदसी वि भासा श्रवौभिश्च श्रवस्यस्तरुत्रः ।
 बृहद्भिर्वाजैः स्थविरभिरस्मे रेवद्भिरग्ने वितरं वि भाहि ११
 नृवद् वसो सदमिद्धैह्यस्मे भूरि तोकाय तनयाय पश्वः ।
 पूर्वीरिषौ बृहतीरारेअघा अस्मे भद्रा सौश्रवसानि सन्तु १२
 पुरुषयग्ने पुरुधा त्वाया वसूनि राजन् वसुता ते अश्याम् ।
 पुरुणि हि त्वे पुरुवार सन्त्यग्ने वसु विधते राजन् त्वे १३

पञ्चमोऽध्यायः

व० १-३०

(८१) एकाशीतितमं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

(१-१०) प्रथमादिदशर्चामनुष्टुप्, (११) एकादश्याश्च शक्वरी छन्दसी
 त्वं हि क्षैतवद् यशो ऽग्रै मित्रो न पत्यसे ।
 त्वं विचर्षणे श्रवो वसो पुष्टिं न पुष्यसि १
 त्वां हि ष्मा चर्षणयो यज्ञेभिर्गीर्भिरीळते ।
 त्वां वाजी यात्यवृको रजस्तूर्विश्वचर्षणिः २
 सजोषस्त्वा दिवो नरो यज्ञस्य केतुमिन्धते ।
 यद्ध स्य मानुषो जनः सुम्नायुर्जुहे अर्ध्वरे ३
 ऋधद् यस्तै सुदानवे धिया मर्तः शशमते ।

ऊ॒ती ष बृ॒हतो दि॒वो द्वि॒षो अ॒हो न त॑रति ४
 स॒मिधा॑ यस्त॒ आहु॑तिं नि॒शितिं॑ म॒र्त्यो न॑शत् ।
 व॒याव॑न्तं स पु॒ष्यति॑ क्ष॒यम॒ग्ने श॒तारु॑षम् ५
 त्वे॒षस्तै॑ धूम॒ ऋ॒णव॑ति दि॒वि ष॒ञ्छुक्र॑ आ॒ततः॑ ।
 सू॒रो न हि॑ द्यु॒ता त्वं कृ॒पा पा॑वक॒ रोच॑से ६
 अ॒धा हि वि॒द्वीड॑यो ऽसि॒ प्रि॒यो नो॒ अति॑थिः ।
 र॒णवः॑ पु॒रीव॑ जूर्यः॒ सून॑र्न त्रय॒याय्यः॑ ७
 क्र॒त्वा हि द्रो॑णै॒ अज्य॑से ऽग्ने॒ वाजी॑ न कृ॒त्व्यः ।
 परि॑ज्मेव स्व॒धा ग॒यो ऽत्यो॑ न ह्यार्यः॒ शिशुः॑ ८
 त्वं त्या॒ चिद॑च्यु॒ता ऽग्ने॒ पशु॑र्न यव॒से ।
 धामा॑ ह॒ यत् ते॑ अज॒र वना॑ वृ॒श्चन्ति॑ शि॒क्वसः॑ ९
 वे॒षि ह्य॑ध्वरीय॒ताम॒ग्ने होता॑ दमे॒ विशां॑ ।
 स॒मृधौ॑ वि॒शप॑ते कृ॒णु जु॒षस्व॑ ह॒व्यम॑ङ्गिरः १०
 अ॒च्छा नो॑ मि॒त्रम॒हो दे॒व दे॒वान॒ग्ने वोचः॑ सु॒म॒तिं रोद॑स्योः ।
 वी॒हि स्व॑स्तिं सु॒क्षितिं॑ दि॒वो नृ॑च॒फट्ण॑न् द्वि॒षो अ॒हांसि॑
 दु॒रिता॑ तरे॒म् ता तरे॒म् तवा॑वसा॒ तरे॒म् ११

(८२) द्व्यशीतितमं सूक्तम्

(१-८) अष्टर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

अ॒ग्ने स क्षै॑षद॒तपा॑ ऋ॒तेजा॑ उ॒रु ज्यो॑र्तिर्न॒शते॑ दे॒वयु॑ष्टे ।
 यं त्वं मि॒त्रेण॑ वरु॒णः स॒जोषा॑ दे॒व पा॑सि॒ त्यज॑सा॒ मर्त॑मंहः १
 ई॒जे य॒ज्ञेभिः॑ श॒शमे॑ श॒मीभि॑र्ध॒द्वा॒राया॑ग्र॒यै द॑दाश ।
 ए॒वा च॑न तं य॒शसा॑मजु॒ष्टिर्ना॑हो म॒र्तं न॑शते॒ न प्र॑दृ॒प्तिः २
 सू॒रो न यस्य॑ दृ॒शति॑रे॒पा भी॑मा यदेति॒ शुच॑तस्त॒ आ धीः॑ ।
 हे॒षस्व॑तः श॒रुधो॑ ना॒यम॑क्तोः कु॒त्रा चिद् र॒णवो॑ व॒सति॑र्व॒नेजाः॑ ३
 ति॒ग्मं चि॑दे॒म् म॒हि वर्षो॑ अस्य॒ भस॑दश्चो॒ न य॑मसा॒न आ॑सा ।
 वि॒जेह॑मानः प॒शुर्न जि॒ह्वां द्र॒विर्न द्रा॑वयति॒ दारु॑ ध॒क्षत् ४
 स इ॒दस्तै॑व॒ प्रति॑ धादसि॒ष्य जि॒ह्वां ते॒जोऽय॑सो॒ न धा॑राम् ।
 चि॒त्रध॑जति॒रर॒तिर्यो॑ अ॒क्तो वे॑र्न द्रुष॒द्वा र॒घुप॑त्मज॒हः ५

स ई रेभो न प्रति वस्त उस्त्राः शोचिषा रारपीति मित्रमहाः ।
 नक्तं य ईमरुषो यो दिवा नृ नमर्त्यो अरुषो यो दिवा नृन् ६
 दिवो न यस्य विधतो नवीनोद् वृषा रुक्ष ओषधीषु नूनोत् ।
 घृणा न यो धर्जसा पत्मना यन्ना रोदसी वसुना दं सुपत्नी ७
 धायौभिर्वा यो युज्यैभिरकैर्विद्युन्न देविद्योत् स्वेभिः शुष्मैः ।
 शर्धो वा यो मरुता ततक्ष अभुर्न त्वेषो रभसानो अद्यौत् ८

(८३) त्र्यशीतितमं सूक्तम्

(१-८) अष्टर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

यथा होतुर्मनुषो देवताता यज्ञेभिः सूनो सहस्रो यजासि ।
 एवा नो अद्य समना समाना नुशन्नं उशतो यक्षि देवान् १
 स नो विभावा चक्षणिर्न वस्तो रग्निर्वन्दारु वेद्यश्चनो धात् ।
 विश्वायुर्यो अमृतो मर्त्येषू षर्भुद् भूदतिथिर्जातवैदाः २
 द्यावो न यस्य पुनयन्त्यभ्वं भासासि वस्ते सूर्यो न शक्रः ।
 वि य इनोत्यजरः पावको ऽशनस्य चिच्छिनथत् पूर्व्याणि ३
 वद्या हि सूनो अस्यद्यसद्वा चक्रे अग्निर्जनुषाज्मानम् ।
 स त्वं न ऊर्जसन् ऊर्जं धा राजैव जेरवृके क्षेप्यन्तः ४
 नितित्ति यो वारुणमन्नमत्ति वायुर्न राष्ट्रचफद्रयत्यैत्यक्तून् ।
 तुर्याम् यस्त आदिशामराती रत्यो न हुतः पततः परिहुत् ५
 आ सूर्यो न भानुमद्भिरकै रग्रे ततन्थ रोदसी वि भासा ।
 चित्रो नयत् परि तमास्यक्तः शोचिषा पत्मन्नौशिजो न दीर्यन् ६
 त्वां हि मुन्द्रतममर्कशोकैर्ववृमहे महि नः श्रोष्यग्रे ।
 इन्द्रं न त्वा शर्वसा देवता वायुं पृणन्ति राधसा नृतमाः ७
 नू नो अग्रेऽवृकेभिः स्वस्ति वेषि रायः पथिभिः पष्यहः ।
 ता सूरिभ्यो गृणते रासि सुम्रं मदम शतहिमाः सुवीराः ८

(८४) चतुरशीतितमं सूक्तम्

(१-७) सप्तर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

हुवे वः सूनुं सहस्रो युवान् मद्रौघवाचं मृतिभिर्यविष्ठम् ।
 ये इन्वन्ति द्रविणानि प्रचेता विश्ववाराणि पुरुवारौ अध्रुक १
 त्वे वसूनि पुर्वणीक होत दोषा वस्तोरेरिरे यज्ञियासः ।
 क्षामैव विश्वा भुवनानि यस्मिन् त्सं सौभगानि दधिरे पावुके २
 त्वं विक्षु प्रदिवः सीद आसु क्रत्वा रथीरभवो वार्याणाम् ।
 अत इनोषि विधृते चिकित्वो व्यानुषग्जातवेदो वसूनि ३
 यो नः सनुत्यो अभिदासदग्ने यो अन्तरो मित्रमहो वनुष्यात् ।
 तमजरैर्भिवृषभिस्तव स्वैस्तपा तपिष्ठ तपसा तपस्वान् ४
 यस्तै यज्ञेन समिधा य उक्थै रकेभिः सूनो सहस्रो ददाशत् ।
 स मर्त्येष्वमृत प्रचेता राया द्युम्नेन श्रवसा वि भाति ५
 स तत् कृधीषितस्तूर्यमग्ने स्पृधौ बाधस्व सहसा सहस्वान् ।
 यच्छस्यसे द्युभिरक्तो वचोभिस्तज्जुषस्व जरितुर्घोषि मन्म ६
 अश्याम तं काममग्ने तवोती अश्याम रयिं रयिवः सुवीरम् ।
 अश्याम वाजमभि वाजयन्तो ऽश्याम द्युममजरार्जर ते ७

(८५) पञ्चाशीतितमं सूक्तम्

(१-७) सप्तर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

प्र नव्यसा सहस्रः सूनुमच्छा यज्ञेन गातुमव इच्छमानः ।
 वृश्चद्वनं कृष्णायामं रुशन्तं वीती होतारं दिव्यं जिगाति १
 स श्वितानस्तन्यतू रौचनस्था अजरैर्भिर्नानदद्भिर्यविष्ठः ।
 यः पावुकः पुरुतमः पुरुणि पृथून्यग्निरनुयाति भवन् २
 वि ते विष्वग्वातजूतासो अग्ने भामासः शुचे शुचयश्चरन्ति ।
 तुविमृक्षासौ दिव्या नवग्वा वना वनन्ति धृषता रुजन्तः ३
 ये तै शुक्रासः शुचयः शुचिष्मः क्षां वपन्ति विषितासो अश्वाः ।
 अर्धं भ्रमस्त उर्विया वि भाति यातयमानो अधि सानु पृश्नैः ४
 अर्धं जिह्वा पापतीति प्र वृष्णौ गोषुयुधो नाशनिः सृजाना ।
 शूरस्येव प्रसितिः क्षातिरग्ने दुर्वर्तुर्भीमो दयते वनानि ५
 आ भानुना पार्थिवानि जयांसि महस्तोदस्य धृषता ततन्थ ।
 स बाधस्वार्प भया सहोभिः स्पृधौ वनुष्यन् वनुषो नि जूर्व ६

स चित्रं चित्रं चितयन्तमस्मे चित्रं चित्रं चित्रतमं वयोधाम् ।
चन्द्रं रयिं पुरुवीरं बृहन्तं चन्द्रं चन्द्राभिर्गूणते युवस्व ७

(८६) षडशीतितमं सूक्तम्

(१-७) सप्तर्चस्यास्य सूक्तस्य बार्हस्पत्यो भरद्वाज ऋषिः । वैश्वानरोऽग्निर्देवता ।

(१-५) प्रथमादिपञ्चर्चा त्रिष्टुप्, (६-७) षष्ठीसप्तम्योश्च जगती छन्दसी
मूर्धानं दिवो अरतिं पृथिव्या वैश्वानरमृत आ जातमग्निम् ।
कविं सम्राजमतिथिं जनानां मासन्ना पात्रं जनयन्त देवाः १
नाभिं यज्ञानां सदनं रयीणां महामाहावमभि सं नवन्त ।
वैश्वानरं रथ्यमध्वराणां यज्ञस्य केतुं जनयन्त देवाः २
त्वद् विप्रौ जायते वाज्यं त्वद् वीरासौ अभिमातिषाहः ।
वैश्वानर त्वमस्मासु धेहि वसूनि राजन् त्स्पृहयाय्याणि ३
त्वां विश्वे अमृतं जायमानं शिशुं न देवा अभि सं नवन्ते ।
तव क्रतुभिरमृतत्वमायन् वैश्वानर यत् पित्रोरदीदेः ४
वैश्वानर तव तानि वृतानि महान्यग्रे नकिरा दधर्ष ।
यज्जायमानः पित्रोरुपस्थे ऽविन्दः केतुं वयुनेष्वहाम् ५
वैश्वानरस्य विर्मितानि चक्षसा सानूनि दिवो अमृतस्य केतुना ।
तस्येदु विश्वा भुवनाधि मूर्धनि वया इव रुरुहुः सप्त विस्नुहः ६
वि यो रजांस्यमिमीत सुक्रतु वैश्वानरो वि दिवो रौचना कविः ।
परि यो विश्वा भुवनानि पप्रथे ऽदब्धो गोपा अमृतस्य रक्षिता ७

(८७) सप्ताशीतितमं सूक्तम्

(१-७) सप्तर्चस्यास्य सूक्तस्य बार्हस्पत्यो भरद्वाज ऋषिः । वैश्वानरोऽग्निर्देवता ।

(१-६) प्रथमादितृचद्वयस्य जगती, (७) सप्तम्या ऋचश्च त्रिष्टुप् छन्दसी
पृक्षस्य वृष्णो अरुषस्य नू सहः प्र नु वौचं विदथा जातवैदसः ।
वैश्वानराय मतिर्नव्यसी शुचिः सोम इव पवते चारुग्रये १
स जायमानः परमे व्योमनि वृतान्यग्निर्वृतपा अरक्षत ।
व्यश्नन्तिरक्षममिमीत सुक्रतु वैश्वानरो महिना नाकमस्पृशत् २
व्यस्तभ्नाद् रोदसी मित्रो अब्रुतो ऽन्तर्वावदकृणोज्जयोतिषा तमः ।
वि चर्मणीव धिषणौ अवर्तयद् वैश्वानरो विश्वमधत्त वृष्यम् ३

अ॒पामु॒पस्थे॑ म॒हिषा अ॒गृभ्णा॑तु॒ विशो॑ राजा॒नमु॑प॒ तस्थु॑र्ऋ॒ग्मिर्य॑म् ।
 आ दू॒तो अ॒ग्निर्म॑भरद् वि॒वस्व॑तो वै॒श्वान॑रं मा॒तरि॑श्वा परा॒वतः॑ ४
 यु॒गेयु॑गे वि॒दुथ्य॑ गृ॒णद्धो॑ ऽग्ने॒ रयि॑ं यु॒शसं॑ धेहि न॒व्यसी॑म् ।
 पु॒व्येव॑ राज॒न्नघ॑शंसमजर नी॒चा नि वृ॑श्च व॒निन॑ं न तेज॑सा ५
 अ॒स्माक॑मग्ने म॒घव॑त्सु धा॒रया॑ ऽना॒मि द्वा॒त्रम॑जर सु॒वीर्य॑म् ।
 व॒यं ज॑येम श॒तिर्न॑ सह॒स्त्रिण॑ं वै॒श्वान॑र वाज॑मग्ने तवो॒तिभिः॑ ६
 अ॒दब्धे॑भिस्तव गो॒पाभि॑रिष्टे ऽस्माकं पाहि त्रिषधस्थ सू॒रीन् ।
 रक्षा॑ च नो द॒दुषां॑ श॒र्धो अ॒ग्ने वै॒श्वान॑र प्र च॒ तारीः॑ स्तवा॒नः ७

(८८) अष्टाशीतितमं सूक्तम्

(१-७) सप्तर्चस्यास्य सूक्तस्य बार्हस्पत्यो भरद्वाज ऋषिः । वैश्वानरोऽग्निर्देवता ।

त्रिष्टुप् छन्दः

अ॒हंश्च॑ कृ॒ष्णम॑हर॒र्जुनं॑ च॒ वि वर्ते॑ते रज॑सी वे॒द्याभिः॑ ।
 वै॒श्वान॑रो जाय॑मानो न राजा ऽवा॒तिर॑ज्योतिषा॒ग्निस्त॑मा॒सि १
 नाहं॑ तन्तुं न वि जा॒नाम्यो॑तुं न यं व॑र्यन्ति स॒मरे॑ऽत॒मानाः॑ ।
 कस्य॑ स्वि॒त् पु॒त्र इ॒ह व॑क्त्वानि प॒रो व॑दा॒त्यव॑रेण पि॒त्रा २
 स इ॒त् तन्तुं॑ स॒ वि जा॒नात्यो॑तुं स व॑क्त्वान्य॒तुथा व॑दाति ।
 य ई॒ चिके॑तद॒मृत॑स्य गो॒पा अव॑श्चरन् प॒रो अ॒न्येन॑ पश्यन् ३
 अ॒यं होता॑ प्रथ॒मः प॑श्यते॒म मि॒दं ज्योति॑र॒मृतं॑ म॒र्त्येषु॑ ।
 अ॒यं स जज्ञे॑ ध्रु॒व आ नि॑ष॒त्तो ऽम॑र्त्यस्तन्वा॒इ व॑र्धमानः ४
 ध्रु॒वं ज्योति॑र्निर्हितं दृ॒शये॑ कं मनो ज॒विष्ठं॑ प॒तय॑त्स्वन्तः ।
 वि॒श्वे दे॒वाः स॒मन॑सः स॒कैता॑ एकं क्र॒तुम॑भि वि य॑न्ति सा॒धु ५
 वि मे॒ कर्णा॑ पतयतो वि चक्षु॒र्वी॒इदं॑ ज्योति॒र्हृद॑य आ॒हितं॑ यत् ।
 वि मे॒ मन॑श्चरति दूर॒आधीः॑ किं स्वि॒द् व॒क्ष्यामि॑ किमु नू म॒निष्ये॑ ६
 वि॒श्वे दे॒वा अ॒नम॑स्यन् भि॒याना॑ स्त्वाम॒ग्ने त॑म॒सि तस्मि॑न्वांसम् ।
 वै॒श्वान॑रोऽव॒तूत॑ये नो ऽम॒र्त्योऽव॑तूतये नः ७

(८९) एकोनवतितमं सूक्तम्

(१-७) सप्तर्चस्यास्य सूक्तस्य बार्हस्पत्यो भरद्वाज ऋषिः । अग्निर्देवता । (१-६)

प्रथमादितृचद्वयस्य त्रिष्टुप्, (७) सप्तम्या ऋचश्च द्विपदा विराट् छन्दसी

पुरो वो मन्द्रं दिव्यं सुवृत्तिं प्रयति यज्ञे अग्निमध्वरे दधिध्वम् ।
 पुर उक्थेभिः स हि नो विभावा स्वध्वरा करति जातवेदाः १
 तमु द्युमः पुर्वणीक होत रग्रे अग्निभिर्मनुष इधानः ।
 स्तोमं यमस्मै ममतैव शूषं घृतं न शुचिं मतयः पवन्ते २
 पीपाय स श्रवसा मर्त्येषु यो अग्रये ददाश विप्र उक्थैः ।
 चित्राभिस्तमूतिभिश्चित्रशौ चिर्वृजस्य साता गोमतो दधाति ३
 आ यः प्रप्रौ जायमान उर्वी दूरदृशा भासा कृष्णाध्वा ।
 अर्धं बहु चित् तम् ऊर्मयाया स्तिरः शोचिषो ददृशे पावकः ४
 नू नश्चित्रं पुरुवाजाभिरूती अग्रे रयिं मध्वद्वयश्च धेहि ।
 ये राधसा श्रवसा चात्यन्यान् त्सुवीर्यैभिश्चाभि सन्ति जनान् ५
 इमं यज्ञं चनो धा अग्र उशन् यं त आसानो जुहुते हविष्मान् ।
 भरद्वाजेषु दधिषे सुवृत्ति मवीर्वाजस्य गध्यस्य सातौ ६
 वि द्वेषासीनुहि वर्धयेळां मदम शतहिमाः सुवीराः ७

(६०) नवतितमं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

यजस्व होतरिषितो यजीया नग्ने बाधो मरुतां न प्रयुक्ति ।
 आ नो मित्रावरुणा नासत्या द्यावा होत्राय पृथिवी ववृत्याः १
 त्वं होता मन्द्रतमो नो अधु गन्तर्देवो विदथा मर्त्येषु ।
 पावकया जुहार् वहिरासा ऽग्ने यजस्व तन्वंश् तव स्वाम् २
 धन्या चिद्धि त्वे धिषणा वष्टि प्र देवाञ्जन्म गृणते यजध्वै ।
 वेपिष्ठो अङ्गिरसां यद्ध विप्रो मधु च्छन्दो भनति रे इष्टौ ३
 अदिद्युतत् स्वपाको विभावा ऽग्ने यजस्व रोदसी उरूची ।
 आयुं न यं नमसा रातहव्या अञ्जन्ति सुप्रयसं पञ्च जनाः ४
 वृञ्जे ह यन्नमसा बर्हिरग्रा वयामि स्नुग्धृतवती सुवृत्तिः ।
 अम्यन्ति सद्य सदने पृथिव्या अश्रायि यज्ञः सूर्ये न चक्षुः ५
 दशस्या नः पुर्वणीक होत देवेभिरग्ने अग्निभिरिधानः ।
 रायः सूनो सहसो वावसाना अति स्रसेम वृजनं नांहः ६

(६१) एकनवतितमं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

मध्ये होता दुरोणे बर्हिषो राळ् मिस्तोदस्य रोदसी यजध्वै ।
 अयं स सूनुः सहस्रं अतावा दूरात् सूर्यो न शोचिषा ततान १
 आ यस्मिन् त्वे स्वपाके यजत्र यक्षद् राजन् त्सर्वतातेव नु द्यौः ।
 त्रिषधस्थस्ततरुषो न जंहौ हव्या मृघानि मानुषा यजध्वै २
 तेजिष्ठा यस्यारतिर्वनेराट् तोदो अध्वन् न वृधसानो अद्यौत् ।
 अद्रोघो न द्रविता चैतति त्मन्नमर्त्योऽवृत्र ओषधीषु ३
 सास्माकैभिरेतरी न शूषै रग्निः ष्टवे दम् आ जातवेदाः ।
 द्रवन्नो वृन्वन् क्रत्वा नावो स्रः पितेव जारयायि युज्ञैः ४
 अध स्मास्य पनयन्ति भासो वृथा यत् तक्षदनुयाति पृथ्वीम् ।
 सद्यो यः स्पन्द्रो विषितो धवीया नृणो न तायुरति धन्वा राट् ५
 स त्वं नो अर्वन् निदाया विश्वेभिरग्रे अग्निभिरिधानः ।
 वेषि रायो वि यासि दुच्छुना मदम शतहिमाः सुवीराः ६

(६२) द्विनवतितमं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । अग्निर्देवता ।

त्रिष्टुप् छन्दः

त्वद् विश्वा सुभग सौभगा न्यग्रे वि यन्ति वृनिनो न वयाः ।
 श्रुष्टी रयिर्वाजौ वृत्रतूर्ये दिवो वृष्टिरीड्यौ रीतिरपाम् १
 त्वं भगौ न आ हि रत्नमिषे परिज्मेव क्षयसि दुस्मवर्चाः ।
 अग्रे मित्रो न बृहत ऋतस्याऽसि क्षत्ता वामस्य देव भूरैः २
 स सत्पतिः शर्वसा हन्ति वृत्र मग्रे विप्रो वि पुणेर्भर्ति वाजम् ।
 यं त्वं प्रचेत ऋतजात राया सजोषा नज्रापां हिनोषि ३
 यस्तै सूनो सहसो गीर्भिरुक्थै र्यज्ञैर्मर्तो निशितिं वेद्यानट् ।
 विश्वं स देव प्रति वारमग्रे धत्ते धान्यं पत्यते वसव्यैः ४
 ता नृभ्य आ सौश्रवसा सुवीराऽग्रे सूनो सहसः पुष्यसै धाः ।
 कृणोषि यच्छवसा भूरि पश्वो वयो वृकायारये जसुरये ५
 वद्या सूनो सहसो नो विहाया अग्रे तोकं तनयं वाजि नो दाः ।

विश्वाभिर्गीर्भिर्भि पू॒र्तिर्म॑श्यां म॒देम॑ श॒तहि॑माः सु॒वीराः॑ ६

(६३) त्रिनवतितमं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । अग्निर्देवता । (१-५)

प्रथमादिपञ्चार्चामनुष्टुप् (६) षष्ठ्या ऋचश्च शक्वरी छन्दसी

अ॒ग्रा यो म॒र्त्यो दु॒वो धि॒र्य जु॒जोष॑ धी॒तिभिः॑ ।

भ॒स॒न्नु ष॑ प्र॒ पू॒र्व्य इ॒षं वु॒रीता॑र्वसे १

अ॒ग्निरि॒द्धि प्र॑चै॒ता अ॒ग्निर्वे॑धस्त॒म ऋ॑षिः ।

अ॒ग्निं हो॒ता॒रमी॑ळते य॒ज्ञेषु॑ म॒नुषो॑ वि॒शः २

ना॒ना ह्य॑ग्नेऽ॒र्वसे॑ स्पर्ध॒न्ते रा॒यो अ॒र्यः ।

तू॒र्वन्तो॑ द॒स्युमा॑यवौ वृ॒तैः सी॒क्षन्तो॑ अवृ॒तम् ३

अ॒ग्निर॒प्सामृ॑तीषहं वी॒रं द॑दाति स॒त्पति॑म् ।

यस्य॑ त्र॒सन्ति॑ शर्व॒सः स॑ंच॒क्षि श॒त्रवो॑ भि॒या ४

अ॒ग्निर्हि वि॒घ्ना नि॒दो दे॒वो म॑र्त॒मुरु॑ष्यति ।

स॒हावा॑ यस्यावृ॒तो र॒यिर्वा॑जेष्वावृ॒तः ५

अ॒च्छा नो॑ मि॒त्रम॒हो दे॒व दे॒वा न॒ग्ने वोचः॑ सु॒म॒तिं रोद॑स्योः ।

वी॒हि स्व॒स्तिं सु॒क्षि॒तिं दि॒वो नृ॑न्

द्वि॒षो अ॒हांसि॑ दुरि॒ता ते॒रेम् ता॑ ते॒रेम् तवा॑र्वसा ते॒रेम॑ ६

(६४) चतुर्नवतितमं सूक्तम्

(१-१६) एकोनविंशत्यृचस्यास्य सूक्तस्य बार्हस्पत्यो भरद्वाज आङ्गिरसो वीतहव्यो

वा ऋषिः । अग्निर्देवता । (१-२, ४-५, ७-६)

प्रथमाद्वितीययोर्ऋचोश्चतुर्थीपञ्चम्योः सप्तमीनवम्योश्च जगती, (३, १५)

तृतीयापञ्चदश्योः शक्वरी, (६) षष्ठ्या अतिशक्वरी, (१०-१४, १६, १६)

दशम्यादिपञ्चानां षोडश्या एकोनविंश्याश्च त्रिष्टुप्, (१७) सप्तदश्या अनुष्टुप्, (१८)

अष्टादश्याश्च बृहती छन्दांसि

इ॒मम् षु॑ वो अ॒तिथि॑मु॒ष॒र्बुधं॑ वि॒श्वासां॑ वि॒शां प॑र्तिमृ॒ज्जसे॑ गि॒रा ।

वे॒तीद् दि॒वो ज॒नुषा॑ क॒ञ्चि॒दा शु॒चि॒ ज्योक् चि॑द॒क्षि ग॒र्भो यद॑च्यु॒तम् १

मि॒त्रं न॑ यं सु॒धितं॑ भृ॒गवो॑ द॒धु र्व॑न॒स्पता॑वीड॒यमूर्ध्व॑शौचिषम् ।

स त्वं सु॒प्रीतो॑ वी॒तह॑व्ये अ॒द्भुत॑ प्र॒शस्ति॑भिर्म॒हय॑से दि॒वेदि॑वे २

स त्वं दक्षस्यावृको वृधो भूर्यः परस्यान्तरस्य तरुषः ।
 रायः सूनो सहसो मर्त्येष्वो छुर्दिर्यच्छ वीतहव्याय सप्रथो भरद्वाजाय सप्रथः
 ३

द्युतानं वो अतिथिं स्वर्णर मग्निं होतारं मनुषः स्वध्वरम् ।
 विप्रं न द्युक्षवचसं सुवृक्तिभिर्हव्यवाहमरतिं देवमृञ्जसे ४
 पावक्या यश्चितयन्त्या कृपा क्षामन् रुरुच उषसो न भानुना ।
 तूर्वन् न यामन्नेतशस्य नू रण आ यो घृणे न ततृषाणो अजरः ५
 अग्निमग्निं वः समिधा दुवस्यत प्रियं प्रियं वो अतिथिं गृणीषणि ।
 उप वो गीर्भिरमृतं विवासत देवो देवेषु वनते हि वार्यं देवो देवेषु वनते हि
 नो दुर्वः ६

समिद्धमग्निं समिधा गिरा गूणे शुचिं पावकं पुरो अध्वरे ध्रुवम् ।
 विप्रं होतारं पुरुवारमुद्गृहं कविं सुमैरीमहे जातवैदसम् ७
 त्वां दूतमग्ने अमृतं युगेयुगे हव्यवाहं दधिरे पायुमीडयम् ।
 देवासेश्च मर्तासश्च जागृविं विभुं विशपतिं नमसा नि पैदिरे ८
 विभूषन्नग्ने उभयां अनु वृता दूतो देवानां रजसी समीयसे ।
 यत् तै धीतिं सुमतिमावृणीमहे ऽध स्मा नस्त्रिवरूथः शिवो भव ९
 तं सुप्रतीकं सुदृशं स्वञ्च मविद्वांसो विदुष्टं सपेम ।
 स येक्षद् विश्वा वयुनानि विद्वान् प्र हव्यमग्निमृतैषु वोचत् १०
 तमग्ने पास्युत तं पिपर्षि यस्त आनद कवयै शूर धीतिम् ।
 यज्ञस्य वा निशितिं वोदितिं वा तमित् पृणक्षि शर्वसोत राया ११
 त्वमग्ने वनुष्यतो नि पाहि त्वमु नः सहसावन्नवद्यात् ।
 सं त्वा ध्वस्मन्वदभ्येतु पाथः सं रयिः स्पृहयार्थः सहस्री १२
 अग्निर्होता गृहपतिः स राजा विश्वा वेद जनिमा जातवैदाः ।
 देवानामुत यो मर्त्यानां यजिष्ठः स प्र यजतामृतावा १३
 अग्ने यदद्य विशो अध्वरस्य होतः पावकशोचै वेष्टं हि यज्वा ।
 ऋता यजासि महिना वि यद् भू हव्या वह यविष्ठ या तै अद्य १४
 अभि प्रयासि सुधितानि हि ख्यो नि त्वा दधीत रोदसी यजध्वै ।
 अवा नो मघवन् वाजसाता वग्ने विश्वानि दुरिता तरेम् ता तरेम् तवावसा
 तरेम् १५
 अग्ने विश्वैभिः स्वनीक देवै रूणावन्तं प्रथमः सीद योनिम् ।

कुलायिनं घृतवन्तं सवित्रे यज्ञं नय यजमानाय साधु १६
 इममु त्वमथर्वव दग्निं मन्थन्ति वेधसः । यमङ्कयन्तमानय नमूरं
 श्याव्याभ्यः १७
 जनिष्वा देववीतये सर्वताता स्वस्तये ।
 आ देवान् वक्ष्यमृताँ ऋतावृधौ यज्ञं देवेषु पिस्पृशः १८
 वयमु त्वा गृहपते जनाना मग्ने अकर्म समिधा बृहन्तम् ।
 अस्थूरि नो गार्हपत्यानि सन्तु तिग्मेन नस्तेजसा सं शिशाधि १९

(६५) पञ्चनवतितमं सूक्तम्

(१-४८) अष्टचत्वारिंशदृचस्यास्य सूक्तस्य बार्हस्पत्यो भरद्वाज ऋषिः । अग्निर्देवता
 । (१, ६) प्रथमाषष्ठ्योर्ऋचोर्वर्धमाना, (२-५, ७-२६, २८-४५)
 द्वितीयादिचतसृणां सप्तम्यादिविंशतेरष्टाविंश्याद्यष्टादशानाञ्च गायत्री, (२७, ४७-
 ४८) सप्तविंश्याः सप्तचत्वारिंश्यष्टचत्वारिंश्योश्चानुष्टुप्, (४६) षट्चत्वारिंश्याश्च
 त्रिष्टुप् छन्दांसि

त्वमग्ने यज्ञानां होता विश्वेषां हितः । देवेभिर्मनुषे जनै १
 स नो मुन्द्राभिरध्वरे जिह्वाभिर्यजा मुहः । आ देवान् वक्षि यक्षि च २
 वेत्था हि वैधो अध्वनः पृथञ्च देवाञ्जसा । अग्ने यज्ञेषु सुक्रतो ३
 त्वामीळे अर्धं द्विता भरतो वाजिभिः शनम् । ईजे यज्ञेषु यज्ञियम् ४
 त्वमिमा वार्या पुरु दिवोदासाय सुन्वते । भरद्वाजाय दाशुषै ५
 त्वं दूतो अमर्त्य आ वह्ना दैव्यं जनम् । शृण्वन् विप्रस्य सुष्टुतिम् ६
 त्वमग्ने स्वाध्योर् मर्तासो देववीतये । यज्ञेषु देवमीळते ७
 तव प्र यक्षि सदृशं मुत क्रतुं सुदानवः । विश्वे जुषन्त कामिनः ८
 त्वं होता मनुर्हितो वह्निरासा विदुष्टरः । अग्ने यक्षि दिवो विशः ९
 अग्र आ याहि वीतये गृणानो हव्यदातये । नि होता सत्सि बर्हिषि १०
 तं त्वा समिद्धिरङ्गिरो घृतेन वर्धयामसि । बृहच्छौचा यविष्ठय ११
 स नः पृथु श्रवाय्य मच्छा देव विवाससि । बृहदग्ने सुवीर्यम् १२
 त्वमग्ने पुष्करादध्यथर्वा निरमन्थत । मूर्ध्नो विश्वस्य वाघतः १३
 तमु त्वा दुध्यङ्गिषिः पुत्र ईधे अथर्वणः । वृत्रहणं पुरंदरम् १४
 तमु त्वा पाथ्यो वृषा समीधे दस्युहन्तमम् । धनंजयं रणैरणे १५
 एह्यु षु ब्रवाणि ते ऽग्रं इत्थेतरा गिरः । एभिर्वर्धास इन्दुभिः १६

यत्र क्व च ते मनो दक्षं दधस उत्तरम् । तत्रा सदैः कृणवसे १७
 नहि ते पूर्वमक्षिपद् भुवन्नेमानां वसो । अथा दुवौ वनवसे १८
 आग्निरंगामि भारतो वृत्रहा पुरुचेतनः । दिवौदासस्य सत्पतिः १९
 स हि विश्वाति पार्थिवा रयिं दाशन्महित्वना । वृन्वन्नवातो अस्तृतः २०
 स प्रवृन्नवीयसा ऽग्ने द्युम्नेन संयता । बृहत् ततन्थ भानुना २१
 प्र वः सखायो अग्रये स्तोमं युजं च धृष्णुया । अर्च गाय च वेधसे २२
 स हि यो मानुषा युगा सीदद्धोता कविक्रेतुः । दूतश्च हव्यवाहनः २३
 ता राजाना शुचिब्रता ऽऽदित्यान् मारुतं गुणम् । वसो यक्षीह रोदसी २४
 वस्वी ते अग्ने संदृष्टि रिषयते मर्त्याय । ऊर्जो नपादमृतस्य २५
 क्रत्वा दा अस्तु श्रेष्ठो ऽद्य त्वा वृन्वन् त्सुरेकणाः । मर्त आनाश सुवृक्तिम् २६
 ते ते अग्ने त्वोता इषयन्तो विश्वमार्युः । तरन्तो अर्यो अराती वृन्वन्तो अर्यो अरातीः २७
 अग्निस्तिग्मेन शोचिषा यासद् विश्वं न्यश्त्रिणम् । अग्निर्नो वनते रयिम् २८
 सुवीरं रयिमा भर जातवेदो विचर्षणे । जहि रक्षांसि सुक्रतो २९
 त्वं नः पाह्यंहसो जातवेदो अघायतः । रक्षां गो ब्रह्मणस्कवे ३०
 यो नो अग्ने दुरेव आ मर्तो वधाय दाशति । तस्मान्नः पाह्यंहसः ३१
 त्वं तं दैव जिह्या परि बाधस्व दुष्कृतम् । मर्तो यो नो जिघांसति ३२
 भरद्वाजाय सप्रथः शर्म यच्छ सहन्त्य । अग्ने वरेण्यं वसु ३३
 अग्निर्वृत्राणि जङ्घनद् द्रविणस्युर्विपुन्यया । समिद्धः शक्र आहुतः ३४
 गर्भे मातुः पितुष्पिता विदिद्युतानो अक्षरे । सीदन्नृतस्य योनिमा ३५
 ब्रह्म प्रजावृदा भर जातवेदो विचर्षणे । अग्ने यद् दीदयद् दिवि ३६
 उप त्वा एणवसंदृशं प्रयस्वन्तः सहस्कृत । अग्ने ससृज्महे गिरः ३७
 उप छायामिव घृणे रगन्म शर्म ते वयम् । अग्ने हिरण्यसंदृशः ३८
 य उग्र इव शर्यहा तिग्मशृङ्गो न वंसगः । अग्ने पुरो रुरोजिथ ३९
 आ यं हस्ते न खादिनुं शिशुं जातं न बिभ्रति । विशामग्निं स्वध्वरम् ४०
 प्र देवं देववीतये भरता वसुवित्तमम् । आ स्वे योनौ नि षीदतु ४१
 आ जातं जातवेदसि प्रियं शिशीतार्तिथिम् । स्योन आ गृहपतिम् ४२
 अग्ने युक्त्वा हि ये तवा ऽश्वासो देव साधवः । अरं वहन्ति मन्यवै ४३
 अच्छा नो याह्या वह्ना ऽभि प्रयांसि वीतये । आ देवान् त्सोमपीतये ४४

उदग्ने भारत द्युम दजस्त्रेण दविद्युतत् । शोचा वि भाह्यजर ४५
 वीती यो देवं मर्तो दुवस्ये दग्निमीळीताध्वरे हविष्मान् ।
 होतारं सत्ययजं रोदस्यो रुतानहस्तो नमसा विवासेत् ४६
 आ तै अग्र ऋचा हविर्हदा तृष्टं भरामसि ।
 ते तै भवन्तूक्ष्णं ऋषभासौ वृशा उत ४७
 अग्निं देवासौ अग्निं यमिन्धतै वृत्रहन्तमम् ।
 येना वसून्याभृता तृळहा रक्षांसि वाजिना ४८

षष्ठोऽध्यायः

व० १-२५

(६६) षण्णवतितमं सूक्तम्

(१-१५) पञ्चदशर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।
 (१-१४) प्रथमादिचतुर्दशर्चा त्रिष्टुप्, (१५) पञ्चदश्याश्च द्विपदा त्रिष्टुप् छन्दसी
 पिबा सोममभि यमुग्र तर्द ऊर्वं गव्यं महि गृणान इन्द्र ।
 वि यो धृष्णो वर्धिषो वज्रहस्त विश्वा वृत्रममित्रिया शवोभिः १
 स ई पाहि य ऋजीषी तरुत्रो यः शिप्रवान् वृषभो यो मतीनाम् ।
 यो गौत्रभिद् वज्रभृद् यो हरिष्ठाः स इन्द्र चित्राँ अभि तृन्धि वाजान् २
 एवा पाहि प्रबथा मन्दतु त्वा श्रुधि ब्रह्म वावृधस्वोत गीर्भिः ।
 आविः सूर्यं कृणुहि पीपिहीषो जहि शत्रूरभि गा इन्द्र तृन्धि ३
 ते त्वा मदा बृहदिन्द्र स्वधाव इमे पीता उक्षयन्त द्युमन्तम् ।
 महामनूनं तवसं विभूतिं मत्सरासौ जर्हन्त प्रसारम् ४
 येभिः सूर्यमुषसं मन्दसानो ऽवासयोऽप दृळहानि दद्रत् ।
 महामद्रिं परि गा इन्द्र सन्तं नुत्था अच्युतं सदसस्परि स्वात् ५
 तव क्रत्वा तव तद् दंसनाभि रामासु पक्वं शच्या नि दीधः ।
 और्णोर्दुरं उस्त्रियाभ्यो वि दृळ्हो दूर्वाद गा असृजो अङ्गिरस्वान् ६
 प्राथ क्षां महि दंसो व्युर्ष्वी मुप द्यामृष्वो बृहदिन्द्र स्तभायः ।
 अधारयो रोदसी देवपुत्रे प्रबे मातरा यही अतस्य ७
 अध त्वा विश्वे पुर इन्द्र देवा एकं तवसं दधिरे भराय ।
 अदेवो यदभ्यौहिष्ठ देवान् त्वर्षाता वृणत इन्द्रमत्रं ८
 अध द्यौश्चित् ते अप सा नु वज्राद् द्वितानमद् भियसा स्वस्य मुन्योः ।

अहिं यदिन्द्रो अभ्योहसानं नि चिद् विश्वायुः शयथै जघान ६
 अध त्वष्टा ते मह उग्र वज्रं सहस्रभृष्टिं ववृतच्छताश्रिम् ।
 निकाममरमणसं येन नवन्तमहिं सं पिणगृजीषिन् १०
 वर्धान् यं विश्वे मरुतः सजोषाः पचच्छतं महिषाँ इन्द्र तुभ्यम् ।
 पूषा विष्णुस्त्रीणि सरांसि धावन् वृत्रहणं मदिरमं शुमस्मै ११
 आ क्षोदो महि वृतं नदीनां परिष्ठितमसृज ऊर्मिमपाम् ।
 तासामनु प्रवत इन्द्र पन्थां प्रादयो नीचीरपसः समुद्रम् १२
 एवा ता विश्वा चकृवांसमिन्द्रं महामुग्रमजुर्यं सहोदाम् ।
 सुवीरं त्वा स्वायुधं सुवज्रं मा ब्रह्म नव्यमवसे ववृत्यात् १३
 स नो वाजायु श्रवस इषे च राये धैहि द्युमत इन्द्र विप्रान् ।
 भरद्वाजे नृवत इन्द्र सूरान् दिवि च स्मैधि पार्यै न इन्द्र १४
 अया वार्जं देवहितं सनेम मदैम शतहिमाः सुवीराः १५

(६७) सप्तनवतितमं सूक्तम्

(१-१५) पञ्चदशर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

तमुं ष्टुहि यो अभिभूत्योजा वन्वन्नवातः पुरुहूत इन्द्रः ।
 अषाळहमुग्रं सहमानमाभिर्गीर्भिर्वर्ध वृषभं चर्षणीनाम् १
 स युध्मः सत्वा खजकृत् समद्वा तुविमृक्षो नदनुमाँ ऋजीषी ।
 बृहद्रैणश्चयवनो मानुषीणा मेकः कृष्टीनामभवत् सहावा २
 त्वं ह नु त्यददमायो दस्युँ रेकः कृष्टीरवनोरायाय ।
 अस्ति स्विन्न वीर्यं तत् ते इन्द्र न स्विदस्ति तदृतुथा वि वौचः ३
 सदिद्धि ते तुविजातस्य मन्ये सहः सहिष्ठ तुरतस्तुरस्य ।
 उग्रमुग्रस्य तव सस्तवीयो ऽरध्रस्य रध्रतुरो बभूव ४
 तन्नः प्रतं सख्यमस्तु युष्मे इत्था वदद्भिर्वलमङ्गिरोभिः ।
 हन्नच्युतच्युद् दस्मेष्यन्त मृणोः पुरो वि दुरो अस्य विश्वाः ५
 स हि धीभिर्व्यो अस्त्युग्र ईशानकृन्महति वृत्रतूर्यै ।
 स तोकसाता तनये स वज्री वितन्तसाय्यौ अभवत् समत्सु ६
 स मज्मना जनिम् मानुषाणा ममर्त्येन नाम्नाति प्र संर्खे ।
 स द्युम्नेन स शर्वसोत राया स वीर्येण नृतमः समौकाः ७

स यो न मुहे न मिथू जनो भूत् सुमन्तुनामा चुमुरिं धुनिं च ।
 वृणक् पिपुं शम्बरं शुष्णमिन्द्रः पुरां च्यौत्वायं शयथाय नू चित् ८
 उदावता त्वक्षसा पन्यसा च वृत्रहत्याय रथमिन्द्र तिष्ठ ।
 धिष्व वज्रं हस्त आ दक्षिणत्रा ऽभि प्र मन्द पुरुदत्र मायाः ९
 अग्निर्न शुष्कं वनमिन्द्र हेती रक्षो नि धन्व्यशनिर्न भीमा ।
 गम्भीरय ऋष्वया यो रुरोजा ध्वानयद् दुरिता दम्भयच्च १०
 आ सहस्रं पृथिभिरिन्द्र राया तुविद्युम्न तुविवाजैर्भिरवाक् ।
 याहि सूनो सहस्रो यस्य नू चि ददेव ईशै पुरुहूत योतौः ११
 प्र तुविद्युम्नस्य स्थविरस्य घृष्वै दिवो ररपशे महिमा पृथिव्याः ।
 नास्य शत्रुर्न प्रतिमानमस्ति न प्रतिष्ठिः पुरुमायस्य सह्यौः १२
 प्र तत् तै अद्या करणं कृतं भूत् कुत्सं यदायुमतिथिग्वमस्मै ।
 पुरू सहस्रा नि शिंशा अभि क्षा मुत् तूर्वयाणं धृषता निनेथ १३
 अनु त्वाहिंघ्ने अर्धं देव देवा मदन् विश्वे कवितमं कवीनाम् ।
 करो यत्र वरिवो बाधिताय दिवे जनाय तन्वै गृणानः १४
 अनु द्यावापृथिवी तत् त ओजो ऽमर्त्या जिहत इन्द्र देवाः ।
 कृष्वा कृत्नो अकृतं यत् ते अस्त्यु कथं नवीयो जनयस्व यज्ञैः १५

(६८) अष्टनवतितमं सूक्तम्

(१-१३) त्रयोदशर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

मुहाँ इन्द्रो नृवदा चर्षणिप्रा उत द्विबर्हा अमिनः सहोभिः ।
 अस्मद्रयगवावृधे वीर्यायो रुः पृथुः सुकृतः कर्तृभिर्भूत् १
 इन्द्रमेव धिषणा सातयै धाद् बृहन्तमृष्वमजरं युवानम् ।
 अषाळहेन शर्वसा शूशवांसं सद्यश्चिद् यो वावृधे असामि २
 पृथू करस्त्रा बहुला गर्भस्ती अस्मद्रयश्क सं मिमीहि श्रवांसि ।
 यूथेव पश्वः पशपा दमूना अस्माँ इन्द्राभ्या ववृत्स्वाजौ ३
 तं व इन्द्रं चतिर्नमस्य शाकै रिह नूनं वाजयन्तौ हुवेम ।
 यथा चित् पूर्वे जरितार आसु रनेद्या अनवद्या अरिष्ठाः ४
 धृतव्रतो धनुदाः सोमवृद्धः स हि वामस्य वसुनः पुरुक्षुः ।
 सं जग्मिरे पृथ्याइ रायौ अस्मिन् त्समुद्रे न सिन्धवो यादमानाः ५

शर्विष्ठं न आ भर शूर शव ओजिष्ठमोजौ अभिभूत उग्रम् ।
 विश्वा ह्युम्ना वृषण्या मानुषाणा मस्मभ्यं दा हरिवो मादयध्वै ६
 यस्ते मदः पृतणाषाळमृध्र इन्द्र तं न आ भर शूशवांसम् ।
 येन तोकस्य तनयस्य सातौ मंसीमहि जिगीवांसस्त्वोताः ७
 आ नो भर वृषणं शुष्ममिन्द्र धनस्पृतं शूशवांसं सुदक्षम् ।
 येन वंसाम् पृतनासु शत्रून् तवोतिभिरुत जामीरंजामीन् ८
 आ ते शुष्मो वृषभ एतु पश्चा दोत्तरादधरादा पुरस्तात् ।
 आ विश्वतो अभि समैत्वर्वा डिन्द्र द्युम्नं स्वर्वद्धेह्यस्मे ९
 नृवत् तं इन्द्र नृतमाभिरूती वंसीमहि वामं श्रोमतेभिः ।
 ईक्षे हि वस्वं उभयस्य राजन् धा रत्नं महि स्थूरं बृहन्तम् १०
 मरुत्वन्तं वृषभं वावृधान मकवारिं दिव्यं शासमिन्द्रम् ।
 विश्वासाहमवसे नूतनायो ग्रं संहोदामिह तं हुवेम ११
 जनं वज्रिन् महि चिन्मन्यमान मेभ्यो नृभ्यो रन्धया येष्वस्मि ।
 अधा हि त्वा पृथिव्यां शूरसातौ हवामहे तनये गोष्वप्सु १२
 वयं तं एभिः पुरुहूत सख्यैः शत्रौः शत्रोरुत्तर इत् स्याम ।
 घन्तौ वृत्रायुभयानि शूर राया मदेम बृहता त्वोताः १३

(६६) नवनवतितमं सूक्तम्

(१-१३) त्रयोदशर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

(१-६, ८-१३) प्रथमादितृचद्वयस्याष्टम्यादितृचद्वयस्य च त्रिष्टुप्, (७) सप्तम्याश्च

विराट् छन्दसी

द्यौरन य इन्द्राभि भूमार्य स्तस्थौ रयिः शर्वसा पृत्सु जनान् ।
 तं नः सहस्रभरमुर्वरासां दृद्धि सूनो सहसो वृत्रतुरम् १
 दिवो न तुभ्यमन्विन्द्र सत्रा ऽसुर्यं देवेभिर्धायि विश्वम् ।
 अहिं यद् वृत्रमपो वव्रिवांसं हवृजीषिन् विष्णुना सचानः २
 तूर्वन्नोजीयान् तवसस्तवीयान् कृतब्रह्मेन्द्रौ वृद्धमहाः ।
 राजाभवन्मधुनः सोम्यस्य विश्वासां यत् पुरां दर्तुमावत् ३
 शतैरपद्रन् पुणय इन्द्रात्र दशौणये कवयेऽर्कसातौ ।
 वधैः शुष्णास्याशुषेस्य मायाः पित्वो नारिरेचीत् किं चन प्र ४
 मुहो द्रुहो अप विश्वायु धायि वज्रस्य यत् पतने पादि शुष्णाः ।

उरु ष सरथं सारथये क रिन्द्रः कुत्साय सूर्यस्य सातौ ५
 प्र श्येनो न मदिरमंशुर्मस्मै शिरो दासस्य नमुचेर्मथायन् ।
 प्रावन्नमी साप्यं ससन्तं पृणग्राया समिषा सं स्वस्ति ६
 वि पिप्रोरहिमायस्य दृळ्हाः पुरौ वज्रिञ्छवसा न दर्दः ।
 सुदामन् तद् रेक्णौ अप्रमृष्य मृजिश्चने दात्रं दाशुषे दाः ७
 स वैतसुं दशमायं दशोणिं तूर्तुजिमिन्द्रः स्वभिष्टिसुम्नः ।
 आ तुग्रं शश्वदिभं द्योतनाय मातुर्न सीमुप सृजा इयध्यै ८
 स ई स्पृधौ वनते अप्रतीतो बिभ्रद् वज्रं वृत्रहणं गर्भस्तौ ।
 तिष्ठद्धरी अध्यस्तैव गते वचोयुजा वहत इन्द्रमृष्वम् ९
 सनेम तेऽवसा नव्य इन्द्र प्र पूर्वः स्तवन्त एना यज्ञैः ।
 सप्त यत् पुरः शर्म शारदीर्द र्द्धन् दासीः पुरुकुत्साय शिक्नन् १०
 त्वं वृध इन्द्र पूव्यो भू वरिवस्यन्नुशनै काव्याय ।
 परा नववास्त्वमनुदेयं महे पित्रे देदाथ स्वं नपातम् ११
 त्वं धुनिरिन्द्र धुनिमती ऋणोरपः सीरा न स्रवन्तीः ।
 प्र यत् समुद्रमति शूर पर्षि पारया तुर्वशं यदु स्वस्ति १२
 तव ह त्यदिन्द्र विश्वमाजौ सस्तो धुनीचुमुरी या ह सिष्वप् ।
 दीदयदित् तुभ्यं सोमैभिः सुन्वन् दभीतिरिध्मभृतिः पक्थ्यैः १३

(१००) शततमं सूक्तम्

(१-१२) द्वादशर्चस्यास्य सूक्तस्य बार्हस्पत्यो भरद्वाज ऋषिः । (१-८, १०, १२)
 प्रथमाद्यष्टर्चा दशमीद्वादश्योश्चेन्द्रः, (९, ११) नवम्येकादश्योश्च विश्वे देवा देवताः ।

त्रिष्टुप् छन्दः

इमा उ त्वा पुरुतमस्य कारो हव्यं वीर हव्या हवन्ते ।
 धियो रथेष्ठामजरं नवीयो रयिर्विभूतिरीयते वचस्या १
 तमु स्तुष इन्द्रं यो विदानो गिर्वाहसं गीर्भिर्यज्ञवृद्धम् ।
 यस्य दिवमति मृहा पृथिव्याः पुरुमायस्य रिरिचे महित्वम् २
 स इत् तमोऽवयुनं तन्वत् सूर्येण वयुनवच्चकार ।
 कदा ते मर्ता अमृतस्य धामे यक्षन्तो न मिनन्ति स्वधावः ३
 यस्ता चकार स कुहं स्विदिन्द्रः कमा जनं चरति कासु विक्षु ।
 कस्तै यज्ञो मनसे शं वराय को अर्क इन्द्र कतमः स होता ४

इ॒दा हि ते वे॒र्विष॑तः पु॒राजाः प्र॒त्नासं आ॒सुः पु॒रु॒कृत् स॒खायः॑ ।
 ये म॑ध्य॒मासं॑ उ॒त नू॒तना॑स उ॒ताव॑मस्य॒ पुरु॒हूत॑ बो॒धि ५
 तं पृ॒च्छन्तोऽव॑रा॒सः परा॑णि प्र॒त्ना तं इन्द्र॑ श्रुत्यानु॒ येमुः॑ ।
 अ॒र्चाम॑सि वी॒र ब्र॑ह्मवा॒हो या॑दे॒व वि॒द्य तात् त्वा॑ म॒हान्त॑म् ६
 अ॒भि त्वा॑ पा॒जौ र॒क्षसो॑ वि त॑स्थे म॒हि ज॑ज्ञानम॒भि तत्सु॑ तिष्ठ ।
 तव॑ प्र॒त्नेन॑ यु॒ज्यै॒न स॒ख्या व॒ज्रेण॑ धृ॒ष्णो अप॑ ता नु॒दस्व॑ ७
 स तु श्रु॑धीन्द्र नू॒तन॑स्य ब्र॒ह्मण॑यतो वी॒र का॑रु॒धायः॑ ।
 त्वं ह्या॑ऽपिः प्र॒दि॒वि पि॒तॄणां॑ श॒श्वद् ब॒भूथ॑ सु॒हव॑ ए॒ष्टौ ८
 प्रो॒तये॑ वे॒रुणं॑ मि॒त्रमिन्द्रं॑ म॒रुतः॑ कृ॒ष्वाव॑से नो अ॒द्य ।
 प्र पू॒षणं॑ वि॒ष्णुम॑ग्निं पु॒रंधिं॑ स॒वि॒ता॒मोष॑धीः प॒र्वतांश्च॑ ९
 इ॒म उ॑ त्वा पु॒रु॒शाक॑ प्र॒यज्यो॑ ज॒रि॒तारो॑ अ॒भ्यर्च॑न्त्य॒कैः ।
 श्रु॑धी ह॒व॒मा ह॒व॒तो ह॒वानो॑ न त्वावाँ अ॒न्यो अ॒मृत॑ त्वद॑स्ति १०
 नू म॒ आ वा॑चमु॒प या॑हि वि॒द्वान् वि॒श्वे॒भिः सू॒नो स॒हसो॑ यज॑त्रैः ।
 ये अ॒ग्नि॒जि॒ह्वा ऋ॑त॒साप॑ आ॒सु र्ये॑ मनु॒ च॒क्रु॒रुप॑रं द॒साय॑ ११
 स नो॑ बो॒धि पु॒र॒एता॑ सु॒गेषू॑ त दु॒र्गेषु॑ प॒थि॒कृद् वि॒दानः॑ ।
 ये अ॒श्र॒मास॑ उ॒रवो॑ व॒हि॒ष्ठा स्ते॒भिर्न॑ इन्द्रा॒भि व॑क्षि वा॒जम् १२

(१०१) एकोत्तरशततमं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

य एक॑ इ॒द्धव्य॑श्चर्षणी॒ना मिन्द्रं॑ तं गी॒र्भिर॑भ्यर्च आ॒भिः ।
 यः प॒त्यते॑ वृ॒षभो॑ वृ॒ष्ण्या॑वान् त्स॒त्यः स॒त्वा पु॒रु॒मायः॑ स॒ह॒स्वान् १
 तमु॑ नुः पूर्वे॑ पि॒तरो॑ नव॒ग्वाः स॒प्त वि॒प्रा॒सो अ॒भि वा॒जय॑न्तः ।
 न॒क्ष॒दाभं॑ ततु॑रि प॒र्वते॑ष्ठा म॒द्रौघ॑वाचं म॒तिभिः॑ श॒र्विष्ठ॑म् २
 तमी॑म॒ह इन्द्र॑मस्य रा॒यः पु॒रु॒वीर॑स्य नृ॒वतः॑ पु॒रु॒क्षोः ।
 यो अ॒स्कृ॒धोयु॑र॒जरः॑ स्व॒र्वान् त॒मा भ॑र ह॒रि॒वो मा॑दु॒य॒ध्यै ३
 तन्नो॑ वि वौ॒चो यदि॑ ते पु॒रा चि॑ ज॒रि॒तार॑ आ॒नु॒शः सु॒प्रमि॑न्द्र ।
 क॒स्तै भा॑गः किं व॒यौ दु॒ध्न खि॑द्वः पु॒रु॒हूत॑ पु॒रू॒वसो॑ऽसु॒रघ्नः॑ ४
 तं पृ॒च्छन्ती॑ व॒ज्रह॑स्तं र॒थेष्ठा॑ मिन्द्रं वे॒पी व॒क्वरी॑ यस्य नू गीः ।
 तु॒वि॒ग्राभं॑ तु॒विकू॑र्मि र॒भोदां॑ गा॒तुमि॑षे नक्ष॑ते तु॒म्रम॑च्छ ५

अया ह त्वं मायया वावृधानं मनोजुवा स्वतवः पर्वतेन ।
 अच्युता चिद् वीळिता स्वौजो रुजो वि दृळहा धृषता विरप्शिन् ६
 तं वो धिया नव्यस्या शविष्ठं प्रबं प्रबवत् परितंसयध्यै ।
 स नो वक्षदनिमानः सुवह्ने द्रो विश्वान्यति दुर्गहाणि ७
 आ जनाय द्रुहणे पार्थिवानि दिव्यानि दीपयोऽन्तरिक्षा ।
 तपा वृषन् विश्वतः शोचिषा तान् ब्रह्मद्विषे शोचयु क्षामपश्च ८
 भुवो जनस्य दिव्यस्य राजा पार्थिवस्य जगतस्त्वेषसंदृक् ।
 धिष्व वज्रं दक्षिण इन्द्र हस्ते विश्वा अजुर्य दयसे वि मायाः ९
 आ संयतमिन्द्र णः स्वस्तिं शत्रुतूयाय बृहतीममृधाम् ।
 यया दासान्यार्याणि वृत्रा कर्षो वज्रिन् सुतुका नाहृषाणि १०
 स नो नियुद्धिः पुरुहूत वेधो विश्ववाराभिरा गहि प्रयज्यो ।
 न या अदेवो वरते न देव आभिर्याहि तूयमा मद्र्यद्रिक् ११

(१०२) द्युत्तरशततमं सूक्तम्

(१-१०) दशर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

सुत इत् त्वं निर्मिश्र इन्द्र सोमे स्तोमे ब्रह्मणि शस्यमान उक्थे ।
 यद् वा युक्ताभ्यां मघवन् हरिभ्यां बिभ्रद् वज्रं बाहोरिन्द्र यासि १
 यद् वा दिवि पार्ये सुष्विमिन्द्र वृत्रहत्येऽवसि शूरसातौ ।
 यद् वा दक्षस्य बिभ्युषो अबिभ्य दरन्धयः शर्धत इन्द्र दस्यून् २
 पाता सुतमिन्द्रो अस्तु सोमं प्रणेनीरुग्रो जरितारमूती ।
 कर्ता वीराय सुष्वय उ लोकं दाता वसुं स्तुवते कीरये चित् ३
 गन्तेयान्ति सर्वना हरिभ्यां बभ्रिर्वज्रं पपिः सोमं दृदिर्गाः ।
 कर्ता वीरं नर्यं सर्ववीरं श्रोता हव गृणतः स्तोमवाहाः ४
 अस्मै वयं यद् वावान् तद् विविष्म इन्द्राय यो नः प्रदिवो अपस्कः ।
 सुते सोमै स्तुमसि शंसदुक्थेन्द्राय ब्रह्म वर्धनं यथासत् ५
 ब्रह्माणि हि चकृषे वर्धनानि तावत् त इन्द्र मतिभिर्विविष्मः ।
 सुते सोमै सुतपाः शंतमानि रान्द्रया क्रियास्म वक्ष्णानि यज्ञैः ६
 स नो बोधि पुरोळाशं रराणः पिबा तु सोमं गोऋजीकमिन्द्र ।
 एदं ब्रह्मिर्जमानस्य सीदो रुं कृधि त्वायुत उ लोकम् ७

स म॑न्दस्वा॒ ह्यनु॑ जोष॑मुग्र॒ प्र त्वा॑ य॒ज्ञास॑ इमे अ॒श्नुव॑न्तु ।
 प्रेमे॑ हवा॑सः पुरु॑हूतम॒स्मे आ त्वे॑यं धीरव॑स इन्द्र॒ यम्याः ८
 तं वः॑ सखायः॒ सं यथा॑ सु॒तेषु॑ सोमै॑भिरीं पृ॒णता॑ भो॒जमिन्द्र॑म् ।
 कु॒वित् तस्मा॑ अ॒सति॑ नो भ॒र्याय॑ न सु॒ष्विमिन्द्रो॑ऽव॒से मृ॑धाति ९
 ए॒वेदिन्द्रः॑ सु॒ते अ॒स्तावि॑ सोमै॑ भ॒रद्वा॑जेषु॒ क्षय॑दि॒न्मघो॑नः ।
 अ॒सद् यथा॑ ज॒रित्र॑ उ॒त सू॒रि॒रिन्द्रो॑ रा॒यो वि॒श्ववा॑रस्य दा॒ता १०

(१०३) त्र्युत्तरशततमं सूक्तम्

(१-१०) दशर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

वृषा॑ मद॒ इन्द्रे॑ श्लोक॑ उ॒क्था स॒चा सोमै॑षु सु॒तपा॑ ऋ॒जीषी॑ ।
 अ॒र्चत्र्यो॑ म॒घवा॑ नृ॒भ्य उ॒क्थैर्द्यु॑क्षो राजा॑ गिराम॒क्षितो॑तिः १
 त॒तुरि॒र्वीरो॑ न॒र्यो वि॒चैताः॑ श्रो॒ता हव॑ गृ॒णत॑ उ॒र्व्यतिः॑ ।
 वसुः॑ शंसो॒ नरां॑ का॒रुधा॑या वा॒जी स्तु॑तो वि॒दथै॑ दा॒ति वा॒जम् २
 अ॒क्षो न च॒क्रयोः॑ शूर॒ बृहन्॑ प्र तै॑ म॒हा रि॑रि॒चे रो॑द॒स्योः ।
 वृ॒क्षस्य॑ नु तै॑ पुरु॑हूत व॒या व्यू॑क्ष॒तयो॑ रुरु॒हुरिन्द्र॑ पूर्वीः ३
 श॒चीव॑तस्ते पुरु॒शाक् शा॒का ग॒वा॒मिव॑ स्तु॒तयः॑ स॒ंचर॑णीः ।
 वृ॒त्सानां॑ न त॒न्तय॑स्त इन्द्र॒ दाम॑न्वन्तो अ॒दामा॑नः सु॒दामन् ४
 अ॒न्यद॒द्य क॑र्व॒रम॑न्यदु॒ श्वो ऽस॑ञ्च सन्मु॒हुरा॒चक्रि॑रिन्द्रः ।
 मि॒त्रो नो॑ अ॒त्र व॑रु॒णश्च॑ पू॒षा ऽर्यो॑ व॒शस्य॑ प॒र्येता॑स्ति ५
 वि त्वदा॑पो न प॒र्वत॑स्य पृ॒ष्ठा दु॒क्थेभि॑रिन्द्रा॒नय॑न्त य॒ज्ञैः ।
 तं त्वा॒भिः सु॑ष्टु॒तिभि॑र्वा॒जय॑न्त आ॒जिं न ज॑ग्मुर्गि॒र्वाहो॑ अ॒श्वाः ६
 न यं ज॑रन्ति श॒रदो॑ न मा॒सा न द्या॑व॒ इन्द्र॑मव॒क्शय॑न्ति ।
 वृ॒द्धस्य॑ चिद् वर्ध॑तामस्य त॒नूः स्तोमै॑भि॒रुक्थै॑श्च श॒स्यमा॑ना ७
 न वी॒ळवे॑ नम॑ते न स्थि॒राय॑ न श॒र्धते॑ दस्यु॒जूताय॑ स्त॒वान् ।
 अ॒ज्ञा इन्द्र॑स्य गिर॒यश्चि॑दृ॒ष्वा ग॑म्भी॒रे चि॑द् भवति गा॒धर्म॑स्मै ८
 ग॒म्भीरे॑ण न उ॒रुणा॑म॒त्रिन् प्रेषो॑ य॒न्धि सु॑तपाव॒न् वा॒जान् ।
 स्था ऊ॒ षु ऊ॒र्ध्व ऊ॒ती अ॑रि॒षण्य॑ नृ॒क्तोर्व्यु॑ष्टौ प॒रित॑क॒म्यायाम् ९
 सच॑स्व ना॒यम॑व॒से अ॒भीक॑ इ॒तो वा॑ तमिन्द्र पा॒हि रि॑षः ।

अ॒मा चैन॒मर॑णये पाहि रि॒षो मदे॑म श॒तहि॑माः सु॒वीराः १०

(१०४) चतुरुत्तरशततमं सूक्तम्

(१-६) नवर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता । त्रिष्टुप् छन्दः

या तं ऊ॒तिर॑व॒मा या प॑र॒मा या म॑ध्य॒मेन्द्र॑ शु॒ष्मिन्न॑स्ति ।
 ताभि॑रू षु वृ॒त्रह॑त्यैऽवी॒र्न ए॒भिश्च॑ वा॒जैर्म॑हान् न उग्र १
 आ॒भिः स्पृ॑धौ मि॒थती॑ररि॒षण्य॑ नृमि॒त्रस्य॑ व्यथया म॒न्युमि॑न्द्र ।
 आ॒भिर्वि॑श्वा अ॒भियु॑जो वि॒षूची॑ रा॒याय॑ विशोऽव॑ तारी॒र्दासीः २
 इन्द्र॑ जा॒मय॑ उ॒त येऽजा॑मयो ऽवा॒चीना॑सौ व॒नुषो॑ यु॒युजे॑ ।
 त्वमे॑षां वि॒थुरा॑ श॒वांसि॑ ज॒हि वृ॑ष्ण्यानि कृ॒णुही॑ प॒राचः ३
 शू॒रो वा शू॒रं वन॑ते श॒रीर॑ स्त॒नूरु॑चा त॒रुषि॑ यत् कृ॒णवै॑ते ।
 तो॒के वा गो॑षु त॒नये॑ यद॒प्सु वि॑ क्र॒न्दसी॑ उ॒र्वरा॑सु ब्र॒वैते ४
 न॒हि त्वा॑ शू॒रो न तु॑रो न धृ॒ष्णुर्न॑ त्वा॒ यो॒धो म॑न्य॒मानो॑ यु॒योध॑ ।
 इन्द्र॑ नकि॒ष्टा प्र॑त्य॒स्त्येषां॑ वि॒श्वा जा॒तान्य॑भ्य॒सि तानि॑ ५
 स प॑त्यत उ॒भयो॑र्नृ॒णाम॑यो॒र्यदी॑ वे॒धसः॑ स॒मिथे॑ ह॒वन्ते॑ ।
 वृ॒त्रे वा म॒हो नृ॑व॒ति क्ष॑यै वा व्य॒चस्व॑न्ता॒ यदि॑ वित॒न्तसै॑ते ६
 अ॒र्धं स्मा॑ ते च॒र्षण॑यो यदे॒जा नि॑न्द्र त्रा॒तोत॑ भ॒वा व॑रू॒ता ।
 अ॒स्माका॑सो ये नृ॒तमा॑सो अ॒र्य इन्द्र॑ सू॒रयो॑ दधि॒रे पु॒रो नः॑ ७
 अनु॑ ते दा॒यि म॒ह इन्द्रि॑याय॒ सत्रा॑ ते वि॒श्वम॑नु वृ॒त्रह॑त्यै ।
 अनु॑ क्ष॒त्रम॑नु स॒हो यज॑त्रे न्द्र दे॒वेभि॑रनु॒ ते नृ॑ष॒ह्यै ८
 ए॒वा नः॑ स्पृ॒धः स॑म॒जा स॑म॒त्स्विन्द्र॑ रा॒न्धि मि॒थती॑रदे॒वीः ।
 वि॒द्याम॑ वस्तो॒रव॑सा गृ॒णन्तो॑ भर॒द्वाजा॑ उ॒त तं॑ इन्द्र॒ नूनम् ९

(१०५) पञ्चोत्तरशततमं सूक्तम्

(१-८) अष्टर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता । त्रिष्टुप् छन्दः

श्रु॒धी न॑ इन्द्र॒ ह्याम॑सि त्वा म॒हो वा॒जस्य॑ सा॒तौ वा॑वृ॒षाणाः॑ ।
 सं यद् विशोऽय॑न्त॒ शूर॑सा॒ता उ॒ग्रं नो॑ ऽवः पा॒र्ये अ॑ह॒न् दाः॑ १
 त्वां वा॒जी ह॑वते वा॒जिने॒यो म॒हो वा॒जस्य॑ ग॒र्ध्वस्य॑ सा॒तौ ।

त्वां वृत्रेष्विन्द्र सत्पतिं तरुत्रं त्वां चष्टे मुष्टिहा गोषु युध्यन् २
 त्वं कविं चौदयोऽर्कसातौ त्वं कुत्साय शुष्णं दाशुषै वर्क ।
 त्वं शिरो अमर्मणः पराह न्रतिथिग्वायु शंस्यं करिष्यन् ३
 त्वं रथं प्र भरो योधमृष्व मावो युध्यन्तं वृषभं दर्शद्युम् ।
 त्वं तुग्रं वेतसवे सचाहन् त्वं तुजिं गृणन्तमिन्द्र तूतोः ४
 त्वं तदुक्थमिन्द्र ब्रह्मणा क्रः प्र यच्छता सहस्रा शूर दर्षि ।
 अवं गिरेदासं शम्बरं हन् प्रावो दिवोदासं चित्राभिरूती ५
 त्वं श्रद्धाभिर्मन्दसानः सोमैर्दभीतये चुमुरिमिन्द्र सिष्वप् ।
 त्वं रजिं पिठीनसे दशस्यन् षष्टिं सहस्रा शच्या सचाहन् ६
 अहं चन तत् सूरिभिरानश्यां तव ज्याय इन्द्र सुम्रमोजः ।
 त्वया यत् स्तवन्ते सधवीर वीरा स्त्रिवरूथेन नहुषा शविष्ठ ७
 वयं ते अस्यामिन्द्र द्युम्रहूतौ सखायः स्याम महिन् प्रेष्ठाः ।
 प्रातर्दनिः क्षत्रश्रीरस्तु श्रेष्ठो घने वृत्राणां सनये धनानाम् ८

(१०६) षडुत्तरशततमं सूक्तम्

(१-८) अष्टर्चस्यास्य सूक्तस्य बार्हस्पत्यो भरद्वाज ऋषिः । (१-७)

प्रथमादिसप्तर्चामिन्द्रः, (८) अष्टम्याश्च चायमानस्याभ्यावर्तिनो दानं देवते ।

त्रिष्टुप् छन्दः

किमस्य मदे किम्वस्य पीता विन्द्रः किमस्य सुख्ये चकार ।
 रणा वा ये निषदि किं ते अस्य पुरा विविद्रे किमु नूतनासः १
 सदस्य मदे सद्रस्य पीता विन्द्रः सदस्य सुख्ये चकार ।
 रणा वा ये निषदि सत् ते अस्य पुरा विविद्रे सदु नूतनासः २
 नहि नु ते महिमनः समस्य न मघवन् मघवत्त्वस्य विद्य ।
 न राधसोराधसो नूतनस्येन्द्र नकिर्ददृश इन्द्रियं ते ३
 एतत् त्यत् ते इन्द्रियमचेति येनावधीर्वरशिखस्य शेषः ।
 वज्रस्य यत् ते निहतस्य शुष्मात् स्वनाञ्चिदिन्द्र परमो ददार ४
 वधीदिन्द्रौ वरशिखस्य शेषौ ऽभ्यावर्तिनौ चायमानाय शिक्नन् ।
 वृचीवतो यद्धरियूपीयायां हन् पूर्वे अर्धे भियसापरो दर्त ५
 त्रिंशच्छतं वर्मिण इन्द्र साकं यव्यावत्यां पुरुहूत श्रवस्या ।
 वृचीवन्तः शरवे पत्यमानाः पात्रा भिन्दाना न्यर्थान्यायन् ६

यस्य गावावरुषा सूयवस्यू अन्तरू षु चरतो रेरिहाणा ।
 स सृञ्जयाय तुर्वशं परादाद् वृचीर्वतो दैववाताय शिञ्जन् ७
 द्रुयाँ अग्ने रथिनो विंशतिं गा वधूमतो मघवा मह्यं सम्राट् ।
 अभ्यावृती चायमानो ददाति दूणाशेयं दक्षिणा पार्थवानाम् ८

(१०७) सप्तोत्तरशततमं सूक्तम्

(१-८) अष्टर्चस्यास्य सूक्तस्य बार्हस्पत्यो भरद्वाज ऋषिः । (१, ३-७)

प्रथमर्चस्तृतीयादिपञ्चानाञ्च गावः, (२, ८) द्वितीयाष्टम्योरिन्द्रो गावो वा देवताः ।

(१, ५-७) प्रथमर्चः पञ्चम्यादितृचस्य च त्रिष्टुप्, (२-४) द्वितीयादितृचस्य

जगती, (८) अष्टम्याश्चानुष्टुप् छन्दांसि

आ गावो अग्नन्नुत भद्रमक्रन् त्सीदन्तु गोष्ठे रणयन्त्वस्मे ।
 प्रजावतीः पुरुरूपा इह स्यु रिन्द्राय पूर्वीरुषसो दुर्हानाः १
 इन्द्रो यज्वने पूणते च शिञ्जत्युपेद् ददाति न स्वं मुषायति ।
 भूयोभूयो रयिमिदस्य वर्धयन्नभिन्ने खिल्ये नि दधाति देवयुम् २
 न ता नशन्ति न दधाति तस्करो नासामामित्रो व्यथिरा दधर्षति ।
 देवाँश्च याभिर्यजते ददाति च ज्योगित् ताभिः सचते गोपतिः सह ३
 न ता अर्वा रेणुककाटो अश्नुते न संस्कृतत्रमुप यन्ति ता अभि ।
 उरुगायमभयं तस्य ता अनु गावो मर्तस्य वि चरन्ति यज्वनः ४
 गावो भगो गाव इन्द्रो मे अच्छान् गावः सोमस्य प्रथमस्य भक्षः ।
 इमा या गावः स जनास इन्द्र इच्छामीद्धदा मनसा चिदिन्द्रम् ५
 यूयं गावो मेदयथा कृशं चि दश्रीरं चित् कृणुथा सुप्रतीकम् ।
 भद्रं गृहं कृणुथ भद्रवाचो बृहद् वो वयं उच्यते सभासु ६
 प्रजावतीः सूयवसं रिशन्तीः शद्धा अपः सुप्रपाणे पिबन्तीः ।
 मा व स्तेन ईशत माघशंसः परि वो हेती रुद्रस्य वृज्याः ७
 उपेदमुपपर्चन मासु गोषूप पृच्यताम् ।
 उप ऋषभस्य रेत स्युपैन्द्र तव वीर्ये ८

सप्तमोऽध्यायः

व० १-३५

(१०८) अष्टोत्तरशततमं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

इन्द्रं वो नरः सख्याय सेपुर्महो यन्तः सुमतये चक्रानाः ।
 महो हि दाता वज्रहस्तो अस्ति महामुण्यवमवसे यजध्वम् १
 आ यस्मिन् हस्ते नर्या मिमिक्षु रा रथे हिरण्यये रथेष्ठाः ।
 आ रश्मयो गर्भस्त्योः स्थूरयो राध्वन्नश्वासो वृषणो युजानाः २
 श्रिये ते पादा दुव आ मिमिक्षु धृष्णुर्वज्री शर्वसा दक्षिणावान् ।
 वसानो अत्कं सुरभिं दृशे कं स्वर्णं नृतविषिरो बभूथ ३
 स सोम आर्मिश्रतमः सुतो भूद् यस्मिन् पक्तिः पच्यते सन्ति धानाः ।
 इन्द्रं नरः स्तुवन्तो ब्रह्मकारा उक्था शंसन्तो देववाततमाः ४
 न ते अन्तः शर्वसो धाय्यस्य वि तु बाबधे रोदसी महित्वा ।
 आ ता सूरिः पृणति तूतुजानो यूथेवाप्सु समीजमान ऊती ५
 एवेदिन्द्रः सुहव ऋष्वो अस्तूती अनूती हिरिशिप्रः सत्वा ।
 एवा हि जातो असमात्योजाः पुरु च वृत्रा हनति नि दस्यून् ६

(१०९) नवोत्तरशततमं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

भूय इद् वावृधे वीर्यायँ एको अजुर्यो दयते वसूनि ।
 प्र रिरिचे दिव इन्द्रः पृथिव्या अर्धमिदस्य प्रति रोदसी उभे १
 अधा मन्ये बृहदसुर्यमस्य यानि दाधार नकिरा मिनाति ।
 दिवेदिवे सूर्यो दर्शतो भूद् वि सघान्युर्विया सुक्रतुर्धात् २
 अद्या चिन्न चित् तदपौ नदीनां यदाभ्यो अरदो गातुमिन्द्र ।
 नि पर्वता अघसदो न सैदुस्त्वया दृळ्हानि सुक्रतो रजांसि ३
 सत्यमित् तन्न त्वावाँ अन्यो अस्तीन्द्र देवो न मर्त्यो ज्यायान् ।
 अहन्नहिं परिशयान्मर्णो ऽवासृजो अपो अच्छा समुद्रम् ४
 त्वमपो वि दुरो विषूची रिन्द्र दृळ्हमरुजः पर्वतस्य ।

राजाभवो जर्गतश्चर्षणीनां साकं सूर्यं जनयन् द्यामुषासम् ५

(११०) दशोत्तरशततमं सूक्तम्

(१-५) पञ्चर्चस्यास्य सूक्तस्य भारद्वाजः सुहोत्र ऋषिः । इन्द्रो देवता । (१-३,
५) प्रथमादितृचस्य पञ्चम्या ऋचश्च त्रिष्टुप्, (४) चतुर्थ्याश्च शक्वरी छन्दसी
अभूरेको रयिपते रयीणा मा हस्तयोरधिथा इन्द्र कृष्टीः ।
वि तोके अप्सु तनये च सूर्ये ऽवौचन्त चर्षणयो विवाचः १
त्वद् भियेन्द्र पार्थिवानि विश्वा ऽच्युता चिच्चयावयन्ते रजांसि ।
द्यावाक्षामा पर्वतासो वनानि विश्वं दृळ्हं भयते अज्मन्ना तै २
त्वं कुत्सेनाभि शुष्णमिन्द्रा ऽशुषं युध्य कुर्यवं गविष्ठौ ।
दशं प्रपित्वे अध सूर्यस्य मुषायश्चक्रमविवे रपांसि ३
त्वं शतान्यव शम्बरस्य पुरौ जघन्थाप्रतीनि दस्यौः ।
अशिद्धो यत्र शच्या शचीवो दिवोदासाय सुन्वते सुतक्रे भरद्वाजाय गृणते
वसूनि ४
स संत्यसत्वन् महते रणाय रथमा तिष्ठ तुविनृम्ण भीमम् ।
याहि प्रपथिन्नवसोपं मुद्रिक् प्र च श्रुत श्रावय चर्षणिभ्यः ५

(१११) एकादशोत्तरशततमं सूक्तम्

(१-५) पञ्चर्चस्यास्य सूक्तस्य भारद्वाजः सुहोत्र ऋषिः । इन्द्रो देवता ।

त्रिष्टुप् छन्दः

अपूर्व्या पुरुतमान्यस्मै महे वीराय तवसे तुराय ।
विरप्शिने वज्रिणे शन्तमानि वचास्यासा स्थविराय तक्षम् १
स मातरा सूर्येणा कवीना मवासयद् रुजदद्रि गृणानः ।
स्वाधीभिर्ऋक्वभिर्वावशान उदुस्त्रियाणामसृजन्निदानम् २
स वह्निभिर्ऋक्वभिर्गोषु शश्वन् मितज्ञुभिः पुरुकृत्वा जिगाय ।
पुरः पुरोहा सखिभिः सखीयन् दृळ्हहा रुरोज कविभिः कविः सन् ३
स नीव्याभिर्जरितारमच्छा महो वाजैभिर्महद्भिश्च शुष्मैः ।
पुरुवीराभिर्वृषभ क्षितीना मा गिर्वणः सुविताय प्र याहि ४
स सर्गेण शर्वसा तक्तो अत्यै रूप इन्द्रो दक्षिणतस्तुराषाट् ।
इत्था सृजाना अनपावृदर्थं दिवेदिवे विविषुरप्रमृष्यम् ५

(११२) द्वादशोत्तरशततमं सूक्तम्

(१-५) पञ्चर्चस्यास्य सूक्तस्य भारद्वाजः शुनहोत्र ऋषिः । इन्द्रो देवता ।

त्रिष्टुप् छन्दः

य ओजिष्ठ इन्द्र तं सु नो दा मदौ वृषन् त्वभिष्टिर्दास्वान् ।
 सौवश्वयं यो वनवत् स्वश्वौ वृत्रा समत्सु सासहदमित्रान् १
 त्वां हीन्द्रावसे विवाचो हवन्ते चर्षणयः शूरसातौ ।
 त्वं विप्रैर्भिर्वि पुणैरैशायस्त्वोतु इत् सनिता वाजमर्वा २
 त्वं तां इन्द्रोभयां अमित्रान् दासा वृत्राणयार्या च शूर ।
 वधीर्वनैव सुधितेभिरत्कैरा पृत्सु दर्षि नृणां नृतम ३
 स त्वं न इन्द्राकवाभिरूती सखा विश्वारुरविता वृधे भूः ।
 स्वर्षाता यदध्वयामसि त्वा युध्यन्तो नेमधिता पृत्सु शूर ४
 नूनं न इन्द्रापुराय च स्या भवा मृळीक उत नो अभिष्टौ ।
 इत्था गृणन्तौ महिनस्य शर्मन् दिवि ष्याम पायै गोषतमाः ५

(११३) त्रयोदशोत्तरशततमं सूक्तम्

(१-५) पञ्चर्चस्यास्य सूक्तस्य भारद्वाजः शुनहोत्र ऋषिः । इन्द्रो देवता ।

त्रिष्टुप् छन्दः

सं च त्वे जग्मर्गिरं इन्द्र पूर्वीर्वि च त्वद् यन्ति विभ्वो मनीषाः ।
 पुरा नूनं च स्तुतय ऋषीणां पस्पृध इन्द्रे अर्ध्युक्थार्का १
 पुरुहूतो यः पुरुगूर्त ऋभ्वाँ एकः पुरुप्रशस्तो अस्ति युज्ञैः ।
 रथो न महे शर्वसे युजानोऽस्माभिरिन्द्रो अनुमाद्यौ भूत् २
 न यं हिंसन्ति धीतयो न वाणी रिन्द्रं न क्षन्तीदभि वर्धयन्तीः ।
 यदि स्तोतारः शतं यत् सहस्रं गृणन्ति गिर्वणसं शं तदस्मै ३
 अस्मा एतद् दिव्यश्चैव मासा मिमिक्ष इन्द्रे न्ययामि सोमः ।
 जनं न धन्वन्नभि सं यदापः सुत्रा वावृधुर्हवनानि युज्ञैः ४
 अस्मा एतन्मह्याङ्घ्रमस्मा इन्द्राय स्तोत्रं मतिभिरवाचि ।
 असद् यथा महति वृत्रतूर्य इन्द्रो विश्वारुरविता वृधश्च ५

(११४) चतुर्दशोत्तरशततमं सूक्तम्

(१-५) पञ्चर्चस्यास्य सूक्तस्य भारद्वाजो नर ऋषिः । इन्द्रो देवता । त्रिष्टुप् छन्दः

क॒दा भु॑वन् रथ॑क्षयाणि॒ ब्रह्म॑ क॒दा स्तो॒त्रे स॑हस्रपोष्य॑ दाः ।
 क॒दा स्तोमं॑ वासयोऽस्य रा॒या क॒दा धि॑र्यः करसि॑ वाज॑रत्नाः १
 क॒र्हि स्वि॒त् तदिन्द्र॑ यन्नृभि॑र्नृन् वी॒रैर्वी॑रान् नी॒ळया॑से जया॒जीन् ।
 त्रि॒धातु॑ गा अधि॑ जयासि॒ गोष्विन्द्र॑ द्यु॒मं स्व॑र्वद् धे॒ह्यस्मे २
 क॒र्हि स्वि॒त् तदिन्द्र॑ यज॑रि॒त्रे वि॒श्वप्सु॑ ब्रह्म॑ कृ॒णवः॑ शवि॑ष्ठ ।
 क॒दा धि॑यो न नि॒युतौ॑ युवासे क॒दा गोम॑घा ह॒व॒नानि॑ गच्छाः ३
 स गोम॑घा ज॒रि॒त्रे अ॒श्वश्चन्द्रा॑ वाज॑श्रवसो अधि॑ धेहि॒ पृक्षः॑ ।
 पी॒पि॒हीषः॑ सु॒दुघा॑मिन्द्र धे॒नुं भर॑द्वा॒जेषु॑ सु॒रुचौ॑ रु॒रुच्याः ४
 तमा॑ नूनं वृ॒जन॑मन्यथा चि॒च्छू॒रो यच्छ॑क्र॒ वि दुरौ॑ गृणी॒षे ।
 मा नि॑र॒रं शुक्र॑दु॒र्घस्य॑ धे॒नो रा॑ङ्गि॒रसान् ब्रह्म॑णा विप्र॒ जिन्व ५

(११५) पञ्चदशोत्तरशततमं सूक्तम्

(१-५) पञ्चर्चस्यास्य सूक्तस्य भारद्वाजो नर ऋषिः । इन्द्रो देवता । त्रिष्टुप् छन्दः
 स॒त्रा म॒दा॒सस्त॑र्व वि॒श्वज॑न्याः स॒त्रा रा॒योऽध॑ ये पा॒र्थि॒वासः॑ ।
 स॒त्रा वा॒जा॒नाम॑भवो विभ॒क्ता यद् दे॒वेषु॑ धा॒रय॑था अ॒सुर्य॑म् १
 अ॒नु प्र॑ ये॒जे ज॒न् ओजो॑ अस्य स॒त्रा द॑धिरे॒ अनु वी॑र्याय ।
 स्यु॒म॒गृभे॑ दु॒धये॑ऽर्वते च॒ क्रतुं॑ वृ॒ज्जन्त्य॑पि वृ॒त्रह॑त्यै २
 तं स॒ध्रीची॑रू॒तयो॑ वृ॒ष्ण्यानि॑ पौ॒स्यानि॑ नि॒युतः॑ सश्चुरिन्द्र॑म् ।
 स॒मु॒द्रं न॑ सि॒न्ध्व उ॒क्थशु॑ष्मा उ॒रुव्य॑च॒सं गि॒र आ॑ वि॒शन्ति॑ ३
 स रा॒यस्वामु॑प॒ सृजा॑ गृ॒णानः॑ पु॒रुश्चन्द्र॑स्य त्वमिन्द्र॒ वस्वः॑ ।
 प॒तिर्ब॑भू॒थास॑मो जना॒ना मे॒को वि॒श्वस्य॑ भु॒व॒नस्य॑ राजा ४
 स तु श्रे॒धि श्रु॒त्या यो दु॑वो॒यु द्यौर्न॑ भूमा॒भि रा॒यो अ॒र्यः॑ ।
 अ॒सो यथा॑ नः श॒र्वसा॑ चका॒नो यु॒गेयु॑गे व॒र्यसा॑ चेकि॒तानः॑ ५

(११६) षोडशोत्तरशततमं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।
 त्रिष्टुप् छन्दः

अ॒र्वाग्र॑थं वि॒श्ववा॑रं त उ॒ग्रेन्द्र॑ यु॒क्तासो॑ ह॒रयो॑ वहन्तु ।
 की॒रिश्चि॑द्धि॒ त्वा ह॑वते॒ स्व॒र्वानृ॑धीमहि॒ सध॑माद॒स्ते अ॒द्य १
 प्रो द्रो॒णे ह॑र॒युः क॑र्मा॒ग्मन् पु॒ना॒नास॑ ऋ॒ज्यन्तो॑ अभूवन् ।

इन्द्रो नो अस्य पूर्व्यः पपीयाद् द्युतो मदस्य सोम्यस्य राजा २
 आसस्त्राणासः शवसानमच्छेन्द्रं सुचक्रे रथ्यासो अश्वः ।
 अभि श्रव ऋज्यन्तो वहेयुर्नू चिन्नु वायोरमृतं वि दस्येत् ३
 वरिष्ठो अस्य दक्षिणामियुतीन्द्रो मघोना तुविकूर्मितमः ।
 यया वज्रिवः परियास्यंहौ मघा च धृष्णो दयसे वि सूरीन् ४
 इन्द्रो वाजस्य स्थविरस्य दाते द्रौ गीर्भिर्वर्धतां वृद्धर्महाः ।
 इन्द्रो वृत्रं हनिष्ठो अस्तु सत्वाऽऽ ता सूरिः पृणति तूतुजानः ५

(११७) सप्तदशोत्तरशततमं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

अपादित उदु नश्चित्रतमो महीं भर्षद् द्युमतीमिन्द्रहृतिम् ।
 पन्यसीं धीतिं दैव्यस्य याम् जनस्य रातिं वनते सुदानुः १
 दूराञ्चिदा वसतो अस्य कर्णा घोषादिन्द्रस्य तन्यति बुवाणः ।
 एयमेनं देवहृतिर्ववृत्वा न्मद्रयश्गिन्द्रमियमृच्यमाना २
 तं वो धिया परमया पुराजा मजरमिन्द्रमभ्यनूष्यकैः ।
 ब्रह्मा च गिरौ दधिरे समस्मिन् महाँश्च स्तोमो अधि वर्धदिन्द्रे ३
 वर्धाद् यं यज्ञ उत सोम इन्द्रं वर्धाद् ब्रह्म गिरं उक्था च मन्म ।
 वर्धाहैनमुषसो यामन्नक्तो वर्धान् मासाः शरदो द्याव इन्द्रम् ४
 एवा जज्ञानं सहसे असामि वावृधानं राधसे च श्रुताय ।
 महामुग्रमवसे विप्र नून मा विवासेम वृत्रतूर्येषु ५

(११८) अष्टादशोत्तरशततमं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

मन्द्रस्य कवेर्दिव्यस्य वहे विप्रमन्मनो वचनस्य मध्वः ।
 अपा नस्तस्य सचनस्य देवे षो युवस्व गृणते गोअग्राः १
 अयमुशानः पर्यद्रिमुस्त्रा ऋतधीतिभिर्ऋतयुग्युजानः ।
 रुजदरुगुणं वि वलस्य सानुं पणीर्वचौभिरभि यौधदिन्द्रः २

अयं द्यौतयद्द्युतो व्यश्क्तून् दोषा वस्तौः शरद् इन्दुरिन्द्र ।
 इमं केतुमदधुनू चिदह्नां शुचिजन्मन उषसश्चकार ३
 अयं रौचयदरुचौ रुचानोऽयं वासयद् व्यश्तेन पूर्वीः ।
 अयमीयत ऋतयुग्भिरश्वैः स्वर्विदा नाभिना चर्षणिप्राः ४
 नू गृणानो गृणते प्रब राजन्निषः पिन्व वसुदेयाय पूर्वीः ।
 अप ओषधीरविषा वनानि गा अर्वतो नृनृचसै रिरिहि ५

(११६) एकोनविंशत्युत्तरशततमं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

इन्द्र पिब तुभ्यं सुतो मदायाऽव स्य हरी वि मुचा सखाया ।
 उत प्र गाय गृण आ निषद्याऽथा यज्ञाय गृणते वयो धाः १
 अस्य पिब यस्य जज्ञान इन्द्र मदाय क्रत्वे अपिबो विरप्शिन् ।
 तमु ते गावो नर आपो अद्रि रिन्दुं समह्यन् पीतये समस्मै २
 समिद्धे अग्नौ सुत इन्द्र सोम आ त्वा वहन्तु हरयो वहिष्ठाः ।
 त्वायता मनसा जोहवीमीन्द्रा याहि सुविताय महे नः ३
 आ याहि शश्वदुशता ययाथेन्द्र महा मनसा सोमपेयम् ।
 उप ब्रह्माणि शृणव इमा नोऽथा ते यज्ञस्तन्वेऽवयो धात् ४
 यदिन्द्र दिवि पार्ये यदृध ग्यद् वा स्वे सदेने यत्र वासि ।
 अतो नो यज्ञमवसे नियुत्वान् त्सजोषाः पाहि गिर्वणो मरुद्भिः ५

(१२०) विंशत्युत्तरशततमं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।

त्रिष्टुप् छन्दः

अहेळमान उप याहि यज्ञं तुभ्यं पवन्त इन्द्रवः सुतासः ।
 गावो न वज्रिन् त्वमोको अच्छेन्द्रा गहि प्रथमो यज्ञियानाम् १
 या तै काकुत् सुकृता या वरिष्ठा यया शश्वत् पिबसि मध्व ऊर्मिम् ।
 तथा पाहि प्र तै अध्वर्युरस्थात् सं ते वज्रौ वर्ततामिन्द्र गव्युः २
 एष द्रुप्सो वृषभो विश्वरूप इन्द्राय वृष्णे समकारि सोमः ।
 एतं पिब हरिवः स्थातरुग्न यस्येशिषे प्रदिवि यस्ते अन्नम् ३

सुतः सोमो असुतादिन्द्र वस्या नयं श्रेयाञ्चिकितुषे रणाय ।
 एतं तितित्वं उप याहि यज्ञं तेन विश्वास्तविषीरा पृणस्व ४
 ह्यामसि त्वेन्द्र याह्यर्वा डरं ते सोमस्तन्वै भवाति ।
 शतक्रतो मादयस्वा सुतेषु प्रास्माँ अव पृतनासु प्र विक्षु ५

(१२१) एकविंशत्युत्तरशततमं सूक्तम्

(१-४) चतुर्ऋचस्यास्य सूक्तस्य बार्हस्पत्यो भरद्वाज ऋषिः । इन्द्रो देवता । (१-
 ३) प्रथमादितृचस्यानुष्टुप्, (४) चतुर्थ्या ऋचश्च बृहती छन्दसी
 प्रत्यस्मै पिपीषते विश्वानि विदुषे भर ।
 अरंगमाय जग्मये ऽपश्चादध्वने नरे १
 एमैनं प्रत्येतनु सोमैभिः सोमपातमम् ।
 अमत्रेभिर्ऋजीषिण मिन्द्रं सुतेभिरिन्दुभिः २
 यदी सुतेभिरिन्दुभिः सोमैभिः प्रतिभूषथ ।
 वेदा विश्वस्य मेधिरो धृषत् तन्मिदेषते ३
 अस्माअस्मा इदध्वसो ऽध्वर्यो प्र भरा सुतम् ।
 कुवित् समस्य जेन्यस्य शर्धतो ऽभिर्शस्तेरवस्परत् ४

(१२२) द्वाविंशत्युत्तरशततमं सूक्तम्

(१-४) चतुर्ऋचस्यास्य सूक्तस्य बार्हस्पत्यो भरद्वाज ऋषिः । इन्द्रो देवता ।
 उष्णिक् छन्दः

यस्य त्यच्छम्बरं मदे दिवौदासाय रन्धयः ।
 अयं स सोम इन्द्र ते सुतः पिब १
 यस्य तीव्रसुतं मदं मध्यमन्तं च रक्षसे ।
 अयं स सोम इन्द्र ते सुतः पिब २
 यस्य गा अन्तरश्मनो मदै दृळ्हा अवासृजः ।
 अयं स सोम इन्द्र ते सुतः पिब ३
 यस्य मन्दानो अन्धसो माघोनं दधिषे शवः ।
 अयं स सोम इन्द्र ते सुतः पिब ४

(१२३) त्रयोविंशत्युत्तरशततमं सूक्तम्

(१-२४) चतुर्विंशत्युचस्यास्य सूक्तस्य बार्हस्पत्यः शंयुर्ऋषिः । इन्द्रो देवता ।

(१-६) प्रथमादितृचद्वयस्यानुष्टुप्, (७, ६-२४) सप्तम्या नवम्यादिषोडशर्चाञ्च
त्रिष्टुप्, (८) अष्टम्याश्च विराट् छन्दांसि

यो रयिवो रयि॒तमो॒ यो द्यु॒मैर्द्यु॒म्वत्तमः॑ ।

सोमः॑ सु॒तः स इन्द्र॑ ते ऽस्ति॑ स्वधाप॒ते म॒दः १

यः श॒ग्मस्तु॑विश॒ग्म ते रा॒यो दा॒मा म॑ती॒नाम् ।

सोमः॑ सु॒तः स इन्द्र॑ ते ऽस्ति॑ स्वधाप॒ते म॒दः २

येन॑ वृ॒द्धो न शर्व॑सा तुरो न स्वाभि॒रूति॑भिः ।

सोमः॑ सु॒तः स इन्द्र॑ ते ऽस्ति॑ स्वधाप॒ते म॒दः ३

त्यमु॑ वो अ॒प्रह॑णं गृणी॒षे शर्व॑स॒स्पति॑म् ।

इन्द्र॑ वि॒श्वासा॑हं नरं म॒हिष्ठं॑ वि॒श्वच॑र्षणिम् ४

यं व॒र्धय॑न्तीद् गिरः॒ पति॑ तुर॒स्य रा॑र्ध॒सः ।

तमि॒न्वस्य॑ रोद॒सी दे॒वी शु॒ष्म स॑पर्य॒तः ५

तद् व॑ उ॒क्थस्य॑ ब॒र्हणे॑ न्द्रा॒योप॑स्तृणी॒षणि॑ ।

वि॒पो न य॑स्यो॒तयो॒ वि यद् रो॑ह॒न्ति स॒क्षितः॑ ६

अवि॑दुद् द॒क्षं मि॒त्रो नवी॑यान् प॒पानो॑ दे॒वेभ्यो॑ व॒स्यो अ॒चैत् ।

स॒स॒वान् त॒स्तौला॑भि॒धौतरी॑भि॒रुरु॑ष्या पा॒युर॑भ॒वत् स॒खिभ्यः॑ ७

ऋ॒तस्य॑ पु॒थि वे॒धा अ॒पायि॑ श्रि॒ये मना॑सि दे॒वासो॑ अ॒क्रन् ।

द॒धानो॑ नाम॒ मुहो॑ वचो॒भिर्वपु॑र्दृ॒शये॑ वे॒न्यो व्या॑वः ८

द्यु॒मत्त॑मं द॒क्षं धे॒ह्यस्मे॑ से॒धा ज॒नानां॑ पू॒र्वीर॑रातीः ।

व॒र्षीयो॑ व॒यः कृ॒णुहि॑ श॒चीभि॑र्ध॒नस्य॑ सा॒ताव॒स्माँ अ॒वि॒ष्टि ९

इन्द्र॑ तुभ्य॒मिन्म॑घव॒न्नभूम॑ व॒यं दा॒त्रे ह॑रि॒वो मा॒ वि वै॑नः ।

नकि॑रा॒पिर्द॑दृ॒शे म॒र्त्यत्रा॑ कि॒मु॒ङ्ग र॑ध्र॒चोद॑नं त्वाहुः १०

मा ज॑स्व॒ने वृ॑षभ नो ररी॒था मा तै॑ रे॒वतः॑ स॒ख्ये रि॑षाम ।

पू॒र्वीष्टे॑ इन्द्र॑ नि॒षिधो॑ जने॒षु ज॒ह्यसु॑ष्वीन् प्र वृ॒हापृ॑णतः ११

उद॑भ्राणी॒व स्त॒नय॑न्निय॒तीन्द्रो॑ रा॒धांस्य॑श्च॒यानि॑ ग॒व्या ।

त्वम॑सि प्र॒दि॒वः का॒रुधा॑या॒ मा त्वा॑दा॒मान् आ द॑भन् मु॒घोनः॑ १२

अ॒ध्व॒र्यो वी॒र प्र॑ मु॒हे सु॒ताना॑ मि॒न्द्राय॑ भर॒ स ह्य॑स्य॒ राजा॑ ।

यः पू॒र्व्याभि॑रु॒त नू॒तना॑ भि॒र्गीर्भि॑र्वावृ॒धे गृ॑ण॒तामृ॑षी॒णाम् १३

अस्य मदै पुरु वर्षासि विद्वा निन्द्रो वृत्रायप्रती जघान ।
 तमु प्र हौषि मधुमन्तमस्मै सोमं वीराय शिप्रिणे पिबध्ये १४
 पाता सुतमिन्द्रो अस्तु सोमं हन्ता वृत्रं वज्रेण मन्दसानः ।
 गन्ता यज्ञं परावतश्चिदच्छा वसुर्धीनामविता कारुधायाः १५
 इदं त्यत् पात्रमिन्द्रपान मिन्द्रस्य प्रियममृतमपायि ।
 मत्सद् यथा सौमनसाय देवं व्यश्मद् द्वेषो युयवद् व्यंहः १६
 एना मन्दानो जहि शूर शत्रू आमिमजामिं मघवन्नमित्रान् ।
 अभिषेणां अभ्याश्देदिशानान् पराच इन्द्र प्र मृणा जही च १७
 आसु ष्मा णो मघवन्निन्द्र पृ त्स्वश्मभ्यं महि वरिवः सुगं कः ।
 अपां तोकस्य तनयस्य जेष इन्द्र सूरिन् कृणुहि स्मा नो अर्धम् १८
 आ त्वा हरयो वृषणो युजाना वृषरथासो वृषरश्मयोऽत्याः ।
 अस्मत्राञ्चो वृषणो वज्रवाहो वृष्णे मदाय सुयुजो वहन्तु १९
 आ तै वृषन् वृषणो द्रोणमस्थु र्धृतप्रुषो नोर्मयो मदन्तः ।
 इन्द्र प्र तुभ्यं वृषभिः सुतानां वृष्णै भरन्ति वृषभाय सोमम् २०
 वृषासि दिवो वृषभः पृथिव्या वृषा सिन्धूनां वृषभः स्तिर्यानाम् ।
 वृष्णै त इन्दुर्वृषभ पीपाय स्वादू रसो मधुपेयो वराय २१
 अयं देवः सहसा जायमान इन्द्रेण युजा पुणिमस्तभायत् ।
 अयं स्वस्य पितुरायुधानी न्दुरमुष्णादशिवस्य मायाः २२
 अयमकृणोदुषसः सुपती रयं सूर्ये अदधाज्ज्योतिरन्तः ।
 अयं त्रिधातु दिवि रौचनेषु त्रितेषु विन्ददमृतं निगूळहम् २३
 अयं द्यावापृथिवी वि ष्कभाय दयं रथमयुनक् सप्तरश्मिम् ।
 अयं गोषु शच्या पक्वमन्तः सोमो दाधार दशयन्त्रमुत्सम् २४

(१२४) चतुर्विंशत्युत्तरशततमं सूक्तम्

(१-३३) त्रयस्त्रिंशदृचस्यास्य सूक्तस्य बार्हस्पत्यः शंयुर्ऋषिः । (१-३०)

प्रथमादित्रिंशदृचामिन्द्रः, (३१-३३) एकत्रिंश्यादितृचस्य च बृबुस्तद्वादेवते ।

(१-२८, ३०-३२) प्रथमाद्यष्टाविंशत्यृचां त्रिंश्यादितृचस्य च गायत्री, (२९)

एकोनत्रिंश्या अतिनिचृत्, (३३) त्रयस्त्रिंश्याश्चानुष्टुप् छन्दांसि

य आनयत् परावतः सुनीती तुर्वशं यदुम् । इन्द्रः स नो युवा सखा १

अविप्रे चिद् वयो दध दनाशुना चिदवता । इन्द्रो जेता हितं धनम् २

म॒हीर॑स्य प्र॒णीत॑यः पूर्वीरु॒त प्र॑शस्तयः । नास्य॑ क्षीयन्त ऊ॒तयः ३
 सखा॑यो ब्रह्म॑वाह॒से ऽर्च॑तु प्र च॑ गायत । स हि नुः प्र॑म॒तिर्म॒ही ४
 त्वमे॑कस्य वृ॒त्रह॑न्नवि॒ता द्वयो॑रसि । उ॒तेदृ॑शे यथा॑ व॒यम् ५
 नय॑सीद्व॒ति द्वि॑षः कृ॒णोष्य॑कथ॒शंसि॑नः । नृ॒भिः सु॒वीर॑ उच्यसे ६
 ब्र॒ह्माणं॑ ब्रह्म॑वाह॒सं गी॑र्भिः सखा॑यमृ॒ग्मि॒र्यम् । गां न दो॑हसे हुवे ७
 यस्य॑ वि॒श्वानि॑ हस्त॒यो रू॒चुर्व॑सू॒नि नि॑ द्वि॒ता । वी॒रस्य॑ पृ॒तना॑षहः ८
 वि दृ॒ळहा॑नि चिद॒द्रि॒वो जना॑नां शची॒पते॑ । वृ॒ह मा॒या अ॒नान॑त ९
 तमु॑ त्वा सत्य सोम॒पा इन्द्र॑ वा॒जानां॑ पते । अ॒हम॑हि श्रव॒स्यवः॑ १०
 तमु॑ त्वा यः पु॒रासि॑थ यो वा॑ नूनं हि॒ते ध॑नै । ह॒व्यः स श्रु॑धी हव॒म् ११
 धी॒भिर॑र्व॒द्भिर॑र्वतो वा॒जाँ इन्द्र॑ श्र॒वाय्या॑न् । त्वया॑ जेष्म हि॒तं ध॑नम् १२
 अभू॑रु वी॒र गि॑र्व॒णो म॒हाँ इन्द्र॑ धनै॒ हि॒ते । भरे॑ वित॒न्तसा॒य्यः १३
 या त॑ ऊ॒तिर॑मि॒त्रह॑न् मु॒क्षूज॑वस्त॒मास॑ति । तया॑ नो हि॒नुही॑ रथम् १४
 स रथे॑न र॒थीत॑मो ऽस्मा॑केनाभियु॒ग्व॑ना । जेषि॑ जि॒ष्णो हि॒तं ध॑नम् १५
 य एक॑ इत् तमु॑ ष्ट॒हि कृ॑ष्टी॒नां वि॑च॒र्षणिः॑ । पति॑र्ज॒ज्ञे वृ॑ष॒क्रतुः॑ १६
 यो गृ॑ण॒तामि॑दासि॒था ऽऽपि॑रू॒ती शि॒वः सखा॑ । स त्वं न॑ इन्द्र मृ॒ळय॑ १७
 धि॒ष्व वज्रं॑ ग॒र्भस्त्यो॑ र॒क्षोह॑त्याय वज्रि॒वः । सा॒सही॑ष्ठा अ॒भि स्पृ॑धः १८
 प्र॒त्नं र॑यी॒णां यु॒जं सखा॑यं की॒रिचो॑दनम् । ब्रह्म॑वाहस्त॒मं हु॒वे १९
 स हि वि॒श्वानि॑ पा॒र्थि॒वाँ ए॒को व॑सू॒नि प॑त्यते । गि॒र्व॒णस्त॑मो अ॒धिगुः॑ २०
 स नो॑ नि॒युद्भि॑रा पू॒ण का॒मं वा॒जैभिर॑श्चि॒भिः । गो॒म॒द्भिर्गो॑पते धृष॒त् २१
 तद् वो॑ गाय सु॒ते सचा॑ पुरु॒हूता॒य स॑त्त्वेन । शं यद् ग॒वे न शा॑किनै २२
 न घा॑ वसु॒र्नि ये॑मते दानं वा॒जस्य॑ गो॒मतः॑ । यत् सी॒मुप॑ श्रव॒द् गि॑रः २३
 कु॒वित्स॑स्य प्र हि वृ॒जं गो॑म॒न्तं द॑स्युहा ग॒मतः॑ । शची॑भिर॒प नो॑ वरत् २४
 इ॒मा उ॑ त्वा शत॒क्रतो॑ ऽभि प्र शौ॒नुवु॑र्गि॒रः । इन्द्र॑ वृ॒त्सं न मा॑तरः २५
 दू॒णाशं॑ स॒ख्यं तव॑ गौ॒रसि॑ वी॒र ग॑व्यते । अ॒श्वौ अ॒श्वायु॑ते भव २६
 स म॑न्दस्वा ह्य॒न्धसो॑ रा॒धसे॑ त॒न्वा म॑हे । न स्तो॒तारं॑ नि॒दे क॑रः २७
 इ॒मा उ॑ त्वा सु॒तेसु॑ते नक्ष॒न्ते गि॑र्व॒णो गि॑रः । वृ॒त्सं गा॒वो न धे॑नवः २८
 पु॒रू॒तमं॑ पु॒रू॒णां स्तो॑त॒णां वि॒वाचि॑ । वा॒जैभि॑र्वा॒जय॑ताम् २९
 अ॒स्माक॑मिन्द्र भूतु ते॒ स्तो॑मो वाहि॒ष्ठो अ॒न्तमः॑ । अ॒स्मान् रा॒ये म॑हे हि॒नु ३०
 अ॒धि बृ॑बुः प॒णी॒नां व॑र्षि॒ष्ठे मूर्ध॑न्न॒स्थात् । उ॒रुः क॒क्षो न गा॑ङ्ग॒यः ३१
 यस्य॑ वा॒यो रिव॑ द्रव॒द् भ॒द्रा रा॑तिः स॒हस्त्रि॑णी । स॒द्यो दा॑नाय॒ मंह॑ते ३२

तत् सु नो विश्वे अर्य आ सदा गृणन्ति कारवः ।
बृबुं सहस्रदातमं सूरिं सहस्रसातमम् ३३

(१२५) पञ्चविंशत्युत्तरशततमं सूक्तम्

(१-१४) चतुर्दशर्चस्यास्य सूक्तस्य बार्हस्पत्यः शंयुर्ऋषिः । इन्द्रो देवता ।

प्रगाथः (विषमर्चा बृहती, समर्चा सतोबृहती) छन्दः

त्वामिद्धि हवामहे साता वाजस्य कारवः ।
त्वां वृत्रेष्विन्द्र सत्पतिं नरस्त्वां काष्ठास्वर्वतः १
स त्वं नश्चित्र वज्रहस्त धृष्णुया महः स्तवानो अद्रिवः ।
गामश्वं रथ्यमिन्द्र सं किर सत्रा वाजं न जिग्युषे २
यः सत्राहा विचर्षणि रिन्द्रं तं हूमहे वयम् ।
सहस्रमुष्क तुर्विन्मृण सत्पते भवा समत्सु नो वृधे ३
बाधसे जनान् वृषभेव मन्युना घृषौ मीळह ऋचीषम ।
अस्माकं बोध्यविता महाधने तनूष्वप्सु सूर्ये ४
इन्द्र ज्येष्ठं न आ भरं ओजिष्ठं पपुरि श्रवः ।
येनेमे चित्र वज्रहस्त रोदसी ओभे सुशिप्र प्राः ५
त्वामुग्रमवसे चर्षणीसहं राजन् देवेषु हूमहे ।
विश्वा सु नो विथुरा पिबुना वसो ऽमित्रान् त्सुषहान् कृधि ६
यदिन्द्र नाहुषीष्वाँ ओजौ नृमणं च कृष्टिषु ।
यद् वा पञ्च क्षितीनां द्युममा भर सत्रा विश्वानि पौस्या ७
यद् वा तृक्षौ मघवन् द्रुह्यावा जने यत् पूरौ कञ्च वृषायम् ।
अस्मभ्यं तद् रिरीहि सं नृषाह्ये ऽमित्रान् पृत्सु तुर्वणै ८
इन्द्र त्रिधातु शरणं त्रिवरूथं स्वस्तिमत् ।
छर्दिर्यच्छ मघवद्भ्यश्च मह्यं च यावया दिद्युमैभ्यः ९
ये गव्यता मनसा शत्रुमादभु रभिप्रघ्नन्ति धृष्णुया ।
अर्धं स्मा नो मघवन्निन्द्र गिर्वणस्तनूपा अन्तमो भव १०
अर्धं स्मा नो वृधे भवेन्द्र नायमवा युधि ।
यदन्तरिक्षे पतयन्ति पर्णिनो दिद्यवस्तिग्ममूर्धानः ११
यत्र शूरासस्तन्वो वितन्वते प्रिया शर्म पितृणाम् ।

अ॒र्धं स्मा॑ यच्छ॒ तन्वे॑ तने॒ च छ॒र्दि र॒चित्त॑ या॒वय॑ द्वे॒षः १२
यदि॒न्द्र स॒र्गे अ॒र्वत॑ श्चो॒दया॑से महा॒धने॑ ।
अ॒स॒म॒ने अ॒र्ध्वनि॑ वृ॒जिने॑ प॒थि श्ये॒नाँ इ॒व श्रव॑स्य॒तः १३
सिन्धू॒रिव॑ प्रव॒ण आ॑शया॒ युतो॑ यदि॒ क्लो॑श॒मनु॑ ष्व॒णि ।
आ॒ ये व॒यो न॒ वर्व॑त॒त्यामि॑षि गृ॒भीता॑ बा॒होर्ग॑वि १४

(१२६) षड्विंशत्युत्तरशततमं सूक्तम्

(१-३१) एकत्रिंशद्वचस्यास्य सूक्तस्य भारद्वाजो गर्ग ऋषिः । (१-५)
प्रथमादिपञ्चर्चा सोमः, (६-१६, २१) षष्ठ्यादिचतुर्दशानामेकविंश्याश्चेन्द्रः, (२०)
विंश्याः प्रथमपादस्य देवाः, द्वितीयपादस्य भूमिः, तृतीयपादस्य बृहस्पतिः,
चतुर्थपादस्य चेन्द्रः, (२२-२५) द्वाविंश्यादिचतसृणां सार्जयस्य प्रस्तोकस्य
दानस्तुतिः, (२६-२८) षड्विंश्यादितृचस्य रथः, (२९-३१)
एकोनत्रिंश्यादितृचस्य दुन्दुभिः, (३१) एकत्रिंश्या उत्तरार्धस्य च इन्द्रो देवताः ।
(१-१८, २०-२२, २६, २८-३१) प्रथमाद्यष्टादशर्चा विंश्यादितृचस्य षड्विंश्या
अष्टाविंश्यादिचतसृणाञ्च त्रिष्टुप्, (१६) एकोनविंश्या बृहती, (२३) त्रयोविंश्या
अनुष्टुप्, (२४) चतुर्विंश्या गायत्री, (२५) पञ्चविंश्या द्विपदा त्रिष्टुप्, (२७)

सप्तविंश्याश्च जगती छन्दांसि

स्वा॒दुष्किला॑यं म॒धुमाँ॑ उ॒तायं॑ ती॒व्रः॑ कि॒लायं॑ रस॒वाँ उ॒ताय॑म् ।
उ॒तो न्व॑स्य॒ प॒पिवाँ॑स॒मिन्द्रं॑ न कश्चन॒ सह॑त आ॒हुवे॑षु १
अ॒यं स्वा॒दुरि॑ह म॒दिष्ठ॑ आ॒स॒ यस्ये॒न्द्रौ वृ॒त्रह॑त्यै म॒माद॑ ।
पु॒रूणि॑ यश्च॒यौत्ता॑ श॒म्बर॑स्य॒ वि न॑वृ॒तिं न॑व॒ च दे॒ह्यो॑ ह॒न् २
अ॒यं मे॑ पी॒त उ॒दिय॑र्ति॒ वाच॑ म॒यं म॑नी॒षामु॑श॒तीम॑जी॒गः ।
अ॒यं ष॒ळ्वीर॑मिमी॒त॒ धीरो॑ न या॒भ्यो भु॑र्व॒नं क॑ञ्च॒नारै॑ ३
अ॒यं स॒ यो व॑रि॒माणं॑ पृ॒थिव्या॑ व॒ष्माणं॑ दि॒वो अ॑कृ॒णोद॑यं सः ।
अ॒यं पी॒यूषं॑ ति॒सृषु॑ प्र॒वत्सु॑ सोमो॒ दाधा॑रोर्व॒न्तरि॑क्षम् ४
अ॒यं वि॑द॒च्चित्र॑दृ॒शीक॑म॒र्णः॒ शक्र॑स॒घना॑मु॒षसा॑मनी॒के ।
अ॒यं मु॒हान् म॑ह॒ता स्क॑र्भ॒ने नो॑द् द्याम॒स्तभ्ना॑द् वृ॒षभो॑ म॒रुत्वा॑न् ५
धृ॒षत् पि॑ब॒ कल॑शे सोम॒मिन्द्र॑ वृ॒त्रहा॑ शूर॒ सम॑रे व॒सूना॑म् ।
मा॒ध्य॒न्दिने॑ स॒र्वन् आ॑ वृ॒षस्व॑ रयि॒स्थानो॑ रयि॒मुस्मा॑सु॒ धेहि॑ ६
इ॒न्द्र प्र॑ र्णः पु॒रए॑ते॒व प॑श्य॒ प्र नो॑ नय॒ प्रत॑रं व॒स्यो अ॑च्छ ।
भवा॑ सु॒पा॒रो अ॒तिपा॑र॒यो नो॒ भवा॑ सुनी॒तिरु॑त॒ वाम॑नी॒तिः ७

उरुं नो लोकमनु नेषि विद्वान् त्वर्वज्रयोतिरभयं स्वस्ति ।
 ऋष्वा त इन्द्र स्थविरस्य बाहू उप स्थेयाम शरणा बृहन्ता ८
 वरिष्ठे न इन्द्र बन्धुरे धा वहिष्ठयोः शतावन्नश्चयोरा ।
 इषमा वक्षीषां वर्षिष्ठां मा नस्तारीन्मघवन् रायौ अर्यः ९
 इन्द्र मृळ मह्य जीवातुमिच्छ चोदय धियमयसो न धाराम् ।
 यत् किं चाहं त्वायुरिदं वदामि तज्जुषस्व कृधि मा देवर्वन्तम् १०
 त्रातारमिन्द्रमवितारमिन्द्रं हवैहवे सुहवं शूरमिन्द्रम् ।
 हवामि शक्रं पुरुहूतमिन्द्रं स्वस्ति नो मघवा धात्विन्द्रः ११
 इन्द्रः सुत्रामा स्ववाँ अवौभिः सुमृळीको भवतु विश्ववैदाः ।
 बाधतां द्वेषो अभयं कृणोतु सुवीर्यस्य पतयः स्याम १२
 तस्य वयं सुमतौ यज्ञियस्याऽपि भद्रे सौमनसे स्याम ।
 स सुत्रामा स्ववाँ इन्द्रो अस्मे आराद्धिद् द्वेषः सनुतर्युयोतु १३
 अव त्वे इन्द्र प्रवतो नोर्मि गिरो ब्रह्माणि नियुतो धवन्ते ।
 उरू न राधः सर्वना पुरुष्यपो गा वज्रिन् युवसे समिन्दून् १४
 क ई स्तवत् कः पूणात् को यजाते यदुग्रमिन्मघवा विश्वहावैत् ।
 पादाविव प्रहरन्नन्यमन्यं कृणोति पूर्वमपरं शचीभिः १५
 शृगवे वीर उग्रमुग्रं दमाय न्नन्यमन्यमतिनेनीयमानः ।
 एधमानद्विळभयस्य राजा चोष्कूयते विश इन्द्रो मनुष्यान् १६
 परा पूर्वेषां सख्या वृणक्ति वितर्तुराणो अपरेभिरेति ।
 अनानुभूतीरवधून्वानः पूर्वोरिन्द्रः शरदस्तर्तरीति १७
 रूपंरूपं प्रतिरूपो बभूव तदस्य रूपं प्रतिचक्ष्णाय ।
 इन्द्रो मायाभिः पुरुरूप ईयते युक्ता ह्यस्य हरयः शता दश १८
 युजानो हरिता रथे भूरि त्वष्टेह राजति ।
 को विश्वाहा द्विषतः पक्ष आसत उतासीनेषु सूरिषु १९
 अगव्यूति क्षेत्रमार्गन्म देवा उर्वी सती भूमिरंहूरणाभूत् ।
 बृहस्पते प्र चिकित्सा गविष्ठा वित्था सते जरित्र इन्द्र पन्थाम् २०
 दिवेदिवे सदृशीरन्यमर्धं कृष्णा असेधदप सद्यनो जाः ।
 अहन् दासा वृषभो वस्त्रयन्तो दव्रजे वर्चिनं शम्बरं च २१
 प्रस्तोक इन्नु राधसस्त इन्द्र दश कोशयीर्दश वाजिनोऽदात् ।
 दिवौदासादतिथिग्वस्य राधः शाम्बरं वसु प्रत्यग्रभीष्म २२

दशाश्चान् दश कोशान् दश वस्त्राधिभोजना ।
 दशौ हिरण्यपिण्डान् दिवौदासादसानिषम् २३
 दश रथान् प्रष्टिमतः शतं गा अर्थर्वभ्यः ।
 अश्वथः पायवैऽदात् २४
 महि राधौ विश्वजन्यं दधानान् भरद्वाजान् त्सार्जुनयो अभ्ययष्ट २५
 वनस्पते वीड्वङ्गो हि भूया अस्मत्सखा प्रतरणः सुवीरः ।
 गोभिः सन्नद्धो असि वीळ्यस्वाऽऽस्थाता तै जयतु जेत्वानि २६
 दिवस्पृथिव्याः पर्योज उद्धतं वनस्पतिभ्यः पर्याभृतं सहः ।
 अपामोज्मानं परि गोभिरावृतं मिन्द्रस्य वज्रं हविषा रथं यज २७
 इन्द्रस्य वज्रौ मरुतामनीकं मित्रस्य गर्भो वरुणस्य नाभिः ।
 सेमां नो हव्यदातिं जुषाणो देव रथं प्रति हव्या गृभाय २८
 उपे श्वासय पृथिवीमुत द्यां पुरुत्रा तै मनुतां विष्टितं जगत् ।
 स दुन्दुभे सजूरिन्द्रेण देवैर्दूराद् दवीयो अपे सेध शत्रून् २९
 आ क्रन्दय बलमोजौ न आ धा निः ष्टनिहि दुरिता बाधमानः ।
 अपे प्रोथ दुन्दुभे दुच्छुना इत इन्द्रस्य मुष्टिरसि वीळ्यस्व ३०
 आमूरज प्रत्यावर्तयेमाः केतुमद् दुन्दुभिर्वावदीति ।
 समश्वपर्णाश्चरन्ति नो नरोऽस्माकमिन्द्र रथिनो जयन्तु ३१

अथाष्टमोऽध्यायः

व० १।३२

(१२७) सप्तविंशत्युत्तरशततमं सूक्तम्

(१-२२) द्वाविंशत्युचस्यास्य सूक्तस्य बार्हस्पत्यः शंयुर्ऋषिः । (१-१०)
 प्रथमादिदशर्चामग्निः, (११-१५, २०-२१) एकादश्यादिपञ्चानां विंश्येकविंश्योश्च
 मरुतः ((१३-१५) त्रयोदश्यादितृचस्य लिङ्गोक्ता वा), (१३-१६)
 षोडश्यादिचतसृणां पूषा, (२२) द्वाविंश्याश्च द्यावाभूमी वा पृथिवी देवताः ।
 (१-१२) प्रथमादिद्वादशर्चा प्रगाथः ((१, ३, ५, ६) प्रथमातृतीयापञ्चमीनवमीनां
 बृहती, (२, ४, १०, १२) द्वितीयाचतुर्थीदशमीद्वादशीनां सतोबृहती, (६, ८)
 षष्ठ्यष्टम्योर्महासतोबृहती, (७) सप्तम्या महाबृहती, (११) एकादश्याश्च ककुप्,
 (१३, १८) त्रयोदश्यष्टादश्योः पुर उष्णिक्, (१४, १६-२०)
 चतुर्दश्येकोनविंशीविंशीनां बृहती, (१५) पञ्चदश्या अतिजगती, (१६) षोडश्याः
 ककुप्, (१७) सप्तदश्याः सतोबृहती, (२१) एकविंश्या यवमध्या महाबृहती,

(२२) द्वाविंश्याश्चानुष्टुप् छन्दांसि

यज्ञायज्ञा वो अग्रयै गिरागिरा च दक्षसे ।
 प्रप्र वयममृतं जातवैदसं प्रियं मित्रं न शसिषम् १
 ऊर्जो नपातुं स हिनायमस्मयुर्दाशेम हव्यदातये ।
 भुवद् वाजैष्वविता भुवद् वृध उत त्राता तनूनाम् २
 वृषा ह्यग्ने अजरौ महान् विभास्यर्चिषा ।
 अजस्त्रेण शोचिषा शोशुचच्छुचे सुदीतिभिः सु दीदिहि ३
 महो देवान् यजसि यक्ष्यानुषक् तव क्रत्वोत दंसना ।
 अर्वाचः सीं कृणुह्यग्नेऽवसे रास्व वाजोत वस्व ४
 यमापो अद्रयो वना गर्भमृतस्य पिप्रति ।
 सहसा यो मथितो जायते नृभिः पृथिव्या अधि सानवि ५
 आ यः प्रप्रौ भानुना रोदसी उभे धूमेन धावते दिवि ।
 तिरस्तमो ददृश ऊर्म्यास्वा श्यावास्वरुषो वृषा श्यावा अरुषो वृषा ६
 बृहद्भिरग्ने अर्चिभिः शक्रेण देव शोचिषा ।
 भरद्वाजे समिधानो यविष्ठय रेवन्नः शुक्र दीदिहि द्युमत् पावक दीदिहि ७
 विश्वासां गृहपतिर्विशामसि त्वमग्ने मानुषीणाम् ।
 शतं पूर्भिर्यविष्ठ पाह्यंहसः समेद्धारं शतं हिमां स्तोतृभ्यो ये च ददति ८
 त्वं नश्चित्र ऊत्या वसो राधांसि चोदय ।
 अस्य रायस्त्वमग्ने रथीरसि विदा गाधं तुचे तु नः ९
 पर्षि तोकं तनयं पृतृभिष्ट्व मदब्धैरप्रयुत्वभिः ।
 अग्ने हेळांसि दैव्या युयोधि नो ऽदैवानि हरांसि च १०
 आ सखायः सवर्दुषा धेनुमजध्वमुप नव्यसा वचः । सृजध्वमनपस्फुराम्
 ११
 या शर्धाय मारुताय स्वभानवे श्रवोऽमृत्यु धुक्षत ।
 या मृळीके मरुतां तुराणां या सुम्रैरेवयार्वरी १२
 भरद्वाजायार्व धुक्षत द्विता ।
 धेनुं च विश्वदौहस मिषं च विश्वभोजसम् १३
 तं व इन्द्रं न सुक्रतुं वरुणमिव मायिनम् ।
 अर्यमणं न मन्द्रं सृप्रभोजसं विष्णुं न स्तुष आदिशै १४
 त्वेषं शर्धो न मारुतं तुविष्व रयेनवर्णां पूषणं सं यथा शता ।

सं सहस्रा कारिषच्चर्षणिभ्य आँ आविर्गुळहा वसू करत् सुवेदा नो वसू
 करत् १५
 आ मा पूषन्नुप द्रव शंसिषं नु ते अपिकर्ण आघृणे ।
 अघा अर्यो अरातयः १६
 मा काकम्बीरमुद् वृहो वनस्पति मशस्तीर्वि हि नीनशः ।
 मोत सूरौ अह एवा चन ग्रीवा आदधते वेः १७
 दृतैरिव तेऽवृकमेस्तु सख्यम् ।
 अच्छिद्रस्य दधन्वतः सुपूर्णस्य दधन्वतः १८
 पुरो हि मर्त्यैरसि समो देवैरुत श्रिया ।
 अभि ख्यः पूषन् पृतनासु नस्त्वमवा नूनं यथा पुरा १९
 वामी वामस्य धूतयः प्रणीतिरस्तु सूनृता ।
 देवस्य वा मरुतो मर्त्यस्य वे जानस्य प्रयज्यवः २०
 सद्यश्चिद् यस्य चर्कृतिः परि द्यां देवो नैति सूर्यः ।
 त्वेषं शवो दधिरे नाम यज्ञियं मरुतौ वृत्रहं शवो ज्येष्ठं वृत्रहं शवः २१
 सकृद्ध द्यौरजायत सकृद् भूमिरजायत ।
 पृथ्या दुग्धं सकृत् पयस्तदन्यो नानु जायते २२

(१२८) अष्टाविंशत्युत्तरशततमं सूक्तम्

(१-१५) पञ्चदशर्चस्यास्य सूक्तस्य भारद्वाज ऋजिश्वा ऋषिः । विश्वे देवा देवताः ।

(१-१४) प्रथमादिचतुर्दशर्चा त्रिष्टुप्, (१५) पञ्चदश्याश्च शक्वरी छन्दसी
 स्तुषे जनं सुव्रतं नव्यसीभिर्गीर्भिर्मित्रावरुणा सुम्रयन्ता ।
 त आ गमन्तु त इह श्रुवन्तु सुक्षत्रासो वरुणो मित्रो अग्निः १
 विशोविंश ईड्यमध्वरे ष्वदृप्तक्रतुमरतिं युवत्योः ।
 दिवः शिशं सहसः सनुमग्निं यज्ञस्य केतुमरुषं यजध्वै २
 अरुषस्य दुहितरा विरूपे स्तृभिर्न्या पिपिशे सूरौ अन्या ।
 मिथस्तुरा विचरन्ती पावके मन्म श्रुतं नक्षत ऋच्यमाने ३
 प्र वायुमच्छा बृहती मनीषा बृहद्रयि विश्ववारं रथप्राम् ।
 द्युतद्यामा नियुतः पत्यमानः कविः कविर्मियक्षसि प्रयज्यो ४
 स मे वपुश्छदयदश्विनोर्यो रथो विरुक्मान् मनसा युजानः ।
 येन नरा नासत्येष्वध्वै वर्तिर्याथस्तनयाय त्मनै च ५

पर्जन्यवाता वृषभा पृथिव्याः पुरीषाणि जिन्वतुमर्ष्यानि ।
 सत्यश्रुतः कवयो यस्य गीर्भिर्जगतः स्थातुर्जगदा कृणुध्वम् ६
 पावीरवी कन्या चित्रायुः सरस्वती वीरपत्नी धिर्य धात् ।
 गाभिरच्छिद्रं शरणं सजोषा दुराधर्षं गृणते शर्म यंसत् ७
 पथस्पथः परिपतिं वचस्या कामेन कृतो अभ्यानळर्कम् ।
 स नो रासच्छुरुधश्चन्द्राग्रा धिर्यधियं सीषधाति प्र पूषा ८
 प्रथमभार्जं यशसं वयोधां सुपाणिं देवं सुगर्भस्तिमृभ्वम् ।
 होता यक्षद् यजतं पुस्त्याना मग्निस्त्वष्टारं सुहवं विभावा ९
 भुवनस्य पितरं गीर्भिराभी रुद्रं दिवा वर्धया रुद्रमुक्तौ ।
 बृहन्तमृष्वमजरं सुषुम्न मृधग्धुवेम कविनेषितासः १०
 आ युवानः कवयो यज्ञियासो मरुतो गुन्त गृणतो वरस्याम् ।
 अचित्रं चिद्धि जिन्वथा वृधन्त इत्था नक्षन्तो नरो अङ्गिरस्वत् ११
 प्र वीराय प्र तवसे तुरायाऽजा यूथेवं पशरक्षिरस्तम् ।
 स पिस्पृशति तन्विं श्रुतस्य स्तृभिर्न नाकं वचनस्य विपः १२
 यो रजांसि विमुमे पार्थिवानि त्रिश्चिद् विष्णुर्मनवे बाधिताय ।
 तस्य ते शर्मन्नुपदद्यमाने राया मदेम तन्वा इतना च १३
 तन्नोऽहिर्बुध्न्यो अद्भिरकैस्तत् पर्वतस्तत् सेविता चनौ धात् ।
 तदोषधीभिरभि रातिषाचो भगः पुरंधिर्जिन्वतु प्र राये १४
 नु नो रयिं रथ्यं चर्षणिप्रां पुरुवीरं मह ऋतस्य गोपाम् ।
 क्षयं दाताजरं येन जनान् तस्पृधो अदेवीरभि च क्रमाम् विश
 आदेवीरभ्यश्नवाम १५

(१२६) एकोनत्रिंशदुत्तरशततमं सूक्तम्

(१-१५) पञ्चदशर्चस्यास्य सूक्तस्य भारद्वाज ऋजिश्वा ऋषिः । विश्वे देवा देवताः ।

त्रिष्टुप् छन्दः

हुवे वो देवीमदितिं नमोभिर्मृळीकाय वरुणं मित्रमुग्निम् ।
 अभिक्षदामर्यमणं सुशेवं त्रातृन् देवान् त्सवितारं भगं च १
 सुज्योतिषः सूर्यं दक्षपितृ ननागास्त्वे सुमहो वीहि देवान् ।
 द्विजन्मानो य ऋतुसापः सत्याः स्वर्वन्तो यजता अग्निजिह्वाः २
 उत द्यावापृथिवी क्षत्रमुरु बृहद् रौदसी शरणं सुषुम्ने ।

म॒हस्कर॑थो वरि॑वो यथा॑ नो ऽस्मे क्षया॑य धिष॑णे अ॒नेहः ३
 आ नो॑ रु॒द्रस्य॑ सू॒नवो॑ नमन्ता॒ म॒द्या हू॒तासो॑ वस॒वोऽधृ॑ष्टाः ।
 यदी॒मर्भे॑ मह॒ति वा॑ हि॒तासो॑ बा॒धे म॒रुतो॑ अ॒ह्नाम॑ दे॒वान् ४
 मि॒म्यक्ष॑ येषु॑ रोद॒सी नु॑ दे॒वी सिष॑क्ति पू॒षा अ॒भ्यर्ध॑यज्वा ।
 श्रु॒त्वा ह॒व म॒रुतो॑ यद्ध॑ या॒थ भू॒मा रेज॑न्ते अ॒ध्वनि॑ प्रवि॒क्ते ५
 अ॒भि त्वं वी॑रं गि॒र्वण॑समु॒र्चेन्द्रं॑ ब्र॒ह्मणा॑ जरि॒तुर्न॑वेन ।
 श्रव॑दिद्धव॒मुप॑ च स्त॒वानो॑ रा॒सद् वाजाँ॑ उप॒म॒हो गृ॑णानः ६
 ओ॒मान॑मापो मानु॒षीर॑मृ॒क्तं धा॑त॒ तोका॑य॒ तन॑याय॒ शं योः ।
 यू॒यं हि ष्ठा॑ भिष॒जो मा॑तृ॒तमा॑ वि॒श्वेस्य॑ स्था॒तुर्जग॑तो जनि॒त्रीः ७
 आ नो॑ दे॒वः स॒विता॑ त्राय॒माणो॑ हि॒र॒ण्यपा॑णि॒र्यज॑तो जग॒म्यात् ।
 यो द॒त्रवाँ॑ उ॒षसो॑ न प्र॒तीकं॑ व्यू॒णुते॑ दा॒शुषे॑ वा॒र्याणि॑ ८
 उ॒त त्वं सू॑नो स॒हसो॑ नो अ॒द्या दे॒वाँ अ॒स्मिन्न॑ध्व॒रे व॑वृ॒त्याः ।
 स्याम॒हं ते॒ सद॑मिद् रा॒तौ तव॑ स्याम॒ग्नेऽव॑सा सु॒वीरः॑ ९
 उ॒त त्या॑ मे ह॒वमा॑ जग॒म्यातुं॑ नास॒त्या धी॑भिर्यु॒वम॒ङ्ग वि॑प्रा ।
 अ॒त्रिं न म॒हस्त॑म॒सोऽमु॑मु॒क्तं तू॒र्वतं॑ नरा दुरि॒ताद॑भी॒कै १०
 ते नो॑ रा॒यो द्यु॑म॒तो वाज॑व॒तो दा॑तारो॒ भूत॑ नृ॒वतः॑ पुरु॒क्षोः ।
 द॒शस्य॑न्तो दि॒व्याः पा॑रि॒वासो॑ गो॒जाता॑ अ॒प्या मृ॑ळता॒ च दे॒वाः ११
 ते नो॑ रु॒द्रः सर॑स्वती स॒जोषा॑ मी॒ळहृ॑ष्मन्तो वि॒ष्णुर्मृ॑ळन्तु वा॒युः ।
 ऋ॒भुक्षा॑ वा॒जो दै॒व्यो वि॑धा॒ता प॒र्जन्या॑वा॒ता पि॑प्यता॒मिष॑ नः १२
 उ॒त स्य॑ दे॒वः स॒विता॑ भगो॒ नो ऽपां॑ नपा॒दव॑तु दानु॒ पप्रिः॑ ।
 त्व॒ष्टा दे॒वेभि॑र्जनि॒भिः स॒जोषा॑ द्यौर्दे॒वेभिः॑ पृथि॒वी संमु॑द्रैः १३
 उ॒त नोऽहि॑र्बु॒ध्यः शृ॑णो॒ त्वज॑ ए॒कपा॑त् पृथि॒वी संमु॑द्रः ।
 वि॒श्वे दे॒वा ऋ॑ता॒वृधो॑ हु॒वानाः॑ स्तु॒ता मन्त्राः॑ कवि॒शस्ता॑ अ॒वन्तु १४
 ए॒वा नपा॑तो म॒म तस्य॑ धी॒भिर्भ॑र॒द्वाजा॑ अ॒भ्यर्च॑न्त्य॒कैः ।
 मा हु॒तासो॑ वस॒वोऽधृ॑ष्टा वि॒श्वे स्तु॑तासो॒ भूता॑ यज॒त्राः १५

(१३०) त्रिंशदुत्तरशततमं सूक्तम्

(१-१६) षोडशर्चस्यास्य सूक्तस्य भारद्वाज ऋजिश्वा ऋषिः । विश्वे देवा देवताः ।

(१-१२) प्रथमादिद्वादशर्चा त्रिष्टुप्, (१३-१५) त्रयोदश्यादितृचस्योष्णिक, (१६)

षोडश्याश्चानुष्टुप् छन्दांसि

उदु त्यच्चक्षुर्महि मित्रयोराँ एति प्रियं वरुणयोरदब्धम् ।
 ऋतस्य शुचिं दर्शतमनीकं रुक्मो न दिव उदिता व्यद्यौत् १
 वेद यस्त्रीणि विदथान्येषां देवानां जन्म सनुतरा च विप्रः ।
 ऋजु मर्तेषु वृजिना च पश्य नृभि चष्टे सूर्ये अर्य एवान् २
 स्तुष उँ वो मह ऋतस्य गोपा नदिति मित्रं वरुणं सुजातान् ।
 अर्यमणं भगमदब्धधीती नच्छा वोचे सधन्यः पावकान् ३
 रिशादसः सत्पतीरिदब्धान् महो राज्ञः सुवसनस्य दातृन् ।
 यूनः सुक्षत्रान् क्षयतो दिवो नृ नादित्यान् याम्यदिति दुवोयु ४
 द्यौश्षितः पृथिवि मातरध्रु गग्रे भ्रातर्वसवो मृळता नः ।
 विश्वे आदित्या अदिते सजोषा अस्मभ्यं शर्म बहुलं वि यन्त ५
 मा नो वृकाय वृक्ये समस्मा अघायते रीरधता यजत्राः ।
 यूयं हि ष्ठा रथ्यो नस्तनूना यूयं दक्षस्य वचसो बभूव ६
 मा व एनौ अन्यकृतं भुजेम मा तत् कर्म वसवो यच्चयध्वे ।
 विश्वस्य हि क्षयथ विश्वदेवाः स्वयं रिपुस्तन्वं रीरिषीष्ट ७
 नम इदुग्रं नम आ विवासे नमो दाधार पृथिवीमुत द्याम् ।
 नमो देवेभ्यो नम ईश एषां कृतं चिदेनो नमसा विवासे ८
 ऋतस्य वो रथ्यः पूतदक्षा नृतस्य पस्त्यसदो अदब्धान् ।
 ताँ आ नमोभिरुरुचक्षसो नृन् विश्वान्व आ नमे महो यजत्राः ९
 ते हि श्रेष्ठवर्चसस्त उँ न स्तिरो विश्वानि दुरिता नयन्ति ।
 सुक्षत्रासो वरुणो मित्रो अग्नि ऋतधीतयो वक्मराजसत्याः १०
 ते न इन्द्रः पृथिवी क्षाम वर्धन् पूषा भगो अदितिः पञ्च जनाः ।
 सुशर्माणिः स्ववसः सुनीथा भवन्तु नः सुत्रात्रासः सुगोपाः ११
 नू सघानं दिव्यं नंशि देवा भारद्वाजः सुमतिं याति होता ।
 आसानेभिर्यजमानो मियेधै देवानां जन्म वसूयुर्ववन्द १२
 अप त्यं वृजिनं रिपुं स्तेनमग्रे दुराध्यम् ।
 दविष्ठमस्य सत्पते कृधी सुगम् १३
 ग्रावाणः सोम नो हि कं सखित्वनाय वावशुः ।
 जही न्यश्त्रिणं पुणिं वृको हि षः १४
 यूयं हि ष्ठा सुदानव इन्द्रज्येष्ठा अभिद्यवः ।
 कर्ता नो अध्वन्ना सुगं गोपा अमा १५

अपि पन्थामगन्महि स्वस्तिगामनेहसम् ।

येन विश्वाः परि द्विषौ वृणक्ति विन्दते वसु १६

(१३१) एकत्रिंशदुत्तरशततमं सूक्तम्

(१-१७) सप्तदशर्चस्यास्य सूक्तस्य भारद्वाज ऋजिश्वा ऋषिः । विश्वे देवा देवताः

। (१-६, १३, १५-१७) प्रथमादितृचद्वयस्य त्रयोदश्या ऋचः पञ्चदश्यादितृचस्य च

त्रिष्टुप्, (७-१२) सप्तम्यादितृचद्वयस्य गायत्री, (१४) चतुर्दश्याश्च

जगती छन्दांसि

न तद् दिवा न पृथिव्यानु मन्ये न युज्ञेन नोत शर्माभिराभिः ।

उब्जन्तु तं सुभ्वः पर्वतासो नि हीयतामतियाजस्य युष्टा १

अति वा यो मरुतो मन्यते नो ब्रह्म वा यः क्रियमाणं निनित्सात् ।

तपूषि तस्मै वृजिनानि सन्तु ब्रह्मद्विषमभि तं शौचतु द्यौः २

किमुङ्ग त्वा ब्रह्मणः सोम गोपां किमुङ्ग त्वाहरभिशस्तिपां नः ।

किमुङ्ग नः पश्यसि निद्यमानान् ब्रह्मद्विषे तपूषि हेतिमस्य ३

अवन्तु मामुषसो जायमाना अवन्तु मा सिन्धुवः पिन्वमानाः ।

अवन्तु मा पर्वतासो ध्रुवासो ऽवन्तु मा पितरौ देवहूतौ ४

विश्वदानीं सुमनसः स्याम पश्येम नु सूर्यमुच्चरन्तम् ।

तथा कर्द् वसुपतिर्वसूनां देवाँ ओहानोऽवसागमिष्ठः ५

इन्द्रो नेदिष्ठमवसागमिष्ठः सरस्वती सिन्धुभिः पिन्वमाना ।

पर्जन्यो न ओषधीभिर्मयोभु रग्निः सुशंसः सुहवः पितेव ६

विश्वे देवास आ गत शृणुता म इमं हवम् । एदं बर्हिर्नि षीदत ७

यो वो देवा घृतस्रुना हव्येन प्रतिभूषति । तं विश्व उप गच्छथ ८

उप नः सूनवो गिरः शृणवन्त्वमृतस्य ये । सुमृळीका भवन्तु नः ९

विश्वे देवा ऋतावृध ऋतुभिर्हवनश्रुतः । जुषन्तां युज्यं पर्यः १०

स्तोत्रमिन्द्रो मरुद्गणवस्त्वष्टमान् मित्रो अर्यमा । इमा हव्या जुषन्त नः ११

इमं नो अग्ने अध्वरं होतर्वयुनशो यज । चिकित्वान् दैव्यं जनम् १२

विश्वे देवाः शृणुतेमं हव मे ये अन्तरिक्षे य उप द्यवि ष्ठ ।

ये अग्निजिह्वा उत वा यजत्रा आसद्यास्मिन् बर्हिषि मादयध्वम् १३

विश्वे देवा मम शृणवन्तु यज्ञिया उभे रोदसी अपां नपाञ्च मन्म ।

मा वो वचांसि परिचक्ष्याणि वोचं सुमेष्विद् वो अन्तमा मदेम १४

ये के च ज्मा म॒हि॒नो अ॒हि॒मा॒या दि॒वो ज॒ज्ञिरे अ॒पां स॒ध॒स्थे ।
 ते अ॒स्मभ्य॑मि॒षये॑ वि॒श्वमा॒युः क्षप॑ उ॒स्त्रा व॑रि॒वस्य॑न्तु दे॒वाः १५
 अ॒ग्नी॒पर्जन्या॑व॒वतुं॑ धि॒र्य मे ऽस्मिन्॑ ह॒वै सु॒हवा सु॒ष्टुतिं॑ नः ।
 इ॒ळाम॑न्यो ज॒नय॑द् गर्भ॑म॒न्यः प्र॒जाव॑ती॒रिष॑ आ ध॒त्तम॑स्मे १६
 स्ती॒र्णे ब॒र्हिषि॑ समि॒धाने॑ अ॒ग्नौ सू॒क्तेन॑ म॒हा नम॑सा वि॒वासे॑ ।
 अ॒स्मिन् नो॑ अ॒द्य वि॒दथै॑ यज॒त्रा वि॒श्वे दे॒वा ह॒विषि॑ मा॒दय॑ध्वम् १७

(१३२) द्वात्रिंशदुत्तरशततमं सूक्तम्

(१-१०) दशर्चस्यास्य सूक्तस्य बार्हस्पत्यो भरद्वाज ऋषिः । पूषा देवता । (१-७, ६-१०) प्रथमादिसप्तर्चा नवमीदशम्योश्च गायत्री, (८) अष्टम्याश्चानुष्टुप् छन्दसी व्यमुं त्वा पथस्पते रथं न वाजसातये । धिये पूषन्नयुज्महि १
 अभि नो नर्यं वसुं वीरं प्रयतदक्षिणम् । वामं गृहपतिं नय २
 अदित्सन्तं चिदाघृणे पूषन् दानाय चोदय । पुणेश्चिद् वि म्रदा मनः ३
 वि पथो वाजसातये चिनुहि वि मृधो जहि । सार्धन्तामुग्र नो धिर्यः ४
 परि तृन्धि पणीना मारया हृदया कवे । अथैमस्मभ्यं रन्धय ५
 वि पूषन्नारया तुद पुणेरिच्छ हृदि प्रियम् । अथैमस्मभ्यं रन्धय ६
 आ रिख किकिरा कृणु पणीनां हृदया कवे । अथैमस्मभ्यं रन्धय ७
 यां पूषन् ब्रह्मचोदनी मारां बिभर्ष्याघृणे ।
 तया समस्य हृदय मा रिख किकिरा कृणु ८
 या ते अष्टा गोअपुशा ऽऽघृणे पशसार्धनी । तस्यास्ते सुम्रमीमहे ९
 उत नो गोषणिं धिर्य मश्वसां वाजिसामुत । नृवत् कृणुहि वीतये १०

(१३३) त्रयस्त्रिंशदुत्तरशततमं सूक्तम्

(१-१०) दशर्चस्यास्य सूक्तस्य बार्हस्पत्यो भरद्वाज ऋषिः । पूषा देवता ।
 गायत्री छन्दः

सं पूषन् विदुषा नय यो अञ्जसानुशासति । य एवेदमिति ब्रवत् १
 समु पूषणा गमेमहि यो गृह्णां अभिशासति । इम एवेति च ब्रवत् २
 पूषणश्चक्रं न रिष्यति न कोशोऽव पद्यते । नो अस्य व्यथते पविः ३
 यो अस्मै हविषाविधन्न तं पूषापि मृष्यते । प्रथमो विन्दते वसुं ४
 पूषा गा अन्वेतु नः पूषा रक्षत्वर्वतः । पूषा वाजं सनोतु नः ५

पूषन्ननु प्र गा इहि यजमानस्य सुन्वतः । अस्माकं स्तुवतामुत ६
 मार्किर्नेशन्माकीं रिषन्माकीं सं शारि केवटे । अथारिष्ठाभिरा गंहि ७
 शृणवन्त पूषणं वय मिर्यमनष्टवेदसम् । ईशानं राय ईमहे ८
 पूषन्तव वृते वयं न रिष्येम कदा चन । स्तोतारस्त इह स्मसि ९
 परि पूषा परस्ता द्धस्तं दधातु दक्षिणम् । पुनर्नो नष्टमार्जतु १०

(१३४) चतुस्त्रिंशदुत्तरशततमं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । पूषा देवता ।

गायत्री छन्दः

एहि वां विमुचो नपादाघृणे सं संचावहै । रथीर्ऋतस्य नो भव १
 रथीर्तमं कपर्दिन मीशानं राधसो महः । रायः सखायमीमहे २
 रायो धारास्याघृणे वसो राशिरजाश्च । धीर्वतोधीवतः सखा ३
 पूषणं न्वर्जाश्च मुप स्तोषाम वाजिनम् । स्वसुर्यो जार उच्यते ४
 मातुर्दिधिषुमब्रवं स्वसुर्जारः शृणोतु नः । भ्रातेन्द्रस्य सखा मम ५
 आजार्सः पूषणं रथे निशृम्भास्ते जनुश्रियम् । देवं वहन्तु बिभ्रतः ६

(१३५) पञ्चत्रिंशदुत्तरशततमं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । पूषा देवता । (१-५)

प्रथमादिपञ्चर्चा गायत्री, (६) षष्ठ्याश्चानुष्टुप् छन्दसी

य एनमादिदैशति करम्भादिति पूषणम् । न तेन देव आदिशै १
 उत घा स रथीर्तमः सख्या सत्पतिर्युजा । इन्द्रो वृत्राणि जिघ्रते २
 उतादः परुषे गवि सूरश्चक्रं हिरण्ययम् । न्यैरयद् रथीर्तमः ३
 यदद्य त्वा पुरुष्टुत ब्रवाम दस्र मन्तुमः । तत् सु नो मन्म साधय ४
 इमं च नो गवेषणं सातये सीषधो गुणम् । आरात् पूषन्नसि श्रुतः ५
 आ तै स्वस्तिमीमह आरेअघामुपावसुम् । अद्या च सर्वतातये श्वश्च
 सर्वतातये ६

(१३६) षट्त्रिंशदुत्तरशततमं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । इन्द्रापूषणौ देवते ।

गायत्री छन्दः

इन्द्रा नु पूषणा वयं सख्याय स्वस्तये । हुवेम वाजसातये १
 सोममन्य उपासदत् पातवे चम्वौः सुतम् । कर्मभमन्य ईच्छति २
 अजा अन्यस्य वह्नयो हरीं अन्यस्य संभृता । ताभ्यां वृत्राणि जिघ्रते ३
 यदिन्द्रो अनयद् रितौ महीरपो वृषन्तमः । तत्र पूषाभवत् सचा ४
 तां पूषाः सुमतिं वयं वृक्षस्य प्र वयामिव । इन्द्रस्य चा रभामहे ५
 उत् पूषां युवामहे ऽभीशूरिव सारथिः । मृह्या इन्द्रं स्वस्तये ६

(१३७) सप्तत्रिंशदुत्तरशततमं सूक्तम्

(१-४) चतुर्ऋचस्यास्य सूक्तस्य बार्हस्पत्यो भरद्वाज ऋषिः । पूषा देवता । (१,
 ३-४) प्रथमर्चस्तृतीयाचतुर्थ्योश्च त्रिष्टुप्, (२) द्वितीयायाश्च जगती छन्दसी
 शक्रं तै अन्यद् यजतं तै अन्यद् विषुरूपे अहनी द्यौरिवासि ।
 विश्वा हि माया अवसि स्वधावो भद्रा तै पूषन्निह रातिरस्तु १
 अजाश्वः पशपा वाजपस्त्यो धियंजिन्वो भुवने विश्वे अर्पितः ।
 अष्टां पूषा शिथिरामुद्वरीवृजत् संचक्षाणो भुवना देव ईयते २
 यास्तै पूषन्नावो अन्तः समुद्रे हिरण्ययीरन्तरिक्षे चरन्ति ।
 ताभिर्यासि दूत्यां सूर्यस्य कामेन कृतं श्रवं इच्छमानः ३
 पूषा सुबन्धुर्दिव आ पृथिव्या इळस्पतिर्मघवा दस्मवर्चाः ।
 यं देवासो अर्ददुः सूर्यायै कामेन कृतं तवसं स्वञ्चम् ४

(१३८) अष्टात्रिंशदुत्तरशततमं सूक्तम्

(१-१०) दशर्चस्यास्य सूक्तस्य बार्हस्पत्यो भरद्वाज ऋषिः । इन्द्राग्नी देवते । (१-
 ६) प्रथमादितृचद्वयस्य बृहती, (७-१०) सप्तम्यादिचतुर्ऋचाञ्चानुष्टुप् छन्दसी
 प्र नु वोचा सुतेषु वां वीर्यां यानि चक्रथुः ।
 हतासौ वां पितरौ देवशत्रव इन्द्राग्नी जीवथो युवम् १
 बळित्था महिमा वामिन्द्राग्नी पनिष्ठ आ ।
 समानो वां जनिता भ्रातरा युवं यमाविहेहमातरा २
 ओकिवांसां सुते सचां अश्वा सप्ती इवादने ।
 इन्द्रा न्वशग्नी अवसेह वज्रिणा वयं देवा हवामहे ३
 य इन्द्राग्नी सुतेषु वां स्तवत् तेष्वृतावृधा ।
 जोषवाकं वदतः पञ्चहोषिणा न देवा भसथश्चन ४

इन्द्राग्री को अस्य वां देवौ मर्तश्चिकेतति ।
 विषूचो अश्वान् युयुजान ईयत एकः समान आ रथे ५
 इन्द्राग्री अपादियं पूर्वागात् पृद्धतीभ्यः ।
 हित्वी शिरौ जिह्वया वावदुच्चरत् त्रिंशत् पदा न्यक्रमीत् ६
 इन्द्राग्री आ हि तन्वते नरो धन्वानि बाह्वोः ।
 मा नो अस्मिन् महाधने परा वर्कतुं गर्विष्टिषु ७
 इन्द्राग्री तपन्ति मा ऽघा अर्यो अरातयः ।
 अप द्वेषास्या कृतं युयुतं सूर्यादधि ८
 इन्द्राग्री युवोरपि वसु दिव्यानि पार्थिवा ।
 आ न इह प्र यच्छतं रयिं विश्वायुपोषसम् ९
 इन्द्राग्री उक्थवाहसा स्तोमैर्भिर्हवनश्रुता ।
 विश्वाभिर्गीर्भिरा गत मस्य सोमस्य पीतये १०

(१३६) एकोनचत्वारिंशदुत्तरशततमं सूक्तम्

(१-१५) पञ्चदशर्चस्यास्य सूक्तस्य बार्हस्पत्यो भरद्वाज ऋषिः । इन्द्राग्री देवते ।
 (१-३, १३) प्रथमादितृचस्य त्रयोदश्या ऋचश्च त्रिष्टुप्, (४-१२) चतुर्थ्यादिनवानां
 गायत्री, (१४) चतुर्दश्या बृहती, (१५) पञ्चदश्याश्चानुष्टुप् छन्दांसि
 शनर्थद् वृत्रमुत संनोति वाज मिन्द्रा यो अग्री सहुरी सपर्यात् ।
 इरज्यन्ता वसव्यस्य भूरेः सहस्तमा सहसा वाजयन्ता १
 ता यौधिष्टमभि गा इन्द्र नून मपः स्वरुषसौ अग्न ऊळहाः ।
 दिशः स्वरुषस इन्द्र चित्रा अपो गा अग्ने युवसे नियुत्वान् २
 आ वृत्रहणा वृत्रहभिः शुष्मै रिन्द्र यातं नमोभिरग्ने अर्वाक् ।
 युवं राधौभिरकवेभिरिन्द्रा ग्रै अस्मे भवतमुत्तमेभिः ३
 ता हुवे ययौरिदं प्रग्ने विश्वं पुरा कृतम् । इन्द्राग्री न मर्धतः ४
 उग्रा विघनिना मृध इन्द्राग्री हवामहे । ता नो मृळात ईदृशै ५
 हतो वृत्राणयार्या हतो दासानि सत्पती । हतो विश्वा अप द्विषः ६
 इन्द्राग्री युवामिमेऽभि स्तोमा अनूषत । पिबतं शंभुवा सुतम् ७
 या वां सन्ति पुरुस्पृहौ नियुतौ दाशुषे नरा । इन्द्राग्री ताभिरा गतम् ८
 ताभिरा गच्छतं नरो पेदं सर्वनं सुतम् । इन्द्राग्री सोमपीतये ९
 तमीळिष्व यो अर्चिषा वना विश्वा परिष्वजत् । कृष्णा कृणोति जिह्वया १०

य इद्ध आविवांसति सुममिन्द्रस्य मर्त्यः । द्युम्नाय सुतरा अपः ११
 ता नो वाजवतीरिष आशून् पिपृतमर्वतः । इन्द्रमग्निं च वोळहवे १२
 उभा वामिन्द्राग्नी आहुवध्या उभा राधसः सह मादयध्वै ।
 उभा दाताराविषां रयीणा मुभा वाजस्य सातयै हुवे वाम् १३
 आ नो गव्यैभिरश्वयै र्वसव्यैरुप गच्छतम् ।
 सखायौ देवौ सख्याय शंभुवैन्द्राग्नी ता हवामहे १४
 इन्द्राग्नी शृणुतं हवं यजमानस्य सुन्वतः ।
 वीतं हव्यान्या गतं पिबतं सोम्यं मधु १५

(१४०) चत्वारिंशदुत्तरशततमं सूक्तम्

(१-१४) चतुर्दशर्चस्यास्य सूक्तस्य बार्हस्पत्यो भरद्वाज ऋषिः । सरस्वती देवता ।
 (१-३, १३) प्रथमादितृचस्य त्रयोदश्या ऋचश्च जगती, (४-१२) चतुर्थ्यादिनवानां
 गायत्री, (१४) चतुर्दश्याश्च त्रिष्टुप् छन्दांसि
 इयमददाद् रभसमृणच्युतं दिवोदासं वध्व्यश्वाय दाशुषे ।
 या शश्वन्तमाचखादावसं पुणिं ता ते दात्राणि तविषा सरस्वति १
 इयं शुष्मैभिर्बिसखा इवारुजत् सानु गिरीणां तविषेभिरूर्मिभिः ।
 पारावतघ्नीमर्वसे सुवृक्तिभिः सरस्वतीमा विवासेम धीतिभिः २
 सरस्वति देवनिदो नि बर्हय प्रजां विश्वस्य बृसयस्य मायिनः ।
 उत क्षितिभ्योऽवनीरविन्दो विषमैभ्यो अस्त्रवो वाजिनीवति ३
 प्र णौ देवी सरस्वती वाजैभिर्वाजिनीवती । धीनामवित्र्यवतु ४
 यस्त्वा देवि सरस्वत्युपब्रूते धनै हिते । इन्द्रं न वृत्रतूर्यै ५
 त्वं दैवि सरस्वत्यवा वाजेषु वाजिनि । रदा पूषेर्व नः सनिम् ६
 उत स्या नः सरस्वती घोरा हिरण्यवर्तनिः । वृत्रघ्नी वष्टि सुष्टुतिम् ७
 यस्या अनन्तो अहुत स्त्वेषश्चरिष्णुरणवः । अमश्चरति रोरुवत् ८
 सा नो विश्वा अति द्विषः स्वसूरन्या अतावरी । अतन्नहैव सूर्यः ९
 उत नः प्रिया प्रियासु सप्तस्वसा सुजुष्टा । सरस्वती स्तोम्या भूत् १०
 आपप्रुषी पार्थिवा न्युरु रजौ अन्तरिक्षम् । सरस्वती निदस्पातु ११
 त्रिषधस्था सप्तधातुः पञ्च जाता वर्धयन्ती । वाजैवाजे हव्या भूत् १२
 प्र या महिम्ना महिनासु चेकिते द्युमेभिरन्या अपसामपस्तमा ।
 रथ इव बृहती विभ्वनै कृतो पस्तुत्या चिकितुषा सरस्वती १३

सर॑स्वत्य॒भि नो॑ ने॒षि वस्यो॑ माप॑ स्फ॒रीः पय॑सा॒ मा न॒ आ ध॑क् ।
जुष॑स्व॒ नः स॒ख्या वे॒श्या च॒ मा त्वत् क्षे॒त्राण्य॑र॒णानि॑ गन्म १४
इति चतुर्थोऽष्टकः

तद्दद् वज्रं नियुतं तस्तम्भद् दद्यां चतुष्पदे नयाय द्विपादे ३
 अस्य मदे स्वर्यं दा ऋताया पीवृतमुस्त्रियाणामनीकम् ।
 यद्ध प्रसर्गे त्रिकुम्भिवर्त दप द्रुहो मानुषस्य दुरौ वः ४
 तुभ्यं पयो यत् पितरावनीतां राधः सुरेतस्तुरणै भुरण्यू ।
 शुचि यत् ते रेक्ण आयजन्त सबर्दुघायाः पय उस्त्रियायाः ५
 अध प्र जज्ञे तरणिर्ममत्तु प्र रौच्यस्या उषसो न सूरः ।
 इन्दुर्येभिराष्ट स्वेदुहव्यैः सुवेण सिञ्चञ्जरणाभि धाम ६
 स्विध्मा यद् वनधितिरपस्यात् सूरौ अध्वरे परि रोधना गोः ।
 यद्ध प्रभासि कृत्वाँ अनु द्यू ननर्विशे पश्चिषै तुराय ७
 अष्टा महो दिव आदो हरी इह द्युम्नासाहमभि यौधान उत्सम् ।
 हरिं यत् तै मन्दिनं दुक्षन् वृधे गोरभसमद्रिभिर्वाताप्यम् ८
 त्वमायसं प्रति वर्तयो गो दिवो अश्मानमुपनीतमृभ्वा ।
 कुत्साय यत्र पुरुहूत वन्व ऋष्णामनृतैः परियासि वृधेः ९
 पुरा यत् सूरस्तमसो अपीते स्तमद्रिवः फलिगं हेतिमस्य ।
 शुष्णस्य चित् परिहितं यदोजौ दिवस्परि सुग्रथितं तदादः १०
 अनु त्वा मही पाजसी अचक्रे द्यावाक्षामा मदतामिन्द्र कर्मन् ।
 त्वं वृत्रमाशयानं सिरासु महो वज्रेण सिष्वपो वराहुम् ११
 त्वमिन्द्र नर्यो याँ अवो नृन् तिष्ठा वातस्य सुयुजो वहिष्ठान् ।
 यं तै काव्य उशना मन्दिनं दाद् वृत्रहणं पार्यं ततद् वज्रम् १२
 त्वं सूरौ हरितौ रामयो नृन् भरञ्चक्रमेतशो नायमिन्द्र ।
 प्रास्यं पारं नवतिं नाव्याना मपि कर्तमवर्तयोऽयज्यून् १३
 त्वं नो अस्या इन्द्र दुर्हणायाः पाहि वज्रिवो दुरितादभीकै ।
 प्र नो वाजान् रथ्योरे अश्वबुध्या निषे यन्धि श्रवसे सूनृतायै १४
 मा सा तै अस्मत् सुमतिर्वि दसद् वाजप्रमहः समिषो वरन्त ।
 आ नो भज मघवन् गोष्वर्यो मंहिष्ठास्ते सधुमादः स्याम १५
 इति प्रथमोऽष्टकः १

पञ्चमोऽष्टकः

प्रथमोऽध्यायः

व० १ । २७

(१) प्रथमं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । अश्विनौ देवते ।

त्रिष्टुप् छन्दः

स्तुषे नरा दिवो अस्य प्रसन्ता ऽश्विना हुवे जरमाणो अर्केः ।
 या सद्य उस्त्रा व्युषि ज्मो अन्तान् युयूषतः पर्युरू वरांसि १
 ता यज्ञमा शुचिभिश्चक्रमाणा रथस्य भानुं रुरुचू रजौभिः ।
 पुरू वरांस्यमिता मिमाना ऽपो धन्वान्यति याथो अजान् २
 ता ह त्यद् वर्तिर्यदरध्रमुग्रे तथा धिय ऊहथुः शश्वदश्वैः ।
 मनोजवेभिरिषिरैः शयध्ये परि व्यथिर्दाशुषो मर्त्यस्य ३
 ता नव्यसो जरमाणस्य मन्मो प भूषतो युयुजानसप्ती ।
 शुभं पृक्षमिषमूर्जं वहन्ता होता यक्षत् प्रतो अध्रुग्युवाना ४
 ता वल्गू दस्त्रा पुरुशाकतमा प्रत्ना नव्यसा वचसा विवासे ।
 या शंसते स्तुवते शंभविष्ठा बभूवतुर्गुणते चित्रराती ५
 ता भुज्यं विभिरद्भ्यः समुद्रात् तउगस्य सूनूमूहथू रजौभिः ।
 अरेणुभिर्योजनेभिर्भुजन्तो पतत्रिभिरर्णसो निरुपस्थात् ६
 वि जयुषा रथ्या यातमद्रिं श्रुतं हव वृषणा वधिमत्याः ।
 दशस्यन्ता शयवै पिप्यथुर्गा मिति च्यवाना सुमतिं भुरग्यू ७
 यद् रौदसी प्रदिवो अस्ति भूमा हेळौ देवानामुत मर्त्यत्रा ।
 तदादित्या वसवो रुद्रियासो रक्षोयुजे तपुर्धं दधात ८
 य ई राजानावृतुथा विदधद् रजसो मित्रो वरुणश्चिकेतत् ।
 गुम्भीराय रक्षसे हेतिमस्य द्रोघाय चिद् वचस आनवाय ९
 अन्तरैश्चक्रैस्तनयाय वर्तिर्द्युमता यातं नृवता रथेन ।
 सनुत्येन त्यजसा मर्त्यस्य वनुष्यतामपि शीर्षा ववृक्तम् १०
 आ परमाभिरुत मध्यमाभिर्नियुद्धिर्यातमवमाभिरुवाक् ।
 दृळहस्यं चिद् गोमतो वि व्रजस्य दुरौ वर्तं गूणते चित्रराती ११

(२) द्वितीयं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । अश्विनौ देवते ।

(१-१०) प्रथमादिदशर्चा त्रिष्टुप्, (११) एकादश्याश्चैकपदा त्रिष्टुप् छन्दसी
 क्व॑ त्या व॒ल्गू पुरु॑हूताद्य दूतो न स्तोमोऽविद॒न्नम॑स्वान् ।
 आ यो अ॒र्वाङ्नास॑त्या व॒वर्त॑ प्रेष्टा ह्यस॑थो अस्य॒ मन्म॑न् १
 अरं मे गन्त॑ हव॒नाया॑स्मै गृ॒णाना॑ यथा पिबा॑थो अन्धः ।
 परि॑ हृ त्यद् व॒र्तिर्या॑थो रि॒षो न यत् परो॑ नान्तरस्तुतु॒र्यात् २
 अकारि॑ वाम॒न्धसो॑ वरी॒मन्न॑स्तारि ब॒र्हिः सु॑प्राय॒णत॑मम् ।
 उत्ता॑नह॒स्तो युव॑युर्वव॒न्दा ऽऽ वां नक्ष॑न्तो अद्र॑य आञ्जन् ३
 ऊ॒र्ध्वो वाम॑ग्निर॒ध्वरेष्व॑स्थात् प्र रा॒तिरै॑ति जू॒र्णिनी॑ घृ॒ताची॑ ।
 प्र होता॑ गूर्त॒मना॑ उरा॒णो ऽयु॑क्त यो नास॑त्या हवी॒मन् ४
 अधि॑ श्रिये दु॒हिता॑ सूर्यस्य॒ रथं॑ तस्थौ पुरु॒भुजा॑ श॒तोति॑म् ।
 प्र मा॒याभि॑र्मा॒यिना॑ भूत॒मत्र॑ नरा॑ नृतू॒ जनि॑मन् य॒ज्ञिया॑नाम् ५
 यु॒वं श्री॑भिर्द॒र्शता॑भि॒राभिः॑ शु॒भे पु॑ष्टि॒मूह॑थुः सूर्या॒याः ।
 प्र वां वयो॑ वपु॒षेऽनु॑ प॒प्तन् नक्ष॑द् वाणी॒ सुष्टु॑ता धि॒ष्ण्या॑ वाम् ६
 आ वां वयोऽश्वा॑सो वहि॒ष्ठा अ॒भि प्र॑यो नासत्या वहन्तु ।
 प्र वां रथो॑ मनो॒जवा॑ अस॒र्जी षः॑ पृ॒क्ष इ॒षिधो॑ अनु॒ पूर्वीः ७
 पुरु॑ हि वां पुरु॒भुजा॑ दे॒ष्णां धे॑नुं न इ॒षं पि॒न्वत॑मस॒क्राम् ।
 स्तुत॑श्च वां मा॒ध्वी सु॑ष्टुतिश्च॒रसा॑श्च ये वाम॑नु रा॒तिम॑गमन् ८
 उ॒त म॑ ऋ॒ज्रे पु॒रय॑स्य र॒ध्वी सु॑मी॒ळहे॑ श॒तं पै॒रुके॑ च प॒क्वा ।
 शा॒ण्डो दा॑द्धि॒रणि॑नः स्मदि॒ष्टीन् द॑श व॒शासौ॑ अ॒भिषा॑च ऋ॒ष्वान् ९
 सं वां श॒ता ना॑सत्या स॒हस्रा॑ ऽश्वा॒नां पुरु॑प॒न्था गि॑रे दा॒त् ।
 भर॑द्वाजाय वी॒र नू गि॑रे दा॒द्धता॑ रक्षा॒सि पुरु॑द॒ससा॑ स्युः १०
 आ वां सु॒म्ने वरि॑मन्त्सूरि॒भिः ष्याम् ११

(३) तृतीयं सूक्तम्

(१-६) षड्वचस्यास्य सूक्तस्य बार्हस्पत्यो भरद्वाज ऋषिः । उषा देवता ।

त्रिष्टुप् छन्दः

उदु॑ श्रिय उ॒षसो॑ रोच॒माना॑ अस्थ॒रपां॑ नोर्म॒यो रु॑श॒न्तः ।
 कृ॒णोति॑ विश्वा॒ सुप॑था॒ सुगा॑न्यभू॒दु वस्वी॑ दक्षि॒णा म॒घोनी॑ १

भद्रा ददृक्ष उर्विया वि भास्युत् तै शोचिर्भानवो द्यामपपन् ।
 आविर्वक्षः कृणुषे शम्भमानो षौ देवि रोचमाना महौभिः २
 वहन्ति सीमरुणासो रुशन्तो गावः सुभर्गामुर्विया प्रथानाम् ।
 अपैजते शूरो अस्तैव शत्रून् बाधते तमो अजिरो न वोळ्हा ३
 सुगोत तै सुपथा पर्वते प्ववाते अपस्तरसि स्वभानो ।
 सा न आ वह पृथुयामनृष्वे रयिं दिवो दुहितरिष्यध्वै ४
 सा वह योक्षभिरवातो षो वरं वहसि जोषमनु ।
 त्वं दिवो दुहितर्या ह देवी पूर्वहूतौ मंहना दर्शता भूः ५
 उत् ते वयश्चिद् वसतेरपपन् नरश्च ये पितुभाजो व्युष्टौ ।
 अमा सते वहसि भूरि वाम मुषौ देवि दाशुषे मर्त्याय ६

(४) चतुर्थं सूक्तम्

(१-६) षड्वचस्यास्य सूक्तस्य बार्हस्पत्यो भरद्वाज ऋषिः । उषा देवता ।

त्रिष्टुप् छन्दः

एषा स्या नो दुहिता दिवोजाः क्षितीरुच्छन्ती मानुषीरजीगः ।
 या भानुना रुशता राम्या स्वज्ञायि तिरस्तमसश्चिदक्तून् १
 वि तद् ययुररुणयुग्भिरश्वैश्चित्रं भान्त्युषसश्चन्द्ररथाः ।
 अग्रं यज्ञस्य बृहतो नयन्ती वि ता बाधन्ते तम् ऊर्म्यायाः २
 श्रवो वाजमिषमूर्जं वहन्ती नि दाशुष उषसो मर्त्याय ।
 मघोनीर्वीरवत् पत्यमाना अवो धात विधते रत्नमद्य ३
 इदा हि वो विधते रत्नमस्ती दा वीराय दाशुष उषासः ।
 इदा विप्राय जरते यदुक्था नि ष्म मावते वहथा पुरा चित् ४
 इदा हि त उषो अद्रिसानो गोत्रा गवामङ्गिरसो गृणन्ति ।
 व्यश्केण बिभिदुर्ब्रह्मणा च सत्या नृणामभवद् देवहूतिः ५
 उच्छा दिवो दुहितः प्रवन्नो भरद्वाजवद् विधते मघोनि ।
 सुवीरं रयिं गृणते रिरीह्य रुगायमधि धेहि श्रवो नः ६

(५) पञ्चमं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । मरुतो देवताः ।

त्रिष्टुप् छन्दः

वपुर्नु तच्चिकितुषै चिदस्तु समानं नाम धेनु पत्यमानम् ।
 मर्तैष्वन्यद् दोहसै पीपाय सकृच्छुक्रं दुदुहे पृश्निरूधः १
 ये अग्रयो न शोशचन्निधाना द्विर्यत् त्रिर्मरुतौ वावृधन्त ।
 अरेणवौ हिरण्ययोस एषां साकं नृमणैः पौंस्यैभिश्च भूवन् २
 रुद्रस्यये मीळहुषः सन्ति पुत्रा यांश्चो नु दार्ध्विर्भरंध्यै ।
 विदे हि माता मुहो मुही षा सेत् पृश्निः सुभ्वेऽर्गर्भमाधात् ३
 न य ईषन्ते जनुषोऽया न्वश्-ऽन्तः सन्तौऽवद्यानि पुनानाः ।
 निर्यद् दुहे शुचयोऽनु जोष-मनु श्रिया तन्वमुक्षमाणाः ४
 मुक्षू न येषु दोहसै चिदया आ नाम धृष्णु मारुतं दधानाः ।
 न ये स्तौना अयासौ मुह्ना नू चित् सुदानुरव यासदुग्रान् ५
 त इदुग्राः शर्वसा धृष्णुषैणा उभे युजन्त रोदसी सुमेकै ।
 अर्ध स्मेषु रोदसी स्वशौचि रामवत्सु तस्थौ न रोकः ६
 अनेनो वौ मरुतो यामौ अस्त्व नश्चश्चिद् यमजत्यरथीः ।
 अनवसो अनभीशू रजस्तू वि रोदसी पृथ्या याति साधन् ७
 नास्य वर्ता न तरुता न्वस्ति मरुतो यमवथ वार्जसातौ ।
 तोके वा गोषु तनये यमप्सु स व्रजं दर्ता पार्ये अध द्योः ८
 प्र चित्रमर्कं गृणते तुराय मारुताय स्वतवसे भरध्वम् ।
 ये सहांसि सहसा सहन्ते रेजते अग्ने पृथिवी मुखेभ्यः ९
 त्विषीमन्तो अध्वरस्यैव दिद्युत् तृषुच्यवसो जुहोर्नाग्नेः ।
 अर्चत्रयो धुनयो न वीरा भ्राजजन्मानो मरुतो अर्धृष्टाः १०
 तं वृधन्त मारुतं भ्राजदृष्टिं रुद्रस्य सूनं हवसा विवासे ।
 दिवः शर्धाय शुचयो मनीषा गिरयो नाप उग्रा अस्पृधन् ११

(६) षष्ठं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । मित्रावरुणौ देवते

। त्रिष्टुप् छन्दः

विश्वेषां वः सतां ज्येष्ठतमा गीर्भिर्मित्रावरुणा वावृधध्यै ।
 सं या रश्मेव यमतुर्यमिष्टा द्वा जना असमा बाहुभिः स्वैः १
 इयं मद वां प्र स्तृणीते मनीषोप प्रिया नमसा बर्हिरच्छ ।
 यन्त नौ मित्रावरुणावधृष्टं छर्दिर्यद् वा वरूथ्य सुदानू २

आ यातं मित्रावरुणा सुशस्त्यु पं प्रिया नर्मसा हूयमाना ।
 सं यावप्नःस्थो अपसैव जना ऋरुधीयतश्चिद् यतथो महित्वा ३
 अश्वा न या वाजिना पूतबन्धू ऋता यद् गर्भमदितिर्भरंध्यै ।
 प्र या महि महान्ता जायमाना घोरा मर्ताय रिपवे नि दीधः ४
 विश्वे यद् वा मंहना मन्दमानाः क्षत्रं देवासो अदधुः सजोषाः ।
 परि यद् भूथो रोदसी चिदुर्वी सन्ति स्पशो अदब्धासो अमूराः ५
 ता हि क्षत्रं धारयैथे अनु द्यून् दृहेथे सानुमुपमादिव द्योः ।
 दृळ्हो नक्षत्र उत विश्वदैवो भूमिमातान् द्यां धासिनायोः ६
 ता विग्रं धैथे जठरं पूणध्या आ यत् सद्य सभृतयः पूणन्ति ।
 न मृष्यन्ते युवतयोऽवाता वि यत् पयो विश्वजिन्वा भरन्ते ७
 ता जिह्वया सदमेदं सुमेधा आ यद् वा सत्यो अरतिर्भूते भूत् ।
 तद् वा महित्वं घृतान्नावस्तु युवं दाशुषे वि चयिष्टमंहः ८
 प्र यद् वा मित्रावरुणा स्पूधन् प्रिया धाम युवर्धिता मिनन्ति ।
 न ये देवास ओहसा न मर्ता अयज्ञसाचो अप्यो न पुत्राः ९
 वि यद् वाचं कीस्तासो भरन्ते शंसन्ति के चिन्निविदौ मनानाः ।
 आद् वा ब्रवाम सत्यान्युक्था नकिर्देवेभिर्यतथो महित्वा १०
 अवोरित्था वा छर्दिषो अभिष्टौ युवोर्मित्रावरुणावस्कृधोयु ।
 अनु यद् गावः स्फुरानृजिप्यं धृष्णं यद् रणे वृषणं युनजन् ११

(७) सप्तमं सूक्तम्

(१-११) एकादशर्चस्यास्य सूक्तस्य बार्हस्पत्यो भरद्वाज ऋषिः । इन्द्रावरुणौ देवते

। (१-८, ११) प्रथमाद्यष्टर्चामेकादश्याश्च त्रिष्टुप्,

(९-१०) नवमीदशम्योश्च जगती छन्दसी

श्रुष्टी वा यज्ञ उद्यतः सजोषा मनुष्वद् वृक्तबर्हिषो यजंध्यै ।
 आ य इन्द्रावरुणाविषे अद्य महे सुम्राय मह आववर्तत् १
 ता हि श्रेष्ठा देवताता तुजा शूराणां शर्विष्ठा ता हि भूतम् ।
 मघोनां मंहिष्ठा तुविशुष्म ऋतेन वृत्रतुरा सर्वसेना २
 ता गृणीहि नमस्यैभिः शूषैः सुमेभिरिन्द्रावरुणा चक्राना ।
 वज्रेणान्यः शर्वसा हन्ति वृत्रं सिषक्त्यन्यो वृजनैषु विप्रः ३
 ग्राश्च यन्नरश्च वावृधन्त विश्वे देवासो नरां स्वगूर्ताः ।

प्रैभ्य इन्द्रावरुणा महित्वा द्यौश्च पृथिवि भूतमुर्वी ४
 स इत् सुदानुः स्ववाँ ऋतावेन्द्रा यो वाँ वरुण दाशति त्मन् ।
 इषा स द्विषस्तेरिद् दास्वान् वंसद् रयिं रयिवर्तश्च जनान् ५
 यं युवं दाश्चध्वराय देवा रयिं धत्थो वसुमन्तं पुरुक्षुम् ।
 अस्मे स इन्द्रावरुणावपि ष्यात् प्र यो भनक्ति वनुषामशस्तीः ६
 उत नः सुत्रात्रो देवगौपाः सूरिभ्य इन्द्रावरुणा रयिः ष्यात् ।
 येषां शुष्मः पृतनासु साह्वान् प्र सद्यो द्युम्ना तिरते ततुरिः ७
 नू न इन्द्रावरुणा गृणाना पृङ्गं रयिं सौश्रवसाय देवा ।
 इत्था गृणन्तौ महिनस्य शर्धो ऽपो न नावा दुरिता तरेम ८
 प्र सन्नाजै बृहते मन्म नु प्रिय मर्च देवाय वरुणाय सप्रथः ।
 अयं य उर्वी महिना महिव्रतः क्रत्वा विभात्यजरो न शोचिषा ९
 इन्द्रावरुणा सुतपाविमं सुतं सोमं पिबतं मघं धृतव्रता ।
 युवो रथौ अध्वरं देववीतये प्रति स्वसरमुप याति पीतये १०
 इन्द्रावरुणा मधुमत्तमस्य वृष्णः सोमस्य वृषणा वृषेथाम् ।
 इदं वामन्धः परिषिक्तमस्मे आसद्यास्मिन् बर्हिषि मादयेथाम् ११

(८) अष्टमं सूक्तम्

(१-८) अष्टर्चस्यास्य सूक्तस्य बार्हस्पत्यो भरद्वाज ऋषिः । इन्द्राविष्णू देवते ।

त्रिष्टुप् छन्दः

सं वां कर्मणा समिषा हिनोमीन्द्राविष्णू अपसस्पारे अस्य ।
 जुषेथां यज्ञं द्रविणं च धत्त मरिष्टैर्नः पृथिभिः पारयन्ता १
 या विश्वासां जनितारा मतीना मिन्द्राविष्णू कलशां सोमधाना ।
 प्र वां गिरः शस्यमाना अवन्तु प्र स्तोमासो गीयमानासो अर्कैः २
 इन्द्राविष्णू मदपती मदाना मा सोमं यातुं द्रविणो दधाना ।
 सं वामञ्जन्वक्तुभिर्मतीनां सं स्तोमासः शस्यमानास उक्थैः ३
 आ वामश्वासो अभिमातिषाह इन्द्राविष्णू सधमादौ वहन्तु ।
 जुषेथां विश्वा हवना मतीना मुप ब्रह्माणि शृणुतं गिरौ मे ४
 इन्द्राविष्णू तत् पेनयार्थं वां सोमस्य मद उरु चक्रमाथे ।
 अकृणुतमन्तरिक्षं वरीयो ऽप्रथतं जीवसे नो रजांसि ५
 इन्द्राविष्णू हविषा वावृधाना ऽग्राद्वाना नमसा रातहव्या ।

घृतासुती द्रविणं धत्तमुस्मे समुद्रः स्थः कलशः सोमधानः ६
 इन्द्राविष्णू पिबतुं मध्वो अस्य सोमस्य दस्त्रा जुठरं पृणेत्याम् ।
 आ वामन्धांसि मदिरायगम् नृप ब्रह्माणि शृणुतुं हव मे ७
 उभा जिग्यथुर्न परा जयेथे न परा जिग्ये कतुरश्चनैनौः ।
 इन्द्रश्च विष्णो यदपस्पृधेथां त्रेधा सहस्रं वि तदैरयेथाम् ८

(९) नवमं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । द्यावापृथिव्यौ देवते ।
 जगती छन्दः

घृतवती भुवनानामभिश्रियो र्वी पृथ्वी मधुदुघे सुपेशसा ।
 द्यावापृथिवी वरुणस्य धर्मणा विष्कभिते अजरे भूरिरेतसा १
 असश्चन्ती भूरिधारे पर्यस्वती घृतं दुहाते सुकृते शुचिव्रते ।
 राजन्ती अस्य भुवनस्य रोदसी अस्मे रेतः सिञ्चतुं यन्मनुर्हितम् २
 यो वामृजवे क्रमणाय रोदसी मर्तो ददाश धिषणे स साधति ।
 प्र प्रजाभिर्जायते धर्मणस्परि युवोः सिक्ता विषरूपाणि सव्रता ३
 घृतेन द्यावापृथिवी अभीवृते घृतश्रिया घृतपृचा घृतावृधा ।
 उर्वी पृथ्वी हौतवूर्ये पुरोहिते ते इद् विप्रा ईळते सुममिष्टये ४
 मधु नो द्यावापृथिवी मिमिक्षतां मधुश्रुता मधुदुघे मधुव्रते ।
 दधाने यज्ञं द्रविणं च देवता महि श्रवो वाजमुस्मे सुवीर्यम् ५
 ऊर्जं नो द्यौश्च पृथिवी च पिन्वतां पिता माता विश्वविदा सुदंससा ।
 संरराणे रोदसी विश्वशम्भुवा सनिं वाजं रयिमुस्मे समिन्वताम् ६

(१०) दशमं सूक्तम्

(१-६) षडृचस्यास्य सूक्तस्य बार्हस्पत्यो भरद्वाज ऋषिः । सविता देवता । (१-

३) प्रथमतृचस्य जगती, (४-६) द्वितीयतृचस्य च त्रिष्टुप् छन्दसी

उदु ष्य देवः सविता हिरण्यया ब्राह्म अयंस्तु सर्वनाय सुक्रतुः ।
 घृतेन पाणी अभि प्रुष्णते मखो युवा सुदक्षो रजसो विधर्मणि १
 देवस्य वयं सवितुः सर्वामनि श्रेष्ठे स्याम वसुनश्च दावने ।
 यो विश्वस्य द्विपदो यश्चतुष्पदो निवेशने प्रसवे चासि भूमनः २
 अदब्धेभिः सवितः पायुभिष्टं शिवेभिरद्य परि पाहि नो गर्यम् ।

हिरण्यजिह्वः सुविताय नव्यसे रक्षा माकिर्नो अघशंस ईशत ३
 उदु ष्य देवः सविता दमूना हिरण्यपाणिः प्रतिदोषमस्थात् ।
 अयोहनुर्यजतो मन्द्रजिह्व आ दाशुषे सुवति भूरि वामम् ४
 उदू अयाँ उपवृक्तेर्व ब्राह्म हिरण्यया सविता सुप्रतीका ।
 दिवो रोहांस्यरुहत् पृथिव्या अरीरमत् पृतयत् कच्चिदभ्वम् ५
 वाममद्य सवितर्वाममु श्वो दिवेदिवे वाममस्मभ्यं सावीः ।
 वामस्य हि क्षयस्य देव भूरि रया धिया वामभाजः स्याम ६

(११) एकादशं सूक्तम्

(१-५) पञ्चर्चस्यास्य सूक्तस्य बार्हस्पत्यो भरद्वाज ऋषिः । इन्द्रासोमौ देवते ।

त्रिष्टुप् छन्दः

इन्द्रासोमा महि तद् वां महित्वं युवं महानि प्रथमानि चक्रथुः ।
 युवं सूर्यं विविदथुर्युवं स्वर्षं विश्वा तमांस्यहतं निदध्व १
 इन्द्रासोमा वासयथ उषासु मुत् सूर्यं नयथो ज्योतिषा सह ।
 उप द्यां स्कम्भथुः स्कम्भनेना प्रथतं पृथिवीं मातरं वि २
 इन्द्रासोमावहिमपः परिष्ठां हथो वृत्रमनु वां द्यौरमन्यत ।
 प्राणांस्यैरयतं नदीना मा समुद्राणि पप्रथुः पुरुणि ३
 इन्द्रासोमा पक्वमामास्वन्त नि गवामिद् दधथुर्वक्षणासु ।
 जगृभथुरनपिनद्धमासु रुशच्चित्रासु जगतीष्वन्तः ४
 इन्द्रासोमा युवमङ्ग तरुत्र मपत्यसाचं श्रुत्य रराथे ।
 युवं शुष्मं नर्यं चर्षणिभ्यः सं विव्यथुः पृतनाषाहमुग्रा ५

(१२) द्वादशं सूक्तम्

(१-३) तृचस्यास्य सूक्तस्य बार्हस्पत्यो भरद्वाज ऋषिः । बृहस्पतिर्देवता ।

त्रिष्टुप् छन्दः

यो अद्रिभित् प्रथमजा ऋतावा बृहस्पतिराङ्गिरसो हविष्मान् ।
 द्विबर्हज्मा प्राघर्मसत् पिता न आ रोदसी वृषभो रौरवीति १
 जनाय चिद् य ईवत उ लोकं बृहस्पतिर्देवहूतौ चकार ।
 घ्नन् वृत्राणि वि पुरौ दर्दरीति जयञ्छत्रैरमित्रान् पृत्सु साहन् २
 बृहस्पतिः समजयद् वसूनि महो वृजान् गोमर्तो देव एषः ।

अपः सिषासन् त्वश्रप्रतीतो बृहस्पतिर्हन्त्यमित्रमर्कैः ३

(१३) त्रयोदशं सूक्तम्

(१-४) चतुर्ऋचस्यास्य सूक्तस्य बार्हस्पत्यो भरद्वाज ऋषिः । सोमारुद्रौ देवते ।

त्रिष्टुप् छन्दः

सोमारुद्रा धारयैथामसुर्यं प्र वामिष्टयोऽरमश्नुवन्तु ।
 दमैदमे सप्त रत्ना दधाना शं नो भूतं द्विपदे शं चतुष्पदे १
 सोमारुद्रा वि वृहतं विषूची ममीवा या नो गर्यमाविवेश ।
 आरे बाधेथां निर्ऋतिं पराचै रस्मे भद्रा सौश्रवसानि सन्तु २
 सोमारुद्रा युवमेतान्यस्मे विश्वा तनूषु भेषजानि धत्तम् ।
 अवं स्यतं मुञ्चतं यन्नो अस्ति तनूषु बुद्धं कृतमेनो अस्मत् ३
 तिग्यायुधौ तिग्महेती सुशेवौ सोमारुद्राविह सु मृळतं नः ।
 प्र नो मुञ्चतं वरुणस्य पाशाद् गोपायतं नः सुमनस्यमाना ४

(१४) चतुर्दशं सूक्तम्

(१-१६) एकोनविंशत्यृचस्यास्य सूक्तस्य भारद्वाजः पायुर्ऋषिः । (१) प्रथमर्चो
 वर्म, (२) द्वितीयाया धनुः, (३) तृतीयाया ज्या, (४) चतुर्थ्या आर्त्ती, (५)
 पञ्चम्या इषुधिः, (६) षष्ठ्याः पूर्वार्धस्य सारथिरुत्तरार्धस्य च रश्मयः, (७)
 सप्तम्या अश्वाः, (८) अष्टम्या रथः, (९) नवम्या रथगोपाः, (१०) दशम्या
 ब्राह्मणपितृसोमद्यावापृथिवीपूषाणः, (११-१२, १५-१६)
 एकादशीद्वादशीपञ्चदशीषोडशीनामिषवः, (१३) त्रयोदश्याः प्रतोदः, (१४)
 चतुर्दश्या हस्तघ्नः, (१७) सप्तदश्या युद्धभूमिकवचब्रह्मणस्पत्यादयः, (१८)
 अष्टादश्या वर्मसोमवरुणाः, (१९) एकोनविंश्याश्च देवा ब्रह्म च देवताः । (१-५,
 ७-९, ११, १४, १८) प्रथमादिपञ्चर्चा सप्तम्यादितृचस्यैकादशीचतुर्दश्यष्टादशीनाञ्च
 त्रिष्टुप्, (६, १०) षष्ठीदशम्योर्जगती (१२-१३, १५-१६, १९)
 द्वादशीत्रयोदशीपञ्चदशीषोडश्येकोनविंशीनामनुष्टुप्, (१७) सप्तदश्याश्च
 पङ्क्तिश्छन्दांसि

जीमूतस्येव भवति प्रतीकं यद् वर्मी याति समदामुपस्थे ।
 अनाविद्धया तन्वा जय त्वं स त्वा वर्मणो महिमा पिपर्तु १
 धन्वना गा धन्वनाजिं जयेम धन्वना तीव्राः समदौ जयेम ।
 धनुः शत्रौरपकामं कृणोति धन्वना सर्वाः प्रदिशौ जयेम २

वृद्धयन्तीवेदा गनीगन्ति कर्णं प्रियं सखायं परिष्वजाना ।
 योषैव शिङ्गे वितताधि धन्वञ्जया इयं समने पारयन्ती ३
 ते आचरन्ती समनेव योषा मातेव पुत्रं बिभृतामुपस्थै ।
 अप शत्रून् विध्यतां संविदाने आर्त्तं इमे विष्फुरन्ती अमित्रान् ४
 ब्रह्मीनां पिता बहुरस्य पुत्रश्चिश्वा कृणोति समनावगत्य ।
 इषुधिः सङ्काः पृतनाश्च सर्वाः पृष्ठे निनद्धो जयति प्रसूतः ५
 रथे तिष्ठन् नयति वाजिनः पुरो यत्रयत्र कामयते सुषारथिः ।
 अभीशूनां हिमानं पनायत मनः पश्चादनु यच्छन्ति रश्मयः ६
 तीव्रान् घोषान् कृणवते वृषपाणयो ऽश्वा रथेभिः सह वाजयन्तः ।
 अवक्रामन्तः प्रपदैरमित्रान् क्षिणन्ति शत्रूरनपव्ययन्तः ७
 रथवाहनं हविरस्य नाम यत्रायुधं निहितमस्य वर्म ।
 तत्रा रथमुप शग्मं संदेम विश्वाहा वयं सुमनस्यमानाः ८
 स्वादुषंसदः पितरौ वयोधाः कृच्छ्रेश्रितुः शक्तीवन्तो गभीराः ।
 चित्रसेना इषुबला अमृधाः सतोवीरा उरवो वातसाहाः ९
 ब्राह्मणासः पितरः सोम्यासः शिवे नो द्यावापृथिवी अनेहसा ।
 पूषा नः पातु दुरितादृतावृधो रक्षा मार्किर्नो अघशंस ईशत १०
 सुपर्णं वस्ते मृगो अस्य दन्तो गोभिः संनद्धा पतति प्रसूता ।
 यत्रा नरः सं च वि च द्रवन्ति तत्रास्मभ्यमिषवः शर्म यंसन् ११
 ऋजीते परि वृद्धि नो ऽश्मा भवतु नस्तनूः ।
 सोमो अधि ब्रवीतु नो ऽदितिः शर्म यच्छतु १२
 आ जङ्घन्ति सान्वेषां जघनां उप जिघ्रते ।
 अश्वाजनि प्रचैतसो ऽश्वान् त्समत्सु चोदय १३
 अहिरिव भोगैः पर्येति ब्राह्मं ज्याया हेति परिबार्धमानः ।
 हस्तघ्नो विश्वा वयुनानि विद्वान् पुमान् पुमांसं परि पातु विश्वतः १४
 आलाक्ता या रुरुशीर्षर्यथो यस्या अयो मुखम् ।
 इदं पर्जन्यरेतस इष्वै देव्यै बृहन्नमः १५
 अवसृष्टा परा पतु शरव्ये ब्रह्मसंशिते ।
 गच्छामित्रान् प्र पद्यस्व मामीषां कं चनोच्छिषः १६
 यत्र बाणाः संपतन्ति कुमारा विशिखा इव ।
 तत्रा नो ब्रह्मणस्पति रदितिः शर्म यच्छतु विश्वाहा शर्म यच्छतु १७

मर्माणि ते वर्मणा छादयामि सोमस्त्वा राजामृतेनानु वस्ताम्
 उरोर्वरीयो वरुणस्ते कृणोतु जयन्तं त्वानु देवा मन्दन्तु १८
 यो नः स्वो अरणो यश्च निष्टयो जिघांसति ।
 देवास्तं सर्वे धूर्वन्तु ब्रह्म वर्म ममान्तरम् १९

(१५) पञ्चदशं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

(१-१८) प्रथमाद्यष्टादशर्चा विराट्,

(१९-२५) एकोनविंश्यादिसप्तानाञ्च त्रिष्टुप् छन्दसी

अग्निं नरो दीर्घितिभिररण्यो हस्तच्युती जनयन्त प्रशस्तम् । दूरेदृशं
 गृहपतिमथर्युम् १
 तमग्निमस्ते वसवो न्यृणवन् त्सुप्रतिचक्ष्मवसे कुतश्चित् । दक्षाव्यो यो दम्
 आसु नित्यः २
 प्रेद्धौ अग्ने दीदिहि पुरो नो ऽजस्रया सूर्म्या यविष्ठ । त्वां शश्वन्त उप यन्ति
 वाजाः ३
 प्र ते अग्नयोऽग्निभ्यो वरं निः सुवीरांसः शोशुचन्त द्युमन्तः । यत्रा नरः
 समासते सुजाताः ४
 दा नो अग्ने धिया रयिं सुवीरं स्वपत्यं सहस्य प्रशस्तम् । न यं यावा तरति
 यातुमावान् ५
 उप यमेति युवतिः सुदक्षो दोषा वस्तोर्हविष्मती घृतार्ची । उप
 स्वैनमरमतिर्वसूयुः ६
 विश्वा अग्नेऽप दहाराती र्येभिस्तपौभिरदहो जरूथम् । प्र निस्वरं
 चातयस्वामीवाम् ७
 आ यस्तै अग्न इधते अनीकं वसिष्ठ शुक्र दीदिवः पार्वक । उतो न एभिः
 स्तवथैरिह स्याः ८
 वि ये तै अग्ने भेजिरे अनीकं मर्ता नरः पित्र्यासः पुरुत्रा । उतो न एभिः
 सुमना इह स्याः ९
 इमे नरो वृत्रहत्येषु शूरा विश्वा अदेवीरभि सन्तु मायाः । ये मे धिर्यं पुनर्यन्त
 प्रशस्ताम् १०
 मा शूनै अग्ने नि षदाम नृणां माशेषसोऽवीरता परि त्वा । प्रजावतीषु दुर्यासु

दुर्य ११

यम॒श्ची नित्य॑मु॒पयाति॑ य॒ज्ञं प्र॒जाव॑न्तं स्व॒पत्यं॑ क्षयं॒ नः । स्व॒जन्म॑ना शेष॒सा
वावृ॑धानम् १२

पा॒हि नो॑ अ॒ग्ने र॒क्षसो॑ अ॒जुष्टा॑त् पा॒हि धूर्ते॑र॒रुषो॑ अ॒घायोः॑ । त्वा यु॒जा
पृ॒तना॒यूर॑भि ष्याम् १३

से॒द॒ग्नि॒र॒ग्रीर॑त्य॒स्त्व॒न्यान् यत्र॑ वा॒जी तन॑यो वी॒ळु॒पाणिः॑ । स॒हस्र॑पा॒था अ॒क्षरा॑
स॒मेति॑ १४

से॒द॒ग्नि॒र्यो व॑नुष्य॒तो नि॒पाति॑ स॒मेद्धार॑म॒हंस॑ उरुष्यात् । सु॒जा॒तासः॑ परि
चर॑न्ति वी॒राः १५

अ॒यं सो अ॒ग्निरा॑हुतः पुरु॒त्रा यमी॑शान् स॒मिदि॑न्धे ह॒विष्मा॑न् । परि
यमे॒त्यध्व॑रेषु होता १६

त्वे अ॒ग्न आ॑ह॒र्वना॑नि भूरी॒शाना॑स आ जु॒हुयाम्॑ नित्या । उ॒भा कृ॒णव॑न्तो
वह॑तू मि॒येधै १७

इ॒मो अ॒ग्ने वी॒तत॑मानि ह॒व्या ऽज॑स्रो व॒क्षि दे॒वता॑तिमच्छ । प्रति॑ न ई
सु॒रभी॑णि व्यन्तु १८

मा नो॑ अ॒ग्नेऽवी॑र॒ते परा॑ दा दु॒र्वास॑सेऽम॒तये॑ मा नो॑ अ॒स्यै ।

मा नः॑ क्षु॒धे मा र॒क्षसं॑ ऋ॒तावो॑ मा नो॑ दमे॒ मा वन॑ आ जु॒हूर्थाः॑ १९

नू मे॒ ब्र॒ह्मा॑ण॒यग्न॑ उच्छ॑शाधि त्वं दै॒व म॒घव॑द्भ्यः सुषूदः ।

रा॒तौ स्या॑मो॒भया॑स आ तै॒ यूयं॑ पा॒त स्व॒स्तिभिः॑ सदा॑ नः २०

त्वम॑ग्ने सु॒हवो॑ र॒णव॑स॒दृक् सु॒दीती॑ सू॒नो स॒हसो॑ दिदीहि ।

मा त्वे स॒चा तन॑ये नित्य॒ आ ध॒ङ्गा वी॒रो अ॒स्मन्न॑र्यो वि दा॑सीत् २१

मा नो॑ अ॒ग्ने दु॒र्भृत॑ये स॒चैषु॑ दे॒वेद्वै॑ष्व॒ग्निषु॑ प्र वो॑चः ।

मा तै॒ अ॒स्मान् दु॒र्म॒तयो॑ भृ॒माञ्चि॑द् दे॒वस्य॑ सू॒नो स॒हसो॑ नशन्त २२

स म॒तो अ॒ग्ने स्व॒नीक॑ रे॒वानम॑त्ये॒ य आ॑जुहोति ह॒व्यम् ।

स दे॒वता॑ वसु॒वर्नि॑ दधाति॒ यं सू॒रि॒रथी॑ पृ॒च्छमा॑न् एति॑ २३

मु॒हो नो॑ अ॒ग्ने सु॒वि॒तस्य॑ वि॒द्वान् र॒यिं सू॒रिभ्य॑ आ व॑हा बृ॒हन्त॑म् ।

येन॑ व॒यं स॒हसा॑व॒न् मदे॑माऽवि॒क्षिता॑स॒ आयु॑षा सु॒वीराः॑ २४

नू मे॒ ब्र॒ह्मा॑ण॒यग्न॑ उच्छ॑शाधि त्वं दै॒व म॒घव॑द्भ्यः सुषूदः ।

रा॒तौ स्या॑मो॒भया॑स आ तै॒ यूयं॑ पा॒त स्व॒स्तिभिः॑ सदा॑ नः २५

द्वितीयोऽध्यायः

व० १-३०

(१६) षोडशं सूक्तम्

(१-११) एकादशर्चस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्च इध्मः समिद्धो वाग्निः, (२) द्वितीयाया नराशंसः, (३) तृतीयाया इळः, (४) चतुर्थ्या बर्हिः, (५) पञ्चम्या देवीद्वारः, (६) षष्ठ्या उषासानक्ता, (७) सप्तम्या दैव्यौ होतारौ प्रचेतसौ, (८) अष्टम्यास्तिस्त्रो देव्यः सरस्वतीळाभारत्यः, (९) नवम्यास्त्वष्टा, (१०) दशम्या वनस्पतिः, (११) एकादश्याश्च स्वाहाकृतयो

देवताः । त्रिष्टुप् छन्दः

जुषस्व नः समिधमग्ने अद्य शोचा बृहद् यजतं धूममृणवन् ।
 उप स्पृश दिव्यं सानु स्तूपैः सं रश्मिभिस्ततनः सूर्यस्य १
 नराशंसस्य महिमानमेषा मुप स्तोषाम यजतस्य यज्ञैः ।
 ये सुक्रतवः शुचयो धियुधाः स्वदन्ति देवा उभयानि हव्या २
 ईळैन्य वो असुरं सुदक्षं मन्तर्दूतं रोदसी सत्यवाचम् ।
 मनुष्वदग्निं मनुना समिद्धं समध्वराय सदमिन्महेम ३
 सपर्यवो भरमाणा अभिज्ञु प्र वृञ्जते नमसा बर्हिरग्नौ ।
 आजुह्वाना घृतपृष्ठं पृषद्वर्ध्ववो हविषा मर्जयध्वम् ४
 स्वाध्योर् वि दुरौ देवयन्तो ऽशिश्नू रथयुर्देवताता ।
 पूर्वी शिशं न मातरा रिहाणे समग्रवो न समनेष्वञ्जन् ५
 उत योषणे दिव्ये मही न उषासानक्ता सुदुर्ध्व धेनुः ।
 बर्हिषदा पुरुहूते मघोनी आ यज्ञियै सुविताय श्रयेताम् ६
 विप्रा यज्ञेषु मानुषेषु कारू मन्ये वां जातवेदसा यजध्वै ।
 ऊर्ध्व नो अध्वरं कृतं हवेषु ता देवेषु वनथो वार्याणि ७
 आ भारती भारतीभिः सजोषा इळा देवैर्मनुष्यैभिरग्निः ।
 सरस्वती सारस्वतेभिर्वाक् तिस्रो देवीर्बर्हि रेदं सदन्तु ८
 तन्नस्तुरीपमर्ध पोषयितु देवं त्वष्टृर्विराणः स्यस्व ।
 यतौ वीरः कर्मण्यः सुदक्षौ युक्तग्रावा जायते देवकामः ९
 वनस्पतेऽव सृजोप देवा नग्निर्हविः शमिता सूदयाति ।
 सेदु होता सत्यतरो यजाति यथा देवानां जनिमानि वेद १०
 आ याह्यग्ने समिधानो अर्वा डिन्द्रैण देवैः सरथं तुरेभिः ।

ब॒र्हिर्न॑ आस्तामदि॒तिः सु॒पुत्रा॑ स्वाहा॒ दे॒वा अ॒मृता॑ मादयन्ताम् ११

(१७) सप्तदशं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

अ॒ग्निं वो॑ दे॒वम॒ग्निभिः॑ स॒जोषा॑ यजिष्ठं दू॒तम॑ध्वरे कृ॒णुध्वम् ।
 यो म॒र्त्येषु॑ नि॒ध्रुवि॑र्जता॒वा तपु॑र्मूर्धा घृ॒तान्नः॑ पा॒वकः॑ १
 प्रो॒थदश्चो॑ न यव॑सेऽवि॒ष्यन् य॒दा म॒हः सं॒वर॑णाद् व्य॒स्थात् ।
 आ॒दस्य॑ वा॒तो अनु॑ वा॒ति शो॒चि र॒धं स्म ते॒ व्रज॑नं कृ॒ष्णम॑स्ति २
 उद् यस्य॑ ते न॒वजा॑तस्य वृ॒ष्णो ऽग्ने॒ चर॑न्त्य॒जरा॑ इ॒धनाः॑ ।
 अ॒च्छा द्या॑म॒रुषो॑ धूम॒ एति॑ सं दू॒तो अ॒ग्न ई॒र्यसे॑ हि दे॒वान् ३
 वि यस्य॑ ते पृ॒थिव्यां॑ पा॒जो अ॒श्रैत् तृषु॑ यद॒न्ना स॒मवृ॑क्त ज॒म्भैः ।
 से॒नैव सृ॑ष्टा प्र॒सिति॑ष्ट ए॒ति यव॑ं न दे॒स्म जु॒ह्वा वि॒वेक्षि॑ ४
 तमिद् दो॒षा तमु॑षसि॒ यवि॑ष्ठाम॒ग्निम॒त्यं न म॑र्जयन्त॒ नरः॑ ।
 नि॒शिशा॑ना अ॒तिथि॑मस्य॒ योनौ॑ दी॒दाय॑ शो॒चिरा॑हु॒तस्य॑ वृ॒ष्णः ५
 सु॒सं॒दृक् तै॑ स्व॒नीक॑ प्र॒तीकं॑ वि यद् रु॒क्मो न रो॑च॒स उ॒पाके॑ ।
 दि॒वो न तै॑ तन्य॒तुरे॑ति शु॒ष्मश्चि॒त्रो न सूरः॑ प्र॒ति चक्षि॑ भ॒ानुम् ६
 यथा॑ वः स्वा॒हाग्र॑ये दा॒शैम॑ प॒रीळा॑भिर्घृतव॒द्भिश्च॑ ह॒व्यैः ।
 तेभि॑र्नो अ॒ग्ने अ॒मि॒तैर्म॑हो॒भिः श॒तं पू॒र्भिरा॑र्य॒सीभि॑र्नि पा॒हि ७
 या वा॑ ते सन्ति॒ दा॒शुषे॑ अ॒र्धृष्टा॑ गि॒रौ वा॑ याभि॒र्नुव॑तीरु॒ष्याः ।
 ताभि॑र्नः सू॒नो स॒हस्रो॑ नि पा॒हि स्मत् सू॒रीञ्ज॑रि॒तृच॑फ॒दृञ्जा॑तवेदः ८
 निर्य॑त् पू॒तेव॑ स्व॒र्धितिः॑ शु॒चिर्गा॑त् स्व॒या कृ॑पा त॒न्वा॒ऽरो॑च॒मानः॑ ।
 आ यो मा॒त्रोरु॑शे॒न्यो ज॑निष्ठ दे॒व्यज्या॑य सु॒क्रतुः॑ पा॒वकः॑ ९
 ए॒ता नो॑ अ॒ग्ने सौ॒भगा॑ दि॒दीह्य॑ पि क्र॒तुं सु॒चेत॑सं व॒तेम॑ ।
 वि॒श्वा स्तो॑तृ॒भ्यो गृ॑ण॒ते च स॑न्तु यू॒यं पा॑त स्व॒स्तिभिः॑ सदा॒ नः १०

(१८) अष्टादशं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

प्र वः श॒क्राय॑ भ॒ानवै॑ भर॒ध्वं ह॒व्यं म॒तिं चा॒ग्रये॑ सु॒पूतम्॑ ।

यो दैव्यानि मानुषा जूनूष्यन्तर्विश्वानि विघ्नना जिगाति १
 स गृत्सौ अग्निस्तरुणश्चिदस्तु यतो यविष्ठो अर्जनिष्ठ मातुः ।
 सं यो वना युवते शुचिदन् भूरि चिदन्ना समिदत्ति सद्यः २
 अस्य देवस्य संसद्यनीके यं मर्तासः श्येतं जगृध्रे ।
 नि यो गृभं पौरुषेयीमुवोच दुरोकमग्निरायवै शुशोच ३
 अयं कविरकविषु प्रचैता मर्तैष्वग्निरमृतो नि धायि ।
 स मा नो अत्र जुहुरः सहस्वः सदा त्वे सुमनसः स्याम ४
 आ यो योनिं देवकृतं ससाद क्रत्वा ह्यग्निर्मृताँ अतारीत् ।
 तमोषधीश्च वनिनश्च गर्भं भूमिश्च विश्वधायसं बिभर्ति ५
 ईशे ह्यग्निर्मृतस्य भूरे रीशे रायः सुवीर्यस्य दातौः ।
 मा त्वा वयं सहसावन्नवीरा माप्सवः परि षदाम् मादुवः ६
 परिषद्यं ह्यरणस्य रेक्णो नित्यस्य रायः पतयः स्याम ।
 न शेषौ अग्रे अन्यजात मुस्त्यचैतानस्य मा पृथो वि दुक्षः ७
 नहि ग्रभायारणः सुशेवो ऽन्योदर्यो मनसा मन्तवा उ ।
 अधा चिदोकः पुनरित् स एत्या ऽऽ नौ वाज्यभीषाळेतु नव्यः ८
 त्वमग्रे वनुष्यतो नि पाहि त्वमु नः सहसावन्नवद्यात् ।
 सं त्वा ध्वस्मन्वदभ्येतु पाथः सं रयिः स्पृहयार्यः सहस्त्री ९
 एता नौ अग्रे सौभगा दिदीह्य पि क्रतुं सुचेतसं वतेम ।
 विश्वा स्तोतृभ्यो गृणते च सन्तु यूयं पात स्वस्तिभिः सदा नः १०

(१६) एकोनविंशं सूक्तम्

(१-६) नवर्चस्यास्य सूक्तस्य मैत्रावरुणिर्वसिष्ठ ऋषिः । वैश्वानरोऽग्निर्देवता ।

त्रिष्टुप् छन्दः

प्राग्रयै तवसै भरध्वं गिरं दिवो अरतयै पृथिव्याः ।
 यो विश्वेषाममृतां नामुपस्थे वैश्वानरो वावृधे जागृवद्भिः १
 पृष्ठो दिवि धाय्यग्निः पृथिव्यां नेता सिन्धूनां वृषभः स्तियानाम् ।
 स मानुषीरभि विशो वि भाति वैश्वानरो वावृधानो वरेण २
 त्वद् भिया विशा आयन्नसिकनी रसमना जहतीर्भोजनानि ।
 वैश्वानर पूरवे शोशुचानः पुरो यदग्रे दुरयन्नदीदेः ३
 तव त्रिधातु पृथिवी उत द्यौ वैश्वानर व्रतमग्रे सचन्त ।

त्वं भासा रोदसी आ तंतन्था ऽजस्त्रेण शोचिषा शोशचानः ४
 त्वामग्ने हरितौ वावशाना गिरः सचन्ते धुनयो घृताचीः ।
 पतिं कृष्टीनां रथ्यं रयीणां वैश्वानरमुषसां केतुमहाम् ५
 त्वे असुर्यं वसवो न्यृणवन् क्रतुं हि तै मित्रमहो जुषन्त ।
 त्वं दस्यूरौकसो अग्न आज उरु ज्योतिर्जनयन्नार्याय ६
 स जार्यमानः परमे व्यौमन् वायुर्न पाथः परि पासि सद्यः ।
 त्वं भुवना जनयन्नभि क्रन्नपत्याय जातवेदो दशस्यन् ७
 तामग्ने अस्मे इषमेरयस्व वैश्वानर द्युमतीं जातवेदः ।
 यया राधः पिन्वासि विश्ववार पृथु श्रवौ दाशुषे मर्त्याय ८
 तं नो अग्ने मधवद्भ्यः पुरुक्षुं रयिं नि वाजं श्रुत्य युवस्व ।
 वैश्वानर महि नः शर्म यच्छ रुद्रेभिरग्ने वसुभिः सजोषाः ९

(२०) विंशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । वैश्वानरोऽग्निर्देवता ।

त्रिष्टुप् छन्दः

प्र सम्राजो असुरस्य प्रशस्तिं पुंसः कृष्टीनामनुमाद्यस्य ।
 इन्द्रस्येव प्र तवसंस्कृतानि वन्दे दारुं वन्दमानो विवक्मि १
 कविं केतुं धासिं भानुमद्रे हिन्वन्ति शं राज्यं रोदस्योः ।
 पुरंदरस्य गीर्भिरा विवासे ऽग्नेर्वृतानि पूर्व्या महानि २
 न्यक्रतून् ग्रथिनो मधवाचः पुणिरैश्रद्धाँ अवृधाँ अयज्ञान् ।
 प्रप्र तान् दस्यूरग्निर्विवायु पूर्वश्चकारापराँ अयज्यन् ३
 यो अपाचीने तमसि मदन्तीः प्राचींश्चकार नृतमः शचीभिः ।
 तमीशानं वस्वो अग्निं गृणीषे ऽनानतं दमयन्तं पृतन्यन् ४
 यो देह्योर् अर्नमयद् वधस्त्रै र्यो अर्यपत्नीरुषसंश्चकार ।
 स निरुध्या नहुषो यहो अग्निं विशश्चक्रे बलिहतः सहोभिः ५
 यस्य शर्मन्नुप विश्वे जनास एवैस्तस्थुः सुमतिं भिक्षमाणाः ।
 वैश्वानरो वरमा रोदस्यो राग्निः संसाद पित्रोरुपस्थम् ६
 आ देवो ददे बुध्यार् वसूनि वैश्वानर उदिता सूर्यस्य ।
 आ समुद्रादवरादा परस्मा दाग्निर्ददे दिव आ पृथिव्याः ७

(२१) एकविंशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । त्रिष्टुप् छन्दः

प्र वो देवं चित् सहसानमग्निमश्वं न वाजिनं हिषे नमोभिः ।
 भवा नो दूतो अध्वरस्य विद्वान् त्वना देवेषु विविदे मितद्रुः १
 आ याह्यग्ने पृथ्याऽनु स्वा मन्द्रो देवानां सख्यं जुषाणः ।
 आ सानु शुष्मैर्नदयन् पृथिव्या जम्भैर्भिर्विश्वमुशध्रग्वनानि २
 प्राचीनो यज्ञः सुधितं हि बर्हिः प्रीणीते अग्निरीळितो न होता ।
 आ मातरा विश्ववारि हुवानो यतो यविष्ठ जज्ञिषे सुशेवः ३
 सद्यो अध्वरे रथिरं जनन्त मानुषासो विचेतसो य एषाम् ।
 विशामधायि विश्पतिर्दुरोणेऽग्निर्मन्द्रो मधुवचा ऋतावा ४
 असादि वृतो वह्निराजगन्वा नग्निर्ब्रह्मा नृषदने विधर्ता ।
 द्यौश्च यं पृथिवी वावृधाते आ यं होता यजति विश्ववारम् ५
 एते द्युम्नेभिर्विश्वमार्तिरन्त मन्त्रं ये वारं नर्या अतक्षन् ।
 प्र ये विशस्तिरन्त श्रोषमाणा आ ये मै अस्य दीधयन्नृतस्य ६
 नू त्वामग्न ईमहे वसिष्ठा ईशानं सूनो सहसो वसूनाम् ।
 इषं स्तोतृभ्यो मधवद्भ्य आनङ् यूयं पात स्वस्तिभिः सदा नः ७

(२२) द्वाविंशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । त्रिष्टुप् छन्दः

इन्धे राजा समर्यो नमोभिर्यस्य प्रतीकमाहुतं घृतेन ।
 नरो हव्येभिरीळते सबाध आग्निरग्र उषसामशोचि १
 अयमुष्य सुमहाँ अवेदि होता मन्द्रो मनुषो युहो अग्निः ।
 वि भा अकः ससृजानः पृथिव्यां कृष्णपविरोषधीभिर्ववक्षे २
 कया नो अग्ने वि वसः सुवृक्तिं कामु स्वधामृणवः शस्यमानः ।
 कदा भवेम पतयः सुदत्र रायो वन्तारो दुष्टरस्य साधोः ३
 प्रप्रायमग्निर्भरतस्य शृणवे वि यत् सूर्यो न रोचते बृहद् भाः ।
 अभि यः पूरं पृतनासु तस्थौ द्युतानो दैव्यो अतिथिः शुशोच ४
 असन्नित् त्वे आहवनानि भूरि भुवो विश्वैभिः सुमना अनीकैः ।

स्तुतश्चिदग्रे शृणिवषे गृणानः स्वयं वर्धस्व तन्वं सुजात ५
 इदं वचः शतसाः संसहस्र मुदग्रये जनिषीष्ट द्विर्बर्हाः ।
 शं यत् स्तोतृभ्य आपये भवाति द्युमदमीव चातनं रक्षोहा ६
 नू त्वामग्न ईमहे वसिष्ठा ईशानं सूनो सहस्रो वसूनाम् ।
 इषं स्तोतृभ्यो मघवद्भ्य आनङ् यूयं पात स्वस्तिभिः सदा नः ७

(२३) त्रयोविंशं सूक्तम्

(१-६) षड्वचस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

अबोधि जार उषसामुपस्थाद्धोता मन्द्रः कवितमः पावकः ।
 दधाति केतुमुभयस्य जन्तो हव्या देवेषु द्रविणं सुकृत्सु १
 स सुक्रतुर्यो वि दुरः पणीनां पुनानो अर्कं पुरुभोर्जसं नः ।
 होता मन्द्रो विशां दमूना स्तिरस्तमौ ददृशे राम्याणाम् २
 अमूरः कविरदितिर्विवस्वान् त्सुसंसन्मित्रो अतिथिः शिवो नः ।
 चित्रभानुरुषसां भात्यग्रे ऽपां गर्भः प्रस्वश् आ विवेश ३
 ईळेन्यो वो मनुषो युगेषु समनुगा अशुचज्जातवेदाः ।
 सुसंदृशा भानुना यो विभाति प्रति गावः समिधानं बुधन्त ४
 अग्रे याहि दूत्यं मा रिषण्यो देवाँ अच्छा ब्रह्मकृतां गुणेन ।
 सरस्वतीं मरुतो अश्विनापो यक्षि देवान् रत्नधेयाय विश्वान् ५
 त्वामग्रे समिधानो वसिष्ठो जरूथं हन् यक्षि राये पुरंधिम् ।
 पुरुणीथा जातवेदो जरस्व यूयं पात स्वस्तिभिः सदा नः ६

(२४) चतुर्विंशं सूक्तम्

(१-५) पञ्चवचस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

त्रिष्टुप् छन्दः

उषो न जारः पृथु पाजौ अश्रेद् दर्विद्युतद् दीद्यच्छोशुचानः ।
 वृषा हरिः शुचिरा भाति भासा धियो हिन्वान उशतीरजीगः १
 स्वर्णं वस्तोरुषसामरोचि युजं तन्वाना उशिजो न मन्म ।
 अग्निर्जन्मानि देव आ वि विद्वान् द्रवद् दूतो देव्यावा वर्निष्ठः २
 अच्छा गिरौ मतयो देवयन्ती रग्निं यन्ति द्रविणं भिक्षमाणाः ।

सुसंदृशं सुप्रतीकं स्वञ्च हव्यवाहमरतिं मानुषाणाम् ३
 इन्द्रं नो अग्ने वसुभिः सजोषा रुद्रं रुद्रेभिरा वह्ना बृहन्तम् ।
 आदित्येभिरदितिं विश्वजन्त्यां बृहस्पतिमृक्वभिर्विश्ववारम् ४
 मुन्द्रं होतारमुशिजो यविष्ठं मुग्निं विश ईळते अध्वरेषु ।
 स हि क्षपावाँ अभवद् रयीणा मतन्द्रो दूतो यजथाय देवान् ५

(२५) पञ्चविंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । त्रिष्टुप्
 छन्दः मुहाँ अस्यध्वरस्य प्रकेतो न ऋते त्वदमृता मादयन्ते ।
 आ विश्वेभिः सरथं याहि देवैर्न्यग्ने होता प्रथमः संदेह १
 त्वामीळते अजिरं दूत्याय हविष्मन्तः सदमिन्मानुषासः ।
 यस्य देवैरासदो बर्हिरग्ने ऽहान्यस्मै सुदिना भवन्ति २
 त्रिश्चिदुक्तोः प्र चिकितुर्वसूनि त्वे अन्तर्दाशुषे मर्त्याय ।
 मनुष्वदग्न इह यक्षि देवान् भवा नो दूतो अभिशस्तिपावा ३
 अग्निरीशे बृहतो अध्वरस्या ऽग्निर्विश्वस्य हविषः कृतस्य ।
 क्रतुं ह्यस्य वसवो जुषन्ता ऽथा देवा दधिरे हव्यवाहम् ४
 आग्ने वह हविरद्याय देवा निन्द्रज्येष्ठास इह मादयन्ताम् ।
 इमं यज्ञं दिवि देवेषु धेहि यूयं पात स्वस्तिभिः सदा नः ५

(२६) षड्विंशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । त्रिष्टुप् छन्दः
 अगन्म मुहा नमसा यविष्ठं यो दीदायु समिद्धः स्वे दुरोणे ।
 चित्रभानुं रोदसी अन्तरुर्वी स्वाहुतं विश्वतः प्रत्यञ्चम् १
 स मुहा विश्वा दुरितानि साहा नग्निः ष्टवे दम् आ जातवेदाः ।
 स नो रक्षिषद् दुरितादवद्या दुस्मान् गृणत उत नो मुघोनः २
 त्वं वरुण उत मित्रो अग्ने त्वां वर्धन्ति मतिभिर्वसिष्ठाः ।
 त्वे वसु सुषण्णानि सन्तु यूयं पात स्वस्तिभिः सदा नः ३

(२७) सप्तविंशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । वैश्वानरोऽग्निर्देवता ।

त्रिष्टुप् छन्दः

प्राग्रये विश्वशुचै धियुधे ऽसुरघ्ने मन्म धीतिं भरध्वम् ।
 भरे हविर्न बर्हिषि प्रीणानो वैश्वानराय यतये मतीनाम् १
 त्वमग्ने शोचिषा शोशुचान् आ रोदसी अपृणा जायमानः ।
 त्वं देवाँ अभिशस्तेरमुञ्चो वैश्वानर जातवेदो महित्वा २
 जातो यदग्ने भुवना व्यख्यः पशून् न गोपा इर्यः परिज्मा ।
 वैश्वानर ब्रह्मणे विन्द गातुं यूयं पात स्वस्तिभिः सदा नः ३

(२८) अष्टाविंशं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । (१)

प्रथमर्चो बृहती, (२-३) द्वितीयातृतीययोश्च त्रिष्टुप् छन्दसी

समिधा जातवेदसे देवाय देवहूतिभिः ।
 हविर्भिः शक्रशोचिषे नमस्विनो वयं दाशेमाग्रये १
 वयं ते अग्रे समिधा विधेम वयं दाशेम सुष्टुती यजत्र ।
 वयं घृतेनाध्वरस्य होत वयं देव हविषा भद्रशोचे २
 आ नो देवेभिरुप देवहूति मग्रे याहि वर्षट्कृतिं जुषाणः ।
 तुभ्यं देवाय दाशतः स्याम यूयं पात स्वस्तिभिः सदा नः ३

(२९) एकोनत्रिंशं सूक्तम्

(१-१५) पञ्चदशर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

गायत्री छन्दः

उपसद्याय मीळहृष आस्ये जुहुता हविः । यो नो नेदिष्ठमाप्यम् १
 यः पञ्च चर्षणीरभि निषसाद् दमेदमे । कुविर्गृहपतिर्युवा २
 स नो वेदो अमात्य मग्नी रक्षतु विश्वतः । उतास्मान् पात्वंहसः ३
 नव नु स्तोममग्रये दिवः श्येनाय जीजनम् । वस्वः कुविद् वनाति नः ४
 स्पार्हा यस्य श्रियो दृशे रयिर्वीरवतो यथा । अग्रे यज्ञस्य शोचतः ५
 सेमां वैतु वर्षट्कृति मग्निर्जुषत नो गिरः । यजिष्ठो हव्यवाहनः ६
 नि त्वा नक्ष्य विश्पते ह्युमन्त देव धीमहि । सुवीरमग्र आहुत ७
 क्षप उस्त्रश्च दीदिहि स्वग्रयस्त्वया वयम् । सुवीरस्त्वमस्मयुः ८
 उप त्वा सातये नरो विप्रांसो यन्ति धीतिभिः । उपाक्षरा सहस्त्रिणी ९

अग्नी रक्षांसि सेधति शक्रशौचिरमर्त्यः । शुचिः पावक ईडयः १०
 स नो राधास्या भुरे शौनः सहसो यहो । भर्गश्च दातु वार्यम् ११
 त्वमग्ने वीरवद् यशो देवश्च सविता भर्गः । दितिश्च दाति वार्यम् १२
 अग्ने रक्षा णो अंहसः प्रति ष्म देव रीषतः । तपिष्ठैरजरौ दह १३
 अधा मही न आयस्य नाधृष्टो नृपीतये । पूर्ववा शतभुजिः १४
 त्वं नः पाह्यंहसो दोषावस्तरघायतः । दिवा नक्तमदाभ्य १५

(३०) त्रिंशं सूक्तम्

(१-१२) द्वादशर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता ।

प्रगाथः (विषमर्चा बृहती समर्चा सतोबृहती) छन्दः

एना वो अग्निं नमसो र्जो नपातमा हुवे ।
 प्रियं चेतिष्ठमरतिं स्वध्वरं विश्वस्य दूतममृतम् १
 स योजते अरुषा विश्वभौजसा स दुद्रवत् स्वाहुतः ।
 सुब्रह्मा यज्ञः सुशमी वसूनां देवं राधो जनानाम् २
 उदस्य शोचिरस्था दाजुहानस्य मीळहृषः ।
 उद् धूमासौ अरुषासौ दिविस्पृशः समग्निमिन्धते नरः ३
 तं त्वा दूतं कृणमहे यशस्तमं देवाँ आ वीतये वह ।
 विश्वा सूनो सहसो मर्तभोजना रास्व तद् यत् त्वेमहे ४
 त्वमग्ने गृहपति स्त्वं होता नो अध्वरे ।
 त्वं पोता विश्ववार प्रचेता यन्ति वेषि च वार्यम् ५
 कृधि रत्नं यजमानाय सुक्रतो त्वं हि रत्नधा असि ।
 आ न ऋते शिशीहि विश्वमृत्विजं सुशंसो यश्च दक्षते ६
 त्वे अग्ने स्वाहुत प्रियासः सन्तु सूरयः ।
 यन्तारो ये मघवानो जनाना मूर्वान् दयन्त गोनाम् ७
 येषामिळा घृतहस्ता दुरोण आ अपि प्राता निषीदति ।
 ताँस्त्रायस्व सहस्य दुहो निदो यच्छा नः शर्म दीर्घश्रुत् ८
 स मन्द्रया च जिह्या वहिरासा विदुष्टरः ।
 अग्ने रयिं मघवद्भ्यो न आ वह हव्यदातिं च सूदय ९
 ये राधांसि ददत्यश्वा मघा कामेन श्रवसो महः ।
 ताँ अंहसः पिपृहि पृतृभिष्टं शतं पूर्भिर्यविष्ठय १०

देवो वो द्रविणोदाः पूर्णा विवष्ट्यासिचम् ।
 उद् वा सिञ्चध्वमुप वा पृणध्व मादिद् वो देव औहते ११
 तं होतारमध्वरस्य प्रचेतसं वह्निं देवा अकृणवत ।
 दधाति रत्नं विधते सुवीर्यं मुग्धिर्जनाय दाशुषे १२

(३१) एकत्रिंशं सूक्तम्

(१-७) समर्चस्यास्य सूक्तस्य मैत्रावरुणिर्वसिष्ठ ऋषिः । अग्निर्देवता । द्विपदा
 त्रिष्टुप् छन्दः

अग्ने भव सुषमिधा समिद्ध उत बर्हिर्बुर्विया वि स्तृणीताम् १
 उत द्वार उशतीर्वि श्रयन्तामुत देवाँ उशत आ वहेह १ २
 अग्ने वीहि हविषा यक्षि देवान् त्वध्वरा कृणुहि जातवेदः ३
 स्वध्वरा करति जातवेदा यक्षद् देवाँ अमृतान् पिप्रयच्च २ ४
 वंस्व विश्वा वार्याणि प्रचेतः सत्या भवन्त्वाशिषो नो अद्य ५
 त्वामु ते दधिरे हव्यवाहं देवासौ अग्न ऊर्ज आ नपातम् ३ ६
 ते ते देवाय दाशतः स्याम महो नो रत्ना वि दध इयानः ४ ७

(३२) द्वात्रिंशं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । (१-२१)
 प्रथमाद्येकविंशत्यृचामिन्द्रः, (२२-२५) द्वाविंश्यादिचतसृणाञ्च पैजवनस्य सुदासो
 दानस्तुतिर्देवते । त्रिष्टुप् छन्दः

त्वे ह यत् पितरश्चिन्न इन्द्र विश्वा वामा जरितारो असन्वन् ।
 त्वे गारवः सुदुघास्त्वे ह्यश्वास्त्वं वसु देवयते वर्निष्ठः १
 राजैव हि जनिभिः क्षेप्येवाऽव द्युभिरभि विदुष्कविः सन् ।
 पिशा गिरौ मघवन् गोभिरश्वैस्त्वायतः शिशीहि राये अस्मान् २
 इमा उ त्वा पस्पृधानासो अत्र मुन्द्रा गिरौ देवयन्तीरुप स्थुः ।
 अर्वाची ते पृथ्या राय एतु स्याम ते सुमतार्विन्द्र शर्मन् ३
 धेनुं न त्वा सूयवसे दुदुक्षन्नुप ब्रह्माणि ससृजे वसिष्ठः ।
 त्वामिमे गोपतिं विश्व आहा ऽऽ न इन्द्रः सुमतिं गुन्त्वच्छ ४
 अर्णांसि चित् पप्रथाना सुदास इन्द्रो गाधान्यकृणोत् सुपारा ।
 शर्धन्तं शिम्यमुचथस्य नव्यः शापं सिन्धूनामकृणोदशस्तीः ५

पुरोळा इत् तुर्वशो यक्षुरासीद् राये मत्स्यासो निशिता अपीव ।
 श्रुष्टिं चक्रुर्भृगवो द्रुह्यवश्च सखा सखायमतरद् विषूचोः ६
 आ पक्थासौ भलानसौ भनन्ता ऽर्लिनासो विषाणिनः शिवासः ।
 आ योऽनयत् सध्रमा आर्यस्य गुव्या तृत्सुभ्यो अजगन् युधा नृन् ७
 दुराध्योऽर् अदितिं स्त्रेवयन्तो ऽचेतसो वि जंगृभ्रे परुष्णीम् ।
 मुह्नाविर्व्यक् पृथिवीं पत्यमानः पशुष्कविरशयुच्चार्यमानः ८
 ईयुरर्थं न न्यर्थं परुष्णी माशुश्चनेदभिपित्वं जंगाम ।
 सुदास इन्द्रः सुतुकाँ अमित्रा नरन्धयन्मानुषे वध्निवाचः ९
 ईयुर्गावो न यवसादगौपा यथाकृतमभि मित्रं चितासः ।
 पृश्निगावः पृश्निनिप्रेषितासः श्रुष्टिं चक्रुर्नियुतो रन्तयश्च १०
 एकं च यो विशतिं च श्रवस्या वैकर्णयोर्जनान् राजा न्यस्तः ।
 दस्मो न सद्यन् नि शिशाति बर्हिः शूरः सर्गमकृणोदिन्द्र एषाम् ११
 अर्धं श्रुतं कवर्षं वृद्धमप्स्व नु द्रुह्यं नि वृणग्वज्रबाहुः ।
 वृणाना अत्र सख्याय सख्यं त्वायन्तो ये अमदन्ननु त्वा १२
 वि सद्यो विश्वा दृंहितान्येषा मिन्द्रः पुरः सहसा सप्त दर्दः ।
 व्यानवस्य तृत्सवे गयं भाग्जेष्म पूरुं विदथे मृध्रवाचम् १३
 नि गुव्यवोऽनवो द्रुह्यवश्च षष्टिः शता सुषुपुः षट् सहस्रा ।
 षष्टिर्वीरासो अधि षड् दुवोयु विश्वेदिन्द्रस्य वीर्या कृतानि १४
 इन्द्रैणैते तृत्सवो वेविषाणा आपो न सृष्टा अध्वन्त नीचीः ।
 दुर्मित्रासः प्रकलविन्मिमाना जहृर्विश्वोनि भोजना सुदासै १५
 अर्धं वीरस्य श्रुतपामनिन्द्रं परा शर्धन्तं नुनुदे अभि क्षाम् ।
 इन्द्रो मन्युं मन्युम्यौ मिमाय भेजे पृथो वर्तनिं पत्यमानः १६
 आध्रेण चित् तद्वेकं चकार सिंह्यं चित् पेत्वेना जघान ।
 अर्धं स्रक्तीर्वेश्यावृश्चदिन्द्रः प्रायच्छद् विश्वा भोजना सुदासै १७
 शश्वन्तो हि शत्रवो रारधुष्टे भेदस्य चिच्छर्धतो विन्द रन्धिम् ।
 मताँ एनः स्तुवतो यः कृणोति तिग्मं तस्मिन् नि जहि वज्रमिन्द्र १८
 आवदिन्द्रं यमुना तृत्सवश्च प्रात्र भेदं सर्वताता मुषायत् ।
 अजासश्च शिग्रवो यक्षवश्च बलिं शीर्षाणि जभ्रुरश्वयानि १९
 न त इन्द्र सुमतयो न रायः संचक्षे पूर्वा उषसो न नूताः ।
 देवकं चिन्मान्यमानं जघन्था ऽव त्मना बृहतः शम्बरं भेत् २०

प्र ये गृहादममदुस्त्वाया पराशरः शतयातुर्वसिष्ठः ।
 न तै भोजस्य सख्यं मृषन्ताऽधा सूरिभ्यः सुदिना व्युच्छान् २१
 द्वे नमृदेववतः शते गोर्द्वा रथा वधूमन्ता सुदासः ।
 अर्हन्नग्रे पैजवनस्य दानं होतैव सद्य पर्येमि रेभन् २२
 चत्वारौ मा पैजवनस्य दानाः स्मद्दिष्टयः कृशनिनौ निरेके ।
 ऋज्रासौ मा पृथिविष्ठाः सुदासस्तोकं तोकाय श्रवसे वहन्ति २३
 यस्य श्रवो रोदसी अन्तरुर्वी शीर्ष्णेशीर्ष्णे विबभार्जा विभक्ता ।
 सप्तेदिन्द्रं न स्रवतौ गृणन्ति नि युध्यामधिर्मशिशानुभीकै २४
 इमं नरो मरुतः सञ्चतानु दिवौदासं न पितरं सुदासः ।
 अविष्टना पैजवनस्य केतं दूणाशं क्षत्रमजरं दुवोयु २५

(३३) त्रयस्त्रिंशं सूक्तम्

(१-११) एकादशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

यस्तिग्मशृङ्गो वृषभो न भीम एकः कृष्टीश्चयावयति प्र विश्वाः ।
 यः शश्वतो अदाशुषो गर्यस्य प्रयन्तासि सुष्वितराय वेदः १
 त्वं ह त्यदिन्द्र कुत्समावः शुश्रूषमाणस्तन्वा समुर्ये ।
 दासं यच्छुष्णं कुर्यवं न्यस्मा अरन्धय आर्जुनेयाय शिक्तन् २
 त्वं धृष्णो धृषता वीतहव्यं प्रावो विश्वाभिरूतिभिः सुदासम् ।
 प्र पौरुकुत्सिं त्रसदस्युमावः क्षेत्रसाता वृत्रहत्येषु पुरुम् ३
 त्वं नृभिर्नृमणो देववीतौ भूरीणि वृत्रा हर्यश्च हंसि ।
 त्वं नि दस्युं चुमुरिं धुनिं चाऽस्वापयो दभीतये सुहन्तु ४
 तव च्यौत्नानि वज्रहस्त तानि नव यत् पुरौ नवतिं च सद्यः ।
 निवेशने शततमाविवेषी रहञ्च वृत्रं नमुचिमुताहन् ५
 सना ता त इन्द्र भोजनानि रातहव्याय दाशुषै सुदासै ।
 वृष्णो ते हरी वृषणा युनज्म व्यन्तु ब्रह्माणि पुरुशाक् वाजम् ६
 मा तै अस्यां सहसावन् परिष्ठा वधाय भूम हरिवः परादै ।
 त्रायस्व नोऽवृकेभिर्वरूथै स्तव प्रियासः सूरिषु स्याम ७
 प्रियास इत् तै मघवन्नभिष्टौ नरो मदेम शरणे सखायः ।
 नि तुर्वशं नि याद्वं शिशी ह्यतिथिग्वाय शंस्य करिष्यन् ८

सद्यश्चिन्तु ते मघवन्नभिष्टौ नरः शंसन्त्युक्थशास उक्था ।
 ये ते हवैभिर्वि पुणरिदाश न्नस्मान् वृणीष्व युज्याय तस्मै ६
 एते स्तोमा नरां नृतम् तुभ्य मस्मद्रघञ्चो ददतो मृगानि ।
 तेषामिन्द्र वृत्रहत्यै शिवो भूः सखा च शूरोऽविता च नृणाम् १०
 नू इन्द्र शूर स्तवमान ऊती ब्रह्मजुतस्तन्वा वावृधस्व ।
 उप नो वाजान् मिमीह्युप स्तीन् यूयं पात स्वस्तिभिः सदा नः ११

तृतीयोऽध्यायः

व० १-३०

(३४) चतुस्त्रिंशं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

उग्रो जज्ञे वीर्याय स्वधावा अक्रिरपो नर्यो यत् करिष्यन् ।
 जग्मिर्युवा नृषदंनमवौभि स्त्राता नू इन्द्र एनसो महश्चित् १
 हन्ता वृत्रमिन्द्रः शूशवानः प्रावीन्नु वीरो जरितारमूती ।
 कर्ता सुदासे अह वा उ लोकं दाता वसु मुहुरा दाशुषै भूत् २
 युध्मो अनर्वा खजकृत् समद्वा शूरः सत्राषाड् जनुषेमषाळहः ।
 व्यास इन्द्रः पृतनाः स्वोजा अधा विश्वं शत्रूयन्तं जघान ३
 उभे चिदिन्द्र रोदसी महित्वा ऽऽपप्राथ तविषीभिस्तुविष्मः ।
 नि वज्रमिन्द्रो हरिवान् मिमिक्षन् त्समन्धसा मदेषु वा उवोच ४
 वृषा जजान् वृषणं रणाय तमु चिन्नारी नर्यं ससूव ।
 प्र यः सैनानीरध नृभ्यो अस्ती नः सत्वा गुवेषणः स धृष्णुः ५
 नू चित् स भ्रैषते जनो न रेषन् मनो यो अस्य घोरमाविवासात् ।
 यज्ञैर्य इन्द्रे दधते दुवासि क्षयत् स राय ऋतपा ऋतेजाः ६
 यदिन्द्र पूर्वो अपराय शिञ्ज नयज्जयायान् कनीयसो देष्णम् ।
 अमृत इत् पर्यासीत दूर मा चित्र चित्र्यं भरा रयिं नः ७
 यस्त इन्द्र प्रियो जनो ददाश दसन्निरेके अद्रिवः सखा ते ।
 वयं ते अस्यां सुमतौ चनिष्ठाः स्याम वरूथे अघ्नतो नृपीतौ ८
 एष स्तोमो अचिक्रदद् वृषा त उत स्तामुर्मघवन्नक्रपिष्ट ।
 रायस्कामौ जरितारं त आगन् त्वमङ्ग शक्र वस्व आ शको नः ९

स न इन्द्र त्वयताया इषे धास्त्मना च ये मघवानो जुनन्ति ।
वस्वी षु तै जरित्रे अस्तु शक्तिर्युयं पात स्वस्तिभिः सदा नः १०

(३५) पञ्चत्रिंशं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

असावि देवं गोऋजीकमन्धो न्यस्मिन्निन्द्रो जनुषैमुवोच ।
बोधामसि त्वा हर्यश्च यज्ञैर्बोधा नः स्तोममन्धसो मदेषु १
प्र यन्ति यज्ञं विपर्यन्ति बर्हिः सौममादौ विदथे दुध्रवाचः ।
न्यु भ्रियन्ते यशसौ गृभादा दूरउपब्दो वृषणो नृषाचः २
त्वमिन्द्र स्रवित्वा अपस्कः परिष्ठिता अहिना शूर पूर्वीः ।
त्वद् वावक्रे रथ्योऽं न धेना रेजन्ते विश्वा कृत्रिमाणि भीषा ३
भीमो विवेषायुधेभिरेषा मपांसि विश्वा नर्याणि विद्वान् ।
इन्द्रः पुरो जहृषाणो वि दूधोत् वि वज्रहस्तो महिना जघान ४
न यातव इन्द्र जूजुवुर्नो न वन्दना शविष्ठ वेद्याभिः ।
स शर्धदर्यो विषुणस्य जन्तो मा शिश्नदैवा अपि गुर्भृतं नः ५
अभि क्रत्वैन्द्र भूरध्र ज्मन् न तै विव्यङ् महिमानं रजांसि ॥ हि वृत्रं शर्वसा
जघन्थ न शत्रुरन्तं विविदद् युधा तै ६
देवाश्चित् ते असुर्याय पूर्वे ऽर्नु क्षत्राय ममिरे सहांसि ।
इन्द्रो मघानि दयते विषह्येन्द्रं वाजस्य जोहुवन्त सातौ ७
कीरिश्चिद्धि त्वामवसे जुहावे शानमिन्द्र सौभगस्य भूरैः ।
अवो बभूथ शतमूते अस्मे अभिक्षत्तुस्त्वावतो वरूता ८
सखायस्त इन्द्र विश्वहं स्याम नमोवृधासौ महिना तरुत्र ।
वन्वन्तु स्मा तेऽवसा समीकेऽं ऽर्भीतिमर्यो वनुषां शवांसि ९
स न इन्द्र त्वयताया इषे धास्त्मना च ये मघवानो जुनन्ति ।
वस्वी षु तै जरित्रे अस्तु शक्तिर्युयं पात स्वस्तिभिः सदा नः १०

(३६) षट्त्रिंशं सूक्तम्

(१-९) नवर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता । (१-८)

प्रथमाद्यष्टर्चा विराट्, (९) नवम्याश्च त्रिष्टुप् छन्दसी

पि॒त्रा सोम॑मिन्द्र॒ मन्द॑तु त्वा॒ यं ते॑ सु॒षाव॑ ह॒र्यश्चा॒द्रिः ।
 सो॒तुर्बा॒हुभ्या॑ सु॒र्यतो॑ नावा॑ १
 यस्ते॒ मदो॑ यु॒ज्यश्चा॒रुरस्ति॑ येन॒ वृ॒त्राणि॑ ह॒र्यश्च॒ हंसि॑ ।
 स त्वा॒मिन्द्र॑ प्र॒भूव॑सो म॒मत्तु॑ २
 बो॒धा सु॑ मे॒ मघ॑वन् वा॒चमे॑मां यां ते॒ वसि॑ष्ठो अ॒र्चति॑ प्र॒शस्ति॑म् ।
 इ॒मा ब्र॒ह्म स॒ध॒मादे॑ जुष॒स्व ३
 श्रु॒धी ह॒वं वि॒पिपा॑नस्या॒द्रे बो॒धा वि॒प्र॒स्यार्च॑तो मनी॒षाम् ।
 कृ॒ष्वा दु॒वांस्य॑न्त॒मा स॒चे॒मा ४
 न ते॒ गि॒रो अ॒पि मृ॒ष्ये तु॒रस्य॑ न सु॒ष्टुति॑म॒सुर्य॑स्य वि॒द्वान् ।
 सदा॑ ते॒ नाम॑ स्वय॒शो वि॒वक्मि॑ ५
 भूरि॑ हि ते॒ सर्व॑ना॒ मानु॑षेषु॒ भूरि॑ मनी॒षी ह॑वते॒ त्वामि॑त् ।
 मा॒रे अ॒स्मन्म॑घव॒ञ्ज्योक् केः॑ ६
 तु॒भ्येदि॑मा सर्व॑ना शूर॒ विश्वा॑ तु॒भ्यं ब्र॒ह्माणि॑ वर्ध॑ना कृ॒णोमि॑ ।
 त्वं नृ॒भिर्ह॑व्यो॒ विश्व॑धा॒सि ७
 नू चि॒न्नु ते॒ मन्य॑मानस्य द॒स्मो द॑श्नुवन्ति म॒हिमा॑न॒मुग्र॑ ।
 न वी॒र्य॑मिन्द्र ते॒ न रा॒धः ८
 ये च॒ पूर्वं॑ ऋ॒षयो॑ ये च॒ नूत्रा॑ इन्द्र॒ ब्र॒ह्माणि॑ ज॒नय॑न्त॒ वि॒प्राः ।
 अ॒स्मे ते॑ सन्तु स॒ख्या शि॒वानि॑ यू॒यं पा॑त स्व॒स्तिभिः॑ सदा॑ नः ९

(३७) सप्तत्रिंशं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

उ॒दु ब्र॒ह्माण्यै॑रत श्रव॒स्येन्द्र॑ स॒म॒र्ये म॑हया वसिष्ठ ।
 आ॒ यो वि॒श्वानि॑ शर्व॑सा त॒तानो॑ प॒श्रोता॑ म॒ ईव॑तो वचा॑सि १
 अ॒यामि॑ घोष॒ इन्द्र॑ दे॒वजा॑मि॒रि॒ज्यन्त॑ यच्छु॒रुधो॑ वि॒वाचि॑ ।
 न॒हि स्व॑मायुश्चि॒किते॑ जने॒षु तानी॑दं॒हांस्य॑ति प॒र्ष्यस्मान् २
 यु॒जे रथं॑ ग॒वेष॑णं॒ हरि॑भ्या॒ मुप॑ ब्र॒ह्माणि॑ जु॒जुषा॑णम॒स्थुः ।
 वि॒ बा॒धिष्ट॑ स्य रोद॑सी म॒हित्वेन्द्रो॑ वृ॒त्राण्य॑प्र॒ती ज॑घ॒न्वान् ३
 आ॒पश्चित्॑ पि॒प्युः स्त॒र्यो॑ न गा॒वो न॑क्ष॒त्रं ज॑रि॒तार॑स्त इन्द्र ।
 या॒हि वा॒युर्न॑ नि॒युतो॑ नो॒ अच्छा॑ त्वं हि॒ धीभि॑र्द॒यसे॑ वि॒ वाजा॑न् ४

ते त्वा मदा इन्द्र मादयन्तु शुष्मिणं तुविराधसं जरित्रे ।
 एको देवत्रा दयसे हि मर्ता नुस्मिञ्छूर सर्वने मादयस्व ५
 एवेदिन्द्रं वृषणं वज्रबाहुं वसिष्ठासो अभ्यर्चन्त्यर्कैः ।
 स नः स्तुतो वीरवद् धातु गोमद यूयं पात स्वस्तिभिः सदा नः ६

(३८) अष्टात्रिंशं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

योनिष्ट इन्द्र सदेने अकारि तमा नृभिः पुरुहूत प्र याहि ।
 असो यथा नोऽविता वृधे च ददो वसूनि ममदश्च सोमैः १
 गृभीतं ते मन इन्द्र द्विबर्हाः सुतः सोमः परिषिक्ता मधूनि ।
 विसृष्टधेना भरते सुवृक्ति रियमिन्द्रं जोहुवती मनीषा २
 आ नो दिव आ पृथिव्या ऋजीषि न्निदं बर्हिः सोमपेयाय याहि ।
 वहन्तु त्वा हरयो मद्रयञ्च माङ्गुषमच्छा तवसं मदाय ३
 आ नो विश्वाभिरूतिभिः सजोषा ब्रह्म जुषाणो हर्यश्च याहि ।
 वरीवृजत् स्थविरेभिः सुशिप्राऽस्मे दधद् वृषणं शुष्ममिन्द्र ४
 एष स्तोमो मह उग्राय वाहे धुरीश्वात्यो न वाजयन्नधायि ।
 इन्द्र त्वायमर्क ईद्वे वसूनां दिर्वीव द्यामधि नः श्रोमंतं धाः ५
 एवा न इन्द्र वार्यस्य पूर्धि प्र ते महीं सुमतिं वैविदाम ।
 इषं इंपन्व मघवद्भ्यः सुवीरा यूयं पात स्वस्तिभिः सदा नः ६

(३९) एकोनचत्वारिंशं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

आ ते मह इन्द्रोत्युग्र समन्यवो यत् समरन्त सेनाः ।
 पताति दिद्युन्नर्यस्य ब्राह्मो मा ते मनो विष्वद्रयश्ग्वि चारीत् १
 नि दुर्ग इन्द्र शनथिह्यमित्रा नृभि ये नो मर्तासो अमन्ति ।
 आरे तं शंसं कृणुहि निनित्सो रा नो भर संभरणं वसूनाम् २
 शतं ते शिप्रिन्नूतयः सुदासै सहस्रं शंसा उत रातिरस्तु ।
 जहि वर्धर्वनुषो मर्त्यस्याऽस्मे द्युममधि रत्नं च धेहि ३

त्वावतो हीन्द्र क्रत्वे अस्मि त्वावतोऽवितुः शूर रातौ ।
 विश्वेदहानि तविषीव उग्रं ओकः कृणुष्व हरिवो न मर्धीः ४
 कुत्सा एते हर्यश्वाय शूष मिन्द्रे सहौ देवजूतमियानाः ।
 सत्रा कृधि सुहना शूर वृत्रा वयं तरुत्राः सनुयाम् वाजम् ५
 एवा न इन्द्र वार्यस्य पूर्धि प्र तै महीं सुमतिं वैविदाम ।
 इषं इंपन्व मघवद्भ्यः सुवीरा यूयं पात स्वस्तिभिः सदा नः ६

(४०) चत्वारिंशं सूक्तम्

(१-५) पञ्चर्वस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

न सोम इन्द्रमसुतो ममाद् नाब्रह्माणो मघवानं सुतासः ।
 तस्मा उक्थं जनये यजुजौष नृवन्नवीयः शृणवद् यथा नः १
 उक्थउक्थेसोम इन्द्र ममाद नीथेनीथे मघवानं सुतासः ।
 यदी सबाधः पितरं न पुत्राः समानदक्षा अवसे हवन्ते २
 चकार ता कृणवन्नमन्या यानि ब्रुवन्ति वेधसः सुतेषु ।
 जनीरिव पतिरेकः समानो नि ममृजे पुर इन्द्रः सु सर्वाः ३
 एवा तमाहरुत शृणव इन्द्र एकौ विभक्ता तरणिर्मघानाम् ।
 मिथस्तुर ऊतयो यस्य पूर्वी रस्मे भद्राणि सश्वत प्रियाणि ४
 एवा वसिष्ठ इन्द्रमूतये नृन् कृष्टीनां वृषभं सुते गृणाति ।
 सहस्त्रिण उप नो माहि वाजान् यूयं पात स्वस्तिभिः सदा नः ५

(४१) एकचत्वारिंशं सूक्तम्

(१-५) पञ्चर्वस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

इन्द्रं नरो नेमर्धिता हवन्ते यत् पार्या युनजते धियस्ताः ।
 शूरो नृषाता शर्वसश्वकान आ गोमति वृजे भजा त्वं नः १
 य इन्द्र शुष्मो मघवन् ते अस्ति शिञ्जा सखिभ्यः पुरुहूत नृभ्यः ।
 त्वं हि दृळ्हा मघवन् विचैता अपा वृधि परिवृतं न राधः २
 इन्द्रो राजा जगतश्चर्षणीना मधि क्षमि विषुरूपं यदस्ति ।
 ततौ ददाति दाशुषे वसूनि चोदद् राध उपस्तुतश्चिदुर्वाक् ३

नू चिन्न इन्द्रो मघवा सहूती दानो वाजं नि यमते न ऊती ।
 अनूना यस्य दक्षिणा पीपाय वामं नृभ्यो अभिर्वीता सखिभ्यः ४
 नू इन्द्र राये वरिवस्कृधी न आ ते मनो ववृत्याम मघाय ।
 गोमुदश्वावृद् रथवृद् व्यन्तौ यूयं पात स्वस्तिभिः सदा नः ५

(४२) द्विचत्वारिंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

ब्रह्मा ण इन्द्रोप याहि विद्वा नुर्वाञ्चस्ते हरयः सन्तु युक्ताः ।
 विश्वे चिद्धि त्वा विहवन्त मर्ता अस्माकमिच्छुणहि विश्वमिन्व १
 हव त इन्द्र महिमा व्यानुड् ब्रह्म यत् पासि शवसिन्नृषीणाम् ।
 आ यद् वज्रं दधिषे हस्त उग्र घोरः सन् क्रत्वा जनिष्ठा अषाळहः २
 तव प्रणीतीन्द्र जोहुवानान् त्सं यन्नन् न रोदसी निनेथ ।
 महे क्षत्राय शर्वसे हि जुज्ञे ऽतूतुजिं चित् तूतुजिरशिशन्त् ३
 एभिर्न इन्द्राहभिर्दशस्य दुर्मित्रासो हि क्षितयः पवन्ते ।
 प्रति यच्चष्टे अनृतमनेना अवं द्विता वरुणो मायी नः सात् ४
 वोचेमेदिन्द्र मघवानमेनं महो रायो राधसो यद् ददन्नः ।
 यो अर्चतो ब्रह्मकृतिमविष्ठो यूयं पात स्वस्तिभिः सदा नः ५

(४३) त्रिचत्वारिंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

अयं सोम इन्द्र तुभ्यं सुन्व आ तु प्र याहि हरिवृस्तदौकाः ।
 पिबा त्वशस्य सुषुतस्य चारो र्ददौ मघानि मघवन्नियानः १
 ब्रह्मन् वीर ब्रह्मकृतिं जुषाणो ऽर्वाचीनो हरिभिर्याहि तूर्यम् ।
 अस्मिन्नू षु सर्वने मादयस्वो प ब्रह्माणि शृणव इमा नः २
 का तै अस्त्यरकृतिः सूक्तैः कदा नूनं तै मघवन् दाशेम ।
 विश्वा मतीरा ततने त्वाया ऽधा म इन्द्र शृणवो हवेमा ३
 उतो घा ते पुरुष्या इदासन् येषां पूर्वेषामशृणोर्ऋषीणाम् ।
 अधाहं त्वा मघवञ्जोहवीमि त्वं न इन्द्रासि प्रमतिः पितेव ४

वोचेमेदिन्द्रं मघवानमेनं महो रायो राधसो यद् ददन्नः ।
यो अर्चतो ब्रह्मकृतिमविष्टो यूयं पात स्वस्तिभिः सदा नः ५

(४४) चतुश्चत्वारिंशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता ।

त्रिष्टुप् छन्दः

आ नो देव शर्वसा याहि शुष्मिन् भवा वृध इन्द्र रायो अस्य ।
महे नृणाय नृपते सुवज्र महि क्षत्राय पौस्याय शूर १
हवन्त उ त्वा हव्यं विवाचि तनूषु शूराः सूर्यस्य सातौ ।
त्वं विश्वेषु सेन्यो जनैषु त्वं वृत्राणि रन्धया सुहन्तु २
अहा यदिन्द्र सुदिना व्युच्छान् दधो यत् केतुमुपमं समत्सु ।
न्यग्निः सीददसुरो न होता हुवानो अत्र सुभगाय देवान् ३
वयं ते त इन्द्र ये च देव स्तवन्त शूर ददतो मघानि ।
यच्छा सूरिभ्य उपमं वरूथं स्वाभुवौ जरणामश्नवन्त ४
वोचेमेदिन्द्रं मघवानमेनं महो रायो राधसो यद् ददन्नः ।
यो अर्चतो ब्रह्मकृतिमविष्टो यूयं पात स्वस्तिभिः सदा नः ५

(४५) पञ्चचत्वारिंशं सूक्तम्

(१-१२) द्वादशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रो देवता । (१-

६) प्रथमादिनवर्चा गायत्री, (१०-१२) दशम्यादितृचस्य च विराट् छन्दसी

प्र व इन्द्राय मादनुं हर्यश्वाय गायत । सखायः सोमपावने १
शंसेदुक्थं सुदानव उत द्युक्षं यथा नरः । चक्रमा सत्यराधसे २
त्वं न इन्द्र वाजयु स्त्वं गव्युः शतक्रतो । त्वं हिरण्ययुर्वसो ३
वयमिन्द्र त्वायवो ऽभि प्र शौनुमो वृषन् । विद्धी त्वस्य नो वसो ४
मा नो निदे च वक्तवे ऽर्यो रन्धीररावणे । त्वे अपि क्रतुर्मम ५
त्वं वर्मासि सप्रथः पुरोयोधश्च वृत्रहन् । त्वया प्रति ब्रुवे युजा ६
महाँ उतासि यस्य ते ऽनु स्वधावरी सहः । ममाते इन्द्र रोदसी ७
तं त्वा मरुत्वती परि भुवद् वाणी सयावरी । नक्षमाणा सह द्युभिः ८
ऊर्ध्वासस्त्वान्विन्दवो भुवन् दस्ममुप द्यवि । सं ते नमन्त कृष्टयः ९
प्र वो महे महिवृधे भरध्वं प्रचेतसे प्र सुमतिं कृणुध्वम् । विशः पूर्वीः प्र

चरा चर्षणिप्राः १०

उरुव्यचसे मुहिने सुवृत्ति मिन्द्राय ब्रह्म जनयन्त विप्राः । तस्य ब्रतानि न
मिनन्ति धीराः ११

इदं वाणीरनुत्तमन्युमेव सत्रा राजानं दधिरे सहध्वै । हर्यश्वाय बर्हया
समापीन् १२

(४६) षट्चत्वारिंशं सूक्तम्

(१-२७) सप्तविंशत्यृचस्यास्य सूक्तस्य मैत्रावरुणिर्वसिष्ठः, (२६) षड्विंश्या
ऋचः पूर्वार्धस्य वासिष्ठः शक्तिर्वा ऋषिः । इन्द्रो देवता । (१-२, ४-२७)
प्रथमाद्वितीययोर्ऋचोश्चतुर्थ्यादिचतुर्विंशतेश्च प्रगाथः (विषमर्चा बृहती, समर्चा
सतोबृहती), (३) तृतीयायाश्च द्विपदा विराट् छन्दसी

मो षु त्वा वाघतश्चनः ऽऽरे अस्मन्नि रीरमन् ।

आरात्ताच्चित् सधमादं न आ गंही ह वा सन्नुप श्रुधि १

इमे हि ते ब्रह्मकृतः सुते सचा मधौ न मज्ज आसते ।

इन्द्रे कामं जरितारौ वसूयवो रथे न पादमा दधुः २

रायस्कांमो वज्रहस्तं सुदक्षिणं पुत्रो न पितरं हुवे ३

इम इन्द्राय सुन्विरे सोमांसो दध्याशिरः ।

तां आ मदाय वज्रहस्त पीतये हरिभ्यां याह्योक आ ४

श्रवच्छ्रुत्कर्ण ईयते वसूनां नू चिन्नो मर्धिषद् गिरः ।

सद्यश्चिद् यः सहस्राणि शता ददन्नकिर्दित्सन्तमा मिनत् ५

स वीरो अप्रतिष्कुत इन्द्रेण शूशुवे नृभिः ।

यस्तै गभीरा सर्वनानि वृत्रहन् त्सुनोत्या च धावति ६

भवा वरूथं मघवन् मुघोनां यत् समजासि शर्धतः ।

वि त्वाहृतस्य वेदनं भजेम ह्या दूणाशौ भरा गर्यम् ७

सुनोता सोमपाव्ने सोममिन्द्राय वज्रिणै ।

पचता पक्तीरवसे कृणुध्वमित् पूणन्नित् पूणते मयः ८

मा स्त्रैधत सोमिनो दक्षता महे कृणुध्वं राय आतुजै ।

तरणिरिजयति क्षेति पुष्यति न देवासः कवृत्वै ९

नकिः सुदासो रथं पर्यास न रीरमत् ।

इन्द्रो यस्याविता यस्य मरुतो गमत् स गोमति वृजे १०

गमद् वाजं वाजयन्निन्द्र मर्त्यो यस्य त्वमविता भुवः ।
 अस्माकं बोध्यविता रथानां मस्माकं शूर नृणाम् ११
 उदिन्वस्य रिच्यते ऽशो धनं न जिग्युषः ।
 य इन्द्रो हरिवान् न दभन्ति तं रिपो दक्ष दधाति सोमिनि १२
 मन्त्रमखर्वं सुधितं सुपेशसं दधात यज्ञियेष्व ।
 पूर्वोश्चन प्रसितयस्तरन्ति तं य इन्द्रे कर्मणा भुवत् १३
 कस्तमिन्द्र त्वावसु मा मर्त्यो दधर्षति ।
 श्रद्धा इत् तै मघवन् पार्यै दिवि वाजी वाजं सिषासति १४
 मघोनः स्म वृत्रहत्येषु चोदय ये ददति प्रिया वसु ।
 तव प्रणीती हर्यश्च सूरिभिर्विश्वा तरेम दुरिता १५
 तवेदिन्द्रावमं वसु त्वं पुष्यसि मध्यमम् ।
 सत्रा विश्वस्य परमस्य राजसि नकिष्ठा गोषु वृणवते १६
 त्वं विश्वस्य धनदा असि श्रुतो य ई भवन्त्याजयः ।
 तवायं विश्वः पुरुहूत पार्थिवो ऽवस्युर्नाम भिक्षते १७
 यदिन्द्र यावत्स्त्व मेतावद्दहमीशीय ।
 स्तोतारमिद् दिधिषेय रदावसो न पापत्वार्य रासीय १८
 शिक्तैर्यमिन्महयते दिवेदिवे राय आ कुहचिद्विदै ।
 नहि त्वदन्यन्मघवन् न आप्यं वस्यो अस्ति पिता चन १९
 तुरणिरित् सिषासति वाजं पुरंध्या युजा ।
 आ व इन्द्र पुरुहूतं नमे गिरा नेमिं तष्टैव सुद्रवम् २०
 न दुष्टती मर्त्यो विन्दते वसु न स्नेधन्तं रयिर्नशत् ।
 सुशक्तिरिन्मघवन् तुभ्यं मावते देष्णं यत् पार्यै दिवि २१
 अभि त्वा शूर नोनुमो ऽदुग्धा इव धेनवः ।
 ईशानमस्य जगतः स्वर्दृश मीशानमिन्द्र तस्थुषः २२
 न त्वावाँ अन्यो दिव्यो न पार्थिवो न जातो न जनिष्यते ।
 अश्वायन्तौ मघवन्निन्द्र वाजिनौ गव्यन्तस्त्वा हवामहे २३
 अभी षतस्तदा भरेन्द्र ज्यायः कनीयसः ।
 पुरुवसुर्हि मघवन् त्सनादसि भरेभरे च हव्यः २४
 परा शुदस्व मघवन्नमित्रान् त्सुवेदा नो वसू कृधि ।
 अस्माकं बोध्यविता महाधने भवा वृधः सखीनाम् २५

इन्द्र क्रतुं न आ भर पिता पुत्रेभ्यो यथा ।
 शिक्ता णो अस्मिन् पुरुहूत यामनि जीवा ज्योतिरशीमहि २६
 मा नो अज्ञाता वृजना दुराध्योऽ माशिवासो अव क्रमुः ।
 त्वया वयं प्रवतुः शश्वतीरपो ऽति शूर तरामसि २७

(४७) सप्तचत्वारिंशं सूक्तम्

(१-१४) चतुर्दशर्चस्यास्य सूक्तस्य (१-६) प्रथमादिनवर्चा मैत्रावरुणिर्वसिष्ठः,
 (१०-१४) दशम्यादिपञ्चानाञ्च वसिष्ठपुत्रा इन्द्रो वा ऋषयः । (१-६)
 प्रथमादिनवर्चा वसिष्ठपुत्राः, (१०-१४) दशम्यादिपञ्चानाञ्च वसिष्ठो देवताः ।

त्रिष्टुप् छन्दः

श्वित्यञ्चो मा दक्षिणतस्कपर्दा धियंजिन्वासौ अभि हि प्रमन्दुः ।
 उत्तिष्ठन् वोचे परि बर्हिषो नृन् न मै दूरादवितवे वसिष्ठाः १
 दूरादिन्द्रमनयन्ना सुतेन तिरो वैशन्तमाते पान्तमुग्रम् ।
 पाशद्युम्नस्य वायुतस्य सोमात् सुतादिन्द्रोऽवृणीता वसिष्ठान् २
 एवेन्नु कं सिन्धुमेभिस्ततारे वेन्नु कं भेदमैभिर्जघान ।
 एवेन्नु कं दाशराज्ञे सुदासं प्रावदिन्द्रो ब्रह्मणा वो वसिष्ठाः ३
 जुष्टी नरो ब्रह्मणा वः पितृणा मक्षमव्ययं न किला रिषाथ ।
 यच्छक्वरीषु बृहता रवेणेन्द्रे शुष्ममदधाता वसिष्ठाः ४
 उद् द्यामिवेत् तृष्णजो नाथितासो ऽदीधयुर्दाशराज्ञे वृतासः ।
 वसिष्ठस्य स्तुवत इन्द्रो अश्रो दुरं तृत्सुभ्यो अकृणोदु लोकम् ५
 दण्डा इवेद् गोअर्जनास आसन् परिच्छिन्ना भरता अर्भकासः ।
 अर्भवच्च पुरेता वसिष्ठ आदित् तृत्सूनां विशो अप्रथन्त ६
 त्रयः कृणवन्ति भुवनेषु रेत स्तिस्त्रः प्रजा आर्या ज्योतिरग्राः ।
 त्रयो घर्मास उषसं सचन्ते सर्वा इत् तां अनु विदुर्वसिष्ठाः ७
 सूर्यस्येव वक्षथो ज्योतिरिषां समुद्रस्येव महिमा गभीरः ।
 वातस्येव प्रजवो नान्येन स्तोमो वसिष्ठा अन्वैतवे वः ८
 त इन्निगयं हृदयस्य प्रकेतैः सहस्रवल्शमभि सं चरन्ति ।
 यमेन तत् परिधिं वर्यन्तो ऽप्सरस उप सेदुर्वसिष्ठाः ९
 विद्युतो ज्योतिः परि संजिहानं इमत्रावरुणा यदपश्यतां त्वा ।
 तत् ते जन्मोतैकं वसिष्ठा गस्त्यो यत् त्वा विश आजभार १०

उ॒तासि॑ मै॒त्रावरु॑णो व॒सिष्ठो॑ र्व॒श्या ब्र॑ह्मन् म॒न॒सोऽधि॑ जा॒तः ।
 द्र॒प्सं स्क्र॑न्नं ब्र॒ह्म॒णा दै॒व्येन॑ वि॒श्वे दे॒वाः पु॑ष्करे त्वा॒दद॑न्त ११
 स प्रे॒केत॑ उ॒भय॑स्य प्रवि॒द्वान् त्स॒हस्र॑दान उ॒त वा॒ सदा॑नः ।
 य॒मेन॑ त॒तं प॑रि॒धिं व॑यिष्य॒न्नप्सर॑सः प॒रि जज्ञे॑ व॒सिष्ठः॑ १२
 स॒त्रे ह॑ जा॒तावि॑षिता नमो॒भिः कु॒म्भे रे॒तः सि॑षिचतुः स॒मान॑म् ।
 ततो॑ ह॒ मान॑ उ॒दि॒याय॑ म॒ध्यात् ततो॑ जा॒तमृ॑षिमाहुर्व॒सिष्ठम्॑ १३
 उ॒क्थ॑भृ॒तं सा॒मभृ॑तं इ॒बभ॑र्ति ग्रा॒वा॒णं इ॒बभृ॑त् प्र व॒दात्य॑ग्रे ।
 उ॒पैन॑माध्वं सु॒म॒न॒स्यमा॑ना आ॒ वौ ग॑च्छाति प्र॒तृदो॑ व॒सिष्ठः॑ १४

(४८) अष्टचत्वारिंशं सूक्तम्

(१-२५) पञ्चविंशत्युचस्यास्य सूक्तस्य मैत्रावरुणिर्वसिष्ठ ऋषिः । (१-१५, १८-२५) प्रथमादिपञ्चदशर्चामष्टादश्याद्यष्टानाञ्च विश्वे देवाः, (१६) षोडश्या अहिः, (१७) सप्तदश्याश्चाहिर्बुध्न्यो देवताः । (१-२१) प्रथमाद्येकविंशत्युचं द्विपदा विराट्, (२२-२५) द्वाविंश्यादिचतसृणाञ्च त्रिष्टुप् छन्दसी

प्र शु॒क्रैतु॑ दे॒वी म॑नी॒षा अ॒स्मत् सु॑त॒ष्टो रथो॑ न वा॒जी १
 वि॒दुः पृ॑थि॒व्या दि॒वो ज॒नित्रं॑ शृ॒णव॑न्त्यापो अ॒ध क्ष॑रन्तीः २
 आ॒प॒श्चि॒दस्मै॑ पि॒न्वन्त॑ पृ॒थ्वी वृ॑त्रे॒षु शू॒रा म॑सन्त उ॒ग्राः ३
 आ धू॒र्ष्वस्मै॑ दधा॒ताश्चा॒ निन्द्रो॑ न व॒ज्री हि॑र॒ण्यबा॑हुः ४
 अ॒भि प्र॑ स्था॒ताहै॑व य॒ज्ञं या॑तैव॒ पत्न॑न् त्मना॑ हि॒नोत॑ ५
 त्मना॑ स॒मत्सु॑ हि॒नोत॑ य॒ज्ञं दधा॑त के॒तुं जना॑य वी॒रम् ६
 उ॒दस्य॑ शु॒ष्माद् भानु॑नार्तु॒ बिभ॑र्ति भा॒रं पृ॑थि॒वी न भू॑म ७
 ह॒यामि॑ दे॒वाँ अ॒यातु॑रग्रे सा॒ध॒न्नृते॑न॒ धियं॑ दधामि ८
 अ॒भि वौ दे॒वीं धियं॑ दधि॒ध्वं प्र॑ वौ दे॒व॒त्रा वा॑चं कृ॒णुध्व॑म् ९
 आ च॑ष्ट आ॒सां पा॑थो न॒दीनां॑ वरु॒ण उ॒ग्रः स॒हस्र॑चक्षाः १०
 राजा॑ रा॒ष्ट्रच॑फ॒द्गानां॑ पेशो॑ न॒दीना॑ म॒नु॒त्तम॑स्मै क्ष॒त्रं वि॑श्वायु ११
 अ॒वि॒ष्टो अ॒स्मान् वि॑श्वा॒सु वि॒द्वद् द्युं कृ॑णोत॒ शंसं॑ नि॒नित्सोः॑ १२
 व्यै॒तु दि॒द्युद् द्वि॑षामशै॒वा यु॒योत॑ वि॒ष्वग्र॑प॒स्तनू॑नाम् १३
 अ॒वी॒न्नो अ॒ग्निर्ह॑व्यान्नमो॒भिः प्रे॒ष्ठो अ॒स्मा अ॒धायि॑ स्तोमः १४
 स॒जूर्दे॑वेभि॒रपां॑ नपा॒तं स॒खायं॑ कृ॒ध्वं शि॒वो नो॑ अस्तु १५
 अ॒ब्जामु॑क्थैर॒हिं गृ॑णीषे बु॒ध्ने न॒दीनां॑ रजः॒सु षी॑दन् १६

मा नोऽहिर्बुध्न्यो रिषे धा॒न्मा य॒ज्ञो अस्य स्नि॒धद॒तायोः १७
 उ॒त न॑ ए॒षु नृ॒षु श्रवो॑ धुः प्र रा॒ये य॑न्तु श॒र्धन्तो अ॒र्यः १८
 तप॑न्ति श॒त्रुं स्व॑र्णं भू॒मा म॒हासे॒नासो॑ अ॒मैभिरेषाम् १९
 आ य॒न्नः प॒त्नीर्गम॑न्त्यच्छा त्व॒ष्टा सु॒पाणि॑र्दधातु वी॒रान् २०
 प्र॒ति नः॑ स्तोमं त्व॒ष्टा जुषे॑त स्याद॒स्मे अ॒रम॑तिर्वसू॒युः २१
 ता नो॑ रा॒सन् रा॒तिषा॒चो वसू॑न्त्या रोद॑सी वरु॒णानी॑ शृ॒णोतु॑ ।
 वरू॑त्रीभिः सुश॒रणो नो॑ अस्तु त्व॒ष्टा सु॒दत्रो॑ वि द॑धातु रा॒यः २२
 तन्नो॑ रा॒यः पर्व॑तास्तन्न आप॒स्तद् रा॒तिषा॒च ओष॑धीरु॒त द्यौः ।
 वन॑स्पतिभिः पृथि॒वी स॒जोषा॑ उ॒भे रोद॑सी परि॑ पा॒सतो नः॑ २३
 अनु॑ तदु॒र्वी रोद॑सी जिहा॒ता म॒नु द्यु॒क्षो वरु॑ण इन्द्र॑सखा ।
 अनु॑ वि॒श्वे म॒रुतो॑ ये स॒हासो॑ रा॒यः स्या॑म ध॒रुणं॑ धि॒यध्वै २४
 तन्न॑ इन्द्रो वरु॒णो मि॒त्रो अ॒ग्नि रा॒प ओष॑धीर्व॒निनो॑ जुषन्त ।
 श॒र्मन् तस्या॑म म॒रुता॑मु॒पस्थै॑ यू॒यं पा॑त स्व॒स्तिभिः॑ सदा॑ नः २५

(४६) एकोनपञ्चाशं सूक्तम्

(१-१५) पञ्चदशर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवता ।

त्रिष्टुप् छन्दः

शं न॑ इन्द्रा॒ग्नी भ॑वतामवो॒भिः शं न॑ इन्द्रावरु॒णा रा॒तह॑व्या ।
 शमिन्द्रा॒सोमा॑ सु॒विता॒यु शं योः शं न॑ इन्द्रा॒पूष॑णा वा॒जसा॑तौ १
 शं नो॑ भ॒गः श॒र्मु नः॑ शंसौ अस्तु शं नः॑ पु॒रन्धिः॑ श॒र्मु स॑न्तु रा॒यः ।
 शं नः॑ स॒त्यस्य॑ सु॒यम॑स्य शंसः॑ शं नो॑ अ॒र्यमा॑ पु॒रुजा॑तो अस्तु २
 शं नो॑ धा॒ता श॒र्मु ध॒र्ता नो॑ अस्तु शं न॑ उरू॒ची भ॑वतु स्व॒धाभिः॑ ।
 शं रोद॑सी बृ॒हती शं नो॑ अ॒द्रिः शं नो॑ दे॒वाना॑ सु॒हवा॑नि सन्तु ३
 शं नो॑ अ॒ग्निज्योति॑रनी॒को अस्तु॑ शं नो॑ मि॒त्रावरु॑णाव॒श्विना॑ शम् ।
 शं नः॑ सु॒कृता॑ सु॒कृता॑नि सन्तु शं न॑ इ॒षिरो॑ अ॒भि वा॑तु वा॒तः ४
 शं नो॑ द्यावा॒पृथि॒वी पू॒र्वह॑तौ शम॒न्तरि॑क्षं दृ॒शये॑ नो अस्तु ।
 शं न॑ ओष॑धीर्व॒निनो॑ भवन्तु शं नो॑ रज॑स॒स्पति॑रस्तु जि॒ष्णुः ५
 शं न॑ इन्द्रो वसु॑भिर्दे॒वो अस्तु॑ शमा॑दित्येभिर्वरु॒णः सु॑शंसः ।
 शं नो॑ रु॒द्रो रु॒द्रेभि॑र्जला॒षः शं न॑स्त्व॒ष्टा ग्रा॑भि॒रिह॑ शृ॒णोतु॑ ६
 शं नः॑ सोमो॑ भवतु ब्र॒ह्म शं नः॑ शं नो॑ ग्रावा॒णः श॒र्मु स॑न्तु य॒ज्ञाः ।

शं नः स्वरूपां मितयो भवन्तु शं नः प्रस्वः शम्वस्तु वेदिः ७
 शं नः सूर्य उरुचक्षा उदैतु शं नश्चतस्रः प्रदिशो भवन्तु ।
 शं नः पर्वता ध्रुवयो भवन्तु शं नः सिन्धवः शमु सन्त्वापः ८
 शं नो अदितिर्भवतु वृतेभिः शं नो भवन्तु मरुतः स्वर्काः ।
 शं नो विष्णुः शमु पूषा नो अस्तु शं नो भुवित्रं शम्वस्तु वायुः ९
 शं नो देवः सविता त्रायमाणः शं नो भवन्तूषसो विभातीः ।
 शं नः पर्जन्यो भवतु प्रजाभ्यः शं नः क्षेत्रस्य पतिरस्तु शंभुः १०
 शं नो देवा विश्वदेवा भवन्तु शं सरस्वती सह धीभिरस्तु ।
 शमभिषाचः शमु रातिषाचः शं नो दिव्याः पार्थिवाः शं नो अप्याः ११
 शं नः सत्यस्य पतयो भवन्तु शं नो अर्वन्तः शमु सन्तु गार्वः ।
 शं नः ऋभर्वः सुकृतः सुहस्ताः शं नो भवन्तु पितरो हवेषु १२
 शं नो अज एकपाद् देवो अस्तु शं नोऽहिर्बुध्यः शं समुद्रः ।
 शं नो अपां नपात् पेरुरस्तु शं नः पृश्निर्भवतु देवगौपा १३
 आदित्या रुद्रा वसवो जुषन्ते दं ब्रह्म क्रियमाणं नवीयः ।
 शृण्वन्तु नो दिव्याः पार्थिवासो गोजाता उत ये यज्ञियासः १४
 ये देवानां यज्ञिया यज्ञियानां मनोर्यजत्रा अमृता ऋतज्ञाः ।
 ते नो रासन्तामुरुगायमद्य यूयं पात स्वस्तिभिः सदा नः १५

चतुर्थोऽध्यायः

व० १-३०

(५०) पञ्चाशं सूक्तम्

(१-६) नवर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

प्र ब्रह्मैतु सदनादृतस्य वि रश्मिभिः ससृजे सूर्यो गाः ।
 वि सानुना पृथिवी सस्र उर्वी पृथु प्रतीकमध्येधै अग्निः १
 इमां वा इमत्रावरुणा सुवृक्ति मिषं न कृणवे असुरा नवीयः ।
 इनो वामन्यः पदवीरदब्धो जनं च मित्रो यतति ब्रुवाणः २
 आ वार्तस्य धर्जतो रन्त इत्या अपीपयन्त धेनवो न सूदाः ।
 महो दिवः सदेने जायमानो ऽचिक्रदद् वृषभः सस्मिन्नूर्धन् ३
 गिरा य एता युनजद्धरी त इन्द्र प्रिया सुरथा शूर धायू ।

प्र यो म॒न्युं रि॒रि॒क्षतो मि॒ना॒त्या सु॒क्रतु॑म॒र्यम॑णं ववृ॒त्याम् ४
 यज॑न्ते अस्य स॒ख्यं व॒र्यश्च नम॑स्वि॒नः स्व ऋ॒तस्य॑ धाम॑न् ।
 वि पृ॒क्षो बा॒बधे॑ नृ॒भिः स्तवा॑न इ॒दं नमो॑ रु॒द्राय॑ प्रे॒ष्ठम् ५
 आ यत् सा॒कं यु॒शसौ॑ वाव॒शानाः॑ सर॑स्वती स॒प्तथी॑ सि॒न्धुमा॑ता ।
 याः सु॒ष्वर्य॑न्त सु॒दुघाः॑ सु॒धारा॑ अ॒भि स्वे॒न प॒र्यसा॑ पी॒प्यानाः॑ ६
 उ॒त त्ये नो॑ म॒रुतौ॑ म॒न्दसा॑ना धि॒र्यं तो॑कं च वा॒जिनो॑ऽव॒न्तु ।
 मा नः॑ परि॒ ख्य॒दक्ष॑रा च॒रन्त्य॑वी॒वृध॑न् यु॒ज्यं ते र॒यिं नः॑ ७
 प्र वो॑ म॒हीम॒रम॑तिं कृ॒णुध्वं॑ प्र पू॒षणं॑ वि॒दथ्यं॑ न वी॒रम् ।
 भगं॑ धि॒र्योऽवि॑तारं नो अ॒स्याः सा॒तौ वाजं॑ रा॒तिषा॑चं पु॒रंधि॑म् ८
 अ॒च्छायं॑ वो॒ मरु॑तः श॒लोकं॑ ए॒त्वच्छा॑ वि॒ष्णुं नि॑षि॒क्त॒पाम॑वो॒भिः ।
 उ॒त प्र॒जायै॑ गृ॒णते॑ व॒यो धु॒र्युयं॑ पा॒त स्व॒स्तिभिः॑ सदा॑ नः ९

(५१) एकपञ्चाशं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

आ वो॒ वाहि॑ष्ठो वहतु स्त॒वध्वै॑ रथो॑ वाजा ऋ॒भुक्ष॑णो अ॒मृक्तः॑ ।
 अ॒भि त्रि॑पृ॒ष्ठैः स॒र्वने॑षु सोमै॒र्मदे॑ सु॒शिप्रा॑ म॒हभिः॑ पू॒णध्व॑म् १
 यू॒यं ह॒ रत्नं॑ म॒घव॑त्सु ध॒त्थ स्व॒र्दृशं॑ ऋ॒भुक्ष॑णो अ॒मृक्तम्॑ ।
 सं यु॒ज्ञेषु॑ स्व॒धाव॑न्तः पि॒बध्वं॑ वि नो॒ राधा॑सि म॒तिभि॑र्दयध्वम् २
 उ॒वोचि॑त्थ हि म॒घव॑न् दे॒ष्णं म॒हो अ॒भस्य॑ वसु॒नो वि॒भागे॑ ।
 उ॒भा ते॑ पू॒र्णा वसु॑ना ग॒र्भस्ती॑ न स॒नृता॑ नि य॒मते॑ वस॒व्या ३
 त्वमि॑न्द्र स्व॒र्यशा॑ ऋ॒भुक्षा॑ वा॒जो न सा॑धुरस्त॒मेष्य॑क्वा ।
 व॒यं नु॑ ते दा॒श्वांसः॑ स्याम॒ ब्रह्म॑ कृ॒णव॑न्तो ह॒रिवो॑ वसि॒ष्ठाः ४
 स॒निता॑सि प्र॒वतो॑ दा॒शुषे॑ चि॒द् या॒भिर्वि॑वैषो ह॒र्यश्च॑ धी॒भिः ।
 व॒व॒न्मा नु॑ ते यु॒ज्याभि॑रू॒ती क॒दा न॑ इन्द्र रा॒य आ द॑शस्येः ५
 वा॒स॒र्यसी॑व वे॒धस॑स्त्वं नः क॒दा न॑ इन्द्र वच॑सो बु॒बोधः॑ ।
 अ॒स्तं ता॒त्या धि॒र्या र॒यिं सु॑वीरं पृ॒क्षो नो॑ अ॒र्वा न्यु॑हीत वा॒जी ६
 अ॒भि यं दे॒वी नि॒र्ऋति॑श्चि॒दीशे॑ नक्ष॑न्त इन्द्रं श॒रदः॑ सु॒पृक्षः॑ ।
 उप॑ त्रि॒बन्धु॑र्जरद॒ष्टिमे॑ त्यस्व॒वेशं॑ यं कृ॒णव॑न्त॒ मर्ताः॑ ७
 आ नो॒ राधा॑सि स॒वित॑ स्त॒वध्व्या॑ आ रा॒यो य॑न्तु प॒र्वत॑स्य रा॒तौ ।

सदा नो दिव्यः पायुः सिषक्तु यूयं पात स्वस्तिभिः सदा नः ८

(५२) द्विपञ्चाशं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । (१-६) प्रथमादिषडृचां सविता, (६) षष्ठ्या उत्तरार्धस्य भगो वा, (७-८) सप्तम्यष्टम्योश्च वाजिनो देवताः । त्रिष्टुप् छन्दः

उदु ष्य देवः सविता ययाम हिरण्ययीममतिं यामशिश्नेत् ।
 नूनं भगो हव्यो मानुषेभिर्वि यो रत्नां पुरुवसुर्दधाति १
 उदु तिष्ठ सवितः श्रुध्यैस्य हिरण्यपाणे प्रभृतावृतस्य ।
 व्युर्वी पृथ्वीममतिं सृजान आ नृभ्यो मर्तभोजनं सुवानः २
 अपि षुतः सविता देवो अस्तु यमा चिद् विश्वे वसवो गृणन्ति ।
 स नः स्तोमान् नमस्यैश्चनो धाद् विश्वेभिः पातु पायुभिर्नि सूरिन् ३
 अभि यं देव्यदितिर्गृणाति स्रवं देवस्य सवितुर्जुषाणा ।
 अभि सम्राजो वरुणो गृणन्त्यभि मित्रासौ अर्यमा सजोषाः ४
 अभि ये मिथो वनुषः सपन्ते रातिं दिवो रातिषाचः पृथिव्याः ।
 अहिर्बुध्न्य उत नः शृणोतु वरुण्येकधेनुभिर्नि पातु ५
 अनु तन्नो जास्पतिर्मसीष्टु रत्नं देवस्य सवितुरियानः ।
 भर्गमुगोऽवसे जोहवीति भगमनुगो अर्धं याति रत्नम् ६
 शं नो भवन्तु वाजिनो हवेषु देवताता मितद्रवः स्वर्काः ।
 जम्भयन्तोऽहिं वृकं रक्षांसि सनैम्यस्मद् युयवन्नमीवाः ७
 वाजैवाजेऽवत वाजिनो नो धनेषु विप्रा अमृता ऋतज्ञाः ।
 अस्य मध्वः पिबत मादयध्वं तृप्ता यात पृथिभिर्देवयानैः ८

(५३) त्रिपञ्चाशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः । त्रिष्टुप् छन्दः

ऊर्ध्वो अग्निः सुमतिं वस्वो अश्नेत् प्रतीची जूर्णिर्देवतातिमेति ।
 भेजाते अद्री रथ्यैव पन्था मृतं होता न इषितो यजाति १
 प्र वावृजे सुप्रया बर्हिरेषा मा विश्पतीव बीरिट इयाते ।
 विशामक्तोरुषसः पूर्वहूतौ वायुः पूषा स्वस्त्यै नियुत्वान् २

ज्मया अत्र वसवो रन्त देवा उरावन्तरिक्षे मर्जयन्त शम्भाः ।
 अर्वाक् पथ उरुजयः कृणुध्वं श्रोता दूतस्य जग्मुषो नो अस्य ३
 ते हि यज्ञेषु यज्ञियांस ऊमाः सधस्थं विश्वे अभि सन्ति देवाः ।
 तां अध्वर उशतो यक्ष्यग्ने श्रुष्टी भगं नासत्या पुरंधिम् ४
 आग्ने गिरौ दिव आ पृथिव्या मित्रं वह वरुणमिन्द्रमग्निम् ।
 आर्यमणमदितिं विष्णुमेषां सरस्वती मरुतौ मादयन्ताम् ५
 रे हव्यं मतिभिर्यज्ञियानां नक्षत् कामं मर्त्यानामसिन्वन् ।
 धाता रयिमविदस्यं सदासां सक्षीमहि युज्येभिर्नु देवैः ६
 नू रोदसी अभिष्टेते वसिष्ठे ऋतावानो वरुणो मित्रो अग्निः ।
 यच्छन्तु चन्द्रा उपमं नो अर्कं यूयं पात स्वस्तिभिः सदा नः ७

(५४) चतुःपञ्चाशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

ओ श्रुष्टिविदथ्या३ समैतु प्रति स्तोमं दधीमहि तुराणाम् ।
 यदद्य देवः सविता सुवाति स्यामांस्य रत्निनो विभागे १
 मित्रस्तन्नो वरुणो रोदसी च द्युभक्तमिन्द्रो अर्यमा ददातु ।
 दिदैष्ट देव्यदिति रेक्णो वायुश्च यन्नियुवैते भगश्च २
 सेदुग्रो अस्तु मरुतः स शष्मी यं मर्त्ये पृषदश्चा अवाथ ।
 उतेमग्निः सरस्वती जुनन्ति न तस्य रायः पर्येतास्ति ३
 अयं हि नेता वरुण ऋतस्य मित्रो राजानो अर्यमापो धुः ।
 सुहवा देव्यदितिरनुर्वा ते नो अंहो अति पर्षन्नरिष्टान् ४
 अस्य देवस्य मीळहुषो वया विष्णो रेषस्य प्रभृथे हविर्भिः ।
 विदे हि रुद्रो रुद्रियं महित्वं यासिष्टं वर्तिरश्विनाविरावत् ५
 मात्रं पूषन्नाघृण इरस्यो वरून्त्री यद् रतिषाचश्च रासन् ।
 मयोभुवो नो अर्वन्तो नि पान्तु वृष्टिं परिज्मा वातो ददातु ६
 नू रोदसी अभिष्टेते वसिष्ठे ऋतावानो वरुणो मित्रो अग्निः ।
 यच्छन्तु चन्द्रा उपमं नो अर्कं यूयं पात स्वस्तिभिः सदा नः ७

(५५) पञ्चपञ्चाशं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१)

प्रथमर्चोऽग्नीन्द्रमित्रावरुणाश्विभगपूषब्रह्मणस्पतिसोमरुद्राः, (२-६) द्वितीयादिपञ्चानां

भगः, (७) सप्तम्याश्चोषसो देवताः । (१) प्रथमर्चो जगती, (२-७)

द्वितीयादिषण्णाञ्च त्रिष्टुप् छन्दसी

प्रातरग्निं प्रातरिन्द्रं हवामहे प्रातर्मित्रावरुणा प्रातरश्विना ।
 प्रातर्भगं पूषणं ब्रह्मणस्पतिं प्रातः सोममुत रुद्रं हुवेम १
 प्रातर्जितं भगमुग्रं हुवेम वयं पुत्रमदितेयो विधुता ।
 आध्वश्चिद् यं मन्यमानस्तुरश्चिद् राजा चिद् यं भगं भक्षीत्याहं २
 भग प्रणेतुर्भग सत्यराधो भगेमां धियमुदवा ददन्नः ।
 भग प्र णो जनय गोभिरश्वैर्भग प्र नृभिर्नृवन्तः स्याम ३
 उतेदानीं भगवन्तः स्यामो त प्रपित्व उत मध्ये अहाम् ।
 उतोदिता मघवन् त्सूर्यस्य वयं देवानां सुमतौ स्याम ४
 भग एव भगवाँ अस्तु देवा स्तेन वयं भगवन्तः स्याम ।
 तं त्वो भग सर्वं इज्जोहवीति स नो भग पुरेता भवेह ५
 समध्वरायोषसौ नमन्त दधिक्रावैव शुचये पदाय ।
 अर्वाचीनं वसुविदं भग नो रथमिवाश्वा वाजिन आ वहन्तु ६
 अश्वावतीर्गोमतीर्न उषासौ वीरवतीः सदमुच्छन्तु भद्राः ।
 घृतं दुहाना विश्वतः प्रपीता यूयं पात स्वस्तिभिः सदा नः ७

(५६) षट्पञ्चाशं सूक्तम्

(१-६) षट्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

प्र ब्रह्माणो अङ्गिरसो नक्षन्त प्र क्रन्दनुर्नभ्यस्य वेतु ।
 प्र धेनव उदप्रुतौ नवन्त युज्यातामद्री अध्वरस्य पेशः १
 सुगस्ते अग्ने सनवित्तो अध्वा युद्ध्वा सुते हरितो रोहितश्च ।
 ये वा सद्यन्नरुषा वीरवाहो हुवे देवानां जनिमानि सत्तः २
 समु वो यज्ञं महयन् नमोभिः प्र होता मन्द्रो रिरिच उपाके ।
 यजस्व सु पुर्वणीक देवा ना यज्ञियामरमतिं ववृत्याः ३
 यदा वीरस्य रेवतौ दुरोणे स्योनशीरतिथिराचिकेतत् ।

सुप्रीतो अग्निः सुधितो दम् आ स विशे दाति वार्यमिर्यत्यै ४
 इमं नो अग्ने अध्वरं जुषस्व मरुत्स्विन्द्रै यशसं कृधी नः ।
 आ नक्ता बर्हिः सदतामुषासो शन्ता मित्रावरुणा यजेह ५
 एवाग्निं सहस्यं वसिष्ठो रायस्कामो विश्वप्सून्यस्य स्तौत् ।
 इषं रयिं पप्रथद् वाजमस्मे यूयं पात स्वस्तिभिः सदा नः ६

(५७) सप्तपञ्चाशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । विश्वे देवा देवताः ।

त्रिष्टुप् छन्दः

प्र वो यज्ञेषु देवयन्तो अर्चन् द्यावा नमोभिः पृथिवी इषध्यै ।
 येषां ब्रह्माण्यसमानि विप्रा विष्वग्वियन्ति वनिनो न शाखाः १
 प्र यज्ञ एतु हेत्वो न सप्ति रुद्धच्छध्वं समनसो घृताचीः ।
 स्तृणीत बर्हिरध्वराय साधूध्वा शोचीषि देवयून्यस्थुः २
 आ पुत्रासो न मातरं विभृत्राः सानौ देवासौ बर्हिषः सदन्तु ।
 आ विश्वाचीं विदुथ्यामनक्त्व ग्रे मा नो देवताता मृधस्कः ३
 ते सीषपन्त जोषमा यजत्रा ऋतस्य धाराः सुदुघा दुहानाः ।
 ज्येष्ठं वो अद्य मह आ वसूना मा गन्तन् समनसो यति ष ४
 एवा नो अग्ने विद्धा देशस्य त्वया वयं सहसावन्नास्क्राः ।
 राया युजा सधमादो अरिष्टा यूयं पात स्वस्तिभिः सदा नः ५

(५८) अष्टपञ्चाशं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्चो
 दधिक्राश्व्युषोऽग्निभगेन्द्रविष्णुपूषब्रह्मणस्पत्यादित्यद्यावापृथिव्यापः, (२-५)
 द्वितीयादिचतसृणाञ्च दधिक्रा देवताः । (१) प्रथमर्चो जगती, (२-५)

द्वितीयादिचतसृणाञ्च त्रिष्टुप् छन्दसी

दधिक्रां वः प्रथममश्विनोषसं मग्निं समिद्धं भगमूतये हुवे ।
 इन्द्रं विष्णुं पूषणं ब्रह्मणस्पतिं मादित्यान् द्यावापृथिवी अपः स्वः १
 दधिक्रामु नमसा बोधयन्त उदीराणा यज्ञमुपप्रयन्तः ।
 इळां देवीं बर्हिषि सादयन्तोऽश्विना विप्रा सुहवा हुवेम २
 दधिक्रावाणं बुबुधानो अग्निमुप ब्रुव उषसं सूर्यं गाम् ।

बृध्रं मँश्चतोर्वरुणस्य बृभुं ते विश्वास्मद् दुरिता यावयन्तु ३
 दधिक्रावा प्रथमो वाज्यर्वा ऽग्रे रथानां भवति प्रजानन् ।
 संविदान उषसा सूर्येणा ऽऽदित्येभिर्वसुभिरङ्गिरोभिः ४
 आ नो दधिक्राः पुथ्यामनक्त्वृ तस्य पन्थामन्वेतुवा उ ।
 शृणोतु नो दैव्यं शर्धो अग्निः शृणवन्तु विश्वे महिषा अमूराः ५

(५६) एकोनषष्टितमं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । सविता देवता ।

त्रिष्टुप् छन्दः

आ देवो यातु सविता सुरत्नोऽन्तरिक्षप्रा वहमानो अश्वैः ।
 हस्ते दधानो नर्या पुरुणि निवेशयञ्च प्रसुवञ्च भूम १
 उदस्य ब्राह्म शिथिरा बृहन्ता हिरण्यया दिवो अन्ताँ अनष्टाम् ।
 नूनं सो अस्य महिमा पेनिष्ट सूरश्चिदस्मा अनु दादपस्याम् २
 स घा नो देवः सविता सहावा ऽऽ साविषद् वसुपतिर्वसूनि ।
 विश्रयमाणो अमर्तिमुरुचीं मर्तभोजनमध रासते नः ३
 इमा गिरः सवितारं सुजिह्वं पूर्णगभस्तिमीळते सुपाणिम् ।
 चित्रं वयो बृहदस्मे दधातु यूयं पात स्वस्तिभिः सदा नः ४

(६०) षष्टितमं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । रुद्रो देवता । (१-३)

प्रथमादितृचस्य जगती, (४) चतुर्थ्या ऋचश्च त्रिष्टुप् छन्दसी

इमा रुद्राय स्थिरधन्वने गिरः क्षिप्रेषवे देवाय स्वधावने ।
 अषाळहाय सहमानाय वेधसे त्रिगमायुधाय भरता शृणोतु नः १
 स हि क्षयैण क्षम्यस्य जन्मनः साम्राज्येन दिव्यस्य चेतति ।
 अवन्नवन्तीरुप नो दुरश्चराऽनमीवो रुद्र जासु नो भव २
 या तै दिद्युदवसृष्टा दिवस्परि क्षमया चरति परि सा वृणक्तु नः ।
 सहस्रं ते स्वपिवात भेषजा मा नस्तोकेषु तनयेषु रीरिषः ३
 मा नो वधी रुद्र मा परा दा मा तै भूम प्रसितौ हीळितस्य ।
 आ नो भज बर्हिषि जीवशंसे यूयं पात स्वस्तिभिः सदा नः ४

(६१) एकषष्टितमं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । आपो देवताः ।

त्रिष्टुप् छन्दः

आपो यं वः प्रथमं देवयन्तं इन्द्रपानमूर्मिमकृणवतेळः ।
 तं वो वयं शुचिमरिप्रमद्य घृतपुषं मधुमन्तं वनेम १
 तमूर्मिमापो मधुमत्तमं वो ऽपां नपादवत्वाशहेमा ।
 यस्मिन्निन्द्रो वसुभिर्मादयाते तमश्याम देवयन्तौ वो अद्य २
 शतपवित्राः स्वधया मदन्ती देवीर्देवानामपि यन्ति पार्थः ।
 ता इन्द्रस्य न मिनन्ति वृतानि सिन्धुभ्यो हव्यं घृतवज्रहोत ३
 याः सूर्यो रश्मिभिराततान् याभ्य इन्द्रो अरदद् गातुमूर्मिम् ।
 ते सिन्धवो वरिवो धातना नो यूयं पात स्वस्तिभिः सदा नः ४

(६२) द्विषष्टितमं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । (१-३)

प्रथमादितृचस्य ऋभवः, (४) चतुर्थ्या ऋचश्च ऋभवो विश्वे देवा वा देवताः ।

त्रिष्टुप् छन्दः

ऋभुक्षणो वाजा मादयध्वमस्मे नरो मघवानः सुतस्य ।
 आ वोऽर्वाचः क्रतवो न यातां विभ्वो रथं नयं वर्तयन्तु १
 ऋभुर्ऋभुर्भिर्भि वः स्याम विभवो विभुभिः शवसा शवासि ।
 वाजो अस्माँ अवतु वाजसाता विन्द्रेण युजा तरुषेम वृत्रम् २
 ते चिद्धि पूर्वोर्भि सन्ति शासा विश्वाँ अर्य उपरताति वन्वन् ।
 इन्द्रो विभ्वाँ ऋभुक्षा वाजो अर्यः शत्रौर्मिथ्यत्या कृणवन् वि नृणाम् ३
 नू देवासो वरिवः कर्तना नो भूत नो विश्वेऽवसे सजोषाः ।
 समस्मे इषं वसवो ददीरन् यूयं पात स्वस्तिभिः सदा नः ४

(६३) त्रिषष्टितमं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । आपो देवताः ।

त्रिष्टुप् छन्दः

समुद्रज्यैष्ठाः सलिलस्य मध्यात् पुनाना यन्त्यनिविशमानाः ।
 इन्द्रो या वज्री वृषभो रराद् ता आपो देवीरिह मामवन्तु १

या आपौ दिव्या उत वा स्रवन्ति खनित्रिमा उत वा याः स्वयंजाः ।
 समुद्रार्था याः शुचयः पावकास्ता आपौ देवीरिह मामवन्तु २
 यासां राजा वरुणो याति मध्ये सत्यानृते अवपश्यञ्जनानाम् ।
 मधुश्चुतः शुचयो याः पावकास्ता आपौ देवीरिह मामवन्तु ३
 यासु राजा वरुणो यासु सोमो विश्वे देवा यासूर्जं मदन्ति ।
 वैश्वानरो यास्वग्निः प्रविष्टस्ता आपौ देवीरिह मामवन्तु ४

(६४) चतुःषष्टितमं सूक्तम्

(१-४) चतुर्ऋचस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्चो
 मित्रावरुणौ, (२) द्वितीयाया अग्निः, (३) तृतीयाया विश्वे देवाः, (४)
 चतुर्थ्याश्च नद्यो देवताः । (१-३) प्रथमादितृचस्य जगती, (४) चतुर्थ्या
 ऋचश्चातिजगती शक्वरी वा छन्दसी

आ मां इमं मैत्रावरुणेह रक्षतं कुलाययद् विश्वयन्मा न आ गन् ।
 अजकावं दुर्दृशीकं तिरो दधे मा मां पद्येन रपसा विदुत् त्सरुः १
 यद् विजामन् परुषि वन्दनं भुव दष्टीवन्तौ परि कुल्फौ च देहत् ।
 अग्निष्टच्छोचन्नप बाधतामितो मा मां पद्येन रपसा विदुत् त्सरुः २
 यच्छल्मलौ भवति यन्नदीषु यदोषधीभ्यः परि जायते विषम् ।
 विश्वे देवा निरितस्तत् सुवन्तु मा मां पद्येन रपसा विदुत् त्सरुः ३
 याः प्रवतो निवत उद्वत उद्वन्वतीरनुदकाश्च याः ।
 ता अस्मभ्यं पर्यसा पिन्वमानाः शिवा देवीरशिपुदा भवन्तु सर्वा नद्यो
 अशिमिदा भवन्तु ४

(६५) पञ्चषष्टितमं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । आदित्या देवताः ।
 त्रिष्टुप् छन्दः

आदित्यानामवसा नूतनेन सक्षीमहि शर्मणा शन्तमेन ।
 अनागास्त्वे अदितित्वे तुरास इमं यज्ञं दधतु श्रोषमाणाः १
 आदित्यासो अदितिर्मादयन्तां इमत्रो अर्यमा वरुणो रजिष्ठाः ।
 अस्माकं सन्तु भुवनस्य गोपाः पिबन्तु सोममवसे नो अद्य २
 आदित्या विश्वे मरुतश्च विश्वे देवाश्च विश्वे ऋभवश्च विश्वे ।

इन्द्रो अग्निरश्विना तुष्टुवाना यूयं पात स्वस्तिभिः सदा नः ३

(६६) षट्षष्टितमं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । आदित्यो देवताः ।

त्रिष्टुप् छन्दः

आदित्यासो अदितयः स्याम पूदेवत्रा वसवो मर्त्यत्रा ।
 सनेम मित्रावरुणा सनेन्तो भवेम द्यावापृथिवी भवन्तः १
 मित्रस्तन्नो वरुणो मामहन्त शर्म तोकाय तनयाय गोपाः ।
 मा वो भुजेमान्यजातमेनो मा तत् कर्म वसवो यच्चयध्वे २
 तुरगयवोऽङ्गिरसो नक्षन्त रत्न देवस्य सवितुरियानाः ।
 पिता च तन्नो महान् यजत्रो विश्वे देवाः समनसो जुषन्त ३

(६७) सप्तषष्टितमं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । द्यावापृथिव्यौ देवते ।

त्रिष्टुप् छन्दः

प्र द्यावा यज्ञैः पृथिवी नमोभिः सबाध ईळे बृहती यजत्रे ।
 ते चिद्धि पूर्वे कवयो गृणन्तः पुरो मही दधिरे देवपुत्रे १
 प्र पूर्वजे पितरा नव्यसीभिर्गीर्भिः कृणुध्वं सदाने ऋतस्य ।
 आ नो द्यावापृथिवी दैव्येन जनैन यातुं महि वां वरूथम् २
 उतो हि वां रत्नधेयानि सन्ति पुरुणि द्यावापृथिवी सुदासै ।
 अस्मे धत्तं यदसदस्कृधोयु यूयं पात स्वस्तिभिः सदा नः ३

(६८) अष्टषष्टितमं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । वास्तोष्पतिर्देवता ।

त्रिष्टुप् छन्दः

वास्तौष्पते प्रति जानीह्यस्मान् त्स्वावेशो अनमीवो भवा नः ।
 यत् त्वेमहे प्रति तन्नो जुषस्व शं नो भव द्विपदे शं चतुष्पदे १
 वास्तौष्पते प्रतरणो न एधि गयस्फानो गोभिरश्वैभिरिन्दो ।
 अजरासस्ते सख्ये स्याम पितेव पुत्रान् प्रति नो जुषस्व २
 वास्तौष्पते शग्मया संसदा ते सन्नीमहि रगवया गातुमत्या ।

पाहि क्षेम उत योगे वरं नो यूयं पात स्वस्तिभिः सदा नः ३

(६६) एकोनसप्ततितमं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्चो वास्तोष्पतिः, (२-८) द्वितीयादिसप्तानाञ्चेन्द्रो देवते । (१) प्रथमर्चो गायत्री,
(२-४) द्वितीयादितृचस्योपरिष्ठाद्वहती,
(५-८) पञ्चम्यादिचतसृणाञ्चानुष्टुप् छन्दांसि

अमीवृहा वास्तोष्पते विश्वा रूपाण्याविशन् । सर्वा सुशेव एधि नः १
यदर्जुन सारमेय दतः पिशङ्ग यच्छसे ।

वीव भ्राजन्त ऋष्टय उप स्रक्वेषु बर्प्सतो नि षु स्वप २
स्तेनं राय सारमेय तस्करं वा पुनःसर ।

स्तोतृनिन्द्रस्य रायसि किमस्मान् दुच्छुनायसे नि षु स्वप ३
त्वं सूकरस्य दर्दहि तव दर्दतु सूकरः ।

स्तोतृनिन्द्रस्य रायसि किमस्मान् दुच्छुनायसे नि षु स्वप ४
सस्तु माता सस्तु पिता सस्तु श्वा सस्तु विश्वपतिः ।

ससन्तु सर्वे ज्ञातयः सस्त्वयमभितो जनः ५
य आस्ते यश्च चरति यश्च पश्यति नो जनः ।

तेषां सं हन्मो अक्षाणि यथेदं हर्म्य तथा ६
सहस्रशृङ्गो वृषभो यः समुद्रादुदाचरत् ।

तेनां सहस्यैना वयं नि जनान् त्वापयामसि ७
प्रोष्ठेशया वह्येशया नारीर्यास्तल्पशीवरीः ।

स्त्रियो याः पुण्यगन्धास्ताः सर्वाः स्वापयामसि ८

(७०) सप्ततितमं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । मरुतो देवताः ।

(१-११) प्रथमाद्येकादशर्चा द्विपदा विराट्, (१२-२५) द्वादश्यादिचतुर्दशानाञ्च
त्रिष्टुप् छन्दसी

क ई व्यक्ता नरः सनीळा रुद्रस्य मर्या अधा स्वश्वाः १

नक्रिह्येषां जनूषि वेद ते अङ्ग विद्रे मिथो जनित्रम् १ २

अभि स्वपूभिर्मिथो वपन्त वातस्वनसः श्येना अस्पृधन् ३

ए॒तानि॒ धी॒रो नि॒श्या चि॒केत॒ पृ॒श्नि॒र्यदू॒धौ म॒ही ज॒भार॑ २ ४
 सा वि॒ट् सु॒वीरा॑ म॒रुद्भि॒रस्तु॒ स॒नात् स॒ह॒न्ती पु॒ष्य॒न्ती नृ॒म॒णम् ५
 या॒मं ये॒ष्टाः श॒भा शो॒भि॒ष्टाः श्रि॒या संमि॑श॒त्ता ओ॒जौभि॒रु॒ग्राः ३ ६
 उ॒ग्रं व॒ ओ॒जः स्ति॒रा श॒वांस्य॑धा॒ म॒रुद्भि॒र्गुण॑स्तुवि॒ष्मान् ७
 श॒भ्रो वः॑ शु॒ष्मः क्रु॒ध्मी म॒नासि॑ धु॒नि॒र्मु॒नि॒रिव॑ श॒र्धस्य॑ धृ॒ष्णोः ४ ८
 स॒ने॒म्य॒स्मद् यु॒योत॑ दि॒द्युं मा वो॑ दु॒र्म॒ति॒रि॒ह प्र॒ण॒इनः॑ ९
 प्रि॒या वो॒ नाम॑ हु॒वे तु॒रा॒णा मा॒ यत् तृ॒प॒न्म॑रुतो वाव॒शा॒नाः ५ १०
 स्वा॒यु॒धास॑ इ॒ष्मि॒णः सु॒नि॒ष्का उ॒त स्व॒यं त॒न्व॑ः शु॒म्भ॑मा॒नाः ६ ११
 शु॒ची॒ वो ह॒व्या म॑रुतः शु॒ची॒नां शु॒चि॑ हि॒नो॒म्य॒ध्व॒रं शु॒चि॑भ्यः ।
 ऋ॒तेन॑ स॒त्य॒मृत॑साप॒ आय॒ ऋ॒चि॒ज॒न्मा॒नः शु॒चयः॑ पा॒व॒काः १२
 अ॒ंसे॒ष्वा म॑रुतः खा॒दयो॑ वो॒ व॒क्षः॑सु रु॒क्मा उ॑प॒शि॒श्रि॒या॒णाः ।
 वि॒ वि॒द्युतो॑ न वृ॒ष्टि॒भी रु॒चा॒ना अ॒नु स्व॒धा॒मायु॑धैर्यच्छ॒मानाः॑ १३
 प्र बु॒ध्या व॑ ई॒रते॑ म॒हा॒सि प्र॑ ना॒मानि॑ प्र॒य॒ज्य॒व॒स्ति॒रध्व॑म् ।
 स॒ह॒स्त्रि॒यं द॒म्यं भा॒गमे॑तं गृ॒हमे॑धी॒र्य म॑रुतो जुष॒ध्वम् १४
 यदि॑ स्तु॒तस्य॑ म॒रुतो॑ अधी॒थे॒त्था वि॒प्र॒स्य वा॒जिनो॑ ह॒वी॒मन् ।
 म॒क्षू रा॒यः सु॒वीर्य॑स्य दा॒तु नू॒ चि॒द् य॒म॒न्य आ॒द॒भ॒दरा॑वा १५
 अ॒त्या॒सो न॒ ये म॑रुतः स्व॒ञ्चो॑ य॒क्षदृ॒शो न॒ श॒भय॑न्त॒ म॒र्याः ।
 ते ह॒र्म्ये॒ष्टाः शि॒शवो॑ न श॒भ्रा व॑त्सा॒सो न प्र॑क्री॒ळिनः॑ प॒यो॒धाः १६
 द॒श॒स्य॒न्तो नो॑ म॒रुतो॑ मृ॒ळन्तु॑ व॒रि॒व॒स्य॒न्तो रो॑द॒सी सु॒मे॒के ।
 आ॒रे गो॒हा नृ॒हा वृ॒धो वो॑ अस्तु सु॒मेभि॑र॒स्मे व॑स॒वो न॒म॒ध्वम् १७
 आ वो॒ हो॒ता जो॒हवी॑ति स॒त्तः स॒त्राची॑ रा॒तिं म॑रुतो गृ॒णानः॑ ।
 य ई॒वतो॑ वृष॒णो अ॒स्ति गो॒पाः सो अ॒द्व॒यावी॑ ह॒वते॑ व उ॒क्थैः॑ १८
 इ॒मे तु॒रं म॑रुतो॑ रा॒म॒य॒न्ती मे॑ स॒हः स॒हस्र॑ आ न॑मन्ति ।
 इ॒मे शंस॑ व॒नुष्य॒तो नि॑ पा॒न्ति गुरु॑ द्वे॒षो अ॒र॒रु॒षे द॒धन्ति॑ १९
 इ॒मे र॒ध्रं चि॑न्म॒रुतो॑ जु॒नन्ति॑ भृ॒मि चि॒द् यथा॑ व॒स॒वो जु॒षन्ति॑ ।
 अ॒प॒ बा॒ध॒ध्वं वृ॒ष॒णस्त॑मा॒सि ध॒त्त वि॒श्वं त॑न॒यं तो॒क॒म॒स्मे २०
 मा वो॑ दा॒त्रा॒न्म॑रुतो॒ नि॒र॒राम॑ मा प॒श्चाद् द॑ध्म रथ्यो वि॒भा॒गे ।
 आ नः॑ स्पा॒र्हे भ॑ज॒तना॑ व॒स॒व्ये॒इ॒ यदी॑ सु॒जा॒तं वृ॒ष॒णो वो॑ अ॒स्ति २१
 सं य॒द्ध॒न॒न्त म॒न्युभि॑र्ज॒नासः॑ शू॒रा य॒ही॒ष्वा॒षधी॑षु वि॒क्षु ।
 अ॒र्धं स्मा॒ नो म॑रुतो रु॒द्रि॒यास॑ स्त्रा॒तारो॑ भू॒त पृ॑त॒नास्व॒र्यः २२

भूरि चक्र मरुतः पित्र्याण्युक्थानि या वः शस्यन्तै पुरा चित् ।
 मरुद्भिरुग्रः पृतनासु साळ्हा मरुद्भिरित् सनिता वाजमर्वा २३
 अस्मे वीरो मरुतः शष्म्यस्तु जनानां यो असुरो विधर्ता ।
 अपो येन सुक्षितये तरेमाऽध स्वमोकौ अभि वः स्याम २४
 तन्न इन्द्रो वरुणो मित्रो अग्नि राप ओषधीर्वनिनौ जुषन्त ।
 शर्मन् तस्याम मरुतामुपस्थै यूयं पात स्वस्तिभिः सदा नः २५

(७१) एकसप्ततितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । मरुतो देवताः ।

त्रिष्टुप् छन्दः

मध्वो वो नाम मरुतं यजत्राः प्र यज्ञेषु शर्वसा मदन्ति ।
 ये रेजयन्ति रोदसी चिदुर्वी पिन्वन्त्युत्सं यदयासुरुग्राः १
 निचेतारो हि मरुतौ गृणन्त प्रणेतारो यजमानस्य मन्म ।
 अस्माकमद्य विदथेषु बर्हि रा वीतयै सदत पिप्रियाणाः २
 नैतावदन्ये मरुतो यथेमे भ्राजन्ते रुक्मैरायुधैस्तनूभिः ।
 आ रोदसी विश्वपिर्शः पिशानाः समानमञ्जयञ्जते शभे कम् ३
 ऋधक् सा वो मरुतो दिद्युदस्तु यद् व आगः पुरुषता कराम ।
 मा वस्तस्यामपि भूमा यजत्रा अस्मे वो अस्तु सुमतिश्चनिष्ठा ४
 कृते चिदत्र मरुतौ रणन्ताऽनवद्यासः शुचयः पावकाः ।
 प्र णोऽवत सुमतिभिर्यजत्राः प्र वाजैभिस्तिरत पुष्यसै नः ५
 उत स्तुतासौ मरुतौ व्यन्तु विश्वेभिर्नामभिर्नरौ हवींषि ।
 ददात नो अमृतस्य प्रजायै जिगृत रायः सूनृता मृधानि ६
 आ स्तुतासौ मरुतो विश्व ऊती अच्छा सूरिन्तस्वताता जिगात ।
 ये नस्तमना शतिनो वर्धयन्ति यूयं पात स्वस्तिभिः सदा नः ७

(७२) द्विसप्ततितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । मरुतो देवताः ।

त्रिष्टुप् छन्दः

प्र साकमुक्षै अर्चता गृणाय यो दैव्यस्य धाम्नास्तुविष्मान् ।
 उत क्षौदन्ति रोदसी महित्वा नक्षन्ते नाकं निर्ऋतेरवशात् १

ज॒नूश्चि॑द् वो मरु॒तस्त्वे॒ष्वै॒ण भी॑मा॒सस्तु॑वि॒मन्य॑वोऽया॒सः ।
 प्र ये म॒हौभि॑रोज॒सोत॑ सन्ति॒ विश्वौ॑ वो या॒मन् भ॑यते स्॒वर्दृक् २
 बृ॒हद् व॒यौ म॒घव॑द्भ्यो दधा॒तु जु॒जौष॑न्नि॒मरु॑तः सु॒ष्टुतिं॑ नः ।
 गु॒तो ना॒ध्वा वि॒ तिरा॑ति ज॒न्तुं प्र णः॑ स्पा॒र्हाभि॑रू॒तिभि॑स्तिरेत ३
 यु॒ष्मोतो॑ विप्रौ मरु॒तः श॒तस्वी॑ यु॒ष्मोतो॑ अ॒र्वा स॒हृरिः॑ स॒हस्री॑ ।
 यु॒ष्मोतः॑ स॒म्राळ॑त ह॑न्ति वृ॒त्रं प्र तद् वो॑ अस्तु धू॒तयो॑ दे॒ष्णम् ४
 ताँ आ रु॒द्रस्य॑ मी॒ळ्हुषौ॑ वि॒वासे॑ कु॒विन्न॑सन्ते म॒रुतः॑ पु॒नर्नः॑ ।
 यत् स॒स्वता॑ जिही॒ळिरे॑ यदा॒वि र॒व तदे॑न ई॒महे॑ तु॒राणाम् ५
 प्र सा वा॑चि सु॒ष्टुति॑र्मु॒घोना॑ मि॒दं सू॒क्तं म॒रुतौ॑ जुषन्त ।
 आ॒राञ्चि॑द् द्वेषौ वृष॒णो यु॒योत॑ यू॒यं पा॑त स्व॒स्तिभिः॑ सदा॒ नः ६

(७३) त्रिसप्ततितमं सूक्तम्

(१-१२) द्वादशर्चस्यास्य सूक्तस्य मैत्रावरुणिर्वसिष्ठ ऋषिः । (१-११)

प्रथमाद्येकादशर्चा मरुतः (१२) द्वादश्याश्च रुद्रो देवताः । (१-६)

प्रथमादितृचद्वयस्य प्रगाथः (विषमर्चा बृहती, समर्चा सतोबृहती), (७-८)

सप्तम्यष्टम्योर्ऋचोस्त्रिष्टुप्, (६-११) नवम्यादितृचस्य गायत्री, (१२)

द्वादश्याश्चानुष्टुप् छन्दांसि

यं त्राय॑ध्व इ॒दमि॑दं दे॒वांसो॑ यं च॒ नय॑थ ।
 तस्मा॑ अ॒ग्ने व॑रु॒ण मि॒त्राय॑मन् म॒रुतः॑ शर्म॑ यच्छत १
 यु॒ष्माकं॑ दे॒वा अ॒वसा॑ह॒नि प्रि॒य ई॒जान॑स्ते॒रति॑ द्विषः ।
 प्र स क्ष॑यं ति॒रते॑ वि म॒हीरि॑षो यो वो व॒राय॑ दा॒शति॑ २
 न॒हि व॑श्च॒रमं॑ च॒न व॑सिष्ठः प॒रिमं॑सते ।
 अ॒स्माक॑म॒द्य म॑रुतः सु॒ते स॒चा वि॒श्वे पि॑बत क॒ामिनः॑ ३
 न॒हि व॑ ऊ॒तिः पृ॑त॒नासु॑ म॒र्धति॑ यस्मा॒ अरा॑ध्वं नरः ।
 अ॒भि व॒ आ॒वर्त्त॑ सु॒म॒तिर्न॑वी॒यसी॑ तू॒र्य या॑त पिपीषवः ४
 ओ षु घृ॑ष्विराधसो या॒तना॑न्धा॒सि पी॑तये ।
 इ॒मा वो॑ ह॒व्या म॑रुतो॒रे हि॒ कं मो॑ ष्व॒न्यत्र॑ गन्त॒न ५
 आ च॑ नो ब॒र्हिः स॑द॒तावि॑ता च॒ नः स्पा॑र्हा॒णि दा॑त॒वे व॑सु ।
 अ॒स्त्रेध॑न्तो मरुतः स॒म्ये म॑धौ स्वा॒हेह मा॑दयाध्वै ६
 स॒स्वश्चि॑द्धि त॒न्वः शु॒भमा॑ना आ ह॒ंसा॑सो नी॒लेपृ॑ष्ठा अप॒प्तन् ।

विश्वं शर्धो अभितो मा नि षेद नरो न रणवाः सर्वने मदन्तः ७
 यो नो मरुतो अभि दुर्हणायु स्तिरश्चित्तानि वसवो जिघांसति ।
 द्रुहः पाशान् प्रति स मुचीष्ट तपिष्ठेन हन्मना हन्तना तम् ८
 सांतपना इदं हवि मरुतस्तज्जुष्टन । युष्माकोती रिशादसः ९
 गृहमेधास आ गत मरुतो माप भूतन । युष्माकोती सुदानवः १०
 इहेह वः स्वतवसः कवयः सूर्यत्वचः । यज्ञं मरुत आ वृणे ११
 त्र्यम्बकं यजामहे सुगन्धिं पुष्टिवर्धनम् ।
 उर्वारुकमिव बन्धना न्मृत्योर्मुक्षीय मामृतात् १२
 पञ्चमोऽध्यायः । व० १-२७

(७४) चतुःसप्ततितमं सूक्तम्

(१-१२) द्वादशर्चस्यास्य सूक्तस्य मित्रावरुणिर्वसिष्ठ ऋषिः । (१) प्रथमर्चः सूर्यः,
 (२-१२) द्वितीयाद्येकादशानाञ्च मित्रावरुणौ देवताः । त्रिष्टुप् छन्दः
 यदद्य सूर्य ब्रवोऽनागा उद्यन् मित्राय वरुणाय सत्यम् ।
 वयं देवत्रादिते स्याम तव प्रियासौ अर्यमन् गृणन्तः १
 एष स्य मित्रावरुणा नृचक्षा उभे उदैति सूर्यो अभि ज्मन् ।
 विश्वस्य स्थातुर्जगतश्च गोपा ऋजु मर्तुषु वृजिना च पश्यन् २
 अयुक्त सप्त हरितः सधस्थाद् या ई वहन्ति सूर्यं घृताचीः ।
 धामानि मित्रावरुणा युवाकुः सं यो यूथेव जनिमानि चष्टे ३
 उद् वा पृक्षासो मधुमन्तो अस्थुरा सूर्यो अरुहच्छुक्रमणः ।
 यस्मा आदित्या अध्वनो रदन्ति मित्रो अर्यमा वरुणः सजोषाः ४
 इमे चेतारो अनृतस्य भूरे मित्रो अर्यमा वरुणो हि सन्ति ।
 इम अतस्य वावृधुर्दुरोणे शग्मासः पुत्रा अदितेरदब्धाः ५
 इमे मित्रो वरुणो दूळभासो ऽचेतसं चिञ्चितयन्ति दक्षैः ।
 अपि क्रतुं सुचेतसं वर्तन्त स्तिरश्चिदंहः सुपथा नयन्ति ६
 इमे दिवो अनिमिषा पृथिव्या श्चिकित्वांसौ अचेतसं नयन्ति ।
 प्रवाजे चिन्नद्यौ गाधर्मस्ति पारं नो अस्य विष्पितस्य पर्षन् ७
 यद् गोपावददितिः शर्म भद्रं इमत्रो यच्छन्ति वरुणः सुदासैः ।
 तस्मिन्ना तोकं तनयं दधाना मा कर्म देवहेळनं तुरासः ८
 अव वेदिं होत्राभिर्यजेत् रिपुः काश्चिद् वरुणधुतः सः ।

परि द्वेषौभिर्युमा वृणक्तू रं सुदासै वृषणा उ लोकम् ६
 सस्वश्चिद्धि समृतिस्त्वेष्यैषा मपीच्येन सहसा सहन्ते ।
 युष्मद् भिया वृषणो रेजमाना दक्षस्य चिन्महिना मृळता नः १०
 यो ब्रह्मणे सुमृतिमायजाते वाजस्य सातौ परमस्य रायः ।
 सीक्षन्त मन्युं मघवानो अर्य उरु क्षयाय चक्रिरे सुधातु ११
 इयं देव पुरोहितिर्युवभ्या यज्ञेषु मित्रावरुणावकारि ।
 विश्वानि दुर्गा पिपृतं तिरो नौ यूयं पात स्वस्तिभिः सदा नः १२

(७५) पञ्चसप्ततितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । मित्रावरुणौ देवते ।

त्रिष्टुप् छन्दः

उद् वां चक्षुर्वरुण सुप्रतीकं देवयोरिति सूर्यस्ततुन्वान् ।
 अभि यो विश्वा भुवनानि चष्टे स मन्युं मर्त्येष्वचिंकेत १
 प्र वां स मित्रावरुणावृतावा विप्रो मन्मानि दीर्घश्रुदियति ।
 यस्य ब्रह्माणि सुक्रतू अवाथ आ यत् क्रत्वा न शरदः पृणैथे २
 प्रोरोर्मित्रावरुणा पृथिव्याः प्र दिव ऋष्वाद् बृहतः सुदानू ।
 स्पशौ दधाथे ओषधीषु विद्वद्वृधग्यतो अर्निमिषं रक्षमाणा ३
 शंसा मित्रस्य वरुणस्य धाम शुष्मो रोदसी बद्धधे महित्वा ।
 अयन् मासा अयज्वनामवीराः प्र यज्ञमन्मा वृजनं तिराते ४
 अमूरा विश्वा वृषणाविमा वां न यासु चित्रं ददृशे न युक्षम् ।
 द्रुहः सचन्ते अनृता जनानां न वां निगयान्यचितै अभूवन् ५
 समु वां यज्ञं महयं नमौभिर्हुवे वां इमत्रावरुणा सबाधः ।
 प्र वां मन्मान्यचसे नवानि कृतानि ब्रह्म जुजुषन्निमानि ६
 इयं देव पुरोहितिर्युवभ्या यज्ञेषु मित्रावरुणावकारि ।
 विश्वानि दुर्गा पिपृतं तिरो नौ यूयं पात स्वस्तिभिः सदा नः ७

(७६) षट्सप्ततितमं सूक्तम्

(१-६) षट्सप्तस्यास्य सूक्तस्य मैत्रावरुणिर्वसिष्ठ ऋषिः । (१-३) प्रथमतृचस्य

सूर्यः, (४-६) द्वितीयतृचस्य च मित्रावरुणौ देवताः । त्रिष्टुप् छन्दः

उत् सूर्यो बृहदूर्चीष्यश्रेत् पुरु विश्वा जनिम् मानुषाणाम् ।

समो दिवा ददृशे रोचमानः क्रत्वा कृतः सुकृतः कर्तृभिर्भूत् १
 स सूर्यं प्रति पुरो न उद् गा एभिः स्तोमैभिरेतशेभिरेवैः ।
 प्र नो मित्राय वरुणाय वोचो ऽनागसो अर्यम्णे अग्रये च २
 वि नः सहस्रं शरुधौ रदन्त्वृतावानो वरुणो मित्रो अग्निः ।
 यच्छन्तु चन्द्रा उ॒पमं नो अ॒र्कमा नः कामं पू॒पुरन्तु स्त॒वानाः ३
 द्यावा॑भूमी अदिते त्रासी॑थां नो ये वां ज॒ज्ञुः सु॒जनि॑मान ऋष्वे ।
 मा हे॒ळै भूम॑ वरुणस्य वा॒यो मा मि॒त्रस्य॑ प्रि॒यत॑मस्य नृ॒णाम् ४
 प्र बा॒हवा॑ सि॒सृतं जी॒वसे॑ न आ नो ग॒व्यूति॑मु॒क्षतं घृ॒तेन॑ ।
 आ नो जने॑ श्रवयतं यु॒वाना श्रु॑तं मे मि॒त्रावरु॑णा ह॒वेमा ५
 नू मि॒त्रो वरु॑णो अ॒र्यमा न॒ स्तम॑ने॒ तोका॑य॒ वरि॑वो दधन्तु ।
 सु॒गा नो वि॒श्वा सु॒पथा॑नि सन्तु यू॒यं पा॑त स्व॒स्तिभिः सदा॑ नः ६

(७७) सप्तसप्ततितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । (१-४, ५)

प्रथमादिचतुर्त्रिंशं पञ्चम्याः पूर्वार्धस्य च सूर्यः, (५-६) पञ्चम्या उत्तरार्धस्य षष्ठ्याश्च

मित्रावरुणौ देवताः । त्रिष्टुप् छन्दः

उद्वैति सु॒भगो वि॒श्वच॑क्षाः सा॒धार॑णः सूर्यो॑ मा॒नुषा॑णाम् ।
 चक्षु॑र्मि॒त्रस्य॑ वरुणस्य दे॒वश्च॑मै॒व यः स॒मवि॑व्यक् तमा॑सि १
 उद्वैति प्र॒सवी॑ता जना॑नां म॒हान् के॒तुर॑णवः सूर्यस्य ।
 स॒मा॒नं च॒क्रं प॑र्या॒विवृ॑त्सन् यदे॒तशो॑ वहति धूर्षु॑ यु॒क्तः २
 वि॒भ्राज॑मान उ॒षसा॑मु॒पस्था॑द् रे॒भैरु॑दैत्यनु॒द्यमानः॑ ।
 एष॑ मे॒ देवः स॒विता॑ च॒च्छन्द॑ यः स॒मा॒नं न प्र॑मि॒नाति॑ धामं ३
 दि॒वो रु॒क्म उ॑रु॒चक्षा॑ उदैति दू॒रेअ॑र्थस्तरणि॒भ्राज॑मानः ।
 नूनं॑ जनाः सूर्ये॑ण प्र॒सूता॑ अ॒यन्न॑थानि कृ॒णव॑न्नपा॑सि ४
 यत्रा॑ चक्रु॒रमृ॑ता गा॒तुम॑स्मै श्ये॒नो न दी॑यन्न॒न्वेति॑ पार्थः ।
 प्रति॑ वां सूर उ॒दिते॑ वि॒धेम॑ नमो॑भिर्मि॒त्रावरु॑णो॒त ह॒व्यैः ५
 नू मि॒त्रो वरु॑णो अ॒र्यमा न॒ स्तम॑ने॒ तोका॑य॒ वरि॑वो दधन्तु ।
 सु॒गा नो वि॒श्वा सु॒पथा॑नि सन्तु यू॒यं पा॑त स्व॒स्तिभिः सदा॑ नः ६

(७८) अष्टसप्ततितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । मित्रावरुणौ देवते ।

त्रिष्टुप् छन्दः

दिवि क्षयन्ता रजसः पृथिव्यां प्र वा घृतस्य निर्णिजौ ददीरन् ।
 हव्यं नो मित्रो अर्यमा सुजातो राजा सुक्षत्रो वरुणो जुषन्त १
 आ राजाना मह ऋतस्य गोपा सिन्धुपती क्षत्रिया यातमर्वाक् ।
 इळा नो मित्रावरुणोत वृष्टि मर्व दिव इन्वतं जीरदानू २
 मित्रस्तन्नो वरुणो देवो अर्यः प्र सार्धिष्ठेभिः पृथिभिर्नयन्तु ।
 ब्रवद् यथा न आदरिः सुदास इषा मदेम सह देवगौपाः ३
 यो वां गर्तं मनसा तक्षदेत मूर्ध्वा धीतिं कृणवद् धारयच्च ।
 उक्षेथा मित्रावरुणा घृतेन ता राजाना सुक्षितीस्तर्पयेथाम् ४
 एष स्तोमो वरुण मित्र तुभ्यं सोमः शक्रो न वायवैऽयामि ।
 अविष्टं धियो जिगृतं पुरंधी र्युयं पात स्वस्तिभिः सदा नः ५

(७९) एकोनाशीतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । मित्रावरुणौ देवते ।

त्रिष्टुप् छन्दः

प्रति वां सूर उदिते सूक्तै मित्रं हुवे वरुणं पूतदक्षम् ।
 ययौरसुर्यश्मक्षितं ज्येष्ठं विश्वस्य यामन्नाचिता जिगृबु १
 ता हि देवानामसुरा तावर्या ता नः क्षितीः करतमूर्जयन्तीः ।
 अश्याम मित्रावरुणा वयं वां द्यावा च यत्र पीपयन्नहा च २
 ता भूरिपाशावनृतस्य सेतू दुरत्येतू रिपवे मर्त्याय ।
 ऋतस्य मित्रावरुणा पथा वा मपो न नावा दुरिता तैरम ३
 आ नो मित्रावरुणा हव्यजुष्टिं घृतैर्गव्यूतिमुक्षतमिळाभिः ।
 प्रति वामत्र वरमा जनाय पृणीतमुदनो दिव्यस्य चारौः ४
 एष स्तोमो वरुण मित्र तुभ्यं सोमः शक्रो न वायवैऽयामि ।
 अविष्टं धियो जिगृतं पुरंधी र्युयं पात स्वस्तिभिः सदा नः ५

(८०) अशीतितमं सूक्तम्

(१-१६) एकोनविंशत्यृचस्यास्य सूक्तस्य मैत्रावरुणिर्वसिष्ठ ऋषिः । (१-३, १७-

१६) प्रथमादितृचस्य सप्तदश्यादितृचस्य च मित्रावरुणौ, (४-१३)
चतुर्थ्यादिदशर्चामादित्याः, (१४-१६) चतुर्दश्यादितृचस्य च सूर्यो देवताः । (१-
६, १७-१९) प्रथमादिनवर्चा सप्तदश्यादितृचस्य च गायत्री, (१०-१५)
दशम्यादितृचद्वयस्य प्रगाथः (विषमर्चा बृहती, समर्चा सतोबृहती), (१६)

षोडश्याश्च पुर उष्णिक् छन्दांसि

प्र मित्रयोर्वरुणयो स्तोमौ न एतु शूष्यः । नमस्वान् तुविजातयोः १
या धारयन्त देवाः सुदक्षा दक्षपितरा । असुर्याय प्रमहसा २
ता न स्तिपा तनूपा वरुण जरितृणाम् । मित्रे साधयतु धियः ३
यदद्य सूर उदिते ऽनागा मित्रो अर्यमा । सुवाति सविता भगः ४
सुप्रावीरस्तु स क्षयः प्र नु यामन् त्सुदानवः । ये नो अंहोऽतिपिप्रति ५
उत स्वराजो अदिति रदब्धस्य व्रतस्य ये । महो राजान ईशते ६
प्रति वां सूर उदिते मित्रं गृणीषे वरुणम् । अर्यमणं रिशादसम् ७
राया हिरण्यया मति रियमवृकाय शर्वसे । इयं विप्रा मेधसातये ८
ते स्याम देव वरुण ते मित्र सूरिभिः सह । इषं स्वश्च धीमहि ९
बृहवः सूरचक्षसो ऽग्निजिह्वा ऋतावृधः ।
त्रीणि ये येमुर्विदथानि धीतिभिर्विश्वानि परिभूतिभिः १०
वि ये दुधुः शरदं मासमादहं र्यज्ञमक्तुं चादृचम् ।
अनाप्यं वरुणो मित्रो अर्यमा क्षत्रं राजान आशत ११
तद् वो अद्य मनामहे सूक्तैः सूर उदिते ।
यदोहते वरुणो मित्रो अर्यमा यूयमृतस्य रथ्यः १२
ऋतावान् ऋतजाता ऋतावृधो घोरासौ अनृतद्विषः ।
तेषां वः सुप्ते सुच्छुर्दिष्टमे नरः स्याम ये च सूरयः १३
उदु त्यद् दर्शतं वपुर्दिव एति प्रतिहरे ।
यदीमाशुर्वहति देव एतंशो विश्वस्मै चक्षसे अरम् १४
शीर्ष्णः शीर्ष्णो जगतस्तस्थुषस्पतिं समया विश्वमा रजः ।
सप्त स्वसारः सुविताय सूर्यं वहन्ति हरितो रथे १५
तच्चक्षुर्देवहितं शुक्रमुच्चरत् । पश्येम शरदः शतं जीवेम शरदः शतम् १६
काव्यैभिरदाभ्या ऽऽयातं वरुण हुमत् । मित्रश्च सोमपीतये १७
दिवो धामभिर्वरुण मित्रश्चा यातमद्रुहा । पिबतुं सोममातुजी १८
आ यातं मित्रावरुणा जुषाणावाहुतिं नरा । पातं सोममृतावृधा १९

(८१) एकाशीतितमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

प्रति वां रथं नृपती जुरध्यै हविष्मता मनसा युज्ञियैन ।
 यो वा दूतो न धिष्ण्यावजीग रच्छा सूनूर्न पितरा विवक्मि १
 अशौच्यग्निः समिधानो अस्मे उपौ अदृश्रन् तमसश्चिदन्ताः ।
 अचैति केतुरुषसः पुरस्ता च्छ्रये दिवो दुहितुर्जायमानः २
 अभि वा नूनमश्विना सुहोता स्तोमैः सिषक्ति नासत्या विवक्वान् ।
 पूर्वीभिर्याति पथ्याभिरवाक् स्वर्विदा वसुमता रथेन ३
 अवोवां नूनमश्विना युवाकु हुवे यद् वा सुते माध्वी वसूयुः ।
 आ वा वहन्तु स्थविरासो अश्वाः पिबाथो अस्मे सुषुता मधूनि ४
 प्राचीमु देवाश्विना धियं मे ऽमृधां सातयै कृतं वसूयुम् ।
 विश्वा अविष्टं वाज आ पुरन्धी स्ता नः शक्तं शचीपती शचीभिः ५
 अविष्टं धीर्ष्वश्विना न आसु प्रजावद् रेतो अहयं नो अस्तु ।
 आ वा तोके तनये तूतुजानाः सुरत्नासो देववीतिं गमेम ६
 एष स्य वा पूर्वगत्वैव सख्यै निधिर्हितो माध्वी रातो अस्मे ।
 अहैळता मनसा यातमर्वा गृश्नन्ता हव्यं मानुषीषु विक्षु ७
 एकस्मिन् योगै भुरणा समाने परि वां सप्त स्रवतो रथौ गात् ।
 न वायन्ति सुभ्वौ देवयुक्ता ये वा धूर्षु तरणयो वहन्ति ८
 असश्चता मघवद्भ्यो हि भूतं ये राया मघदेयं जुनन्ति ।
 प्र ये बन्धुं सूनृताभिस्तिरन्ते गव्या पृञ्चन्तो अश्वयो मघानि ९
 नू मे हवमा शृणुतं युवाना यासिष्टं वर्तिरश्विनाविरावत् ।
 धत्तं रत्नानि जरतं च सूरीन् यूयं पात स्वस्तिभिः सदा नः १०

(८२) द्व्यशीतितमं सूक्तम्

(१-६) नवर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते । (१-७)

प्रथमादिसप्तर्चा विराट्, (८-६) अष्टमीनवम्योश्च त्रिष्टुप् छन्दसी

आ शुभ्रा यातमश्विना स्वश्वा गिरौ दस्त्रा जुजुषाणा युवाकौः ।
 हव्यानि च प्रतिभृता वीतं नः १
 प्र वामन्धासि मद्यान्यस्थुररं गन्तं हविषौ वीतयै मे ।

तिरो अर्यो हव॑नानि श्रु॒तं नः २
 प्र वा॑ रथो मनो॑जवा इय॒र्ति तिरो रजा॑स्यश्विना श॒तोतिः ।
 अ॒स्मभ्य॑ सूर्याव॒सू इयानः ३
 अ॒यं ह॒ यद् वा॑ दे॒वया उ॒ अद्रि॑रू॒ध्वो वि॒व॒क्ति सोम॑सुद् यु॒वभ्या॑म् ।
 आ व॒ल्गू विप्रो॑ ववृ॒तीत ह॒व्यैः ४
 चि॒त्रं ह॒ यद् वा॑ भो॒ज॒नं न्वस्ति॒ न्यत्र॑ये म॒हिष्व॑न्तं यु॒योत॑म् ।
 यो वा॑मो॒मानं॑ द॒ध॒ते प्रि॒यः सन् ५
 उ॒त त्यद् वा॑ जुर॒ते अ॒श्विना भू॒ च्यवा॑नाय प्र॒तीत्य॑ ह॒विर्दे॑ ।
 अ॒धि यद् व॒र्ष इत॑ऊ॒ति ध॒त्थः ६
 उ॒त त्यं भु॒ज्युर्म॑श्विना स॒खायो॑ म॒ध्यै ज॒हुदु॑रेवा॒सः समु॑द्रे ।
 निरी॑ प॒र्ष॒दरा॑वा यो यु॒वाकुः ७
 वृ॒काय॑ चि॒ज्जस॑मानाय श॒क्त मु॒त श्रु॒तं श॒यवे॑ हूय॒माना ।
 याव॒घ्न्याम॑पि॒न्वत॑मु॒पो न स्त॑र्य॒ चिच्छ॑क्त्य॒श्विना श॒चीभिः ८
 ए॒ष स्य का॒रुर्ज॑रते सू॒क्तै र॒ग्रे बु॒धान उ॒षसा॑ सु॒मन्मा॑ ।
 इ॒षा तं व॑र्ध॒द॒घ्न्या प॒योभि॑र्यु॒यं पा॑त स्व॒स्तिभिः॑ सदा॑ नः ९

(८३) त्र्यशीतितमं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

आ वा॑ रथो रोद॑सी ब॒द्धा॒नो हि॒र॒ण्यो वृ॑ष॒भिर्या॑त्व॒श्वैः ।
 घृ॒तव॑र्त॒निः पु॒विभी॑ रु॒चान॑ इ॒षां वो॒ळ॒हा नृ॑प॒तिर्वा॑जिनी॒वान् १
 स प॑प्र॒थानो॑ अ॒भि प॒ञ्च भू॒मा त्रि॒वन्धु॑रो म॒न॒सा या॑तु यु॒क्तः ।
 वि॒शो ये॒न ग॒च्छ॑थो दे॒व॒यन्तीः॑ कु॒त्रो चि॒द् या॒म॑म॒श्विना॒ दधा॑ना २
 स्व॒श्वा य॒शसा॑ या॒तम॑र्वाग् द॒स्त्रा नि॒धिं म॑धु॒मन्तं॑ पि॒बाथः॑ ।
 वि वा॑ रथो व॒ध्वा॒रे या॑द॒मानो॑ ऽन्ता॒न् दि॒वो बा॑धते व॒र्त॒निभ्या॑म् ३
 यु॒वोः श्रि॒यं प॒रि योषा॑वृणी॒त सू॒रो दु॒हिता॑ प॒रित॑क॒म्यायाम्॑ ।
 यद् दे॒व॒यन्त॑म॒व॒थः श॒चीभिः॑ प॒रि घ्नं॑स॒मोम॑ना वा॑ व॒यो गा॑त् ४
 यो ह॒ स्य वा॑ रथि॒रा व॑स्त॒ उ॒स्त्रा रथो॑ यु॒जानः॑ प॒रिया॑ति॒ वर्तिः॑ ।
 तेन॑ नः शं यो॒रुष॑सो व्यु॒ष्टौ न्य॑श्विना व॒हतं॑ यु॒ज्ञे अ॒स्मिन् ५
 नरा॑ गौ॒रेव॑ वि॒द्युतं॑ तृषा॒णा ऽस्मा॑क॒मुद्य॑ स॒वनो॑प॒ यात॑म् ।

पुरुत्रा हि वां म॒तिभिर्हव॑न्ते मा वा॒म॒न्ये नि य॑मन् दे॒व॒यन्तः ६
 यु॒वं भु॒ज्युम॑र्वविद्धं समुद्र उदू॑हथुर॒ण॑सो अ॒स्त्रि॒धानैः ।
 प॒त॒त्रिभि॑र॒श्रमै॑र॒व्यथि॑भिर्द॒सना॑भिर॒श्विना॑ पारयन्ता ७
 नू मे॒ हव॑मा शृणुतं युवाना या॒सिष्टं॑ व॒र्तिर॑श्विना॒विरा॑वत् ।
 ध॒त्तं रत्ना॑नि ज॒रतं॑ च सू॒रीन् यू॒यं पा॑त स्व॒स्तिभिः॑ सदा नः ८

(८४) चतुरशीतितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

आ वि॒श्ववारा॑श्विना गतं नः प्र तत् स्था॒नम॑वाचि वां पृथि॒व्याम् ।
 अ॒श्वो न वा॒जी शन॑पृष्ठो अ॒स्था॒दा यत् से॒दथु॑र्ध्रुव॒से न यो॑निम् १
 सि॒ष॒क्ति सा वां सु॒म॒तिश्च॑निष्ठा ऽता॒पि घ॒र्मो म॑नुषो दुरो॒णे ।
 यो वां समु॒द्रान् त्स॑रितः पि॒प॒त्ये त॑ग्वा चि॒न्न सु॒युजा॑ यु॒जानः २
 या॒नि स्था॒ना॒न्यश्वि॑ना दु॒धार्थे॑ दि॒वो य॒ही॒ष्वोष॑धीषु वि॒क्षु ।
 नि प॑र्वतस्य मूर्ध॒नि स॑द॒न्ते षं॑ जना॒य दा॑शुषे वह॑न्ता ३
 च॒निष्टं॑ दै॒वा ओष॑धीष्व॒प्सु यद् यो॒ग्या अ॒शन॑वैथे ऋषी॒णाम् ।
 पु॒रू॒णि रत्ना॑ दध॒तौ न्य॑स्मे अ॒नु पूर्वा॑णि च॒ख्यथु॑र्यु॒गानि ४
 श॒श्रुवा॑सां चि॒दश्वि॑ना पु॒रू॒ण्य॒भि ब्र॑ह्मा॒णि च॒क्षाथे॑ ऋषी॒णाम् ।
 प्र॒ति प्र या॑तुं व॒रमा॑ जना॒या ऽस्मे वा॑मस्तु सु॒म॒तिश्च॑निष्ठा ५
 यो वां यु॒ज्ञो ना॑सत्या ह॒विष्मा॑न् कृ॒तब्र॑ह्मा स॒म॒यो॒र्ज्ञे भ॑वाति ।
 उप॒ प्र या॑तुं व॒रमा॑ वसि॒ष्ठ मि॒मा ब्र॑ह्मा॒ण्यृच्य॑न्ते यु॒वभ्या॑म् ६
 इ॒यं म॑नी॒षा इ॒यम॑श्विना गी॒ रिमां॑ सु॒वृक्तिं॑ वृष॒णा जु॑षेथाम् ।
 इ॒मा ब्र॑ह्मा॒णि यु॒व॒यू॒न्यग्म॑न् यू॒यं पा॑त स्व॒स्तिभिः॑ सदा नः ७

(८५) पञ्चाशीतितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

अप॒ स्वसु॑रुष॒सो न॑गि॒ज्जी॒हेते॑ रि॒णक्ति॑ कृ॒ष्णीरु॑षाय॒ पन्था॑म् ।
 अ॒श्वा॒मघा॑ गो॒मघा॑ वां हुवे॒म दि॒वा न॑क्तं श॒रुम॑स्मद् यु॒योत॑म् १
 उ॒पाया॑तं दा॒शुषे॑ म॒र्त्याय॑ रथे॒न वा॒मम॑श्विना वह॑न्ता ।

यु॒यु॒तम॒स्मद॒नि॒राम॒मी॒वां दि॒वा न॒क्तं मा॒ध्वी त्रा॒सी॒थां नः २
 आ वां रथ॑मव॒मस्यां व्यु॑ष्टौ सु॒म्राय॒वो वृष॑णो वर्तयन्तु ।
 स्यू॒म॒गभ॒स्तिमृ॒तयु॒ग्भि॒रश्वे॒ राश्वि॑ना वसु॒मन्तं व॒हे॒थाम् ३
 यो वां रथौ नृ॒पती अ॒स्ति वो॒ळ॒हा त्रि॒वन्धु॒रो वसु॑माँ उ॒स्रया॑मा ।
 आ न ए॒ना ना॒स॒त्योप॑ यात॒ म॒भि यद॒ वा विश्व॑प्स॒न्यो जि॒गाति ४
 यु॒वं च्य॒वानं ज॒रसौ॑ऽमु॒मुक्तं॑ नि पे॒दव॑ ऊ॒हथु॒राशु॑मश्वम् ।
 नि॒रंह॑स॒स्तम॑सः स्पर्त॒मत्रिं॑ नि जा॒हुषं॑ शि॒थिरे॑ धा॒तम॑न्तः ५
 इ॒यं म॑नी॒षा इ॒यम॑श्वि॒ना गी॒ रिमां॑ सु॒वृक्तिं॑ वृष॒णा जुषे॑थाम् ।
 इ॒मा ब्र॒ह्मा॒णि यु॒व॒यू॒न्यग्म॑न् यू॒यं पा॑त स्व॒स्तिभिः॑ सदा॑ नः ६

(८६) षडशीतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

आ गो॒म॒ता ना॒स॒त्या रथे॑नाऽश्वा॒वता॑ पु॒रुश्च॒न्द्रेण॑ यातम् ।
 अ॒भि वां वि॒श्वा॒ नियु॑तः स॒चन्ते॑ स्पा॒र्हया॑ श्रि॒या त॒न्वा शु॒भाना॑ १
 आ नो॑ दे॒वेभि॒रुप॑ यात॒म॒र्वाक् स॒जोष॑सा ना॒स॒त्या रथे॑न ।
 यु॒वोर्हि नः॑ स॒ख्या पि॒त्र्या॒णि स॒मानो॑ बन्धु॒रुत॑ तस्य॒ वित्त॑म् २
 उ॒दु स्तो॒मासो॑ अ॒श्विनो॑र॒बुध्र॑ञ्जामि ब्र॒ह्मा॒ण्युष॑सश्च दे॒वीः ।
 आ॒वि॒वा॒सन् रो॒दसी॑ धि॒ष्णये॑मे अ॒च्छा वि॒प्रो ना॑स॒त्या वि॒वक्ति॑ ३
 वि चे॒दुच्छ॑न्त्य॒श्विना॑ उ॒षासः॑ प्र वां ब्र॒ह्मा॒णि का॒रवो॑ भरन्ते ।
 ऊ॒र्ध्वं भानुं॑ स॒वि॒ता दे॒वो अ॒श्वेद् बृ॒हद्ग॒यः स॒मिधा॑ जरन्ते ४
 आ पु॒श्वाता॑न्ना॒स॒त्या पु॒रस्ता॑ दा॒श्विना॑ यात॒म॒धरा॑दु॒दक्ता॑त् ।
 आ वि॒श्वतः॑ पाञ्च॒जन्ये॑न रा॒या यू॒यं पा॑त स्व॒स्तिभिः॑ सदा॑ नः ५

(८७) सप्ताशीतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते ।

त्रिष्टुप् छन्दः

अ॒ता॒रिष्म॑ तम॒सस्पार॑म॒स्य प्र॒ति स्तो॒मं दे॒व॒यन्तो॑ दधा॒नाः ।
 पु॒रुदं॑सा पु॒रुत॑मा पु॒राजा॑ ऽम॒र्त्या ह॒वते॑ अ॒श्विना॑ गीः १
 न्यु॒ प्रि॒यो म॑नु॒षः सा॒दि होता॑ ना॒स॒त्या यो य॑ज॒ते व॑न्द॒ते च॑ ।

अ॒शनी॑तं म॒ध्वो अ॒श्विना॑ उ॒पाक॑ आ वा॑ वो॒चे वि॒दथै॑षु प्र॒यस्वान् २
 अ॒हेम॑ य॒ज्ञं प॒थामु॑राणा इ॒मां सु॑वृ॒क्तिं वृ॑षणा जुषे॒थाम् ।
 श्रु॒ष्टीवे॒व प्रे॑षि॒तो वा॒मबो॑धि॒ प्रति॑ स्तोमै॒र्जर॑माणो वसि॒ष्ठः ३
 उ॒प॒ त्या व॒ह्नी ग॒मतो॑ वि॒शं नो॑ र॒क्षोह॑णा संभृ॒ता वी॒ळपा॑णी ।
 स॒मन्धा॑स्य॒गमत॑ मत्स॒राणि॑ मा नो॑ म॒र्धिष्ट॑मा ग॒तं शि॒वेन॑ ४
 आ प॒श्चाता॑न्नास॒त्या पु॒रस्ता॑ दा॒श्विना॑ या॒तम॒धरा॑दु॒दक्ता॑त् ।
 आ वि॒श्वतः॑ पा॒ञ्चज॑न्येन रा॒या यू॒यं पा॑त स्व॒स्तिभिः॑ सदा॑ नः ५

(८८) अष्टाशीतितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । अश्विनौ देवते । प्रगाथः

(विषमर्चा बृहती, समर्चा सतोबृहती) छन्दः

इ॒मा उ॑ वां दि॒विष्ट॑य उ॒स्त्रा ह॑वन्ते अ॒श्विना॑ ।
 अ॒यं वा॑म॒हेऽव॑से श॒चीव॑सू वि॒शं वि॒शं हि॑ गच्छ॑थः १
 यु॒वं चि॒त्रं द॑दथु॒र्भोज॑नं नरा॒ चोदै॑थां सु॒नृता॑वते ।
 अ॒र्वाग्र॑थं स॒मन॑सा नि यच्छ॑तं पि॒बतं॑ सो॒म्यं मधु॑ २
 आ या॑त॒मुप॑ भूष॑तं म॒ध्वः पि॑बतम॒श्विना॑ ।
 दु॒ग्धं प॑यो वृषणा जे॒न्याव॑सू मा नो॑ म॒र्धिष्ट॑मा ग॒तम् ३
 अ॒श्वा॒सो ये वा॑मुप॑ दा॒शुषो॑ गृ॒हं यु॒वां दी॑र्यन्ति बिभ्र॑तः ।
 म॒क्षूयु॑र्भि॒ररा॑ ह॒यैभि॑र॒श्विना॑ ऽऽ दे॒वा या॑तम॒स्म्यू ४
 अ॒र्धा ह॒ यन्तो॑ अ॒श्विना॑ पृ॒क्षः स॑चन्त सूर॒यः ।
 ता य॑सतो म॒घव॑द्भ्यो ध्रु॒वं यश॑ श॒छर्दि॑र॒स्मभ्यं॑ नास॒त्या ५
 प्र ये य॒युर॑वृ॒कासो॑ रथा॑ इव नृ॒पाता॑रो ज॒नाना॑म् ।
 उ॒त स्वे॒न श॑र्वसा शू॒शुवु॑र्नर॑ उ॒त क्षि॑यन्ति सु॒क्षिति॑म् ६

(८९) एकोननवतितमं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

व्यु॒ष्टा आ॑वो दि॒विजा॑ अ॒तेना॑ ऽऽवि॒ष्कृ॒णवा॑ना म॒हिमा॑न॒मागा॑त् ।
 अप॒ दु॒हस्त॑म॒ आव॑र॒जुष्ट॑ म॒ङ्गिर॑स्त॒मा प॒थ्या अ॑जीगः १
 म॒हे नो॑ अ॒द्य सु॑वि॒ताय॑ बो॒ध्युषो॑ म॒हे सौ॑भगाय॒ प्र य॑न्धि ।

चित्रं रयिं यशसं धेह्यस्मे देवि मर्तेषु मानुषि श्रवस्युम् २
 एते त्वे भानवौ दर्शतायां श्वित्रा उषसो अमृतास आगुः ।
 जनयन्तो दैव्यानि व्रतान्या पृणन्तो अन्तरिक्षा व्यस्थुः ३
 एषा स्या युजाना पराकात् पञ्च क्षितीः परि सद्यो जिगाति ।
 अभिपश्यन्ती वयुना जनानां दिवो दुहिता भुवनस्य पत्नी ४
 वाजिनीवती सूर्यस्य योषा चित्रामघा राय ईशे वसूनाम् ।
 ऋषिष्टुता जरयन्ती मघो न्युषा उच्छति वह्निभिर्गृणाना ५
 प्रति द्युतानामरुषासो अश्वाश्चित्रा अदृश्रन्नुषसं वहन्तः ।
 याति शम्भा विश्वपिशा रथेन दधाति रत्नं विधते जनाय ६
 सत्या सत्येभिर्महती महद्भिर्देवी देवेभिर्यजता यजत्रैः ।
 रुजद् दृळहानि दददुस्त्रियाणां प्रति गाव उषसं वावशन्त ७
 नू नो गोमद वीरवद धेहि रत्नं मुषो अश्वावत् पुरुभोजौ अस्मे ।
 मा नो बर्हिः पुरुषता निदे क र्युयं पात स्वस्तिभिः सदा नः ८

(६०) नवतितमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

उदु ज्योतिरमृतं विश्वजन्यं विश्वानरः सविता देवो अश्रेत् ।
 क्रत्वा देवानामजनिष्ट चक्षु राविरकृर्भुवनं विश्वमुषाः १
 प्र मे पन्था देवयाना अदृश्रन्नमर्धन्तो वसुभिरिष्कृतासः ।
 अभूदु केतुरुषसः पुरस्तात् प्रतीच्यागादधि हर्म्येभ्यः २
 तानीदहानि बहुलान्यासन् या प्राचीनमुदिता सूर्यस्य ।
 यतः परि जार इवाचरन्त्युषो ददृक्षे न पुनर्यतीव ३
 त इद् देवानां सध्रमाद आस नृतावानः कवयः पूव्यासः ।
 गूळहं ज्योतिः पितरो अन्वविन्दन् त्सत्यमन्त्रा अजनयन्नुषासम् ४
 समान ऊर्वे अधि संगतासः सं जानते न यतन्ते मिथस्ते ।
 ते देवानां न मिनन्ति व्रता न्यमर्धन्तो वसुभिर्यादमानाः ५
 प्रति त्वा स्तोमैरीळते वसिष्ठा उषर्बुधः सुभगे तुष्टुवांसः ।
 गवां नेत्री वाजपत्नी न उच्छो षः सुजाते प्रथमा जरस्व ६
 एषा नेत्री राधसः सूनृताना मुषा उच्छन्ती रिभ्यते वसिष्ठैः ।

दीर्घश्रुतं रयिमस्मे दधाना यूयं पात स्वस्तिभिः सदा नः ७

(६१) एकनवतितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

उपो रुरुचे युवतिर्न योषा विश्वं जीवं प्रसुवन्ती चरायै ।
 अभूदग्निः समिधे मानुषाणां मकृज्योतिर्बाधमाना तमांसि १
 विश्वं प्रतीची सप्रथा उदस्थाद् रुशद् वासो बिभ्रती शक्रमश्वैत् ।
 हिरण्यवर्णा सुदृशीकसंदृग् गवां माता नेत्र्यहामरोचि २
 देवानां चक्षुः सुभगा वहन्ती श्वेतं नयन्ती सुदृशीकमश्वम् ।
 उषा अदर्शि रश्मिभिर्यक्ता चित्रामघा विश्वमनु प्रभूता ३
 अन्तिवामा दूरे अमित्रमुच्छोर्वी गव्यूतिमभयं कृधी नः ।
 यावय द्वेष आ भरा वसूनि चोदय राधौ गूणते मघोनि ४
 अस्मे श्रेष्ठैर्भिर्भानुभिर्वि भाह्युषौ देवि प्रतिरन्ती न आयुः ।
 इषं च नो दधती विश्ववारे गोमदश्चावद् रथवच्च राधः ५
 यां त्वा दिवो दुहितर्वर्धयन्त्युषः सुजाते मतिभिर्वसिष्ठाः ।
 सास्मासु धा रयिमृष्वं बृहन्तं यूयं पात स्वस्तिभिः सदा नः ६

(६२) द्विनवतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

प्रति केतवः प्रथमा अदृश्रन्नूर्ध्वा अस्या अञ्जयो वि श्रयन्ते ।
 उपो अर्वाचा बृहता रथेन ज्योतिष्मता वाममस्मभ्यं वक्षि १
 प्रति षीमग्निर्जरते समिद्धः प्रति विप्रांसो मतिभिर्गृणन्तः ।
 उषा याति ज्योतिषा बाधमाना विश्वा तमांसि दुरिताप देवी २
 एता उ त्याः प्रत्यदृश्रन् पुरस्ता ज्योतिर्यच्छन्तीरुषसौ विभातीः ।
 अजीजनन् त्सूर्यं यज्ञमग्निं मपाचीनं तमो अगादजुष्टम् ३
 अचैति दिवो दुहिता मघोनी विश्वे पश्यन्त्युषसं विभातीम् ।
 आस्थाद् रथं स्वधया युज्यमानं मा यमश्वासः सुयुजो वहन्ति ४
 प्रति त्वाद्य सुमनसो बुधन्ताऽस्माकांसो मघवानो वयं च ।

तिल्विलायध्वमुषसो विभाती यूयं पात स्वस्तिभिः सदा नः ५

(६३) त्रिनवतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

व्यु॑षा आ॒वः प॒थ्या॒इ जना॑नां पञ्च क्षि॒तीर्मानु॑षीर्बोधयन्ती ।
 सु॒संदृ॑ग्भि॒रुक्ष॑भिर्भानु॒मेश्रेद् वि सूर्यो॑ रोद॒सी चक्ष॑सावः १
 व्य॒ञ्जते दि॒वो अ॒नैष्व॑क्तून् वि॒शो न यु॑क्ता उ॒षसो॑ यतन्ते ।
 सं ते गाव॑स्तम् आ॒ वर्त॑यन्ति ज्योति॒र्यच्छ॑न्ति सवि॒तेव॑ ब्राहू २
 अभू॑दुषा इन्द्र॑तमा मु॒घो न्यजी॑जनत् सु॒विताय॑ श्रवा॑सि ।
 वि दि॒वो दे॒वी दु॑हिता द॒धा त्यङ्गि॑रस्तमा सु॒कृते॑ वसू॒नि ३
 ताव॑दुषो राधौ अ॒स्मभ्य॑ रास्व॒ याव॑त् स्तो॒तृभ्यो॑ अ॒रदो॑ गृणा॒ना ।
 यां त्वा ज॒ज्ञुर्वृ॑षभस्या॒ रवे॑ण वि दृ॒ळ्हस्य॑ दुरो अ॒द्रैरौ॑र्णोः ४
 दे॒वदे॒वं राध॑से चोदयन्त्य॒ स्मद्र॑यक् सूनृता॑ ईरयन्ती ।
 व्यु॒च्छन्ती॑ नः स॒नये॑ धियो॒ धा यू॒यं पात॑ स्व॒स्तिभिः॑ सदा॑ नः ५

(६४) चतुर्नवतितमं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ ऋषिः । उषसो देवताः ।

त्रिष्टुप् छन्दः

प्र॒ति स्तो॑मै॒भिरु॑षसं वसि॑ष्ठा गी॒र्भिर्वि॑प्रासः प्रथ॒मा अ॑बुध्रन् ।
 वि॒वर्त॑यन्ती रज॒सी स॑मन्ते आविष्कृ॒णव॑तीं भुव॒नानि॑ विश्वा १
 एषा स्या नव्य॒मायु॑र्दधाना गू॒ढ्वी तमो॑ ज्योति॒षोषा॑ अबोधि ।
 अ॒ग्र एति॑ युव॒तिरह॑याणा प्राचि॒कित॑त् सूर्यं य॒ज्ञम॒ग्निम् २
 अ॒श्वाव॑तीर्गोम॒तीर्न उ॒षासो॑ वी॒रव॑तीः स॒दमु॑च्छन्तु भ॒द्राः ।
 घृ॒तं दु॒हाना॑ वि॒श्वतः॑ प्रपी॒ता यू॒यं पात॑ स्व॒स्तिभिः॑ सदा॑ नः ३

षष्ठोऽध्यायः । व० १-२५

(६५) पञ्चनवतितमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । उषसो देवताः । प्रगाथः

(विषमर्चा बृहती, समर्चा सतोबृहती) छन्दः

प्रत्यु अदश्यायत्युश् च्छन्ती दुहिता दिवः ।
 अपो महि व्ययति चक्षसे तमो ज्योतिष्कृणोति सूनरी १
 उदुस्त्रियाः सृजते सूर्यः सचाँ उद्यन्नक्षत्रमर्चिवत् ।
 तवेदुषो व्युषि सूर्यस्य च सं भुक्तेन गमेमहि २
 प्रति त्वा दुहितर्दिव उषो जीरा अभुस्महि ।
 या वहसि पुरु स्पार्ह वनन्वति रत्नं न दाशुषे मयः ३
 उच्छन्ती या कृणोषि मंहना महि प्रख्यै दैवि स्वर्दृशे ।
 तस्यास्ते रत्नभाज ईमहे वयं स्याम मातुर्न सूनवः ४
 तच्चित्रं राध आ भरो षो यद् दीर्घश्रुत्तमम् ।
 यत् तै दिवो दुहितर्मर्तभोजनं तद् रास्व भुनजामहे ५
 श्रवः सूरिभ्यो अमृतं वसुत्वनं वाजाँ अस्मभ्यं गोमतः ।
 चोदयित्री मघोनः सूनृतावत्युषा उच्छदप स्त्रिधः ६

(६६) षण्णवतितमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रावरुणौ देवते ।

जगती छन्दः

इन्द्रावरुणा युवमध्वराय नो विशे जनाय महि शर्म यच्छतम् ।
 दीर्घप्रयज्युमति यो वनुष्यति वयं जयेम पृतनासु दूढयः १
 सम्राळन्यः स्वराळन्य उच्यते वां महान्ताविन्द्रावरुणा महावसू ।
 विश्वे देवासः परमे व्योमनि सं वामोजो वृषणा सं बलं दधुः २
 अन्वपां खान्यतृन्तमोजसा सूर्यमैरयतं दिवि प्रभुम् ।
 इन्द्रावरुणा मदै अस्य मायिनो ऽपिन्वतमपितुः पिन्वतं धियः ३
 युवामिद् युत्सु पृतनासु वह्नयो युवां क्षेमस्य प्रसवे मितज्ञवः ।
 ईशाना वस्व उभयस्य कारव इन्द्रावरुणा सुहवा हवामहे ४
 इन्द्रावरुणा यदिमानि चक्रथुर्विश्वा जातानि भुवनस्य मज्मना ।
 क्षेमैण मित्रो वरुणं दुवस्यति मरुद्भिरुग्रः शुभमन्य ईयते ५
 महे शल्काय वरुणस्य नु त्विष ओजो मिमाते ध्रुवमस्य यत् स्वम् ।
 अजामिमन्यः श्नथयन्तमातिरद् दग्धेभिरन्यः प्र वृणोति भूर्यसः ६
 न तमंहो न दुरितानि मर्त्य मिन्द्रावरुणा न तपः कुतश्चन ।
 यस्य देवा गच्छथो वीथो अध्वरं न तं मर्तस्य नशते परिहृतिः ७

अ॒र्वाङ्ना॑रा दै॒व्येना॑व॒सा ग॑तं शृ॒णुतं॑ ह॒वम् यदि॑ मे जु॒जोष॑थः ।
 यु॒वोर्हि स॒ख्यमु॑त वा यदा॒प्यं मा॒र्डीक॑मिन्द्रावरुणा नि यच्छतम् ८
 अ॒स्माक॑मिन्द्रावरुणा भ॒रैभ॑रे पु॒रोयो॑धा भवतं कृ॒ष्टयो॑जसा ।
 यद् वां ह॒वन्त उ॒भये॒ अर्ध॑ स्पृ॒धि नर॑स्तो॒कस्य॒ तन॑यस्य सा॒तिषु॑ ९
 अ॒स्मे इन्द्रो॑ वरु॒णो मि॒त्रो अ॒र्य॒मा द्यु॒म्रं य॑च्छन्तु म॒हि शर्म॑ स॒प्रथः॑ ।
 अ॒व॒ध्रं ज्योति॑रदि॒तेऋ॒तावृ॑धौ दे॒वस्य॒ श्लो॒कं स॒वितु॑र्म॒नामहे॑ १०

(९७) सप्तनवतितमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रावरुणौ देवते ।

जगती छन्दः

यु॒वां न॑रा पश्य॑मानासु आ॒प्यं प्रा॒चा ग॒व्यन्तः॑ पृथु॒पर्श॑वो ययुः ।
 दा॒सा च॑ वृ॒त्रा ह॒तमा॑र्याणि च सु॒दास॑मिन्द्रावरुणाव॒साव॑तम् १
 यत्रा॑ नरः स॒मय॑न्ते कृ॒तध्व॑जो यस्मि॒न्नाजा॑ भव॒ति किं॑ च॒न प्रि॑यम् ।
 यत्रा॑ भय॑न्ते भुव॒ना स्व॑र्दृ॒शस्त॑त्रा न इन्द्रावरुणाधि॒ वोच॑तम् २
 सं भू॒म्या अ॒न्ता ध्व॑सिरा अ॒दृक्ष॑ते न्द्रावरुणा दि॒वि घो॑ष आ॒रुह॑त् ।
 अ॒स्थुर्ज॑नाना॒मुप॑ मा॒मरा॑तयो ऽर्वा॒गव॑सा ह॒वन॑श्रु॒ता ग॑तम् ३
 इन्द्रा॑वरुणा वृ॒धना॑भिर॒प्रति॑ भेदं वृ॒न्वन्ता॑ प्र सु॒दास॑मावतम् ।
 ब्र॒ह्मा॒ण्येषां॑ शृ॒णुतं॑ ह॒वीम॑नि स॒त्या तृ॒त्सूना॑मभवत् पु॒रोहि॑तिः ४
 इन्द्रा॑वरुणाव॒भ्या त॑पन्ति मा॒घान्य॑र्यो वृ॒नुषा॑मरा॒तयः॑ ।
 यु॒वं हि व॑स्व उ॒भय॑स्य राज॒थो ऽर्ध॑ स्मा नोऽव॑तं पा॒र्यं दि॒वि ५
 यु॒वां ह॑वन्त उ॒भया॑स आ॒जिष्वि॒न्द्रं च॑ व॒स्वो वरु॑णं च सा॒तयै॑ ।
 यत्र॑ राज॒भिर्द॑शभि॒र्निबा॑धितं प्र सु॒दास॑माव॒तं तृ॒त्सुभिः॑ सह ६
 द॒श राजा॑नः स॒मिता॑ अ॒र्यज्य॑वः सु॒दास॑मिन्द्रावरुणा न यु॒युधुः॑ ।
 स॒त्या नृ॑णाम॒घस॑दामुप॒स्तुति॑ दे॒वा ए॑षामभवन् दे॒वहू॑तिषु ७
 दा॒शरा॑ज्ञे परि॒यत्ता॑य वि॒श्वतः॑ सु॒दास॑ इन्द्रावरुणावशि॒क्षत॑म् ।
 श्वि॒त्यञ्चो॑ यत्र नम॑सा क॒पर्दि॑र्नो धि॒या धी॑वन्तो अ॒सप॑न्त तृ॒त्सवः॑ ८
 वृ॒त्राण्य॑न्यः स॒मिथे॑षु जिघ्र॑ते वृ॒तान्य॑न्यो अ॒भि र॑क्षते सदा ।
 ह॒वाम॑हे वां वृष॑णा सु॒वृत्ति॑भि॒रस्मे॑ इन्द्रावरुणा शर्म॑ यच्छतम् ९
 अ॒स्मे इन्द्रो॑ वरु॒णो मि॒त्रो अ॒र्य॒मा द्यु॒म्रं य॑च्छन्तु म॒हि शर्म॑ स॒प्रथः॑ ।
 अ॒व॒ध्रं ज्योति॑रदि॒तेऋ॒तावृ॑धौ दे॒वस्य॒ श्लो॒कं स॒वितु॑र्म॒नामहे॑ १०

(६८) अष्टनवतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । इन्द्रावरुणौ देवते ।

त्रिष्टुप् छन्दः

आ वा॑ राजानावध्व॒रे व॑वृ॒त्यां ह॒व्येभि॑रिन्द्रावरुणा॒ नमो॑भिः ।
 प्र वा॑ घृ॒ताचीं ब्रा॒ह्मोर्द॑धाना॒ परि॒ त्मना॒ विषु॑रूपा जिगाति १
 युवो रा॒ष्ट्रं बृ॒हदि॑न्वति॒ द्यौ र्यौ॑ से॒तृभि॑र॒जुभिः॑ सिनी॒थः ।
 परि॑ नो हे॒ळो व॑रुणस्य वृ॒ज्या उ॒रुं न॒ इन्द्रः॑ कृणवदु॒लोकम् २
 कृतं नो॑ य॒ज्ञं वि॒दथै॑षु॒ चारुं॑ कृतं ब्रह्मा॒णि सू॒रिषु॑ प्रश॒स्ता ।
 उपो॑ र॒यिर्दे॑वजूतो न एतु प्र र्णः॑ स्पा॒र्हाभि॑रू॒तिभि॑स्तिरेतम् ३
 अ॒स्मे इन्द्रा॑वरुणा वि॒श्ववारं॑ र॒यिं ध॑त्तं वसु॒मन्तं॑ पुरु॒क्षुम् ।
 प्र य आ॑दित्यो अ॒नृता मि॒ना त्य॑मि॒ता शू॒रो द॑यते वसू॒नि ४
 इ॒यमिन्द्रं॑ व॑रुणमष्ट मे गीः प्राव॑त् तो॒के तन॑ये॒ तूतु॑जाना ।
 सु॒रत्ना॑सो दे॒ववी॑तिं गमेम यू॒यं पा॑त स्व॒स्तिभिः॑ सदा॑ नः ५

(६९) नवनवतितमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता ।

त्रिष्टुप् छन्दः

पु॒नी॒षे वा॑म॒रक्ष॑सं मनी॒षां सोम॑मिन्द्राय॒ वरु॑णाय॒ जुह॑त् ।
 घृ॒तप्र॑तीकामुष॒सं न दे॒वीं ता नो॑ याम॒न्नुरु॑ष्यताम॒भीकै १
 स्प॒र्धन्ते॑ वा उ॑ दे॒वहू॑ये अत्र॒ येषु॑ ध्व॒जेषु॑ दि॒द्यवः॑ पत॑न्ति ।
 यु॒वं तां इन्द्रा॑वरुणाव॒मित्रा॑न् ह॒तं परा॑चः शर्वा॒ विषू॑चः २
 आप॑श्चि॒द्धि स्व॑य॒शसः॑ सदा॑सु दे॒वीरिन्द्रं॑ व॑रुणं दे॒वता॑ धुः ।
 कृ॒ष्टीर॑न्यो धा॒रय॑ति प्रवि॒क्ता वृ॒त्राण॑न्यो अ॒प्रती॑नि हन्ति ३
 स सु॒क्रतु॑र्ऋ॒तचि॑दस्तु होता॒ य आ॑दित्य शर्व॑सा वा॒ नम॑स्वान् ।
 आ॒व॒वर्त॑दव॒से वा॑ ह॒विष्मा॒ नस॑दित् स सु॒वि॒ताय॑ प्रय॒स्वान् ४
 इ॒यमिन्द्रं॑ व॑रुणमष्ट मे गीः प्राव॑त् तो॒के तन॑ये॒ तूतु॑जाना ।
 सु॒रत्ना॑सो दे॒ववी॑तिं गमेम यू॒यं पा॑त स्व॒स्तिभिः॑ सदा॑ नः ५

(१००) शततमं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता ।

त्रिष्टुप् छन्दः

धीरा त्वस्य महिना जनूंषि वि यस्तस्तम्भ रोदसी चिदुर्वी ।
 प्र नाकमृष्वं ननुदे बृहन्तं द्विता नक्षत्रं प्रप्रथञ्च भूम १
 उत स्वया तन्वाइ सं वदे तत् कदा न्वश्न्तर्वरुणे भवानि ।
 किं मे हव्यमहणानो जुषेत कदा मृळीकं सुमना अभि ख्यम् २
 पृच्छे तदेनो वरुण दिदृक्षू पौ एमि चिकितुषौ विपृच्छम् ।
 समानमिन्मै कवयश्चिदाहु रयं ह तुभ्यं वरुणो हणीते ३
 किमार्ग आस वरुण ज्येष्ठं यत् स्तोतारं जिघांससि सखायम् ।
 प्र तन्मै वोचो दूळभ स्वधावो ऽव त्वानेना नमसा तुर इयाम् ४
 अवं द्रुधानि पित्र्या सृजा नो ऽव या वयं चकृमा तनूभिः ।
 अवं राजन् पशतृपं न तायुं सृजा वत्सं न दाम्नो वसिष्ठम् ५
 न स स्वो दक्षो वरुण ध्रुतिः सा सुरा मन्युर्विभीदको अचित्तिः ।
 अस्ति ज्यायान् कनीयस उपारे स्वप्रश्चनेदनृतस्य प्रयोता ६
 अरं दासो न मीळ्हुषै करा रयहं देवाय भूर्येऽनागाः ।
 अचैतयदचितो देवो अर्यो गृत्सं राये कवितरो जुनाति ७
 अयं सु तुभ्यं वरुण स्वधावो हृदि स्तोम उपश्रितश्चिदस्तु ।
 शं नः क्षेमे शमु योगै नो अस्तु यूयं पात स्वस्तिभिः सदा नः ८

(१०१) एकोत्तरशततमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता ।

त्रिष्टुप् छन्दः

रदत् पथो वरुणः सूर्याय प्राणांसि समुद्रिया नदीनाम् ।
 सगो न सृष्टो अर्वतीर्ऋतायञ्चकार महीरवनीरहभ्यः १
 आत्मा ते वातो रज आ नवीनोत् पशुर्न भूर्य्यवसे ससवान् ।
 अन्तर्मही बृहती रोदसीमे विश्वा ते धाम वरुण प्रियाणि २
 परि स्पशो वरुणस्य स्मदिष्टा उभे पश्यन्ति रोदसी सुमेकै ।
 ऋतावानः कवयो यज्ञधीराः प्रचैतसो य इषयन्त मन्मै ३
 उवाच मे वरुणो मेधिराय त्रिः सप्त नामाघ्न्या बिभर्ति ।
 विद्वान् पदस्य गुह्या न वोचद् युगाय विप्र उपराय शिक्तन् ४
 तिस्रो द्यावो निर्हिता अन्तरस्मिन् तिस्रो भूमिरुपराः षड्विधानाः ।

गृत्सो राजा वरुणश्चक्र एतं दिवि प्रेङ्खं हिरण्ययं शुभे कम् ५
 अव सिन्धुं वरुणो द्यौरिव स्थाद् द्रप्सो न श्वेतो मृगस्तुविष्मान् ।
 गुम्भीरशंसो रजसो विमानः सुपारक्षत्रः सतो अस्य राजा ६
 यो मृळ्याति चक्रुषे चिदागौ वयं स्याम वरुणे अनागाः ।
 अनु व्रतान्यदितेर्धन्तो यूयं पात स्वस्तिभिः सदा नः ७

(१०२) द्युत्तरशततमं सूक्तम्

(१-७) अष्टर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता ।

त्रिष्टुप् छन्दः

प्र शन्ध्युवं वरुणाय प्रेष्ठां मतिं वसिष्ठ मीळ्हुषे भरस्व ।
 य ईमर्वाञ्चं करते यजत्रं सहस्रामघं वृषणं बृहन्तम् १
 अधा न्वस्य सदृशं जगन्वा नृप्रेरनीकं वरुणस्य मंसि ।
 स्वर्श्यदश्मन्नधिपा उ अन्धो ऽभि मा वपुर्दृश्यै निनीयात् २
 आ यद् रुहाव वरुणश्च नावं प्र यत् समुद्रमीरयाव मध्यम् ।
 अधि यदपां स्त्रुभिश्चराव प्र प्रेङ्ख ईह्वयावहै शुभे कम् ३
 वसिष्ठं ह वरुणो नाव्याधा दृषिं चकार स्वपा महौभिः ।
 स्तोतारं विप्रः सुदिनत्वे अह्नां यान्नु द्यार्वस्ततनन् यादुषासः ४
 क्वर्त्यानि नौ सख्या बभूवुः सचावहे यदवृकं पुरा चित् ।
 बृहन्तं मानं वरुण स्वधावः सहस्रद्वारं जगमा गृहं ते ५
 य आपिर्नित्यौ वरुण प्रियः सन् त्वामागांसि कृणवत् सखा ते ।
 मा त एनस्वन्तो यक्षिन् भुजेम युन्धि ष्मा विप्रः स्तुवते वरूथम् ६
 ध्रुवासु त्वासु क्षितिषु क्षियन्तो व्यस्मत् पाशं वरुणो मुमोचत् ।
 अवो वन्वाना अदितेरुपस्थाद् यूयं पात स्वस्तिभिः सदा नः ७

(१०३) त्र्युत्तरशततमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । वरुणो देवता । (१-४)

प्रथमादिचतुर्त्रचां गायत्री, (५) पञ्चम्याश्च जगती छन्दसी

मो षु वरुण मृन्मयं गृहं रजन्नहं गमम् । मृळा सुक्षत्र मृळय १
 यदेमि प्रस्फुरन्निव दृतिर्न ध्मातो अद्रिवः । मृळा सुक्षत्र मृळय २
 क्रत्वः समह दीनतां प्रतीपं जगमा शुचे । मृळा सुक्षत्र मृळय ३

अपां मध्ये तस्थिवांसं तृष्णाविदञ्जरितारम् । मृळा सुक्षत्र मृळय ४
 यत् किं चेदं वरुण दैव्ये जनै ऽभिद्रोहं मनुष्याश्चरामसि ।
 अचिन्ती यत् तव धर्मा युयोपिम मा नस्तस्मादेनसो देव रीरिषः ५

(१०४) चतुरत्तरशततमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१-४)

प्रथमादिचतुर्भ्यां वायुः, (५-७) पञ्चम्यादितृचस्य चेन्द्रवायू देवते । त्रिष्टुप् छन्दः
 प्र वीरया शुचयो दद्रीरे वा मध्वर्युभिर्मधुमन्तः सुतासः ।
 वह वायो नियुतो याह्यच्छा पिबा सुतस्यान्धसो मदाय १
 ईशानाय प्रहृतिं यस्त आनद् शुचिं सोमं शुचिपास्तुभ्यं वायो ।
 कृणोषि तं मर्त्येषु प्रशस्तं जातोजातो जायते वाज्यस्य २
 राये नु यं जज्ञतू रोदसीमे राये देवी धिषणा धाति देवम् ।
 अर्धं वायुं नियुतः सञ्चत स्वा उत श्वेतं वसुधितिं निरेके ३
 उच्छन्नुषसः सुदिना अरिप्रा उरु ज्योतिर्विविदुर्दीध्यानाः ।
 गव्यं चिदूर्वमुशिजो वि ववु स्तेषामनु प्रदिवः ससुरापः ४
 ते सत्येन मर्नसा दीध्यानाः स्वेन युक्तासः क्रतुना वहन्ति ।
 इन्द्रवायू वीरवाहं रथं वा मीशानयौरभि पृक्षः सचन्ते ५
 ईशानासो ये दधते स्वर्णो गोभिरश्वैर्भिर्वसुभिर्हिरण्यैः ।
 इन्द्रवायू सूरयो विश्वमायु रर्वद्भिर्वीरैः पृतनासु सद्युः ६
 अर्वन्तो न श्रवसो भिक्षमाणा इन्द्रवायू सुष्टुतिभिर्वसिष्ठाः ।
 वाजयन्तः स्ववसे हुवेम यूयं पात स्वस्तिभिः सदा नः ७

(१०५) पञ्चोत्तरशततमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१, ३)

प्रथमातृतीययोर्भृचोर्वायुः, (२, ४-७) द्वितीयायाश्चतुर्थ्यादिचतसृणाञ्चेन्द्रवायू देवते । त्रिष्टुप् छन्दः

कुविदङ्ग नमसा ये वृधासः पुरा देवा अनवद्यास आसन् ।
 ते वायवे मनवे बाधिताया ऽवासयन्नुषसं सूर्येण १
 उशन्ता दूता न दभाय गोपा मासश्च पाथः शरदश्च पूर्वीः ।
 इन्द्रवायू सुष्टुतिर्वामियाना मार्डीकमीढे सुवितं च नव्यम् २

पीवौअन्नं रयिवृधः सुमेधाः श्वेतः सिषक्ति नियुतामभिः १
 ते वायवे समनसो वि तस्थुर्विश्वेन्नरः स्वपत्यानि चक्रुः ३
 यावत् तरस्तन्वो३ यावदोजो यावन्नरश्चक्षसा दीध्यानाः ।
 शुचिं सोमं शुचिपा पातमस्मे इन्द्रवायू सदतं बृहिरेदम् ४
 नियुवाना नियुतः स्पार्हवीरा इन्द्रवायू सरथं यातमर्वाक् ।
 इदं हि वां प्रभृतं मध्वो अग्रमधं प्रीणाना वि मुमुक्तमस्मे ५
 या वां शतं नियुतो याः सहस्रमिन्द्रवायू विश्ववाराः सचन्ते ।
 आभिर्यातं सुविदत्राभिरर्वाक् पातं नरा प्रतिभृतस्य मध्वः ६
 अर्वन्तो न श्रवसो भिक्षमाणा इन्द्रवायू सुष्टुतिभिर्वसिष्ठाः ।
 वाजयन्तः स्ववसे हुवेम यूयं पात स्वस्तिभिः सदा नः ७

(१०६) षडुत्तरशततमं सूक्तम्

(१-५) पञ्चर्चस्यास्य सूक्तस्य मैत्रावरुणिर्वसिष्ठ ऋषिः । (१, ३, ५)
 प्रथमातृतीयापञ्चमीनामृचां वायुः, (२, ४) द्वितीयाचतुर्थ्योश्चेन्द्रवायू देवते ।

त्रिष्टुप् छन्दः

आ वायो भूष शुचिपा उप नः सहस्रं ते नियुतो विश्ववार ।
 उपो ते अन्धो मद्यमयामि यस्य देव दधिषे पूर्वपेयम् १
 प्र सोता जीरो अर्ध्वरेष्वस्थात् सोममिन्द्राय वायवे पिबध्यै ।
 प्र यद् वां मध्वो अग्रियं भरन्त्यध्वर्यवो देवयन्तः शचीभिः २
 प्र याभिर्यासि दाश्वासमच्छा नियुद्धिर्वायविष्टयै दुरोणे ।
 नि नो रयिं सुभोजसं युवस्व नि वीरं गव्यमश्वयं च राधः ३
 ये वायवं इन्द्रमादनास आदेवासो नितोशनासो अर्यः ।
 घन्तो वृत्राणि सूरिभिः प्याम सासह्वासो युधा नृभिरमित्रान् ४
 आ नो नियुद्धिः शतिनीभिरध्वरं सहस्त्रिणीभिरुप याहि यज्ञम् ।
 वायो अस्मिन् त्सर्वने मादयस्व यूयं पात स्वस्तिभिः सदा नः ५

(१०७) सप्तोत्तरशततमं सूक्तम्

(१-८) अष्टर्चस्यास्य सूक्तस्य मैत्रावरुणिर्वसिष्ठ ऋषिः । इन्द्राग्नी देवते ।

त्रिष्टुप् छन्दः

शुचिं नु स्तोमं नवजातमद्येन्द्राग्नी वृत्रहणा जुषेथाम् ।

उ॒भा हि वां सु॒हवा॒ जोह॑वीमि॒ ता वाजं॑ स॒द्य उ॑शते धे॒ष्टा १
 ता सा॒न॒सी श॑वसाना॒ हि भू॑तं सा॒कं॒वृ॒धा श॑वसा शू॒शुवांसा॑ ।
 क्षय॑न्तौ रा॒यो यव॑सस्य॒ भूरैः पृ॒ङ्क्तं वाज॑स्य॒ स्थवि॑रस्य॒ घृ॒ष्वैः २
 उपौ ह॒ यद् वि॒दथ॑ वा॒जिनो॒ गु॒र्धीभि॑र्वि॒प्राः प्र॑म॒तिमि॑च्छमा॒नाः ।
 अ॒र्वन्तो॒ न का॒ष्ठां नक्ष॑माणा॒ इन्द्रा॑ग्नी जोह॑वतो न॒रस्ते ३
 गी॒र्भिर्वि॑प्रः प्र॒म॒तिमि॑च्छमा॒न ई॒द्वै र॒यिं य॒शसं॑ पू॒र्वभाज॑म् ।
 इन्द्रा॑ग्नी वृ॒त्रह॑णा सुव॒ज्रा प्र नो॒ नव्यै॑भिस्तिरतं दे॒ष्णैः ४
 सं यन्म॒ही मि॑थ॒ती स्पर्ध॑माने तनू॒रुचा॒ शूर॑सा॒ता यतै॑ते ।
 अ॒दैव॑युं वि॒दथै॑ दे॒व॒युभिः॑ स॒त्रा हे॑तं सोम॒सुता॒ जनै॑न ५
 इ॒मामु॒षु सोम॑सुतिमु॒प न॒ एन्द्रा॑ग्नी सौम॒न॒साय॑ यातम् ।
 नू चि॒द्धि प॑रिमु॒न्नाथै॑ अ॒स्मा ना वां॑ शश्व॒द्भिर्वृ॑तीय॒ वाजैः॑ ६
 सो अ॒ग्न ए॒ना नम॑सा॒ समि॑द्धो ऽच्छा॒ मित्रं॑ वरु॒णमिन्द्र॑ वो॒चेः ।
 यत् सी॒माग॑श्चकृ॒मा तत् सु मृ॑ळ तद॒र्यमा॑दितिः शि॒श्रथन्तु॑ ७
 ए॒ता अ॒ग्न आ॒शुषा॑णासं इ॒ष्टी र्यु॑वोः स॒चाभ्य॑श्याम॒ वाजा॑न् ।
 मेन्द्रो॑ नो वि॒ष्णुर्म॑रुतः प॒रि र॒व्यन् यू॒यं पा॑त स्व॒स्तिभिः॑ सदा॑ नः ८

(१०८) अष्टोत्तरशततमं सूक्तम्

(१-१२) द्वादशर्चस्यास्य सूक्तस्य मैत्रावरुणिर्वसिष्ठ ऋषिः । इन्द्राग्नी देवते ।

(१-११) प्रथमाद्येकादशर्चा गायत्री, (१२) द्वादश्याश्चानुष्टुप् छन्दसी
 इ॒यं वा॑म॒स्य म॑न्म॒न॒ इन्द्रा॑ग्नी पू॒र्व्यस्तु॑तिः । अ॒भ्राद् वृ॑ष्टि॒रिवा॑जनि १
 शृ॒णुतं ज॑रि॒तुर्हव॑ मिन्द्रा॑ग्नी व॒न॒तं गि॑रः । ई॒शाना॑ पि॒प्यतं॑ धि॒यः २
 मा पा॑प॒त्वाय॑ नो न॒रे न्द्रा॑ग्नी मा॒भि॒शस्त॑ये । मा नो॑ री॒रध॑तं नि॒दे ३
 इन्द्रै॑ अ॒ग्नौ नमो॑ बृ॒हत् सु॑वृ॒क्तिमे॑रयामहे । धि॒या धे॑ना॒ अव॑स्यवः ४
 ता हि शश्व॑न्त॒ ईळ॑त इ॒त्था वि॑प्रा॒स ऊ॒तयै॑ । सु॒बा॒धो वाज॑सातये ५
 ता वां गी॒र्भिर्वि॑प॒न्यवः॑ प्र॒यस्व॑न्तो हवामहे । मे॒धसा॑ता सनि॒ष्यवः॑ ६
 इन्द्रा॑ग्नी अव॒सा ग॑त॒ म॒स्मभ्य॑ च॒र्षणी॑सहा । मा नो॑ दुःशंसं ई॒शत॑ ७
 मा कस्य॑ नो अ॒ररु॑षो धूर्तिः प्र॒णङ्ग॑त्यस्य । इन्द्रा॑ग्नी शर्म॑ यच्छतम् ८
 गोम॑द्धि॒र॒ण्यव॑द् वसु॒ यद् वा॑मश्चा॒वदी॑महे । इन्द्रा॑ग्नी तद् व॒नेम॑हि ९
 यत् सोम॑ आ॒ सुते॑ नरं इन्द्रा॑ग्नी अजो॑हवुः । स॒मी॒वन्ता॑ स॒पर्य॑वः १०
 उ॒क्थेभि॑र्वृ॒त्रह॑न्त॒मा या॑ म॒न्दाना॑ चि॒दा गि॑रा । आ॒ङ्गूषै॑रा॒विवा॑सतः ११

ताविद् दुःशंसं मर्त्यं दुर्विद्वांसं रक्षस्विनम् ।
आभोगं हन्मना हतमुदधिं हन्मना हतम् १२

(१०६) नवोत्तरशततमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । (१-२, ४-६)

प्रथमाद्वितीययोर्ऋचोश्चतुर्थ्यादितृचस्य च सरस्वती, (३) तृतीयायाश्च सरस्वान्
देवते । त्रिष्टुप् छन्दः

प्र चोदसा धार्यसा सस्र एषा सरस्वती धरुणमार्यसी पूः ।
प्रबाबधाना रथ्यैव याति विश्वा अपो महिना सिन्धुरन्याः १
एकाचेतत् सरस्वती नदीनां शुचिर्यती गिरिभ्य आ समुद्रात् ।
रायश्चेतन्ती भुवनस्य भूरेर्घृतं पयो दुदुहे नाहुषाय २
स वावृधे नर्यो योषणासु वृषा शिशुर्वृषभो यज्ञियासु ।
स वाजिनं मघवद्भ्यो दधाति वि सातयै तन्वं मामृजीत ३
उत स्या नः सरस्वती जुषाणो प श्रवत् सुभगा युज्ञे अस्मिन् ।
मितज्ञुभिर्नमस्यैरियाणा राया युजा चिदुत्तरा सखिभ्यः ४
इमा जुह्वाना युष्मदा नमोभिः प्रति स्तोमं सरस्वति जुषस्व ।
तव शर्मन् प्रियतमे दधाना उप स्थेयाम शरणं न वृक्षम् ५
अयमु ते सरस्वति वसिष्ठो द्वावावृतस्य सुभगे व्याविः ।
वर्ध शुभ्रे स्तुवते रासि वाजान् यूयं पात स्वस्तिभिः सदा नः ६

(११०) दशोत्तरशततमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । (१-३) प्रथमतृचस्य
सरस्वती, (४-६) द्वितीयतृचस्य च सरस्वान् देवते । (१-२)

प्रथमाद्वितीययोर्ऋचोः प्रगाथः (प्रथमाया बृहती, द्वितीयायाः सतोबृहती), (३)
तृतीयायाः प्रस्तारपङ्क्तिः, (४-६) चतुर्थ्यादितृचस्य च गायत्री छन्दांसि

बृहदु गायिषे वचो ऽसुर्या नदीनाम् ।
सरस्वतीमिन्महया सुवृक्तिभिः स्तोमैर्वसिष्ठ रोदसी १
उभे यत् तै महिना शुभ्रे अन्धसी अधिन्नियन्ति पूरवः ।
सा नो बोध्यवित्री मरुत्सखा चोद राधौ मघोनाम् २
भद्रमिद् भद्रा कृणवत् सरस्व त्यकवारी चेतति वाजिनीवती ।

गृणा॒ना ज॑मदग्नि॒वत् स्तु॒वाना च॑ वसिष्ठ॒वत् ३
 ज॒नीय॑न्तो न्वग्र॒वः पु॒त्रीय॑न्तः सु॒दान॑वः । सर॑स्वन्तं हवामहे ४
 ये तै सर॑स्व ऊ॒र्मयो म॑धुमन्तो घृ॒तश्चु॑तः । तेभि॑र्नोऽवि॒ता भ॑व ५
 पी॒पिवा॑सं सर॑स्वतः स्तनं॒ यो श्वि॑दर्शतः । भ॒क्षीम॑हि प्र॒जामि॑षम् ६

(१११) एकादशोत्तरशततमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । (१) प्रथमर्च इन्द्रः,
 (२, ४-८) द्वितीयायाश्चतुर्थ्यादिपञ्चानाञ्च बृहस्पतिः, (३, ९)
 तृतीयानवम्योरिन्द्राब्रह्मणस्पती, (१०) दशम्याश्चेन्द्राबृहस्पती देवताः ।

त्रिष्टुप् छन्दः

य॒ज्ञे दि॒वो नृ॑षद॒ने पृ॒थिव्या॑ नरो॒ यत्र॑ दे॒व्यवो॑ म॒दन्ति॑ ।
 इन्द्रा॑य॒ यत्र॑ स॒र्वना॑नि सु॒न्वे ग॑म॒न्मदा॑य प्रथ॒मं वय॑श्च १
 आ दै॒व्या वृ॑णीम॒हेऽवा॑सि बृह॒स्पति॑र्नो म॒ह आ स॑खायः ।
 यथा॑ भवे॒म मी॑ळ॒हृषे॑ अ॒नागा॑ यो नो॒ दा॒ता प॑राव॒तः पि॑तेव २
 तमु॒ ज्येष्ठं॑ नम॒सा ह॒विभिः॑ सु॒शेवं॑ ब्रह्म॒णस्प॑तिं गृणीषे ।
 इन्द्रं॑ श॒लोको॑ महि दै॒व्यः सि॑षक्तु॒ यो ब्रह्म॑णो दे॒वकृ॑तस्य॒ राजा॑ ३
 स आ नो॒ योनिं॑ स॒दतु॑ प्रेष्ठो बृह॒स्पति॑र्वि॒श्ववा॑रो यो अ॒स्ति ।
 कामो॑ रा॒यः सु॒वीर्य॑स्य॒ तं दा॑त् पर्ष॒न्नो अ॒ति स॒श्वतो॑ अ॒रि॑ष्टान् ४
 तमा नो॒ अ॒र्कमृ॑ताय॒ जुष्टं॑ मि॒मे धा॑सु॒रमृ॑तासः पु॒राजाः॑ ।
 शुचि॑क्रन्दं य॒जतं॑ प॒स्त्यानां॑ बृह॒स्पति॑मन॒वार्णं॑ हुवेम ५
 तं श॒ग्मासौ॑ अ॒रुषा॑सो अ॒श्वा बृह॑स्पतिं स॒हवा॑हौ वहन्ति ।
 सह॑श्चिद् यस्य॒ नील॑वत् स॒धस्थं॑ नभो न रू॒पम॑रु॒षं वसा॑नाः ६
 स हि शुचिः॑ श॒तप॑त्रः स श॒न्ध्यु॒र्हिर॑ण्यवाशीरि॒षिरः॑ स्व॒र्षाः ।
 बृह॑स्पतिः स स्वा॒वेश॑ ऋ॒ष्वः पु॒रू स॒खिभ्य॑ आ॒सुतिं॑ करिष्ठः ७
 दे॒वी दे॒वस्य॑ रोद॒सी ज॑नि॒त्री बृह॑स्पतिं वावृ॒धतु॑र्म॒हित्वा॑ ।
 द॒क्षाया॑य दक्ष॒ता स॑खायः क॒रद् ब्रह्म॑णे सु॒तरा॑ सु॒गाधा॑ ८
 इयं॑ वा ब्रह्म॒णस्प॑ते सुवृ॒क्ति ब्र॑ह्मेन्द्रा॒य व॒ज्रिणै॑ अ॒कारि॑ ।
 अ॒विष्टं॑ धि॒यौ जि॑गृतं पु॒रंधी॑ र्ज॒जस्त॑म॒र्यो व॒नुषा॑मरा॒तीः ९
 बृह॑स्पते यु॒वमि॑न्द्रश्च॒ वस्वो॑ दि॒व्यस्यै॑शा॒थे उ॒त पा॑रि॒थिव॑स्य ।
 ध॒त्तं र॒यिं स्तु॑वते की॒रयै॑ चिद् यू॒यं पा॑त स्व॒स्तिभिः॑ सदा॒ नः १०

(११२) द्वादशोत्तरशततमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१-६)

प्रथमादिषड्चामिन्द्रः, (७) सप्तम्याश्चेन्द्राबृहस्पती देवते । त्रिष्टुप् छन्दः
 अध्वर्यवोऽरुणं दुग्धमुंशं जुहोत न वृषभाय क्षितीनाम् ।
 गौराद् वेदीयां अवपानमिन्द्रो विश्वाहेद् याति सुतसौममिच्छन् १
 यद् दधिषे प्रदिवि चार्वन्नं दिवेदिवे पीतिमिदस्य वक्षि ।
 उत हृदोत मनसा जुषाण उशन्निन्द्र प्रस्थितान् पाहि सोमान् २
 जज्ञानः सोमं सहसे पपाथ प्र ते माता महिमानमुवाच ।
 एन्द्र पप्राथोर्वशन्तरिन्नं युधा देवेभ्यो वरिवश्चकर्थ ३
 यद् योधया महतो मन्यमानान् त्साक्षाम् तान् बाहुभिः शाशदानान् ।
 यद् वा नृभिर्वृत इन्द्राभियुध्यास्तं त्वयाजिं सौश्रवसं जयेम ४
 प्रेन्द्रस्य वोचं प्रथमा कृतानि प्र नूतना मघवा या चकार ।
 यदेददेवीरसहिष्ट माया अथाभवत् केवलः सोमो अस्य ५
 तवेदं विश्वमभितः पशव्यं यत् पश्यसि चक्षसा सूर्यस्य ।
 गवामसि गोपतिरेक इन्द्र भक्षीमहि ते प्रयतस्य वस्वः ६
 बृहस्पते युवमिन्द्रश्च वस्वो दिव्यस्यैशाथे उत पार्थिवस्य ।
 धत्तं रयिं स्तुवते कीरये चिद् यूयं पात स्वस्तिभिः सदा नः ७

(११३) त्रयोदशोत्तरशततमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । (१-३, ७)

प्रथमादितृचस्य सप्तम्या ऋचश्च विष्णुः, (४-६) चतुर्थ्यादितृचस्य चेन्द्राविष्णू देवते । त्रिष्टुप् छन्दः

पुरो मात्रया तन्वा वृधान न ते महित्वमन्वश्नुवन्ति ।
 उभे ते विद्य रजसी पृथिव्या विष्णो देव त्वं परमस्य वित्से १
 न ते विष्णो जायमानो न जातो देव महिम्नः परमन्तमाप ।
 उदस्तभ्ना नाकमृष्वं बृहन्तं दाधर्थं प्राचीं ककुर्भं पृथिव्याः २
 इरावती धेनुमती हि भूतं सूयवसिनी मनुषे दशस्या ।
 व्यस्तभ्ना रोदसी विष्णवेते दाधर्थं पृथिवीमभितो मयूखैः ३
 उरं यज्ञाय चक्रथुरु लोकं जनयन्ता सूर्यमुषासमग्निम् ।
 दासस्य चिद् वृषशिप्रस्य माया जघर्थुर्नरा पृतनाज्येषु ४

इन्द्राविष्णू दृंहिताः शम्बरस्य नव पुरो नवति च शनथिष्टम् ।
 शतं वर्चिनः सहस्रं च साकं हथो अप्रत्यसुरस्य वीरान् ५
 इयं मनीषा बृहती बृहन्तो रुक्रमा तवसा वर्धयन्ती ।
 रेरे वां स्तोमं विदर्थेषु विष्णो पिन्वतमिषो वृजनैष्विन्द्र ६
 वर्षते विष्णवासा आ कृणोमि तन्मै जुषस्व शिपिविष्ट हव्यम् ।
 वर्धन्तु त्वा सुष्टुतयो गिरौ मे यूयं पात स्वस्तिभिः सदा नः ७

(११४) चतुर्दशोत्तरशततमं सूक्तम्

(१-७) सप्तर्चस्यास्य सूक्तस्य मैत्रावरुणिर्वसिष्ठ ऋषिः । विष्णुर्देवता ।

त्रिष्टुप् छन्दः

नू मर्तो दयते सनिष्यन् यो विष्णव उरुगायाय दाशत् ।
 प्र यः सत्राचा मनसा यजात एतावन्तं नर्यमाविवासात् १
 त्वं विष्णो सुमतिं विश्वजन्या मप्रयुतामेवयावो मतिं दाः ।
 पर्चो यथा नः सुवितस्य भूरे रश्वावतः पुरुश्चन्द्रस्य रायः २
 त्रिदेवः पृथिवीमेष एतां वि चक्रमे शतर्चसं महित्वा ।
 प्र विष्णुरस्तु तवसस्तवीयान्त्वेषं ह्यस्य स्थविरस्य नाम ३
 वि चक्रमे पृथिवीमेष एतां क्षेत्राय विष्णुर्मनुषे दशस्यन् ।
 ध्रुवासौ अस्य कीरयो जनास उरुक्षितिं सुजनिमा चकार ४
 प्र तत् तै अद्य शिपिविष्ट नामा ऽर्यः शंसामि वयुनानि विद्वान् ।
 तं त्वा गृणामि तवसमतव्यान् क्षयन्त मस्य रजसः पराके ५
 किमित् तै विष्णो परिचक्ष्य भूत् प्र यद् ववक्षे शिपिविष्टो अस्मि ।
 मा वर्षो अस्मदप गूह एतद् यदन्यरूपः समिथे बभूथ ६
 वर्षते विष्णवासा आ कृणोमि तन्मै जुषस्व शिपिविष्ट हव्यम् ।
 वर्धन्तु त्वा सुष्टुतयो गिरौ मे यूयं पात स्वस्तिभिः सदा नः ७

सप्तमोऽध्यायः । व० १-३३

(११५) पञ्चदशोत्तरशततमं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ आग्नेयः कुमारो वा ऋषिः ।

पर्जन्यो देवता । त्रिष्टुप् छन्दः

तिस्रो वाचः प्र वेद ज्योतिरग्रा या एतद् दुहे मधुदोघमूर्धः ।

स वृत्सं कृणवन् गर्भमोषधीनां सद्यो जातो वृषभो रौरवीति १
 यो वर्धन् ओषधीनां यो अपां यो विश्वस्य जगतो देव ईशै ।
 स त्रिधातुं शरणं शर्म यंसत् त्रिवर्तु ज्योतिः स्वभिष्टयस्मे २
 स्तरीरु त्वद् भवति सूत उ त्वद् यथावृशं तन्व चक्र एषः ।
 पितुः पयः प्रति गृह्णाति माता तेन पिता वर्धते तेन पुत्रः ३
 यस्मिन् विश्वानि भुवनानि तस्थु स्तिस्त्रो द्यार्वस्त्रेधा सस्रुरापः ।
 त्रयः कोशास उपसेचनासो मध्वः श्रोतन्त्यभितौ विरप्शम् ४
 इदं वचः पर्जन्याय स्वराजं हृदो अस्त्वन्तरं तज्जुजोषत् ।
 मयोभुवो वृष्टयः सन्त्वस्मे सुपिप्पला ओषधीर्देवगौपाः ५
 स रेतोधा वृषभः शश्वतीनां तस्मिन्नात्मा जगतस्तस्थुषश्च ।
 तन्म अतं पातु शतशारदाय यूयं पात स्वस्तिभिः सदा नः ६

(११६) षोडशोत्तरशततमं सूक्तम्

(१-३) तृचस्यास्य सूक्तस्य मैत्रावरुणिर्वसिष्ठ आग्नेयः कुमारो वा ऋषिः । पर्जन्यो
 देवता । गायत्री छन्दः

पर्जन्याय प्र गायत दिवस्पुत्राय मीळहुषै । स नो यवसमिच्छतु १
 यो गर्भमोषधीनां गवां कृणोत्यवताम् । पर्जन्यः पुरुषीणाम् २
 तस्मा इदास्यै हविर्जुहोता मधुमत्तमम् । इळां नः संयतं करत् ३

(११७) सप्तदशोत्तरशततमं सूक्तम्

(१-१०) दशर्चस्यास्य सूक्तस्य मैत्रावरुणिर्वसिष्ठ ऋषिः । मण्डूका देवताः ।

(१) प्रथमर्चोऽनुष्टुप्, (२-१०) द्वितीयादिनवानाञ्च त्रिष्टुप् छन्दसी
 संवत्सरं शश्याना ब्राह्मणा व्रतचारिणः ।
 वाचं पर्जन्यजिन्वितां प्र मण्डूकां अवादिषुः १
 दिव्या आपौ अभि यदेनुमायन् दृतिं न शुष्कं सरसी शयानम् ।
 गवामह न मायुर्वत्सिनीनां मण्डूकानां वमुरत्रा समैति २
 यदीमेनां उशतो अभ्यवर्षीत् तृष्यावतः प्रावृष्यागतायाम् ।
 अक्वलीकृत्या पितरं न पुत्रो अन्यो अन्यमुप वदन्तमेति ३
 अन्यो अन्यमनु गृह्णात्येनो रपां प्रसर्गे यदमन्दिषाताम् ।
 मण्डूको यदभिवृष्टः कनिष्कन् पृश्निः संपृङ्क्ते हरितेन वाचम् ४

यदैषामन्यो अन्यस्य वाचं शाक्तस्यैव वदति शिक्तमाणः ।
 सर्वं तदैषां समृधेव पर्व यत् सुवाचो वदथनाध्यप्सु ५
 गोमायुरेको अजमायुरेकः पृश्निरेको हरितु एक एषाम् ।
 समानं नाम बिभ्रतो विरूपाः पुरुत्रा वाचं पिपिशर्वदन्तः ६
 ब्राह्मणासौ अतिरात्रे न सोमे सरो न पूर्णमभितो वदन्तः ।
 संवत्सरस्य तदहः परि ष्ट यन्मण्डूकाः प्रावृषीणं बभूव ७
 ब्राह्मणासः सोमिनो वाचमक्रतु ब्रह्म कृणवन्तः परिवत्सरीणम् ।
 अध्वर्यवो घृमिणः सिष्विदाना आविर्भवन्ति गुह्या न के चित् ८
 देवहितं जुगुपुर्द्वादशस्य ऋतुं नरो न प्र मिनन्त्येते ।
 संवत्सरे प्रावृष्यागतायां तप्ता घृमा अश्नुवते विसर्गम् ९
 गोमायुरदाजमायुरदात् पृश्निरदाद्धरितो नो वसूनि ।
 गवां मण्डूका ददतः शतानि सहस्रसावे प्र तिरन्त आयुः १०

(११८) अष्टादशोत्तरशततमं सूक्तम्

(१-२५) पञ्चविंशत्यृचस्यास्य सूक्तस्य मैत्रावरुणिर्वसिष्ठ ऋषिः । (१-७, १५,
 २४-२५) प्रथमादिसप्तर्चा पञ्चदश्याश्चतुर्विंशीपञ्चविंशोश्चेन्द्रासोमौ, (८, १६, १६-
 २२) अष्टमीषोडश्यारेकोनविंश्यादिचतसृणाञ्चेन्द्रः, (९, १२-१३)

नवमीद्वादशीत्रयोदशीनां सोमः, (१०, १४) दशमीचतुर्दश्यारेभिः, (११)
 एकादश्या देवाः, (१७) सप्तदश्या ग्रावाणः, (१८) अष्टादश्या मरुतः, (२३)
 त्रयोविंश्याश्च पूर्वार्धस्य वसिष्ठाशीरुत्तरार्धस्य च पृथिव्यन्तरिक्षे देवताः । (१-६,
 १८, २१, २३) प्रथमादिषड्चामष्टादश्येकविंशीत्रयोविंशीनाञ्च जगती, (७)

सप्तम्या जगती त्रिष्टुप्, (८-१७, १६-२०, २२, २४)

अष्टम्यादिदशानामेकोनविंशीविंशीद्वाविंशीचतुर्विंशीनाञ्च त्रिष्टुप्, (२५)

पञ्चविंश्याश्चानुष्टुप् छन्दांसि

इन्द्रासोमा तपतं रक्षं उब्जतं न्यर्पयतं वृषणा तमोवृधः ।
 परां शृणीतमचितो न्यौषतं हतं नुदेथां नि शिशीतमत्रिणः १
 इन्द्रासोमा समघर्शसमभ्यर्धं तपुर्पयस्तु चरुरग्निवाँ इव ।
 ब्रह्मद्विषै क्रव्यादै घोरचक्षसे द्वेषो धत्तमनवायं किमीदिनै २
 इन्द्रासोमा दुष्कृतौ वृत्रे अन्त रनारम्भणे तमसि प्र विध्यतम् ।
 यथा नातः पुनरेकश्चनोदयत् तद् वामस्तु सहसे मन्युमच्छवः ३
 इन्द्रासोमा वर्तयतं दिवो वृधं सं पृथिव्या अघर्शसाय तर्हणम् ।

उत् तक्षतं स्वर्य्येऽपर्वतेभ्यो येन रक्षो वावृधानं निजूर्वथः ४
 इन्द्रासोमा वर्तयतं दिवस्पर्य ग्रितप्तेभिर्युवमश्महन्मभिः ।
 तपुर्वधेभिरजरैभिरत्रिणो नि पशानि विध्यतं यन्तु निस्वरम् ५
 इन्द्रासोमा परि वां भूतु विश्वत इयं मतिः कक्ष्याश्वैव वाजिना ।
 यां वां होत्रा परिहिनोमि मेधये मा ब्रह्माणि नृपतीव जिन्वतम् ६
 प्रति स्मरेथां तुजर्यद्भिरेवै हृतं द्रुहो रक्षसो भङ्गुरावतः ।
 इन्द्रासोमा दुष्कृते मा सुगं भूद् यो नः कदा चिदभिदासति द्रुहा ७
 यो मा पाकेन मनसा चरन्त मभिचष्टे अनृतेभिर्वचौभिः ।
 आप इव काशिना संगृभीता असन्नस्त्वासत इन्द्र वक्ता ८
 ये पाकशंसं विहरन्त एवै र्ये वा भद्रं दूषयन्ति स्वधाभिः ।
 अहये वा तान् प्रददातु सोम आ वा दधातु निर्ऋतेरुपस्थे ९
 यो नो रसं दिप्सति पित्वो अग्ने यो अश्वानां यो गवां यस्तनूनाम् ।
 रिपुः स्तेनः स्तैयकृद् दुभ्रमेतु नि ष हीयतां तन्वाऽ तनां च १०
 परः सो अस्तु तन्वाऽ तनां च तिस्रः पृथिवीरधो अस्तु विश्वाः ।
 प्रति शुष्यतु यशौ अस्य देवा यो नो दिवा दिप्सति यश्च नक्तम् ११
 सुविज्ञानं चिकितुषे जनाय सच्चासञ्च वचसी पस्पृधाते ।
 तयोर्यत् सत्यं यतरदृजीय स्तदित् सोमोऽवति हन्त्यासत् १२
 न वा उ सोमो वृजिनं हिनोति न क्षत्रियं मिथुया धारयन्तम् ।
 हन्ति रक्षो हन्त्यासद् वदन्त मुभाविन्द्रस्य प्रसितौ शयाते १३
 यदि वाहमनृतदेव आस मोघं वा देवां अप्यूहे अग्ने ।
 किमुस्मभ्यं जातवेदो हणीषे द्रोघवाचस्ते निर्ऋथं संचन्ताम् १४
 अद्या मुरीय यदि यातुधानो अस्मि यदि वायुस्ततप पूरुषस्य ।
 अधा स वीरैर्दशभिर्वि यूया यो मा मोघं यातुधानेत्याह १५
 यो मायातुं यातुधानेत्याह यो वा रक्षाः शुचिरस्मीत्याह ।
 इन्द्रस्तं हन्तु महता वधेन विश्वस्य जन्तोर्धमस्पदीष्ट १६
 प्र या जिगाति खर्गलैव नक्त मप द्रुहा तन्वंऽ गूहमाना ।
 ववां अनुन्तां अव सा पदीष्ट ग्रावाणो घन्तु रक्षसं उपब्दैः १७
 वि तिष्ठध्वं मरुतो विद्विष्यच्छतं गृभायत रक्षसः सं पिनष्टन ।
 वयो ये भूत्वी पतयन्ति नक्तभि र्ये वा रिपो दधिरे देवे अध्वरे १८
 प्र वर्तय दिवो अश्मानमिन्द्र सोमशितं मघवन् त्सं शिशाधि ।

प्राक्तादपाक्तादधरादुदक्ता दृभिर्जहि रक्षसः पर्वतेन १९
 एत उ त्वे पतयन्ति श्वयातव इन्द्रं दिप्सन्ति दिप्सवोऽदाभ्यम् ।
 शिशीते शक्रः पिशुनेभ्यो वृधं नूनं सृजदशनिं यातुमद्भ्यः २०
 इन्द्रो यातूनामभवत् पराशरो हविर्मथीनामभ्याश्चिवांसताम् ।
 अभीदु शक्रः परशुर्यथा वनं पात्रैव भिन्दन् त्सुत एति रक्षसः २१
 उलूकयातुं शुशूलूकयातुं जहि श्वयातुमुत कोकयातुम् ।
 सुपर्णयातुमुत गृध्रयातुं दृषदैव प्र मृण रक्ष इन्द्र २२
 मा नो रक्षो अभि नड्यातुमावता मपौच्छतु मिथुना या किमीदिना ।
 पृथिवी नः पार्थिवात् पात्वंहसोऽन्तरिक्षं दिव्यात् पात्वस्मान् २३
 इन्द्रं जहि पुमांसं यातुधानं मुत स्त्रियं मायया शाशदानाम् ।
 विग्रीवासो मूरदेवा ऋदन्तु मा ते दृशन् त्सूर्यमुच्चरन्तम् २४
 प्रति चक्ष्व वि चक्ष्वेन्द्रश्च सोम जागृतम् ।
 रक्षोभ्यो वृधमस्यत मुशनिं यातुमद्भ्यः २५

(११९) एकोनविंशत्युत्तरशततमं सूक्तम्

(१-३४) चतुस्त्रिंशदृचस्यास्य सूक्तस्य (१-२) प्रथमाद्वितीययोर्ऋचोर्धोरः कारणः
 प्रगाथः, (३-२६) तृतीयादिसप्तविंशतेः कारणौ मेधातिथिमेध्यातिथी, (३०-३३)
 त्रिंश्यादिचतसृणां प्लायोगिरासङ्ग ऋषयः, (३४) चतुस्त्रिंश्याश्चाङ्गिरसी शश्वती
 ऋषिका । (१-२६) प्रथमाद्येकोनत्रिंशदृचामिन्द्रः, (३०-३४)
 त्रिंश्यादिपञ्चानाञ्चासङ्गो देवते । (१-४) प्रथमादिचतुर्ऋचां प्रगाथः (विषमर्चा
 बृहती, समर्चा सतोबृहती), (५-३२) पञ्चम्याद्यष्टाविंशतेर्बृहती, (३३-३४)

त्रयस्त्रिंशीचतुस्त्रिंशयोश्च त्रिष्टुप् छन्दांसि

मा चिदुन्यद् वि शंसतु सखायो मा रिषण्यत ।
 इन्द्रमित् स्तोता वृषणं सचा सुते मुहुरुक्था च शंसत १
 अवक्रक्षिणं वृषभं यथाजुरं गां न चर्षणीसहम् ।
 विद्वेषणं संवननोभयंकरं मंहिष्ठमुभयाविनम् २
 यच्चिद्धि त्वा जना इमे नाना हवन्त ऊतये ।
 अस्माकं ब्रह्मेदमन्द्र भूतु ते ऽहा विश्वा च वर्धनम् ३
 वि तर्तूर्यन्ते मघवन् विपश्चिते ऽर्यो विपो जनानाम् ।
 उप क्रमस्व पुरुरूपमा भर वाजं नेदिष्ठमूतये ४

म॒हे च॒न त्वाम॑द्रि॒वः परा॑ शल्काय॑ देयाम् ।
 न स॒हस्रा॑य॒ नायु॑ताय॒ वज्रि॑वो न श॒ताय॑ शतामघ ५
 वस्याँ॑ इन्द्रा॒सि मे पि॒तुरु॑त भ्रातुरभु॑ञ्जतः ।
 मा॒ता च॑ मे छदयथः स॒मा व॑सो वसु॒त्वना॑य॒ राध॑से ६
 क्वै॒यथ॑ क्वेद॑सि पुरु॒त्रा चि॒द्धि ते॒ मनः॑ ।
 अल॑र्षि यु॒ध्म ख॑जकृत् पुर॒न्दर॑ प्र गा॒यत्रा॑ अ॒गासि॑षुः ७
 प्रा॒स्मै गा॑य॒त्रम॑र्चत वा॒वातु॑र्यः पु॒रंद॑रः ।
 याभिः॑ का॒णव॑स्योप॒ ब॒र्हि॒रास॑दं यास॑द् व॒ज्री भि॑नत् पु॒रः ८
 ये ते॒ सन्ति॑ दश॒ग्विनः॑ श॒तिनो॑ ये स॒हस्त्रि॑णः ।
 अश्वा॑सो ये ते वृ॒षणो॑ रघु॒द्रुव॑ स्तेभि॒र्नस्तू॑य॒मा ग॑हि ९
 आ त्व॑श्छ स॒ब॒र्दुधा॑ हुवे गा॒यत्र॑वैपसम् ।
 इन्द्र॑ धे॒नुं सु॒दुघा॑मन्यामिष॑ मुरु॒धारा॑म॒रु॒कृत॑म् १०
 यत् तु॒द त्सू॑र ए॒तंशं॑ व॒ङ्क वा॑तस्य प॒र्णिना॑ ।
 वह॑त् कु॒त्स॑मार्जु॒नेयं॑ श॒तक्र॑तुः त्स॒र॑द् गन्ध॒र्वम॑स्तृ॒तम् ११
 य ऋ॒ते चि॑दभि॒श्रिषः॑ पु॒रा ज॒त्रुभ्य॑ आ॒तृदः॑ ।
 संधा॑ता संधिं म॒घवा॑ पुरु॒वसु॑ रिष्क॒र्ता वि॑हु॒तं पु॑नः १२
 मा भू॑म॒ निष्ट॑या इवे॒न्द्र त्व॑द॒रणा॑ इव ।
 वना॑नि न प्र॒जहि॑तान्य॒द्रिवो॑ दुरो॒षासो॑ अमन्महि १३
 अम॑न्म॒हीद॑ना॒शवो॑ ऽनु॒ग्रास॑श्च वृ॒त्रह॑न् ।
 स॒कृत् सु॑ तै मह॒ता शू॑र रा॒धसा॑ ऽनु॒ स्तोमं॑ मुदीमहि १४
 यदि॑ स्तोमं॑ मम॒ श्रव॑ द॒स्माक॑मिन्द्रमिन्द्र॑वः ।
 ति॒रः प॒वित्रं॑ स॒सृवांसं॑ आ॒शवो॑ मन्द॑न्तु तु॒ग्रया॑वृ॒धः १५
 आ त्व॑श्छ स॒धस्तु॑तिं वा॒वातुः॑ स॒ख्युरा॑ ग॒हि ।
 उप॑स्तुति॒र्मघो॑नां प्र त्वा॒व त्व॑धा ते व॒श्मि सु॑ष्टुतिम् १६
 सो॒ता हि सो॑म॒मद्रि॑भि॒ रेमे॑नम॒प्सु धा॑वत ।
 गु॒व्या व॑स्त्रैव वा॒सय॑न्त॒ इन्न॑रो निर्धु॒क्षन् वृ॑क्षणा॒भ्यः १७
 अध॑ ज्मो अध॑ वा दि॒वो बृ॑हतो रौ॒चना॑दधि ।
 अ॒या वर्ध॑स्व त॒न्वा गि॑रा म॒मा ऽऽ जा॒ता सु॑क्रतो पृ॒ण १८
 इन्द्रा॑य॒ सु म॑दि॒न्तं सो॑मं सो॒ता व॑रै॒रय॑म् ।
 श॒क्र ए॑णं पी॒पय॑द् वि॒श्वया॑ धि॒या हि॑न्वा॒नं न वा॑ज॒युम् १९

मा त्वा सोमस्य गल्दया सदा याचन्नहं गिरा ।
 भूर्णि मृगं न सर्वनेषु चुक्रुधं क ईशानं न याचिषत् २०
 मर्देनेषितं मर्द मुग्रमुग्रेण शर्वसा ।
 विश्वेषां तरुतारं मदच्युतं मदे हि ष्मा ददाति नः २१
 शेवा रे वार्या पुरु देवो मर्ताय दाशुषै ।
 स सुन्वते च स्तुवते च रासते विश्वगूर्तो अरिष्टुतः २२
 एन्द्र याहि मत्स्व चित्रेण देव राधसा ।
 सरो न प्रास्युदरं सर्पीतिभि रा सोमैभिरुरु स्फिरम् २३
 आ त्वा सहस्रमा शतं युक्ता रथे हिरण्यये ।
 ब्रह्मयुजो हरय इन्द्र केशिनो वहन्तु सोमपीतये २४
 आ त्वा रथे हिरण्यये हरी मयूरशेष्या ।
 शितिपृष्ठा वहतां मध्वो अन्धसो विवक्ष्णस्य पीतये २५
 पिबा त्वशस्य गिर्वणः सुतस्य पूर्वपा इव ।
 परिष्कृतस्य रसिन इयमोसुतिश्चारुर्मदाय पत्यते २६
 य एको अस्ति दुंसनां महो उग्रो अभि व्रतैः ।
 गमत् स शिप्री न स यौषदा गम् द्धवं न परि वर्जति २७
 त्वं पुरं चरिष्यवं वधैः शुष्णास्य सं पिणक् ।
 त्वं भा अनु चरो अध द्विता यदिन्द्र हव्यो भुवः २८
 मम त्वा सूर उदिते मम मध्यंदिने दिवः ।
 मम प्रपित्वे अपिशवरे वस वा स्तोमासो अवृत्सत २९
 स्तुहि स्तुहीदेते घा ते मंहिष्ठासो मघोनाम् ।
 निन्दिताश्वः प्रपथी परमज्या मघस्य मेध्यातिथे ३०
 आ यदश्वान् वनन्वतः श्रद्धयाहं रथे रुहम् ।
 उत वामस्य वसुनश्चिकेतति यो अस्ति याद्वः पशुः ३१
 य ऋजा मह्यं मामहे सह त्वचा हिरण्यया ।
 एष विश्वान्यभ्यस्तु सौभगा ऽऽ सङ्गस्य स्वनद्रथः ३२
 अध प्लायौगिरति दासदन्या नासङ्गो अग्रे दशभिः सहस्रैः ।
 अधोक्ष्णो दश मह्यं रुशन्तो नृणा इव सरसो निरतिष्ठन् ३३
 अन्वस्य स्थूरं ददृशे पुरस्ता दनस्थ ऊरुरवरम्बमाणः ।
 शश्वती नार्यभिचक्ष्याहि सुभद्रमर्यु भोजनं बिभर्षि ३४

(१२०) विंशत्युत्तरशततमं सूक्तम्

(१-४२) द्विचत्वारिंशदृचस्यास्य सूक्तस्य (१-४०) प्रथमादिचत्वारिंशदृचां
काणवो मेधातिथिराङ्गिरसः प्रियमेधश्च, (४१-४२) एकचत्वारिंशीद्विचत्वारिंश्योश्च
काणवो मेधातिथिर्ऋषी । (१-४०) प्रथमादिचत्वारिंशदृचामिन्द्रः, (४१-४२)
एकचत्वारिंशीद्विचत्वारिंश्योश्च विभिन्दोर्दानस्तुतिर्देवते । (१-२७, २६-४२)
प्रथमादिसप्तविंशत्यृचामेकोनत्रिंश्यादिचतुर्दशानाञ्च गायत्री, (२८)

अष्टाविंश्याश्चानुष्टुप् छन्दसी

इदं वसो सुतमन्धः पिबन् सुपूर्णमुदरम् । अनाभयिन् ररिमा तै १
नृभिर्धूतः सुतो अश्नै रव्यो वारैः परिपूतः । अश्नो न निक्तो नदीषु २
तं ते यवं यथा गोभिः स्वादुर्मकर्म श्रीणन्तः । इन्द्र त्वास्मिन् त्सधमादै ३
इन्द्र इत् सौमपा एक इन्द्रः सुतपा विश्वायुः । अन्तर्देवान् मर्ताश्च ४
न यं शक्रो न दुराशीर्न तृप्रा उरुव्यचंसम् । अपस्पृणवते सुहार्दम् ५
गोभिर्यदीमन्ये अस्मन् मृगं न वा मृगयन्ते । अभित्सरन्ति धेनुभिः ६
त्रय इन्द्रस्य सोमाः सुतासः सन्तु देवस्य । स्वे क्षयै सुतपावः ७
त्रयः कोशासः श्रोतन्ति तिस्रश्चम्वः सुपूर्णाः । समाने अधि भार्मन् ८
शुचिरसि पुरुनिष्ठाः क्षीरैर्मध्यत आशीर्तः । दुध्रा मन्दिष्ठः शूरस्य ९
इमे त इन्द्र सोमा स्तीवा अस्मे सुतासः । शक्रा आशिर याचन्ते १०
तां आशिर पुरोळाश मिन्द्रेमं सोमं श्रीणीहि । रेवन्तं हि त्वा शृणोमि ११
हत्सु पीतासौ युध्यन्ते दुर्मदासो न सुरायाम् । ऊधर्न नृग्रा जरन्ते १२
रेवाँ इद् रेवतः स्तोता स्यात् त्वावतो मघोनः । प्रेदु हरिवः श्रुतस्य १३
उक्थं च न शस्यमानं मगौररिरा चिकेत । न गायत्रं गीयमानं १४
मा न इन्द्र पीयत्ववे मा शर्धते परा दाः । शिक्षा शचीवः शचीभिः १५
वयमु त्वा तदिदं त्वा इन्द्र त्वायन्तः सखायः । कणवा उक्थेभिर्जरन्ते १६
न घैमन्यदा पपन् वज्रिन्नपसो नविष्टौ । तवेदु स्तोमं चिकेत १७
इच्छन्ति देवाः सुन्वन्तं न स्वप्राय स्पृहयन्ति । यन्ति प्रमादुमर्तन्द्राः १८
ओ षु प्र याहि वाजैभिर्मा हृणीथा अभ्यस्मान् । मुहाँ इव युर्वजानिः १९
मो ष्वद्य दुर्हणावान् त्सायं करदारे अस्मत् । अश्रीर इव जामाता २०
विद्या ह्यस्य वीरस्य भूरिदावरीं सुमतिम् । त्रिषु जातस्य मनांसि २१
आ तू षिञ्च कण्वमन्तं न घा विद्य शवसानात् । यशस्तरं शतमूतेः २२
ज्येष्ठेन सोतरिन्द्राय सोमं वीराय शक्राय । भरा पिबन्नयाय २३

यो वेदिष्ठो अव्यथिष्वश्वावन्तं जरितृभ्यः । वाजं स्तोतृभ्यो गोमन्तम् २४
 पन्यपन्यमित् सौतार आ धावतु मद्याय । सोमं वीराय शूराय २५
 पाता वृत्रहा सुत मा घां गमुन्नारे अस्मत् । नि यमते शतमूतिः २६
 एह हरी ब्रह्मयुजा शग्मा वक्षतः सखायम् । गीर्भिः श्रुतं गिर्वणसम् २७
 स्वादवः सोमा आ याहि श्रीताः सोमा आ याहि ।
 शिप्रिन्नृषीवः शचीवो नायमच्छा सधमादम् २८
 स्तुतश्च यास्त्वा वर्धन्ति महे राधसे नृम्णाय । इन्द्रं कारिणं वृधन्तः २९
 गिरश्च यास्तै गिर्वाह उक्था च तुभ्यं तानि । सत्रा दधिरे शवासि ३०
 एवेदेष तुविकूर्मिर्वाजाँ एको वज्रहस्तः । सनादमृत्को दयते ३१
 हन्ता वृत्रं दक्षिणेनेन्द्रः पुरु पुरुहूतः । महान् महीभिः शचीभिः ३२
 यस्मिन् विश्वाश्चर्षण्य उत च्यौत्वा जयांसि च । अनु घेन्मन्दी मघोनः ३२
 एष एतानि चकारेन्द्रो विश्वा योऽति शृणवे । वाजदावा मघोनाम् ३४
 प्रभर्ता रथं गव्यन्तं मपाकच्चिद् यमवति । इनो वसु स हि वोळ्हा ३५
 सनिता विप्रो अर्वाद्भिर्हन्ता वृत्रं नृभिः शूरः । सत्योऽविता विधन्तम् ३६
 यजध्वैनं प्रियमेधा इन्द्रं सत्राचा मनसा । यो भूत् सोमैः सत्यमद्वा ३७
 गाथश्रवसं सत्पतिं श्रवस्कामं पुरुत्मानम् । कणवासो गात वाजिनम् ३८
 य ऋते चिद् गास्पदेभ्यो दात् सखा नृभ्यः शचीवान् । ये अस्मिन्
 कामुमश्रियन् ३९
 इत्थाधीवन्तमद्रिवः काणवं मेध्यातिथिम् । मेषो भूतोऽभि यन्नयः ४०
 शिक्ता विभिन्दो अस्मै चत्वार्ययुता ददत् । अष्टा परः सहस्रा ४१
 उत सु त्ये पयोवृधा माकी रणस्य नृपया । जनित्वनायं मामहे ४२

(१२१) एकविंशत्युत्तरशततमं सूक्तम्

(१-२४) चतुर्विंशत्युचस्यास्य सूक्तस्य काणवो मेध्यातिथिर्ऋषिः । (१-२०)

प्रथमादिविंशत्युचामिन्द्रः, (२१-२४) एकविंश्यादिचतसृणाञ्च कौरयाणस्य
पाकस्थाम्नो दानस्तुतिर्देवते । (१-२०) प्रथमादिविंशत्युचां प्रगाथः (विषमर्चा
बृहती, समर्चा सतोबृहती), (२१) एकविंश्या अनुष्टुप्, (२२-२३)

द्वाविंशीत्रयोविंशयोर्गायत्री, (२४) चतुर्विंश्याश्च बृहती छन्दांसि

पिबा सुतस्य रसिनो मत्स्वा न इन्द्र गोमतः ।

आपिर्ने बोधि सधमाद्यौ वृधेऽस्माँ अवन्तु ते धियः १

भूयाम ते सुम॒तौ वा॒जिनो व॒यं मा नः स्त॒रभि॒मा॒तये ।
 अ॒स्माञ्चि॒त्राभि॒रव॒ताद॒भिष्टि॒भि॒रा नः सु॒म्रेषु॑ या॒मय २
 इ॒मा उ॑ त्वा पु॒रूव॒सो गि॒रौ वर्ध॑न्तु या म॒म ।
 पा॒व॒क॒व॒र्णाः शु॒च॒यो वि॒प॒श्चितो॑ ऽभि॒ स्तोमै॑र॒नूष॒त ३
 अ॒यं स॒हस्र॑मृ॒षिभिः॑ स॒ह॒स्कृतः॑ स॒मुद्र॑ इ॒व प॒प्रथे॑ ।
 स॒त्यः सो अ॒स्य म॒हिमा॑ गृ॒णे श॒र्वो य॒ज्ञेषु॑ वि॒प्र॒राज्ये॑ ४
 इन्द्र॑मिद् दे॒वता॑तय॒ इन्द्रं॑ प्र॒यत्य॑ध्व॒रे ।
 इन्द्रं॑ स॒मी॒के व॒निनो॑ ह॒वाम॒ह इन्द्रं॑ ध॒नस्य॑ सा॒तये॑ ५
 इन्द्रो॑ म॒ह्ना रोद॑सी प॒प्रथ॑च्छ॒व इन्द्रः॑ सू॒र्यम॑रोचयत् ।
 इन्द्रै॑ ह॒ विश्वा॑ भु॒व॒नानि॑ येमि॒र इन्द्रै॑ सु॒वा॒नास॒ इन्द्र॑वः ६
 अ॒भि त्वा॑ पू॒र्वपी॑तय॒ इन्द्र॑ स्तोमै॑भि॒राय॑वः ।
 स॒मी॒चीना॑स॒ ऋ॒भ॒वः स॒म॒स्वर॑न् रु॒द्रा गृ॑णन्त॒ पू॒र्व्यम् ७
 अ॒स्येदिन्द्रो॑ वा॒व॒धे वृ॒ष्णयं॑ श॒वो म॒दै सु॒तस्य॑ वि॒ष्णा॒वि ।
 अ॒द्या त॒मस्य॑ म॒हिमा॑न॒माय॑वो ऽनु॑ ष्ट॒वन्ति॑ पू॒र्वथा॑ ८
 तत् त्वा॑ या॒मि सु॒वीर्यं॑ तद् ब्र॒ह्म पू॒र्वचि॑त्तये ।
 येना॑ य॒तिभ्यो॑ भृ॒गवे॑ ध॒नै हि॒ते येन॑ प्र॒स्क॒णव॑मावि॒थ ९
 येना॑ स॒मुद्र॑म॒सृजो॑ म॒ही॒र॒प॒स्तदिन्द्र॑ वृ॒ष्णा॒ ते श॒र्वः ।
 स॒द्यः सो अ॒स्य म॒हिमा॑ न स॒न॒शे यं क्षो॒णीर॑नुच॒क्रदे॑ १०
 श॒ग्धी न॑ इन्द्र॒ यत् त्वा॑ र॒यिं या॒मि सु॒वीर्य॑म् ।
 श॒ग्धि॒ वाजा॑य प्र॒थमं॑ सि॒षा॒सते॑ श॒ग्धि॒ स्तोमा॑य पू॒र्व्य ११
 श॒ग्धी नो॑ अ॒स्य यद्ध॑ पौ॒रमा॑वि॒थ धि॒य इन्द्र॑ सि॒षा॒सतः॑ ।
 श॒ग्धि॒ यथा॑ रु॒शमं॑ श्या॒व॒कं कृ॒प॒मिन्द्र॑ प्रा॒वः स्व॑र्ण॒रम् १२
 क॒न्न॒व्यो अ॒त॒सीना॑ तुरो गृ॒णीत॑ म॒र्त्यः ।
 न॒ही न्व॑स्य म॒हिमा॑न॒मिन्द्रि॑यं स्व॒र्गृण॑न्त॒ आनु॑शः १३
 क॒दु स्तु॑वन्त॒ ऋ॒तय॑न्त दे॒वत॑ ऋ॒षिः को॑ वि॒प्र औ॑हते ।
 क॒दा ह॒व म॒घव॑न्निन्द्र॒ सु॒न्वतः॑ क॒दु स्तु॑व॒त आ ग॑मः १४
 उ॒दु त्ये म॒धु॒म॒त्त॒मा गि॒रः स्तोमा॑स ई॒रते॑ ।
 स॒त्रा॒जितो॑ ध॒नु॒सा अ॒क्षितो॑तयो वा॒ज॒यन्तो॑ रथा॑ इ॒व १५
 क॒ण॒वा इ॒व भृ॒गवः॑ सू॒र्या इ॒व वि॒श्वमि॑द् धी॒तमा॑नशुः ।
 इन्द्रं॑ स्तोमै॑भि॒र्म॒हय॑न्त आ॒यवः॑ प्रि॒यमै॑धा॒सो अ॒स्वर॑न् १६

यु॒क्त्वा हि वृ॒त्रहन्त॑म् ह॒रीं इन्द्र॑ प॒राव॑तः ।
 अ॒र्वाची॑नो म॒घव॑न् त्सोम॑पीतय उ॒ग्र ऋ॒ष्वेभि॑रा ग॒हि १७
 इ॒मे हि ते॑ का॒रवौ॑ वाव॒शुर्धिया॑ वि॒प्रांसो॑ मे॒धसा॑तये ।
 स त्वं नो॑ मघवन्निन्द्र गिर्व॑णो वे॒नो न शृ॑णु॒धी हव॑म् १८
 निरि॑न्द्र बृ॒हती॑भ्यो वृ॒त्रं ध॑नु॒भ्यो अ॑स्फुरः ।
 निर॑बु॒दस्य॑ मृ॒गय॑स्य मा॒यिनो॑ निः पर्व॑तस्य गा अ॒जः १९
 निर॑ग्रयो॒ रुरु॑चुर्निरु॒ सूर्यो॑ निः सोम॑ इन्द्रि॒यो रसः॑ ।
 निर॑न्तरि॒क्षाद॑धमो म॒हाम॑हि कृ॒षे तदि॑न्द्र पौ॒स्यम् २०
 यं मे॑ दुरिन्द्रो॒ मरु॑तः पा॒क॑स्था॒मा कौ॑र॒याणः॑ ।
 वि॒श्वेषां॑ त्मना॒ शोभि॑ष्ट॒ मुपै॑व दि॒वि धा॑व॒मानम् २१
 रोहि॑तं मे॒ पा॒क॑स्था॒मा सु॑धु॒रं क॑द्य॒प्राम् ।
 अ॒दाद् रा॒यो वि॒बोर्ध॑नम् २२
 यस्मा॑ अ॒न्ये द॑श॒ प्रति॑ धु॒रं वह॑न्ति वह॒यः ।
 अ॒स्तं व॒यो न तु॑ग्र॒यम् २३
 आ॒त्मा पि॑तुस्त॒नूर्वास॑ ओ॒जोदा॑ अ॒भ्यञ्ज॑नम् ।
 तुरी॑य॒मिद् रोहि॑तस्य॒ पा॒क॑स्था॒मानं भो॒जं दा॑तार॒मब्र॑वम् २४

(१२२) द्वाविंशत्युत्तरशततमं सूक्तम्

(१-२१) एकविंशत्यृचस्यास्य सूक्तस्य काण्वो देवातिथिर्ऋषिः । (१-१४)

प्रथमादिचतुर्दशर्चामिन्द्रः, (१५-१८) पञ्चदश्यादिचतसृणामिन्द्रः पूषा वा, (१९-

२१) एकोनविंश्यादितृचस्य च कुरुङ्गस्य दानस्तुतिर्देवताः । (१-२०)

प्रथमादिविंशत्यृचां प्रगाथः (विषमर्चा बृहती, समर्चा सतोबृहती), २१

एकविंश्याश्च पुर उष्णिक् छन्दसी

यदि॑न्द्र प्रा॒गपा॑गुदु॒ङ्ग न्य॑ग्वा हू॒यसे॑ नृ॒भिः ।
 सि॒मा पु॒रू नृ॑षूतो अ॒स्यान॑वे ऽसि॒ प्रश॑र्ध तुर्व॒शे १
 यद् वा॒ रुमे॑ रु॒शमे॑ श्याव॒के कृ॑प॒ इन्द्र॑ मा॒दय॑से स॒चा ।
 क॒ण्वा॑सस्त्वा ब्र॒ह्म॑भिः स्तोम॑वाह॒स इन्द्रा॑ यच्छ॒न्त्या ग॑हि २
 यथा॑ गौ॒रो अ॒पा कृ॑तं तृ॒ष्यन्ने॒त्यवे॑रिणम् ।
 आ॒पित्वे॑ नः प्र॒पित्वे॑ तू॒यमा॑ ग॒हि क॑ण्वेषु सु स॒चा पि॑ब ३
 मन्द॑न्तु त्वा मघवन्निन्द्रेन्द॒वो रा॒धोदे॑याय सु॒न्वते॑ ।

आमुष्या सोममपिबश्चमू सुतं ज्येष्ठं तद् दधिषे सहः ४
 प्र चक्रे सहसा सहौ बभञ्जे मन्युमोजसा ।
 विश्वे त इन्द्र पृतनायवौ यहो नि वृक्षा इव येमिरे ५
 सहस्रैरेव सचते यवीयुधा यस्त आनुळुपस्तुतिम् ।
 पुत्रं प्रावर्गं कृणुते सुवीर्ये दाशनोति नमउक्तिभिः ६
 मा भैम् मा श्रमिष्मो ग्रस्य सख्ये तव ।
 महत् ते वृष्णो अभिचक्ष्य कृतं पश्येम तुर्वशं यदुम् ७
 सव्यामनु स्फिग्यं वावसे वृषा न दानो अस्य रोषति ।
 मध्वा संपृक्ताः सारधेण धेनव स्तूयमेहि द्रवा पिब ८
 अश्वी रथी सुरूप इद् गोमाँ इदिन्द्र ते सखा ।
 श्वात्रभाजा वयसा सचते सदा चन्द्रो याति सभामुप ९
 ऋश्यो न तृष्यन्नवपानमा गंहि पिबा सोमं वशाँ अनु ।
 निमेघमानो मघवन् दिवेदिव ओजिष्ठं दधिषे सहः १०
 अध्वर्यो द्रावया त्वं सोममिन्द्रः पिपासति ।
 उप नूनं युयुजे वृषणा हरी आ च जगाम वृत्रहा ११
 स्वयं चित् स मन्यते दाशुरिर्जनो यत्रा सोमस्य तृप्सि ।
 इदं ते अन्नं युज्यं समुक्षितं तस्येहि प्र द्रवा पिब १२
 रथेष्ठायाध्वर्यवः सोममिन्द्राय सोतन ।
 अधि ब्रध्नस्याद्रयो वि चक्षते सुन्वन्तौ दाश्वध्वरम् १३
 उप ब्रध्नं वावाता वृषणा हरी इन्द्रमपसु वक्षतः ।
 अर्वाञ्च त्वा सप्तयोऽध्वरश्रियो वहन्तु सवनेदुप १४
 प्र पूषणं वृणीमहे युज्याय पुरुवसुम् ।
 स शक्र शिक्त पुरुहूत नो धिया तुजे राये विमोचन १५
 सं नः शिशीहि भुरिजौरिव क्षुरं रास्व रायो विमोचन ।
 त्वे तन्नः सुवेदमुस्त्रियं वसु यं त्वं हिनोषि मर्त्यम् १६
 वेमि त्वा पूषन्नृञ्जसे वेमि स्तोतव आघृणे ।
 न तस्य वेम्यरणिं हि तद् वसो स्तुषे पुञ्जाय साम्ने १७
 परा गावो यवसं कच्चिदाघृणे नित्यं रेक्णो अमर्त्य ।
 अस्माकं पूषन्नविता शिवो भव मंहिष्ठो वाजसातये १८
 स्थूरं राधः शताश्वं कुरुङ्गस्य दिविष्टिषु ।

राज्ञस्त्वेषस्य सुभगस्य रातिषु तुर्वशेष्वमन्महि १६
 धीभिः सातानि काणवस्य वाजिनः प्रियमैधैरभिद्युभिः ।
 षष्टिं सहस्रानु निर्मजामजे निर्यूथानि गवामृषिः २०
 वृक्षाश्चिन्मे अभिपित्वे अरारणुः ।
 गां भजन्त मेहना ऽश्वं भजन्त मेहना २१

अथाष्टमोऽध्यायः । च० १-३६

(१२३) त्रयोविंशत्युत्तरशततमं सूक्तम्

(१-३६) एकोनचत्वारिंशदृचस्यास्य सूक्तस्य काणवो ब्रह्मातिथिर्ऋषिः । (१-३६,
 ३७) प्रथमादिषट्त्रिंशदृचां सप्तत्रिंश्याः पूर्वार्धस्य चाश्विनौ, (३७, ३८-३९)
 सप्तत्रिंश्या उत्तरार्धस्याष्टात्रिंश्येकोनचत्वारिंश्योश्च चैद्यस्य कशोर्दानस्तुतिर्देवताः ।
 (१-३६) प्रथमादिषट्त्रिंशदृचां गायत्री, (३७-३८) सप्तत्रिंश्यष्टात्रिंश्योर्बृहती,
 (३९) एकोनचत्वारिंश्याश्चानुष्टुप् छन्दांसि

दूरादिहेव यत् स त्वरुणप्सुरशिश्चितत् । वि भानुं विश्वधातनत् १
 नृवद् दस्त्रा मनोयुजा रथेन पृथुपाजसा । सचैथे अश्विनोषसम् २
 युवाभ्यां वाजिनीवसू प्रति स्तोमा अदृक्षत । वाचं दूतो यथौहिषे ३
 पुरुप्रिया श ऊतयै पुरुमन्द्रा पुरुवसू । स्तुषे कणवासो अश्विना ४
 मंहिष्ठा वाजसातमे षयन्ता शभस्पती । गन्तारा दाशुषो गृहम् ५
 ता सुदेवार्य दाशुषे सुमेधामवितारिणीम् । घृतैर्गव्यूतिमुक्षतम् ६
 आ नः स्तोममुप द्रवत् तूर्य श्येनेभिराशुभिः । यातमश्वैभिरश्विना ७
 येभिस्त्रिस्तः परावतौ दिवो विश्वानि रोचना । त्रीरक्तून् परिदीयथः ८
 उत नो गोमतीरिषे उत सातीरहर्विदा । वि पथः सातयै सितम् ९
 आ नो गोमन्तमश्विना सुवीरं सुरथं रयिम् । वोळहमश्वावतीरिषेः १०
 वावृधाना शुभस्पती दस्त्रा हिरण्यवर्तनी । पिबतं सोम्यं मधु ११
 अस्मभ्यं वाजिनीवसू मघवद्भ्यश्च सप्रथः । छुर्दिर्यन्तमदाभ्यम् १२
 नि षु ब्रह्म जनानां याविष्टं तूयमा गतम् । मो ष्वश्याँ उपारतम् १३
 अस्य पिबतमश्विना युवं मदस्य चारुणः । मध्वो रातस्य धिषण्या १४
 अस्मे आ वहतं रयिं शतवन्तं सहस्रिणम् । पुरुक्षुं विश्वधायसम् १५
 पुरुत्रा चिद्धि वा नरा विह्वयन्ते मनीषिणः । वाघद्भिरश्विना गतम् १६
 जनासो वृक्तबर्हिषो हविष्मन्तो अरंकृतः । युवां हवन्ते अश्विना १७

अस्माकमद्य वामयं स्तोमो वाहिष्ठो अन्तमः । युवाभ्यां भूत्वश्विना १८
 यो ह वां मधुनो दृतिराहितो रथचर्षणे । ततः पिबतमश्विना १९
 तेन नो वाजिनीवसू पश्वे तोकाय शं गवै । वहतं पीवरीरिषः २०
 उत नो दिव्या इष उत सिन्धूरहर्विदा । अपु द्वारैव वर्षथः २१
 कदा वां तौग्रयो विधत् समुद्रे जहितो नरा । यद् वां रथो विभिष्यतात् २२
 युवं कणवाय नासत्याऽपिरिप्ताय हर्म्ये । शश्वदूतीदशस्यथः २३
 ताभिरा यातमूतिभिर्नव्यसीभिः सुशस्तिभिः । यद् वां वृषणवसू हुवे २४
 यथा चित् कणवमावतं प्रियमैधमुपस्तुतम् । अत्रिं शिञ्जारमश्विना २५
 यथोत कृत्वये धनेऽशुं गोष्वगस्त्यम् । यथा वाजेषु सोभरिम् २६
 एतावद् वां वृषणवसू अतो वा भूयो अश्विना । गृणन्तः सुम्रमीमहे २७
 रथं हिरण्यवन्धुरं हिरण्यभाभीशुमश्विना । आ हि स्थाथो दिविस्पृशम् २८
 हिरण्ययीं वां रभिरीषा अक्षौ हिरण्ययः । उभा चक्रा हिरण्यया २९
 तेन नो वाजिनीवसू परावतश्चिदा गतम् । उपेमां सुष्टुतिं मम ३०
 आ वहेथे पराकात् पूर्विरशनन्तावश्विना । इषो दासीरमर्त्या ३१
 आ नो द्युमैरा श्रवोभिरा राया यातमश्विना । पुरुश्चन्द्रा नासत्या ३२
 एह वां पुषितप्सवो वयो वहन्तु पर्णिनः । अच्छा स्वध्वरं जनम् ३३
 रथं वामनुगायसं य इषा वर्तते सह । न चक्रमभि बाधते ३४
 हिरण्ययेन रथेन द्रवत्पाणिभिरश्वैः । धीजवना नासत्या ३५
 युवं मृगं जागृवांसं स्वदथो वा वृषणवसू । ता नः पृङ्क्तमिषा रयिम् ३६
 ता मे अश्विना सनीनां विद्यातुं नवानाम् ।
 यथा चिञ्चैद्यः कशुः शतमुष्टचफट्णानां ददत् सहस्रा दश गोनाम् ३७
 यो मे हिरण्यसंदृशो दश राज्ञो अर्महत ।
 अधस्पदा इञ्चैद्यस्य कृष्टयश्चर्मन्ना अभितो जनाः ३८
 मार्किरेना पथा गाद् येनेमे यन्ति चेदयः ।
 अन्यो नेत् सूरिरोहते भूरिदावत्तरो जनः ३९

(१२४) चतुर्विंशत्युत्तरशततमं सूक्तम्

(१-४८) अष्टचत्वारिंशदृचस्यास्य सूक्तस्य काण्वो वत्स ऋषिः । (१-४५)

प्रथमादिपञ्चचत्वारिंशदृचामिन्द्रः, (४६-४८) षट्चत्वारिंश्यादितृचस्य च

पारशव्यस्य तिरिन्दिरस्य दानस्तुतिर्देवते । गायत्री छन्दः

म॒हाँ इन्द्रो॑ य ओज॑सा पु॒र्जन्यो॑ वृष्टि॒माँ इ॒व । स्तोमै॑र्व॒त्सस्य॑ वावृ॒धे १
 प्र॒जामृ॑तस्य पिप्र॒तः प्र यद् भर॑न्त॒ वह्न॑यः । विप्रो॑ ऋ॒तस्य॑ वाह॑सा २
 क॒णवा॑ इन्द्रं॒ यद॑क्र॒तु स्तोमै॑र्यज्ञस्य साध॑नम् । ज॒मि ब्रु॑वत॒ आयु॑धम् ३
 स॒मस्य॑ म॒न्यवे॑ विशो॒ विश्वा॑ नमन्त॒ कृष्ट॑यः । स॒मुद्रा॑यैव॒ सिन्ध॑वः ४
 ओज॑स्तद॒स्य तित्ति॑ष उ॒भे यत् स॒मव॑र्तयत् । इन्द्रश्च॑मै॒व रोद॑सी ५
 वि चि॑द् वृ॒त्रस्य॑ दोध॑तो वज्रै॒ण श॑तप॑र्वणा । शिरो॑ बिभेद॒ वृष्णि॑ना ६
 इ॒मा अ॒भि प्र शौ॑नुमो वि॒पाम॑ग्रेषु धी॒तयः॑ । अ॒ग्नेः शो॑चिर्न दि॒द्युतः॑ ७
 गु॒हा स॒तीरु॑प॒ त्मना॑ प्र यच्छोच॑न्त॒ धीत॑यः । क॒णवा॑ ऋ॒तस्य॑ धार॑या ८
 प्र त॑मिन्द्र॒ नशी॑महि॒ रयि॑ गोम॑न्तम॒श्विन॑म् । प्र ब्र॑ह्म॒ पूर्व॑चित्तये ९
 अ॒हमि॑द्धि पि॒तुष्परि॑ मे॒धामृ॑तस्य॒ जग॑र्भ । अ॒हं सूर्य॑ इ॒वाज॑नि १०
 अ॒हं प्र॒वेन॑ म॒र्म्मा॒ गिरः॑ शु॒भ्भामि॑ क॒णव॑वत् । येनेन्द्रः॑ शु॒ष्ममि॑द् द॒धे ११
 ये त्वा॑मिन्द्र॒ न तुष्टु॑वु ऋ॒षयो॑ ये च॒ तुष्टु॑वुः । ममेद् वर्ध॑स्व सुष्टु॑तः १२
 यद॑स्य म॒न्युरध्व॑नीद् वि वृ॒त्रं प॑र्व॒शो रु॑जन् । अ॒पः स॑मु॒द्रमै॑रयत् १३
 नि शु॒ष्णा इन्द्र॑ ध॒र्णासि॑ वज्रं॒ जघ॑न्थ॒ दस्य॑वि । वृ॒षा ह्यु॑ग्र शृ॒गिव॑षे १४
 न द्या॑व॒ इन्द्र॑मोजा॒ नान्तरि॑क्षाणि व॒ज्रिण॑म् । न वि॒व्यच॑न्त॒ भूम॑यः १५
 यस्त॑ इन्द्र॒ मही॑रपः स्त॒भूय॑मान॒ आश॑यत् । नि तं प॒द्यासु॑ शि॒शन॑थः १६
 य इमे॑ रोद॑सी म॒ही स॑मी॒ची स॒मज॑ग्रभीत् । तमो॑भिरिन्द्र॒ तं गु॑हः १७
 य इन्द्र॑ यत॑यस्त्वा भृ॒गवो॑ ये च॒ तुष्टु॑वुः । ममेदु॑ग्र श्रु॒धी ह॑वम् १८
 इ॒मास्त॑ इन्द्र॒ पृश्न॑यो घृ॒तं दु॑हत आ॒शिर॑म् । ए॒नामृ॑तस्य॒ पिप्यु॑षीः १९
 या इन्द्र॑ प्र॒स्वस्त्वा ऽऽसा॑ गर्भ॑मच॒क्रिर॑न् । प॒रि ध॑मै॒व सूर्य॑म् २०
 त्वा॑मिच्छ॒वस॑स्पते॒ क॒णवा॑ उ॒क्थेन॑ वावृ॒धुः । त्वां सु॑तास॒ इन्द॑वः २१
 तवेदि॑न्द्र॒ प्रणी॑तिषू॒त प्र॑श॒स्तिर॑द्रि॒वः । यु॒ज्ञो वि॑तन्त॒साय्यः॑ २२
 आ न॑ इन्द्र॒ मही॑मिषं॒ पुरं॑ न द॑र्षि गोम॑तीम् । उ॒त प्र॒जां सु॑वीर्यम् २३
 उ॒त त्य॑दा॒श्वश्च॑यं यदिन्द्र॒ नाहु॑षी॒ष्वा । अ॒ग्रे वि॒क्षु प्र॑दीद॑यत् २४
 अ॒भि वृ॒जं न त॑त्तिषे॒ सूर॑ उ॒पाक॑च॒क्षस॑म् । यदिन्द्र॒ मृळ॑या॒सि नः॑ २५
 यद॑ङ्ग॒ तवि॑षी॒यस॑ इन्द्र॒ प्र॒राज॑सि॒ क्षितीः॑ । म॒हाँ अ॒पार॑ ओज॑सा २६
 तं त्वा॑ ह॒विष्म॑ती॒र्विश॑ उप॑ ब्रुवत॒ ऊत॑यै । उ॒रुज॑र्य॒समि॑न्दुभिः २७
 उ॒प॒हरे॑ गि॒रीणां॑ स॒ग॒थे च॑ न॒दीना॑म् । धि॒या विप्रो॑ अ॒जाय॑त २८
 अ॒र्तः स॑मु॒द्रमु॑द॒तश्चि॑क्त्वाँ अ॒व प॑श्यति । यतौ॑ वि॒पान॑ ए॒जति॑ २९
 आदि॑त् प्र॒त्नस्य॑ रे॒तसो॑ ज्योति॑ष्पश्यन्ति वा॒सर॑म् । प॒रो य॑दि॒ध्यतै॑ दि॒वा ३०

क॒रवा॑स इन्द्र ते म॒तिं वि॒श्वे वर्ध॑न्ति पौ॒स्यम् । उ॒तो श॑विष्ठ वृ॒ष्ण्यम् ३१
 इ॒मां म॑ इन्द्र सु॒ष्टुतिं जु॑षस्व प्र सु॒ माम॑व । उ॒त प्र॑ वर्धया म॒तिम् ३२
 उ॒त ब्र॑ह्म॒णया व॒यं तु॒भ्यं प्र॑वृद्ध व॒ज्रिवः । वि॒प्रा अ॒तद्म जी॒वसे ३३
 अ॒भि क॒रवा॑ अनूष॒ताऽऽपो॑ न प्र॒वता॑ य॒तीः । इन्द्रं॑ व॒नन्व॑ती म॒तिः ३४
 इन्द्र॑मु॒क्थानि॑ वावृ॒धुः समु॑द्रमि॒व सि॒न्धवः । अ॒नुत्त॑म॒न्युम॑ज॒रम् ३५
 आ नो॑ याहि प॒राव॑तो ह॒रिभ्यां॑ ह॒र्यता॑भ्याम् । इ॒ममिन्द्र॑ सु॒तं पि॑ब ३६
 त्वा॒मिद् वृ॒त्रह॑न्तम् ज॒नासो॑ वृ॒क्तब॑र्हिषः । ह॒वन्ते॑ वा॒जसा॑तये ३७
 अ॒नु त्वा॑ रो॒दसी॑ उ॒भे च॒क्रं न वृ॑त्येत॒शम् । अ॒नु सु॒वा॒नास॒ इन्द्र॑वः ३८
 म॒न्दस्वा॑ सु॒ स्वर्ण॑र उ॒तेन्द्र॑ श॒र्यणा॑व॒ति । म॒त्स्वा वि॒वस्व॑तो म॒ती ३९
 वा॒वृ॒धान॑ उ॒प द्य॒वि वृ॑षा वृ॒ज्यरो॑रवीत् । वृ॒त्रहा॑ सौ॒मपा॑तमः ४०
 ऋ॒षिर्हि पू॒र्वजा॑ अ॒स्ये क॒ ईशा॑न् ओ॒जसा॑ । इन्द्र॑ चोष्कू॒यसे॑ वसु ४१
 अ॒स्माकं॑ त्वा सु॒तां उ॒प वी॑तपृ॒ष्ठा अ॒भि प्र॑यः । श॒तं व॑हन्तु ह॒रयः॑ ४२
 इ॒मां सु॒ पू॒र्व्या धि॒यं म॒धौर्धृ॑तस्य॒ पि॒प्युषी॑म् । क॒रवा॑ उ॒क्थेन॑ वावृ॒धुः ४३
 इन्द्र॑मिद् वि॒मही॑नां मे॒धे वृ॑णीत॒ मर्त्यः॑ । इन्द्र॑ स॒निष्यु॑रू॒तये॑ ४४
 अ॒र्वाञ्च॑ त्वा पु॒रुष्ट॑त प्रि॒यमै॑धस्तु॒ता ह॑री । सो॒मपे॑याय व॒क्षतः॑ ४५
 श॒तम॑हं ति॒रिन्द्रि॑रे॒ सह॑स्रं प॒र्शावा॑ द॒दे । रा॒धासि॑ या॒द्वाना॑म् ४६
 त्री॒णि श॑तान्य॒र्वतां॑ स॒हस्रा॑ द॒श गो॑नाम् । द॒दुष्प॑जाय॒ साम्ने॑ ४७
 उ॒दान॑ट् ककु॒हो दि॒व मु॒ष्ट्राञ्च॑तु॒र्युजो॑ द॒दत् । श्र॑व॒सा या॒द्वं ज॑नम् ४८

(१२५) पञ्चविंशत्युत्तरशततमं सूक्तम्

(१-३६) षट्त्रिंशदृचस्यास्य सूक्तस्य कारवः पुनर्वत्स ऋषिः । मरुतो देवताः ।

गायत्री छन्दः

प्र यद् व॑स्त्रि॒ष्टुभ॑मिषं म॒रुतो॑ वि॒प्रो अ॒क्षर॑त् । वि॒ पर्व॑तेषु राजथ १
 यद॒ङ्ग त॑विषीय॒वो या॑मं शु॒भ्रा अ॒चि॒ध्वम् । नि॒ पर्व॑ता अ॒हास॑त २
 उ॒दीर॑यन्त वा॒युभि॑र्वा॒श्रासः॑ पृ॒श्निमा॑तरः । धु॒क्षन्त॑ पि॒प्युषी॑मिषम् ३
 व॒पन्ति॑ म॒रुतो॑ मि॒हं प्र॑ वैप॒यन्ति॑ पर्व॒तान् । यद् या॑मं या॒न्ति वा॒युभिः॑ ४
 नि यद् या॑माय वो गि॒रिर्नि॑ सि॒न्धवो॑ वि॒धर्म॑णे । म॒हे शु॑ष्माय ये॒मिरे॑ ५
 यु॒ष्मां उ॒ नक्त॑मू॒तये॑ यु॒ष्मान् दि॒वा ह॑वामहे । यु॒ष्मान् प्र॑य॒त्यध्व॑रे ६
 उ॒दु त्ये अ॑रु॒णप्स॑व॒श्चित्रा॑ या॒मैभि॑रीरते । वा॒श्रा अ॒धि ष्णु॑ना दि॒वः ७
 सृ॒जन्ति॑ र॒श्मिमो॑ज॒सा प॑न्थां सूर्याय॒ यात॑वे । ते भ॒ानु॑भिर्वि॒ त॑स्थिरे ८

इमां मे मरुतो गिरि॑मिमं॒ स्तोम॑मृभुक्ष॒णः । इमं मे वन॑ता हव॒म् ६
 त्रीणि॑ सरा॒सि पृश्न॑यो दुदु॒हे वृ॒ज्जिणे॑ मधु॒ । उत्सं॑ कर्वन्धमुद्रि॒णम् १०
 मरु॑तो यद्ध॒ वो दि॒वः सु॒म्राय॑न्तो हवामहे । आ तू न॒ उप॑ गन्तन ११
 यूयं॑ हि ष्ठा सु॒दानवो॑ रुद्रा॒ ऋभु॑क्ष॒णो दमे॑ । उ॒त प्र॑चैतसो मदै॑ १२
 आ नो॑ र॒यिं मद॑च्युतं पुरु॒क्षुं वि॒श्वधा॑यसम् । इय॑र्ता मरुतो दि॒वः १३
 अधी॑व॒ यद् गिरी॑णां याम॑ शुभ्रा अचि॑ध्वम् । सु॒वानै॑र्मन्दध्व॒ इन्दु॑भिः १४
 एता॑वतश्चि॒देषां॑ सु॒म्रं भि॑क्षेत् म॒र्त्यः । अ॒दाभ्य॑स्य म॒न्मभिः॑ १५
 ये द्र॒प्सा इ॒व रोद॑सी ध॒मन्त्य॑नु वृ॒ष्टिभिः॑ । उत्सं॑ दुहन्तो अ॒क्षित॑म् १६
 उदु॑ स्वा॒नेभिरी॑रत् उद् रथै॒रुदु॑ वा॒युभिः॑ । उ॒त् स्तो॑मैः पृश्नि॒मातरः॑ १७
 येना॑व तुर्व॒शं यदु॑ येन॒ कण॑र्व धन॒स्पृत॑म् । रा॒ये सु॑ तस्य॒ धीम॑हि १८
 इमा॑ उ॒ वः सु॒दानवो॑ घृ॒तं न पि॑प्युषी॒रिषः॑ । व॒धान् का॑णवस्य म॒न्मभिः॑ १९
 क्व॑ नूनं सु॒दानवो॑ मद॒था वृ॑क्तब॒र्हिषः॑ । ब्र॒ह्मा को वः॑ सपर्यति २०
 न॒हि ष्म॒ यद्ध॒ वः पु॒रा स्तो॑मै॒र्भिवृ॑क्तब॒र्हिषः॑ । श॒धाँ ऋ॒तस्य॑ जिन्व॒थ २१
 समु॑ त्ये म॒हती॑रपः॒ सं क्षो॑णी समु॒ सूर्य॑म् । सं व॒ज्रं प॑र्व॒शो द॑धुः २२
 वि॒ वृ॒त्रं प॑र्व॒शो य॑यु॒र्वि प॑र्व॒ताँ अ॒राजि॑नः । च॒क्राणा॑ वृ॒ष्णि पौ॑स्यम् २३
 अ॒नु त्रि॑तस्य यु॒ध्यतः॑ शु॒ष्ममा॑वन्न॒त क्र॑तुम् । अ॒न्विन्द्र॑ वृ॒त्रतू॑र्ये २४
 वि॒द्युद्ध॑स्ता अ॒भिद्य॑वः शि॒प्राः शी॑र्षन् हि॒रण्य॑यीः । श॒भ्रा व्य॑ज्जत श्रि॒ये २५
 उ॒शना॑ यत् प॑रा॒वत॑ उ॒क्षो र॑न्ध्रम॒यात॑न । द्यौर्न च॑क्रदद् भि॒या २६
 आ नो॑ म॒खस्य॑ दा॒वने ऽश्वै॑र्हि॒रण्य॑पाणिभिः । दे॒वांस॒ उप॑ गन्तन २७
 यदै॑षां पृष॒ती रथे॑ प्र॒ष्टिर्व॑हति रोहि॒तः । यान्ति॑ श॒भ्रा रि॒णन्न॑पः २८
 सु॒षोमै॑ श॒र्यणा॑व॒ त्यार्जी॑के प॒स्त्या॑वति । य॒युर्नि॑चक्र॒या नरः॑ २९
 क॒दा ग॑च्छाथ मरु॒त इ॒त्था वि॒प्रं ह॑व॒मान॑म् । मा॒र्डीके॑भिर्ना॒धमा॑नम् ३०
 कद्ध॑ नूनं क॑धप्रि॒यो य॑दिन्द्रम॒जहा॑तन । को वः॑ सखि॒त्व औ॑हते ३१
 स॒हो षु॒ णो व॑ज्रह॒स्तैः क॑णवा॒सो अ॒ग्निं म॒रुद्भिः॑ । स्तु॒षे हि॑र॒ण्यवा॑शीभिः ३२
 ओ षु॒ वृ॒ष्णाः प्र॑य॒ज्यु॒ना न॑व्य॒से सु॑वि॒ताय॑ । वृ॒वृ॒त्यां चि॒त्रवा॑जान् ३३
 गि॒रय॑श्चि॒न्नि जि॑हते प॒र्शाना॑सो म॒न्यमा॑नाः । प॑र्व॒ताश्चि॒न्नि यै॑मिरे ३४
 आ॒क्षणा॑यावा॒नो वह॑न्त्यन्त॒रिक्षे॑ण प॒ततः॑ । धा॒तारः॑ स्तु॒वते॑ व॒यः ३५
 अ॒ग्निर्हि॑ जा॒निं पू॒र्व्यं श॑छन्दो न सूरौ अ॒र्चिषा॑ । ते भानु॑भिर्वि॒ तस्थि॑रे ३६

(१२६) षड्विंशत्युत्तरशततमं सूक्तम्

(१-२३) त्रयोविंशत्यृचस्यास्य सूक्तस्य काण्वः सध्वंस ऋषिः । अश्विनौ देवते ।

अनुष्टुप् छन्दः

आ नो विश्वाभिरूतिभि रश्विना गच्छतं युवम् ।
 दस्त्रा हिरण्यवर्तनी पिबतं सोम्यं मधु १
 आ नूनं यातमश्विना रथेन सूर्यत्वचा ।
 भुजी हिरण्यपेशसा कवी गम्भीरचेतसा २
 आ यातुं नहुषस्पर्या ऽन्तरिक्षात् सुवृक्तिभिः ।
 पिबाथो अश्विना मधु कण्वानां सर्वने सुतम् ३
 आ नो यातं दिवस्पर्या ऽन्तरिक्षादधप्रिया ।
 पुत्रः कण्वस्य वामिह सुषाव सोम्यं मधु ४
 आ नो यातमुपश्रुत्यश्विना सोमपीतये ।
 स्वाहा स्तोमस्य वर्धना प्र कवी धीतिभिर्नरा ५
 यच्चिद्धि वां पुर ऋषयो जुहूरेऽवसे नरा ।
 आ यातमश्विना गतमुपेमां सुष्टुतिं मम ६
 दिवश्चिद् रोचनादध्या नो गन्तं स्वर्विदा ।
 धीभिर्वत्सप्रचेतसा स्तोमैभिर्हवनश्रुता ७
 किमन्ये पर्यासते ऽस्मत् स्तोमैभिरश्विना ।
 पुत्रः कण्वस्य वामृषिर्गीर्भिर्वत्सो अवीवृधत् ८
 आ वां विप्र इहावसे ऽहत् स्तोमैभिरश्विना ।
 अरिप्रा वृत्रहन्तमा ता नो भूतं मयोभुवा ९
 आ यद् वां योषणा रथमतिष्ठद् वाजिनीवसू ।
 विश्वान्यश्विना युवं प्र धीतान्यगच्छतम् १०
 अतः सहस्रनिर्णिजा रथेना यातमश्विना ।
 वत्सो वां मधुमद् वचो ऽर्शसीत् काव्यः कविः ११
 पुरुमन्द्रा पुरुवसू मनोतरा रयीणाम् ।
 स्तोम मे अश्विनाविममभि वही अनूषाताम् १२
 आ नो विश्वान्यश्विना धत्तं राधांस्यहया ।
 कृतं न ऋत्वियावतो मा नो रीरधतं निदे १३
 यन्नासत्या परावति यद् वा स्थो अध्यम्बरे ।

अतः सहस्रनिर्णिजा रथेना यातमश्विना १४
 यो वा नासत्यावृषिर्गीर्भिर्वत्सो अवीवृधत् ।
 तस्मै सहस्रनिर्णिजमिषं धत्तं घृतश्चुतम् १५
 प्रास्मा ऊर्जं घृतश्चुतमश्विना यच्छतं युवम् ।
 यो वा सुम्राय तुष्टवद् वसूयाद् दानुनस्पती १६
 आ नो गन्तं रिशादसे मं स्तोमं पुरुभुजा ।
 कृतं नः सुश्रियो नरे मा दातमभिष्टये १७
 आ वां विश्वाभिरूतिभिः प्रियमैधा अहूषत ।
 राजन्तावध्वराणां मश्विना यामहृतिषु १८
 आ नो गन्तं मयोभुवा ऽश्विना शंभुवा युवम् ।
 यो वा विपन्यू धीतिभिर्गीर्भिर्वत्सो अवीवृधत् १९
 याभिः कण्वं मेधातिथिं याभिर्वशं दशव्रजम् ।
 याभिर्गोशर्यमावतं ताभिर्नोऽवतं नरा २०
 याभिर्नरा त्रसदस्यु मावतं कृत्वये धने ।
 ताभिः प्वश्माँ अश्विना प्रावतं वाजसातये २१
 प्र वां स्तोमाः सुवृक्तयो गिरौ वर्धन्त्वश्विना ।
 पुरुत्रा वृत्रहन्तमा ता नो भूतं पुरुस्पृहा २२
 त्रीणि पदान्यश्विनो राविः सान्ति गुहा परः ।
 कवी ऋतस्य पत्न्यभि र्वाग्जीवेभ्यस्परि २३

(१२७) सप्तविंशत्युत्तरशततमं सूक्तम्

(१-२१) एकविंशत्युत्तरशततमं सूक्तस्य कारवः शशकर्ण ऋषिः । अश्विनौ देवते ।
 (१, ४, ६, १४-१५) प्रथमाचतुर्थीषष्ठीचतुर्दशीपञ्चदशीनामृचां बृहती, (२-३,
 २०-२१) द्वितीयातृतीयाविंशयेकविंशीनां गायत्री, (५) पञ्चम्याः ककुप् (७-९,
 १३, १६-१९) सप्तम्यादितृचस्य त्रयोदश्या षोडश्यादिचतसृणाञ्चानुष्टुप्, (१०)
 दशम्यास्त्रिष्टुप्, (११) एकादश्या विराट्, (१२) द्वादश्याश्च जगती छन्दांसि
 आ नूनमश्विना युवं वत्सस्य गन्तमवसे ।
 प्रास्मै यच्छतमवृकं पृथु छर्दि र्युयुतं या अरातयः १
 यदन्तरिक्षे यद् दिवि यत् पञ्च मानुषाँ अनु ।
 नृणां ततद् धत्तमश्विना २

ये वां दंसास्यश्विना विप्रांसः परिमामृशुः ।
 एवेत् काणवस्य बोधतम् ३
 अयं वा घर्मो अश्विना स्तोमैन् परि षिच्यते ।
 अयं सोमो मधुमान् वाजिनीवसू येन वृत्रं चिकेतथः ४
 यदप्सु यद् वनस्पतौ यदोषधीषु पुरुदंससा कृतम् ।
 तेन माविष्टमश्विना ५
 यन्नासत्या भुरणयथो यद् वा देव भिषज्यथः ।
 अयं वा वत्सो मतिभिर्न विन्धते हविष्मन्तं हि गच्छथः ६
 आ नूनमश्विनोऽर्षिः स्तोमं चिकेत वामया ।
 आ सोमं मधुमत्तमं घर्मं सिञ्चादथर्वणि ७
 आ नूनं रघुवर्तनिं रथं तिष्ठाथो अश्विना ।
 आ वां स्तोमा इमे मम नभो न चुच्यवीरत ८
 यदद्य वा नासत्यो कथैराचुच्युवीमहि ।
 यद् वा वाणीभिरश्विने वेत् काणवस्य बोधतम् ९
 यद् वा कक्षीवाँ उत यद् व्यश्च ऋषिर्यद् वा दीर्घतमा जुहाव ।
 पृथी यद् वा वैन्यः सादनेष्वे वेदतो अश्विना चेतयेथाम् १०
 यातं छर्दिष्पा उत नः परस्पा भूतं जगत्पा उत नस्तनूपा ।
 वर्तिस्तोकाय तनयाय यातम् ११
 यदिन्द्रेण सरथं याथो अश्विना यद् वा वायुना भवथः समोकसा ।
 यदादित्येभिर्ऋभुभिः सजोषसा यद् वा विष्णोर्विक्रमणेषु तिष्ठथः १२
 यदद्याश्विनावहं हुवेयु वाजसातये ।
 यत् पृत्सु तुर्वणे सह स्तच्छ्रेष्ठमश्विनोरवः १३
 आ नूनं यातमश्विने मा हव्यानि वां हिता ।
 इमे सोमासो अधि तुर्वणे यदा विमे कण्वेषु वामथ १४
 यन्नासत्या पराके अवाकि अस्ति भेषजम् ।
 तेन नूनं विमदाय प्रचेतसा छर्दिर्वत्साय यच्छतम् १५
 अभुत्स्यु प्र देव्या साकं वाचाहमश्विनौः ।
 व्यावर्देव्या मतिं वि रातिं मर्त्येभ्यः १६
 प्र बौधयोषो अश्विना प्र दैवि सूनृते महि ।
 प्र यज्ञहोतरानुषक् प्र मदाय श्रवौ बृहत् १७

यदुषो यासि भानुना सं सूर्येण रोचसे ।
 आ हायमश्विनो रथो वर्तिर्याति नृपाय्यम् १८
 यदार्पीतासो अंशवो गावो न दुह ऊर्धभिः ।
 यद् वा वाणीरनूषतु प्र देवयन्तौ अश्विना १९
 प्र द्युम्नाय प्र शर्वसे प्र नृषाह्याय शर्मणे ।
 प्र दक्षाय प्रचेतसा २०
 यन्नूनं धीभिरश्विना पितुर्योना निषीदथः ।
 यद् वा सुप्तेभिरुक्थ्या २१

(१२८) अष्टाविंशत्युत्तरशततमं सूक्तम्

(१-६) षडृचस्यास्य सूक्तस्य घौरः प्रगाथ ऋषिः । अश्विनौ देवते । (१)
 प्रथमर्चा बृहती, (२) द्वितीयाया मध्येज्योतिस्त्रिष्टुप्, (३) तृतीयाया अनुष्टुप्,
 (४) चतुर्थ्या आस्तारपङ्क्तिः, (५-६) पञ्चमीषष्ठयोश्च प्रगाथः (पञ्चम्या बृहती,
 षष्ठ्याः सतोबृहती) छन्दांसि
 यत् स्थो दीर्घप्रसघनि यद् वादो रौचने दिवः ।
 यद् वा समुद्रे अध्याकृते गृहे ऽतु आ यातमश्विना १
 यद् वा यज्ञं मनवे संमिमिक्षथुरेवेत् काणवस्य बोधतम् ।
 बृहस्पतिं विश्वान् देवाँ अहं हुव इन्द्राविष्णूँ अश्विनावाशुहेषसा २
 त्या न्वश्विना हुवे सुदंससा गृभे कृता ।
 ययोरस्ति प्र णः सख्यं देवेष्वध्याप्यम् ३
 ययोरधि प्र यज्ञा असूरे सन्ति सूरयः ।
 ता यज्ञस्याध्वरस्य प्रचेतसा स्वधाभिर्या पिबतः सोम्यं मधु ४
 यद्वाश्विनावपाग् यत् प्राक् स्थो वाजिनीवसू ।
 यद् द्रुह्यव्यनवि तुर्वशे यदौ हुवे वामथ मा गतम् ५
 यदन्तरिक्षे पतथः पुरुभुजा यद् वेमे रोदसी अनु ।
 यद् वा स्वधाभिरधितिष्ठथो रथ मत् आ यातमश्विना ६

(१२९) एकोनत्रिंशदुत्तरशततमं सूक्तम्

(१-१०) दशर्चस्यास्य सूक्तस्य काणवो वत्स ऋषिः । अग्निर्देवता । (१)
 प्रथमर्चः प्रतिष्ठा गायत्री, (२) द्वितीयाया वर्धमाना गायत्री, (३-६)

तृतीयादिसप्तानां गायत्री, (१०) दशम्याश्च त्रिष्टुप् छन्दांसि
 त्वमग्ने व्रत॒पा अ॒सि दे॒व आ म॒र्त्येष्वा । त्वं यु॒ज्ञेष्वी॒ड्यः १
 त्वम॑सि प्र॒शस्यो॑ वि॒दथै॑षु स॒हन्त्य । अ॒ग्ने र॒थीर॑ध्व॒राणाम् २
 स त्वम॑स्मदप॒ द्विषो॑ यु॒योधि॑ जा॒तवे॑दः । अ॒दे॒वीर॑ग्ने अ॒रातीः ३
 अ॒न्ति चि॒त् सन्त॑मह॒ युज्ञं॑ म॒र्तस्य॑ रि॒पोः । नोप॑ वेषि जा॒तवे॑दः ४
 म॒र्ता अ॒मर्त्य॑स्य ते भूरि॒ नाम॑ म॒नाम॑हे । वि॒प्रा॒सो जा॒तवे॑दसः ५
 वि॒प्रं वि॒प्रा॒सोऽव॑से दे॒वं म॒र्तास॑ ऊ॒तये॑ । अ॒ग्निं गी॒र्भिर्ह॑वामहे ६
 आ तै व॒त्सो म॒नो यम॑त् प॒रमा॑च्चि॒त् स॒धस्था॑त् । अ॒ग्ने त्वांका॑मया गि॒रा ७
 पु॒रुत्रा॑ हि स॒दृङ्ङसि॑ वि॒शो वि॒श्वा अ॒नु प्र॑भुः । स॒मत्सु॑ त्वा ह॒वाम॑हे ८
 स॒मत्स्व॒ग्निम॑व॒से वा॒जय॑न्तो ह॒वाम॑हे । वा॒जेषु॑ चि॒त्राध॑सम् ९
 प्र॒तो हि क॒मीड्यो॑ अध्व॒रेषु॑ स॒नाञ्च॑ हो॒ता न॒व्यश्च॑ स॒त्सि ।
 स्वां चा॑ग्ने त॒न्व पि॒प्रय॑स्वा॒ऽस्मभ्य॑ च॒ सौभ॑ग॒मा य॑जस्व १०
 इति पञ्चमोऽष्टकः

अथषष्ठोऽष्टकः

। व० १-४०

प्रथमोऽध्यायः

(१) प्रथमं सूक्तम्

(१-३३) त्रयस्त्रिंशदृचस्यास्य सूक्तस्य कारवः पर्वत ऋषिः । इन्द्रो देवता ।

उष्णिक् छन्दः

य इन्द्र सोमपातमो मदः शविष्टु चेतति । येना हंसि न्यत्रिणं तमीमहे १
येना दशग्वमधिगुं वेपयन्तं स्वर्णरम् । येना समुद्रमाविथा तमीमहे २
येन सिन्धुं महीरपो रथाँ इव प्रचोदयः । पन्थामृतस्य यातवे तमीमहे ३
इमं स्तोममभिष्टये घृतं न पूतमद्रिवः । येना नु सद्य ओजसा ववक्षिथ ४
इमं जुषस्व गिर्वणः समुद्र इव पिन्वते । इन्द्र विश्वाभिरूतिभिर्ववक्षिथ ५
यो नो देवः परावतः सखित्वनाय मामहे । दिवो न वृष्टिं प्रथयन्ववक्षिथ ६

ववक्षुरस्य केतव उत वज्रो गर्भस्त्योः । यत् सूर्यो न रोदसी अवर्धयत् ७
यदि प्रवृद्ध सत्पते सहस्रं महिषाँ अर्घः । आदित् त इन्द्रियं महि प्र वावृधे ८

इन्द्रः सूर्यस्य रश्मिभिर्न्यर्शसानमौषति । अग्निर्वनैव सासहिः प्र वावृधे ९
इयं त अत्विषावती धीतिरैति नवीयसी । सपर्यन्ती पुरुप्रिया मिमीत इत् १०

गर्भो यज्ञस्य देवयुः क्रतुं पुनीत आनुषक् । स्तोमैरिन्द्रस्य वावृधे मिमीत इत् ११

सनिर्मित्रस्य पप्रथ इन्द्रः सोमस्य पीतये । प्राची वाशीव सुन्वते मिमीत इत् १२

यं विप्रा उक्थवाहसो ऽभिप्रमुन्दुरायवः । घृतं न पिप्य आसन्मृतस्य यत् १३
उत स्वराजे अदितिः स्तोममिन्द्राय जीजनत् । पुरुप्रशस्तमृतय अतस्य यत् १४

अभि वह्नय ऊतये ऽनूषत् प्रशस्तये । न दैव विव्रता हरीं अतस्य यत् १५
यत् सोममिन्द्र विष्णावि यद् वा घ त्रित आप्तये । यद् वा मरुत्सु मन्दसे
समिन्दुभिः १६

यद् वा शक्र परावति समुद्रे अधि मन्दसे । अस्माकमित् सुते रणा

समिन्दुभिः १७

यद् वासि सुन्वतो वृधो यजमानस्य सत्पते । उक्थे वा यस्य रण्यसि

समिन्दुभिः १८

देवदैवं वोऽवस इन्द्रमिन्द्रं गृणीषणि । अधा यज्ञाय तुर्वणे व्यानशुः १९

यज्ञेभिर्यज्ञवाहसं सोमैभिः सोमपातमम् । होत्राभिरिन्द्रे वावृधुव्यानशुः २०

महीरस्य प्रणीतयः पूर्वीरुत प्रशस्तयः । विश्वा वसूनि दाशुषे व्यानशुः २१

इन्द्रं वृत्राय हन्तवे देवासौ दधिरे पुरः । इन्द्रं वाणीरनूषता समोजसे २२

महान्तं महिना वयं स्तोमैभिर्हवनश्रुतम् । अकैरभि प्र णौनुमः समोजसे २३

न यं विविक्तो रोदसी नान्तरिक्षाणि वज्रिणम् । अमादिदस्य तित्विषे

समोजसः २४

यदिन्द्र पृतनाज्ये देवास्त्वा दधिरे पुरः । आदित् ते हर्यता हरी ववक्षतुः

२५

यदा वृत्रं नदीवृतं शर्वसा वज्रिन्नवधीः । आदित् ते हर्यता हरी ववक्षतुः

२६

यदा ते विष्णुरोजसा त्रीणि पदा विचक्रमे । आदित् ते हर्यता हरी ववक्षतुः

२७

यदा ते हर्यता हरी वावृधाते दिवेदिवे । आदित् ते विश्वा भुवनानि येमिरे

२८

यदा ते मारुतीर्विशस्तुभ्यमिन्द्र नियेमिरे । आदित् ते विश्वा भुवनानि

येमिरे २९

यदा सूर्यमुं दिवि शक्रं ज्योतिरधारयः । आदित् ते विश्वा भुवनानि येमिरे

३०

इमां त इन्द्र सुष्टुतिं विप्र इयर्ति धीतिभिः । जामिं पदेव पिप्रतीं प्राध्वरे ३१

यदस्य धामनि प्रिये समीचीनासो अस्वरन् । नाभा यज्ञस्य दोहना प्राध्वरे

३२

सुवीर्यं स्वश्वयं सुगव्यमिन्द्र दद्धि नः । होतैव पूर्वचित्तये प्राध्वरे ३३

तृतीयोऽनुवादकः । सू० १३-२०

(२) द्वितीयं सूक्तम्

(१-३३) त्रयस्त्रिंशदृचस्यास्य सूक्तस्य काण्वो नारद ऋषिः । इन्द्रो देवता ।

उष्णिक् छन्दः

इन्द्रः सुतेषु सोमेषु क्रतुं पुनीत उक्थ्यम् । विदे वृधस्य दक्षसो महान् हि षः

१

स प्रथमे व्योमनि देवानां सदाने वृधः । सुपारः सुश्रवस्तमः समप्सुजित् २
तमहे वाजसातय इन्द्रं भराय शुष्मिणम् । भवा नः सुप्ते अन्तमः सखा वृधे

३

इयं त इन्द्र गिर्वणो रातिः क्षरति सुन्वतः । मुन्दानो अस्य बर्हिषो वि राजसि

४

नूनं तदिन्द्र दद्धि नो यत् त्वा सुन्वन्त ईमहे । रयिं नश्चित्रमा भरा स्वर्विदम्

५

स्तोता यत् ते विचर्षणि रतिप्रशर्धयद् गिरः । वया इवानु रोहते जुषन्त यत्

६

प्रववज्जनया गिरः शृणुधी जरितुर्हवम् । मदमदे ववक्षिथा सुकृत्वने ७

क्रीळन्त्यस्य सूनृता आपो न प्रवता यतीः । अया धिया य उच्यते पतिर्दिवः

८

उतो पतिर्य उच्यते कृष्टीनामेक इद् वशी । नमोवृधैरवस्युभिः सुते रण ९

स्तुहि श्रुतं विपश्चितं हरी यस्य प्रसक्षिणा । गन्तारा दाशुषो गृहं नमस्विनः

१०

तूतुजानो महेमते ऽश्वेभिः प्रुषितप्सुभिः । आ याहि यज्ञमाशुभिः शमिद्धि ते

११

इन्द्र शविष्ठ सत्पते रयिं गृणत्सु धारय । श्रवः सूरिभ्यो अमृतं वसुत्वनम्

१२

हवै त्वा सूर उदिते हवै मध्यंदिने दिवः । जुषाण इन्द्र सप्तिभिर्न आ गंहि

१३

आ तू गंहि प्र तु द्रव मत्स्वा सुतस्य गोमतः । तन्तुं तनुष्व पूर्व्य यथा विदे

१४

यच्छक्रासि परावति यदवावति वृत्रहन् । यद् वा समुद्रे अन्धसोऽवितेदसि

१५

इन्द्र वर्धन्तु नो गिर इन्द्र सुतास इन्दवः । इन्द्रै हविष्मतीर्विशो अराणिषुः

१६

तमिद् विप्रा अवस्यवः प्रवत्वंतीभिरूतिभिः । इन्द्रं क्षोणीरवर्धयन् वया इव
१७

त्रिकंद्रुकेषु चेतनं देवासौ यज्ञमन्नत । तमिद् वर्धन्तु नो गिरः सदावृधम् १८
स्तोता यत् ते अनुव्रत उक्थान्यृतुथा दधे । शुचिः पावक उच्यते सो अद्भुतः
१९

तदिद् रुद्रस्य चेतति यंहं प्रत्नेषु धामसु । मनो यत्रा वि तद् दधुर्विचैतसः
२०

यदि मे सख्यमावर इमस्य पाह्यन्धसः । येन विश्वा अति द्विषो अतारिम
२१

कदा ते इन्द्र गिर्वणः स्तोता भवाति शंतमः । कदा नो गव्ये अश्वये वसौ
दधः २२

उत ते सुष्टुता हरी वृषणा वहतो रथम् । अजुर्यस्य मुदिन्तं यमीमहे २३
तमीमहे पुरुष्टतं यंहं प्रत्नाभिरूतिभिः । नि बर्हिषि प्रिये सददध द्विता २४
वर्धस्वा सु पुरुष्टत ऋषिष्टुताभिरूतिभिः । धुक्षस्व पिप्युषीमिषमवा च नः
२५

इन्द्र त्वमवितेदसी तथा स्तुवतो अद्रिवः । ऋतादियमि ते धियं मनोयुजम्
२६

इह त्या संधमाद्या युजानः सोमपीतये । हरी इन्द्र प्रतद्वसू अभि स्वर २७
अभि स्वरन्तु ये तव रुद्रासः सक्षत श्रियम् । उतो मरुत्वतीर्विशो अभि प्रयः
२८

इमा अस्य प्रतूर्तयः पदं जुषन्त यद् दिवि । नाभा यज्ञस्य सं दधुर्यथा विदे
२९

अयं दीर्घाय चक्षसे प्राचि प्रयत्यध्वरे । मिमीते यज्ञमानुषग्विचक्ष्य ३०
वृषायमिन्द्र ते रथ उतो ते वृषणा हरी । वृषा त्वं शतक्रतो वृषा हवः ३१
वृषा गावा वृषा मदो वृषा सोमौ अयं सुतः । वृषा यज्ञो यमिन्वसि वृषा
हवः ३२

वृषा त्वा वृषणं हुवे वज्रिञ्चित्राभिरूतिभिः । वावन्थ हि प्रतिष्ठति वृषा हवः
३३

(३) तृतीयं सूक्तम्

(१-१५) पञ्चदशर्चस्यास्य सूक्तस्य काण्वायनौ गोषूक्त्यश्वसूक्तिनावृषी । इन्द्रो देवता । गायत्री छन्दः

यदिन्द्राहं यथा त्वमीशीयु वस्व एक इत् । स्तोता मे गोषखा स्यात् १
 शिन्नैयमस्मै दित्सेयं शचीपते मनीषिणै । यदहं गोपतिः स्याम् २
 धेनुष्ट इन्द्र सूनृता यजमानाय सुन्वते । गामश्च पिप्युषी दुहे ३
 न तै वर्तास्ति राधस इन्द्र देवो न मर्त्यः । यद् दित्ससि स्तुतो मघम् ४
 यज्ञ इन्द्रमवर्धयद् यद् भूमिं व्यवर्तयत् । चक्राण औपशं दिवि ५
 वावृधानस्य ते वयं विश्वा धनानि जिग्युषः । ऊतिमिन्द्रा वृणीमहे ६
 व्यश्नन्तरिक्षमतिरन्मदे सोमस्य रोचना । इन्द्रो यदभिनद् वलम् ७
 उद् गा आजदङ्गिरोभ्य आविष्कृणवन् गुहा सतीः । अर्वाञ्च ननुदे वलम् ८
 इन्द्रेण रोचना दिवो दृळ्हानि दृंहितानि च । स्थिराणि न पराणुदै ९
 अपामूर्मिर्मदन्निव स्तोम इन्द्राजिरायते । वि ते मदा अराजिषुः १०
 त्वं हि स्तोमवर्धन इन्द्रास्युक्थवर्धनः । स्तोतृचफट्टणामुत भद्रकृत् ११
 इन्द्रमित् केशिना हरी सोमपेयाय वक्षतः । उप यज्ञं सुराधसम् १२
 अपां फेनेन नमुचेः शिर इन्द्रोदवर्तयः । विश्वा यदजयः स्पृधः १३
 मायाभिर्नुत्सि सृप्सत् इन्द्र द्यामारुरुक्षतः । अव दस्यूरधूनुथाः १४
 असुन्वामिन्द्र संसदं विषूचीं व्यनाशयः । सोमपा उत्तरो भवन् १५

(४) चतुर्थं सूक्तम्

(१-१३) त्रयोदशर्चस्यास्य सूक्तस्य काण्वायनौ गोषूक्त्यश्वसूक्तिनावृषी । इन्द्रो देवता । उष्णिक् छन्दः

तम्बभि प्र गायत पुरुहूतं पुरुष्टुतं । इन्द्रं गीर्भिस्तविषमा विवासत १
 यस्य द्विबर्हसो बृहत् सहो दाधार रोदसी । गिरिंज्राँ अपः स्ववृषत्वना २
 स राजसि पुरुष्टुतं एकौ वृत्राणि जिघ्रसे । इन्द्र जैत्रा श्रवस्या च यन्तवे ३
 तं ते मदं गृणीमसि वृषणं पृत्सु सासहिम् । उ लोककृत्तुमद्रिवो हरिश्रियम् ४
 येन ज्योतीष्यायवे मनवे च विवेदिथ । मुन्दानो अस्य बर्हिषो वि राजसि ५
 तदद्या चित् त उथिनो ऽनु ष्टुवन्ति पूर्वथा । वृषपत्नीरपो जया दिवेदिवे ६

तव॒ त्यदिन्द्रि॒यं बृ॒हत् तव॒ शुष्म॑मु॒त क्र॑तुम् । वज्रं॑ शि॒शाति॑ धि॒षणा॒ वरै॑रयम्
७

तव॒ द्यौरिन्द्र॒ पौ॒स्यं पृ॒थि॒वी वर्ध॑ति श्रवः॑ । त्वामा॒पः पर्व॑तासश्च हि॒न्विरे ८
त्वां वि॒ष्णुर्बृ॒हन् क्ष॒यौ मि॒त्रो गृ॑णाति वरु॒णः । त्वां श॒र्धे मद॑त्यनु॒ मारु॑तम् ९
त्वं वृ॒षा ज॒नानां॑ मंहिष्ठ॒ इन्द्र॑ जज्ञिषे । स॒त्रा वि॒श्वा स्व॑प॒त्यानि॑ दधिषे १०
स॒त्रा त्वं पु॑रुष्टु॒तँ ए॒कौ वृ॒त्राणि॑ तोशसे । नान्य॑ इन्द्रा॒त् कर॑णं भूय॑ इन्वति ११
यदिन्द्र॑ मन्म॒शस्त्वा॒ नाना॑ हव॑त ऊ॒तयै॑ । अ॒स्मकै॒भिर्नृ॑भिर॒त्रा स्व॑र्जय १२
अ॒रं क्ष॒याय॑ नो म॒हे वि॒श्वा रू॒पा॒रया॑वि॒शन् । इन्द्रं॑ जै॒त्राय॑ हर्ष॒या श॒ची॒पति॑म्
१३

(५) पञ्चमं सूक्तम्

(१-१२) द्वादशर्चस्यास्य सूक्तस्य काण्व इरिम्बिठिर्ऋषिः । इन्द्रो देवता ।

गायत्री छन्दः

प्र स॒म्राजं॑ च॒र्षणी॒ना मि॒न्द्रं स्तो॒ता न॒व्यं गी॑र्भिः । नरं॑ नृ॒षाहं॑ मंहिष्ठम् १
यस्मि॑न्नु॒क्थानि॑ रणय॑न्ति वि॒श्वानि॑ च श्रव॒स्या । अपा॑मवो न स॒मुद्रे २
तं सु॑ष्टु॒त्या वि॒वासे॑ ज्येष्ठ॒राजं॑ भरे॑ कृ॒तुम् । म॒हो वा॒जिनं॑ स॒निभ्येः ३
यस्या॑नू॒ना ग॒भीरा॑ मदा॑ उ॒रव॑स्तरु॒त्राः । ह॒र्षुम॑न्तः शूर॑सातौ ४
तमि॑द् धने॑षु हि॒ते ष्व॑धिवा॒काय॑ हवन्ते । येषा॑मिन्द्र॒स्ते ज॑यन्ति ५
तमि॑च्चयौ॒त्रैरा॑र्यन्ति तं कृ॒तेभि॑श्च॒र्षण॑यः । एष॑ इन्द्रो॒ वरि॑व॒स्कृत् ६
इन्द्रो॑ ब्र॒ह्मेन्द्र॒ ऋषि॑ रिन्द्रः पु॒रू पु॑रूहूतः । म॒हान् म॒हीभिः॑ श॒ची॒भिः ७
सः स्तो॑म्यः स ह॒व्यः स॒त्यः स॒त्वा तु॑वि॒कूर्मिः । ए॒कश्चित् स॒न्नभि॑भूतिः ८
तम॑र्केभि॒स्तं सा॒मभि॑ स्तं गा॒यत्रैश्च॑र्षणयः । इन्द्रं॑ वर्ध॑न्ति क्षि॒तयः॑ ९
प्र॒णेता॑रं व॒स्यो अ॒च्छा क॑तारं॒ ज्योतिः॑ स॒मत्सु॑ । सा॒स॒ह्रांसं॑ यु॒धामि॑त्रान् १०
स नः॑ प॒प्रिः पा॑रयाति स्व॒स्ति ना॒वा पु॑रूहूतः । इन्द्रो॑ वि॒श्वा अ॒ति द्वि॑षः ११
स त्वं न॑ इन्द्र॒ वाजै॑भि॒र्दश॑स्या च॒ गा॒त॒या च॑ । अ॒च्छा च॑ नः सु॒म्रं नै॑षि १२

(६) षष्ठं सूक्तम्

(१-१५) पञ्चदशर्चस्यास्य सूक्तस्य काण्व इरिम्बिठिर्ऋषिः । (१-१३, १५)

प्रथमादित्रयोदशर्चा पञ्चदश्याश्चेन्द्रः, (१४) चतुर्दश्याश्चेन्द्रो वास्तोष्पतिर्वा देवता ।

(१-१३) प्रथमादित्रयोदशर्चा गायत्री, (१४-१५) चतुर्दशीपञ्चदशयोश्च प्रगाथः

(चतुर्दश्या बृहती, पञ्चदश्याः सतोबृहती) छन्दसी

आ याहि सुषुमा हि त इन्द्र सोमं पिबा इमम् । एदं बर्हिः सदो मम १
 आ त्वा ब्रह्मयुजा हरी वहतामिन्द्र केशिना । उप ब्रह्माणि नः शृणु २
 ब्रह्माणस्त्वा वयं युजा सोमपामिन्द्र सोमिनः । सुतावन्तो हवामहे ३
 आ नो याहि सुतावतो ऽस्माकं सुष्टीरुप । पिबा सु शिप्रिन्नन्धसः ४
 आ तै सिञ्चामि कुक्ष्यो रनु गात्रा वि धावतु । गृभाय जिह्वया मधु ५
 स्वादुष्टै अस्तु संसुदे मधुमान् तन्वेऽ तव । सोमः शर्मस्तु ते हृदे ६
 अयमु त्वा विचर्षणे जनीरिवाभि संवृतः । प्र सोम इन्द्र सर्पतु ७
 तुविग्रीवो वपोदरः सुबाहुरन्धसो मदै । इन्द्रो वृत्राणि जिघ्रते ८
 इन्द्र प्रेहि पुरस्त्वं विश्वस्येशान् ओजसा । वृत्राणि वृत्रहञ्जहि ९
 दीर्घस्तै अस्त्वङ्कुशो येना वसु प्रयच्छसि । यजमानाय सुन्वते १०
 अयं त इन्द्र सोमो निपूतो अधि बर्हिषि । एहीमस्य द्रवा पिब ११
 शाचिगो शाचिपूजना ऽयं रणाय ते सुतः । आखण्डल प्र हूयसे १२
 यस्तै शृङ्गवृषो नपात् प्रणपात् कुरण्डपाय्यः । न्यस्मिन् दध्न आ मनः १३
 वास्तौष्पते ध्रुवा स्थूणां ऽसत्रं सोम्यानाम् ।
 द्रुप्सो भेत्ता पुरां शश्वतीना मिन्द्रो मुनीनां सखा १४
 पृदाकुसानुर्यजतो गवेषण एकः सन्नभि भूर्यसः ।
 भूर्णिमश्वं नयत् तुजा पुरो गृभे न्द्रं सोमस्य पीतये १५

(७) सप्तमं सूक्तम्

(१-२२) द्वाविंशत्यृचस्यास्य सूक्तस्य काण्व इरिम्बिठिर्ऋषिः । (१-३, ५, १०-
 २२) प्रथमादितृचस्य पञ्चम्या ऋचो दशम्यादित्रयोदशानाञ्चादित्याः, (४, ६-७)
 चतुर्थीषष्ठीसप्तमीनामदितिः, (८) अष्टम्या अश्विनौ, (९) नवम्याश्चाग्निसूर्यानिता
 देवताः । उष्णिक् छन्दः

इदं ह नूनमैषां सुम्रं भिक्षेतु मर्त्यः । आदित्यानामपूर्व्यं सर्वामनि १
 अनर्वाणो ह्येषां पन्था आदित्यानाम् । अदब्धाः सन्ति पायवः सुगेवृधः २
 तत् सु नः सविता भगो वरुणो मित्रो अर्यमा । शर्म यच्छन्तु सप्रथो यदीमहे
 ३
 देवेभिर्देव्यदिते ऽरिष्टभर्मन्ना गहि । स्मत् सूरिभिः पुरुप्रिये सुशर्मभिः ४
 ते हि पुत्रासो अदितेर्विदुर्द्वेषांसि योतवे । अंहोश्चिदुरुचक्रयोऽनेहसः ५

अदितिर्नो दिवा पशुमदितिर्नक्तमद्वयाः । अदितिः पात्वंहसः सदावृधा ६
उत स्या नो दिवा मतिरदितिरूत्या गमत् । सा शंताति मयस्करदप
स्त्रिधः ७

उत त्या दैव्या भिषजा शं नः करतो अश्विना । युयुयातामितो रपो अप
स्त्रिधः ८

शमग्रिग्रिभिः कच्छं नस्तपतु सूर्यः । शं वातौ वात्वरुपा अप स्त्रिधः ९
अपामीवामप स्त्रिधमप सेधत दुर्मतिम् । आदित्यासो युयोतना नो अंहसः
१०

युयोता शरुमस्मदाँ आदित्यास उतामतिम् । ऋधग्द्वेषः कृणुत विश्ववेदसः
११

तत् सु नः शर्म यच्छताऽऽदित्या यन्मुमौचति । एनस्वन्तं चिदेनसः
सुदानवः १२

यो नः कश्चिद् रिरिक्षति रक्षस्त्वेन मर्त्यः । स्वैः ष एवै रिरिषीष्ट युर्जनः १३
समित् तमघर्मश्नवद् दुःशंसं मर्त्यं रिपुम् । यो अस्मत्रा दुर्हणावाँ उप द्वयुः
१४

पाकत्रा स्थन देवा हत्सु जानीथ मर्त्यम् । उप द्वयुं चाद्वयुं च वसवः १५
आ शर्म पर्वताना मोतापां वृणीमहे । द्यावाक्षामारे अस्मद् रपस्कृतम् १६
ते नो भद्रेण शर्मणा युष्मार्कं नावा वसवः । अति विश्वानि दुरिता पिपर्तन
१७

तुचे तनाय तत् सु नो द्राघीय आयुर्जीवसै । आदित्यासः सुमहसः कृणोतन
१८

यज्ञो हीळो वो अन्तर आदित्या अस्ति मृळत । युष्मे इद् वो अपि षमसि
सजात्यै १९

बृहद् वरूथं मरुता देवं त्रातारश्विना । मित्रमीमहे वरुणं स्वस्त्यै २०
अनेहो मित्रार्यमन् नृवद् वरुण शंस्यम् । त्रिवरूथं मरुतो यन्त नश्छर्दिः २१
ये चिद्धि मृत्युबन्धव आदित्या मनवः स्मसि । प्र सू न आयुर्जीवसै तिरेतन
२२

(८) अष्टमं सूक्तम्

(१-३७) सप्तत्रिंशदृचस्यास्य सूक्तस्य काण्वः सोभरिर्ऋषिः । (१-३३)

प्रथमादित्रयस्त्रिंशदृचामग्निः, (३४-३५) चतुस्त्रिंशीपञ्चत्रिंशयोरादित्याः, (३६-३७) षट्त्रिंशीसप्तत्रिंशयोश्च पौरुकृत्यस्य त्रसदस्योर्दानस्तुतिर्देवताः । (१-२६, २८-३३) प्रथमादिषड्विंशत्यृचामष्टाविंश्यादिषण्णाञ्च प्रगाथः (विषमर्चा ककुप्, समर्चा सतोबृहती), (२७) सप्तविंश्या द्विपदा विराट्, (३४) चतुस्त्रिंश्या उष्णिक्, (३५) पञ्चत्रिंश्याः सतोबृहती, (३६) षट्त्रिंश्याः ककुप्, (३७)

सप्तत्रिंश्याश्च पङ्क्तिश्छन्दांसि

तं गूर्धया स्वर्णरं देवासौ देवमरतिं दधन्विरे । देवत्रा हव्यमोहि रे १
विभूतरातिं विप्र चित्रशौचिष मग्निमीळिष्व यन्तुरम् ।
अस्य मेधस्य सोम्यस्य सोभरे प्रेमध्वराय पूर्वम् २
यजिष्ठं त्वा ववमहे देवं देवत्रा होताममर्त्यम् । अस्य यज्ञस्य सुक्रतुम् ३
ऊर्जो नपातं सुभगं सुदीदिति मग्निं श्रेष्ठशोचिषम् ।
स नो मित्रस्य वरुणस्य सो अपा मा सुभ्रं यज्ञते दिवि ४
यः समिधा य आहुती यो वेदेन ददाश मर्ते अग्रये ।
यो नमसा स्वध्वरः ५
तस्येदर्वन्तो रंहयन्त आशवस्तस्य द्युम्रितम् यशः ।
न तमंहौ देवकृतं कुरुतश्च न मर्त्यकृतं नशत् ६
स्वग्रयो वो अग्निभिः स्याम सूनो सहस ऊर्जा पते । सुवीरस्त्वमस्मयुः ७
प्रशंसमानो अतिथिर्न मित्रियो ऽग्नी रथो न वेद्यः ।
त्वे क्षेमासो अपि सन्ति साधवस्त्वं राजा रयीणाम् ८
सो अद्धा दाश्वध्वरो ऽग्ने मर्तः सुभग स प्रशंस्यः । स धीभिरस्तु सनिता ९
यस्य त्वमूर्ध्वो अंध्वराय तिष्ठसि क्षयद्वीरः स साधते ।
सो अर्वाद्भिः सनिता स विपन्युभिः स शूरैः सनिता कृतम् १०
यस्याग्निर्वपुर्गृहे स्तोमं चनो दधीत विश्ववार्यः । हव्या वा वेविषद् विषः
११
विप्रस्य वा स्तुवतः सहसो यहो मद्भूतमस्य रातिषु ।
अवोदैवमुपरिमर्त्य कृधि वसौ विविदुषो वचः १२
यो अग्निं हव्यदातिभिर्नमोभिर्वा सुदक्षमाविवासति । गिरा
वाजिरशौचिषम् १३
समिधा यो निशिती दाशददिति धामभिरस्य मर्त्यः ।
विश्वेत् स धीभिः सुभगो जना अति द्युमैरुदन इव तारिषत् १४

तदग्ने द्युममा भ॑र॒ यत् सा॒सह॑त् स॒दने॑ कं चि॒द॒त्रि॒णम् । म॒न्युं ज॒नस्य॑ दू॒ढयः॑
१५

येन॒ चष्टे॑ वरु॒णो मि॒त्रो अ॒र्य॒मा येन॒ नास॑त्या भ॒र्गः ।
व॒यं तत् ते॑ शर्व॑सा गा॒तुवि॑त्त॒मा इन्द्र॑त्वो॒ता वि॒धेम॑हि १६
ते घेद॑ग्ने स्वा॒ध्यो॒इ॒ ये त्वा॑ विप्र॒ निद॑धिरे नृ॒चक्ष॑सम् । वि॒प्रांसो॑ दे॒व सु॒क्रतु॑म्
१७

त इ॒द् वेदि॑ सु॒भग॒ त आ॒हुतिं॑ ते सो॒तुं च॑क्रिरे दि॒वि ।
त इ॒द् वाजै॑भिर्जि॒ग्युर्म॑हद् ध॒नं ये त्वे॑ का॒र्म न्ये॒रिरे॑ १८
भ॒द्रो नो॑ अ॒ग्निरा॑हुतो भ॒द्रा रा॒तिः सु॒भग॒ भ॒द्रो अ॒ध्वरः॑ । भ॒द्रा उ॒त प्र॑शस्तयः
१९

भ॒द्रं म॒नः कृ॑णुष्व वृ॒त्रतू॑र्ये॒ येना॑ स॒मत्सु॑ सा॒सहः॑ ।
अ॒व स्थि॑रा त॑नुहि भूरि॒ शर्ध॑तां व॒नेमा॑ ते अ॒भिष्टि॑भिः २०
ई॒ळे गि॑रा म॒नुर्हि॑तं यं दे॒वा दू॒तम॑रतिं न्ये॒रिरे॑ । यजि॑ष्ठं ह॒व्यवा॑हनम् २१
ति॒ग्मज॑म्भाय॒ तरु॑णाय॒ राज॑ते॒ प्रयो॑ गाय॒स्यग्र॑ये ।
यः पि॑ंशते॒ सूनृ॑ताभिः सु॒वीर्य॑ म॒ग्निघृ॑तेभि॒राहु॑तः २२
यदी॑ घृ॒तेभि॒राहु॑तो वाशी॑म॒ग्निर्भ॑रत॒ उच्चा॑व च । अ॒सुर॑ इ॒व नि॒र्णिज॑म् २३
यो ह॒व्यान्यै॑रय॒ता म॒नुर्हि॑तो दे॒व आ॒सा सु॑ग॒न्धिना॑ ।
वि॒वांस॑ते वा॒र्याणि॑ स्व॒ध्वरो॑ होता॒ दे॒वो अ॑म॒र्त्यः २४
यद॑ग्ने म॒र्त्यस्त्वं॑ स्याम॒हं मि॑त्रम॒हो अ॑म॒र्त्यः । स॒हसः॑ सून॒वाहु॑त २५
न त्वा॑ रासी॒याभि॑शस्तये व॒सो न पा॑प॒त्वाय॑ सन्त्य ।
न मै॑ स्तो॒ताम॑ती॒वा न दु॑र्हि॒तः स्या॑द॒ग्ने न पा॑प॒या २६
पि॒तुर्न पु॑त्रः सु॒भृतो॑ दुरो॒ण आ दे॒वाँ ए॒तु प्र॑णौ ह॒विः २७
तवा॑ह॒र्मग्न॑ ऊ॒तिभि॑र्नेदि॒ष्ठाभिः॑ स॒चेय॑ जोष॒मा व॑सो । सदा॑ दे॒वस्य॑ म॒र्त्यः
२८

तव॒ क्रत्वा॑ स॒नेयं॑ तव॒ रा॒तिभि॑र॒ग्ने तव॒ प्र॑श॒स्तिभिः॑ ।
त्वा॒मिदा॑हुः प्र॒मतिं॑ व॒सो म॒माग्ने॑ ह॒र्षस्व॑ दा॒तवे॑ २९
प्र सो॑ अ॒ग्ने तवो॑तिभिः सु॒वीरा॑भि॒स्तिर॑ते॒ वाज॑भ॒र्मभिः॑ । यस्य॒ त्वं
स॒ख्यमा॑वरः ३०
तव॑ द्रु॒प्सो नी॒लवान् वा॑श अ॒त्विय॑ इ॒न्धा॒नः सि॒ष्णवा॑ द॒दे ।
त्वं म॑ही॒नामु॑षसा॒मसि॑ प्रि॒यः क्ष॒पो व॑स्तु॒षु रा॑जसि ३१

तमार्गन्म सोभरयः सहस्रमुष्कं स्वभिष्टिमवसे । सम्राजं त्रासदस्यवम् ३२
 यस्य ते अग्रे अन्ये अग्रय उपक्षितौ वया इव ।
 विपो न द्युम्ना नि युवे जनानां तव क्षत्राणि वर्धयन् ३३
 यमादित्यासो अद्भुहः पारं नयथ मर्त्यम् । मघोनां विश्वेषां सुदानवः ३४
 यूयं राजानः कं चिच्चर्षणीसहः क्षयन्तं मानुषाँ अनु ।
 वयं ते वो वरुण मित्रार्यमन् तस्यामेदृतस्य रथ्यः ३५
 अदान्मे पौरुकुत्स्यः पञ्चाशतं त्रसदस्युर्वधूनाम् । मंहिष्ठो अर्यः सत्पतिः ३६
 उत मै प्रियर्योर्वयियोः सुवास्त्वा अधि तुर्वनि ।
 तिसृणां सप्ततीनां श्यावः प्रणेता भुवद् वसुर्दियानां पतिः ३७

(६) नवमं सूक्तम्

(१-२६) षड्विंशत्यृचस्यास्य सूक्तस्य काण्वः सोभरिर्ऋषिः । मरुतो देवताः ।

प्रगाथः (विषमर्चा ककुप्, समर्चा सतोबृहती) छन्दः

आ गन्ता मा रिषण्यत् प्रस्थलवानो माप स्थाता समन्यवः । स्थिरा
 चिन्नमयिष्णवः १ वीळुपविभिर्मरुत ऋभुक्ष्ण आ रुद्रासः सुदीतिभिः ।
 इषा नो अद्या गता पुरुस्पृहो यज्ञमा सोभरीयवः २
 विद्या हि रुद्रियाणां शुष्ममुग्रं मरुतां शिमीवताम् । विष्णोरिषस्य मीळहुषाम्
 ३
 वि द्वीपानि पापतन् तिष्ठद् दुच्छुनो भे युजन्त रोदसी ।
 प्र धन्वान्यैरत शुभ्रखादयो यदेजथ स्वभानवः ४
 अच्युता चिद् वो अज्मन्ना नानदति पर्वतासो वनस्पतिः । भूमिर्यामैषु रेजते
 ५
 अमाय वो मरुतो यातवे द्यौर्जिहीत उत्तरा बृहत् ।
 यत्रा नरो देदिशते तनूष्वा त्वक्षासि ब्राह्मोजसः ६
 स्वधामनु श्रियं नरो महि त्वेषा अमवन्तो वृषप्सवः । वहन्ते अहुतप्सवः
 ७
 गोभिर्वाणो अज्यते सोभरीणां रथे कोशे हिरण्यये ।
 गोबन्धवः सुजातास इषे भुजे महान्तो नः स्पर्से नु ८
 प्रति वो वृषदञ्जयो वृष्णे शर्धाय मारुताय भरध्वम् । हव्या वृषप्रयाव्णे ९
 वृषणश्चेन मरुतो वृषप्सुना रथेन वृषनाभिना ।

आ श्येनासो न पक्षिणो वृथा नरो हव्या नो वीतये गत १०
 समानमञ्जयेषां वि भ्राजन्ते रुक्मासो अधि बाहुषु । दविद्युतत्यृष्टयः ११
 त उग्रासो वर्षण उग्रबाहवो नकिष्टनूषु येतिरे ।
 स्थिरा धन्वान्यायुधा रथेषु वो ऽनीकेष्वधि श्रियः १२
 येषामर्णो न सप्रथो नाम त्वेषं शश्वतामेकमिद् भुजे । वयो न पित्र्यं सहः
 १३
 तान् वन्दस्व मरुतस्तां उप स्तुहि तेषां हि धुनीनाम् ।
 अराणां न चरमस्तदैषां दाना मुहा तदैषाम् १४
 सुभगः स व ऊति ष्वास पूर्वासु मरुतो व्युष्टिषु । यो वा नूनमुतासति १५
 यस्य वा यूयं प्रति वाजिनो नर आ हव्या वीतये गथ ।
 अभि ष द्युमैरुत वाजसातिभिः सुम्ना वो धूतयो नशत् १६
 यथा रुद्रस्य सूनवो दिवो वशन्त्यसुरस्य वेधसः । युवानस्तथेदसत् १७
 ये चाहन्ति मरुतः सुदानवः स्मन्मीळुषश्चरन्ति ये ।
 अतश्चिदा न उप वस्यसा हृदा युवान् आ ववृध्वम् १८
 यून् ऊ षु नविष्ठया वृष्णः पावकां अभि सौभरे गिरा । गाय गा इव चकृषत्
 १९
 साहा ये सन्ति मुष्टिहेव हव्यो विश्वासु पृत्सु होतृषु ।
 वृष्णाश्चन्द्रान्न सुश्रवस्तमान् गिरा वन्दस्व मरुतो अह २०
 गार्वाश्चिद् घा समन्यवः सजात्यैन मरुतः सबन्धवः । रिहते ककुभौ मिथः
 २१
 मर्तश्चिद् वो नृतवो रुक्मवक्षस उप भ्रातृत्वमायति ।
 अधि नो गात मरुतः सदा हि व आपित्वमस्ति निध्रुवि २२
 मरुतो मारुतस्य न आ भेषजस्य वहता सुदानवः । यूयं संखायः सप्तयः
 २३
 याभिः सिन्धुमर्वथ याभिस्तूर्वथ याभिर्दशस्यथा क्रिविम् ।
 मयौ नो भूतोतिभिर्मयोभुवः शिवाभिरसचद्विषः २४
 यत्सिन्धौ यदसिकन्यां यत् समुद्रेषु मरुतः सुबर्हिषः । यत् पर्वतेषु भेषजम्
 २५
 विश्वं पश्यन्तो बिभृथा तनूष्वा तेना नो अधि वोचत ।
 क्षमा रपो मरुत आतुरस्य न इष्कर्ता विहुतं पुनः २६

द्वितीयोऽध्यायः

व० १-४०

(१०) दशमं सूक्तम्

(१-१८) अष्टादशर्चस्यास्य सूक्तस्य काण्वः सोभरिर्ऋषिः । (१-१६)
प्रथमादिषोडशर्चामिन्द्रः, (१७-१८) सप्तदश्यष्टादश्योश्च चित्रस्य दानस्तुतिर्देवते ।

प्रगाथः (विषमर्चा ककुप्, समर्चा सतोबृहती) छन्दः

व॒यमु॒ त्वाम॑पू॒र्व्यं स्थू॑रं न क॒ञ्चिद् भ॑रन्तोऽव॒स्यवः॑ । वा॒जै चि॒त्रं ह॑वामहे १
उप॑ त्वा॒ कर्म॑न्नू॒तये॒ स नो॒ युवो॒ ग्रश्च॑क्राम॒ यो धृ॑षत् ।
त्वामि॒द्व्यवि॒तारं॑ ववृमहे सखा॑य इन्द्र सान॒सिम् २
आ या॑हीम इन्द्र॒वो ऽश्व॑पते गो॒पत॑ उर्व॒रापते॑ । सोमं॑ सोमपते पिब ३
व॒यं हि त्वा॒ बन्धु॑मन्तमबन्ध॒वो वि॒प्रांस इन्द्र॑ येमि॒म ।
या ते॒ धामा॑नि वृषभ॒ तेभिरा॑ ग॒हि वि॒श्वेभिः॑ सोम॑पीतये ४
सीद॑न्तस्ते वयो॒ यथा॒ गोश्री॑ते मधौ॒ मदि॑रे वि॒वक्ष॑णे । अ॒भि त्वामि॑न्द्र नोनुमः
५

अच्छा॑ च त्वै॒ना नम॑सा॒ वदाम॑सि किं मुहु॑श्चिद् वि दी॒धयः॑ ।
सन्ति॒ कामा॑सो हरि॒वो द॒दिष्टं॑ स्मो व॒यं सन्ति॑ नो धि॒र्यः ६
नू॒त्रा इदि॑न्द्र ते व॒य मू॒ती अभू॑म न॒हि नू॒ तै अ॒द्रिवः॑ । वि॒द्या पु॒रा परी॑णसः ७
वि॒द्या स॑खित्वमु॒त शू॒र भो॒ज्यश्मा॑ ते ता व॒ज्रिन्नी॑महे ।
उ॒तो स॑मस्मिन्ना शि॒शीहि॑ नो व॒सो वा॒जै सु॒शिप्र॑ गोम॒ति ८
यो न॑ इदमि॒दं पु॒रा प्र॑ वस्य॒ आनि॑नाय॒ तमु॑ वः स्तु॒षे । सखा॑य इन्द्र॒मूतये॑ ९
हर्य॑श्च॒ सत्प॑तिं च॒र्षणी॑सहं स हि ष्मा॒ यो अ॑मन्दत ।

आ तु नः॒ स व॑यति॒ गव्य॑मश्व॒यं स्तो॒तृभ्यो॑ म॒घवा॑ श॒तम् १०
त्वया॑ ह स्विद् यु॒जा व॒यं प्र॑ति॒ श्वस॑न्तं वृषभ॒ ब्रुवी॑महि । स॒न्स्थे ज॑नस्य
गोम॑तः ११ ज॒र्येम॑ क॒ारे पु॑रु॒हूत॑ क॒ारिणो॑ ऽभि ति॒ष्ठेम दू॒ढयः॑ ।
नृभि॑र्वृ॒त्रं ह॒न्याम॑ शू॒श्याम॑ चा॒ ऽवैरि॑न्द्र प्र णो धि॒र्यः १२
अ॒भ्रातृ॑व्यो अ॒ना त्व॑ मना॒पिरि॑न्द्र ज॒नुषा॑ स॒नाद॑सि । यु॒धेदा॑पि॒त्वमि॑च्छसे
१३

नकी॑ रेवन्तं स॒ख्याय॑ विन्दसे पी॒यन्ति॑ ते सुरा॒श्वः ।
य॒दा कृ॑णोषि॒ नद॑नुं स॒मूह॑स्या॒ दित् पि॑तेव॒ हूय॑से १४
मा तै॑ अ॒माजु॑रौ यथा मू॒रास॑ इन्द्र स॒ख्ये त्वाव॑तः । नि ष॑दाम॒ सचा॑ सु॒ते १५

मा तै गोदत्र निरराम राधस इन्द्र मा तै गृहामहि ।
 दृळहा चिदुर्यः प्र मृशाभ्या भर न तै दामान आदभै १६
 इन्द्रो वा घेदियन्मघं सरस्वती वा सुभगा ददिर्वसु । त्वं वा चित्र दाशुषै
 १७
 चित्र इद् राजा राजका इदन्यके यके सरस्वतीमनु ।
 पर्जन्य इव ततनद्धि वृष्ट्या सहस्रमयुता ददत् १८

(११) एकादशं सूक्तम्

(१-१८) अष्टादशर्चस्यास्य सूक्तस्य कारणः सोभरिर्ऋषिः । अश्विनौ देवते । (१-
 ६) प्रथमादिषडृचां प्रगाथः (विषमर्चा बृहती, समर्चा सतोबृहती), (७) सप्तम्या
 बृहती, (८) अष्टम्या अनुष्टुप्, (९-१०, १३-१८)
 नवमीदशम्योस्त्रयोदश्यादिषण्णाञ्च काकुभः प्रगाथः (विषमर्चा ककुप्, समर्चा
 सतोबृहती), (११) एकादश्याः ककुप्, (१२) द्वादश्याश्च मध्येज्योतिस्त्रिष्टुप्
 छन्दांसि

ओ त्यमह आ रथ मद्या दंसिष्ठमूतये ।
 यमश्विना सुहवा रुद्रवर्तनी आ सूर्यायै तस्थथुः १
 पूर्वापुषं सुहवं पुरुस्पृहं भुज्युं वाजेषु पूर्व्यम् ।
 सचनावन्तं सुमतिभिः सोभरे विद्वेषसमनेहसम् २
 इह त्या पुरुभूतमा देवा नमोभिरश्विना ।
 अर्वाचीना स्ववसे करामहे गन्तारा दाशुषौ गृहम् ३
 युवो रथस्य परि चक्रमीयत ईमान्यद् वामिषण्यति ।
 अस्माँ अच्छाँ सुमतिर्वाँ शुभस्पती आ धेनुरिव धावतु ४
 रथो यो वाँ त्रिवन्धुरो हिरण्यामीशुरश्विना ।
 परि द्यावापृथिवी भूषति श्रुतस्तेन नासत्या गतम् ५
 दशस्यन्ता मनवे पूर्व्यं दिवि यवं वृकैण कर्षथः ।
 ता वामद्य सुमतिभिः शुभस्पती अश्विना प्र स्तुवीमहि ६
 उप नो वाजिनीवसू यातमृतस्य पृथिभिः ।
 येभिस्तृक्षिं वृषणा त्रसदस्यवं महे क्षत्राय जिन्वथः ७
 अयं वामद्रिभिः सुतः सोमो नरा वृषणवसू ।
 आ यातुं सोमपीतये पिबतं दाशुषौ गृहे ८

आ हि रु॒ह॒त॒म॒श्वि॒ना रथे॒ कोशे॑ हि॒र॒ण्य॒ये वृष॑णवसू ।
 यु॒ञ्जा॒थां पी॒व॒री॒रिषः॑ ६
 याभिः॑ पु॒क्थ॒म॒व॒थो या॒भिर॒धि॒गुं याभिर्बु॒धुं वि॒जौष॑सम् ।
 ताभि॒र्नो म॒क्षू तू॒र्य॒म॒श्वि॒ना ग॒तं भिष॑ज्यतं यदातुरम् १०
 यद॒धि॒गा॒वो अ॒धि॒गू इ॒दा चि॒द॒ह्नौ अ॒श्वि॒ना ह॒वाम॑हे ।
 व॒यं गी॒र्भिर्वि॒प॒न्य॒वः ११
 ताभिरा॑ या॒तं वृष॑णोप॒ मे ह॒व॒ विश्व॑प्सु॒ विश्व॑वार्यम् ।
 इ॒षा मं॒हि॒ष्ठा पु॒रु॒भू॒त॒मा न॒रा या॒भिः क्रि॒वि॒ वावृ॑धुस्ताभिरा॒ ग॒तम् १२
 तावि॒दा चि॒द॒ह्नां ताव॑श्वि॒ना व॒न्द॒मान॑ उप॒ ब्रु॒वे । ता ऊ॒ नमो॑भिरीमहे १३
 तावि॒द् दो॒षा ता उ॒ष॒सि शु॒भ॒स्प॒ती ता या॒म॒न् रु॒द्र॒व॒र्त॒नी ।
 मा नो॒ म॒ता॒य रि॒प॒वे वा॒जि॒नी॒व॒सू प॒रो रु॒द्रा॒व॒ति र॒व्य॒तम् १४
 आ सु॒ग॒म्या॒य सु॒ग॒म्यं प्रा॒ता रथे॑ना॒श्वि॒ना वा स॒क्ष॒णी । हु॒वे पि॒ते॒व सो॒भ॒री १५
 म॒नो॒ज॒व॒सा वृष॑णा म॒द॒च्यु॒ता म॒क्षुं॒ग॒माभि॑रु॒तिभिः॑ ।
 आ॒रा॒त्ता॒च्चि॒द्भू॒त॒म॒स्मे अ॒व॒से पु॒र्वी॒भिः पु॒रु॒भो॒ज॒सा १६
 आ नो॒ अ॒श्वा॒व॒द॒श्वि॒ना व॒र्त॒यो॒सिष्टं॑ म॒धु॒पा॒त॒मा न॒रा । गो॒म॒द् द॒स्त्रा हि॒र॒ण्य॒वत् १७
 सु॒प्रा॒व॒र्गं सु॒वी॒र्यं सु॒ष्ठु वा॒र्य॒ म॒ना॒धृष्टं॑ र॒क्ष॒स्वि॒ना ।
 अ॒स्मि॒न्ना वा॒मा॒या॒नै वा॒जि॒नी॒व॒सू वि॒श्वा वा॒मा॒नि धी॒म॒हि १८

(१२) द्वादशं सूक्तम्

(१-३०) त्रिंशदृचस्यास्य सूक्तस्य वैयश्चो विश्वमना ऋषिः । अग्निर्देवता ।

उष्णिक् छन्दः

ई॒ळि॒ष्वा हि प्र॒ती॒व्यं॑ य॒ज॒स्व जा॒त॒वे॒द॒सम् । च॒रि॒ष्ण॒धूम॑म॒गृ॒भी॒त॒शोचि॑षम् १
 दा॒मानं॑ वि॒श्व॒च॒र्ष॒णे ऽग्निं॑ वि॒श्व॒म॒नो गि॒रा । उ॒त स्तु॑षे वि॒ष्प॒र्ध॒सो रथा॑नाम् २
 ये॒षा॒मा॒बा॒ध ऋ॒ग्मि॒र्य इ॒षः पृ॒क्ष॒श्च नि॒ग्र॒भै । उ॒प॒वि॒दा व॒ह्निर्वि॑न्दते व॒सु ३
 उ॒द॒स्य शो॒चि॒र॒स्थाद् दी॒दि॒युषो॑ व्य॒र्ज॒रम् । त॒पु॒र्ज॒म्भ॒स्य सु॒द्यु॒तो ग॒ण॒श्रि॒यः ४
 उ॒दु॒ तिष्ठ॑ स्व॒ध्वर॒ स्त॒वा॒नो दे॒व्या कृ॒पा । अ॒भि॒र॒व्या भा॒सा बृ॒ह॒ता शु॒शु॒क्व॒निः ५

अ॒ग्रे या॒हि सु॒श॒स्ति॒भिर्ह॒व्या जु॒ह्वा॒न आ॒नु॒ष॒क् । यथा॑ दू॒तो ब॒भू॒थ
 ह॒व्य॒वा॒ह॒नः ६

अग्निं वः पू॒र्व्यं हु॒वे हो॒तारं च॑र्षणीनाम् । तम॒या वा॒चा गृ॒णे तमु॑ वः स्तुषे ७
 यु॒ज्ञेभिर॑द्भु॒तक्र॑तुं यं कृ॒पा सू॒दर्य॑न्त इत् । मि॒त्रं न जने॑ सु॒धित॑मृताव॒नि ८
 अ॒तावा॑नमृतायवो यु॒ज्ञस्य॑ सा॒धनं॑ गिरा । उपौ॑ ए॒नं जु॒जुषु॑र्नम॒सस्प॑दे ९
 अ॒च्छा नो॑ अ॒ङ्गिर॑स्तमं यु॒ज्ञासौ॑ यन्तु सं॒यतः॑ । हो॒ता यो अ॒स्ति वि॒द्वा
 यु॒शस्त॑मः १०

अ॒ग्ने तव॑ त्ये अ॒जरे॑ न्धा॒नासो॑ बृ॒हद् भाः॑ । अ॒श्वा इव॑ वृ॒षण॑स्तवि॒षीय॑वः ११
 स त्वं न॑ ऊ॒र्जा प॑ते र॒यिं रा॑स्व सु॒वीर्य॑म् । प्रा॒व न॒स्तोके॑ तन॒ये स॒मत्स्वा॑ १२
 यद् वा उ॑ वि॒श्वप॑तिः शि॒तः सु॒प्रीतो॑ मनु॒षो वि॒शि । वि॒श्वेद॒ग्निः प्र॑ति र॒क्षासि॑
 से॒धति॑ १३

श्रु॒ष्ट्ये॒ग्ने न॑वस्य मे॒ स्तोम॑स्य वी॒र वि॒श्वप॑ते । नि मा॒यिन॑स्तपु॒षा र॒क्षासौ॑ दह
 १४

न तस्य॑ मा॒यया॑ च॒न रि॒पुर्ग॑शीत॒ मर्त्यः॑ । यो अ॒ग्नये॑ द॒दाश॑ ह॒व्यदा॑तिभिः १५
 व्य॒श्वस्त्वा॑ वसु॒विद॑ मु॒क्षय॑रु॒प्रीणा॑दृषिः । म॒हो रा॒ये तमु॑ त्वा॒ समि॑धीमहि
 १६

उ॒शना॑ का॒व्यस्त्वा॑ नि हो॒तार॑मसादयत् । आ॒य॒जिं त्वा॑ म॒नवे॑ जा॒तवै॑दसम्
 १७

वि॒श्वे हि॑ त्वा॑ स॒जोष॑सो दे॒वासौ॑ दू॒तम॑क्रत । श्रु॒ष्टी दै॒व प्र॑थ॒मो यु॒ज्ञियो॑ भुवः
 १८

इ॒मं घा॑ वी॒रो अ॒मृतं॑ दू॒तं कृ॑ण्वीत॒ मर्त्यः॑ । पा॒वकं॑ कृ॒ष्णव॑र्त॒निं वि॒हाय॑सम्
 १९

तं हु॒वेम॑ यु॒तस्रु॑चः सु॒भास॑ श॒क्रशौ॑चिषम् । वि॒शाम॑ग्नि॒मृज॑रं प्र॒त्नमी॑डयम् २०
 यो अ॒स्मै ह॒व्यदा॑तिभि॒ राहु॑तिं॒ मर्तो॑ऽवि॒धत् । भूरि॑ पोषं॒ स ध॑त्ते वी॒रव॑द् यशः
 २१

प्र॒थमं॑ जा॒तवै॑दस॒ मग्निं॑ यु॒ज्ञेषु॑ पू॒र्व्यम् । प्र॒ति स्तु॑गैति॒ नम॑सा ह॒विष्म॑ती २२
 आ॒भिर्वि॑धेमा॒ग्नये॑ ज्येष्ठा॒भिर्य॑श्ववत् । मं॒हिष्ठा॒भिर्म॑तिभिः श॒क्रशौ॑चिषे २३
 नून॑म॒र्च वि॒हाय॑से॒ स्तोमै॑भिः स्थू॒रयू॑पवत् । ऋ॒षे वै॒यश्च॑ द॒म्याया॑ग्नये २४
 अ॒तिथिं॑ मा॒नुषा॑णां सू॒नुं व॒नस्प॑तीनाम् । वि॒प्रा अ॒ग्निम॑वसे प्र॒त्नमी॑ळते २५
 म॒हो वि॒श्वाँ अ॒भि ष॒तोर्ऽभि॑ ह॒व्यानि॑ मा॒नुषा॑ । अ॒ग्ने नि॑ ष॒त्सि न॑म॒साधि॑
 ब॒र्हिषि॑ २६

वंस्वा॑ नो॒ वाया॑ पुरु॒ वंस्व॑ रा॒यः पुरु॑स्पृहः । सु॒वीर्य॑स्य प्र॒जाव॑तो॒ यश॑स्वतः

२७

त्वं वरो सुषाम्णे ऽग्ने जनाय चोदय । सदा वसो रातिं यविष्ठु शश्वते २८
 त्वं हि सुप्रतूरसि त्वं नो गोमतीरिषः । महो रायः सातिमग्ने अपा वृधि २९
 अग्ने त्वं यशा अस्या मित्रावरुणा वह । ऋतावाना सम्राजा पूतदक्षसा ३०

(१३) त्रयोदशं सूक्तम्

(१-३०) त्रिंशदृचस्यास्य सूक्तस्य वैयश्वो विश्वमना ऋषिः । (१-२७)

प्रथमादिसप्तविंशत्यृचामिन्द्रः, (२८-३०) अष्टाविंश्यादितृचस्य च सौषाम्णस्य
 वरोदानस्तुतिर्देवते । (१-२९) प्रथमाद्येकोनत्रिंशदृचामुष्णिक्, (३०)

त्रिंश्याश्चानुष्टुप् छन्दसी

सखाय आ शिषामहि ब्रह्मेन्द्राय वज्रिणे । स्तुष ऊ षु वो नृतमाय धृष्णवे १
 शर्वसा ह्यसि श्रुतो वृत्रहत्येन वृत्रहा । मधैर्मघोनो अति शूर दाशसि २
 स नः स्तवान आ भर रयिं चित्रश्रवस्तमम् । निरेके चिद् यो हरिवो
 वसुर्ददिः ३

आ निरेकमुत प्रिय मिन्द्र दर्षि जनानाम् । धृषता धृष्णो स्तवमान आ भर
 ४

न ते सव्यं न दक्षिणं हस्तं वरन्त आमुः । न परिबाधो हरिवो गर्विष्ठिषु ५
 आ त्वा गोभिरिव वृजं गीर्भिर्ऋणोम्यद्रिवः । आ स्मा कामं जरितुरा मनः
 पूण ६

विश्वानि विश्वमनसो धिया नो वृत्रहन्तम् । उग्र प्रणेतुरधि षू वसो गहि ७
 वयं ते अस्य वृत्रहन् विद्याम शूर नव्यसः । वसोः स्पार्हस्य पुरुहूत राधसः
 ८

इन्द्र यथा ह्यस्ति ते ऽपरीतं नृतो शर्वः । अमृक्ता रातिः पुरुहूत दाशुषे ९
 आ वृषस्व महामह महे नृतम् राधसे । दृळहश्चिद् दृह्य मघवन् मघत्तये १०
 नू अन्यत्रा चिदद्रिव स्त्वन्नो जग्मुराशसः । मघवञ्छुग्धि तव तन्न ऊतिभिः
 ११

नह्यश्ङ्ग नृतो त्व दन्यं विन्दामि राधसे । राये द्युम्नाय शर्वसे च गर्विणः
 १२

एन्दुमिन्द्राय सिञ्चत पिबाति सोम्यं मधु । प्र राधसा चोदयाते महित्वना १३
 उपो हरीणां पतिं दक्षं पृञ्चन्तमब्रवम् । नूनं श्रुधि स्तुवतो अश्वचस्य १४

नृह्य॑ङ्ग पुरा च॒न ज॒ज्ञे वी॒रत॑र॒स्त्वत् । नकी॑ रा॒या नैव॒था न भ॑न्दना १५
 ए॒दु म॒ध्वौ म॒दिन्तरं॑ सि॒ञ्च वा॑ध्व॒र्यो अ॒न्धसः॑ । ए॒वा हि वी॒रः स्तव॑ते
 स॒दावृ॑धः १६
 इन्द्र॑ स्थात॒र्हरी॑णां नकि॑ष्टे पू॒र्व्यस्तु॑तिम् । उ॒दानं॑श श॒र्वसा॑ न भ॑न्दना १७
 तं वो॒ वाजा॑नां पति॒ मह॑महि श्रव॒स्यवः॑ । अ॒प्रायु॑भिर्य॒ज्ञेभि॑र्वावृ॒धेन्य॑म् १८
 ए॒तो न्विन्द्रं॑ स्तवाम् स॒खायः॑ स्तोम्यं नर॑म् । कृ॒ष्टीर्यो विश्वा॑ अ॒भ्यस्त्ये॒क इत् १९
 अ॒गौरु॑धाय गु॒विषे॑ द्यु॒क्षाय॑ दस्म्यं वचः॑ । घृ॒तात् स्वा॑दी॒यो म॒धुनश्च॑ वोचत २०
 यस्यामि॑तानि वी॒र्या॑ न रा॒धः पर्य॑तवे । ज्योति॑र्न विश्व॑म॒भ्यस्ति॑ दक्षि॑णा २१
 स्तु॒हीन्द्रं॑ व्य॒श्वव॑ द॒नूर्मि॑ वा॒जिनं॑ यम॑म् । अ॒र्यो ग॒यं म॑ह॒मानं॑ वि दा॒शुषे॑ २२
 ए॒वा नून॑मुप॑ स्तुहि॒ वैर्य॑श्च द॒शमं॑ नव॑म् । सु॒वि॒द्वांसं॑ च॒र्कृत्य॑ च॒रणी॑नाम् २३
 वे॒त्था हि नि॑र्ऋ॒तीनां॑ वज्र॑हस्त प॒रिवृ॑जम् । अ॒हर॑हः शु॒न्ध्युः प॑रि॒पदा॑मिव २४
 तदिन्द्रा॑व आ भ॒र येना॑ दंसिष्ट॒ कृत्व॑ने । द्वि॒ता कु॑त्सा॒य शि॑शन॒थो नि चौ॑दय २५
 तमु॑ त्वा नून॑मीमहे नव्यं दंसिष्ट॒ सन्य॑से । स त्वं नो॒ विश्वा॑ अ॒भिमा॑तीः
 स॒क्षणिः॑ २६
 य ऋ॒क्षाद॑ह॒सो मु॒चद् यो वा॒र्यात् स॒प्त सि॒न्धुषु॑ । व॒धर्दा॑सस्य॒ तुवि॑नृ॒म्णा
 नीन॑मः २७
 यथा॑ वरो सु॒षाम्णौ॑ स॒निभ्य॑ आ॒वहो॑ र॒यिम् । व्य॑श्वेभ्यः सु॒भगे॑ वा॒जिनी॑वति २८
 आ ना॒र्यस्य॑ दक्षि॑णा व्य॒श्वाँ ए॒तु सो॒मिनः॑ । स्थू॒रं च॒ राधः॑ श॒तव॑त् स॒हस्र॑वत् २९
 यत् त्वा॑ पृ॒च्छादी॑जानः कु॒हया॑ कु॒हया॑कृते । ए॒षो अ॒प॒श्रितो॑ व॒लो गो॑म॒तीम॑व॒ तिष्ठ॑ति ३०

(१४) चतुर्दशं सूक्तम्

(१-२४) चतुर्विंशत्यृचस्यास्य सूक्तस्य वैयश्वो विश्वमना ऋषिः । (१-६, १३-२४) प्रथमादिनवर्चा त्रयोदश्यादिद्वादशानाञ्च मित्रावरुणौ, (१०-१२) दशम्यादितृचस्य

च विश्वे देवा देवताः । (१-२२, २४) प्रथमादिद्वाविंशत्यृचां चतुर्विंश्याश्चोष्णिक,
(२३) त्रयोविंश्याश्चोष्णिग्गर्भा छन्दसी

ता वां विश्वस्य गोपा देवा देवेषु यज्ञिया । ऋतावाना यजसे पूतदक्षसा १
मित्रा तना न रथ्या३ वरुणो यश्च सुक्रतुः । सनात् सुजाता तनया धृतव्रता
२

ता माता विश्ववेदसा ऽसुर्याय प्रमहसा । मही जजानादितिर्ऋतावरी ३
महान्ता मित्रावरुणा सम्राजा देवावसुरा । ऋतावानावृतमा घोषतो बृहत् ४
नपाता शवसो महः सूनू दक्षस्य सुक्रतू । सृप्रदानू इषो वास्त्वधि क्षितः ५
सं या दानूनि येमथु दिव्याः पार्थिवीरिषः । नभस्वतीरा वा चरन्तु वृष्टयः
६

अधि या बृहतो दिवो३ ऽभि यूथेव पश्यतः । ऋतावाना सम्राजा नमसे
हिता ७

ऋतावाना नि षैदतुः साम्राज्याय सुक्रतू । धृतव्रता क्षत्रिया क्षत्रमाशतुः ८
अक्षश्चिद् गातुवित्तरा ऽनुल्बणेन चक्षसा । नि चिन्मिषन्ता निचिरा नि
चिक्वतुः ९

उत नो देव्यदिति रुरुष्यतां नासत्या । उरुष्यन्तु मरुतो वृद्धशवसः १०
ते नो नावमुरुष्यत दिवा नक्तं सुदानवः । अरिष्यन्तो नि पायुभिः सचेमहि
११

अघ्नते विष्णावे वयमरिष्यन्तः सुदानवे । श्रुधि स्वयावन् त्सिन्धो
पूर्वचित्तये १२

तद् वार्यं वृणीमहे वरिष्ठं गोपयत्यम् । मित्रो यत् पान्ति वरुणो यदर्यमा १३
उत नः सिन्धुरपां तन्मरुतस्तदश्विना । इन्द्रो विष्णुर्मीदवांसः सजोषसः १४
ते हि ष्मा वनुषो नरो ऽभिमातिं कयस्य चित् । तिग्मं न क्षोदः प्रतिघ्नन्ति
भूर्णयः १५

अयमेक इत्था पुरूरु चष्टे वि विश्पतिः । तस्य वृतान्यनु वश्चरामसि १६
अनु पूर्वाण्योक्त्या साम्राज्यस्य सश्विम । मित्रस्य वृता वरुणस्य दीर्घश्रुत् १७
परि यो रश्मिना दिवो ऽन्तान् ममे पृथिव्याः । उभे आ पप्रौ रोदसी महित्वा
१८

उदु ष्य शरणे दिवो ज्योतिरयंस्त सूर्यः । अग्निर्न शुक्रः समिधान आहुतः
१९

वचो दीर्घप्रसद्यनी शे वाजस्य गोमंतः । ईशे हि पित्वोऽविषस्य दावने
२०

तत् सूर्यं रोदसी उभे दोषा वस्तोरुप ब्रुवे । भोजेष्वस्मां अभ्युच्चरा सदा २१
ऋजमुक्षरायने रजतं हरयाणे । रथं युक्तमसनाम सुषामणि २२
ता मे अश्वयानां हरीणां नितोशना । उतो नु कृत्यानां नृवाहसा २३
स्मदभीशू कशावन्ता विप्रा नविष्ठया मती । महो वाजिनावर्वन्ता
सचासनम् २४

(१५) पञ्चदशं सूक्तम्

(१-२५) पञ्चविंशत्यृचस्यास्य सूक्तस्य वैयश्वो विश्वमना आङ्गिरसो व्यश्वो वा ऋषिः
। (१-१६) प्रथमाद्येकोनविंशत्यृचामश्विनौ, (२०-२५) विंश्यादिषरणाञ्च
वायुर्देवताः । (१-१५, २२-२४) प्रथमादिपञ्चदशर्चा द्वाविंश्यादितृचस्य
चोष्णिक्, (१६-१६, २१, २५) षोडश्यादिचतसृणामेकविंशीपञ्चविंशयोश्च गायत्री,
(२०) विंश्याश्चानुष्टुप् छन्दांसि

युवोरु षू रथं हुवे सधस्तुत्याय सूरिषु । अतूर्तदक्षा वृषणा वृषणवसू १
युवं वरो सुषाम्णौ महे तनै नासत्या । अवौभिर्याथो वृषणा वृषणवसू २
ता वामद्य हवामहे हव्येभिर्वाजिनीवसू । पूर्वीरिष इषयन्तावति क्षपः ३
आ वां वाहिष्ठो अश्विना रथौ यातु श्रुतो नरा । उप स्तोमान् तुरस्य दर्शथः
श्रिये ४

जुहुराणा चिदश्विना ऽऽमन्येथां वृषणवसू । युवं हि रुद्रा पर्षथो अति द्विषः
५

दस्त्रा हि विश्वमानुषङ् मक्षूभिः परिदीयथः । धियंजिन्वा मधुवर्णा शुभस्पती
६

उप नो यातमश्विना राया विश्वपुषा सह । मघवाना सुवीरावनपच्युता ७
आ मे अस्य प्रतीव्यश्मिन्द्रनासत्या गतम् । देवा देवैर्भिरद्य सचनस्तमा ८
वयं हि वां हवामहे उक्षरायन्तौ व्यश्ववत् । सुमतिभिरुप विप्राविहा गतम्
९

अश्विना स्वृषे स्तुहि कुवित् ते श्रवतो हवम् । नेदीयसः कूळयातः पूर्णीरुत
१०

वैयश्वस्य श्रुतं नरोतो मे अस्य वैदथः । सजोषसा वरुणो मित्रो अर्यमा ११

युवा॒द॒त्तस्य॑ धि॒ष्ण्या यु॒वानी॑तस्य॒ सूरि॑भिः । अ॒हर॑हर्वृष॒णा म॒ह्यं शि॒क्षत॑म्
१२

यो वां य॒ज्ञेभि॒रावृ॑तो ऽधि॒वस्त्रा व॒धूरि॑व । स॒पर्य॑न्तां शु॒भे च॑क्राते अ॒श्विना॑
१३

यो वा॑मु॒रुव्यच॑स्त॒मं चि॒कैत॑ति नृपा॒य्यम् । व॒र्तिर॑श्विना॒ परि॑ यात॒मस्म॒यू १४

अ॒स्मभ्यं॑ सु वृष॒णव॑सू या॒तं व॒र्तिर्नृ॑पा॒य्यम् । वि॒षुद्रु॑हैव य॒ज्ञमू॑हथु॒र्गिरा॑ १५

वाहि॑ष्ठो वां ह॒वानां॑ स्तोमौ दू॒तो हे॒वन्न॑रा । यु॒वाभ्या॑ भू॒त्वश्वि॑ना १६

यद॒दो दि॒वो अ॒र्णव॑ इ॒षो वा॒ मद॑थो गृ॒हे । श्रु॒तमि॒न्मै अ॒मर्त्या॑ १७

उ॒त स्या॑ श्वे॒तया॑व॒री वाहि॑ष्ठा वां न॒दीना॑म् । सि॒न्धुर्हि॑र॒ण्यव॑र्त॒निः १८

स्मदे॑तया॒ सुकी॑र्त्या ऽश्वि॒ना श्वे॒तया॑ धि॒या । वहै॑थे शु॒भया॑वाना १९

यु॒द्धवा॑ हि त्वं र॑था॒सहा॑ यु॒वस्व॑ पो॒ष्या व॑सो । आ॒न्नौ वा॒यो म॒धु

पि॒बान् ऽस्मा॑कं स॒व॒ना ग॑हि २०

तव॑ वा॒यवृ॑तस्प॒ते त्वष्ट॑र्जामा॒तर॒द्भुत॑ । अ॒वांस्या॑ वृ॒णीम॑हे २१

त्वष्ट॑र्जामा॒तरं व॒य मी॑शा॒नं रा॒य ई॑महे । सु॒ताव॑न्तो वा॒युं द्यु॒म्ना ज॑ना॒सः २२

वा॒यौ या॑हि शि॒वा दि॒वो वह॑स्वा सु स्व॒श्वय॑म् । वह॑स्व म॒हः पृ॑थु॒पक्ष॑सा रथे

२३

त्वां हि सु॒प्सर॑स्त॒मं नृ॒षद॑नेषु ह॒महै॑ । ग्रा॒वा॒णं ना॑श्व॒पृष्ठं म॑ह॒ना २४

स त्वं नो॑ दे॒व मन॑सा॒ वा॒यौ म॑न्दा॒नो अ॒ग्रि॒यः । कृ॒धि वा॒जाँ अ॒पो धि॒र्यः २५

(१६) षोडशं सूक्तम्

(१-२२) द्वाविंशत्यृचस्यास्य सूक्तस्य वैवस्वतो मनुर्ऋषिः । विश्वे देवा देवताः ।

प्रगाथः (विषमर्चा बृहती, समर्चा सतोबृहती) छन्दः

अ॒ग्निरु॒क्थे पु॒रोहि॑तो ग्रा॒वा॒णो ब॒र्हिर्ध्व॑रे ।

अ॒चा या॑मि म॒रुतो॑ ब्र॒ह्म॒णस्प॑तिं दे॒वाँ अ॒वो व॑रै॒ण्यम् १

आ पु॒शुं गा॑सि पृथि॒वीं व॑न॒स्पती॑ नु॒षासा॑ न॒क्तमो॑षधीः ।

वि॒श्वे च॑ नो व॒सवो॑ वि॒श्ववे॑दसो धी॒नां भू॑त प्रा॒वितारः॑ २

प्र सू न॑ ए॒त्वध्व॑रो॒ऽग्रा दे॒वेषु॑ पू॒र्व्यः ।

आ॒दि॒त्येषु॑ प्र व॒रुणे॑ धृ॒तव॑ते म॒रुत्सु॑ वि॒श्वभा॑नुषु ३

वि॒श्वे हि ष्मा॑ मन॑वे वि॒श्ववे॑दसो भु॒वन् वृ॑धे रि॒शाद॑सः ।

अ॒रि॒ष्टेभिः॑ प्रा॒युभिर्वि॑श्ववे॒दसो॑ य॒न्ता नो॑ऽवृ॒कं छ॑र्दिः ४

आ नो अद्य समनसो गन्ता विश्वे सजोषसः ।
 अचा गिरा मरुतो देव्यदिते सदेने पस्त्यै महि ५
 अभि प्रिया मरुतो या वो अश्वया हव्या मित्र प्रयाथन ।
 आ बर्हिर्दिन्द्रो वरुणस्तुरा नर आदित्यासः सदन्तु नः ६
 वयं वो वृक्तबर्हिषो हितप्रयस आनुषक् ।
 सुतसौमासो वरुण हवामहे मनुष्वदिद्धाग्रयः ७
 आ प्र यातु मरुतो विष्णो अश्विना पूषन् मार्कीनया धिया ।
 इन्द्र आ यातु प्रथमः सनिष्युभिर्वृषा यो वृत्रहा गृणे ८
 वि नो देवासो अद्रुहो ऽच्छिद्रं शर्म यच्छत ।
 न यद् दूराद् वसवो नू चिदन्तितो वरूथमादधर्षति ९
 अस्ति हि वः सजात्यं रिशादसो देवासो अस्त्याप्यम् ।
 प्र णः पूर्वस्मै सुविताय वोचत मन्त्रं सुम्राय नव्यसे १०
 इदा हि व उपस्तुतिमिदा वामस्य भक्तये ।
 उप वो विश्ववेदसो नमस्यु राँ असृक्ष्यन्यामिव ११
 उदु ष्य वः सविता सुप्रणीतयो ऽस्थादूर्ध्वो वरेणयः ।
 नि द्विपादश्चतुष्पादो अर्थिनो ऽविश्रन् पतयिष्णवः १२
 देवदैवं वोऽवसे देवदैवमभिष्टये ।
 देवदैवं हुवेम वाजसातये गृणन्तो देव्या धिया १३
 देवासो हि ष्मा मनवे समन्यवो विश्वे साकं सरातयः ।
 ते नो अद्य ते अपुरं तुचे तु नो भवन्तु वरिवोविदः १४
 प्र वः शंसाम्यद्रुहः संस्थ उपस्तुतीनाम् ।
 न तं धूर्तिवरुण मित्र मर्त्यं यो वो धामभ्योऽविधत् १५
 प्र स क्षयं तिरते वि महीरिषो यो वो वराय दाशति ।
 प्र प्रजाभिर्जायते धर्मणस्पर्य रिष्टः सर्व एधते १६
 अते स विन्दते युधः सुगेभिर्यात्यध्वनः ।
 अर्यमा मित्रो वरुणः सरातयो यं त्रायन्ते सजोषसः १७
 अज्ञे चिदस्मै कृणुथा न्यञ्जनं दुर्गे चिदा सुसरणम् ।
 एषा चिदस्मादशनिः पुरो नु सास्त्रैधन्ती वि नश्यतु १८
 यदद्य सूर्य उद्यति प्रियक्षत्रा अतं दध ।
 यन्निमुचिं प्रबुधिं विश्ववेदसो यद् वा मध्यंदिने दिवः १९

यद् वाभिपित्वे असुरा ऋतं यते छर्दिर्येम वि दाशुषे ।
 वयं तद् वौ वसवो विश्ववेदस उप स्थेयाम् मध्य आ २०
 यदद्य सूर उदिते यन्मध्यंदिन आतुचि ।
 वामं धत्थ मनवे विश्ववेदसो जुह्वानाय प्रचेतसे २१
 वयं तद् वः सम्राज आ वृणीमहे पुत्रो न बहुपाय्यम् ।
 अश्याम् तदादित्या जुह्वतो हवि र्येन वस्योऽनशामहै २२

(१७) सप्तदशं सूक्तम्

(१-५) पञ्चर्चस्यास्य सूक्तस्य वैवस्वतो मनुर्ऋषिः । विश्वे देवा देवताः । (१-३,
 ५) प्रथमादितृचस्य पञ्चम्या ऋचश्च गायत्री, (४) चतुर्थ्याश्च पुर उष्णिक् छन्दसी
 ये त्रिंशति त्रयस्पुरो देवासो बहिरासदन् । विदन्नहं द्वितासनन् १
 वरुणो मित्रो अर्यमा स्मद्रातिषाचो अग्रयः । पत्नीवन्तो वर्षट्कृताः २
 ते नो गोपा अपाच्यास्त उदक्त इत्था न्यक् । पुरस्तात् सर्वया विशा ३
 यथा वशन्ति देवास्तथेदसत् तर्देषां नकिरा मिनत् । अरावा चन मर्त्यः ४
 सप्तानां सप्त ऋष्टयः सप्त द्युम्नान्येषाम् । सप्तो अधि श्रियो धिरे ५

(१८) अष्टादशं सूक्तम्

(१-१०) दशर्चस्यास्य सूक्तस्य वैवस्वतो मनुर्मरीचः कश्यपो वा ऋषिः । विश्वे
 देवा देवताः । द्विपदा विराट् छन्दः
 बभ्रुरेको विषुणः सूनरो युवाञ्जयेङ्क्ते हिरण्ययम् १
 योनिमेक आ संसाद् द्योतनो ऽन्तर्देवेषु मेधिरः १ २
 वाशीमेकौ बिभर्ति हस्त आयसीमन्तर्देवेषु निध्रुविः ३
 वज्रमेकौ बिभर्ति हस्त आहितं तेन वृत्राणि जिघ्रते २ ४
 तिग्ममेकौ बिभर्ति हस्त आयुधं शुचिरुग्रो जलाषभेषजः ५
 पथ एकः पीपाय तस्करो यथाँ एष वैद निधीनाम् ३ ६
 त्रीण्येक उरुगायो वि चक्रमे यत्र देवासो मदन्ति ७
 विभिर्द्वा चरत एकया सह प्र प्रवासेव वसतः ४ ८
 सदो द्वा चक्राते उपमा दिवि सम्राजा सर्पिरासुती ९
 अर्चन्त एके महि साम मन्वत् तेन सूर्यमरोचयन् ५ १०

(१६) एकोनविंशं सूक्तम्

(१-४) चतुर्ऋचस्यास्य सूक्तस्य वैवस्वतो मनुर्ऋषिः । विश्वे देवा देवताः । (१)
प्रथमर्चो गायत्री, (२) द्वितीयायाः पुर उष्णिक्, (३) तृतीयाया बृहती, (४)

चतुर्थ्याश्चानुष्टुप् छन्दांसि

न॒हि वो॒ अस्त्य॑र्भ॒को देवा॑सो न कु॒मा॒रकः॑ । विश्वे॑ स॒तोर्म॑हान्त॒ इत् १
इति॑ स्तुतासौ अस॒था रिशा॑दसो॒ ये स्थ॑ त्रयश्च त्रि॒शच्च॑ । मनो॑र्दे॒वा यज्ञि॑यासः

२

ते न॑स्त्राध्वं तै॒ऽवत् त उ॑ नो॒ अधि॑ वोचत ।

मा नः॑ पु॒थः पि॒त्र्यान्मा॑न॒वादधि॑ दूरं नैष्ट॒ परा॑वतः ३

ये दे॒वास॑ इह स्थन् विश्वे॑ वैश्वान॒रा उ॒त ।

अ॒स्मभ्यं॑ शर्म॒ सप्र॑थो गवे॒ऽश्वाय॑ यच्छत ४

(२०) विंशं सूक्तम्

(१-१८) अष्टादशर्चस्यास्य सूक्तस्य वैवस्वतो मनुर्ऋषिः । (१-४)

प्रथमादिचतुर्ऋचां यज्ञो यजमानश्च, (५-६) पञ्चम्यादिपञ्चानां दम्पती, (१०-१८)

दशम्यादिनवानाञ्च दम्पत्याशिपो देवताः । (१-८, ११-१३)

प्रथमाद्यष्टर्चामेकादश्यादितृचस्य च गायत्री, (६, १४) नवमीचतुर्दशयोरनुष्टुप्,

(१०) दशम्याः पादनिचृत्, (१५-१८) पञ्चदश्यादिचतसृणाञ्च पङ्क्तिश्छन्दांसि

यो यजा॑ति यजा॑त् इत् सु॒नर्व॑च्च॒ पचा॑ति च । ब्र॒ह्मेदि॑न्द्रस्य चाकनत् १

पु॒रोळा॑शं यो अ॒स्मै सोमं॑ रर॑त आ॒शिर॑म् । पादित् तं श॒क्रो अ॑हंसः २

तस्य॑ द्युमाँ अ॒सद् रथो॑ दे॒वजू॑तः स शू॒शुव॑त् । विश्वा॑ व॒न्वन्न॑मि॒त्रिया॑ ३

अस्य॑ प्र॒जाव॑ती गृ॒हे ऽस॑श्चन्ती दि॒वेदि॑वे । इळा॑ धे॒नुम॑ती दुहे ४

या दं॑पती॒ सम॑नसा सु॒नुत॑ आ च॒ धाव॑तः । दे॒वा॒सो नित्य॑या॒शिरा॑ ५

प्रति॑ प्रा॒शव्याँ॑ इतः स॒म्यञ्चा॑ ब॒र्हि॒रा॒शाते॑ । न ता॑ वा॒जेषु॑ वा॒यतः॑ ६

न दे॒वाना॑मपि हुतः सु॒म॒तिं न जु॑गुक्षतः । श्रवो॑ बृ॒हद् वि॑वासतः ७

पु॒त्रिणा॑ ता कु॒मा॒रिणा॑ वि॒श्वमा॑युर्व्य॒श्नुतः॑ । उ॒भा हि॑र॒ण्यपे॑शसा ८

वी॒तिहो॑त्रा कृ॒तद्व॑सू दश॒स्यन्ता॑मृता॒यु॒ कम् ।

समू॑धौ रोम॒शं ह॑तो दे॒वेषु॑ कृ॒णुतो॑ दुर्वः ९

आ शर्म॑ पर्व॒तानां॑ वृ॒णीम॑है न॒दीना॑म् । आ वि॒ष्णोः सचा॑भुर्वः १०

ऐतु॑ पू॒षा र॒यिर्भ॑गः स्व॒स्ति सर्व॑धा॒तमः॑ । उ॒रु॒रध्वा॑ स्व॒स्तये॑ ११

अरमतिरनर्वणो विश्वौ देवस्य मनसा । आदित्यानामनेह इत् १२
 यथा नो मित्रो अर्यमा वरुणः सन्ति गोपाः । सुगा ऋतस्य पन्थाः १३
 अग्निं वः पूर्व्यं गिरा देवमीळे वसूनाम् । सपर्यन्तः पुरुप्रियं मित्रं न
 क्षैत्रसाधसम् १४
 मक्षू देववतो रथः शूरो वा पृत्सु कासु चित् । देवानां य इन्मनो यजमान
 इयक्ष त्यभीदयज्वनो भुवत् १५
 न यजमान रिष्यसि न सुन्वान् न देवयो । देवानां य इन्मनो यजमान
 इयक्ष त्यभीदयज्वनो भुवत् १६
 नक्लिष्टं कर्मणा नश्नन्न प्र यौषन्न यौषति । देवानां य इन्मनो यजमान
 इयक्ष त्यभीदयज्वनो भुवत् १७
 असदत्र सुवीर्यं मुत त्यदाश्वश्वयम् । देवानां य इन्मनो यजमान
 इयक्ष त्यभीदयज्वनो भुवत् १८
 तृतीयोऽध्यायः । व० १-४६

(२१) एकविंशं सूक्तम्

(१-३०) त्रिंशदृचस्यास्य सूक्तस्य काणवो मेधातिथिर्ऋषिः । इन्द्रो देवता ।

गायत्री छन्दः

प्र कृतान्यृजीषिणः कणवा इन्द्रस्य गार्थया । मदे सोमस्य वोचत १
 यः सृबिन्दमनर्शनिं पिप्लुं दासमहीशुर्वम् । वधीदुग्रो रिणन्नपः २
 न्यर्बुदस्य विष्टपं वृष्माणं बृहतस्तिर । कृषे तदिन्द्र पौस्यम् ३
 प्रति श्रुताय वो धृषत् तूणांशं न गिरेरधि । हुवे सुशिप्रमूतयै ४
 स गोरश्वस्य वि व्रजं मन्दानः सोम्येभ्यः । पुरं न शूर दर्षसि ५
 यदि मे रारणः सुत उक्थे वा दधसे चनः । आरादुपे स्वधा गहि ६
 वयं घा ते अपि ष्मसि स्तोतारं इन्द्र गिर्वणः । त्वं नो जिन्व सोमपाः ७
 उत नः पितुमा भर संररणो अविक्षितम् । मघवन् भूरि ते वसु ८
 उत नो गोमतस्कृधि हिरण्यवतो अश्विनः । इळाभिः सं रभेमहि ९
 बृबदुक्थं हवामहे सृप्रकरस्त्रमूतयै । साधु कृणवन्तमवसे १०
 यः संस्थे चिच्छतर्कतु रादीं कृणोति वृत्रहा । जरितृभ्यः पुरुवसुः ११
 स नः शक्रश्चिदा शक्रद् दानवाँ अन्तराभ्रः । इन्द्रो विश्वाभिरूतिभिः १२
 यो रायोऽवनिर्महान् त्सुपारः सुन्वतः सखा । तमिन्द्रमभि गायत १३

आयन्तारं महि स्थिरं पृतनासु श्रवोजितम् । भूरेरीशानमोजसा १४
 नकिरस्य शचीनां नियन्ता सूनृतानाम् । नकिर्वक्ता न दादिति १५
 न नूनं ब्रह्मणामृणं प्राशूनामस्ति सुन्वताम् । न सोमो अप्रता पपे १६
 पन्य इदुपं गायतु पन्य उक्थानि शंसत । ब्रह्मा कृणोतु पन्य इत् १७
 पन्य आ दर्दिरच्छता सहस्रा वाज्यवृतः । इन्द्रो यो यज्वनो वृधः १८
 वि षू चर स्वधा अनु कृष्टीनामन्वाहुवः । इन्द्र पिब सुतानाम् १९
 पिब स्वधैनवाना मुत उत यस्तुगये सचा । उतायमिन्द्र यस्तव २०
 अतीहि मन्युषाविणं सुषुवासमुपारणे । इमं रातं सुतं पिब २१
 इहि तिस्रः परावत इहि पञ्च जनाँ अति । धेना इन्द्रावचाकेशत् २२
 सूर्यो रश्मिं यथा सृजा ऽऽ त्वा यच्छन्तु मे गिरः । निम्नमापो न सध्वयक् २३
 अध्वर्यवा तु हि षिञ्च सोमं वीराय शिप्रिणै । भरा सुतस्य पीतये २४
 य उदनः फलिगं भिन न्नयश्क सिन्धूरवासृजत् । यो गोषु पक्वं धारयत् २५
 अहन् वृत्रमृचीषम और्णवाभमहीशुवम् । हिमेनाविध्यदबुदम् २६
 प्र व उग्राय निष्टुरे ऽषाळहाय प्रसन्निणै । देवत्तं ब्रह्म गायत २७
 यो विश्वान्यभि वृता सोमस्य मदे अन्धसः । इन्द्रो देवेषु चेतति २८
 इह त्या सधमाद्या हरी हिरण्यकेश्या । वोळ्हामभि प्रयो हितम् २९
 अर्वाञ्च त्वा पुरुष्टुत प्रियमैधस्तुता हरी । सोमपेयाय वक्षतः ३०

(२२) द्वाविंशं सूक्तम्

(१-१६) एकोनविंशत्यृचस्यास्य सूक्तस्य कारणो मेध्यातिथिर्ऋषिः । इन्द्रो देवता
 । (१-१५) प्रथमादिपञ्चदशर्चा बृहती, (१३-१८) षोडश्यादितृचस्य गायत्री,
 (१६) एकोनविंश्याश्चानुष्टुप् छन्दांसि

वयं घं त्वा सुतावन्त आपो न वृक्तबर्हिषः ।
 पवित्रस्य प्रस्रवणेषु वृत्रहन् परि स्तोतारं आसते १
 स्वरन्ति त्वा सुते नरो वसो निरेक उक्थिनः ।
 कदा सुतं तृषाण ओक् आ गम् इन्द्र स्वब्दीव वंसगः २
 कण्वैभिर्धृष्णावा धृषद् वाजं दर्षि सहस्त्रिणम् ।
 पिशङ्गूरूपं मघवन् विचर्षणे मुक्षू गोमन्तमीमहे ३

पा॒हि गा॒यान्ध॒सो म॒द इन्द्रा॑य मे॒ध्याति॑थे ।
 यः संमि॑श्लो ह॒र्यो॒र्यः सु॒ते सचा॑ व॒ज्री रथो॑ हि॒र॒ण्ययः॑ ४
 यः सु॑ष॒व्यः सु॒दक्षि॑ण इ॒नो यः सु॒क्रतु॑र्गुणे ।
 य आ॑क्र॒रः स॒हस्रा॑ यः श॒ताम॑घ इन्द्रो यः पू॒र्भिदा॑रितः ५
 यो धृ॑षितो योऽवृ॒तो यो अ॒स्ति श॑मश्रुषु श्रितः ।
 वि॒भूत॑द्युम॒श्चय॑र्वनः पुरु॒ष्टतः॑ क्र॒त्वा गौ॑रिव शाकि॒नः ६
 क ई॑ वेद सु॒ते सचा॑ पिब॒न्तं क॒द् वयो॑ दधे ।
 अ॒यं यः पुरो॑ वि॒भिन॑त्यो॒जसा॑ म॒न्दानः॑ शि॒प्रच॑न्ध॒सः ७
 दा॒ना मृ॒गो न वा॑र॒णः पु॑रु॒त्रा च॒रथ॑ दधे ।
 नकि॑ष्ठा नि येम॒दा सु॒ते ग॑मो म॒हाँश्चै॒रस्यो॑जसा ८
 य उ॒ग्रः सन्न॑निष्टत स्त्वि॒रो र॒णाय॑ संस्कृतः ।
 यदि॑ स्तो॒तुर्मु॒घवा॑ शृ॒णव॑द्ध॒वं नेन्द्रो॑ योष॒त्या ग॑मत् ९
 स॒त्यमि॑त्था वृषे॒दसि॑ वृष॒जूति॑र्नोऽवृ॒तः ।
 वृषा॑ ह्यु॒ग्र शृ॒गि॒वषे॑ प॒राव॑ति वृषो॑ अ॒र्वाव॑ति श्रुतः १०
 वृष॑णस्ते अ॒भीश॑वो वृषा॒ कशा॑ हि॒र॒ण्ययी॑ ।
 वृषा॑ रथो॑ म॒घव॑न् वृष॑णा हरी वृषा॒ त्वं श॑तक्रतो ११
 वृषा॑ सोता॑ सु॒नोतु॑ ते वृष॒नृजी॑पि॒न्ना भर॑ ।
 वृषा॑ दध॒न्वे वृष॑णं न॒दीष्वा॑ तुभ्य॑ स्थात॒र्हरी॑णाम् १२
 एन्द्र॑ याहि पी॒तये॑ मधु॒ शवि॑ष्ठ सोम्यम् ।
 ना॒यम॑च्छा॒ मु॒घवा॑ शृ॒णव॑द् गि॒रो ब्र॒ह्मो॑क्था च॑ सु॒क्रतुः॑ १३
 वह॑न्तु त्वा रथे॒ष्ठा मा॑ ह॒रयो॑ रथ॒युजः॑ ।
 ति॒रश्चि॑द॒र्यं स॑र्व॒नानि॑ वृ॒त्रह॑ न्न॒न्येषां॑ या श॑तक्रतो १४
 अ॒स्माकं॑ म॒द्यान्त॑मं स्तोमं॑ धिष्व॒ महाम॑ह ।
 अ॒स्माकं॑ ते स॑र्व॒ना स॑न्तु श॑त॒मा म॒दाय॑ द्यु॒क्ष सो॑मपाः १५
 न॒हि ष॑स्तव॒ नो म॑म॒ शास्त्रे॑ अ॒न्यस्य॑ र॒णय॑ति । यो अ॒स्मान् वी॑र आ॒नय॑त् १६
 इन्द्र॑श्चिद् घा॒ तद॑ब्रवीत् स्त्रि॒या अ॑शा॒स्यं म॑नः । उ॒तो अ॒ह क्र॑तु॒ रघु॑म् १७
 स॒प्ती चि॑द् घा म॒दच्यु॑ता मिथु॒ना व॑हतो रथम् । ए॒वेद् धूर्व॑ष्ण उत्त॑रा १८
 अ॒धः प॑श्यस्व॒ मोपरि॑ संत॒रां पा॑द॒कौ ह॑र । मा तै॑ क॒श॒प्ल॒कौ दृ॑शन् त्स्त्री हि
 ब्र॒ह्मा ब्र॒भूवि॑थ १९

(२३) त्रयोविंशं सूक्तम्

(१-१८) अष्टादशर्चस्यास्य सूक्तस्य (१-१५) प्रथमादिपञ्चदशर्चा कारवो
नीपातिथिः, (१६-१८) षोडश्यादितृचस्य चाङ्गिरसाः सहस्रं वसुरोचिष ऋषयः ।
इन्द्रो देवता । (१-१५) प्रथमादिपञ्चदशर्चामनुष्टुप्, (१६-१८) षोडश्यादितृचस्य
च गायत्री छन्दसी

एन्द्र॑ याहि॒ हरि॑भि॒रुप॑ क॒णव॑स्य सुष्टुतिम् ।
दि॒वो अ॒मुष्य॑ शासतो दि॒वं य॒य दि॒वाव॑सो १
आ त्वा॒ ग्रावा॑ वद॒न्निह॑ सोमी॒ घोषे॑ण यच्छतु ।
दि॒वो अ॒मुष्य॑ शासतो दि॒वं य॒य दि॒वाव॑सो २
अत्रा॒ वि ने॒मिरे॑षा॒ मुरां॑ न धू॒नुते॑ वृ॒कः ।
दि॒वो अ॒मुष्य॑ शासतो दि॒वं य॒य दि॒वाव॑सो ३
आ त्वा॒ क॒णवा॑ इ॒हाव॑से ह॒वन्ते॑ वा॒जसा॑तये ।
दि॒वो अ॒मुष्य॑ शासतो दि॒वं य॒य दि॒वाव॑सो ४
दधा॑मि ते सु॒तानां॑ वृ॒ष्णे न॑ पू॒र्वपा॑र्यम् ।
दि॒वो अ॒मुष्य॑ शासतो दि॒वं य॒य दि॒वाव॑सो ५
स्मत्पु॑रं॒धिर्न॒ आ ग॑हि वि॒श्वतो॑धी॒र्न ऊ॒तये॑ ।
दि॒वो अ॒मुष्य॑ शासतो दि॒वं य॒य दि॒वाव॑सो ६
आ नो॑ याहि॒ महे॑मते॒ सह॑स्रो॒ते शता॑मघ ।
दि॒वो अ॒मुष्य॑ शासतो दि॒वं य॒य दि॒वाव॑सो ७
आ त्वा॒ होता॑ मनु॒र्हितो॑ दे॒वत्रा॑ व॒क्षदी॑डयः ।
दि॒वो अ॒मुष्य॑ शासतो दि॒वं य॒य दि॒वाव॑सो ८
आ त्वा॒ मद॑च्युता॒ हरी॑ श्ये॒नं पु॒क्षेव॑ वक्षतः ।
दि॒वो अ॒मुष्य॑ शासतो दि॒वं य॒य दि॒वाव॑सो ९
आ या॑ह्य॒र्य आ प॑रि स्वाहा॒ सोम॑स्य पी॒तये॑ ।
दि॒वो अ॒मुष्य॑ शासतो दि॒वं य॒य दि॒वाव॑सो १०
आ नो॑ या॒ह्युप॑श्रु॒त्युक्थे॑षु रणया इह ।
दि॒वो अ॒मुष्य॑ शासतो दि॒वं य॒य दि॒वाव॑सो ११
सरू॑पैरा सु नो॑ ग॒हि संभृ॑तैः संभृ॒ताश्वः॑ ।
दि॒वो अ॒मुष्य॑ शासतो दि॒वं य॒य दि॒वाव॑सो १२
आ या॑हि प॒र्वते॑भ्यः समु॒द्रस्याधि॑ वि॒ष्टपः॑ ।

दि॒वो अ॒मुष्य॒ शास॑तो दि॒वं य॒य दि॒वाव॑सो १३
 आ नो॒ गव्या॑न्यश्व॒या सह॑स्त्रा शूर॒ ददृ॑हि ।
 दि॒वो अ॒मुष्य॒ शास॑तो दि॒वं य॒य दि॒वाव॑सो १४
 आ नः॑ सह॒स्त्रशो॑ भ॒रा ऽयु॑ता॒नि श॒तानि॑ च ।
 दि॒वो अ॒मुष्य॒ शास॑तो दि॒वं य॒य दि॒वाव॑सो १५
 आ यदि॑न्द्रश्च॒ ददृ॑हे सह॒स्त्रं वसु॑रोचिषः । ओजि॑ष्ठमश्व॒यं पु॒शुम् १६
 य ऋ॒ज्रा वा॒तर॑हसो ऽरु॒षासो॑ रघु॒ष्यदः॑ । भ्राज॑न्ते सूर्या॒ इव १७
 पा॒राव॑तस्य रा॒तिषु॑ द्रव॒च्चक्रे॑ष्वा॒शुषु॑ । तिष्ठ॑ व॒नस्य॒ मध्य॒ आ १८

(२४) चतुर्विंशं सूक्तम्

(१-२४) चतुर्विंशत्यृचस्यास्य सूक्तस्यात्रेयः श्यावाश्व ऋषिः । अश्विनौ देवते ।
 (१-२१) प्रथमाद्येकविंशत्यृचामुपरिष्ठाज्ज्योतिः, (२२, २४) द्वाविंशीचतुर्विंश्योः

पङ्क्तिः, (२३) त्रयोविंश्याश्च महाबृहती छन्दांसि

अ॒ग्निने॑न्द्रै॒ण व॒रुणे॑न॒ विष्णु॑ना ऽऽदि॒त्यै रु॒द्रैर्वसु॑भिः सचा॒भुवा॑ ।
 स॒जोष॑सा उ॒षसा॒ सूर्ये॑ण च॒ सोमं॑ पिबतमश्विना १
 वि॒श्वाभि॑र्धी॒भिर्भु॑वनेन वाजिना दि॒वा पृ॑थि॒व्याद्रि॑भिः सचा॒भुवा॑ ।
 स॒जोष॑सा उ॒षसा॒ सूर्ये॑ण च॒ सोमं॑ पिबतमश्विना २
 वि॒श्वैर्दे॒वैस्त्रि॑भिरे॒कादृ॑शैरिहा ऽद्भि॒र्मरु॑द्भिर्भृ॒गुभिः॑ सचा॒भुवा॑ ।
 स॒जोष॑सा उ॒षसा॒ सूर्ये॑ण च॒ सोमं॑ पिबतमश्विना ३
 जु॒षेथा॑ य॒ज्ञं बो॑धतं हव॒स्य मे॒ विश्वे॑ह दै॒वौ सव॑नावं गच्छतम् ।
 स॒जोष॑सा उ॒षसा॒ सूर्ये॑ण च॒ षं नो॑ वोळहमश्विना ४
 स्तोमं॑ जुषेथां युव॒शेर्व क॒न्यनां॑ विश्वे॑ह दै॒वौ सव॑नावं गच्छतम् ।
 स॒जोष॑सा उ॒षसा॒ सूर्ये॑ण च॒ षं नो॑ वोळहमश्विना ५
 गि॒रौ जु॑षेथामध्व॒रं जु॑षेथां विश्वे॑ह दै॒वौ सव॑नावं गच्छतम् ।
 स॒जोष॑सा उ॒षसा॒ सूर्ये॑ण च॒ षं नो॑ वोळहमश्विना ६
 हा॒रिद्र॒वेर्व प॑तथो वनेदु॒प सोमं॑ सु॒तं म॑हिषेवाव गच्छथः ।
 स॒जोष॑सा उ॒षसा॒ सूर्ये॑ण च॒ त्रि॒र्वर्ति॑र्या॒तम॑श्विना ७
 हंसा॑वि॒व प॑तथो अध्व॒गावि॒व सोमं॑ सु॒तं म॑हिषेवाव गच्छथः ।
 स॒जोष॑सा उ॒षसा॒ सूर्ये॑ण च॒ त्रि॒र्वर्ति॑र्या॒तम॑श्विना ८
 श्ये॒नावि॒व प॑तथो ह॒व्यदा॑तये सोमं॑ सु॒तं म॑हिषेवाव गच्छथः ।

सजोषसा उषसा सूर्येण च त्रिवर्तिर्यातमश्विना ९
 पिबतं च तृप्णुतं चा च गच्छतं प्रजां च धत्तं द्रविणं च धत्तम् ।
 सजोषसा उषसा सूर्येण चोर्जं नो धत्तमश्विना १०
 जयतं च प्र स्तुतं च प्र चावतं प्रजां च धत्तं द्रविणं च धत्तम् ।
 सजोषसा उषसा सूर्येण चोर्जं नो धत्तमश्विना ११
 हतं च शत्रून् यततं च मित्रिणः प्रजां च धत्तं द्रविणं च धत्तम् ।
 सजोषसा उषसा सूर्येण चोर्जं नो धत्तमश्विना १२
 मित्रावरुणवन्ता उत धर्मवन्ता मरुत्वन्ता जरितुर्गच्छथो हवम् ।
 सजोषसा उषसा सूर्येण चाऽऽदित्यैर्यातमश्विना १३
 अङ्गिरस्वन्ता उत विष्णुवन्ता मरुत्वन्ता जरितुर्गच्छथो हवम् ।
 सजोषसा उषसा सूर्येण चाऽऽदित्यैर्यातमश्विना १४
 ऋभुमन्ता वृषणा वाजवन्ता मरुत्वन्ता जरितुर्गच्छथो हवम् ।
 सजोषसा उषसा सूर्येण चाऽऽदित्यैर्यातमश्विना १५
 ब्रह्म जिन्वतमुत जिन्वतं धियो हतं रक्षांसि सेधतुममीवाः ।
 सजोषसा उषसा सूर्येण च सोमं सुन्वतो अश्विना १६
 क्षत्रं जिन्वतमुत जिन्वतं नृन् हतं रक्षांसि सेधतुममीवाः ।
 सजोषसा उषसा सूर्येण च सोमं सुन्वतो अश्विना १७
 धेनूर्जिन्वतमुत जिन्वतं विशो हतं रक्षांसि सेधतुममीवाः ।
 सजोषसा उषसा सूर्येण च सोमं सुन्वतो अश्विना १८
 अत्रैरिव शृणुतं पूर्व्यस्तुतिं श्यावाश्वस्य सुन्वतो मदच्युता ।
 सजोषसा उषसा सूर्येण चाऽश्विना तिरोऽब्रह्मयम् १९
 सर्गा इव सृजतं सुष्टीरुपं श्यावाश्वस्य सुन्वतो मदच्युता ।
 सजोषसा उषसा सूर्येण चाऽश्विना तिरोऽब्रह्मयम् २०
 रश्मीर्इरव यच्छतमध्वराँ उप श्यावाश्वस्य सुन्वतो मदच्युता ।
 सजोषसा उषसा सूर्येण चाऽश्विना तिरोऽब्रह्मयम् २१
 अर्वाग् रथं नि यच्छतं पिबतं सोम्यं मधु
 आ यातमश्विना गतं मवस्युर्वामहं हुवे धत्तं रत्नानि दाशुषे २२
 नमोवाके प्रस्थिते अध्वरे नरा विवक्ष्यन्तस्य पीतयै
 आ यातमश्विना गतं मवस्युर्वामहं हुवे धत्तं रत्नानि दाशुषे २३
 स्वाहाकृतस्य तृप्पतं सुतस्य देवावन्धसः

आ यातमश्चिना गतं मवस्युर्वामहं हुवे धत्तं रत्नानि दाशुषे २४

(२५) पञ्चविंशं सूक्तम्

(१-७) सप्तर्चस्यास्य सूक्तस्यात्रेयः श्यावाश्च ऋषिः । इन्द्रो देवता । (१-६)

प्रथमादिषडृचां शक्वरी, (७) सप्तम्याश्च महापङ्क्तिश्छन्दसी

अवितासि सुन्वतो वृक्तबर्हिषः पिबा सोमं मदाय कं शतक्रतो ।

यं तै भागमधारयन् विश्वाः सेहानः पृतना उरु जयः समप्सुजि न्मरुत्वाँ इन्द्र
सत्पते १

प्राव स्तोतारं मघवन्नव त्वां पिबा सोमं मदाय कं शतक्रतो ।

यं तै भागमधारयन् विश्वाः सेहानः पृतना उरु जयः समप्सुजि न्मरुत्वाँ इन्द्र
सत्पते २

ऊर्जा देवाँ अवस्यो जसा त्वां पिबा सोमं मदाय कं शतक्रतो ।

यं तै भागमधारयन् विश्वाः सेहानः पृतना उरु जयः समप्सुजि न्मरुत्वाँ इन्द्र
सत्पते ३

जनिता दिवो जनिता पृथिव्याः पिबा सोमं मदाय कं शतक्रतो ।

यं तै भागमधारयन् विश्वाः सेहानः पृतना उरु जयः समप्सुजि न्मरुत्वाँ इन्द्र
सत्पते ४

जनिताश्चानां जनिता गवामसि पिबा सोमं मदाय कं शतक्रतो ।

यं तै भागमधारयन् विश्वाः सेहानः पृतना उरु जयः समप्सुजि न्मरुत्वाँ इन्द्र
सत्पते ५

अत्रीणां स्तोममद्रिवो महस्कृधि पिबा सोमं मदाय कं शतक्रतो ।

यं तै भागमधारयन् विश्वाः सेहानः पृतना उरु जयः समप्सुजि न्मरुत्वाँ इन्द्र
सत्पते ६

श्यावाश्चस्य सुन्वतस्तथा शृणु यथाशृणो रत्रेः कर्माणि कृणवतः ।

प्र त्रसदस्युमाविथ त्वमेक इन्द्रषाह्य इन्द्र ब्रह्माणि वर्धयन् ७

(२६) षड्विंशं सूक्तम्

(१-७) सप्तर्चस्यास्य सूक्तस्यात्रेयः श्यावाश्च ऋषिः । इन्द्रो देवता । (१)

प्रथमर्चोऽतिजगती, (२-७) द्वितीयादिषण्णान् महापङ्क्तिश्छन्दसी

प्रेदं ब्रह्म वृत्रतूर्येष्वाविथ प्र सुन्वतः शचीपत इन्द्र विश्वाभिरुतिभिः ।

मा॒र्घ्यदि॒नस्य॑ स॒र्व॒नस्य॑ वृ॒त्रह॑न्न॒नेद्य॑ पि॒ब्रा सोम॑स्य वज्रि॒वः १
 से॒हान॑ उ॒ग्र पृ॒तना॑ अ॒भि द्रु॒हः श॒चीप॑तु इन्द्र॒ विश्वा॑भि॒रूति॑भिः ।
 मा॒र्घ्यदि॒नस्य॑ स॒र्व॒नस्य॑ वृ॒त्रह॑न्न॒नेद्य॑ पि॒ब्रा सोम॑स्य वज्रि॒वः २
 ए॒क॒राळ॑स्य भु॒र्व॒नस्य॑ रा॒जसि॑ श॒चीप॑तु इन्द्र॒ विश्वा॑भि॒रूति॑भिः ।
 मा॒र्घ्यदि॒नस्य॑ स॒र्व॒नस्य॑ वृ॒त्रह॑न्न॒नेद्य॑ पि॒ब्रा सोम॑स्य वज्रि॒वः ३
 स॒स्थावा॑ना यव॒यसि॑ त्वमे॒क इच्छ॑चीपतु इन्द्र॒ विश्वा॑भि॒रूति॑भिः ।
 मा॒र्घ्यदि॒नस्य॑ स॒र्व॒नस्य॑ वृ॒त्रह॑न्न॒नेद्य॑ पि॒ब्रा सोम॑स्य वज्रि॒वः ४
 क्षे॒मस्य॑ च प्र॒युज॑श्च त्व॒मीशि॑षे श॒चीप॑तु इन्द्र॒ विश्वा॑भि॒रूति॑भिः ।
 मा॒र्घ्यदि॒नस्य॑ स॒र्व॒नस्य॑ वृ॒त्रह॑न्न॒नेद्य॑ पि॒ब्रा सोम॑स्य वज्रि॒वः ५
 क्ष॒त्राय॑ त्व॒मव॑सि न त्व॒मावि॑थ श॒चीप॑तु इन्द्र॒ विश्वा॑भि॒रूति॑भिः ।
 मा॒र्घ्यदि॒नस्य॑ स॒र्व॒नस्य॑ वृ॒त्रह॑न्न॒नेद्य॑ पि॒ब्रा सोम॑स्य वज्रि॒वः ६
 श्या॒वाश्व॑स्य रे॒भत॑स्तथा शृ॒णु यथा॑शृ॒णो र॒त्रेः कर्मा॑णि कृ॒णव॑तः ।
 प्र त्र॒सद॑स्युमावि॒थ त्वमे॒क इ॒न्नुषा॑ह्य इन्द्र॒ क्षत्रा॑णि व॒र्धय॑न् ७

(२७) सप्तविंशं सूक्तम्

(१-१०) दशर्चस्यास्य सूक्तस्यात्रेयः श्यावाश्व ऋषिः । इन्द्राग्नी देवते ।

गायत्री छन्दः

य॒ज्ञस्य॑ हि स्थ ऋ॒त्विजा॑ स॒स्त्री वा॒जेषु॑ कर्म॒सु । इन्द्रा॑ग्नी तस्य॒ बोध॑तम् १
 तो॒शासा॑ रथ॒यावा॑ना वृ॒त्रह॑णाप॒राजि॑ता । इन्द्रा॑ग्नी तस्य॒ बोध॑तम् २
 इ॒दं वा॑ म॒दिरं॑ म॒ध्व धु॑क्षन्न॒द्रिभि॑र्नरः । इन्द्रा॑ग्नी तस्य॒ बोध॑तम् ३
 जु॒षेथां॑ य॒ज्ञमि॑ष्टये सु॒तं सोम॑ स॒धस्तु॑ती । इन्द्रा॑ग्नी आ ग॒तं नरा॑ ४
 इ॒मा जु॒षेथां॑ स॒र्वना॑ येभि॒र्हव्या॑न्यू॒हथुः । इन्द्रा॑ग्नी आ ग॒तं नरा॑ ५
 इ॒मां गा॑य॒त्रव॑र्तनिं जु॒षेथां॑ सु॒ष्टुतिं॑ मम । इन्द्रा॑ग्नी आ ग॒तं नरा॑ ६
 प्रा॒त॒र्याव॑भिरा ग॒तं दे॒वेभि॑र्जे॒न्याव॑सू । इन्द्रा॑ग्नी सोम॒पीत॑ये ७
 श्या॒वाश्व॑स्य सु॒न्वतो॑ ऽत्री॒णां शृ॑णु॒तं ह॑वम् । इन्द्रा॑ग्नी सोम॒पीत॑ये ८
 ए॒वा वा॑म॒ह ऊ॒तये॑ यथाहु॒वन्त॑ मे॒धि॒राः । इन्द्रा॑ग्नी सोम॒पीत॑ये ९
 आ॒हं सर॑स्वतीवतो रिन्द्रा॒ग्रचो॑रवौ वृ॒णे । या॒भ्यां गा॑य॒त्रमृ॑च्यते १०

(२८) अष्टाविंशं सूक्तम्

(१-१०) दशर्चस्यास्य सूक्तस्य काण्वो नाभाक ऋषिः । अग्निर्देवता ।

महापङ्क्तिश्छन्दः

अग्निमस्तोष्यृग्मियं मग्निमीळा यजध्वै ।
 अग्निर्देवाँ अनक्तु न उभे हि विदथे कवि रन्तश्चरति दूत्यं नभन्तामन्यके
 संमे १
 न्यग्ने नव्यसा वच स्तनूषु शंसमेषाम् ।
 न्यराती रराव्णां विश्वा अर्यो अराती रितो युच्छन्त्वामुरो नभन्तामन्यके संमे
 २
 अग्ने मन्मानि तुभ्यं कं घृतं न जुह्व आसनि ।
 स देवेषु प्र चिकिद्धि त्वं ह्यसि पूर्यः शिवो दूतो विवस्वतो नभन्तामन्यके
 संमे ३।
 तत्तदग्निर्वयो दधे यथायथा कृपयति ।
 ऊर्जाहुतिर्वसूनां शं च योश्च मयो दधे विश्वस्यै देवहूत्यै नभन्तामन्यके संमे
 ४
 स चिकेत सहीयसा ऽग्निश्चित्रेण कर्मणा ।
 स होता शश्वतीनां दक्षिणाभिर्भीवृत इनोति च प्रतीव्यं नभन्तामन्यके संमे
 ५
 अग्निर्जाता देवानां मग्निर्वेद मर्तानामपीच्यम् ।
 अग्निः स द्रविणोदा अग्निर्द्वारा व्यूणुते स्वाहुतो नवीयसा नभन्तामन्यके संमे
 ६
 अग्निर्देवेषु संवसुः स वित्तु यज्ञियास्वा ।
 स मुदा काव्या पुरु विश्वं भूमैव पुष्यति देवो देवेषु यज्ञियो नभन्तामन्यके
 संमे ७
 यो अग्निः सप्तमानुषः श्रितो विश्वेषु सिन्धुषु ।
 तमार्गन्म त्रिपस्त्यं मन्धातुर्दस्युहन्तेम मग्निं यज्ञेषु पूर्य नभन्तामन्यके संमे
 ८
 अग्निस्त्रीणि त्रिधातून्वा क्षेति विदथा कविः ।
 स त्रीँकादशाँ इह यक्ष्ण पिप्रयच्च नो विप्रो दूतः परिष्कृतो नभन्तामन्यके
 संमे ९
 त्वं नो अग्न आयुषु त्वं देवेषु पूर्य वस्व एक इरज्यसि ।
 त्वामार्पः परिस्नुतः परि यन्ति स्वसैतवो नभन्तामन्यके संमे १०

(२६) एकोनत्रिंशं सूक्तम्

(१-१२) द्वादशर्चस्यास्य सूक्तस्य काण्वो नाभाक ऋषिः । इन्द्राग्नी देवते । (१, ३-११) प्रथमर्चस्तृतीयादिनवानाञ्च महापक्तिः, (२) द्वितीयायाः शक्वरी, (१२)

द्वादश्याश्च त्रिष्टुप् छन्दांसि

इन्द्रा॑गी यु॒वं सु नः॑ स॒हन्ता॑ दा॒स॒थो र॒यिम् ।

येन॑ दृ॒ळ्हा स॒मत्स्वा वी॒ळु चि॑त् सा॒हिषी॑म॒ह्य गि॒र्वनै॑व वा॒त इ॒न्नभ॑न्ताम॒न्यके॑
स॒मे १

न॒हि वा॑ व॒ब्रया॑म॒हे ऽथे॒न्द्रमि॑द् य॒जाम॑हे श॒विष्ठं॑ नृ॒णां नर॑म् ।

स नः॑ क॒दा चि॒दर्व॑ता ग॒म॒दा वा॒जसा॑तये ग॒म॒दा मे॒धसा॑तये न॒भन्ता॑म॒न्यके॑
स॒मे २

ता हि म॒ध्यं भ॑रा॒णा मि॒न्द्राग्नी॑ अ॒धि॒क्षितः॑ ।

ता उ॑ क॒वित्व॑ना क॒वी पृ॒च्छ॒यमा॑ना स॒खीय॑ते सं धी॒तम॑श्नु॒तं नरा॑
न॒भन्ता॑म॒न्यके॑ स॒मे ३।

अ॒भ्यर्च॑ न॒भाक॒व दि॒न्द्राग्नी॑ य॒जसा॑ गिरा ।

य॒योर्वि॑श्व॒मिदं॑ जग॑ दि॒यं द्यौः पृ॑थि॒वी म॒ह्यु॑प॒स्थे बि॒भृतो॑ व॒सु न॒भन्ता॑म॒न्यके॑
स॒मे ४

प्र ब्र॒ह्मा॑णि न॒भाक॒व दि॒न्द्राग्नि॑भ्या॒मिर॑ज्यत ।

या स॒प्तबु॑ध्नम॒र्ण॒वं जि॒ह्वबा॑रमपो॒र्णुत॑ इन्द्र ईशा॒न् ओज॑सा न॒भन्ता॑म॒न्यके॑ स॒मे
५

अपि॑ वृ॒श्च पु॒राण॑वद् वृ॒ततै॑रिव गु॒ष्पित॑ मोजो॑ दा॒सस्य॑ द॒म्भय॑ ।

व॒यं तद॑स्य॒ संभृ॑तं व॒स्विन्द्रै॑ण वि भ॒जेम॑हि न॒भन्ता॑म॒न्यके॑ स॒मे ६

यदि॑न्द्राग्नी॒ जना॑ इमे वि॒ह्वय॑न्ते तना॑ गिरा ।

अ॒स्माकै॑भिर्नृ॒भिर्व॑यं सा॒स॒ह्याम॑ पृ॒तन्य॑तो व॒नुयाम॑ व॒नुष्य॑तो न॒भन्ता॑म॒न्यके॑
स॒मे ७

या नु॑ श्वे॒ताव॑वो दि॒व उ॒च्चरा॑त॒ उप॑ द्युभिः ।

इन्द्रा॑ग्र॒योरे॒नु वृ॒त मु॒हाना॑ यन्ति॒ सिन्ध॑वो॒ यान् त्सी॑ ब॒न्धाद॑मु॒ञ्चता॑
न॒भन्ता॑म॒न्यके॑ स॒मे ८

पूर्वी॑ष्टे इन्द्रो॒पमा॑तयः पूर्वी॒रुत॑ प्र॒शस्त॑यः सू॒नो हि॒न्वस्य॑ हरि॒वः ।

व॒स्वो वी॒रस्या॑पृ॒चो या नु॑ सा॒धन्त॑ नो धि॒यो न॒भन्ता॑म॒न्यके॑ स॒मे ९

तं शि॑शीता सुवृ॒क्तिभि॑ स्त्वे॒षं स॒त्वान॑मृ॒ग्मिय॑म् ।

उ॒तो नु चि॒द् य ओज॑सा शु॒ष्णस्या॒ण्डानि॑ भेद॑ति जेष॑त् स्व॑र्वती॒रपो
नभ॑न्तामन्य॒के संमे १०

तं शि॑शीता स्व॒ध्वरं॑ स॒त्यं स॒त्वान॑मृ॒त्त्विय॑म् ।

उ॒तो नु चि॒द् य ओह॑त आ॒ण्डा शु॒ष्णस्य॑ भेद॑त्य॒जैः स्व॑र्वती॒रपो
नभ॑न्तामन्य॒के संमे ११

एवेन्द्रा॑ग्नि॒भ्यां पि॒तृव॑न्नवी॒यो म॒न्धातृ॑वद॒ङ्गिर॑स्वद॒वाचि॑ ।

त्रि॒धातु॑ना शर्म॑णा पात॒म॒स्मान् व॒यं स्या॑म॒ पत॑यो रयी॒णाम् १२

(३०) त्रिंशं सूक्तम्

(१-१०) दशर्चस्यास्य सूक्तस्य कारवो नाभाक ऋषिः । वरुणो देवता ।

महापङ्क्तिश्छन्दः

अ॒स्मा ऊ॒ षु प्र॑भूतये वरु॑णाय म॒रुद्भ्यो ऽर्चा॑ वि॒दुष्टे॑भ्यः ।

यो धी॑ता मानु॒षाणां॑ प॒श्वो गा इ॒व रक्ष॑ति नभ॑न्तामन्य॒के संमे १

तमू॒ षु संम॑ना गिरा पि॒तॄणां॑ च॒ मन्म॑भिः ।

ना॒भाक॑स्य प्र॒शस्ति॑भिर्यः सिन्धू॑नामुपौदये स॒प्तस्व॑सा स म॑ध्य॒मो

नभ॑न्तामन्य॒के संमे २

स क्ष॑पः परि॑ षस्व॒जे न्यु॑स्त्रो मा॒यया॑ दधे स वि॒श्वं परि॑ दर्श॒तः ।

तस्य॑ वेनी॒रनु॑ व्र॒त मु॑षस्ति॒स्त्रो अ॑वर्धयन् नभ॑न्तामन्य॒के संमे ३

यः क॒कुभौ॑ निधा॒रयः॑ पृथि॒व्यामधि॑ दर्श॒तः ।

स मा॒ता पू॒र्व्यं प॒दं तद् वरु॑णस्य स॒प्तच॑ स हि गो॒पा इ॒वेर्यो॑ नभ॑न्तामन्य॒के

संमे ४

यो ध॒र्ता भु॑र्व॒नानां॑ य उ॒स्त्राणा॑मपी॒च्या॒ वेद॑ नामा॒नि गु॒ह्या ।

स क॒विः का॒व्या पुरु॑ रूपं द्यौरि॒व पु॑ष्यति नभ॑न्तामन्य॒के संमे ५

यस्मिन्॑ वि॒श्वानि॑ का॒व्या च॒क्रे नाभि॑रिव श्रिता ।

त्रि॒तं जू॒ती स॑प॒र्यत॑ व्र॒जे गा॒वो न सं॑युजै॒ युजे॑ अ॒श्वाँ अ॒युक्ष॑त नभ॑न्तामन्य॒के

संमे ६

य आ॒स्वत्क॑ आ॒शये॑ वि॒श्वा जा॒तान्यै॑षाम् ।

परि॑ धामा॒नि म॑र्मृशद् वरु॑णस्य पु॒रो ग॒ये वि॒श्वे दे॒वा अ॒नु व्र॑तं नभ॑न्तामन्य॒के

संमे ७

स सं॒मुद्रो॑ अ॒पीच्य॑ स्तु॒रो द्या॑मि॒व रो॒हति॑ नि यदा॑सु यजु॑र्दधे ।

स माया अर्चिना पदा ऽस्तृणान्नाक्रमारुह नभन्तामन्यके संमे ८
 यस्य श्वेता विचक्षणा तिस्रो भूमिरधिक्षितः ।
 त्रिरुत्तराणि पप्रतु वरुणस्य ध्रुवं सदः स सप्तानामिरज्यति नभन्तामन्यके
 संमे ९
 यः श्वेताँ अधिनिर्णिज श्वक्रे कृष्णाँ अनु वृता ।
 स धाम पूर्य ममे यः स्कम्भेन वि रोदसी अजो न द्यामधारय नभन्तामन्यके
 संमे १०

(३१) एकत्रिंशं सूक्तम्

(१-६) षडृचस्यास्य सूक्तस्य काण्वो नाभाक आत्रेयोऽर्चनाना वा ऋषिः । (१-३)
 प्रथमतृचस्य वरुणः, (४-६) द्वितीयतृचस्य चाश्विनौ देवताः । (१-३)
 प्रथमतृचस्य त्रिष्टुप्, (४-६) द्वितीयतृचस्य चानुष्टुप् छन्दसी
 अस्तभ्नाद् द्यामसुरो विश्ववैदा अर्मिमीत वरिमाणं पृथिव्याः ।
 आसीद्दद् विश्वा भुवनानि सम्राड् विश्वेत् तानि वरुणस्य वृतानि १
 एवा वन्दस्व वरुणं बृहन्तं नमस्या धीरममृतस्य गोपाम् ।
 स नः शर्म त्रिवरुथं वि यंसत् पातं नो द्यावापृथिवी उपस्थे २
 इमां धियं शिक्षमाणस्य देव क्रतुं दक्षं वरुणं सं शिशाधि ।
 ययाति विश्वा दुरिता तरेम सुतर्माणमधि नाव रुहेम ३
 आ वां ग्रावाणो अश्विना धीभिर्विप्रा अचुच्यवुः ।
 नासत्या सोमपीतये नभन्तामन्यके संमे ४
 यथा वामत्रिरश्विना गीर्भिर्विप्रो अजौहवीत् ।
 नासत्या सोमपीतये नभन्तामन्यके संमे ५
 एवा वामह ऊतये यथाहुवन्त मेधिराः ।
 नासत्या सोमपीतये नभन्तामन्यके संमे ६

(३२) द्वात्रिंशं सूक्तम्

(१-३३) त्रयस्त्रिंशदृचस्यास्य सूक्तस्याङ्गिरसो विरूप ऋषिः । अग्निर्देवता ।
 गायत्री छन्दः

इमे विप्रस्य वेधसो ऽग्नेरस्तृतयज्वनः । गिरः स्तोमांस ईरते १
 अस्मै ते प्रतिहर्यते जातवेदो विचर्षणे । अग्ने जनामि सुष्टुतिम् २

आ॒रो॒का इ॒व घेद॑हं ति॒ग्मा अ॒ग्ने तव॑ त्विषः । दु॒द्भिर्व॑नानि ब॒प्सति ३
 ह॒रयो॑ धू॒मकै॑तवो वा॒तजू॒ता उप॑ द्यवि । य॒तन्ते॑ वृ॒थग॒ग्रयः ४
 ए॒ते त्ये॑ वृ॒थग॒ग्रय इ॒द्धासः॑ स॒मदृ॑क्षत । उ॒षसा॑मिव के॒तवः ५
 कृ॒ष्णा र॒जांसि॑ प॒त्सुतः॑ प्र॒याणो॑ जा॒तवै॑दसः । अ॒ग्निर्य॑द् रो॒धति॑ क्ष॒मि ६
 धा॒सिं कृ॑णवा॒न ओष॑धी॒र्बप्स॑द॒ग्निर्न॑ वा॒यति॑ । पु॒नर्य॑न् त॒रुणी॑रपि ७
 जि॒ह्वाभि॑रह॒ नन्न॑म॒ दुर्चि॑षा ज॒ञ्जणा॑भवन् । अ॒ग्निर॑र्व॒नेषु॑ रोचते ८
 अ॒प्स्व॒ग्ने स॒धिष्ट॑व॒ सौष॑धी॒रनु॑ रु॒ध्यसे॑ । गर्भे॑ स॒ञ्जाय॑से पु॒नः ९
 उ॒द॒ग्ने तव॑ तद् घृ॒ता दु॒र्ची रो॑चत॒ आहु॑तम् । नि॒सानं॑ जु॒होऽ॑ मुखे १०
 उ॒क्षान्ना॑य व॒शान्ना॑य॒ सोम॑पृ॒ष्ठाय॑ वे॒धसे॑ । स्तो॒मैर्वि॑धेमा॒ग्रये॑ ११
 उ॒त त्वा॑ न॒मसा॑ व॒यं हो॑त॒र्वरे॑ण्यक्रतो । अ॒ग्ने स॒मिद्भि॑रीमहे १२
 उ॒त त्वा॑ भृ॒गुव॑च्छु॒चे म॒नुष्व॑द॒ग्न आ॑हुत । अ॒ङ्गिर॑स्व॒द्धवाम॑हे १३
 त्वं ह्य॒ग्ने अ॒ग्निना॑ वि॒प्रो वि॑प्रे॒ण सन् त्स॑ता । स॒खा स॒ख्या स॒मि॒ध्यसे॑ १४
 स त्वं॑ वि॒प्राय॑ दा॒शुषे॑ र॒यिं दै॑हि स॒हस्रि॑णम् । अ॒ग्ने वी॒रव॑तीमिषम् १५
 अ॒ग्ने भ्रा॑तः स॒हस्कृ॑त॒ रोहि॑दश्च शुचि॒व्रत॑ । इ॒मं स्तो॑मं जुषस्व मे १६
 उ॒त त्वा॒ग्ने म॒म स्तु॑तो वा॒श्राय॑ प्रति॒हर्य॑ते । गो॒ष्ठं गा॒व इ॒वाश॑त १७
 तु॒भ्यं ता॑ अ॒ङ्गिर॑स्त॒म विश्वाः॑ सु॒क्षित॑यः पृथक् । अ॒ग्ने का॒माय॑ येमिरे १८
 अ॒ग्निं धी॑भिर्म॒नीषि॑णो मे॒धि॒रासो॑ वि॒पुश्चितः॑ । अ॒घ्नस॑द्याय हि॒न्विरे॑ १९
 तं त्वा॒मज्मै॑षु वा॒जिनं॑ त॒न्वा॒ना अ॒ग्ने अध्व॑रम् । व॒हिं हो॑ता॒रमी॑ळते २०
 पु॒रु॒त्रा हि स॒दृङ्ङसि॑ वि॒शो वि॒श्वा अनु॑ प्र॒भुः । स॒मत्सु॑ त्वा ह॒वाम॑हे २१
 त॒मी॒ळिष्व॑ य आ॒हुतो॑ ऽग्निर्वि॒भ्राज॑ते घृ॒तैः । इ॒मं नः॑ शृ॒णव॑द्ध॒र्वम् २२
 तं त्वा॑ व॒यं ह॑वामहे शृ॒णव॑न्तं जा॒तवै॑दसम् । अ॒ग्ने घ्न॑न्त॒मप॑ द्विषः २३
 वि॒शां रा॒जान॑म॒द्भुत॑ मे॒ध्यंक्ष॑न् ध॒र्मणा॑मिमम् । अ॒ग्निमी॑ळे स उ॑ श्रवत् २४
 अ॒ग्निं वि॒श्वायु॑वेप॒सं मर्य॑ न वा॒जिनं॑ हि॒तम् । स॒मिं न॑ वा॒जया॑मसि २५
 घ्नन् मृ॒ध्राण॑यप॒ द्विषो॑ द॒हन् र॒जांसि॑ वि॒श्वहा॑ । अ॒ग्ने ति॒ग्मेन॑ दी॒दिहि॑ २६
 यं त्वा॑ ज॒नांस॑ इ॒न्धते॑ म॒नुष्व॑द॒ङ्गिर॑स्त॒म । अ॒ग्ने स॒ बो॒धि मे॑ वचः २७
 य॒द॒ग्ने दि॒विजा॑ अ॒स्य॑प्सु॒जा वा॑ स॒हस्कृ॑त । तं त्वा॑ गी॒र्भिर्ह॑वामहे २८
 तु॒भ्यं घे॑त् ते ज॒ना इ॒मे वि॒श्वाः सु॒क्षित॑यः पृथक् । धा॒सिं हि॒न्वन्त्य॑त्तवे २९
 ते घे॒द॒ग्ने स्वा॒ध्यो ऽ॒हा वि॒श्वा नृ॑चक्ष॒सः । त॒रन्तः॑ स्या॒म दु॒र्गहा॑ ३०
 अ॒ग्निं म॒न्द्रं पु॑रु॒प्रियं॑ शी॒रं पा॑व॒कशौ॑चिषम् । ह॒द्भिर्म॑न्द्रेभि॒रीम॑हे ३१
 स त्व॑म॒ग्ने वि॒भावे॑सुः सृ॒जन् त्सू॒र्यो न॑ र॒श्मिभिः॑ । श॒र्धन् त॑मा॒सि जि॒घ्रसे॑ ३२

तत् ते सहस्व ईमहे दात्रं यन्नोपदस्यति । त्वदग्ने वार्यं वसु ३३

(३३) त्रयस्त्रिंशं सूक्तम्

(१-३०) त्रिंशदृचस्यास्य सूक्तस्याङ्गिरसो विरूप ऋषिः । अग्निर्देवता ।

गायत्री छन्दः

समिधाग्निं दुवस्यत घृतैर्बोधयतातिथिम् । आस्मिन् हव्या जुहोतन १
 अग्ने स्तोमं जुषस्व मे वर्धस्वानेन मन्मना । प्रति सूक्तानि हर्य नः २
 अग्निं दूतं पुरो दधे हव्यवाहुमुप ब्रुवे । देवाँ आ सोदयादिह ३
 उत ते बृहन्तौ अर्चयः समिधानस्य दीदिवः । अग्ने शक्रास ईरते ४
 उप त्वा जुहोर् मम घृताचीर्यन्तु हर्यत । अग्ने हव्या जुषस्व नः ५
 मुन्द्रं होतारमृत्विजं चित्रभानुं विभावंसुम् । अग्निमीळे स उ श्रवत् ६
 प्रत्नं होतारमीडयं जुष्टमग्निं कविक्रतुम् । अध्वराणामभिश्चियम् ७
 जुषानो अङ्गिरस्तमे मा हव्यान्यानुषक् । अग्ने यज्ञं नय ऋतुथा ८
 समिधान उ सन्त्य शुक्रशोच इहा वह । चिकित्वान् दैव्यं जनम् ९
 विप्रं होतारमुद्गृहं धूमकैतुं विभावंसुम् । यज्ञानां केतुमीमहे १०
 अग्न नि पाहि नस्त्वं प्रति षम देव रीषतः । भिन्धि द्वेषः सहस्कृत ११
 अग्निः प्रत्नेन मन्मना शुम्भानस्तन्वं स्वाम् । कविर्विप्रेण वावृधे १२
 ऊर्जो नपातमा हुवे ऽग्निं पावकशौचिषम् । अस्मिन् यज्ञे स्वध्वरे १३
 स नो मित्रमहस्त्व मग्ने शक्रेण शोचिषा । देवैरा सत्सि बर्हिषि १४
 यो अग्निं तन्वोर् दमै देवं मर्तः सपर्यति । तस्मा इद् दीदयद् वसु १५
 अग्निर्मूर्धा दिवः ककुत् पतिः पृथिव्या अयम् । अपां रेतांसि जिन्वति १६
 उदग्ने शुचयस्तव शक्रा भ्राजन्त ईरते । तव ज्योतीष्यर्चयः १७
 ईशिषे वार्यस्य हि दात्रस्याग्ने स्वर्यति । स्तोता स्यां तव शर्मणि १८
 त्वामग्ने मनीषिण स्त्वां हिन्वन्ति चित्तिभिः । त्वां वर्धन्तु नो गिरः १९
 अदब्धस्य स्वधावतो दूतस्य रेभतः सदा । अग्नेः सख्यं वृणीमहे २०
 अग्निः शुचिब्रततमः शुचिर्विप्रः शुचिः कविः । शुचीं रोचत आहुतः २१
 उत त्वा धीतयो मम गिरौ वर्धन्तु विश्वहा । अग्ने सख्यस्य बोधि नः २२
 यदग्ने स्यामहं त्वं त्वं वा घा स्या अहम् । स्युष्टै सत्या इहाशिषः २३
 वसुर्वसुपतिर्हि क मस्यग्ने विभावंसुः । स्याम ते सुमतावपि २४
 अग्ने धृतव्रताय ते समुद्रायैव सिन्धवः । गिरौ वाश्रास ईरते २५

युवानं विश्पतिं कविं विश्वादं पुरुवेपसम् । अग्निं शुभामि मन्मभिः २६
 यज्ञानां रथ्यै वयं तिमज्जम्भाय वीळ्वै । स्तोमैरिषेमाग्र्यै २७
 अयमग्ने त्वे अपि जरिता भूतु सन्त्य । तस्मै पावक मृळय २८
 धीरो ह्यस्यद्यसद् विप्रो न जागृविः सदा । अग्नै दीदर्यसि द्यवि २९
 पुराग्नै दुरितेभ्यः पुरा मृधेभ्यः कवे । प्र ण आयुर्वसो तिर ३०

(३४) चतुस्त्रिंशं सूक्तम्

(१-४२) द्विचत्वारिंशदृचस्यास्य सूक्तस्य काण्वस्त्रिशोक ऋषिः । (१)
 प्रथमर्चोऽग्नीन्द्रौ, (२-४२) द्वितीयाद्येकचत्वारिंशदृचाञ्चेन्द्रो देवते । गायत्री छन्दः
 आ घा ये अग्निमिन्धते स्तृणन्ति बर्हिर्ननुषक् । येषामिन्द्रो युवा सखा १
 बृहन्निदिध्म एषां भूरि शस्तं पृथुः स्वरुः । येषामिन्द्रो युवा सखा २
 अयुद्ध इद् युधा वृतं शूर आर्जति सत्वभिः । येषामिन्द्रो युवा सखा ३
 आ बुन्दं वृत्रहा ददे जातः पृच्छद् वि मातरम् । क उग्राः के ह शृगिवरे ४
 प्रति त्वा शवसी वदद् गिरावप्सो न यौधिषत् । यस्तै शत्रुत्वमाचके ५
 उत त्वं मघवञ्छृणु यस्ते वष्टि ववक्षि तत् । यद् वीळ्वर्यासि वीळु तत् ६
 यदाजिं यात्याजिकृ दिन्द्रः स्वश्चयुरूप । रथीतमो रथीनाम् ७
 वि षु विश्वा अभियुजो वज्रिन् विष्वग्यथा वृह । भवा नः सुश्रवस्तमः ८
 अस्माकं सु रथं पुर इन्द्रः कृणोतु सातयै । न यं धूर्वन्ति धूर्तयैः ९
 वृज्याम ते परि द्विषो ऽरं ते शक्र दावने । गुमेमेदिन्द्र गोमतेः १०
 शनैश्चिद् यन्तो अद्रिवो ऽश्वावन्तः शतग्विनः । विवक्षणा अनेहसः ११
 ऊर्ध्वा हि तै दिवेदिवे सहस्रा सूनृतां शता । जरितृभ्यो विमंहते १२
 विद्या हि त्वा धनंजय मिन्द्रं दृळ्हा चिदारुजम् । आदारिणं यथा गर्यम् १३
 कुकुहं चित् त्वा कवे मन्दन्तु धृष्णविन्दवः । आ त्वा पुणिं यदीमहे १४
 यस्तै रेवाँ अदाशुरिः प्रममर्ष मघत्तये । तस्य नो वेद् आ भर १५
 इम उ त्वा वि चक्षते सखाय इन्द्र सोमिनः । पुष्टावन्तो यथा पशुम् १६
 उत त्वाबधिरं वयं श्रुत्कर्णं सन्तमूतयै । दूरादिह हवामहे १७
 यच्छुश्रूया इमं हवर्षं दुर्मर्षं चक्रिया उत । भवैरापिनो अन्तमः १८
 यच्चिद्धि ते अपि व्यथिर्जगन्वांसो अमन्महि । गोदा इदिन्द्र बोधि नः १९
 आ त्वा रम्भं न जिव्रयो ररम्भा शवसस्पते । उश्मसि त्वा सधस्थ आ २०

स्तोत्रमिन्द्राय गायत पुरुनृम्णाय सत्त्वेने । नक्रिर्य वृणवते युधि २१
 अभि त्वा वृषभा सुते सुतं सृजामि पीतये । तृम्पा व्यश्नुही मदम् २२
 मा त्वा मूरा अविष्यवो मोपहस्वान् आ दधन् । माकीं ब्रह्मद्विषौ वनः २३
 इह त्वा गोपरीणसा महे मन्दन्तु राधसे । सरौ गौरो यथा पिब २४
 या वृत्रहा परावति सना नवा च चुच्युवे । ता संसत्सु प्र वौचत २५
 अपिबत् कद्रुवः सुत मिन्द्रः सहस्रबाहे । अत्रादेदिष्ट पौंस्यम् २६
 सत्यं तत् तुर्वशे यदौ विदानो अहवाय्यम् । व्यानद् तुर्वशे शमि २७
 तरणिं वो जनानां त्रदं वाजस्य गोमतः । समानमु प्र शंसिषम् २८
 ऋभुक्ष्णं न वर्तव उक्थेषु तुग्र्यावृधम् । इन्द्रं सोमे सचा सुते २९
 यः कृन्तदिद् वि योन्यं त्रिशोकाय गिरिं पृथुम् । गोभ्यो गातुं निरैतवे ३०
 यद् देधिषे मनस्यसि मन्दानः प्रेदियक्षसि । मा तत् करिन्द्र मृळय ३१
 दध्रं चिद्धि त्वावतः कृतं शृणवे अधि क्षमि । जिगात्विन्द्र ते मनः ३२
 तवेदु ताः सुकीर्तयो ऽसन्नुत प्रशस्तयः । यदिन्द्र मृळयासि नः ३३
 मा न एकस्मिन्नागसि मा द्वयोरुत त्रिषु । वधीर्मा शूर भूरिषु ३४
 बिभया हि त्वावत उग्रादभिप्रभङ्गिणः । दस्मादहमृतीषहः ३५
 मा सख्युः शूनमा विदे मा पुत्रस्य प्रभूवसो । आवृत्त्वद् भूतु ते मनः ३६
 को नु मर्या अमिथितः सखा सखायमब्रवीत् । जहा को अस्मदीषते ३७
 एवारै वृषभा सुते ऽसिन्वन् भूर्यावयः । श्वघ्नीव निवता चरन् ३८
 आ त एता वचोयुजा हरी गृभ्णे सुमद्रथा । यदीं ब्रह्मभ्य इददः ३९
 भिन्धि विश्वा अप द्विषः परि बाधौ जही मृधः । वसुस्पार्ह तदा भर ४०
 यद्वीळाविन्द्र यत् स्थिरे यत् पशानि पराभृतम् । वसु स्पार्ह तदा भर ४१
 यस्य ते विश्वमानुषो भूरेदत्तस्य वेदति । वसु स्पार्ह तदा भर ४२
 चतुर्थोऽध्यायः । व० १-५४

(३५) पञ्चत्रिंशं सूक्तम्

- (१-३३) त्रयस्त्रिंशदृचस्यास्य सूक्तस्याश्व्यो वश ऋषिः । (१-१०, २६-३१, ३३)
 प्रथमादिविंशत्यृचामेकोनत्रिंश्यादितृचस्य त्रयस्त्रिंश्याश्चेन्द्रः, (२१-२४)
 एकविंश्यादिचतसृणां कानीतस्य पृथुश्रवसो दानस्तुतिः, (२५-२८, ३२)
 पञ्चविंश्यादिचतसृणां द्वात्रिंश्याश्च वायुर्देवताः । (१) प्रथमर्चः पादनिचृत्, (२-
 ४, ६, १०, २३, २६, ३३) द्वितीयादितृचस्य

षष्ठीदशमीत्रयोविंशेकोनत्रिंशीत्रयस्त्रिंशीनाञ्च गायत्री, (५) पञ्चम्याः ककुप्, (७, १६) सप्तम्येकोनविंशोर्बृहती, (८) अष्टम्या अनुष्टुप्, (९) नवम्याः सतोर्बृहती, (११-१२) एकादशीद्वादशयोर्विपरीतोत्तरः प्रगाथः (एकादश्या बृहती, द्वादश्या विपरीता सतोर्बृहती), (१३) त्रयोदश्या द्विपदा जगती, (१४) चतुर्दश्या पिपीलिकमध्या बृहती, (१५) पञ्चदश्याः ककुप्त्रयङ्कुशिरा, (१६) षोडश्या विराट्, (१७) सप्तदश्या जगती, (१८) अष्टादश्या उपरिष्ठाद्बृहती, (२०) विंश्या विषमपदा बृहती, (२१-२२, २४, ३२)

एकविंशीद्वाविंशीचतुर्विंशीद्वात्रिंशीनां पङ्क्तिः (२५-२८) पञ्चविंश्यादिचतसृणां प्रगाथः ((२५, २७) पञ्चविंशीसप्तविंशोर्बृहती, (२६, २८) षड्विंश्यष्टाविंशयोः सतोर्बृहती), (३०) त्रिंश्या द्विपदा विराट्, (३१) एकत्रिंश्याश्चोष्णिक् छन्दांसि त्वावतः पुरुवसो व्यमिन्द्र प्रणेतः । स्मसिं स्थातर्हरीणाम् १
त्वां हि सत्यमद्रिवो विद्य दातारमिषाम् । विद्य दातारं रयीणाम् २
आ यस्य ते महिमानं शतमूते शतक्रतो । गीर्भिर्गृणन्ति कारवः ३
सुनीथो घा स मर्त्यो यं मरुतो यमर्यमा । मित्रः पान्त्यद्रुहः ४
दधानो गोमदश्चवत् सुवीर्यमादित्यजूत एधते । सदा राया पुरुस्पृहा ५
तमिन्द्रं दानमीमहे शवसानमभीर्वम् । ईशानं राय ईमहे ६
तस्मिन् हि सन्त्युतयो विश्वा अभीरवः सचा ।
तमा वहन्तु सप्तयः पुरुवसुं मदायु हरयः सुतम् ७
यस्ते मदो वरैरयो य इन्द्र वृत्रहन्तमः ।
य आदुदिः स्वर्नृभिर्यः पृतनासु दुष्टरः ८
यो दुष्टरो विश्ववार श्रवाय्यो वाजेष्वस्ति तरुता ।
स नः शविष्ठ सवना वसो गहि गुमेम् गोमति वृजे ९
गव्यो षु शो यथा पुरा ऽश्वयोत रथया । वरिवस्य महामह १०
नहि ते शूर राघसो ऽन्तं विन्दामि सत्रा ।
दशस्या नो मघवन्नू चिदद्रिवो धियो वाजैभिराविथ ११
य ऋष्वः श्रावयत्सखा विश्वेत् स वैदु जनिमा पुरुष्टुतः ।
तं विश्वे मानुषा युगेन्द्र हवन्ते तविषं यतस्तुचः १२
स नो वाजेष्वविता पुरुवसुः पुरःस्थाता मघवा वृत्रहा भुवत् १३
अभि वो वीरमन्धसो मदेषु गाय गिरा महा विचैतसम् ।
इन्द्रं नाम श्रुत्य शाकिनं वचो यथा १४

दृदी रेक्णास्तन्वै दृदिर्वसु दृदिर्वाजेषु पुरुहूत वाजिनम् ।

नूनमर्थ १५

विश्वेषामिरज्यन्तं वसूनां सास्रह्मांसं चिदस्य वर्षसः ।

कृपयतो नूनमत्यर्थ १६

महः सु वो अरमिषे स्तवामहे मीळहुषे अरंगमाय जग्मये ।

यज्ञेभिर्गीर्भिर्विश्वमनुषां मरुतामियक्षसि गायै त्वा नमसा गिरा १७

ये पातयन्ते अज्मभिर्गिरीणां स्तुभिरेषाम् ।

यज्ञं महिष्वशीनां सुम्रं तुविष्वशीनां प्राध्वरे १८

प्रभृङ्गं दुर्मतीनामिन्द्र शविष्ठा भर ।

रयिमस्मभ्यं युज्यं चोदयन्मते ज्येष्ठं चोदयन्मते १९

सर्नितः सुसर्नितरुग्र चित्र चेतिष्ठ सूनृत ।

प्रासहा सम्राट् सहृरिं सहन्तं भुज्युं वाजेषु पूर्व्यम् २०

आ स एतु य ईवदाँ अदैवः पूर्तमाददे ।

यथा चिद्वशौ अश्वयः पृथुश्रवसि कानीतेऽस्या व्युष्याददे २१

षष्टिं सहस्राश्वयस्यायुतासनु मुष्टानां विंशतिं शता ।

दश श्यावीनां शता दश त्र्यरुषीणां दश गवां सहस्रा २२

दश श्यावा ऋधद्रयो वीतवारास आशवः ।

मथा नेमिं नि वावृतुः २३

दानांसः पृथुश्रवसः कानीतस्य सुराधंसः ।

रथं हिरण्ययं ददन्महिष्ठः सूरिर्भूद् वर्षिष्ठमकृत श्रवः २४

आ नो वायो महे तनै याहि मखाय पाजसे ।

वयं हि ते चकृमा भूरि दावनै सद्यश्चिन्महि दावनै २५

यो अश्वैभिर्वहते वस्त उस्त्रा स्त्रिः सप्त सप्ततीनाम् ।

एभिः सोमैभिः सोमसुद्धिः सोमपा दानाय शुक्रपूतपाः २६

यो म इमं चिदु त्मना मन्दच्चित्रं दावनै ।

अरद्वे अक्षे नहुषे सुकृत्वनि सुकृत्तराय सुकृतुः २७

उचथ्येऽवपुषि यः स्वराळुत वायो घृतस्त्राः ।

अश्वैषितुं रजैषितुं शुनैषितुं प्राज्म तदिदं नु तत् २८

अर्धं प्रियमिषिराय षष्टिं सहस्रासनम् ।

अश्वानामिन्न वृष्णाम् २९

गावो न यूथमुप यन्ति वध्रय उप मा यन्ति वध्रयः ३०
 अध यच्चारेथे गणे शतमुष्ट्रं अचिक्रदत् ।
 अध श्वितेषु विंशतिं शता ३१
 शतं दासे बल्बूथे विप्रस्तरुक्ष आ ददे ।
 ते ते वायविमे जना मदन्तीन्द्रगोपा मदन्ति देवगौपाः ३२
 अध स्या योषणा मही प्रतीची वशमश्वयम् । अधिरुक्मा वि नीयते ३३

(३६) षट्त्रिंशं सूक्तम्

(१-१८) अष्टादशर्चस्यास्य सूक्तस्याप्तयस्त्रित ऋषिः । (१-१३)

प्रथमादित्रयोदशर्चामादित्याः, (१४-१८) चतुर्दश्यादिपञ्चानाञ्चादित्योषसो देवताः
 । महापङ्क्तिश्छन्दः

महि वो महतामवो वरुण मित्र दाशुषै ।
 यमादित्या अभि द्रुहो रक्षथा नेमघं नेश दनेहसौ व ऊतयः सुऊतयो व
 ऊतयः १
 विदा देवा अधाना मादित्यासो अपाकृतिम् ।
 पक्षा वयो यथोपरि व्यश्मे शर्म यच्छता नेहसौ व ऊतयः सुऊतयो व
 ऊतयः २
 व्यश्मे अधि शर्म तत् पक्षा वयो न यन्तन ।
 विश्वानि विश्ववेदसो वरुथ्या मनामहे ऽनेहसौ व ऊतयः सुऊतयो व
 ऊतयः ३
 यस्मा अरासत् क्षयं जीवातुं च प्रचैतसः ।
 मनोर्विश्वस्य घेदिम आदित्या राय ईशते ऽनेहसौ व ऊतयः सुऊतयो व
 ऊतयः ४
 परि णो वृणजन्नघा दुर्गाणि रथ्यो यथा ।
 स्यामेदिन्द्रस्य शर्म रयादित्यानामुतावस्य नेहसौ व ऊतयः सुऊतयो व
 ऊतयः ५
 परिहृतेदना जनो युष्मादत्तस्य वायति ।
 देवा अदभ्रमाश वो यमादित्या अहेतना नेहसौ व ऊतयः सुऊतयो व
 ऊतयः ६
 न तं तिग्मं चन त्यजो न द्रासदभि तं गुरु ।

यस्मा॑ उ॒ शर्म॑ स॒प्रथ॑ आ॒दि॒त्यासो॑ अ॒रा॒ध्व॒म॒ने॒हसो॑ व॒ ऊ॒तयः॑ सु॒ऊ॒तयो॑ व॒
ऊ॒तयः॑ ७

यु॒ष्मे दे॒वा अपि॑ ष्मसि॒ यु॒ध्यन्त॑ इ॒व॒ वर्म॑सु ।

यू॒यं म॒हो न॒ ए॒न॒सो यू॒यम॑र्भादुरुष्यता॒ ने॒हसो॑ व॒ ऊ॒तयः॑ सु॒ऊ॒तयो॑ व॒ ऊ॒तयः॑
८

अ॒दि॒तिर्न॑ उ॒रुष्य॑त्व॒ दि॒तिः शर्म॑ यच्छतु ।

मा॒ता मि॒त्रस्य॑ रे॒वतो॑ ऽर्य॒म्णो व॑रुणस्य चा॒ ने॒हसो॑ व॒ ऊ॒तयः॑ सु॒ऊ॒तयो॑ व॒
ऊ॒तयः॑ ९

यद्दे॒वाः शर्म॑ श॒रणं य॒द्भद्रं॑ य॒दना॑तुरम् ।

त्रि॒धातु॑ य॒द्वरू॒थ्यं॑ तद॒स्मासु॑ वि॒ यन्त॑ना॒ ने॒हसो॑ व॒ ऊ॒तयः॑ सु॒ऊ॒तयो॑ व॒
ऊ॒तयः॑ १०

आ॒दि॒त्या अ॒व॒ हि र॒व्यता॑ धि॒ कूला॑दि॒व॒ स्पर्शः॑ ।

सु॒ती॒र्थम॑र्वतो॒ य॒था नु॑ नो॒ नेष॑था सु॒गम॑ने॒हसो॑ व॒ ऊ॒तयः॑ सु॒ऊ॒तयो॑ व॒ ऊ॒तयः॑
११

ने॒ह भ॒द्रं र॑क्ष॒स्विने॑ ना॒व॒यै नो॑प॒या उ॒त ।

ग॒वै च॑ भ॒द्रं धे॒नवै॑ वी॒राय॑ च श्रव॒स्यते॑ ऽने॒हसो॑ व॒ ऊ॒तयः॑ सु॒ऊ॒तयो॑ व॒
ऊ॒तयः॑ १२

यदा॑वि॒र्यद॑पी॒च्यं॑ दे॒वा॒सो अ॒स्ति दु॒ष्कृत॑म् ।

त्रि॒ते तद्वि॑श्व॒मा॒प्त्य॑ आ॒रे अ॒स्मद् द॑धातना॒ ने॒हसो॑ व॒ ऊ॒तयः॑ सु॒ऊ॒तयो॑ व॒
ऊ॒तयः॑ १३

यच्च॑ गो॒षु दु॒ष्ण्वप्र॑यं॒ यच्चा॑स्मे दु॒हित॑र्दिवः ।

त्रि॒ताय॑ तद्वि॒भाव॑र्या॒ म॒याय॑ परा॒ वहा॑ ने॒हसो॑ व॒ ऊ॒तयः॑ सु॒ऊ॒तयो॑ व॒ ऊ॒तयः॑
१४

नि॒ष्कं वा॑ घा कृ॒णव॑ते॒ स्रजं॑ वा दु॒हित॑र्दिवः ।

त्रि॒ते दु॒ष्ण्वप्र॑यं॒ सर्व॑मा॒प्त्ये परि॑ द॒द्यस्य॑ ने॒हसो॑ व॒ ऊ॒तयः॑ सु॒ऊ॒तयो॑ व॒ ऊ॒तयः॑
१५

तद॑न्नाय॒ तद॑प॒से तं भा॒गमु॑प॒सेदु॑षै ।

त्रि॒ताय॑ च द्वि॒ताय॑ चो॒ षौ दु॒ष्ण्वप्र॑यं॒ वहा॑ ने॒हसो॑ व॒ ऊ॒तयः॑ सु॒ऊ॒तयो॑ व॒
ऊ॒तयः॑ १६

यथा॑ क॒लां यथा॑ श॒फं यथ॑ ऋ॒णं सं॒नया॑मसि ।

ए॒वा दु॒ष्ण्वप्र॒चं स॒र्वमा॒प्त्ये सं न॒याम॒स्य ने॒हसौ व ऊ॒तयः सुऊ॒तयो व ऊ॒तयः
१७

अ॒जैष्मा॒द्यास॑ना॒म चा भू॒माना॑ग॒सो व॒यम् ।

उ॒षो यस्मा॑द् दु॒ष्ण्वप्र॒चा द॒भैष्माप॑ तदु॒च्छत्व॑ने॒हसौ व ऊ॒तयः सुऊ॒तयो व
ऊ॒तयः १८

(३७) सप्तत्रिंशं सूक्तम्

(१-१५) पञ्चदशर्चस्यास्य सूक्तस्य घौरः काणवः प्रगाथ ऋषिः । सोमो देवता ।

(१-४, ६-१५) प्रथमादिचतुर्ऋचां षष्ठ्यादिदशानाञ्च त्रिष्टुप्,

(५) पञ्चम्याश्च जगती छन्दसी

स्वा॒दोर्भ॒क्षि व॒यसः सु॒मे॒धाः स्वा॒ध्यौ वरि॒वो॒वित॑रस्य ।

वि॒श्वे यं दे॒वा उ॒त म॒र्त्यासो म॒धु ब्रु॒वन्तो अ॒भि संच॑रन्ति १

अ॒न्तश्च प्रा॒गा अ॒दि॒तिर्भ॒वास्य व॒या॒ता ह॒रसो दै॒व्यस्य॑ ।

इ॒न्द्रवि॒न्द्रस्य॑ स॒ख्यं जु॒षा॒णः श्रौ॒ष्टीव॑ धु॒रम॑नु॒राय॑ ऋ॒ध्याः २

अ॒पा॒म सोम॑म॒मृता॑ अ॒भूमा॑ ग॒न्म ज्यो॒तिर॒वि॒दाम॑ दे॒वान् ।

किं नू॒नम॒स्मान् कृ॒णव॑द॒रातिः॑ कि॒मु धूर्ति॑र॒मृत॑ म॒र्त्यस्य॑ ३

शं नो॑ भव ह॒द आ पी॒त इ॒न्द्रो पि॒तेव॑ सोम॒ सून॑वै सु॒शेवः॑ ।

स॒खेव॑ स॒ख्ये उ॒रुशंस॑ धी॒रः प्र॒ण आ॒युर्जी॒वसै॑ सोम॒ तारीः॑ ४

इ॒मे मा पी॒ता य॒शस॑ उ॒रुष्य॑वो रथं न गा॒वः स॒म॒नाह॑ प॒र्वसु॑ ।

ते मा र॒क्षन्तु॑ वि॒स्त्रसं॑श्च॒रित्रा॑ दु॒त मा॒ स्वामा॑द्यवय॒न्ति॒वन्द॑वः ५

अ॒ग्निं न मा॑ मथि॒तं सं दि॑दीपुः प्र च॒क्षय॑ कृ॒णुहि॑ व॒स्यसो॑ नः ।

अथा॑ हि ते म॒द आ सोम॑ म॒न्यै रे॒वाँ इ॒व प्र च॑रा पु॒ष्टिम॑च्छ ६

इ॒षिरे॑ण ते म॒नसा॑ सु॒तस्य॑ भ॒क्षीम॑हि पि॒त्र्यस्ये॒व रा॒यः ।

सोम॑ राजन् प्र॒ण आ॒यूषि॑ ता॒री र॒हानी॑व॒ सूर्यो॑ वा॒स॒राणि॑ ७

सोम॑ राजन् मृ॒ळया॑ नः स्व॒स्ति तव॑ स्म॒सि वृ॒त्याइ॑स्तस्य॒ वि॒द्धि ।

अ॒ल॒र्तिं द॒क्ष उ॒त म॒न्युरि॑न्द्रो मा नो॑ अ॒र्यो अ॒नु॒कामं॑ प॒रा दाः॑ ८

त्वं हि न॑स्त॒न्वः सोम॑ गो॒पा गा॒त्रैगा॒त्रे नि॒ष॒स॒त्था नृ॒चक्षाः॑ ।

यत् ते॑ व॒यं प्र॒मि॒नाम॑ वृ॒तानि॑ स नो॑ मृ॒ळ सु॒ष॒खा दै॒व व॒स्यः॑ ९

ऋ॒दूदे॑रे॒ण स॒ख्या स॒चेय॑ यो मा॒ न रि॒ष्ये॒द्धर्य॑श्च पी॒तः ।

अ॒यं यः सोमो॑ न्य॒धाय्य॑स्मे तस्मा॒ इन्द्रं॑ प्र॒तिर॑मे॒म्यायुः॑ १०

अप॒ त्या अ॒स्थुरनि॒रा अ॒मीवा॒ निर॑त्रसन् तमि॒षीची॒रभै॑षुः ।
 आ सोमो॑ अ॒स्माँ अ॒रुह॑द् विहा॒या अ॒गन्म॒ यत्र॑ प्र॒तिर॑न्त॒ आयुः॑ ११
 यो न॒ इन्दुः॑ पि॒तरो॑ ह॒त्सु पी॒तो ऽम॑र्त्यो॒ मर्त्याँ॑ आ॒वि॒वेश॑ ।
 तस्मै॑ सोमा॒य ह॒विषो॑ वि॒धेम॑ मृ॒ळीके॑ अ॒स्य सु॒म॒तौ स्या॑म १२
 त्वं सोम॑ पि॒तृभिः॑ संवि॒दानो॑ ऽनु॒ द्यावा॑पृथि॒वी आ त॑तन्थ ।
 तस्मै॑ त इ॒न्दो ह॒विषो॑ वि॒धेम॑ व॒यं स्या॑म॒ पत॑यो र॒यीणाम्॑ १३
 त्राता॑रो दे॒वा अ॒धि वो॑चता नो॒ मा नो॑ नि॒द्रा ई॑शत॒ मोत॑ जल्पिः ।
 व॒यं सोम॑स्य वि॒श्वह॑ प्रि॒यासः॑ सु॒वीरा॑सो वि॒दथ॑मा व॒देम॑ १४
 त्वं नः॑ सोम॑ वि॒श्वतो॑ व॒योधा॑ स्त्वं स्व॒र्विदा॑ वि॒शा नृ॑चक्षाः ।
 त्वं न॑ इ॒न्द ऊ॒तिभिः॑ स॒जोषाः॑ पा॒हि प॒श्चाता॑दुत वा॒ पुर॑स्तात् १५

अथ वालखिल्यम् ।

(३८) अष्टात्रिंशं सूक्तम्

(१-१०) दशर्चस्यास्य सूक्तस्य कारवः प्रस्करव ऋषिः । इन्द्रो देवता । प्रगाथः

(विषमर्चा बृहती, समर्चा सतोबृहती) छन्दः

अ॒भि प्र॑ वः सु॒रार्ध॑स॒ मिन्द्र॑मर्च॒ यथा॑ वि॒दे ।
 यो ज॑रितृ॒भ्यो म॒घवा॑ पु॒रुव॑सुः स॒हस्रै॑रेव॒ शि॒क्षति॑ १
 श॒तानी॑केव॒ प्र जि॑गाति धृ॒ष्णुया॑ ह॒न्ति वृ॒त्राणि॑ दा॒शुषे॑ ।
 गि॒रेरि॑व॒ प्र र॑सा॒ अस्य॑ पि॒न्विरे॑ द॒त्राणि॑ पु॒रुभो॑र्जसः २
 आ त्वा॑ सु॒तास॒ इन्द्र॑वो म॒दा य इ॑न्द्र गि॒र्वणः॑ ।
 आ॒पो न॑ वे॒ज्जिन्न॑न्वो॒क्यं॑ सरः॑ पृ॒णन्ति॑ शूर॒ राध॑से ३
 अ॒ने॒हस॑ प्र॒तर॑णं वि॒वर्क्ष॑णं म॒ध्वः स्वा॑दि॒ष्ठमीं॑ पिब ।
 आ यथा॑ म॒न्दसा॑नः कि॒रासि॑ नः॒ प्र क्षु॑द्रेव॒ त्मना॑ धृ॒षत् ४
 आ नः॑ स्तोम॒मुप॑ द्रव॒ द्वि॒यानो॑ अ॒श्चो न॑ सोतृ॒भिः ।
 यं तै॑ स्वधा॒वन् त्स्व॑दयन्ति धे॒नव॑ इ॒न्द्र क॑रवेषु रा॒तयः॑ ५
 उ॒ग्रं न॑ वी॒रं नम॑सोप॒ सेदि॑म॒ विभू॑तिम॒क्षिता॑वसुम् ।
 उ॒द्रीव॑ व॒ज्जिन्न॑व॒तो न॑ सि॒ञ्चते॑ क्षर॒न्तीन्द्र॑ धी॒तयः॑ ६
 यद्ध॑ नूनं॒ यद्वा॑ य॒ज्ञे यद्वा॑ पृथि॒व्याम॑धि ।
 अ॒तौ नो॑ य॒ज्ञमा॑शुभिर्महे॒मत॑ उ॒ग्र उ॒ग्रेभि॑रा ग॒हि ७

अजिरासो हरयो ये त आशवो वाता इव प्रसन्निः ।
 येभिरपत्यं मनुषः पुरीर्यसे येभिर्विश्वं स्वर्दृशे ८
 एतावतस्त ईमह इन्द्र सुमस्य गोमतः ।
 यथा प्रावौ मघवन् मेध्यातिथिं यथा नीपातिथिं धनै ९
 यथा कण्वे मघवन् त्रसदस्यवि यथा पक्थे दशव्रजे ।
 यथा गोशर्ये असनोर्ऋजिश्चनीन्द्र गोमृद्धिरणयवत् १०

(३६) एकोनचत्वारिंशं सूक्तम्

(१-१०) दशर्चस्यास्य सूक्तस्य काण्वः पुष्टिगुर्ऋषिः । इन्द्रो देवता । प्रगाथः

(विषमर्चा बृहती, समर्चा सतोबृहती) छन्दः

प्र सु श्रुतं सुरार्धस मर्चा शक्रमभिष्टये ।
 यः सुन्वते स्तुवते काम्यं वसु सहस्रेणैव मंहते १
 शतानीका हेतयो अस्य दुष्टरा इन्द्रस्य समिषो महीः ।
 गिरिर्न भुज्मा मघवत्सु पिन्वते यदी सुता अमन्दिषुः २
 यदी सुतास इन्द्रवो ऽभि प्रियममन्दिषुः ।
 आपो न धायि सर्वनं म आ वसो दुर्घावोप दाशुषे ३
 अनेहसं वो हवमानमूतये मध्वः क्षरन्ति धीतयः ।
 आ त्वा वसो हवमानास इन्द्रव उप स्तोत्रेषु दधिरे ४
 आ नः सोमे स्वध्वर इयानो अत्यो न तौशते ।
 यं तै स्वदावन् त्वदन्ति गूर्तयः पौरे छन्दयसे हवम् ५
 प्र वीरमुग्रं विविचिं धनुस्पृतं विभूतिं राधसो मुहः ।
 उद्रीव वज्रिन्नवतो वसुत्वना सदा पीपेथ दाशुषे ६
 यद्ध नूनं परावति यद् वा पृथिव्यां दिवि ।
 युजान इन्द्र हरिभिर्महेमत ऋष्व ऋष्वेभिरा गंहि ७
 रथिरासो हरयो ये तै अस्त्रिध ओजो वार्तस्य पिप्रति ।
 येभिर्नि दस्युं मनुषो निघोषयो येभिः स्वः पुरीर्यसे ८
 एतावतस्ते वसो विद्याम शूर नव्यसः ।
 यथा प्राव एतशं कृत्वये धने यथा वशं दशव्रजे ९
 यथा कण्वे मघवन् मेधे अध्वरे दीर्घनीथे दर्मनसि ।
 यथा गोशर्ये असिषासो अद्रिवो मयि गोत्रं हरिश्चिरम् १०

(४०) चत्वारिंशं सूक्तम्

(१-१०) दशर्चस्यास्य सूक्तस्य काण्वः श्रुष्टिगुर्ऋषिः । इन्द्रो देवता । प्रगाथः
(विषमर्चा बृहती, समर्चा सतोबृहती) छन्दः

यथा मनौ सांवरणौ सोममिन्द्रापिबः सुतम् ।
नीपातिथौ मघवन् मेध्यातिथौ पुष्टिगौ श्रुष्टिगौ सचा १
पार्षद्वाणः प्रस्करवन् समसादय च्छयानं जित्रिमुद्धितम् ।
सहस्राण्यसिषासद् गवामृषि स्त्वोतो दस्यवे वृकः २
य उक्थेभिर्न विन्धतै चिकिद्य ऋषिचोदनः ।
इन्द्रं तमच्छा वद नव्यस्या मृत्य रिष्यन्तं न भोजसे ३
यस्मा अर्कं सप्तशीर्षाणमानृचु स्त्रिधातुमुत्तमे पदे ।
स त्विश्मा विश्वा भुवनानि चिक्रद् दादिज्जनिष्ट पौंस्यम् ४
यो नो दाता वसूना मिन्द्रं तं हूमहे वयम् ।
विद्या ह्यस्य सुमतिं नवीयसीं गुमेम् गोमति वृजे ५
यस्मै त्वं वसो दानाय शिक्तसि स रायस्पोषमश्नुते ।
तं त्वा वयं मघवन्निन्द्र गिर्वणः सुतावन्तो हवामहे ६
कदा चन स्तरीरसि नेन्द्र सश्वसि दाशुषे ।
उपोपेन्नु मघवन् भूय इन्नु ते दानं देवस्य पृच्यते ७
प्र यो ननुक्षे अभ्योजसा क्रिवि वधैः शुष्णा निघोषयन् ।
यदेदस्तम्भीत् प्रथयन्नमूं दिव मादिज्जनिष्ट पार्थिवः ८
यस्यायं विश्व आर्यो दासः शेवधिपा अरिः ।
तिरश्चिदुर्ये रुशमे परीरवि तुभ्येत् सो अज्यते रयिः ९
तुरणवो मधुमन्तं घृतश्चुतं विप्रासो अर्कमानृचुः । स्मे रयिः पप्रथे वृष्णयं
शवो ऽस्मे सुवानास इन्द्रवः १०

(४१) एकचत्वारिंशं सूक्तम्

(१-१०) दशर्चस्यास्य सूक्तस्य काण्व आयुर्ऋषिः । इन्द्रो देवता । प्रगाथः
(विषमर्चा बृहती, समर्चा सतोबृहती) छन्दः

यथा मनौ विवस्वति सोमं शक्रापिबः सुतम् ।
यथा त्रिते छन्द इन्द्र जुजौषस्या यौ मादयसे सचा १
पृषधे मेध्यै मातरिश्वनीन्द्र सुवाने अमन्दथाः ।

यथा सोमं दशशिप्रे दशौणये स्यूमरश्मावृजूनसि २
 य उक्था केवला दधे यः सोमं धृषितापिबत् ।
 यस्मै विष्णुस्त्रीणि पुदा विचक्रम उप मित्रस्य धर्मभिः ३
 यस्य त्वमिन्द्र स्तोमेषु चाकनो वाजै वाजिञ्छतक्रतो ।
 तं त्वा वयं सुदुर्धामिव गोदुहो जुहूमसि श्रवस्यवः ४
 यो नो दाता स नः पिता मुहाँ उग्र ईशानकृत् ।
 अयामनुग्रो मघवा पुरुवसु गोरश्वस्य प्र दातु नः ५
 यस्मै त्वं वसो दानाय मंहसे स रायस्पोषमिन्वति ।
 वसूयवो वसुपतिं शतक्रतुं स्तोमैरिन्द्र हवामहे ६
 कदा चन प्र युच्छस्युभे नि पासि जन्मनी ।
 तुरीयादित्य हवनं त इन्द्रिय मा तस्थावमृतं दिवि ७
 यस्मै त्वं मघवन्निन्द्र गिर्वणः शिद्धो शिद्धसि दाशुषे ।
 अस्माकं गिर उत सुष्टुतिं वसो कराववच्छृणुधी हवम् ८
 अस्तावि मन्म पुर्व्यं ब्रह्मेन्द्राय वोचत ।
 पूर्वीर्ऋतस्य बृहतीरनूषत स्तोतुर्मेधा असृक्षत ९
 समिन्द्रो रायो बृहतीरधूनुत सं क्षोणी समु सूर्यम् ।
 सं शक्रासः शुचयः सं गवाशिरः सोमा इन्द्रममन्दिषुः १०

(४२) द्विचत्वारिंशं सूक्तम्

(१-८) अष्टर्चस्यास्य सूक्तस्य कारवो मेध्य ऋषिः । इन्द्रो देवता । प्रगाथः
 (विषमर्चा बृहती, समर्चा सतोबृहती) छन्दः

उपमं त्वा मघोनां ज्येष्ठं च वृषभाणाम् ।
 पूर्भिर्त्तमं मघवन्निन्द्र गोविदमीशानं राय ईमहे १
 य आयुं कुत्समतिथिग्वमर्दयो वावृधानो दिवेदिवे ।
 तं त्वा वयं हर्यश्वं शतक्रतुं वाजयन्तो हवामहे २
 आ नो विश्वेषां रसं मध्वः सिञ्चन्त्वद्रयः ।
 ये परावति सुन्विरे जनेष्वा ये अर्वावतीन्दवः ३
 विश्वा द्वेषांसि जहि चाव चा कृधि विश्वे सन्वन्त्वा वसु ।
 शीष्टेषु चित्ते मदिरासौ अंशवो यत्रा सोमस्य तृप्पसि ४
 इन्द्र नेदीय एदिहि मितमैधाभिरूतिभिः ।

आ शंतम् शंतमाभिरभिष्टिभिरा स्वापे स्वापिभिः ५
 आजितुरं सत्पतिं विश्वचर्षणिं कृधि प्रजास्वाभगम् ।
 प्र सू तिरा शर्चीभिर्ये तं उक्थिनः क्रतुं पुनत आनुषक् ६
 यस्ते साधिष्ठोऽवसे ते स्याम् भरेषु ते ।
 वयं होत्राभिरुत देवहूतिभिः ससवांसौ मनामहे ७
 अहं हि तै हरिवो ब्रह्म वाजयु राजिं यामि सदोतिभिः ।
 त्वामिदेव तममे समश्चयुर्गव्युरग्रे मथीनाम् ८

(४३) त्रिचत्वारिंशं सूक्तम्

(१-८) अष्टर्चस्यास्य सूक्तस्य काणवो मातरिश्वा ऋषिः । (१-२, ५-८)
 प्रथमाद्वितीययोऽर्च्योः पञ्चम्यादिचतसृणाञ्चेन्द्रः, (३-४) तृतीयाचतुर्थ्योश्च विश्वे देवा
 देवताः । प्रगाथः (विषमर्चा बृहती, समर्चा सतोबृहती) छन्दः
 एतत् तं इन्द्र वीर्यं गीर्भिर्गृणन्ति कारवः ।
 ते स्तोभन्त ऊर्जमावन् घृतश्चुतं पौरासौ नक्षन् धीतिभिः १
 नक्षन्त इन्द्रमवसे सुकृत्यया येषां सुतेषु मन्दसे ।
 यथा संवर्ते अमदो यथा कृश एवास्मे इन्द्र मत्स्व २
 आ नो विश्वे सजोषसो देवासो गन्तनोप नः ।
 वसवो रुद्रा अवसे न आ गम जृष्टवन्तु मरुतो हवम् ३
 पूषा विष्णुर्हवनं मे सरस्वत्यवन्तु सप्त सिन्धवः ।
 आपो वातः पर्वतासो वनस्पतिः शृणोतु पृथिवी हवम् ४
 यदिन्द्र राधो अस्ति ते माघोनं मघवत्तम ।
 तेन नो बोधि सधमाद्यौ वृधे भगौ दानाय वृत्रहन् ५
 आर्जिपते नृपते त्वमिद्धि नो वाज आ वक्षि सुक्रतो ।
 वीती होत्राभिरुत देववीतिभिः ससवांसो वि शृणिवरे ६
 सन्ति ह्यर्श्य आशिष इन्द्र आयुर्जनानाम् ।
 अस्मान् नक्षस्व मघवन्नृपावसे धुक्षस्व पिप्युषीमिषम् ७
 वयं तं इन्द्र स्तोमैभिर्विधेम त्वमस्माकं शतक्रतो ।
 महि स्थूरं शशयं राधो अहयं प्रस्करवाय नि तौशय ८

(४४) चतुश्चत्वारिंशं सूक्तम्

(१-५) पञ्चर्चस्यास्य सूक्तस्य कारवः कृश ऋषिः । इन्द्रः प्रस्करवस्य दानस्तुतिश्च देवते । (१-२, ४) प्रथमाद्वितीययोर्ऋचोश्चतुर्थ्याश्च गायत्री, (३, ५)

तृतीयापञ्चम्योश्चानुष्टुप् छन्दसी

भूरीदिन्द्रस्य वीर्यं व्यख्यम् भ्यायति । राधस्ते दस्यवे वृक १
शतं श्वेतासं उक्ष्णौ दिवि तारो न रौचन्ते । मुहा दिवं न तस्तभुः २
शतं वेणूञ्छतं शुनः शतं चर्माणि म्लातानि ।
शतं मै बल्बजस्तुका अरुषीणां चतुःशतम् ३
सुदेवाः स्थं कारवायना वयौवयो विचरन्तः । अश्वासो न चङ्क्रमत ४
आदित् सामस्यं चर्किरन्नानूनस्य महि श्रवः ।
श्यावीरतिध्वसन् पथश्चक्षुषा चन संनशे ५

(४५) पञ्चचत्वारिंशं सूक्तम्

(१-५) पञ्चर्चस्यास्य सूक्तस्य कारवः पृषध्र ऋषिः । (१-४)

प्रथमादिचतुर्ऋचामिन्द्रः प्रस्करवस्य दानस्तुतिश्च, (५) पञ्चम्याश्चाग्निसूर्यो देवताः ।

(१-४) प्रथमादिचतुर्ऋचां गायत्री, (५) पञ्चम्याश्च पङ्क्तिश्छन्दसी

प्रति ते दस्यवे वृक राधौ अदृश्यह्यम् । द्यौर्न प्रथिना शवः १
दश मह्यं पौतक्रतः सहस्रा दस्यवे वृकः । नित्याद्रायो अमंहत २
शतं मै गर्दभानां शतमूर्णावतीनाम् । शतं दासाँ अति स्रजः ३
तत्रो अपि प्राणीयत पूतक्रतायै व्यक्ता । अश्वानामिन्न यूथ्याम् ४
अचैत्यग्निश्चिकितु हव्यवाट् स सुमद्रथः ।
अग्निः शुक्रेण शोचिषा बृहत् सूरौ अरोचत दिवि सूर्यो अरोचत ५

(४६) षट्चत्वारिंशं सूक्तम्

(१-४) चतुर्ऋचस्यास्य सूक्तस्य कारवो मेध्य ऋषिः । अश्विनौ देवते । त्रिष्टुप्

छन्दः

युवं देवा क्रतुना पूर्व्येण युक्ता रथेन तविषं यजत्रा ।
आगच्छतं नासत्या शर्चीभि र्दं तृतीयं सर्वनं पिबाथः १
युवां देवास्त्रय एकादशासः सत्याः सत्यस्य ददृशे पुरस्तात् ।
अस्माकं यज्ञं सर्वनं जुषाणा पातं सोममश्विना दीद्यग्नी २
पुनाय्यं तदश्विना कृतं वा वृषभो दिवो रजसः पृथिव्याः ।

सहस्रं शंसा उत ये गविष्टौ सर्वा इत् तां उप याता पिबध्ये ३
 अयं वा भागो निहितो यजत्रे मा गिरौ नासत्योप यातम् ।
 पिबतुं सोमं मधुमन्तमुस्मे प्र दाश्वांसमवतुं शचीभिः ४

(४७) सप्तचत्वारिंशं सूक्तम्

(१-३) तृचस्यास्य सूक्तस्य कारवो मेध्य ऋषिः । (१) प्रथमर्चो विश्वे देवा
 ऋत्विजो वा, (२-३) द्वितीयातृतीययोश्च विश्वे देवा देवताः । त्रिष्टुप् छन्दः
 यमृत्विजो बहुधा कल्पयन्तः सचैतसो यज्ञमिमं वहन्ति ।
 यो अनूचानो ब्राह्मणो युक्त आसीत् का स्वित् तत्र यजमानस्य संवित् १
 एक एवाग्निर्बहुधा समिद्ध एकः सूर्यो विश्वमनु प्रभूतः ।
 एकैवोषाः सर्वमिदं वि भात्येकं वा इदं वि बभूवु सर्वम् २
 ज्योतिष्मन्तं केतुमन्तं त्रिचक्रं सुखं रथं सुषदं भूरिवारम् ।
 चित्रामघा यस्य योगैऽधिजज्ञे तं वा हुवे अति रिक्तं पिबध्ये ३

(४८) अष्टचत्वारिंशं सूक्तम्

(१-७) सप्तर्चस्यास्य सूक्तस्य कारवः सुपर्ण ऋषिः । इन्द्रावरुणौ देवते ।
 जगती छन्दः

इमानि वां भागुधेयानि सिस्त्रतु इन्द्रावरुणा प्र महे सुतेषु वाम् ।
 यज्ञेयज्ञे ह सर्वना भुरणयथो यत् सुन्वते यजमानाय शिद्धयः १
 निष्पिध्वरीरोषधीराप आस्ता मिन्द्रावरुणा महिमानमाशत ।
 या सिस्त्रतू रजसः पारे अध्वनो ययोः शत्रुर्नकिरादैव ओहते २
 सत्यं तदिन्द्रावरुणा कृशस्य वां मध्व ऊर्मि दुहते सप्त वाणीः ।
 ताभिर्दाश्वांसमवतं शुभस्पती यो वामदब्धो अभि पाति चित्तिभिः ३
 घृतप्रुषः सौम्या जीरदानवः सप्त स्वसारः सदन ऋतस्य ।
 या ह वामिन्द्रावरुणा घृतश्रुत स्ताभिर्धत्तं यजमानाय शिद्धतम् ४
 अवौचाम महते सौभगाय सत्यं त्वेषाभ्यां महिमानमिन्द्रियम् ।
 अस्मान् त्विन्द्रावरुणा घृतश्रुत स्त्रिभिः साप्तेभिरवतं शुभस्पती ५
 इन्द्रावरुणा यदृषिभ्यो मनीषां वाचो मतिं श्रुतमदत्तमग्रे ।
 यानि स्थानान्यसृजन्त धीरा यज्ञं तन्वानास्तपसाभ्यपश्यम् ६
 इन्द्रावरुणा सौमनसमदृप्तं रायस्पोषं यजमानेषु धत्तम् ।

प्रजां पुष्टिं भूतिमस्मासु धत्तं दीर्घायुत्वायु प्र तिरतं न आयुः ७
इति वालखिल्यं समाप्तम् ।

(४६) एकोनपञ्चाशं सूक्तम्

(१-२०) विंशत्यृचस्यास्य सूक्तस्य प्रागाथो भर्ग ऋषिः । अग्निर्देवता । प्रगाथः
(विषमर्चा बृहती, समर्चा सतोबृहती) छन्दः

अग्र आ याह्यग्निभिर्होतारं त्वा वृणीमहे ।
आ त्वामनक्तु प्रयता हविष्मती यजिष्ठं बर्हिरासदे १
अच्छा हि त्वा सहसः सूनो अङ्गिरः स्तुचश्चरन्त्यध्वरे ।
ऊर्जो नपातं घृतकेशमीमहे ऽग्निं यज्ञेषु पूर्वम् २
अग्रे कविर्वेधा असि होता पावक यद्वयः ।
मन्द्रो यजिष्ठो अध्वरेष्वीड्यो विप्रैभिः शुक्र मन्मभिः ३
अद्रौघमा वहोशतो यविष्ठय देवाँ अजस्र वीतयै ।
अभि प्रयासि सुधिता वसो गहि मन्दस्व धीतिभिर्हितः ४
त्वमित् सप्रथा अस्य ग्रै त्रातर्जुतस्कविः ।
त्वां विप्रांसः समिधान दीदिव आ विवासन्ति वेधसः ५
शोचा शोचिष्ठ दीदिहि विशे मयो रास्व स्तोत्रे मुहाँ असि ।
देवानां शर्मन् मम सन्तु सूरयः शत्रूषाहः स्वग्रयः ६
यथा चिद् वृद्धमतस मग्ने संजूर्वसि क्षमि ।
एवा देह मित्रमहो यो अस्मधुग् दुर्मन्मा कश्च वेनेति ७
मा नो मताय रिपवे रक्षस्विने माघशसाय रीरधः ।
अस्त्रैर्धद्भिस्तरणिभिर्यविष्ठय शिवेभिः पाहि पायुभिः ८
पाहि नौ अग्र एकया पाह्युत द्वितीयया ।
पाहि गीर्भिस्तिसृभिरूर्जा पते पाहि चतसृभिर्वसो ९
पाहि विश्वस्माद्रक्षसो अराव्णः प्र स्म वाजेषु नोऽव ।
त्वामिद्धि नेदिष्ठं देवतातय आपि नक्षामहे वृधे १०
आ नौ अग्ने वयोवृध रयिं पावक शंस्यम् ।
रास्वा च न उपमाते पुरुस्पृहं सुनीती स्वयशस्तरम् ११
येन वंसाम् पृतनासु शर्धत स्तरन्तो अर्य आदिशः ।
स त्वं नौ वर्ध प्रयसा शचीवसो जिन्वा धियो वसुविदः १२

शिशानो वृषभो यथाग्निः शृङ्गे दर्विध्वत् ।
 तिम्रा अस्य हनवो न प्रतिधृषे सुजम्भः सहसो यहुः १३
 नहि ते अग्ने वृषभ प्रतिधृषे जम्भासो यद्वितिष्ठसे ।
 स त्वं नो होतुः सुहृतं हविष्कृधि वंस्वा नो वार्या पुरु १४
 शेषे वनेषु मात्रोः सं त्वा मर्तास इन्धते ।
 अतन्द्रो हव्या वहसि हविष्कृत आदिद् देवेषु राजसि १५
 सप्त होतारस्तमिदीळते त्वा ऽग्ने सुत्यजमहयम् ।
 भिनत्स्यद्रिं तपसा वि शोचिषा प्राग्ने तिष्ठ जनाँ अति १६
 अग्निर्मग्निं वो अधिगुं हुवेम वृक्तबर्हिषः ।
 अग्निं हितप्रयसः शश्वतीष्वा ऽऽहोतारं चर्षणीनाम् १७
 केतैन् शर्मन् त्सचते सुषामणय ग्रे तुभ्यं चिकित्वना ।
 इषणयया नः पुरुरूपमा भर वाजं नेदिष्ठमूतयै १८
 अग्ने जरितर्विशपति स्तेपानो दैव रक्षसः ।
 अप्रौषिवान् गृहपतिर्महाँ असि दिवस्पायुर्दुरोणयुः १९
 मा नो रक्ष आ वैशीदाघृणीवसो मा यातुर्यातुमावताम् ।
 परोगव्यूत्यनिरामप क्षुध मग्ने सेध रक्षस्विनः २०

(५०) पञ्चाशं सूक्तम्

(१-१८) अष्टादशर्चस्यास्य सूक्तस्य प्रागाथो भर्ग ऋषिः । इन्द्रो देवता । प्रगाथः
 (विषमर्चा बृहती, समर्चा सतोबृहती) छन्दः

उभयं शृण्वच्च न इन्द्रौ अर्वागिदं वचः ।
 सत्राच्यो मघवा सोमपीतये धिया शविष्ठ आ गमत् १
 तं हि स्वरार्जं वृषभं तमोजसे धिषणै निष्टतक्षतुः ।
 उतोपमानां प्रथमो नि षीदसि सोमकामं हि ते मनः २
 आ वृषस्व पुरुवसो सुतस्येन्द्रान्धसः ।
 विद्या हि त्वा हरिवः पृत्सु सासहि मधृष्टं चिद् दधृष्वणिम् ३
 अप्रामिसत्य मघवन् तथेदस दिन्द्र क्रत्वा यथा वशः ।
 सनेम वाजं तव शिप्रिन्नवसा मक्षू चिद्यन्तौ अद्रिवः ४
 शग्ध्यूषु शचीपत इन्द्र विश्वाभिरूतिभिः ।
 भगं न हि त्वा यशसं वसुविद् मनु शूर चरामसि ५

पौरो अश्वस्य पुरुकृद् गवाम् स्युत्सौ देव हिरण्ययः ।
 नकिर्हि दानं परिमर्धिषत् त्वे यद्यद्यामि तदा भर ६
 त्वं ह्येहि चेरवे विदा भगं वसुत्तये ।
 उद् वावृषस्व मघवन् गविष्ठय उदिन्द्राश्वमिष्ठये ७
 त्वं पुरु सहस्राणि शतानि च यूथा दानाय मंहसे ।
 आ पुरंदरं चकृम् विप्रवचस इन्द्रं गायन्तोऽवसे ८
 अविप्रो वा यदविध द्विप्रो वेन्द्र ते वचः ।
 स प्र ममन्दत् त्वाया शतक्रतो प्राचामन्यो अहंसन ९
 उग्रबाहुर्मरुक्त्वा पुरंदरो यदि मे शृण्वद्धवम् ।
 वसूयवो वसुपतिं शतक्रतुं स्तोमैरिन्द्र हवामहे १०
 न पापासौ मनामहे नारायासो न जल्हवः ।
 यदिविन्द्रं वृषणं सचा सुते सखायं कृण्वामहे ११
 उग्रं युयुज्म पृतनासु सासहि मृणकातिमदाभ्यम् ।
 वेदा भूमं चित् सनिता रथीतमो वाजिनं यमिदू नशत् १२
 यत इन्द्र भयामहे ततो नो अभयं कृधि ।
 मघवञ्छुग्धि तव तन्न उतिभिर्वि द्विषो वि मृधौ जहि १३
 त्वं हि राधस्पते राधसो मुहः क्षयस्यासि विधतः ।
 तं त्वा वयं मघवन्निन्द्र गिर्वणः सुतावन्तो हवामहे १४
 इन्द्रः स्पळत वृत्रहा परस्पा नो वरैरयः ।
 स नो रक्षिषच्चरमं स मध्यमं स पश्चात् पातु नः पुरः १५
 त्वं नः पश्चादधरादुत्तरात् पुर इन्द्र नि पाहि विश्वतः ।
 आरे अस्मत् कृणुहि दैव्यं भय मारे हेतीरदेवीः १६
 अद्याद्या श्वःश्च इन्द्र त्रास्व परे च नः ।
 विश्वा च नो जरितृन् त्सत्पते अहा दिवा नक्तं च रक्षिषः १७
 प्रभुङ्गी शूरो मघवा तुवीमघः संमिश्लो वीर्याय कम् ।
 उभा तै बाहू वृषणा शतक्रतो नि या वज्रं मिमिक्षतुः १८

(५१) एकपञ्चाशं सूक्तम्

(१-१२) द्वादशर्चस्यास्य सूक्तस्य कारवो घौरः प्रगाथ ऋषिः । इन्द्रो देवता ।

(१-६, १०-१२) प्रथमादितृचद्वयस्य दशम्यादितृचस्य च पङ्क्तिः, (७-९)

सप्तम्यादितृचस्य च बृहती छन्दसी

प्रो अस्मा उपस्तुतिं भरता यज्जुजौषति ।
 उक्थैरिन्द्रस्य माहिनुं वयौ वर्धन्ति सोमिनो भद्रा इन्द्रस्य रातयः १
 अयुजो असमो नृभि रेकः कृष्टीरयास्यः ।
 पूर्वोरति प्र वावृधे विश्वा जातान्योजसा भद्रा इन्द्रस्य रातयः २
 अहितेन चिदर्वता जीरदानुः सिषासति ।
 प्रवाच्यमिन्द्र तत् तव वीर्याणि करिष्यतो भद्रा इन्द्रस्य रातयः ३
 आ याहि कृण्वाम त इन्द्र ब्रह्माणि वर्धना ।
 येभिः शविष्ठ चाकनो भद्रमिह श्रवस्यते भद्रा इन्द्रस्य रातयः ४
 धृषतश्चिद् धृषन्मनः कृणोषीन्द्र यत् त्वम् ।
 तीव्रैः सोमैः सपर्यतो नमोभिः प्रतिभूषतो भद्रा इन्द्रस्य रातयः ५
 अवं चष्ट ऋचीषमो ऽवताँ इव मानुषः ।
 जुष्टी दक्षस्य सोमिनः सखायं कृणुते युजं भद्रा इन्द्रस्य रातयः ६
 विश्वे त इन्द्र वीर्यं देवा अनु क्रतुं ददुः ।
 भुवो विश्वस्य गोपतिः पुरुष्टुत भद्रा इन्द्रस्य रातयः ७
 गृणे तदिन्द्र ते शवं उपमं देवतातये ।
 यद्धंसि वृत्रमौजसा शचीपते भद्रा इन्द्रस्य रातयः ८
 समनेव वपुष्यतः कृणवन्मानुषा युगा ।
 विदे तदिन्द्रश्चेतनमर्धं श्रुतो भद्रा इन्द्रस्य रातयः ९
 उज्जातमिन्द्र ते शव उत त्वामुत् तव क्रतुम् ।
 भूरिगो भूरि वावृधुर्मर्धवन् तव शर्मणि भद्रा इन्द्रस्य रातयः १०
 अहं च त्वं च वृत्रहन्त्सं युज्याव सनिभ्य आ ।
 अरातीवा चिदद्रिवो ऽनु नौ शूर मंसते भद्रा इन्द्रस्य रातयः ११
 सत्यमिद् वा उ तं वय मिन्द्रं स्तवाम नानृतम् ।
 मुहाँ असुन्वतो वधो भूरि ज्योतीषि सुन्वतो भद्रा इन्द्रस्य रातयः १२

(५२) द्विपञ्चाशं सूक्तम्

(१-१२) द्वादशर्चस्यास्य सूक्तस्य कारणः प्रगाथ ऋषिः । (१-११)

प्रथमाद्येकादशर्चामिन्द्रः, (१२) द्वादश्याश्च देवा देवताः । (१, ४-५, ७)

प्रथमर्चश्चतुर्थीपञ्चमीसप्तमीनाञ्चानुष्टुप्, (२-३, ६, ८-११)

द्वितीयातृतीयाषष्ठीनामष्टम्यादिचतसृणाञ्च गायत्री, (१२) द्वादश्याश्च त्रिष्टुप् छन्दांसि
 स पू॒र्व्यो म॒हानां वे॒नः क्र॑तु॒भिरान॑जे । यस्य॒ द्वा॒रा म॑नु॒ष्पिता दे॒वेषु॒ धिय॑
 आ॒नु॒जे १
 दि॒वो मा॒नं नो॒त्स॑द॒न् त्सो॑म॒पृष्ठा॑सो अ॒द्रयः॑ । उ॒क्था ब्र॑ह्म च शं॒स्या २
 स वि॒द्वाँ अ॒ङ्गि॒रोभ्य॑ इन्द्रो गा अ॒वृ॒णोद॑प । स्तु॒षे तद॑स्य॒ पौ॒स्यम् ३
 स प्र॒ब॒था क॑वि॒वृ॒ध इन्द्रो॑ वा॒कस्य॑ व॒क्षणिः॑ ।
 शि॒वो अ॒र्कस्य॑ हो॒म॒न्यस्म॑त्रा ग॒न्त्वव॑से ४
 आ॒दू नु ते॒ अनु॑ क्र॒तुं स्वा॒हा वर॑स्य॒ यज्य॑वः ।
 श्वा॒त्रम॑र्का अ॒नू॒ष॒ते न्द्र॑ गो॒त्रस्य॑ दा॒वनै ५
 इ॒न्द्रे वि॒श्वानि॑ वी॒र्या॑ कृ॒तानि॑ क॒र्त्तानि॑ च । यम॑र्का अ॒ध्व॒रं वि॒दुः ६
 यत् पा॒ञ्चज॑न्यया वि॒शे न्द्रे॒ घोषा॑ असृ॒क्षत॑ ।
 अ॒स्तृ॒णाद्ब॒र्हणा॑ वि॒पो॒ऽर्यो मा॑न॒स्य स क्ष॑यः ७
 इ॒यमु॑ ते अ॒नु॒ष्टु॒तिश्च॑ कृ॒षे ता॑नि पौ॒स्या । प्रा॒व॒श्चक्र॑स्य॒ वर्त॑निम् ८
 अ॒स्य वृ॒ष्णो व्यो॑र्दन उ॒रु क्र॑मिष्ट जी॒वसै॑ । यव॑ं न प॒श्च आ द॑दे ९
 तद्द॒धाना॑ अ॒व॒स्यवो॑ यु॒ष्माभि॑र्दक्षि॒पितरः॑ । स्याम॑ म॒रु॒त्वतो॑ वृ॒धे १०
 ब॒ळ॒त्वि॒र्याय॑ धाम्न॒ ऋ॒क्व॒भिः शू॒र नो॑नुमः । जेषा॑मेन्द्र॒ त्वर्या॑ यु॒जा ११
 अ॒स्मै रु॒द्रा मे॒हना॑ पर्व॒तासो॑ वृ॒त्रह॑त्ये भ॒र॒हूतो॑ सु॒जोषाः॑ ।
 यः शंस॑ते स्तु॒व॒ते धा॒रि॒प॒ञ्च इन्द्र॑ज्ये॒ष्ठा अ॒स्माँ अव॑न्तु दे॒वाः १२

(५३) त्रिपञ्चाशं सूक्तम्

(१-१२) द्वादशर्चस्यास्य सूक्तस्य कारणः प्रगाथ ऋषिः । इन्द्रो देवता ।

गायत्री छन्दः

उत् त्वा॑ म॒न्दन्तु॑ स्तो॒माः कृ॑णुष्व रा॒धौ अ॒द्रि॒वः । अ॒व ब्र॑ह्मद्वि॒षौ ज॑हि १
 प॒दा पु॒र्णी॒राध॑सो नि बा॒धस्व॑ म॒हाँ अ॑सि । न॒हि त्वा॑ कश्च॒न प्र॑ति २
 त्व॒र्मा॒शिषे॑ सु॒ताना॑ मिन्द्र॒ त्वम॑सु॒तानाम् । त्वं रा॒जा ज॑नानाम् ३
 ए॒हि प्रे॒हि क्ष॑यौ दि॒व्या॒ऽघो॑ष॒ञ्चर्ष॑णीनाम् । ओ॒भे पृ॑णासि॒ रोद॑सी ४
 त्यं चि॒त् पर्व॑तं गि॒रिं श॑तव॒न्तं स॒हस्रि॑णम् । वि स्तो॒तृभ्यो॑ रु॒रोजि॑थ ५
 वृ॒यमु॑ त्वा॒ दिवा॑ सु॒ते वृ॒यं नक्तं॑ हवामहे । अ॒स्माकं॑ का॒म॒मा पृ॑ण ६
 क्व॑स्य वृ॒षभो॑ यु॒वा तु॒वि॒ग्री॒वो अ॑नानतः । ब्र॒ह्मा क॑स्तं संप॒र्यति॑ ७
 कस्य॑ स्वि॒त् स॒र्व॒नं वृ॑षा जुजुष्वाँ अ॒व ग॑च्छति । इन्द्रं॑ क उ॑ स्वि॒दा च॑के ८

कं ते दाना असक्तु वृत्रहन् कं सुवीर्या । उक्थे क उ स्विदन्तमः ९
 अयं ते मानुषे जने सोमः पूरुषु सूयते । तस्येहि प्र द्रवा पिब १०
 अयं ते शर्यणावति सुषोमायामधि प्रियः । अर्जीकीये मदिन्तमः ११
 तमुद्य राधसे महे चारुं मदायु घृष्वये । एहीमिन्द्र द्रवा पिब १२

(५४) चतुःपञ्चाशं सूक्तम्

(१-१२) द्वादशर्चस्यास्य सूक्तस्य काण्वः प्रगाथ ऋषिः । इन्द्रो देवता ।

गायत्री छन्दः

यदिन्द्र प्रागपागुदङ् न्यग्वा हूयसे नृभिः । आ याहि तूयमाशुभिः १
 यद्वा प्रस्रवणे दिवो मादयासे स्वर्ण रे । यद्वा समुद्रे अन्धसः २
 आ त्वा गीर्भिर्महामुरुं हुवे गामिव भोजसे । इन्द्र सोमस्य पीतये ३
 आ त इन्द्र महिमानुं हरयो देव ते महः । रथे वहन्तु बिभ्रतः ४
 इन्द्र गृणीष उ स्तुषे महां उग्र ईशानकृत् । एहि नः सुतं पिब ५
 सुतावन्तस्त्वा वयं प्रयस्वन्तो हवामहे । इदं नो बृहिरासदे ६
 यच्चिद्धि शश्वतामसीन्द्र साधारणस्त्वम् । तं त्वा वयं हवामहे ७
 इदं ते सोम्यं मध्व धुक्षन्नद्रिभिर्नरः । जुषाण इन्द्र तत् पिब ८
 विश्वाँ अर्यो विपश्चितो ऽति ख्यस्तूयमा गहि । अस्मे धेहि श्रवो बृहत् ९
 दाता मे पृषतीनां राजा हिरण्यवीनाम् । मा देवा मघवा रिषत् १०
 सहस्रे पृषतीना मधि चन्द्रं बृहत् पृथु । शक्रं हिरण्यमा ददे ११
 नपातो दुर्गहस्य मे सहस्रेण सुरार्धसः । श्रवो देवेष्वक्रत १२

(५५) पञ्चपञ्चाशं सूक्तम्

(१-१५) पञ्चदशर्चस्यास्य सूक्तस्य प्रागाथः कलिर्ऋषिः । इन्द्रो देवता । (१-
 १४) प्रथमादिचतुर्दशर्चा प्रागाथः (विषमर्चा बृहती, समर्चा सतोबृहती), १५

पञ्चदश्याश्चानुष्टुप् छन्दसी

तरोभिर्वो विदद्वसु मिन्द्रं सबाध ऊतये ।
 बृहद्वायन्तः सुतसौमे अध्वरे हुवे भरं न कारिणम् १
 न यं दुध्रा वरन्ते न स्थिरा मुरो मदे सुशिप्रमन्धसः ।
 य आदृत्या शशमानाय सुन्वते दाता जरित्र उक्थ्यम् २
 यः शक्रो मृक्षो अश्वयो यो वा कीजौ हिरण्ययः ।

स ऊर्वस्य रेजयत्यपावृति मिन्द्रो गव्यस्य वृत्रहा ३
 निखातं चिद्यः पुरुसंभृतं वसू दिद्वपति दाशुषै ।
 वज्री सुशिप्रो हर्यश्च इत् केरदिन्द्रः क्रत्वा यथा वशत् ४
 यद्वावन्थं पुरुष्टुत पुरा चिच्छूर नृणाम् ।
 वयं तत् त इन्द्र सं भरामसि यज्ञमुक्थं तुरं वचः ५
 सचा सोमैषु पुरुहूत वज्रिवो मदयि द्युक्ष सोमपाः ।
 त्वमिद्धि ब्रह्मकृते काम्यं वसु देष्टः सुन्वते भुवः ६
 वयमेनमिदा ह्यो ऽपीपेमेह वज्रिणम् ।
 तस्मा उ अद्य समना सुतं भरा ऽऽ नूनं भूषत श्रुते ७
 वृकश्चिदस्य वारुण उरामथि रा वयुनेषु भूषति ।
 सेमं नः स्तोमं जुजुषाण आ गृहीन्द्र प्र चित्रया धिया ८
 कदू न्वश्याकृत मिन्द्रस्यास्ति पौंस्यम् ।
 केनो नु कं श्रोमतेन न शश्रुवे जनुषः परि वृत्रहा ९
 कदू महीरधृष्टा अस्य तविषीः कदू वृत्रघ्नो अस्तृतम् ।
 इन्द्रो विश्वान् बेकनाटाँ अहर्दृश उत क्रत्वा पूर्णरिभि १०
 वयं घा ते अपूर्व्येन्द्र ब्रह्माणि वृत्रहन् ।
 पुरुतमांसः पुरुहूत वज्रिवो भृतिं न प्र भरामसि ११
 पूर्वीश्चिद्धि त्वे तुविकूर्मिन्नाशसो हवन्त इन्द्रोतयः ।
 तिरश्चिद्वयः सवना वसो गहि शविष्ठ श्रुधि मे हवम् १२
 वयं घा ते त्वे इ द्विन्द्र विप्रा अपि ष्मसि ।
 नहि त्वदन्यः पुरुहूत कश्चन मघवन्नस्ति मर्दिता १३
 त्वं नो अस्या अमतेरुत क्षुधोर्ऽभिशास्तेरव स्पृधि ।
 त्वं न उती तव चित्रया धिया शिक्ता शचिष्ठ गातुवित् १४
 सोम इद्वः सुतो अस्तु कलयो मा बिभीतन ।
 अपेदेष ध्वस्मारयति स्वयं घैषो अपायति १५

(५६) षट्पञ्चाशं सूक्तम्

(१-२१) एकविंशत्यृचस्यास्य सूक्तस्य साम्मदो मत्स्यो मैत्रावरुणिर्मान्यो वा
 जालनद्धा बहवो मत्स्या वा ऋषयः । आदित्या देवताः । गायत्री छन्दः
 त्यान् नु क्षत्रियाँ अव आदित्यान् याचिषामहे । सुमृळीकाँ अभिष्टये १

मि॒त्रो नो अ॒त्य॑ह॒तिं वरु॑णः पर्ष॑दर्य॒मा । आ॒दि॒त्यासो॑ यथा॒ वि॒दुः २
 तेषां॑ हि चि॒त्रमु॒क्थ्यं॑ वरु॒थमस्ति॑ दा॒शुषे॑ । आ॒दि॒त्याना॑म॒र॒कृते॑ ३
 महि॑ वो म॒हता॑मवो॒ वरु॑ण मि॒त्रार्य॑मन् । अवा॑स्या वृ॒णीमहे॑ ४
 जी॒वान् नो॑ अ॒भि धै॑त॒नाऽऽदि॑त्यासः पु॒रा ह॒थात् । क॒द्ध स्थ॑ ह॒वनश्रुतः॑ ५
 यद्वः॑ श्रान्ता॒र्य सु॒न्वते॑ वरु॒थमस्ति॑ यच्छ॒र्दिः । तेना॑ नो अ॒धि वो॑चत ६
 अस्ति॑ दे॒वा अ॒हो॒र्व स्ति॑ रत्न॒मना॑गसः । आ॒दि॒त्या अ॒द्भुतै॑नसः ७
 मा नः॑ सेतुः सिषेद॒यं मु॒हे वृ॑णक्तु न॒स्परि॑ । इन्द्र॑ इ॒द्धि श्रु॒तो वृ॒शी ८
 मा नो॑ मृ॒चा रि॒पूणां॑ वृ॒जिना॑नामविष्यवः । दे॒वा अ॒भि प्र॑ मृ॒क्षत॑ ९
 उ॒त त्वा॑म॒दि॒ते मा॒ ह्यहं॑ दे॒व्युप॑ ब्रुवे । सु॒मृ॒ळीका॑म॒भिष्ट॑ये १०
 पर्षि॑ दी॒ने ग॑भीर आ॒ उ॒ग्रपु॒त्रे जिघा॑सतः । मा॒कि॒स्तो॒कस्य॑ नो रिषत् ११
 अ॒ने॒हो न॑ उरु॒व्रज॑ उरु॒चि वि॑ प्र॒स॒र्तवे॑ । कृ॒धि तो॒काय॑ जी॒वसे॑ १२
 ये मूर्धा॑नः क्षि॒तीना॑ म॒द॒ब्धासः॑ स्व॒र्यश॑सः । वृ॒ता र॑क्ष॒न्ते अ॒द्भुहः॑ १३
 ते न॑ आ॒स्त्रो वृ॒काणा॑ मा॒दि॒त्यासो॑ मु॒मोच॑त । स्तेनं॑ ब॒द्धमि॑वादि॒ते १४
 अपो॑ षु ण॑ इ॒यं शरु॑ रा॒दि॒त्या अप॑ दु॒र्मतिः॑ । अ॒स्मदे॒त्वज॑घ्नुषी १५
 शश्च॑द्धि वः सु॒दानव॑ आ॒दि॒त्या ऊ॒तिभि॑र्व॒यम् । पु॒रा नूनं॑ बु॒भुज्महे॑ १६
 शश्च॑न्तं हि प्र॒चेत॑सः प्र॒तिय॑न्तं चि॒देन॑सः । दे॒वाः कृ॑णु॒थ जी॒वसे॑ १७
 तत् सु॑ नो न॒व्यं स॒न्यस॑ आ॒दि॒त्या यन्मु॑मोचति । ब॒न्धाद्ब॒द्धमि॑वादि॒ते १८
 नास्मा॑कमस्ति॒ तत् तर॑ आ॒दि॒त्यासो॑ अ॒तिष्क॑दै । यू॒यम॒स्मभ्य॑ मृ॒ळत॑ १९
 मा नो॑ हे॒तिर्वि॒वस्व॑तु आ॒दि॒त्याः कृ॒त्रिमा॑ शरुः । पु॒रा नु॑ ज॒रसो॑ वधीत् २०
 वि षु॑ द्वे॒षो व्य॑ह॒ति मा॒दि॒त्यासो॑ वि संहि॑तम् । वि॒ष्वग्वि॑ वृ॒हता॑ रपः २१
 पञ्च॑मोऽध्यायः । व० १-३८

(५७) सप्तपञ्चाशं सूक्तम्

(१-१६) एकोनविंशत्यृचस्यास्य सूक्तस्याङ्गिरसः प्रियमेध ऋषिः । (१-१३)

प्रथमादित्रयोदशर्चामिन्द्रः, (१४-१६) चतुर्दश्यादितृचद्वयस्य च

ऋक्षाश्चमेधयोर्दानस्तुतिर्देवताः । (१-१२) प्रथमादिद्वादशर्चामानुष्टुभः प्रगाथः

((१, ४, ७, १०) प्रथमाचतुर्थीसप्तमीदशमीनामनुष्टुप्, (२-३, ५-६, ८-९, ११-१२) द्वितीयातृतीयापञ्चमीषष्ठ्यष्टमीनवम्येकादशीद्वादशीनाञ्च गायत्री), (१३-१६)

त्रयोदश्यादिसप्तानाञ्च गायत्री छन्दसी

आ त्वा रथं यथोतयै सुम्राय वर्तयामसि । तु॒वि॒कूर्मि॑मृ॒तीष॑ह मिन्द्र शविष्ठ

सत्पते १

तुविशुष्म तुविक्रतो शचीवो विश्वया मते । आप्राथ महित्वना २
यस्य ते महिना महः परि ज्मायन्तमीयतुः । हस्ता वज्रं हिरण्यम् ३
विश्वानरस्य वस्पति मनानतस्य शर्वसः । एवैश्च चर्षणीना मूती हुवे
रथानाम् ४

अभिष्टये सदावृधं स्वर्मीळहेषु यं नरः । नाना हवन्त ऊतये ५
परोमात्रमृचीषम् मिन्द्रमुग्रं सुरार्धसम् । ईशानं चिद्वसूनाम् ६
तन्मिद्रार्धसे मह इन्द्रं चोदामि पीतये ।

यः पूर्व्यामनुष्टुति मीशै कृष्टीनां नृतुः ७

न यस्य ते शवसान सख्यमानंश मर्त्यः । नक्किः शवासि ते नशत् ८
त्वोतासस्त्वा युजा ऽप्सु सूर्ये महद्धनम् । जयैम पृत्सु वज्रिवः ९
तं त्वा युज्ञेभिरीमहे तं गीर्भिर्गिर्वणस्तम ।

इन्द्र यथा चिदाविथ वाजेषु पुरुमाय्यम् १०

यस्य ते स्वादु सख्यं स्वाद्वी प्रणीतिरद्विवः । युज्ञो वितन्तसाय्यः ११
उरु रास्तन्वेऽर्तन उरु क्षयाय नस्कृधि । उरु रां यन्धि जीवसे १२

उरुं नृभ्य उरुं गव उरुं रथाय पन्थाम् । देववीतिं मनामहे १३

उप मा षड् द्वाद्वी नरः सोमस्य हर्ष्या । तिष्ठन्ति स्वादुरातयः १४

ऋज्राविन्द्रोत आ ददे हरी ऋक्षस्य सूनवि । आश्वमेधस्य रोहिता १५

सुरथाँ आतिथिग्वे स्वभीशूँर्द्वे । आश्वमेधे सुपेशसः १६

षळश्वाँ आतिथिग्व इन्द्रोते वधूमतः । सचा पूतक्रतौ सनम् १७

ऐषु चेतद्वर्षणव त्यन्तर्ऋजेष्वरुषी । स्वभीशुः कशावती १८

न युष्मे वाजबन्धवो निनित्सुश्चन मर्त्यः । अवद्यमधि दीधरत् १९

(५८) अष्टपञ्चाशं सूक्तम्

(१-१८) अष्टादशर्चस्यास्य सूक्तस्याङ्गिरसः प्रियमेध ऋषिः । (१-१०, १३-१८)
प्रथमादिदशर्चा त्रयोदश्यादिषण्णाञ्चेन्द्रः, (११) एकादश्या पूर्वार्धस्य विश्वे देवाः,
(११-१२) एकादश्या उत्तरार्धस्य द्वादश्याश्च वरुणो देवताः । (१, ३, ७-१०, १२-
१५) प्रथमर्चस्तृतीयायाः सप्तम्यादिचतसृणां द्वादश्यादिचतसृणाञ्चानुष्टुप्, (२)

द्वितीयाया उष्णिक्, (४-६) चतुर्थ्यादितृचस्य गायत्री, (११, १६)

एकादशीषोडश्योः पङ्क्तिः, (१७-१८) सप्तदश्यष्टादश्योश्च बृहती छन्दांसि

प्रप्र वस्त्रिष्टुभमिषं मन्दद्वीरायेन्दवे । धिया वो मेधसातये पुरंध्या विवासति
१

नदं व ओदतीनां नदं योयुवतीनाम् । पतिं वो अघ्नयानां धेनूनामिषुध्यसि २
ता अस्य सूददोहसः सोमं श्रीणन्ति पृश्नयः ।

जन्मन् देवानां विशं स्त्रिष्वा रौचने दिवः ३

अभि प्र गोपतिं गिरेन्द्रमर्च यथा विदे । सूनुं सत्यस्य सत्पतिम् ४

आ हरयः ससृजिरे ऽरुषीरधि बर्हिषि । यत्राभि संनवामहे ५

इन्द्राय गावं आशिरं दुदुहे वज्रिणे मधु । यत् सीमुपहरे विदत् ६

उद्यद्ब्रध्नस्य विष्टपं गृहमिन्द्रश्च गन्वहि ।

मध्वः पीत्वा संचेवहि त्रिः सप्त सख्युः पदे ७

अर्चतु प्रार्चतु प्रियमेधासो अर्चत । अर्चन्तु पुत्रका उत पुरं न धृष्णवर्चत ८

अवं स्वराति गर्गरो गोधा परि सनिष्वणत् ।

पिङ्गा परि चनिष्कद् दिन्द्राय ब्रह्मोद्यतम् ९

आ यत् पतन्त्येन्यः सुदुघा अनपस्फुरः ।

अपस्फुरं गृभायत् सोममिन्द्राय पातवे १०

अपादिन्द्रो अपादग्निर्विश्वे देवा अमत्सत ।

वरुण इदिह क्षयत् तमापौ अभ्यनूषत वत्सं संशिश्वरीरिव ११

सुदेवो असि वरुण यस्य ते सप्त सिन्धवः ।

अनुक्षरन्ति काकुदं सूम्यं सुषिरामिव १२

यो व्यतीरिंफाणयत् सुयुक्ताँ उप दाशुषै ।

तक्वो नेता तदिद्वपु रूपमा यो अमुच्यत १३

अतीदुं शक्र औहत इन्द्रो विश्वा अति द्विषः ।

भिनत् कनीनं ओदनं पच्यमानं पुरो गिरा १४

अर्भको न कुमारको ऽधि तिष्ठन् नवं रथम् ।

स पक्षन्महिषं मृगं पित्रे मात्रे विभुक्रतुम् १५

आ तू सुशिप्र दंपते रथं तिष्ठा हिरण्ययम् ।

अर्धं द्युक्षं संचेवहि सहस्रपादमरुषं स्वस्तिगामनेहसम् १६

तं घैमित्था नमस्विन् उप स्वराजमासते ।

अर्थं चिदस्य सुधितं यदेतव आवर्तयन्ति दावने १७

अनुं प्रत्नस्यौकसः प्रियमेधास एषाम् ।

पूर्वामनु प्रयतिं वृक्तबर्हिषो हितप्रयस आशत १८

(५६) एकोनषष्टितमं सूक्तम्

(१-१५) पञ्चदशर्चस्यास्य सूक्तस्याङ्गिरसः पुरुहन्मा ऋषिः । इन्द्रो देवता । (१-६) प्रथमादितृचद्वयस्य प्रगाथः (विषमर्चा बृहती, समर्चा सतोबृहती), (७-१२) सप्तम्यादिषडृचां बृहती, (१३) त्रयोदश्या उष्णिक्, (१४) चतुर्दश्या अनुष्टुप्, (१५) पञ्चदश्याश्च पुर उष्णिक् छन्दांसि

यो राजा चर्षणीनां याता रथेभिरधिगुः ।
विश्वासां तरुता पृतनानां ज्येष्ठो यो वृत्रहा गृणे १
इन्द्रं तं शुम्भ पुरुहन्मन्नवसे यस्य द्विता विधर्तरि ।
हस्ताय वज्रः प्रति धायि दर्शतो महो दिवे न सूर्यः २
नकिष्टं कर्मणा नश द्यश्चकार सदावृधम् ।
इन्द्रं न यज्ञैर्विश्वगूर्तमृभ्वस मधृष्टं धृष्णवौजसम् ३
अषाढहमुग्रं पृतनासु सासहिं यस्मिन् महीरुरुजयः ।
सं धेनवो जायमाने अनोनवु द्यावः क्षामौ अनोनवुः ४
यदद्याव इन्द्र ते शतं शतं भूमीरुत स्युः ।
न त्वा वज्रिन् त्सहस्रं सूर्या अनु न जातमष्ट रोदसी ५
आ पंप्राथ महिना वृष्या वृषन् विश्वा शविष्ट शवसा ।
अस्माँ अव मघवन् गोमति वृजे वज्रिञ्चित्राभिरूतिभिः ६
न सीमदैव आप दिष दीर्घायो मर्त्यः ।
एतग्वा चिद्य एतशा युयोजते हरी इन्द्रो युयोजते ७
तं वो महो महाय्य मिन्द्र दानाय सक्षणिम् ।
यो गाधेषु य आरणेषु हव्यो वाजेष्वस्ति हव्यः ८
उदू षु शौ वसो महे मृशस्व शूर राधसे ।
उदू षु मह्यै मघवन् मघत्तय उदिन्द्र श्रवसे महे ९
त्वं न इन्द्र ऋतयु स्त्वानिदो नि तृम्पसि ।
मध्ये वसिष्व तुविनृम्णोर्वो नि दासं शिश्नथो हथैः १०
अन्यव्रतममानुष मयज्वानमदैवयुम् । अव स्वः सखा दुधुवीत पर्वतः
सुघ्राय दस्युं पर्वतः ११
त्वं न इन्द्रासां हस्तै शविष्ट दावनै ।

धानानां न सं गृभायास्मयुर्द्विः सं गृभायास्मयुः १२
 सखायः क्रतुमिच्छत कथा राधाम शरस्य ।
 उपस्तुतिं भोजः सूरियो अहयः १३
 भूरिभिः समह ऋषिभिर्बर्हिष्मद्भिः स्तविष्यसे ।
 यदित्थमेकमेकमिच्छरं वत्सान् पराददः १४
 कर्णगृह्या मघवा शौरदेव्यो वत्सं नस्त्रिभ्य आनयत् । अजां सूरिर्न धातवे
 १५

(६०) षष्ठितमं सूक्तम्

(१-१५) पञ्चदशर्चस्यास्य सूक्तस्याङ्गिरसौ सुदीतिपुरुमीळ्हौ तयोरन्यतरो वा ऋषिः
 । अग्निर्देवता । (१-६) प्रथमादिनवर्चा गायत्री, (१०-१५) दशम्यादिषण्णाञ्च
 प्रगाथः (विषमर्चा बृहती, समर्चा सतोबृहती) छन्दसी

त्वं नो अग्ने महौभिः पाहि विश्वस्या अरातेः ।
 उत द्विषो मर्त्यस्य १
 नहि मन्युः पौरुषेय ईशे हि वः प्रियजात । त्वमिदं सि क्षपावान् २
 स नो विश्वेभिर्देवेभिरूजो नपाद्भद्रं शोचे । रयिं देहि विश्ववारम् ३
 न तमग्ने अरातयो मर्तं युवन्त रायः । यं त्रायसे दाश्वांसम् ४
 यं त्वं विप्र मेधसाता वग्रे हिनोषि धनाय । स तवोती गोषु गन्ता ५
 त्वं रयिं पुरुवीर मग्रे दाशुषे मर्ताय । प्र णो नय वस्यो अच्छ ६
 उरुष्या णो मा परा दा अघायते जातवेदः । दुराध्येऽ मर्ताय ७
 अग्ने मार्किष्टे देवस्य रातिमर्देवो युयोत । त्वमीशिषे वसूनाम् ८
 स नो वस्व उप मा स्यूजो नपान्माहि नस्य । सखे वसो जरितृभ्यः ९
 अच्छा नः शीरशौचिषं गिरौ यन्तु दर्शतम् ।
 अच्छा यज्ञासो नमसा पुरुवसुं पुरुप्रशस्तमूतये १०
 अग्निं सूनं सहसो जातवेदसं दानाय वार्याणाम् ।
 द्विता यो भूदमृतो मर्त्येष्वो होता मन्द्रतमो विशि ११
 अग्निं वो देवयज्यया ऽग्निं प्रयत्यध्वरे ।
 अग्निं धीषु प्रथममग्निमर्व त्यग्निं क्षैत्राय सार्धसे १२
 अग्निषां सख्ये ददातु न ईशे यो वार्याणाम् ।
 अग्निं तोके तनये शश्वदीमहे वसुं सन्तं तनूपाम् १३

अग्निमीळिष्वावसे गाथाभिः शीरशौचिषम् ।
 अग्निं राये पुरुमीळह श्रुतं नरो ऽग्निं सुदीतये छर्दिः १४
 अग्निं द्वेषो योतवै नो गृणीमस्यग्निं शं योश्च दातवे ।
 विश्वासु विद्ववितेव हव्यो भुवद्वस्तुर्ऋषूणाम् १५

(६१) एकषष्टितमं सूक्तम्

(१-१८) अष्टादशर्चस्यास्य सूक्तस्य प्रागाथो हर्यत ऋषिः । अग्निर्हवींषि वा देवताः
 । गायत्री छन्दः

हविष्कृणुध्वमा गमदध्वर्युर्वनते पुनः । विद्वाँ अस्य प्रशासनम् १
 नि तिग्ममभ्यंशं सीदद्धोता मनावधि । जुषाणो अस्य सख्यम् २
 अन्तरिच्छन्ति तं जनै रुद्रं पुरो मनीषया । गृभ्णन्ति जिह्वया ससम् ३
 जाम्यतीतपे धनुर्वयोधा अरुहद्वनम् । दृषदं जिह्यावधीत् ४
 चरन् वत्सो रुशन्निह निदातारं न विन्दते । वेति स्तोतव अम्ब्यम् ५
 उतो न्वस्य यन्मह दक्षावद्योजनं बृहत् । दामा रथस्य ददृशे ६
 दुहन्ति सप्तैका मुप द्वा पञ्च सृजतः । तीर्थे सिन्धोरधि स्वरे ७
 आ दशभिर्विवस्वत इन्द्रः कोशमचुच्यवीत् । खेदया त्रिवृता दिवः ८
 परि त्रिधातुरध्वरं जूणिरेति नवीयसी । मध्वा होतारो अञ्जते ९
 सिञ्चन्ति नमसावृत मुञ्चाचक्रं परिज्मानम् । नीचीनबारमक्षितम् १०
 अभ्यारमिदद्रयो निषिक्तं पुष्करे मधु । अवतस्य विसर्जने ११
 गाव उपावतावृतं मही यज्ञस्य रप्सुदा । उभा कर्णा हिरण्यया १२
 आ सुते सिञ्चत श्रियं रोदस्योरभिश्चिर्यम् । रसा दधीत वृषभम् १३
 ते जानत स्वमोक्यं सं वत्सासो न मातृभिः । मिथो नसन्त जामिभिः १४
 उप स्रक्वेषु बप्सतः कृणवते धरुणं दिवि । इन्द्रे अग्रा नमः स्वः १५
 अधुक्षत् पिप्युषीमिष मूर्जं सप्तपदीमरिः । सूर्यस्य सप्त रश्मिभिः १६
 सोमस्य मित्रावरुणो दिता सूर आ ददे । तदातुरस्य भेषजम् १७
 उतो न्वस्य यत् पदं हर्यतस्य निधान्यम् । परि द्यां जिह्वयातनत् १८

(६२) द्विषष्टितमं सूक्तम्

(१-१८) अष्टादशर्चस्यास्य सूक्तस्यात्रेयो गोपवनः सप्तवध्निर्वा ऋषिः । अश्विनौ
 देवते । गायत्री छन्दः

उदीराथामृतायुते युञ्जाथामश्विना रथम् । अन्ति षड्भूतु वामवः १
 निमिषश्चिज्जवीयसा रथेना यातमश्विना । अन्ति षड्भूतु वामवः २
 उप स्तृणीतमत्रये हिमेन घर्ममश्विना । अन्ति षड्भूतु वामवः ३
 कुह स्थः कुह जग्मथुः कुह श्येनेव पेतथुः । अन्ति षड्भूतु वामवः ४
 यदद्य कर्हि कर्हि चि च्छुश्रूयातमिमं हवम् । अन्ति षड्भूतु वामवः ५
 अश्विना यामहूतमा नेदिष्ठं याम्याप्यम् । अन्ति षड्भूतु वामवः ६
 अवन्तमत्रये गृहं कृणुतं युवमश्विना । अन्ति षड्भूतु वामवः ७
 वरैथे अग्निमातपो वदते वल्गवत्रये । अन्ति षड्भूतु वामवः ८
 प्र सप्तवधिराशसा धारामग्नेरशायत । अन्ति षड्भूतु वामवः ९
 इहा गतं वृषणवसू शृणुतं म इमं हवम् । अन्ति षड्भूतु वामवः १०
 किमिदं वा पुराणव जरतोरिव शस्यते । अन्ति षड्भूतु वामवः ११
 समानं वा सजात्यं समानो बन्धुरश्विना । अन्ति षड्भूतु वामवः १२
 यो वा रजास्यश्विना रथौ वियाति रोदसी । अन्ति षड्भूतु वामवः १३
 आ नो गव्यैभिरश्वयैः सहस्रैरुप गच्छतम् । अन्ति षड्भूतु वामवः १४
 मा नो गव्यैभिरश्वयैः सहस्रैभिरति ख्यतम् । अन्ति षड्भूतु वामवः १५
 अरुणप्सुरुषा अभू दकज्योतिर्ऋतावरी । अन्ति षड्भूतु वामवः १६
 अश्विना सु विचाकश द्वाक्षं परशमाँ ईव । अन्ति षड्भूतु वामवः १७
 पुरं न धृष्णावा रुज कृष्ण्या बाधितो विशा । अन्ति षड्भूतु वामवः १८

(६३) त्रिषष्टितमं सूक्तम्

(१-१५) पञ्चदशर्चस्यास्य सूक्तस्यात्रेयो गोपवन ऋषिः । (१-१२)

प्रथमादिद्वादशर्चामग्निः, (१३-१५) त्रयोदश्यादितृचस्य चार्क्षस्य श्रुतवर्णो
 दानस्तुतिर्देवते । (१-१२) प्रथमादिद्वादशर्चामानुष्टुभः प्रगाथः ((१, ४, ७, १०)

प्रथमाचतुर्थीसप्तमीदशमीनामनुष्टुप्, (२-३, ५-६, ८-९, ११-१२)

द्वितीयातृतीयापञ्चमीषष्ठ्यष्टमीनवम्येकादशीद्वादशीनाञ्च गायत्री), (१३-१५)

त्रयोदश्यादितृचस्य चानुष्टुप् छन्दसी

विशोविंशो वो अतिथिं वाजयन्तः पुरुप्रियम् ।

अग्निं वो दुर्यं वचः स्तुषे शूषस्य मन्मभिः १

यं जनांसो हविष्मन्तो मित्रं न सर्पिरासुतिम् । प्रशंसन्ति प्रशस्तिभिः २

पन्यासं जातवैदसं यो देवतात्युद्यता । हव्यान्यैरयद्विवि ३
 आगन्म वृत्रहन्तं ज्येष्ठमग्निमानवम् ।
 यस्य श्रुतवा बृहन्नार्कषो अनीक एधते ४
 अमृतं जातवैदसं तिरस्तमांसि दर्शतम् । घृताहवनमीडयम् ५
 सबाधो यं जना इमेऽग्निं हव्येभिरीळते । जुहानासो यतस्तुचः ६
 इयं ते नव्यसी मतिरग्ने अधाय्यस्मदा ।
 मन्द्र सुजात सुक्रतो ऽमूर दस्मातिथे ७
 सा तै अग्ने शन्तमा चनिष्ठा भवतु प्रिया । तया वर्धस्व सुष्टुतः ८
 सा द्युमैद्युग्निनी बृह दुपोप श्रवसि श्रवः । दधीत वृत्रतूर्ये ९
 अश्वमिद्रां रथप्रां त्वेषमिन्द्रं न सत्पतिम् ।
 यस्य श्रवांसि तूर्वथ पन्यपन्यं च कृष्टयः १०
 यं त्वा गोपर्वनो गिरा चनिष्ठदग्ने अङ्गिरः । स पावक श्रुधी हवम् ११
 यं त्वा जनास ईळते सबाधो वाजसातये । स बोधि वृत्रतूर्ये १२
 अहं हुवान आर्क्षे श्रुतर्वणि मदच्युति ।
 शर्धासीव स्तुकाविना मृक्षा शीर्षा चतुर्णाम् १३
 मां चत्वारं आशवः शविष्ठस्य द्रवित्वेः ।
 सुरथासो अभि प्रयो वक्षन् वयो न तुग्रयम् १४
 सत्यमित् त्वा महेनदि परुषयव देदिशम् ।
 नेमापो अश्वदातः शविष्ठादस्ति मर्त्यः १५

(६४) चतुःषष्टितमं सूक्तम्

(१-१६) षोडशर्चस्यास्य सूक्तस्याङ्गिरसो विरूप ऋषिः । अग्निर्देवता ।

गायत्री छन्दः

युद्धवा हि दैवहूतमाँ अश्वान् अग्ने रथीरिव । नि होता पूर्यः सन्दः १
 उत नो देव देवान् अच्छा वोचो विदुष्टरः । श्रद्धिश्चा वार्या कृधि २
 त्वं ह यद्यविष्टय सहसः सूनवाहुत । ऋतावा यज्ञियो भुवः ३
 अयमग्निः सहस्त्रिणो वाजस्य शतिनस्पतिः । मूर्धा कवी रयीणाम् ४
 तं नेमिमृभवो यथा ऽऽ नमस्व सहूतिभिः । नेदीयो यज्ञमङ्गिरः ५
 तस्मै नूनमभिद्यवे वाचा विरूप नित्यया । वृष्णे चोदस्व सुष्टुतिम् ६
 कर्मु ष्विदस्य सेनया ऽग्नेरपाकचक्षसः । पुणिं गोषु स्तरामहे ७

मा नो देवानां विशः प्रस्रातीरिवोस्त्राः । कृशं न हासुरघ्नयाः ८
 मा नः समस्य दूढयशः परिद्वेषसो अंहतिः । ऊर्मिर्न नावमा वधीत् ९
 नमस्ते अग्र ओजसे गृणन्ति देव कृष्टयः । अमैरमित्रमर्दय १०
 कुवित् सु नो गविष्टये ऽग्रे संवेर्षिषो रयिम् । उरुकृदुरु णस्कृधि ११
 मा नो अस्मिन् महाधने परा वर्गारभृद्यथा । संवर्गं सं रयिं जय १२
 अन्यमस्मद्भिया इय मग्ने सिषक्तु दुच्छुना । वर्धा नो अमवच्छवः १३
 यस्याजुषन्नमस्विनः शमीमदुर्मखस्य वा । तं घेदग्निर्वृधावति १४
 परस्या अधि संवतो ऽवरां अभ्या तर । यत्राहमस्मि तां अव १५
 विद्या हि तै पुरा वय मग्ने पितुर्यथावसः । अधा ते सुममीमहे १६

(६५) पञ्चषष्ठितमं सूक्तम्

(१-१२) द्वादशर्चस्यास्य सूक्तस्य कारवः कुरुसुतिर्ऋषिः । इन्द्रो देवता ।

गायत्री छन्दः

इमं नु मायिनं हव इन्द्रमीशानमोजसा । मरुत्वन्तं न वृज्जसे १
 अयमिन्द्रो मरुत्सखा वि वृत्रस्याभिनच्छिरः । वज्रेण शतपर्वणा २
 वावृधानो मरुत्सखेन्द्रो वि वृत्रमैरयत् । सृजन् त्समुद्रिया अपः ३
 अयं ह येन वा इदं स्वमरुवता जितम् । इन्द्रेण सोमपीतये ४
 मरुत्वन्तमृजीषिण मोजस्वन्तं विरप्शिनम् । इन्द्रं गीर्भिर्हवामहे ५
 इन्द्रं प्रत्नेन मन्मना मरुत्वन्तं हवामहे । अस्य सोमस्य पीतये ६
 मरुत्वा इन्द्र मीढ्वः पिबा सोमं शतक्रतो । अस्मिन् यज्ञे पुरुष्टुत ७
 तुभ्येदिन्द्र मरुत्वन्ते सुताः सोमासो अद्रिवः । हृदा हूयन्त उक्थिनः ८
 पिबेदिन्द्र मरुत्सखा सुतं सोमं दिविष्टिषु । वज्रं शिशान ओजसा ९
 उत्तिष्ठन्नोजसा सह पीत्वी शिप्रे अवेपयः । सोममिन्द्र चमू सुतम् १०
 अनु त्वा रोदसी उभे क्रक्षमाणमकृपेताम् । इन्द्र यदस्युहाभवः ११
 वाचमष्टापदीमहं नवस्त्रक्तिमृतस्पृशम् । इन्द्रात् परि तन्वं ममे १२

(६६) षट्षष्ठितमं सूक्तम्

(१-११) एकादशर्चस्यास्य सूक्तस्य कारवः कुरुसुतिर्ऋषिः । इन्द्रो देवता । (१-६) प्रथमादिनवर्चा गायत्री, (१०-११) दशम्येकादश्योश्च प्रगाथः (दशम्या बृहती,

एकादश्याः सतोबृहती) छन्दसी

जज्ञानो नु शतक्रतुर्वि पृच्छदिति मातरम् । क उग्राः के हं शृणिवरे १
 आदीं शवस्यब्रवी दौर्णवाभर्महीशुवम् । ते पुत्र सन्तु निष्टुरः २
 समित् तान् वृत्रहाखिदत् खे अराँ ईव खेदया । प्रवृद्धो दस्युहाभवत् ३
 एकया प्रतिधापिबत् साकं सरांसि त्रिंशतम् । इन्द्रः सोमस्य काणुका ४
 अभि गन्धर्वमतृण दबुध्रेषु रजःस्वा । इन्द्रो ब्रह्मभ्य इद्वधे ५
 निराविध्यद्विरिभ्य आ धारयत् पक्वमौदनम् । इन्द्रो बुन्दं स्वाततम् ६
 शतब्रध्न इषुस्तव सहस्रपर्ण एक इत् । यमिन्द्र चकृषे युजम् ७
 तेन स्तोतृभ्य आ भर नृभ्यो नारिभ्यो अत्तवे । सद्यो जात ऋभुष्ठिर ८
 एता च्यौत्नानि ते कृता वर्षिष्ठानि परीणसा । हृदा वीड्वधारयः ९
 विश्वेत् ता विष्णुराभर दुरुक्रमस्त्वेषितः । शतं महिषान् क्षीरपाकमौदनं
 वराहमिन्द्र एमुषम् १०
 तुविन्नं ते सुकृतं सूमयं धनुः साधुर्बुन्दो हिरण्ययः ।
 उभा तै ब्राह्म रगया सुसंस्कृत ऋदूषे चिद्वद्वृधा ११

(६७) सप्तषष्ठितमं सूक्तम्

(१-१०) दशर्चस्यास्य सूक्तस्य काणवः कुरुसुतिर्ऋषिः । इन्द्रो देवता । (१-६)

प्रथमादिनवर्चा गायत्री, (१०) दशम्याश्च बृहती छन्दसी

पुरोळाशं नो अन्धस इन्द्र सहस्रमा भर । शता च शूर गोनाम् १
 आ नो भर व्यञ्जनं गामश्चमभ्यञ्जनम् । सचा मना हिरण्यया २
 उत नः कर्णशोभना पुरूणि धृष्णवा भर । त्वं हि शृणिवषे वसो ३
 नकी वृधीक इन्द्र ते न सुषा न सुदा उत । नान्यस्त्वच्छूर वाघतः ४
 नकीमिन्द्रो निकर्तवे न शक्रः परिशक्तवे । विश्वं शृणोति पश्यति ५
 स मन्युं मर्त्याना मदब्धो नि चिकीषते । पुरा निदश्चिकीषते ६
 क्रत्व इत् पूर्णमुदरं तुरस्यास्ति विधतः । वृत्रघ्नः सौमपानः ७
 त्वे वसूनि संगेता विश्वा च सोम सौभगा । सुदात्वपरिहृता ८
 त्वामिद्यवयुर्मम कामो गव्युर्हिरण्ययुः । त्वामेश्वयुरेषते ९
 तवेदिन्द्राहमाशसा हस्ते दात्रं चना देदे ।
 दिनस्य वा मघवन् त्संभृतस्य वा पूर्धि यवस्य काशिना १०

(६८) अष्टषष्टितमं सूक्तम्

(१-६) नवर्चस्यास्य सूक्तस्य भार्गवः कृतुर्ऋषिः । सोमो देवता । (१-८)

प्रथमाद्यष्टर्चा गायत्री, (६) नवम्याश्चानुष्टुप् छन्दसी

अयं कृतुरगृभीतो विश्वजिदुद्भिदित् सोमः । ऋषिर्विप्रः काव्येन १
 अभ्यूर्णोति यन्नग्रं भिषक्ति विश्वं यत् तुरम् । प्रेमन्धः ख्यन्निः श्रोणो भूत् २
 त्वं सोम तनूकृद्भ्यो द्वेषोभ्योऽन्यकृतेभ्यः । उरु यन्तासि वरूथम् ३
 त्वं चित्ती तव दक्षैर् दिव आ पृथिव्या ऋजीषिन् । यावीरघस्य चिद् द्वेषः
 ४

अर्थिनो यन्ति चेदर्थं गच्छानिदुषौ रातिम् । वृज्युस्तृष्यतुः कामम् ५
 विदद्यत् पूर्व्यं नष्ट मुदीमृतायुमीरयत् । प्रेमार्युस्तारीदतीर्णम् ६
 सुशेवो नो मृळयाकु रदृमक्रतुरवातः । भवा नः सोम शं हृदे ७
 मा नः सोम सं वीविजो मा वि बीभिषथा राजन् ।
 मा नो हार्दि त्विषा वधीः ८
 अव यत् स्वे सुधस्थे देवानां दुर्मतीरीक्षे ।
 राजन्नप द्विषः सेध मीद्वो अप स्त्रिधः सेध ९

(६९) एकोनसप्ततितमं सूक्तम्

(१-१०) दशर्चस्यास्य सूक्तस्य नौधस एकद्व्यर्ऋषिः । (१-६)

प्रथमादिनवर्चामिन्द्रः, (१०) दशम्याश्च देवा देवताः । (१-६) प्रथमादिनवर्चा
 गायत्री, (१०) दशम्याश्च त्रिष्टुप् छन्दसी

नृह्येन्यं बळाकरं मर्दितारं शतक्रतो । त्वं न इन्द्र मृळय १
 यो नः शश्वत् पुराविथाऽमृधो वाजसातये । स त्वं न इन्द्र मृळय २
 किमुङ्ग रध्रचोदेनः सुन्वानस्यावितेदसि । कुवित् स्विन्द्र णः शकः ३
 इन्द्र प्र णो रथमव पश्चाच्चित् सन्तमद्रिवः । पुरस्तादेनं मे कृधि ४
 हन्तो नु किमाससे प्रथमं नो रथं कृधि । उपमं वाजयु श्रवः ५
 अवा नो वाजयुं रथं सुकरं ते किमित् परि । अस्मान् त्सु जिग्युषस्कृधि ६
 इन्द्र दृह्यस्व पूरसि भद्रा त एति निष्कृतम् । इयं धीर्ऋत्वियावती ७
 मा सीमवृद्य आ भागु वी काष्ठा हितं धनम् । अपावृक्ता अरव्यः ८
 तुरीयं नाम यज्ञियं यदा करस्तदुश्मसि । आदित् पतिर्न ओहसे ९
 अवीवृधद्वो अमृता अमन्दी देकद्व्यर्देवा उत याश्च देवीः ।

तस्मा उ राधः कृणुत प्रशस्तं प्रातर्मन्त्रं धियावसुर्जगम्यात् १०

(७०) सप्ततितमं सूक्तम्

(१-६) नवर्चस्यास्य सूक्तस्य काण्वः कुसीदी ऋषिः । इन्द्रो देवता ।

गायत्री छन्दः

आ तू न इन्द्र क्षुमन्तं चित्रं ग्राभं सं गृभाय । महाहस्ती दक्षिणेन १
विद्या हि त्वा तुविकूर्मिं तुविदैष्णं तुवीमघम् । तुविमात्रमवौभिः २
नहि त्वा शूर देवा न मतांसो दिर्त्सन्तम् । भीमं न गां वारयन्ते ३
एतो न्विन्द्रं स्तवामे शानं वस्वः स्वरार्जम् । न राधसा मर्धिषन्नः ४
प्र स्तोषदुषं गासिषच्छ्रवत् सामं गीयमानम् । अभि राधसा जुगुर्त् ५
आ नो भर दक्षिणेनाऽभि सव्येन प्र मृश । इन्द्र मा नो वसोर्निर्भाक् ६
उप क्रमस्वा भर धृषता धृष्णो जनानाम् । अदाशूष्टरस्य वेदः ७
इन्द्र य उ नु ते अस्ति वाजो विप्रैभिः सन्तित्वः । अस्माभिः सु तं सनुहि ८
सद्योजुर्वस्ते वाजा अस्मभ्यं विश्वश्चन्द्राः । वशैश्च मन्त्रं जरन्ते ९

षष्ठोऽध्यायः

व० १-३८

(७१) एकसप्ततितमं सूक्तम्

(१-६) नवर्चस्यास्य सूक्तस्य काण्वः कुसीदी ऋषिः । इन्द्रो देवता ।

गायत्री छन्दः

आ प्र द्रव परावतोऽर्वावतश्च वृत्रहन् । मध्वः प्रति प्रभर्मणि १
तीव्राः सोमांस आ गहि सुतासौ मादयिष्णवः । पिबा दधृग्यथौचिषे २
इषा मन्दस्वादु ते ऽरं वराय मन्यवे । भुवत् त इन्द्र शं हृदे ३
आ त्वं शत्रवा गहि न्युक्थानि च हूयसे । उपमे रौचने दिवः ४
तुभ्यायमद्रिभिः सुतो गोभिः श्रीतो मदायु कम् । प्र सोम इन्द्र हूयते ५
इन्द्र श्रुधि सु मे हव मस्मे सुतस्य गोमतः । वि पीतिं तृप्तिमश्नुहि ६
य इन्द्र चमसेष्वा सोमश्चमूषु ते सुतः । पिबेदस्य त्वमीशिषे ७
यो अप्सु चन्द्रमा इव सोमश्चमूषु ददृशे । पिबेदस्य त्वमीशिषे ८
यं तै श्येनः पदाभरत् तिरो रजांस्यस्पृतम् । पिबेदस्य त्वमीशिषे ९

(७२) द्विसप्ततितमं सूक्तम्

(१-६) नवर्चस्यास्य सूक्तस्य कारवः कुसीदी ऋषिः । विश्वे देवा देवताः ।

गायत्री छन्दः

देवानामिदवौ मुहत् तदा वृणीमहे वयम् । वृष्णामस्मभ्यमूतये १
 ते नः सन्तु युजः सदा वरुणो मित्रो अर्यमा । वृधासश्च प्रचेतसः २
 अति नो विष्पिता पुरु नौभिरपो न पर्षथ । यूयमूतस्य रथ्यः ३
 वामं नो अस्त्वयमन् वामं वरुण शंस्यम् । वामं ह्यावृणीमहे ४
 वामस्य हि प्रचेतस ईशानाशो रिशादसः । नेमादित्या अघस्य यत् ५
 वयमिद्वः सुदानवः क्षियन्तो यान्तो अध्वन्ना । देवा वृधाय हूमहे ६
 अधि न इन्द्रैषां विष्णो सजात्यानाम् । इता मरुतो अश्विना ७
 प्र भ्रातृत्वं सुदानवो ऽध द्विता समान्या । मातुर्गर्भे भरामहे ८
 यूयं हि ष्ठा सुदानव इन्द्रज्येष्ठा अभिद्यवः । अधा चिद्व उत ब्रुवे ९

(७३) त्रिसप्ततितमं सूक्तम्

(१-६) नवर्चस्यास्य सूक्तस्य काव्य उशना ऋषिः । अग्निर्देवता । गायत्री छन्दः

प्रेष्ठ वो अतिथिं स्तुषे मित्रमिव प्रियम् । अग्निं रथं न वेद्यम् १
 कविमिव प्रचेतसं यं देवासो अध द्विता । नि मर्त्येष्वद्दधुः २
 त्वं यविष्ठ दाशुषो नूः पाहि शृणुधी गिरः । रक्षां तोकमुत त्मना ३
 कया ते अग्ने अङ्गिर ऊर्जो नपादुपस्तुतिम् । वराय देव मन्यवे ४
 दाशेम कस्य मनसा युजस्य सहसो यहो । कदु वोच इदं नमः ५
 अधा त्वं हि नस्करो विश्वा अस्मभ्य सुक्ष्मितीः । वाजद्रविणसो गिरः ६
 कस्य नूनं परीणसो धियो जिन्वसि दंपते । गोषांता यस्य ते गिरः ७
 तं मर्जयन्त सुक्रतुं पुरोयावानमाजिषु । स्वेषु क्षयैषु वाजिनम् ८
 क्षेति क्षेमैभिः साधुभिर्नक्रियं घ्नन्ति हन्ति यः । अग्ने सुवीर एधते ९

(७४) चतुःसप्ततितमं सूक्तम्

(१-६) नवर्चस्यास्य सूक्तस्याङ्गिरसः कृष्ण ऋषिः । अश्विनौ देवते ।

गायत्री छन्दः

आ मे हव नासत्या ऽश्विना गच्छतं युवम् । मध्वः सोमस्य पीतये १
 इमं मे स्तोममश्विनेमं मे शृणुतं हवम् । मध्वः सोमस्य पीतये २

अ॒यं वां॑ कृ॒ष्णो अ॒श्विना॒ हव॑ते वाजिनीवसू । म॒ध्वः सोम॑स्य पी॒तये॑ ३
 शृ॒णुतं ज॑रि॒तुर्हव॑ं कृ॒ष्णस्य॑ स्तुव॒तो न॑रा । म॒ध्वः सोम॑स्य पी॒तये॑ ४
 छ॒र्दिर्य॑न्त॒मदा॑भ्यं वि॒प्राय॑ स्तुव॒ते न॑रा । म॒ध्वः सोम॑स्य पी॒तये॑ ५
 गच्छ॑तं दा॒शुषो॑ गृह॒मि॒त्था स्तुव॑तो अ॒श्विना॒ । म॒ध्वः सोम॑स्य पी॒तये॑ ६
 यु॒ञ्जाथां॑ रा॒सभं॑ रथे॒ वी॒ड्व॑र्ज्जे वृषणवसू । म॒ध्वः सोम॑स्य पी॒तये॑ ७
 त्रि॒व॒न्धुरेण॑ त्रि॒वृता॑ रथे॒ना या॑तमश्विना । म॒ध्वः सोम॑स्य पी॒तये॑ ८
 नू मे॒ गिरो॑ ना॒स॒त्या ऽश्वि॑ना प्राव॑तं युवम् । म॒ध्वः सोम॑स्य पी॒तये॑ ९

(७५) पञ्चसप्ततितमं सूक्तम्

(१-५) पञ्चर्चस्यास्य सूक्तस्याङ्गिरसः कृष्णः कार्ष्णिर्विश्वको वा ऋषिः । अश्विनौ देवते । जगती छन्दः

उ॒भा हि द॒स्त्रा भि॒षजा॑ म॒योभु॒वो॒भा दक्ष॑स्य वच॑सो बभूवथुः ।
 ता वां॑ वि॒श्वको॑ हवते तनूकृ॒थे मा नो॒ वि यौष्टं॑ स॒ख्या मु॒मोच॑तम् १
 क॒था नूनं॑ वां॑ वि॒मना॑ उप॒स्तव॑ द्यु॒वं धि॒र्य द॑दथुर्वस्य॒इष्टये॑ ।
 ता वां॑ वि॒श्वको॑ हवते तनूकृ॒थे मा नो॒ वि यौष्टं॑ स॒ख्या मु॒मोच॑तम् २
 यु॒वं हि ष्मा॑ पुरु॒भुजे॑ममै॒धतुं॑ वि॒ष्णा॒प्ते द॑दथुर्वस्य॒इष्टये॑ ।
 ता वां॑ वि॒श्वको॑ हवते तनूकृ॒थे मा नो॒ वि यौष्टं॑ स॒ख्या मु॒मोच॑तम् ३
 उ॒त त्यं वी॒रं ध॑न॒सामृ॑जी॒षिणं॑ दूरे चि॒त् सन्त॑मव॑से हवामहे ।
 यस्य॑ स्वादि॒ष्टा सु॒मतिः॑ पि॒तुर्यथा॑ मा नो॒ वि यौष्टं॑ स॒ख्या मु॒मोच॑तम् ४
 ऋ॒तेन॑ दे॒वः स॒वि॒ता श॑मायत ऋ॒तस्य॑ शृङ्ग॒मुर्वि॒या वि प॑प्रथे ।
 ऋ॒तं सा॑साह॒ महि॑ चि॒त्पृ॒तन्य॑तो मा नो॒ वि यौष्टं॑ स॒ख्या मु॒मोच॑तम् ५

(७६) षट्सप्ततितमं सूक्तम्

(१-६) षडृचस्यास्य सूक्तस्य वासिष्ठो द्युम्नीक आङ्गिरसः प्रियमेधो वाङ्गिरसः कृष्णो वा ऋषिः । अश्विनौ देवते ।

प्रगाथः (विषमर्चा बृहती, समर्चा सतोबृहती) छन्दः

द्यु॒म्नी वां॑ स्तोमो॑ अ॒श्विना॒ क्रि॒विर्न॑ से॒क आ ग॑तम् ।
 म॒ध्वः सु॒तस्य॑ स दि॒वि प्रि॒यो न॑रा पा॒तं गौ॑रा॒विवे॑रिणे १
 पि॒ब॑तं घृ॒र्म म॑धु॒मन्त॑मश्विना ऽऽ ब॒र्हिः सी॑दतं नरा ।
 ता म॑न्द॒साना॑ मनु॒षो दुरो॑ण आ नि पा॑तुं वेद॒सा वयः॑ २

आ वां विश्वाभिरूतिभिः प्रियमेधा अहूषत ।
 ता वर्तिर्यातमुप वृक्तबर्हिषो जुष्टं यज्ञं दिर्विष्टिषु ३
 पिबतं सोमं मधुमन्तमश्विना ऽऽ बर्हिः सीदतं सुमत् ।
 ता वावृधाना उप सुष्टतिं दिवो गन्तं गौराविवेरिणम् ४
 आ नूनं यातमश्विना ऽश्वैभिः पुषितप्सुभिः ।
 दस्त्रा हिरण्यवर्तनी शुभस्पती पातं सोममृतावृधा ५
 वयं हि वां हवामहे विपुन्यवो विप्रांसो वार्जसातये ।
 ता वल्गू दस्त्रा पुरुदंससा धिया ऽश्विना श्रुष्ट्या गतम् ६

(७७) सप्तसप्ततितमं सूक्तम्

(१-६) षडृचस्यास्य सूक्तस्य गौतमो नोधा ऋषिः । इन्द्रो देवता । प्रगाथः

(विषमर्चा बृहती, समर्चा सतोबृहती) छन्दः

तं वो दस्ममृतीषहं वसोमन्दानमन्धसः ।
 अभि वत्सं न स्वसरेषु धेनव इन्द्रं गीर्भिर्नवामहे १
 द्युक्षं सुदानुं तविषीभिरावृतं गिरिं न पुरुभोजसम् ।
 क्षुमन्तं वार्जं शतिर्न सहस्त्रिणं मक्षू गोमन्तमीमहे २
 न त्वा बृहन्तो अद्रयो वरन्त इन्द्र वीळवः ।
 यदित्ससि स्तुवते मावतेवसु नकिष्टदा मिनाति ते ३
 योद्धासि क्रत्वा शर्वसोत दंसना विश्वा जाताभि मज्मना ।
 आ त्वायमर्क ऊतयै ववर्तति यं गोतमा अजीजनन् ४
 प्र हि रिरिक्ष ओजसा दिवो अन्तैभ्यस्परि ।
 न त्वा विव्याच रज इन्द्र पार्थिव मनु स्वधां ववक्षिथ ५
 नकिः परिष्टिर्मघवन् मघस्य ते यदाशुषै दशस्यसि ।
 अस्माकं बोध्युचथस्य चोदिता मंहिष्ठो वार्जसातये ६

(७८) अष्टसप्ततितमं सूक्तम्

(१-७) सप्तर्चस्यास्य सूक्तस्याङ्गिरसौ नृमेधपुरुमेधावृषी । इन्द्रो देवता । (१-४)

प्रथमादिचतुर्ऋचां प्रगाथः (विषमर्चा बृहती, समर्चा सतोबृहती), (५-६)

पञ्चमीषष्ठयोरनुष्टुप्, (७) सप्तम्याश्च बृहती छन्दांसि

बृहदिन्द्राय गायतु मरुतो वृत्रहन्तमम् ।
 येन ज्योतिरजनयन्नृतावृधौ देवं देवाय जागृवि १
 अपाधमदभिर्शस्तीरशस्तिहा ऽथेन्द्रो द्युम्रचाभवत् ।
 देवास्त इन्द्र सख्याय येमिरे बृहद्भानो मरुद्गण २
 प्र व इन्द्राय बृहते मरुतो ब्रह्मार्चत ।
 वृत्रं हनति वृत्रहा शतक्रतुर्वज्रेण शतपर्वणा ३
 अभि प्र भर धृषता धृषन्मनः श्रवश्चित् ते असद्वहत् ।
 अर्षन्त्वापो जवसा वि मातरो हनौ वृत्रं जया स्वः ४
 यज्जायथा अपूर्व्यं मघवन् वृत्रहत्याय ।
 तत् पृथिवीमप्रथयस्तदस्तभ्ना उत द्याम् ५
 तत् तै यज्ञो अजायत तदुर्क उत हस्कृतिः ।
 तद्विश्वमभिभूरसि यज्जातं यच्च जन्त्वम् ६
 आमासु पक्वमैरय आ सूर्य रोहयो दिवि ।
 घर्म न सामन् तपता सुवृक्तिभिर्जुष्टं गिर्वणसे बृहत् ७

(७६) एकोनाशीतितमं सूक्तम्

(१-६) षडृचस्यास्य सूक्तस्याङ्गिरसौ नृमेधपुरुमेधावृषी । इन्द्रो देवता । प्रगाथः
 (विषमर्चा बृहती, समर्चा सतोबृहती) छन्दः

आ नो विश्वासु हव्य इन्द्रः समत्सु भूषतु ।
 उप ब्रह्माणि सर्वानानि वृत्रहा परमज्या ऋचीषमः १
 त्वं दाता प्रथमो राधसामस्यसि सत्य ईशानकृत् ।
 तुविद्युम्रस्य युज्या वृणीमहे पुत्रस्य शवसो महः २
 ब्रह्मा त इन्द्र गिर्वणः क्रियन्ते अनतिद्धता ।
 इमा जुषस्व हर्यश्च योजने न्द्र या ते अमन्महि ३
 त्वं हि सत्यो मघवन्नानतो वृत्रा भूरि न्यूञ्जसे ।
 स त्वं शविष्ठ वज्रहस्त दाशुषे ऽर्वाञ्च रयिमा कृधि ४
 त्वमिन्द्र यशा अस्य जीषी शवसस्पते ।
 त्वं वृत्राणि हंस्यप्रतीन्येक इदनुत्ता चर्षणीधृता ५
 तमु त्वा नूनमसुर प्रचेतसं राधौ भागमिवेमहे ।
 महीव कृत्तिः शरणा त इन्द्र प्र तै सुम्ना नो अश्नवन् ६

(८०) अशीतितमं सूक्तम्

(१-७) सप्तर्चस्यास्य सूक्तस्यात्रेय्यपाला ऋषिका । इन्द्रो देवता । (१-२)

प्रथमाद्वितीययोर्ऋचोः पङ्क्तिः, (३-७) तृतीयादिपञ्चानाञ्चानुष्टुप् छन्दसी
 क॒न्या॒इ॒ वार॑वा॒यु॒ती सो॒म॒मपि॑ स्तु॒तावि॑दत् ।
 अ॒स्तं भ॑र॒न्त्यब्र॑वी दि॒न्द्राय॑ सु॒नवै॑ त्वा श॒क्राय॑ सु॒नवै॑ त्वा १
 अ॒सौ य ए॑षि वी॒र॒को गृ॒हं गृ॒हं वि॒चाक॑शत् ।
 इ॒मं ज॑म्भ॒सुतं॑ पिब धा॒नाव॑न्तं क॒र॒म्भिण॑ म॒पू॒पव॑न्तमु॒विथ॑नम् २
 आ च॒न त्वा॑ चि॒कित्सा॑मो ऽधि च॒न त्वा॑ ने॒मसि॑ ।
 श॒नैरि॑व श॒न॒कैरि॑वे न्द्रा॒येन्द्रो॑ परि॒ स्रव॑ ३
 कु॒विच्छ॑कत् कु॒वित् क॑रत् कु॒विन्नो॑ व॒स्य॑स॒स्कर॑त् ।
 कु॒वित् प॑ति॒द्विषो॑ यु॒ती रि॒न्द्रेण॑ स॒ंगमा॑महे ४
 इ॒मानि॑ त्रीणि॒ विष्ट॑पा॒ तानी॑न्द्र वि रौ॒हय॑ ।
 शि॒रस्त॑त॒स्योर्व॑रा मा॒दिदं॑ म॒ उपो॑दरे ५
 अ॒सौ च॒ या न॑ उ॒र्वरा॑ दि॒मां त॒न्वंश॑मम॑ ।
 अ॒थो त॑त॒स्य य॑च्छि॒रः सर्वा॑ ता रौ॒म॒शा कृ॑धि ६
 खे र॒थस्य॑ खे॒ऽन॑सः खे यु॒गस्य॑ श॒तक्र॑तो ।
 अ॒पा॒ला॒मिन्द्र॑ त्रि॒ष्पू॒त्यकृ॑णोः सूर्य॒त्वच॑म् ७

(८१) एकाशीतितमं सूक्तम्

(१-३३) त्रयस्त्रिंशदृचस्यास्य सूक्तस्याङ्गिरसः श्रुतकक्षः सुकक्षो वा ऋषिः । इन्द्रो देवता । (१) प्रथमर्चोऽनुष्टुप्, (२-३३) द्वितीयादिद्वात्रिंशदृचाञ्च गायत्री छन्दसी
 पान्त॒मा वो॒ अ॒न्ध॑स॒ इन्द्र॑म॒भि प्र॑ गा॒यत॑ ।
 वि॒श्वासा॑हं श॒तक्र॑तुं म॒हिष्ठं॑ च॒र्षणी॑नाम् १
 पु॒रु॒हूतं॑ पु॒रु॒ष्टुतं॑ गा॒थान्यं॑ स॒न॒श्रु॒तम् । इन्द्र॑ इति॒ ब्रवी॑तन २
 इन्द्र॑ इ॒न्नो म॒हाना॑ दा॒ता वा॒जा॒नां नृ॑तुः । म॒हाँ अ॒भिज्ज्वा॑ य॒मत् ३
 अ॒पा॒दु शि॒ष्य॒न्ध॑सः सु॒दक्ष॑स्य प्र॒होषि॑णः । इन्द्रो॒रिन्द्रो॑ यवा॒शिरः॑ ४
 त॒म्व॒भि प्रा॑र्च॒ते न्द्रं॑ सो॒मस्य॑ पी॒तयै॑ । तदि॒द्व्यस्य॑ व॒र्धन॑म् ५
 अ॒स्य पी॒त्वा म॑दा॒नां दे॒वो दे॒वस्यो॑र्जसा । वि॒श्वा॒भि भु॑व॒ना भु॑वत् ६
 त्य॒मु वः॑ स॒त्रासा॑हं वि॒श्वासु॑ गी॒र्ष्वाय॑तम् । आ च्या॒वय॑स्यु॒तयै॑ ७
 यु॒ध्मं स॑न्त॒मन॑र्वा॒णो सो॒म॒पा॒मन॑पच्यु॒तम् । न॑र॒मवा॑र्य॒क्रतु॑म् ८

शि॒क्षां ण॒ इन्द्र॒ रा॒य आ॒ पु॒रु वि॒द्वाँ ऋ॒चीष॒म । अ॒वा नः॒ पा॒र्ये ध॒ने ६
 अ॒र्तश्चि॒दिन्द्र॒ ण॒ उ॒पा ऽऽ या॒हि श॒तवा॒जया॒ । इ॒षा स॒हस्र॑वा॒जया॒ १०
 अ॒याम् धी॒र्वतो॒ धियो॒ ऽव॑द्भिः श॒क्र गो॒दरे॒ । ज॒यैम॒ पृ॒त्सु व॑ज्रि॒वः ११
 व॒यम् त्वा॒ शत॑क्र॒तो गा॒वो न॒ यव॑से॒ष्वा । उ॒क्थे॒षु र॑ण॒याम॑सि १२
 वि॒श्वा हि॒ मर्त्य॑त्वंना ऽनु॒कामा॑ श॒तक्र॑तो । अ॒गन्म॑ वज्रि॒न्नाश॑सः १३
 त्वे सु॒ पु॒त्र श॒वसो॑ ऽवृ॒त्रन् का॒र्मका॑तयः । न त्वा॒मिन्द्रा॑ति रि॒च्यते १४
 स नो॑ वृ॒षन् त्स॑नि॒ष्ठया॒ सं घो॑रया॒ द्रवि॑त्त्वा । धि॒यावि॑द्भिः पु॒रंध्या॒ १५
 यस्तै॑ नूनं श॒तक्र॑तु॒ विन्द्र॑ द्यु॒म्रित॑मो म॒दः । तेन॑ नूनं म॒दै म॑देः १६
 यस्तै॑ चि॒त्रश्र॑व॒स्तमो॒ य इन्द्र॑ वृ॒त्रह॑न्त॒मः । य औ॒जो॒दात॑मो म॒दः १७
 वि॒द्या हि॒ यस्तै॑ अ॒द्रिव॒ स्त्वा॒दत्तः॑ सत्य सोमपाः । वि॒श्वा॒सु द॑स्म कृ॒ष्टिषु॒ १८

इन्द्रा॒य म॒द्वने॑ सु॒तं परि॑ ष्ठो॒भन्तु॒ नो गि॑रः । अ॒र्कम॑र्चन्तु का॒रवः॑ १९
 यस्मिन्॑ वि॒श्वा अ॒धि श्रि॒यो र॑ण॒न्ति स॒प्त सं॑स॒दः । इन्द्र॑ सु॒ते ह॑वामहे २०
 त्रि॒क॒द्रुके॑षु चे॒तनं॑ दे॒वासो॑ य॒ज्ञम॑बत । तमि॒द्वर्ध॑न्तु॒ नो गि॑रः २१
 आ त्वा॑ वि॒शन्ति॒वन्द॑वः स॒मुद्र॑मि॒व सि॒न्धवः॑ । न त्वा॒मिन्द्रा॑ति रि॒च्यते २२
 वि॒व्यक्थ॑ महि॒ना वृ॒षन् भ॒क्षं सो॑मस्य जागृ॒वे । य इन्द्र॑ ज॒ठरै॑षु ते २३
 अ॒रं त इन्द्र॑ कु॒क्षये॒ सोमो॑ भवतु वृ॒त्रह॑न् । अ॒रं धा॑र्म॒भ्य इन्द्र॑वः २४
 अ॒रम॑श्वा॒य गा॑यति श्रु॒तक॑क्षो अ॒रं ग॒वै । अ॒रमिन्द्र॑स्य धा॒मै २५
 अ॒रं हि ष्मा॑ सु॒तेषु॒ णः॑ सोमै॒ष्विन्द्र॑ भूष॒सि । अ॒रं ते॒ शक्र॑ दा॒वनै॑ २६
 प॒राका॑ता॒च्चिद॑द्रि॒व स्त्वां न॑क्षन्त नो गि॒रः । अ॒रं ग॑मा॒म ते व॒यम् २७
 ए॒वा ह्य॑सि॒ वी॒रयु॒रे॒वा शू॒र उ॒त स्थि॑रः । ए॒वा ते॒ रा॒ध्यं म॑नः २८
 ए॒वा रा॑तिस्तु॒वीम॑घ॒ विश्वे॑भि॒र्धायि॑ धा॒तृभिः॑ । अ॒धा चि॒दिन्द्र॑ मे॒ सचा॑ २९
 मो षु॑ ब्र॒ह्मेव॑ तन्द्र॒युर्भुवो॑ वा॒जानां॑ पते । म॒त्स्वा सु॑तस्य गो॒म॒तः ३०
 मा न॑ इन्द्रा॒भ्या॒र्दि॒शः सूरौ॑ अ॒क्तु॑ष्वा य॒मन् । त्वा यु॒जा व॑नेम॒ तत् ३१
 त्वये॑दिन्द्र यु॒जा व॒यं प्रति॑ ब्रु॒वीम॑हि स्पृ॒धः । त्वम॒स्माकं॑ तव॒ स्मसि॑ ३२
 त्वामि॑द्धि त्वा॒यवो॑ ऽनु॒नोनु॑वत॒श्चरान्॑ । सखा॑य इन्द्र का॒रवः॑ ३३

(८२) द्व्यशीतितमं सूक्तम्

(१-३४) चतुस्त्रिंशदृचस्यास्य सूक्तस्याङ्गिरसः सुकक्ष ऋषिः । (१-३३)

प्रथमादित्रयस्त्रिंशदृचामिन्द्रः (३४) चतुस्त्रिंशयाश्चेन्द्र ऋभवश्च देवताः ।

गायत्री छन्दः

उद्घेदुभि श्रुतामघं वृषभं नर्यापसम् । अस्तारमेषि सूर्य १
 नव यो नवतिं पुरौ बिभेद ब्राह्मोजसा । अहिं च वृत्रहावधीत् २
 स न इन्द्रः शिवः सखा ऽश्वावद्भोमद्यवमत् । उरुधरिव दोहते ३
 यदद्य कच्च वृत्रह नुदगा अभि सूर्य । सर्वं तदिन्द्र ते वशै ४
 यद्वा प्रवृद्ध सत्पते न मरा इति मन्यसे । उतो तत् सत्यमित् तव ५
 ये सोमांसः परावति ये अर्वावति सुन्विरे । सर्वास्ताँ इन्द्र गच्छसि ६
 तमिन्द्रं वाजयामसि महे वृत्राय हन्तवे । स वृषा वृषभो भुवत् ७
 इन्द्रः स दामने कृत ओर्जिष्ठः स मदं हितः । द्युम्नी श्लोकी स सोम्यः ८
 गिरा वज्रो न संभृतः सबलो अनपच्युतः । ववक्ष ऋष्वो अस्तृतः ९
 दुर्गे चित्रः सुगं कृधि गृणान इन्द्र गिर्वणः । त्वं च मघवन् वशः १०
 यस्य ते नू चिंदादिशं न मिनन्ति स्वराज्यम् । न देवो नाधिगुर्जनः ११
 अधा ते अप्रतिष्कृतं देवी शुष्मं सपर्यतः । उभे सुशिप्र रोदसी १२
 त्वमेतदधारयः कृष्णासु रोहिणीषु च । परुष्णीषु रुशत् पर्यः १३
 वि यदहेरधं त्विषो विश्वे देवासो अक्रमुः । विदन्मृगस्य ताँ अमः १४
 आदु मे निवरो भुव दृत्रहादिष्ट पौंस्यम् । अजातशत्रुरस्तृतः १५
 श्रुतं वो वृत्रहन्तमं प्र शर्धं चर्षणीनाम् । आ शुषे राधेसे महे १६
 अया धिया च गव्यया पुरुणामन् पुरुष्टुत । यत् सोमैसोम आभवः १७
 बोधिन्मना इदंस्तु नो वृत्रहा भूर्यासुतिः । शृणोतु शक्र आशिषम् १८
 कया त्वं न ऊत्या ऽभि प्र मन्दसे वृषन् । कया स्तोतृभ्य आ भर १९
 कस्य वृषा सुते सचा नियुत्वान् वृषभो रणत् । वृत्रहा सोमपीतये २०
 अभी षु णस्त्वं रयिं मन्दसानः सहस्त्रिणम् । प्रयन्ता बोधि दाशुषै २१
 पत्नीवन्तः सुता इम उशन्तौ यन्ति वीतयै । अपां जग्मिर्निचुम्पुणः २२
 इष्टा होत्रा असृक्षते न्द्रं वृधासो अध्वरे । अच्छावभृथमोजसा २३
 इह त्या सधमाद्या हरी हिरण्यकेश्या । वोळहामभि प्रयो हितम् २४
 तुभ्यं सोमाः सुता इमे स्तीर्ण बर्हिर्विभावसो । स्तोतृभ्य इन्द्रमा वह २५
 आ ते दक्षं वि रौचना दधद्रत्ना वि दाशुषै । स्तोतृभ्य इन्द्रमर्चत २६
 आ तै दधामीन्द्रिय मुक्था विश्वा शतक्रतो । स्तोतृभ्य इन्द्र मृळय २७
 भद्रंभद्रं न आ भरे षमूर्जं शतक्रतो । यदिन्द्र मृळयासि नः २८
 स नो विश्वान्या भर सुवितानि शतक्रतो । यदिन्द्र मृळयासि नः २९

त्वामिद्वृत्रहन्तम् सुतावन्तो हवामहे । यदिन्द्र मृळ्यासि नः ३०
 उप नो हरिभिः सुतं याहि मदानां पते । उप नो हरिभिः सुतम् ३१
 द्विता यो वृत्रहन्तमो विद इन्द्रः शतक्रतुः । उप नो हरिभिः सुतम् ३२
 त्वं हि वृत्रहन्त्रेषां पाता सोमानामसि । उप नो हरिभिः सुतम् ३३
 इन्द्र इषे ददातु न ऋभुक्षणमृभुं रयिम् । वाजी ददातु वाजिनम् ३४

(८३) त्र्यशीतितमं सूक्तम्

(१-१२) द्वादशर्चस्यास्य सूक्तस्याङ्गिरसो बिन्दुः पूतदक्षो वा ऋषिः । मरुतो देवताः । गायत्री छन्दः

गौर्धयति मरुतां श्रवस्युर्माता मघोनाम् । युक्ता वह्नी रथानाम् १
 यस्या देवा उपस्थे वृता विश्वे धारयन्ते । सूर्यामासो दृशे कम २
 तत् सु नो विश्वे अर्य आ सदा गृणन्ति कारवः । मरुतः सोमपीतये ३
 अस्ति सोमो अयं सुतः पिबन्त्यस्य मरुतः । उत स्वराजो अश्विना ४
 पिबन्ति मित्रो अर्यमा तना पूतस्य वरुणः । त्रिषधस्थस्य जावतः ५
 उतो न्वस्य जोषमाँ इन्द्रः सुतस्य गोमतः । प्रातर्होतैव मत्सति ६
 कदत्विषन्त सूरय स्तिर आप इव सिधः । अर्षन्ति पूतदक्षसः ७
 कद्वो अद्य महानां देवानामवो वृणे । त्मना च दुस्मर्वर्चसाम् ८
 आ ये विश्वा पार्थिवानि प्रथन् रोचना दिवः । मरुतः सोमपीतये ९
 त्यान् नु पूतदक्षसो दिवो वो मरुतो हुवे । अस्य सोमस्य पीतये १०
 त्यान् नु ये वि रोदसी तस्तभुर्मरुतो हुवे । अस्य सोमस्य पीतये ११
 त्यं नु मारुतं गुणं गिरिष्ठां वृषणं हुवे । अस्य सोमस्य पीतये १२

(८४) चतुरशीतितमं सूक्तम्

(१-६) नवर्चस्यास्य सूक्तस्याङ्गिरसस्तिरश्वीर्ऋषिः । इन्द्रो देवता । अनुष्टुप् छन्दः
 आ त्वा गिरौ रथीरिवाऽस्थुः सुतेषु गिर्वणः ।
 अभि त्वा समनूषते न्द्र वत्सं न मातरः १
 आ त्वा शक्रा अचुच्यवुः सुतासं इन्द्र गिर्वणः ।
 पिबा त्वश्वस्यान्धस इन्द्र विश्वासु ते हितम् २
 पिबा सोमं मदाय क मिन्द्र श्येनाभृतं सुतम् ।
 त्वं हि शश्वतीनां पती राजा विशामसि ३

श्रुधी हवँ तिरश्चया इन्द्र यस्त्वा सपूर्यति ।
 सुवीर्यस्य गोमतो रायस्पूधिं मुहाँ असि ४
 इन्द्र यस्ते नवीयसीं गिरं मन्द्रामजीजनत् ।
 चिकित्तिन्मनसं धिर्यं प्रतामृतस्य पिप्युषीम् ५
 तमुं ष्टवाम् यं गिर इन्द्रमुक्थानि वावृधुः ।
 पुरुशयस्य पौस्या सिषसिन्तो वनामहे ६
 एतो न्विन्द्रं स्तवाम शद्धं शद्धेन साम्ना ।
 शद्धैरुक्थैर्वावृध्वांसं शद्ध आशीवान् ममत्तु ७
 इन्द्र शद्धो न आ गहि शद्धः शद्धाभिरूतिभिः ।
 शद्धो रयिं नि धारय शद्धो ममद्धि सोम्यः ८
 इन्द्र शद्धो हि नो रयिं शद्धो रत्नानि दाशुषे ।
 शद्धो वृत्राणि जिघ्रसे शद्धो वार्जं सिषाससि ९

(८५) पञ्चाशीतितमं सूक्तम्

(१-२१) एकविंशत्यृचस्यास्य सूक्तस्य मारुतो द्युतान आङ्गिरसस्तिरश्चीर्वा ऋषिः ।

(१-१३, १४, १६-२१) प्रथमादित्रयोदशर्चा चतुर्दश्याः पादत्रयस्य

षोडश्यादिषण्णाञ्चेन्द्रः, (१४) चतुर्दश्यास्तुरीयपादस्य मरुतः, (१५)

पञ्चदश्याञ्चेन्द्राबृहस्पती देवताः । (१-३, ५-२०) प्रथमादितृचस्य

पञ्चम्यादिषोडशर्चाञ्च त्रिष्टुप्, (४) चतुर्थ्या विराट्, (२१) एकविंश्याश्च

पुरस्ताज्ज्योतिस्त्रिष्टुप् छन्दांसि

अस्मा उषास आतिरन्त याम् मिन्द्राय नक्तमूर्म्याः सुवाचः ।
 अस्मा आपो मातरः सप्त तस्थुर्नृभ्यस्तराय सिन्धवः सुपाराः १
 अतिविद्धा विथुरेणा चिदस्त्रा त्रिः सप्त सानु संहिता गिरीणाम् ।
 न तद्देवो न मर्त्यस्तुतुर्या द्यानि प्रवृद्धो वृषभश्चकार २
 इन्द्रस्य वज्रं आयसो निर्मिश्रं इन्द्रस्य बाहोर्भूयिष्ठमोजः ।
 शीर्षन्निन्द्रस्य क्रतवो निरेक आसन्नेषन्त श्रुत्या उपाके ३
 मन्ये त्वा यज्ञियं यज्ञियानां मन्ये त्वा च्यवनमच्युतानाम् ।
 मन्ये त्वा सत्वनामिन्द्र केतुं मन्ये त्वा वृषभं चर्षणीनाम् ४
 आ यद्वज्रं बाहोरिन्द्र धत्से मदच्युतमहये हन्तवा उ ।
 प्र पर्वता अनवन्त प्र गावः प्र ब्रह्माणौ अभिनक्षन्त इन्द्रम् ५

तमु॑ ष्टवाम॑ य इ॒मा ज॒जान॑ विश्वा॑ जा॒तान्यव॑राण्यस्मात् ।
 इन्द्रै॑ण मि॒त्रं दि॒धिषेम॑ गी॒र्भिरु॑पो नमो॑भिर्वृष॒भं वि॑शेम ६
 वृ॒त्रस्य॑ त्वा श्व॒सथा॑दी॒षमा॑णा विश्वे॑ दे॒वा अ॑ज॒हुर्ये॑ सखा॒यः ।
 म॒रुद्भिरि॑न्द्र स॒ख्यं ते॑ अ॒स्त्व थे॒मा विश्वाः॑ पृ॒तना॑ जया॒सि ७
 त्रिः ष॒ष्टिस्त्वा॑ म॒रुतो॑ वावृ॒धाना॑ उ॒स्त्रा इ॒व रा॑शयो॒ यज्ञि॑या॒सः ।
 उप॒ त्वेमः॑ कृ॒धि नो॑ भाग॒धेयं॑ शु॒ष्मं त ए॒ना ह॒विषा॑ वि॒धेम ८
 ति॒ग्ममा॑यु॒धं म॒रुता॑मनी॒कं क॑स्त॒ इन्द्र॑ प्र॒ति वज्रं॑ दध॒र्ष ।
 अ॒नायु॑धासो अ॒सुरा॑ अ॒देवा॑ श्व॒क्रेण॑ ताँ अप॑ वप ऋ॒जीषि॑न् ९
 म॒ह उ॒ग्राय॑ त॒वसे॑ सुवृ॒क्तिं प्रेर॑य शि॒वत॑माय प॒श्वः ।
 गि॒र्वाह॑से गि॒र इन्द्रा॑य पूर्वा॒ धेहि॑ त॒न्वे कु॑विद॒ङ्ग वेद॑त् १०
 उ॒क्थ॒वाह॑से वि॒भ्वे म॒नीषां॑ द्रु॒णा न पा॑र॒मौर॑या न॒दीना॑म् ।
 नि स्पृ॑श धि॒या त॒न्वि श्रु॑तस्य जुष्ट॒तर॑स्य कु॒विद॒ङ्ग वेद॑त् ११
 तद्वि॒विद्धि॑ यत् त इन्द्रो॑ जुजौषत् स्तु॒हि सु॑ष्टुतिं नम॒सा वि॑वास ।
 उप॑ भूष ज॒रित॑र्मा रु॒वण॑यः श्रा॒वया॑ वाचं॒ कुवि॑द॒ङ्ग वेद॑त् १२
 अ॒व द्रु॑प्सो अ॒शम॑तीमतिष्ठ॒ दियानः॑ कृ॒ष्णो द॒शभिः॑ स॒हस्रैः॑ ।
 आ॒वत् तमि॑न्द्रः श॒च्या ध॑र्मन्त॒ मप॑ स्नेहि॒तीर्नृ॑मणा॒ अध॑त्त १३
 द्रु॒प्सम॑पश्यं वि॒षुणे॑ चरन्त॒ मुप॑हरे न॒द्यौ अ॑शम॒त्याः ।
 नभो॑ न कृ॒ष्णम॑वतस्थि॒वांस॑ मि॒ष्यामि॑ वो वृ॒षणो॑ यु॒ध्यता॑जौ १४
 अ॒ध द्रु॑प्सो अ॒शम॑त्या उ॒पस्थे॑ ऽधा॒रय॑त् त॒न्वं ति॒त्विषा॑णः ।
 वि॒शो अ॒देवीर॑भ्या॒श्चर॑न्ती बृ॒हस्प॑तिना यु॒जेन्द्रः॑ ससा॒हे १५
 त्वं ह॒ त्यत् स॒प्तभ्यो॑ जा॒यमानो॑ ऽश॒त्रुभ्यो॑ अ॒भवः॑ श॒त्रुरि॑न्द्र ।
 गू॒ळहे॑ द्यावा॒पृथि॒वी अ॒न्ववि॑न्दो वि॒भुम॑द्भ्यो भु॒वने॑भ्यो रणं॒ धाः १६
 त्वं ह॒ त्यद॑प्रति॒मान॑मोजो॒ वज्रै॑ण वज्रि॒न् धृ॑षितो जघन्थ ।
 त्वं शु॒ष्णास्या॑वा॒तिरो॑ वध॒त्रै स्त्वं गा॑ इन्द्र श॒च्येद॑विन्दः १७
 त्वं ह॒ त्यद्वृ॑षभ च॒र्षणी॑नां घृ॒नो वृ॒त्राणां॑ तवि॒षो ब॑भूथ ।
 त्वं सि॒न्धूरै॑सृजस्तस्त॒भानान्॑ त्वम॒पो अ॑जयो दा॒सप॑त्नीः १८
 स सु॒क्रतू॑ रणि॒ता यः सु॑तेष्व नु॒त्तम॑न्युर्यो अ॒हैव॑ रे॒वान् ।
 य ए॒क इ॒न्नर्य॑पा॒सि क॑र्ता स वृ॒त्रहा॑ प्रतीद॒न्यमा॑हुः १९
 स वृ॒त्रहेन्द्र॑श्च॒र्षणी॑धृत् तं सु॒ष्टुत्या॑ हव्यं हुवेम ।
 स प्रा॒विता॑ म॒घवा॑ नोऽधि॒वृक्ता॑ स वा॒जस्य॑ श्रव॒स्यस्य॑ दा॒ता २०

स वृत्रहेन्द्रं ऋभुक्षाः सद्यो जज्ञानो हव्यो बभूव ।
कृणवन्नपांसि नर्या पुरुणि सोमो न पीतो हव्यः सखिभ्यः २१

(८६) षडशीतितमं सूक्तम्

(१-१५) पञ्चदशर्चस्यास्य सूक्तस्य काश्यपो रेभ ऋषिः । इन्द्रो देवता । (१-६)

प्रथमादिनवर्चा बृहती, (१०, १३) दशमीत्रयोदशयोरतिजगती, (११-१२)

एकादशीद्वादशयोरुपरिष्ठाद्बृहती, (१४) चतुर्दश्यास्त्रिष्टुप्, (१५) पञ्चदश्याश्च

जगती छन्दांसि

या इन्द्र मुञ्ज आभरः स्वर्वाँ असुरेभ्यः ।
स्तोतारमिन्मघवन्नस्य वर्धय ये च त्वे वृक्तबर्हिषः १
यमिन्द्र दधिषे त्वमश्वं गां भागमव्ययम् ।
यजमाने सुन्वति दक्षिणावति तस्मिन् तं धेहि मा पुणौ २
य इन्द्र सस्त्यवृतोऽनुष्वापमदैवयुः ।
स्वैः ष एवैर्मुमुरुत् पोष्यं रयिं सनुतधेहि तं ततः ३
यच्छक्रासि परावति यदवावति वृत्रहन् ।
अतस्त्वा गीर्भिर्द्युगदिन्द्र केशिभिः सुतावाँ आ विवासति ४
यद्वासि रोचने दिवः समुद्रस्याधि विष्टपि ।
यत् पार्थिवे सदेने वृत्रहन्तम् यदन्तरिक्ष आ गहि ५
स नः सोमैषु सोमपाः सुतेषु शवसस्पते ।
मादयस्व राधसा सूनृतावितेन्द्र राया परीणसा ६
मा न इन्द्र परा वृणग्भवा नः सधमाद्यः ।
त्वं न ऊती त्वमिन्न आप्यं मा न इन्द्र परा वृणक् ७
अस्मे इन्द्र सचा सुते नि षदा पीतये मधु ।
कृधी जरित्रे मघवन्नवौ मह दस्मे इन्द्र सचा सुते ८
न त्वा देवास आशत न मर्त्यासो अद्रिवः ।
विश्वा जातानि शर्वसाभिभूरसि न त्वा देवास आशत ९
विश्वाः पृतना अभिभूतरं नरं सजू स्ततक्षुरिन्द्रं जजनुश्च राजसै ।
क्रत्वा वरिष्ठं वरं आमुरिमुतो ग्रमोजिष्ठं तवसं तरस्विनम् १०
समीं रेभासो अस्वरन्निन्द्रं सोमस्य पीतये ।
स्वर्पतिं यदी वृधे धृतवतो ह्योजसा समूतिभिः ११

नेमिं नमन्ति चक्षसा मेषं विप्रां अभिस्वरा ।
 सुदीतयौ वो अद्भुहो ऽपि कर्णे तरस्विनः समृक्वभिः १२
 तमिन्द्रं जोहवीमि मृधवानमुग्रं सत्रा दधानमप्रतिष्कृतं शवांसि ।
 मंहिष्ठो गीर्भिरा च यज्ञियौ ववर्तद्राये नो विश्वा सुपथा कृणोतु वज्री १३
 त्वं पुर इन्द्र चिकिदैना व्योजसा शविष्ठ शक्र नाशयध्वै ।
 त्वद्विश्वा नि भुवनानि वज्रिन् द्यावा रेजेते पृथिवी च भीषा १४
 तन्म अतमिन्द्र शूर चित्र पात्वपो न वज्रिन् दुरिताति पर्षि भूरि ।
 कदा न इन्द्र राय आ दशस्ये विश्वप्सून्यस्य स्पृहयाय्यस्य राजन् १५
 इति षष्ठाष्टके षष्ठोऽध्यायः ।

सप्तमोऽध्यायः

व० १-३६

(८७) सप्ताशीतितमं सूक्तम्

(१-१२) द्वादशर्चस्यास्य सूक्तस्याङ्गिरसो नृमेध ऋषिः । इन्द्रो देवता । (१-६,
 ८) प्रथमादितृचद्वयस्याष्टम्या ऋचश्चोष्णिक, (७, १०-११) सप्तमीदशम्येकादशीनां
 ककुप्, (६, १२) नवमीद्वादशयोश्च पुर उष्णिक छन्दांसि
 इन्द्राय सामं गायतु विप्राय बृहते बृहत् । धर्मकृतै विपश्चितै पनुस्यवै १
 त्वमिन्द्राभिभूरसि त्वं सूर्यमरोचयः । विश्वकर्मा विश्वदेवो महां असि २
 विभ्राजज्ज्योतिषा स्वर्गच्छो रोचनं दिवः । देवास्त इन्द्र सख्याय येमिरे
 ३
 एन्द्र नो गधि प्रियः सत्राजिदगौह्यः । गिरिर्न विश्वतस्पृथुः पतिर्दिवः ४
 अभि हि सत्य सोमपा उभे बभूथ रोदसी । इन्द्रासि सुन्वतो वृधः पतिर्दिवः
 ५
 त्वं हि शश्वतीना मिन्द्र दुर्ता पुरामसि । हुन्ता दस्योर्मनोर्वृधः पतिर्दिवः ६
 अधा हीन्द्र गिर्वण उप त्वा कामान् महः संसृज्महे । उदेव यन्त उदभिः ७
 वारण त्वा यव्याभि वर्धन्ति शूर ब्रह्माणि । वावृध्वांसं चिदद्रिवो दिवेदिवे
 ८
 युञ्जन्ति हरी इषिरस्य गार्थयो रौ रथ उरुयुगे । इन्द्रवाहा वचोयुजा ९
 त्वं न इन्द्रा भरं ओजो नृमणं शतक्रतो विचर्षणे । आ वीरं पृतनाषहम् १०
 त्वं हि नः पिता वसो त्वं माता शतक्रतो बभूविथ । अधा ते सुममीमहे ११

त्वां शुष्मिन् पुरुहूत वाजयन्त मुपे ब्रुवे शतक्रतो । स नो रास्व सुवीर्यम्
१२

(८८) अष्टाशीतितमं सूक्तम्

(१-८) अष्टर्चस्यास्य सूक्तस्याङ्गिरसो नृमेध ऋषिः । इन्द्रो देवता । प्रगाथः
(विषमर्चा बृहती, समर्चा सतोबृहती) छन्दः

त्वामिदा ह्यो नरो ऽपीप्यन् वज्रिन् भूर्णयः ।
स इन्द्र स्तोमवाहसामिह श्रुध्यु प स्वसरमा गहि १
मत्स्वा सुशिप्र हरिवस्तदीमहे त्वे आ भूषन्ति वेधसः ।
तव श्रवांस्युपमान्युक्थ्या सुतेष्विन्द्र गिर्वणः २
श्रायन्त इव सूर्य विश्वेदिन्द्रस्य भक्षत ।
वसूनि जाते जनमान ओजसा प्रति भागं न दीधिम ३
अनर्शरातिं वसुदामुपे स्तुहि भद्रा इन्द्रस्य रातयः ।
सो अस्य कार्म विधतो न रोषति मनो दानाय चोदयन् ४
त्वमिन्द्र प्रतूर्तिष्वभि विश्वा असि स्पृधः ।
अशस्तिहा जनिता विश्वतूरसि त्वं तूर्य तरुष्यतः ५
अनु ते शुष्मं तुरयन्तमीयतुः क्षोणी शिशं न मातरा ।
विश्वास्ते स्पृधः शनथयन्त मन्यवै वृत्रं यदिन्द्र तूर्वासि ६
इत ऊती वो अजरं प्रहेतारमप्रहितम् ।
आशुं जेतारं हेतारं रथीतम् मतूर्तं तुग्यावृधम् ७
इष्कर्तारमनिष्कृतं सहस्कृतं शतमूर्तिं शतक्रतुम् ।
समानमिन्द्रमवसे हवामहे वसवानं वसूजुवम् ८

(८९) एकोननवतितमं सूक्तम्

(१-१२) द्वादशर्चस्यास्य सूक्तस्य (१-३, ६-१२) प्रथमादितृचस्य
षष्ठ्यादिसप्तानामृचां भार्गवो नेमः, (४-५) चतुर्थीपञ्चम्योश्चेन्द्र ऋषी । (१-७,
१२) प्रथमादिसप्तर्चा द्वादश्याश्चेन्द्रः, (८) अष्टम्याः सुपर्ण इन्द्रो वा, (९) नवम्या
वज्रो इन्द्रो वा, (१०-११) दशम्येकादश्योश्च वाग्देवताः । (१-५, १०-१२)
प्रथमादिपञ्चर्चा दशम्यादितृचस्य च त्रिष्टुप्, (६) षष्ठ्या जगती, (७-९)
सप्तम्यादितृचस्य चानुष्टुप् छन्दांसि

अयं त एमि तन्वा पुरस्ता द्विश्वे देवा अभि मा यन्ति पश्चात् ।
 यदा मह्यं दीर्घरो भागमिन्द्रा ऽऽदिन्मया कृणवो वीर्याणि १
 दधामि ते मधुनो भक्षमग्रे हितस्तै भागः सुतो अस्तु सोमः ।
 असश्च त्वं दक्षिणतः सखा मे ऽधा वृत्राणि जङ्घनाव भूरि २
 प्र सु स्तोमं भरत वाजयन्त इन्द्राय सत्यं यदि सत्यमस्ति ।
 नेन्द्रो अस्तीति नेमं उ त्व आह क ई ददर्श कमभि ष्टवाम ३
 अयमस्मि जरितः पश्य मेह विश्वा जातान्यभ्यस्मि मृहा ।
 अतस्य मा प्रदिशो वर्धय न्त्याददिरो भुवना ददर्शमि ४
 आ यन्मा वेना अरुहन्तस्यँ एकमासीनं हर्यतस्यं पृष्ठे ।
 मनश्चिन्मे हृद आ प्रत्यवोच दचिक्रदज्जि शुमन्तः सखायः ५
 विश्वेत् ता ते सर्वनेषु प्रवाच्या या चकर्थ मघवन्निन्द्र सुन्वते ।
 पारावतं यत् पुरुसंभृतं व स्वपावृणोः शरभाय ऋषिबन्धवे ६
 प्र नूनं धावता पृथङ् नेह यो वो अवावरीत् ।
 नि षीं वृत्रस्य मर्मणि वज्रमिन्द्रो अपीपतत् ७
 मनोजवा अयमान आयसीमतरत् पुरम् ।
 दिवं सुपर्णो गत्वाय सोमं वज्रिण आभरत् ८
 समुद्रे अन्तः शयत उदना वज्रो अभीवृतः ।
 भरन्त्यस्मै संयतः पुरःप्रस्रवणा बलिम् ९
 यद्वाग्वदन्त्यविचेतनानि राष्ट्री देवानां निषसाद मन्द्रा ।
 चतस्र ऊर्जं दुदुहे पयांसि क्वं स्विदस्याः परमं जगाम १०
 देवीं वाचमजनयन्त देवा स्तां विश्वरूपाः पशवो वदन्ति ।
 सा नो मन्द्रेषमूर्जं दुहाना धेनुर्वागस्मानुप सुष्टुतैतु ११
 सखे विष्णो वितरं वि क्रमस्व द्यौर्देहि लोकं वज्राय विष्कभे ।
 हनाव वृत्रं रिणचाव सिन्धू निन्द्रस्य यन्तु प्रसवे विसृष्टाः १२

(६०) नवतितमं सूक्तम्

(१-१६) षोडशर्चस्यास्य सूक्तस्य भार्गवो जमदग्निर्ऋषिः । (१-४, ५)

प्रथमादिचतुर्ऋचां पञ्चम्याः पादत्रयस्य च मित्रावरुणौ, (५-६)

पञ्चम्यास्तृतीयपादस्य षष्ठ्याश्चादित्याः, (७-८) सप्तम्यष्टम्योरश्विनौ, (९-१०)

नवमीदशम्योर्वायुः, (११-१२) एकादशीद्वादशयोः सूर्यः, (१३) त्रयोदश्या उषाः

सूर्यप्रभा वा, (१४) चतुर्दश्याः पवमानः, (१५-१६) पञ्चदशीषोडशयोश्च
 गौर्देवताः । (१-२, ५-१२) प्रथमाद्वितीययोर्ऋचोः पञ्चम्याद्यष्टानाञ्च प्रगाथः
 (विषमर्चा बृहती, समर्चा सतोबृहती), (३) तृतीयाया गायत्री, (४) चतुर्थ्याः
 सतोबृहती, (१३) त्रयोदश्या बृहती,
 (१४-१६) चतुर्दश्यादितृचस्य च त्रिष्टुप् छन्दांसि

ऋधंगित्था स मर्त्यः शशमे देवतातये ।
 यो नूनं मित्रावरुणावभिष्टय आचक्रे हव्यदातये १
 वर्षिष्ठक्षत्रा उरुचक्षसा नरा राजाना दीर्घश्रुत्तमा ।
 ता बाहुता न दंसना रथर्यतः साकं सूर्यस्य रश्मिभिः २
 प्र यो वा मित्रावरुणा ऽजिरो दूतो अद्रवत् ।
 अयःशीर्षा मदैरघुः ३
 न यः संपृच्छे न पुनर्हवीतवे न सवादाय रमते ।
 तस्मान्नो अद्य समृतेरुरुष्यतं बाहुभ्यां न उरुष्यतम् ४
 प्र मित्राय प्रार्यम्णे संचथ्यमृतावसो ।
 वरूथ्यं वरुणे छन्द्यं वचः स्तोत्रं राजसु गायत ५
 ते हिन्विरे अरुणं जेन्यं वस्वेकं पुत्रं तिसृणाम् ।
 ते धामान्यमृता मर्त्याना मदब्धा अभि चक्षते ६
 आ मे वचांस्युद्यता द्युमत्तमानि कर्त्वा ।
 उभा यातं नासत्या सजोषसा प्रति हव्यानि वीतये ७
 रातिं यद्वामरक्षसं हवामहे युवाभ्यां वाजिनीवसू ।
 प्राचीं होत्रां प्रतिरन्तावितं नरा गृणाना जमदग्निना ८
 आ नो यज्ञं दिविस्पृशं वायो याहि सुमन्मभिः ।
 अन्तः पवित्रं उपरि श्रीणानोऽयं शक्रो अयामि ते ९
 वेत्यध्वर्युः पृथिभी रजिष्ठैः प्रति हव्यानि वीतये ।
 अधा नियुत्व उभयस्य नः पिब शुचिं सोमं गवाशिरम् १०
 बरमहाँ असि सूर्यं बळादित्य महाँ असि ।
 महस्तै सतो महिमा पनस्यते ऽद्धा देव महाँ असि ११
 बट् सूर्यं श्रवसा महाँ असि सत्रा देव महाँ असि ।
 महा देवानामसुर्यः पुरोहितो विभु ज्योतिरदाभ्यम् १२
 इयं या नीच्यर्किणी रूपा रोहिण्या कृता ।

चित्रेव प्रत्यदर्शयत्यर्न्तर्दशसु बाहुषु १३
 प्रजा ह तिस्रो अत्यार्यमीयु न्यर्न्या अर्कमभितौ विविश्रे ।
 बृहद्ध तस्थौ भुवनेष्वन्तः पर्वमानो हरित आ विवेश १४
 माता रुद्राणां दुहिता वसूनां स्वसादित्यानाममृतस्य नाभिः ।
 प्र नु वौचं चिकितुषे जनाय मा गामनागामदितिं वधिष्ट १५
 वचोविदं वाचमुदीरयन्तीं विश्वाभिर्धीभिरुपतिष्ठमानाम् ।
 देवीं देवेभ्यः पर्येयुषीं गा मा मावृक्त मर्त्यो दभ्रचैताः १६

(६१) एकनवतितमं सूक्तम्

(१-२२) द्वाविंशत्यृचस्यास्य सूक्तस्य भार्गवः प्रयोगो बार्हस्पत्यः पावको वाग्निर्वा,
 सहसः सुतौ गृहपतियविष्ठौ वा तयोरन्यतरो वा ऋषिः । अग्निर्देवता ।

गायत्री छन्दः

त्वमग्ने बृहद्वयो दधासि देव दाशुषे । कविर्गृहपतिर्युवा १
 स न ईळानया सह देवाँ अग्ने दुवस्युवा । चिकिद्विभानुवा वह २
 त्वया ह स्विद्युजा वयं चोदिष्ठेन यविष्ठय । अभि ष्मो वाजसातये ३
 और्वभृगुवच्छुचि मप्रवानुवदा हुवे । अग्निं समुद्रवाससम् ४
 हुवे वातस्वनं कविं पर्जन्यक्रन्द्यं सहः । अग्निं समुद्रवाससम् ५
 आ सवं सवितुर्यथा भगस्येव भुजिं हुवे । अग्निं समुद्रवाससम् ६
 अग्निं वौ वृधन्त मध्वराणां पुरुतमम् । अच्छा नप्ते सहस्वते ७
 अयं यथा न आभुवत् त्वष्टा रूपेव तदया । अस्य क्रत्वा यशस्वतः ८
 अयं विश्वा अभि श्रियो ऽग्निर्देवेषु पत्यते । आ वाजैरुप नो गमत् ९
 विश्वेषामिह स्तुहि होतृणां यशस्तमम् । अग्निं यज्ञेषु पूर्व्यम् १०
 शीरं पावकशौचिषं ज्येष्ठो यो दमेष्वा । दीदार्य दीर्घश्रुतमः ११
 तमवन्तं न सानसिं गृणीहि विप्र शष्मिणम् । मित्रं न यातयज्जनम् १२
 उप त्वा जामयो गिरो देदिशतीर्हविष्कृतः । वायोरनीके अस्थिरन् १३
 यस्य त्रिधात्वृतं बर्हिस्तस्थावसंदिनम् । आपश्चिन्नि दधा पदम् १४
 पदं देवस्य मीळहृषो ऽनाधृष्टाभिरूतिभिः । भद्रा सूर्य इवोपदृक् १५
 अग्ने घृतस्य धीतिभि स्तेपानो देव शोचिषा । आ देवान् वक्षि यक्षि च १६
 तं त्वाजनन्त मातरः कविं देवासौ अङ्गिरः । हव्यवाहममर्त्यम् १७
 प्रचैतसं त्वा कवे ऽग्ने दूतं वरेण्यम् । हव्यवाहं नि षैदिरे १८

नृहि मे अस्त्यघ्नया न स्वधितिर्वनन्वति । अथैतादृग्भरामि ते १९
 यदग्ने कानि कानि चिदा ते दारूणि दध्मसि । ता जुषस्व यविष्ठय २०
 यदत्युपजिह्विका यद्वग्नो अतिसर्पति । सर्वं तदस्तु ते घृतम् २१
 अग्निमिन्धानो मनसा धियं सचेतु मर्त्यः । अग्निमीधे विवस्वभिः २२

(६२) द्विनवतितमं सूक्तम्

(१-१४) चतुर्दशर्चस्यास्य सूक्तस्य कारवः सोभरिर्ऋषिः । (१-१३)
 प्रथमादित्रयोदशर्चामग्निः, (१४) चतुर्दश्याश्चाग्रामरुतो देवताः । (१-४, ६)
 प्रथमादिचतुर्ऋचां षष्ठ्याश्च बृहती, (५) पञ्चम्या विराड्रूपा, (७, ९, ११, १३)
 सप्तमीनवम्येकादशीत्रयोदशीनां सतोबृहती, (८, १२) अष्टमीद्वादशयोः ककुप्,
 (१०) दशम्या हसीयसी गायत्री, (१४) चतुर्दश्याश्चानुष्टुप् छन्दांसि
 अदर्शि गातुवित्तमो यस्मिन् वृतान्यादधुः ।
 उपो षु जातमार्यस्य वर्धनं मग्निं नक्षन्त नो गिरः १
 प्र दैवोदासो अग्निर्देवाँ अच्छा न मज्मना ।
 अनु मातरं पृथिवीं वि वावृते तस्थौ नाकस्य सानवि २
 यस्माद्रेजन्त कृष्टयश्चर्कृत्यानि कृणवतः ।
 सहस्रसां मेधसाताविव त्मना ऽग्निं धीभिः संपर्यत ३
 प्र यं राये निनीषसि मर्तो यस्तै वसो दाशत् ।
 स वीरं धत्ते अग्र उक्थशंसिनुं त्मना सहस्रपोषिणम् ४
 स दृळहे चिदभि तृणन्ति वाजमर्वता स धत्ते अक्षिति श्रवः ।
 त्वे देवत्रा सदा पुरुवसो विश्वा वामानि धीमहि ५
 यो विश्वा दयते वसु होता मन्द्रो जनानाम् ।
 मधोर्न पात्रा प्रथमान्यस्मै प्र स्तोमा यन्त्यग्रयै ६
 अश्वं न गीर्भी रथ्य सुदानवो मर्मज्यन्तै देवयवः ।
 उभे तोके तनये दस्म विश्पते पर्षि राधौ मघोनाम् ७
 प्र मंहिष्ठाय गायत ऋताव्ने बृहते शुक्रशौचिषे ।
 उपस्तुतासो अग्रयै ८
 आ वंसते मघवा वीरवद्यशः समिद्धो द्युम्रचाहुतः ।
 कुविन्नो अस्य सुमतिर्नवीयस्य च्छा वाजैभिरागमत् ९
 प्रेष्ठमु प्रियाणां स्तुह्यासावातिथिम् ।

अग्निं रथानां यमम् १०
 उदिता यो निदिता वेदिता वस्वा यज्ञियो ववर्तति ।
 दुष्टरा यस्य प्रवृणे नोर्मयो धिया वाजं सिषासतः ११
 मा नो हणीतामतिथिर्वसुरग्निः पुरुप्रशस्त एषः ।
 यः सुहोता स्वध्वरः १२
 मो ते रिषुन्ये अच्छौक्तिभिर्वसो ऽग्ने केभिश्चिदेवैः ।
 कीरिश्चिद्धि त्वामीद्वै दूत्याय रातहव्यः स्वध्वरः १३
 आग्ने याहि मरुत्सखा रुद्रेभिः सोमपीतये ।
 सोभर्या उप सुष्टुतिं मादयस्व स्वर्णरे १४

(६३) त्रिनवतितमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । पवमानः सोमो देवता । गायत्री छन्दः

स्वादिष्ठया मदिष्ठया पर्वस्व सोम धारया । इन्द्राय पातवे सुतः १
 रक्षोहा विश्वर्षणि रभि योनिमयोहतम् । द्रुणा सधस्थमासदत् २
 वरिवोधातमो भव मंहिष्ठो वृत्रहन्तमः । पर्षि राधौ मघोनाम् ३
 अभ्यर्ष महानां देवानां वीतिमन्धसा । अभि वाजमुत श्रवः ४
 त्वामच्छा चरामसि तदिदर्थं दिवेदिवे । इन्द्रो त्वे न आशसः ५
 पुनाति ते परिस्तुतं सोमं सूर्यस्य दुहिता । वारैण शश्वता तना ६
 तमीमरवीः समर्य आ गृभ्णन्ति योषणो दश । स्वसारः पार्यै दिवि ७
 तमीं हिन्वन्त्यगुवो धमन्ति बाकुरं दृतिम् । त्रिधातु वारणं मधु ८
 अभीममघ्न्या उत श्रीणन्ति धेनवः शिशुम् । सोममिन्द्राय पातवे ९
 अस्येदिन्द्रो मदेष्वा विश्वा वृत्राणि जिघ्रते । शूरो मघा च मंहते १०

(६४) चतुर्नवतितमं सूक्तम्

(१-१०) दशर्चस्यास्य सूक्तस्य काण्वो मेधातिथिर्ऋषिः । पवमानः सोमो देवता । गायत्री छन्दः

पर्वस्व देववीरति पवित्रं सोम रंह्या । इन्द्रमिन्द्रो वृषा विश १
 आ वच्यस्व महि प्सरो वृषेन्दो द्युम्वत्तमः । आ योनिं धर्णसिः सदः २
 अधुक्षत प्रियं मधु धारा सुतस्य वैधसः । अपो वसिष्ठ सुक्रतुः ३

म॒हान्तं॑ त्वा म॒हीर॒न्वापो॑ अ॒र्षन्ति॑ सि॒न्धवः॑ । य॒द्रोभि॑र्वा॒सयि॑ष्यसै ४
 स॒मुद्रो॑ अ॒प्सु मा॑मृजे वि॒ष्टम्भो॑ ध॒रुणो॑ दि॒वः । सोमः॑ पु॒वित्रै॑ अ॒स्मयुः॑ ५
 अ॒चि॒क्रद॑दृ॒षा हरि॑र्म॒हान् मि॒त्रो न द॑र्शतः । सं सूर्ये॑ण रोचते ६
 गि॒रस्त॑ इ॒न्द्र ओज॑सा म॒र्मृज्यन्ते॑ अप॒स्युवः॑ । याभि॑र्मदायु शु॒म्भसे॑ ७
 तं त्वा॒ मदा॑यु घृ॒ष्वय उ॑ लोककृ॒तुमी॑महे । तव॒ प्रश॑स्तयो म॒हीः ८
 अ॒स्मभ्य॑मि॒न्दवि॒न्द्रयु॑र्म॒ध्वः पव॑स्व धा॒रया॑ । पु॒र्जन्यो॑ वृ॒ष्टिमाँ॑ ईव ९
 गो॒षा इ॒न्दो नृ॒षा अ॒स्य श्व॒सा वा॑ज॒सा उ॒त । आ॒त्मा य॒ज्ञस्य॑ पू॒र्व्यः १०

(६५) पञ्चनवतितमं सूक्तम्

(१-१०) दशर्चस्यास्य सूक्तस्याजीगर्तिः शुनःशेषः (कृत्रिमो वैश्वामित्रो देवरातः)

ऋषिः । पवमानः सोमो देवता । गायत्री छन्दः

ए॒ष दे॒वो अ॒मर्त्यः॑ पु॒र्णवी॑रिव दीयति । अ॒भि द्रो॑णान्यासदम् १
 ए॒ष दे॒वो वि॒पा कृ॒तो ऽति॑ ह॒रांसि॑ धावति । प॒र्वमा॒नो अ॒दाभ्यः॑ २
 ए॒ष दे॒वो वि॒प॒न्युभिः॑ प॒र्वमा॒न ऋ॒तायु॑भिः । ह॒रि॒र्वाजा॑य मृज्यते ३
 ए॒ष वि॒श्वानि॑ वा॒र्या शू॒रो यन्नि॑व स॒त्त्वभिः॑ । प॒र्वमा॒नः सि॒षास॑ति ४
 ए॒ष दे॒वो र॑थर्यति प॒र्वमा॒नो द॑शस्यति । आ॒विष्कृ॑णोति व॒ग्वनु॑म् ५
 ए॒ष वि॒प्रैर॑भिष्टुतो ऽपो दे॒वो वि॑ गा॒हते॑ । द॒ध॒द्रत्नानि॑ दा॒शुषे॑ ६
 ए॒ष दि॒वम् वि॑ धा॒वति॑ ति॒रो रजा॑सि धा॒रया॑ । प॒र्वमा॒नः क॒र्निक्र॑दत् ७
 ए॒ष दि॒वम् व्या॑सरत् ति॒रो रजा॑स्यस्पृतः । प॒र्वमा॒नः स्व॒ध्वरः॑ ८
 ए॒ष प्र॒त्नेन॑ जन्मना दे॒वो दे॒वेभ्यः॑ सु॒तः । हरिः॑ पु॒वित्रै॑ अ॒र्षति॑ ९
 ए॒ष उ॒ स्य पु॑रुव॒तो ज॑ज्ञानो ज॒नय॑न्निषः । धा॒रया॑ पवते सु॒तः १०

(६६) षण्णवतितमं सूक्तम्

(१-१०) दशर्चस्यास्य सूक्तस्याङ्गिरसो हिरण्यस्तूप ऋषिः । पवमानः सोमो देवता

। गायत्री छन्दः

स॒ना च॑ सोम॒ जेषि॑ च॒ प॒र्वमा॒न म॒हि श्र॑वः । अ॒था नो॑ व॒स्यस॑स्कृधि १
 स॒ना ज्यो॑तिः स॒ना स्व॑र्ष॒र्विश्वा॑ च सोम॒ सौभ॑गा । अ॒था नो॑ व॒स्यस॑स्कृधि
 २
 स॒ना दक्ष॑मु॒त क्र॑तु॒मप॑ सोम॒ मृधो॑ जहि । अ॒था नो॑ व॒स्यस॑स्कृधि ३

पर्वीतारः पुनीतन् सोममिन्द्राय पातवे । अथा नो वस्यसस्कृधि ४
 त्वं सूर्ये न आ भज तव क्रत्वा तवोतिभिः । अथा नो वस्यसस्कृधि ५
 तव क्रत्वा तवोतिभिर्ज्योक् पश्येम सूर्यम् । अथा नो वस्यसस्कृधि ६
 अभ्यर्ष स्वायुध सोमं द्विबर्हसं रयिम् । अथा नो वस्यसस्कृधि ७
 अभ्यर्षानपच्युतो रयिं समत्सु सासहिः । अथा नो वस्यसस्कृधि ८
 त्वां यज्ञैरवीवृधन् पर्वमानं विधर्मणि । अथा नो वस्यसस्कृधि ९
 रयिं नश्चित्रमश्विन् मिन्दौ विश्वायुमा भर । अथा नो वस्यसस्कृधि १०

(६७) सप्तनवतितमं सूक्तम्

(१-११) एकादशर्चस्यास्य सूक्तस्य काश्यपोऽसितो देवलो वा ऋषिः । (१)
 प्रथमर्च इध्मः समिद्धो वाग्निः, (२) द्वितीयायास्तनूनपात्, (३) तृतीयाया इळः,
 (४) चतुर्थ्या बर्हिः, (५) पञ्चम्या देवीर्द्वारः, (६) षष्ठ्या उषासानक्ता, (७)
 सप्तम्या दैव्यौ होतारौ प्रचेतसौ, (८) अष्टम्यास्तिस्त्रो देव्यः सरस्वतीळाभारत्यः,
 (९) नवम्यास्त्वष्टा, (१०) दशम्या वनस्पतिः, (११) एकादश्याश्च स्वाहाकृतयो
 देवताः । (१-७) प्रथमादिसप्तर्चा गायत्री, (८-११)

अष्टम्यादिचतसृणाञ्चानुष्टुप् छन्दसी

समिद्धो विश्वतस्पतिः पर्वमानो वि राजति । प्रीणन् वृषा कर्निक्रदत् १
 तनूनपात् पर्वमानः शृङ्गे शिशानो अर्षति । अन्तरिक्षेण रारजत् २
 ईळैन्यः पर्वमानो रयिर्वि राजति द्युमान् । मधोर्धाराभिरोजसा ३
 बर्हिः प्राचीनमोजसा पर्वमान स्तृणन् हरिः । देवेषु देव ईयते ४
 उदातैर्जिहते बृहद् द्वारौ देवीर्हिरण्ययीः । पर्वमानेन सुष्टुताः ५
 सुशिल्पे बृहती मही पर्वमानो वृषण्यति । नक्तोषासा न दर्शते ६
 उभा देवा नृचक्षसा होतारा दैव्या हुवे । पर्वमान इन्द्रो वृषा ७
 भारती पर्वमानस्य सरस्वतीळा मही ।
 इमं नो यज्ञमा गमन् तिस्रो देवीः सुपेशसः ८
 त्वष्टारमग्रजां गोपां पुरोयावानमा हुवे ।
 इन्दुरिन्द्रो वृषा हरिः पर्वमानः प्रजापतिः ९
 वनस्पतिं पर्वमानं मध्वा समङ्गधि धारया ।
 सहस्रवल्शं हरितं भ्राजमानं हिरण्ययम् १०
 विश्वे देवाः स्वाहाकृतिं पर्वमानस्या गत ।

वायुर्बृहस्पतिः सूर्यो ऽग्निरिन्द्रः सजोषसः ११

(६८) अष्टनवतितमं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो देवता । गायत्री छन्दः

मन्द्रया सोम धारया वृषा पवस्व देवयुः । अव्यो वारैष्वस्मयुः १
अभि त्यं मद्यं मदु मिन्द्रविन्द्र इति क्षर । अभि वाजिनो अर्वतः २
अभि त्यं पूर्व्यं मदं सुवानो अर्ष पवित्र आ । अभि वाजमुत श्रवः ३
अनु द्रप्सास इन्द्रव आपो न प्रवतासरन् । पुनाना इन्द्रमाशत ४
यमत्यमिव वाजिनं मृजन्ति योषणो दश । वने क्रीळन्तमत्यविम् ५
तं गोभिर्वृषणं रसं मदाय देववीतये । सुतं भरायु सं सृज ६
देवो देवायु धारयेन्द्राय पवते सुतः । पयो यदस्य पीपयत् ७
आत्मा यज्ञस्य रंह्या सुष्वाणः पवते सुतः । प्रबं नि पाति काव्यम् ८
एवा पुनान इन्द्रयुर्मदं मदिष्ठ वीतर्ये । गुहा चिद्दधिषे गिरः ९

(६९) नवनवतितमं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो देवता । गायत्री छन्दः

असृग्रमिन्द्रवः पथा धर्मवृतस्य सुश्रियः । विदाना अस्य योजनम् १
प्र धारा मध्वो अग्रियो महीरपो वि गाहते । हविर्हविष्णु वन्द्यः २
प्र युजो वाचो अग्रियो वृषाव चक्रद्वनै । सद्याभि सत्यो अध्वरः ३
परि यत् काव्या कविर्नृणा वसानो अर्षति । स्वर्वाजी सिषासति ४
पवमानो अभि स्पृधो विशो राजैव सीदति । यदीमृणवन्ति वेधसः ५
अव्यो वारे परि प्रियो हरिर्वनैषु सीदति । रेभो वनुष्यते मती ६
स वायुमिन्द्रमश्विना साकं मदेन गच्छति । रणा यो अस्य धर्मभिः ७
आ मित्रावरुणा भगं मध्वः पवन्त ऊर्मयः । विदाना अस्य शक्मभिः ८
अस्मभ्यं रोदसी रयिं मध्वो वाजस्य सातर्ये । श्रवो वसूनि सं जितम् ९

(१००) शततमं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो

देवता । गायत्री छन्दः

ए॒ते सोमा॑ अ॒भि प्रि॒य मि॒न्द्रस्य॑ का॒र्मम॑क्षरन् । वर्ध॑न्तो अस्य वी॒र्यम् १
 पु॒ना॒नास॑श्चमूषदो गच्छ॑न्तो वा॒युम॑श्विना । ते नो॑ धान्तु सुवी॒र्यम् २
 इ॒न्द्रस्य॑ सोम॒ राध॑से पु॒नानो॑ हा॒र्दि चो॑दय । ऋ॒तस्य॑ योनि॒मास॑दम् ३
 मृ॒जन्ति॑ त्वा द॒श क्षि॑पौ हि॒न्वन्ति॑ स॒प्त धी॑तरयः । अनु॑ वि॒प्रा अ॒मादि॑षुः ४
 दे॒वेभ्य॑स्त्वा मदा॑य कं सृ॒जान॑मति मे॒ष्यः । सं गो॑र्भिर्वासयामसि ५
 पु॒ना॒नः क॒लशे॑ष्वा वस्त्रा॒ण्यरु॑षो हरिः । परि॑ गव्या॒न्यव्य॑त ६
 म॒घोनु॑ आ प॑वस्व नो ज॒हि वि॒श्वा अप॑ द्विषः । इ॒न्द्रो स॒खाय॑मा वि॒श ७
 वृ॒ष्टिं दि॒वः परि॑ स्रव द्यु॒म्रं पृ॑थि॒व्या अ॒धि । सहो॑ नः सोम पृ॒त्सु धाः ८
 नृ॒चक्ष॑सं त्वा व॒यमि॒न्द्रपी॑तं स्व॒र्विद॑म् । भ॒क्षीम॑हि प्र॒जामि॑षम् ९

(१०१) एकोत्तरशततमं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो

देवता । गायत्री छन्दः

परि॑ प्रि॒या दि॒वः क॒विर्व॑यांसि न॒प्तयो॑र्हितः । सु॒वानो॑ याति क॒विक्र॑तुः १
 प्र॒प्त क्षा॑याय प॒न्यसे॑ जना॑य जुष्टौ अ॒द्रुहै॑ । वी॒त्यर्ष॑ च॒निष्ठ॑या २
 स स॒नुमा॑तरा शुचि॑र्जातो जा॒ते अ॑रोचयत् । म॒हान् म॒ही ऋ॑तावृ॒धा ३
 स स॒प्त धी॑तिभिर्हितो न॒द्यो अ॑जि॒न्वद॑द्रुहः । या ए॒कम॑क्षि वावृ॒धुः ४
 ता अ॒भि स॒न्तम॑स्तृतं म॒हे यु॒वान॑मा द॒धुः । इ॒न्दुमि॒न्द्र तव॑ वृ॒ते ५
 अ॒भि वह्नि॑र्मर्त्यः स॒प्त प॑श्यति वाव॒रहिः । क्रि॒विर्दे॒वीर॑तर्पयत् ६
 अ॒वा क॒ल्पैषु॑ नः पु॒मस्त॑मांसि सोम॒ योध्या॑ । तानि॑ पु॒नान॑ जङ्घनः ७
 नू न॒व्यसे॑ नवी॒यसे॑ सू॒क्ताय॑ साधया प॒थः । प्र॒वव॑द्रौच॒या रुचः॑ ८
 प॒वमान॑ म॒हि श्रवो॑ गामश्च॒ रासि॑ वी॒रव॑त् । सना॑ मे॒धां सना॑ स्वः ९

(१०२) द्व्युत्तरशततमं सूक्तम्

(१-६) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो

देवता । गायत्री छन्दः

प्र स्वा॒नासो॑ रथा॑ इ॒वा ऽव॑न्तो न श्र॑व॒स्यवः॑ । सोमा॑सो रा॒ये अ॑क्रमुः १
 हि॒न्वा॒नासो॑ रथा॑ इ॒व द॑धन्वि॒रे ग॑र्भ॒स्त्योः । भ॒रासः॑ का॒रिणा॑मिव २
 राजा॑नो न प्र॒शस्ति॑भिः सोमा॑सो गो॒भिर॑ञ्जते । यु॒ज्ञो न स॒प्त धा॑तृभिः ३

परि सुवा॒नास॒ इन्द्र॑वो मदा॒य ब॒र्हणा॑ गिरा । सु॒ता अ॒र्षन्ति॑ धार॒या ४
 आ॒पा॒नासौ॑ वि॒वस्व॑तो जने॒न्त उ॒षसो॑ भग॒म् । सू॒रा अ॒ण्वं वि ते॑न्वते ५
 अप॒ द्वा॒रा म॒तीनां॑ प्र॒त्ता ऋ॑णवन्ति का॒रवः॑ । वृ॒ष्णो ह॒रस॑ आ॒यवः॑ ६
 स॒मीची॑नास॒ आस॑ते हो॒तारः॑ स॒प्तजा॑मयः । पु॒दमे॑कस्य पि॒प्रतः॑ ७
 ना॒भा ना॒भिं न॒ आ दे॑दे चक्षु॒श्चित् सूर्ये॑ सचा । क॒वेर॑प॒त्यमा॑ दु॒हे ८
 अ॒भि प्रि॒या दि॒वस्प॑द॒ मध्व॑र्युभिर्गु॒हा हि॑तम् । सू॒रः प॑श्यति चक्ष॒सा ९

(१०३) त्र्युत्तरशततमं सूक्तम्

(१-९) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो देवता । गायत्री छन्दः

उपा॒स्मै गा॒यता न॒रः प॑र्वमा॒नाये॑न्द्र॒वे । अ॒भि दे॒वाँ इ॒य॒क्षते॑ १
 अ॒भि ते म॑धु॒ना प॒यो ऽथ॑र्वा॒णो अ॒शि॒श्रयुः॑ । दे॒वं दे॒वाय॑ दे॒वयु॑ २
 स नः॑ प॒वस्व॒ शं ग॒वे शं ज॑ना॒य श॑मव॒ते । शं रा॑ज॒न्नोष॑धी॒भ्यः ३
 ब॒भ्रवे॑ नु स्व॒तव॑से ऽरु॒णाय॑ दि॒विस्पृ॑शे । सो॒माय॑ गा॒थम॑र्चत ४
 ह॒स्त॒च्युते॑भि॒रद्रि॑भिः सु॒तं सोमं॑ पु॒नीत॑न । म॒धा॒वा धा॑वता॒ मधु॑ ५
 नम॑सेदु॒पं सी॑दत द॒ध्रेद॒भि श्री॑णीतन । इ॒न्दुमि॑न्द्रै॒ दधा॑तन ६
 अ॒मि॒त्रहा॑ वि॒चर्ष॑णिः प॒वस्व॒ सोम॑ शं ग॒वै । दे॒वेभ्यो॑ अ॒नुका॑म॒कृत् ७
 इन्द्रा॑य सोम॒ पात॑वे मदा॒य परि॑ षि॒च्यसे॑ । म॒नुश्चि॑न्मन॒सस्प॑तिः ८
 प॑र्वमान सु॒वीर्यं॒ रयि॑ं सोम रि॒रीहि॑ नः । इ॒न्द्रवि॑न्द्रै॒ण नो॑ यु॒जा ९

(१०४) चतुरुत्तरशततमं सूक्तम्

(१-९) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो देवता । गायत्री छन्दः

सो॒मा असृ॑ग्रमिन्द्र॒वः सु॒ता अ॒तस्य॑ सा॒दने॑ । इन्द्रा॑य म॒धुम॑त्तमाः १
 अ॒भि वि॒प्रा अ॒नूष॑तु गा॒वो वृ॑त्सं न मा॒तरः॑ । इ॒न्द्रं सोम॑स्य पी॒तयै॑ २
 म॒द॒च्युत् क्षेति॑ सा॒दने॑ सि॒न्धौरू॑र्मा वि॒पश्चित् । सोमो॑ गौरी अ॒धि श्रि॑तः ३
 दि॒वो ना॒भा वि॒चक्ष॑णो ऽव्यो॒ वारै॑ महीयते । सोमो॑ यः सु॒क्रतुः॑ क॒विः ४
 यः सोमः॑ क॒लशे॑ष्वाँ अ॒न्तः पु॒वित्र॑ आ॒हितः॑ । तमि॑न्दुः परि॑ ष॒स्वजे॑ ५
 प्र वा॒चमि॑न्दुरिष्यति स॒मुद्र॑स्याधि वि॒ष्टपि॑ । जि॒न्वन् को॑शं म॒धुश्चु॑तम् ६
 नित्य॑स्तो॒त्रो व॒नस्प॑ति॒र्धोना॑म॒न्तः स॑ब॒र्दुर्घः॑ । हि॒न्वा॒नो मा॑नु॒षा यु॒गा ७

अभि प्रिया दिवस्पदा सोमो हिन्वानो अर्षति । विप्रस्य धारया कविः ८
आ पवमान धारय रयिं सहस्रवर्चसम् । अस्मे इन्दो स्वाभुवम् ९

अष्टमोऽध्यायः

व० १ । ३३ ।

(१०५) पञ्चोत्तरशततमं सूक्तम्

(१-९) नवर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो
देवता । गायत्री छन्दः

सोमः पुनानो अर्षति सहस्रधारो अत्यविः । वायोरिन्द्रस्य निष्कृतम् १
पवमानमवस्यवो विप्रमभि प्र गायत । सुष्वाणं देववीतये २
पवन्ते वाजसातये सोमाः सहस्रपाजसः । गृणाना देववीतये ३
उत नो वाजसातये पवस्व बृहतीरिषः । द्युमदिन्दो सुवीर्यम् ४
ते नः सहस्रिण रयिं पवन्तामा सुवीर्यम् । सुवाना देवास इन्दवः ५
अत्या हियाना न हेतुभि रसृगं वाजसातये । वि वारमव्यमाशवः ६
वाश्ना अर्षन्तीन्दवो ऽभि वत्सं न धेनवः । दधन्विरे गर्भस्त्योः ७
जुष्ट इन्द्राय मत्सरः पवमान कर्निक्रदत् । विश्वा अप द्विषौ जहि ८
अपघ्नन्तो अराव्णः पवमानाः स्वर्दृशः । योनावृतस्य सीदत ९

(१०६) षडुत्तरशततमं सूक्तम्

(१-८) अष्टर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो
देवता । गायत्री छन्दः

परि प्रासिष्यदत् कविः सिन्धोरूमावधि श्रितः । कारं बिभ्रत् पुरुस्पृहम् १
गिरा यदी सबन्धवः पञ्च वाता अपस्यवः । परिष्कृणवन्ति धर्णसिम् २
आदस्य शष्मिणो रसे विश्वे देवा अमत्सत । यदी गोभिर्वसायते ३
निरिणानो वि धावति जहृच्छयाणि तान्वा । अत्रा सं जिघ्रते युजा ४
नृप्तीभिर्यो विवस्वतः शश्रो न मामृजे युवा । गाः कृणवानो न निर्णिजम् ५
अति श्रिती तिरश्चता गुव्या जिगात्यणव्या । वृमुर्मियर्ति यं विदे ६
अभि क्षिपः समग्मत मूर्जयन्तीरिषस्पतिम् । पृष्ठा गृभ्णत वाजिनः ७
परि दिव्यानि मर्मृशद् विश्वानि सोम पार्थिवा । वसूनि याह्यस्मयुः ८

(१०७) सप्तोत्तरशततमं सूक्तम्

(१-८) अष्टर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो
देवता । गायत्री छन्दः

एष धिया यात्यश्व्या शूरो रथेभिराशुभिः । गच्छन्निन्द्रस्य निष्कृतम् १
 एष पुरु धियायते बृहते देवतातये । यत्रामृतास आसते २
 एष हितो वि नीयते ऽन्तः शभ्रावता पथा । यदी तुञ्जन्ति भूर्णयः ३
 एष शृङ्गाणि दोधुव च्छिर्षति यूथ्योऽ वृषा । नृम्णा दधान ओजसा ४
 एष रुक्मिभिरीयते वाजी शुभ्रेभिरंशुभिः । पतिः सिन्धूनां भवन् ५
 एष वसूनि पिबन्ना परुषा ययिवाँ अति । अव शादैषु गच्छति ६
 एतं मृजन्ति मर्ज्य मुप द्रोणैष्वायवः । प्रचक्राणं महीरिषः ७
 एतमु त्यं दश क्षिपौ मृजन्ति सप्त धीतर्यः । स्वायुधं मदिन्तमम् ८

(१०८) अष्टोत्तरशततमं सूक्तम्

(१-८) अष्टर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो
देवता । गायत्री छन्दः

प्र ते स्रोतारं ओणयोऽ रसं मदाय घृष्वये । सर्गो न तक्त्येतशः १
 क्रत्वा दक्षस्य रथ्यमुपो वसानमन्धसा । गोषामश्वेषु सश्विम २
 अनप्तमुप्सु दुष्टरं सोमं पवित्र आ सृज । पुनीहीन्द्राय पातवे ३
 प्र पुनानस्य चेतसा सोमः पवित्रै अर्षति । क्रत्वा सधस्थमासदत् ४
 प्र त्वा नमोभिरिन्दव इन्द्र सोमा असृक्षत । महे भराय कारिणः ५
 पुनानो रूपे अव्यये विश्वा अर्षन्नभि श्रियः । शूरो न गोषु तिष्ठति ६
 दिवो न सानु पिप्युषी धारा सुतस्य वेधसः । वृथा पवित्रै अर्षति ७
 त्वं सोम विपश्चितं तना पुनान आयुषु । अव्यो वारं वि धावसि ८

(१०९) नवोत्तरशततमं सूक्तम्

(१-८) अष्टर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो
देवता । गायत्री छन्दः

प्र निम्नेनैव सिन्धवो घन्तौ वृत्राणि भूर्णयः । सोमा असृग्रमाशवः १
 अभि सुवानास इन्दवो वृष्टयः पृथिवीमिव । इन्द्रं सोमासो अक्षरन् २
 अत्यूर्मिर्मत्सरो मदः सोमः पवित्रै अर्षति । विघ्नन् रक्षांसि देवयुः ३

आ कलशेषु धावति पवित्रे परि पिच्यते । उक्थैर्यज्ञेषु वर्धते ४
 अति त्री सौम रोचना रोहन् न भ्राजसे दिवम् । इष्णन् त्सूर्यं न चौदयः ५
 अभि विप्रा अनूषत मूर्धन् यज्ञस्य कारवः । दधानाश्चक्षसि प्रियम् ६
 तमु त्वा वाजिनं नरो धीभिर्विप्रा अवस्यवः । मृजन्ति देवतातये ७
 मधोर्धारामनु क्षर तीव्रः सधस्थमासदः । चारुर्ऋताय पीतये ८

(११०) दशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो
 देवता । गायत्री छन्दः

परि सुवानो गिरिष्ठाः पवित्रे सोमौ अक्षाः । मदैषु सर्वधा असि १
 त्वं विप्रस्त्वं कविर्मधु प्र जातमन्धसः । मदैषु सर्वधा असि २
 तव विश्वे सजोषसो देवासः पीतिमाशत । मदैषु सर्वधा असि ३
 आ यो विश्वानि वार्या वसूनि हस्तयोर्दधे । मदैषु सर्वधा असि ४
 य इमे रोदसी मही सं मातरैव दोहते । मदैषु सर्वधा असि ५
 परि यो रोदसी उभे सद्यो वाजैभिरर्षति । मदैषु सर्वधा असि ६
 स शुष्मी कलशेष्वा पुनानो अचिक्रदत् । मदैषु सर्वधा असि ७

(१११) एकादशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो
 देवता । गायत्री छन्दः

यत् सौम चित्रमुक्थ्यं दिव्यं पार्थिवं वसु । तन्नः पुनान आ भर १
 युवं हि स्थः स्वर्पती इन्द्रश्च सोम गोपती । ईशाना पिप्यतुं धियः २
 वृषा पुनान आयुषु स्तनयन्नधि बर्हिषि । हरिः सन् योनिमासदत् ३
 अवावशन्त धीतयौ वृषभस्याधि रेतसि । सूनोर्वत्सस्य मातरः ४
 कुविद्वृषयन्तीभ्यः पुनानो गर्भमादधत् । याः शक्रं दुहते पयः ५
 उप शिन्नापतस्थुषौ भियसमा धैहि शत्रुषु । पवमान विदा रयिम् ६
 नि शत्रौः सोम वृषयं नि शुष्मं नि वयस्तिर । दूरे वा सतो अन्ति वा ७

(११२) द्वादशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो

देवता । गायत्री छन्दः

प्र कविर्देववीतये ऽव्यो वारैभिरर्षति । साहान् विश्वा अभि स्पृधः १
 स हि ष्मा जरितृभ्य आ वाजं गोमन्तमिन्वति । पवमानः सहस्रिणम् २
 परि विश्वानि चेतसा मृशसे पवसे मृती । स नः सोम श्रवो विदः ३
 अभ्यर्ष बृहद्यशौ मघवद्भ्यो ध्रुवं रयिम् । इषं स्तोतृभ्य आ भर ४
 त्वं राजैव सुव्रतो गिरः सोमा विवेशिथ । पुनानो वहे अद्भुत ५
 स वह्निरप्सु दुष्टरौ मृज्यमानो गर्भस्त्योः । सोमश्चमूषु सीदति ६
 क्रीळुर्मुखो न मह्युः पवित्रं सोम गच्छसि । दधत् स्तोत्रे सुवीर्यम् ७

(११३) त्रयोदशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो
 देवता । गायत्री छन्दः

एते धावन्तीन्दवः सोमा इन्द्राय घृष्वयः । मत्सरासः स्वर्विदः १
 प्रवृणवन्तो अभियुजः सुष्वये वरिवोविदः । स्वयं स्तोत्रे वयस्कृतः २
 वृथा क्रीळन्त इन्दवः सधस्थमभ्येकमिह । सिन्धौरूमा व्यक्षरन् ३
 एते विश्वानि वार्या पवमानास आशत । हिता न सप्तयो रथे ४
 आस्मिन् पिशङ्गमिन्दवो दधाता वेनमादिशे । यो अस्मभ्यमरावा ५
 ऋभुर्न रथ्यं नवं दधाता केतमादिशे । शक्राः पवध्वमर्णसा ६
 एत उ त्वे अवीवशन् काष्ठा वाजिनो अक्रत । सतः प्रासाविषुर्मतिम् ७

(११४) चतुर्दशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो
 देवता । गायत्री छन्दः

एते सोमास आशवो रथा इव प्र वाजिनः । सर्गाः सृष्टा अहेषत १
 एते वाता इवोरवः पर्जन्यस्येव वृष्टयः । अग्नेरिव भ्रमा वृथा २
 एते पूता विपश्चितः सोमासो दध्याशिरः । विपा व्यानशुर्धियः ३
 एते मृष्टा अमर्त्याः ससृवांसो न शश्रमुः । इर्यक्षन्तः पृथो रजः ४
 एते पृष्ठानि रोदसो विप्रयन्तो व्यानशुः । उतेदमुत्तमं रजः ५
 तन्तुं तन्वानमुत्तमं मनु प्रवत आशत । उतेदमुत्तमाय्यम् ६
 त्वं सोम पणिभ्य आ वसु गव्यानि धारयः । ततं तन्तुमचिक्रदः ७

(११५) पञ्चदशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो देवता । गायत्री छन्दः

सोमा असृग्रमाशवो मधोर्मदस्य धारया । अभि विश्वानि काव्या १
अनु प्रत्तास आयवः पदं नवीयो अक्रमुः । रुचे जनन्त सूर्यम् २
आ पवमान नो भराऽर्यो अदाशुषो गर्यम् । कृधि प्रजावतीरिषः ३
अभि सोमास आयवः पवन्ते मद्यं मदम् । अभि कोशं मधुश्चुतम् ४
सोमो अर्षति धर्णसि र्दधान इन्द्रियं रसम् । सुवीरौ अभिशस्तिपाः ५
इन्द्राय सोम पवसे देवेभ्यः सधमाद्यः । इन्द्रो वाजं सिषाससि ६
अस्य पीत्वा मदाना मिन्द्रौ वृत्रारयप्रति । जघान जघनच्च नु ७

(११६) षोडशोत्तरशततमं सूक्तम्

(१-७) सप्तर्चस्यास्य सूक्तस्य काश्यपोऽसितो देवलो वा ऋषिः । पवमानः सोमो देवता । गायत्री छन्दः

प्र सोमासो अधन्विषुः पवमानास इन्दवः । श्रीणाना अप्सु मृञ्जत १
अभि गावो अधन्विषु रापो न प्रवता यतीः । पुनाना इन्द्रमाशत २
प्र पवमान धन्वसि सोमेन्द्राय पातवे । नृभिर्यतो वि नीयसे ३
त्वं सोम नृमार्दनः पवस्व चर्षणीसहे । सस्त्रियो अनुमाद्यः ४
इन्द्रो यदद्रिभिः सुतः पवित्रं परिधार्वसि । अरमिन्द्रस्य धाम्ने ५
पवस्व वृत्रहन्तमो कथेभिरनुमाद्यः । शुचिः पावको अद्भुतः ६
शुचिः पावक उच्यते सोमः सुतस्य मध्वः । देवावीरघशंसहा ७

(११७) सप्तदशोत्तरशततमं सूक्तम्

(१-६) षडृचस्यास्य सूक्तस्यागस्त्यो दृव्हहच्युत ऋषिः । पवमानः सोमो देवता । गायत्री छन्दः

पवस्व दक्षसार्धनो देवेभ्यः पीतये हरे । मरुद्भ्यो वायवे मदः १
पवमान धिया हितोऽभि योनिं कनिक्रदत् । धर्मणा वायुमा विश २
सं देवैः शौभते वृषा कविर्योनावधि प्रियः । वृत्रहा देववीतमः ३
विश्वा रूपाण्याविशन् पुनानो याति हर्यतः । यत्रामृतास आसते ४

अरुषो जनयन् गिरः सोमः पवत आयुषक् । इन्द्रं गच्छन् कविक्रतुः ५
आ पवस्व मदिन्तम पवित्रं धारया कवे । अर्कस्य योनिमासदम् ६

(११८) अष्टादशोत्तरशततमं सूक्तम्

(१-६) षडृचस्यास्य सूक्तस्य दाव्हर्च्युत इध्मवाह ऋषिः । पवमानः सोमो देवता
। गायत्री छन्दः

तममृक्षन्त वाजिन मुपस्थे अदितेरधि । विप्रासो अश्व्या धिया १
तं गावो अभ्यनूषत सहस्रधारमक्षितम् । इन्दुं धर्तारमा दिवः २
तं वेधां मेधयाह्यन् पवमानमधि द्यवि । धर्णसिं भूरिधायसम् ३
तमह्यन् भुरिजौर्धिया संवसानं विवस्वतः । पतिं वाचो अदाभ्यम् ४
तं सानावधि जामयो हरिं हिन्वन्त्यद्रिभिः । हर्यतं भूरिचक्षसम् ५
तं त्वां हिन्वन्ति वेधसः पवमान गिरावृधम् । इन्द्रविन्द्राय मत्सरम् ६

(११९) एकोनविंशत्युत्तरशततमं सूक्तम्

(१-६) षडृचस्यास्य सूक्तस्याङ्गिरसो नृमेध ऋषिः । पवमानः सोमो देवता ।
गायत्री छन्दः

एष कविरभिष्टुतः पवित्रे अधि तोशते । पुनानो घ्नन्नपु स्त्रिधः १
एष इन्द्राय वायवे स्वर्जित् परि षिच्यते । पवित्रे दक्षसाधनः २
एष नृभिर्वि नीयते दिवो मूर्धा वृषा सुतः । सोमो वनेषु विश्ववित् ३
एष गव्युरचिक्रदत् पवमानो हिरण्ययुः । इन्दुः सत्राजिदस्तृतः ४
एष सूर्येण हासते पवमानो अधि द्यवि । पवित्रे मत्सरो मदः ५
एष शुष्यसिष्यद दन्तरिक्षे वृषा हरिः । पुनान इन्दुरिन्द्रमा ६

(१२०) विंशत्युत्तरशततमं सूक्तम्

(१-६) षडृचस्यास्य सूक्तस्याङ्गिरसः प्रियमेध ऋषिः । पवमानः सोमो देवता ।
गायत्री छन्दः

एष वाजी हितो नृभिर्विश्वविन्मनसस्पतिः । अव्यो वारं वि धावति १
एष पवित्रे अक्षरत् सोमो देवेभ्यः सुतः । विश्वा धामान्याविशन् २
एष देवः शुभायुते ऽधि योनावमर्त्यः । वृत्रहा दैववीतमः ३

एष वृषा कर्निक्रद दशभिर्जामिभिर्यतः । अभि द्रोणानि धावति ४
 एष सूर्यमरोचयत् पवमानो विचर्षणिः । विश्वा धामानि विश्ववित् ५
 एष शुष्यदाभ्यः सोमः पुनानो अर्षति । देवावीरघशंसहा ६

(१२१) एकविंशत्युत्तरशततमं सूक्तम्

(१-६) षडृचस्यास्य सूक्तस्याङ्गिरसो नृमेध ऋषिः । पवमानः सोमो देवता ।

गायत्री छन्दः

प्रास्य धारा अक्षरन् वृष्णः सुतस्यौजसा । देवाँ अनु प्रभूषतः १
 सप्ति मृजन्ति वेधसौ गृणन्तः कारवो गिरा । ज्योतिर्जज्ञानमुक्थ्यम् २
 सुषहा सोम तानि ते पुनानाय प्रभूवसो । वर्धा समुद्रमुक्थ्यम् ३
 विश्वा वसूनि संजयन् पवस्व सोम धारया । इनु द्वेषासि सध्र्यक् ४
 रक्षा सु नो अररुषः स्वनात् समस्य कस्य चित् । निदो यत्र मुमुच्यहे ५
 एन्दो पार्थिवं रयिं दिव्यं पवस्व धारया । द्युमन्तं शुष्ममा भर ६

(१२२) द्वाविंशत्युत्तरशततमं सूक्तम्

(१-६) षडृचस्यास्य सूक्तस्याङ्गिरसो बिन्दुर्ऋषिः । पवमानः सोमो देवता ।

गायत्री छन्दः

प्र धारा अस्य शष्मिणो वृथा पवित्रे अक्षरन् । पुनानो वाचमिष्यति १
 इन्दुर्हियानः सोतृभिर्मृज्यमानः कर्निक्रदत् । इयति वृष्टुमिन्द्रियम् २
 आ नः शुष्म नृषाह्य वीरवन्तं पुरुस्पृहम् । पवस्व सोम धारया ३
 प्र सोमो अति धारया पवमानो असिष्यदत् । अभि द्रोणान्यासदम् ४
 अप्सु त्वा मधुमत्तमं हरिं हिन्वन्त्यद्रिभिः । इन्दुविन्द्राय पीतये ५
 सुनोता मधुमत्तमं सोममिन्द्राय वज्रिणै । चारुं शर्धाय मत्सरम् ६

(१२३) त्रयोविंशत्युत्तरशततमं सूक्तम्

(१-६) षडृचस्यास्य सूक्तस्य राहूगणो गोतम ऋषिः । पवमानः सोमो देवता ।

गायत्री छन्दः

प्र सोमासः स्वाध्यः पवमानासो अक्रमुः । रयिं कृणवन्ति चेतनम् १
 दिवस्पृथिव्या अधि भवेन्दो द्युमवर्धनः । भवा वाजानां पतिः २

तुभ्यं वाता अभिप्रियं स्तुभ्यमर्षन्ति सिन्धवः । सोमं वर्धन्ति ते महः ३
 आ प्यायस्व समेतु ते विश्वतः सोमं वृष्यम् । भवा वाजस्य संगृथे ४
 तुभ्यं गावो घृतं पयो बभ्रौ दुदुहे अक्षितम् । वर्षिष्ठे अधि सानवि ५
 स्वायुधस्य ते सतो भुवनस्य पते वयम् । इन्दो सखित्वमुश्मसि ६

(१२४) चतुर्विंशत्युत्तरशततमं सूक्तम्

(१-६) षडृचस्यास्य सूक्तस्यात्रेयः श्यावाश्व ऋषिः । पवमानः सोमो देवता ।

गायत्री छन्दः

प्र सोमांसो मदच्युतः श्रवसे नो मघोनः । सुता विदथे अक्रमुः १
 आदीं त्रितस्य योषणो हरिं हिन्वन्त्यद्रिभिः । इन्दुमिन्द्राय पीतयै २
 आदीं हंसो यथा गृणं विश्वस्यावीवशन्मतिम् । अत्यो न गोभिरज्यते ३
 उभे सौमावचाकशन् मृगो न तक्तो अर्षसि । सीदन्नृतस्य योनिमा ४
 अभि गावो अनूषत योषा जारमिव प्रियम् । अगन्नाजिं यथा हितम् ५
 अस्मे धैहि द्युमद्यशौ मघवद्भ्यश्च मह्यं च । सनिं मेधामुत श्रवः ६

(१२५) पञ्चविंशत्युत्तरशततमं सूक्तम्

(१-६) षडृचस्यास्य सूक्तस्याप्तयस्त्रित ऋषिः । पवमानः सोमो देवता । गायत्री

छन्दः

प्र सोमांसो विपश्चितो ऽपां न यन्त्यूर्मयः । वनानि महिषा इव १
 अभि द्रोणानि बभ्रवः शक्रा ऋतस्य धारया । वाजं गोमन्तमक्षरन् २
 सुता इन्द्राय वायवे वरुणाय मरुद्भ्यः । सोमा अर्षन्ति विष्णवे ३
 तिस्रो वाच उदीरते गावो मिमन्ति धेनवः । हरिरिति कनिक्रदत् ४
 अभि ब्रह्मीरनूषत युहीर्ऋतस्य मातरः । मर्मृज्यन्ते दिवः शिशुम् ५
 रायः समुद्रांश्चतुरो ऽस्मभ्यं सोम विश्वतः । आ पवस्व सहस्त्रिणः ६

(१२६) षड्विंशत्युत्तरशततमं सूक्तम्

(१-६) षडृचस्यास्य सूक्तस्याप्तयस्त्रित ऋषिः । पवमानः सोमो देवता । गायत्री

छन्दः

प्र सुवानो धारया तनेन्दुर्हिन्वानो अर्षति । रुजद्वृळहा व्योजसा १

सुत इन्द्राय वायवे वरुणाय मरुद्भ्यः । सोमो अर्षति विष्णवे २
 वृषाणं वृषभिर्यतं सुन्वन्ति सोममद्रिभिः । दुहन्ति शक्मना पयः ३
 भुवत् त्रितस्य मज्यो भुवदिन्द्राय मत्सरः । संप्रैरज्यते हरिः ४
 अभीमृतस्य विष्टपं दुहते पृश्निमातरः । चारु प्रियतमं हविः ५
 समेनमहुता इमा गिरौ अर्षन्ति सस्रुतः । धेनूर्वाश्रो अवीवशत् ६

(१२७) सप्तविंशत्युत्तरशततमं सूक्तम्

(१-६) षडृचस्यास्य सूक्तस्याङ्गिरसः प्रभूवसुऋषिः । पवमानः सोमो देवता ।
 गायत्री छन्दः

आ नः पवस्व धारया पवमान रयिं पृथुम् । यया ज्योतिर्विदासि नः १
 इन्दो समुद्रमीङ्क्ष्वय पवस्व विश्वमेजय । रायो धर्ता न ओजसा २
 त्वया वीरेण वीरवो ऽभि ध्याम पृतन्यतः । क्षरा णो अभि वार्यम् ३
 प्र वाजमिन्दुरिष्यति सिषासन् वाजसा ऋषिः । वृता विदान आयुधा ४
 तं गीर्भिर्वाचमीङ्क्ष्वय पुनानं वासयामसि । सोमं जनस्य गोपतिम् ५
 विश्वो यस्य वृते जनो दाधार धर्मणस्पतैः । पुनानस्य प्रभूवसोः ६

(१२८) अष्टाविंशत्युत्तरशततमं सूक्तम्

(१-६) षडृचस्यास्य सूक्तस्याङ्गिरसः प्रभूवसुऋषिः । पवमानः सोमो देवता ।
 गायत्री छन्दः

असर्जि रथ्यो यथा पवित्रे चम्बोः सुतः । कार्ष्मन् वाजी न्यक्रमीत् १
 स वह्निः सोम जागृविः पवस्व देववीरति । अभि कोशं मधुश्रुतम् २
 स नो ज्योतीषि पूर्य पवमान वि रौचय । क्रत्वे दक्षाय नो हिनु ३
 शुम्भमान ऋतायुभिर्मृज्यमानो गर्भस्त्योः । पवते वारं अव्ययै ४
 स विश्वा दाशुषे वसु सोमो दिव्यानि पार्थिवा । पवतामान्तरिद्वया ५
 आ दिवस्पृष्टमश्वयुर्गव्ययुः सोम रोहसि । वीरयुः शवसस्पते ६

(१२९) एकोनत्रिंशदुत्तरशततमं सूक्तम्

(१-६) षडृचस्यास्य सूक्तस्याङ्गिरसो रहूगण ऋषिः । पवमानः सोमो देवता ।
 गायत्री छन्दः

स सुतः पीतये वृषा सोमः पवित्रैर् अर्षति । विघ्नन् रक्षांसि देवयुः १
 स पवित्रैर्विचक्ष्णो हरिरर्षति धर्णसिः । अभि योनिं कर्निक्रदत् २
 स वाजी रौचना दिवः पवमानो वि धावति । रक्षोहा वारमव्ययम् ३
 स त्रितस्याधि सानवि पवमानो अरोचयत् । जामिभिः सूर्यं सह ४
 स वृत्रहा वृषा सुतो वरिवोविददाभ्यः । सोमो वाजमिवासरत् ५
 स देवः कविनैषितोऽभि द्रोणानि धावति । इन्दुरिन्द्राय मुहना ६

(१३०) त्रिंशदुत्तरशततमं सूक्तम्

(१-६) षड्वचस्यास्य सूक्तस्याङ्गिरसो रहूगण ऋषिः । पवमानः सोमो देवता ।

गायत्री छन्दः

एष उ स्य वृषा रथो ऽव्यो वारैर्भिरर्षति । गच्छन् वाजं सहस्रिणम् १
 एतं त्रितस्य योषणो हरिं हिन्वन्त्यद्रिभिः । इन्दुमिन्द्राय पीतये २
 एतं त्यं हरितो दशं मर्मज्यन्तैर् अपस्युर्वः । याभिर्मदाय शुम्भते ३
 एष स्य मानुषीष्वा श्येनो न विक्षु सीदति । गच्छञ्जारो न योषितम् ४
 एष स्य मद्यो रसो ऽव चष्टे दिवः शिशुः । य इन्दुर्वारमाविशत् ५
 एष स्य पीतये सुतो हरिरर्षति धर्णसिः । क्रन्दन् योनिमभि प्रियम् ६

(१३१) एकत्रिंशदुत्तरशततमं सूक्तम्

(१-६) षड्वचस्यास्य सूक्तस्याङ्गिरसो बृहन्मतिर्ऋषिः । पवमानः सोमो देवता ।

गायत्री छन्दः

आशुरर्ष बृहन्मते परि प्रियेण धाम्ना । यत्र देवा इति ब्रवन् १
 परिष्कृण्वन्ननिष्कृतं जनाय यातयन्निषः । वृष्टिं दिवः परि स्रव २
 सुत एति पवित्र आ त्विषिं दधान् ओजसा । विचक्ष्णो विरोचयन् ३
 अयं स यो दिवस्परि रघुयामा पवित्र आ । सिन्धौरूर्मा व्यक्षरत् ४
 आविवासन् परावतो अथौ अर्वावतः सुतः । इन्द्राय सिच्यते मधु ५
 समीचीना अनूषत हरिं हिन्वन्त्यद्रिभिः । योनावृतस्य सीदत ६

(१३२) द्वात्रिंशदुत्तरशततमं सूक्तम्

(१-६) षड्वचस्यास्य सूक्तस्याङ्गिरसो बृहन्मतिर्ऋषिः । पवमानः सोमो देवता ।

गायत्री छन्दः

पुनानो अक्रमीदभि विश्वा मृधो विचर्षणिः । शम्भन्ति विप्रं धीतिभिः १
 आ योनिमरुणो रुह द्रुमदिन्द्रं वृषा सुतः । ध्रुवे सदसि सीदति २
 नू नो रयिं महामिन्दो ऽस्मभ्यं सोम विश्वतः । आ पवस्व सहस्रिणाम् ३
 विश्वा सोम पवमान द्युम्नानीन्दवा भर । विदाः सहस्रिणीरिषः ४
 स नः पुनान आ भर रयिं स्तोत्रे सुवीर्यम् । जरितुर्वर्धया गिरः ५
 पुनान इन्दवा भर सोम द्विबर्हसं रयिम् । वृषन्निन्दो न उक्थ्यम् ६

(१३३) त्रयस्त्रिंशदुत्तरशततमं सूक्तम्

(१-६) षडृचस्यास्य सूक्तस्य कारवो मेध्यातिथिर्ऋषिः । पवमानः सोमो देवता ।

गायत्री छन्दः

प्र ये गावो न भूरय स्त्वेषा अयासो अक्रमुः । घ्नन्तः कृष्णामपु त्वचम् १
 सुवितस्य मनामहे ऽति सेतुं दुराव्यम् । साहांसो दस्युमवृतम् २
 शृणवे वृष्टेरिव स्वनः पवमानस्य शष्मिणः । चरन्ति विद्युतौ दिवि ३
 आ पवस्व महीमिषं गोमदिन्दो हिरण्यवत् । अश्वावद्वार्जवत् सुतः ४
 स पवस्व विचर्षण आ मही रोदसी पृण । उषाः सूर्यो न रश्मिभिः ५
 परि णः शर्मयन्त्या धारया सोम विश्वतः । सरा रसेव विष्टपम् ६

(१३४) चतुस्त्रिंशदुत्तरशततमं सूक्तम्

(१-६) षडृचस्यास्य सूक्तस्य कारवो मेध्यातिथिर्ऋषिः । पवमानः सोमो देवता ।

गायत्री छन्दः

जनयन् रोचना दिवो जनयन्नप्सु सूर्यम् । वसानो गा अपो हरिः १
 एष प्रत्नेन मन्मना देवो देवेभ्यस्परि । धारया पवते सुतः २
 वावृधानाय तूर्वये पवन्ते वार्जसातये । सोमाः सहस्रपाजसः ३
 दुहानः प्रत्नित् पर्यः पुवित्रे परि षिच्यते । क्रन्दन् देवाँ अजीजनत् ४
 अभि विश्वानि वार्या ऽभि देवाँ ऋतावृधः । सोमः पुनानो अर्षति ५
 गोमन्नः सोम वीरव दश्वावद्वार्जवत् सुतः । पवस्व बृहतीरिषः ६

(१३५) पञ्चत्रिंशदुत्तरशततमं सूक्तम्

(१-६) षडृचस्यास्य सूक्तस्य कारवो मेध्यातिथिर्ऋषिः । पवमानः सोमो देवता ।

गायत्री छन्दः

यो अत्यं इव मृज्यते गोभिर्मदाय हर्यतः । तं गीर्भिर्वासयामसि १
 तं नो विश्वा अवस्युवो गिरः शुम्भन्ति पूर्वथा । इन्दुमिन्द्राय पीतये २
 पुनानो याति हर्यतः सोमो गीर्भिः परिष्कृतः । विप्रस्य मेध्यातिथेः ३
 पर्वमान विदा रयि मस्मभ्य सोम सुश्रियम् । इन्दो सहस्रवर्चसम् ४
 इन्दुरत्यो न वाजसृत् कनिक्रन्ति पवित्र आ । यदक्षारति देवयुः ५
 पर्वस्व वाजसातये विप्रस्य गृणतो वृधे । सोम रास्व सुवीर्यम् ६

इति षष्ठोऽष्टकः

अथ सप्तमोऽष्टकः

प्रथमोऽध्यायः

। व० १-४१ ।

(१) प्रथमं सूक्तम्

(१-६) षडृचस्यास्य सूक्तस्याङ्गिरस अयास्य ऋषिः । पवमानः सोमो देवता ।

गायत्री छन्दः

प्र णं इन्दो म॒हे तन॑ ऊ॒र्मि न बिभ्र॑दर्षसि । अ॒भि दे॒वाँ अ॒यास्यः॑ १
म॒ती जुष्टो धि॒या हि॒तः सोमो॑ हिन्वे प॒राव॑ति । विप्र॑स्य धार॑या क॒विः २
अ॒यं दे॒वेषु॑ जागृ॒विः सु॒त ए॒ति प॒वित्र॑ आ । सोमो॑ याति विच॑र्षणिः ३
स नः॑ पवस्व वा॒ज्युश्च॑क्रा॒णश्चा॒रुम॑ध्व॒रम् । ब॒र्हिष्माँ॑ आ वि॒वास॑ति ४
स नो॑ भगा॒य वा॒यवे॑ विप्र॑वीरः स॒दावृ॑धः । सोमो॑ दे॒वेष्व॑ यमत् ५
स नो॑ अ॒द्य वसु॑त्तये क्र॒तुवि॒द्वातु॑वि॒त्तमः॑ । वा॒जं जे॒षि श्रवो॑ बृ॒हत् ६

(२) द्वितीयं सूक्तम्

(१-६) षडृचस्यास्य सूक्तस्याङ्गिरस अयास्य ऋषिः । पवमानः सोमो देवता ।

गायत्री छन्दः

स प॑वस्व मदा॒य कं नृ॒चक्षा॑ दे॒ववी॑तये । इ॒न्दुवि॒न्द्राय॑ पी॒तये॑ १
स नो॑ अ॒र्षाभि॑ दू॒त्यं त्व॑मिन्द्राय तोश॑से । दे॒वान् त्स॑खि॒भ्य आ व॑रम् २
उ॒त त्व॑म॒रुणं॑ व॒यं गो॑भि॒रञ्ज॑मो मदा॒य क॑म् । वि नो॑ रा॒ये दुरो॑ वृ॒धि ३
अ॒त्यू प॒वित्र॑म॒क्रमी॑द् वा॒जी धु॑रं न या॒मनि॑ । इ॒न्दुर्दे॒वेषु॑ प॒त्यते॑ ४
समी॑ सखा॒यो अ॒स्वर॑न् वने॒ क्रीळ॑न्त॒मत्य॑विम् । इ॒न्दुर्ना॒वा अ॒नूष॑त ५
तया॑ पवस्व धार॑या यया॑ पी॒तो वि॒चक्ष॑से । इ॒न्दो स्तो॒त्रे सु॒वीर्य॑म् ६

(३) तृतीयं सूक्तम्

(१-६) षडृचस्यास्य सूक्तस्याङ्गिरस अयास्य ऋषिः । पवमानः सोमो देवता ।

गायत्री छन्दः

असृ॑ग्रन् दे॒ववी॑तये ऽत्या॒सः कृ॒त्या इ॒व । क्षर॑न्तः पर्व॒तावृ॑धः १
परि॑ष्कृ॒तास॑ इ॒न्दवो॑ योषे॒व पि॒त्र्या॑वती । वा॒युं सोमा॑ असृ॒क्षत॑ २
ए॒ते सोमा॑स॒ इन्द॑वः प्र॒यस्व॑न्तश्च॒मू सु॒ताः । इ॒न्द्रं वर्ध॑न्ति क॒र्मभिः॑ ३

आ धावता सुहस्त्यः शुक्रा गृभ्णीत मन्थिना । गोभिः श्रीणीत मत्सरम् ४
 स पवस्व धनंजय प्रयन्ता राधसो महः । अस्मभ्यं सोम गातुवित् ५
 एतं मृजन्ति मर्ज्यं पवमानं दश क्षिपः । इन्द्राय मत्सरं मदम् ६

(४) चतुर्थं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

गायत्री छन्दः

अया सोमः सुकृत्यया महश्चिदभ्यवर्धत । मन्दान उद्वषायते १
 कृतानीदस्य कर्त्वा चेतन्ते दस्युतर्हणा । ऋणा च धृष्णुश्चयते २
 आत् सोम इन्द्रियो रसो वज्रः सहस्रसा भुवत् । उक्थं यदस्य जायते ३
 स्वयं कविर्विधर्तरि विप्राय रत्नमिच्छति । यदी मर्मज्यते धियः ४
 सिषासतू रयीणां वाजेष्वर्वतामिव । भरेषु जिग्युषामसि ५

(५) पञ्चमं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

गायत्री छन्दः

तं त्वा नृम्णानि बिभ्रतं सधस्थेषु महो दिवः । चारुं सुकृत्ययैमहे १
 संवृक्तधृष्णमुक्थ्यं महामहिव्रतं मदम् । शतं पुरो रुरुक्षणिम् २
 अतस्त्वा रयिमभि राजानं सुक्रतो दिवः । सुपर्णो अव्यथिर्भरत् ३
 विश्वस्मा इत् स्पर्द्धशे साधारणं रजस्तुरम् । गोपामृतस्य विभरत् ४
 अधा हिन्वान इन्द्रियं ज्यायो महित्वमानशे । अभिष्टिकृद्विचर्षणिः ५

(६) षष्ठं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

गायत्री छन्दः

पवस्व वृष्टिमा सु नो ऽपामूर्मि दिवस्परि । अयक्ष्मा बृहतीरिषः १
 तया पवस्व धारया यया गाव इहागमन् । जन्यास उप नो गृहम् २
 घृतं पवस्व धारया यज्ञेषु देववीतमः । अस्मभ्यं वृष्टिमा पव ३
 स न ऊर्जे व्यश्व्ययं पवित्रं धाव धारया । देवार्सः शृणवन् हि कम् ४
 पवमानो असिष्यद् दक्षास्यपजङ्घनत् । प्रववद्रोचयन् रुचः ५

(७) सप्तमं सूक्तम्

(१-५) पञ्चर्चस्यास्य सूक्तस्याङ्गिरस उचथ्य ऋषिः । पवमानः सोमो देवता ।

गायत्री छन्दः

उत् ते शुष्मास ईरते सिन्धौरूर्मेरिव स्वनः । वाणस्य चोदया पविम् १
प्रसवे त उदीरते तिस्रो वाचो मखस्युर्वः । यदव्य एषि सानवि २
अव्यो वारे परि प्रियं हरिं हिन्वन्त्यद्रिभिः । पवमानं मधुश्चुतम् ३
आ पवस्व मदिन्तम् पवित्रं धारया कवे । अर्कस्य योर्निमासदम् ४
स पवस्व मदिन्तम् गोभिरञ्जानो अक्तुभिः । इन्द्रविन्द्राय पीतये ५

(८) अष्टमं सूक्तम्

(१-५) पञ्चर्चस्यास्य सूक्तस्याङ्गिरस उचथ्य ऋषिः । पवमानः सोमो देवता ।

गायत्री छन्दः

अध्वर्यो अद्रिभिः सुतं सोमं पवित्र आ सृज । पुनीहीन्द्राय पातवे १
दिवः पीयूषमुत्तमं सोममिन्द्राय वज्रिणे । सुनोता मधुमत्तमम् २
तव त्य इन्द्रो अन्धसो देवा मधोर्व्यश्नते । पवमानस्य मरुतः ३
त्वं हि सोम वर्धयन् त्सुतो मदाय भूणये । वृषन् त्सुतोतारमूतये ४
अभ्यर्ष विचक्षण पवित्रं धारया सुतः । अभि वाजमुत श्रवः ५

(९) नवमं सूक्तम्

(१-५) पञ्चर्चस्यास्य सूक्तस्याङ्गिरस उचथ्य ऋषिः । पवमानः सोमो देवता ।

गायत्री छन्दः

परि द्युक्षः सनद्रयिर्भरद्वाजं नो अन्धसा । सुवानो अर्ष पवित्र आ १
तव प्रवेभिरध्वभि रव्यो वारे परि प्रियः । सहस्रधारो यात् तना २
चरुर्न यस्तमीङ्क्षयेन्द्रो न दानमीङ्क्षय । वधैर्वधस्त्रवीङ्क्षय ३
नि शुष्ममिन्दवेषां पुरुहूत जनानाम् । यो अस्माँ आदिदैशति ४
शतं न इन्द्र ऊतिभिः सहस्रं वा शुचीनाम् । पवस्व मंहयद्रयिः ५

(१०) दशमं सूक्तम्

(१-४) चतुर्चस्यास्य सूक्तस्य काश्यपोऽवत्सार ऋषिः । पवमानः सोमो देवता

। गायत्री छन्दः

उत् ते शुष्मासो अस्थू रक्षो भिन्दन्तौ अद्रिवः । नुदस्व याः परिस्पृधः १

अ॒या नि॒ज॒घ्नि॒रोज॑सा रथ॒स॒ङ्गे ध॑ने॒ हि॒ते । स्त॒वा अ॒बि॒भ्युषा॑ ह॒दा २
 अ॒स्य॑ व॒तानि॒ नाधृ॑षे प॒र्वमा॑नस्य दू॒ढ्या । रु॒ज य॑स्त्वा पृ॒तन्ये॑ति ३
 तं हि॒न्वन्ति॑ म॒द॒च्युतं॑ ह॒रिं न॒दीषु॑ वा॒जिन॑म् । इ॒न्दुमि॒न्द्राय॑ मत्स॒रम् ४

(११) एकादशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
 । गायत्री छन्दः

अ॒स्य प्र॒ताम॑नु द्यु॒तं श॒क्रं दु॑दु॒हे अ॒ह॒यः । प॒र्यः स॒हस्र॑सामृषि॑म् १
 अ॒यं सूर्य॑ इ॒वोप॑दृ॒ग्यं सरा॑सि धाव॒ति । स॒प्त प्र॑व॒त आ दि॒वम् २
 अ॒यं वि॒श्वानि॑ तिष्ठ॒ति पु॒नानो॑ भु॒व॒नोपरि॑ । सोमो॑ दे॒वो न सूर्यः॑ ३
 परि॑ णो दे॒ववी॑तये वा॒जाँ अ॒र्षसि॑ गोम॑तः । पु॒नान॑ इ॒न्दवि॒न्द्रयुः॑ ४

(१२) द्वादशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
 । गायत्री छन्दः

य॒व॒य॒वं नो॒ अ॒न्ध॒सा पु॒ष्टं पु॒ष्टं परि॑ स्रव । सोम॑ वि॒श्वानि॑ च॒ सौभ॑गा १
 इ॒न्दो य॒था त॒व स्त॒वो य॒था ते जा॑तम॒न्ध॒सः । नि ब॒र्हिषि॑ प्रि॒ये स॑दः २
 उ॒त नो॑ गो॒विदे॑श्च॒वित् प॑र्वस्व सो॒मा॒न्ध॒सा । म॒क्षू॒तमे॒भिर॑ह॒भिः ३
 यो जि॒नाति॑ न जी॒र्यते॑ ह॒न्ति श॒त्रुम॑भी॒त्य । स प॑र्वस्व स॒हस्र॑जित् ४

(१३) त्रयोदशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
 । गायत्री छन्दः

परि॑ सोमं ऋ॒तं बृ॒ह॒दा॒शुः प॒वित्रे॑ अ॒र्षति॑ । वि॒घ्नन् र॒क्षांसि॑ दे॒वयुः॑ १
 यत् सोमो॑ वा॒जम॑र्षति श॒तं धा॒रा अप॑स्यु॒र्वः । इ॒न्द्रस्य॑ स॒ख्यमा॑वि॒शन् २
 अ॒भि त्वा॑ योष॑णो द॒श जा॒रं न क॒न्या॑नूष॒त । मृ॒ज्यसे॑ सोम सा॒तये॑ ३
 त्वमि॒न्द्राय॑ वि॒ष्णावे॑ स्वा॒दुरि॑न्दो परि॑ स्रव । नृ॒चफ॑ढृन् स्तो॒तृन् पा॒ह्यं ह॑सः ४

(१४) चतुर्दशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
 । गायत्री छन्दः

प्र ते धारा असश्चतौ दिवो न यन्ति वृष्टयः । अच्छा वाजं सहस्त्रिणम् १
अभि प्रियाणि काव्या विश्वा चक्षारो अर्षति । हरिस्तुञ्जान आयुधा २
स मर्मजान आयुभि रिभो राजैव सुव्रतः । श्येनो न वंसु षीदति ३
स नो विश्वा दिवो वसू तो पृथिव्या अधि । पुनान इन्द्रवा भर ४

(१५) पञ्चदशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
। गायत्री छन्दः

त॒र॒त् स म॒न्दी धा॑वति धारा सु॒तस्यान्ध॑सः । त॒र॒त् स म॒न्दी धा॑वति १
उ॒स्त्रा वै॒द व॑सूनां म॒र्तस्य॑ दे॒व्यव॑सः । त॒र॒त् स म॒न्दी धा॑वति २
ध्व॒स्त्रयोः पु॑रुष॒न्त्यो रा॑ सह॒स्त्राणि॑ द॒द्यहे॑ । त॒र॒त् स म॒न्दी धा॑वति ३
आ य॒यौस्त्रि॑ंश॒तं तना॑ सह॒स्त्राणि॑ च॒ द॒द्यहे॑ । त॒र॒त् स म॒न्दी धा॑वति ४

(१६) षोडशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
। गायत्री छन्दः

प॒र्वस्व॑ गो॒जिद॑श्च॒जि द्वि॑श्च॒जित् सौ॑म र॒ण्यजि॑त् । प्र॒जाव॑द्र॒त्तमा॑ भर १
प॒र्वस्वा॒द्भ्यो अ॒दाभ्यः॑ प॒र्वस्वौष॑धीभ्यः । प॒र्वस्व॑ धि॒षणा॑भ्यः २
त्वं सौ॑म प॒र्वमा॑नो विश्वा॒नि दुरि॑ता त॒र । क॒विः सी॑द॒ नि ब॒र्हिषि॑ ३
प॒र्वमा॑न॒ स्वर्वि॑दो जा॒र्यमा॑नोऽभवो म॒हान् । इन्द्रो॑ विश्वाँ अ॒भीद॑सि ४

(१७) सप्तदशं सूक्तम्

(१-४) चतुर्ऋचस्यास्य सूक्तस्य काश्यपोऽवत्सार ऋषिः । पवमानः सोमो देवता
। (१-२, ४) प्रथमाद्वितीययोर्ऋचोश्चतुर्थ्याश्च गायत्री, (३) तृतीयायाश्च पुर
उष्णिक् छन्दसी

प्र गा॒य॒त्रेण॑ गा॒यत॑ प॒र्वमा॑नं वि॒चर्ष॑णिम् । इन्द्रु॑ सह॒स्त्रचक्ष॑सम् १
तं त्वा॑ सह॒स्त्रचक्ष॑स॒ मथो॑ सह॒स्त्रभ॑र्णसम् । अ॒ति वा॑र॒मपा॑विषुः २
अ॒ति वा॑रा॒न् प॒र्वमा॑नो अ॒सिष्य॑दत् क॒लशाँ॑ अ॒भि धा॑वति । इन्द्र॑स्य
हा॒द्यावि॑शन् ३
इन्द्र॑स्य सोम॒ राध॑से शं प॒र्वस्व॑ वि॒चर्ष॑णे । प्र॒जाव॑द्रेत् आ भर ४

(१८) अष्टादशं सूक्तम्

(१-३०) त्रिंशदृचस्यास्य सूक्तस्याङ्गिरसोऽमहीयुर्ऋषिः । पवमानः सोमो देवता ।

गायत्री छन्दः

अया वीती परि स्रव यस्त इन्दो मदेष्वा । अवाहन् नवतीर्नव १
 पुरः सद्य इत्थाधिये दिवौदासाय शम्बरम् । अध त्यं तुर्वशं यदुम् २
 परि णो अश्वमश्ववि द्रोमदिन्दो हिरण्यवत् । क्षरा सहस्रिणीरिषः ३
 पवमानस्य ते वयं पवित्रमभ्युन्दतः । सखित्वमा वृणीमहे ४
 ये तै पवित्रमूर्मयो ऽभिक्षरन्ति धारया । तेभिर्नः सोम मृळय ५
 स नः पुनान आ भर रयिं वीरवतीमिषम् । ईशानः सोम विश्वतः ६
 एतमु त्यं दश क्षिपौ मृजन्ति सिन्धुमातरम् । समादित्येभिरख्यत ७
 समिन्द्रेणोत वायुना सुत एति पवित्र आ । सं सूर्यस्य रश्मिभिः ८
 स नो भगाय वायवे पूष्णे पवस्व मधुमान् । चारुमित्रे वरुणे च ९
 उच्चा तै जातमन्धसो दिवि षड्भूम्या ददे । उग्रं शर्म महि श्रवः १०
 एना विश्वान्यय आ द्युम्नानि मानुषाणाम् । सिषासन्तो वनामहे ११
 स न इन्द्राय यज्यवे वरुणाय मरुद्भ्यः । वरिवोवित् परि स्रव १२
 उपो षु जातमसुरं गोभिर्भृङ्गं परिष्कृतम् । इन्दु देवा अयासिषुः १३
 तमिद्वर्धन्तु नो गिरौ वत्सं संशिश्वरीरिव । य इन्द्रस्य हृदंसनिः १४
 अर्षा णः सोम शं गवे धुक्षस्व पिप्युषीमिषम् । वर्धा समुद्रमुक्थ्यम् १५
 पवमानो अजीजनद्विद्विषित्रं न तन्यतुम् । ज्योतिर्वैश्वानरं बृहत् १६
 पवमानस्य ते रसो मदौ राजन्नदुच्छुनः । वि वारमव्यमर्षति १७
 पवमान् रसस्तव दक्षो वि राजति द्युमान् । ज्योतिर्विश्वं स्वर्दृशे १८
 यस्ते मदो वरेण्य स्तेना पवस्वान्धसा । देवावीरघशंसहा १९
 जघ्निर्वृत्रममित्रियं सस्त्रिर्वाजं दिवेदिवे । गोषा उ अश्वसा असि २०
 संमिश्लो अरुषो भव सूपस्थाभिर्न धेनुभिः । सीदञ्छयेनो न योनिमा २१
 स पवस्व य आविथे न्द्रं वृत्राय हन्तवे । वव्रिवांसं महीरपः २२
 सुवीरासो वयं धना जयैम सोम मीद्वः । पुनानो वर्ध नो गिरः २३
 त्वोतासस्तवारवसा स्याम वन्वन्त आमुरः । सोम वृतेषु जागृहि २४
 अपघ्नन् पवते मृधो ऽप सोमो अराव्णः । गच्छन्निन्द्रस्य निष्कृतम् २५
 मुहो नो राय आ भर पवमान जही मृधः । रास्वेन्दो वीरवद्यशः २६
 न त्वा शतं चन हुतो राधो दित्सन्तमा मिनन् । यत् पुनानो मखस्यसै २७
 पवस्वेन्दो वृषा सुतः कृधी नो यशसो जनै । विश्वा अप द्विषौ जहि २८

अस्य ते सख्ये वयं तवेन्दो द्युम्न उत्तमे । सासह्याम पृतन्यतः २६
या ते भीमान्यायुधा तिग्मानि सन्ति धूर्वणे । रक्षा समस्य नो निदः ३०

(१६) एकोनविंशं सूक्तम्

(१-३०) त्रिंशदृचस्यास्य सूक्तस्य भार्गवो जमदग्निर्ऋषिः । पवमानः सोमो देवता
। गायत्री छन्दः

एते असृग्रमिन्दव स्तिरः पवित्रमाश्वः । विश्वान्यभि सौभगा १
विघ्नन्तौ दुरिता पुरु सुगा तोकाय वाजिनः । तना कृणवन्तो अर्वते २
कृणवन्तो वरिवो गवे ऽभ्यर्षन्ति सुष्टुतिम् । इळामस्मभ्य संयतम् ३
असाव्यंशुर्मदाया ऽप्सु दक्षौ गिरिष्ठाः । श्येनो न योनिमासदत् ४
शुभ्रमन्धौ देववात मप्सु धूतो नृभिः सुतः । स्वदन्ति गावः पयोभिः ५
आदीमश्वं न हेतारो ऽशूशुभन्नमृताय । मध्वो रसं सधमादै ६
यास्ते धारा मधुश्चुतो ऽसृग्रमिन्द ऊतयै । ताभिः पवित्रमासदः ७
सो अर्षेन्द्राय पीतयै तिरो रोमाण्यव्यया । सीदन् योना वनेष्वा ८
त्वमिन्दो परि स्रव स्वादिष्ठो अङ्गिरोभ्यः । वरिवोविद्घृतं पयः ९
अयं विचर्षणिर्हितः पवमानः स चैतति । हिन्वान आप्यं बृहत् १०
एष वृषा वृषव्रतः पवमानो अशस्तिहा । करद्वसूनि दाशुर्षे ११
आ पवस्व सहस्त्रिणं रयिं गोमन्तमश्विनम् । पुरुश्चन्द्रं पुरुस्पृहम् १२
एष स्य परि षिच्यते मर्मज्यमान आयुभिः । उरुगायः कविक्रतुः १३
सहस्रौतिः शतामघो विमानो रजसः कविः । इन्द्राय पवते मर्दः १४
गिरा जात इह स्तुत इन्दुरिन्द्राय धीयते । वियोना वसताविव १५
पवमानः सुतो नृभिः सोमो वाजमिवासरत् । चमूषु शक्मनासदम् १६
तं त्रिपृष्ठे त्रिवन्धुरे रथे युञ्जन्ति यातवे । ऋषीणां सप्त धीतिभिः १७
तं सीतारो धनुस्पृत माशुं वाजाय यातवे । हरिं हिनोत वाजिनम् १८
आविशन् कलशं सुतो विश्वा अर्षन्नभि श्रियः । शूरो न गोषु तिष्ठति १९
आ तं इन्दो मदाय कं पयो दुहन्त्यायवः । देवा देवेभ्यो मधु २०
आ नः सोमं पवित्र आ सृजता मधुमत्तमम् । देवेभ्यो देवश्रुत्तमम् २१
एते सोमा असृक्षत गृणानाः श्रवसे महे । मुदिन्तमस्य धारया २२
अभि गव्यानि वीतयै नृम्णा पुनानो अर्षसि । सनद्वाजः परि स्रव २३
उत नो गोमतीरिषो विश्वा अर्ष परिष्टुभिः । गृणानो जमदग्निना २४

पवस्व वाचो अग्रियः सोमं चित्राभिरूतिभिः । अभि विश्वानि काव्या २५
 त्वं समुद्रिया अपौ ऽग्रियो वाच ईर्यन् । पवस्व विश्वमेजय २६
 तुभ्येमा भुवना कवे महिम्ने सोम तस्थिरे । तुभ्यमर्षन्ति सिन्धवः २७
 प्र ते दिवो न वृष्टयो धारा यन्त्यसश्चतः । अभि शक्रामुपस्तिरम् २८
 इन्द्रायेन्दु पुनीतनो ग्रं दक्षायु साधनम् । ईशानं वीतिराधसम् २९
 पवमान ऋतः कविः सोमः पवित्रमासदत् । दधत् स्तोत्रे सुवीर्यम् ३०

(२०) विंशं सूक्तम्

(१-३०) त्रिंशदृचस्यास्य सूक्तस्य काश्यपो निधुविर्ऋषिः । पवमानः सोमो देवता
 । गायत्री छन्दः

आ पवस्व सहस्त्रिणं रयिं सोम सुवीर्यम् । अस्मे श्रवांसि धारय १
 इषमूर्जं च पित्वस इन्द्राय मत्सरिन्तमः । चमूष्वा नि षीदसि २
 सुत इन्द्राय विष्णावे सोमः कलशे अक्षरत् । मधुमाँ अस्तु वायवे ३
 एते असृग्रमाशवो ऽति हरांसि बभ्रवः । सोमा ऋतस्य धारया ४
 इन्द्रं वर्धन्तो अमुरः कृणवन्तो विश्वमार्यम् । अपघ्नन्तो अराव्णः ५
 सुता अनु स्वमा रजो ऽभ्यर्षन्ति बभ्रवः । इन्द्रं गच्छन्त इन्दवः ६
 अया पवस्व धारया यया सूर्यमरोचयः । हिन्वानो मानुषीरपः ७
 अयुक्त सूर एतं पवमानो मनावधि । अन्तरिक्षेण यातवे ८
 उत त्या हरितो दश सूरौ अयुक्त यातवे । इन्दुरिन्द्र इति ब्रुवन् ९
 परीतो वायवे सुतं गिर इन्द्राय मत्सरम् । अव्यो वारेषु सिञ्चत १०
 पवमान विदा रयि मस्मभ्यं सोम दुष्टरम् । यो दूणाशौ वनुष्यता ११
 अभ्यर्ष सहस्त्रिणं रयिं गोमन्तमश्विनम् । अभि वाजमुत श्रवः १२
 सोमो देवो न सूर्यो ऽद्रिभिः पवते सुतः । दधानः कलशे रसम् १३
 एते धामान्यार्या शक्रा ऋतस्य धारया । वाजं गोमन्तमक्षरन् १४
 सुता इन्द्राय वज्रिणे सोमासो दध्याशिरः । पवित्रमत्यक्षरन् १५
 प्र सौम मधुमत्तमो राये अर्ष पवित्र आ । मदो यो देववीतमः १६
 तमी मृजन्त्यायवो हरि नदीषु वाजिनम् । इन्दुमिन्द्राय मत्सरम् १७
 आ पवस्व हिरण्यव दक्षावत् सोम वीरवत् । वाजं गोमन्तमा भर १८
 परि वाजे न वाजयु मव्यो वारेषु सिञ्चत । इन्द्राय मधुमत्तमम् १९
 कविं मृजन्ति मर्ज्य धीभिर्विप्रा अवस्यवः । वृषा कर्निक्रदर्षति २०

वृषणं धीभिर्मुनं सोममृतस्य धारया । मती विप्राः समस्वरन् २१
 पर्वस्व देवायुष गिन्द्रं गच्छतु ते मदः । वायुमा रौह धर्मणा २२
 पर्वमानु नि तौशसे रयिं सौम श्रवाय्यम् । प्रियः समुद्रमा विश २३
 अपघ्नन् पवसे मृधः क्रतुवित् सौम मत्सरः । नुदस्वादवयुं जनम् २४
 पर्वमाना असृक्षतु सोमोः शक्रास इन्दवः । अभि विश्वानि काव्या २५
 पर्वमानास आशर्वः शभ्रा असृग्रमिन्दवः । घन्तो विश्वा अप द्विषः २६
 पर्वमाना दिवस्प र्यन्तरिक्षादसृक्षत । पृथिव्या अधि सानवि २७
 पुनानः सौम धारयेन्दो विश्वा अप स्त्रिधः । जहि रक्षांसि सुक्रतो २८
 अपघ्नन् त्सौम रक्षसो ऽभ्यर्ष कर्निक्रदत् । द्युमन्तं शुष्ममुत्तमम् २९
 अस्मे वसूनि धारय सोम दिव्यानि पार्थिवा । इन्दो विश्वानि वार्या ३०

(२१) एकविंशं सूक्तम्

(१-३०) त्रिंशदृचस्यास्य सूक्तस्य मारीचः कश्यप ऋषिः । पवमानः सोमो देवता
 । गायत्री छन्दः

वृषा सोम द्युमाँ असि वृषा देव वृषव्रतः । वृषा धर्माणि दधिषे १
 वृषास्ते वृषयं शवो वृषा वनं वृषा मदः । सत्यं वृषन् वृषेदसि २
 अश्वो न चक्रदो वृषा सं गा इन्दो समवतः । वि नो राये दुरौ वृधि ३
 असृक्षतु प्र वाजिनो गव्या सोमासो अश्वया । शक्रासौ वीरयाशर्वः ४
 शम्भमाना ऋतायुभिर्मृज्यमाना गभस्त्योः । पर्वन्ते वारं अव्ययै ५
 ते विश्वा दाशुषे वसु सौमा दिव्यानि पार्थिवा । पर्वन्तामान्तरिक्ष्या ६
 पर्वमानस्य विश्ववित् प्र ते सर्गा असृक्षत । सूर्यस्येव न रश्मयः ७
 केतुं कृणवन् दिवस्प रि विश्वा रूपाभ्यर्षसि । समुद्रः सौम पिन्वसे ८
 हिन्वानो वार्चमिष्यसि पर्वमानु विधर्मणि । अक्रान् देवो न सूर्यः ९
 इन्दुः पविष्ट चेतनः प्रियः कवीनां मती । सृजदश्च रथीरिव १०
 ऊर्मिर्यस्तै पवित्र आ देवावीः पर्यक्षरत् । सीदन्नृतस्य योनिमा ११
 स नो अर्ष पवित्र आ मदो यो देववीतमः । इन्द्रविन्द्राय पीतयै १२
 इषे पवस्व धारया मृज्यमानो मनीषिभिः । इन्दो रुचाभि गा इहि १३
 पुनानो वरिवस्कृध्यूर्जं जनाय गिर्वणः । हरं सृजान आशिरम् १४
 पुनानो देववीतय इन्द्रस्य याहि निष्कृतम् । द्युतानो वाजिभिर्यतः १५
 प्र हिन्वानास इन्द्रो ऽच्छा समुद्रमाशर्वः । धिया जूता असृक्षत १६

म॒र्म॒ज॒ाना॑स॒ आ॒यवो॑ वृ॒था स॒मु॒द्रमि॑न्द॒वः । अ॒ग्न॒म॒वृ॒तस्य॑ यो॒नि॒मा १७
 परि॑ णो या॒ह्यस्म॑यु॒र्विश्वा॑ व॒सू॒न्योर्ज॑सा । पा॒हि नुः श॒र्म वी॒रव॑त् १८
 मि॒मा॒ति व॒ह्निरे॑त॒शः प॒दं यु॑ज॒ान ऋ॒क्व॒भिः । प्र य॑त् स॒मु॒द्र आ॒हितः १९
 आ य॒द्योनिं॑ हि॒र॒ण्यय॑ मा॒शु॒र्भृ॒तस्य॑ सी॒दति॑ । ज॒हा॒त्य॒प्र॒चे॒तसः २०
 अ॒भि वे॒ना अ॒नू॒षते॑ य॒क्षन्ति॑ प्र॒चे॒तसः । म॒ज्ज॒न्त्य॒वि॒चे॒तसः २१
 इ॒न्द्रा॒ये॒न्दो म॒रु॒त्व॒ते प॒र्वस्व॑ म॒धु॒म॒त्तमः॑ । ऋ॒तस्य॑ यो॒नि॒मा॒स॒दम् २२
 तं त्वा॒ वि॒प्रा व॒चो॒वि॒दः परि॑ष्कृ॒णव॑न्ति वे॒धसः॑ । सं त्वा॑ म॒ज्ज॒न्त्या॒यवः॑ २३
 रसं॑ ते मि॒त्रो अ॒र्य॒मा पि॒ब॒न्ति व॑रु॒णः क॒वे । प॒र्व॒मा॒नस्य॑ म॒रुतः॑ २४
 त्वं सो॒म वि॒प॒श्चित् पु॒ना॒नो वा॒चमि॑ष्यसि । इ॒न्द्रो स॒ह॒स्र॑भ॒र्णस॑म् २५
 उ॒तो स॒ह॒स्र॑भ॒र्णसं॑ वा॒चं सो॒म म॒ख॒स्यु॒वम् । पु॒ना॒न इ॒न्द्र॒वा भ॑र २६
 पु॒ना॒न इ॒न्द्र॒वेषां॑ पु॒रु॒हूत॑ ज॒ना॒नाम् । प्रि॒यः स॒मु॒द्र॒मा वि॑श २७
 द॒वि॒द्यु॒त॒त्या रु॒चा परि॑ष्टोभ॒न्त्या कृ॒पा । सो॒माः श॒क्रा ग॒वा॒शि॒रः २८
 हि॒न्वा॒नो हे॒तृभि॑र्य॒त आ वा॒जं वा॒ज्य॑क॒मीत् । सी॒द॒न्तो व॒नु॒षो य॒था २९
 ऋ॒धक् सो॒म स्व॒स्तये॑ संज॒ग्मा॒नो दि॒वः क॒विः । प॒र्वस्व॑ सू॒र्यो दृ॒शे ३०
 द्वि॒तीयोऽध्या॑यः

। व० १-३३ ।

(२२) द्वाविंशं सूक्तम्

(१-३०) त्रिंशदृचस्यास्य सूक्तस्य वारुणिर्भृगुर्भार्गवो जमदग्निर्वा ऋषिः । पवमानः सोमो देवता । गायत्री छन्दः

हि॒न्व॒न्ति सू॒रमु॑स्र॒यः स्व॑सा॒रो जा॒मय॑स्पतिम् । म॒हा॒मि॒न्दुं म॒ही॒युवः॑ १
 प॒र्व॒मा॒न रु॒चा॒रु॒चा दे॒वो दे॒वेभ्य॑स्परि॑ । वि॒श्वा व॒सू॒न्या वि॑श २
 आ प॒र्व॒मा॒न सु॑ष्टु॒तिं वृ॑ष्टिं दे॒वेभ्यो॑ दु॒र्वः । इ॒षे प॒र्वस्व॑ सं॒यत॑म् ३
 वृ॒षा ह्य॑सि॒ भ्रा॒नु॒ना द्यु॑मन्त॑ त्वा ह॒वाम॑हे । प॒र्व॒मा॒न स्वा॒ध्यः ४
 आ प॒र्वस्व॑ सु॒वीर्यं॑ म॒न्द॒मा॒नः स्वा॒युध॑ । इ॒हो ष्वि॑न्द्र॒वा ग॑हि ५
 यद॒द्भिः परि॑षि॒च्यसे॑ मृ॒ज्य॒मा॒नो ग॑र्भ॒स्त्योः । दु॒र्णा स॒ध॒स्थम॑श्नु॒षे ६
 प्र सो॒माय॑ व्य॒श्वव॑त् प॒र्व॒मा॒नाय॑ गा॒यत॑ । म॒हे स॒ह॒स्र॑च॒क्षसे॑ ७
 यस्य॑ वर्णं॑ म॒धु॒क्षु॒तं हरि॑ हि॒न्व॒न्त्य॒द्रि॒भिः । इ॒न्दु॒मि॒न्द्रा॒य पी॒तये॑ ८
 तस्य॑ ते वा॒जिनो॑ व॒यं वि॒श्वा ध॒नानि॑ जि॒ग्युषः॑ । स॒खि॒त्व॒मा वृ॑णीमहे ९
 वृ॒षा प॒र्वस्व॑ धा॒रया॑ म॒रु॒त्व॒ते च म॑त्स॒रः । वि॒श्वा द॒धान॑ ओ॒र्जसा॑ १०

तं त्वा धर्तारिमोणयोः पर्वमान स्वर्दृशम् । हिन्वे वाजेषु वाजिनम् ११
 अया चित्तो विपानया हरिः पवस्व धारया । युजं वाजेषु चोदय १२
 आ न इन्दो महीमिषं पवस्व विश्वदर्शतः । अस्मभ्यं सोम गातुवित् १३
 आ कलशा अनूषतेन्दो धाराभिरोजसा । एन्द्रस्य पीतये विश १४
 यस्य ते मद्यं रसं तीव्रं दुहन्त्यद्रिभिः । स पवस्वाभिमातिहा १५
 राजा मेधाभिरीयते पर्वमानो मनावधि । अन्तरिक्षेण यातवे १६
 आ न इन्दो शतग्विनं गवां पोषं स्वश्वघम् । वह्ना भर्गत्तिमूतये १७
 आ नः सोम सहो जुवौ रूपं न वर्चसे भर । सुष्वाणो देववीतये १८
 अर्षा सोम द्युमत्तमो ऽभि द्रोणानि रोरुवत् । सीदञ्छयेनो न योनिमा १९
 अप्सा इन्द्राय वायवे वरुणाय मरुद्भ्यः । सोमो अर्षति विष्णावे २०
 इषं तोकाय नो दधे दस्मभ्यं सोम विश्वतः । आ पवस्व सहस्रिणम् २१
 ये सोमासः परावति ये अर्वावति सुन्विरे । ये वादः शर्यणावति २२
 य अर्जिकेषु कृत्वसु ये मध्ये प्रस्त्यानाम् । ये वा जनैषु पञ्चसु २३
 ते नो वृष्टिं दिवस्पति पवन्तामा सुवीर्यम् । सुवाना देवास इन्द्रवः २४
 पवते हर्यतो हरिर्गृणानो जमदग्निना । हिन्वानो गोरधि त्वचि २५
 प्र शक्रासौ वयोजुवौ हिन्वानासो न सप्तयः । श्रीणाना अप्सु मृञ्जत २६
 तं त्वा सुतेष्वाभुवौ हिन्विरे देवतातये । स पवस्वानया रुचा २७
 आ ते दक्षं मयोभुवं वह्निमुद्या वृणीमहे । पान्तमा पुरुस्पृहम् २८
 आ मन्द्रमा वरेण्यमा विप्रमा मनीषिणम् । पान्तमा पुरुस्पृहम् २९
 आ रयिमा सुचेतुनमा सुक्रतो तनूष्वा । पान्तमा पुरुस्पृहम् ३०

(२३) त्रयोविंशं सूक्तम्

(१-३०) त्रिंशदृचस्यास्य सूक्तस्य शतं वैखानसा ऋषयः । (१-१८, २२-३०)

प्रथमाद्यष्टादशर्चा द्वाविंश्यादिनवानाञ्च पवमानः सोमः, (१९-२१)

एकोनविंश्यादितृचस्य च पवमानोऽग्निर्देवते । (१-१७, १९-३०)

प्रथमादिसप्तदशर्चामेकोनविंश्यादिद्वादशानाञ्च गायत्री,

(१८) अष्टादश्याश्चानुष्टुप् छन्दसी

पवस्व विश्वचर्षणे ऽभि विश्वानि काव्या । सखा सखिभ्य ईडयः १
 ताभ्यां विश्वस्य राजसि ये पवमान धार्मनी । प्रतीची सौम तस्थतुः २
 परि धामानि यानिते त्वं सौमासि विश्वतः । पवमान ऋतुभिः कवे ३

पर्वस्व ज॒नय॒न्निषो ऽभि विश्वा॑नि वा॒र्या । सखा॑ सखि॑भ्य ऊ॒तयै ४
 तव॑ श॒क्रासौ अ॒र्चयौ दि॒वस्पृ॑ष्ठे वि त॑न्वते । पु॒वित्रं सोम॑ धा॒र्मभिः ५
 तवे॒मे स॒प्त सि॒न्धवः प्र॒शिषं सोम॑ सि॒स्त्रते । तुभ्य॑ धावन्ति धे॒नवः ६
 प्र सौम॑ याहि धा॒रया सु॒त इन्द्रा॑य मत्स॒रः । दधा॑नो अ॒क्षिति॑ श्रवः ७
 समु॑ त्वा धी॒भिर॑स्वरन् हि॒न्वतीः स॒प्त जा॒मयः । विप्र॑मा॒जा वि॒वस्व॑तः ८
 मृज॑न्ति त्वा समु॒ग्रवो ऽव्यै जी॒राव॑धि ष्वणि । रे॒भो यद॑ज्यसे वने ९
 पर्व॑मानस्य ते कवे॒ वाजि॑न् त्सर्गा असृ॒क्षत । अ॒र्वन्तो न श्र॑व॒स्यवः १०
 अ॒च्छा को॑शं मधु॒श्चुत॑ मसृ॒ग्रं वा॒रं अ॒व्ययै । अ॒वाव॑शन्त धी॒तयः ११
 अ॒च्छा समु॑द्रमि॒न्दवो ऽस्तं गा॒वो न धे॑नवः । अ॒गम॑न्नृतस्य यो॒निमा १२
 प्र ण॑ इ॒न्दो म॒हे र॒ण आपौ॑ अ॒र्षन्ति॑ सि॒न्धवः । यद्गो॑भिर्वासयिष्यसे १३
 अस्य॑ ते स॒ख्ये व॒य मिय॑क्षन्तस्त्वो॒तयः । इ॒न्दौ सखि॑त्वमु॒श्मसि १४
 आ प॑वस्व गवि॑ष्टये म॒हे सौम॑ नृचक्ष॑से । ए॒न्द्रस्य॑ ज॒ठरै॑ विश १५
 म॒हाँ अ॒सि सोम॑ ज्येष्ठ॑ उ॒ग्राणा॑मि॒न्द ओजि॑ष्ठः । यु॒ध्वा स॒ञ्छश्च॑ज्जिगेथ १६
 य उ॒ग्रेभ्य॑श्चिदो॒जीया॑ ज्छू॒रैभ्य॑श्चि॒च्छू॒रतरः । भूरि॑दाभ्यश्चिन्म॒हीयान् १७
 त्वं सौम॑ सूर॒ एष॑ स्तो॒कस्य॑ सा॒ता त॒नूना॑म् । वृ॒णीम॑हे स॒ख्याय॑ वृ॒णीम॑हे
 यु॒ज्याय॑ १८

अ॒ग्न आ॒यूषि॑ पव॒स आ सु॒वोर्ज॑मिषं च नः । आ॒रे बा॑धस्व दु॒च्छुना॑म् १९
 अ॒ग्निर्ऋ॑षिः पर्व॑मानः पा॒ञ्चज॑न्यः पु॒रोहि॑तः । तमी॑महे म॒हाग॑यम् २०
 अ॒ग्ने प॑वस्व स्व॒पा अ॒स्मे वर्चः॑ सु॒वीर्य॑म् । दध॑द्रुयिं मयि पोष॑म् २१
 पर्व॑मानो अ॒ति स्त्रि॒धो ऽभ्य॑र्षति सु॒ष्टति॑म् । सूर॑ो न वि॒श्वदर्श॑तः २२
 स म॑र्म॒जान॑ आ॒युभिः॑ प्रय॑स्वान् प्रय॑से हि॒तः । इ॒न्दुर॑त्यौ वि॒चक्ष॑णः २३
 पर्व॑मान अ॒तं बृ॒ह च्छु॑क्रं ज्योति॑रजी॒जनत् । कृ॒ष्णा तमा॑सि जङ्घ॑नत् २४
 पर्व॑मानस्य जङ्घ॑न॒तो ह॑रैश्चन्द्रा असृ॒क्षत । जी॒रा अ॒जिर॑शौचिषः २५
 पर्व॑मानो र॒थीत॑मः श॒भ्रेभिः॑ श॒भ्रश॑स्तमः । ह॒रिश्चन्द्रो॑ म॒रुद्ग॑णः २६
 पर्व॑मानो व्य॑श्नव द्रु॒श्मिभि॑र्वा॒जसा॑तमः । दध॑त् स्तो॒त्रे सु॒वीर्य॑म् २७
 प्र सु॑वान् इ॒न्दुर॑क्षाः पु॒वित्र॑मत्य॒व्यय॑म् । पु॒नान॑ इ॒न्दुरि॑न्द्रमा २८
 एष॑ सोमो अ॒धि त्व॑चि गवा॑ क्रीळ॒त्यद्रि॑भिः । इ॒न्द्रं म॑दाय॒ जोहु॑वत् २९
 यस्य॑ ते द्यु॒म्वत् प॒यः पर्व॑मा॒नाभू॑तं दि॒वः । तेन॑ नो मृळ जी॒वसे ३०

(२४) चतुर्विंशं सूक्तम्

(१-३२) द्वात्रिंशदृचस्यास्य सूक्तस्य सप्तर्षयः-(१-३) प्रथमादितृचस्य बार्हस्पत्यो भरद्वाजः, (४-६) चतुर्थ्यादितृचस्य मारीचः कश्यपः, (७-९) सप्तम्यादितृचस्य राहूगणो गोतमः, (१०-१२) दशम्यादितृचस्य भौमोऽत्रिः, (१३-१५) त्रयोदश्यादितृचस्य गाथिनो विश्वामित्रः, (१६-१८) षोडश्यादितृचस्य भार्गवो जमदग्निः, (१९-२१) एकोनविंश्यादितृचस्य मैत्रावरुणिर्वसिष्ठः, (२२-३२) द्वाविंश्याद्येकादशर्चाञ्चाङ्गिरसः पवित्रो वसिष्ठो वोभौ वा ऋषयः । (१-६, १३-२२, २८-३०) प्रथमादिनवर्चा त्रयोदश्यादिदशानामष्टाविंश्यादितृचस्य च पवमानः सोमः, (१०-१२) दशम्यादितृचस्य पवमानः पूषा सोमो वा, (२३-२४) त्रयोविंशीचतुर्विंश्योः पवमानोऽग्निः, (२५) पञ्चविंश्याः पवमानोऽग्निः सविता वा, (२६) षड्विंश्याः पवमानोऽग्निः पवमानाग्निसवितारो वा, (२७) सप्तविंश्याः पवमानोऽग्निर्विश्वे देवा वा, (३१-३२) एकत्रिंशीद्वात्रिंश्योश्च पावमान्यध्येतृस्तुतिर्देवताः । (१-१५, १६-२६, २८-२९) प्रथमादिपञ्चदशर्चामेकोनविंश्याद्यष्टानामष्टाविंश्येकोनत्रिंश्योश्च गायत्री, (१६-१८) षोडश्यादितृचस्य द्विपदा गायत्री, (२७, ३१-३२)

सप्तविंश्येकत्रिंशीद्वात्रिंशीनामनुष्टुप्, (३०) त्रिंश्याश्च पुर उष्णिक् छन्दांसि त्वं सौमासि धारयुर्मन्द्र ओजिष्ठो अध्वरे । पर्वस्व मंहयद्रयिः १
 त्वं सुतो नृमादनो दधन्वान् मत्सरिन्तमः । इन्द्राय सूरिन्ध्रसा २
 त्वं सुष्वाणो अद्रिभिर्भ्यर्ष कनिक्रदत् । द्युमन्तं शुष्ममुत्तमम् ३
 इन्दुर्हिन्वानो अर्षति तिरो वाराण्यव्यया । हरिर्वाजमचिक्रदत् ४
 इन्दो व्यव्यमर्षसि वि श्रवांसि वि सौभगा । वि वाजान् त्सोम गोमतः ५
 आ न इन्दो शतृग्विनं रयिं गोमन्तमश्विनम् । भरा सोम सहस्त्रिणम् ६
 पवमानास इन्दवस्तिरः पवित्रमाशवः । इन्द्रं यामैभिराशत ७
 ककुहः सोम्यो रस इन्दुरिन्द्राय पूर्व्यः । आयुः पवत आयवै ८
 हिन्वन्ति सूरमुस्रयः पवमानं मधुश्रुतम् । अभि गिरा समस्वरन् ९
 अविता नौ अजाश्वः पूषा यामनियामनि । आ भक्षत् कन्यासु नः १०
 अयं सोमः कपर्दिनै घृतं न पवते मधु । आ भक्षत् कन्यासु नः ११
 अयं त आघृणे सुतो घृतं न पवते शुचि । आ भक्षत् कन्यासु नः १२
 वाचो जन्तुः कवीनां पर्वस्व सोम धारया । देवेषु रत्नधा असि १३
 आ कलशेषु धावति श्येनो वर्म वि गाहते । अभि द्रोणा कनिक्रदत् १४
 परि प्र सौम ते रसो ऽसर्जि कलशै सुतः । श्येनो न तक्तो अर्षति १५

पर्वस्व सोम मन्दय त्रिन्द्राय मधुमत्तमः १६
 असृग्रन् देववीतये वाजयन्तो रथा इव १७
 ते सुतासौ मदिन्तमाः शक्रा वायुमसृजत १८
 ग्राव्णा तुन्नो अभिष्टुतः पवित्रं सोम गच्छसि । दधत् स्तोत्रे सुवीर्यम् १९
 एष तुन्नो अभिष्टुतः पवित्रमति गाहते । रक्षोहा वारमव्ययम् २०
 यदन्ति यच्च दूरके भयं विन्दति मामिह । पर्वमानु वि तज्जहि २१
 पर्वमानुः सो अद्य नः पवित्रेण विचर्षणिः । यः पोता स पुनातु नः २२
 यत् तै पवित्रमर्चिष्यग्ने विततमन्तरा । ब्रह्म तेन पुनीहि नः २३
 यत् तै पवित्रमर्चिव दग्ने तेन पुनीहि नः । ब्रह्मसवैः पुनीहि नः २४
 उभाभ्यां देव सवितः पवित्रेण सवेन च । मां पुनीहि विश्वतः २५
 त्रिभिष्ट्वं देव सवितुर्वर्षिष्ठैः सोम धामभिः । अग्ने दक्षैः पुनीहि नः २६
 पुनन्तु मां देवजनाः पुनन्तु वसवो धिया । विश्वे देवाः पुनीत मा जातवेदः
 पुनीहि मां २७
 प्र प्यायस्व प्र स्यन्दस्व सोम विश्वेभिरंशुभिः । देवेभ्य उत्तमं हविः २८
 उप प्रियं पनिप्रतं युवानमाहुतीवृधम् । अगन्म बिभ्रतो नमः २९
 अलाय्यस्य परशुर्ननाश त मा पवस्व देव सोम । आखुं चिदेव देव सोम
 ३०
 यः पावमानीरध्ये त्यृषिभिः संभृतं रसम् । सर्वं स पूतमश्नाति स्वदितं
 मातरिश्चना ३१
 पावमानीर्यो अध्ये त्यृषिभिः संभृतं रसम् । तस्मै सरस्वती दुहे क्षीरं
 सर्पिर्मधूदकम् ३२

(२५) पञ्चविंशं सूक्तम्

(१-१०) दशर्चस्यास्य सूक्तस्य भालन्दनो वत्सप्रिर्ऋषिः । पवमानः सोमो देवता ।

(१-६) प्रथमादिनवर्चा जगती, (१०) दशम्याश्च त्रिष्टुप् छन्दसी

प्र देवमच्छा मधुमन्त इन्द्रवो ऽसिष्यदन्त गाव आ न धेनवः ।
 बर्हिषदौ वचनावन्त ऊर्धभिः परिस्त्रुतमुस्त्रिया निर्णिजं धिरे १
 स रोरुवदुभि पूर्वा अचिक्रद दुपारुहः श्रथयन् त्स्वादते हरिः ।
 तिरः पवित्रं परियन्नुरु ज्यो नि शर्याणि दधते देव आ वरम् २
 वि यो ममे यम्या संयती मदः साकंवृधा पर्यसा पिन्वदक्षिता ।

म॒ही अ॒पा॒रे रज॑सी वि॒वेवि॑द द॒भि॒व॒ज॒न्न॒क्षितं॑ पा॒ज आ द॑दे ३
 स मा॒तरा॑ वि॒चर॑न् वा॒जय॑न्नपः प्र मे॒धि॒रः स्व॒धया॑ पि॒न्वते॑ पु॒दम् ।
 अ॒ंशु॒र्यवे॑न पि॒पि॒शे य॒तो नृ॒भिः सं जा॒मि॒भिर्न॑सते रक्ष॑ते शि॒रः ४
 सं दक्षे॑ण म॒नसा॑ जायते क॒वि ऋ॒तस्य॑ ग॒र्भो नि॑हितो य॒मा पु॒रः ।
 यू॒ना ह॒ सन्ता॑ प्रथ॒मं वि ज॑ज्ञतु गु॒हा हि॒तं ज॒निम् ने॒ममु॑द्यतम् ५
 म॒न्द्रस्य॑ रू॒पं वि॒विदु॑र्मनी॒षिणः॑ श्ये॒नो यद॑न्धो अ॒भर॑त् प॒राव॑तः ।
 त म॑र्जयन्त सु॒वृधं॑ न॒दीष्वाँ उ॒शन्त॑म॒शं प॑रि॒यन्त॑मृ॒ग्मि॒र्यम् ६
 त्वां मृ॑जन्ति द॒श योष॑णः सु॒तं सो॒म ऋ॑षि॒भिर्म॑तिभि॒र्धोति॑भिर्हितम् ।
 अव्यो॑ वा॒रैभि॑रु॒त दे॒वहू॑तिभि॒र्नृभि॑र्य॒तो वा॒ज॒मा द॑र्षि सा॒तयै॑ ७
 प॒रिप्र॑यन्त व॒र्यं सु॑ष॒सदं॑ सोमं मनी॒षा अभ्य॑नूष॒त स्तु॑भः ।
 यो धा॑र॒या म॒धुमाँ ऊ॒र्मिणा॑ दि॒व इ॒यति॑ वा॒चं र॒यिषा॑ळम॒र्त्यः ८
 अ॒यं दि॒व इ॒यति॑ वि॒श्वमा॑ र॒जः सोमः॑ पु॒नानः॑ क॒लशै॑षु सीदति ।
 अ॒द्भिर्गो॑भिर्मृ॒ज्यते॑ अ॒द्रिभिः॑ सु॒तः पु॒नान॑ इ॒न्दुर्व॑रि॒वो वि॑दत् प्रि॒यम् ९
 ए॒वा नः॑ सोम परि॒षिच्य॑मानो॒ वयो॑ दध॒च्चित्र॑तमं पवस्व ।
 अ॒द्वेषे॑ द्यावा॒पृथि॒वी हु॑वेम॒ देवा॑ ध॒त्त र॒यिम॑स्मे सु॒वीर॑म् १०

(२६) षड्विंशं सूक्तम्

(१-१०) दशर्चस्यास्य सूक्तस्याङ्गिरसो हिरण्यस्तूप ऋषिः । पवमानः सोमो देवता
 । (१-८) प्रथमाद्यष्टर्चा जगती, (९-१०) नवमीदशम्योश्च त्रिष्टुप् छन्दसी
 इषुर्न धन्वन् प्रति धीयते म॒ति र्व॑त्सो न मा॒तुरु॑प॒ स॒र्ज्यू॒र्धनि॑ ।
 उ॒रु॒धारे॑व दुहे अग्र आय॒त्यस्य॑ वृ॒तेष्व॑पि सोमं इष्यते १
 उपौ म॒तिः पृ॒च्यते॑ सि॒च्यते॑ म॒धु म॒न्द्राज॑नी चोदते अ॒न्तरा॑सनि ।
 पव॑मानः संत॒निः प्र॑घ्नतामि॒व म॒धुमा॑न् द्र॒प्सः प॒रि वा॑रम॒र्षति॑ २
 अव्यै॑ व॒धूयुः प॑वते प॒रि त्व॑चि श्र॒थ्नी॒ते नृ॒प्तीर॑दि॒तेऽर्त॑तं य॒ते ।
 हरि॑रक्रान् य॒जतः॑ संय॒तो म॒दो नृ॑णा शि॒शानो॑ म॒हिषो॑ न शो॒भते॑ ३
 उ॒क्षा मि॑माति प्रति यन्ति धे॒नवौ॑ दे॒वस्य॑ दे॒वीरु॑प॒ यन्ति॑ निष्कृ॒तम् ।
 अ॒त्य॒क्रमी॑दर्जु॒नं वा॑र॒मव्य॑ य॒मत्कं॑ न नि॒क्तं प॒रि सो॒मो अव्य॑त ४
 अ॒मृ॒क्तेन॑ रु॒शता॑ वा॒ससा॑ हरि॒ रम॑त्यो॒ निर्णि॑जानः प॒रि व्य॑त ।
 दि॒वस्पृ॑ष्ठं ब॒र्हणा॑ नि॒र्णिजै॑ कृ॒तो प॒स्तर॑णं च॒म्बोर्न॑भ॒स्मय॑म् ५
 सूर्य॑स्यैव र॒श्मयो॑ द्रावयि॒तवो॑ मत्स॒रासः॑ प्र॒सुपः॑ सा॒कमी॑रते ।

तन्तुं ततं परि सर्गास आशवो नेन्द्रादृते पवते धाम किं चन ६
 सिन्धौरिव प्रवणे निम्न आशवो वर्षच्युता मदासो गातुमाशत ।
 शं नो निवेशे द्विपदे चतुष्पदे ऽस्मे वाजाः सोम तिष्ठन्तु कृष्टयः ७
 आ नः पवस्व वसुमद्विरणयव दश्वावद्गोमद्यवमत् सुवीर्यम् ।
 यूयं हि सौम पितरो मम स्थनं दिवो मूर्धानः प्रस्थिता वयस्कृतः ८
 एते सोमाः पवमानास इन्द्रं रथा इव प्र ययुः सातिमच्छ ।
 सुताः पवित्रमति यन्त्यव्यं हित्वी वृत्रिं हरितौ वृष्टिमच्छ ९
 इन्द्रविन्द्राय बृहते पवस्व समृच्छीको अनवद्यो रिशादाः ।
 भरा चन्द्राणि गृणते वसूनि देवैर्द्यावापृथिवी प्रार्वतं नः १०

(२७) सप्तविंशं सूक्तम्

(१-१०) दशर्चस्यास्य सूक्तस्य वैश्वामित्रो रेणुर्ऋषिः । पवमानः सोमो देवता ।

(१-६) प्रथमादिनवर्चा जगती, (१०) दशम्याश्च त्रिष्टुप् छन्दसी
 त्रिरस्मै सप्त धेनवो दुदुहे सत्यामाशिरं पूर्वे व्योमनि ।
 चत्वार्यन्या भुवनानि निर्णिजे चारुणि चक्रे यदृतैरवर्धत १
 स भिक्षमाणो अमृतस्य चारुण उभे द्यावा काव्येना वि शश्रथे ।
 तेजिष्ठा अपो मंहना परि व्यत यदी देवस्य श्रवसा सदो विदुः २
 ते अस्य सन्तु केतवो ऽमृत्यवो ऽदाभ्यासो जनुषी उभे अनु ।
 येभिर्नृम्णा च देव्या च पुनत आदिद्राजानं मनना अगृभ्णत ३
 स मृज्यमानो दशभिः सुकर्मभिः प्र मध्यमासु मातृषु प्रमे सचा ।
 व्रतानि पानो अमृतस्य चारुण उभे नृचक्षा अनु पश्यते विशौ ४
 स मर्मजान इन्द्रियाय धायस ओभे अन्ता रोदसी हर्षते हितः ।
 वृषा शुष्मेण बाधते वि दुर्मती रादेदिशानः शर्यहेव शरुधः ५
 स मातरा न ददृशान उस्त्रियो नानददेति मरुतामिव स्वनः ।
 जानन्नृतं प्रथमं यत् स्वर्णं प्रशस्तये कर्मवृणीत सुक्रतुः ६
 रुवति भीमो वृषभस्तविष्यया शृङ्गे शिशानो हरिणी विचक्षणः ।
 आ योनिं सोमः सुक्रतं नि षीदति गव्ययी त्वग्भवति निर्णिगव्ययी ७
 शुचिः पुनानस्तन्वमरेपस मव्ये हरिन्यधाविष्ट सानवि ।
 जुष्टौ मित्राय वरुणाय वायवे त्रिधातु मधु क्रियते सुकर्मभिः ८
 पवस्व सोम देववीतये वृषेन्द्रस्य हार्दि सोमधानमा विश ।

पुरा नो ब्राधादुरिताति पारय क्षेत्रविद्धि दिश आहा विपृच्छते ६
 हितो न सप्तिरभि वाजर्मर्षेन द्रस्येन्दो जठरमा पवस्व ।
 नावा न सिन्धुमति पर्षि विद्वा ज्छूरो न युध्यन्नव नो निद स्पः १०

(२८) अष्टाविंशं सूक्तम्

(१-६) नवर्चस्यास्य सूक्तस्य वैश्वामित्र ऋभव ऋषिः । पवमानः सोमो देवता ।

(१-८) प्रथमाद्यष्टर्चा जगती, (६) नवम्याश्च त्रिष्टुप् छन्दसी
 आ दक्षिणा सृज्यते शष्म्याऽसदं वेति द्रुहो रक्षसः पाति जागृविः ।
 हरिरोपशं कृणुते नभस्पय उपस्तिरै चम्बोऽर्ब्रह्म निर्णिजै १
 प्र कृष्टिहेव शूष एति रोख दसुर्यश् वर्णं नि रिणीते अस्य तम् ।
 जहाति वृत्रं पितुरैति निष्कृत मुपप्रुतं कृणुते निर्णिजं तना २
 अद्रिभिः सुतः पवते गर्भस्त्यो वृषायते नभसा वेपते मती ।
 स मोदते नसते सार्धते गिरा नैनिक्ते अप्सु यजते परीमणि ३
 परि द्युक्षं सहसः पर्वतावृधं मध्वः सिञ्चन्ति हर्म्यस्य सक्षणिम् ।
 आ यस्मिन् गावः सुहुताद् ऊर्धनि मूर्धञ्चफट्नीणन्त्यग्रियं वरीमभिः ४
 समी रथं न भुरिजौरहेषत दश स्वसोरो अदितेरुपस्थ आ ।
 जिगादुप जयति गोरपीच्यं पदं यदस्य मृतुथा अजीजनन् ५
 श्येनो न योनिं सदनं धिया कृतं हिरण्ययमासदं देव एषति ।
 ए रिणन्ति बर्हिषि प्रियं गिरा ऽश्वो न देवाँ अप्येति यज्ञियः ६
 परा व्यक्तो अरुषो दिवः कवि वर्षा त्रिपृष्ठो अनविष्ट गा अभि ।
 सहस्रणीतिर्यतिः परायती रेभो न पूर्वीरुषसो वि राजति ७
 त्वेषं रूपं कृणुते वर्णो अस्य स यत्राशयत् समृता सेधति स्त्रिधः ।
 अप्सा याति स्वधया दैव्यं जनं सं सुष्टुती नसते सं गोअग्रया ८
 उक्षेव यूथा परियन्नरावी दधि त्विर्षारधित सूर्यस्य ।
 दिव्यः सुपर्णोऽव चक्षत क्षां सोमः परि क्रतुना पश्यते जाः ९

(२९) एकोनत्रिंशं सूक्तम्

(१-६) नवर्चस्यास्य सूक्तस्याङ्गिरसो हरिमन्त ऋषिः । पवमानः सोमो देवता ।

जगती छन्दः

हरिं मृजन्त्यरुषो न युज्यते सं धेनुभिः कलशे सोमौ अज्यते ।

उद्वाचमीरयति हिन्वते मृती पुरुष्टतस्य कति चित् परिप्रियः १
 साकं वेदन्ति ब्रह्मवो मनीषिण इन्द्रस्य सोमं जठरे यदादुहः ।
 यदी मृजन्ति सुगभस्तयो नरः सनीळाभिर्दशभिः काम्यं मधु २
 अरममाणो अत्यैति गा अभि सूर्यस्य प्रियं दुहितुस्तिरो रवम् ।
 अन्वस्मै जोषमभरद्विनंगुसः सं द्वयीभिः स्वसृभिः क्षेति जामिभिः ३
 नृधूतो अद्रिषुतो बर्हिषि प्रियः पतिर्गवां प्रदिव इन्दुर्भृत्वियः ।
 पुरन्धिवान् मनुषो यज्ञसाधनः शुचिर्धिया पवते सोम इन्द्र ते ४
 नृबाहुभ्यां चोदितो धारया सुतो ऽनुष्वधं पवते सोम इन्द्र ते ।
 आप्राः क्रतून् त्समजैरध्वरे मृती वेनं द्रुषच्चम्बोऽरासदुद्धरिः ५
 अंशं दुहन्ति स्तनयन्तमक्षितं कविं कवयोऽपसो मनीषिणः ।
 समी गावो मृतयो यन्ति संयतं ऋतस्य योना सदने पुनर्भुवः ६
 नाभा पृथिव्या धरुणौ महो दिवोऽपामूर्मो सिन्धुष्वन्तरिक्षतः ।
 इन्द्रस्य वज्रो वृषभो विभूवसुः सोमो हृदे पवते चारु मत्सरः ७
 स तू पवस्व परि पार्थिवं रजः स्तोत्रे शिञ्जान्नाधून्वते च सुक्रतो ।
 मा नो निर्भागवसुनः सादनस्पृशो रयिं पिशङ्गं बहुलं वसीमहि ८
 आ तू न इन्दो शतदात्वश्वयं सहस्रदातु पशमद्विरणयवत् ।
 उप मास्व बृहती रेवतीरिषो ऽधि स्तोत्रस्य पवमान नो गहि ९

(३०) त्रिंशं सूक्तम्

(१-९) नवर्चस्यास्य सूक्तस्याङ्गिरसः पवित्र ऋषिः । पवमानः सोमो देवता ।

जगती छन्दः

स्रक्वे द्रुप्सस्य धर्मतुः समस्वर नृतस्य योना समरन्त नाभयः ।
 त्रीन् त्स मूर्ध्नो असुरश्चक्र आरभै सत्यस्य नावः सुकृतमपीपरन् १
 सम्यक् सम्यञ्चौ महिषा अहेषतु सिन्धौरूर्मावर्धि वेना अवीविपन् ।
 मधोर्धाराभिर्जनयन्तो अर्कमित् प्रियामिन्द्रस्य तन्वमवीवृधन् २
 पवित्रवन्तः परि वाचमासते पितृषां प्रतो अभि रक्षति व्रतम् ।
 महः समुद्रं वरुणस्तिरो दधे धीरा इच्छेकुर्धरुणेष्वारभम् ३
 सहस्रधारेऽव ते समस्वरन् दिवो नाके मधुजिह्वा असञ्चतः ।
 अस्य स्पृशो न नि मिषन्ति भूर्णयः पुदेपदे पाशिनः सन्ति सेतवः ४
 पितुर्मातुरध्या ये समस्वर नृचा शोचन्तः संदहन्तो अव्रतान् ।

इन्द्रद्विष्टामप धमन्ति मायया त्वचमसिक्नीं भूमनो दिवस्परि ५
 प्रत्नान्मानादध्या ये समस्वरं ऋलोक्यनत्रासो रभसस्य मन्तवः ।
 अपानक्ष्णसौ बधिरा अहासत ऋतस्य पनथां न तरन्ति दुष्कृतः ६
 सहस्रधारे वितते पवित्र आ वाचं पुनन्ति कवयो मनीषिणः ।
 रुद्रासं एषामिषिरासौ अद्रुहः स्पशः स्वञ्चः सुदृशौ नृचक्षसः ७
 ऋतस्य गोपा न दभाय सुक्रतु स्त्री ष पवित्रो हृद्यन्तरा दधे ।
 विद्वान् त्स विश्वा भुवनाभि पश्यत्यवाजुष्टान् विध्यति कर्ते अवृतान् ८
 ऋतस्य तन्तुर्विततः पवित्र आ जिह्वाया अग्रे वरुणस्य मायया ।
 धीराश्चित् तत् समिनक्षन्त आशता ऽत्रा कर्तमव पदात्यप्रभुः ९

(३१) एकत्रिंशं सूक्तम्

(१-९) नवर्चस्यास्य सूक्तस्य दैर्घतमसः कक्षीवान् ऋषिः । पवमानः सोमो देवता
 । (१-७, ९) प्रथमादिसप्तर्चा नवम्याश्च जगती, (८) अष्टम्याश्च त्रिष्टुप् छन्दसी
 शिशर्न जातोऽव चक्रदद्वने स्वर्श्यद्वाज्यरुषः सिषासति ।
 दिवो रेतसा सचते पयोवृधा तमीमहे सुमती शर्म सप्रथः १
 दिवो यः स्कम्भो धरुणः स्वातत आपूर्णो अंशुः पर्येति विश्वतः ।
 सेमे मही रोदसी यक्षदावृता समीचीने दाधार समिषः कविः २
 महि प्सरः सुकृतं सोम्यं मधू र्वी गव्यूतिरदितेर्भृतं यते ।
 ईशे यो वृष्टेरित उस्त्रियो वृषा ऽपां नेता य इतऊतिर्भृग्मियः ३
 आत्मन्वन्नभौ दुह्यते घृतं पर्य ऋतस्य नाभिरमृतं वि जायते ।
 समीचीनाः सुदानवः प्रीणन्ति तं नरो हितमव मेहन्ति पेरवः ४
 अरावीदंशुः सचमान ऊर्मिणा देवाव्यं मनुषे पिन्वति त्वचम् ।
 दधाति गर्भमदितेरुपस्थ आ येन लोकं च तनयं च धामहे ५
 सहस्रधारेऽव ता असश्चत स्तृतीयै सन्तु रजसि प्रजावतीः ।
 चतस्रो नाभो निहिता अवो दिवो हविर्भरन्त्यमृतं घृतश्चुतः ६
 श्वेतं रूपं कृणुते यत् सिषासति सोमो मीढ्वाँ असुरो वेद भूमनः ।
 धिया शमी सचते सेमभि प्रवद् दिवस्कर्तुमव दर्षदुद्रिणम् ७
 अर्धं श्वेतं कलशं गोभिरक्तं कार्ष्णन्ना वाज्यक्रमीत् ससवान् ।
 आ हिन्विरे मनसा देवयन्तः कक्षीवते शतहिमाय गोनाम् ८
 अद्भिः सोम पृचानस्य ते रसो ऽव्यो वारं वि पवमान धावति ।

स मृज्यमानः कविभिर्मदिन्तम् स्वदस्वेन्द्राय पवमान पीतये ६

(३२) द्वात्रिंशं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

अभि प्रियाणि पवते चनोहितो नामानि युहो अधि येषु वर्धते ।
 आ सूर्यस्य बृहतो बृहन्नधि रथं विष्वञ्चमरुहद्विचक्षणः १
 ऋतस्य जिह्वा पवते मधु प्रियं वक्ता पतिर्धियो अस्या अदाभ्यः ।
 दधाति पुत्रः पित्रोरपीच्यं नाम तृतीयमधि रोचने दिवः २
 अवं द्युतानः कलशाँ अचिक्रद नृभिर्येमानः कोश आ हिरण्यये ।
 अभीमृतस्य दोहना अनूषता ऽधि त्रिपृष्ठ उषसो वि राजति ३
 अद्रिभिः सुतो मतिभिश्चनोहितः प्रोचयन् रोदसी मात्रा शुचिः ।
 रोमाण्यव्या समया वि धावति मधोर्धारा पिन्वमाना दिवेदिवे ४
 परि सोम प्र धन्वा स्वस्तये नृभिः पुनानो अभि वासयाशिरम् ।
 ये ते मदा आहनसो विहायस स्तेभिरिन्द्र चोदय दातवे मघम् ५

तृतीयोऽध्यायः

व० १-२६ ।

(३३) त्रयस्त्रिंशं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

धर्ता दिवः पवते कृत्व्यो रसो दक्षो देवानामनुमाद्यो नृभिः ।
 हरिः सृजानो अत्यो न सत्त्वभिर्वृथा पाजांसि कृणुते नदीष्व १
 शूरो न धत्त आयुधा गर्भस्त्योः स्वः सिषासन् रथिरो गविष्टिषु ।
 इन्द्रस्य शुष्ममीरयन्नपस्युभि रिन्दुर्हिन्वानो अज्यते मनीषिभिः २
 इन्द्रस्य सोम पवमान ऊर्मिणा तविष्यमाणो जठरेष्वा विश ।
 प्र णाः पिन्व विद्युदध्रेव रोदसी धिया न वाजाँ उपे मासि शश्वतः ३
 विश्वस्य राजा पवते स्वर्दृश ऋतस्य धीतिर्मृषिषाळवीवशत् ।
 यः सूर्यस्यासिरेण मृज्यते पिता मतीनामसमष्टकाव्यः ४
 वृषेव यूथा परि कोशमर्ष स्यपामुपस्थे वृषभः कनिक्रदत् ।

स इन्द्राय पवसे मत्सरिन्तो यथा जेषाम समिथे त्वोतयः ५

(३४) चतुस्त्रिंशं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

एष प्र कोशे मधुमाँ अचिक्रद् दिन्द्रस्य वज्रो वपुषो वपुष्टरः ।
 अभीमृतस्य सुदुघा घृतश्रुतो वाश्रा अर्षन्ति पर्यसेव धेनवः १
 स पूर्व्यः पवते यं दिवस्परि श्येनो मथायदिषितस्तिरो रजः ।
 स मध्व आ युवते वेविजान इत् कृशानोरस्तुर्मनसाह बिभ्युषा २
 ते नः पूर्वास उपरास इन्द्रवो महे वाजाय धन्वन्तु गोमते ।
 ईक्षेण्यासो अह्योर् न चारवो ब्रह्मब्रह्म ये जुजुषुर्हविर्विः ३
 अयं नो विद्वान् वेनवद्वनुष्यत इन्दुः सत्राचा मनसा पुरुष्टतः ।
 इनस्य यः सदेने गर्भमादधे गवामुरुब्जमभ्यर्षति वृजम् ४
 चक्रिर्दिवः पवते कृत्व्यो रसो महाँ अदब्धो वरुणो हुरुग्यते ।
 असावि मित्रो वृजनैषु यज्ञियो ऽत्यो न यूथे वृषयुः कर्निक्रदत् ५

(३५) पञ्चत्रिंशं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

प्र राजा वाचं जनयन्नसिष्यद् दपो वसानो अभि गा ईयक्षति ।
 गृष्णाति रिप्रमविरस्य तान्वा शद्धो देवानामुप याति निष्कृतम् १
 इन्द्राय सोम परि षिच्यसे नृभिर्नृचक्षा ऊर्मिः कविरज्यसे वनै ।
 पूर्वीर्हि ते स्तुतयः सन्ति यातवे सहस्रमश्वा हरयश्चमूषदः २
 समुद्रिया अप्सरसो मनीषिण मासीना अन्तरभि सोममक्षरन् ।
 ता ई हिन्वन्ति हर्म्यस्य सक्षणिं याचन्ते सुम्रं पवमानमक्षितम् ३
 गोजिन्नः सोमो रथजिद्धिरणयजित् स्वर्जिद्विजित् पवते सहस्रजित् ।
 यं देवासश्चक्रिरे पीतये मदं स्वादिष्टं द्रुप्समरुणं मयोभुवम् ४
 एतानि सोम पवमानो अस्मयुः सत्यानि कृणवन् द्रविणान्यर्षसि ।
 जहि शत्रुमन्तिके दूरके च य उर्वी गव्यूतिमभयं च नस्कृधि ५

(३६) षट्त्रिंशं सूक्तम्

(१-५) पञ्चर्चस्यास्य सूक्तस्य भार्गवः कविर्ऋषिः । पवमानः सोमो देवता ।

जगती छन्दः

अ॒चो॒दसौ॑ नो ध॒न्व॒न्त्वि॒न्द॒वः॑ प्र सु॒वा॒नासौ॑ बृ॒हद्दि॒वेषु॑ ह॒रयः॑ ।
 वि च॒ नश॑न् न इ॒षो अ॒रा॒तयो॑ ऽर्यो न॑शन्त॒ सनि॑षन्त॒ नो धि॑र्यः १
 प्र णो॑ ध॒न्व॒न्त्वि॒न्द॒वो म॒द॒च्युतो॑ ध॒ना वा॒ येभि॑र॒र्वतो॑ जु॒नीम॑सि ।
 ति॒रो म॑र्त॒स्य क॑स्य॒ चित् परि॑हृतिं व॒यं ध॑नानि वि॒श्वधा॑ भ॒रेम॑हि २
 उ॒त स्व॑स्या अ॒रा॒त्या अ॒रिर्हि॑ ष उ॒तान्य॑स्या अ॒रा॒त्या वृ॒को हि॑ षः ।
 ध॒न्वन् न॑ तृ॒ष्णा स॑म॒रीत॑ ताँ अ॒भि सोम॑ ज॒हि प॑वमान॒ दुरा॑ध्यः ३
 दि॒वि ते॒ नाभा॑ प॒रमो॑ य आ॒दुदे॑ पृ॒थिव्या॑स्तै रुरु॒हुः सा॒न॒वि क्षि॑पे ।
 अ॒द्र॒यस्त्वा ब॑प्सति गो॒रधि॑ त्व॒च्य॑प्सु त्वा ह॒स्तैर्दु॑दुह॒र्मनी॑षिणः ४
 ए॒वा त॑ इ॒न्दो सु॒भ्वं सु॒पेश॑सं र॒सं तु॑ञ्जन्ति प्रथ॒मा अ॑भि॒श्रियः॑ ।
 नि॒द॒नि॒दं प॑वमान॒ नि ता॑रिष आ॒विस्ते॑ शु॒ष्मो भ॑वतु प्रि॒यो म॑दः ५

(३७) सप्तत्रिंशं सूक्तम्

(१-५) पञ्चर्चस्यास्य सूक्तस्य भारद्वाजो वसुर्ऋषिः । पवमानः सोमो देवता ।

जगती छन्दः

सोम॑स्य॒ धारा॑ पवते नृ॒चक्ष॑स॒ ऋते॑न॒ दे॒वान् ह॑वते दि॒वस्परि॑ ।
 बृ॒हस्प॑तै र॒वथै॑ना वि दि॒द्युते॑ स॒मुद्रा॑सो न स॒र्वना॑नि वि॒व्यचुः॑ १
 यं त्वा॑ वाजि॒न्नघ॑चा अ॒भ्यनू॑षता॒ ऽयौह॑तं यो॒निमा॑ रौ॒हसि॑ द्यु॒मान् ।
 म॒घोना॑मायुः प्र॒तिर॑न् म॒हि श्र॑व॒ इन्द्रा॑य सोम॒ पव॑से वृ॒षा म॑दः २
 ए॒न्द्रस्य॑ कु॒क्षा प॑वते म॒दि॒न्त॒म ऊ॒र्जं व॑सानुः श्र॒वसे॑ सु॒म॒ङ्गलः॑ ।
 प्र॒त्यङ् स॑ वि॒श्वा भु॑र्व॒नाभि॑ प॒प्रथे॑ क्री॒ळन् ह॑रि॒त्यः स्य॑न्दते वृ॒षा ३
 तं त्वा॑ दे॒वेभ्यो॑ म॒धुम॑त्त॒मं नरः॑ स॒हस्र॑धा॒रं दु॑हते द॒श क्षि॑पे ।
 नृ॒भिः सोम॑ प्र॒च्युतो॑ ग्रा॒व॒भिः सु॒तो वि॒श्वान् दे॒वाँ आ॑ प॒वस्वा॑ स॒हस्र॑जित् ४
 तं त्वा॑ ह॒स्ति॒नो म॒धुम॑न्त॒मद्रि॑भि॒र्दुह॑न्त्य॒प्सु वृ॑ष॒भं द॑श क्षि॑पे ।
 इ॒न्द्रं सोम॑ मा॒दय॑न् दै॒व्यं ज॑नं सि॒न्धो॒रि॒वो॒र्मिः प॑व॒मानो॑ अ॒र्षसि॑ ५

(३८) अष्टात्रिंशं सूक्तम्

(१-५) पञ्चर्चस्यास्य सूक्तस्य भारद्वाजो वसुर्ऋषिः । पवमानः सोमो देवता ।

(१-४) प्रथमादिचतुर्ऋचां जगती, (५) पञ्चम्याश्च त्रिष्टुप् छन्दसी
 प्र सोमस्य पवमानस्योर्मय इन्द्रस्य यन्ति जठरं सुपेशसः ।
 दध्ना यदीमुर्नीता यशसा गवां दानाय शूरमुदमन्दिषुः सुताः १
 अच्छा हि सोमः कुलशाँ असिष्यद् दत्यो न वोळ्हा रघुवर्तनिर्वृषा ।
 अथा देवानामुभयस्य जन्मनो विद्वाँ अश्नोत्यमुत इतश्च यत् २
 आ नः सोम पवमानः किरा वस्विन्दो भव मघवा राधसो महः ।
 शिक्ता वयोधो वसवे सु चेतुना मा नो गर्यमारे अस्मत् परा सिचः ३
 आ नः पूषा पवमानः सुरातयो मित्रो गच्छन्तु वरुणः सजोषसः ।
 बृहस्पतिर्मरुतो वायुरश्विना त्वष्टा सविता सुयमा सरस्वती ४
 उभे द्यावापृथिवी विश्वमिन्वे अर्यमा देवो अदितिर्विधाता ।
 भगो नृशंस उर्वन्तरिक्षं विश्वे देवाः पवमानं जुषन्त ५

(३६) एकोनचत्वारिंशं सूक्तम्

(१-५) पञ्चर्चस्यास्य सूक्तस्य भारद्वाजो वसुर्ऋषिः । पवमानः सोमो देवता ।

(१-४) प्रथमादिचतुर्ऋचां जगती, (५) पञ्चम्याश्च त्रिष्टुप् छन्दसी
 असावि सोमो अरुषो वृषा हरी राजैव दुस्मो अभि गा अचिक्रदत् ।
 पुनानो वारं पर्येत्यव्ययं श्येनो न योनिं घृतवन्तमासदम् १
 कविर्वेधस्या पर्येषि माहिन् मत्यो न मृष्टो अभि वाजमर्षसि ।
 अपसेधन् दुरिता सौम मृळय घृतं वसानः परि यासि निर्णिजम् २
 पर्जन्यः पिता महिषस्य पर्णिनो नाभा पृथिव्या गिरिषु क्षयं दधे ।
 स्वसार आपो अभि गा उतासरन् त्सं ग्रावभिर्नसते वीते अध्वरे ३
 जायेव पत्यावधि शेवं महसे पज्जाया गर्भं शृणुहि ब्रवीमि ते ।
 अन्तर्वाणीषु प्र चरा सु जीवसे ऽनिनद्यो वृजर्ने सोम जागृहि ४
 यथा पूर्वैभ्यः शतसा अमृधः सहस्रसाः पर्यया वाजमिन्दो ।
 एवा पवस्व सुविताय नव्यसे तव व्रतमन्वापः सचन्ते ५

(४०) चत्वारिंशं सूक्तम्

(१-५) पञ्चर्चस्यास्य सूक्तस्याङ्गिरसः पवित्र ऋषिः । पवमानः सोमो देवता ।

जगती छन्दः

पवित्रं ते विततं ब्रह्मणस्पते प्रभुर्गात्राणि पर्येषि विश्वतः ।

अतप्ततनूर्न तदामो अश्नुते शृतास इद्वहन्तस्तत् समाशत १
 तपोष्पवित्रं विततं दिवस्पदे शोचन्तो अस्य तन्तवो व्यस्थिरन् ।
 अवन्त्यस्य पवीतारमाशवो दिवस्पृष्ठमधि तिष्ठन्ति चेतसा २
 अरूरुचदुषसः पृश्निरग्रिय उक्षा बिभर्ति भुवनानि वाजयुः ।
 मायाविनो ममिरे अस्य मायया नृचक्षसः पितरो गर्भमा दधुः ३
 गुन्धर्व इत्था पदमस्य रक्षति पाति देवानां जनिमान्यद्भुतः ।
 गृष्णार्ति रिपुं निधया निधापतिः सुकृत्तमा मधुनो भक्षमाशत ४
 हविर्हविष्मो महि सद्य दैव्यं नभो वसानुः परि यास्यध्वरम् ।
 राजा पुवित्ररथो वाजमारुहः सहस्रभृष्टिर्जयसि श्रवो बृहत् ५

(४१) एकचत्वारिंशं सूक्तम्

(१-५) पञ्चर्चस्यास्य सूक्तस्य वाच्यः प्रजापतिर्ऋषिः । पवमानः सोमो देवता ।

जगती छन्दः

पर्वस्व देवमादनो विचर्षणि रप्सा इन्द्राय वरुणाय वायवे ।
 कृधी नो अद्य वरिवः स्वस्तिम दुरुक्षितौ गृणीहि दैव्यं जनम् १
 आ यस्तस्थौ भुवनान्यमर्त्यो विश्वानि सोमः परि तान्यर्षति ।
 कृणवन् त्संचर्त विचर्तमभिष्टय इन्दुः सिषक्त्युषसं न सूर्यः २
 आ यो गोभिः सृज्यत ओषधीष्वा देवानां सुम्न इषयन्नुपावसुः ।
 आ विद्युता पवते धारया सुत इन्द्रं सोमो मादयन् दैव्यं जनम् ३
 एष स्य सोमः पवते सहस्रजि द्विन्वानो वाचमिषिरामुषर्बुधम् ।
 इन्दुः समुद्रमुदियति वायुभि रेन्द्रस्य हार्दि कलशेषु सीदति ४
 अभि त्यं गावः पर्यसा पयोवृधं सोमं श्रीणन्ति मतिभिः स्वर्विदम् ।
 धनंजयः पवते कृत्व्यो रसो विप्रः कविः काव्येना स्वर्चनाः ५

(४२) द्विचत्वारिंशं सूक्तम्

(१-१२) द्वादशर्चस्यास्य सूक्तस्य भार्गवो वेन ऋषिः । पवमानः सोमो देवता ।

(१-१०) प्रथमादिदशर्चा जगती, (११-१२) एकादशीद्वादशयोश्च त्रिष्टुप् छन्दसी
 इन्द्राय सोम सुषुतः परि स्त्रवा उपामीवा भवतु रक्षसा सह ।
 मा ते रसस्य मत्सत द्याविनो द्रविणस्वन्त इह सन्तिवन्दवः १
 अस्मान् त्समुर्ये पवमान चोदय दक्षो देवानामसि हि प्रियो मदः ।

ज॒हि श॒त्रूँ॑भ्या भ॑न्दनाय॒तः पि॒बेन्द्र॑ सोम॒मव॑ नो मृ॒धौ ज॒हि २
 अ॒द॒ध इ॒न्दो प॒वसे॑ म॒दि॒न्त॑म आ॒त्मेन्द्र॑स्य भव॒सि धा॒सि॒रु॒त्त॑मः ।
 अ॒भि स्वर॑न्ति ब॒हवो॑ मनी॒षिणो॑ राजा॒नम॒स्य भुव॑नस्य नि॒सते ३
 स॒हस्र॑णीथः श॒तधा॑रो अ॒द्भुत॑ इन्द्रा॒येन्दुः॑ प॒वते॑ का॒म्यं म॒धु ।
 ज॒यन् च॑त्र॒मभ्य॑र्षा ज॒यन्न॑प उ॒रुं नो॑ गा॒तुं कृ॑णु सोम मी॒द्वः ४
 क॒निक्र॑दत् क॒लशे॑ गो॒भिर॑ज्यसे व्य॒व्यय॑ स॒मया॑ वार॒मर्ष॑सि ।
 म॒र्मृ॒ज्यमा॑नो अ॒त्यो न सा॑न॒सि रि॒न्द्रस्य॑ सोम ज॒ठरे॑ स॒मक्षरः॑ ५
 स्वा॒दुः प॑वस्व दि॒व्याय॑ जन्म॒ने स्वा॒दुरिन्द्रा॑य सु॒हवी॑तुना॒म्ने ।
 स्वा॒दुर्मि॑त्राय वरु॒णाय॑ वा॒यवे॑ बृ॒हस्प॑तये म॒धुमा॑ अ॒दाभ्यः॑ ६
 अ॒त्यं मृ॑जन्ति क॒लशे॑ द॒श क्षि॑पुः प्र वि॒प्राणां॑ म॒तयो॑ वाचं ई॒रते॑ ।
 प॒वमा॑ना अ॒भ्यर्ष॑न्ति सु॒ष्टति॑ मे॒न्द्रं वि॑शन्ति म॒दिरा॑स इ॒न्दवः॑ ७
 प॒वमा॑नो अ॒भ्यर्षा॑ सु॒वीर्य॑ मु॒र्वी ग॒व्यूतिं॑ म॒हि श॑र्म स॒प्रथः॑ ।
 मा॒र्कि॒नो अ॒स्य परि॑षूतिरी॒शते॑ न्दो ज॒यैम॑ त्वया ध॒न॑ध॒नम् ८
 अ॒धि द्या॑म॒स्थादृ॑ष॒भो वि॑चक्ष॒णो ऽरु॑रु॒चद्वि॑ दि॒वो रौ॑च॒ना क॒विः ।
 राजा॑ प॒वित्र॑म॒त्यैति॑ रो॒रुवद् दि॒वः पी॒यूषं॑ दु॒हते॑ नृ॒चक्ष॑सः ९
 दि॒वो ना॒के म॒धुजि॑ह्वा अ॒सश्च॑तौ वे॒ना दु॑हन्त्यु॒क्ष्णं गि॑रि॒ष्ठाम् ।
 अ॒प्सु द्र॒प्सं वा॑वृ॒धानं॑ स॒मुद्र॑ आ सि॒न्धौरू॑र्मा म॒धुम॑न्तं प॒वित्र॑ आ १०
 ना॒कै सु॒पर्ण॑मु॒पप॑प्तिवा॒सं गि॑रौ वे॒नाना॑म॒कृप॑न्त पू॒र्वीः ।
 शि॒शुं रि॑हन्ति म॒तयः॑ प॒नि॒प्रतं॑ हि॒रण्य॑र्यं श॒कुनं॑ क्षा॒मणि॑ स्था॒म् ११
 ऊ॒र्ध्वो ग॑न्ध॒र्वो अ॒धि ना॒कै अ॒स्थाद् वि॒श्वा रू॑पा प्र॒ति॒चक्षा॑णो अ॒स्य ।
 भा॒नुः श॒क्रेण॑ शो॒चिषा॑ व्य॒द्यौत् प्रा॑रू॒रुच॑द्रो॒दसी॑ मा॒तरा॑ शु॒चिः १२

(४३) त्रिचत्वारिंशं सूक्तम्

(१-४८) अष्टचत्वारिंशदृचस्यास्य सूक्तस्य (१-१०) प्रथमादिदशर्चामकृष्टा
 माषाः, (११-२०) एकादश्यादिदशानां सिकता निवावरी, (२१-३०)
 एकविंश्यादिदशानां पृश्नयोऽजाः, (३१-४०) एकत्रिंश्यादिदशानामत्रेयः, (४१-
 ४५) एकचत्वारिंश्यादिपञ्चानां भौमोऽत्रिः, (४६-४८) षट्चत्वारिंश्यादितृचस्य च
 भार्गवः शौनको गृत्समद ऋषयः । पवमानः सोमो देवता । जगती छन्दः
 प्र त आशर्वः पवमान धीजवो मदा अर्षन्ति रघुजा इव त्मना ।
 दिव्याः सुपर्णा मधुमन्त इन्दवो मदिन्तमासः परि कोशमासते १

प्र ते मदासो मदिरास आशवो ऽसृक्षत रथ्यासो यथा पृथक् ।
 धेनुर्न वत्सं पर्यसाभि वज्रिण मिन्द्रमिन्द्रवो मधुमन्त ऊर्मयः २
 अत्यो न हियानो अभि वाजमर्ष स्वर्वित् कोश दिवो अद्रिमातरम् ।
 वृषा पवित्रे अधि सानो अव्यये सोमः पुनान इन्द्रियाय धार्यसे ३
 प्र त आश्विनीः पवमान धीजुवो दिव्या असृग्रन् पर्यसा धरीमणि ।
 प्रान्तर्ऋषयः स्थाविरीरसृक्षत ये त्वा मृजन्त्यृषिषाण वेधसः ४
 विश्वा धामानि विश्वचक्ष ऋभ्वंसः प्रभोस्तै सतः परि यन्ति केतवः ।
 व्यानुशिः पवसे सोम धर्मभिः पतिर्विश्वस्य भुवनस्य राजसि ५
 उभयतः पवमानस्य रश्मयो ध्रुवस्य सतः परि यन्ति केतवः ।
 यदी पवित्रे अधि मृज्यते हरिः सत्ता नि योना कलशेषु सीदति ६
 यज्ञस्य केतुः पवते स्वध्वरः सोमो देवानामुप याति निष्कृतम् ।
 सहस्रधारः परि कोशमर्षति वृषा पवित्रमत्यैति रोवत् ७
 राजा समुद्रं नद्योऽ वि गाहते ऽपामूर्मि संचते सिन्धुषु श्रितः ।
 अर्ध्यस्थात् सानु पवमानो अव्ययं नाभा पृथिव्या धरुणो महो दिवः ८
 दिवो न सानु स्तनयन्नचिक्रद् द्यौश्च यस्य पृथिवी च धर्मभिः ।
 इन्द्रस्य सख्यं पवते विवेविदत् सोमः पुनानः कलशेषु सीदति ९
 ज्योतिर्यज्ञस्य पवते मधु प्रियं पिता देवानां जनिता विभूवसुः ।
 दधाति रत्नं स्वधयौरपीच्यं मदिन्तमो मत्सर इन्द्रियो रसः १०
 अभिक्रन्दन् कलशं वाज्यर्षति पतिर्दिवः शतधारो विचक्षणः ।
 हरिर्मित्रस्य सदनेषु सीदति मर्मज्ञानोऽविभिः सिन्धुभिर्वृषा ११
 अग्रे सिन्धूनां पवमानो अर्षत्यग्रे वाचो अग्रियो गोषु गच्छति ।
 अग्रे वाजस्य भजते महाधनं स्वायुधः सोतृभिः पूयते वृषा १२
 अयं मतवाञ्छकुनो यथा हितो ऽव्यै ससार पवमान ऊर्मिणा ।
 तव क्रत्वा रोदसी अन्तरा कवे शुचिर्धिया पवते सोम इन्द्र ते १३
 द्रापिं वसानो यजतो दिविस्पृश मन्तरिक्षप्रा भुवनेष्वर्पितः ।
 स्वर्जज्ञानो नभसाभ्यक्रमीत् प्रब्रमस्य पितरमा विवासति १४
 सो अस्य विशे महि शर्म यच्छति यो अस्य धामं प्रथमं व्यानुशे ।
 पदं यदस्य परमे व्योमन् यतो विश्वा अभि सं याति संयतः १५
 प्रो अयासीदिन्दुरिन्द्रस्य निष्कृतं सखा सख्युर्न प्र मिनाति संगिरम् ।
 मर्य इव युवतिभिः समर्षति सोमः कलशे शतयाम्ना पुथा १६

प्र वो धियो मन्द्रयुवो विपन्युवः पनस्युवः संवसनेष्वक्रमुः ।
 सोमं मनीषा अभ्यनूषतु स्तुभो ऽभि धेनवः पर्यसेमशिश्रयुः १७
 आ नः सोम संयतं पिप्युषीमिष मिन्दो पर्वस्व पर्वमानो अस्त्रिधम् ।
 या नो दोहते त्रिरहन्नसंश्रुषी क्षुमद्वाजवन्मधुमत् सुवीर्यम् १८
 वृषा मतीनां पवते विचक्षणः सोमो अहः प्रतरीतोषसौ दिवः ।
 क्राणा सिन्धूनां कलशां अवीवश दिन्द्रस्य हाद्याविशन् मनीषिभिः १९
 मनीषिभिः पवते पूर्यः कवि नृभिर्यतः परि कोशां अचिक्रदत् ।
 त्रितस्य नाम जनयन् मधु क्षरदिन्द्रस्य वायोः सख्याय कर्तवे २०
 अयं पुनान उषसो वि रौचय द्यं सिन्धुभ्यो अभवदु लोककृत् ।
 अयं त्रिः सप्त दुदुहान आशिरं सोमो हृदे पवते चारु मत्सरः २१
 पर्वस्व सोम दिव्येषु धामसु सृजान इन्दो कलशै पवित्र आ ।
 सीदन्निन्द्रस्य जठरे कनिक्रद नृभिर्यतः सूर्यमारौहयो दिवि २२
 अद्रिभिः सुतः पवसे पवित्र आ इन्द्रविन्द्रस्य जठरैष्वाविशन् ।
 त्वं नृचक्षा अभवो विचक्षण सोम गोत्रमङ्गिरोभ्योऽवृणोरप २३
 त्वां सौम पर्वमानं स्वाध्यो ऽनु विप्रासो अमदन्नवस्यवः ।
 त्वां सुपर्ण आभरद् दिवस्परीन्दो विश्वाभिर्मतिभिः परिष्कृतम् २४
 अव्यै पुनानं परि वारं ऊर्मिणा हरिं नवन्ते अभि सप्त धेनवः ।
 अपामुपस्थे अध्यायवः कवि मृतस्य योना महिषा अहेषत २५
 इन्दुः पुनानो अति गाहते मृधो विश्वानि कृणवन् त्सुपथानि यज्यवे ।
 गाः कृणवानो निर्णिजं हर्यतः कवि रत्यो न क्रीळन् परि वारंमर्षति २६
 असञ्चतः शतधारा अभिश्रियो हरिं नवन्तेऽव ता उदन्युवः ।
 क्षिपौ मृजन्ति परि गोभिरावृतं तृतीयै पृष्ठे अर्धं रोचने दिवः २७
 तवेमाः प्रजा दिव्यस्य रेतस स्त्वं विश्वस्य भुवनस्य राजसि ।
 अथेदं विश्वं पवमान ते वशे त्वमिन्दो प्रथमो धामधा असि २८
 त्वं समुद्रो असि विश्ववित् कवे तवेमाः पञ्च प्रदिशो विधर्मणि ।
 त्वं द्यां च पृथिवीं चाति जभिषे तव ज्योतीषि पवमान सूर्यः २९
 त्वं पवित्रे रजसो विधर्मणि देवेभ्यः सोम पवमान पूयसे ।
 त्वामुशिजः प्रथमा अगृह्णातु तुभ्येमा विश्वा भुवनानि येमिरे ३०
 प्र रेभ एत्यति वारंमव्ययं वृषा वनेष्वव चक्रदद्धरिः ।
 सं धीतयो वावशाना अनूषतु शिशुं रिहन्ति मतयः पनिप्रतम् ३१

स सूर्यस्य रश्मिभिः परि व्यतु तन्तुं तन्वानस्त्रिवृतं यथा विदे ।
 नयन्नृतस्य प्रशिषो नवीयसीः पतिर्जनीनामुप याति निष्कृतम् ३२
 राजा सिन्धूनां पवते पतिर्दिव ऋतस्य याति पृथिभिः कर्निक्रदत् ।
 सहस्रधारः परि पिच्यते हरिः पुनानो वार्चं जनयन्नुपावसुः ३३
 पवमानं मह्यर्णो वि धावसि सूरौ न चित्रो अव्ययानि पव्यया ।
 गर्भस्तिपूतो नृभिरद्रिभिः सुतो महे वाजाय धन्याय धन्वसि ३४
 इषमूर्जं पवमानाभ्यर्षसि श्येनो न वंसु कलशेषु सीदसि ।
 इन्द्राय मद्वा मद्यो मदः सुतो दिवो विष्टम्भ उप्पमो विचक्षणः ३५
 सप्त स्वसारो अभि मातरः शिशं नवं जज्ञानं जेन्यं विपश्चितम् ।
 अपां गन्धर्वं दिव्यं नृचक्षसं सोमं विश्वस्य भुवनस्य राजसे ३६
 ईशान इमा भुवनानि वीर्यसे युजान इन्द्रो हरितः सुपश्यः ।
 तास्तै चरन्तु मधुमदघृतं पयस्तव व्रते सौम तिष्ठन्तु कृष्टयः ३७
 त्वं नृचक्षा असि सोम विश्वतः पवमान वृषभ ता वि धावसि ।
 स नः पवस्व वसुमद्विरणयवद् वयं स्याम भुवनेषु जीवसे ३८
 गोवित् पवस्व वसुविद्विरणयविद् रेतोधा इन्द्रो भुवनेष्वर्पितः ।
 त्वं सुवीरौ असि सोम विश्ववित् तं त्वा विप्रा उप गिरेम आसते ३९
 उन्मध्वं ऊर्मिर्वनना अतिष्ठिप दुपो वसानो महिषो वि गाहते ।
 राजा पुवत्ररथो वाजमारुहत् सहस्रभृष्टिर्जयति श्रवो बृहत् ४०
 स भन्दना उदियति प्रजावती विश्वायुर्विश्वाः सुभरा अर्हदिवि ।
 ब्रह्म प्रजावद्रयिमश्वपस्त्यं पीत इन्द्रविन्द्रमस्मभ्ये याचतात् ४१
 सो अग्रे अह्नां हरिर्हर्यतो मदः प्र चेतसा चेतयते अनु द्युभिः ।
 द्वा जना यातयन्नन्तरीयते नरा च शंसं दैव्यं च धर्तरि ४२
 अञ्जते व्यञ्जते समञ्जते क्रतुं रिहन्ति मधुनाभ्यञ्जते ।
 सिन्धौरुच्छवासे पुतयन्तमुक्षणं हिरण्यपावाः पुशुमासु गृभ्णते ४३
 विपश्चिते पवमानाय गायत मही न धारात्यन्धौ अर्षति ।
 अहिर्न जूर्णमिति सर्पति त्वच मत्यो न क्रीळन्नसरदूषा हरिः ४४
 अग्रेगो राजाप्यस्तविष्यते विमानो अह्नां भुवनेष्वर्पितः ।
 हरिर्धृतस्तुः सुदृशीको अर्णवो ज्योतीरथः पवते राय ओक्यः ४५
 असर्जि स्कम्भो दिव उद्यतो मदः परि त्रिधातुर्भुवनान्यर्षति ।
 अंशं रिहन्ति मतयुः पनिप्रतं गिरा यदि निर्णिजमृग्मिणौ ययुः ४६

प्र ते धारा अत्यश्वानि मेष्ट्यः पुनानस्य संयतौ यन्ति रंहयः ।
 यद्गोभिर्निन्दो चम्बोः समज्यस आ सुवानः सोम कलशेषु सीदसि ४७
 पर्वस्व सोम क्रतुविन्न उक्थ्यो ऽव्यो वारे परि धाव मधु प्रियम् ।
 जहि विश्वान् रक्षस इन्दो अत्रिणौ बृहद्वदेम विदथे सुवीराः ४८

(४४) चतुश्चत्वारिंशं सूक्तम्

(१-६) नवर्चस्यास्य सूक्तस्य काव्य उशना ऋषिः । पवमानः सोमो देवता ।

त्रिष्टुप् छन्दः

प्र तु द्रव परि कोशं नि षीद नृभिः पुनानो अभि वाजमर्ष ।
 अश्वं न त्वा वाजिनं मर्जयन्तो ऽच्छा बर्ही रशनाभिर्नयन्ति १
 स्वायुधः पवते देव इन्दु रशस्तिहा वृजनं रक्षमाणः ।
 पिता देवानां जनिता सुदक्षो विष्टम्भो दिवो धरुणः पृथिव्याः २
 ऋषिर्विप्रः पुरेता जनानां मृभुर्धिर उशना काव्येन ।
 स चिद्विवेद निहितं यदासा मपीच्यं गुह्यं नाम गोनाम् ३
 एष स्य ते मधुमां इन्द्र सोमो वृषा वृष्णे परि पवित्रे अक्षाः ।
 सहस्रसाः शतसा भूरिदावा शश्वत्तमं बर्हिरा वाज्यस्थात् ४
 एते सोमा अभि गव्या सहस्रा महे वाजायामृताय श्रवांसि ।
 पवित्रेभिः पवमाना असृग्र ऋवस्यवो न पृतनाजो अत्याः ५
 परि हि ष्मा पुरुहूतो जनानां विश्वासरब्धोजना पूयमानः ।
 अथा भर श्येनभृत प्रयांसि रयिं तुञ्जानो अभि वाजमर्ष ६
 एष सुवानः परि सोमः पवित्रे सर्गो न सृष्टो अदधावदवा ।
 तिग्मे शिशानो महिषो न शृङ्गे गा गव्यन्नभि शूरो न सत्वा ७
 एषा ययौ परमादन्तरद्रेः कूर्चित् सतीरूर्वे गा विवेद ।
 दिवो न विद्युत् स्तनयन्त्यैः सोमस्य ते पवत इन्द्र धारा ८
 उत स्म राशिं परि यासि गोना मिन्द्रेण सोम सरथं पुनानः ।
 पूर्वीरिषो बृहतीर्जीरदानो शिक्षा शचीवस्तव ता उपृष्टुत् ९

(४५) पञ्चचत्वारिंशं सूक्तम्

(१-८) अष्टर्चस्यास्य सूक्तस्य काव्य उशना ऋषिः । पवमानः सोमो देवता ।

त्रिष्टुप् छन्दः

अ॒यं सोमं॑ इन्द्र॒ तुभ्यं॑ सु॒न्वे तुभ्यं॑ पव॒ते त्वम॑स्य पाहि ।
 त्वं ह॒ यं च॑कृषे त्वं व॑वृष इन्द्रुं मदा॒य यु॒ज्याय॑ सोमम् १
 स ई॒ रथो॑ न भुरिषाळ॑योजि म॒हः पुरु॑णि सा॒तये॑ वसू॒नि ।
 आदीं॑ विश्वा॒ नहु॑ष्याणि जा॒ता स्व॑र्षा॒ता वन॑ ऊ॒र्ध्वा न॑वन्त २
 वा॒युर्न यो नि॒युत्वाँ इ॒ष्ट्यामा॑ नास॒त्येव॑ हव॒ आ शं॑भविष्ठः ।
 वि॒श्ववारो॑ द्रवि॒णोदा॑ ई॒व त्मन् पू॑षेव॒ धीज॑व॒नोऽसि॑ सोम ३
 इन्द्रो॑ न यो म॒हा क॑र्मा॒णि च॑क्रि॒ हन्ता॑ वृ॒त्राणा॑मसि सोम पू॒र्भित् ।
 पै॒द्वो न हि॑ त्वमहि॒नाम्नां॑ ह॒न्ता वि॒श्वस्या॑सि सोम॒ दस्योः॑ ४
 अ॒ग्निर्न यो व॑न॒ आ सृ॑ज्यमा॒नो वृ॒था पा॑जा॒सि कृ॑णुते न॒दीषु॑ ।
 ज॒नो न यु॑ध्वा॒ मह॑त उ॒प॒ब्दि रिय॑र्ति॒ सोमः॑ प॒र्वमा॑न ऊ॒र्मिम् ५
 ए॒ते सोमा॑ अ॒ति वा॒राण॑यव्या॒ दि॒व्या न को॑शा॒सो अ॒भ्रव॑र्षाः ।
 वृ॒था स॑मु॒द्रं सि॒न्ध्वो न॑ नी॒चीः सु॒तासौ॑ अ॒भि क॒लशाँ॑ असृ॒ग्रन् ६
 श॒ष्मी श॒र्धो न॑ मा॒रुतं॑ प॒व॒स्वा ऽन॑भि॒शस्ता॑ दि॒व्या यथा॑ वि॒ट् ।
 आ॒पो न म॒क्षू सु॑म॒तिर्भ॑वा नः स॒हस्रा॑प्साः पृ॒तना॑षा॒रन॑ य॒ज्ञः ७
 रा॒ज्ञो नु॑ ते व॒रुण॑स्य व॒तानि॑ बृ॒हद्भी॑रं त॒व सोम॑ धाम ।
 शु॒चि॒ष्ट्वम॑सि प्रि॒यो न मि॒त्रो द॒क्षा॒य्यो अ॒र्यमे॑वा॒सि सोम॑ ८

(४६) षट्चत्वारिंशं सूक्तम्

(१-७) सप्तर्चस्यास्य सूक्तस्य काव्य उशना ऋषिः । पवमानः सोमो देवता ।

त्रिष्टुप् छन्दः

प्रो॒ स्य वह्निः॑ प॒थ्या॑भिर॒स्यान् दि॒वो न॑ वृ॒ष्टिः प॑र्व॒मानो॑ अ॒क्षाः ।
 स॒हस्र॑धा॒रो अ॒सद॑न॒न्यश्मे॑ मा॒तुरु॑प॒स्थे व॑न॒ आ च॑ सोमः १
 रा॒जा सि॒न्धूना॑मव॒सिष्ट॑ वा॒स अ॒तस्य॑ ना॒वमा॑रु॒हद्र॑जि॒ष्ठाम् ।
 अ॒प्सु द्र॒प्सो वा॑वृ॒धे श्ये॑न॒जूतो॑ दु॒ह ई॑ इ॒प॒ता दु॒ह ई॑ इ॒प॒तुर्जाम्॑ २
 सि॒ंहं न॑सन्त॒ मध्वो॑ अ॒यासं॑ ह॒रि॒मरु॑षं दि॒वो अ॒स्य प॑र्तिम् ।
 शू॒रो यु॒त्सु प्र॑थ॒मः पृ॑च्छ॒ते गा॑ अ॒स्य च॑क्ष॒सा परि॑ पा॒त्युक्षा॑ ३
 म॒धुपृ॑ष्ठं घो॒रम॒यास॑म॒श्वं रथे॑ यु॒ञ्जन्त्यु॑रु॒चक्र॑ ऋ॒ष्वम् ।
 स्व॒सार॑ ई॒ जाम॑यो॒ मर्ज॑यन्ति॒ सना॑भयो वा॒जिन॑मूर्जयन्ति ४
 च॒त॒स्र ई॑ घृ॒तदु॑हः स॒चन्ते॑ स॒माने॑ अ॒न्तर्ध॑रु॒णे नि॑ष॒त्ताः ।
 ता ई॑म॒र्षन्ति॑ न॒मसा॑ पु॒नाना॑स्ता ई॒ विश्व॑तः परि॑ षन्ति पू॒र्वीः ५

विष्टम्भो दिवो धरुणः पृथिव्या विश्वा उत क्षितयो हस्तै अस्य ।
 असत् त उत्सौ गूणते नियुत्वान् मध्वौ अंशुः पवत इन्द्रियाय ६
 वृन्वन्नवातो अभि देववीति मिन्द्राय सोम वृत्रहा पवस्व ।
 शग्धि मृहः पुरुश्चन्द्रस्य रायः सुवीर्यस्य पतयः स्याम ७

(४७) सप्तचत्वारिंशं सूक्तम्

(१-६) षडृचस्यास्य सूक्तस्य मैत्रावरुणिर्वसिष्ठ ऋषिः । पवमानः सोमो देवता ।

त्रिष्टुप् छन्दः

प्र हिन्वानो जनिता रोदस्यो रथो न वाजं सनिष्यन्नयासीत् ।
 इन्द्रं गच्छन्नायुधा संशिशानो विश्वा वसु हस्तयोरादधानः १
 अभि त्रिपृष्ठं वृषणं वयोधा माङ्गूषाणामवावशन्त वाणीः ।
 वना वसानो वरुणो न सिन्धून् वि रब्रधा दयते वार्याणि २
 शूरग्रामः सर्ववीरः सहावा ज्ञेता पवस्व सनिता धनानि ।
 तिम्रायुधः क्षिप्रधन्वा समत्स्व षाळहः साह्वान् पृतनासु शत्रून् ३
 उरुगव्यूतिरभयानि कृणवन् त्समीचीने आ पवस्वा पुरंधी ।
 अपः सिषासन्नुषसः स्वर्गाः सं चिक्रदो मृहो अस्मभ्यं वाजान् ४
 मत्सि सोम वरुणं मत्सि मित्रं मत्सीन्द्रमिन्दो पवमान विष्णुम् ।
 मत्सि शर्धो मारुतं मत्सि देवान् मत्सि महामिन्द्रमिन्दो मदाय ५
 एवा राजैव क्रतुमाँ अमैन् विश्वा घनिघ्नदुरिता पवस्व ।
 इन्दो सूक्ताय वचसे वयो धा यूयं पात स्वस्तिभिः सदा नः ६

चतुर्थोऽध्यायः

व० १-२८ ।

(४८) अष्टचत्वारिंशं सूक्तम्

(१-६) षडृचस्यास्य सूक्तस्य मारीचः कश्यप ऋषिः । पवमानः सोमो देवता ।

त्रिष्टुप् छन्दः

असर्जि वक्त्रा रथ्ये यथाजौ धिया मनोता प्रथमो मनीषी ।
 दश स्वसारो अधि सानो अव्ये ऽजन्ति वह्निं सदनान्यच्छ १
 वीती जनस्य दिव्यस्य कव्यै रधि सुवानो नहुष्यैभिरिन्दुः ।
 प्र यो नृभिरमृतो मर्त्यैभिर्मर्मृजानोऽविभिर्गोभिरद्भिः २

वृषा वृष्णे रोरुवदंशुरस्मै पवमानो रुशदीर्ते पयो गोः ।
 सहस्रमृक्वा पृथिभिर्वचोवि दध्वस्मभिः सूरौ अण्वं वि याति ३
 रुजा दृळ्हा चिद्रक्षसः सदांसि पुनान इन्द्र ऊर्णुहि वि वाजान् ।
 वृश्चोपरिष्ठात् तुजता वधेन ये अन्ति दूरादुपनायमेषाम् ४
 स प्रवन्नव्यसे विश्ववार सूक्ताय पृथः कृणुहि प्राचः ।
 ये दुष्षहांसो वनुषा बृहन्त स्ताँस्तै अश्याम पुरुकृत् पुरुक्षो ५
 एवा पुनानो अपः स्वर्गा अस्मभ्यं तोका तनयानि भूरि ।
 शं नः क्षेत्रमुरु ज्योतीषि सोम ज्योङ्गनः सूर्यं दृशये रिरिहि ६

(४६) एकोनपञ्चाशं सूक्तम्

(१-६) षडृचस्यास्य सूक्तस्य मारीचः कश्यप ऋषिः । पवमानः सोमो देवता ।

त्रिष्टुप् छन्दः

परि सुवानो हरिरंशुः पवित्रे रथो न सर्जि सनये हियानः ।
 आपृच्छलोकमिन्द्रियं पूयमानः प्रति देवाँ अजुषत प्रयोभिः १
 अच्छा नृचक्षा असरत् पवित्रे नाम दधानः कविरस्य योनौ ।
 सीदन् होतैव सदाने चमूषू पैमगमनृषयः सप्त विप्राः २
 प्र सुमेधा गातुविद्विष्वदेवः सोमः पुनानः सद एति नित्यम् ।
 भुवद्विष्वेषु काव्येषु रन्ता ऽनु जनान् यतते पञ्च धीरः ३
 तव त्वे सोम पवमान निशये विश्वे देवास्त्रय एकादशासः ।
 दश स्वधाभिरधि सानो अव्यै मृजन्ति त्वा नद्यः सप्त यहीः ४
 तन्नु सत्यं पवमानस्यास्तु यत्र विश्वे कारवः संनसन्त ।
 ज्योतिर्यदह्ने अकृणोदु लोकं प्रावन्मनुं दस्यवे करभीकम् ५
 परि सद्यैव पशमान्ति होता राजा न सत्यः समितीरियानः ।
 सोमः पुनानः कलशाँ अयासीत् सीदन् मृगो न महिषो वनेषु ६

(५०) पञ्चाशं सूक्तम्

(१-५) पञ्चर्चस्यास्य सूक्तस्य गौतमो नोधा ऋषिः । पवमानः सोमो देवता ।

त्रिष्टुप् छन्दः

साकमुक्षौ मर्जयन्त स्वसारो दश धीरस्य धीतयो धनुत्रीः ।
 हरिः पर्यद्रवजाः सूर्यस्य द्रोणं ननक्षे अत्यो न वाजी १

सं मातृभिर्न शिशुर्वावशानो वृषा दधन्वे पुरुवारो अद्भिः ।
 मर्यो न योषामभि निष्कृतं यन् त्सं गच्छते कलश उस्त्रियाभिः २
 उत प्र पिप्य ऊधरघ्नया इन्दुर्धाराभिः सचते सुमेधाः ।
 मूर्धानं गावः पर्यसा चमूष्वभि श्रीणन्ति वसुभिर्न नितैः ३
 स नो देवेभिः पवमान रदेन्दो रयिमश्विनं वावशानः ।
 रथिरायतामुशती पुरंधि रस्मद्रयंगा दावने वसूनाम् ४
 नू नो रयिमुप मास्व नृवन्त पुनानो वाताप्य विश्वश्चन्द्रम् ।
 प्र वन्दितुरिन्दो तार्यार्युः प्रातर्मक्षू धियावसुर्जगम्यात् ५

(५१) एकपञ्चाशं सूक्तम्

(१-५) पञ्चर्चस्यास्य सूक्तस्याङ्गिरसः कण्व ऋषिः । पवमानः सोमो देवता ।

त्रिष्टुप् छन्दः

अधि यदस्मिन् वाजिनीव शुभः स्पर्धन्ते धियः सूर्ये न विशः ।
 अपो वृणानः पवते कवीयन् वृजं न पशवर्धनाय मन्म १
 द्विता व्यूर्णवन्नमृतस्य धाम स्वर्विदे भुवनानि प्रथन्त ।
 धियः पिन्वानाः स्वसरे न गाव ऋतायन्तीरभि वावश्च इन्दुम् २
 परि यत् कविः काव्या भरते शूरो न रथो भुवनानि विश्वा ।
 देवेषु यशो मर्ताय भूषन् दक्षाय रायः पुरुभूषु नव्यः ३
 श्रिये जातः श्रिय आ निरियाय श्रियं वर्यो जरितृभ्यो दधाति ।
 श्रियं वसाना अमृतत्वमायन् भवन्ति सत्या समिथा मितद्रौ ४
 इषमूर्जमभ्यर्षाश्वं गा मुरु ज्योतिः कृणुहि मत्सि देवान् ।
 विश्वानि हि सुषहा तानि तुभ्यं पवमान बाधसे सोम शत्रून् ५

(५२) द्विपञ्चाशं सूक्तम्

(१-५) पञ्चर्चस्यास्य सूक्तस्य काण्वः प्रस्कण्व ऋषिः । पवमानः सोमो देवता ।

त्रिष्टुप् छन्दः

कनिक्रन्ति हरिरा सृज्यमानः सीदन् वनस्य जठरै पुनानः ।
 नृभिर्यतः कृणुते निर्णिजं गा अतो मृतीर्जनयत स्वधाभिः १
 हरिः सृजानः पृथ्यामृतस्ये र्यति वाचमरितेव नार्वम् ।
 देवो देवानां गुह्यानि नामा ऽऽविष्करोति बर्हिषि प्रवाचै २

अपामिवेदूर्मयस्तर्तुराणाः प्र मनीषा ईरते सोममच्छ ।
 नमस्यन्तीरुप च यन्ति सं चा ऽऽ च विशन्त्युशतीरुशन्तम् ३
 तं मर्मज्ञानं महिषं न साना वंशं दुहन्त्युक्षणं गिरिष्ठाम् ।
 तं वावशानं मृतयः सचन्ते त्रितो बिभर्ति वरुणं समुद्रे ४
 इष्यन् वाचमुपवक्तेव होतुः पुनान इन्दो वि ष्या मनीषाम् ।
 इन्द्रश्च यत् क्षयथः सौभगाय सुवीर्यस्य पतयः स्याम ५

(५३) त्रिपञ्चाशं सूक्तम्

(१-२४) चतुर्विंशत्यृचस्यास्य सूक्तस्य दैवोदासिः प्रतर्दन ऋषिः । पवमानः सोमो
 देवता । त्रिष्टुप् छन्दः

प्र सैनानीः शूरो अग्रे रथानां गव्यन्नैति हर्षते अस्य सेना ।
 भद्रान् कृणवन्निन्द्रहवान् त्सर्विभ्य आ सोमो वस्त्रा रभसानि दत्ते १
 समस्य हरिं हरयो मृजन्त्य श्वह्यैरनिशितं नमोभिः ।
 आ तिष्ठति रथमिन्द्रस्य सखा विद्वाँ एना समुतिं यात्यच्छ २
 स नो देव देवताते पवस्व महे सोम प्सरस इन्द्रपानः ।
 कृणवन्नपो वर्षयन् द्यामुतेमा मुरोरा नो वरिवस्या पुनानः ३
 अजीतयेऽहतये पवस्व स्वस्तये सर्वतातये बृहते ।
 तदुशन्ति विश्व इमे सखायु स्तदहं वंश्मि पवमान सोम ४
 सोमः पवते जनिता मतीनां जनिता दिवो जनिता पृथिव्याः ।
 जनिताग्नेर्जनिता सूर्यस्य जनितेन्द्रस्य जनितोत विष्णोः ५
 ब्रह्मा देवानां पदवीः कवीना मृषिर्विप्राणां महिषो मृगाणाम् ।
 श्येनो गृध्राणां स्वर्धितिर्वनानां सोमः पवित्रमत्यैति रेभन् ६
 प्रावीविपद्वाच ऊर्मि न सिन्धु गिरः सोमः पवमानो मनीषाः ।
 अन्तः पश्यन् वृजनेमावरा रया तिष्ठति वृषभो गोषु जानन् ७
 स मत्सरः पृत्सु वन्वन्नवातः सहस्ररेता अभि वाजमर्ष ।
 इन्द्रायेन्द्रो पवमानो मनी ष्यंश्शोरूर्मिमीरय गा इष्यन् ८
 परि प्रियः कलशे देववात इन्द्राय सोमो रणयो मदाय ।
 सहस्रधारः शतवाज इन्दु वाजी न सप्तिः समना जिगाति ९
 स पूव्यो वसुविज्जायमानो मृजानो अप्सु दुदुहानो अद्रौ ।
 अभिशस्तिपा भुवनस्य राजा विदद्वातुं ब्रह्मणे पूयमानः १०

त्वया हि नः पितरः सोम पूर्वे कर्माणि चक्रुः पवमान धीराः ।
 वृन्वन्नवातः परिधीरपौरु वीरेभिरश्वैर्मघवा भवा नः ११
 यथापवथा मनवे वयोधा अमित्रहा वरिवोविद्धविष्मान् ।
 एवा पवस्व द्रविणं दधान इन्द्रे सं तिष्ठ जनयायुधानि १२
 पवस्व सोम मधुमाँ ऋतावा ऽपो वसानो अधि सानो अव्यै ।
 अव द्रोणानि घृतवान्ति सीद मदिन्तमो मत्सर इन्द्रपानः १३
 वृष्टिं दिवः शतधारः पवस्व सहस्रसा वाजयुर्देववीतौ ।
 सं सिन्धुभिः कलशै वावशानः समुस्त्रियाभिः प्रतिरन् न आयुः १४
 एष स्य सोमो मतिभिः पुनानो ऽत्यो न वाजी तरीदरातीः ।
 पयो न दुग्धमदितेरिषिर मुर्विव गातुः सुयमो न वोळ्हा १५
 स्वायुधः सोतृभिः पूयमानो ऽभ्यर्ष गुह्यं चारु नाम ।
 अभि वाजं सप्तिरिव श्रवस्या ऽभि वायुमभि गा देव सोम १६
 शिशुं जज्ञानं हर्यतं मृजन्ति शम्भन्ति वह्निं मरुतो गणेन ।
 कविर्गीर्भिः काव्येना कविः सन् त्सोमः पवित्रमत्यैति रेभन् १७
 ऋषिमना य ऋषिकृत् स्वर्षाः सहस्रणीथः पदवीः कवीनाम् ।
 तृतीयं धाम महिषः सिषासन् त्सोमो विराजमनु राजति षुप् १८
 चमूषच्छयेनः शकुनो विभृत्वा गोविन्दुर्द्रप्स आयुधानि बिभ्रत् ।
 अपामूर्मि सचमानः समुद्रं तुरीयं धाम महिषो विवक्ति १९
 मर्यो न शभ्रस्तन्वं मृजानो ऽत्यो न सृत्वा सनये धनानाम् ।
 वृषैव यूथा परि कोशमर्षन् कनिक्रदञ्चम्बोऽरा विवेश २०
 पवस्वेन्दो पवमानो महौभिः कनिक्रदत् परि वाराण्यर्ष ।
 क्रीळञ्चम्बोऽरा विश पूयमान इन्द्रं ते रसो मदिरो ममत्तु २१
 प्रास्य धारा बृहतीरसृग्र नृक्तो गोभिः कलशाँ आ विवेश ।
 सामं कृणवन् त्सामन्यौ विपश्चित् क्रन्दन्नेत्यभि सख्युर्न जामिम् २२
 अपघ्नन्नेषि पवमान शत्रून् प्रियां न जारो अभिगीत इन्दुः ।
 सीदन् वनेषु शकुनो न पत्वा सोमः पुनानः कलशेषु सत्ता २३
 आ ते रुचः पवमानस्य सोम योषैव यन्ति सुदुघाः सुधाराः ।
 हरिरानीतः पुरुवारो अप्स्व चिक्रदत् कलशै देवयूनाम् २४

(५४) चतुःपञ्चाशं सूक्तम्

(१-५८) अष्टपञ्चाशदृचस्यास्य सूक्तस्य (१-३) प्रथमादितृचस्य
मैत्रावरुणिर्वसिष्ठः, (४-६) चतुर्थ्यादितृचस्य वासिष्ठ इन्द्रप्रमतिः, (७-९)
सप्तम्यादितृचस्य वासिष्ठो वृषगणः, (१०-१२) दशम्यादितृचस्य वासिष्ठो मन्युः,
(१३-१५) त्रयोदश्यादितृचस्य वासिष्ठ उपमन्युः, (१६-१८) षोडश्यादितृचस्य
वासिष्ठो व्याघ्रपात्, (१९-२१) एकोनविंश्यादितृचस्य वासिष्ठः शक्तिः, (२२-
२४) द्वाविंश्यादितृचस्य वासिष्ठः कर्णश्रुत्, (२५-२७) पञ्चविंश्यादितृचस्य
वासिष्ठो मृळीकः, (२८-३०) अष्टाविंश्यादितृचस्य वासिष्ठो वसुक्रः, (३१-४४)
एकत्रिंश्यादिचतुर्दशर्चा शाक्त्यः पराशरः, (४५-५८)

पञ्चचत्वारिंश्यादिचतुर्दशानाञ्चाङ्गिरसः कुत्स ऋषयः । पवमानः सोमो देवता ।

त्रिष्टुप् छन्दः

अस्य प्रेषा हेमनां पूयमानो देवो देवेभिः समपृक्त रसम् ।
सुतः पवित्रं पर्येति रेभन् मितेव सद्यं पशमान्ति होता १
भद्रा वस्त्रा समन्याः वसानो महान् कविर्विचनानि शंसन् ।
आ वच्यस्व चम्बोः पूयमानो विचक्षणो जागृविर्देववीतौ २
समु प्रियो मृज्यते सानो अव्यै यशस्तरो यशसां क्षैतौ अस्मे ।
अभि स्वरं धन्वा पूयमानो यूयं पात स्वस्तिभिः सदा नः ३
प्र गायताभ्यर्चाम देवान् त्सोमं हिनोत महते धनाय ।
स्वादुः पवाते अति वारमव्य मा सीदाति कलशं देवयुनः ४
इन्दुर्देवानामुप सख्यमायन् त्सहस्रधारः पवते मदाय ।
नृभिः स्तवानो अनु धाम पूर्व मगन्निन्द्रं महते सौभगाय ५
स्तोत्रे राये हरिरर्षा पुनान इन्द्रं मदौ गच्छतु ते भराय ।
देवैर्याहि सरथं राधो अच्छा यूयं पात स्वस्तिभिः सदा नः ६
प्र काव्यमुशनैव ब्रुवाणो देवो देवानां जनिमा विवक्ति ।
महिब्रतः शुचिबन्धुः पावकः पदा वराहो अभ्येति रेभन् ७
प्र हंसासस्तृपलं मन्युमच्छा मादस्तं वृषगणा अयासुः ।
आङ्गूष्यं पवमानं सखायो दुर्मर्षं साकं प्र वदन्ति वाणम् ८
स रंहत उरुगायस्य जूतिं वृथा क्रीळन्तं मिमते न गावः ।
परीणसं कृणुते तिग्मशृङ्गो दिवा हरिर्ददृशे नक्तमृजः ९
इन्दुर्वाजी पवते गोन्यौघा इन्द्रे सोमः सह इन्वन् मदाय ।
हन्ति रक्षो बाधते पर्यराती वरिवः कृणवन् वृजनस्य राजा १०

अध धारया मध्वा पृचान स्तिरो रोम पवते अद्रिदुग्धः ।
 इन्दुरिन्द्रस्य सख्यं जुषाणो देवो देवस्य मत्सरो मदाय ११
 अभि प्रियाणि पवते पुनानो देवो देवान् त्वेन रसेन पृञ्चन् ।
 इन्दुर्धर्माण्यृतुथा वसानो दश क्षिपो अव्यत सानो अव्यै १२
 वृषा शोणो अभिकनिक्रदद्वा नदयन्नेति पृथिवीमुत द्याम् ।
 इन्द्रस्येव वगुरा शृणव आजौ प्रचेतयन्नर्षति वाचमेमाम् १३
 रसाय्यः पर्यसा पिन्वमान ईरयन्नेषि मधुमन्तमंशुम् ।
 पवमानः संतनिमेषि कृणव न्निन्द्राय सोम परिषिच्यमानः १४
 एवा पवस्व मदिरो मदायो दग्राभस्य नमयन् वधस्त्रैः ।
 परि वर्णं भरमाणो रुशन्तं गव्युनो अर्ष परि सोम सिक्तः १५
 जुष्टी न इन्दो सुपथा सुगान्युरौ पवस्व वरिवांसि कृणवन् ।
 घनेव विष्वग्दुरितानि विघ्न न्नधि ष्णुना धन्व सानो अव्यै १६
 वृष्टिं नो अर्ष दिव्यां जिगृबु मिळावतीं शंगयीं जीरदानुम् ।
 स्तुकेव वीता धन्वा विचिन्वन् बन्धूरिमां अवरां इन्दो वायून् १७
 ग्रन्थिं न वि ष्य ग्रथितं पुनान ऋजुं च गातुं वृजिनं च सोम ।
 अत्यो न क्रदो हरिरा सृजानो मर्यो देव धन्व पुस्त्यावान् १८
 जुष्टो मदाय देवतात इन्दो परि ष्णुना धन्व सानो अव्यै ।
 सहस्रधारः सुरभिरदब्धः परि स्त्रव वाजसातौ नृषह्यै १९
 अरश्मानो यैऽरथा अयुक्ता अत्यासो न संसृजानास आजौ ।
 एते शक्रासौ धन्वन्ति सोमा देवासस्तां उप याता पिबध्ये २०
 एवा न इन्दो अभि देववीतिं परि स्त्रव नभो अर्णश्चमूषु ।
 सोमो अस्मभ्यं काम्यं बृहन्तं रयिं ददातु वीरवन्तमुग्रम् २१
 तक्षद्यदी मनसो वेनतो वाग ज्येष्ठस्य वा धर्मणि क्षोरनीके ।
 आदीमायन् वरमा वावशाना जुष्टं पतिं कलशे गाव इन्दुम् २२
 प्र दानुदो दिव्यो दानुपिन्व ऋतमृताय पवते सुमेधाः ।
 धर्मा भुवद्वजन्त्यस्य राजा प्र रश्मिभिर्दशभिर्भारि भूम २३
 पवित्रैभिः पवमानो नृचक्षा राजा देवानामुत मर्त्यानाम् ।
 द्विता भुवद्रयिपती रयीणा मृतं भरत् सुभृतं चार्विन्दुः २४
 अवाँ इव श्रवसे सातिमच्छेन्द्रस्य वायोरभि वीतिमर्ष ।
 स नः सहस्रा बृहतीरिषोदा भवा सोम द्रविणोवित् पुनानः २५

दे॒वा॒व्यो नः परि॒षि॒च्यमा॑नाः क्षयं सु॒वीरं॑ धन्वन्तु सोमाः ।
 आ॒य॒ज्यवः॑ सु॒म॒तिं वि॒श्ववा॑रा हो॒ता॒रो न दि॒विय॑जौ म॒न्द्रत॑माः २६
 ए॒वा दे॒व दे॒वता॑ते प॒वस्व॑ म॒हे सोम॑ प्स॒रसे॑ दे॒वपा॑नः ।
 म॒हश्चि॑द्धि ष्मसिं हि॒ताः सं॒म॒र्ये कृ॒धि सु॑ष्ठाने रो॒दसी॑ पु॒नानः॑ २७
 अ॒श्चो न क्र॑दो वृष॒भिर्यु॑जानः सि॒ंहो न भी॑मो म॒नसो॑ ज॒र्वीया॑न् ।
 अ॒र्वा॒ची॒नैः प॒थि॒भिर्ये॑ रजि॒ष्ठा आ॑ प॒वस्व॑ सोम॒न॒सं न॑ इ॒न्दो २८
 श॒तं धा॑रा दे॒वजा॑ता असृ॒ग्रन् त्स॑ह॒स्त्रमे॑नाः क॒वयो॑ मृजन्ति ।
 इ॒न्दो स॒नि॒त्रं दि॒व आ॑ प॒वस्व॑ पु॒र॒ए॒तासि॑ मह॒तो ध॑न॒स्य २९
 दि॒वो न स॒र्गा अस॑सृ॒ग्रम॑ह्नां रा॒जा न मि॒त्रं प्र मि॑नाति धी॒रः ।
 पि॒तुर्न पु॒त्रः क्र॑तु॒भिर्यु॑तान आ॒ प॒वस्व॑ वि॒शे अ॒स्या अ॒र्जी॑तिम् ३०
 प्र ते॒ धा॒रा म॑धु॒मती॑रसृ॒ग्रन् वा॒रान् यत् पू॒तो अ॒त्ये॒ष्यव्या॑न् ।
 प॒र्वमा॑न् प॒र्वसे॑ धाम् गो॒नां ज॑ज्ञानः सू॒र्यम॑पि॒न्वो अ॒र्कैः ३१
 क॒निक्र॑द॒दनु॑ प॒नथा॑मृ॒तस्य॑ श॒क्रो वि॒ भा॑स्यमृ॒तस्य॑ धाम ।
 स इ॒न्द्राय॑ प॒वसे॑ म॒त्स॒रवा॑न् हि॒न्वा॒नो वाचं॑ म॒तिभिः॑ क॒वीना॑म् ३२
 दि॒व्यः सु॑प॒र्णोऽव॑ चक्षि सोम॒ पि॒न्वन् धा॒राः क॑र्म॒णा दे॒ववी॑तौ ।
 ए॒न्दो वि॒श क॑ल॒शं सोम॑धा॒नं क्र॑न्द॒न्निहि॑ सू॒र्यस्यो॑प॒ र॒श्मि॑म् ३३
 ति॒स्रो वाचं॑ ई॒रय॑ति प्र व॒ह्निं अ॒मृत॑स्य धी॒तिं ब्र॑ह्म॒णो म॑नीषाम् ।
 गा॒वो य॑न्ति गो॒प॒तिं पृ॑च्छ॒मा॒नाः सोमं॑ य॑न्ति म॒तयो॑ वा॒वशा॑नाः ३४
 सोमं॑ गा॒वो धे॒नवो॑ वा॒वशा॑नाः सोमं॑ वि॒प्रा म॒तिभिः॑ पृ॑च्छ॒मा॒नाः ।
 सोमः॑ सु॒तः पू॒यते॑ अ॒ज्यमा॑न् सोमै॑ अ॒र्कास्त्रि॑ष्टु॒भः सं न॑वन्ते ३५
 ए॒वा नः॑ सोम॒ परि॒षि॒च्यमा॑न् आ॒ प॒वस्व॑ पू॒यमा॑नः स्व॒स्ति ।
 इ॒न्द्रमा॑ वि॒श बृ॑ह॒ता र॒वैण॑ वृ॒ध्या वाचं॑ ज॒नया॑ पु॒रंधि॑म् ३६
 आ जा॒गृ॒वि॒र्वि॒प्र अ॒ता म॑ती॒नां सोमः॑ पु॒नानो॑ अस॒द॒द्यमू॑षु ।
 स॒प॒न्ति यं मि॑थु॒नासो॑ नि॒का॒मा अ॒ध्व॒र्यवो॑ र॒थि॒रासः॑ सु॒हस्ताः॑ ३७
 स पु॑नान उ॒प सू॑रे न धा॒तो भे॑ अ॒प्रा रो॒दसी॑ वि ष अ॒विः ।
 प्रि॒या चि॒द्यस्य॑ प्रि॒यसा॑सं ऊ॒ती स तू ध॑नं का॒रि॒णे न प्र॑र्यसत् ३८
 स व॑र्धिता व॒र्धनः॑ पू॒यमा॑न् सोमो॑ मी॒ढ्वाँ अ॒भि नो॑ ज्योतिषा॒वीत् ।
 ये॒ना नः॑ पू॒र्वे पि॒तरः॑ प॒द॒ज्ञाः स्व॒र्वि॒दो अ॒भि गा॑ अ॒द्रि॒मु॒ष्णन् ३९
 अ॒क्रान् त्स॑मु॒द्रः प्र॑थ॒मे वि॒ध॒र्मं ज्ञ॑नयन् प्र॒जा भु॑र्व॒नस्य॑ रा॒जा ।
 वृ॒षा प॒वि॒त्रे अ॒धि सा॑नो अ॒व्यै बृ॑हत् सोमो॑ वा॒वृधे॑ सु॒वान् इ॒न्दुः ४०

महत् तत् सोमो महिषश्चकाराऽपां यद्गर्भोऽवृणीत देवान् ।
 अर्द्धादिन्द्रे पर्वमान ओजोऽर्जनयत् सूर्ये ज्योतिरिन्दुः ४१
 मत्सि वायुमिष्टये राधसे च मत्सि मित्रावरुणा पूयमानः ।
 मत्सि शर्धो मारुतं मत्सि देवान् मत्सि द्यावापृथिवी देव सोम ४२
 ऋजुः पवस्व वृजिनस्य हन्ताऽपामीवां बाधमानो मृधश्च ।
 अभिश्रीणन् पयः पर्यसाभि गोनामिन्द्रस्य त्वं तव वयं सखायः ४३
 मध्वः सूर्द पवस्व वस्व उत्स वीरं च न आ पवस्वा भगं च ।
 स्वदस्वेन्द्राय पर्वमान इन्दो रयिं च न आ पवस्वा समुद्रात् ४४
 सोमः सुतो धारयात्यो न हित्वा सिन्धुर्न निम्नमभि वाज्यक्षाः ।
 आ योनिं वन्यमसदत् पुनानः समिन्दुर्गोभिरसरत् समद्भिः ४५
 एष स्य तै पवत इन्द्र सोमश्चमूषु धीर उशते तवस्वान् ।
 स्वर्चक्षा रथिरः सत्यशुष्मः कामो न यो देवयतामसर्जि ४६
 एष प्रबेन वर्यसा पुनान स्तिरो वर्षासि दुहितुर्दधानः ।
 वसानः शर्म त्रिवरूथमप्सु होतैव याति समनेषु रेभन् ४७
 नू नस्त्वं रथिरो देव सोम परि स्रव चम्बोः पूयमानः ।
 अप्सु स्वादिष्टो मधुमाँ ऋतावा देवो न यः सेविता सत्यमन्मा ४८
 अभि वायुं वीत्यर्षा गृणानोऽभि मित्रावरुणा पूयमानः ।
 अभी नरं धीजर्वनं रथेष्टा मभीन्द्रं वृषणं वज्रबाहुम् ४९
 अभि वस्त्रा सुवसनान्यर्षाऽभि धेनूः सुदुघाः पूयमानः ।
 अभि चन्द्रा भर्तवे नो हिरण्याऽभ्यश्चान् रथिनो देव सोम ५०
 अभी नो अर्ष दिव्या वसू न्यभि विश्वा पार्थिवा पूयमानः ।
 अभि येन द्रविणमुश्नवामाऽभ्यार्षेयं जमदग्निवर्तः ५१
 अया पवा पवस्वैना वसूनि माँश्चत्व इन्दो सरसि प्र धन्व ।
 ब्रध्नश्चिदत्र वातो न जूतः पुरुमेधश्चित् तर्कवे नरं दात् ५२
 उत न एना पवया पवस्वाऽधि श्रुते श्रवाय्यस्य तीर्थे ।
 षष्टिं सहस्रा नैगुतो वसूनि वृक्षं न पक्वं धूनवद्रणाय ५३
 महीमे अस्य वृषनाम शूषे माँश्चत्वे वा पृशने वा वधत्रे ।
 अस्वापयन्निगुतः स्नेहयुद्धाऽपामित्राँ अपाचितौ अचेतः ५४
 सं त्री पवित्रा विततान्येष्य न्वेकं धावसि पूयमानः ।
 असि भगो असि दात्रस्य दाताऽसि मघवा मघवद्भ्य इन्दो ५५

एष विश्ववित् पवते मनीषी सोमो विश्वस्य भुवनस्य राजा ।
 द्रप्साँ ईरयेन् विदथेष्विन्दुर्वि वारमव्यं समयाति याति ५६
 इन्दुं रिहन्ति महिषा अदब्धाः पदे रैभन्ति कवयो न गृध्राः ।
 हिन्वन्ति धीरा दशभिः क्षिपाभिः समञ्जते रूपमुपां रसेन ५७
 त्वया वयं पवमानेन सोम भरे कृतं वि चिनुयाम शश्वत् ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ५८

(५५) पञ्चपञ्चाशं सूक्तम्

(१-१२) द्वादशर्चस्यास्य सूक्तस्य वार्षागिरोऽम्बरीषो भारद्वाज ऋजिश्वा च ऋषी ।
 पवमानः सोमो देवता । (१-१०, १२) प्रथमादिदशर्चा द्वादश्याश्चानुष्टुप्, (११)
 एकादश्याश्च बृहती छन्दसी

अभि नो वाजसातमं रयिमर्ष पुरुस्पृहम् ।
 इन्दो सहस्रभर्णसं तुविद्युम्रं विभ्वासहम् १
 परि ष्य सुवानो अव्ययं रथे न वर्माव्यत ।
 इन्दुरभि दुणा हितो हियानो धाराभिरक्षाः २
 परि ष्य सुवानो अक्षा इन्दुरव्ये मदच्युतः ।
 धारा य ऊर्ध्वो अध्वरे भ्राजा नैति गव्ययुः ३
 स हि त्वं देव शश्वते वसु मर्ताय दाशुषे ।
 इन्दो सहस्रिणं रयिं शतात्मानं विवाससि ४
 वयं ते अस्य वृत्रहन् वसो वस्वः पुरुस्पृहः ।
 नि नेदिष्ठतमा इषः स्याम सुम्रस्याधिगो ५
 द्विर्यं पञ्च स्वयंशसं स्वसारो अद्रिसंहतम् ।
 प्रियमिन्द्रस्य काम्यं प्रस्त्रापयन्त्यूर्मिणम् ६
 परि त्यं हर्यतं हरिं बभ्रुं पुनन्ति वारैण ।
 यो देवान् विश्वाँ इत् परि मदैन सह गच्छति ७
 अस्य वो ह्यवसा पान्तो दक्षसार्धनम् ।
 यः सूरिषु श्रवो बृहद् दधे स्वर्णं हर्यतः ८
 स वो युज्ञेषु मानवी इन्दुर्जनिष्ट रोदसी ।
 देवो देवी गिरिष्ठा अस्त्रैधन् तं तुविष्वणि ९
 इन्द्राय सोम पातवे वृत्रघ्ने परि षिच्यसे ।

नरै च दक्षिणावते देवाय सद्नासदे १०
 ते प्रत्नासो व्युष्टिषु सोमाः पवित्रै अक्षरन् ।
 अपप्रोथन्तः सनुतर्हुरश्चितः प्रातस्ताँ अप्रचेतसः ११
 तं संखायः पुरोरुचं यूयं वयं च सूरयः ।
 अश्याम् वाजगन्ध्यां सनेम् वाजपस्त्यम् १२

(५६) षट्पञ्चाशं सूक्तम्

(१-८) अष्टर्चस्यास्य सूक्तस्य काश्यपौ रेभसून् ऋषी । पवमानः सोमो देवता ।

(१) प्रथमर्चो बृहती, (२-८) द्वितीयादिसप्तानाञ्चानुष्टुप् छन्दसी

आ हर्यताय धृष्णवे धनुस्तन्वन्ति पौंस्यम् ।
 शुक्रां वयन्त्यसुराय निर्णिजं विपामग्रे महीयुवः १
 अधं क्षपा परिष्कृतो वाजाँ अभि प्र गाहते ।
 यदी विवस्वतो धियो हरिं हिन्वन्ति यातवे २
 तमस्य मर्जयामसि मदो य इन्द्रपातमः ।
 यं गावँ आसभिर्दधुः पुरा नूनं च सूरयः ३
 तं गार्थया पुराणया पुनानमभ्यनूषत ।
 उतो कृपन्त धीतयौ देवानां नाम बिभ्रतीः ४
 तमुक्षमाणमव्यये वारं पुनन्ति धर्णसिम् ।
 दूतं न पूर्वचित्तय आ शासते मनीषिणः ५
 स पुनानो मदिन्तमः सोमश्चमूषु सीदति ।
 पशौ न रेत आदधत् पतिर्वचस्यते धियः ६
 स मृज्यते सुकर्मभिर्देवो देवेभ्यः सुतः ।
 विदे यदासु संददिर्महीरपो वि गाहते ७
 सुत इन्द्रो पवित्र आ नृभिर्यतो वि नीयसे ।
 इन्द्राय मत्सरिन्तमश्चमूष्वा नि षीदसि ८

(५७) सप्तपञ्चाशं सूक्तम्

(१-६) नवर्चस्यास्य सूक्तस्य काश्यपौ रेभसून् ऋषी । पवमानः सोमो देवता ।

अनुष्टुप् छन्दः

अभी नवन्ते अद्रुहः प्रियमिन्द्रस्य काम्यम् ।

वृत्सं न पूर्वं आयुनि जातं रिहन्ति मातरः १
 पुनान इन्द्रवा भर सोमं द्विबर्हसं रयिम् ।
 त्वं वसूनि पुष्यसि विश्वानि दाशुषौ गृहे २
 त्वं धियं मनोयुजं सृजा वृष्टिं न तन्यतुः ।
 त्वं वसूनि पार्थिवा दिव्या च सोम पुष्यसि ३
 परि ते जिग्युषौ यथा धारा सुतस्य धावति ।
 रंहमाणा व्यव्ययं वारं वाजीवं सानसिः ४
 क्रत्वे दक्षाय नः कवे पर्वस्व सोम धारया ।
 इन्द्राय पातवे सुतो मित्राय वरुणाय च ५
 पर्वस्व वाजसातमः पवित्रे धारया सुतः ।
 इन्द्राय सोम विष्णावे देवेभ्यो मधुमत्तमः ६
 त्वां रिहन्ति मातरो हरिं पवित्रे अद्भुहः ।
 वृत्सं जातं न धेनवः पर्वमान विधर्मणि ७
 पर्वमान महि श्रवं श्वित्रेभिर्यासि रश्मिभिः ।
 शर्धन् तमांसि जिघ्रसे विश्वानि दाशुषौ गृहे ८
 त्वं द्यां च महिव्रत पृथिवीं चाति जभ्रिषे ।
 प्रति द्रापिममुञ्चथाः पर्वमान महित्वना ९

पञ्चमोऽध्यायः

व० १-३३ ।

(५८) अष्टपञ्चाशं सूक्तम्

(१-१६) षोडशर्चस्यास्य सूक्तस्य (१-३) प्रथमादितृचस्य श्यावाश्विरन्धीगुः,
 (४-६) चतुर्थ्यादितृचस्य नाहुषो ययाति, (७-९) सप्तम्यादितृचस्य राजर्षिर्मानवो
 नहूषः, (१०-१२) दशम्यादितृचस्य सांवरणो मनुः, (१३-१६)
 त्रयोदश्यादिचतुर्नृचस्य च वैश्वामित्रो वाच्यो वा प्रजापतिर्ऋषयः । पर्वमानः सोमो
 देवता । (१, ४-१६) प्रथमर्चश्चतुर्थ्यादित्रयोदशानाञ्चानुष्टुप्, (२-३)
 द्वितीयातृतीययोश्च गायत्री छन्दसी

पुरोजिती वो अन्धसः सुताय मादयिबवे ।
 अप्र श्वानं शनथिष्टन् सखायो दीर्घजिह्वयम् १
 यो धारया पावकया परिप्रस्यन्दते सुतः । इन्दुरश्वो न कृत्व्यः २

तं दुरोषमभी नरः सोमं विश्वाच्या धिया । यज्ञं हिन्वन्त्यद्रिभिः ३
 सुतासो मधुमत्तमाः सोमा इन्द्राय मन्दिनः ।
 पवित्रवन्तो अक्षरन् देवान् गच्छन्तु वो मदाः ४
 इन्दुरिन्द्राय पवतु इति देवासौ अब्रुवन् ।
 वाचस्पतिर्मखस्यते विश्वस्येशान् ओजसा ५
 सहस्रधारः पवते समुद्रो वाचमीड्वयः ।
 सोमः पती रयीणां सखेन्द्रस्य दिवेदिवे ६
 अयं पूषा रयिर्भगुः सोमः पुनानो अर्षति ।
 पतिर्विश्वस्य भूमनो व्यख्यद्रोदसी उभे ७
 समु प्रिया अनूषतु गावो मदाय घृष्वयः ।
 सोमासः कृणवते पथः पवमानास इन्दवः ८
 य ओजिष्ठस्तमा भर पवमान श्रवाय्यम् ।
 यः पञ्च चर्षणीरभि रयिं येन वनामहै ९
 सोमाः पवन्त इन्दवो ऽस्मभ्यं गातुवित्तमाः ।
 मित्राः सुवाना अरेपसः स्वाध्यः स्वर्विदः १०
 सुष्वाणासो व्यद्रिभिश्चिताना गोरधि त्वचि ।
 इषमस्मभ्यमभितुः समस्वरन् वसुविदः ११
 एते पूता विपश्चितुः सोमासो दध्याशिरः ।
 सूर्यासो न दर्शतासौ जिगत्तवौ ध्रुवा घृते १२
 प्र सुन्वानस्यान्धसो मर्तो न वृतु तद्वर्चः ।
 अप श्वानमराधसं हुता मुखं न भृगवः १३
 आ जामिरत्कै अव्यत भुजे न पुत्र ओण्यौः ।
 सरज्जारो न योषणां वरो न योनिमासदम् १४
 स वीरो दक्षसाधनो वि यस्तस्तम्भ रोदसी ।
 हरिः पवित्रै अव्यत वेधा न योनिमासदम् १५
 अव्यो वारैभिः पवते सोमो गव्ये अधि त्वचि ।
 कर्निक्रदद्वृषा हरि रिन्द्रस्याभ्येति निष्कृतम् १६

(५६) एकोनषष्टितमं सूक्तम्

(१-८) अष्टर्चस्यास्य सूक्तस्याप्तयस्त्रित ऋषिः । पवमानः सोमो देवता ।

उष्णिक छन्दः

क्रा॒णा शि॒शुर्म॒हीनां॑ हि॒न्व॒नृ॒तस्य॑ दी॒धि॒तिम् । वि॒श्वा परि॑ प्रि॒या भु॒व॒दध॑ द्वि॒ता १
 उप॑ त्रि॒तस्य॑ पा॒ष्यो॒ऽर॒भ॒क्त॒ यद्गु॒हा प॒दम् । यु॒ज्ञस्य॑ स॒प्त धाम॑भि॒रध॑ प्रि॒यम् २
 त्रीणि॑ त्रि॒तस्य॑ धा॒र॒या पृ॒ष्ठेष्वे॒र॒या र॒यिम् । मि॒मी॒ते अ॒स्य यो॒ज॒ना वि सु॒क्रतुः॑ ३
 ज॒ज्ञानं॑ स॒प्त मा॒तरौ वे॒धाम॑शासत श्रि॒ये । अ॒यं ध्रु॒वो र॒यीणां॑ चि॒कै॒त॒ यत् ४
 अ॒स्य वृ॒ते स॒जोष॑सो वि॒श्वे दे॒वासौ अ॒द्गुहः॑ । स्पा॒र्हा भ॑वन्ति रन्त॒यो जु॑षन्त॒ यत् ५
 यमी॑ गर्भ॒मृता॒वृधौ॑ दृ॒शे चा॒रुम॑जी॒जनन् । क॒विं मं॑हि॒ष्ठम॒ध्वरे पु॑रु॒स्पृह॑म् ६
 स॒मी॒ची॒ने अ॒भि त्म॑ना॒ य॒ही अ॒तस्य॑ मा॒तरा॑ । त॒न्वा॒ना यु॒ज्ञमा॑नुष॒गय॑द॒ञ्जते॑ ७
 क्र॒त्वा शु॒क्रेभि॑र॒क्षभि॑र्ऋ॒णो॒रप॑ वृ॒जं दि॒वः । हि॒न्व॒नृ॒तस्य॑ दी॒धि॒तिं प्रा॒ध्वरे॑ ८

(६०) षष्टितमं सूक्तम्

(१-६) षडृचस्यास्य सूक्तस्याप्तचस्त्रित ऋषिः । पवमानः सोमो देवता ।

उष्णिक छन्दः

प्र पु॒ना॒नाय॑ वे॒धसे॑ सोमा॒य व॒च उ॒द्य॑तम् । भृ॒तिं न भ॑रा म॒तिभि॑र्जु॒जोष॑ते १
 परि॑ वा॒रा॒ण्य॒व्यया॑ गो॒भि॒रञ्ज॑नो अ॒र्षति॑ । त्री॑ ष॒धस्था॑ पु॒नानः॑ कृ॒णु॒ते ह॑रिः २
 परि॑ को॒शं म॑धु॒श्चु॒तं म॒व्यये॑ वा॒रे अ॒र्षति॑ । अ॒भि वा॒णीर्ऋ॒षीणां॑ स॒प्त नू॑षत ३
 परि॑ शे॒ता म॑ती॒नां वि॒श्वदे॑वो अ॒दा॒भ्यः । सोमः॑ पु॒नान॑श्च॒म्वोर्वि॑श॒द्धरिः॑ ४
 परि॑ दै॒वीर॑नु॒स्व॒धा इ॒न्द्रेण॑ याहि स॒रथ॑म् । पु॒नानो॑ वा॒घद्वा॒घद्भि॑रम॒र्त्यः ५
 परि॑ स॒मि॒र्न वा॑ज॒युर्दे॒वो दे॒वेभ्यः॑ सु॒तः । व्या॒न॒शिः प॑व॒मानो॑ वि धा॒वति॑ ६

(६१) एकषष्टितमं सूक्तम्

(१-६) षडृचस्यास्य सूक्तस्य काण्वौ पर्वतनारदौ काश्यप्यौ शिखण्डिन्यावप्सरसौ वा ऋषिके । पवमानः सोमो देवता । उष्णिक छन्दः

सखा॑य॒ आ नि॑ षी॒दत॑ पु॒ना॒नाय॑ प्र गा॒यत॑ । शि॒शं न यु॒ज्ञैः परि॑ भूषत श्रि॒ये १
 समी॑ वृ॒त्सं न मा॒तृभिः॑ सृ॒जता॑ ग॒यसा॑र्धनम् । दे॒वा॒व्यं॑ म॒दम॑भि॒ द्वि॒श॒वसम्॑ २
 पु॒नाता॑ द॒क्षसा॑र्धनं॒ यथा॑ श॒र्धाय॑ वी॒तयै॑ । यथा॑ मि॒त्राय॑ वरु॒णाय॑ श॒न्तमः॑ ३

अस्मभ्यं त्वा वसुविदं म॒भि वा॒णीर॒नूष॑त । गोभि॑ष्टे वर्ण॑म॒भि वा॑सयामसि
४

स नो॑ म॒दानां प॒तु इ॒न्दो दे॒वप्स॑रा असि । सखै॑व॒ सख्ये॑ गातुवित्त॑मो भव ५
सने॑मि कृ॒ध्य॑स्म॒दा र॒क्ष॑सं कं चि॒द॒त्रि॑णम् । अपा॑दै॒वं द्रु॒युम॑न्हौ युयोधि नः ६

(६२) द्विषष्टितमं सूक्तम्

(१-६) षडृचस्यास्य सूक्तस्य काण्वौ पर्वतनारदावृषी । पवमानः सोमो देवता ।

उष्णिक् छन्दः

तं वः॑ सखा॒यो म॒दाय॑ पु॒नान॑म॒भि गा॑यत । शिशं॑ न यु॒ज्ञैः स्व॑दयन्त गूर्ति॑भिः
१

सं वृ॒त्स इ॒व मा॒तृभि॑ रि॒न्दुर्हि॒न्वा॒नो अ॑ज्यते । दे॒वा॒वी॒र्मदो॑ म॒तिभिः॑ परि॑ष्कृतः
२

अ॒यं द॒क्षा॒य सा॒ध॒नो ऽयं॑ श॒र्धा॒य वी॒तये॑ । अ॒यं दे॒वेभ्यो॑ म॒धुम॑त्तमः सु॒तः ३
गोम॑न्न इ॒न्दो अ॒श्वव॑त् सु॒तः सु॑द॒क्ष ध॒न्व । शुचि॑ ते वर्ण॑म॒धि गो॑षु दी॒धर॑म् ४
स नो॑ हरी॒णां प॒तु इ॒न्दो दे॒वप्स॑रस्तमः । सखै॑व॒ सख्ये॑ नयो॒ रुचे॑ भव ५
सने॑मि त्वम॒स्मदाँ॑ अ॒दै॒वं कं चि॒द॒त्रि॑णम् । सा॒ह्याँ इ॒न्दो परि॑ बा॒धो अप॑ द्रु॒युम्
६

(६३) त्रिषष्टितमं सूक्तम्

(१-१४) चतुर्दशर्चस्यास्य सूक्तस्य (१-३, १०-१४) प्रथमादितृचस्य
दशम्यादिपञ्चानाञ्च चाक्षुषोऽग्निः, (४-६) चतुर्थ्यादितृचस्य मानवश्चक्षुः, (७-९)
सप्तम्यादितृचस्य चाप्सवो मनुर्ऋषयः । पवमानः सोमो देवता । उष्णिक् छन्दः
इ॒न्द्रम॑च्छं सु॒ता इ॒मे वृ॑ष॒णं य॑न्तु ह॒रयः॑ । श्रु॒ष्टी जा॒तास॑ इ॒न्दवः॑ स्व॒र्विदः॑ १
अ॒यं भ॑रा॒य सा॒न॒सि रि॒न्द्राय॑ पवते सु॒तः । सोमो॑ जै॒त्रस्य॑ चेतति॒ यथा॑ वि॒दे
२

अ॒स्येदि॑न्द्रो म॒देष्वा॑ ग्रा॒भं गृ॑भीत सान॒सिम् । वज्रं॑ च॒ वृष॑णं भ॒रत्
सम॑प्सुजित् ३

प्र ध॑न्वा सोम॒ जागृ॑वि रि॒न्द्राये॑न्द्रो परि॑ स्रव । द्युम॑न्तं शु॒ष्ममा॑ भ॒रा
स्व॒र्विद॑म् ४

इ॒न्द्राय॑ वृष॒णं म॒दं प॑र्वस्व वि॒श्वदर्श॑तः । स॒हस्र॑यामा पथि॒कृद्वि॑च॒क्ष॒णः ५

अस्मभ्यं गातुवित्तमो देवेभ्यो मधुमत्तमः । सहस्रं याहि पृथिभिः कर्निक्रदत्
 ६
 पवस्व देववीतय इन्द्रो धाराभिरोजसा । आ कलशं मधुमान् त्सोम नः सदः
 ७
 तव द्रप्सा उदप्रुत इन्द्रं मदाय वावृधुः । त्वां देवासो अमृताय कं पपुः ८
 आ नः सुतास इन्द्रवः पुनाना धावता रयिम् । वृष्टिद्यावो रीत्यापः स्वर्विदः
 ९
 सोमः पुनान ऊर्मिणा ऽव्यो वारं वि धावति । अग्रे वाचः पवमानः
 कर्निक्रदत् १०
 धीभिर्हिन्वन्ति वाजिनं वने क्रीळन्तमत्यविम् । अभि त्रिपृष्ठं मृतयुः
 समस्वरन् ११
 असर्जि कलशाँ अभि मीळहे सप्तिर्न वाजयुः । पुनानो वाचं जनयन्नसिष्य-
 दत् १२
 पवते हर्यतो हरिरति हरांसि रंह्या । अभ्यर्षन् त्सोतृभ्यो वीरवृद्यशः १३
 अया पवस्व देवयुर्मधोधारा असृक्षत । रेभन् पवित्रं पर्येषि विश्वतः १४

(६४) चतुःषष्टितमं सूक्तम्

(१-२६) षड्विंशत्यृचस्यास्य सूक्तस्य बार्हस्पत्यो भरद्वाजः, मारीचः कश्यपः,
 राहूगणो गोतमः, भौमोऽत्रिः, गाथिनो विश्वामित्रः, भार्गवो जमदग्निः,
 मैत्रावरुणिर्वसिष्ठश्च सप्तर्षयः । पवमानः सोमो देवता । (१-२, ४-७, १०-१५,
 १७-२६) प्रथमाद्वितीययोर्ऋचोश्चतुर्थ्यादिचतसृणां दशम्यादिषण्णां
 सप्तदश्यादिदशानाञ्च प्रगाथः ((१, ४, ६, १०, १२, १४, १७, १९, २१, २३, २५)
 प्रथमाचतुर्थीषष्ठीदशमीद्वादशीचतुर्दशीसप्तदश्येकोनविंश्येकविंशीत्रयोविंशीपञ्चविंशी
 नां बृहती, (२, ५, ७, ११, १३, १५, १८, २०, २२, २४, २६)
 द्वितीयापञ्चमीसप्तम्येकादशीत्रयोदशीपञ्चदश्यष्टादशीविंशीद्वाविंशीचतुर्विंशीषड्विंशी
 नां सतोबृहती), (३) तृतीयाया भुरिग्विराड् द्विपदा (८-९) अष्टमीनवम्योर्बृहती,
 (१६) षोडश्याश्च द्विपदा विराट् छन्दांसि

परीतो षिञ्चता सुतं सोमो य उत्तमं हविः ।

दधन्वाँ यो नर्यो अप्स्वश्न्तरा सुषाव सोममद्रिभिः १

नूनं पुनानोऽविभिः परि स्रवाऽदब्धः सुरभितरः ।

सुते चित् त्वाप्सु मदामो अन्धसा श्रीणन्तो गोभिरुत्तरम् २

परि सुवानश्चक्षसे देवमादन्ः क्रतुरिन्दुर्विचक्ष्णः ३
 पुनानः सौम धारया ऽपो वसानो अर्षसि ।
 आ रत्नधा योनिमृतस्य सीदु स्युत्सौ देव हिरण्ययः ४
 दुहान ऊर्धर्दिव्यं मधु प्रियं प्रत्नं सधस्थमासदत् ।
 आपृच्छयं धरुणं वाज्यर्षति नृभिर्धूतो विचक्ष्णः ५
 पुनानः सौम जागृवि रव्यो वारे परि प्रियः ।
 त्वं विप्रो अभवोऽङ्गिरस्तमो मध्वा यज्ञं मिमिक्ष नः ६
 सोमो मीढ्वान् पवते गातुवित्तम् ऋषिर्विप्रो विचक्ष्णः ।
 त्वं कविरभवो देववीतम् आ सूर्यं रोहयो दिवि ७
 सोम उ षुवाणः सोतृभिरधि ष्णुभिरवीनाम् ।
 अश्वयेव हरिता याति धारया मन्द्रया याति धारया ८
 अनूपे गोमान् गोभिरक्षाः सोमो दुग्धाभिरक्षाः ।
 समुद्रं न संवरणान्यगमन् मन्दी मदाय तोशते ९
 आ सौम सुवानो अद्रिभिस्तिरो वाराण्यव्यया ।
 जनो न पुरि चम्बोर्विशद्भरिः सदो वनेषु दधिषे १०
 स मांमृजे तिरो अगवानि मेष्यो मीळ्हे सप्तिर्न वाजयुः ।
 अनुमाद्यः पर्वमानो मनीषिभिः सोमो विप्रैभिर्ऋक्वभिः ११
 प्र सौम देववीतये सिन्धुर्न पिप्ये अर्णसा ।
 अंशोः पर्यसा मदिरो न जागृविरच्छा कोशं मधुश्चुतम् १२
 आ हर्यतो अर्जुने अत्के अव्यत प्रियः सूनुर्न मर्ज्यः ।
 तमीं हिन्वन्त्यपसो यथा रथं नदीष्वा गर्भस्त्योः १३
 अभि सोमास आयवः पर्वन्ते मद्यं मदम् ।
 समुद्रस्याधि विष्टपि मनीषिणो मत्सरासः स्वर्विदः १४
 तर्तु समुद्रं पर्वमान ऊर्मिणा राजा देव ऋतं बृहत् ।
 अर्षन्मित्रस्य वरुणस्य धर्मणा प्र हिन्वान ऋतं बृहत् १५
 नृभिर्येमानो हर्यतो विचक्ष्णो राजा देवः समुद्रियः १६
 इन्द्राय पवते मदः सोमो मरुत्वन्ते सुतः ।
 सहस्रधारो अत्यव्यमर्षति तमीं मृजन्त्यायवः १७
 पुनानश्चमू जनयन् मतिं कविः सोमो देवेषु रणयति ।
 अपो वसानः परि गोभिरुत्तरः सीदन् वनेष्वव्यत १८

तवा॒हं सोम॑ रा॒रण॒ स॒ख्य इ॒न्दो दि॒वेदि॒वे ।
 पु॒रू॒णि ब॒भ्रो नि च॑रन्ति॒ मामव॑ परि॒धीर॑न्ति ताँ इ॒हि १९
 उ॒ताहं॑ नक्त॒मुत॑ सोम॒ ते दि॒वा स॒ख्याय॑ बभ्र॒ ऊ॒र्धनि॑ ।
 घृ॒णा तप॑न्त॒मति॑ सूर्यं॒ पुरः॑ श॒कुना॑ इव॒ पप्ति॑म २०
 मृ॒ज्यमा॑नः सु॒हस्त्य॑ समु॒द्रे वाच॑मिन्वसि ।
 र॒यिं पि॒शङ्गं॑ बहु॒लं पु॒रु॒स्पृ॒हं पव॑माना॒भ्यर्ष॑सि २१
 मृ॒ज्ञानो॑ वा॒रे पव॑मानो अ॒व्यये॑ वृषा॒व चक्र॑दो वने ।
 दे॒वानां॑ सोम॒ पव॑मान॒ निष्कृ॑तं गो॒भिर॒ञ्जानो॑ अ॒र्षसि॑ २२
 पव॑स्व॒ वाज॑सातये॒ ऽभि वि॒श्वानि॑ का॒व्या ।
 त्वं स॑मु॒द्रं प्र॑थ॒मो वि धा॑रयो दे॒वेभ्यः॑ सोम॒ मत्स॑रः २३
 स तू॒ पव॑स्व॒ परि॑ पा॒र्थिवं॑ रजौ दि॒व्या च॑ सोम॒ धर्म॑भिः ।
 त्वां वि॒प्रांसो॑ म॒तिभिर्वि॑चक्ष॒ण श॒भ्रं हि॑न्वन्ति धी॒तिभिः॑ २४
 पव॑माना अ॒सृक्ष॑त॒ पवि॑त्र॒मति॑ धा॒रया॑ ।
 म॒रुत्व॑न्तो मत्स॒रा इ॒न्द्रिया॑ ह॒या मे॒धाम॑भि प्र॒यासि॑ च २५
 अ॒पो वसा॑नः॒ परि॑ को॒शम॑र्ष॒तीन्दु॑र्हिया॒नः सो॒तृभिः॑ ।
 ज॒नय॑ञ्ज॒योर्ति॑र्म॒न्दना॑ अ॒वीव॑शद् गाः कृ॒णवा॑नो न नि॒र्णिज॑म् २६

(६५) पञ्चषष्टितमं सूक्तम्

(१-१६) षोडशर्चस्यास्य सूक्तस्य (१-२) प्रथमाद्वितीययोर्ऋचोः शाक्त्यो
 गौरिवीतिः, (३, १४-१६) तृतीयायाश्चतुर्दश्यादितृचस्य च वासिष्ठः शक्तिः, (४-
 ५) चतुर्थीपञ्चम्योराङ्गिरस ऊरुः, (६-७) षष्ठीसप्तम्योर्भारद्वाज ऋजिश्वा, (८-९)
 अष्टमीनवम्योराङ्गिरस ऊर्ध्वसद्या, (१०-११) दशम्येकादशयोराङ्गिरसः कृतयशाः,
 (१२-१३) द्वादशीत्रयोदशयोश्च राजर्षिऋणञ्चय ऋषयः । पवमानः सोमो देवता ।

काकुभः प्रगाथः (विषमर्चा ककुप्, समर्चा सतोबृहती), (१३) त्रयोदश्या
 यवमध्या गायत्री छन्दः

पव॑स्व॒ मधु॑मत्त॒म इन्द्रा॑य सोम॒ क्रतु॑वित्त॒मो मदः॑ ।
 महि॑ द्यु॒क्षत॑मो मदः १
 यस्य॑ ते पी॒त्वा वृष॑भो वृषा॒यते॑ ऽस्य पी॒ता स्व॑र्विदः ।
 स सु॒प्रकै॑तो अ॒भ्यक्र॑मी॒दिषो॑ ऽच्छा॒ वाजं॑ नैत॒शः २
 त्वं ह्य॒श्ङ्गं॑ दै॒व्या पव॑मान॒ जनि॑मानि द्यु॒मत्त॑मः । अ॒मृत॑त्वाय॒ घोष॑यः ३

येना नवंग्वो दध्यङ्ङपोरुते येन विप्रांस आपिरे ।
 देवानां सुप्ते अमृतस्य चारुणो येन श्रवास्यानुशः ४
 एष स्य धारया सुतो ऽव्यो वारैभिः पवते मदिन्तमः । क्रीळन्नूर्मिरपामिव ५
 य उस्त्रिया अप्या अन्तरश्मनो निर्गा अकृन्तदोजसा ।
 अभि वृजं तत्तिषे गव्यमश्वयं वर्मीव धृष्णावा रुज ६
 आ सौता परि षिञ्चताऽश्वं न स्तोममसुरं रजस्तुरम् । वनक्रक्षमुदप्रुतम् ७
 सहस्रधारं वृषभं पयोवृधं प्रियं देवाय जन्मने ।
 ऋतेन य ऋतजातो विवावृधे राजा देव ऋतं बृहत् ८
 अभि द्युम्रं बृहद्यश इषस्पते दिदीहि दैव देवयुः । वि कोशं मध्यमं युव ९
 आ वच्यस्व सुदक्ष चम्बोः सुतो विशां वह्निर्न विशपतिः ।
 वृष्टिं दिवः पवस्व रीतिमुपां जिन्वा गविष्टये धिर्यः १०
 एतमु त्यं मदच्युतं सहस्रधारं वृषभं दिवो दुहः । विश्वा वसूनि बिभ्रतम् ११
 वृषा वि जज्ञे जनयन्नमर्त्यः प्रतपञ्जयोतिषा तमः ।
 स सुष्टुतः कविभिर्निर्णिजं दधे त्रिधात्वस्य दंससा १२
 स सुन्वे यो वसूनां यो रायामानेता य इळानाम् । सोमो यः सुक्षित्तीनाम्
 १३
 यस्य न इन्द्रः पिबाद्यस्य मरुतो यस्य वार्यमणा भगः ।
 आ येन मित्रावरुणा करामह एन्द्रमवसे महे १४
 इन्द्राय सोम पातवे नृभिर्यतः स्वायुधो मदिन्तमः । पवस्व मधुमत्तमः १५
 इन्द्रस्य हार्दि सोमधानमा विश समुद्रमिव सिन्धवः ।
 जुष्टो मित्राय वरुणाय वायवे दिवो विष्टम्भ उत्तमः १६

(६६) षट्षष्टितमं सूक्तम्

(१-२२) द्वाविंशत्यृचस्यास्य सूक्तस्यैश्वरयो धिष्ण्याग्रय ऋषयः । पवमानः सोमो देवता । द्विपदा विराट् छन्दः

परि प्र धन्वेन्द्राय सोम स्वादुर्मित्राय पूष्णे भगाय १
 इन्द्रस्ते सोम सुतस्य पेयाः क्रत्वे दक्षाय विश्वे च देवाः १ २
 एवामृताय महे क्षयाय स शक्रो अर्ष दिव्यः पीयूषः ३
 पवस्व सोम महान् त्समुद्रः पिता देवानां विश्वाभि धाम २ ४
 शक्रः पवस्व देवेभ्यः सोम दिवे पृथिव्यै शं च प्रजायै ५

दिवो धर्तासि शक्रः पीयूषः सत्ये विधर्मन् वाजी पवस्व ३ ६
 पवस्व सोम द्युम्नी सुधारो महामवीनामनु पूर्व्यः ७
 नृभिर्येमानो जज्ञानः पूतः क्षरद्विश्वा नि मन्द्रः स्वर्वित् ४ ८
 इन्दुः पुनानः प्रजामुराणः करद्विश्वा नि द्रविणानि नः ९
 पवस्व सोम क्रत्वे दक्षायाऽश्चो न नित्तो वाजी धनाय ५ १०
 तं तै सोतारो रसं मदाय पुनन्ति सोमं महे द्युम्नाय ११
 शिशुं जज्ञानं हरिं मृजन्ति पवित्रे सोमं देवेभ्य इन्दुम् ६ १२
 इन्दुः पविष्ट चारुर्मदायाऽपामुपस्थे कविर्भगाय १३
 बिभर्ति चार्विन्द्रस्य नाम येन विश्वानि वृत्रा जघान ७ १४
 पिबन्त्यस्य विश्वे देवासो गोभिः श्रीतस्य नृभिः सुतस्य १५
 प्र सुवानो अक्षाः सहस्रधारस्तिरः पवित्रं वि वारमव्यम् ८ १६
 स वाज्यक्षाः सहस्रैरिता अद्भिर्मृजानो गोभिः श्रीणानः १७
 प्र सोम याहीन्द्रस्य कुक्षा नृभिर्येमानो अद्भिभिः सुतः ९ १८
 असर्जि वाजी तिरः पवित्रमिन्द्राय सोमः सहस्रधारः १९
 अञ्जन्त्यैनं मध्वो रसेनेन्द्राय वृष्ण इन्दुं मदाय १० २०
 देवेभ्यस्त्वा वृथा पार्जसे ऽपो वसानं हरिं मृजन्ति २१
 इन्दुरिन्द्राय तोशते नि तोशते श्रीणन्नगो रिणन्नपः ११ २२

(६७) सप्तषष्ठितमं सूक्तम्

(१२) द्वादशर्चस्यास्य सूक्तस्य त्रैवृष्णस्त्र्यरुणः पौरुकुत्स्यस्त्रसदस्युर्गृषी ।
 पवमानः सोमो देवता । (१-३) प्रथमादितृचस्य पिपीलिकमध्यानुष्टुप्, (४-६)
 चतुर्थ्यादितृचद्वयस्योर्ध्वबृहती, (१०-१२) दशम्यादितृचस्य च विराट् छन्दांसि
 पर्यु षु प्र धन्व वाजसातये परि वृत्राणि सक्षणिः ।
 द्विषस्तरध्या ऋणया न ईयसे १
 अनु हि त्वा सुतं सोम मदांसि महे समर्यराज्ये ।
 वाजाँ अभि पवमान प्र गाहसे २
 अजीजनो हि पवमान सूर्य विधारे शक्मना पर्यः ।
 गोजीरया रंहमाणः पुरंध्या ३
 अजीजनो अमृत मर्त्येष्वाँ ऋतस्य धर्मन्नमृतस्य चारुणः ।
 सदासरो वाजमच्छा सनिष्यदत् ४

अभ्यभि हि श्रवसा ततर्दिथोत्सं न कं चिज्जनपानमक्षितम् ।
 शर्याभिर्न भरमाणो गर्भस्त्योः ५
 आदीं के चित् पश्यमानासु आप्यं वसुरुचौ दिव्या अभ्यनूषत ।
 वारं न देवः सविता व्यूर्णते ६
 त्वे सौम प्रथमा वृक्तबर्हिषो महे वाजायु श्रवसे धियं दधुः ।
 स त्वं नौ वीर वीर्याय चोदय ७
 दिवः पीयूषं पूर्व्यं यदुक्थ्यं महो गाहादिव आ निरधुक्षत ।
 इन्द्रमभि जायमानं समस्वरन् ८
 अध्र यदिमे पवमानु रोदसी इमा च विश्वा भुवनाभि मज्मना ।
 यूथे न निःष्ठा वृषभो वि तिष्ठसे ९
 सोमः पुनानो अव्यये वारे शिशूर्न क्रीळन् पवमानो अक्षाः ।
 सहस्रधारः शतवाज इन्दुः १०
 एष पुनानो मधुमाँ ऋतावेन्द्रायेन्दुः पवते स्वादुरूर्मिः ।
 वाजसनिर्वरिवोविद्वयोधाः ११
 स पवस्व सहमानः पृतन्यून् त्सेधन् रक्षांस्यप दुर्गहाणि ।
 स्वायुधः सासहान् त्सौम शत्रून् १२

(६८) अष्टषष्टितमं सूक्तम्

(१-३) तृचस्यास्य सूक्तस्य पारुच्छेपिरनानत ऋषिः । पवमानः सोमो देवता ।

अत्यष्टिश्छन्दः

अया रुचा हरिण्या पुनानो विश्वा द्वेषांसि तरति स्वयुग्वभिः सूरौ न
 स्वयुग्वभिः ।
 धारा सुतस्य रोचते पुनानो अरुषो हरिः विश्वा यद्रूपा परियात्यृक्वभिः
 सप्तास्यैभिर्ऋक्वभिः १
 त्वं त्यत् पणीनां विदो वसु सं मातृभिर्मर्जयसि स्व आ दम ऋतस्य
 धीतिभिर्दमै ।
 परावतो न साम तद् यत्रा रणन्ति धीतयः । त्रिधातुभिररुषीभिर्वयो दधे
 रोचमानो वयो दधे २
 पूर्वामनु प्रदिशं याति चेकितत् सं रश्मिभिर्यतते दर्शतो रथो । दैव्यो दर्शतो
 रथः ।

अग्मन्नुक्थानि पौंस्येन्द्रं जैत्राय हर्षयन् । वज्रश्च यद्भवथो अनपच्युता
समत्स्वनपच्युता ३

(६६) एकोनसप्ततितमं सूक्तम्

(१-४) चतुर्ऋचस्यास्य सूक्तस्याङ्गिरसः शिशुर्ऋषिः । पवमानः सोमो देवता ।
पङ्क्तिश्छन्दः

नानानं वा उ नो धियो वि वृतानि जनानाम् ।
तक्षा रिष्टं रुतं भिषग् ब्रह्मा सुन्वन्तमिच्छतीन्द्रायेन्द्रो परि स्रव १
जरतीभिरोषधीभिः पुर्णेभिः शकुनानाम् ।
कार्मारो अश्मभिर्द्युभिर्हिरण्यवन्तमिच्छतीन्द्रायेन्द्रो परि स्रव २
कारुरहं ततो भिषगुपलप्रक्षिणी नना ।
नानाधियो वसूयवो ऽनु गा इव तस्थिमेन्द्रायेन्द्रो परि स्रव ३
अश्वो वोळ्हा सुखं रथं हसनामुपमन्त्रिणः ।
शेपो रोमणवन्तौ भेदौ वारिन्मण्डूक इच्छतीन्द्रायेन्द्रो परि स्रव ४

(७०) सप्ततितमं सूक्तम्

(१-११) एकादशर्चस्यास्य सूक्तस्य मारीचः कश्यप ऋषिः । पवमानः सोमो
देवता । पङ्क्तिश्छन्दः

शर्यणावति सोममिन्द्रः पिबतु वृत्रहा ।
बलं दधान आत्मनि करिष्यन् वीर्यं महदिन्द्रायेन्द्रो परि स्रव १
आ पवस्व दिशां पत आर्जीकात् सौम मीढ्वः ।
ऋतवाकेन सत्येन श्रद्धया तपसा सुत इन्द्रायेन्द्रो परि स्रव २
पर्जन्यवृद्धं महिषं तं सूर्यस्य दुहिताभरत् ।
तं गन्धर्वाः प्रत्यगृभ्णन् तं सोमे रसमादधुरिन्द्रायेन्द्रो परि स्रव ३
ऋतं वदन्नृतद्युम्न सत्यं वदन् त्सत्यकर्मन् ।
श्रद्धां वदन् त्सोम राजन् धात्रा सौम परिष्कृत इन्द्रायेन्द्रो परि स्रव ४
सत्यमुग्रस्य बृहतः सं स्रवन्ति संस्रवाः ।
सं यन्ति रसिनो रसाः पुनानो ब्रह्मणा हर इन्द्रायेन्द्रो परि स्रव ५
यत्र ब्रह्मा पवमान छन्दस्यां वाचं वदन् ।
ग्राव्णा सोमै महीयते सोमै नानन्दं जनयन्निन्द्रायेन्द्रो परि स्रव ६

यत्र ज्योतिरजस्रं यस्मिन् लोके स्वरहितम् ।
 तस्मिन् मां धैहि पवमानाऽमृतं लोके अक्षित इन्द्रायेन्द्रो परि स्रव ७
 यत्र राजा वैवस्वतो यत्रावरोधनं दिवः ।
 यत्रामूर्यहतीरापस्तत्र माममृतं कृधीन्द्रायेन्द्रो परि स्रव ८
 यत्रानुकामं चरणं त्रिनाके त्रिदिवे दिवः ।
 लोका यत्र ज्योतिष्मन्तस्तत्र माममृतं कृधीन्द्रायेन्द्रो परि स्रव ९
 यत्र कामा निकामाश्च यत्र ब्रध्नस्य विष्टपम् ।
 स्वधा च यत्र तृप्तिश्च तत्र माममृतं कृधीन्द्रायेन्द्रो परि स्रव १०
 यत्रानन्दाश्च मोदाश्च मुदः प्रमुद आसते ।
 कामस्य यत्राप्ताः कामास्तत्र माममृतं कृधीन्द्रायेन्द्रो परि स्रव ११

(७१) एकसप्ततितमं सूक्तम्

(१-४) चतुर्ऋचस्यास्य सूक्तस्य मारीचः कश्यप ऋषिः । पवमानः सोमो देवता ।

पङ्क्तिश्छन्दः

य इन्द्रोः पवमानस्याऽनु धामान्यक्रमीत् ।
 तमाहुः सुप्रजा इति यस्तै सोमाविधन्मन् इन्द्रायेन्द्रो परि स्रव १
 ऋषे मनत्रकृतां स्तोमैः कश्यपोद्वर्धयन् गिरः ।
 सोमं नमस्य राजानं यो जुज्ञे वीरुधां पतिरिन्द्रायेन्द्रो परि स्रव २
 सप्त दिशो नानासूर्याः सप्त होतार ऋत्विजः ।
 देवा आदित्या ये सप्त तेभिः सोमाभि रक्ष न इन्द्रायेन्द्रो परि स्रव ३
 यत् तै राजञ्छृतं हविस्तेन सोमाभि रक्ष नः ।
 अरातीवा मा नस्तारीन्मो च नः किं चनाममदिन्द्रायेन्द्रो परि स्रव ४

(७२) द्विसप्ततितमं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः
 अग्रे बृहन्नुषसामूर्ध्वो अस्थान्निर्जगन्वान् तमसो ज्योतिषागात् ।
 अग्निर्भानुना रुशता स्वङ्ग आ जातो विश्वा सद्यान्यप्राः १
 स जातो गर्भो असि रोदस्योरग्रे चारुर्विभृत ओषधीषु ।
 चित्रः शिशुः परि तमास्यक्तून् प्र मातृभ्यो अधि कर्निक्रदद्वाः २
 विष्णुरिथ्या परममस्य विद्वाञ्जातो बृहन्नभि पाति तृतीयम् ।

आसा यदस्य पयो अक्रतु स्वं सचेतसो अभ्यर्चन्त्यत्र ३
 अत उ त्वा पितुभृतो जनित्रीरन्नावृधं प्रति चरन्त्यत्रैः ।
 ता ईं प्रत्येषि पुनरन्यरूपा असि त्वं विक्षु मानुषीषु होता ४
 होतारं चित्ररथमध्वरस्य यज्ञस्ययज्ञस्य केतुं रुशन्तम् ।
 प्रत्यर्धि देवस्यदेवस्य मृहा श्रिया त्वग्निमतिथिं जनानाम् ५
 स तु वस्त्राण्यध पेशनानि वसानो अग्निर्नाभा पृथिव्याः ।
 अरुषो जातः पद इळायाः पुरोहितो राजन् यक्षीह देवान् ६
 आ हि द्यावापृथिवी अग्न उभे सदा पुत्रो न मातरा ततन्थ ।
 प्र याह्यच्छौशतो यविष्ठाऽथा वह सहस्येह देवान् ७

(७३) त्रिसप्ततितमं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः
 पिप्रीहि देवाँ उशतो यविष्ठ विद्वाँ ऋतूँ ऋतुपते यजेह ।
 ये दैव्या ऋत्विजस्तेभिरग्ने त्वं होतृचफट्ङ्गामस्यायजिष्ठः १
 वेषि होत्रमुत पोत्रं जनानां मन्धातासि द्रविणोदा ऋतावा ।
 स्वाहा वयं कृणवांमा हवींषि देवो देवान् यजत्वग्निरहन् २
 आ देवानामपि पन्थामगन्म यच्छक्नवांम् तदनु प्रवौळहुम् ।
 अग्निर्विद्वान् त्स यजात् सेदु होता सो अध्वरान् त्स ऋतून् कल्पयाति ३
 यद्वौ वयं प्रमिनाम ब्रतानि विदुषां देवा अविदुष्टरासः ।
 अग्निष्टद्विष्वमा पृणाति विद्वान् येभिर्देवाँ ऋतुभिः कल्पयाति ४
 यत् पाक्त्रा मनसा दीनदक्षा न यज्ञस्य मन्वते मर्त्यासः ।
 अग्निष्टद्धोता क्रतुविद्विजानन् यजिष्ठो देवाँ ऋतुशो यजाति ५
 विश्वेषां ह्यध्वराणामनीकं चित्रं केतुं जनिता त्वा जजान ।
 स आ यजस्व नृवतीरनु क्षाः स्पार्हा इषः क्षुमतीर्विश्वजन्याः ६
 यं त्वा द्यावापृथिवी यं त्वापस्त्वष्टा यं त्वा सुजनिमा जजान ।
 पन्थामनु प्रविद्वान् पितृयाणं द्युमदग्ने समिधानो वि भाहि ७

(७४) चतुःसप्ततितमं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः
 इनो राजन्नरतिः समिद्धो रौद्रो दक्षाय सुषुमाँ अदर्शि ।

चिकिद्वि भाति भासा बृहता ऽसिक्नीमेति रुशतीमपार्जन् १
 कृष्णां यदेनीमभि वर्षसा भूजनयन् योषां बृहतः पितुर्जाम् ।
 ऊर्ध्वं भानुं सूर्यस्य स्तभायन् दिवो वसुभिररतिर्वि भाति २
 भद्रो भद्रया सचमान् आगात् स्वसारं जारो अभ्येति पश्चात् ।
 सुप्रकेतैर्द्युभिरग्निर्वितिष्ठन् रुशद्भिर्वर्णैरभि राममस्थात् ३
 अस्य यामासो बृहतो न वृगूनिन्धाना अग्नेः सख्युः शिवस्य ।
 ईड्यस्य वृष्णो बृहतः स्वासो भामासो यामन्नक्तवश्चिकित्रे ४
 स्वना न यस्य भामासः पवन्ते रोचमानस्य बृहतः सुदिवः ।
 ज्येष्ठैर्भिर्यस्तेजिष्ठैः क्रीळमद्भिर्वर्षिष्ठैर्भिर्भानुभिर्नक्षति घाम् ५
 अस्य शुष्मासो ददृशानपवेर्जेहमानस्य स्वनयन् नियुद्धिः ।
 प्रतेभिर्यो रुशद्भिर्देवतमो वि रेभद्भिररतिर्भाति विभ्वा ६
 स आ वक्षि महि न आ च सत्सि दिवस्पृथिव्योररतिर्युवत्योः ।
 अग्निः सुतुकः सुतुकैभिरश्वै रभस्वद्भी रभस्वाँ एह गम्याः ७

(७५) पञ्चसप्ततितमं सूक्तम्

(१-७) सप्तर्चस्यास्य सूक्तस्याप्तचस्त्रित ऋषिः । अग्निर्देवता । त्रिष्टुप् छन्दः
 प्र ते यक्षि प्र ते इयमि मन्म भुवो यथा वन्द्यौ नो हवेषु ।
 धन्वन्निव प्रपा असि त्वमग्न इयक्षवे पूरवे प्रत्न राजन् १
 यं त्वा जनासो अभि संचरन्ति गाव उष्णमिव वृजं यविष्ठ ।
 दूतो देवानामसि मर्त्यानामन्तर्महाँश्चरसि रोचनेन २
 शिशं न त्वा जेन्यं वर्धयन्ती माता बिभर्ति सचनस्यमाना ।
 धनोरधि प्रवता यासि हर्यञ्जिगीषसे पशुरिवारवसृष्टः ३
 मूरा अमूर न वयं चिकित्वो महित्वमग्ने त्वमङ्ग वित्से ।
 शयै वृत्रिश्चरति जिह्यादन् रैरिह्यतै युवतिं विश्पतिः सन् ४
 कूचिज्जायते सनयासु नव्यो वनै तस्थौ पलितो धूमकैतुः ।
 अस्त्रातापो वृषभो न प्र वैति सचैतसो यं प्रणयन्त मर्ताः ५
 तनूत्यजैव तस्करा वनर्गू रशनाभिर्दशभिरभ्यधीताम् ।
 इयं ते अग्ने नव्यसी मनीषा युद्धवा रथं न शचयद्भिरङ्गैः ६
 ब्रह्म च ते जातवेदो नमश्चेयं च गीः सदमिद्वर्धनी भूत् ।
 रक्षा गो अग्ने तनयानि तोका रक्षोत नस्तन्वोऽप्रयुच्छन् ७

(७६) षट्सप्ततितमं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः
 एकः समुद्रो धरुणौ रयीणामस्मद्धदो भूरिजन्मा वि चष्टे ।
 सिषक्त्यूधर्निगयोरुपस्थ उत्सस्य मध्ये निहितं पदं वेः १
 समानं नीळं वृषणो वसानाः सं जग्मिरे महिषा अर्वतीभिः ।
 ऋतस्य पदं कवयो नि पान्ति गुहा नामानि दधिरे पराणि २
 ऋतायिनी मायिनी सं दधाते मित्वा शिशुं जज्ञतुर्वर्धयन्ती ।
 विश्वस्य नाभिं चरतो ध्रुवस्य कवेश्चित् तन्तुं मनसा वियन्तः ३
 ऋतस्य हि वर्तनयः सुजातमिषो वाजाय प्रदिवः सचन्ते ।
 अधीवासं रोदसी वावसाने घृतैरन्नैर्वावृधाते मधूनाम् ४
 सप्त स्वसूरुषीर्वावशानो विद्वान् मध्व उज्जभारा दृशे कम् ।
 अन्तयेमे अन्तरिक्षे पुराजा इच्छन् वव्रिमविदत् पूषणस्य ५
 सप्त मर्यादाः कवयस्ततनुस्तासामेकामिदभ्यहरो गात् ।
 आयोर्हं स्कम्भ उपमस्य नीळे पथां विसर्गे धरुणेषु तस्थौ ६
 असञ्च सञ्च परमे व्योमन् दक्षस्य जन्मन्नदितेरुपस्थे ।
 अग्निर्ह नः प्रथमजा ऋतस्य पूर्व आयुनि वृषभश्च धेनुः ७

षष्ठोऽध्यायः

व० १-२८ ।

(७७) सप्तसप्ततितमं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः
 अयं स यस्य शर्मन्नवोभिरग्रेरेधते जरिताभिष्टौ ।
 ज्येष्ठैभिर्यो भानुभिर्ऋषूणां पर्येति परिवीतो विभावा १
 यो भानुभिर्विभावा विभात्यग्निर्देवेभिर्ऋतावार्जस्रः ।
 आ यो विवायं सख्या सखिभ्यो ऽपरिहृतो अत्यो न सप्तिः २
 ईशे यो विश्वस्या देववीतेरीशे विश्वायुरुषसो व्युष्टौ ।
 आ यस्मिन् मना हवींष्यग्नावरिष्टरथः स्कभ्नाति शूषैः ३
 शूषेभिर्वृधो जुषाणो अकैर्देवाँ अच्छा रघुपत्वा जिगाति ।
 मुन्द्रो होता स जुह्वा यजिष्ठः संमिश्रो अग्निरा जिघर्ति देवान् ४
 तमुस्त्रामिन्द्रं न रेजमानमग्निं गीर्भिर्नमोभिरा कृणुध्वम् ।

आ यं विप्रसो मृतिभिर्गृणन्ति जातवेदसं जुह्वं सहानाम् ५
 सं यस्मिन् विश्वा वसूनि जग्मुर्वाजे नाश्वाः सप्तीवन्त एवैः ।
 अस्मे ऊतीरिन्द्रवाततमा अर्वाचीना अग्र आ कृणुष्व ६
 अधा ह्यग्रे मुहा निषद्या सद्यो जज्ञानो हव्यो बभूथ ।
 तं तै देवासो अनु केतमायन्नधावर्धन्त प्रथमास ऊमाः ७

(७८) अष्टसप्ततितमं सूक्तम्

(१-७) सप्तर्चस्यास्य सूक्तस्याप्तयस्त्रित ऋषिः । अग्निर्देवता । त्रिष्टुप् छन्दः
 स्वस्ति नो दिवो अग्रे पृथिव्या विश्वार्युर्धेहि यजथाय देव ।
 सचैमहि तव दस्म प्रकेतैरुरुष्या ण उरुभिर्देव शंसैः १
 इमा अग्रे मृतयस्तुभ्यं जाता गोभिरश्वैरभि गृणन्ति राधः ।
 यदा ते मर्तो अनु भोगमानुड्वसो दधानो मृतिभिः सुजात २
 अग्निं मन्ये पितरमग्निमापिमग्निं भ्रातरं सदमित् सखायम् ।
 अग्रेरनीकं बृहतः संपर्य दिवि शक्रं यजतं सूर्यस्य ३
 सिद्धा अग्रे धियो अस्मे सनुत्रीर्यं त्रायसे दम् आ नित्यहोता ।
 ऋतावा स रोहिदश्वः पुरुक्षुर्द्युभिरस्मा अहंभिर्वाममस्तु ४
 द्युभिर्हितं मित्रमिव प्रयोगं प्रबमृत्वजमध्वरस्यं जारम् ।
 बाहुभ्यामग्निमायवोऽजनन्त विक्षु होतारं न्यसादयन्त ५
 स्वयं यजस्व दिवि देव देवान् किं ते पाकः कृणवदप्रचेताः ।
 यथायज ऋतुभिर्देव देवानेवा यजस्व तन्वं सुजात ६
 भवा नो अग्रेऽवितोत गोपा भवा वयस्कृदुत नो वयोधाः ।
 रास्वा च नः सुमहो हव्यदातिं त्रास्वोत नस्तन्वोऽप्रयुच्छन् ७

(७९) एकोनाशीतितमं सूक्तम्

(१-९) नवर्चस्यास्य सूक्तस्य त्वाष्ट्रस्त्रिशिरा ऋषिः । (१-९)

प्रथमादितृचद्वयस्याग्निः, (७-९) सप्तम्यादितृचस्य चेन्द्रो देवते । त्रिष्टुप् छन्दः
 प्र केतुना बृहता यात्यग्निरा रोदसी वृषभो रौरवीति ।
 दिवश्चिदन्ताँ उपमाँ उदानळपामुपस्थै महिषो ववर्ध १
 मुमोद गर्भो वृषभः ककुद्धानस्त्रेमा वत्सः शिमीवाँ अरावीत् ।
 स देवतात्युद्यतानि कृणवन् त्वेषु क्षयेषु प्रथमो जिगाति २

आ यो मूर्धानं पित्रोरब्ध न्यध्वरे दधिरे सूरौ अर्णः ।
 अस्य पत्नरुषीरश्वबुधा ऋतस्य योनौ तन्वौ जुषन्त ३
 उषउषो हि वसो अग्रमेषि त्वं यमयोरभवो विभावा ।
 ऋताय सप्त दधिषे पदानि जनयन् मित्रं तन्वेइ स्वायै ४
 भुवश्चक्षुर्मह ऋतस्य गोपा भुवो वरुणो यदृताय वेषि ।
 भुवौ अपां नपाज्जातवेदो भुवौ दूतो यस्य हव्यं जुजौषः ५
 भुवौ यज्ञस्य रजसश्च नेता यत्रा नियुद्धिः सचसे शिवाभिः ।
 दिवि मूर्धानं दधिषे स्वर्षा जिह्वामग्रे चकृषे हव्यवाहम् ६
 अस्य त्रितः क्रतुना वव्रे अन्तरिच्छन् धीतिं पितुरेवैः परस्य ।
 सचस्यमानः पित्रोरुपस्थे जामि ब्रुवाण आयुधानि वेति ७
 स पित्र्याणयायुधनि विद्वानिन्द्रैषित आप्तयो अभ्ययुध्यत् ।
 त्रिशीर्षाणं सप्तर्षिमं जघन्वान् त्वाष्ट्रस्य चित्रिः संसृजे त्रितो गाः ८
 भूरीदिन्द्र उदिनक्षन्तमोजो ऽवाभिनुत् सत्पतिर्मन्यमानम् ।
 त्वाष्ट्रस्य चिद्विश्वरूपस्य गोनामाचक्राणस्त्रीणि शीर्षा परा वर्क ९

(८०) अशीतितमं सूक्तम्

(१-९) नवर्चस्यास्य सूक्तस्याम्बरीषः सिन्धुद्वीपस्त्वाष्ट्रस्त्रिशिरा वा ऋषिः । आपो
 देवताः । (१-४, ६) प्रथमादिचतुर्नृचां षष्ठ्याश्च गायत्री, (५) पञ्चम्या वर्धमाना
 गायत्री, (७) सप्तम्याः प्रतिष्ठा गायत्री, (८-९) अष्टमीनवम्योश्चानुष्टुप् छन्दांसि
 आपो हि ष्ठा मयोभुवस्ता न ऊर्जे दधातन । महे रणाय चक्षसे १
 यो वः शिवतमो रसस्तस्य भाजयतेह नः । उशतीरिव मातरः २
 तस्मा अरं गमाम वो यस्य क्षयाय जिन्वथ । आपो जनयथा च नः ३
 शं नो देवीरभिष्टयु आपो भवन्तु पीतयै । शं योरभि स्रवन्तु नः ४
 ईशाना वार्याणां क्षयन्तीश्चर्षणीनाम् । अपो याचामि भेषजम् ५
 अप्सु मे सोमो अब्रवीदन्तर्विश्वानि भेषजा । अग्निं च विश्वशंभुवम् ६
 आपः पृणीत भेषजं वरूथं तन्वेइ मम । ज्योक् च सूर्यं दृशे ७
 इदमापः प्र वहत यत् किं च दुरितं मयि ।
 यद्वाहमभिदुद्रोह यद्वा शेष उतानृतम् ८
 आपो अद्यान्वचारिषं रसेन समगस्महि ।
 पर्यस्वानग्ना गहि तं मा सं सृज वर्चसा ९

(८१) एकाशीतितमं सूक्तम्

(१-१४) चतुर्दशर्चस्यास्य सूक्तस्य (१, ३, ५-७, ११, १३) प्रथमातृतीययोऽर्चोः पञ्चम्यादितृचस्यैकादशीत्रयोदशयोश्च वैवस्वती यमी ऋषिका, (२, ४, ८-१०, १२, १४) द्वितीयाचतुर्थ्योरष्टम्यादितृचस्य द्वादशीचतुर्दशयोश्च वैवस्वतो यम ऋषिः ।
 (१, ३, ५-७, ११, १३) प्रथमातृतीययोः पञ्चम्यादितृचस्यैकादशीत्रयोदशयोश्च यमः, (२, ४, ८-१०, १२, १४) द्वितीयाचतुर्थ्योरष्टम्यादितृचस्य द्वादशीचतुर्दशयोश्च यमी देवते । (१-१२, १४) प्रथमादिद्वादशर्चां चतुर्दश्याश्च त्रिष्टुप्, (१३) त्रयोदश्याश्च

विराट्स्थाना छन्दसी

ओ चित् सखायं सख्या ववृत्त्यां तिरः पुरु चिदर्णवं जगन्वान् ।
 पितुर्नपातुमा दधीत वेधा अधि क्षमि प्रतुरं दीध्यानः १
 न ते सखा सख्यं वष्टयेतत् सलक्ष्मा यद्विषुरूपा भवाति ।
 महस्पुत्रासो असुरस्य वीरा दिवो धर्तारं उर्विया परि ख्यन् २
 उशन्ति घा ते अमृतास एतदेकस्य चित् त्यजसं मर्त्यस्य ।
 नि ते मनो मनसि धाय्यस्मे जन्युः पतिस्तन्वश्मा विविश्याः ३
 न यत् पुरा चकृमा कद्ध नूनमृा वदन्तो अनृतं रपेम ।
 गन्धर्वो अप्सवप्यां च योषा सा नो नाभिः परमं जामि तन्नौ ४
 गर्भे नु नौ जनिता दंपती कर्देवस्त्वष्टा सविता विश्वरूपः ।
 नकिरस्य प्र मिनन्ति वृतानि वेदं नावस्य पृथिवी उत द्यौः ५
 को अस्य वेद प्रथमस्याहः क ई ददर्श क इह प्र वौचत् ।
 बृहन्मित्रस्य वरुणस्य धाम कदु ब्रव आहनो वीच्या नृन् ६
 यमस्य मा यम्यं काम आगन् त्समाने योनौ सहशेय्याय ।
 जायेव पत्यै तन्वै रिरिच्यां वि चिद्वहेव रथ्यैव चक्रा ७
 न तिष्ठन्ति न नि मिषन्त्येते देवानां स्पश इह ये चरन्ति ।
 अन्येन मदाहनो याहि तूयं तेन वि वृह रथ्यैव चक्रा ८
 रात्रीभिरस्मा अहभिर्दशस्येत् सूर्यस्य चक्षुर्मुहुरुन्मिमीयात् ।
 दिवा पृथिव्या मिथुना सबन्धू यमीर्यमस्य बिभृयादजामि ९
 आ घा ता गच्छानुत्तरा युगानि यत्र जामयः कृणवन्नजामि ।
 उपे बर्बहि वृषभार्य बाहुमन्यमिच्छस्व सुभगे पतिं मत् १०
 किं भ्रातासद्यदनाथं भवाति किमु स्वसा यन्निर्ऋतिर्निगच्छात् ।
 काममूता बृहेऽतद्रपामि तन्वा मे तन्वं सं पिपृग्धि ११

न वा उ ते तन्वा तन्वं॑ सं पृच्यं पापमा॑हुर्यः स्वसारं निगच्छात् ।
 अन्येन॑ मत् प्रमुदः॑ कल्पयस्व न ते भ्राता सुभगे वष्टयेतत् १२
 ब्रतो ब॑तासि यम् नैव ते मनो हृदयं चाविदाम ।
 अन्या किल॑ त्वां क॒द्यैव यु॒क्तं परि॑ ष्वजाते लिबु॑जेव वृक्षम् १३
 अन्यमू॑ षु त्वं य॒म्यन्य उ॒ त्वां परि॑ ष्वजाते लिबु॑जेव वृक्षम् ।
 तस्य॑ वा त्वं मन॑ इच्छा स वा तवाऽधा कृणु॑ष्व स॒विदं सुभ॑द्राम् १४

(८२) द्व्यशीतितमं सूक्तम्

(१-६) नवर्चस्यास्य सूक्तस्याङ्गिर्हविर्धान ऋषिः । अग्निर्देवता । (१-६)

प्रथमादितृचद्वयस्य जगती, (७-६) सप्तम्यादितृचस्य च त्रिष्टुप् छन्दसी
 वृषा वृष्णौ दुदुहे॑ दोहसा दिवः पया॑सि यु॒हो अदि॑तेरदाभ्यः ।
 विश्वं॑ स वैद वरु॑णो यथा धिया॑ स य॒ज्ञियौ यजतु॑ य॒ज्ञियाँ ऋतून् १
 रप॑द्गन्धर्वीर॒प्या च॒ योष॑णा न॒दस्य॑ नादे परि॑ पातु मे मनः ।
 इष्टस्य॑ मध्ये अदि॑तिर्नि धातु नो भ्राता नो ज्येष्ठः प्रथ॑मो वि वौचति २
 सो चि॒न्नु भ॒द्रा क्षु॒मती यश॑स्वत्युषा उ॒वास॑ मनवे॒ स्वर्वती॑ ।
 यदी॑मु॒शन्तमु॒शता॑मनु क्रतु॑म॒ग्निं हो॒तारं वि॒दथा॑य जीर्जनन् ३
 अध॑ त्यं द्र॒प्सं वि॒भ्वं वि॒चक्ष॑णं विराभ॑रदिषितः श्ये॒नो अ॒ध्वरे॑ ।
 यदी॑ विशौ वृ॒णतै॑ दु॒स्ममा॑र्या अ॒ग्निं हो॒तार॑म॒ध धी॑रजायत ४
 सदा॑सि र॒णवो यव॑सेव पु॒ष्यते॑ होत्रा॒भिर॑ग्ने मनु॑षः स्वध्वरः ।
 विप्र॑स्य वा यच्छ॑शमा॒न उ॒क्थ्यं॑ वाजं स॒स्वाँ उ॒पया॑सि भूरि॑भिः ५
 उदी॑रय पि॒तरा॑ जा॒र आ भग॑मि॒र्यक्ष॑ति हर्यतो ह॒त्त इ॒ष्यति॑ ।
 वि॒व॒क्ति॒ व॒ह्निः स्व॒प॒स्यते॑ म॒खस्त॑वि॒ष्यते॑ अ॒सुरो॑ वेपते म॒ती ६
 यस्तै॑ अ॒ग्ने सु॒म॒तिं म॒र्तो अ॒क्षत् स॒हसः॑ सू॒नो अ॒ति स प्र॑ शृणवे ।
 इषं॑ दधा॒नो वह॑मानो अ॒श्वैरा॑ स द्यु॒माँ अ॒मवान्॑ भूषति द्यून् ७
 यद॑ग्र एषा स॒मि॒तिर्भवा॑ति दे॒वी दे॒वेषु॑ यज॒ता य॑जत्र ।
 रत्ना॑ च॒ यद्वि॑भजा॑सि स्वधा॒वो भा॒गं नो॑ अत्र वसु॑मन्तं वी॒तात् ८
 श्रु॒धी नो॑ अ॒ग्ने स॒दने॑ स॒धस्थै॑ यु॒द्धवा॑ रथ॑म॒मृत॑स्य द्रवि॒बुम् ।
 आ नो॑ वह॒ रोद॑सी दे॒वपु॑त्रे मा॒किर्दे॒वाना॑मप॒ भूरि॑ह स्याः ९

(८३) त्र्यशीतितमं सूक्तम्

(१-६) नवर्चस्यास्य सूक्तस्याङ्गिर्हविर्धानं ऋषिः । अग्निर्देवता । त्रिष्टुप् छन्दः
 द्यावा ह क्षामा प्रथमे ऋतेनाऽभिश्चावे भवतः सत्यवाचा ।
 देवो यन्मर्तान् यजथाय कृणवन् त्सीदद्धोता प्रत्यङ् स्वमसुं यन् १
 देवो देवान् परिभूऋतेन वहा नो हव्यं प्रथमश्चिकित्वान् ।
 धूमकैतुः समिधा भाऋजीको मुन्द्रो होता नित्यो वाचा यजीयान् २
 स्वावृग्देवस्यामृतं यदी गोरतो जातासौ धारयन्त उर्वी ।
 विश्वे देवा अनु तत् ते यजुर्गुर्दुहे यदेनी दिव्यं घृतं वाः ३
 अर्चामि वां वर्धायापो घृतसू द्यावाभूमी शृणुतं रौदसी मे ।
 अहा यद् द्यावोऽसुनीतिमयन् मध्वा नो अत्र पितरा शिशीताम् ४
 किं स्विन्नो राजा जगृहे कदस्याऽति वृतं चक्रमा को वि वैद ।
 मित्रश्चिद्धिष्मा जुहुराणो देवाञ्छलोको न यातामपि वाजो अस्ति ५
 दुर्मन्त्वत्रामृतस्य नाम सलक्ष्मा यद्विषुरूपा भवाति ।
 यमस्य यो मुनवते सुमन्त्वग्ने तमृष्व पाह्यप्रयुच्छन् ६
 यस्मिन् देवा विदर्थे मादयन्ते विवस्वतः सदेने धारयन्ते ।
 सूर्ये ज्योतिरदधुर्मास्यश्क्तून् परि द्योतुनिं चरतो अजस्रा ७
 यस्मिन् देवा मन्मनि संचरन्त्यपीच्येः न वयमस्य विद्य ।
 मित्रो नो अत्रादितिरनागान् त्सविता देवो वरुणाय वोचत् ८
 श्रुधी नो अग्ने सदेने सधस्थे युद्धवा रथममृतस्य द्रवितुम् ।
 आ नो वह रोदसी देवपुत्रे मार्किर्देवानामप भूरिह स्याः ९

(८४) चतुरशीतितमं सूक्तम्

(१-५) पञ्चर्चस्यास्य सूक्तस्यादित्यो विवस्वानाङ्गिर्हविर्धानो वा ऋषिः । हविर्धाने
 शकटे देवते । (१-४) प्रथमादिचतुर्भृचां त्रिष्टुप्, (५) पञ्चम्याश्च जगती छन्दसी
 युजे वां ब्रह्म पूर्वं नमोभिर्वि श्लोक एतु पृथ्यैव सूरैः ।
 शृणवन्तु विश्वे अमृतस्य पुत्रा आ ये धामानि दिव्यानि तस्थुः १
 यमे इव यतमाने यदैतं प्र वा भरन् मानुषा देवयन्तः ।
 आ सीदतं स्वमु लोकं विदाने स्वासस्थे भवतुमिन्दवे नः २
 पञ्च पदानि रूपो अन्वरोहं चतुष्पदीमन्वेमि वृतेन ।
 अक्षरैण प्रति मिम एतामृतस्य नाभावधि सं पुनामि ३

देवेभ्यः कर्मवृणीत मृत्युं प्रजायै कममृतं नावृणीत ।
 बृहस्पतिं यज्ञमकृण्वत ऋषिं इं प्रयां यमस्तन्वं१ प्रारिरेचीत् ४
 सप्त क्षरन्ति शिशवे मरुत्वते पित्रे पुत्रासो अप्येवीवतन्नृतम् ।
 उभे इदस्योभयस्य राजत उभे यतेते उभयस्य पुष्यतः ५

(८५) पञ्चाशीतितमं सूक्तम्

(१-१६) षोडशर्चस्यास्य सूक्तस्य वैवस्वतो यम ऋषिः । (१-५, १३-१६)
 प्रथमादिपञ्चर्चा त्रयोदश्यादिचतसृणाञ्च यमः, (६) षष्ठ्या अङ्गिरःपित्रथर्वभृगवः,
 (७-९) सप्तम्यादितृचस्य लिङ्गोक्ताः पितरो वा, (१०-१२) दशम्यादितृचस्य च
 सारमेयौ श्वानौ देवताः । (१-१२) प्रथमादिद्वादशर्चा त्रिष्टुप्, (१३-१४, १६)
 त्रयोदशीचतुर्दशीषोडशीनामनुष्टुप्, (१५) पञ्चदश्याश्च बृहती छन्दांसि
 प्रेयिवांसं प्रवतौ महीरनु बृहभ्यः पन्थामनुपस्पशानम् ।
 वैवस्वतं संगमनं जनानां यमं राजानं हविषा दुवस्य १
 यमो नो गातुं प्रथमो विवेद नैषा गव्यूतिरपभर्तवा उ ।
 यत्रा नः पूर्वे पितरः प्रेयुरेना जज्ञानाः पथ्याः अनु स्वाः २
 मातली कव्यैर्यमो अङ्गिरोभिर्बृहस्पतिर्भृक्वभिर्वावृधानः ।
 याँश्च देवा वावृधुर्ये च देवान् त्स्वाहान्ये स्वधयान्ये मदन्ति ३
 इमं यम प्रस्तरमा हि सीदाऽङ्गिरोभिः पितृभिः संविदानः ।
 आ त्वा मन्त्राः कविशस्ता वहन्त्वेना राजन् हविषा मादयस्व ४
 अङ्गिरोभिरा गहि यज्ञियैभिर्यम वैरूपैरिह मादयस्व ।
 विवस्वन्तं हुवे यः पिता ते ऽस्मिन् यज्ञे बर्हिष्या निषद्य ५
 अङ्गिरसो नः पितरो नवगवा अर्थवाणो भृगवः सोम्यासः ।
 तेषा वयं सुमतौ यज्ञियानामपि भद्रे सौमनसे स्याम ६
 प्रेहि प्रेहि पृथिभिः पूर्व्यैभिर्यत्रा नः पूर्वे पितरः प्रेयुः ।
 उभा राजाना स्वधया मदन्ता यमं पश्यासि वरुणं च देवम् ७
 सं गच्छस्व पितृभिः सं यमेनैष्टापूर्तेन परमे व्योमन् ।
 हित्वायावद्यं पुनरस्तमेहि सं गच्छस्व तन्वा सुवर्चाः ८
 अपैत वीत वि च सर्पतातो ऽस्मा एतं पितरो लोकमक्रन् ।
 अहोभिरद्भिरक्तुभिर्व्यक्तं यमो ददात्यवसानमस्मै ९
 अति द्रव सारमेयौ श्वानौ चतुरक्षौ शबलौ साधुना पृथा ।

अथा॑ पि॒तृन् त्सु॑वि॒दत्राँ॑ उपै॒हि य॒मेन॑ ये स॒ध॒मादुं॑ म॒दन्ति॑ १०
 यौ ते॒ श्वानौ॑ यम॒ रक्षितारौ॑ चतु॒रक्षौ॑ प॒थिरक्षौ॑ नृ॒चक्षसौ॑ ।
 ताभ्या॑मे॒न परि॑ दे॒हि राजन् त्स्व॒स्ति चा॑स्मा अ॒नमी॒वं च॑ धेहि ११
 उ॒रू॒णसा॑व॒सुतृपा॑ उदु॒म्बलौ॑ य॒मस्य॑ दू॒तौ च॑रतो॒ जनाँ॑ अनु ।
 ताव॒स्मभ्य॑ दृ॒शये॑ सू॒र्याय॑ पु॒नर्दा॑ताम॒सुम॑द्येह भ॒द्रम् १२
 य॒माय॑ सोम॑ सु॒नुत॑ य॒माय॑ जुहुता ह॒विः ।
 य॒मं ह॑ य॒ज्ञो ग॑च्छत्य॒ग्निदू॑तो अ॒रंकृतः॑ १३
 य॒माय॑ घृ॒तव॑द्ध॒विर्जु॑होत॒ प्र च॑ तिष्ठत ।
 स नो॑ दे॒वेष्वा॑ य॒मद् दी॒र्घमा॑युः प्र जी॒वसे॑ १४
 य॒माय॑ मधु॑म॒त्तमं॑ रा॒ज्ञं ह॒व्यं जु॑होतन ।
 इ॒दं नम॑ ऋ॒षिभ्यः॑ पू॒र्वजे॑भ्यः पू॒र्वेभ्यः॑ प॒थिकृ॑द्भ्यः १५
 त्रि॒क॒द्रुके॑भिः प॒तति॑ ष॒ळ्वीरि॑क॒मिद्व॑हत् ।
 त्रि॒ष्टुब्गा॑य॒त्री छन्दा॑सि॒ सर्वा॑ ता य॒म आ॑हिता १६

(८६) षडशीतितमं सूक्तम्

(१-१४) चतुर्दशर्चस्यास्य सूक्तस्य यामायनः शङ्ख ऋषिः । पितरो देवताः । (१-१०, १२-१४) प्रथमादिदशर्चा द्वादश्यादितृचस्य च त्रिष्टुप्, (११) एकादश्याश्च जगती छन्दसी

उदी॑रतामव॒र उ॒त् परा॑स उ॒न्म॑ध्य॒माः पि॒तरः॑ सो॒म्यासः॑ ।
 असुं॑ य ई॒युर॑वृ॒का ऋ॑त॒ज्ञास्ते॑ नोऽव॒न्तु पि॒तरो॑ ह॒वेषु॑ १
 इ॒दं पि॒तृभ्यो॑ नमो॑ अ॒स्त्वद्य॑ ये पू॒र्वासो॑ य उ॒परा॑स ई॒युः ।
 ये पा॒र्थिवे॑ र॒ज॒स्या नि॑ष॒त्ता ये वा॑ नू॒नं सु॑वृ॒जना॑सु वि॒क्षु २
 आ॒हं पि॒तृन् त्सु॑वि॒दत्राँ॑ अ॒वित्सि॑ न॒पातं॑ च वि॒क्रम॑णं च वि॒ष्णौः ।
 ब॒र्हिष॑दो ये स्व॒धया॑ सु॒तस्य॑ भ॒जन्त॑ पि॒त्वस्त॑ इहा॒गमि॑ष्ठाः ३
 ब॒र्हिष॑दः पि॒तर ऊ॒त्यर्वा॑गि॒मा वो॑ ह॒व्या च॑कृ॒मा जु॑षध्व॒म् ।
 त आ॑ ग॒ताव॑सा॒ शन्त॑मे॒नाऽथा॑ नः॒ शं यो॑र॒रपो॑ द॒धात॑ ४
 उ॒प॒हृताः॑ पि॒तरः॑ सो॒म्यासौ॑ ब॒र्हिष्ये॑षु नि॒धिषु॑ प्रि॒येषु॑ ।
 त आ॑ ग॒मन्तु॑ त इ॒ह श्रु॑व॒न्त्वधि॑ ब्रु॒वन्तु॑ तेऽव॒न्त्वस्मा॑न् ५
 आ॒च्या जा॑नु॒ दक्षि॑णतो नि॒षद्ये॑मं य॒ज्ञम॑भि गृ॒णीत॑ विश्वे॑ ।
 मा हि॑सिष्ट पि॒तरः॒ केन॑ चि॒न्नो यद्व॑ आ॒गः पु॑रुष॒ता करा॑म ६

आसीनासो अरुणीनामुपस्थै रयिं धत्त दाशुषे मर्त्याय ।
 पुत्रेभ्यः पितरस्तस्य वस्वः प्र यच्छत त इहोर्जं दधात ७
 ये नः पूर्वे पितरः सोम्यासो ऽनूहिरे सौमपीथं वसिष्ठाः ।
 तेभिर्यमः सरराणो हवींष्युशन्नुशब्दिः प्रतिकाममत्तु ८
 ये तातृषुर्देवत्रा जेहमाना होत्राविदः स्तोमं तष्टासो अकैः ।
 आग्ने याहि सुविदत्रैभिरर्वाङ् सत्यैः कव्यैः पितृभिर्घर्मसब्दिः ९
 ये सत्यासौ हविरदौ हविष्पा इन्द्रेण देवैः सरथं दधानाः ।
 आग्ने याहि सहस्रं देववन्दैः परैः पूर्वैः पितृभिर्घर्मसब्दिः १०
 अग्निष्वात्ताः पितर एह गच्छत सदःसदः सदत सुप्रणीतयः ।
 अत्ता हवींषि प्रयतानि बर्हिष्यथा रयिं सर्ववीरं दधातन ११
 त्वमग्न ईळितो जातवेदो ऽवाङ्मन्यानि सुरभीणि कृत्वी ।
 प्रादाः पितृभ्यः स्वधया ते अन्नन्नद्धि त्वं देव प्रयता हवींषि १२
 ये चेह पितरो ये च नेह याँश्च विद्य याँ उँ च न प्रविद्य ।
 त्वं वैत्थ यति ते जातवेदः स्वधाभिर्यज्ञं सुकृतं जुषस्व १३
 ये अग्निदग्धा ये अन्नग्निदग्धा मध्ये दिवः स्वधया मादयन्ते ।
 तेभिः स्वरालसुनीतिमेतां यथावृशं तन्वं कल्पयस्व १४

(८७) सप्ताशीतितमं सूक्तम्

(१-१४) चतुर्दशर्चस्यास्य सूक्तस्य यामायनो दमन ऋषिः । अग्निर्देवता । (१-
 १०) प्रथमादिदशर्चा त्रिष्टुप्, (११-१४) एकादश्यादिचतसृणाञ्चानुष्टुप् छन्दसी
 मैत्रमग्रे वि देहो माभि शौचो मास्य त्वचं चिक्षिपो मा शरीरम् ।
 यदा शृतं कृण्वो जातवेदो ऽथैमेनं प्र हिणुतात् पितृभ्यः १
 शृतं यदा करसि जातवेदो ऽथैमेनं परि दत्तात् पितृभ्यः ।
 यदा गच्छात्यसुनीतिमेतामथा देवानां वशनीर्भवाति २
 सूर्यं चक्षुर्गच्छतु वार्तमात्मा द्यां च गच्छ पृथिवीं च धर्मणा ।
 अपो वा गच्छ यदि तत्र ते हितमोषधीषु प्रति तिष्ठा शरीरैः ३
 अजो भागस्तपसा तं तपस्व तं ते शोचिस्तपतु तं ते अर्चिः ।
 यास्तै शिवास्तन्वो जातवेदस्ताभिर्वहैनं सुकृतामु लोकम् ४
 अवं सृज पुनरग्रे पितृभ्यो यस्त आहुतश्चरति स्वधाभिः ।
 आयुर्वसान् उप वेतु शेषः सं गच्छतां तन्वा जातवेदः ५

यत् ते कृष्णः शकुन आतुतोद पिपीलः सर्प उत वा श्वापदः ।
 अग्निष्टद्विश्वादेगदं कृणोतु सोमश्च यो ब्राह्मणाँ आविवेश ६
 अग्नेर्वर्म परि गोभिर्व्ययस्व सं प्रोर्णुष्व पीवसा मेदसा च ।
 नेत् त्वा धृष्णुर्हरसा जर्हषाणो दधृग्विधक्ष्यन् पर्यङ्ख्याते ७
 इममग्ने चमसं मा वि जिह्वरः प्रियो देवानामुत सोम्यानाम् ।
 एष यश्चमसो देवपानस्तस्मिन् देवा अमृता मादयन्ते ८
 क्रव्यादमग्निं प्र हिणोमि दूरं यमराज्ञो गच्छतु रिप्रवाहः ।
 इहैवायमितरो जातवैदा देवेभ्यो हव्यं वहतु प्रजानन् ९
 यो अग्निः क्रव्यात् प्रविवेश वो गृहमिमं पश्यन्नितरं जातवैदसम् ।
 तं हरामि पितृयज्ञाय देवं स घर्ममिन्वात् परमे सधस्थे १०
 यो अग्निः क्रव्यवाहनः पितृन् यक्षदृतावृधः ।
 प्रेदु हव्यानि वोचति देवेभ्यश्च पितृभ्य आ ११
 उशन्तस्त्वा नि धीमह्युशन्तः समिधीमहि ।
 उशन्नुशत आ वह पितृन् हविषे अत्तवे १२
 यं त्वमग्ने समदेहस्तमु निर्वापया पुनः ।
 क्रियाम्बवत्र रोहतु पाकदूर्वा व्यल्कशा १३
 शीतिके शीतिकावति ह्लादिके ह्लादिकावति ।
 मण्डूक्या३ सु सं गम इमं स्वग्निं हर्षय १४

(८८) अष्टाशीतितमं सूक्तम्

(१-१४) चतुर्दशर्चस्यास्य सूक्तस्य यामायनो देवश्रवा ऋषिः । (१-२)
 प्रथमाद्वितीययोर्ऋचोः सरण्यूः, (३-६) तृतीयादिचतसृणां पूषा, (७-९)
 सप्तम्यादितृचस्य सरस्वती, (१०, १४) दशमीचतुर्दशयोरापः, (११-१३)
 एकादश्यादितृचस्य च आपः सोमो वा देवताः । (१-१२) प्रथमादिद्वादशर्चा
 त्रिष्टुप्, (१३) त्रयोदश्या अनुष्टुप्पुरस्ताद्बृहती वा, (१४) चतुर्दश्याश्चानुष्टुप् छन्दांसि
 त्वष्टा दुहित्रे वहतुं कृणोतीतीदं विश्वं भुवनं समैति ।
 यमस्य माता पर्युह्यमाना महो जाया विवस्वतो ननाश १
 अपागूहन्नमृतां मर्त्येभ्यः कृत्वी सर्वर्णामददुर्विवस्वते ।
 उताश्विनावभरद्यत् तदासीदजहादु द्वा मिथुना सरण्यूः २
 पूषा त्वेतश्चयावयतु प्र विद्वाननष्टपशुर्भुवनस्य गोपाः ।

स त्वैतेभ्यः परि ददत् पितृभ्यो ऽग्निर्देवेभ्यः सुविदुत्रियेभ्यः ३
 आयुर्विश्वायुः परि पासति त्वा पूषा त्वा पातु प्रपथे पुरस्तात् ।
 यत्रासते सुकृतो यत्र ते ययुस्तत्र त्वा देवः सविता दधातु ४
 पूषेमा आशा अनु वेद सर्वाः सो अस्माँ अभयतमेन नेषत् ।
 स्वस्तिदा आर्षणिः सर्ववीरो ऽप्रयुच्छन् पुर एतु प्रजानन् ५
 प्रपथे पथामजनिष्ट पूषा प्रपथे दिवः प्रपथे पृथिव्याः ।
 उभे अभि प्रियतमे सधस्थे आ च परा च चरति प्रजानन् ६
 सरस्वतीं देवयन्तो हवन्ते सरस्वतीमध्वरे तायमाने ।
 सरस्वतीं सुकृतो अह्वयन्त सरस्वती दाशुषे वार्यं दात् ७
 सरस्वति या सरथं ययार्थं स्वधारिर्देवि पितृभिर्मदन्ती ।
 आसद्यास्मिन् बर्हिषि मादयस्वाऽनमीवा इष आ धेह्यस्मे ८
 सरस्वतीं यां पितरो हवन्ते दक्षिणा यज्ञमभिनक्षमाणाः ।
 सहस्रार्धमिळो अत्र भागं रायस्पोषं यजमानेषु धेहि ९
 आपौ अस्मान् मातरः शुन्धयन्तु घृतेन नो घृतप्वः पुनन्तु ।
 विश्वं हि रिप्रं प्रवहन्ति देवीरुदिदोभ्यः शुचिरा पूत एमि १०
 द्रप्सश्चस्कन्द प्रथमाँ अनु द्यूनिमं च योनिमनु यश्च पूर्वः ।
 समानं योनिमनु संचरन्तं द्रप्सं जुहोम्यनु सप्त होत्राः ११
 यस्तै द्रप्सः स्कन्दति यस्तै अंशुर्बाहुच्युतो धिषणाया उपस्थात् ।
 अध्वर्योर्वा परि वा यः पवित्रात् तं तै जुहोमि मनसा वर्षटकृतम् १२
 यस्तै द्रप्सः स्कन्नो यस्तै अंशुरवश्च यः परः स्नुचा ।
 अयं देवो बृहस्पतिः सं तं सिञ्चतु राधसे १३
 पर्यस्वतीरोषधयः पर्यस्वन्मामकं वचः ।
 अपां पर्यस्वदित् पयस्तेन मा सह शुन्धत १४

(८६) एकोननवतितमं सूक्तम्

(१-१४) चतुर्दशर्चस्यास्य सूक्तस्य यामायनः संकुसुक ऋषिः । (१-४)
 प्रथमादिचतुर्त्रचां मृत्युः, (५) पञ्चम्या धाता, (६) षष्ठ्यास्त्वष्टा, (७-१३)
 सप्तम्यादिसप्तानां पितृमेधः, (१४) चतुर्दश्याश्च पितृमेधः प्रजापतिर्वा देवताः ।
 (१-१०, १२) प्रथमादिदशर्चां द्वादश्याश्च त्रिष्टुप्, । (११) एकादश्याः
 प्रस्तारपङ्क्तिः, (१३) त्रयोदश्या जगती, (१४) चतुर्दश्याश्चानुष्टुप् छन्दांसि

परं मृत्यो अनु परेहि पन्थां यस्ते स्व इतरो देवयानात् ।
 चक्षुष्मते शृण्वते ते ब्रवीमि मा नः प्रजां रीरिषो मोत वीरान् १
 मृत्योः पुदं योपयन्तो यदैतु द्राघीय आयुः प्रतरं दधानाः ।
 आप्यायमानाः प्रजया धनेन शद्धाः पूता भवत यज्ञियासः २
 इमे जीवा वि मृतैराववृत्रन्नभूद्द्रा देवहूतिर्नो अद्य ।
 प्राञ्चो अगाम नृतये हसाय द्राघीय आयुः प्रतरं दधानाः ३
 इमं जीवेभ्यः परिधिं दधामि मैषां नु गादपरो अर्थमेतम् ।
 शतं जीवन्तु शरदः पुरुचीरन्तमृत्युं दधतां पर्वतेन ४
 यथाहान्यनुपूर्वं भवन्ति यथं अतव अतुभिर्यन्ति साधु ।
 यथा न पूर्वमपरो जहात्येवा धातरायूषि कल्पयैषाम् ५
 आ रौहतायुर्जरसं वृणाना अनुपूर्वं यतमाना यतिष्ठ ।
 इह त्वष्टा सुजनिमा सजोषा दीर्घमायुः करति जीवसे वः ६
 इमा नारीरविधवाः सुपत्नीराञ्जनेन सर्पिषा सं विशन्तु ।
 अनुश्रवोऽनमीवाः सुरत्ना आ रौहन्तु जनयो योनिमग्रे ७
 उदीर्ष्व नार्यभि जीवलोकं गतासुमेतमुप शेष एहि ।
 हस्तग्राभस्य दिधिषोस्तवेदं पत्युर्जनित्वमभि सं बभूथ ८
 धनुर्हस्तादाददानो मृतस्याऽस्मे क्षत्राय वर्चसे बलाय ।
 अत्रैव त्वमिह वयं सुवीरा विश्वाः स्पृधौ अभिमातीर्जयेम ९
 उप सर्प मातरं भूमिमेतामुरुव्यचसं पृथिवीं सुशेवाम् ।
 ऊर्णम्रदा युवतिर्दक्षिणावत एषा त्वा पातु निर्वृतेरुपस्थात् १०
 उच्छ्वञ्चस्व पृथिवि मा नि बाधथाः सूपायनास्मै भव सूपवञ्चना ।
 माता पुत्रं यथा सिचाऽभ्यैनं भूम ऊर्णुहि ११
 उच्छ्वञ्चमाना पृथिवी सु तिष्ठतु सहस्रं मितु उप हि श्रयन्ताम् ।
 ते गृहासौ घृतश्चुतौ भवन्तु विश्वाहास्मै शरणाः सन्त्वत्र १२
 उत् ते स्तभामि पृथिवीं त्वत् परीमं लोगं निदधन्मो अहं रिषम् ।
 एतां स्थूणां इंपतरौ धारयन्तु तेऽत्रा युमः सादना ते मिनोतु १३
 प्रतीचीने मामहनीष्वाः पर्णमिवा दधुः ।
 प्रतीचीं जग्रभा वाचमश्वं रशनया यथा १४

सप्तमोऽध्यायः

। व० १-३० ।

(६०) नवतितमं सूक्तम्

(१-८) अष्टर्चस्यास्य सूक्तस्य यामायनो मथितो वारुणिर्भृगुर्वा भार्गवश्चयवनो वा ऋषिः । (१, २-८) प्रथमर्चः पूर्वार्धस्य द्वितीयादिसप्तानाञ्चापो गावो वा, (१) प्रथमाया उत्तरार्धस्य चाग्नीषोमौ देवताः । (१-५, ७-८) प्रथमादिपञ्चर्चा

सप्तम्यष्टम्योश्चानुष्टुप्, (६) षष्ठ्याश्च गायत्री छन्दसी

नि वर्तध्वं मानु गाताऽस्मान् त्सिषक्त रेवतीः ।

अग्नीषोमा पुनर्वसू अस्मे धारयतं रयिम् १

पुनरेना नि वर्तय पुनरेना न्या कुरु ।

इन्द्र एणा नि यच्छत्वग्निरेना उपाजतु २

पुनरेता नि वर्तन्तामस्मिन् पुष्यन्तु गोपतौ ।

इहैवाग्ने नि धारयेह तिष्ठतु या रयिः ३

यन्नियानं न्ययनं संज्ञानं यत् परायणम् ।

आवर्तनं निवर्तनं यो गोपा अपि तं हुवे ४

य उदानङ् व्ययनं य उदानट् परायणम् ।

आवर्तनं निवर्तनमपि गोपा नि वर्तताम् ५

आ निवर्त नि वर्तय पुनर्न इन्द्र गा देहि । जीवाभिर्भुनजामहै ६

परि वो विश्वतौ दध ऊर्जा घृतेन पर्यसा ।

ये देवाः के च यज्ञियास्ते रय्या सं सृजन्तु नः ७

आ निवर्तन वर्तय नि निवर्तन वर्तय ।

भूम्याश्चर्तस्रः प्रदिशस्ताभ्य एना नि वर्तय ८

(६१) एकनवतितमं सूक्तम्

(१-२०) दशर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः । अग्निर्देवता । (१) प्रथमर्च एकपदा विराट्, (२) द्वितीयाया अनुष्टुप्, (३-८) तृतीयादितृचद्वयस्य गायत्री, (६) नवम्या विराट्,

(१०) दशम्याश्च त्रिष्टुप् छन्दः

भद्रं नो अपि वातय मनः १

अग्निमीळे भुजां यविष्ठं शासा मित्रं दुर्धरीतुम् २

यस्य धर्मन् त्वश्रेनीः सपर्यन्ति मातुरूधः २
 यमासा कृपनीळं भासाकैतुं वर्धयन्ति । भ्राजते श्रेणिदन् ३
 अर्यो विशां गातुरेति प्र यदानं दिवो अन्तान् । कविरभ्रं दीद्यानः ४
 जुषद्धव्या मानुषस्योर्ध्वस्तस्थावृभ्वा युजे । मिन्वन् त्सद्यं पुर एति ५
 स हि क्षेमो हविर्यज्ञः श्रुष्टीदस्य गातुरेति । अग्निं देवा वाशीमन्तम् ६
 यज्ञासाहं दुर्व इषे ऽग्निं पूर्वस्य शेवस्य । अद्रैः सूनुमायुमाहुः ७
 नरो ये के चास्मदा विश्वेत् ते वाम आ स्युः ।
 अग्निं हविषा वर्धन्तः कृष्णः श्वेतोऽरुषो यामौ अस्य ब्रध्न ऋज उत शोणो
 यशस्वान् ।
 हिरण्यरूपं जनिता जजान ८
 एवा तै अग्ने विमदो मनीषामूर्जो नपादमृतेभिः सजोषाः ।
 गिर आ वक्षत् सुमतीरियान इषमूर्जं सुक्षितिं विश्वमाभाः १०

(६२) द्विनवतितमं सूक्तम्

(१-८) अष्टर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः
 । अग्निर्देवता । आस्तारपङ्क्तिश्छन्दः

अग्निं न स्ववृत्तिभिर्होतारं त्वा वृणीमहे ।
 यज्ञाय स्तीर्णबर्हिषे वि वो मदे शीरं पावकशौचिषं विवक्षसे १
 त्वामु ते स्वाभुवः शम्भन्त्यश्वराधसः ।
 वेति त्वामुपसेचनी वि वो मद् ऋजीतिरग्न आहुतिर्विवक्षसे २
 त्वे धर्माण आसते जुहूभिः सिञ्चतीरिव ।
 कृष्णा रूपाण्यजुना वि वो मदे विश्वा अधि श्रियो धिषे विवक्षसे ३
 यमग्ने मन्यसे रयिं सहसावन्नमर्त्य ।
 तमा नो वाजसातये वि वो मदे युजेषु चित्रमा भरा विवक्षसे ४
 अग्निर्जातो अथर्वणा विदद्विश्वा नि काव्या ।
 भुवद्भूतो विवस्वतो वि वो मदे प्रियो यमस्य काम्यो विवक्षसे ५
 त्वां युजेष्वीळते ऽग्ने प्रयत्यध्वरे ।
 त्वं वसूनि काम्या वि वो मदे विश्वा दधासि दाशुषे विवक्षसे ६
 त्वां युजेष्वृत्वजं चारुमग्ने नि पैदिरे ।
 घृतप्रतीकं मनुषो वि वो मदे शुक्रं चेतिष्ठमक्षभिर्विवक्षसे ७

अग्ने॑ श॒क्रेण॑ शो॒चिषो॑रु प्रथयसे बृ॒हत् ।

अ॒भिक्र॑न्दन् वृषाय॑से वि वो॒ मदे॑ गर्भं दधासि जा॒मिषु॑ विव॑क्षसे ८

(६३) त्रिनवतितमं सूक्तम्

(१-१५) पञ्चदशर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा

ऋषिः । इन्द्रो देवता । (१-४, ६, ८, १०-१४) प्रथमादिचतुर्त्वां

षष्ठ्यष्टम्योर्दशम्यादिपञ्चानाञ्च पुरस्ताद्ब्रूहती, (५, ७, ९)

पञ्चमीसप्तमीनवमीनामनुष्टुप्, (१५) पञ्चदश्याश्च त्रिष्टुप् छन्दांसि

कुहं॑ श्रुत इन्द्रः॑ कस्मिन्न॑द्य जने॑ मि॒त्रो न श्रू॑यते ।

ऋषी॑णां वा यः क्षये॑ गुहा॑ वा च॒र्कषे गिरा॑ १

इह श्रुत इन्द्रो॑ अस्मे अ॒द्य स्तवै॑ व॒ज्रच॑र्चीषमः ।

मि॒त्रो न यो जने॑ष्वा यश॑श्च॒क्रे असा॑म्या २

म॒हो यस्पतिः॑ शर्व॑सो असा॑म्या म॒हो नृ॑म्यस्य॒ तूतु॑जिः ।

भ॒र्ता वज्र॑स्य धृ॒ष्णोः पि॒ता पु॒त्रमि॑व प्रि॒यम् ३

यु॒जा॒नो अश्वा॑ वा॒तस्य॑ धु॒नीं दे॒वो दे॒वस्य॑ वज्रि॒वः ।

स्यन्ता॑ पु॒था वि॒रुक्म॑ता सृ॒जानः॑ स्तो॒ष्यध्व॑नः ४

त्वं त्या चि॒द्वात॑स्याश्वा॒गां अ॒ज्रा त्मना॑ वह॑ध्वै ।

ययो॑र्दे॒वो न म॒र्त्यो य॒न्ता नकि॑र्वि॒दाय्यः॑ ५

अ॒ध ग॒मन्तो॑शना॑ पृ॒च्छते वा॑ क॒द॒र्था न॒ आ गृ॑हम् ।

आ ज॑ग॒मथुः॑ प॒राका॑द् दि॒वश्च॑ ग॒मश्च॑ म॒र्त्यम् ६

आ न॑ इन्द्र पृ॒क्षसे॑ ऽस्मा॒कं ब्र॒ह्मोद्य॑तम् ।

तत् त्वा॑ या॒चाम॒हेऽवः॑ शु॒ष्णं यद्ध॑न्नमा॒नुषम् ७

अ॒क्र॒मा दस्यु॑र॒भि नो॑ अ॒मन्तु॑र॒न्यव्र॑तो अ॒मानु॑षः ।

त्वं तस्या॑मि॒त्रह॑न् व॒ध॒र्दास॑स्य द॒म्भय॑ ८

त्वं न॑ इन्द्र शू॒र शू॒रैरु॑त त्वो॒ता॒सो ब॒र्हणा॑ ।

पु॒रु॒त्रा ते॒ वि पू॒तयो॑ न॒वन्त॑ क्षो॒णयो॑ यथा ९

त्वं तान् वृ॒त्रह॑त्यै चो॒दयो॑ नृन् का॒र्पाणे॑ शू॒र वज्रि॑वः ।

गुहा॑ यदी॒ कवी॑नां वि॒शां नक्ष॑त्रशव॒साम् १०

म॒क्षू ता त॑ इन्द्र दा॒नाप्र॑स आ॒क्षणे॑ शू॒र वज्रि॑वः ।

यद्ध॑ शु॒ष्णस्य॑ द॒म्भयो॑ जा॒तं विश्वं॑ स॒याव॑भिः ११

माकुध्र्येगिन्द्र शूर वस्वीरस्मे भूवन्नभिष्टयः ।
 वयंवयं त आसां सुप्ते स्याम वज्रिवः १२
 अस्मे ता त इन्द्र सन्तु सत्या ऽहिसन्तीरुपस्पृशः ।
 विद्याम यासां भुजौ धेनूनां न वज्रिवः १३
 अहस्ता यदपदी वर्धत क्षाः शचीभिर्वेद्यानाम् ।
 शुष्णं परि प्रदक्षिणिद् विश्वार्यवे नि शिश्नथः १४
 पिबापिबेदिन्द्र शूर सोमं मा रिषण्यो वसवान् वसुः सन् ।
 उत त्रायस्व गृणतो मघोनौ महश्च रायो रेवतस्कृधी नः १५

(६४) चतुर्नवतितमं सूक्तम्

(१-७) सप्तर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः । इन्द्रो देवता । (१, ७) प्रथमासप्तम्योऽर्चोस्त्रिष्टुप्, (२-४, ६)

द्वितीयादितृचस्य षष्ठ्याश्च जगती, (५) पञ्चम्याश्चाभिसारिणी छन्दांसि

यजामह इन्द्रं वज्रदक्षिणं हरीणां रथ्यं विव्रतानाम् ।
 प्र श्मश्रु दोधुवदूर्ध्वथा भूद् वि सेनाभिर्दयमानो वि राधसा १
 हरी न्वस्य या वने विदे वस्विन्द्रो मघैर्मघवा वृत्रहा भुवत् ।
 ऋभुर्वाजं ऋभुक्षाः पत्यते शवो ऽव क्षणौमि दासस्य नाम चित् २
 यदा वज्रं हिरण्यमिदथा रथं हरी यमस्य वहतो वि सूरिभिः ।
 आ तिष्ठति मघवा सनश्नुत इन्द्रो वाजस्य दीर्घश्रवसस्पतिः ३
 सो चिन्नु वृष्टिर्युथ्याः स्वा सचाँ इन्द्रः श्मश्रूणि हरिताभि प्रुष्णुते ।
 अवं वेति सुक्षयं सुते मधूदिद्धनोति वातो यथा वनम् ४
 यो वाचा विवाचो मध्रवाचः पुरु सहस्राशिवा जघान् ।
 तत्तदिदस्य पौंस्यं गृणीमसि पितेव यस्तविषीं वावृधे शवः ५
 स्तोमं त इन्द्र विमदा अजीजनन्नपूर्व्यं पुरुतमं सुदानवे ।
 विद्या ह्यस्य भोजनमिनस्य यदा पशुं न गोपाः करामहे ६
 मार्किर्न एना सख्या वि यौषुस्तव चेन्द्र विमदस्य च ऋषैः ।
 विद्या हि ते प्रमतिं देव जामिवदस्मे तै सन्तु सख्या शिवानि ७

(६५) पञ्चनवतितमं सूक्तम्

(१-६) षडृचस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः ।

(१-३) प्रथमतृचस्येन्द्रः, (४-६) द्वितीयतृचस्य चाश्विनौ देवताः । (१-३)
 प्रथमतृचस्यास्तारपङ्क्तिः, (४-६) द्वितीयतृचस्य चानुष्टुप् छन्दसी
 इन्द्र सोममिमं पिब मधुमन्तं चमू सुतम् ।
 अस्मे रयिं नि धारय वि वो मदै सहस्रिणं पुरुवसो विवक्षसे १
 त्वां युज्ञेभिरुक्थैरुप हव्येभिरीमहे ।
 शचीपते शचीनां वि वो मदे श्रेष्ठं नो धेहि वार्यं विवक्षसे २
 यस्पतिर्वार्याणामसि रध्रस्य चोदिता ।
 इन्द्रं स्तोतृणामविता वि वो मदै द्विषो नः पाह्यंहसो विवक्षसे ३
 युवं शक्रा मायाविना समीची निरमन्थतम् ।
 विमदेन यदीळिता नासत्या निरमन्थतम् ४
 विश्वे देवा अकृपन्त समीच्योर्निष्पतन्त्योः ।
 नासत्यावब्रुवन् देवाः पुनरा वहतादिति ५
 मधुमन्मे पुरार्यणं मधुमत् पुनरायनम् ।
 ता नो देवा देवतया युवं मधुमतस्कृतम् ६

(६६) षण्णवतितमं सूक्तम्

(१-११) एकादशर्चस्यास्य सूक्तस्येन्द्रः प्राजापत्यो वा विमदः, वासुक्रो वसुकृद्वा
 ऋषिः । सोमो देवता । आस्तारपङ्क्तिश्छन्दः
 भद्रं नो अपि वातय मनो दक्षमुत क्रतुम् ।
 अधा ते सख्ये अन्धसो वि वो मदे रणन् गावो न यवसे विवक्षसे १
 हृदिस्पृशस्त आसते विश्वेषु सोम धामसु ।
 अधा कामा इमे मम वि वो मदे वि तिष्ठन्ते वसूयवो विवक्षसे २
 उत वृतानि सोम ते प्राहं मिनामि पाक्या ।
 अधा पितेव सूनवे वि वो मदै मृळा नो अभि चिद्रुधाद्विवक्षसे ३
 समु प्र यन्ति धीतयः सर्गासोऽवृतां इव ।
 क्रतुं नः सोम जीवसे वि वो मदै धारया चमसां इव विवक्षसे ४
 तव त्वे सोम शक्तिभिर्निकामासो व्यृशिवरे ।
 गृत्सस्य धीरास्तवसो वि वो मदै वृजं गोमन्तमश्विनं विवक्षसे ५
 पशुं नः सोम रक्षसि पुरुत्रा विष्टितं जगत् ।
 समाकृणोषि जीवसे वि वो मदे विश्वा संपश्यन् भुवना विवक्षसे ६

त्वं नः सोम विश्वतो गोपा अदाभ्यो भव ।
 सेधं राजन्नप स्त्रिधो वि वो मदे मा नो दुःशंस ईशता विवक्षसे ७
 त्वं नः सोम सुक्रतुर्वयोधेयाय जागृहि ।
 क्षेत्रवित्तरो मनुषो वि वो मदे द्रुहो नः पाह्यंहसो विवक्षसे ८
 त्वं नो वृत्रहन्तमेन्द्रस्येन्दो शिवः सखा ।
 यत् सीं हवन्ते समिथे वि वो मदे युध्यमानास्तोकसातौ विवक्षसे ९
 अयं घ स तुरो मद इन्द्रस्य वर्धत प्रियः ।
 अयं कक्षीर्वतो महो वि वो मदे मतिं विप्रस्य वर्धयद्विवक्षसे १०
 अयं विप्राय दाशुषे वाजाँ इयर्ति गोमंतः ।
 अयं सप्तभ्य आ वरं वि वो मदे प्रान्धं श्रोणं च तारिषद्विवक्षसे ११

(६७) सप्तनवतितमं सूक्तम्

(१-६) नवर्चस्यास्य सूक्तस्यैन्द्रः प्राजापत्यो वा विमदः, वासुक्रो वसुकृद्वा ऋषिः ।

पूषा देवता । (१, ४) प्रथमाचतुर्थ्योर्ऋचोरुष्णिक्, (२-३, ५-६)

द्वितीयातृतीययोः पञ्चम्यादिपञ्चानाञ्चानुष्टुप् छन्दसी

प्र ह्यच्छा मनीषाः स्पर्हा यन्ति नियुतः ।
 प्र दुस्त्रा नियुद्रथः पूषा अविष्ट माहिनः १
 यस्य त्यन्महित्वं वाताप्यमयं जनः ।
 विप्र आ वसद्धीतिभिश्चिकेत सुष्टुतीनाम् २
 स वैद सुष्टुतीनामिन्दुर्न पूषा वृषा ।
 अभि प्सुरः प्रुषायति वृजं न आ प्रुषायति ३
 मंसीमहि त्वा वयमस्माकं देव पूषन् ।
 मृतीनां च सार्धनं विप्राणां चाध्वम् ४
 प्रत्यर्धिर्यज्ञानामश्वहयो रथानाम् ।
 ऋषिः स यो मनुर्हितो विप्रस्य यावयत्सखः ५
 आधीषमाणायाः पतिः शचायाश्च शचस्य च ।
 वासोवायोऽवीनामा वासांसि मर्मजत् ६
 इनो वाजानां पतिरिनः पुष्टीनां सखा ।
 प्र श्मश्रु हर्यतो दूधोद् वि वृथा यो अदाभ्यः ७
 आ ते रथस्य पूषन्नजा धुरं ववृत्युः ।

विश्वस्यार्थिनः सखा सनोजा अनपच्युतः ८
 अस्माकमूर्जा रथं पूषा अविष्ट माहिनः ।
 भुवद्वाजानां वृध इमं नः शृण्वद्धवम् ९

(६८) अष्टनवतितमं सूक्तम्

(१-२४) चतुर्विंशत्यृचस्यास्य सूक्तस्यैन्द्रो वसुक्र ऋषिः । इन्द्रो देवता ।

त्रिष्टुप् छन्दः

असत् सु मै जरितुः साभिवेगो यत् सुन्वते यजमानायु शिक्तम् ।
 अनाशीदामहमस्मि प्रहन्ता सत्यध्वृतं वृजिनायन्तमाभुम् १
 यदीदृहं युधये संनयान्यदैवयून् तन्वा३ शूशुजानान् ।
 अमा ते तुम्रं वृषभं पंचानि तीव्रं सुतं पञ्चदशं नि षिञ्चम् २
 नाहं तं वैद य इति ब्रवीत्यदैवयून् त्समरणे जघन्वान् ।
 यदावाख्यत् समरणमृषावृदादिद्ध मे वृषभा प्र ब्रुवन्ति ३
 यदज्ञातेषु वृजनेष्वासं विश्वे सतो मघवानो म आसन् ।
 जिनामि वेत् क्षेम आ सन्तमाभुं प्र तं क्षिणां पर्वते पादगृह्य ४
 न वा उ मां वृजने वारयन्ते न पर्वतासो यदृहं मनस्ये ।
 मम स्वनात् कृधुकर्णो भयात् एवेदनु द्यून् किरणः समैजात् ५
 दर्शन्वत्र श्रुतपां अनिन्द्रान् बाहुक्षदः शरवे पत्यमानान् ।
 घृषु वा ये निनिदुः सखायमध्यु न्वेषु पवयौ ववृत्युः ६
 अभूर्वोक्षीर्व्युश् आयुरानुङ् दर्षन्तु पूर्वो अपरो नु दर्षत् ।
 द्वे पवस्तेपरि तं न भूतो यो अस्य पारे रजसो विवेष ७
 गावो यवं प्रयुता अर्यो अज्ञन् ता अपश्यं सहगौपाश्चरन्तीः ।
 हवा इदर्यो अभितुः समायन् किर्यदासु स्वपतिश्छन्दयाते ८
 सं यद्वयं यवसादो जनानामहं युवाद उर्वजै अन्तः ।
 अत्रा युक्तो ऽवसातारमिच्छादथो अयुक्तं युनजद्ववन्वान् ९
 अत्रेदु मे मंससे सत्यमुक्तं द्विपाञ्च यच्चतुष्पात् संसृजानि ।
 स्त्रीभिर्यो अत्र वृषणं पृतन्यादयुद्धो अस्य वि भजानि वेदः १०
 यस्यानुक्षा दुहिता जात्वास कस्तां विद्वाँ अभि मन्याते अन्धाम् ।
 कतरो मेनिं प्रति तं मुचाते य ई वहति य ई वा वरेयात् ११
 किर्यती योषा मर्यतो वधूयोः परिप्रीता पन्यसा वार्येण ।

भद्रा वधूर्भवति यत् सुपेशाः स्वयं सा मित्रं वनुते जनै चित् १२
 पत्तो जेगार प्रत्यञ्चमत्ति शीष्णा शिरः प्रति दधौ वरूथम् ।
 आसीन ऊर्ध्वामुपसि क्षिणाति न्यङ्ङुत्तानामन्वेति भूमिम् १३
 बृहन्नच्छायो अपलाशो अर्वा तस्थौ माता विषितो अत्ति गर्भः ।
 अन्यस्या वत्सं रिहती मिमाय कया भुवा नि दधे धेनुरूधः १४
 सप्त वीरासौ अधरादुदायन्नष्टोत्तरात्तात् समजग्मिरन्ते ।
 नव पश्चातात् स्थविमन्त आयन् दश प्राक् सानु वि तिरन्त्यश्नः १५
 दशानामेकं कपिलं समानं तं हिन्वन्ति क्रतवे पार्याय ।
 गर्भं माता सुधितं वृक्षणास्ववैनन्तं तुषयन्ती बिभर्ति १६
 पीवानं मेषमपचन्त वीरा न्युप्ता अक्षा अनु दीव आसन् ।
 द्वा धनु बृहतीमप्स्वश्नः पवित्रवन्ता चरतः पुनन्ता १७
 वि क्रौशनासो विष्वेच्च आयन् पचाति नेमो नहि पक्षदुर्धः ।
 अयं मे देवः सविता तदाह द्रवन्न इद्वनवत् सर्पिरन्नः १८
 अपश्यं ग्रामं वहमानमारादचक्रया स्वधया वर्तमानम् ।
 सिषक्त्यर्थः प्र युगा जनानां सद्यः शिशना प्रमिनानो नवीयान् १९
 एतौ मे गावौ प्रमुरस्य युक्तौ मो षु प्र सैधीर्मुहुरिन्ममन्धि ।
 आपश्चिदस्य वि नशन्त्यर्थं सूरश्च मर्क उपरो बभूवान् २०
 अयं यो वज्रः पुरुधा विवृत्तो ऽवः सूर्यस्य बृहतः पुरीषात् ।
 श्रव इदेना पुरो अन्यदस्ति तदव्यथी जरिमाणस्तरन्ति २१
 वृक्षेवृक्षे नियता मीमयद्गौस्ततौ वयः प्र पतान् पूरुषादः ।
 अथेदं विश्वं भुवनं भयात् इन्द्राय सुन्वदृषये च शिञ्जत् २२
 देवानां मानं प्रथमा अतिष्ठन् कृन्तत्रादिषामुपरा उदायन् ।
 त्रयस्तपन्ति पृथिवीमनूपा द्वा बृबूकं वहतः पुरीषम् २३
 सा तै जीवातुरुत तस्य विद्धि मा स्मैतादृगप गूहः समुर्ये ।
 आविः स्वः कृणुते गूहते बुसं स पादुरस्य निर्णिजो न मुच्यते २४

(६६) नवनवतितमं सूक्तम्

(१-१२) द्वादशर्चस्यास्य सूक्तस्य (१) प्रथमर्च इन्द्रस्नुषा वसुक्रपती ऋषिका,
 (२, ६, ८, १०, १२) द्वितीयाषष्ठ्यष्टमीदशमीद्वादशीनामिन्द्रः, (३-५, ७, ९, ११)

तृतीयादितृचस्य सप्तमीनवम्येकादशीनाञ्चैन्द्रो वसुक्र ऋषिः । (१, ३-५, ७, ९, ११) प्रथमर्चस्तृतीयादितृचस्य सप्तमीनवम्येकादशीनाञ्चैन्द्रः, (२, ६, ८, १०, १२)

द्वितीयाषष्ठ्यष्टमीदशमीद्वादशीनाञ्चैन्द्रो वसुक्रो देवते । त्रिष्टुप् छन्दः

विश्वो ह्य॑श्न्यो अ॒रिराज॑गाम॒ ममेद॑ह॒ श्वश॑रो ना ज॑गाम ।
ज॒क्षीया॑द्धाना उ॒त सोमं॑ पपी॒यात् स्वा॑शितः पुन॒रस्तं॑ जगा॒यात् १
स रो॑रुवद्वृष॒भस्ति॑गमशृ॒ङ्गो वर्ष्म॑न् तस्थौ वरि॒मुन्ना पृ॑थिव्याः ।
विश्वे॑ष्वेनं वृ॒जनै॑षु पा॒मि यो मे॑ कु॒क्षी सु॒तसौ॑मः पृ॒णति॑ २
अ॒द्रिणा॑ ते म॒न्दिनं॑ इन्द्र॒ तूयान्॑ त्सु॒न्वन्ति॑ सोमा॒न् पिब॑सि त्वमे॒षाम् ।
पच॑न्ति ते वृष॒भाँ अ॒त्सि तेषां॑ पृ॒क्षेण॑ यन्म॑घवन् हूय॒मानः॑ ३
इदं॑ सु मे॑ जरि॒तरा चि॑किद्धि प्र॒तीपं॑ शापं॒ नृद्यौ॑ वहन्ति ।
लो॒पाशः सि॑हं प्र॒त्यञ्च॑मत्साः क्रो॒ष्टा व॑राहं निर॑तक्त॒ कक्षा॑त् ४
क॒था त ए॒तद्द॑हमा चि॑केतुं गृ॒त्सस्य॑ पाक॒स्तव॑सो मनी॒षाम् ।
त्वं नो॑ वि॒द्वाँ ऋ॒तुथा वि॑ वौचो॒ यम॑र्धं ते मघवन् क्षेम्या धूः ५
ए॒वा हि मां॑ त॒वसं॑ व॒र्धय॑न्ति दि॒वश्चि॑न्मे बृ॒हत॑ उत्त॒रा धूः॑ ।
पु॒रू स॒हस्रा॑ नि शि॑शामि सा॒कर्म॑शत्रुं हि मा॒ जनि॑ता ज॒जानं॑ ६
ए॒वा हि मां॑ त॒वसं॑ ज॒ज्ञुरु॑ग्रं कर्म॒न्कर्म॑न् वृष॒णमिन्द्र॑ दे॒वाः ।
व॒धीं वृ॒त्रं व॒ज्रेण॑ म॒न्दसा॑नो ऽप॑ वृ॒जं म॑हिना दा॒शुषे॑ वम् ७
दे॒वास॑ आयन् पर॒शूरै॑बिभ्रन् वना॑ वृ॒श्चन्तौ॑ अ॒भि वि॒डि॑भरा॒यन् ।
नि सु॒द्रवं॑ दध॒तो व॒क्षणा॑सु यत्रा॒ कृपी॑ट॒मनु॑ तद॑हन्ति ८
श॒शः क्षुरं॑ प्र॒त्यञ्च॑ जग॒राऽद्रिं॑ लो॒गेन॑ व्य॒भेद॑मा॒रात् ।
बृ॒हन्तं॑ चिद॒हृते॑ र॒न्धया॑नि वय॑द्व॒त्सो वृष॑भं शू॒शुवा॑नः ९
सु॒पुर्णं॑ इ॒त्था न॒खमा॑ सि॒षाया॑व॒रुद्धः॑ परि॒पदं॑ न सि॒हः ।
नि॒रुद्ध॑श्चि॒न्महि॑षस्त॒र्ष्यावा॑न् गो॒धा तस्मा॑ अ॒यथ॑ कर्ष॒देतत्॑ १०
तेभ्यो॑ गो॒धा अ॒यथ॑ कर्ष॒देत॑द्ये ब्र॒ह्मणः॑ प्र॒तिपी॑यन्त्य॒न्नैः ।
सि॒म उ॒द्दणो॑ऽवसृ॒ष्टाँ अ॑दन्ति स्व॒यं ब॒लानि॑ त॒न्वः शृ॒णानाः॑ ११
ए॒ते श॒मीभिः॑ सु॒शमी॑ अभू॒वन् ये हि॑न्वि॒रे त॒न्वः॑ सोमं॒ उक्थैः॑ ।
नृ॒वद्व॑द॒नुप॑ नो मा॒हि वा॒जान् दि॒वि श्र॒वौ दधि॑षे॒ नाम॑ वी॒रः १२

(१००) शततमं सूक्तम्

(१-८) अष्टर्चस्यास्य सूक्तस्यैन्द्रो वसुक्र ऋषिः । इन्द्रो देवता । त्रिष्टुप् छन्दः

वने न वा यो न्यधायि चाकञ्छुचिर्वा स्तोमौ भुरणावजीगः ।
 यस्येदिन्द्रः पुरुदिनेषु होता नृणां नर्यो नृतमः क्षपावान् १
 प्र ते अस्या उषसः प्रापरस्या नृतौ स्याम् नृतमस्य नृणाम् ।
 अनु त्रिशोकः शतमावहन् कुत्सेन रथो यो असत् ससवान् २
 कस्ते मद इन्द्र रन्त्यो भूदुरो गिरौ अभ्युग्रो वि धाव ।
 कद्वाहौ अर्वागुप मा मनीषा आ त्वा शक्यामुपमं राधो अन्नैः ३
 कदु द्युमिन्द्र त्वावतो नृन् कया धिया करसे कन्न आगन् ।
 मित्रो न सत्य उरुगाय भृत्या अन्नै समस्य यदसन् मनीषाः ४
 प्रेरय सूर्यो अर्थं न पारं ये अस्य कामं जनिधा इव गमन् ।
 गिरश्च ये ते तुविजात पूर्वीर्नर इन्द्र प्रतिशिक्षन्त्यन्नैः ५
 मात्रे नु ते सुमिते इन्द्र पूर्वी द्यौर्मज्मना पृथिवी काव्येन ।
 वराय ते घृतवन्तः सुतासः स्वाधन् भवन्तु पीतये मधूनि ६
 आ मध्वो अस्मा असिचन्नमत्रमिन्द्राय पूर्णं स हि सत्यराधाः ।
 स वावृधे वरिमन्ना पृथिव्या अभि क्रत्वा नर्यः पौंस्यैश्च ७
 व्यानळिन्द्रः पृतनाः स्वोजा आस्मै यतन्ते सख्याय पूर्वीः ।
 आ स्मा रथं न पृतनासु तिष्ठ यं भद्रया सुमत्या चोदयासे ८

(१०१) एकोत्तरशततमं सूक्तम्

(१-१५) पञ्चदशर्चस्यास्य सूक्तस्यैलूषः कवष ऋषिः । आपोऽपां नपाद्वा देवता ।

त्रिष्टुप् छन्दः

प्र देवत्रा ब्रह्मणे गातुरेत्वपो अच्छा मनसो न प्रयुक्ति ।
 महीं मित्रस्य वरुणस्य धासिं पृथुजयसे रीरधा सुवृक्तिम् १
 अध्वर्यवो हविष्मन्तो हि भूताऽच्छाप इतोशतीरुशन्तः ।
 अव याश्चष्टे अरुणः सुपर्णस्तमास्यध्वमूर्मिमद्या सुहस्ताः २
 अध्वर्यवोऽप इता समुद्रमपां नपातं हविषा यजध्वम् ।
 स वो दददूर्मिमद्या सुपूतं तस्मै सोमं मधुमन्तं सुनोत ३
 यो अनिध्मो दीदयदप्स्वन्तर्यं विप्रास ईळते अध्वरेषु ।
 अपां नपान्मधुमतीरपो दा याभिरिन्द्रो वावृधे वीर्याय ४
 याभिः सोमो मोदते हर्षते च कल्याणीभिर्युवतिभिर्न मर्यः ।
 ता अध्वर्यो अपो अच्छा परेहि यदासिञ्चा ओषधीभिः पुनीतात् ५

एवेद्यूनै युवतयौ नमन्तु यदीमुशन्नुशतीरेत्यच्छ ।
 सं जानते मनसा सं चिकित्रे ऽध्वर्यवो धिषणापश्च देवीः ६
 यो वो वृताभ्यो अकृणोदु लोकं यो वो मृह्या अभिशस्तेरमुञ्चत् ।
 तस्मा इन्द्राय मधुमन्तमूर्मि दैवमादनं प्र हिणोतनापः ७
 प्रास्मै हिनोतु मधुमन्तमूर्मि गर्भो यो वः सिन्धवो मध्व उत्सः ।
 घृतपृष्ठमीडयमध्वरेष्वाऽऽपौ रेवतीः शृणुता हव मे ८
 तं सिन्धवो मत्सरमिन्द्रपानमूर्मि प्र हैतु य उभे इर्यति ।
 मुदच्युतमौशानं नभोजां परि त्रितन्तुं विचरन्तमुत्सम् ९
 आववृततीरध्व नु द्विधारां गोषुयुधो न नियवं चरन्तीः ।
 ऋषे जनित्रीर्भुवनस्य पत्नीरपो वन्दस्व सवधः सयौनीः १०
 हिनोता नो अध्वरं दैवयज्या हिनोतु ब्रह्म सनये धनानाम् ।
 ऋतस्य योगे वि ष्यध्वमूधः श्रुष्टीवरीर्भूतनास्मभ्यमापः ११
 आपौ रेवतीः क्षयथा हि वस्वः क्रतुं च भद्र इर्बभूथामृतं च ।
 रायश्च स्थ स्वपत्यस्य पत्नीः सरस्वती तद्गृणते वयौ धात् १२
 प्रति यदापो अदृश्रमायतीर्घृतं पयांसि बिभ्रतीर्मधूनि ।
 अध्वर्युभिर्मनसा संविदाना इन्द्राय सोमं सुषुतं भरन्तीः १३
 एमा अगमन् रेवतीर्जीवधन्या अध्वर्यवः सादयता सखायः ।
 नि बर्हिषि धत्तन सोम्यासो ऽपां नज्रां संविदानास एनाः १४
 आगमुन्नाप उशतीर्बर्हिरदं न्यध्वरे असदन् देवयन्तीः ।
 अध्वर्यवः सुनुतेन्द्राय सोममभूदु वः सुशका देवयज्या १५

(१०२) द्व्युत्तरशततमं सूक्तम्

(१-११) एकादशर्चस्यास्य सूक्तस्यैलूषः कवष ऋषिः । विश्वे देवा देवताः ।

त्रिष्टुप् छन्दः

आ नो देवानामुप वेतु शंसो विश्वैभिस्तुरैरवसे यजत्रः ।
 तेभिर्वयं सुषखायो भवेम तरन्तो विश्वा दुरिता स्याम १
 परि चिन्मर्तो द्रविणं ममन्यादृतस्य पथा नमसा विवासेत् ।
 उत स्वेन क्रतुना सं वदेतु श्रेयांसं दक्षं मनसा जगृभ्यात् २
 अधायि धीतिरससृग्रमंशास्तीर्थे न दुस्ममुप यन्त्यूमाः ।
 अभ्यानश्म सुवितस्य शूषं नवैदसो अमृतानामभूम ३

नित्यंश्चाकन्यात् स्वपतिर्दमूना यस्मा उ देवः सविता जजान ।
 भगौ वा गोभिर्यमेमनज्यात् सो अस्मै चारुश्छदयदुत स्यात् ४
 इयं सा भूया उषसामिव द्वा यद्ध क्षुमन्तः शर्वसा समार्यन् ।
 अस्य स्तुतिं जरितुर्भिक्षमाणा आ नः शग्मास उप यन्तु वाजाः ५
 अस्येदेषा सुमतिः पप्रथाना ऽभवत् पूर्या भूमना गौः ।
 अस्य सनीळा असुरस्य योनौ समान आ भरणे बिभ्रमाणाः ६
 किं स्विद्वनं क उ स वृक्ष आस यतो द्यावापृथिवी निष्टतक्षुः ।
 संतस्थाने अजरै इतर्कती अहानि पूर्वीरुषसौ जरन्त ७
 नैतावदेना पुरो अन्यदस्त्युक्षा स द्यावापृथिवी बिभर्ति ।
 त्वचं पवित्रं कृणुत स्वधावान् यदीं सूर्यं न हरितो वहन्ति ८
 स्तेगो न क्षामत्यैति पृथ्वीं मिहं न वातो वि ह वाति भूम ।
 मित्रो यत्र वरुणो अज्यमानो ऽग्निर्वने न व्यसृष्ट शोकम् ९
 स्तरीर्यत् सूत सद्यो अज्यमाना व्यथिरव्यथीः कृणुत स्वगौपा ।
 पुत्रो यत् पूर्वः पित्रोर्जनिष्ट शम्यां गौर्जगार यद्ध पृच्छान् १०
 उत कण्वं नृषदः पुत्रमाहुरुत श्यावो धनुमादत्त वाजी ।
 प्र कृष्णाय रुशदपिन्वतोर्धर्तुतमत्र नकिरस्मा अपीपेत् ११

(१०३) त्र्युत्तरशततमं सूक्तम्

(१-६) नवर्चस्यास्य सूक्तस्यैलूषः कवष ऋषिः । इन्द्रो देवता । (१-५)

प्रथमादिपञ्चर्चा जगती, (६-६) षष्ठ्यादिचतसृणाञ्च त्रिष्टुप् छन्दसी

प्र सु गमन्ता धियसानस्य सक्षणि वरेभिर्वराँ अभि षु प्रसीदतः ।
 अस्माकमिन्द्र उभयं जुजोषति यत् सोम्यस्यान्धसो बुबोधति १
 वीन्द्र यासि दिव्यानि रोचना वि पार्थिवानि रजसा पुरुष्टुत ।
 ये त्वा वहन्ति मुहुरध्वराँ उप ते सु वन्वन्तु वग्वनाँ अराधसः २
 तदिन्मे छन्तस्रपुषो वपुष्टरं पुत्रो यज्जानं पित्रोरधीयति ।
 जाया पतिं वहति वृमुना सुमत् पुंस इन्द्रो वहतुः परिष्कृतः ३
 तदित् सधस्थमभि चारु दीधय गावो यच्छासन् वहतुं न धेनवः ।
 माता यन्मन्तुर्युथस्य पूर्याऽभि वाणस्य सप्तधातुरिजनः ४
 प्र वोऽच्छा रिरिचे देवयुष्पदमेकौ रुद्रेभिर्याति तुर्वणिः ।
 जरा वा येष्वमृतैषु दावने परि व ऊमैभ्यः सिञ्चता मधु ५

निधीयमानमपगूळहमप्सु प्र मै देवानां व्रतपा उवाच ।
 इन्द्रो विद्वाँ अनु हि त्वां चचक्ष तेनाहमग्ने अनुशिष्ट आगाम् ६
 अक्षेत्रवित् क्षेत्रविदं ह्यप्राट् स प्रैति क्षेत्रविदानुशिष्टः ।
 एतद्वै भद्रमनुशासनस्योत स्तुतिं विन्दत्यञ्जसीनाम् ७
 अघेदु प्राणीदममन्निमाहा ऽपीवृतो अधयन्मातुरुधः ।
 एमैनमाप जरिमा युवानमहैळन् वसुः सुमना बभूव ८
 एतानि भद्रा कलश क्रियाम् कुरुश्रवण ददतो मघानि ।
 दान इद्वौ मघवानः सो अस्त्वयं च सोमो हृदि यं बिभर्मि ९

अष्टमोऽध्यायः

। व० १-२६ ।

(१०४) चतुरुत्तरशततमं सूक्तम्

(१-६) नवर्चस्यास्य सूक्तस्यैलूषः कवष ऋषिः । (१) प्रथमर्चो विश्वे देवाः,
 (२-३) द्वितीयातृतीययोरिन्द्रः, (४-५) चतुर्थीपञ्चम्योस्त्रासदस्यवस्य कुरुश्रवणस्य
 दानस्तुतिः, (६-९) षष्ठ्यादिचतसृणाञ्च मैत्रातिथिरुपमश्रवा देवताः । (१)
 प्रथमर्चस्त्रिष्टुप्, (२-३) द्वितीयातृतीययोः प्रगाथः (द्वितीयाया बृहती, तृतीयायाः
 सतोबृहती), (४-६) चतुर्थ्यादितृचद्वयस्य च गायत्री छन्दांसि
 प्र मां युयुज्रे प्रयुजो जनानां वहामि स्म पूषणमन्तरेण ।
 विश्वे देवासो अध मामरक्षन् दुःशासुरागादिति घोष आसीत् १
 सं मां तपन्त्यभितः सपत्नीरिव पर्शवः ।
 नि बाधते अमतिर्नृगता जसुर्वेर्न वैवीयते मतिः २
 मूषो न शिशना व्यदन्ति माध्यः स्तोतारं ते शतक्रतो ।
 सकृत् सु नो मघवन्निन्द्र मृळ्याऽधा पितेर्व नो भव ३
 कुरुश्रवणमावृणि राजानं त्रासदस्यवम् । मंहिष्ठं वाघतामृषिः ४
 यस्य मा हरितो रथे तिस्रो वहन्ति साधुया । स्तवै सहस्रदक्षिणे ५
 यस्य प्रस्वादसो गिर उपमश्रवसः पितुः । क्षेत्रं न रणवमूचुषे ६
 अधि पुत्रोपमश्रवो नपान्मित्रातिथेरिहि । पितुष्टै अस्मि वन्दिता ७
 यदीशीयामृतानामुत वा मर्त्यानाम् । जीवेदिन्मघवा मम ८
 न देवानामति व्रतं शतात्मा चन जीवति । तथा युजा वि वावृते ९

(१०५) पञ्चोत्तरशततमं सूक्तम्

१-१४) चतुर्दशर्चस्यास्य सूक्तस्यैलूषः कवषो मौजवानक्षो वा ऋषिः । (१, ७, ६,
१२) प्रथमासप्तमीनवमीद्वादशीनामृचामक्षाः, (२-६, ८, १०-११, १४)
द्वितीयादिपञ्चानामष्टमीदशम्येकादशीचतुर्दशीनाञ्चाक्षकितवनिन्दा, (१३)
त्रयोदश्याश्च कृषिर्देवताः । (१-६, ८-१४) प्रथमादिषडृचामष्टम्यादिसप्तानाञ्च
त्रिष्टुप्, (७) सप्तम्याश्च जगती छन्दसी

प्रावेपा मां बृहतो मादयन्ति प्रवातेजा इरिणे वर्वृतानाः ।
सोमस्येव मौजवतस्य भक्षो विभीर्दको जागृविर्मह्यमच्छान् १
न मां मिमेष न जिहीळ एषा शिवा सखिभ्य उत मह्यमासीत् ।
अक्षस्याहमैकपरस्य हेतोरनुवतामप जायामरोधम् २
द्वेष्टि श्वश्रूरप जाया रुणद्धि न नाथितो विन्दते मर्दितारम् ।
अश्वस्येव जरतो वस्त्रयस्य नाहं विन्दामि कितवस्य भोगम् ३
अन्ये जायां परि मृशन्त्यस्य यस्यागृधद्वेदने वाज्यक्षः ।
पिता माता भ्रातर एनमाहुर्न जानीमो नयता बद्धमेतम् ४
यदादीध्ये न देविषाण्येभिः परायद्धोऽव हीये सखिभ्यः ।
न्युप्ताश्च बभ्रवो वाचमक्रतुं एमीदेषां निष्कृतं जारिणीव ५
सभामैति कितवः पृच्छमानो जेष्यामीति तन्वांश् शूशुजानः ।
अक्षासौ अस्य वि तिरन्ति कामं प्रतिदीप्ते दधतु आ कृतानि ६
अक्षास इदङ्कुशिनो नितोदिनो नि कृत्वानुस्तपनास्तापयिष्णवः ।
कुमारदैष्णा जयतः पुनर्हणो मध्वा संपृक्ताः कितवस्य बर्हणा ७
त्रिपञ्चाशः क्रीळति व्रात एषां देव इव सविता सत्यधर्मा ।
उग्रस्य चिन्मन्यवे ना नमन्ते राजा चिदेभ्यो नम इत् कृणोति ८
नीचा वर्तन्त उपरि स्फुरन्त्यहस्तासो हस्तवन्तं सहन्ते ।
दिव्या अङ्गारा इरिणे न्युप्ताः शीताः सन्तो हृदयं निर्दहन्ति ९
जाया तप्यते कितवस्य हीना माता पुत्रस्य चरतुः क्व स्वित् ।
अणावा बिभ्यद्धनमिच्छमानो ऽन्येषामस्तमुप नक्तमेति १०
स्त्रियं दृष्ट्वाय कितवं ततापान्येषां जायां सुकृतं च योनिम् ।
पूर्वाह्णे अश्वान् युयुजे हि बभ्रून् त्सो अग्रेरन्तै वृषलः पपाद ११
यो वः सेनानीर्महतो गुणस्य राजा व्रातस्य प्रथमो बभूव ।
तस्मै कृणोमि न धना रुणध्मि दशाहं प्राचीस्तदृतं वेदामि १२

अक्षैर्मा दीव्यः कृषिमित् कृषस्व वित्ते रमस्व बृहु मन्यमानः ।
 तत्र गावः कितव तत्र जाया तन्मे वि चष्टे सवितायमर्यः १३
 मित्रं कृणुध्वं खलु मृळता नो मा नो घोरेण चरताभि धृष्णु ।
 नि वो नु मन्युर्विशतामरातिरन्यो बभ्रूणां प्रसितौ न्वस्तु १४

(१०६) षडुत्तरशततमं सूक्तम्

(१-१४) चतुर्दशर्चस्यास्य सूक्तस्य धानाको लुश ऋषिः । विश्वे देवा देवताः ।
 (१-१२) प्रथमादिद्वादशर्चा जगती, (१३-१४) त्रयोदशीचतुर्दश्योश्च त्रिष्टुप् छन्दसी
 अबुध्रमु त्य इन्द्रवन्तो अग्रयो ज्योतिर्भरन्त उषसो व्युष्टिषु ।
 मही द्यावापृथिवी चैततामपो ऽद्या देवानामव आ वृणीमहे १
 दिवस्पृथिव्योरव आ वृणीमहे मातृन् त्सिन्धून् पर्वताञ्छर्यणावतः ।
 अनागास्त्वं सूर्यमुषासमीमहे भद्रं सोमः सुवानो अद्या कृणोतु नः २
 द्यावा नो अद्य पृथिवी अनागसो मही त्रायेतां सुविताय मातरा ।
 उषा उच्छन्त्यप बाधतामघं स्वस्त्यश्ग्रिं समिधानमीमहे ३
 इयं न उस्त्रा प्रथमा सुदेव्य रेवत् सनिभ्यो रेवती व्युच्छतु ।
 आरे मन्युं दुर्विदत्रस्य धीमहि स्वस्त्यश्ग्रिं समिधानमीमहे ४
 प्र याः सिस्रते सूर्यस्य रश्मिभिर्ज्योतिर्भरन्तीरुषसो व्युष्टिषु ।
 भद्रा नो अद्य श्रवसे व्युच्छत स्वस्त्यश्ग्रिं समिधानमीमहे ५
 अनमीवा उषस आ चरन्तु न उदग्रयो जिहतां ज्योतिषा बृहत् ।
 आयुक्षातामश्विना तूतुजिं रथं स्वस्त्यश्ग्रिं समिधानमीमहे ६
 श्रेष्ठं नो अद्य सवितुर्वरेण्यं भागमा सुव स हि रब्रधा असि ।
 रायो जनित्रीं धिषणामुप ब्रुवे स्वस्त्यश्ग्रिं समिधानमीमहे ७
 पिपेतु मा तदृतस्य प्रवाचनं देवानां यन्मनुष्याः अमन्महि ।
 विश्वा इदुस्त्राः स्पळुदैति सूर्यः स्वस्त्यश्ग्रिं समिधानमीमहे ८
 अद्वेषो अद्य बर्हिषः स्तरीमणि ग्राव्णां योगे मन्मनः सार्ध ईमहे ।
 आदित्यानां शर्मणि स्था भुरगयसि स्वस्त्यश्ग्रिं समिधानमीमहे ९
 आ नो बर्हिः सधमादे बृहद्वि देवा ईळे सादया सप्त होतृन् ।
 इन्द्र मित्रं वरुणं सातये भर्गं स्वस्त्यश्ग्रिं समिधानमीमहे १०
 त आदित्या आ गता सर्वतातये वृधे नो यज्ञमवता सजोषसः ।
 बृहस्पतिं पूषणमश्विना भर्गं स्वस्त्यश्ग्रिं समिधानमीमहे ११

तन्नो देवा यच्छत सुप्रवाचनं छुर्दिरोदित्याः सुभरं नृपाय्यम् ।
 पश्वे तोकाय तनयाय जीवसे स्वस्त्यश्मिं समिधानमीमहे १२
 विश्वे अद्य मरुतो विश्वं ऊती विश्वे भवन्त्वग्रयः समिद्धाः ।
 विश्वे नो देवा अवसा गमन्तु विश्वमस्तु द्रविणं वाजो अस्मे १३
 यं देवासोऽवथ वाजसातौ यं त्रायध्वे यं पिपृथात्यंहः ।
 यो वो गोपीथे न भयस्य वेद ते स्याम देववीतये तुरासः १४

(१०७) सप्तोत्तरशततमं सूक्तम्

(१-१४) चतुर्दशर्चस्यास्य सूक्तस्य धानाको लुश ऋषिः । विश्वे देवा देवताः ।
 (१-१२) प्रथमादिद्वादशर्चा जगती, (१३-१४) त्रयोदशीचतुर्दश्योश्च त्रिष्टुप् छन्दसी
 उषासानक्ता बृहती सुपेशसा द्यावाक्षामा वरुणो मित्रो अर्यमा ।
 इन्द्रं हवे मरुतः पर्वता अप आदित्यान् द्यावापृथिवी अपः स्वः १
 द्यौश्च नः पृथिवी च प्रचेतस अतावरी रक्षतामंहसो रिषः ।
 मा दुर्विदत्रा निर्ऋतिर्न ईशत तद्देवानामवो अद्या वृणीमहे २
 विश्वस्मान्नो अदितिः पात्वंहसो माता मित्रस्य वरुणस्य रेवतः ।
 स्वर्वज्रयोतिरवृकं नशीमहि तद्देवानामवो अद्या वृणीमहे ३
 ग्रावा वदन्नप रक्षांसि सेधतु दुष्वप्रयं निर्ऋतिं विश्वमत्रिणम् ।
 आदित्यं शर्म मरुतामशीमहि तद्देवानामवो अद्या वृणीमहे ४
 एन्द्रो बर्हिः सीदतु पिन्वतामिळा बृहस्पतिः सामभिर्ऋक्वो अर्चतु ।
 सुप्रकेतं जीवसे मन्म धीमहि तद्देवानामवो अद्या वृणीमहे ५
 दिविस्पृशं यज्ञमुस्माकमश्विना जीराध्वरं कृणुतं सुममिष्टये ।
 प्राचीनरश्मिमाहुतं घृतेन तद्देवानामवो अद्या वृणीमहे ६
 उप ह्वये सुहवं मारुतं गुणं पोवकमुष्वं सख्याय शंभुवम् ।
 रायस्पोषं सौश्रवसाय धीमहि तद् देवानामवो अद्या वृणीमहे ७
 अपां पेरु जीवधन्यं भरामहे देवाव्य सुहवमध्वरश्रियम् ।
 सुरश्मिं सोममिन्द्रियं यमीमहि तद् देवानामवो अद्या वृणीमहे ८
 सनेम तत् सुसनिता सनिर्त्वाभिर्वयं जीवा जीवपुत्रा अनागसः ।
 ब्रह्मद्विषो विष्वगेनो भरेरतु तद् देवानामवो अद्या वृणीमहे ९
 ये स्था मनोर्यज्ञियास्ते शृणोतन् यद्वो देवा ईमहे तद्दातन ।
 जैत्रं क्रतुं रयिमद्वीरवद्यशस्तद् देवानामवो अद्या वृणीमहे १०

म॒हद्द॒द्य म॑ह॒तामा वृ॑णीम॒हे ऽवो॑ दे॒वानां बृ॑ह॒ताम॑न॒र्वणाम् ।
 यथा॑ वसु॑ वी॒रजा॑तं नशा॑म॒है तद् दे॒वाना॑म॒वो अ॒द्या वृ॑णीम॒हे ११
 म॒हो अ॒ग्नेः स॑मि॒धान॑स्य शर्म॑यना॒गा मि॒त्रे वरु॑णे स्व॒स्तये ।
 श्रेष्ठे॑ स्याम स॒वितुः स॒र्वीम॑नि तद् दे॒वाना॑म॒वो अ॒द्या वृ॑णीम॒हे १२
 ये स॑वितुः स॒त्यस॑वस्य वि॒श्वे मि॒त्रस्य॑ वृ॒ते वरु॑णस्य दे॒वाः ।
 ते सौ॑भ॒गं वी॒रवृ॑द्भोम॒दप्रो दधा॑त॒न् द्रवि॑णं चि॒त्रमु॑स्मे १३
 स॒विता प॒श्वाता॑त् स॒विता पु॒रस्ता॑त् स॒वितो॑त्तरा॒त्तात् स॒विता ध॒रात्ता॑त् ।
 स॒विता नः॑ सुवतु स॒र्वता॑तिं स॒विता नो॑ रा॒सतां दी॒र्घमा॑युः १४

(१०८) अष्टोत्तरशततमं सूक्तम्

(१-१२) द्वादशर्चस्यास्य सूक्तस्य सौर्योऽभितपा ऋषिः । सूर्यो देवता । (१-६,
११-१२) प्रथमादिनवर्चामेकादशीद्वादश्योश्च जगती,

(१०) दशम्याश्च त्रिष्टुप् छन्दसी

नमो॑ मि॒त्रस्य॑ वरु॑णस्य चक्ष॑से म॒हो दे॒वाय॑ तदृ॒तं संप॑र्यत ।
 दूरे॑दृ॒शे दे॒वजा॑ताय के॒तवे॑ दि॒वस्पु॒त्राय॑ सू॒र्याय॑ शंसत १
 सा मा॑ स॒त्योक्तिः॑ परि॑ पातु वि॒श्वतो॑ द्यावा॑ च यत्र॑ त॒तन॒न्नहा॑नि च ।
 वि॒श्वम॒न्यन्नि॑ वि॒शते॑ यदे॒जति॑ वि॒श्वाहा॑पो वि॒श्वाहो॑दैति॒ सूर्यः॑ २
 न ते॒ अदे॑वः प्र॒दि॒वो नि वा॑सते॒ यदे॑त॒शेभिः॑ प॒तरे॑ र॒थर्य॑सि ।
 प्रा॒चीन॑म॒न्यद॑नु॒ वर्त॑ते रज॒ उद॑न्ये॒न ज्योति॑षा यासि सूर्य ३
 येन॑ सूर्य॒ ज्योति॑षा बा॒धसे॑ तमो॒ जग॑च्च वि॒श्वमु॑दि॒यर्षि॑ भानुना ।
 तेना॒स्मद्वि॒श्वाम॑नि॒राम॑ना॒हुति॑म॒पामी॑वामप॒ दुष्प॑वप्र॒यं सुव॑ ४
 वि॒श्वस्य॑ हि प्रे॒षितो॑ रक्ष॑सि व॒तम॑है॒ळय॑न्नुच्चर॑सि स्व॒धा अ॒नु ।
 यद्द॒द्य त्वा॑ सू॒र्योप॑ब्र॒वाम॑है तं नो॑ दे॒वा अ॒नु म॑सीरत॒ क्रतु॑म् ५
 तं नो॑ द्यावा॑पृथि॒वी तन्न॑ आप॒ इन्द्रः॑ शृण॒वन्तु म॑रुतो॒ हव॑ वचः ।
 मा शू॒ने भू॑म॒ सूर्य॑स्य स॒दृशि॑ भ॒द्रं जी॑वन्तो ज॒रणा॑म॒शीम॑हि ६
 वि॒श्वाहा॑ त्वा सु॒मन॑सः सु॒चक्ष॑सः प्र॒जाव॑न्तो अ॒नमी॑वा अ॒नाग॑सः ।
 उ॒द्यन्त॑ त्वा मि॒त्रम॑हो दि॒वेदि॑वे ज्यो॒ग्जी॒वाः प्र॑ति पश्येम सूर्य ७
 म॒हि ज्योति॑र्बि॒भ्रतं॑ त्वा वि॒चक्ष॑ण॒ भास्व॑न्तं चक्षु॑षे चक्षु॑षे मयः ।
 आ॒रोह॑न्तं बृ॒हतः॑ पा॒जस॑स्परि॒ वयं जी॑वाः प्र॑ति पश्येम सूर्य ८
 यस्य॑ ते वि॒श्वा भु॑व॒नानि॑ के॒तुना॑ प्र चेर॑ते नि च वि॒शन्ते॑ अ॒क्तुभिः॑ ।

अनागास्त्वेन हरिकेश सूर्याऽह्नाह्ना नो वस्यसावस्यसोदिहि ६
 शं नो भव चक्षसा शं नो अह्ना शं भानुना शं हिमा शं घृणेन ।
 यथा शमध्वञ्छमसद् दुरोणे तत् सूर्य द्रविणं धेहि चित्रम् १०
 अस्माकं देवा उभयायु जन्मने शर्म यच्छत द्विपदे चतुष्पदे ।
 अदत् पिबदूर्जयमानमाशितं तदस्मे शं योररपो दधातन ११
 यद्वौ देवाश्चक्रम जिह्वा गुरु मनसो वा प्रयुती देवहेळनम् ।
 अरावा यो नो अभि दुच्छुनायते तस्मिन् तदेनो वसवो नि धैतन १२

(१०६) नवोत्तरशततमं सूक्तम्

(१-५) पञ्चर्चस्यास्य सूक्तस्य मुष्कवानिन्द्र ऋषिः । इन्द्रो देवता । जगती छन्दः
 अस्मिन् न इन्द्र पृत्सुतौ यशस्वति शिमीवति क्रन्दसि प्राव सातयै ।
 यत्र गोषाता धृषितेषु खादिषु विष्वक् पतन्ति दिद्यवौ नृषाह्यै १
 स नः क्षुमन्तं सदेने व्यूर्णहि गोअर्णसं रयिमिन्द्र श्रवाय्यम् ।
 स्याम ते जयतः शक्र मेदिनो यथा वयमुश्मसि तद्वसो कृधि २
 यो नो दास आयौ वा पुरुष्टाऽदेव इन्द्र युधये चिकेतति ।
 अस्माभिष्टे सुषहाः सन्तु शत्रवस्त्वया वयं तान् वनुयाम संगुमे ३
 यो दुभ्रेभिर्हव्यो यश्च भूरिभिर्यो अभीकै वरिवोविनृषाह्यै ।
 तं विखादे सस्त्रिमद्य श्रुतं नरमर्वाञ्चमिन्द्रमवसे करामहे ४
 स्ववृजं हि त्वामहमिन्द्र शश्रवानानुदं वृषभ रध्रचोदनम् ।
 प्र मुञ्चस्व परि कुत्सादिहा गहि किमु त्वावान् मुष्कयोर्बद्ध आसते ५

(११०) दशोत्तरशततमं सूक्तम्

(१-१४) चतुर्दशर्चस्यास्य सूक्तस्य काक्षीवती घोषा ऋषिका । अश्विनौ देवते ।
 (१-१३) प्रथमादित्रयोदशर्चा जगती, (१४) चतुर्दश्याश्च त्रिष्टुप् छन्दसी
 यो वां परिज्मा सुवृदश्विना रथौ दोषामुषासो हव्यौ हविष्मता ।
 शश्वत्तमासस्तमु वामिदं वयं पितुर्न नाम सुहव हवामहे १
 चोदयतं सूनृताः पिन्वतं धिय उत पुरंधीरीरयतं तदुश्मसि ।
 यशसं भागं कृणुतं नो अश्विना सोमं न चारुं मघवत्सु नस्कृतम् २
 अमाजुरश्विद्भवथो युवं भगौ ऽनाशोश्चिदवितारापमस्य चित् ।
 अन्धस्य चिन्नासत्या कृशस्य चिद्युवामिदाहुर्भिषजा रुतस्य चित् ३

युवं च्यवानं सनयं यथा रथं पुनर्युवानं चरथाय तक्षथुः ।
 निष्टौग्रचर्महथुरद्भ्यस्परि विश्वेत् ता वां सर्वनेषु प्रवाच्या ४
 पुराणा वां वीर्यां प्र ब्रवा जने ऽथो हासथुर्भिषजा मयोभुवा ।
 ता वां नु नव्यावर्से करामहे ऽयं नासत्या श्रदरिर्यथा दधत् ५
 इयं वामहे शृणुतं मे अश्विना पुत्रायैव पितरा मह्यं शिक्तम् ।
 अनापिरज्ञा असजात्यामतिः पुरा तस्या अभिशस्तेरव स्पृतम् ६
 युवं रथेन विमदाय शन्ध्युवं न्यूहथुः पुरुमित्रस्य योषणाम् ।
 युवं हव वधिमत्या अगच्छतं युवं सुषुतिं चक्रथुः पुरंधये ७
 युवं विप्रस्य जरणामुपेयुषः पुनः कलेरकृणुतं युवद्वयः ।
 युवं वन्दनमृश्यदादुदूपथुर्युवं सद्यो विश्पलामेतवे कथः ८
 युवं ह रेभं वृषणा गुहा हितमुदैरयतं ममृवांसमश्विना ।
 युवमृबीसमुत तप्तमत्रय ओमन्वन्तं चक्रथुः सप्तवधये ९
 युवं श्वेतं पेदवेऽश्विनाश्च नवभिर्वाजैर्नवती च वाजिनम् ।
 चर्कृत्य ददथुर्द्रावयत्सखं भगं न नृभ्यो हव्यं मयोभुवम् १०
 न तं राजानावदिते कुतश्चन नाहौ अश्नोति दुरितं नकिर्भयम् ।
 यमश्विना सुहवा रुद्रवर्तनी पुरोरथं कृणुथः पत्न्या सह ११
 आ तेन यातुं मनसो जवीयसा रथं यं वामृभवंश्चक्रुरश्विना ।
 यस्य योगै दुहिता जायते दिव उभे अहनी सुदिनै विवस्वतः १२
 ता वर्तिर्यातं जयुषा वि पर्वतमपिन्वतं शयवे धेनुमश्विना ।
 वृकस्य चिद्वर्तिकामन्तरास्याद्युवं शर्चीभिर्ग्रसिताममुञ्चतम् १३
 एतं वां स्तोममश्विनावकर्मातक्षाम भृगवो न रथम् ।
 न्यमृक्षाम योषणां न मर्ये नित्यं न सूनुं तनयं दधानाः १४

(१११) एकादशोत्तरशततमं सूक्तम्

(१-१४) चतुर्दशर्चस्यास्य सूक्तस्य काक्षीवती घोषा ऋषिका । अश्विनौ देवते ।

जगती छन्दः

रथं यान्तं कुह को ह वां नरा प्रति द्युमन्तं सुविताय भूषति ।
 प्रातर्यावाणं विश्वं विशेर्विशे वस्तोर्वस्तोर्वहमानं धिया शर्मि १
 कुह स्विद् दोषा कुह वस्तोरश्विना कुहाभिपित्वं करतः कुहौषतुः ।
 को वां शयुत्रा विधवेव देवरं मर्यं न योषा कृणुते सधस्थ आ २

प्रा॒तर्ज॑रथे ज॒र॒णे॒व॒ का॒र्प॒या॒ व॒स्तौ॒र्व॒स्तो॒र्य॒ज॒ता ग॑च्छथो गृ॒हम् ।
 क॒स्य॑ ध्व॒स्त्रा भ॑वथः क॒स्य॑ वा नरा राज॒पु॒त्रे॒व॒ स॒व॒ना॒र्व॒ ग॑च्छथः ३
 यु॒वां मृ॒गे॒र्व॒ वा॒र॒णा मृ॒ग॒ण्य॒वो॒ दो॒षा व॒स्तौ॒र्ह॒वि॒षा नि ह॑यामहे ।
 यु॒वं हो॒त्रा॒मृ॒तु॒था जु॒ह्व॑ते न॒रेषु॑ ज॒नाय॑ वहथः शु॒भ॒स्प॒ती ४
 यु॒वां ह॒ घो॒षा पर्य॑श्विना य॒ती रा॒ज्ञ ऊ॒चे दु॒हि॒ता पृ॒च्छे वा॑ नरा ।
 भू॒तं मे॒ अ॒ह॒ उ॒त भू॒त॒मु॒क्त॒वे ऽश्वा॑वते र॒थि॒नै श॒क्त॒म॒व॑ते ५
 यु॒वं क॒वी छुः पर्य॑श्विना र॒थं वि॒शो न कु॒त्सो॑ ज॒रि॒तुर्न॑शायथः ।
 यु॒वोर्ह॑ म॒क्षा पर्य॑श्विना म॒ध्वा॒सा भ॑रत निष्कृ॒तं न योष॑णा ६
 यु॒वं ह॑ भु॒ज्युं यु॒वम॑श्विना व॒शं यु॒वं शि॒ञ्जार्मु॑शना॒मुपा॑रथुः ।
 यु॒वो ररा॑वा परि॒ स॒ख्य॒मा॑सते यु॒वो॒र॒ह॒म॒व॒सा सु॒म॒मा च॑के ७
 यु॒वं ह॑ कृ॒शं यु॒वम॑श्विना श॒युं यु॒वं वि॒धन्त॑ वि॒ध॒वा॒मु॒रुष्य॑थः ।
 यु॒वं स॒नि॒भ्यः स्त॒न॒य॒न्त॒म॒श्वि॒ना ऽप॑ वृ॒ज॒मूर्ण॑थः स॒प्ता॒स्य॑म् ८
 ज॒नि॒ष्ट॒ योषा॑ प॒त॒य॑त् क॒नी॒न॒को वि॒ चारु॑हन् वी॒रु॒धौ द॑ंसना॒ अनु॑ ।
 आ॒स्मै री॑यन्ते नि॒व॒ने॒व॒ सि॒न्ध॒वो ऽस्मा॑ अ॒ह्नै भ॑वति तत् प॑तित्व॒नम् ९
 जी॒वं रु॑दन्ति वि म॑यन्ते अ॒ध्व॒रे दी॒र्घा॒म॒नु प्र॑सि॒तिं दी॒धि॒यु॒र्नरः॑ ।
 वा॒मं पि॒तृ॒भ्यो य इ॒दं संमे॑रिरे म॒यः प॑ति॒भ्यो ज॑नयः प॒रि॒ष्व॒जै १०
 न तस्य॑ वि॒द्य तदु॒षु प्र वो॑चत यु॒वा ह॒ यद्यु॑व॒त्याः क्षे॑ति यो॒निषु॑ ।
 प्रि॒योस्त्रि॑यस्य वृष॒भस्य॑ रे॒ति॒नो गृ॒हं ग॑मे॒मा॒श्वि॒ना तदु॑श्मसि ११
 आ वा॑मगन् त्सु॒म॒ति॒र्वा॒जि॒नी॒वसू॒ न्य॑श्विना ह॒त्सु का॒मा अ॑यंसत ।
 अ॒भू॒तं गो॒पा मि॑थुना शु॒भ॒स्प॒ती प्रि॒या अ॑र्य॒म॒णो दु॒याँ अ॑शीमहि १२
 ता म॑न्द॒साना॑ म॒नुषो॑ दुरो॒ण आ ध॑त्तं र॒यिं स॒ह॒वी॒रं व॑च॒स्य॒वै ।
 कृ॒तं ती॒र्थं सु॑प्र॒पा॒णं शु॒भ॒स्प॒ती स्था॒णुं प॑थे॒ष्ठाम॑प॒ दु॒र्म॑तिं ह॑तम् १३
 क्व॒ स्वि॒द॒द्य क॑त॒मा॒स्व॒श्वि॒ना वि॒क्षु द॒स्त्रा मा॑दयेते शु॒भ॒स्प॒ती ।
 क ई॒ नि ये॑मे क॒त॒म॒स्य॑ ज॒ग॒म॒तु॒र्वि॒प्र॒स्य॑ वा॒ यज॑मानस्य वा गृ॒हम् १४

(११२) द्वादशोत्तरशततमं सूक्तम्

(१-३) तृचस्यास्य सूक्तस्य घौषेयः सुहस्त्य ऋषिः । अश्विनौ देवते ।

जगती छन्दः

स॒मा॒न॒मु॒ त्यं पु॑रु॒हू॒त॒मु॒क्थ्यं॑ र॒थं त्रि॑च॒क्रं स॒र्व॒ना ग॑नि॒ग॒म॒तम् ।
 प॒रि॒ज्मा॒नं वि॒द॒थ्यै सु॒वृ॒त्ति॒भिर्व॑यं व्यु॒ष्टा उ॒ष॒सो ह॑वामहे १

प्रात॒र्युजं॑ नास॒त्याधि॑ तिष्ठथः प्रात॒र्यावा॑णं मधुवा॒ह॒नं॑ रथम् ।
 विशो॑ येन॒ गच्छ॑थो यज्व॒रीर्नरा॑ की॒रेश्चि॑द्यज्ञं होत॒मन्त॑मश्विना २
 अ॒ध्व॒र्यु वा॒ मधु॑पाणिं सु॒हस्त्य॑म॒ग्नि॒धं वा धृ॒तद॑क्षं द॒र्म॒नस॑म् ।
 विप्र॑स्य वा॒ यत् स॑र्व॒नानि॑ गच्छ॒थो ऽत॒ आ या॑तं मधुपे॒र्यम॑श्विना ३

(११३) त्रयोदशोत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कृष्ण ऋषिः । इन्द्रो देवता ।

त्रिष्टुप् छन्दः

अस्तै॒व सु॑ प्र॒तरं॑ लाय॒मस्य॑न् भूष॑न्नि॒व प्र भ॑रा स्तोम॑मस्मै ।
 वा॒चा वि॑प्रास्तर॒त वाच॑म॒र्यो नि रा॑मय ज॒रितः॑ सोम॒ इन्द्र॑म् १
 दोहै॒न गामु॑प॒ शिञ्जा॑ सखायं॒ प्र बो॑धय ज॒रित॑र्ज॒रमिन्द्र॑म् ।
 कोशं॑ न पूर्णं॒ वसु॑ना न्यृष्ट॒मा च्या॑वय मघ॒देया॑य शूर॑म् २
 किमु॒ङ्ग त्वा॑ मघवन् भो॒जमा॑हुः शिशी॒हि मा॑ शिश॒यं त्वा॑ शृणोमि ।
 अ॒प्र॒स्वती॑ मम॒ धीर॑स्तु शक्र वसु॒विदं॑ भर्ग॒मिन्द्रा॑ भ॒रा नः॑ ३
 त्वां जना॑ ममस॒त्येष्विन्द्र॑ संत॒स्थाना॑ वि ह्व॒यन्ते॑ समी॒के ।
 अ॒त्रा यु॑जं कृ॒णुते॑ यो ह॒विष्मा॑न् नासु॒न्वता॑ स॒ख्यं व॑ष्टि शूरः ४
 धनं॑ न स्प॒न्द्रं बहु॑लं यो अ॒स्मै ती॒वान् त्सोमा॑ आसु॒नोति॑ प्रय॒स्वान् ।
 तस्मै॑ शत्रून् त्सु॒तुकान्॑ प्रा॒तर॒हो नि स्व॑ष्टान् युव॒ति ह॑न्ति वृ॒त्रम् ५
 यस्मिन्॑ व॒यं द॑धि॒मा शंस॑मि॒न्द्रे यः शि॑श्राय॒ मघ॑वा॒ काम॑म॒स्मे ।
 आ॒रा॒ञ्चित् सन् भ॑यतामस्य शत्रु॒न्यस्मै॑ द्यु॒म्ना ज॑न्या॒ नम॑न्ताम् ६
 आ॒रा॒च्छत्रु॑मप॒ बाध॑स्व दूर॒मुग्रो॑ यः शम्बेः पुरु॒हूत॑ तेन ।
 अ॒स्मे धै॑हि यव॒म॒द्भोम॑दिन्द्र कृ॒धी धि॒र्यं ज॑रि॒त्रे वा॑ज॒रता॑म् ७
 प्र यम॑न्त॒वृष॑स॒वासो॑ अ॒ग्मन् ती॒वाः सोमा॑ बहु॒लान्ता॑स॒ इन्द्र॑म् ।
 नाहं॑ दा॒मानं॑ म॒घवा॑ नि य॑स॒न्नि सु॑न्व॒ते व॑हति भूरि॒ वाम॑म् ८
 उ॒त प्र॑हा॒म॒तिदी॒व्या ज॑याति कृतं यच्छ॒वघ्नी॑ वि॒चिनो॑ति का॒ले ।
 यो दे॒वका॑मो न धना॑ रु॒णद्धि॑ स॒मित् तं रा॑या सृ॒जति॑ स्व॒धावान् ९
 गोभि॑ष्ट॒रेमा॑म॒तिं दुरे॑वा॒ यवै॑न् क्षु॒धं पुरु॑हूत॒ विश्वा॑म् ।
 व॒यं राज॑भिः प्र॒थमा॑ धना॒न्यस्मा॑कै॒न वृ॑जने॒ना ज॑येम १०
 बृ॒हस्प॑ति॒र्नः परि॑ पातु प॒श्चादु॑तोत्तर॒स्माद॑ध॒राद॑घा॒योः ।
 इन्द्रः॑ पु॒रस्ता॑दु॒त म॑ध्य॒तो नः॑ सखा॒ सखि॑भ्यो वरि॒वः कृ॑णोतु ११

(११४) चतुर्दशोत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कृष्ण ऋषिः । इन्द्रो देवता । (१-६)

प्रथमादिनवर्चा जगती, (१०-११) दशम्येकादश्योश्च त्रिष्टुप् छन्दसी
 अच्छा म॒ इन्द्रं॑ म॒तयः॑ स्व॒र्विदः॑ स॒ध्रीची॑र्विश्वा॑ उ॒शती॑र॒नूषत॑ ।
 परि॑ ष्वजन्ते॒ जन॑यो यथा॒ पतिं॑ म॒र्यं न॑ शु॒न्ध्युं म॒घवा॑नमू॒तयै॑ १
 न घा॑ त्व॒द्रिग॑प वेति मे॒ मन॒स्त्वे इत् कामं॑ पुरु॒हूत॑ शिश्रय ।
 राजै॑व दस्म॒ नि ष॒दोऽधि॑ ब॒र्हिष्य॑स्मिन् त्सु सोमै॑ऽव॒पान॑मस्तु ते २
 वि॒षूवृ॑दिन्द्रो अ॒मते॑रु॒त क्षु॒धः स इ॒द्रा॒यो म॒घवा॑ वस्व॒ ईश॑ते ।
 तस्ये॒दिमे॑ प्र॒वणे॑ स॒प्त सि॒न्ध॒वो व॒यो वर्ध॑न्ति वृष॒भस्य॑ शु॒ष्मिणः॑ ३
 व॒यो न वृ॑क्षं सु॒पला॑शमास॒दन् त्सोमा॑स॒ इन्द्रं॑ म॒न्दिन॑श्चमू॒षदः॑ ।
 प्रैषा॑मनी॒कं शर्व॑सा दवि॒द्युत॑द्वि॒दत् स्व॑र्म॒नवे॑ ज्योति॒रार्य॑म् ४
 कृ॒तं न श्व॑घ्री वि चि॒नोति॑ दे॒वने॑ संव॒र्गं यन्म॑घवा॒ सूर्य॑ जय॒त् ।
 न तत् ते॑ अ॒न्यो अनु॑ वी॒र्यं॑ शक॒न्न पु॒रा॒णो म॑घव॒न् नोत॑ नू॒तनः॑ ५
 वि॒शवि॑शं म॒घवा॑ पर्य॒शाय॑त॒ जनानां॑ धेना॒ अव॑चाक॒शद्व॑षा ।
 यस्या॑हं श॒क्रः सवै॑षु रण॒यति॑ स ती॒व्रैः सोमैः॑ सह॒ते पृ॑तन्य॒तः ६
 आपो॑ न सि॒न्धुम॑भि यत् स॒मक्ष॑रन् त्सोमा॑स॒ इन्द्रं॑ कु॒ल्या इ॒व हृ॑दम् ।
 वर्ध॑न्ति वि॒प्रा महौ॑ अस्य सा॒दने॑ यवं न वृ॒ष्टिर्दिव्ये॑न॒ दानु॑ना ७
 वृषा॑ न क्रु॒द्धः प॑तय॒द्रजः॑ स्वा यो अ॒र्यप॑ती॒रकृ॑णोदि॒मा अपः॑ ।
 स सु॑न्व॒ते म॒घवा॑ जी॒रदा॑न॒वे ऽवि॑न्द॒ज्योति॑र्म॒नवे॑ ह॒विष्म॑ते ८
 उ॒ज्जा॑यतां पर॒शुज्यो॑ति॒षा सह॑ भू॒या अ॒तस्य॑ सु॒दुघा॑ पुरा॒णव॑त् ।
 वि रौ॑चताम॒रुषो॑ भानु॒ना शु॒चिः स्व॑र्णं श॒क्रं श॑शु॒चीत् स॑त्पतिः ९
 गोभि॑ष्ट्रेमा॒मतिं॑ दु॒रेवां॑ यवै॒न् क्षु॒धं पु॒रुहू॑त॒ विश्वा॑म् ।
 व॒यं राज॑भिः प्रथ॒मा धना॑न्यस्मा॒कै न वृ॑जने॒ना जये॑म १०
 बृ॒हस्प॑ति॒र्नः परि॑ पातु प॒श्चादु॑तो॒त्तर॑स्मा॒दध॑रादघा॒योः ।
 इन्द्रः॑ पु॒रस्ता॑दु॒त म॑ध्य॒तो नः॑ सखा॒ सखि॑भ्यो वरि॒वः कृ॑णोतु ११

(११५) पञ्चदशोत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कृष्ण ऋषिः । इन्द्रो देवता । (१-३,

१०-११) प्रथमादितृचस्य दशम्येकादश्योर्ऋचोश्च त्रिष्टुप्, (४-६)

चतुर्थ्यादितृचद्वयस्य च जगती छन्दसी

आ या॒त्विन्द्रः स्व॑प॒तिर्म॑दाय॒ यो ध॑र्म॒णा तू॒तुजा॑नस्तुविष्मान् ।
 प्र॒त्न॒क्ष्णो अ॒ति वि॒श्वा स॒हास्य॑पा॒रेण॑ मह॒ता वृ॑ष्णयैन १
 सु॒ष्ठामा॑ रथः सु॒यमा॑ हरीं ते मि॒म्यक्ष॑ वज्रौ नृप॒ते ग॑र्भस्तौ ।
 शी॒र्भं रा॒जन् त्सु॑पथा या॒ह्यर्वा॑ङ् व॒र्धाम॑ ते प॒पुषो॑ वृष्णयानि २
 ए॒न्द्रवा॑हौ नृप॒तिं व॒ज्रबा॑हुमु॒ग्रमु॒ग्रास॑स्तवि॒षास॑ ए॒नम् ।
 प्र॒त्न॒क्षसं॑ वृ॒षभं॑ स॒त्यशु॑ष्ममै॒र्मस्म॑त्रा स॒धमा॑दौ वहन्तु ३
 ए॒वा प॑तिं द्रो॒णसा॑चं स॒चैत॑समूर्जः स्क्व॒म्भं ध॒रुण॑ आ वृषायसे ।
 ओ॒जः कृ॒ष्व सं गृ॑भाय॒ त्वे अ॒प्यसो॑ यथा॒ केनि॑पाना॒मिनो॑ वृ॒धे ४
 ग॒र्म॒त्रस्मे॑ वसू॒न्या हि शंसि॑षं स्वा॒शिषं॑ भ॒रमा॑ या॒हि सो॒मिने॑ ।
 त्व॒मी॒शिषे॑ सा॒स्मिन्ना स॑त्सि ब॒र्हिष्य॑नाधृ॒ष्या तव॑ पा॒त्राणि॑ ध॒र्मणा॑ ५
 पृ॒थक् प्रा॑र्यन् प्रथ॒मा दे॒वहू॑त॒यो ऽकृ॑णवत् श्रव॒स्यानि॑ दुष्टरा ।
 न ये शे॒कुर्य॑ज्ञियां नाव॒मारु॑ह॒मीमै॑व ते न्यवि॒शन्त॑ के॒र्षयः॑ ६
 ए॒वैवा॒पाग॑परे सन्तु दू॒ढ्यो ऽश्वा॑ येषां दु॒र्युज॑ आयुयु॒जे ।
 इ॒त्था ये प्रा॑गु॒परे स॑न्ति दा॒वने॑ पु॒रूणि॑ यत्र व॒युना॑नि भो॒जना॑ ७
 गि॒रीर॑ज्जान् रेज॒मानां॑ अ॒धारय॑द् द्यौः क्र॒न्दद॑न्तरि॒क्षाणि॑ कोपयत् ।
 समी॒चीने॑ धि॒षणे॑ वि ष्क॒भाय॑ति वृ॒ष्णः पी॒त्वा मद॑ उ॒क्थानि॑ शंसति ८
 इ॒मं बि॑भ॒र्मि सु॑कृतं ते अ॒ङ्कुशं॑ येना॒रुजा॑सि म॒घव॑ञ्छफा॒रुजः॑ ।
 अ॒स्मिन् त्सु॑ ते स॒र्वने॑ अ॒स्त्वो॒क्यं सु॑त इ॒ष्टौ म॑घवन् बो॒ध्याभ॑गः ९
 गो॒भिष्ट॑रे॒माम॑तिं दु॒रेवां॑ यवैन॒ क्षुधं॑ पुरु॒हूत॑ विश्वा॒म् ।
 व॒यं रा॒ज॒भिः प्र॑थ॒मा ध॑ना॒न्यस्मा॑कै॒न वृ॑जने॒ना ज॑येम १०
 बृ॒हस्प॑ति॒र्नः परि॑ पातु प॒श्चादु॑तो॒त्तर॑स्मा॒दध॑राद॒घायोः॑ ।
 इ॒न्द्रः पु॒रस्ता॑दु॒त म॑ध्य॒तो नः॑ स॒खा स॒खिभ्यो॑ वरि॒वः कृ॑णोतु ११

(११६) षोडशोत्तरशततमं सूक्तम्

(१-१२) द्वादशर्चस्यास्य सूक्तस्य भालन्दनो वत्सप्रिर्ऋषिः । अग्निर्देवता ।

त्रिष्टुप् छन्दः

दि॒वस्प॑रिं प्रथ॒मं ज॒ज्ञे अ॒ग्निर॒स्मद् द्वि॒तीयं॑ परि॒ जा॒तवै॑दाः ।
 तृ॒तीयं॑मु॒प्सु नृ॑म॒णा अ॒र्जस्त्र॑मि॒न्धान॑ ए॒नं ज॑रते स्वा॒धीः १
 वि॒द्या ते॑ अ॒ग्ने त्रे॒धा त्र॑या॒णि वि॒द्या ते॑ धाम॒ विभृ॑ता पु॒त्रा ।
 वि॒द्या ते॑ नाम॒ पर॑मं गुहा॒ यद्वि॒द्या तमु॑त्सं यत॒ आज॑गन्थ २

अथाष्टमोऽष्टकः

प्रथमोऽध्यायः

। व० १-३० ।

(१) प्रथमं सूक्तम्

(१-१०) दशर्चस्यास्य सूक्तस्य भालन्दनो वत्सप्रिर्ऋषिः । अग्निर्देवता ।

त्रिष्टुप् छन्दः

प्र होता जातो महान् नभोविनृषद्वा सीददुपामुपस्थै ।
 दधिर्यो धायि स ते वयांसि यन्ता वसूनि विधते तनूपाः १
 इमं विधन्तो अपां सधस्थै पशुं न नष्टं पदैरनु ग्मन् ।
 गुहा चर्तन्तमुशिजो नमोभिरिच्छन्तो धीरा भृगवोऽविन्दन् २
 इमं त्रितो भूर्यविन्ददिच्छन् वैभूवसो मूर्धन्यघ्नयायाः ।
 स शेवृधो जात आ हर्म्येषु नाभिर्युवा भवति रोचनस्य ३
 मुन्द्रं होतारमुशिजो नमोभिः प्राञ्च यज्ञं नेतारमध्वराणाम् ।
 विशामकृणवन्नरतिं पावकं हव्यवाहं दधतो मानुषेषु ४
 प्र भूर्जयन्तं महं विपोधां मूरा अमूरं पुरां दुर्माणम् ।
 नयन्तो गर्भं वनां धिर्य धुर्हिरिश्मश्रुं नार्वाणि धनर्चम् ५
 नि पुस्त्यासु त्रितः स्तभूयन् परिवीतो योनौ सीददुन्तः ।
 अतः संगृभ्या विशां दमूना विधर्मणायन्नैरीयते नृन् ६
 अस्याजरासो दमामुरित्रा अर्चद्धमासो अग्रयः पावकाः ।
 श्वितीचयः श्वात्रासो भुरणयवो वनर्षदो वायवो न सोमाः ७
 प्र जिह्वया भरते वेपो अग्निः प्र वयुनानि चेतसा पृथिव्याः ।
 तमायवः शचयन्तं पावकं मुन्द्रं होतारं दधिरे यजिष्ठम् ८
 द्यावा यमग्निं पृथिवी जनिष्टामापस्त्वष्टा भृगवो यं सहोभिः ।
 ईळैन्यं प्रथमं मातरिश्वा देवास्ततक्षुर्मनवे यजत्रम् ९
 यं त्वा देवा दधिरे हव्यवाहं पुरुस्पृहो मानुषासो यजत्रम् ।
 स यामन्नग्रे स्तुवते वयो धाः प्र दैवयन् यशसः सं हि पूर्वीः १०

(२) द्वितीयं सूक्तम्

(१-८) अष्टर्चस्यास्य सूक्तस्याङ्गिरसः सप्तगुर्ऋषिः । वैकुण्ठ इन्द्रो देवता ।

त्रिष्टुप् छन्दः

ज॒गृ॒भ्मा ते दक्षि॑णमिन्द्र हस्तं वसू॒यवो॑ वसुपते वसू॒नाम् ।
 वि॒द्या हि त्वा गोप॑तिं शूर गोना॑म॒स्मभ्यं चि॒त्रं वृष॑णं र॒यिं दाः १
 स्वा॒युधं स्वव॑सं सुनी॒थं चतुः॑समुद्रं ध॒रुणं रयी॑णाम् ।
 च॒र्कृत्यं शंस्यं॑ भूरि॒वारम॒स्मभ्यं चि॒त्रं वृष॑णं र॒यिं दाः २
 सु॒ब्रह्मा॑णं देवव॑न्तं बृहन्त॑मु॒रुं ग॒भीरं पृथु॑बुधमिन्द्र ।
 श्रुत॑ऋषिमु॒ग्रम॑भिमा॒तिषा॑हम॒स्मभ्यं चि॒त्रं वृष॑णं र॒यिं दाः ३
 स॒नद्वा॒जं वि॒प्रवी॑रं तरु॒त्रं धन॑स्प॒तं शू॒शवा॑सं सुदक्ष॑म् ।
 द॒स्युह॑नं पू॒र्भिर्द॑मिन्द्र स॒त्य-म॒स्मभ्यं चि॒त्रं वृष॑णं र॒यिं दाः ४
 अ॒श्वोव॑न्तं र॒थिनं॑ वी॒रव॑न्तं स॒हस्रि॑णं श॒तिन॑ वा॒जमिन्द्र॑ ।
 भ॒द्रव्रा॑तं वि॒प्रवी॑रं स्व॒र्षा-म॒स्मभ्यं चि॒त्रं वृष॑णं र॒यिं दाः ५
 प्र स॒प्तगु॑मृ॒तधी॑तिं सुमे॒धां बृह॑स्पतिं म॒तिर॑च्छां जिगाति ।
 य आ॒ङ्गिर॑सो नम॑सोप॒सद्यो ऽस्म॑भ्यं चि॒त्रं वृष॑णं र॒यिं दाः ६
 वनी॑वानो मम॑ दू॒तास॒ इन्द्रं॑ स्तोमा॑श्चरन्ति सुम॒तीरि॑यानाः ।
 ह॒दिस्पृ॑शो मन॑सा व॒च्यमा॑ना अ॒स्मभ्यं चि॒त्रं वृष॑णं र॒यिं दाः ७
 यत् त्वा॒ यामि॑ द॒द्धि तन्न॑ इन्द्र बृहन्तं क्ष॒यम॑स॒मं जना॑नाम् ।
 अ॒भि तद् द्यावा॑पृथि॒वी गृणी॑ता-म॒स्मभ्यं चि॒त्रं वृष॑णं र॒यिं दाः ८

(३) तृतीयं सूक्तम्

(१-११) एकादशर्चस्यास्य सूक्तस्य वैकुण्ठ इन्द्र ऋषिः । वैकुण्ठ इन्द्रो देवता ।

(१-६, ८-९) प्रथमादितृचद्वयस्याष्टमीनवम्योऋचोश्च जगती, (७, १०-११)

सप्तमीदशम्येकादशीनाञ्च त्रिष्टुप् छन्दसी

अ॒हं भु॒वं वसु॑नः पू॒र्व्यस्प॑तिर॒हं धना॑नि सं ज॒यामि॑ शश्व॑तः ।
 मां ह॑वन्ते पि॒तरं॑ न ज॒न्तवो॑ ऽहं दा॒शुषे॑ वि भ॑जामि भो॒जनम् १
 अ॒हमिन्द्रो॑ रो॒धो व॒क्षो अ॒र्थव॑णस्त्रि॒ताय॑ गा अ॒जन॑यमहे॒रधि॑ ।
 अ॒हं द॒स्युभ्यः॑ परि॑ नृ॒णमा॑ द॒दे गो॒त्रा शि॑क्षन् द॒धीचे॑ मा॒तिरि॑श्वने २
 म॒ह्यं त्वष्टा॑ व॒ज्रम॑तक्षदा॒यसं॑ मयि॑ दे॒वासो॑ऽवृ॒जन्नपि॑ क्र॒तुम् ।
 म॒मान्नी॑कं सूर्य॑स्येव दु॒ष्टरं॑ मामा॒र्यन्ति॑ कृ॒तेन॑ क॒र्त्वेन॑ च ३
 अ॒हमे॑तं ग॒व्यय॑मश्व॒र्यं प॑शुं पु॒रीषि॑णं सा॒यके॑ना हि॒रण्य॑यम् ।
 पु॒रू स॒हस्रा॑ नि शि॑शामि दा॒शुषे॑ यन्मा॒ सोमा॑स उ॒विथ॑नो अ॒मन्दि॑षुः ४

अहमिन्द्रो न परा जिग्य इद्धनं न मृत्यवेऽव तस्थे कदा चन ।
 सोममिन्मा सुन्वन्तो याचता वसु न मै पूरवः सख्ये रिषाथन ५
 अहमेताञ्छाश्चसतो द्वाद्वेन्द्रं ये वज्रं युधयेऽकृणवत ।
 आह्वयमानाँ अव हन्मनाहनं दृळहा वदन्ननमस्युर्नमस्विनः ६
 अभीर्दमेकमेको अस्मि निष्पाळभी द्वा किमु त्रयः करन्ति ।
 खले न पर्षान् प्रति हन्मि भूरि किं मा निन्दन्ति शत्रवोऽनिन्द्राः ७
 अहं गुङ्गुभ्यो अतिथिग्वमिष्करमिषं न वृत्रतुरं विक्षु धारयम् ।
 यत् पर्णयघ्न उत वा करञ्जहे प्राहं महे वृत्रहत्ये अशुश्रुवि ८
 प्र मे नमी साप्य इषे भुजे भूद्रवामेषै सख्या कृणुत द्विता ।
 दिद्यु यदस्य समिथेषु मंहयमादिदै नं शंस्यमुक्थ्यं करम् ९
 प्र नेमस्मिन् ददृशे सोमो अन्तर्गोपा नेममाविरस्था कृणोति ।
 स तिग्मशृङ्गं वृषभं युयुत्सन् द्रुहस्तस्थौ बहुले बद्धो अन्तः १०
 आदित्यानां वसूनां रुद्रियाणां देवो देवानां न मिनामि धाम् ।
 ते मा भद्राय शर्वसे ततक्षुरपराजितमस्तृतमषाळहम् ११

(४) चतुर्थं सूक्तम्

(१-११) एकादशर्चस्यास्य सूक्तस्य वैकुण्ठ इन्द्र ऋषिः । वैकुण्ठ इन्द्रो देवता ।

(१, ३-१०) प्रथमर्चस्तृतीयाद्यष्टानाञ्च जगती,

(२, ११) द्वितीयैकादशयोश्च त्रिष्टुप् छन्दसी

अहं दां गृणते पूर्वं वस्वहं ब्रह्म कृणवं मह्यं वर्धनम् ।
 अहं भुवं यजमानस्य चोदिताऽयज्वनः साक्षि विश्वस्मिन् भरे १
 मां धुरिन्द्रं नाम देवता दिवश्च गमश्चापां च जन्तवः ।
 अहं हरी वृषणा विव्रता रघू अहं वज्रं शर्वसे धृषवा ददे २
 अहमत्कं कवयै शिशनथं हथैरहं कुत्समावमाभिरूतिभिः ।
 अहं शुष्णास्य शनथिता वर्धयमं न यो रर आर्यं नाम दस्यवे ३
 अहं पितेव वेतसूरभिष्टये तुग्रं कुत्साय स्मदिभं च रन्धयम् ।
 अहं भुवं यजमानस्य राजनि प्र यद्रे तुजये न प्रियाधृषे ४
 अहं रन्धयं मृगयं श्रुतवर्णे यन्माजिहीत वयुनां चनानुषक् ।
 अहं वेशं नम्रमायवैऽकरमहं सव्याय पङ्गुभिमरन्धयम् ५
 अहं स यो नववास्त्वं बृहद्रथं सं वृत्रेव दासं वृत्रहारुजम् ।

यद्वर्धयन्तं प्रथयन्तमानुषगदूरे पारे रजसो रोचनाकरम् ६
 अहं सूर्यस्य परि याम्याशुभिः प्रैतशेभिर्वहमान् ओजसा ।
 यन्मा सावो मनुष आह निर्णिज ऋधक् कृषे दासं कृत्व्यं हथैः ७
 अहं सप्तहा नहुषो नहुष्टरः प्राश्रावयुं शर्वसा तुर्वशं यदुम् ।
 अहं न्यश्न्यं सहसा सहस्करं नव व्राधतो नवतिं च वक्षयम् ८
 अहं सप्त स्रवतौ धारयुं वर्षा द्रवित्वः पृथिव्यां सीरा अधि ।
 अहमर्णासि वि तिरामि सुक्रतुर्युधा विदं मनवे गातुमिष्टये ९
 अहं तदासु धारयुं यदासु न देवश्चन त्वष्टाधारयदुशत् ।
 स्पार्हं गवामूधः सु वक्षणास्वा मधोर्मधु श्वात्र्यं सोममाशिरम् १०
 एवा देवाँ इन्द्रो विव्ये नृन् प्र च्यौत्वेन मघवा सत्यराधाः ।
 विश्वेत् ता तै हरिवः शचीवो ऽभि तुरासः स्वयशो गृणन्ति ११

(५) पञ्चमं सूक्तम्

(१-७) सप्तर्चस्यास्य सूक्तस्य वैकुण्ठ इन्द्र ऋषिः । वैकुण्ठ इन्द्रो देवता । (१-

२, ६-७) प्रथमाद्वितीययोर्ऋचोः षष्ठीसप्तम्योश्च जगती, (३-४)

तृतीयाचतुर्थ्योरभिसारिणी, (५) पञ्चम्याश्च त्रिष्टुप् छन्दांसि

प्र वो महे मन्दमानायान्धसो ऽर्चा विश्वानराय विश्वाभुवै ।
 इन्द्रस्य यस्य सुमखं सहो महि श्रवो नृम्णं च रोदसी सपर्यतः १
 सो चिन्नु सख्या नर्य इनः स्तुतश्चर्कृत्य इन्द्रो मार्वते नरै ।
 विश्वासु धूर्षु वाजकृत्येषु सत्यते वृत्रे वाप्स्वश्रि शूर मन्दसे २
 के ते नर इन्द्र ये त इषे ये तै सुम्रं सधन्यश्मियक्षान् ।
 के ते वाजायासुर्याय हिन्विरे के अप्सु स्वासूर्वरासु पौंस्यै ३
 भुवस्त्वमिन्द्र ब्रह्मणा महान् भुवो विश्वेषु सर्वनेषु यज्ञियः ।
 भुवो नृश्च्यौतो विश्वस्मिन् भरे ज्येष्ठश्च मन्त्रौ विश्वचर्षणे ४
 अवा नु कं ज्यायान् यज्ञर्वनसो महीं त ओमात्रां कृष्टयो विदुः ।
 असो नु कमजरो वर्धाश्च विश्वेदेता सर्वना तूतुमा कृषे ५
 एता विश्वा सर्वना तूतुमा कृषे स्वयं सूनो सहसो यानि दधिषे ।
 वराय ते पात्रं धर्मणे तना यज्ञो मन्त्रो ब्रह्मोद्यतं वचः ६
 ये तै विप्र ब्रह्मकृतः सुते सचा वसूनां च वसुनश्च दावनै ।
 प्र ते सुम्रस्य मनसा पथा भुवन् मदै सुतस्य सोम्यस्यान्धसः ७

(६) षष्ठं सूक्तम्

(१-६) नवर्चस्यास्य सूक्तस्य (१, ३, ५, ७, ९)

प्रथमातृतीयापञ्चमीसप्तमीनवमीनामृचां देवाः, (२, ४, ६, ८)

द्वितीयाचतुर्थीषष्ठ्यष्टमीनाञ्च सौचीकोऽग्निर्ऋषयः । (१, ३, ५, ७, ९)

प्रथमातृतीयापञ्चमीसप्तमीनवमीनामृचामग्निः, (२, ४, ६, ८)

द्वितीयाचतुर्थीषष्ठ्यष्टमीनाञ्च देवा देवताः । त्रिष्टुप् छन्दः

मुहत् दुल्बं स्थविरं तदासीद्येनाविष्टितः प्रविवेशिथापः ।
 विश्वा अपश्यद्बहुधा तै अग्ने जातवेदस्तन्वो देव एकः १
 को मा ददर्श कतमः स देवो यो मै तन्वो बहुधा पर्यपश्यत् ।
 क्वाह मित्रावरुणा क्षियन्त्यग्नेर्विश्वाः समिधो देवयानीः २
 ऐच्छाम त्वा बहुधा जातवेदः प्रविष्टमग्ने अप्सवोषधीषु ।
 तं त्वा यमो अचिकेच्चित्रभानो दशान्तरुष्यादतिरोचमानम् ३
 होत्रादहं वरुण बिभ्येदायं नेदेव मा युनजन्नत्र देवाः ।
 तस्य मे तन्वो बहुधा निविष्टा एतमर्थं न चिकेताहमग्निः ४
 एहि मनुर्देवयुर्यज्ञकामो ऽरंकृत्या तमसि क्षेप्यग्ने ।
 सुगान् पथः कृणुहि देवयानान् वह हव्यानि सुमनस्यमानः ५
 अग्नेः पूर्वे भ्रातरो अर्थमेतं रथीवाध्वानमन्वावरीवुः ।
 तस्माद्भिया वरुण दूरमायं गौरो न क्षेप्रोरविजे ज्यायाः ६
 कुर्मस्त आयुरजरं यदग्ने यथा युक्तो जातवेदो न रिष्याः ।
 अथा वहासि सुमनस्यमानो भागं देवेभ्यो हविषः सुजात ७
 प्रयाजान् मै अनुयाजांश्च केवलानूर्जस्वन्तं हविषो दत्त भागम् ।
 घृतं चापां पुरुषं चौषधीनामग्नेश्च दीर्घमायुरस्तु देवाः ८
 तव प्रयाजा अनुयाजाश्च केवल ऊर्जस्वन्तो हविषः सन्तु भागाः ।
 तवाग्ने यज्ञोऽयमस्तु सर्वस्तुभ्यं नमन्तां प्रदिशश्चतस्रः ९

(७) सप्तमं सूक्तम्

(१-६) षड्वचस्यास्य सूक्तस्य सौचीकोऽग्निर्ऋषिः । विश्वे देवा देवताः ।

त्रिष्टुप् छन्दः

विश्वे देवाः शास्तन मा यथेह होता वृतो मनवै यन्निषद्य ।
 प्र मै ब्रूत भागधेयं यथा वो येन पथा हव्यमा वो वहानि १

अ॒हं हो॒ता न्य॑सीदुं॒ यजी॑यान् वि॒श्वे दे॒वा म॒रुतो॑ मा जुनन्ति ।
 अ॒हर॑हरश्चि॒नाध्व॑र्यवं वां ब्र॒ह्मा स॒मिद्ध॑वति साहु॒तिर्वाम् २
 अ॒यं यो हो॒ता कि॒रु स य॒मस्य॑ कम॒प्यूहे॑ यत् स॒मञ्ज॑न्ति दे॒वाः ।
 अ॒हर॑हर्जायते मा॒सिमा॒स्यथा॑ दे॒वा द॑धिरे हव्य॒वाह॑म् ३
 मां दे॒वा द॑धिरे हव्य॒वाह॑मप॒म्लुक्तं॑ ब॒हु कृ॑च्छ्रा चर॑न्तम् ।
 अ॒ग्निर्वि॑द्वान् य॒ज्ञं नः॑ कल्पयाति पञ्च॒यामं॑ त्रि॒वृतं॑ स॒प्तत॑न्तुम् ४
 आ वो॑ यक्ष्यमृ॒तत्वं सु॑वीरं॒ यथा॑ वो दे॒वा वरि॑वः करा॒णि ।
 आ ब्रा॒ह्मोर्व॒ज्रमिन्द्र॑स्य धे॒याम॑थे॒मा वि॒श्वाः पृ॑तना जयाति ५
 त्री॒णि श॑ता त्री स॒हस्रा॑ण्य॒ग्निं त्रि॑शच्च॒ देवा॑ नव॑ चासपर्यन् ।
 औ॒क्षन् घृ॒तैर॑स्तृ॒णन् ब॒र्हिरे॑स्मा॒ आदि॑द्धो॒तारं॑ न्य॒साद॑यन्त ६

(८) अष्टमं सूक्तम्

(१-११) एकादशर्चस्यास्य सूक्तस्य (१-३, ६-११) प्रथमादितृचस्य
 षष्ठ्यादितृचद्वयस्य च देवाः, (४-५) चतुर्थीपञ्चम्योर्ऋचोश्च सौवीकोऽग्निर्ऋषयः ।
 (१-३, ६-११) प्रथमादितृचस्य षष्ठ्यादितृचद्वयस्य चाग्निः, (४-५)
 चतुर्थीपञ्चम्योर्ऋचोश्च देवा देवताः । (१-५, ८) प्रथमादिपञ्चर्चामष्टम्याश्च त्रिष्टुप्
 (६-७, ९-११) षष्ठीसप्तम्योर्नवम्यादितृचस्य च जगती छन्दसी
 यमैच्छाम॒ मन॑सा सो॒ऽय॒मागा॑द्य॒ज्ञस्य॑ वि॒द्वान् पर॑षश्चिकित्वा॒न् ।
 स नो॑ यक्षद् दे॒वता॑ता॒ यजी॑यान् नि हि षत्स॒दन्तरः॑ पूर्॒वो अ॒स्मत् १
 अ॒राधि॑ होता॒ निष॑दा यजी॒यान॑भि प्रया॒सि सु॑धितानि॒ हि ख्य॑त् ।
 यजा॑महै य॒ज्ञिया॑न् हन्त॑ दे॒वा ई॒ळा॒महा॑ ई॒ड्याँ आ॒ज्यैः २
 सा॒ध्वीम॑क॒र्देव॑वीतिं नो अ॒द्य य॒ज्ञस्य॑ जि॒ह्वाम॑वि॒दाम् गु॒ह्याम् ।
 स आ॒युरा॑गात् सु॒रभि॑र्वसानो भ॒द्राम॑क॒र्देव॑हूतिं नो अ॒द्य ३
 तद॒द्य वा॒चः प्र॑थ॒मं म॑सीय॒ येना॑सुराँ अ॒भि दे॒वा अ॒साम् ।
 ऊ॒र्जाद॑ उ॒त य॑ज्ञियासः पञ्च॒ जना॑ मम॒ होत्रं॑ जुषध्वम् ४
 पञ्च॒ जना॑ मम॒ होत्रं॑ जुषन्तां॒ गोजा॑ता उ॒त ये य॑ज्ञियासः ।
 पृ॒थि॒वी नः॑ पा॒र्थि॒वात् पा॒त्वंह॑सो॒ ऽन्तरि॑क्षं दि॒व्यात्पा॑त्व॒स्मान् ५
 तन्तुं॑ त॒न्वन् रज॑सो भानु॒मन्वि॑हि ज्योति॒ष्मतः॑ प॒थो र॑क्ष धि॒या कृ॑तान् ।
 अ॒नु॒ल्ब॒णं व॑यत् जो॒गुवा॑मपो॒ मनु॑र्भव॒ जन॑या दै॒व्यं ज॑नम् ६
 अ॒क्षान॑हौ नह्यतनोत सौ॒म्या इष्कृ॑णुध्वं र॒शना॑ ओत पि॒शत॑ ।

अष्टावन्धुरं वहताभितो रथं येन देवासो अनयन्नभि प्रियम् ७
 अश्मन्वती रीयते सं रभध्वमुत्तिष्ठत् प्र तरता सखायः ।
 अत्रा जहाम् ये असन्नशैवाः शिवान् वयमुत्तरेमाभि वाजान् ८
 त्वष्टा माया वैदपसामपस्तमो बिभ्रत् पात्रा देवपानानि शन्तमा ।
 शिशीते नूनं परशं स्वायसं येन वृश्चादेतशो ब्रह्मणस्पतिः ९
 सतो नूनं केवयः सं शिशीत् वाशीभिर्याभिरमृताय तक्षथ ।
 विद्वांसोः पुदा गुह्यानि कर्तन् येन देवासो अमृतत्वमानुशुः १०
 गर्भे योषामदधुर्वत्समासन्यपीच्येन मनसोत जिह्वया ।
 स विश्वाहा सुमना योग्या अभि सिंषासनिर्वनते कार इज्जितिम् ११

(९) नवमं सूक्तम्

(१-६) षडृचस्यास्य सूक्तस्य वामदेव्यो बृहदुक्थ ऋषिः । इन्द्रो देवता ।

त्रिष्टुप् छन्दः

तां सु ते कीर्तिं मघवन् महित्वा यत् त्वा भीते रोदसी अह्वयेताम् ।
 प्रावो देवाँ आतिरो दासमोजः प्रजायै त्वस्यै यदशिक्ष इन्द्र १
 यदचरस्तन्वा वावृधानो बलानीन्द्र प्रब्रुवाणो जनैषु ।
 मायेत् सा ते यानि युद्धान्याहर्नाद्य शत्रु ननु पुरा विवित्से २
 क उ नु ते महिमनः समस्याऽस्मत् पूर्व ऋषयोऽन्तमापुः ।
 यन्मातरं च पितरं च साकमजनयथास्तन्वः स्वायाः ३
 चत्वारि ते असुर्याणि नामाऽदाभ्यानि महिषस्य सन्ति ।
 त्वमङ्ग तानि विश्वानि वित्से येभिः कर्माणि मघवञ्चकर्थ ४
 त्वं विश्वा दधिषे केवलानि यान्याविर्या च गुहा वसूनि ।
 काममिन्मै मघवन् मा वि तारीस्त्वमाज्ञाता त्वमिन्द्रासि दाता ५
 यो अदधाञ्ज्योतिषि ज्योतिरन्तर्यो असृजन्मधुना सं मधूनि ।
 अर्धं प्रियं शूषमिन्द्राय मन्म ब्रह्मकृतौ बृहदुक्थादवाचि ६

(१०) दशमं सूक्तम्

(१-८) अष्टर्चस्यास्य सूक्तस्य वामदेव्यो बृहदुक्थ ऋषिः । इन्द्रो देवता ।

त्रिष्टुप् छन्दः

दूरे तन्नाम् गुह्यं पराचैर्यत्त्वा भीते अह्वयेतां वयोधै ।

उदस्तभ्नाः पृथिवीं द्यामभीके भ्रातुः पुत्रान् मघवन् तित्विषाणः १
 महत् तन्नाम् गुह्यं पुरुस्पृग् येन भूतं जनयो येन भव्यम् ।
 प्रब्रं जातं ज्योतिर्यदस्य प्रियं प्रियाः समविशन्त पञ्च २
 आ रोदसी अपृणादोत मध्यं पञ्च देवाँ ऋतुशः सप्तसप्त ।
 चतुस्त्रिंशता पुरुधा वि चष्टे सरूपेण ज्योतिषा विव्रतेन ३
 यदुषु औच्छः प्रथमा विभानामजनयो येन पुष्टस्य पुष्टम् ।
 यत् तै जामित्वमवरं परस्या महन्महत्या असुरत्वमेकम् ४
 विधुं दद्राणं समने बहूनां युवानं सन्तं पलितो जगार ।
 देवस्य पश्य काव्यं महित्वा ऽद्या ममार स ह्यः समान ५
 शाक्मना शाको अरुणः सुपर्ण आ यो महः शूरः सनादनीळः ।
 यच्चिकेत सत्यमित् तन्न मोघं वसुं स्पार्हमुत जेतोत दाता ६
 ऐभिर्ददे वृष्या पौस्यानि येभिरौक्षद्वत्रहत्याय वृज्जी ।
 ये कर्मणः क्रियमाणस्य मह ऋतेकर्ममुदजायन्त देवाः ७
 युजा कर्माणि जनयन् विश्वौजा अशस्तिहा विश्वमनास्तुराषाट् ।
 पीत्वी सोमस्य दिव आ वृधानः शूरो निर्युधाधमहस्यून् ८

(११) एकादशं सूक्तम्

(१-७) सप्तर्चस्यास्य सूक्तस्य वामदेव्यो बृहदुक्थ ऋषिः । विश्वे देवा देवताः ।
 (१-३, ७) प्रथमादितृचस्य सप्तम्या ऋचश्च त्रिष्टुप्, (४-६) चतुर्थ्यादितृचस्य च
 जगती छन्दसी

इदं तु एकं पुर ऊं तु एकं तृतीयैन् ज्योतिषा सं विशस्व ।
 संवेशने तन्वश्श्चारेधि प्रियो देवानां परमे जनित्रे १
 तनूष्टै वाजिन् तन्वंश् नयन्ती वाममुस्मभ्यं धातु शर्म तुभ्यम् ।
 अहुतो महो धरुणाय देवान् दिवीव ज्योतिः स्वमा मिमीयाः २
 वाज्यसि वाजिनेना सुवेनीः सुवितः स्तोमं सुवितो दिवं गाः ।
 सुवितो धर्मं प्रथमानु सत्या सुवितो देवान् त्सुवितोऽनु पत्नं ३
 महिम्न एषां पितरश्चनेशिरि देवा देवेष्वदधुरपि क्रतुम् ।
 समविष्यचुरुत यान्यत्विषुरैषां तनूषु नि विविशः पुनः ४
 सहोभिर्विश्वं परि चक्रमू रजः पूर्वा धामान्यमिता मिमानाः ।
 तनूषु विश्वा भुवना नि यैमिरे प्रासारयन्त पुरुध प्रजा अनु ५

द्विधा सूनवोऽसुरं स्वर्विदमास्थापयन्त तृतीयैः कर्मणा ।
 स्वां प्रजां पितरः पित्र्यं सह आवरेष्वदधुस्तन्तुमाततम् ६
 नावा न क्षोदः प्रदिशः पृथिव्याः स्वस्तिभिरति दुर्गाणि विश्वा ।
 स्वां प्रजां बृहदुक्थो महित्वा ऽऽवरेष्वदधादा परेषु ७

(१२) द्वादशं सूक्तम्

(१-६) षडृचस्यास्य सूक्तस्य बन्धुः श्रुतबन्धुर्विप्रबन्धुर्गोपायना ऋषयः । विश्वे देवा
 देवताः । गायत्री छन्दः

मा प्र गाम पथो वयं मा यज्ञादिन्द्र सोमिनः । मान्तः स्थुर्नो अरातयः १
 यो यज्ञस्य प्रसाधनस्तन्तुर्वेष्वार्ततः । तमाहुतं नशीमहि २
 मनो न्वा हुवामहे नाराशंसेन सोमैन । पितृणां च मन्मभिः ३
 आ त एतु मनः पुनः क्रत्वे दक्षाय जीवसे । ज्योक् च सूर्यं दृशे ४
 पुनर्नः पितरो मनो ददातु दैव्यो जनः । जीवं वार्त सचेमहि ५
 वयं सोम वृते तव मनस्तनूषु बिभ्रतः । प्रजावन्तः सचेमहि ६

(१३) त्रयोदशं सूक्तम्

(१-१२) द्वादशर्चस्यास्य सूक्तस्य बन्धुः श्रुतबन्धुर्विप्रबन्धुर्गोपायना ऋषयः ।
 आवर्तमानं मनो देवता । अनुष्टुप् छन्दः

यत् ते यमं वैवस्वतं मनो जगाम दूरकम् । तत् त आ वर्तयामसीह क्षयाय
 जीवसे १
 यत् ते दिवं यत् पृथिवीं मनो जगाम दूरकम् । तत् त आ वर्तयामसीह
 क्षयाय जीवसे २
 यत् ते भूमिं चतुर्भृष्टिं मनो जगाम दूरकम् । तत् त आ वर्तयामसीह क्षयाय
 जीवसे ३
 यत् ते चतस्रः प्रदिशो मनो जगाम दूरकम् । तत् त आ वर्तयामसीह क्षयाय
 जीवसे ४
 यत् ते समुद्रमर्णवं मनो जगाम दूरकम् । तत् त आ वर्तयामसीह क्षयाय
 जीवसे ५
 यत् ते मरीचीः प्रवतो मनो जगाम दूरकम् । तत् त आ वर्तयामसीह क्षयाय
 जीवसे ६

यत् ते अ॒पो यदोष॑धी॒र्मनो॑ ज॒गाम॑ दूर॒कम् । तत्त॒ आ वर्त॑यामसी॒ह क्षया॑य
 जी॒वसे॑ ७
 यत् ते सूर्य॑ यदुष॑सं मनो॑ ज॒गाम॑ दूर॒कम् । तत्त॒ आ वर्त॑यामसी॒ह क्षया॑य
 जी॒वसे॑ ८
 यत् ते पर्व॑तान् बृ॒हतो॑ मनो॑ ज॒गाम॑ दूर॒कम् । तत्त॒ आ वर्त॑यामसी॒ह क्षया॑य
 जी॒वसे॑ ९
 यत् ते वि॒श्वमि॑दं जग॒न्मनो॑ ज॒गाम॑ दूर॒कम् । तत्त॒ आ वर्त॑यामसी॒ह क्षया॑य
 जी॒वसे॑ १०
 यत् ते परा॑ः परा॒वतो॑ मनो॑ ज॒गाम॑ दूर॒कम् । तत्त॒ आ वर्त॑यामसी॒ह क्षया॑य
 जी॒वसे॑ ११
 यत् ते भू॒तं च॒ भव्यं॑ च॒ मनो॑ ज॒गाम॑ दूर॒कम् । तत्त॒ आ वर्त॑यामसी॒ह क्षया॑य
 जी॒वसे॑ १२

(१४) चतुर्दशं सूक्तम्

(१-१०) दशर्चस्यास्य सूक्तस्य बन्धुः श्रुतबन्धुर्विप्रबन्धुर्गौपायना ऋषयः । (१-३)
 प्रथमादितृचस्य निर्ऋतिः, (४) चतुर्थ्या ऋचो निर्ऋतिः सोमश्च, (५-६)
 पञ्चमीषष्ठ्योरसुनीतिः, (७) सप्तम्याः पृथिवीद्युरन्तरिक्षसोमपूषपथ्यास्वस्तयः,
 (८-९, १०) अष्टमीनवम्योर्दशम्या उत्तरार्धस्य च द्यावापृथिव्यौ, (१०) दशम्याः
 पूर्वार्धस्य चेन्द्रो देवताः । (१-७) प्रथमादिसप्तर्चा त्रिष्टुप्, (८) अष्टम्याः पङ्क्तिः,
 (९) नवम्या महापङ्क्तिः, (१०) दशम्याश्च पङ्क्त्युत्तरा छन्दांसि
 प्र तार्यायुः प्रतरं नवीयुः स्थातरिव क्रतुमता रथस्य ।
 अध च्यवान् उत तवीत्यर्थं परातरं सु निर्ऋतिर्जिहीताम् १
 सामन् नु राये निधिमन्वन्नं करामहे सु पुरुध श्रवांसि ।
 ता नो विश्वानि जरिता ममन्तु परातरं सु निर्ऋतिर्जिहीताम् २
 अभीष्वर्यः पौंस्यैर्भवेम द्यौर्न भूमिं गिरयो नाजान् ।
 ता नो विश्वानि जरिता चिकेत परातरं सु निर्ऋतिर्जिहीताम् ३
 मोषुणः सोम मृत्यवे परा दाः पश्येम नु सूर्यमुच्चरन्तम् ।
 द्युर्भिर्हितो जरिमा स नो अस्तु परातरं सु निर्ऋतिर्जिहीताम् ४
 असुनीते मनो अस्मासु धारय जीवातवे सु प्र तिरा न आयुः ।
 रा॒रन्धि॒ नः सूर्य॑स्य स॒दृशि॑ घृ॒तेन॒ त्वं त॒न्व व॑र्धयस्व ५

असुनीते पुनरस्मासु चक्षुः पुनः प्राणमिह नो धेहि भोगम् ।
 ज्योक् पश्येम सूर्यमुच्चरन्तमनुमते मृळ्या नः स्वस्ति ६
 पुनर्नो असु पृथिवी ददातु पुनर्द्यौर्देवी पुनरन्तरिक्षम् ।
 पुनर्नः सोमस्तन्व ददातु पुनः पूषा पृथ्यांश्च या स्वस्तिः ७
 शं रोदसी सुबन्धवे युही ऋतस्य मातरा ।
 भरतामप यद्रपो द्यौः पृथिवि क्षमा रपो मो षु ते किं चनाममत् ८
 अर्व द्वके अर्व त्रिका दिवश्चरन्ति भेषजा ।
 क्षमा चरिष्यवैककं भरतामप यद्रपो द्यौः पृथिवि क्षमा रपो मो षु ते किं
 चनाममत् ९
 समिन्द्रेरयु गामनुड्वाहं य आवहदुशीनराण्या अनः ।
 भरतामप यद्रपो द्यौः पृथिवि क्षमा रपो मो षु ते किं चनाममत् १०

(१५) पञ्चदशं सूक्तम्

(१-१२) द्वादशर्चस्यास्य सूक्तस्य (१-५, ७-१२) प्रथमादिपञ्चर्चा
 सप्तम्यादितृचद्वयस्य च बन्धुः श्रुतबन्धुर्विप्रबन्धुर्गोपायना ऋषयः, (६) षष्ठ्याश्चैषां
 मातागस्त्यस्वसा ऋषिका । (१-४, ६) प्रथमादिचतुर्त्र्यां षष्ठ्याश्चासमातिः,
 (५) पञ्चम्या इन्द्रः, (७-११) सप्तम्यादिपञ्चानां सुबन्धोर्जीवः, (१२) द्वादश्याश्च
 बन्ध्वादीनां हस्ता देवताः । (१-५) प्रथमादिपञ्चर्चा गायत्री, (६-७, १०-१२)
 षष्ठीसप्तम्योर्दशम्यादितृचस्य चानुष्टुप्, (८-९) अष्टमीनवम्योश्च पङ्क्तिश्छन्दांसि
 आ जनं त्वेषसदृशं माहीनानामुपस्तुतम् । अगन्म बिभ्रतो नमः १
 असमातिं नितोशनं त्वेषं निययिनं रथम् । भजेरथस्य सत्पतिम् २
 यो जनान् महिषां ईवाऽतितस्थौ पवीरवान् । उतापवीरवान् युधा ३
 यस्यैद्वान्कुरुप वृते रेवान् मराय्येधते । दिवीव पञ्च कृष्टयः ४
 इन्द्र क्षत्रासमातिषु रथप्रोष्ठेषु धारय । दिवीव सूर्यं दृशे ५
 अगस्त्यस्य नद्यः सप्ती युनक्षि रोहिता ।
 पुणीन् न्यक्रमीरभि विश्वान् राजन्नराधसः ६
 अयं मातायं पिता ऽयं जीवातुरागमत् ।
 इदं तव प्रसर्पणं सुबन्धवेहि निरिहि ७
 यथा युगं वरत्रया नह्यन्ति धरुणाय कम् ।
 एवा दोधार ते मनो जीवातवे न मृत्यवे ऽथौ अरिष्टातये ८

यथेयं पृथिवी मही दाधारेमान् वनस्पतीन् ।
 एवा दाधार ते मनो जीवातवे न मृत्यवे ऽथौ अरिष्टतातये ६
 यमादहं वैवस्वतात् सुबन्धोर्मन् आभरम् । जीवातवे न मृत्यवे ऽथौ
 अरिष्टतातये १०
 न्यग्वातोऽव वाति न्यक् तपति सूर्यः । नीचीनमघ्न्या दुहे न्यग्भवतु ते रपः
 ११
 अयं मे हस्तो भगवानयं मे भगवत्तरः । अयं मे विश्वभेषजो ऽयं
 शिवाभिर्मर्शनः १२

(१६) षोडशं सूक्तम्

(१-२७) सप्तविंशत्यृचस्यास्य सूक्तस्य मानवो नाभानेदिष्ठ ऋषिः । विश्वे देवा
 देवताः । त्रिष्टुप् छन्दः

इदमित्था रौद्रं गूर्तवचा ब्रह्म क्रत्वा शच्यामन्तराजौ ।
 क्राणा यदस्य पितरा मंहनेष्ठाः पर्षत् पक्थे अहन्ना सप्त होतृन् १
 स इहानाय दभ्याय वन्वञ्चयवान्ः सूदैरमिमीत् वेदिम् ।
 तूर्वयाणो गूर्तवचस्तमः क्षोदो न रेत इत ऊति सिञ्चत् २
 मनो न येषु हवनेषु तिग्मं विपः शच्या वनुथो द्रवन्ता ।
 आ यः शर्याभिस्तुविनृम्णो अस्याऽश्रीणीतादिशं गर्भस्तौ ३
 कृष्णा यद्गोष्वरुणीषु सीदद् दिवो नपाताश्विना हुवे वाम् ।
 वीतं मे यज्ञमा गतं मे अन्नं ववन्वासा नेषमस्मृतधू ४
 प्रथिष्ट यस्य वीरकर्ममिष्णदनुष्ठितं नु नर्यो अपौहत् ।
 पुनस्तदा वृहति यत् कनाया दुहितुरा अनुभृतमनुर्वा ५
 मध्या यत् कर्त्वमभवदभीके कामं कृण्वाने पितरि युवत्याम् ।
 मुनानग्रेतो जहतुर्वियन्ता सानौ निषिक्तं सुकृतस्य योनौ ६
 पिता यत् स्वां दुहितरमधिष्कन् क्षमया रेतः संजग्मानो नि षिञ्चत् ।
 स्वाध्योऽजनयन् ब्रह्म देवा वास्तोष्पतिं व्रतपां निरतक्षन् ७
 स ईं वृषा न फेनमस्यदाजौ स्मदा परैदप दध्रचेताः ।
 सरत् पुदा न दक्षिणा परावृङ् न ता नु मे पृश्न्यो जगृध्रे ८
 मक्षू न वह्निः प्रजाया उपब्दिग्निं न नृग्न उप सीदूधः ।
 सनितेध्मं सनितोत वाजं स धर्ता जज्ञे सहसा यवीयुत् ९

म॒क्षू क॒नायाः स॒ख्यं नव॑ग्वा ऋ॒तं वद॑न्त ऋ॒तयु॑क्तिमग्मन् ।
 द्वि॒बर्ह॑सो य उप॑ गो॒पमा॑गुरदक्षिणा॒सो अ॒च्युता॑ दुदुक्षन् १०
 म॒क्षू क॒नायाः स॒ख्यं नवी॑यो रा॒धो न रे॑त ऋ॒तमि॑त् तुर॒णय॑न् ।
 शु॒चि यत् ते॒ रे॒क्णा आ॑यजन्त स॒ब॒र्दुधा॑याः प॒य उ॒स्त्रिया॑याः ११
 प॒श्वा यत् प॒श्वा वि॑युता बु॒धन्ते॑ति ब्रवी॒ति व॒क्तरी॑ ररा॒णः ।
 वसो॑र्वसु॒त्वा का॒रवो॑ऽने॒हा वि॒श्वं वि॒वेष्टि॑ द्रवि॒णमु॑प क्षु १२
 तदि॒न्वस्य॑ परि॒षद्वा॑नो अ॒ग्मन् पु॒रू सद॑न्तो ना॒र्षदं॑ बि॒भित्स॑न् ।
 वि शु॒ष्णास्य॑ संग्र॒थित॑मन॒र्वा वि॒दत् पु॑रुप्रजा॒तस्य॑ गुहा॒ यत् १३
 भर्गो॑ ह॒ नामो॑त यस्य॑ दे॒वाः स्व॑र्ण॒ ये त्रि॑ष॒धस्थे॑ नि॒षेदुः ।
 अ॒ग्निर्ह॑ नामो॑त जा॒तवै॑दाः श्रु॒धी नो॑ होत॒र्ऋत॑स्य होता॒धुक् १४
 उ॒त त्या॑ मे॒ रौद्रा॑वर्चि॒मन्ता॑ नास॒त्यावि॒न्द्र गूर्त॑ये यज॒ध्वै ।
 म॒नुष्व॑द्वक्त॒र्बर्हि॑षे ररा॒णा म॒न्दू हि॒तप्र॑यसा वि॒क्षु यज्यु॑ १५
 अ॒यं स्तु॑तो राजा॑ व॒न्दि वे॒धा अ॒पश्च॑ वि॒प्रस्तर॑ति स्वसै॒तुः ।
 स क॒क्षीव॑न्तं रेजय॒त् सो अ॒ग्निं ने॒मिं न च॒क्रम॑र्वतो रघु॒द्रु १६
 स द्वि॒बन्धु॑र्वै॒तर॑णो यष्टा॑ स॒ब॒र्धु धे॒नुम॒स्व दु॒हध्वै॑ ।
 सं यन्मि॒त्रावरु॑णा वृ॒ज्ज उ॒क्थैर्ज्यै॑ष्ठै॒भिर्य॑म॒णं वरू॑थैः १७
 तद्व॒न्धुः सू॒रिर्दिवि॑ तै धिय॑न्धा नाभा॒नेदि॑ष्ठो रप॒ति प्र वे॑नन् ।
 सा नो॑ नाभिः॒ पर॒मास्य॑ वा॒ घाऽहं॑ तत् प॒श्वा के॑तिथश्चि॒दास॑ १८
 इ॒यं मे॒ नाभि॑रि॒ह मे॒ स॒धस्थ॑मि॒मे मे॒ दे॒वा अ॒यम॑स्मि॒ सर्वः॑ ।
 द्वि॒जा अ॒हं प्र॑थम॒जा ऋ॒तस्ये॑दं धे॒नुर॑दुह॒जाय॑माना १९
 अ॒धासु॑ म॒न्द्रो अ॒रति॑र्वि॒भावा॑ ऽव॒ स्यति॑ द्वि॒वर्त॑निर्व॒नेषा॑ट् ।
 ऊ॒र्ध्वा यच्छ्रे॑णि॒र्न शि॒शुर्दन्॑ म॒क्षू स्थि॑रं शै॒वृधं॑ सू॒त मा॒ता २०
 अ॒धा गा॒व उप॑माति॒ क॒नाया॑ अनु॒ श्वान्त॑स्य॒ कस्य॑ चि॒त् परै॑युः ।
 श्रु॒धि त्वं सु॑द्रवि॒णो न॒स्त्वं या॑ळा॒श्वघ्न॑स्य॒ वावृ॑धे सू॒नृता॑भिः २१
 अ॒ध त्वमि॑न्द्र वि॒द्धय॑स्मान् म॒हो रा॒ये नृ॑पते व॒ज्रबा॑हुः ।
 रक्षा॑ च नो म॒घोर्नः प॒हि सू॒रीन॑ने॒हस॑स्ते ह॒रिवो॑ अ॒भिष्टौ॑ २२
 अ॒ध य॒द्राजा॑ना ग॒र्विष्टौ॑ सर॒त् सर॑णयुः का॒रवै॑ ज॒रणयुः॑ ।
 वि॒प्रः प्रे॒ष्ठः स ह्यै॑षां ब॒भूव॑ परा॑ च व॒क्षतु॑त प॒र्षदे॑नान् २३
 अ॒धा न्व॑स्य॒ जेन्य॑स्य पु॒ष्टौ वृ॒था रे॑भन्त ई॒महे॑ तदू॒ नु ।
 स॒रण॑युरस्य सू॒नुर॑श्चो वि॒प्रश्वासि॑ श्रव॒सश्च॑ सा॒तौ २४

युवोर्यदि सखायास्मे शर्धाय स्तोमं जुजुषे नमस्वान् ।
 विश्वत्र यस्मिन्ना गिरः समीचीः पूर्वोवा गातुर्दाशेत् सूनृतायै २५
 स गृणानो अद्भिर्देववानिति सुबन्धुर्नमसा सूक्तैः ।
 वर्धदुक्थैर्वचोभिरा हि नूनं व्यध्वैति पयस उस्त्रियायाः २६
 त ऊ षु णौ महो यजत्रा भूत देवास ऊतयै सजोषाः ।
 ये वाजाँ अनयता वियन्तो ये स्था निचेतारो अमूराः २७

द्वितीयोऽध्यायः

। व० १-२४ ।

(१७) सप्तदशं सूक्तम्

(१-११) एकादशर्चस्यास्य सूक्तस्य मानवो नाभानेदिष्ठ ऋषिः । (१-६)
 प्रथमादिषडृचां विश्वे देवा अङ्गिरसो वा, (७) सप्तम्या विश्वे देवाः, (८-११)
 अष्टम्यादिचतसृणाञ्च सावर्णेर्दानस्तुतिर्देवताः । (१-४) प्रथमादिचतुर्भृचां जगती,
 (५, ८, ९) पञ्चम्यष्टमीनवमीनामनुष्टुप्, (६-७) षष्ठीसप्तम्योः प्रगाथः (षष्ठ्या
 बृहती, सप्तम्याः सतोबृहती), (१०) दशम्या गायत्री,
 (११) एकादश्याश्च त्रिष्टुप् छन्दांसि

ये युज्ञेन दक्षिण्या समक्ता इन्द्रस्य सख्यममृतत्वमानुश ।
 तेभ्यो भद्रमङ्गिरसो वो अस्तु प्रति गृभ्णीत मानवं सुमेधसः १
 य उदार्जन् पितरौ गोमयं वस्वृतेनाभिन्दन् परिवत्सरे वलम् ।
 दीर्घायुत्वमङ्गिरसो वो अस्तु प्रति गृभ्णीत मानवं सुमेधसः २
 य ऋतेन सूर्यमारोहयन् दिव्यप्रथयन् पृथिवीं मातरं वि ।
 सुप्रजास्त्वमङ्गिरसो वो अस्तु प्रति गृभ्णीत मानवं सुमेधसः ३
 अयं नाभा वदति वल्गु वौ गृहे देवपुत्रा ऋषयस्तच्छृणोतन ।
 सुब्रह्मण्यमङ्गिरसो वो अस्तु प्रति गृभ्णीत मानवं सुमेधसः ४
 विरूपास इदृषयस्त इद्रम्भीरवैपसः ।
 ते अङ्गिरसः सूनवस्ते अग्नेः परि जज्ञिरे ५
 ये अग्नेः परि जज्ञिरे विरूपासो दिवस्परि ।
 नवग्वो नु दशग्वो अङ्गिरस्तमः सचा देवेषु मंहते ६
 इन्द्रेण युजा निः सृजन्त वाघतो व्रजं गोमन्तमश्विनम् ।
 सहस्रं मे ददतो अष्टकर्ण्यः श्रवो देवेष्वक्रत ७

प्र नूनं जायतामयं मनुस्तोक्मैव रोहतु ।
 यः सहस्रं शताश्वं सद्यो दानाय मंहते ८
 न तमश्नोति कश्चन दिव इव सान्वारभम् ।
 सावर्ग्यस्य दक्षिणा वि सिन्धुरिव पप्रथे ९
 उत दासा परिविषे स्मदिष्टी गोपरीणसा । यदुस्तुर्वश्वं मामहे १०
 सहस्रदा ग्रामणीर्मा रिषन्मनुः सूर्येणास्य यतमानैतु दक्षिणा ।
 सार्वर्णेर्देवाः प्र तिरन्त्वायुर्यस्मिन्नश्रान्ता असनाम् वाजम् ११

(१८) अष्टादशं सूक्तम्

(१-१७) सप्तदशर्चस्यास्य सूक्तस्य प्लातो गय ऋषिः । (१-१४, १७)
 प्रथमादिचतुर्दशर्चा सप्तदश्याश्च विश्वे देवाः, (१५-१६) पञ्चदशीषोडश्योश्च
 पथ्यास्वस्तिर्देवताः । (१-१४) प्रथमादिचतुर्दशर्चा जगती, (१५) पञ्चदश्या
 त्रिष्टुब्जगती वा, (१६-१७) षोडशीसप्तदश्योश्च त्रिष्टुप् छन्दांसि
 पुरावतो ये दिधिषन्तु आप्यं मनुप्रीतासो जनिमा विवस्वतः ।
 युयातेर्ये नहुष्यस्य बर्हिषि देवा आसन्ते ते अधि ब्रुवन्तु नः १
 विश्वा हि वो नमुस्यानि वन्द्या नामानि देवा उत युज्ञियानि वः ।
 ये स्थ जाता अदितेरद्धस्परि ये पृथिव्यास्ते म इह श्रुता हवम् २
 येभ्यो माता मधुमत् पिन्वते पर्यः पीयूषं द्यौरदितिरद्रिबर्हाः ।
 उक्थशुष्मान् वृषभुरान् त्वप्रसस्ताँ आदित्याँ अनु मदा स्वस्तये ३
 नृचक्षसो अर्निमिषन्तो अर्हणा बृहदेवासो अमृतत्वमानशुः ।
 ज्योतीरथा अहिमाया अनागसो दिवो वर्ष्माणं वसते स्वस्तये ४
 सम्राजो ये सुवृधौ यज्ञमाययुरपरिहृता दधिरे दिवि क्षयम् ।
 ताँ आ विवासु नमसा सुवृक्तिभिर्महो आदित्याँ अदितिं स्वस्तये ५
 को वः स्तोमं राधति यं जुजौषथ विश्वे देवासो मनुषो यति छनं ।
 को वोऽध्वरं तुविजाता अरं करद् यो नः पर्षदत्यंहः स्वस्तये ६
 येभ्यो होत्रा प्रथमामायेजे मनुः समिद्धाग्निर्मनसा सप्त होतृभिः ।
 त आदित्या अभयं शर्म यच्छत सुगा नः कर्त सुपथा स्वस्तये ७
 य ईशिरि भुवनस्य प्रचेतसो विश्वस्य स्थातुर्जगतश्च मन्तवः ।
 ते नः कृतादकृतादेनसस्पर्यद्या देवासः पिपृता स्वस्तये ८
 भरेष्विन्द्रं सुहव हवामहेऽहोमुचं सुकृतं दैव्यं जनम् ।

अग्निं मित्रं वरुणं सातये भगं द्यावापृथिवी मरुतः स्वस्तये ६
 सुत्रामाणंपृथिवीं द्यामनेहसं सुशर्माणमदिति सुप्रणीतिम् ।
 देवीं नार्वं स्वरित्रामनागसमस्त्रवन्तीमा रुहेमा स्वस्तये १०
 विश्वे यजत्रा अधि वोचतोतये त्रायध्वं नो दुरेवाया अभिहुतः ।
 सत्यया वो देवहूत्या हुवेम शृणवतो देवा अवसे स्वस्तये ११
 अपामीवामपु विश्वामनाहुतिमपाराति दुर्विदत्रामघायुतः ।
 आरे देवा द्वेषो अस्मद्युयोतनोरु णः शर्म यच्छता स्वस्तये १२
 अरिष्टः स मर्तो विश्वे एधते प्र प्रजाभिर्जायते धर्मणस्पति ।
 यमादित्यासो नयथा सुनीतिभिरति विश्वानि दुरिता स्वस्तये १३
 यं देवासोऽवथ वाजसातौ यं शूरसाता मरुतो हिते धनै ।
 प्रातर्यावाणं रथमिन्द्र सानसिमरिष्यन्तमा रुहेमा स्वस्तये १४
 स्वस्ति नः पृथ्यासु धन्वसु स्वस्त्यश्प्सु वृजने स्वर्वति ।
 स्वस्ति नः पुत्रकृथेषु योनिषु स्वस्ति राये मरुतो दधातन १५
 स्वस्तिरिद्धि प्रपथे श्रेष्ठा रेक्णस्वत्यभि या वाममेति ।
 सा नो अमा सो अरणे नि पातु स्वावेशा भवतु देवगौपा १६
 एवा प्लतेः सूनुरवीवृधद्वो विश्वे आदित्या अदिते मनीषी ।
 ईशानासो नरो अमर्त्येनाऽस्तावि जनो दिव्यो गयेन १७

(१६) एकोनविंशं सूक्तम्

(१-१७) सप्तदशर्चस्यास्य सूक्तस्य प्लातो गय ऋषिः । विश्वे देवा देवताः ।

(१-११, १३-१५) प्रथमाद्येकादशर्चा त्रयोदश्यादितृचस्य च जगती, (१२, १६-

१७) द्वादशीषोडशीसप्तदशीनाञ्च त्रिष्टुप् छन्दसी

कथा देवानां कतमस्य यामनि सुमन्तु नाम शृणवतां मनामहे ।
 को मृळाति कतमो नो मयस्करत् कतम ऊती अभ्या ववर्तति १
 क्रतूयन्ति क्रतवो हत्सु धीतयो वेनन्ति वेनाः पतयन्त्या दिशः ।
 न मर्दिता विद्यते अन्य ऐभ्यो देवेषु मे अधि कामा अयंसत २
 नरा वा शंसं पूषणमगौह्यमग्निं देवेद्धमभ्यर्चसे गिरा ।
 सूर्यामासा चन्द्रमसा यमं दिवि त्रितं वातमुषसंक्तुमश्विना ३
 कथा कविस्तुवीरवान् कया गिरा बृहस्पतिर्वावृधते सुवृक्तिभिः ।
 अज एकपात् सुहवैभिर्भृक्वभिरहिः शृणोतु बुध्योर्ह हवीमनि ४

दक्षस्य वादिते जन्मनि वृते राजाना मित्रावरुणा विवाससि ।
 अतूर्तपन्थाः पुरुरथौ अर्यमा सप्तहोता विषुरूपेषु जन्मसु ५
 ते नो अर्वन्तो हवनश्रुतो हवं विश्वे शृणवन्तु वाजिनो मितद्रवः ।
 सहस्रसा मेधसाताविव त्मना मुहो ये धनं समिथेषु जग्निरे ६
 प्र वो वायुं रथयुजं पुरंधिं स्तोमैः कृणुध्वं सख्याय पूषणम् ।
 ते हि देवस्य सवितुः सर्वांमनि क्रतुं सचन्ते सचितुः सचैतसः ७
 त्रिः सप्त सस्त्रा नद्यो महीरपो वनस्पतीन् पर्वताँ अग्निमूतयै ।
 कृशानुमस्तृन् तिष्यं सधस्थ आ रुद्रं रुद्रेषु रुद्रियं हवामहे ८
 सरस्वती सरयुः सिन्धुरूर्मिभिर्महो महीरवसा यन्तु वक्षणीः ।
 देवीरापो मातरः सूदयित्वौ घृतवत् पयो मधुमन्नो अर्चत ९
 उत माता बृहद्दिवा शृणोतु नस्त्वष्टा देवेभिर्जनिभिः पिता वचः ।
 ऋभुक्षा वाजो रथस्पतिर्भगौ रणवः शंसः शशमानस्य पातु नः १०
 रणवः संदृष्टौ पितुमाँ इव क्षयो भद्रा रुद्राणां मरुतामुपस्तुतिः ।
 गोभिः ष्याम यशसो जनेष्वा सदा देवास इळया सचेमहि ११
 यां मे धियं मरुत इन्द्र देवा अर्ददात वरुण मित्र यूयम् ।
 तां पीपयत पर्यसेव धेनुं कुविद्भिरो अधि रथे वर्हाथ १२
 कुविदङ्ग प्रति यथा चिदस्य नः सजात्यस्य मरुतो बुबोधथ ।
 नाभा यत्र प्रथमं संनसामहे तत्र जामित्वमदितिर्दधातु नः १३
 ते हि द्यावापृथिवी मातरा मही देवी देवाञ्जन्मना यज्ञियै इतः ।
 उभे बिभृत उभयं भरीमभिः पुरू रेतांसि पितृभिश्च सिञ्चतः १४
 वि षा होत्रा विश्वमश्नोति वार्यं बृहस्पतिररमतिः पनीयसी ।
 ग्रावा यत्र मधुषुदुच्यते बृहदवीवशन्त मतिभिर्मनीषिणः १५
 एवा कविस्तुवीरवाँ ऋतज्ञा द्रविणस्युर्द्रविणसश्चकानः ।
 उक्थेभिरत्र मतिभिश्च विप्रो ऽपीपयद्रयो दिव्यानि जन्म १६
 एवा प्लतेः सूनुरवीवृधद्वो विश्व आदित्या अदिते मनीषी ।
 ईशानासो नरो अर्मत्येनाऽस्तावि जनो दिव्यो गयेन १७

(२०) विंशं सूक्तम्

(१-१५) पञ्चदशर्चस्यास्य सूक्तस्य वासुक्रो वसुकर्ण ऋषिः । विश्वे देवा देवताः ।

(१-१४) प्रथमादिचतुर्दशर्चा जगती, (१५) पञ्चदश्याश्च त्रिष्टुप् छन्दसी

अ॒ग्निरिन्द्रो वरु॑णो मि॒त्रो अ॒र्य॒मा वा॒युः पू॒षा सर॑स्वती स॒जोष॑सः ।
 आ॒दि॒त्या विष्णु॑र्मरुतः स्वर्बृ॒हत् सोमो॑ रु॒द्रो अदि॑तिर्ब्रह्म॒णस्पतिः॑ १
 इन्द्रा॒ग्नी वृ॑त्रह॒त्येषु॑ स॒त्पती॑ मि॒थो हि॒न्वा॒ना त॒न्वा॒इ॒ समौ॑कसा ।
 अ॒न्तरि॑क्षं म॒ह्या प॑प्रु॒रोज॑सा सोमो॑ घृ॒तश्री॑र्महि॒मान॑मीरयन् २
 तेषां॑ हि म॒ह्या म॑ह॒ताम॑न॒र्वणां॑ स्तोमाँ॑ इ॒यम॑य॒तज्ञा॑ ऋ॒तावृ॑धाम् ।
 ये अ॒प्सव॑र्म॒ण्वं चि॒त्ररा॑ध॒सस्ते॑ नो रा॒सन्तां॑ म॒हये॑ सुमि॒त्र्याः ३
 स्व॑र्णर॒मन्तरि॑क्षाणि रो॒चना॑ द्यावा॒भूमी॑ पृथि॒वीं स्क॑म्भुरो॒जसा॑ ।
 पृ॒क्षा इ॒व म॒हय॑न्तः सु॒रात॑यो दे॒वाः स्त॑वन्ते मनु॒षाय॑ सू॒रयः॑ ४
 मि॒त्राय॑ शि॒क्ष वरु॑णाय दा॒शुषे॑ या स॒म्राजा॑ मन॒सा न प्र॑युच्छतः ।
 ययो॑र्धाम् धर्म॒णा रो॑चते बृ॒हद् ययो॑रु॒भे रोद॑सी नाध॒सी वृ॑तौ ५
 या गौ॑र्व॒र्तनिं॑ प॒र्येति॑ निष्कृतं पयो दुहा॒ना व॑त॒नीर॑वा॒रतः॑ ।
 सा प्र॑ब्रुवा॒णा वरु॑णाय दा॒शुषे॑ दे॒वेभ्यो॑ दाश॒द्धवि॑षा वि॒वस्व॑ते ६
 दि॒वक्ष॑सो अ॒ग्निजि॒ह्वा ऋ॒तावृ॑ध ऋ॒तस्य॑ योनिं विमृ॒शन्त॑ आसते ।
 द्यां स्क॑म्भित्व्य॒प आ च॑क्रुरो॒जसा॑ य॒ज्ञं ज॑नि॒त्वी त॒न्वी॒इ॒ नि मा॑मृजुः ७
 प॒रि॒क्षिता॑ पि॒तरा॑ पूर्॒वजा॑र्वरी ऋ॒तस्य॑ योनां क्षय॒तः समौ॑कसा ।
 द्यावा॑पृथि॒वी वरु॑णाय स॒व॒ते घृ॒तवृ॑त् पयो॑ महि॒षाय॑ पि॒न्वतः॑ ८
 प॒र्जन्या॑वाता वृष॒भा पु॑री॒षिणै॑न्द्रवा॒यू वरु॑णो मि॒त्रो अ॒र्य॒मा ।
 दे॒वाँ आ॒दि॒त्याँ अदि॑तिं हवामहे ये पा॒र्थि॒वासो॑ दि॒व्यासो॑ अ॒प्सु ये॑ ९
 त्वष्टा॑रं वा॒युमृ॑भवो य ओ॒हते॑ दै॒व्या हो॑ता॒रा उ॒षसं॑ स्व॒स्तये॑ ।
 बृ॒हस्प॑तिं वृ॒त्रखा॑दं सु॒मेध॑समिन्द्रि॒यं सोमं॑ धनु॒सा उ॑ ईमहे १०
 ब्र॒ह्म गा॑मश्च ज॒नय॑न्त ओष॒धीर्व॑नस्पतीन् पृथि॒वीं प॑र्वताँ अ॒पः ।
 सू॒र्यं दि॒वि रो॑हय॒न्तः सु॒दान॑व आ॒र्या वृ॑ता वि॒सृज॑न्तो अ॒ग्नि क्ष॑मि ११
 भु॒ज्युम॑हंसः पि॒पृथो॑ निर॒श्विना॑ श्याव॒ पुत्रं॑ व॒ध्निम॑त्या अ॒जिन्व॑तम् ।
 क॒म॒द्युर्व॑ वि॒म॒दायो॑हथु॒र्युवं॑ विष्णा॒प्वंश्च॑ वि॒श्वका॑याव॒ सृज॑थः १२
 पा॒वीर॑वी त॒न्यतु॑रेकपाद॒जो दि॒वो ध॑र्ता सिन्धु॒रापः॑ स॒मुद्रि॑यः ।
 वि॒श्वे दे॒वासः॑ शृणु॒न् वचा॑सि मे सर॑स्वती स॒ह धी॑भिः पु॒रंध्या॑ १३
 वि॒श्वे दे॒वाः स॒ह धी॑भिः पु॒रंध्या॑ मनो॒र्यज॑त्रा अ॒मृता॑ ऋ॒तज्ञाः॑ ।
 रा॒तिषा॑चो॒ अभि॑षाचः स्व॒र्विदुः॑ स्व॒र्गिरो॑ ब्रह्म॒ सूक्तं॑ जु॒षेर॑त १४
 दे॒वान् व॑सि॒ष्ठो अ॒मृता॑न् ववन्दे ये वि॒श्वा भु॑व॒नाभि॑ प्र॒त॒स्थुः ।
 ते नो॑ रा॒सन्ता॑मु॒रुगा॑यम॒द्य यू॒यं पा॑त स्व॒स्तिभिः॑ सदा॑ नः १५

(२१) एकविंशं सूक्तम्

(१-१५) पञ्चदशर्चस्यास्य सूक्तस्य वासुक्रो वसुकर्ण ऋषिः । विश्वे देवा देवताः ।

(१-१४) प्रथमादिचतुर्दशर्चा जगती, (१५) पञ्चदश्याश्च त्रिष्टुप् छन्दसी
 देवान् हुवे बृहच्छ्रवसः स्वस्तये ज्योतिष्कृतौ अध्वरस्य प्रचेतसः ।
 ये वावृधुः प्रतरं विश्ववेदस इन्द्रज्येष्ठासो अमृतां ऋतावृधः १
 इन्द्रप्रसूता वरुणप्रशिष्टा ये सूर्यस्य ज्योतिषो भागमानुशुः ।
 मरुद्गणे वृजने मन्म धीमहि माघोने यज्ञं जनयन्त सूरयः २
 इन्द्रो वसुभिः परि पातु नो गर्यमादित्यैर्नो अदितिः शर्म यच्छतु ।
 रुद्रो रुद्रेभिर्देवो मृळयाति नस्त्वष्टा नो ग्राभिः सुविताय जिन्वतु ३
 अदितिर्द्यावापृथिवी ऋतं महदिन्द्राविष्णू मरुतः स्वर्बृहत् ।
 देवाँ आदित्याँ अवसे हवामहे वसून् रुद्रान् त्सवितारं सुदंसंसम् ४
 सरस्वान् धीभिर्वरुणो धृतव्रतः पूषा विष्णुर्महिमा वायुरश्विना ।
 ब्रह्मकृतौ अमृता विश्ववेदसः शर्म नो यंसन् त्रिवरूथमंहसः ५
 वृषा यज्ञो वृषणः सन्तु यज्ञिया वृषणो देवा वृषणो हविष्कृतः ।
 वृषणा द्यावापृथिवी ऋतावरी वृषा पर्जन्यो वृषणो वृषस्तुभः ६
 अग्नीषोमा वृषणा वाजसातये पुरुप्रशस्ता वृषणा उप ब्रुवे ।
 यावीजिरे वृषणो देवयज्यया ता नः शर्म त्रिवरूथं वि यंसतः ७
 धृतव्रताः क्षत्रिया यज्ञनिष्कृतौ बृहद्दिवा अध्वराणामभिश्चियः ।
 अग्निहोतार ऋतसापो अद्भुहो ऽपो असृजन्ननु वृत्रतूयै ८
 द्यावापृथिवी जनयन्नभि व्रता ऽऽप ओषधीर्वनिनानि यज्ञिया ।
 अन्तरिक्षं स्वशरा पप्ररूतये वशं देवासस्तन्वीरं नि मामृजुः ९
 धर्तारो दिव ऋभर्वः सुहस्ता वातापर्जन्या मंहिषस्य तन्यतोः ।
 आप ओषधीः प्र तिरन्तु नो गिरो भगौ रातिर्वाजिनौ यन्तु मे हवम् १०
 समुद्रः सिन्धू रजौ अन्तरिक्षमृज एकपात् तनयिबुरर्णवः ।
 अहिर्बुध्न्यः शृणवद्वचांसि मे विश्वे देवास उत सूरयो मम ११
 स्याम वो मनवो देववीतये प्राञ्च नो यज्ञं प्र रणयत साधुया ।
 आदित्या रुद्रा वसवः सुदानव इमा ब्रह्म शस्यमानानि जिन्वत १२
 दैव्या होतारा प्रथमा पुरोहित ऋतस्य पन्थामन्वेमि साधुया ।
 क्षेत्रस्य पतिं प्रतिवेशमीमहे विश्वान् देवाँ अमृताँ अप्रयुच्छतः १३
 वसिष्ठासः पितृवद्वाचमक्रत देवाँ ईळाना ऋषिवत् स्वस्तये ।

प्रीता इव ज्ञातयः काममेत्याऽस्मे देवासोऽव धूनुता वसु १४
 देवान् वसिष्ठो अमृतान् ववन्दे ये विश्वा भुवनाभि प्रतस्थुः ।
 ते नो रासन्तामुरुगायमद्य यूयं पात स्वस्तिभिः सदा नः १५

(२२) द्वाविंशं सूक्तम्

(१-१२) द्वादशर्चस्यास्य सूक्तस्याङ्गिरसोऽयास्य ऋषिः । बृहस्पतिर्देवता ।

त्रिष्टुप् छन्दः

इमां धियं सप्तशीर्ष्णीं पिता न ऋतप्रजातां बृहतीमविन्दत् ।
 तुरीयं स्वज्जनयद्विश्वजन्यो ऽयास्य उक्थमिन्द्राय शंसन् १
 ऋतं शंसन्त ऋजु दीध्याना दिवस्पुत्रासो असुरस्य वीराः ।
 विप्रं पदमङ्गिरसो दधाना यज्ञस्य धाम प्रथमं मनन्त २
 हंसैरिव सखिभिर्वावदद्भिरश्मन्मयानि नहन्ता व्यस्यन् ।
 बृहस्पतिरभिकनिक्रदद्वा उत प्रास्तौदुच्च विद्वाँ अगायत् ३
 अवो द्वाभ्यां पर एकया गा गुहा तिष्ठन्तीरनृतस्य सेतौ ।
 बृहस्पतिस्तमसि ज्योतिरिच्छन्नुदुस्त्रा आकर्वि हि तिस्र आवः ४
 विभिद्यां पुरं शयथेमपाचीं निस्त्रीणि साकमुदधेरकृन्तत् ।
 बृहस्पतिरुषसं सूर्यं गामर्कं विवेद स्तनयन्निव द्यौः ५
 इन्द्रो वलं रक्षितारं दुधानां करेणैव वि चकर्ता रवेण ।
 स्वेदाञ्जिभिराशिरमिच्छमानो ऽरौदयत् पुणिमा गा अमुष्णात् ६
 स ई सत्येभिः सखिभिः शचद्भिर्गोधायसं वि धनसैरददः ।
 ब्रह्मणस्पतिर्वृषभिर्वराहैर्घुर्मैस्वैदेभिर्द्रविणं व्यानत् ७
 ते सत्येन मनसा गोपतिं गा इयानास इषणयन्त धीभिः ।
 बृहस्पतिर्मिथोअवद्यपेभिरुदुस्त्रिया असृजत स्वयुग्भिः ८
 तं वर्धयन्तो मतिभिः शिवाभिः सिंहमिव नानदतं सधस्थै ।
 बृहस्पतिं वृषणं शूरसातौ भरेभरे अनु मदेम जिष्णुम् ९
 यदा वाजमसनद्विश्वरूपमा द्यामरुक्षदुत्तराणि सद्य ।
 बृहस्पतिं वृषणं वर्धयन्तो नाना सन्तो बिभ्रतो ज्योतिरासा १०
 सत्यामाशिषं कृणुता वयोधै कीरिं चिद्धचवथ स्वेभिरेवैः ।
 पश्चा मृधो अप भवन्तु विश्वास्तद्रौदसी शृणुतं विश्वमिन्वे ११
 इन्द्रो मुहा महतो अर्णवस्य वि मूर्धानमभिनदर्बुदस्य ।

अहन्नहिमरिणात् सप्त सिन्धून् देवैर्द्यावापृथिवी प्रावतं नः १२

(२३) त्रयोविंशं सूक्तम्

(१-१२) द्वादशर्चस्यास्य सूक्तस्याङ्गिरसोऽयास्य ऋषिः । बृहस्पतिर्देवता ।

त्रिष्टुप् छन्दः

उदप्रुतो न वयो रक्षमाणा वावदतो अभ्रियस्येव घोषाः ।
 गिरिभ्रजो नोर्मयो मदन्तो बृहस्पतिमभ्यर्का अनावन् १
 सं गोभिराङ्गिरसो नक्षमाणो भग इवेदयुमणं निनाय ।
 जनै मित्रो न दंपती अनक्ति बृहस्पते वाजयाशूरिवाजौ २
 साध्वर्या अतिथिनीरिषिराः स्पर्हाः सुवर्णा अनवद्यरूपाः ।
 बृहस्पतिः पर्वतेभ्यो वितूर्या निर्गा ऊपे यवमिव स्थिविभ्यः ३
 आप्रुषायन् मधुन ऋतस्य योनिमवक्षिपन्नर्क उल्कामिव द्योः ।
 बृहस्पतिरुद्धरन्नश्मनो गा भूम्या उदनेव वि त्वचं बिभेद ४
 अप ज्योतिषा तमो अन्तरिक्षादुदनः शीपालमिव वार्त आजत् ।
 बृहस्पतिरनुमृश्या वलस्याऽभ्रमिव वात् आ चक्र आ गाः ५
 यदा वलस्य पीयतो जसुं भेद् बृहस्पतिरग्नितपौभिरकैः ।
 दुद्धिर्न जिह्वा परिविष्टमाददाविर्निर्धीरैकृणोदुस्त्रियाणाम् ६
 बृहस्पतिरमत हि त्यदासां नाम स्वरीणां सदेने गुहा यत् ।
 आण्डेव भित्त्वा शकुनस्य गर्भमुदुस्त्रियाः पर्वतस्य त्मनाजत् ७
 अश्नापिनद्धं मधु पर्यपश्यन्मत्स्यं न दीन उदनि क्षियन्तम् ।
 निष्टज्जभार चमसं न वृक्षाद् बृहस्पतिर्विरवेणा विकृत्य ८
 सोषामविन्दत् स स्वर्ः सो अग्निं सो अर्केण वि बबाधे तमांसि ।
 बृहस्पतिर्गोवपुषो वलस्य निर्मज्जानं न पर्वणो जभार ९
 हिमेव पर्णा मुषिता वनानि बृहस्पतिनाकृपयद्ब्रूलो गाः ।
 अनानुकृत्यमपुनश्चकार यात् सूर्यामासा मिथ उच्चरातः १०
 अभि श्यावं न कृशनेभिरश्वं नक्षत्रेभिः पितरो द्यामपिंशन् ।
 रात्र्यां तमो अर्धज्योतिरहन् बृहस्पतिर्भिनदद्रिं विदद्वाः ११
 इदमकर्म नमो अभ्रियाय यः पूर्वीरन्वानोनवीति ।
 बृहस्पतिः स हि गोभिः सो अश्वैः स वीरेभिः स नृभिर्नो वयौ धात् १२

(२४) चतुर्विंशं सूक्तम्

(१-१२) द्वादशर्चस्यास्य सूक्तस्य वाध्यश्वः सुमित्र ऋषिः । अग्निर्देवता । (१-२)

प्रथमाद्वितीययोर्ऋचोर्जगती, (३-१२) तृतीयादिदशानाञ्च त्रिष्टुप् छन्दसी
भद्रा अग्नेर्वध्वश्चस्य संदृशौ वामी प्रणीतिः सुरणा उपैतयः ।
यदी सुमित्रा विशो अग्र इन्धतै घृतेनाहुतो जरते दर्विद्युतत् १
घृतमग्नेर्वध्वश्चस्य वर्धनं घृतमर्घं घृतम्वस्य मेदनम् ।
घृतेनाहुत उर्विया वि पंप्रथे सूर्य इव रोचते सर्पिरासुतिः २
यत् ते मनुर्यदनीकं सुमित्रः समीधे अग्ने तदिदं नवीयः ।
स रेवच्छौच स गिरौ जुषस्व स वाजं दर्षि स इह श्रवौ धाः ३
यं त्वा पूर्वमीळितो वर्ध्वश्चः समीधे अग्ने स इदं जुषस्व ।
स नः स्तिपा उत भवा तनूपा दात्रं रक्षस्व यदिदं तै अस्मे ४
भवा द्युम्नी वाध्वश्चोत गोपा मा त्वा तारीदभिमातिर्जनानाम् ।
शूर इव धृष्णश्चर्वनः सुमित्रः प्र नु वौचं वाध्वश्चस्य नाम ५
समृज्या पर्वत्याः वसूनि दासा वृत्राणयार्या जिगेथ ।
शूर इव धृष्णश्चर्वनो जनानां त्वमग्ने पृतनार्यूरभि ष्याः ६
दीर्घतन्तुर्बृहदुक्तायमग्निः सहस्रस्तरीः शतनीथ ऋभवा ।
द्युमान् द्युमत्सु नृभिर्मृज्यमानः सुमित्रेषु दीदयो देवयत्सु ७
त्वे धेनुः सुदुघा जातवेदो ऽसश्चतैव समना संबर्धुक् ।
त्वं नृभिर्दक्षिणावद्धिरग्ने सुमित्रेभिरिध्यसे देवयद्धिः ८
देवाश्चित् ते अमृता जातवेदो महिमानं वाध्वश्च प्र वौचन् ।
यत् संपृच्छं मानुषीर्विश आयन् त्वं नृभिरजयस्त्वान्वृधेभिः ९
पितेर्व पुत्रमबिभरुपस्थे त्वामग्ने वर्ध्वश्चः संपर्यन् ।
जुषाणो अस्य समिधं यविष्ठोत पूर्वा अवनोर्बार्धतश्चित् १०
शश्वदग्निर्वध्वश्चस्य शत्रून् नृभिर्जिगाय सुतसौमवद्धिः ।
समनं चिददहश्चित्रभानो ऽवु बार्धन्तमभिनद्वधश्चित् ११
अयमग्निर्वध्वश्चस्य वृत्रहा संनकात् प्रेद्धो नर्मसोपवाक्यः ।
स नो अजामीरुत वा विजामीनभि तिष्ठ शर्धतो वाध्वश्च १२

(२५) पञ्चविंशं सूक्तम्

(१-११) एकादशर्चस्यास्य सूक्तस्य वाध्यश्वः सुमित्र ऋषिः । (१) प्रथमर्च इध्मः

समिद्धो वाग्निः, (२) द्वितीयाया नराशंसः, (३) तृतीयाया इळः, (४) चतुर्थ्या बर्हिः, (५) पञ्चम्या देवीर्द्वारः, (६) षष्ठ्या उषासानक्ता, (७) सप्तम्या दैव्यौ होतारौ प्रचेतसौ, (८) अष्टम्यास्तिस्रो देव्यः सरस्वतीळाभारत्यः, (९) नवम्यास्त्वष्टा, (१०) दशम्या वनस्पतिः, (११) एकादश्याश्च स्वाहाकृतयो देवताः । त्रिष्टुप् छन्दः

इमां मे अग्ने समिधं जुषस्वेळस्पदे प्रति हर्या घृताचीम् ।
वर्ष्मन् पृथिव्याः सुदिनत्वे अह्नामूर्ध्वो भव सुक्रतो देवयज्या १
आ देवानामग्न्यावेह यातु नराशंसो विश्वरूपेभिरश्वैः ।
ऋतस्य पथा नमसा मियेधौ देवेभ्यो देवतमः सुषूदत् २
शश्वत्तममीळते दूत्याय हविष्मन्तो मनुष्यासो अग्निम् ।
वर्हिष्ठैरश्वैः सुवृता रथेना ऽऽ देवान् वर्क्षि नि षदेह होता ३
वि प्रथतां देवर्जुष्टं तिरश्चा दीर्घं द्राघ्मा सुरभि भूत्वस्मे ।
अहैळता मनसा देव बर्हिरिन्द्रज्येष्ठाँ उशतो यक्षि देवान् ४
दिवो वा सानु स्पृशता वरीयः पृथिव्या वा मात्रया वि श्रयध्वम् ।
उशतीर्द्वारो महिना महद्भिर्देवं रथं रथयुर्धारयध्वम् ५
देवी दिवो दुहितरा सुशिल्पे उषासानक्ता सदतां नि योनौ ।
आ वा देवास उशती उशन्त उरौ सीदन्तु सुभगे उपस्थे ६
ऊर्ध्वो ग्रावा बृहदग्निः समिद्धः प्रिया धामान्यदितेरुपस्थे ।
पुरोहितावृत्विजा यज्ञे अस्मिन् विदुष्टरा द्रविणमा यजेथाम् ७
तिस्रो देवीर्बर्हिरिदं वरीय आ सीदत चकृमा वः स्योनम् ।
मनुष्वद्यज्ञं सुधिता हवींषीळा देवी घृतपर्दी जुषन्त ८
देव त्वष्टर्यद्ध चारुत्वमानुड्यदङ्गिरसामभवः सचाभूः ।
स देवानां पाथ उप प्र विद्वानुशन् यक्षि द्रविणोदः सुरतः ९
वनस्पते रशनया नियूया देवानां पाथ उप वक्षि विद्वान् ।
स्वदाति देवः कृण्वद्धवींष्यवतां द्यावापृथिवी हव मे १०
आग्ने वह वरुणमिष्टये न इन्द्र दिवो मरुतो अन्तरिक्षात् ।
सीदन्तु बर्हिर्विश्व आ यजत्राः स्वाहा देवा अमृता मादयन्ताम् ११

(२६) षड्विंशं सूक्तम्

(१-११) एकादशर्चस्यास्य सूक्तस्याङ्गिरसो बृहस्पतिर्ऋषिः । ज्ञानं देवता । (१-

८, १०-११) प्रथमाद्यष्टर्चा दशम्येकादश्योश्च त्रिष्टुप्, (९) नवम्याश्च जगती छन्दसी
 बृहस्पते प्रथमं वाचो अग्रं यत् प्रैरत नामधेयं दधानाः ।
 यदैषां श्रेष्ठं यदरिप्रमासीत् प्रेणा तदैषां निहितं गुहाविः १
 सक्तुमिव तितउना पुनन्तो यत्र धीरा मनसा वाचमक्रत ।
 अत्रा सखायः सख्यानि जानते भद्रैषां लक्ष्मीर्निहिताधि वाचि २
 युजेन वाचः पदवीर्यमायन् तामन्वविन्दन्नृषिषु प्रविष्टाम् ।
 तामाभृत्या व्यदधुः पुरुत्रा तां सप्त रेभा अभि सं नवन्ते ३
 उत त्वः पश्यन् न ददर्श वाचमुत त्वः शृण्वन् न शृणोत्येनाम् ।
 उतो त्वस्मै तन्वंश् वि संस्त्रे जायेव पत्य उशती सुवासाः ४
 उत त्वं सख्ये स्थिरपीतमाहुर्नैनं हिन्वन्त्यपि वाजिनेषु ।
 अधेन्वा चरति माययैष वाचं शुश्रुवां अफलामपुष्पाम् ५
 यस्तित्याज सचिविदं सखायं न तस्य वाच्यपि भागो अस्ति ।
 यदी शृणोत्यलकं शृणोति नहि प्रवेद सुकृतस्य पन्थाम् ६
 अक्षरवन्तः कर्णवन्तः सखायो मनोजवेष्वसमा बभूवुः ।
 आदघ्नास उपकक्षास उ त्वे हृदा इव स्नात्वा उ त्वे ददृशे ७
 हृदा तृष्टेषु मनसो जवेषु यद्ब्राह्मणाः संयजन्ते सखायः ।
 अत्राह त्वं वि जहुर्वेद्याभिरोहब्रह्माणो वि चरन्त्यु त्वे ८
 इमे ये नार्वाङ्गन पुरश्चरन्ति न ब्राह्मणासो न सुतेकरासः ।
 ते एते वाचमभिपद्य पापया सिरीस्तन्त्रं तन्वते अप्रजज्ञयः ९
 सर्वे नन्दन्ति यशसागतेन सभासाहेन सख्या सखायः ।
 किल्बिषस्पृत् पितृषणिर्ह्येषामरं हितो भवति वाजिनाय १०
 ऋचां त्वः पोषमास्ते पुपुष्वान् गायत्रं त्वो गायति शक्वरीषु ।
 ब्रह्मा त्वो वदति जातविद्यां यज्ञस्य मात्रां वि मिमीत उ त्वः ११

तृतीयोऽध्यायः

व० १-२८

(२७) सप्तविंशं सूक्तम्

(१-९) नवर्चस्यास्य सूक्तस्य लौक्य आङ्गिरसो वा बृहस्पतिर्ऋषिर्दाक्षायणी अदि-
 तिर्वा ऋषिका । देवा देवताः । अनुष्टुप् छन्दः
 देवानां नु वयं जाना प्र वौचाम विपुन्यया ।

उक्थेषु शस्यमानेषु यः पश्यादुत्तरे युगे १
 ब्रह्मणस्पतिरेता सं कुमारं इवाधमत् ।
 देवानां पूर्वे युगे ऽसतुः सदजायत २
 देवानां युगे प्रथमे ऽसतुः सदजायत ।
 तदाशा अन्वजायन्त तदुत्तानपदस्परि ३
 भूर्जज्ञ उत्तानपदो भुव आशा अजायन्त ।
 अदितेर्दक्षो अजायत दक्षाददितिः परि ४
 अदितिर्ह्यजनिष्ट दक्ष या दुहिता तव ।
 तां देवा अन्वजायन्त भद्रा अमृतबन्धवः ५
 यद्देवा अदः सलिले सुसरब्धा अतिष्ठत ।
 अत्रा वो नृत्यतामिव तीव्रो रेणुरपायत ६
 यद्देवा यतयो यथा भुवनान्यपिन्वत ।
 अत्रा समुद्र आ गूळहमा सूर्यमजभर्तन ७
 अष्टौ पुत्रासो अदितेर्ये जातास्तन्वस्परि ।
 देवाँ उप प्रैत् सप्तभिः परा मातारिडमास्यत् ८
 सप्तभिः पुत्रैरदितिरुप प्रैत् पूर्वं युगम् ।
 प्रजायै मृत्यवै त्वत् पुनर्मातारिडमाभरत् ९

(२८) अष्टाविंशं सूक्तम्

(१-११) एकादशर्चस्यास्य सूक्तस्य शाक्त्यो गौरिवीतिर्ऋषिः । इन्द्रो देवता ।

त्रिष्टुप् छन्दः

जनिष्ठा उग्रः सहसे तुराय मन्द्र ओजिष्ठो बहुलाभिमानः ।
 अवर्धन्निन्द्रं मरुतश्चिदत्र माता यद्वीरं दधनद्धनिष्ठा १
 द्रुहो निषत्ता पृशनी चिदेवैः पुरु शंसैन वावृधुष्ट इन्द्रम् ।
 अभीवृतेव ता महापदेन ध्वान्तात् प्रपित्वादुदरन्त गर्भाः २
 ऋष्वा ते पादा प्र यजिगास्यवर्धन् वाजा उत ये चिदत्र ।
 त्वमिन्द्र सालावृकान् त्सहस्रमासन् दधिषे अश्विना ववृत्याः ३
 समुना तूर्णिरुप यासि यज्ञमा नासत्या सख्याय वक्षि ।
 वसाव्यामिन्द्र धारयः सहस्रा ऽश्विना शूर ददतुर्मृगानि ४
 मन्दमान ऋतादधि प्रजायै सखिभिरिन्द्र इषिरेभिरर्थम् ।

आभिर्हि माया उप दस्युमागान्मिहः प्र तम्रा अवपत् तमांसि ५
 सनामाना चिद्ध्वसयो न्यस्मा अवाहन्निन्द्र उषसो यथानः ।
 ऋष्वैरगच्छः सखिभिर्निकामैः साकं प्रतिष्ठा हद्या जघन्थ ६
 त्वं जघन्थ नमुचिं मखस्युं दासं कृणवान ऋषये विमायम् ।
 त्वं चकर्थ मनवे स्योनान् पथो देवत्राञ्जसेव यानान् ७
 त्वमेतानि पप्रिषे वि नामेशान इन्द्र दधिषे गर्भस्तौ ।
 अनु त्वा देवाः शर्वसा मदन्त्युपरिबुधान् वनिर्नश्चकर्थ ८
 चक्रं यदस्याप्स्वा निषत्तमुतो तदस्मै मध्वच्चच्छद्यात् ।
 पृथिव्यामतिषितं यदूधः पयो गोष्वदधा ओषधीषु ९
 अश्वादिषायेति यद्वदन्त्योर्जसो जातमुत मन्य एनम् ।
 मन्योरियाय हर्म्येषु तस्थौ यतः प्रजज्ञ इन्द्रो अस्य वेद १०
 वयः सुपर्णा उप सेदुरिन्द्र प्रियमैधा ऋषयो नाधमानाः ।
 अप ध्वान्तमूर्णुहि पूधि चक्षुर्मुग्ध्यस्मान् निधयेव ब्रह्मान् ११

(२६) एकोनत्रिंशं सूक्तम्

(१-६) षड्वचस्यास्य सूक्तस्य शाक्त्यो गौरिवीतिर्ऋषिः । इन्द्रो देवता ।

त्रिष्टुप् छन्दः

वसूनां वा चर्कष इयक्षन् धिया वा यज्ञैर्वा रोदस्योः ।
 अर्वन्तो वा ये रयिमन्तः सातौ वनुं वा ये सुश्रुणं सुश्रुतो धुः १
 हव एषामसुरो नक्षत द्यां श्रवस्यता मनसा निसत क्षाम् ।
 चक्षाणा यत्र सुविताय देवा द्यौर्न वारैभिः कृणवन्त स्वैः २
 इयमेषाममृतानां गीः सर्वताता ये कृपणन्त रत्नम् ।
 धियं च यज्ञं च सार्धन्तस्ते नो धान्तु वसव्यश्मसामि ३
 आ तत् ते इन्द्रायवः पनन्ताऽभि य ऊर्व गोर्मन्तं तितृत्सान् ।
 सकृत्स्वं ये पुरुपुत्रां महीं सहस्रधारां बृहतीं दुदुक्षन् ४
 शचीव इन्द्रमवसे कृणुध्वमनानतं दुमयन्तं पृतन्यून ।
 ऋभुक्ष्णं मघवानं सुवृक्तिं भर्ता यो वज्रं नयं पुरुक्षुः ५
 यद्वावानं पुरुतमं पुराषाळा वृत्रहेन्द्रो नामान्यप्राः ।
 अचैति प्रासहस्पतिस्तुविष्मान् यदीमुश्मसि कर्तवे कर्त्त तत् ६

(३०) त्रिंशं सूक्तम्

(१-६) नवर्चस्यास्य सूक्तस्य प्रैयमेधः सिन्धुक्षिदृषिः । नद्यो देवताः ।

जगती छन्दः

प्र सु व आपो महिमानमुत्तमं कारुवौचाति सदेने विवस्वतः ।
 प्र सप्तसप्त त्रेधा हि चक्रमुः प्र सृत्वंरीणामति सिन्धुरोजसा १
 प्र तैऽरद्वरुणो यातवे पथः सिन्धो यद्वार्जा अभ्यर्द्रवस्त्वम् ।
 भूम्या अधि प्रवता यासि सानुना यदैषामग्रं जगतामिरज्यसि २
 दिवि स्वनो यतते भूम्योपर्यनुन्तं शुष्ममुदियति भानुना ।
 अभ्रादिव प्र स्तनयन्ति वृष्टयः सिन्धुर्यदेति वृषभो न रोवत् ३
 अभि त्वा सिन्धो शिशुमित्र मातरौ वाश्रा अर्षन्ति पर्यसेव धेनवः ।
 राजैव युध्वा नयसि त्वमित् सिचौ यदासामग्रं प्रवतामिनक्षसि ४
 इमं मे गङ्गे यमुने सरस्वति शुतुद्रि स्तोमं सचता परुष्या ।
 असिक्त्या मरुद्वधे वितस्तया ऽऽर्जीकीये शृणुह्या सुषोमया ५
 तृष्टामया प्रथमं यातवे सजूः सुसत्वा रसया श्वेत्या त्या ।
 त्वं सिन्धो कुभया गोमतीं क्रुमु मेहत्वा सरथं याभिरीयसे ६
 ऋजीत्येनी रुशती महित्वा परि जयांसि भरते रजांसि ।
 अदब्धा सिन्धुरपसामपस्तमा ऽश्वा न चित्रा वपुषीव दर्शता ७
 स्वश्वा सिन्धुः सुरथा सुवासा हिरण्ययी सुकृता वाजिनीवती ।
 ऊर्णावती युवतिः सीलमावत्युताधि वस्ते सुभगा मधुवृधम् ८
 सुखं रथं युयुजे सिन्धुरश्विनं तेन वाजं सनिषदस्मिन्नाजौ ।
 महान् ह्यस्य महिमा पनुस्यते ऽदब्धस्य स्वयंशसो विरप्शिनः ९

(३१) एकत्रिंशं सूक्तम्

(१-८) अष्टर्चस्यास्य सूक्तस्य सार्प ऐरावतो जरत्कर्ण ऋषिः । ग्रावाणो देवताः ।

जगती छन्दः

आ व ऋञ्जस ऊर्जा व्युष्टिष्विन्द्रं मरुतो रोदसी अनक्तन ।
 उभे यथा नो अहनी सचाभुवा सदेः सदो वरिवस्यात उद्भिदा १
 तदु श्रेष्ठं सर्वनं सुनोतनाऽत्यो न हस्तयतो अद्रिः सोतरि ।
 विदद्धयश्यो अभिभूति पौस्यं महो राये चित् तरुते यदर्वतः २
 तदिद्धयस्य सर्वनं विवेरपो यथा पुरा मनवे गातुमश्रेत् ।

गोअर्णसि त्वाष्ट्रे अश्वनिर्णिजि प्रेमध्वरेष्वध्वरां अशिश्युः ३
 अप हत रक्षसौ भङ्गुरावतः स्कभायत निर्ऋतिं सेधतामतिम् ।
 आ नो रयिं सर्ववीरं सुनोतन देवाव्यं भरतु श्लोकमद्रयः ४
 दिवश्चिदा वोऽमवत्तरेभ्यो विभ्वना चिदाश्वपस्तरेभ्यः ।
 वायोश्चिदा सोमरभस्तरेभ्यो ऽग्नेश्चिदर्च पितुकृत्तरेभ्यः ५
 भुरन्तु नो यशसः सोत्वन्धसो ग्रावाणो वाचा दिविता दिवित्मता ।
 नरो यत्र दुहते काम्यं मध्वाघोषयन्तो अभितौ मिथस्तुरः ६
 सुन्वन्ति सोमं रथिरासो अद्रयो निरस्य रसं गुविषो दुहन्ति ते ।
 दुहन्त्यूर्ध्वरूपसेचनाय कं नरो हव्या न मर्जयन्त आसभिः ७
 एते नरः स्वपसो अभूतन य इन्द्राय सुनुथ सोममद्रयः ।
 वामं वामं वो दिव्याय धाम्ने वसुवसु वः पार्थिवाय सुन्वते ८

(३२) द्वात्रिंशं सूक्तम्

(१-८) अष्टर्चस्यास्य सूक्तस्य भार्गवः स्यूमरश्मिर्ऋषिः । मरुतो देवताः । (१-

४, ६-८) प्रथमादिचतुर्ऋचां षष्ठ्यादितृचस्य च त्रिष्टुप्,

(५) पञ्चम्याश्च जगती छन्दसी

अभ्रपुषो न वाचा पुषा वसु हविष्मन्तो न यज्ञा विजानुषः ।
 सुमारुतं न ब्रह्माणमर्हसे गुणमस्तोष्येषां न शोभसे १
 श्रिये मर्यासो अञ्जीरैकृणवत सुमारुतं न पूर्विरति क्षपः ।
 दिवस्पुत्रास एता न यैतिर आदित्यासस्ते अक्रा न वावृधुः २
 प्र ये दिवः पृथिव्या न बर्हणा त्मना रिरिचे अभ्रात्र सूर्यः ।
 पार्जस्वन्तो न वीराः पनस्यवौ रिशादसो न मर्या अभिद्यवः ३
 युष्मार्कं बुध्रे अपां न यामनि विथुर्यति न मही श्रथर्यति ।
 विश्वप्सुर्यज्ञो अर्वागयं सु वः प्रयस्वन्तो न सत्राच्च आ गत ४
 यूयं धूर्षु प्रयुजो न रश्मिभिर्ज्योतिष्मन्तो न भासा व्युष्टिषु ।
 श्येनासो न स्वयशसो रिशादसः प्रवासो न प्रसितासः परिपुषः ५
 प्र यद्वहध्वे मरुतः पराकाद् यूयं महः संवरणस्य वस्वः ।
 विदानासौ वसवो राध्यस्याऽऽराच्चिद् द्वेषः सनुतर्युयोत ६
 य उदृचि यज्ञे अध्वरेष्ठा मरुद्भ्यो न मानुषो ददर्शित् ।
 रेवत् स वयो दधते सुवीरं स देवानामपि गोपीथे अस्तु ७

ते हि यज्ञेषु यज्ञियांस ऊमा आदित्येन नाम्ना शंभविष्ठाः ।
ते नोऽवन्तु रथतूर्मनीषां महश्च यामन्नध्वरे चकानाः ८

(३३) त्रयस्त्रिंशं सूक्तम्

(१-८) अष्टर्चस्यास्य सूक्तस्य भार्गवः स्यूमरश्मिर्ऋषिः । मरुतो देवताः । (१,
३-४, ८) प्रथमातृतीयाचतुर्थ्यष्टमीनामृचां त्रिष्टुप्, (२, ५-७) द्वितीयायाः

पञ्चम्यादितृचस्य च जगती छन्दसी

विप्रांसो न मन्मभिः स्वाध्यो देवाव्योऽ न यज्ञैः स्वप्नसः ।
राजानो न चित्राः सुसंदृशः क्षितीनां न मर्या अरेपसः १
अग्निर्न ये भ्राजसा रुक्मवक्षसो वातांसो न स्वयुजः सद्य ऊतयः ।
प्रज्ञातारो न ज्येष्ठाः सुनीतयः सुशर्माणो न सोमा ऋतं यते २
वातांसो न ये धुनयो जिगत्तवोऽग्नीनां न जिह्वा विरोकिणः ।
वर्मणवन्तो न योधाः शिमीवन्तः पितृणां न शंसाः सुरातयः ३
रथानां न येऽ राः सनाभयो जिगीवांसो न शूरा अभिद्यवः ।
वरेयवो न मर्या घृतप्रुषोऽभिस्वर्तारो अर्कं न सुष्टुभः ४
अश्वांसो न ये ज्येष्ठास आशवो दिधिषवो न रथ्यः सुदानवः ।
आपो न निमैरुदभिर्जिगत्तवो विश्वरूपा अङ्गिरसो न सामभिः ५
ग्रावाणो न सूरयः सिन्धुमातर आदर्दिरासो अद्रयो न विश्वहा ।
शिशूला न क्रीळयः सुमातरौ महाग्रामो न यामन्नुत त्विषा ६
उषसां न केतवोऽध्वरश्रियः शुभंयवो नाञ्जिभिव्यश्चितन् ।
सिन्धवो न ययियो भ्राजदृष्टयः परावतो न योजनानि ममिरे ७
सुभागान्नो देवाः कृणुता सुरत्नानस्मान् त्स्तोतृन् मरुतो वावृधानाः ।
अधि स्तोत्रस्य सख्यस्य गात सनाद्धि वो रत्नधेयानि सन्ति ८

(३४) चतुस्त्रिंशं सूक्तम्

(१-७) सप्तर्चस्यास्य सूक्तस्य सौचीको वैश्वानरो वाग्निर्वाजम्भरः सप्तिर्वा ऋषिः ।
अग्निर्देवता । त्रिष्टुप् छन्दः

अपश्यमस्य महतो महित्वममर्त्यस्य मर्त्यासु विक्षु ।
नाना हनू विभृते सं भरेते असिन्वती बप्सती भूर्यत्तः १
गुहा शिरो निहितमृधगक्षी असिन्वन्नत्ति जिह्वया वनानि ।

अत्राण्यस्मै पृडिभः सं भरन्त्युत्तानहस्ता नमसाधि विक्षु २
 प्र मातुः प्रतरं गुह्यमिच्छन् कुमारो न वीरुधः सर्पदुर्वीः ।
 ससं न पक्वमविदच्छुचन्तं रिरिह्वासं रिप उपस्थे अन्तः ३
 तद्धामृतं रोदसी प्र ब्रवीमि जायमानो मातरा गभो अत्ति ।
 नाहं देवस्य मर्त्यश्चिकेताऽग्निरङ्ग विचैताः स प्रचैताः ४
 यो अस्मा अन्नं तृष्वाऽदधात्याज्यैर्धृतैर्जुहोति पुष्यति ।
 तस्मै सहस्रमक्षभिर्वि चक्षे ऽग्ने विश्वतः प्रत्यङ्ङसि त्वम् ५
 किं देवेषु त्यज एनश्चकर्थाऽग्ने पृच्छामि नु त्वामविद्वान् ।
 अक्रीळन् क्रीळन् हरिरत्तवेऽदन् वि पर्वशश्चकर्त गामिवासिः ६
 विषूचो अश्वान् युयुजे वनेजा ऋजीतिभी रशनाभिर्गृभीतान् ।
 चक्षदे मित्रो वसुभिः सुजातः समानृधे पर्वभिर्वावृधानः ७

(३५) पञ्चत्रिंशं सूक्तम्

(१-७) सप्तर्चस्यास्य सूक्तस्य सौचीको वैश्वानरो वाग्निर्वाजम्भरः सप्तिर्वा ऋषिः ।

अग्निर्देवता । त्रिष्टुप् छन्दः

अग्निः सप्तिं वाजंभरं ददात्यग्निर्वीरं श्रुत्य कर्मनिष्ठाम् ।
 अग्नी रोदसी वि चरत् समञ्जन्नग्निनारी वीरकुक्षिं पुरंधिम् १
 अग्नेरप्रसः समिदस्तु भद्रा ऽग्निर्मही रोदसी आ विवेश ।
 अग्निरेकं चोदयत् समत्स्वग्निर्वृत्राणि दयते पुरुणि २
 अग्निर्ह्यं त्यं जरतः कर्णमावाऽग्निरङ्गो निरदहृज्रूथम् ।
 अग्निरत्रिं घर्म उरुष्यदन्तरग्निर्नृमेधं प्रजयासृजत्सम् ३
 अग्निर्दाद् द्रविणं वीरपैशा अग्निर्ऋषिं यः सहस्रां सनोति ।
 अग्निर्दिवि हव्यमा ततानाऽग्नेर्धामानि विभृता पुरुत्रा ४
 अग्निमुक्थैर्ऋषयो वि ह्वयन्ते ऽग्निं नरो यामनि बाधितासः ।
 अग्निं वयो अन्तरिक्षे पतन्तो ऽग्निः सहस्रा परि याति गोनाम् ५
 अग्निं विश ईळते मानुषीर्या अग्निं मनुषो नहुषो वि जाताः ।
 अग्निर्गान्धर्वी पथ्यामृतस्याऽग्नेर्गव्यूतिर्धृत आ निषत्ता ६
 अग्नये ब्रह्म ऋभवंस्ततक्षुरग्निं महामवोचामा सुवृक्तिम् ।
 अग्ने प्राव जरितारं यविष्ठा ऽग्ने महि द्रविणमा यजस्व ७

(३६) षट्त्रिंशं सूक्तम्

(१-७) सप्तर्चस्यास्य सूक्तस्य भौवनो विश्वकर्मा ऋषिः । विश्वकर्मा देवता ।

(१, ३-७) प्रथमर्चस्तृतीयादिपञ्चानाञ्च त्रिष्टुप्, (२) द्वितीयायाश्च विराड् रूपा
त्रिष्टुप् छन्दसी

य इमा विश्वा भुवनानि जुहदृषिर्होता न्यसीदत् पिता नः ।
 स आशिषा द्रविणमिच्छमानः प्रथमच्छदवराँ आ विवेश १
 किं स्विदासीदधिष्ठानमारम्भणं कतमत् स्वित् कथासीत् ।
 यतो भूमिं जनयन् श्विकर्मा वि द्यामौणौन्महिना विश्वचक्षाः २
 विश्वतश्चक्षुरुत विश्वतौमुखो विश्वतौबाहुरुत विश्वतस्पात् ।
 सं बाहुभ्यां धर्मति सं पतत्रैर्द्यावाभूमीं जनयन् देव एकः ३
 किं स्विद्वनं क उ स वृक्ष आस यतो द्यावापृथिवी निष्टतक्षुः ।
 मनीषिणो मनसा पृच्छतेदु तद् यदध्यतिष्ठद्भुवनानि धारयन् ४
 या ते धामानि परमाणि यावमा या मध्यमा विश्वकर्मनुतेमा ।
 शिक्षा सखिभ्यो हविषि स्वधावः स्वयं यजस्व तन्वं वृधानः ५
 विश्वकर्मन् हविषा वावृधानः स्वयं यजस्व पृथिवीमुत द्याम् ।
 मुह्यन्त्वन्ये अभितो जनांस इहास्माकं मघवा सूरिरस्तु ६
 वाचस्पतिं विश्वकर्माणमूतये मनोजुवं वाजं अद्या हुवेम ।
 स नो विश्वानि हवनानि जोषद् विश्वशम्भूरवसे साधुकर्मा ७

(३७) सप्तत्रिंशं सूक्तम्

(१-७) सप्तर्चस्यास्य सूक्तस्य भौवनो विश्वकर्मा ऋषिः । विश्वकर्मा देवता ।

त्रिष्टुप् छन्दः

चक्षुषः पिता मनसा हि धीरो घृतमैने अजनुन्नम्रमाने ।
 यदेदन्ता अददहन्त पूर्व आदिद्यावापृथिवी अप्रथेताम् १
 विश्वकर्मा विमना आद्विहाया धाता विधाता परमोत संदृक् ।
 तेषामिष्टानि समिषा मदन्ति यत्रा सप्तऋषीन् पर एकमाहुः २
 यो नः पिता जनिता यो विधाता धामानि वेद भुवनानि विश्वा ।
 यो देवानां नामधा एक एव तं संप्रश्नं भुवना यन्त्यन्या ३
 त आरयजन्त द्रविणं समस्मा ऋषयः पूर्वे जरितारो न भूना ।
 असूर्ते सूर्ते रजसि निषत्ते ये भूतानि समकृणवन्निमानि ४

पुरो दिवा पुर एना पृथिव्या पुरो देवेभिरसुरैर्यदस्ति ।
 कं स्विद्गर्भं प्रथमं दध्र आपो यत्र देवाः समपश्यन्त विश्वे ५
 तमिद्गर्भं प्रथमं दध्र आपो यत्र देवाः समगच्छन्त विश्वे ।
 अजस्य नाभावध्येकमर्पितं यस्मिन् विश्वानि भुवनानि तस्थुः ६
 न तं विदाथ य इमा जजानाऽन्यद्युष्माक्रमन्तरं बभूव ।
 नीहारेण प्रवृता जल्प्या चाऽसुतृप उक्थशासश्चरन्ति ७

(३८) अष्टात्रिंशं सूक्तम्

(१-७) सप्तर्चस्यास्य सूक्तस्य तापसो मन्युर्ऋषिः । मन्युर्देवता । (१) प्रथमर्चो
 जगती, (२-७) द्वितीयादिषण्णाञ्च त्रिष्टुप् छन्दसी
 यस्ते मन्योऽविधद्वज्र सायक सह ओजः पुष्यति विश्वमानुषक ।
 साह्याम दासमार्यं त्वया युजा सहस्कृतेन सहसा सहस्वता १
 मन्युरिन्द्रो मन्युरेवास देवो मन्युर्होता वरुणो जातवेदाः ।
 मन्युं विश ईळते मानुषीर्याः पाहि नो मन्यो तपसा सजोषाः २
 अभीहि मन्यो तवसस्तवीयान् तपसा युजा वि जहि शत्रून् ।
 अमित्रहा वृत्रहा दस्युहा च विश्वा वसून्वा भरा त्वं नः ३
 त्वं हि मन्यो अभिभूत्योजाः स्वयंभूमौ अभिमातिषाहः ।
 विश्वर्चर्षणिः सहुरिः सहावानस्मास्वोजः पृतनासु धेहि ४
 अभागः सन्नप परेतो अस्मि तव क्रत्वा तविषस्य प्रचेतः ।
 तं त्वा मन्यो अक्रतुर्जिहीष्वाहं स्वा तनूबलदेया मेहि ५
 अयं तै अस्म्युप मेह्यर्वाङ् प्रतीचीनः सहरे विश्वधायः ।
 मन्यो वज्रिन्नाभि मामा ववृत्स्व हनाव दस्यूरुत बोध्यापेः ६
 अभि प्रेहि दक्षिणतो भवा मे ऽधा वृत्राणि जङ्घनाव भूरि ।
 जुहोमि ते धरुणं मध्वो अग्रमुभा उपांशु प्रथमा पिबाव ७

(३९) एकोनचत्वारिंशं सूक्तम्

(१-७) सप्तर्चस्यास्य सूक्तस्य तापसो मन्युर्ऋषिः । मन्युर्देवता । (१-३)
 प्रथमादितृचस्य त्रिष्टुप्, (४-७) चतुर्थ्यादिचतसृणाञ्च जगती छन्दसी
 त्वया मन्यो सरथमारुजन्तो हर्षमाणसो धृषिता मरुत्वः ।
 तिग्मेष्व आयुधा संशिशाना अभि प्र यन्तु नरो अग्निरूपाः १

अग्रिरिव मन्यो त्विषितः सहस्व सेनानीर्नः सहरे हूत एधि ।
 हत्वायु शत्रून् वि भजस्व वेद ओजो मिमानो वि मृधौ नुदस्व २
 सहस्व मन्यो अभिमातिमस्मे रुजन् मृणन् प्रमृणन् प्रेहि शत्रून् ।
 उग्रं ते पाजौ नुन्वा रुरुधे वृशी वशं नयस एकज त्वम् ३
 एकौ बहूनामसि मन्यवीळितो विशविशं युधये सं शिशाधि ।
 अकृत्तरुक त्वया युजा वयं द्युमन्तं घोषं विजयाय कृणमहे ४
 विजेषकृदिन्द्र इवानवब्रवोऽस्माकं मन्यो अधिपा भवेह ।
 प्रियं ते नाम सहरे गृणीमसि विद्या तमुत्सं यत आब्रूथ ५
 आभूत्या सहजा वज्र सायक सहौ बिभर्ष्यभिभूत उत्तरम् ।
 क्रत्वा नो मन्यो सह मेघैधि महाधनस्य पुरुहूत संसृजि ६
 संसृष्टं धनमुभयं समाकृतमस्मभ्यं दत्तां वरुणश्च मन्युः ।
 भियं दधाना हृदयेषु शत्रवः पराजितासो अप नि लयन्ताम् ७

(४०) चत्वारिंशं सूक्तम्

(१-४७) सप्तचत्वारिंशदृचस्यास्य सूक्तस्य सावित्री सूर्या ऋषिका । (१-५)
 प्रथमादिपञ्चर्चा सोमः, (६-१६) षष्ठ्याद्येकादशानां सूर्याविवाहः, (१७)
 सप्तदश्या देवाः, (१८) अष्टादश्याः सोमर्को, (१९) एकोनविंश्याश्चन्द्रमाः,
 (२०-२८) विंश्यादिनवानां नृणामाशीः प्राया विवाहमन्त्राः, (२९-३०)
 एकोनत्रिंशीत्रिंशोर्विवाहे वधूवासः स्पर्शनिन्दा, (३१) एकत्रिंश्या
 दम्पत्योर्यक्ष्मनाशनम्, (३२-४७) द्वात्रिंश्यादिषोडशानाञ्च सावित्री सूर्या देवताः ।
 (१-१३, १५-१७, २२, २५, २८-३३, ३५, ३८-४२, ४५-४७)
 प्रथमादित्रयोदशर्चा पञ्चदश्यादितृचस्य द्वाविंशीपञ्चविंशोरष्टाविंश्यादितृचद्वयस्य
 पञ्चत्रिंश्या अष्टात्रिंश्यादिपञ्चानां पञ्चचत्वारिंश्यादितृचस्य चानुष्टुप्, (१४, १९-२१,
 २३-२४, २६, ३६-३७, ४४) चतुर्दश्या एकोनविंश्यादितृचस्य
 त्रयोविंशीचतुर्विंशयोः षड्विंश्याः षट्त्रिंशीसप्तत्रिंशीचतुश्चत्वारिंशीनाञ्च त्रिष्टुप्, (१८,
 २७, ४३) अष्टादशीसप्तविंशीत्रिचत्वारिंशीनां जगती, (३४) चतुस्त्रिंश्याश्च
 उरोबृहती छन्दांसि

सत्येनोत्तभिता भूमिः सूर्येणोत्तभिता द्यौः ।
 ऋतेनादित्यास्तिष्ठन्ति दिवि सोमो अधि श्रितः १
 सोमैनादित्या बलिनुः सोमैन पृथिवी मही ।
 अथो नक्षत्राणामेषामुपस्थे सोम आहितः २

सोमं मन्यते पपिवान् यत् संपिषन्त्योषधिम् ।
 सोमं यं ब्रह्माणौ विदुर्न तस्याशनाति कश्चन ३
 आच्छद्विधानैर्गुपितो बार्हतैः सोम रक्षितः ।
 ग्राव्णामिच्छृणवन् तिष्ठसि न तै अशनाति पार्थिवः ४
 यत् त्वा देव प्रपिबन्ति तत् आ प्यायसे पुनः ।
 वायुः सोमस्य रक्षिता समानां मास आकृतिः ५
 रैभ्यासीदनुदेयी नाराशंसी न्योचनी ।
 सूर्याया भद्रमिद्वासो गार्थयैति परिष्कृतम् ६
 चित्तिरा उपबर्हणं चक्षुरा अभ्यञ्जनम् ।
 द्यौर्भूमिः कोश आसीद् यदयात् सूर्या पतिम् ७
 स्तोमा आसन् प्रतिधयः कुरीरं छन्द ओपशः ।
 सूर्याया अश्विना वरा ऽग्निरासीत् पुरोगवः ८
 सोमो वधूयुरभवदश्विनास्तामुभा वरा ।
 सूर्या यत् पत्ये शंसन्तीं मनसा सविताददात् ९
 मनो अस्या अन आसीद् द्यौरासीदुत छदिः ।
 शक्रावन्ड्वाहावास्तां यदयात् सूर्या गृहम् १०
 ऋक्सामाभ्यामभिहितौ गावौ ते सामनावितः ।
 श्रोत्रं ते चक्रे आस्तां दिवि पन्थाश्चराचरः ११
 शुचीं ते चक्रे यात्या व्यानो अक्ष आहतः ।
 अनो मनस्मर्य सूर्या ऽऽरोहत् प्रयती पतिम् १२
 सूर्याया वहतुः प्रागात् सविता यमवासृजत् ।
 अघासु हन्यन्ते गावो ऽर्जुन्योः पर्युह्यते १३
 यदश्विना पृच्छमानावयातं त्रिचक्रेण वहतुं सूर्यायाः ।
 विश्वे देवा अनु तद्धामजानन् पुत्रः पितराववृणीत पूषा १४
 यदयातं शुभस्पती वरेयं सूर्यामुप ।
 क्वैकं चक्रं वामासीत् क्व देष्टार्य तस्थथुः १५
 द्वे तै चक्रे सूर्ये ब्रह्माणे ऋतुथा विदुः ।
 अथैकं चक्रं यद्गुहा तदद्भ्यातय इद्विदुः १६
 सूर्यायै देवेभ्यो मित्राय वरुणाय च ।
 ये भूतस्य प्रचेतस इदं तेभ्यो ऽकरं नमः १७

पूर्वापरं चरतो माययैतौ शिशू क्रीळन्तौ परि यातो अध्वरम् ।
 विश्वान्यन्यो भुवनाभिचष्ट ऋतूरन्यो विदधञ्जायते पुनः १८
 नवौनवो भवति जायमानो ऽह्ना केतुरुषसामेत्यग्रम् ।
 भागं देवेभ्यो वि दधात्यायन् प्र चन्द्रमास्तिरते दीर्घमायुः १९
 सुक्लिंशकं शल्मलिं विश्वरूपं हिरण्यवर्णं सुवृतं सुचक्रम् ।
 आ रोह सूर्ये अमृतस्य लोकं स्योनं पत्यै वहतुं कृणुष्व २०
 उदीर्ष्वातः पतिवती ह्येऽषा विश्वावसुं नमसा गीर्भिरीळे ।
 अन्यामिच्छ पितृषदं व्यक्तां स तै भागो जनुषा तस्य विद्धि २१
 उदीर्ष्वातौ विश्वावसो नमसेळामहे त्वा ।
 अन्यामिच्छ प्रफुर्व्यं सं जायां पत्या सृज २२
 अनृक्षरा ऋजवः सन्तु पन्था येभिः सखायो यन्ति नो वरेयम् ।
 समैर्यमा सं भगौ नो निनीयात् सं जास्पत्यं सुयममस्तु देवाः २३
 प्र त्वा मुञ्चामि वरुणस्य पाशाद् येन त्वाबध्नात् सविता सुशेवः ।
 ऋतस्य योनौ सुकृतस्य लोके ऽरिष्टां त्वा सह पत्या दधामि २४
 प्रेतो मुञ्चामि नामुतः सुबुद्धाममुतस्करम् ।
 यथेयमिन्द्र मीद्वः सुपुत्रा सुभगासति २५
 पूषा त्वेतो नयतु हस्तगृह्याऽश्विना त्वा प्र वहतां रथेन ।
 गृहान् गच्छ गृहपती यथासौ वशिनी त्वं विदथमा वदासि २६
 इह प्रियं प्रजया ते समृध्यतामस्मिन् गृहे गार्हपत्याय जागृहि ।
 एना पत्या तन्वं सं सृजस्वाऽधा जिब्रीं विदथमा वदाथः २७
 नीललोहितं भवति कृत्यासक्तिर्व्यज्यते ।
 एधन्ते अस्या ज्ञातयः पतिर्बन्धेषु बध्यते २८
 परा देहि शामुल्यं ब्रह्मभ्यो वि भजा वसु ।
 कृत्येषा पद्धतीं भूत्या जाया विशते पतिम् २९
 अश्रीरा तनूर्भवति रुशती पापयामुया ।
 पतिर्यद्वध्वोऽ वाससा स्वमङ्गमभिधित्सते ३०
 ये वध्वश्चन्द्रं वहतुं यक्ष्मा यन्ति जनादनु ।
 पुनस्तान् यज्ञिया देवा नयन्तु यत् आगताः ३१
 मा विदन् परिपन्थिनो य आसीदन्ति दंपती ।
 सुगेभिर्दुर्गमतीतामपे द्रान्त्वरातयः ३२

सु॒म॒ङ्ग॒ली॒रि॒यं व॒धू॒रि॒मां स॒मे॒त॒ प॒श्य॒त ।
 सौ॒भा॒ग्य॒म॒स्यै द॒त्त्वा॒याऽथा॒स्तं वि॒ परै॒तन ३३
 तृ॒ष्ट॒मे॒तत् क॒टु॒क॒मे॒तद॒पा॒ष्ट॒व॒द्वि॒ष॒व॒न्नै॒तद॒त्त॒वे ।
 सू॒र्या यो ब्र॒ह्मा वि॒द्यात् स इ॒द्वाधू॒यम॒र्हति ३४
 आ॒श॒स॒नं वि॒श॒स॒न॒मथो॑ अ॒धि॒वि॒क॒र्त॒नम् ।
 सू॒र्यायाः प॒श्य रू॒पाणि॑ ता॒नि ब्र॒ह्मा तु शे॒न्धति ३५
 गृ॒भ्णामि॑ ते सौ॒भग॒त्वाय॑ ह॒स्तं म॒या प॒त्या ज॒रद॑ष्टि॒र्यथा॑सः ।
 भ॒गौ अ॒र्य॒मा स॒वि॒ता पु॒र॒धि॒र्म॒ह्यं त्वा॒दु॒र्गा॒र्ह॒प॒त्याय॑ दे॒वाः ३६
 तां पू॒ष॒ञ्छि॒व॒र्त॒मा मे॒र॒य॒स्व॒ यस्यां॑ बी॒जं म॒नु॒ष्या॒ऽव॒प॒न्ति ।
 या न ऊ॒रू उ॒श॒ती वि॒श्र॒याते॑ यस्या॒मु॒श॒न्तः प्र॒ह॒राम् शे॒पम् ३७
 तु॒भ्य॒म॒ग्रे प॒र्य॒व॒हन् त्सू॒र्या व॒ह॒तुना॑ स॒ह ।
 पु॒नः प॒ति॒भ्यो जा॒यां दा॑ अ॒ग्रे प्र॒जया॑ स॒ह ३८
 पु॒नः प॒त्नीम॒ग्नि॒र॒दा॒दायु॑षा स॒ह व॒र्च॑सा ।
 दी॒र्घा॒यु॒र॒स्या यः प॒ति॒र्जी॒वा॒ति श॒रदः॑ श॒तम् ३९
 सो॒मः प्र॒थ॒मो वि॒वि॒दे ग॒न्ध॒र्वो वि॒वि॒द॒ उत्त॑रः ।
 तृ॒तीयो॑ अ॒ग्नि॒ष्टे प॒ति॒स्तु॒री॒य॒स्ते म॒नु॒ष्य॒जाः ४०
 सो॒मो द॒द॒द्ग॒न्ध॒र्वाय॑ ग॒न्ध॒र्वो द॑द॒द्ग॒ग्र॒ये ।
 र॒यिं च पु॒त्राँश्चा॒दा॒द्ग॒न्धि॒र्म॒ह्य॒मथो॑ इ॒माम् ४१
 इ॒हैव स्तं॑ मा वि यौ॒ष्टं वि॒श्व॒मायु॑र्व्य॒श्नु॒तम् ।
 क्री॒ळ॒न्तौ पु॒त्रैर्न॑प्त॒भिर्मो॑द॒मानौ॑ स्वे गृ॒हे ४२
 आ नः॑ प्र॒जां ज॑नयतु प्र॒जाप॑ति॒राज॒र॒साय॑ स॒म॒न॒क्त्व॒र्य॒मा ।
 अ॒दु॒र्म॒ङ्ग॒लीः प॒ति॒लो॒क॒मा वि॒श॒ शं नो॑ भव द्वि॒पदे॑ शं च॒तु॒ष्पदे॑ ४३
 अ॒घो॒र॒च॒क्षु॒र॒प॒ति॒घ्न॒ये॒धि शि॒वा पु॒शु॒भ्यः सु॒म॒नाः सु॒व॒र्चाः ।
 वी॒र॒सू॒र्दे॒व॒का॒मा स्यो॒ना शं नो॑ भव द्वि॒पदे॑ शं च॒तु॒ष्पदे॑ ४४
 इ॒मां त्व॒मिन्द्र॑ मी॒द्वः सु॒पु॒त्रां सु॒भ॒गां कृ॒णु ।
 द॒शा॒स्यां पु॒त्रा॒ना धै॒हि प॒ति॒मे॒का॒द॒शं कृ॑धि ४५
 स॒म्रा॒ज्ञी श्व॑श॒रे भव॑ स॒म्रा॒ज्ञी श्व॑श॒वां भव॑ ।
 न॒ना॒न्द॒रि स॒म्रा॒ज्ञी भव॑ स॒म्रा॒ज्ञी अ॒धि दे॒वृषु॑ ४६
 स॒म॒ञ्ज॒न्तु वि॒श्वे दे॒वाः स॒मा॒पो ह॑द॒यानि॑ नो ।
 सं मा॒तरि॑श्वा सं धा॒ता स॒मु दे॒ष्ट्री द॑धातु नो ४७

चतुर्थोऽध्यायः

व० १-३१ ।

(४१) एकचत्वारिंशं सूक्तम्

(१-२३) त्रयोविंशत्यृचस्यास्य सूक्तस्य (१, ८, ११-१२, १४, १६-२२)
 प्रथमाष्टम्येकादशीद्वादशीचतुर्दशीनामृचामेकोनविंश्यादिचतसृणाञ्चेन्द्र ऋषिः, (२-
 ६, ९-१०, १५-१८) द्वितीयादिपञ्चानां नवमीदशम्योः पञ्चदश्यादिचतसृणाञ्चेन्द्राणी
 ऋषिका, (७, १३, २३) सप्तमीत्रयोदशीत्रयोविंशीनाञ्चेन्द्रो वृषाकपिर्ऋषिः । इन्द्रो
 देवता । पङ्क्तिश्छन्दः

वि हि सोतो॒रसृ॑क्षत॒ नेन्द्रं॑ दे॒वम॑मंसत ।
 यत्राम॑दद्वृषा॒कपि॑र्यः पु॒ष्टेषु॑ मत्स॑खा विश्व॑स्मादिन्द्र उत्तरः १
 परा॒ हीन्द्र॑ धाव॑सि वृषा॒कपे॑रति व्यथिः ।
 नो अ॒ह प्र वि॑न्दस्य॒न्यत्र॑ सोम॑पीतये विश्व॑स्मादिन्द्र उत्तरः २
 किमु॒यं त्वां वृषा॑कपिश्च॒कार॑ हरि॒तो मृ॑गः ।
 यस्मा॑ इ॒रस्य॑सीदु न्व॒र्यो वा॑ पु॒ष्टिम॑द्वसु विश्व॑स्मादिन्द्र उत्तरः ३
 यमि॑मं त्वं वृषा॑कपिं प्रि॒यमिन्द्रा॑भिरक्ष॒सि ।
 श्वा न्व॑स्य ज॒म्भिष॑दपि कर्णे॑ वरा॒हयु॑र्विश्व॑स्मादिन्द्र उत्तरः ४
 प्रि॒या त॒ष्टानि॑ मे क॒पिर्व्य॑क्ता व्य॒दूदुष॑त् ।
 शिरो॑ न्व॑स्य राविषं॒ न सु॑गं दु॒ष्कृतै॑ भुव॒ं विश्व॑स्मादिन्द्र उत्तरः ५
 न मत् स्त्री सु॑भ॒सत्तरा॑ न सु॒याशु॑तरा भुवत् ।
 न मत् प्र॑तिच्यवीयसी॒ न स॑कथ्युद्यमीयसी विश्व॑स्मादिन्द्र उत्तरः ६
 उ॒वे अ॒म्ब सु॒लाभि॑के यथै॒वाङ्ग॑ भविष्यति ।
 भ॒सन्मै॑ अ॒म्ब स॑क्थि मे शिरो॑ मे वी॒व ह॑ष्यति विश्व॑स्मादिन्द्र उत्तरः ७
 किं सु॑बाहो स्व॒ङ्गुरे॑ पृथु॒ष्टो पृथु॑जाघने ।
 किं शू॒रप॑त्ति न॒स्त्वम॑भ्यमीषि वृषा॑कपिं विश्व॑स्मादिन्द्र उत्तरः ८
 अ॒वीरा॑मिव॒ माम॑यं शरा॒रु॒भि म॑न्यते ।
 उ॒ताह॑मस्मि वी॒रिणी॑न्द्रपत्नी म॒रुत्स॑खा विश्व॑स्मादिन्द्र उत्तरः ९
 स॒ंहोत्रं॑ स्म॒ पुरा॑ नारी॒ सम॑नं वाव॑ गच्छति ।
 वे॒धा ऋ॒तस्य॑ वी॒रिणी॑न्द्रपत्नी महीयते विश्व॑स्मादिन्द्र उत्तरः १०
 इन्द्रा॑णीमा॒सु ना॑रिषु सु॒भगा॑म॒हम॑श्रवम् ।
 न॒ह्यस्या॑ अप॒रं च॒न ज॒रसा॑ मर॒ते प॑तिर्विश्व॑स्मादिन्द्र उत्तरः ११

नाहमिन्द्राणि रारण सख्युर्वृषाकपेऋते ।
 यस्येदमप्य हविः प्रियं देवेषु गच्छति विश्वस्मादिन्द्र उत्तरः १२
 वृषाकपायि रेवति सुपुत्र आदु सुस्रुषे ।
 घसत् त इन्द्र उक्षणः प्रियं कोचित्करं हविर्विश्वस्मादिन्द्र उत्तरः १३
 उक्षणो हि मे पञ्चदश साकं पचन्ति विंशतिम् ।
 उताहमग्नि पीव इदुभा कुक्षी पृणन्ति मे विश्वस्मादिन्द्र उत्तरः १४
 वृषभो न तिग्मशृङ्गो ऽन्तर्यूथेषु रोरुवत् ।
 मन्थस्त इन्द्र शं हृदे यं ते सुनोति भावयुर्विश्वस्मादिन्द्र उत्तरः १५
 न सेशे यस्य रम्बते ऽन्तरा सक्थ्याः कपृत् ।
 सेदीशे यस्य रोमशं निषेदुषौ विजृम्भते विश्वस्मादिन्द्र उत्तरः १६
 न सेशे यस्य रोमशं निषेदुषौ विजृम्भते ।
 सेदीशे यस्य रम्बते ऽन्तरा सक्थ्याः कपृद् विश्वस्मादिन्द्र उत्तरः १७
 अयमिन्द्र वृषाकपिः परस्वन्तं हृतं विदत् ।
 असिं सूनां नवं चरुमादेधस्यान् आचितं विश्वस्मादिन्द्र उत्तरः १८
 अयमेमि विचाकशद् विचिन्वन् दासमार्यम् ।
 पिबामि पाकसुत्वानो ऽभि धीरमचाकशं विश्वस्मादिन्द्र उत्तरः १९
 धन्वं च यत् कृन्तत्रं च कति स्वित् ता वि योजना ।
 नेदीयसो वृषाकपे ऽस्तमेहि गृहां उप विश्वस्मादिन्द्र उत्तरः २०
 पुनरेहि वृषाकपे सुविता कल्पयावहै ।
 य एष स्वप्नं शनो ऽस्तमेषि पुथा पुनर्विश्वस्मादिन्द्र उत्तरः २१
 यदुदञ्चो वृषाकपे गृहमिन्द्राजगन्तन ।
 क्वः स्य पुल्वधो मृगः कर्मगञ्जनयोपनो विश्वस्मादिन्द्र उत्तरः २२
 पर्शुर्हि नाम मानवी साकं संसूव विंशतिम् ।
 भद्रं भल त्यस्या अभूद् यस्या उदरमामयद् विश्वस्मादिन्द्र उत्तरः २३

(४२) द्विचत्वारिंशं सूक्तम्

(१-२५) पञ्चविंशत्यृचस्यास्य सूक्तस्य भारद्वाजः पायुर्ऋषिः । रक्षोहाग्निर्देवता ।

(१-२१) प्रथमाद्येकविंशत्यृचां त्रिष्टुप्,

(२२-२५) द्वाविंश्यादिचतसृणान्वाष्टुप् छन्दसी

रक्षोहणं वाजिनमा जिघर्षि मित्रं प्रथिष्टमुप यामि शर्म ।

शिशानो अग्निः क्रतुभिः समिद्धः स नो दिवा स रिषः पातु नक्तम् १
 अयोदंष्ट्रो अर्चिषा यातुधानानुप स्पृश जातवेदः समिद्धः ।
 आ जिहया मूरदेवान् रभस्व क्रव्यादौ वृक्त्व्यपि धत्स्वासन् २
 उभोभयाविनुप धेहि दंष्ट्रा हिंस्रः शिशानोऽवरं परं च ।
 उतान्तरिक्षे परि याहि राजञ्जम्भैः सं धैह्यभि यातुधानान् ३
 यज्ञैरिषूः संनममानो अग्ने वाचा शल्याँ अशनिभिर्दिहानः ।
 ताभिर्विध्य हृदये यातुधानान् प्रतीचो ब्राह्मन् प्रति भङ्ध्येषाम् ४
 अग्ने त्वचं यातुधानस्य भिन्धि हिंसाशनिर्हरसा हन्त्वेनम् ।
 प्र पर्वाणि जातवेदः शृणीहि क्रव्यात् क्रविष्णुर्वि चिनोतु वृक्णम् ५
 यत्रेदानीं पश्यसि जातवेदस्तिष्ठन्तमग्र उत वा चरन्तम् ।
 यद्वान्तरिक्षे पथिभिः पतन्तं तमस्ता विध्य शर्वा शिशानः ६
 उतालब्धं स्पृणुहि जातवेद आलेभानादृष्टिभिर्यातुधानात् ।
 अग्ने पूर्वी नि जहि शोशुचान आमादः क्ष्विङ्कास्तमदन्त्वेनीः ७
 इह प्र ब्रूहि यतमः सो अग्ने यो यातुधानो य इदं कृणोति ।
 तमा रभस्व समिधा यविष्ठ नृचक्षसश्चक्षुषे रन्ध्रयेनम् ८
 तीक्ष्णेनाग्ने चक्षुषा रक्ष यज्ञं प्राञ्च वसुभ्यः प्र राय प्रचेतः ।
 हिंस्रं रक्षास्यभि शोशुचानं मा त्वा दभन् यातुधाना नृचक्षः ९
 नृचक्षा रक्षः परि पश्य विक्षु तस्य त्रीणि प्रति शृणीह्यग्रा ।
 तस्याग्ने पृष्ठीर्हरसा शृणीहि त्रेधा मूलं यातुधानस्य वृश्च १०
 त्रिर्यातुधानः प्रसितिं त एत्वृतं यो अग्ने अनृतेन हन्ति ।
 तमर्चिषा स्फूर्जयञ्जातवेदः समक्षमैनं गृणते नि वृद्धि ११
 तदग्ने चक्षुः प्रति धेहि रेभे शफारुजं येन पश्यसि यातुधानम् ।
 अथर्ववज्रचोतिषा दैव्येन सत्यं धूर्वन्तमचितं न्यौष १२
 यदग्ने अद्य मिथुना शपातो यद्वाचस्तृष्टं जनयन्त रेभाः ।
 मन्योर्मनसः शरव्याइ जायते या तया विध्य हृदये यातुधानान् १३
 परा शृणीहि तपसा यातुधानान् पराग्ने रक्षो हरसा शृणीहि ।
 परार्चिषा मूरदेवाञ्छृणीहि परासुतृपो अभि शोशुचानः १४
 पराद्य देवा वृजिनं शृणन्तु प्रत्यगैनं शपथा यन्तु तृष्टाः ।
 वाचास्तैनं शरव ऋच्छन्तु मर्मन् विश्वस्यैतु प्रसितिं यातुधानः १५
 यः पौरुषेयेण क्रविषा समङ्क्ते यो अश्वयेन पशुना यातुधानः ।

यो अघ्नचाया भरति क्षीरमग्ने तेषां शीर्षाणि हरसापि वृश्च १६
 संवत्सरीणं पर्य उस्त्रियायास्तस्य माशीद्यातुधानौ नृचक्षः ।
 पीयूषमग्ने यतमस्तिर्तृप्सात् तं प्रत्यञ्चमर्चिषा विध्य मर्मन् १७
 विषं गवां यातुधानाः पिबन्त्वा वृश्चयन्तामदितये दुरेवाः ।
 परैरान् देवः सेविता ददातु परां भागमोषधीनां जयन्ताम् १८
 सनादग्ने मृणसि यातुधानान् न त्वा रक्षांसि पृतनासु जिग्युः ।
 अनु दह सहमूरान् क्रव्यादो मा ते हेत्या मुक्षत दैव्यायाः १९
 त्वं नो अग्ने अधरादुदक्तात् त्वं पश्चादुत रक्षा पुरस्तात् ।
 प्रति ते ते अजरास्तपिष्ठा अघशंसं शोशुचतो दहन्तु २०
 पश्चात् पुरस्तादधरादुदक्तात् कविः काव्येन परि पाहि राजन् ।
 सखे सखायमजरौ जरिम्णे ऽग्ने मर्ता अमर्त्यस्त्वं नः २१
 परि त्वाग्ने पुरं वयं विप्रं सहस्य धीमहि ।
 धृषद्वर्णं दिवेदिवे हुन्तारं भङ्गुरावताम् २२
 विषेणं भङ्गुरावतः प्रति ष्म रक्षसो दह ।
 अग्रे तिग्मेन शोचिषा तपुरग्राभिर्ऋष्टिभिः २३
 प्रत्यग्ने मिथुना दह यातुधानां किमीदिना ।
 सं त्वा शिशामि जागृह्यदब्धं विप्र मन्मभिः २४
 प्रत्यग्ने हरसा हरः शृणीहि विश्वतः प्रति ।
 यातुधानस्य रक्षसो बलं वि रुज वीर्यम् २५

(४३) त्रिचत्वारिंशं सूक्तम्

(१-१६) एकोनविंशत्यृचस्यास्य सूक्तस्याङ्गिरसो वामदेव्यो वा मूर्धन्वानृषिः ।

सूर्यो वैश्वानरोऽग्निश्च देवते । त्रिष्टुप् छन्दः

हविष्पान्तमजरं स्वर्विदि दिविस्पृश्याहुतं जुष्टमग्नौ ।
 तस्य भर्मणे भुवनाय देवा धर्मणे कं स्वधया पप्रथन्त १
 गीर्णं भुवनं तमसापगूळहमाविः स्वरभवज्जाते अग्नौ ।
 तस्य देवाः पृथिवी द्यौरुतापो ऽरण्यन्नोषधीः सख्ये अस्य २
 देवेभिर्निषितो यज्ञियैभिरग्निं स्तोषाण्यजरं बृहन्तम् ।
 यो भानुना पृथिवीं द्यामुतेमामाततान् रोदसी अन्तरिक्षम् ३
 यो होतासीत् प्रथमो देवजुष्टो यं समाञ्ज्नाज्येना वृणानाः ।

स प॑त॒त्रीत्वरं॑ स्था जग॑द्यच्छ॒वात्रम॑ग्रि॒रकृ॑णो॒ज्जात॑वे॒दाः ४
 य॒ज्जात॑वे॒दो भु॑र्वनस्य मूर्ध॒न्नति॑ष्ठो अ॒ग्ने सह॑ रौच॒नेन॑ ।
 तं त्वा॑हेम म॒तिभिर्गी॑र्भिरु॒वथैः स य॒ज्ञियो॑ अभवो रोद॒सिप्राः ५
 मूर्धा॑ भुवो भव॒ति न॑क्तम॒ग्निस्त॑तुः सूर्यो॑ जायते प्रा॒तरु॑द्यन् ।
 मा॒यामू॑ तु य॒ज्ञिया॑नामे॒तामपो॑ यत् तू॒र्णिश्चर॑ति प्र॒जान॑न् ६
 दृ॒शेन्यो॑ यो म॒हिना॑ समि॒द्धो ऽरौ॑चत दि॒वियो॑निर्वि॒भावा॑ ।
 तस्मि॑न्न॒ग्रौ सू॑क्तवा॒केन॑ दे॒वा ह॒विर्वि॒श्व आ॒जुह॑वुस्त॒नूपाः ७
 सू॒क्तवा॑कं प्रथ॒ममादि॑द॒ग्निमादि॑द्ध॒विर॑जनयन्त दे॒वाः ।
 स ए॑षां य॒ज्ञो अभ॑वत् त॒नूपास्तं॑ द्यौर्वे॒द तं पृ॑थि॒वी तमा॑पः ८
 यं दे॒वासोऽज॑नयन्ता॒ग्निं यस्मि॑न्ना॒जुह॑वुर्भु॒र्वनानि॑ विश्वा ।
 सो अ॒र्चिषा॑ पृथि॒वीं द्या॑मु॒तेमा॑मृ॒ज्यमानो॑ अत॒पन्म॑हि॒त्वा ९
 स्तोमै॑न् हि दि॒वि दे॒वासो॑ अ॒ग्निम॑जी॒जन॑ञ्छ॒क्तिभी॑ रोद॒सिप्रा॑म् ।
 तमू॑ अ॒कृण॑वन् त्रेधा भुवे कं स ओष॑धीः प॒चति॑ वि॒श्वरू॑पाः १०
 य॒देदे॑न॒मद॑धु॒र्य॒ज्ञिया॑सो दि॒वि दे॒वाः सूर्य॑मादि॒तेय॑म् ।
 य॒दा च॑रि॒ष्णू मि॑थु॒नाव॑भू॒तामादि॑त् प्राप॑श्यन् भु॒र्वनानि॑ विश्वा ११
 वि॒श्वस्मा॑ अ॒ग्निं भु॑र्वनाय दे॒वा वै॒श्वान॑रं के॒तुम॑ह्ना॒मकृ॑णवन् ।
 आ य॑स्त॒तानो॑षसो वि॒भाती॑रपो ऊ॒र्णोति॑ तमो॑ अ॒र्चिषा॑ यन् १२
 वै॒श्वान॑रं क॒वयो॑ य॒ज्ञिया॑सो ऽग्निं दे॒वा अ॑जनयन्न॒जु॒र्यम् ।
 नक्ष॑त्रं प्र॒ब॒ममि॑नच्चरि॒ष्णु य॒क्षस्या॑ध्यक्षं त॒विषं॑ बृ॒हन्त॑म् १३
 वै॒श्वान॑रं वि॒श्वहा॑ दी॒दिवा॑सं मन्त्रै॒र॒ग्निं क॒विम॑च्छा॒ वदामः॑ ।
 यो म॒हिम्ना॑ प॒रिब॑भू॒वोर्वी॑ उ॒ताव॑स्ता॒दुत॑ दे॒वः प॒रस्ता॑त् १४
 द्वे स्तु॑ती अ॒शृण॑वं पि॒तॄणाम॑हं दे॒वाना॑मु॒त म॑र्त्या॒नाम् ।
 ताभ्या॑मि॒दं वि॒श्वमे॑ज॒त् समै॑ति यद॒न्तरा॑ पि॒तरं॑ मा॒तरं॑ च १५
 द्वे स॑मी॒ची बि॑भृ॒तश्चर॑न्तं शी॒र्षतो॑ जा॒तं मन॑सा वि॒मृष्ट॑म् ।
 स प्र॒त्यङ् विश्वा॑ भु॒र्वनानि॑ त॒स्थाव॑प्रयु॒च्छन् त॒रणि॑र्भ्राज॒मानः॑ १६
 यत्रा॑ वदे॒ते अ॒वरः॑ प॒रश्च॑ य॒ज्ञन्योः॑ क॒त॒रो नौ॑ वि वे॒द ।
 आ शै॑कु॒रित् स॒ध॒मादं॑ स॒खोयो॑ नक्ष॑न्त य॒ज्ञं क॒ इदं॑ वि वो॒चत् १७
 क॒त्य॒ग्रयः॑ क॒ति सूर्या॑सः क॒त्युषा॑सः क॒त्यु स्वि॒दापः॑ ।
 नोप॑स्पिजं वः पि॒त॒रो व॑दामि पृ॒च्छामि॑ वः क॒वयो॑ वि॒द्यने॑ कम् १८
 याव॑न्मा॒त्रमु॑षसो न प्र॒तीकं॑ सु॒प॒र्यो॑रे॒ वस॑ते मा॒तरि॑श्वः ।

तावद्दधात्युप यज्ञमायन् ब्राह्मणो होतुरवरो निषीदन् १६

(४४) चतुश्चत्वारिंशं सूक्तम्

(१-१८) अष्टादशर्चस्यास्य सूक्तस्य वैश्वामित्रो रेणुर्ऋषिः । (१-४, ६-१८)
प्रथमादिचतुर्ऋचां षष्ठ्यादित्रयोदशानाञ्चेन्द्रः, (५) पञ्चम्याञ्चेन्द्रासोमौ देवते ।

त्रिष्टुप् छन्दः

इन्द्रं स्तवा नृतमं यस्य मृहा विबबाधे रौचना वि ज्मो अन्तान् ।
आ यः पुप्रौ चर्षणीधृद्वरौभिः प्र सिन्धुभ्यो रिरिचानो महित्वा १
स सूर्यः पर्युरु वरांस्येन्द्रौ ववृत्याद्रथ्यैव चक्रा ।
अतिष्ठन्तमपस्यं न सर्गं कृष्णा तमांसि त्विष्या जघान २
समानमस्मा अनैपावृदर्च क्षमया दिवो असमं ब्रह्म नव्यम् ।
वि यः पृष्ठेव जनिमान्यर्य इन्द्रश्चिकायु न सखायमीषे ३
इन्द्राय गिरो अनिशितसर्गा अपः प्रेरयुं सर्गरस्य बुध्रात् ।
यो अक्षणेव चक्रिया शचीभिर्विष्वक् तस्तम्भं पृथिवीमुत द्याम् ४
आपान्तमन्युस्तृपलप्रभर्मा धुनिः शिमीवाञ्छरुमाँ ऋजीषी ।
सोमो विश्वान्यतसा वनानि नार्वागिन्द्रं प्रतिमानानि देभुः ५
न यस्य द्यावापृथिवी न धन्व नान्तरिक्षं नाद्रयः सोमो अक्षाः ।
यदस्य मन्युरधिनीयमानः शृणाति वीळु रुजति स्थिराणि ६
जघान वृत्रं स्वधितिर्वनैव रुरोज पुरो अरदन्न सिन्धून् ।
बिभेद गिरिं नवमिन्न कुम्भमा गा इन्द्रौ अकृणुत स्वयुग्भिः ७
त्वं ह त्यदृणया इन्द्र धीरो ऽसिर्न पर्व वृजिना शृणासि ।
प्र ये मित्रस्य वरुणस्य धाम युजं न जनां मिनन्ति मित्रम् ८
प्र ये मित्रं प्रार्यमणं दुरेवाः प्र संगिरः प्र वरुणं मिनन्ति ।
न्यमित्रेषु वधमिन्द्र तुमं वृषन् वृषाणमरुषं शिशीहि ९
इन्द्रौ दिव इन्द्र ईशे पृथिव्या इन्द्रौ अपामिन्द्र इत् पर्वतानाम् ।
इन्द्रौ वृधामिन्द्र इन्मेधिराणामिन्द्रः क्षेमे योगे हव्य इन्द्रः १०
प्राक्तुभ्य इन्द्रः प्र वृधो अहभ्यः प्रान्तरिक्षात् प्र समुद्रस्य धासेः ।
प्र वार्तस्य प्रथसः प्र ज्मो अन्तात् प्र सिन्धुभ्यो रिरिचे प्र क्षितिभ्यः ११
प्र शोशुचत्या उषसो न केतुरसिन्वा तै वर्ततामिन्द्र हेतिः ।
अश्मैव विध्य दिव आ सृजानस्तपिष्ठेन हेषसा द्रोघमित्रान् १२

अन्वह मासा अन्विद्वानान्यन्वोषधीरनु पर्वतासः ।
 अन्विन्द्रं रोदसी वावशाने अन्वापौ अजिहतु जायमानम् १३
 कर्हि स्वित् सा त इन्द्र चेत्यासदधस्य यद्विनदो रक्ष एषत् ।
 मित्रक्रुवो यच्छसने न गावः पृथिव्या आपृगमुया शयन्ते १४
 शत्रूयन्तौ अभि ये नस्ततस्त्रे महि बार्धन्त ओगुणास इन्द्र ।
 अन्धेनामित्रास्तमसा सचन्तां सुज्योतिषौ अक्तवस्ताँ अभि ष्युः १५
 पुरुणि हि त्वा सर्वना जनानां ब्रह्माणि मन्दन् गृणतामृषीणाम् ।
 इमामाघोषन्नवसा सहतिं तिरो विश्वाँ अर्चतो याह्यर्वाङ् १६
 एवा तै वयमिन्द्र भुञ्जतीनां विद्याम सुमतीनां नवानाम् ।
 विद्याम वस्तोरवसा गृणन्तौ विश्वामित्रा उत त इन्द्र नूनम् १७
 शनं हुवेम मघवानमिन्द्रमस्मिन् भरे नृतमं वाजसातौ ।
 श्रवन्तमुग्रमूतये समत्सु घन्त वृत्राणि संजितुं धनानाम् १८

(४५) पञ्चचत्वारिंशं सूक्तम्

(१-१६) षोडशर्चस्यास्य सूक्तस्य नारायण ऋषिः । पुरुषो देवता । (१-१५)

प्रथमादिपञ्चदशर्चामनुष्टुप्, (१६) षोडश्याश्च त्रिष्टुप् छन्दसी

सहस्रशीर्षा पुरुषः सहस्राक्षः सहस्रपात् ।
 स भूमिं विश्वतौ वृत्वाऽत्यतिष्ठदशाङ्गुलम् १
 पुरुष एवेदं सर्वं यद्वृतं यच्च भव्यम् ।
 उतामृतत्वस्येशानो यदन्नैनातिरोहति २
 एतावानस्य महिमा ऽतो ज्यायाँश्च पूरुषः ।
 पादौऽस्य विश्वा भूतानि त्रिपादस्यामृतं दिवि ३
 त्रिपादूर्ध्व उदैत् पुरुषः पादौऽस्येहाभवत् पुनः ।
 ततो विष्वङ् व्यक्रामत् साशनानशने अभि ४
 तस्माद्विराळजायत विराजो अधि पूरुषः ।
 स जातो अत्यरिच्यत पश्चाद्भूमिमथो पुरः ५
 यत् पुरुषेण हविषा देवा युज्जमतन्वत ।
 वसन्तो अस्यासीदाज्यं ग्रीष्म इध्मः शरद्धुविः ६
 तं युजं बर्हिषि प्रौक्षन्पुरुषं जातमग्रतः ।

तेन देवा अयजन्त साध्या ऋषयश्च ये ७
 तस्माद्यज्ञात् सर्वहुतः संभृतं पृषदाज्यम् ।
 पशून् ताँश्चक्रे वायुव्यानारुणान् ग्राम्याश्च ये ८
 तस्माद्यज्ञात् सर्वहुत ऋचः सामानि जज्ञिरे ।
 छन्दांसि जज्ञिरे तस्माद्यजुस्तस्मादजायत ९
 तस्मादक्षा अजायन्त ये के चौभयादतः ।
 गावो ह जज्ञिरे तस्मात् तस्माज्जाता अजावयः १०
 यत् पुरुषं व्यदधुः कतिधा व्यकल्पयन् ।
 मुखं किमस्य कौ ब्राह्म का ऊरू पादा उच्येते ११
 ब्राह्मणोऽस्य मुखमासीद्ब्राह्म राजन्यः कृतः ।
 ऊरू तदस्य यद्वैश्यः पद्भ्यां शूद्रो अजायत १२
 चन्द्रमा मनसो जातश्चक्षोः सूर्यो अजायत ।
 मुखादिन्द्रश्चाग्निश्च प्राणाद्वायुरजायत १३
 नाभ्या आसीदन्तरिक्षं शीष्णो द्यौः समवर्तत ।
 पद्भ्यां भूमिर्दिशः श्रोत्रात् तथा लोकाँ अकल्पयन् १४
 सप्तास्यासन् परिधयस्त्रिः सप्त समिधः कृताः ।
 देवा यद्यज्ञं तन्वाना अबध्नन् पुरुषं पुशुम् १५
 यज्ञेन यज्ञमयजन्त देवास्तानि धर्माणि प्रथमान्यासन् ।
 ते ह नार्कं महिमानः सचन्त यत्र पूर्वे साध्याः सन्ति देवाः १६

(४६) षट्चत्वारिंशं सूक्तम्

(१-१५) पञ्चदशर्चस्यास्य सूक्तस्य वैतहव्योऽरुण ऋषिः । अग्निर्देवता । (१-१४)

प्रथमादिचतुर्दशर्चा जगती, (१५) पञ्चदश्याश्च त्रिष्टुप् छन्दसी

सं जागृवद्भिर्जरमाण इध्यते दमे दमूना इषयन्निळस्पदे ।
 विश्वस्य होता हविषो वरैरयो विभुर्विभावा सुषखा सखीयते १
 स दर्शतुश्रीरतिथिर्गृहेगृहे वनेवने शिश्रिये तक्ववीरिव ।
 जनंजनं जन्यो नाति मन्यते विश आ क्षेति विश्योऽ विशविशम् २
 सुदक्षो दक्षैः क्रतुनासि सुक्रतुरग्रे कविः काव्येनासि विश्ववित् ।
 वसुर्वसूनां क्षयसि त्वमेक इद् द्यावा च यानि पृथिवी च पुष्यतः ३
 प्रजानन्नग्रे तव योनिमृत्वियमिळायास्पदे घृतवन्तमासदः ।

आ तै चिकित्र उषसामिवेतयो ऽरेपसः सूर्यस्येव रश्मयः ४
 तव श्रियो वर्ष्यस्येव विद्युतश्चित्राश्चिकित्र उषसां न केतवः ।
 यदोषधीरभिसृष्टो वनानि च परि स्वयं चिनुषे अन्नमास्ये ५
 तमोषधीर्दधिरे गर्भमृत्वियं तमापो अग्निं जनयन्त मातरः ।
 तमित् समानं वनिनेश्च वीरुधो ऽन्तर्वतीश्च सुवते च विश्वहा ६
 वातौपधूत इषितो वशाँ अनु तृषु यदन्ना वेविषद्वितिष्ठसे ।
 आ तै यतन्ते रथ्योऽ यथा पृथक् शर्धास्यग्ने अजराणि धक्षतः ७
 मेधाकारं विदथेस्य प्रसाधनमग्निं होतारं परिभूतमं मृतिम् ।
 तमिदमै हविष्या समानमित् तमिन्महे वृणते नान्यं त्वत् ८
 त्वामिदत्र वृणते त्वायवो होतारमग्ने विदथेषु वेधसः ।
 यदैवयन्तो दधति प्रयासि ते हविष्मन्तो मनवो वृक्तबर्हिषः ९
 तवाग्ने होत्रं तव पोत्रमृत्वियं तव नेष्ट्रं त्वमग्निर्दृतायतः ।
 तव प्रशास्त्रं त्वमध्वरीयसि ब्रह्मा चासि गृहपतिश्च नो दमै १०
 यस्तुभ्यमग्ने अमृताय मर्त्यः समिधा दाशदुत वा हविष्कृति ।
 तस्य होता भवसि यासि दूत्यश्मुप ब्रूषे यजस्यध्वरीयसि ११
 इमा अस्मै मृत्यो वाचो अस्मदाँ ऋचो गिरः सुष्टुतयः समग्मत ।
 वसूयवो वसवे जातवेदसे वृद्धासु चिद्धर्धनो यासु चाकनत् १२
 इमां प्रताय सुष्टुतिं नवीयसीं वोचेयमस्मा उशते शृणोतु नः ।
 भूया अन्तरा हृद्यस्य निस्पृशे जायेव पत्य उशती सुवासाः १३
 यस्मिन्नश्वास ऋषभास उक्ष्णौ वशा मेषा अवसृष्टास आहृताः ।
 कीलालपे सोमपृष्ठाय वेधसे हृदा मृतिं जनये चारुमग्रये १४
 अर्हाव्यग्ने हविरास्ये ते सुचीव घृतं चम्वीव सोमः ।
 वाजसनि रयिमस्मे सुवीरं प्रशस्तं धेहि यशसं बृहन्तम् १५

(४७) सप्तचत्वारिंशं सूक्तम्

(१-१५) पञ्चदशर्चस्यास्य सूक्तस्य मानवः शार्यात ऋषिः । विश्वे देवा देवताः ।

जगती छन्दः

यज्ञस्य वो रथ्यं विश्पतिं विशां होतारमुक्तोरतिथिं विभावंसुम् ।
 शोचञ्छुष्कासु हरिणीषु जर्भुरद वृषां केतुर्यजतो द्यामशायत १
 इममञ्जस्पामुभयै अकृणवत धर्माणमग्निं विदथेस्य साधनम् ।

अ॒क्तुं न॒ य॒ह्म॒मुष॑सः पु॒रोहि॑तं त॒नून॑पा॒तम॑रुष॒स्य नि॑सते २
 ब॒ळस्य॑ नी॒था वि॒ प॒णेश्च॑ म॒न्महे॑ व॒या अ॒स्य प्र॑हु॒ता आ॒सुर॑त्तवे ।
 य॒दा घो॒रासौ॑ अ॒मृत॑त्वमा॒शता॑दि॒ज्जन॑स्य दै॒व्यस्य॑ च॒र्किरन् ३
 अ॒तस्य॑ हि प्र॒सि॒ति॒द्यौरु॑रु व्य॒चो नमो॑ म॒ह्यश्म॑तिः पनी॒यसी ।
 इन्द्रो॑ मि॒त्रो वरु॑णः सं चि॒कि॒त्रिरे॑ ऽथो भ॒र्गः स॒वि॒ता पू॒तद॑क्षसः ४
 प्र रु॒द्रेण॑ यु॒यिना॑ यन्ति॒ सिन्ध॑व॒स्तिरो॑ म॒हीम॑र॒मतिं॑ दध॒न्विरे॑ ।
 येभिः॑ परि॒ज्मा परि॑यन्तु॒रु ज॒यो वि॒ रो॒रुव॑ज्ज॒ठरे॑ वि॒श्वमु॑क्षतै ५
 क्रा॒णा रु॒द्रा म॑रुतो॒ वि॒श्वकृ॑ष्टयो दि॒वः श्ये॑नासो अ॒सुर॑स्य नी॒ळयः॑ ।
 तेभि॑श्चष्टे वरु॑णो मि॒त्रो अ॒र्यमेन्द्रो॑ दे॒वेभि॑र॒र्वशे॑भि॒रर्व॑शः ६
 इ॒न्द्रे भुजं॑ श॒शमा॑नास आ॒शत॑ स॒रो दृ॒शीके॑ वृष॒णश्च॑ पौ॒स्ये ।
 प्र ये न्व॑स्या॒र्हणा॑ तत॒क्षिरे॑ यु॒जं व॒ज्रं नृ॑षद॒नेषु॑ का॒रवः॑ ७
 सूर॑श्चि॒दा ह॒रितो॑ अ॒स्य री॒रम॑दिन्द्रा॒दा कश्चि॑द्भ॒यते॑ तवी॒यसः॑ ।
 भी॒मस्य॑ वृ॒ष्णो ज॒ठरा॑दभि॒श्वसौ॑ दि॒वेदि॑वे स॒हुरिः॑ स्त॒न्नबा॑धितः ८
 स्तोमं॑ वो अ॒द्य रु॒द्राय॑ शि॒क्वसे॑ क्ष॒यद्वी॑राय॒ नम॑सा दि॒दिष्ट॑न ।
 येभिः॑ शि॒वः स्व॒वाँ ए॒व॒याव॑भि॒र्दिवः॑ सि॒षक्ति॑ स्वय॑शा॒ निका॑मभिः ९
 ते हि प्र॒जाया॑ अ॒भर॑न्त॒ वि श्र॒वो बृ॒हस्प॑तिर्वृष॒भः सोम॑जामयः ।
 यु॒ज्ञैरथ॑र्वा प्रथ॒मो वि॒ धार॑यदे॒वा दक्षै॑र्भृ॒गवः॑ सं चि॒कि॒त्रिरे॑ १०
 ते हि द्या॒वापृ॑थि॒वी भूरि॑र॒तसा॑ न॒राशं॑सश्चतु॒रङ्गो॑ य॒मोऽदि॑तिः ।
 दे॒वस्त्वष्टा॑ द्रवि॒णोदा॑ ऋ॒भुक्ष॑णः प्र रौ॒द्रसी॑ म॒रुतो॑ वि॒ष्णुर॑र॒हिरि॑ ११
 उ॒त स्य॑ न उ॒शिजा॑मु॒र्विया॑ क॒विर॑हिः शृ॒णोतु॑ बु॒ध्यो॒इ ह॒वीम॑नि ।
 सूर्या॑मासा॒ वि॒चर॑न्ता दि॒वि॒क्षिता॑ धि॒या श॑मीन॒हुषी॑ अ॒स्य बो॑धतम् १२
 प्र नः॑ पू॒षा च॒रथं॑ वि॒श्वदै॑व्यो ऽपां नपा॑दवतु वा॒युरि॑ष्टयै ।
 आ॒त्मानं॑ व॒स्यो अ॒भि वा॑तम॒र्चत॑ तद॒श्विना॑ सु॒हवा॑ या॒मनि॑ श्रुतम् १३
 वि॒शामा॑साम॒भयाना॑मधि॒क्षितं॑ गी॒र्भिरु॑ स्वय॑शसं गृणी॒मसि॑ ।
 ग्रा॒भिर्वि॑श्वा॒भिरदि॑तिम॒नुर्व॑ण॒मुक्तो॑र्यु॒वानं॑ नृ॒मणा॑ अ॒घ्रा प॑तिम् १४
 रेभ॑दत्र॒ जनु॑षा॒ पूर्वो॑ अ॒ङ्गिरा॑ ग्रा॒वाण॑ ऊ॒र्ध्वा अ॒भि च॑क्षु॒रध्व॑रम् ।
 येभि॑र्वि॒हाया॑ अ॒भव॑द्वि॒चक्ष॑णः पा॒थः सु॒मेकं॑ स्व॒धिति॑र्व॒नन्व॑ति १५

(४८) अष्टचत्वारिंशं सूक्तम्

(१-१५) पञ्चदशर्चस्यास्य सूक्तस्य पार्थस्तान्व ऋषिः । विश्वे देवा देवताः । (१,

४-८, १०, १२, १४) प्रथमर्चश्चतुर्थ्यादिपञ्चानां दशमीद्वादशीचतुर्दशीचतुर्दशीनाञ्च
 प्रस्तारपङ्क्तिः, (२, ३, १३) द्वितीयातृतीयात्रयोदशीनामनुष्टुप्, (६) नवम्या अक्षरैः
 पङ्क्तिः, (११) एकादश्या न्यङ्कुसारिणी, (१५) पञ्चदश्याश्च पुरस्ताद्बृहती छन्दांसि
 महि द्यावापृथिवी भूतमुर्वी नारी यही न रोदसी सदै नः ।
 तेभिर्नः पातं सह्यस एभिर्नः पातं शूषणि १
 यज्ञेयज्ञे स मर्त्यो देवान् त्सपर्यति ।
 यः सुप्रैदीर्घश्रुतम आविवासात्येनान् २
 विश्वेषामिरज्यवो देवानां वार्महः ।
 विश्वे हि विश्वमहसो विश्वे यज्ञेषु यज्ञियाः ३
 ते घा राजानो अमृतस्य मन्द्रा अर्यमा मित्रो वरुणः परिज्मा ।
 कद्रुद्रो नृणां स्तुतो मरुतः पूषणो भगः ४
 उत नो नक्तमपां वृषणवसू सूर्यामासा सदैनाय सधन्या ।
 सचा यत् साद्येषामहिर्बुध्नेषु बुध्यः ५
 उत नो देवावश्विना शभस्पती धामभिर्मित्रावरुणा उरुष्यताम् ।
 मूहः स राय एषते ऽति धन्वेव दुरिता ६
 उत नो रुद्रा चिन्मळतामश्विना विश्वे देवासो रथस्पतिर्भगः ।
 ऋभुर्वाज ऋभुक्षणः परिज्मा विश्ववेदसः ७
 ऋभुर्भुक्ता ऋभुर्विधतो मद आ ते हरी जूजुवानस्य वाजिना ।
 दुष्टरं यस्य सामं चिदृधग्यज्ञो न मानुषः ८
 कृधी नो अहयो देव सवितुः स च स्तुषे मघोनाम् ।
 सहो न इन्द्रो वह्निभिर्न्येषां चर्षणीनां चक्रं रश्मिं न योयुवे ९
 एषु द्यावापृथिवी धातं महदस्मे वीरेषु विश्वचर्षणि श्रवः ।
 पृक्षं वाजस्य सातये पृक्षं रायोत तुर्वणै १०
 एतं शंसमिन्द्रास्मयुष्टं कूचित् सन्तं सहसावन्नभिष्टये सदा पाह्यभिष्टये ।
 मेदता वेदता वसो ११
 एतं मे स्तोमं तना न सूर्ये द्युतद्यामानं वावृधन्त नृणाम् ।
 संवननं नाश्वयं तष्टेवानपच्युतम् १२
 वावर्त येषां राया युक्तैषां हिरण्ययी ।
 नेमधिता न पौस्या वृथैव विष्टान्ता १३
 प्र तहुःशीमे पृथवाने वेने प्र रामे वौचमसुरे मघवत्सु ।

ये युक्त्वाय पञ्च शतास्मयु पथा विश्राव्येषाम् १४

अधीन्वत्र सप्ततिं च सप्त च ।

सद्यो दिदिष्ट तान्वः सद्यो दिदिष्ट पार्थ्यः सद्यो दिदिष्ट मायवः १५

(४६) एकोनपञ्चाशं सूक्तम्

(१-१४) चतुर्दशर्चस्यास्य सूक्तस्य काद्रवेयः सर्पोऽर्बुद ऋषिः । ग्रावाणो देवताः
। (१-४, ६, ८-१३) प्रथमादिचतुर्ऋचां षष्ठ्या अष्टम्यादिषण्णाञ्च जगती, (५, ७,
१४) पञ्चमीसप्तमीचतुर्दशीनाञ्च त्रिष्टुप् छन्दसी

प्रेते वदन्तु प्र वयं वदाम् ग्रावभ्यो वाचं वदता वदद्भ्यः ।

यदद्रयः पर्वताः साकमाशवः श्लोकं घोषं भरथेन्द्राय सोमिनः १

एते वदन्ति शतवत् सहस्रवदभि क्रन्दन्ति हरितेभिरासभिः ।

विष्टी ग्रावाणः सुकृतः सुकृत्यया होतुश्चित् पूर्वे हविरद्यमाशत २

एते वदन्त्यविदन्नना मधु न्यूङ्खयन्ते अधि पक्व आमिषि ।

वृक्षस्य शाखामरुणस्य बप्सतस्ते सूभर्वा वृषभाः प्रेमराविषुः ३

बृहद्वदन्ति मदिरेण मन्दिनेन्द्रं क्रोशन्तोऽविदन्नना मधु ।

संरभ्या धीराः स्वसृभिरनर्तिषुराघोषयन्तः पृथिवीमुपबिद्भिः ४

सुपर्णा वाचमक्रतोपद्यव्याखरे कृष्णा इषिरा अनर्तिषुः ।

न्यङ्ङिन यन्त्युपरस्य निष्कृतं पुरु रेतौ दधिरे सूर्यश्चितः ५

उग्रा इव प्रवहन्तः समार्यमुः साकं युक्ता वृषणो बिभ्रतो धुरः ।

यच्छवसन्तौ जग्रसाना अराविषुः शृणव एषां प्रोथथो अर्वतामिव ६

दशावनिभ्यो दशकद्वयेभ्यो दशयोक्त्रेभ्यो दशयोजनेभ्यः ।

दशाभीशुभ्यो अर्चताजरेभ्यो दश धुरो दश युक्ता वहद्भ्यः ७

ते अद्रयो दशयन्त्रास आशवस्तेषामाधानं पर्येति हर्यतम् ।

त ऊ सुतस्य सोम्यस्यान्धसोऽशोः पीयूषं प्रथमस्य भेजिरे ८

ते सोमादो हरी इन्द्रस्य निसतेऽशं दुहन्तो अध्यासते गवि ।

तेभिर्दुग्धं पिबान् त्सोम्यं मध्विन्द्रो वर्धते प्रथते वृषायते ९

वृषा वो अंशुर्न किला रिषाथनेळावन्तः सदमित् स्थनाशिताः ।

रैवत्येव महसा चारवः स्थन यस्य ग्रावाणो अर्जुषध्वमध्वरम् १०

तृदिला अर्तदिला सो अद्रयोऽश्रमृणा अर्शृथिता अमृत्यवः ।

अनातुरा अजराः स्थामविष्णवः सुपीवसो अर्तृषिता अर्तृष्णजः ११

ध्रुवा एव वः पितरौ युगेयुगे क्षेमकामासः सदसो न युञ्जते ।
 अजुर्यासौ हरिषाचौ हरिद्रव आ द्यां रवैण पृथिवीमशुश्रवुः १२
 तदिद्वदन्त्यद्रयो विमोचने यामन्नञ्जुस्या इव घेदुपब्धिभिः ।
 वपन्तो बीजमिव धान्याकृतः पृञ्चन्ति सोमं न मिनन्ति बर्षतः १३
 सुते अर्ध्वरे अधि वार्चमक्रता ऽऽ क्रीळ्यो न मातरं तुदन्तः ।
 वि षू मुञ्चा सुषुवुषौ मनीषां वि वर्तन्तामद्रयश्चायमानाः १४

पञ्चमोऽध्यायः

व० १-२६ ।

(५०) पञ्चाशं सूक्तम्

(१-१८) अष्टादशर्चस्यास्य सूक्तस्य (१, ३, ६, ८-१०, १२, १४, १७)
 प्रथमातृतीयाषष्ठीनामृचामष्टम्यादितृचस्य द्वादशीचतुर्दशीसप्तदशीनाञ्चैळः पुरुरवा
 ऋषिः, (२, ४-५, ७, ११, १३, १५-१६, १८)
 द्वितीयाचतुर्थीपञ्चमीसप्तम्येकादशीत्रयोदशीपञ्चदशीषोडश्यष्टादशीनाञ्चोर्वशी ऋषिका
 । (१, ३, ६, ८-१०, १२, १४, १७) प्रथमातृतीयाषष्ठीनामृचामष्टम्यादितृचस्य
 द्वादशीचतुर्दशीसप्तदशीनाञ्चोर्वशी, (२, ४-५, ७, ११, १३, १५-१६, १८)
 द्वितीयाचतुर्थीपञ्चमीसप्तम्येकादशीत्रयोदशीपञ्चदशीषोडश्यष्टादशीनाञ्च पुरुरवा देवते
 । त्रिष्टुप् छन्दः

हृये जाये मनसा तिष्ठे घोरे वर्चासि मिश्रा कृणवावहै नु ।
 न नौ मन्त्रा अनुदितास एते मयस्करन् परतरे चनाहन् १
 किमेता वाचा कृणवा तवाहं प्राक्रमिषमुषसामग्रियेव ।
 पुरुरवः पुनरस्तं परेहि दुरापना वार्त इवाहमस्मि २
 इषुर्न श्रिय इषुधेरसना गोषाः शतसा न रंहिः ।
 अवीरे क्रतौ वि देविद्युतन्नोरा न मायुं चितयन्त धुनयः ३
 सा वसु दधती श्वशराय वय उषो यदि वष्टयन्तिगृहात् ।
 अस्तं ननक्षे यस्मिञ्चाकन् दिवा नक्तं शनथिता वैतसेन ४
 त्रिः स्म माह्नः शनथयो वैतसेनोत स्म मेऽव्यत्यै पृणासि ।
 पुरुरवोऽनु ते केतमायं राजा मे वीर तन्वश्स्तदासीः ५
 या सुजूर्णिः श्रेणिः सुम्रन्नापिर्हदेचक्षुर्न ग्रन्थिनी चरणयुः ।
 ता अञ्जयोऽरुणयो न संस्तुः श्रिये गावो न धेनवोऽनवन्त ६

समस्मिञ्जायमान आसत् प्रा उतेमवर्धन् नद्यः स्वगूर्ताः ।
 महे यत् त्वा पुरुरवो रणाया ऽवर्धयन् दस्युहत्याय देवाः ७
 सचा यदासु जहतीष्वत्कममानुषीषु मानुषो निषेवे ।
 अप स्म मत् तुरसन्ती न भुज्युस्ता अत्रसन् रथस्पृशो नाश्वाः ८
 यदासु मतो अमृतासु निस्पृक सं क्षोणीभिः क्रतुभिर्न पृङ्क्ते ।
 ता आतयो न तन्वः शुम्भत स्वा अश्वासो न क्रीळयो दन्दशानाः ९
 विद्युन्न या पतन्ती दर्विद्योद्धरन्ती मे अप्या काम्यानि ।
 जनिष्ठो अपो नर्यः सुजातः प्रोर्वशी तिरत दीर्घमायुः १०
 जज्ञिष इत्था गोपीथ्याय हि दुधाथ तत् पुरुरवो म ओजः ।
 अशोसं त्वा विदुषी सस्मिन्नहन् न म आशृणोः किमभुग्वदासि ११
 कदा सूनुः पितरं जात इच्छाच्चक्रन्नाश्रु वर्तयद्विजानन् ।
 को दर्पती समनसा वि यूयोदध यदग्निः श्वश्रेषु दीदयत् १२
 प्रति ब्रवाणि वर्तयते अश्रु चक्रन् न क्रन्ददाध्यै शिवायै ।
 प्र तत् तै हिनवा यत् तै अस्मे पुरेह्यस्तं नहि मूर मापः १३
 सुदेवो अद्य प्रपतेदनावृत् परावर्त परमां गन्तवा उ ।
 अधा शयीत निर्ऋतेरुपस्थे ऽधैनं वृका रभसासौ अद्युः १४
 पुरुरवो मा मृथा मा प्र पप्नो मा त्वा वृकासो अशिवास उ क्षन् ।
 न वै स्त्रैणानि सुख्यानि सन्ति सालावृकाणां हृदयान्येता १५
 यद्विरूपाचरं मर्त्येष्ववसं रात्रीः शरदश्चतस्रः ।
 घृतस्य स्तोत्रं सकृदहं आशनां तादेवेदं तातृपाणा चरामि १६
 अन्तरिक्षां रजसो विमानीमुप शिन्नाम्युर्वशीं वसिष्ठः ।
 उप त्वा रातिः सुकृतस्य तिष्ठान्नि वर्तस्व हृदयं तप्यते मे १७
 इति त्वा देवा इम आहुरैळ यथैमेतद्भवसि मृत्युबन्धुः ।
 प्रजा तै देवान् हविषा यजाति स्वर्ग उ त्वमपि मादयासे १८

(५१) एकपञ्चाशं सूक्तम्

(१-१३) त्रयोदशर्चस्यास्य सूक्तस्याङ्गिरसो बरुनैन्द्रः सर्वहरिर्वा ऋषिः । हरिर्देवता

। (१-११) प्रथमाद्येकादशर्चा जगती,

(१२-१३) द्वादशीत्रयोदशयोश्च त्रिष्टुप् छन्दसी

प्र तै महे विदथै शंसिषुं हरी प्र तै वन्वे वनुषौ हर्यतं मदम् ।

घृतं न यो हरिभिश्चारु सेचतु आ त्वा विशन्तु हरिवर्षसं गिरः १
 हरिं हि योनिमभि ये समस्वरन् हिन्वन्तो हरी दिव्यं यथा सदेः ।
 आ यं पृणन्ति हरिभिर्न धेनव इन्द्राय शूषं हरिवन्तमर्चत २
 सो अस्य वज्रो हरितो य आयसो हरिर्निकामो हरिरा गर्भस्त्योः ।
 द्युम्नी सुशिप्रो हरिमन्युसायक इन्द्रे नि रूपा हरिता मिमिक्षिरे ३
 दिवि न केतुरधि धायि हर्यतो विव्यचद्वज्रो हरितो न रंह्या ।
 तुददहिं हरिशिप्रो य आयसः सहस्रशोका अभवद्धरिभरः ४
 त्वं त्वमर्ह्यथा उपस्तुतः पूर्वैभिरिन्द्र हरिकेश यज्वभिः ।
 त्वं हर्यसि तव विश्वमुक्थ्यश्मसामि राधौ हरिजात हर्यतम् ५
 ता वज्रिणं मन्दिनं स्तोम्यं मद इन्द्रं रथे वहतो हर्यता हरी ।
 पुरुरायस्मै सर्वनानि हर्यत इन्द्राय सोमा हरयो दधन्विरे ६
 अरं कामाय हरयो दधन्विरे स्थिराय हिन्वन् हरयो हरी तुरा ।
 अर्वद्भिर्यो हरिभिर्जोषमीर्यते सो अस्य कामं हरिवन्तमानशे ७
 हरिश्मशारुर्हरिकेश आयसस्तुरस्पेये यो हरिपा अर्वर्धत ।
 अर्वद्भिर्यो हरिभिर्वाजिनीवसुरति विश्वा दुरिता पारिषुद्धरी ८
 स्रुवैव यस्य हरिणी विपेततुः शिप्रे वाजाय हरिणी दर्विध्वतः ।
 प्र यत् कृते चमसे मर्मजद्धरी पीत्वा मदस्य हर्यतस्यान्धसः ९
 उत स्म सद्य हर्यतस्य पस्त्योऽरत्यो न वाजं हरिवाँ अचिक्रदत् ।
 मुही चिद्धि धिषणाह्यदोर्जसा बृहद्वयो दधिषे हर्यतश्चिदा १०
 आ रोदसी हर्यमाणो महित्वा नव्यनव्यं हर्यसि मन्म नु प्रियम् ।
 प्र पस्त्यमसुर हर्यतं गोराविष्कृधि हर्ये सूर्याय ११
 आ त्वा हर्यन्तं प्रयुजो जनानां रथे वहन्तु हरिशिप्रमिन्द्र ।
 पिबा यथा प्रतिभृतस्य मध्वो हर्यन् यज्ञं सधमादे दशौणिम् १२
 अपाः पूर्वेषां हरिवः सुतानामथो इदं सर्वनं केवलं ते ।
 ममद्धि सोमं मधुमन्तमिन्द्र सत्रा वृषञ्जठर आ वृषस्व १३

(५२) द्विपञ्चाशं सूक्तम्

(१-२३) त्रयोविंशत्यृचस्यास्य सूक्तस्याथर्वणो भिषगृषिः । ओषधयो देवताः ।

अनुष्टुप् छन्दः

या ओषधीः पूर्वा जाता देवेभ्यस्त्रियुगं पुरा ।
 मनै नु बभूणामहं शतं धामानि सप्त च १
 शतं वो अम्ब धामानि सहस्रमुत वो रुहः ।
 अथा शतक्रत्वो यूयमिमं मे अगदं कृत २
 ओषधीः प्रति मोदध्वं पुष्पवतीः प्रसूवरीः ।
 अश्वा इव सजित्वरीर्वीरुधः पारयिष्णवः ३
 ओषधीरिति मातरस्तद्वौ देवीरुपं ब्रुवे ।
 सनेयमश्वं गां वास आत्मानं तव पूरुष ४
 अश्वत्थे वो निषदनं पुणं वो वसतिष्कृता ।
 गोभाज इत् किलासथ यत्सनवथ पूरुषम् ५
 यत्रौषधीः समगमतु राजानः समिताविव ।
 विप्रः स उच्यते भिषग् रक्षोहामीवचातनः ६
 अश्वावतीं सौमावतीमूर्जयन्तीमुदौजसम् ।
 आवित्सि सर्वा ओषधीरस्मा अरिष्टतातये ७
 उच्छुष्मा ओषधीनां गावो गोष्ठादिवेरते ।
 धनं सनिष्यन्तीनामात्मानं तव पूरुष ८
 इष्कृतिर्नाम वो माता ऽथो यूयं स्थ निष्कृतीः ।
 सीराः पततृणीः स्थन यदामयेति निष्कृथ ९
 अति विश्वाः परिष्ठाः स्तेन इव व्रजमक्रमुः ।
 ओषधीः प्राचुच्यवुर्यत् किं च तन्वोर्ऽरुपः १०
 यदिमा वाजयन्नहमोषधीर्हस्त आदधे ।
 आत्मा यद्धमस्य नश्यति पुरा जीवगृभौ यथा ११
 यस्यौषधीः प्रसर्पथाङ्गमङ्गं परुष्परुः ।
 ततो यद्धमं वि बाधध्व उग्रो मध्यमशीरिव १२
 साकं यद्धमं प्र पतु चाषेण किकिदीविना ।
 साकं वातस्य ध्राज्या साकं नश्य निहाकया १३
 अन्या वो अन्यामवत्वन्यान्यस्या उपावत ।
 ताः सर्वाः संविदाना इदं मे प्रावता वचः १४
 याः फलिनीर्या अफला अपुष्पा याश्च पुष्पिणीः ।
 बृहस्पतिप्रसूतास्ता नो मुञ्चन्त्वंहसः १५

मुञ्चन्तु मा शपथ्याइदथौ वरुण्यादुत ।
 अथौ यमस्य पड्बीशात् सर्वस्माद्देवकिल्बिषात् १६
 अवपतन्तीरवदन् दिव ओषधयस्परि ।
 यं जीवमृश्नवामहै न स रिष्याति पूरुषः १७
 या ओषधीः सोमराज्ञीर्बहीः शतविचक्षणाः ।
 तासां त्वमस्युत्तमारं कामायु शं हृदे १८
 या ओषधीः सोमराज्ञीर्विष्टिताः पृथिवीमनु ।
 बृहस्पतिप्रसूता अस्यै सं दत्त वीर्यम् १९
 मा वौ रिषत् खनिता यस्मै चाहं खनामि वः ।
 द्विपञ्चतुष्पदस्माकं सर्वमस्त्वनातुरम् २०
 याश्चेदमुपशृणवन्ति याश्च दूरं परगिताः ।
 सर्वाः संगत्य वीरुधो ऽस्यै सं दत्त वीर्यम् २१
 ओषधयः सं वदन्ते सोमैः सह राज्ञा ।
 यस्मै कृणोति ब्राह्मणस्तं राजन् पारयामसि २२
 त्वमुत्तमास्यौषधे तव वृक्षा उपस्तयः ।
 उपस्तिरस्तु सोऽस्माकं यो अस्मां अभिदासति २३

(५३) त्रिपञ्चाशं सूक्तम्

(१-१२) द्वादशर्चस्यास्य सूक्तस्याष्टिषेणो देवापिर्ऋषिः । देवा देवताः ।

त्रिष्टुप् छन्दः

बृहस्पते प्रति मे देवतामिहि मित्रो वा यद्वरुणो वासि पूषा ।
 आदित्यैर्वा यद्वसुभिर्मरुत्वान् त्स पर्जन्यं शतनवे वृषाय १
 आ देवो दूतो अजिरश्चिकित्वान् त्वद्देवापे अभि मामगच्छत् ।
 प्रतीचीनः प्रति मामा ववृत्स्व दधामि ते द्युमतीं वाचमासन् २
 अस्मे धैहि द्युमतीं वाचमासन् बृहस्पते अनमीवामिषिराम् ।
 यया वृष्टिं शतनवे वनाव दिवो द्रुप्सो मधुमाँ आ विवेश ३
 आ नो द्रुप्सा मधुमन्तो विशन्त्विन्द्र देह्यधिरथं सहस्रम् ।
 नि षीद होत्रमृतुथा यजस्व देवान् देवापे हविषा सपर्य ४
 आष्टिषेणो होत्रमृषिर्निषीदन् देवापिर्देवसुमतिं चिकित्वान् ।
 स उत्तरस्मादधरं समुद्रमुपो दिव्या असृजद्वृष्या अभि ५

अस्मिन् त्समुद्रे अद्युत्तरस्मिन्नापो देवेभिर्निर्वृता अतिष्ठन् ।
 ता अद्रवन्नार्ष्टिषेणेन सृष्टा देवापिना प्रेषिता मृत्तिर्णीषु ६
 यद्देवापिः शतनवे पुरोहितो होत्राय वृतः कृपयन्नदीधेत् ।
 देवश्रुतं वृष्टिवनिं रराणो बृहस्पतिवर्चिमस्मा अयच्छत् ७
 यं त्वा देवापिः शुशुचानो अग्र आर्ष्टिषेणो मनुष्यः समीधे ।
 विश्वेभिर्देवैरनुमद्यमानः प्र पुर्जन्यमीरया वृष्टिमन्तम् ८
 त्वां पूर्व ऋषयो गीर्भिरायन् त्वामध्वरेषु पुरुहूत विश्वे ।
 सहस्राण्यधिरथान्यस्मे आ नो यज्ञं रोहिदुश्चोप याहि ९
 एतान्यग्रे नवतिर्नव त्वे आहुतान्यधिरथा सहस्रा ।
 तेभिर्वर्धस्व तन्वः शूर पूर्वीर्दिवो नो वृष्टिमिषितो रिरीहि १०
 एतान्यग्रे नवतिं सहस्रा सं प्र यच्छ वृष्ण इन्द्राय भागम् ।
 विद्वान् पथ ऋतुशो देवयानानप्यौलानं दिवि देवेषु धेहि ११
 अग्रे बाधस्व वि मृधो वि दुर्गहा ऽपामीवामपु रक्षांसि सेध ।
 अस्मात् समुद्राद्बृहतो दिवो नो ऽपां भूमानमुप नः सृजेह १२

(५४) चतुःपञ्चाशं सूक्तम्

(१-१२) द्वादशर्चस्यास्य सूक्तस्य वैखानसो वम्र ऋषिः । इन्द्रो देवता ।

त्रिष्टुप् छन्दः

कं नश्चित्रमिषण्यसि चिकित्वान् पृथुग्मानं वाश्रं वावृधध्यै ।
 कत् तस्य दातु शर्वसो व्युष्टौ तन्नद्वजं वृत्रतुरमपिन्वत् १
 स हि द्युता विद्युता वेति सामं पृथुं योनिमसुरत्वा संसाद ।
 स सनीळेभिः प्रसहानो अस्य भ्रातुर्न ऋते सप्तथस्य मायाः २
 स वाजं यातापदुष्पदा यन् त्वर्षाता परि षदत् सनिष्यन् ।
 अनर्वा यच्छतदुरस्य वेदो घञ्छिनदैवाँ अभि वर्षसा भूत् ३
 स यद्वयोऽवनीर्गोष्वर्वा ऽऽ जुहोति प्रधन्यासु सस्त्रिः ।
 अपादो यत्र युज्यासोऽरथा द्रोणयश्वास ईरते घृतं वाः ४
 स रुद्रेभिरशस्तवार ऋभ्वा हित्वी गर्यमारेअवद्य आगात् ।
 वम्रस्य मन्ये मिथुना विवव्री अन्नमभीत्यारोदयन्मुषायन् ५
 स इद्दासं तुवीरवं पतिर्दन् षळक्षं त्रिशीर्षाणं दमन्यत् ।
 अस्य त्रितो न्वोजसा वृधानो विपा वराहमयोअग्रया हन् ६

स द्रुहणे मनुष ऊर्ध्वसान आ साविषदर्शसानाय शरुम् ।
 स नृतमो नहषोऽस्मत् सुजातः पुरोऽभिनदर्हन् दस्युहत्यै ७
 सो अभ्रियो न यवस उदन्यन् क्षयाय गातुं विदन्नो अस्मे ।
 उप यत् सीददिन्दुं शरीरैः श्येनोऽयौपाष्टिर्हन्ति दस्यून् ८
 स ब्राधतः शवसानेभिरस्य कुत्साय शुष्णं कृपणे परादात् ।
 अयं कविर्मनयच्छस्यमानमत्कं यो अस्य सन्नितोत नृणाम् ९
 अयं दशस्यन् नर्येभिरस्य दस्मो देवेभिर्वरुणो न मायी ।
 अयं कनीनं ऋतुपा अवेद्यमिमीतारुं यश्चतुष्पात् १०
 अस्य स्तोमैभिरौशिज ऋजिश्वा वृजं दैरयद्वृषभेण पिप्रौः ।
 सुत्वा यद्यजतो दीदयद्दीः पुरं इयानो अभि वर्षसा भूत् ११
 एवा मृहो असुर वक्षथाय वमृकः पृड्भिरुप सर्पदिन्द्रम् ।
 स इयानः करति स्वस्तिमस्मा इषमूर्जं सुक्षितिं विश्वमाभाः १२

(५५) पञ्चपञ्चाशं सूक्तम्

(१-१२) द्वादशर्चस्यास्य सूक्तस्य वान्दनो दुवस्युर्ऋषिः । विश्वे देवा देवताः ।

(१-११) प्रथमाद्येकादशर्चा जगती, (१२) द्वादश्याश्च त्रिष्टुप् छन्दसी

इन्द्र दृह्य मघवन् त्वावदिद्भुज इह स्तुतः सुतपा बौधि नो वृधे ।
 देवेभिर्नः सविता प्रावतु श्रुतमा सर्वतातिमदितिं वृणीमहे १
 भराय सु भरत भागमृत्वियं प्र वायवे शुचिपे क्रन्ददिष्टये ।
 गौरस्य यः पर्यसः पीतिमानश आ सर्वतातिमदितिं वृणीमहे २
 आ नो देवः सविता साविषद्वयं ऋजूयते यजमानाय सुन्वते ।
 यथा देवान् प्रतिभूषेम पाक्वदा सर्वतातिमदितिं वृणीमहे ३
 इन्द्रो अस्मे सुमना अस्तु विश्वहा राजा सोमः सुवितस्याध्यैतु नः ।
 यथायथा मित्रधितानि संधुरा सर्वतातिमदितिं वृणीमहे ४
 इन्द्र उक्थेन शर्वसा परुर्दधे बृहस्पते प्रतरीतास्यायुषः ।
 यज्ञो मनुः प्रमतिर्नः पिता हि क्रमा सर्वतातिमदितिं वृणीमहे ५
 इन्द्रस्य नु सुकृतं दैव्यं सहो ऽग्निर्गृहे जरिता मेधिरः कविः ।
 यज्ञश्च भूद्विदथे चारुरन्तम् आ सर्वतातिमदितिं वृणीमहे ६
 न वो गुहा चकृम् भूरि दुष्कृतं नाविष्टयं वसवो देवहेळनम् ।
 मार्किर्नो देवा अनृतस्य वर्षस आ सर्वतातिमदितिं वृणीमहे ७

अपामीवां सविता साविषन्नच॑श्वरीय॒ इदप॑ सेधन्त्वद्रयः ।
 गावा॑ यत्र॑ मधुषुदुच्यते॑ बृहदा॒ सर्वता॑तिमदिति॑ वृणीमहे ८
 ऊर्ध्वो॑ गावा॑ वसवोऽस्तु सोतरि॒ विश्वा॒ द्वेषा॑सि सनुतयुयोत ।
 स नो॑ देवः सविता पा॒युरीड्य॒ आ सर्वता॑तिमदिति॑ वृणीमहे ९
 ऊर्जं॑ गावो॒ यवसे॑ पीवो॑ अत्तन॒ ऋतस्य॑ याः सदने॒ कोशे॑ अ॒इध्वे ।
 तनूरे॑व तन्वो॑ अस्तु भेष॒जमा॒ सर्वता॑तिमदिति॑ वृणीमहे १०
 क्रतु॑प्रावा॒ जरिता॑ शश्व॒तामव॑ इन्द्र॒ इन्द्रा॑ प्रमतिः सु॒ताव॑ताम् ।
 पूर्ण॑मूर्ध॒र्दिव्यं॑ यस्य॒ सिक्तय॑ आ सर्वता॑तिमदिति॑ वृणीमहे ११
 चित्र॑स्तै भानुः क्रतु॑प्रा अ॒भिष्टिः॑ सन्ति स्पृधौ॒ जरणि॑प्रा अ॒र्धृष्टाः॑ ।
 रजि॑ष्ठया॒ रज्या॑ प॒श्च आ गोस्तू॑र्षति॒ पर्यग्रं॑ दुव॒स्युः १२

(५६) षट्पञ्चाशं सूक्तम्

(१-१२) द्वादशर्चस्यास्य सूक्तस्य सौम्यो बुध ऋषिः । विश्वे देवा ऋत्विजो वा
 देवताः । (१-३, ७-८, १०-११) प्रथमादितृचस्य
 सप्तम्यष्टमीदशम्येकादशीनामृचाञ्च त्रिष्टुप्, (४, ६) चतुर्थीषष्ठयोगायत्री, (५)
 पञ्चम्या बृहती, (९, १२) नवमीद्वादशयोश्च जगती छन्दांसि

उ॒द्ध्वं॑ सम॒नसः॑ सखायः॒ सम॒ग्रि॒मिन्ध्वं॑ ब॒हवः॑ सनी॒ळाः ।
 द॒ध्रि॒क्राम॑ग्रिमुषसं॑ च दे॒वी मिन्द्रा॑व॒तोऽव॑से नि ह॒ये वः॑ १
 म॒न्द्रा कृ॑णुध्वं॒ धिय॑ आ त॒नुध्वं॑ नाव॒मरि॑त्रपर॒णीं कृ॑णुध्वम् ।
 इष्कृ॑णुध्वमायु॒धारं कृ॑णुध्वं॒ प्राञ्च॑ यु॒ज्ञं प्र रा॑यता सखायः २
 यु॒नक्त॑ सी॒रा वि यु॒गा त॒नुध्वं॑ कृते यो॒नौ व॑पते॒ह बीज॑म् ।
 गि॒रा च॑ श्रु॒ष्टिः स॒भरा॑ अस॒न्नो नेदी॑य॒ इत् सृ॑णयः पु॒क्वमे॑यात् ३
 सी॒रा यु॒ञ्जन्ति॑ क॒वयो॑ यु॒गा वि त॑न्वते॒ पृथक्॑ । धी॒रा दे॒वेषु॑ सु॒म्रया॑ ४
 नि॒राहा॑वान् कृ॒णोत॑न् स॒ वर॑त्रा द॒धात॑न् ।
 सि॒ञ्चाम॑हा अव॒तमु॒द्रिणं॑ व॒यं सु॒षेक॑मनु॒पक्षि॑तम् ५
 इष्कृ॑ताहावमव॒तं सु॑व॒त्रं सु॒षेच॑नम् । उ॒द्रिणं॑ सि॒ञ्चे अ॒क्षि॑तम् ६
 प्री॒णीता॑श्वा॒न् हि॒तं ज॑याथ स्वस्ति॒वाहं॑ रथ॒मित् कृ॑णुध्वम् ।
 द्रो॒णाहा॑वमव॒तम॑श्म॒चक्र॑ मंस॒त्रको॑शं सि॒ञ्चता॑ नृपा॒णम् ७
 व्र॒जं कृ॑णुध्वं॒ स हि॒ वो नृ॑पा॒णो व॑र्म सी॒व्यध्वं॑ ब॒हुला॑ पृथू॒नि ।

पुरः कृणुध्वमायसीरधृष्टा मा वः सुस्रोच्चमसो दृंहता तम् ८
 आ वो धिर्यं यज्ञियां वर्त ऊतये देवा देवीं यजतां यज्ञियामिह ।
 सा नो दुहीयद्यवसेव गृत्वी सहस्रधारा पर्यसा मही गौः ९
 आ तू षिञ्च हरिमीं द्रोपस्थे वाशीभिस्तक्षताश्मन्मयीभिः ।
 परिष्वजध्वं दशं कक्ष्याभि रुभे धुरौ प्रति वह्निं युनक्त १०
 उभे धुरौ वह्निरापिब्दमानो ऽन्तर्योनैव चरति द्विजानिः ।
 वनस्पतिं वन आस्थापयध्वं नि षू दधिध्वमखनन्त उत्साम् ११
 कपृन्नरः कपृथमुद्घातन चोदयत खुदत वाजसातये ।
 निष्टिग्रयः पुत्रमा च्यावयोतय इन्द्रं सबाध इह सोमपीतये १२

(५७) सप्तपञ्चाशं सूक्तम्

(१-१२) द्वादशर्चस्यास्य सूक्तस्य भार्ग्यश्चो मुद्गल ऋषिः । दुघण इन्द्रो वा देवता ।

(१, ३, १२) प्रथमातृतीयाद्वादशीनामृचां बृहती, (२, ४-११)

द्वितीयायाश्चतुर्थ्याद्यष्टानाञ्च त्रिष्टुप् छन्दसी

प्र ते रथं मिथूकृतं मिन्द्रोऽवतु धृष्णुया ।
 अस्मिन्नाजौ पुरुहूत श्रवाय्ये धनभक्षेष्ु नोऽव १
 उत स्म वातौ वहति वासो अस्या अधिरथं यदजयत् सहस्रम् ।
 रथीरभून्मुद्गलानी गविष्टौ भरै कृतं व्यचेदिन्द्रसेना २
 अन्तर्यच्छ जिघांसतो वज्रमिन्द्राभिदासतः ।
 दासस्य वा मघवन्नार्यस्य वा सनुतर्यवया वधम् ३
 उदनो हृदमपिब्रजहृषाणः कूटं स्म तृहदभिमातिमेति ।
 प्र मुष्कभारः श्रवं इच्छमानो ऽजिरं बाहू अभरत् सिषासन् ४
 न्यक्रन्दयन्नुपयन्त एन ममैहयन् वृषभं मध्यं आजेः ।
 तेन सूभर्वं शतवत् सहस्रं गवां मुद्गलः प्रधनै जिगाय ५
 ककदवे वृषभो युक्त आसी दवावचीत् सारथिरस्य केशी ।
 दुधैर्युक्तस्य द्रवतः सहानस ऋच्छन्ति ष्मा निष्पदौ मुद्गलानीम् ६
 उत प्रधिमुदहन्नस्य विद्धा नुपायुनग्वंसगमत्र शिक्तन् ।
 इन्द्र उदावत् पतिमघ्याना मरहत पद्याभिः ककुद्धान् ७
 शुनमष्टचफट्ठाव्यचरत् कपर्दी वरत्रायां दार्वानह्यमानः ।
 नृम्णानि कृण्वन् ब्रह्वे जनाय गाः पस्पशानस्तविषीरधत् ८

इमं तं पश्य वृषभस्य युञ्जं काष्ठाया मध्ये द्रुघुणं शयानम् ।
 येन जिगाय शतवत् सहस्रं गवां मुद्गलः पृतनाज्येषु ६
 आरे अघा को न्विश्त्वा ददर्श यं युञ्जन्ति तम्वा स्थापयन्ति ।
 नास्मै तूणं नोदकमा भरन्त्युत्तरो धुरो वहति प्रदेदिशत् १०
 परिवृक्तेव पतिविद्यमानट् पीप्याना कूचक्रेणेव सिञ्चन् ।
 एषैष्या चिद्रथ्या जयेम सुमङ्गलं सिनवदस्तु सातम् ११
 त्वं विश्वस्य जगतश्चक्षुरिन्द्रासि चक्षुषः ।
 वृषा यदाजिं वृषणा सिषाससि चोदयन् वह्निना युजा १२

(५८) अष्टपञ्चाशं सूक्तम्

(१-१३) त्रयोदशर्चस्यास्य सूक्तस्यैन्द्रोऽप्रतिरथ ऋषिः । (१-३, ५-११)
 प्रथमादितृचस्य पञ्चम्यादिसप्तर्चाश्चेन्द्रः, (४) चतुर्थ्या बृहस्पतिः, (१२) द्वादश्या
 अप्वा देवी, (१३) त्रयोदश्याश्चेन्द्रो मरुतो वा देवताः । (१-१२)
 प्रथमादिद्वादशर्चा त्रिष्टुप्, (१३) त्रयोदश्याश्चानुष्टुप् छन्दसी
 आशुः शिशानो वृषभो न भीमो घनाघनः क्षोभेणश्चर्षणीनाम् ।
 संक्रन्दनोऽनिमिष एकवीरः शतं सेना अजयत् साकमिन्द्रः १
 संक्रन्दनेनानिमिषेण जिष्णुना युत्कारेण दुश्चयवनेन धृष्णुना ।
 तदिन्द्रेण जयत् तत् सहध्वं युधौ नर इषुहस्तेन वृष्णा २
 स इषुहस्तैः स निषङ्गिभिर्वशी संस्त्रष्टा स युध इन्द्रो गणेन ।
 संसृष्टजित् सौमपा बाहुशर्ध्युश्च ग्रधन्वा प्रतिहिताभिरस्ता ३
 बृहस्पते परि दीया रथेन रक्षोहामित्रा अपबाधमानः ।
 प्रभञ्जन्त्सेनाः प्रमृणो युधा जयन्तस्माकमेध्यविता रथानाम् ४
 बलविज्ञाय स्थविरः प्रवीरः सहस्वान् वाजी सहमान उग्रः ।
 अभिवीरो अभिसत्वा सहोजा जैत्रमिन्द्र रथमा तिष्ठ गोवित् ५
 गोत्रभिर्द गोविदं वज्रबाहुं जयन्तमज्म प्रमृणन्तमोजसा ।
 इमं सजाता अनु वीरयध्व मिन्द्र सखायो अनु सं रभध्वम् ६
 अभि गोत्राणि सहसा गार्हमानो ऽदयो वीरः शतमन्युरिन्द्रः ।
 दुश्चयवनः पृतनाषाळयुध्योऽस्माकं सेना अवतु प्र युत्सु ७
 इन्द्र आसां नेता बृहस्पतिर्दक्षिणा यज्ञः पुर एतु सोमः ।
 देवसेनानामभिभञ्जतीनां जयन्तीनां मरुतो यन्त्वग्रम् ८

इन्द्रस्य वृष्णो वरुणस्य राज्ञ आदित्यानां मरुतां शर्ध उग्रम् ।
 महामनसां भुवनच्यवानां घोषो देवानां जयतामुदस्थात् ६
 उद्धर्षय मघवन्नायुधा न्युत् सत्त्वनां मामकानां मनांसि ।
 उद्धृत्रहन् वाजिनां वाजिना न्युद्रथानां जयतां यन्तु घोषाः १०
 अस्माकमिन्द्रः समृतेषु ध्वजेष्वस्माकं या इषवस्ता जयन्तु ।
 अस्माकं वीरा उत्तरे भवन्त्वस्माँ उ देवा अवता हवेषु ११
 अमीषां चित्तं प्रतिलोभयन्ती गृहाणाङ्गान्यप्वे परेहि ।
 अभि प्रेहि निर्दह हत्सु शोकै रन्ध्रेनामित्रास्तमसा सचन्ताम् १२
 प्रेता जयता नर इन्द्रो वः शर्म यच्छतु ।
 उग्रा वः सन्तु बाहवो ऽनाधृष्या यथासथ १३

(५६) एकोनषष्टितमं सूक्तम्

(१-११) एकादशर्चस्यास्य सूक्तस्य वैश्वामित्रोऽष्टक ऋषिः । इन्द्रो देवता । त्रिष्टुप्
 छन्दः असावि सोमः पुरुहूत तुभ्यं हरिभ्यां यज्ञमुप याहि तूर्यम् ।
 तुभ्यं गिरो विप्रवीरा इयाना दधन्विर इन्द्र पिबा सुतस्य १
 अप्सु धूतस्य हरिवः पिबेह नृभिः सुतस्य जठरं पृणस्व ।
 मिमिक्षुर्यमद्रय इन्द्र तुभ्यं तेभिर्वर्धस्व मदमुक्थवाहः २
 प्रोग्रां पीतिं वृष्ण इयमि सत्यां प्रये सुतस्य हर्यश्च तुभ्यम् ।
 इन्द्र धेनाभिरिह मादयस्व धीभिर्विश्वोभिः शच्या गृणानः ३
 ऊती शचीवस्तव वीर्येण वयो दधाना उशिज ऋतज्ञाः ।
 प्रजावदिन्द्र मनुषो दुरोणे तस्थुर्गृणन्तः सधमाद्यासः ४
 प्रणीतिभिष्टे हर्यश्च सुष्टोः सुषुम्नस्य पुरुचो जनांसः ।
 मंहिष्ठामूतिं वितिरे दधानाः स्तोतार इन्द्र तव सूनृताभिः ५
 उप ब्रह्माणि हरिवो हरिभ्यां सोमस्य याहि पीतये सुतस्य ।
 इन्द्र त्वा यज्ञः क्षममाणमानङ् दाश्वाँ अस्यध्वरस्य प्रकेतः ६
 सहस्रवाजमभिमातिषाहं सुतेरणं मघवानं सुवृक्तिम् ।
 उप भूषन्ति गिरो अप्रतीत मिन्द्र नमस्या जरितुः पनन्त ७
 सप्तापो देवीः सुरणा अमृक्ता याभिः सिन्धुमतर इन्द्र पूर्भित् ।
 नवतिं स्त्रोत्या नव च स्रवन्ती देवेभ्यो गातुं मनुषे च विन्दः ८

अपो महीरभिर्शस्तेरमुञ्चो ऽजागरास्वधि देव एकः ।
 इन्द्र यास्त्वं वृत्रतूयै चकर्थ ताभिर्विश्वायुस्तन्वं पुपुष्याः ६
 वीरेण्यः क्रतुरिन्द्रः सुशस्ति रुतापि धेना पुरुहूतमीदृ ॥
 आर्दयद्वत्रमर्कणोदु लोकं संसाहे शक्रः पृतना अभिष्टिः १०
 शुनं हुवैम मघवानमिन्द्र मस्मिन् भरे नृतमं वार्जसातौ ।
 शृणवन्तमुग्रमूतयै समत्सु घ्नन्तं वृत्राणि संजितं धनानाम् ११

(६०) षष्ठितमं सूक्तम्

(१-११) एकादशर्चस्यास्य सूक्तस्य कौत्सो दुर्मित्रः सुमित्रो गुणतः, विपर्यस्तनामा
 वा ऋषिः । इन्द्रो देवता । (१) प्रथमर्चो गायत्र्युष्णिग्वा, (२, ७)

द्वितीयासप्तम्योः पिपीलिकमध्या, (३-६, ८-१०)

तृतीयादिचतसृणामष्टम्यादितृचस्य चोष्णिक्, (११) एकादश्याश्च त्रिष्टुप् छन्दांसि
 कदा वंसो स्तोत्रं हर्यत आर्व श्मशा रुध्रदाः । दीर्घं सुतं वाताप्याय १
 हरी यस्य सुयुजा विव्रता वे रर्वन्तानु शेपा । उभा रजी न केशिना पतिर्दन् २

अप योरिन्द्रः पापंज आ मर्तो न शश्रमाणो बिभीवान् । शुभे यद्युयुजे
 तविषीवान् ३

सचायोरिन्द्रश्चकृष आँ उपानसः सपर्यन् । नदयोर्विव्रतयोः शूर इन्द्रः ४
 अधि यस्तस्थौ केशवन्ता व्यचस्वन्ता न पुष्ट्यै । वनोति शिप्राभ्यां
 शिप्रिणीवान् ५

प्रास्तौदृष्वौजा ऋष्वेभि स्ततक्ष शूरः शर्वसा । ऋभुर्न क्रतुभिर्मातरिश्वा ६
 वज्रं यश्चक्रे सुहनाय दस्यवे हिरीमशो हिरीमान् । अरुतहनुरद्धुतं न रजः ७
 अर्व नो वृजिना शिशी ह्युचा वनेमानृचः । नाब्रह्मा यज्ञ ऋधग्जोषति त्वे ८

ऊर्ध्वा यत् तै त्रेतिनी भू द्यज्ञस्य धूर्षु सघ्नन् । सजूर्नावं स्वयंसं सचायोः ९
 श्रिये ते पृश्निरुपसेचनी भू च्छ्रिये दर्विररेपाः । यया स्वे पात्रे सिञ्चस उत १०

शतं वा यदसुर्यं प्रति त्वा सुमित्र इत्थास्तौदुर्मित्र इत्थास्तौत् ।
 आवो यदस्युहत्यै कुत्सपुत्रं प्रावो यदस्युहत्यै कुत्सवत्सम् ११

षष्ठोऽध्यायः

व० १-२७ ।

(६१) एकषष्टितमं सूक्तम्

(१-११) एकादशर्चस्यास्य सूक्तस्य काश्यपो भूतांश ऋषिः । अश्विनौ देवते ।

त्रिष्टुप् छन्दः

उ॒भा उ॑ नूनं तदिद॑र्थयेथे वि त॑न्वाथे धियो वस्त्रा॑पसैव ।
 स॒ध्रीची॑ना यात॑वे प्रेम॑जीगः सुदिनै॑व पृ॒क्ष आ त॑सयेथे १
 उ॒ष्टारै॑व फ॒र्वरे॑षु श्रयेथे प्रायो॑गेव श्वा॒त्र्या शा॑सुरेथः ।
 दू॒तेव॑ हि ष्ठो य॒शसा॑ जने॑षु माप॑ स्थातं महि॑षेवा॒वपाना॑त् २
 सा॒कंयु॑जा शकु॑नस्यैव प॒क्षा प॒श्वेव॑ चि॒त्रा यजु॑रा गमिष्टम् ।
 अ॒ग्निरि॑व दे॒वयो॑दी॒दिवांसा॑ परि॒ज्माने॑व यजथः पुरु॑त्रा ३
 आ॒पी वो॑ अ॒स्मे पि॒तरै॑व पु॒त्रो ग्रे॑व रु॒चा नृ॑पतीव तु॒र्यै ।
 इ॒र्यैव॑ पु॒ष्ट्यै कि॒रणै॑व भु॒ज्यै श्रु॑ष्टी॒वानै॑व ह॒वमा॑ गमिष्टम् ४
 वं॒संगे॑व पू॒ष्या शि॒म्बाता॑ मि॒त्रेव॑ ऋ॒ता श॑तरा शात॑पन्ता ।
 वा॒जैवो॒च्चा वय॑सा घ॒र्म्येष्टा मे॑षै॒वेषा॑ संप॒र्या॑इ॒ पुरी॑षा ५
 सृ॒ण्यैव॑ ज॒र्भरी॑ तु॒र्फरी॑तू नैतो॒शेव॑ तु॒र्फरी॑ प॒र्फरी॑का ।
 उ॒द॒न्यजे॑व जे॒र्मना॑ मदे॒रू ता मे॑ ज॒राय्व॑ज॒रं म॒रायु॑ ६
 प॒जेव॑ च॒र्वरं॑ जा॒रं म॒रायु॑ क्ष॒द्येवा॒र्येषु॑ त॒र्तरी॑थ उ॒ग्रा ।
 ऋ॒भू नाप॑त् ख॒रम॒ज्रा ख॒रज्जु॑ वा॒युर्न प॑र्फ॒रत् क्ष॑य॒द्रयी॑णाम् ७
 घ॒र्मैव॑ मधु॒ ज॒ठरै॑ स॒नेरू॑ भ॒गैवि॑ता तु॒र्फरी॑ फा॒रिवा॑रम् ।
 प॒तरे॑व च॒चरा॑ च॒न्द्रनि॑र्णि॒ङ्गन॑ऋ॒ङ्गा म॑न॒न्या॑इ॒ न ज॑र्मी ८
 बृ॒हन्तै॑व ग॒म्भरै॑षु प्र॒तिष्ठां॑ पा॒दैव॑ गा॒धं त॑र॒ते वि॑दाथः ।
 क॒र्णैव॑ शा॒सुर॑नु हि स्म॒राथो॑ऽशै॒व नो॑ भज॑तं चि॒त्रम॑ग्रः ९
 आ॒र॒द्धरे॑व म॒ध्वैर॑येथे सा॒र॒घेव॑ ग॒वि नी॒चीन॑बारे ।
 की॒नारै॑व स्वेद॑मा॒सिष्वि॑दाना क्षा॒मैवो॑र्जा सू॒यव॑सात् स॒चेथे॑ १०
 ऋ॒ध्याम॑ स्तोमं स॒नुयाम॑ वा॒ज मा नो॑ मन्त्रं स॒रथे॑होप॑ यातम् ।
 यशो॑ न प॒क्वं मधु॑ गो॒ष्वन्त॑रा भू॒तांशौ॑ अ॒श्विनोः॑ का॒र्मम॑प्राः ११

(६२) द्विषष्टितमं सूक्तम्

(१-११) एकादशर्चस्यास्य सूक्तस्याङ्गिरसो दिव्य ऋषिः, प्राजापत्या दक्षिणा वा

ऋषिका । दक्षिणा दक्षिणादातारो वा देवताः । (१-३, ५-११) प्रथमादितृचस्य
 पञ्चम्यादिसप्तर्चाञ्च त्रिष्टुप्, (४) चतुर्थ्याश्च जगती छन्दसी
 आविरभून्महि माघौनमेषां विश्वं जीवं तमसो निरमोचि ।
 महि ज्योतिः पितृभिर्दत्तमागां दुरुः पन्था दक्षिणाया अदर्शि १
 उच्चा दिवि दक्षिणावन्तो अस्थुर्ये अश्वदाः सह ते सूर्येण ।
 हिरण्यदा अमृतत्वं भजन्ते वासोदाः सौम प्र तिरन्त आयुः २
 दैवीं पूर्तिर्दक्षिणा देवयज्या न कवारिभ्यो नहि ते पूरन्ति ।
 अथा नरः प्रयतदक्षिणासो ऽवद्यभिया ब्रह्मः पूरन्ति ३
 शतधारं वायुमर्कं स्वर्विदं नृचक्षसस्ते अभि चक्षते हविः ।
 ये पूरन्ति प्र च यच्छन्ति संगमे ते दक्षिणां दुहते सप्तमातरम् ४
 दक्षिणावान् प्रथमो हूत एति दक्षिणावान् ग्रामणीरग्रमेति ।
 तमेव मन्ये नृपतिं जनानां यः प्रथमो दक्षिणामाविवाय ५
 तमेव ऋषिं तमु ब्रह्माणमाहु र्यज्ञन्यं सामगामुक्थशासम् ।
 स शक्रस्य तन्वो वेद तिस्रो यः प्रथमो दक्षिणाया रराध ६
 दक्षिणाश्च दक्षिणा गां ददाति दक्षिणा चन्द्रमुत यद्विरण्यम् ।
 दक्षिणान्नं वनुते यो न आत्मा दक्षिणां वर्म कृणुते विजानन् ७
 न भोजा ममुर्न न्यर्थमीयुर्न रिष्यन्ति न व्यथन्ते ह भोजाः ।
 इदं यद्विष्टं भुवनं स्वश्चेत्तत् सर्वं दक्षिणैभ्यो ददाति ८
 भोजा जिग्युः सुरभिं योनिमग्रे भोजा जिग्युर्वध्वं या सुवासाः ।
 भोजा जिग्युरन्तःपेयं सुराया भोजा जिग्युर्ये अहूताः प्रयन्ति ९
 भोजायाश्च सं मृजन्त्याशुं भोजायास्ते कन्याः शुभमाना ।
 भोजस्येदं पुष्करिणीव वेश्म परिष्कृतं देवमानेव चित्रम् १०
 भोजमश्वाः सुष्ठुवाहौ वहन्ति सुवृद्रथौ वर्तते दक्षिणायाः ।
 भोजं देवासोऽवता भरेषु भोजः शत्रून्समनीकेषु जेता ११

(६३) त्रिषष्टितमं सूक्तम्

(१-११) एकादशर्चस्यास्य सूक्तस्य (१, ३, ५, ७, ९)

प्रथमातृतीयापञ्चमीसप्तमीनवमीनामृचां पणयोऽसुरा ऋषयः, (२, ४, ६, ८, १०-
 ११) द्वितीयाचतुर्थीषष्ठ्यष्टमीदशम्येकादशीनाञ्च सरमा ऋषिका । (१, ३, ५, ७,
 ९) प्रथमातृतीयापञ्चमीसप्तमीनवमीनामृचां सरमा, (२, ४, ६, ८, १०-११)

द्वितीयाचतुर्थीषष्ठ्यष्टमीदशम्येकादशीनाञ्च पणयो देवताः । त्रिष्टुप् छन्दः
 किमिच्छन्तीं सरमा प्रेदमानङ् दूरे ह्यध्वा जगुरिः पराचैः ।
 कास्मेहिंतिः का परितक्म्यासीत् कथं रसाया अतरः पर्यासि १
 इन्द्रस्य दूतीरिषिता चरामि मह इच्छन्ती पणयो निधीन् वः ।
 अतिष्कदौ भियसा तन्न आवत् तथा रसाया अतरं पर्यासि २
 कीदृङ्ङिङन्द्रः सरमे का दृशीका यस्येदं दूतीरसरः पराकात् ।
 आ च गच्छान्मित्रमेना दधामाऽथा गवां गोपतिर्नो भवाति ३
 नाहं तं वैद दभ्यं दभत् स यस्येदं दूतीरसरं पराकात् ।
 न तं गूहन्ति स्रवतो गभीरा हुता इन्द्रेण पणयः शयध्वे ४
 इमा गावः सरमे या ऐच्छः परि दिवो अन्तान् सुभगे पतन्ती ।
 कस्त एना अवं सृजादयुध्व्यु तास्माकमायुधा सन्ति तिग्मा ५
 असेन्या वः पणयो वचांस्य निषव्यास्तन्वः सन्तु पापीः ।
 अधृष्टो व एतवा अस्तु पन्था बृहस्पतिर्व उभया न मृळात् ६
 अयं निधिः सरमे अद्रिबुध्नो गोभिरश्वेभिर्वसुभिर्न्यृष्टः ।
 रक्षन्ति तं पणयो ये सुगोपा रेकु पदमलकमा जगन्थ ७
 एह गमन्नृषयः सोमशिता अयास्यो अङ्गिरसो नवग्वाः ।
 त एतमूर्वं वि भजन्त गोना मथैतद्वचः पणयो वमन्नित् ८
 एवा च त्वं सरम आजगन्थ प्रबाधिता सहसा दैव्येन ।
 स्वसारं त्वा कृण्वै मा पुनर्गा अप ते गवां सुभगे भजाम ९
 नाहं वैद भ्रातृत्वं नो स्वसृत्व मिन्द्रो विदुरङ्गिरसश्च घोराः ।
 गोकांमा मे अच्छदयन् यदाय मपात इत पणयो वरीयः १०
 दूरमित पणयो वरीय उद्गावो यन्तु मिनीतीऋतेन ।
 बृहस्पतिर्या अविन्दन्निगूळहाः सोमो ग्रावाण ऋषयश्च विप्राः ११

(६४) चतुःषष्टितमं सूक्तम्

(१-७) सप्तर्चस्यास्य सूक्तस्य जुहूर्नाम्नी ब्रह्मवादिनी ब्रह्मजाया ऋषिका, ब्राह्म ऊर्ध्वनाभा वा ऋषिः । विश्वे देवा देवताः । (१-५) प्रथमादिपञ्चर्चा त्रिष्टुप्,

(६-७) षष्ठीसप्तम्योश्चानुष्टुप् छन्दसी

तैऽवदन् प्रथमा ब्रह्मकिल्बिषे ऽकूपारः सलिलो मातरिश्वा ।
 वीळुहंरास्तप उग्रो मयोभू रापो देवीः प्रथमजा ऋतेन १

सोमो राजा प्रथमो ब्रह्मजायां पुनः प्रायच्छदहणीयमानः ।
 अन्वर्तिता वरुणो मित्र आसी दग्निर्होता हस्तगृह्या निनाय २
 हस्तैर्नैव ग्राह्य आधिरस्या ब्रह्मजायेयमिति चेदवोचन् ।
 न दूताय प्रह्ये तस्थ एषा तथा राष्ट्रं गुपितं क्षत्रियस्य ३
 देवा एतस्यामवदन्त पूर्वे सप्तऋषयस्तपसे ये निषेदुः ।
 भीमा जाया ब्राह्मणस्योपनीता दुर्धा दधाति परमे व्योमन् ४
 ब्रह्मचारी चरति वेविषद्विषः स देवानां भवत्येकमङ्गम् ।
 तेन जायामन्वविन्दद्बृहस्पतिः सोमैर्न नीतां जुह्वं न देवाः ५
 पुनर्वै देवा अददुः पुनर्मनुष्या उत ।
 राजानः सत्यं कृण्वाना ब्रह्मजायां पुनर्ददुः ६
 पुनर्दाय ब्रह्मजायां कृत्वी देवैर्निकिल्बिषम् ।
 ऊर्जं पृथिव्या भक्त्वायौ रुगायमुपासते ७

(६५) पञ्चषष्टितमं सूक्तम्

(१-११) एकादशर्चस्यास्य सूक्तस्य भार्गवो जमदग्निर्जामदग्न्यो रामो वा ऋषिः ।
 (१) प्रथमर्च इध्मः समिद्धो वाग्निः, (२) द्वितीयायास्तनूनपात्, (३) तृतीयाया
 इळः, (४) चतुर्थ्या बर्हिः, (५) पञ्चम्या देवीर्द्वारः, (६) षष्ठ्या उषासानक्ता,
 (७) सप्तम्या दैव्यौ होतारौ प्रचेतसौ, (८) अष्टम्यास्तिस्त्रो देव्यः
 सरस्वतीळाभारत्यः, (९) नवम्यास्त्वष्टा, (१०) दशम्या वनस्पतिः, (११)

एकादश्याश्च स्वाहाकृत्यहो देवताः । त्रिष्टुप् छन्दः

समिद्धो अद्य मनुषो दुरोणे देवो देवान् यजसि जातवेदः ।
 आ च वह मित्रमहश्चिकित्वान् त्वं दूतः कविरसि प्रचेताः १
 तनूनपात् पथ ऋतस्य यानान् मध्वा समञ्जन्त्स्वदया सुजिह्व ।
 मन्मानि धीभिरुत यज्ञमृन्धन् देवत्रा च कृणुह्यध्वरं नः २
 आजुह्वान् ईड्यो वन्द्यश्चा ऽऽ याह्यग्ने वसुभिः सजोषाः ।
 त्वं देवानामसि यह्व होता स एनान् यक्षीषितो यजीयान् ३
 प्राचीर्न बर्हिः प्रदिशा पृथिव्या वस्तोरस्या वृज्यते अग्ने अह्वाम् ।
 व्यु प्रथते वितुरं वरीयो देवेभ्यो अदितये स्योनम् ४
 व्यचस्वतीरुर्विया वि श्रयन्तां पतिभ्यो न जनयः शुष्ममानाः ।
 देवीर्द्वारो बृहतीर्विश्वमिन्वा देवेभ्यो भवत सुप्रायुणाः ५

आ सुष्वयन्ती यजते उपाके उषासानक्ता सदतां नि योनौ ।
 दिव्ये योषणे बृहती सुरुक्मे अधि श्रियं शुक्रपिशं दधाने ६
 दैव्या होतारा प्रथमा सुवाचा मिमांसा यज्ञं मनुषो यजध्वै ।
 प्रचोदयन्ता विदथेषु कारू प्राचीनं ज्योतिः प्रदिशा दिशन्ता ७
 आ नो यज्ञं भारती तूर्यमे त्विळा मनुष्वदिह चेतयन्ती ।
 तिस्रो देवीर्बृहिरिदं स्योनं सरस्वती स्वपसः सदन्तु ८
 य इमे द्यावापृथिवी जनित्री रूपैरपिशुद्धवर्नानि विश्वा ।
 तमद्य होतरिषितो यजीयान् देवं त्वष्टारमिह यक्षि विद्वान् ९
 उपावसृज त्मन्या समञ्जन् देवानां पार्थ ऋतुथा हवींषि ।
 वनस्पतिः शमिता देवो अग्निः स्वदन्तु हव्यं मधुना घृतेन १०
 सद्यो जातो व्यमिमीत यज्ञं मग्निर्देवानामभवत् पुरोगाः ।
 अस्य होतुः प्रदिश्यतस्य वाचि स्वाहाकृतं हविरदन्तु देवाः ११

(६६) षट्षष्टितमं सूक्तम्

(१-१०) दशर्चस्यास्य सूक्तस्य वैरूपोऽष्टादंष्ट्र ऋषिः । इन्द्रो देवता ।

त्रिष्टुप् छन्दः

मनीषिणः प्र भरध्वं मनीषां यथायथा मतयः सन्ति नृणाम् ।
 इन्द्रं सत्यैरेरयामा कृतेभिः स हि वीरो गिर्वणस्युर्विदानः १
 ऋतस्य हि सदसो धीतिरद्यौत् सं गर्ष्ट्यो वृषभो गोभिरानट् ।
 उदतिष्ठत् तविषेणा रवेण महान्ति चित् सं विव्याचा रजांसि २
 इन्द्रः किल श्रुत्या अस्य वेद स हि जिष्णुः पथिकृत् सूर्याय ।
 आन्मेना कृणवन्नच्युतो भुवद्भोः पतिर्दिवः सनजा अप्रतीतः ३
 इन्द्रो महा महतो अर्णवस्य वृतामिनादङ्गिरोभिर्गृणानः ।
 पुरुणि चिन्नि तताना रजांसि दाधार यो धरुणं सत्यताता ४
 इन्द्रो दिवः प्रतिमानं पृथिव्या विश्वा वेद सर्वना हन्ति शुष्णम् ।
 महीं चिद् द्यामार्तनोत् सूर्येण चास्कम्भं चित् कम्भनेन स्कभीयान् ५
 वज्रेण हि वृत्रहा वृत्रमस्त रदैवस्य शूशुवानस्य मायाः ।
 वि धृष्णो अत्र धृषता जघन्था ऽथाभवो मघवन् बाह्वीजाः ६
 सचन्त यदुषसः सूर्येण चित्रामस्य केतवो रामविन्दन् ।

आ यन्नक्षत्रं ददृशे दिवो न पुनर्यतो नकिरद्धा नु वैद ७
 दूरं किल प्रथमा जग्मुरासा मिन्द्रस्य याः प्रसवे सस्तरापः ।
 क्व स्विदग्रं क्व बुध आसा मापो मध्यं क्व वो नूनमन्तः ८
 सृजः सिन्धूरहिना जग्रसानां आदिदेताः प्र विविज्जे जवेन ।
 मुमुक्षमाणा उत या मुमुचे ऽधेदेता न रमन्ते नितित्ताः ९
 सध्रीचीः सिन्धुमुशतीरिवायन् त्सनाञ्जार आरितः पूर्भिदासाम् ।
 अस्तमा ते पार्थिवा वसू न्यस्मे जग्मुः सूनृता इन्द्र पूर्वीः १०

(६७) सप्तषष्ठितमं सूक्तम्

(१-१०) दशर्चस्यास्य सूक्तस्य वैरूपो नभःप्रभेदन ऋषिः । इन्द्रो देवता ।

त्रिष्टुप् छन्दः

इन्द्र पिब प्रतिक्रामं सुतस्य प्रातःसावस्तव हि पूर्वपीतिः ।
 हर्षस्व हन्तवे शूर शत्रू नुक्थेभिष्टे वीर्यां प्र ब्रवाम १
 यस्ते रथो मनसो जवीया नेन्द्र तेन सोमपेयाय याहि ।
 तूयमा ते हरयः प्र द्रवन्तु येभिर्यासि वृषभिर्मन्दमानः २
 हरित्वता वर्चसा सूर्यस्य श्रेष्ठै रूपैस्तन्वं स्पर्शयस्व ।
 अस्माभिरिन्द्र सखिभिर्हुवानः सध्रीचीनो मादयस्वा निषद्य ३
 यस्य त्यत् तै महिमानं मदै ष्विमे मही रोदसी नाविवित्ताम् ।
 तदोक आ हरिभिरिन्द्र युक्तैः प्रियेभिर्याहि प्रियमन्नमच्छ ४
 यस्य शश्वत् पपिवाँ इन्द्र शत्रू ननानुकृत्या रण्या चकर्थ ।
 स ते पुरंधिं तविषीमियर्ति स ते मदाय सुत इन्द्र सोमः ५
 इदं ते पात्रं सनवित्तमिन्द्र पिबा सोममेना शतक्रतो ।
 पूर्ण आहावो मंदिरस्य मध्वो यं विश्व इदंभिहयन्ति देवाः ६
 वि हि त्वामिन्द्र पुरुधा जनासो हितप्रयसो वृषभ ह्वयन्ते ।
 अस्माकं ते मधुमत्तमानी मा भुवन्त्सर्वना तेषु हर्य ७
 प्र त इन्द्र पूर्व्याणि प्र नूनं वीर्या वोचं प्रथमा कृतानि ।
 सतीनमन्युरश्रथायो अद्रिं सुवेदनामकृणोर्ब्रह्मणे गाम् ८
 नि षु सीद गणपते गुणेषु त्वामाहुर्विप्रतमं कवीनाम् ।
 न ऋते त्वत् क्रियते किं चनारे महामर्कं मघवस्त्रिमर्च ९
 अभिख्या नौ मघवन् नार्धमानान् त्सखै बोधि वसुपते सखीनाम् ।

रणं कृधि रणकृत् सत्यशष्मा ऽभक्ते चिदा भजा राये अस्मान् १०

(६८) अष्टषष्टितमं सूक्तम्

(१-१०) दशरचस्यास्य सूक्तस्य वैरूपः शतप्रभेदन ऋषिः । इन्द्रो देवता । (१-

६) प्रथमादिनवर्चा जगती, (१०) दशमयाश्च त्रिष्टुप् छन्दसी

तमस्य द्यावापृथिवी सचैतसा विश्वेभिर्देवैरनु शुष्ममावताम् ।

यदैत्कृणवानो महिमानमिन्द्रियं पीत्वी सोमस्य क्रतुमाँ अवर्धत १

तमस्य विष्णुर्महिमानमोजसां ऽशुं दधन्वान् मधुनो वि रंशते ।

देवेभिरिन्द्रो मघवा स्यावभिर्वृत्रं जघन्वाँ अभवद्वरैरयः २

वृत्रेण यदहिना बिभ्रदायुधा समस्थितथा युधये शंसमाविदे ।

विश्वे ते अत्र मरुतः सह त्मना ऽवर्धन्तुग महिमानमिन्द्रियम् ३

जज्ञान एव व्यबाधत् स्पृधः प्रापश्यद्वीरो अभि पौंस्यं रणम् ।

अर्वश्चदद्रिमव सस्यदः सृज दस्तभ्नान्नाकं स्वपस्यया पृथुम् ४

आदिन्द्रः सत्रा तविषीरपत्यत् वरीयो द्यावापृथिवी अबाधत ।

अवाभरद्धृषितो वज्रमायसं शेवं मित्राय वरुणाय दाशुषे ५

इन्द्रस्यात्र तविषीभ्यो विरप्शिनं ऋघायतो अरंहयन्त मन्यवे ।

वृत्रं यदुग्रो व्यवृश्चदोजसा ऽपो बिभ्रतं तमसा परीवृतम् ६

या वीर्याणि प्रथमानि कर्त्वा महित्वेभिर्यतमानौ समीयतुः ।

ध्वान्तं तमोऽव दध्वसे हत इन्द्रो मुह्ना पूर्वहृतावपत्यत ७

विश्वे देवासो अध वृष्यानि ते ऽवर्धयन्त्सोमवत्या वचस्यया ।

रद्धं वृत्रमहिमिन्द्रस्य हन्मना ऽग्निर्न जम्भैस्तृष्वन्नमावयत् ८

भूरि दक्षैभिर्वचनेभिर्ऋक्वभिः सख्येभिः सख्यानि प्र वोचत ।

इन्द्रो धुनिं च चुमुरिं च दम्भय ञ्छ्रद्धामनस्या शृणुते दभीतये ९

त्वं पुरूरवा भरा स्वश्वा येभिर्मसै निवचनानि शंसन् ।

सुगेभिर्विश्वा दुरिता तरेम विदो षु ण उर्विया गाधमद्य १०

(६९) एकोनसप्ततितमं सूक्तम्

(१-१०) दशरचस्यास्य सूक्तस्य वैरूपः सध्रिस्तापसो घर्मो वा ऋषिः । विश्वे देवा

देवताः । (१-३, ५-१०) प्रथमादितृचस्य पञ्चम्यादिषडृचाञ्च त्रिष्टुप्, (४)

चतुर्थ्याश्च जगती छन्दसी

घृमा समन्ता त्रिवृतं व्यापतु स्तयोर्जुष्टि मातरिश्वा जगाम ।
 दिवस्पयो दिधिषाणा अवेषन् विदुर्देवाः सहसामानमर्कम् १
 तिस्रो देष्ट्राय निर्ऋतीरुपासते दीर्घश्रुतो वि हि जानन्ति वह्नयः ।
 तासां नि चिक्व्युः कवयौ निदानं परेषु या गुह्येषु वृतेषु २
 चतुष्कपर्दा युवतिः सुपेशा घृतप्रतीका वयुनानि वस्ते ।
 तस्यां सुपर्णा वृषणा नि षैदतुर्यत्र देवा दधिरे भागधेयम् ३
 एकः सुपर्णः स समुद्रमा विवेश स इदं विश्वं भुवनं वि चष्टे ।
 तं पाकैन् मनसापश्यमन्तितस्तं माता रेळिह स उ रेळिह मातरम् ४
 सुपर्णं विप्राः कवयो वचोभिरेकं सन्तं बहुधा कल्पयन्ति ।
 छन्दांसि च दधतो अध्वरेषु ग्रहान्तसोमस्य मिमते द्वादश ५
 षट्त्रिंशांश्च चतुरः कल्पयन्त श्छन्दांसि च दधत आद्वादशम् ।
 यज्ञं विमार्य कवयौ मनीष ऋक्सामाभ्यां प्र रथं वर्तयन्ति ६
 चतुर्दशान्ये महिमानौ अस्य तं धीरा वाचा प्र रणयन्ति सप्त ।
 आप्रानं तीर्थं क इह प्र वोच द्येनं पथा प्रपिबन्ते सुतस्य ७
 सहस्रधा पञ्चदशान्युक्था यावद् द्यावापृथिवी तावदित् तत् ।
 सहस्रधा महिमानः सहस्रं यावद्ब्रह्म विष्टितं तावती वाक् ८
 कश्छन्दसां योगमा वेद धीरः को धिष्यां प्रति वाचं पपाद ।
 कमृत्विजामष्टमं शूरमाहु हरी इन्द्रस्य नि चिकाय कः स्वित् ९
 भूम्या अन्तं पर्येकं चरन्ति रथस्य धूर्षु युक्तासौ अस्थुः ।
 श्रमस्य दायं वि भजन्त्येभ्यो यदा यमो भवति हर्म्ये हितः १०

(७०) सप्ततितमं सूक्तम्

(१-६) नवर्चस्यास्य सूक्तस्य वार्षिहव्य उपस्तुत ऋषिः । अग्निर्देवता । (१-७)
 प्रथमादिसप्तर्चा जगती, (८) अष्टम्यास्त्रिष्टुप्, (९) नवम्याश्च शक्वरी छन्दांसि
 चित्र इच्छिशोस्तरुणस्य वक्षथो न यो मातरावप्येति धातवे ।
 अनुधा यदि जीजन्तदधा च नु ववक्ष सद्यो महि दूत्यं चरन् १
 अग्निर्ह नाम धायि दन्नपस्तमः सं यो वना युवते भस्मना दता ।
 अभिप्रमुरा जुह्वा स्वध्वर इनो न प्रोथमानो यवसे वृषा २
 तं वो विं न द्रुषद देवमन्धेस इन्दुं प्रोथन्तं प्रवपन्तमर्णवम् ।
 आसा वह्निं न शोचिषा विरप्शिन् महिब्रतं न सरजन्तमध्वनः ३

वि यस्य ते जयसानस्याजर धक्षोर्न वाताः परि सन्त्यच्युताः ।
 आ रणवासो युयुधयो न सत्त्वनं त्रितं न शन्त प्र शिषन्त इष्टये ४
 स इदग्निः कण्वतमः कण्वसखा ऽर्यः परस्यान्तरस्य तरुषः ।
 अग्निः पातु गृणतो अग्निः सूरी नृग्निर्ददातु तेषामवो नः ५
 वाजिन्तमाय सद्यसे सुपित्र्य तृषु च्यवानो अनु जातवैदसे ।
 अनुद्रे चिद्यो धृषता वरं सते मुहिन्तमाय धन्वनेदविष्यते ६
 एवाग्निर्मतैः सह सूरिभिर्वसुः ष्टवे सहसः सूनरो नृभिः ।
 मित्रासो न ये सुधिता ऋतायवो द्यावो न द्युमैरभि सन्ति मानुषान् ७
 ऊर्जो नपात् सहसावन्निति त्वो पस्तुतस्य वन्दते वृषा वाक् ।
 त्वां स्तोषाम त्वया सुवीरा द्राघीय आयुः प्रतरं दधानाः ८
 इति त्वाग्ने वृष्टिहव्यस्य पुत्रा उपस्तुतास ऋषयोऽवोचन् ।
 ताँश्च पाहि गृणतश्च सूरीन् वषड्वषळित्यूध्वासौ अनक्षन् नमो नम
 इत्यूध्वासौ अनक्षन् ९

(७१) एकसप्ततितमं सूक्तम्

(१-९) नवर्चस्यास्य सूक्तस्य स्थौरोऽग्नियुतोऽग्नियूपो वा ऋषिः । इन्द्रो देवता ।

त्रिष्टुप् छन्दः

पिबा सोमं महत इन्द्रियाय पिबा वृत्राय हन्तवे शविष्ठ ।
 पिब राये शर्वसे हूयमानः पिब मध्वस्तृपदिन्द्रा वृषस्व १
 अस्य पिब क्षुमतः प्रस्थितस्येन्द्र सोमस्य वरमा सुतस्य ।
 स्वस्तिदा मनेसा मादयस्वा ऽर्वाचीनो रेवते सौभगाय २
 ममत्तु त्वा दिव्यः सोमं इन्द्र ममत्तु यः सूयते पार्थिवेषु ।
 ममत्तु येन वरिवश्चकर्थ ममत्तु येन निरिणासि शत्रून् ३
 आ द्विबर्हा अमिनो यात्विन्द्रो वृषा हरिभ्यां परिषिक्तमन्धः ।
 गव्या सुतस्य प्रभृतस्य मध्वः सत्रा खेदामरुशहा वृषस्व ४
 नि तिग्मानि भ्राशयन् भ्राश्या न्यव स्थिरा तनुहि यातुजूनाम् ।
 उग्राय ते सहो बलं ददामि प्रतीत्या शत्रून् विगृहेषु वृश्च ५
 व्यश्यं इन्द्र तनुहि श्रवांस्यो जः स्थिरेव धन्वन्नोऽभिमातीः ।
 अस्मद्रयगवावृधानः सहोभि रनिभृष्टस्तन्वं वावृधस्व ६
 इदं हविर्मघवन् तुभ्यं रातं प्रति सम्राळहृणानो गृभाय ।

तुभ्यं सुतो मघवन् तुभ्यं पक्वोऽं ऽद्धीन्द्र पिबं च प्रस्थितस्य ७
 अद्धीदिन्द्र प्रस्थितेमा हवींषि चनो दधिष्व पचतोत सोमम् ।
 प्रयस्वन्तः प्रति हर्यामसि त्वा सत्याः संन्तु यजमानस्य कामाः ८
 प्रेन्द्राग्निभ्यां सुवचस्यामियमि सिन्धाविव प्रेरयं नार्वमुकैः ।
 अया इव परि चरन्ति देवा ये अस्मभ्यं धनदा उद्भिदश्च ९

(७२) द्विसप्ततितमं सूक्तम्

(१-६) नवर्चस्यास्य सूक्तस्याङ्गिरसो भिक्षुर्ऋषिः । धनान्नदानं देवता । (१-२)

प्रथमाद्वितीययोर्ऋचोर्जगती, (३-६) तृतीयादिसप्तानाञ्च त्रिष्टुप् छन्दसी
 न वा उ देवाः क्षुधमिद्वधं ददु रुताशितमुप गच्छन्ति मृत्यवः ।
 उतो रयिः पूणतो नोप दस्य त्युतापूणन् मर्दितारं न विन्दते १
 य आध्राय चकमानाय पित्वो ऽन्नवान्त्सन् रफितायोपजग्मुषे ।
 स्थिरं मनः कृणुते सेवते पुरो तो चित् स मर्दितारं न विन्दते २
 स इन्द्रो जो यो गृहवे ददा त्यन्नकामाय चरते कृशाय ।
 अरमस्मै भवति यामहूता उतापरीषु कृणुते सखोयम् ३
 न स सखा यो न ददाति सख्यै सचाभुवे सचमानाय पित्वः ।
 अपास्मात् प्रेयान्न तदोको अस्ति पूणन्तमन्यमरणं चिदिच्छेत् ४
 पूणीयादिन्नाधमानाय तव्यान् द्राघीयांसमनु पश्येत् पन्थाम् ।
 ओ हि वर्तन्ते रथ्यैव चक्रा ऽन्यमन्यमुप तिष्ठन्त रायः ५
 मोघमन्नं विन्दते अप्रचेताः सत्यं ब्रवीमि वृध इत् स तस्य ।
 नार्यमणं पुष्यति नो सखायं केवलाघो भवति केवलादी ६
 कृषन्नित् फाल आशितं कृणोति यन्नध्वानुमप वृङ्गे चरित्रैः ।
 वदन् ब्रह्मावदतो वनीयान् पृन्नापिरपूणन्तमभि ष्यात् ७
 एकपाद्भूयो द्विपदो वि चक्रमे द्विपात् त्रिपादमभ्येति पश्चात् ।
 चतुष्पादेति द्विपदामभिस्वरे संपश्यन् पुङ्गीरुपतिष्ठमानः ८
 समौ चिद्धस्तौ न समं विविष्टः समातरा चिन्न समं दुहाते ।
 यमयोश्चिन्न समा वीर्याणि ज्ञाती चित् सन्तौ न समं पूणीतः ९

(७३) त्रिसप्ततितमं सूक्तम्

(१-६) नवर्चस्यास्य सूक्तस्यामहीयव उरुक्षय ऋषिः । रक्षोहाग्निर्देवता ।

गायत्री छन्दः

अग्ने हंसि न्यश्त्रिणं दीद्यन्मर्त्येष्वाम् । स्वे क्षये शुचिव्रत १
 उत्तिष्ठसि स्वाहुतो घृतानि प्रति मोदसे । यत् त्वा स्तुचः समस्थिरन् २
 स आहुतो वि रोचते ऽग्निरीळेन्यौ गिरा । स्तुचा प्रतीकमज्यते ३
 घृतेनाग्निः समज्यते मधुप्रतीक आहुतः । रोचमानो विभार्वसुः ४
 जरमाणः समिध्यसे देवेभ्यो हव्यवाहन । तं त्वा हवन्त मर्त्याः ५
 तं मर्ता अमर्त्यं घृतेनाग्निं संपर्यत । अदाभ्यं गृहपतिम् ६
 अदाभ्येन शोचिषा ऽग्ने रक्षस्त्वं देह । गोपा ऋतस्य दीदिहि ७
 स त्वमग्ने प्रतीकेन प्रत्यौष यातुधान्यः । उरुक्षयेषु दीद्यत् ८
 तं त्वा गीर्भिरुक्षया हव्यवाहं समीधिरे । यजिष्ठं मानुषे जनै ९

(७४) चतुःसप्ततितमं सूक्तम्

(१-१३) त्रयोदशर्चस्यास्य सूक्तस्यैन्द्रो लव ऋषिः । आत्मा देवता ।

गायत्री छन्दः

इति वा इति मे मनो गामश्च सनुयामिति । कुवित् सोमस्यापामिति १
 प्र वाता इव दोधत् उन्मा पीता अयंसत । कुवित् सोमस्यापामिति २
 उन्मा पीता अयंसत रथमश्वा इवाशवः । कुवित् सोमस्यापामिति ३
 उप मा मतिरस्थित वाश्वा पुत्रमिव प्रियम् । कुवित् सोमस्यापामिति ४
 अहं तष्टैव वन्धुरं पर्यचामि हृदा मतिम् । कुवित् सोमस्यापामिति ५
 नहि मे अक्षिपच्चना ऽच्छान्तसुः पञ्च कृष्टयः । कुवित् सोमस्यापामिति ६
 नहि मे रोदसी उभे अन्यं पक्षं चन प्रति । कुवित् सोमस्यापामिति ७
 अभि द्यां महिना भुव मभीरमां पृथिवीं महीम् । कुवित् सोमस्यापामिति ८
 हन्ताहं पृथिवीमिमां नि दधानीह वेह वा । कुवित् सोमस्यापामिति ९
 ओषमित् पृथिवीमहं जङ्घनानीह वेह वा । कुवित् सोमस्यापामिति १०
 दिवि मे अन्यः पक्षोर्ध्वो अन्यमचीकृषम् । कुवित् सोमस्यापामिति ११
 अहमस्मि महामहौ ऽभिनुभ्यमुदीषितः । कुवित् सोमस्यापामिति १२
 गृहो याम्यरकृतो देवेभ्यो हव्यवाहनः । कुवित् सोमस्यापामिति १३
 सप्तमोऽध्यायः । व० १-३० ।

(७५) पञ्चसप्ततितमं सूक्तम्

(१-६) नवर्चस्यास्य सूक्तस्याथर्वणो बृहदिव ऋषिः । इन्द्रो देवता ।

त्रिष्टुप् छन्दः

तदिदास भुवनेषु ज्येष्ठं यतो जज्ञ उग्रस्त्वेषनृमणः ।
 सद्यो जज्ञानो नि रिणाति शत्रू ननु यं विश्वे मदन्त्यूमाः १
 वावृधानः शर्वसा भूर्योजाः शत्रुर्दासाय भियसं दधाति ।
 अव्यनच्च व्यनच्च सस्त्रि सं तै नवन्त प्रभृता मदेषु २
 त्वे क्रतुमपि वृञ्जन्ति विश्वे द्विर्यदेते त्रिर्भवन्त्यूमाः ।
 स्वादोः स्वादीयः स्वादुना सृजा समुदः सु मधु मधुनाभि यौधीः ३
 इति चिद्धि त्वा धना जयन्तं मदमदे अनुमदन्ति विप्राः ।
 ओजीयो धृष्णो स्थिरमा तनुष्व मा त्वा दभन् यातुधाना दुरेवाः ४
 त्वया वयं शाशद्गहे रणेषु प्रपश्यन्तो युधेन्यानि भूरि ।
 चोदयामि तु आयुधा वचोभिः सं तै शिशामि ब्रह्मणा वयांसि ५
 स्तुषेय्यं पुरुवर्षसमृभ्वं मिनतममाप्तयमाप्तयानाम् ।
 आ दर्षते शर्वसा सप्त दानून् प्र साक्षते प्रतिमानानि भूरि ६
 नि तर्द्धिषेऽवरं परं च यस्मिन्नाविथावसा दुरोणे ।
 आ मातरां स्थापयसे जिगृह्ण अत इनोषि कर्वरा पुरूणि ७
 इमा ब्रह्म बृहदिवो विवृक्तीन्द्राय शूषमग्रियः स्वर्षाः ।
 महो गोत्रस्य क्षयति स्वराजो दुरश्च विश्वा अवृणोदप स्वाः ८
 एवा महान् बृहदिवो अथर्वा ऽवोचत् स्वां तन्वश्मिन्द्रमेव ।
 स्वसारो मातरिर्भ्वरीररिप्रा हिन्वन्ति च शर्वसा वर्धयन्ति च ९

(७६) षट्सप्ततितमं सूक्तम्

(१-१०) दशर्चस्यास्य सूक्तस्य प्राजापत्यो हिरण्यगर्भ ऋषिः । कः (प्रजापतिः)

देवता । त्रिष्टुप् छन्दः

हिरण्यगर्भः समवर्तताग्रे भूतस्य जातः पतिरेक आसीत् ।
 स दाधार पृथिवीं द्यामुतेमां कस्मै देवाय हविषा विधेम १
 य आत्सदा बलदा यस्य विश्वं उपासते प्रशिषं यस्य देवाः ।
 यस्य छायामृतं यस्य मृत्युः कस्मै देवाय हविषा विधेम २
 यः प्राणतो निमिषतो मेहित्वै क इद्राजा जगतो बभूव ।

य ईशे अस्य द्विपदश्चतुष्पदः कस्मै देवाय हविषा विधेम ३
 यस्येमे हिमवन्तो महित्वा यस्य समुद्रं रसया सहाहुः ।
 यस्येमाः प्रदिशो यस्य बाहू कस्मै देवाय हविषा विधेम ४
 येन द्यौरुग्रा पृथिवी च दृळहा येन स्वः स्तभितं येन नाकः ।
 यो अन्तरिक्षे रजसो विमानः कस्मै देवाय हविषा विधेम ५
 यं क्रन्दसी अवसा तस्तभाने अभ्यैक्षतां मनसा रेजमाने ।
 यत्राधि सूर उदितो विभाति कस्मै देवाय हविषा विधेम ६
 आपो ह यद्वहतीर्विश्वमायन् गर्भं दधाना जनयन्तीरग्निम् ।
 ततो देवानां समवर्ततासुरेकः कस्मै देवाय हविषा विधेम ७
 यश्चिदापो महिना पर्यपश्यद् दक्षं दधाना जनयन्तीर्यज्ञम् ।
 यो देवेष्वधि देव एक आसीत् कस्मै देवाय हविषा विधेम ८
 मा नो हिंसीज्जनिता यः पृथिव्या यो वा दिवं सत्यधर्मा जजान ।
 यश्चापश्चन्द्रा बृहतीर्जजानु कस्मै देवाय हविषा विधेम ९
 प्रजापते न त्वदेतान्यन्यो विश्वा जातानि परि ता बभूव ।
 यत् कामास्ते जुहुमस्तन्नो अस्तु वयं स्याम पतयो रयीणाम् १०

(७७) सप्तसप्ततितमं सूक्तम्

(१-८) अष्टर्चस्यास्य सूक्तस्य वासिष्ठश्चित्रमहा ऋषिः । अग्निर्देवता । (१, ५)
 प्रथमापञ्चम्योर्ऋचोस्त्रिष्टुप्, (२-४, ६-८) द्वितीयादितृचस्य षष्ठ्यादितृचस्य च
 जगती छन्दसी

वसुं न चित्रमहसं गृणीषे वामं शेवमर्तिथिमद्विषेणयम् ।
 स रासते शरुधौ विश्वधायसो ऽग्निर्होता गृहपतिः सुवीर्यम् १
 जुषाणो अग्ने प्रति हर्य मे वचो विश्वानि विद्वान् वयुनानि सुक्रतो ।
 घृतनिर्णिग्ब्रह्मणे गातुमेरय तव देवा अजनयन्ननु व्रतम् २
 सप्त धामानि परियन्नमर्त्यो दाशदाशुषे सुकृतं मामहस्व ।
 सुवीरेण रयिणाग्ने स्वाभुवा यस्त आनदं समिधा तं जुषस्व ३
 यज्ञस्य केतुं प्रथमं पुरोहितं हविष्मन्त ईळते सप्त वाजिनम् ।
 शृगवन्तमग्निं घृतपृष्ठमुक्ष्णं पृणन्तं देवं पृणते सुवीर्यम् ४
 त्वं दूतः प्रथमो वरेण्यः स हूयमानो अमृताय मत्स्व ।
 त्वां मर्जयन् मरुतो दाशुषौ गृहे त्वां स्तोमैर्भिर्भृगवो वि रुरुचुः ५

इषं दुहन्त्सुदुर्घा विश्वधा॑यसं यज्ञ॑प्रिये॒ यज॑मानाय सुक्रतो ।
 अग्ने॑ घृत॒स्रुस्त्रि॑र्भूतानि दी॒द्यद्द्वि॑र्तिर्यज्ञं परि॒यन्त्सु॑क्रतूयसे ६
 त्वामि॒दस्या उ॒षसो॑ व्युष्टिषु दू॒तं कृ॑ण्वाना अ॒यजन्त॑ मानुषाः ।
 त्वां दे॒वा म॑ह॒याय्या॑य वावृ॒धु॒राज्य॑मग्ने निमृजन्तौ अध्व॒रे ७
 नि त्वा॒ वसि॑ष्ठा अ॒हन्त॑ वा॒जिनं॑ गृणन्तौ अग्ने॒ विदथे॑षु वे॒धसः॑ ।
 रा॒यस्पोषं॑ यज॑मानेषु धारय॒ यूयं पो॑त स्व॒स्तिभिः॑ सदा॑ नः ८

(७८) अष्टसप्ततितमं सूक्तम्

(१-८) अष्टर्चस्यास्य सूक्तस्य भार्गवो वेन ऋषिः । वेनो देवता । त्रिष्टुप् छन्दः
 अ॒यं वे॒नश्चो॑दयत् पृ॒श्नि॒गर्भा॑ ज्योति॑र्जरायू रज॑सो वि॒मानै॑ ।
 इ॒मम॒पां सं॒गमे॑ सूर्य॒स्य शि॑शं न वि॒प्रा म॒तिर्भी॑ रिहन्ति १
 स॒मुद्रा॑दूर्मिमु॒दिय॑ति वे॒नो न॑भोजाः पृ॒ष्ठं ह॑र्य॒तस्य॑ दर्शि ।
 ऋ॒तस्य॑ सा॒नावधि॑ वि॒ष्टपि॑ भ्राट् स॒मानं॑ योनि॒मभ्य॑नूषत॒ ब्राः २
 स॒मानं॑ पूर्वा॒रभि॑ वा॒वशा॑ना स्तिष्ठन् व॒त्सस्य॑ मा॒तरः॑ सनी॒ळाः ।
 ऋ॒तस्य॑ सा॒नावधि॑ चक्रमा॒णा रि॑हन्ति म॒ध्वो अ॒मृत॑स्य वा॒णीः ३
 जा॒नन्तौ॑ रू॒पम॑कृ॒पन्त॑ वि॒प्रा मृ॒गस्य॑ घोषं म॒हिष॑स्य हि ग॒मन् ।
 ऋ॒तेन॑ यन्तो अ॒धि सि॒न्धुम॑स्थु॒र्विद॑द्गन्ध॒र्वो अ॒मृता॑नि नाम ४
 अ॒प्सरा॑ जा॒रमु॑पसि॒ष्मिया॑णा योषा॑ बिभर्ति प॒रमे॑ व्योमन् ।
 चर॑त् प्रि॒यस्य॑ योनि॒षु प्रि॒यः सन् त्सी॑दत् प॒क्षे हि॒रण्य॑ये स वे॒नः ५
 नाकै॑ सु॒पर्णमु॑प॒ यत् प॑तन्तं ह॒दा वे॒नन्तो॑ अ॒भ्यर्च॑न्त त्वा ।
 हि॒रण्य॑प॒क्षं व॑रु॒णस्य॑ दू॒तं य॑मस्य॒ योनौ॑ शकुनं भु॒रण्युम् ६
 ऊ॒र्ध्वो ग॑न्ध॒र्वो अ॒धि ना॑कै॒ अस्था॑त् प्र॒त्यङ् चि॒त्रा बिभ्र॑दस्यायु॒धानि॑ ।
 वसा॑नो अ॒त्कं सु॑रभिं दृ॒शे कं॑ स्व॒र्णं ना॑म॒ जन॑त प्रि॒याणि॑ ७
 द्र॒प्सः स॑मु॒द्रम॒भि य॑जि॒गाति॑ पश्यन् गृ॒ध्रस्य॑ चक्ष॒सा वि॑धर्मन् ।
 भा॒नुः शु॒क्रेण॑ शोचिषा॑ चका॒न स्तृ॑तीयै॒ चक्रे॑ रज॑सि प्रि॒याणि॑ ८

(७९) एकोनाशीतितमं सूक्तम्

(१-९) नवर्चस्यास्य सूक्तस्य (१, ५-९) प्रथमर्चः

पञ्चम्यादिपञ्चानाञ्चाग्निवरुणसोमाः, (२-४) द्वितीयादितृचस्य चाग्निर्ऋषयः । (१)
 प्रथमर्चोऽग्निः, (२-४) द्वितीयादितृचस्याग्नेरात्मा, (५, ७-८)

पञ्चमीसप्तम्यष्टमीनां वरुणः, (६) षष्ठ्याः सोमः, (६) नवम्याश्चेन्द्रो देवताः ।

(१-६, ८-९) प्रथमादिषड्चामष्टमीनवम्योश्च त्रिष्टुप्,

(७) सप्तम्याश्च जगती छन्दसी

इ॒मं नो॑ अ॒ग्न उ॒प॑ यु॒ज्ञमे॒हि प॒ञ्च॒यामं॑ त्रि॒वृ॒तं स॒प्त॒त॑न्तुम् ।
 अ॒सौ ह॒व्य॒वा॒ळु॒त नः॑ पु॒रो॒गा ज्यो॒गे॒व दी॒र्घं त॒म आ॒श॒यि॒ष्ठाः १
 अ॒दै॒वा॒द्दे॒वः प्र॒च॒ता गु॒हा यन् प्र॒प॒श्य॒मा॒नो अ॒मृ॒त॒त्व॒मै॒मि ।
 शि॒वं यत् स॒न्त॒म॒शि॒वो ज॒हामि॑ स्वा॒त् स॒ख्या॒द॒र॒णीं ना॒भि॒मे॒मि २
 प॒श्य॒न्न॒न्य॒स्या अ॒ति॒थिं व॒याया॑ अ॒त॒स्य॒ धा॒म॒ वि मि॒मे पु॒रू॒णि ।
 शं॒सामि॑ पि॒त्रे अ॒सु॒राय॑ शे॒व॒ म॒य॒ज्ञि॒याद्य॒ज्ञि॒यं भा॒ग॒मै॒मि ३
 ब॒ह्वीः स॒मा अ॒क॒र॒म॒न्त॒र॒स्मि॒न्नि॒न्द्रं वृ॒णानः॑ पि॒तरं॑ ज॒हामि॑ ।
 अ॒ग्निः सो॒मो व॒रु॒णस्ते च्य॑व॒न्ते पु॒र्या॒व॒र्द्रा॒ष्ट्रं त॒द॒वा॒म्या॒यन् ४
 नि॒र्मा॒या उ॒ त्ये अ॒सु॒रा अ॒भू॒वन् त्वं च॑ मा व॒रु॒ण क॒ाम॒या॒से ।
 अ॒तेन॑ रा॒ज॒न्न॒नृतं॑ वि॒वि॒ञ्चन् म॒म रा॒ष्ट्र॒स्याधि॑प॒त्य॒मे॒हि ५
 इ॒दं स्व॑रि॒द॒मि॒दा॒स वा॒म॒ म॒यं प्र॒का॒श उ॒र्व॒श्न॒त॒रि॒क्ष॒म् ।
 ह॒ना॒व वृ॒त्रं नि॒रे॒हि सो॒म ह॒वि॒ष्ठा स॒न्तं ह॒वि॒षा य॒जाम॑ ६
 क॒विः के॒वित्वा॑ दि॒वि रू॒प॒मा॒स॒ज द॒प्र॒भू॒ती व॒रु॒णो नि॒र॒पः सृ॒जत् ।
 क्षे॒मं कृ॒णवा॒ना ज॒न॒यो न सि॒न्ध॒व॒ स्ता अ॒स्य॒ वर्णं॑ शु॒च॒यो भ॒रि॒भ्रति॑ ७
 ता अ॒स्य ज्येष्ठ॑मिन्द्रि॒यं स॑च॒न्ते ता ई॒मा क्षे॒ति स्व॒धया॑ म॒द॒न्तीः ।
 ता ई॒ विशो॑ न रा॒जा॒नं वृ॒णाना॑ बी॒भ॒त्सु॒वो अ॒प॑ वृ॒त्रा॒द॒ति॒ष्ठन् ८
 बी॒भ॒त्सू॒ना स॒यु॒जं हंस॑मा॒हु र॒पां दि॒व्या॒नां स॒ख्ये च॑र॒न्त॒म् ।
 अ॒नु॒ष्टु॒भ॒मनु॑ च॒र्य॒मा॒ण मि॒न्द्रं नि चि॑क्युः क॒वयो॑ म॒नी॒षा ९

(८०) अशीतितमं सूक्तम्

(१-८) अष्टर्चस्यास्य सूक्तस्याम्भृणी वागृषिका । आत्मा देवता । (१, ३-८)

प्रथमर्चस्तृतीयादिषण्णाञ्च त्रिष्टुप्, (२) द्वितीयायाश्च जगती छन्दसी

अ॒हं रु॒द्रेभि॑र्वसु॒भिश्च॒रा म्य॒हमा॑दि॒त्यैरु॒त वि॒श्वदै॑वैः ।
 अ॒हं मि॒त्राव॑रु॒णो॒भा बि॒भ॒ म्य॒हमि॑न्द्रा॒ग्नी अ॒हम॑श्चि॒नो॒भा १
 अ॒हं सो॒ममा॑ह॒नसं॑ बि॒भ॒ म्य॒हं त्व॑ष्टा॒रमु॒त पू॒षणं॑ भ॒गम् ।
 अ॒हं द॑धा॒मि द्र॒वि॒णं ह॒वि॒ष्मते॑ सु॒प्रा॒व्ये॒र्य॒ यज॑मा॒नाय॑ सु॒न्वते॑ २
 अ॒हं रा॒ष्ट्री स॒ग॒म॒नी व॑सू॒नां चि॒क्रि॒तुषी॑ प्र॒थ॒मा यु॒ज्ञिया॑नाम् ।

तां मां देवा व्यदधुः पुरुत्रा भूरिस्थात्रां भूर्यावेशयन्तीम् ३
 मया सो अन्नमत्ति यो विपश्यति यः प्राणिति य ई शृणोत्युक्तम् ।
 अमन्तवो मां त उप क्षियन्ति श्रुधि श्रुत श्रद्धिवं तै वदामि ४
 अहमेव स्वयमिदं वदामि जुष्ट देवेभिरुत मानुषेभिः ।
 यं कामये तंतमुग्रं कृणोमि तं ब्रह्माणं तमृषिं तं सुमेधाम् ५
 अहं रुद्राय धनुरा तनोमि ब्रह्मद्विषे शरवे हन्तवा उ ।
 अहं जनाय समदं कृणोम्यहं द्यावापृथिवी आ विवेश ६
 अहं सुवे पितरमस्य मूर्धन्मम योनिरप्स्वन्तः समुद्रे ।
 ततो वि तिष्ठे भुवनानु विश्वो तामूं द्यां वर्ष्मणोप स्पृशामि ७
 अहमेव वात इव प्र वाम्या रभमाणा भुवनानि विश्वा ।
 परो दिवा पर एना पृथिव्यै तावती महिना सं बभूव ८

(८१) एकाशीतितमं सूक्तम्

(१-८) अष्टर्चस्यास्य सूक्तस्य शैलूषिः कुल्मलबर्हिषो वामदेव्योहोमुग्वा ऋषिः ।
 विश्वे देवा देवताः । (१-७) प्रथमादिसप्तर्चामुपरिष्ठाद्बृहती, (८) अष्टम्याश्च
 त्रिष्टुप् छन्दसी

न तमंहो न दुरितं देवासो अष्ट मर्त्यम् ।
 सजोषसो यमर्यमा मित्रो नयन्ति वरुणो अति द्विषः १
 तद्धि वयं वृणीमहे वरुण मित्रार्यमन् ।
 येना निरंहसो यूयं पाथ नेथा च मर्त्यमति द्विषः २
 ते नूनं नोऽयमूतये वरुणो मित्रो अर्यमा ।
 नयिष्ठा उ नो नेषणि पर्षिष्ठा उ नः पर्षणयति द्विषः ३
 यूयं विश्वं परि पाथ वरुणो मित्रो अर्यमा ।
 युष्माकं शर्मणि प्रिये स्याम सुप्रणीतयोऽति द्विषः ४
 आदित्यासो अति स्त्रिधो वरुणो मित्रो अर्यमा ।
 उग्रं मरुद्भ्री रुद्रं हुवेमे न्द्रमग्निं स्वस्तयेऽति द्विषः ५
 नेतार ऊ षु णस्तिरो वरुणो मित्रो अर्यमा ।
 अति विश्वानि दुरिता राजानश्चर्षणीनामति द्विषः ६
 शूनमस्मभ्यमूतये वरुणो मित्रो अर्यमा ।
 शर्म यच्छन्तु सप्रथ आदित्यासो यदीमहे अति द्विषः ७

यथा ह त्यद्वसवो गौर्यं चित् पदि षिताममुञ्चता यजत्राः ।
 एवो ष्वस्मन्मुञ्चता व्यंहः प्र तार्यग्रे प्रतरं न आर्युः ८

(८२) द्व्यशीतितमं सूक्तम्

(१-८) अष्टर्चस्यास्य सूक्तस्य सौभरः कुशिक ऋषिर्भारद्वाजी रात्रिर्वा ऋषिका ।
 रात्रिर्देवता । गायत्री छन्दः

रात्री व्यख्यदायती पुरुत्रा देव्यश्क्षभिः । विश्वा अधि श्रियोऽधित १
 ओर्वप्रा अमर्त्या निवतौ देव्युश्द्वतः । ज्योतिषा बाधते तमः २
 निरु स्वसारमस्कृतो षसं देव्यायती । अपेदु हासते तमः ३
 सा नो अद्य यस्या वयं नि ते यामन्नविद्धमहि । वृद्धे न वसति वयः ४
 नि ग्रामासो अविद्धत नि पद्धन्तो नि पक्षिणः । नि श्येनासश्चिदर्थिनः ५
 यावया वृक्यं वृकं यवय स्तेनमूर्म्ये । अथा नः सुतरा भव ६
 उप मा पेपिशत् तमः कृष्णं व्यक्तमस्थित । उष ऋणेव यातय ७
 उप ते गा इवाकरं वृणीष्व दुहितर्दिवः । रात्रि स्तोमं न जिग्युषे ८

(८३) त्र्यशीतितमं सूक्तम्

(१-९) नवर्चस्यास्य सूक्तस्याङ्गिरसो विहव्य ऋषिः । विश्वे देवा देवताः । (१-
 ८) प्रथमाद्यष्टर्चा त्रिष्टुप्, (९) नवम्याश्च जगती छन्दसी

ममाग्रे वर्चो विहवेष्वस्तु वयं त्वेन्धानास्तन्वं पुषेम ।
 मह्यं नमन्तां प्रदिशश्चतस्त्र स्त्वयाध्यक्षेण पृतना जयेम १
 मम देवा विहवे संन्तु सर्व इन्द्रवन्तो मरुतो विष्णुरग्निः ।
 ममान्तरिक्षमुरुलोकमस्तु मह्यं वार्तः पवतां कामे अस्मिन् २
 मयि देवा द्रविणमा यजन्तां मय्याशीरस्तु मयि देवहूतिः ।
 दैव्या होतारो वनुषन्त पूर्वे ऽरिष्टाः स्याम तन्वा सुवीराः ३
 मह्यं यजन्तु मम यानि हव्या ऽऽकूतिः सत्या मर्नसो मे अस्तु ।
 एनो मा नि गा कतमञ्चनाहं विश्वे देवासो अधि वोचता नः ४
 देवीः षळुर्वीरुरु नः कृणोत विश्वे देवास इह वीरयध्वम् ।
 मा हास्महि प्रजया मा तनूभिर्मा रधाम द्विषते सौम राजन् ५
 अग्रे मन्युं प्रतिनुदन् परेषा मदब्धो गोपाः परि पाहि नस्त्वम् ।
 प्रत्यञ्चो यन्तु निगुतः पुनस्ते ऽऽमैषा चित्तं प्रबुधां वि नैशत् ६

धा॒ता धा॑तृच॒फढृ॑णां भुव॑नस्य॒ यस्पति॑र्दे॒वं त्रा॑ता॒रम॑भिमातिषा॒हम् ।
 इ॒मं य॒ज्ञम॑श्विनो॒भा बृ॑हस्पति॑र्दे॒वाः पा॑न्तु यज॑मानं न्य॒र्थात् ७
 उ॒रु॒व्यचा॑ नो म॒हिषः शर्म॑ यंस॒ दस्मिन् ह॑वै पुरु॒हूतः पु॑रु॒क्षुः ।
 स नः॑ प्र॒जायै॑ हर्यश्च मृ॒ळये॒न्द्र मा नो॑ रीरिषो॒ मा परा॑ दाः ८
 ये नः॑ स॒पत्ना अप॑ ते भव॑न्त्विन्द्रा॒ग्निभ्या॑मव॒ बाधाम॑हे तान् ।
 वस॑वो रु॒द्रा आ॑दि॒त्या उ॑परिस्पृ॒श मो॒ग्रं चेत्ता॑रमधि॒राज॑मक्रन् ९

(८४) चतुरशीतितमं सूक्तम्

(१-७) सप्तर्चस्यास्य सूक्तस्य परमेष्ठी प्रजापतिर्ऋषिः । भाववृत्तं देवता ।

त्रिष्टुप् छन्दः

नास॑दासी॒न्नो सदा॑सीत् त॒दानीं॑ नासी॒द्रजो॑ नो व्यो॑मा प॒रो यत् ।
 किमा॑व॒रीवः॑ कु॒ह कस्य॑ शर्म॒ न्रम्भः॑ किमा॑सी॒द्गहनं॑ गभी॒रम् १
 न मृ॒त्युरा॑सीद॒मृतं॑ न तर्हि॑ न रा॒त्र्या अ॒हं आ॑सीत् प्र॒केतः॑ ।
 आनी॑दवा॒तं स्व॒धया॑ तदे॒कं तस्मा॑द्धान्य॒न्न प॒रः किं च॑नास॑ २
 तम॑ आसीत् तम॑सा गु॒ळ्हम॑ग्रे ऽप्र॒केतं स॑लिलं स॒र्वमा इ॑दम् ।
 तुच्छ॑येना॒भ्वपि॑हितं यदासीत् तप॑स॒स्तन्महि॑नाजा॒युतैक॑म् ३
 काम॑स्तदग्रे स॒मव॑र्तताधि॒ मन॑सो रे॒तः प्र॒थमं॑ यदासीत् ।
 स॒तो ब॑न्धुमस॑ति निर॑विन्दन् हृदि प्र॒तीष्या॑ क॒वयो॑ मनी॒षा ४
 तिर॑श्ची॒नो वि॑ततो र॒श्मिरै॑षा म॒धः स्वि॑दासी॒द्दुपरि॑ स्विदासी॒त् ५
 रे॒तोधा॑ आ॒सन् म॑हिमानं आ॒सन् त्स्व॑धा अ॒वस्ता॑त् प्र॒यतिः॑ प॒रस्ता॑त् ५
 को अ॒द्धा वैदु॑ क इ॒ह प्र वो॑चत् कुत॒ आजा॑ता कुत॒ इयं॑ विसृष्टिः ।
 अ॒र्वाग्दे॒वा अस्य॑ वि॒सर्ज॑नेना ऽथा॒ को वैदु॑ यत॒ आब॑भूव॒ ६
 इयं॑ विसृष्टि॒र्यत॑ आब॑भूव॒ यदि॑ वा द॒धे यदि॑ वा न ।
 यो अ॒स्याध्य॑क्षः प॒रमे॑ व्यो॒मन् त्सो॑ अ॒ङ्ग वैदु॑ यदि॒ वा न वेद॑ ७

(८५) पञ्चाशीतितमं सूक्तम्

(१-७) सप्तर्चस्यास्य सूक्तस्य प्राजापत्यो यज्ञ ऋषिः । भाववृत्तं देवता । (१)

प्रथमर्चो जगती, (२-७) द्वितीयादिषण्णाञ्च त्रिष्टुप् छन्दसी

यो य॒ज्ञो वि॒श्वत॑स्तन्तु॒भिस्त॑त एक॑शतं देव॒क॒र्मेभि॑रायतः ।
 इ॒मे व॑यन्ति पि॒तरो॑ य आ॒य॒युः प्र व॑याप॒ व॒येत्या॑सते तु॒ते १

पु॒माँ ए॒नं त॒नुत् उ॒त् कृ॑ण॒न्ति पु॒मा॒न् वि त॑न्ने॒ अ॒धि ना॒कै अ॒स्मिन् ।
 इ॒मे म॒यू॒खा उ॒प॑ से॒दुरू॒ स॒दः सा॒मा॒नि च॒क्रु॒स्तस॑रा॒णयो॒र्त्तवे॒ २
 का॒सी॒त् प्र॒मा प्र॑ति॒मा किं नि॒दान् मा॒ज्यं कि॒मासी॒त् प॒रि॒धिः क आ॑सीत् ।
 छ॒न्दः कि॒मासी॒त् प्र॒उ॒गं कि॒मु॒क्थं य॒दे॒वा दे॒वम॑र्य॒जन्त॒ विश्वे॑ ३
 अ॒ग्नेर्गा॒य॒त्र्य॒भव॒त् स॒यु॒ग्वो षि॒ण॒ह॒या स॒वि॒ता सं ब॑भूव ।
 अ॒नु॒ष्टु॒भा सोमं॑ उ॒क्थै॒र्मह॑स्वा॒न् बृ॒ह॒स्प॒तैर्बृ॒हती॑ वा॒च॒मा॒वत् ४
 वि॒रा॒णिम॒त्राव॑रु॒णयो॒रभि॑श्री॒ रि॒न्द्र॒स्य त्रि॑ष्टु॒बि॒ह भा॒गो अ॒हः ।
 वि॒श्वान् दे॒वाञ्ज॒ग॒त्या वि॒वेश॑ ते॒न चा॒क्लृ॒प् ऋ॒षयो॑ म॒नु॒ष्याः ५
 चा॒क्लृ॒प्ते ते॒न ऋ॒षयो॑ म॒नु॒ष्या य॒ज्ञे जा॒ते पि॒तरौ॑ नः पु॒रा॒णे ।
 प॒श्यन् म॒न्ये म॒न॒सा च॒क्ष॒सा तान् य इ॒मं य॒ज्ञम॑र्य॒जन्त॒ पूर्वे॑ ६
 स॒ह॒स्तौ॒माः स॒ह॒छ॒न्द॒स आ॒वृ॒तः स॒ह॒प्र॒मा ऋ॒षयः॑ स॒प्त दै॒व्याः ।
 पूर्वे॑षां प॒न्था॑म॒नु॒दृ॒श्य धी॒रा अ॒न्वा॒लै॒भिरे॒ र॒थ्यो॒ऽन॒ र॒श्मीन् ७

(८६) षडशीतितमं सूक्तम्

(१-७) सप्तर्चस्यास्य सूक्तस्य काक्षीवतः सुकीर्तिर्ऋषिः । (१-३, ६-७)

प्रथमादितृचस्य षष्ठीसप्तम्योर्ऋचोश्चेन्द्रः, (४-५) चतुर्थीपञ्चम्योश्चाश्विनौ देवताः ।

(१-३, ५-७) प्रथमादितृचस्य पञ्चम्यादितृचस्य च त्रिष्टुप्, (४) चतुर्थ्या

ऋचश्चानुष्टुप् छन्दसी

अ॒प॒ प्रा॒च इ॒न्द्र वि॒श्वाँ अ॒मि॒त्रा न॒पापा॑चो अ॒भिभू॑ते नु॒दस्व॑ ।
 अ॒पो॒दी॒चो अ॒प॑ शू॒राध॒राच॑ उ॒रौ य॒था तव॑ श॒र्मन् म॒दैम॑ १
 कु॒वि॒द॒ङ्ग य॒व॑म॒न्तो य॒व॑ चि॒ द्य॒था दान्त्य॑नु॒पूर्वं वि॒यूय॑ ।
 इ॒हे॒है॒षां कृ॑णु॒हि भो॒ज॒नानि॑ ये ब॒र्हिषो॑ नमो॒वृ॒क्तिं न ज॒ग्मुः २
 न॒हि स्थू॑र्य॒तु॒था या॒तम॑स्ति॒ नोत॑ श्रवो॒ वि॒वि॒दे सं॒ग॒मेषु॑ ।
 ग॒व्यन्त॑ इ॒न्द्रे स॒ख्याय॑ वि॒प्रा अ॒श्वाय॑न्तो वृ॒षणं॑ वा॒ज॒र्यन्तः॑ ३
 यु॒वं सु॒राम॑म॒श्विना॑ नम॒चा॒वा॒सुरे स॒चा ।
 वि॒पि॒पा॒ना श॒भ॒स्पती॑ इ॒न्द्रं क॑र्म॒स्वा॒व॒तम् ४
 पु॒त्रमि॑व पि॒तरा॑व॒श्विनो॒भे न्द्रा॑व॒थुः का॒व्यैर्द॑स॒नाभिः॑ ।
 यत् सु॒रामं॑ व्य॒पि॒बः श॒ची॒भिः सर॑स्वती॒ त्वा म॑घव॒न्नभि॑ष्णक् ५
 इ॒न्द्रः सु॒त्रामा॑ स्व॒वाँ अ॒वो॒भिः सु॒मृ॒ळी॒को भ॑वतु वि॒श्ववै॑दाः ।
 बा॒ध॒तां द्वे॒षो अ॒भयं॑ कृ॒णोतु॑ सु॒वीर्य॑स्य प॒तयः॑ स्याम ६

तस्य वयं सुमृतौ यज्ञियस्याऽपि भद्रे सौमनसे स्याम ।
स सुत्रामा स्ववाँ इन्द्रो अस्मे आराद्धिद् द्वेषः सनुतर्युयोतु ७

(८७) सप्ताशीतितमं सूक्तम्

(१-७) सप्तर्चस्यास्य सूक्तस्य नार्मेधः शकपूत ऋषिः । (१) प्रथमर्चो
द्युभूम्यश्विनः, (२-७) द्वितीयादितृचद्वयस्य च मित्रावरुणौ देवताः । (१)
प्रथमर्चो न्यङ्कुसारिणी, (२, ६) द्वितीयाषष्ठयोः प्रस्तारपङ्क्तिः, (३-५)
तृतीयादितृचस्य विराड्रूपा, (७) सप्तम्याश्च महासतोबृहती छन्दांसि
ईजानमिद् द्यौर्गुतावसु रीजानं भूमिरभि प्रभूषणि ।
ईजानं देवावश्विना वभि सुमैरेवर्धताम् १
ता वा मित्रावरुणा धारयत्क्षिती सुषुम्रेषितत्वता यजामसि ।
युवोः क्राणाय सख्यै रभि ष्याम रक्षसः २
अर्धा चिन्नु यद्विधिषामहे वा मुभि प्रियं रेक्णः पत्यमानाः ।
दुद्राँ वा यत् पुष्यति रेक्णः सम्वारन् नकिरस्य मुघानि ३
असावन्यो असुर सूयत् द्यौ स्त्वं विश्वेषां वरुणासि राजा ।
मूर्धा रथस्य चाकन् नैतावतैनसान्तकध्रुक ४
अस्मिन्स्वेतच्छकपूत एनो हिते मित्रे निर्गतान् हन्ति वीरान् ।
अवोर्वा यद्धात् तनूष्ववः प्रियासु यज्ञियास्वर्वा ५
युवोर्हि मातादितिर्विचेतसा द्यौर्न भूमिः पर्यसा पुपूतनि ।
अव प्रिया दिदिष्टन् सूरौ निनिक्त रश्मिभिः ६
युवं ह्यप्रराजावसीदतं तिष्ठद्रथं न धूर्षद वनर्षदम् ।
ता नः कणूकयन्ती नृमेधस्तत्रे अंहसः सुमेधस्तत्रे अंहसः ७

(८८) अष्टाशीतितमं सूक्तम्

(१-७) सप्तर्चस्यास्य सूक्तस्य पैजवनः सुदा ऋषिः । इन्द्रो देवता । (१-३)
प्रथमादितृचस्य शक्वरी, (४-६) चतुर्थ्यादितृचस्य महापङ्क्तिः, (७) सप्तम्यृचश्च
त्रिष्टुप् छन्दांसि
प्रो ष्वस्मै पुरोरथ मिन्द्राय शूषमर्चत ।
अभीकै चिदु लोककृत् संगे समत्सु वृत्रहा ऽस्माकं बोधि

चोदिता नभन्तामन्यकेषां ज्याका अधि धन्वसु १
 त्वं सिन्धूरवासृजो ऽधराचो अहन्नहिम् ।
 अशत्रुरिन्द्र जज्ञिषे विश्वं पुष्यसि वार्यं तं त्वा परि ष्वजामहे
 नभन्तामन्यकेषां ज्याका अधि धन्वसु २
 वि षु विश्वा अरातयो ऽर्यो न शन्त नो धिर्यः ।
 अस्तासि शत्रवे वृधं यो न इन्द्र जिघांसति या ते
 रातिर्दिर्वसु नभन्तामन्यकेषां ज्याका अधि धन्वसु ३
 यो न इन्द्राभितो जनौ वृकायुरादिदैशति ।
 अधस्पदं तमीं कृधि विबाधो असि
 सासहि नभन्तामन्यकेषां ज्याका अधि धन्वसु ४
 यो न इन्द्राभिदासति सनाभिर्यश्च निष्टयः ।
 अव तस्य बलं तिर महीव द्यौरध त्मना नभन्तामन्यकेषां ज्याका अधि
 धन्वसु ५
 वयमिन्द्र त्वायवः सखित्वमा रभामहे ।
 ऋतस्य नः पृथा नया ऽति विश्वानि दुरिता नभन्तामन्यकेषां ज्याका अधि
 धन्वसु ६
 अस्मभ्यं सु त्वमिन्द्र तां शिञ्ज या दोहते प्रति वरं जरित्रे ।
 अच्छिद्रोद्री पीपयद्यथा नः सहस्रधारा पर्यसा मही गौः ७

(८६) एकोननवतितमं सूक्तम्

(१-७) सप्तर्चस्यास्य सूक्तस्य (१-५, ६) प्रथमादिपञ्चर्चा षष्ठ्याः पूर्वार्धस्य च
 यौवनाश्चो मान्धाता ऋषिः, (६-७) षष्ठ्या उत्तरार्धस्य सप्तम्याश्च गोधा ऋषिका ।
 इन्द्रो देवता । (१-६) प्रथमादिषडृचां महापङ्क्तिः, (७) सप्तम्याश्च पङ्क्तिश्चन्द्रसी
 उभे यदिन्द्र रोदसी आपृप्राथोषा इव ।
 महान्तं त्वा महीनां सम्राजं चर्षणीनां देवी जनित्र्यजीजनद्भद्रा
 जनित्र्यजीजनत् १
 अवं स्म दुर्हणायतो मर्तस्य तनुहि स्थिरम् ।
 अधस्पदं तमीं कृधि यो अस्माँ आदिदैशति देवी जनित्र्यजीजनद्भद्रा
 जनित्र्यजीजनत् २
 अव त्या बृहतीरिषो विश्वश्चन्द्रा अमित्रहन् ।

शर्चाभिः शक्र धूनुही न्द्र विश्वाभिरूतिभिर्देवी जनित्र्यजीजन ब्रद्रा
जनित्र्यजीजनत् ३

अव यत् त्वं शतक्रत् विन्द्र विश्वानि धूनुषे ।

रयिं न सुन्वते सचा सहस्रिणीभिरूतिभिर्देवी जनित्र्यजीजन ब्रद्रा
जनित्र्यजीजनत् ४

अव स्वेदा इवाभितो विष्वक्पतन्तु दिद्यवः ।

दूर्वाया इव तन्तवो व्यश्मदैतु दुर्मतिर्देवी जनित्र्यजीजन ब्रद्रा
जनित्र्यजीजनत् ५

दीर्घं ह्यङ्कुशं यथा शक्तिं बिभर्षि मन्तुमः ।

पूर्वेण मघवन् पदा ऽजो वयां यथा यमो देवी जनित्र्यजीजन ब्रद्रा
जनित्र्यजीजनत् ६

नकिर्देवा मिनीमसि नकिरा योपयामसि मन्त्रश्रुत्यं चरामसि ।

पक्षेभिरपिकक्षेभिरत्राभि सं रभामहे ७

(६०) नवतितमं सूक्तम्

(१-७) सप्तर्चस्यास्य सूक्तस्य यामायनः कुमार ऋषिः । यमो देवता ।

अनुष्टुप् छन्दः

यस्मिन् वृक्षे सुपलाशे देवैः संपिबते यमः ।

अत्रा नो विश्पतिः पिता पुराणाँ अनु वेनति १

पुराणाँ अनुवेनन्तं चरन्तं पापयामुया ।

असूयन्नभ्यचाकशं तस्मा अस्पृहयंपुनः २

यं कुमार नवं रथं मचक्रं मनसाकृणोः ।

एकैषं विश्वतः प्राञ्च मपश्यन्नधि तिष्ठसि ३

यं कुमार प्रार्वर्तयो रथं विप्रैभ्यस्परि ।

तं सामानु प्रार्वर्ततु समितो नाव्याहितम् ४

कः कुमारमजनय द्रथं को निरवर्तयत् ।

कः स्वित् तदद्य नो ब्रूया दनुदेयी यथाभवत् ५

यथाभवदनुदेयी ततो अग्रमजायत ।

पुरस्ताद्बुध आर्ततः पश्चान्निरयणं कृतम् ६

इदं यमस्य सादनं देवमानं यदुच्यते ।

इयमस्य धम्यते नाळीरयं गीर्भिः परिष्कृतः ७

(६१) एकनवतितमं सूक्तम्

(१-७) सप्तर्चस्यास्य सूक्तस्य वातशनाः ((१) प्रथमर्चो जूतिः, (२) द्वितीयाया वातजूतिः, (३) तृतीयाया विप्रजूतिः, (४) चतुर्थ्या वृषाणकः, (५) पञ्चम्याः करिकृतः, (६) षष्ठ्या एतशः, (७) सप्तम्याश्च ऋष्यशृङ्गः) ऋषयः । केशिनः

(अग्निवायुसूर्याः) देवताः । अनुष्टुप् छन्दः

केश्यग्निं केशी विषं केशी बिभर्ति रोदसी ।
 केशी विश्वं स्वर्दृशे केशीदं ज्योतिरुच्यते १
 मुनयो वातरशनाः पिशङ्गा वसते मला ।
 वातस्यानु धार्जि यन्ति यद्देवासो अविक्षत २
 उन्मदिता मौनेयेन वाताँ आ तस्थिमा व्रयम् ।
 शरीरेदस्माकं यूयं मर्तासो अभि पश्यथ ३
 अन्तरिक्षेण पतति विश्वा रूपावचाकशत् ।
 मुनिर्देवस्यदेवस्य सौकृत्याय सखा हितः ४
 वातस्याश्वौ वायोः सखा ऽथौ देवेषितो मुनिः ।
 उभौ समुद्रावा क्षेति यश्च पूर्वं उतापरः ५
 अप्सरसा गन्धर्वाणां मृगाणां चरणे चरन् ।
 केशी केतस्य विद्वान् त्सखा स्वादुर्मदिन्तमः ६
 वायुरस्मा उपामन्थत् पिनष्टि स्मा कुनन्नमा ।
 केशी विषस्य पात्रेण यदुद्रेणापिबत् सह ७

(६२) द्विनवतितमं सूक्तम्

(१-७) सप्तर्चस्यास्य सूक्तस्य सप्तर्षयः ((१) प्रथमर्चो भरद्वाजः, (२) द्वितीयायाः कश्यपः, (३) तृतीयाया गोतमः, (४) चतुर्थ्या अत्रिः, (५) पञ्चम्या विश्वामित्रः, (६) षष्ठ्या जमदग्निः, (७) सप्तम्याश्च वसिष्ठः) ऋषयः ।

विश्वे देवा देवताः । अनुष्टुप् छन्दः

उत देवा अवहितुं देवा उन्नयथा पुनः ।
 उतागश्चक्रुषं देवा देवा जीवयथा पुनः १
 द्वाविमौ वातौ वातु आ सिन्धोरा परावतः ।

दक्षं ते अन्य आ वातु परान्यो वातु यद्रपः २
 आ वात वाहि भेषजं वि वात वाहि यद्रपः ।
 त्वं हि विश्वभेषजो देवानां दूत ईर्यसे ३
 आ त्वागमं शंतातिभि रथो अरिष्टतातिभिः ।
 दक्षं ते भद्रमाभार्षं परा यद्धमं सुवामि ते ४
 त्रायन्तामिह देवा स्त्रायतां मरुतां गुणः ।
 त्रायन्तां विश्वा भूतानि यथायमरपा असत् ५
 आप इद्वा उ भेषजी रापो अमीवचातनीः ।
 आपः सर्वस्य भेषजी स्तास्तै कृणवन्तु भेषजम् ६
 हस्ताभ्यां दशशाखाभ्यां जिह्वा वाचः पुरोगवी ।
 अनामयितुभ्यां त्वा ताभ्यां त्वोप स्पृशामसि ७

(६३) त्रिनवतितमं सूक्तम्

(१-६) षडृचस्यास्य सूक्तस्यौरवोऽङ्ग ऋषिः । इन्द्रो देवता । जगती छन्दः
 तव त्य इन्द्र सख्येषु वह्नय ऋतं मन्वाना व्यददिरुर्वलम् ।
 यत्रा दशस्यनुषसौ रिन्नपः कुत्साय मन्मन्नह्यश्च दंसयः १
 अवासृजः प्रस्वः श्वञ्चयो गिरी नुदाज उस्त्रा अपिबो मधु प्रियम् ।
 अवर्धयो वनिनो अस्य दंससा शशोच सूर्य ऋतजातया गिरा २
 वि सूर्यो मध्ये अमुचद्रथं दिवो विदहासाय प्रतिमानुमार्यः ।
 दृळ्हानि पिप्रोरसुरस्य मायिन् इन्द्रो व्यास्यच्चकृवाँ ऋजिश्चना ३
 अनाधृष्टानि धृषितो व्यास्य न्निधीरदैवाँ अमृणदयास्यः ।
 मासेव सूर्यो वसु पुर्यमा ददे गृणानः शत्रूरशृणाद्विरुक्मता ४
 अयुद्धसेनो विभ्वा विभिन्दता दाशद्वत्रहा तुज्यानि तेजते ।
 इन्द्रस्य वज्रादबिभेदभिश्नथः प्राक्रामच्छुन्ध्यूरजहादुषा अनः ५
 एता त्या ते श्रुत्यानि केवला यदेक एकमकृणोरयज्ञम् ।
 मासां विधानमदधा अधि द्यवि त्वया विभिन्नं भरति प्रधिं पिता ६

(६४) चतुर्नवतितमं सूक्तम्

(१-६) षडृचस्यास्य सूक्तस्य गन्धर्वो विश्वावसुऋषिः । (१-३) प्रथमादितृचस्य
 सविता, (४-६) चतुर्थ्यादितृचस्य चात्मा देवते । त्रिष्टुप् छन्दः

सूर्यरश्मिर्हरिकेशः पुरस्तात् सविता ज्योतिरुदयाँ अजस्रम् ।
 तस्य पूषा प्रसवे यति विद्वान् त्संपश्यन् विश्वा भुवनानि गोपाः १
 नृचक्षा एष दिवो मध्य आस्त आपप्रिवान् रोदसी अन्तरिक्षम् ।
 स विश्वाचीरभि चष्टे घृताचीरन्तरा पूर्वमपरं च केतुम् २
 रायो बुध्नः संगमनो वसूनां विश्वा रूपाभि चष्टे शचीभिः ।
 देव इव सविता सत्यधर्मेन्द्रो न तस्थौ समरे धनानाम् ३
 विश्वावसुं सोम गन्धर्वमापौ ददृशुषीस्तदृतेना व्यायन् ।
 तदन्ववैदिन्द्रो रारहाण आसां परि सूर्यस्य परिधीरपश्यत् ४
 विश्वावसुरभि तन्नो गृणातु दिव्यो गन्धर्वो रजसो विमानः ।
 यद्वा घा सत्यमुत यन्न विद्य धियो हिन्वानो धियु इन्नो अव्याः ५
 सस्त्रिमविन्दच्चरेणे नदीना मपावृणोदुरो अश्मव्रजानाम् ।
 प्रासां गन्धर्वो अमृतानि वोच दिन्द्रो दक्षं परि जानादहीनाम् ६

(६५) पञ्चनवतितमं सूक्तम्

(१-६) षडृचस्यास्य सूक्तस्य पावकोऽग्निर्ऋषिः । अग्निर्देवता । (१-२)

प्रथमाद्वितीययोर्ऋचोर्विष्टारपङ्क्तिः, (३-५) तृतीयादितृचस्य सतोबृहती, (६)

षष्ठ्याश्चोपरिष्ठाज्ज्योतिश्छन्दांसि

अग्ने तव श्रवो वयो महि भ्राजन्ते अर्चयौ विभावसो ।
 बृहद्भानो शर्वसा वाजमुक्थ्यं दधासि दाशुषे कवे १
 पावकवर्चाः शक्रवर्चा अनूनवर्चा उदियर्षि भानुना ।
 पुत्रो मातरा विचरन्नुपावसि पृणक्षि रोदसी उभे २
 ऊर्जो नपाज्जातवेदः सुशस्तिभिर्मन्दस्व धीतिभिर्हितः ।
 त्वे इषः सं दधुर्भूरिवर्षसश्चित्रोतयो वामजाताः ३
 इरज्यन्नग्ने प्रथयस्व जन्तुभिरस्मे रायौ अमर्त्य ।
 स दर्शतस्य वपुषो वि राजसि पृणक्षि सानुसिं क्रतुम् ४
 इष्कर्तारमध्वरस्य प्रचेतसं क्षयन्तं राधसो महः ।
 रातिं वामस्य सुभगा महीमिषं दधासि सानुसिं रयिम् ५
 ऋतावानं महिषं विश्वदर्शत मग्निं सुम्राय दधिरे पुरो जनाः ।
 श्रुत्वा सप्रथस्तमं त्वा गिरा दैव्यं मानुषा युगा ६

(६६) षण्णवतितमं सूक्तम्

(१-६) षडृचस्यास्य सूक्तस्य तापसोऽग्निर्ऋषिः । विश्वे देवा देवताः ।

अनुष्टुप् छन्दः

अग्ने अच्छा वदेह नः प्रत्यङ् नः सुमना भव ।
 प्र नो यच्छ विशस्पते धनुदा असि नस्त्वम् १
 प्र नो यच्छत्वर्यमा प्र भगुः प्र बृहस्पतिः ।
 प्र देवाः प्रोत सूनृता रायो देवी ददातु नः २
 सोमं राजानमवसे ऽग्निं गीर्भिर्हवामहे ।
 आदित्यान् विष्णुं सूर्यं ब्रह्माणं च बृहस्पतिम् ३
 इन्द्रवायू बृहस्पतिं सुहवेह हवामहे ।
 यथा नः सर्व इज्जनः संगत्यां सुमना असत् ४
 अर्यमणं बृहस्पतिं मिन्द्रं दानाय चोदय ।
 वातं विष्णुं सरस्वतीं सवितारं च वाजिनम् ५
 त्वं नो अग्ने अग्निभिर्ब्रह्म यज्ञं च वर्धय ।
 त्वं नो देवतातये रायो दानाय चोदय ६

(६७) सप्तनवतितमं सूक्तम्

(१-८) अष्टर्चस्यास्य सूक्तस्य शार्ङ्गाः ((१-२) प्रथमाद्वितीययोर्ऋचोर्जरिता, (३-४) तृतीयाचतुर्थयोर्द्रोणः, (५-६) पञ्चमीषष्ठयोः सारिसृक्तः, (७-८) सप्तम्यष्टम्योश्च स्तम्बमित्रः) ऋषयः । अग्निर्देवता । (१-२) प्रथमाद्वितीययोर्ऋचोर्जगती, (३-६) तृतीयादिचतसृणां त्रिष्टुप्, (७-८) सप्तम्यष्टम्योश्चानुष्टुप् छन्दांसि

अयमग्ने जरिता त्वे अभूदपि सहसः सूनो नृह्यश्न्यदस्त्याप्यम् ।
 भद्रं हि शर्म त्रिवरूथमस्ति त आरे हिंसां नामपे दिद्युमा कृधि १
 प्रवत् तै अग्ने जनिमा पितूयतः साचीव विश्वा भुवना न्यृञ्जसे ।
 प्र सप्तयुः प्र संनिषन्त नो धिर्यः पुरश्चरन्ति पशुपा इव त्मना २
 उत वा उ परि वृणद्भि बप्सद्ब्रह्मोर्ग्न उलपस्य स्वधावः ।
 उत खिल्या उर्वराणां भवन्ति मा तै हेतिं तविषीं चुक्रुधाम ३
 यदुद्वतौ निवतो यासि बप्सत् पृथगेषि प्रगृधिनीव सेना ।
 यदा ते वातौ अनुवाति शोचिर्वसैव श्मश्रु वपसि प्र भूम ४

प्रत्यस्य श्रेणयो ददृश्र एकं नियानं ब्रह्मो रथासः ।
 बाहू यदग्ने अनुमर्मृजानो न्यङ्ङुत्तानामन्वेषि भूमिम् ५
 उत् ते शुष्मा जिहतामुत् ते अर्चि रूत् ते अग्ने शशमानस्य वाजाः ।
 उच्छ्वस्व नि नम वर्धमान आ त्वाद्य विश्वे वसवः सदन्तु ६
 अपामिदं न्ययनं समुद्रस्य निवेशनम् ।
 अन्यं कृणुष्वेतः पन्थां तेन याहि वशाँ अनु ७
 आर्यने ते परार्यणे दूर्वा रोहन्तु पुष्पिणीः ।
 हृदाश्च पुण्डरीकाणि समुद्रस्य गृहा इमे ८

अष्टमोऽध्यायः । व० १-४६ ।

(६८) अष्टनवतितमं सूक्तम्

(१-६) षडृचस्यास्य सूक्तस्य साङ्ख्योऽत्रिर्ऋषिः । अश्विनौ देवते । अनुष्टुप् छन्दः
 त्यं चिदत्रिमृतजुर मर्थमश्वं न यातवे ।
 कक्षीर्वन्तं यदी पुना रथं न कृणुथो नवम् १
 त्यं चिदश्वं न वाजिनं मरेणवो यमवत ।
 दृळ्हं ग्रन्थिं न वि ष्यत मत्रिं यविष्ठमा रजः २
 नरा दंसिष्ठावत्रये शुभ्रा सिषासतं धियः ।
 अथा हि वाँ दिवो नरा पुनः स्तोमो न विशसै ३
 चिते तद्वाँ सुराधसा रातिः सुमतिरश्विना ।
 आ यन्नः सदेने पृथौ समने पर्षथो नरा ४
 युवं भुज्युं समुद्र आ रजसः पार ईङ्घितम् ।
 यातमच्छा पतत्रिभिर्नासत्या सातयै कृतम् ५
 आ वाँ सुमैः शंयू इव मंहिष्ठा विश्ववेदसा ।
 समस्मे भूषतं नरो त्सं न पिप्युषीरिषः ६

(६९) नवनवतितमं सूक्तम्

(१-६) षडृचस्यास्य सूक्तस्य तादर्यः सुपर्णो यामायन ऊर्ध्वकुशनो वा ऋषिः ।
 इन्द्रो देवता । (१, ३-४) प्रथमर्चस्तृतीयाचतुर्थ्योश्च गायत्री, (२) द्वितीयाया
 बृहती, (५) पञ्चम्याः सतोबृहती, (६) षष्ठ्याश्च विष्टारपङ्क्तिश्छन्दांसि
 अयं हि ते अमर्त्य इन्दुरत्यो न पत्यते । दक्षौ विश्वायुर्वेधसै १

अयमस्मासु काव्यं ऋभुर्वज्रो दास्वते ।
 अयं बिभर्त्यूर्ध्वकृशनं मदं मृभुर्न कृत्व्यं मदम् २
 घृषुः श्येनाय कृत्वन आसु स्वासु वंसंगः । अवं दीधेदहीशुवः ३
 यं सुपर्णः परावतः श्येनस्य पुत्र आभरत् ।
 शतचक्रं योऽह्यो वर्तनिः ४
 यं तै श्येनश्चारुमवृकं पदाभर दुरुणं मानमन्धसः ।
 एना वयो वि तार्यायुर्जीवस एना जागार बन्धुता ५
 एवा तदिन्द्र इन्दुना देवेषु चिद्धारयाते महि त्यजः ।
 क्रत्वा वयो वि तार्यायुः सुक्रतो क्रत्वायमस्मदा सुतः ६

(१००) शततमं सूक्तम्

(१-६) षडृचस्यास्य सूक्तस्येन्द्राणी ऋषिका । सपत्नीबाधनरूपोऽर्थो देवता ।

(१-५) प्रथमादिपञ्चार्चामनुष्टुप्, (६) षष्ठ्याश्च पङ्क्तिश्छन्दसी

इमां खनाम्योषधिं वीरुधं बलवत्तमाम् ।
 यया सपत्नीं बाधते यया संविन्दते पतिम् १
 उत्तानपर्णे सुभगे देवजूते सहस्वति ।
 सपत्नीं मे परा धम पतिं मे केवलं कुरु २
 उत्तराहर्मुत्तर उत्तरेदुत्तराभ्यः ।
 अथा सपत्नी या ममाऽधरा साधराभ्यः ३
 नृह्यस्या नाम गृभ्णामि नो अस्मिन् रमते जनै ।
 परामेव परावर्त सपत्नीं गमयामसि ४
 अहमस्मि सहमाना ऽथ त्वमसि सासहिः ।
 उभे सहस्वती भूत्वी सपत्नीं मे सहावहै ५
 उप ते ऽधां सहमाना मभि त्वाधां सहीयसा ।
 मामनु प्र ते मनो वृत्सं गौरिव धावतु पृथा वारिव धावतु ६

(१०१) एकोत्तरशततमं सूक्तम्

(१-६) षडृचस्यास्य सूक्तस्यैरम्मदो देवमुनिर्ऋषिः । अरण्यानी देवता ।

अनुष्टुप् छन्दः

अरण्यान्यरण्या न्यसौ या प्रेव नश्यसि ।

क॒था ग्रा॒मं न पृ॑च्छ॒सि न त्वा॒ भीरि॑व वि॒न्दती॑ऽ १
 वृ॒षा॒र॒वाय॑ वद॑ते यदु॒पाव॑ति चि॒च्चिकः॑ ।
 आ॒घा॒टिभि॑रिव धा॒वय॑न्न॒र॒या॒निर्म॑हीयते २
 उ॒त गा॒व इ॒वा॒द॒न्त्यु॒त वे॒शमै॑व दृ॒श्यते॑ ।
 उ॒तो अ॒र॒या॒निः सा॒यं श॑क॒टीरि॑व स॒र्जति॑ ३
 गा॒म॒ज्जैष॑ आ ह॒यति॑ दा॒र्व॒जैषो॑ अ॒पाव॑धीत् ।
 व॒सन्न॑र॒या॒न्यां सा॒य म॑कु॒क्षदि॑ति॒ मन्य॑ते ४
 न वा अ॒र॒या॒निर्ह॑न्त्य॒न्यश्चे॒न्नाभि॑गच्छति ।
 स्वा॒दोः फ॒लस्य॑ ज॒ग्ध्वाय॑ यथा॒कामं॑ नि प॑द्यते ५
 आ॒ज्जन॑गन्धिं सु॒रभिं॑ ब॒हन्ना॑म॒कृषी॑व॒लाम् ।
 प्रा॒हं मृ॒गाणां॑ मा॒तरं॑ म॒र॒या॒निर्म॑शंसिषम् ६

(१०२) द्व्युत्तरशततमं सूक्तम्

(१-५) पञ्चर्चस्यास्य सूक्तस्य शैरीषिः सुवेदा ऋषिः । इन्द्रो देवता । (१-४)

प्रथमादिचतुर्मुचां जगती, (५) पञ्चम्याश्च त्रिष्टुप् छन्दसी

श्र॒तै द॑धामि प्र॒थ॒माय॑ म॒न्यवे॑ ऽह॒न्यद्व॑त्रं न॒र्यं वि॒वेर॑पः ।
 उ॒भे य॑त्त्वा भव॑तो रोद॑सी अनु रेज॑ते शु॒ष्मात् पृ॒थि॒वी चि॑द॒द्रि॒वः १
 त्वं मा॒याभि॑रनवद्य मा॒यिनं॑ श्रव॒स्यता॑ मन॑सा वृ॒त्रम॑र्दयः ।
 त्वा॒मि॒न्नरौ॑ वृ॒णते॑ ग॒र्विष्टि॑षु त्वां वि॒श्वा॒सु ह॒व्या॒स्विष्टि॑षु २
 ऐ॒षु चा॑कन्धि पुरु॒हूत॑ सू॒रिषु॑ वृ॒धासो॑ ये म॒घव॑न्नान॒शुर्म॑घम् ।
 अ॒र्चन्ति॑ तो॒के तन॑ये परि॒ष्टिषु॑ मे॒धसा॑ता वा॒जिन॑म॒हये॑ धने॑ ३
 स इ॒न्नु रा॒यः सु॑भृतस्य चा॒कन् न्मदं॑ यो अ॒स्य र॑ह्यं चि॒कैत॑ति ।
 त्वा॒र्व॒धो म॑घवन् दा॒श्वध्व॑रो म॒क्षू स वा॑र्जं भ॒रते॑ ध॒ना नृ॑भिः ४
 त्वं श॒र्धाय॑ म॒हिना॑ गृ॒णान॑ उ॒रु कृ॑धि म॒घव॑ञ्छ॒ग्धि रा॒यः ।
 त्वं नो॑ मि॒त्रो वरु॑णो न मा॒यी पि॒त्वो न द॑स्म दय॑से वि॒भुक्ता ५

(१०३) त्र्युत्तरशततमं सूक्तम्

(१-५) पञ्चर्चस्यास्य सूक्तस्य वैन्यः पृथुर्ऋषिः । इन्द्रो देवता । त्रिष्टुप् छन्दः

सु॒ष्वा॒णासं॑ इन्द्र॒ स्तुम॑सि॒ त्वा स॑स॒वांसं॑श्च तुवि॒नृ॒म्णा वा॑र्जम् ।
 आ नो॑ भर सु॒वितं॑ यस्य॒ चा॒कन् त्म॑ना॒ तना॑ स॒नुयाम्॑ त्वो॒ताः १

ऋष्वस्त्वमिन्द्र शूर जातो दासीर्विशः सूर्येण सहाः ।
 गुहा हितं गुह्यं गूळहमप्सु बिभृमसि प्रस्त्रवणे न सोमम् २
 अर्यो वा गिरौ अभ्यर्च विद्वानृषीणां विप्रः सुमतिं चकानः ।
 ते स्याम ये रणयन्त सोमैरेनोत तुभ्यं रथोळह भुक्षैः ३
 इमा ब्रह्मेन्द्र तुभ्यं शंसि दा नृभ्यो नृणां शूर शर्वः ।
 तेभिर्भव सक्रतुर्येषु चाक न्रुत त्रायस्व गूणत उत स्तीन् ४
 श्रुधी हवमिन्द्र शूर पृथ्या उत स्तवसे वेन्यस्याकैः ।
 आ यस्ते योनिं घृतवन्तमस्वारूर्मिर्न निमैर्द्रवयन्त वक्वाः ५

(१०४) चतुरुत्तरशततमं सूक्तम्

(१-५) पञ्चर्चस्यास्य सूक्तस्य हैरण्यस्तूपोऽर्चनृषिः । सविता देवता ।

त्रिष्टुप् छन्दः

सविता यन्त्रैः पृथिवीर्मरणा दस्कम्भने सविता द्यामदंहत् ।
 अश्वमिवाधुक्षुद्धुनिमन्तरिक्षं मृतूतै बद्धं सविता समुद्रम् १
 यत्रा समुद्रः स्कभितो व्यौनदपां नपात् सविता तस्य वेद ।
 अतो भूरत आ उत्थितं रजो ऽतो द्यावापृथिवी अप्रथेताम् २
 पश्चेदमन्यदभवद्यजत्र ममर्त्यस्य भुवनस्य भूना ।
 सुपर्णो अङ्ग सवितुर्गुरुत्मान् पूर्वो जातः स उ अस्यानु धर्म ३
 गाव इव ग्रामं यूयुधिरिवाश्वान्वाश्रेव वृत्सं सुमना दुहाना ।
 पतिरिव जायामभि नो न्येतु धर्ता दिवः सविता विश्ववारः ४
 हिरण्यस्तूपः सवितुर्यथा त्वा ऽऽङ्गिरसो जुह्वे वाजं अस्मिन् ।
 एवा त्वार्चन्नवसे वन्दमानः सोमस्येवांशं प्रति जागराहम् ५

(१०५) पञ्चोत्तरशततमं सूक्तम्

(१-५) पञ्चर्चस्यास्य सूक्तस्य वासिष्ठो मृळीक ऋषिः । अग्निर्देवता । (१-३)

प्रथमादितृचस्य बृहती, (४) चतुर्थ्या ऋच उपरिष्ठाञ्ज्योतिर्जगती वा, (५)

पञ्चम्याश्चोपरिष्ठाञ्ज्योतिश्छन्दांसि

समिद्धश्चित् समिध्यसे देवेभ्यो हव्यवाहन ।

आदित्यै रुद्रैर्वसुभिर्न आ गंहि मृळीकार्यं न आ गंहि १

इमं यज्ञमिदं वचो जुजुषाण उपागहि ।
 मर्तासस्त्वा समिधान हवामहे मृळीकार्य हवामहे २
 त्वामु जातवैदसं विश्ववारं गृणे धिया ।
 अग्रै देवाँ आ वह नः प्रियव्रतान् मृळीकार्य प्रियव्रतान् ३
 अग्निर्देवो देवानामभवत् पुरोहितो ऽग्निं मनुष्याः ऋषयः समीधिरे ।
 अग्निं महो धनसातावहं हवे मृळीकं धनसातये ४
 अग्निरत्रिं भरद्वाजं गविष्ठिरं प्रावन्नः कण्वं त्रसदस्युमाहवे ।
 अग्निं वसिष्ठो हवते पुरोहितो मृळीकार्य पुरोहितः ५

(१०६) षडुत्तरशततमं सूक्तम्

(१-५) पञ्चर्चस्यास्य सूक्तस्य कामायनी श्रद्धा ऋषिका । श्रद्धा देवता ।

अनुष्टुप् छन्दः

श्रद्धयाग्निः समिध्यते श्रद्धया हूयते हविः ।
 श्रद्धां भगस्य मूर्धनि वचसा वैदयामसि १
 प्रियं श्रद्धे ददतः प्रियं श्रद्धे दिदासतः ।
 प्रियं भोजेषु यज्वस्विदं म उदितं कृधि २
 यथा देवा असुरेषु श्रद्धामुग्रेषु चक्रिरे ।
 एवं भोजेषु यज्वस्व स्माकमुदितं कृधि ३
 श्रद्धां देवा यजमाना वायुगोपा उपासते ।
 श्रद्धां हृदय्यश्याकूत्या श्रद्धया विन्दते वसु ४
 श्रद्धां प्रातर्हवामहे श्रद्धां मध्यंदिनं परि ।
 श्रद्धां सूर्यस्य निमृचि श्रद्धे श्रद्धापयेह नः ५

(१०७) सप्तोत्तरशततमं सूक्तम्

(१-५) पञ्चर्चस्यास्य सूक्तस्य भारद्वाजः शास ऋषिः । इन्द्रो देवता ।

अनुष्टुप् छन्दः

शास इत्था महां अस्य मित्रखादो अद्भुतः ।
 न यस्य हन्यते सखा न जीयते कदा चन १
 स्वस्तिदा विशस्पतिर्वृत्रहा विमृधो वशी ।
 वृषेन्द्रः पुर एतु नः सोमपा अभयंकरः २

वि र॒क्षो वि मृ॒धौ ज॒हि वि वृ॒त्रस्य॑ ह॒नू रुज॑ ।
 वि म॒न्युमिन्द्र॑ वृ॒त्रह॑ नृ॒मित्र॑स्याभि॒दास॑तः ३
 वि न॑ इन्द्र॒ मृधौ॑ ज॒हि नी॒चा यच्छ॑ पृ॒तन्य॑तः ।
 यो अ॒स्माँ अ॒भिदा॑स॒त्यध॑रं गमया॒ तमः॑ ४
 अपै॒न्द्र द्विष॑तो मनो ऽप॒ जिज्या॑सतो व॒धम् ।
 वि म॒न्योः शर्म॑ यच्छ॒ वरी॑यो यवया व॒धम् ५

(१०८) अष्टोत्तरशततमं सूक्तम्

(१-५) पञ्चर्चस्यास्य सूक्तस्य देवजामय इन्द्रमातर ऋषिकाः । इन्द्रो देवता ।

गायत्री छन्दः

ई॒द्वय॑न्तीर॒पस्यु॑व॒ इन्द्रं॑ जा॒तमु॑पासते । भे॒जा॒नासः॑ सु॒वीर्य॑म् १
 त्वमिन्द्र॑ ब॒लाद॑धि॒ सह॑सो जा॒त ओज॑सः । त्वं वृ॒षन् वृ॒षेद॑सि २
 त्वमिन्द्रा॑सि वृ॒त्रहा॑ व्य॒न्तरि॑क्षमतिरः । उद् द्याम॑स्त॒भ्ना ओज॑सा ३
 त्वमिन्द्र॑ स॒जोष॑स॒ मुक्कं॑ बि॒भर्षि॑ ब्रा॒ह्मोः । वज्रं॑ शिशा॒न् ओज॑सा ४
 त्वमिन्द्रा॑भिभू॒रसि॑ वि॒श्वा जा॒तान्यो॑जसा । स वि॒श्वा भुव॑ आ॒र्भवः॑ ५

(१०९) नवोत्तरशततमं सूक्तम्

(१-५) पञ्चर्चस्यास्य सूक्तस्य वैवस्वती यमी ऋषिका । भाववृत्तं देवता ।

अनुष्टुप् छन्दः

सोम॑ ए॒कैभ्यः॑ पवते घृ॒तमे॒क उ॑पासते ।
 येभ्यो॑ मधु॒ प्रधा॑र्वति ताँश्चि॒देवापि॑ गच्छतात् १
 तर्प॑सा॒ ये अ॒नाधृ॑ष्या॒ स्तर्प॑सा॒ ये स्व॑र्ययुः ।
 तपो॑ ये च॒क्रिरे॑ म॒ह॒स्ताँश्चि॒देवापि॑ गच्छतात् २
 ये यु॒ध्यन्ते॑ प्र॒धने॑षु शू॒रासो॑ ये त॒नूत्य॑जः ।
 ये वा॑ स॒हस्र॑दक्षि॒णा स्ताँश्चि॒देवापि॑ गच्छतात् ३
 ये चि॒त् पूर्वं॑ ऋ॒तसा॑प॒ ऋता॑वा॒न् ऋता॑वृधः ।
 पि॒तृन् तर्प॑स्वतो यम॒ ताँश्चि॒देवापि॑ गच्छतात् ४
 स॒हस्र॑णी॒थाः क॒वयो॑ ये गो॒पाय॑न्ति सूर्यम् ।
 ऋ॒षीन् तर्प॑स्वतो यम॒ तपो॑जाँ अ॒पि गच्छ॑तात् ५

(११०) दशोत्तरशततमं सूक्तम्

(१-५) पञ्चर्चस्यास्य सूक्तस्य भारद्वाजः शिरिम्बिठ ऋषिः । (१, ४)
प्रथमाचतुर्थ्योर्ऋचोरलक्ष्मीघ्नोऽर्थः, (२-३) द्वितीयातृतीययोर्ब्रह्मणस्पतिः, (५)
पञ्चम्याश्च विश्वे देवा देवताः । अनुष्टुप् छन्दः

अरायि काणे विकटे गिरिं गच्छ सदान्वे ।
शिरिम्बिठस्य सत्त्वभिस्तेभिष्ठा चातयामसि १
चत्तो इतश्चत्तामुतः सर्वा भूणान्यारुषी ।
अराय्यं ब्रह्मणस्पते तीक्ष्णशृङ्गोदृषन्निहि २
अदो यद्वारु प्लवते सिन्धोः पारे अपूरुषम् ।
तदा रभस्व दुर्हणो तेन गच्छ परस्तरम् ३
यद्ध प्राचीरजगन्तो रौ मण्डूरधाणिकीः ।
हुता इन्द्रस्य शत्रवः सर्वे बुद्धुदयाशवः ४
परीमे गार्मनेषतु पर्यग्निर्महषत ।
देवेष्वक्रतु श्रवः क इमाँ आ दधर्षति ५

(१११) एकादशोत्तरशततमं सूक्तम्

(१-५) पञ्चर्चस्यास्य सूक्तस्याग्नेयः केतुर्ऋषिः । अग्निर्देवता । गायत्री छन्दः
अग्निं हिन्वन्तु नो धियः सप्तिमाशुमिवाजिषु । तेन जेष्म धनं धनम् १
यया गा आकरामहे सेनयाग्ने तवोत्या । तां नो हिन्व मघत्तये २
आग्ने स्थूरं रयिं भर पृथुं गोमन्तमश्विनम् । अङ्घ्रि खं वर्तया पुणिम् ३
अग्ने नक्षत्रमजर मा सूर्यं रोहयो दिवि । दधञ्ज्योतिर्जनैभ्यः ४
अग्ने केतुर्विशामसि प्रेष्टुः श्रेष्ठ उपस्थसत् । बोधां स्तोत्रे वयो दधत् ५

(११२) द्वादशोत्तरशततमं सूक्तम्

(१-५) पञ्चर्चस्यास्य सूक्तस्याप्यग्नौ भुवनः, भौवनः साधनो वा ऋषिः । विश्वे देवा
देवताः । द्विपदा त्रिष्टुप् छन्दः
इमा नु कं भुवना सीषधामेन्द्रश्च विश्वे च देवाः १
यज्ञं च नस्तन्वं च प्रजां चाऽऽदित्यैरिन्द्रः सह चीकलृपाति १ २
आदित्यैरिन्द्रः सर्गणो मरुद्भि रस्माकं भूत्वविता तनूनाम् ३
हत्वाय देवा असुरान् यदायन् देवा दैवत्वमभिरक्षमाणाः २ ४

प्रत्यञ्चमर्कमनयञ्छर्चीभि रादित् स्वधामिषिरां पर्यपश्यन् ३ ५

(११३) त्रयोदशोत्तरशततमं सूक्तम्

(१-५) पञ्चर्चस्यास्य सूक्तस्य सौर्यश्चक्षुर्ऋषिः । सूर्यो देवता । गायत्री छन्दः
 सूर्यो नो दिवस्पातु वातौ अन्तरिक्षात् । अग्निर्नः पार्थिवेभ्यः १
 जोषां सवितर्यस्य ते हरः शतं सवाँ अर्हति । प्राहि नो दिद्युतः पतन्त्याः २
 चक्षुर्नो देवः सविता चक्षुर्न उत पर्वतः । चक्षुर्धाता दधातु नः ३
 चक्षुर्नो धेहि चक्षुषे चक्षुर्विख्यै तनूभ्यः । सं चेदं वि च पश्येम ४
 सुसंदृशं त्वा वयं प्रति पश्येम सूर्य । वि पश्येम नृचक्षसः ५

(११४) चतुर्दशोत्तरशततमं सूक्तम्

(१-६) षडृचस्यास्य सूक्तस्य पौलोमी शची ऋषिका । शची देवता ।

अनुष्टुप् छन्दः

उदसौ सूर्यो अगा दुदयं मामको भगः ।
 अहं तद्विद्वला पति मभ्यसाक्षि विषासहिः १
 अहं केतुरहं मूर्धा ऽहमुग्रा विवाचनी ।
 ममेदनु क्रतुं पतिः सेहानाया उपाचरेत् २
 मम पुत्राः शत्रुहणो ऽथौ मे दुहिता विराट् ।
 उताहर्मस्मि संजया पत्यौ मे श्लोक उत्तमः ३
 येनेन्द्रो हविषा कृत्य भवद्द्युम्नयुत्तमः ।
 इदं तदक्रि देवा असपत्ना किलाभिवम् ४
 असपत्ना सपत्नी जयन्त्यभिभूवरी ।
 आवृक्षमन्यासां वर्चो राधो अस्थैयसामिव ५
 समजैषमिमा अहं सपत्नीरभिभूवरी ।
 यथाहमस्य वीरस्य विराजानि जनस्य च ६

(११५) पञ्चदशोत्तरशततमं सूक्तम्

(१-५) पञ्चर्चस्यास्य सूक्तस्य वैश्वामित्रः पूरण ऋषिः । इन्द्रो देवता ।

त्रिष्टुप् छन्दः

तीव्रस्याभिर्वयसो अस्य पाहि सर्वरथा वि हरी इह मुञ्च ।

इन्द्र मा त्वा यजमानासो अन्ये नि रीरमन् तुभ्यमिमे सुतासः १
 तुभ्यं सुतास्तुभ्यमु सोत्वास् स्त्वां गिरः श्वात्र्या आ ह्वयन्ति ।
 इन्द्रेदमद्य सर्वनं जुषाणो विश्वस्य विद्वाँ इह पाहि सोमम् २
 य उशता मनसा सोममस्मै सर्वहृदा देवकामः सुनोति ।
 न गा इन्द्रस्तस्य परा ददाति प्रशस्तमिच्चारुमस्मै कृणोति ३
 अनुस्पष्टो भवत्येषो अस्य यो अस्मै रेवान् न सुनोति सोमम् ।
 निररत्नौ मघवा तं दधाति ब्रह्मद्विषौ हन्त्यनानुदिष्टः ४
 अश्वायन्तौ गव्यन्तौ वाजयन्तो हवामहे त्वोपगन्तवा उ ।
 आभूषन्तस्ते सुमतौ नवायां वयमिन्द्र त्वा शनं हुवेम ५

(११६) षोडशोत्तरशततमं सूक्तम्

(१-५) पञ्चर्चस्यास्य सूक्तस्य प्राजापत्यो यक्ष्मनाशन ऋषिः । इन्द्राग्नी
 राजयक्ष्मघ्नरूपोऽर्थो वा देवता । (१-४) प्रथमादिचतुर्ऋचां त्रिष्टुप्, (५)

पञ्चम्याश्चानुष्टुप् छन्दसी

मुञ्चामि त्वा हविषा जीवनाय क मज्ञातयक्ष्मादुत राजयक्ष्मात् ।
 ग्राहिर्जग्राह यदि वैतदेनं तस्या इन्द्राग्नी प्र मुमुक्तमेनम् १
 यदि क्षितायुर्यदि वा परेतो यदि मृत्योरन्तिकं नीत एव ।
 तमा हरामि निऋतेरुपस्था दस्पर्षमेनं शतशारदाय २
 सहस्राक्षेण शतशारदेन शतायुषा हविषाहर्षमेनम् ।
 शतं यथेमं शरदो नयातीन्द्रो विश्वस्य दुरितस्य पारम् ३
 शतं जीव शरदो वर्धमानः शतं हैमन्ताञ्छतमु वसन्तान् ।
 शतमिन्द्राग्नी संविता बृहस्पतिः शतायुषा हविषेमं पुनर्दुः ४
 आहर्षि त्वाविदं त्वा पुनरागाः पुनर्नव ।
 सर्वाङ्ग सर्वं ते चक्षुः सर्वमायुश्च तेऽविदम् ५

(११७) सप्तदशोत्तरशततमं सूक्तम्

(१-६) षडृचस्यास्य सूक्तस्य ब्राह्मो रक्षोहा ऋषिः । गर्भसमाधानरूपोऽर्थो देवता

। अनुष्टुप् छन्दः

ब्रह्मणाग्निः संविदानो रक्षोहा बाधतामितः ।
 अमीवा यस्ते गर्भं दुर्गामा योनिमाशयै १

यस्ते गर्भममीवा दुर्णामा योनिमाशयै ।
 अग्निष्टं ब्रह्मणा सह निष्क्रव्यादमनीनशत् २
 यस्ते हन्ति पतर्यन्तं निषत्सुं यः सरीसृपम् ।
 जातं यस्ते जिघांसति तमितो नाशयामसि ३
 यस्त ऊरू विहरत्यन्तरा दंपती शयै ।
 योनिं यो अन्तरारेळिह तमितो नाशयामसि ४
 यस्त्वा भ्राता पतिर्भूत्वा जारो भूत्वा निपद्यते ।
 प्रजां यस्ते जिघांसति तमितो नाशयामसि ५
 यस्त्वा स्वप्नेन तमसा मोहयित्वा निपद्यते ।
 प्रजां यस्ते जिघांसति तमितो नाशयामसि ६

(११८) अष्टादशोत्तरशततमं सूक्तम्

(१-६) षडृचस्यास्य सूक्तस्य काश्यपो विवृहा ऋषिः । यक्ष्मनाशनरूपोऽर्थो देवता । अनुष्टुप् छन्दः

अक्षीभ्यां ते नासिकाभ्यां कर्णाभ्यां छुबुकादधि ।
 यक्ष्मं शीर्षण्यं मुस्तिष्का जिह्वाया वि वृहामि ते १
 ग्रीवाभ्यस्त उष्णिहाभ्यः कीकसाभ्यो अनूक्यात् ।
 यक्ष्मं दोषण्यं मंसाभ्यां बाहुभ्यां वि वृहामि ते २
 आन्त्रेभ्यस्ते गुदाभ्यो वनिष्ठोर्हदयादधि ।
 यक्ष्मं मर्तस्त्राभ्यां यक्नः प्लाशिभ्यो वि वृहामि ते ३
 ऊरुभ्यां ते अष्टीवद्भ्यां पाष्णिभ्यां प्रपदाभ्याम् ।
 यक्ष्मं श्रोणिभ्यां भासदा ब्रंससो वि वृहामि ते ४
 मेहनाद्वनंकरणा ल्लोमभ्यस्ते नखेभ्यः ।
 यक्ष्मं सर्वस्मादात्मन स्तमिदं वि वृहामि ते ५
 अङ्गादङ्गाल्लोमोऽलोमो जातं पर्वणिपर्वणि ।
 यक्ष्मं सर्वस्मादात्मन स्तमिदं वि वृहामि ते ६

(११९) एकोनविंशत्युत्तरशततमं सूक्तम्

(१-५) पञ्चर्चस्यास्य सूक्तस्याङ्गिरसः प्रचेता ऋषिः । दुःस्वप्ननाशनरूपोऽर्थो देवता
 । (१-२, ४) प्रथमाद्वितीयाचतुर्थीनामृचामनुष्टुप्, (३) तृतीयायास्त्रिष्टुप्, (५)

पञ्चम्याश्च पङ्क्तिश्छन्दांसि

अपैहि मनसस्पते ऽपं क्राम पुरश्चर ।
 पुरो निर्ऋत्या आ चक्ष्व बहुधा जीवतो मनः १
 भद्रं वै वरं वृणते भद्रं युञ्जन्ति दक्षिणम् ।
 भद्रं वैवस्वते चक्षुर्बहुत्रा जीवतो मनः २
 यदाशसा निःशसाभिःशसौ पारिम जाग्रतो यत् स्वपन्तः ।
 अग्निर्विश्वान्यपं दुष्कृता न्यजुष्टान्यारे अस्मद् दधातु ३
 यदिन्द्र ब्रह्मणस्पते ऽभिद्रोहं चरामसि ।
 प्रचेता न आङ्गिरसो द्विषतां पात्वंहसः ४
 अजैष्माद्यासनाम् चाऽभूमानागसो वयम् ।
 जाग्रत्स्वप्नः सङ्कल्पः पापो यं द्विष्मस्तं स ऋच्छतु यो नो द्वेष्टि तमृच्छतु ५

(१२०) विंशत्युत्तरशततमं सूक्तम्

(१-५) पञ्चर्चस्यास्य सूक्तस्य नैऋतः कपोत ऋषिः । विश्वे देवा देवताः ।

त्रिष्टुप् छन्दः

देवाः कपोत इषितो यदिच्छन् दूतो निर्ऋत्या इदमाजगाम ।
 तस्मा अर्चाम कृण्वाम निष्कृतिं शं नो अस्तु द्विपदे शं चतुष्पदे १
 शिवः कपोत इषितो नो अस्त्व नागा देवाः शकुनो गृहेषु ।
 अग्निर्हि विप्रो जुषता हविर्नः परि हेतिः पक्षिणी नो वृणक्तु २
 हेतिः पक्षिणी न दधात्यस्मान्नाष्ट्यां पदं कृणुते अग्निधाने ।
 शं नो गोभ्यश्च पुरुषेभ्यश्चास्तु मा नो हिंसीदिह देवाः कपोतः ३
 यदुलूको वदति मोघमेत द्यत् कपोतः पदमग्नौ कृणोति ।
 यस्य दूतः प्रहित एष एतत् तस्मै यमाय नमो अस्तु मृत्यवे ४
 ऋचा कपोत नुदत प्रणोद् मिषं मदन्तः परि गां नयध्वम् ।
 संयोपर्यन्तो दुरितानि विश्वा हित्वा न ऊर्जं प्र पतात्पतिष्ठः ५

(१२१) एकविंशत्युत्तरशततमं सूक्तम्

(१-५) पञ्चर्चस्यास्य सूक्तस्य वैराजः शाक्वरो वा ऋषभ ऋषिः । सपत्नरूपोऽर्थो देवता । (१-४) प्रथमादिचतुर्ऋचामनुष्टुप्, (५) पञ्चम्याश्च महापङ्क्तिश्छन्दसी ऋषभं मां समानानां सपत्नानां विषासहिम् ।

हन्तारं शत्रूणां कृधि विराजं गोपतिं गवाम् १
 अहमस्मि सपत्नहेन्द्र इवारिष्टो अक्षतः ।
 अधः सपत्नी मे पदो रिमे सर्वे अभिष्ठिताः २
 अत्रैव वोऽपि नह्याम्युभे आर्त्नी इव ज्यया ।
 वाचस्पते नि षेधेमान् यथा मदधरं वदान् ३
 अभिभूरहमार्गमं विश्वकर्मेण धाम्ना ।
 आ वञ्चित्तमा वो वृत मा वोऽहं समितिं ददे ४
 योगक्षेमं व आदायाऽहं भूयासमुत्तम आ वो मूर्धानमक्रमीम् ।
 अधस्पदान्म उद्वदत मण्डूका इवोदका न्मण्डूका उदकादिव ५

(१२२) द्वाविंशत्युत्तरशततमं सूक्तम्

(१-४) चतुर्ऋचस्यास्य सूक्तस्य विश्वामित्रजमदग्नी ऋषी । (१-२, ४)

प्रथमाद्वितीयाचतुर्थीनामृचामिन्द्रः, (३) तृतीयायाश्च

सोमवरुणबृहस्पत्यनुमतिमघवद्धातृविधातारो देवताः । जगती छन्दः

तुभ्येदमिन्द्र परि पिच्यते मधु त्वं सुतस्य कलशस्य राजसि ।
 त्वं रयिं पुरुवीरामु नस्कृधि त्वं तर्पः परितप्याजयः स्वः १
 स्वर्जितं महि मन्दानमन्धसो हवामहे परि शक्रं सुतां उप ।
 इमं नो यज्ञमिह बोध्या गहि स्पृधो जयेन्तं मघवन्ममीमहे २
 सोमस्य राज्ञो वरुणस्य धर्मणि बृहस्पतेरनुमत्या उ शर्मणि ।
 तवाहमद्य मघवन्नपस्तुतौ धातुर्विधातः कलशा अभक्षयम् ३
 प्रसूतो भक्षमकरं चरावपि स्तोमं चेमं प्रथमः सूरिरुन्मृजे ।
 सुते सातेन यद्यागमं वां प्रति विश्वामित्रजमदग्नी दमै ४

(१२३) त्रयोविंशत्युत्तरशततमं सूक्तम्

(१-४) चतुर्ऋचस्यास्य सूक्तस्य वातायनोऽनिल ऋषिः । वायुर्देवता ।

त्रिष्टुप् छन्दः

वार्तस्य नु महिमानं रथस्य रुजन्नैति स्तनयन्नस्य घोषः ।
 दिविस्पृग्यात्यरुणानि कृणव नुतो एति पृथिव्या रेणुमस्यन् १
 सं प्रेरते अनु वार्तस्य विष्टा ऐर्न गच्छन्ति समनं न योषाः ।
 ताभिः सयुक् सरथं देव ईयते ऽस्य विश्वस्य भुवनस्य राजा २

अन्तरिक्षे पृथिभिरीयमानो न नि विंशते कतमच्चनाहः ।
 अपां सर्वा प्रथमजा ऋतावा क्व स्विज्ञातः कुत आ बभूव ३
 आत्मा देवानां भुवनस्य गर्भो यथावशं चरति देव एषः ।
 घोषा इदस्य शृणिवरे न रूपं तस्मै वाताय हविषा विधेम ४

(१२४) चतुर्विंशत्युत्तरशततमं सूक्तम्

(१-४) चतुर्ऋचस्यास्य सूक्तस्य काक्षीवतः शबर ऋषिः । गावो देवताः ।

त्रिष्टुप् छन्दः

मयोभूर्वातो अभि वातूस्त्रा ऊर्जस्वतीरोषधीरा रिशन्ताम् ।
 पीवस्वतीर्जीवधन्याः पिब न्त्ववसाय पद्वतै रुद्र मृळ १
 याः सरूपा विरूपा एकरूपा यासामग्निरिष्ट्या नामानि वेद ।
 या अङ्गिरसस्तपसेह चक्रु स्ताभ्यः पर्जन्य महि शर्म यच्छ २
 या देवेषु तन्वश्मैरयन्त यासां सोमो विश्वा रूपाणि वेद ।
 ता अस्मभ्यं पर्यसा पिन्वमानाः प्रजावतीरिन्द्र गोष्ठे रिरीहि ३
 प्रजापतिर्मह्यमेता रराणो विश्वैर्देवैः पितृभिः संविदानः ।
 शिवाः सतीरुप नो गोष्ठमाकस्तासां वयं प्रजया सं सदेम ४

(१२५) पञ्चविंशत्युत्तरशततमं सूक्तम्

(१-४) चतुर्ऋचस्यास्य सूक्तस्य सूर्यो विभ्राडृषिः । सूर्यो देवता । (१-३)

प्रथमादितृचस्य जगती, (४) चतुर्थ्या ऋचश्चास्तारपङ्क्तिश्छन्दसी

विभ्राड् बृहत् पिबतु सोम्यं मध्वायुर्दधद्यज्ञपतावविहुतम् ।
 वातजतो यो अभिरक्षति त्मना प्रजाः पुपोष पुरुधा वि राजति १
 विभ्राड् बृहत् सुभृतं वाजसातमं धर्मन् दिवो धरुणै सत्यमर्पितम् ।
 अमित्रहा वृत्रहा दस्युहंतं ज्योतिर्जज्ञे असुरहा संपत्तहा २
 इदं श्रेष्ठं ज्योतिषां ज्योतिरुत्तमं विश्वजिद्धं न जिदुच्यते बृहत् ।
 विश्वभ्राड् भ्राजो महि सूर्यो दृश उरु पप्रथे सह ओजो अच्युतम् ३
 विभ्राजञ्ज्योतिषा स्वर्गच्छो रोचनं दिवः ।
 येनेमा विश्वा भुवनान्याभृता विश्वकर्मणा विश्वदैव्यावता ४

(१२६) षड्विंशत्युत्तरशततमं सूक्तम्

(१-४) चतुर्ऋचस्यास्य सूक्तस्य भार्गव इट ऋषिः । इन्द्रो देवता । गायत्री छन्दः
 त्वं त्यमि॒टतो॑ रथ॒ मिन्द्र॒ प्रावः॑ सु॒ताव॑तः । अ॒शृ॒णोः सो॒मिनो॑ ह॒वम् १
 त्वं म॒खस्य॑ दो॒धतः॑ शिरोऽव॑ त्व॒चो भ॑रः । अ॒गच्छः॑ सो॒मिनो॑ गृ॒हम् २
 त्वं त्यमि॒न्द्र म॒र्त्यमा॑स्त्रबु॒धाय॑ वे॒न्यम् । मुहुः॑ श्रथ्ना म॒न॒स्यवै॑ ३
 त्वं त्यमि॒न्द्र सूर्यं॑ प॒श्चा सन्तं॑ पु॒रस्कृ॑धि । दे॒वानां॑ चि॒त्तिरो॑ व॒शम् ४

(१२७) सप्तविंशत्युत्तरशततमं सूक्तम्

(१-४) चतुर्ऋचस्यास्य सूक्तस्याङ्गिरसः संवर्त ऋषिः । उषा देवता । द्विपदा विराट् छन्दः

आ या॒हि व॑न॒सा स॒ह गा॑वः सच॒न्त वर्त॑निं यदू॒र्धभिः॑ १
 आ या॒हि व॑स्व्या॒ धिया॑ मं॒हिष्ठो॑ जा॒रय॑न्म॒खः सु॑दानु॒भिः १ २
 पि॒तुभृ॑तो न तन्तु॒मित् सु॑दान॒वः प्र॑ति॒ दध्मो॑ य॒जाम॑सि ३
 उ॒षा अप॒ स्वसु॑स्तमः॒ सं वर्त॑यति वर्त॒निं सु॑जा॒तता॑ २ ४

(१२८) अष्टाविंशत्युत्तरशततमं सूक्तम्

(१-६) षडृचस्यास्य सूक्तस्याङ्गिरसो ध्रुव ऋषिः । राजस्तुतिर्देवता ।

अनुष्टुप् छन्दः

आ त्वा॒हार्ष॑म॒न्तरै॑धि ध्रु॒वस्ति॑ष्ठावि॒चाच॑लिः ।
 वि॒शस्त्वा॒ सर्वा॑ वाञ्छन्तु॒ मा त्व॑द्राष्ट्रम॒धि भ्र॑शत् १
 इ॒हैवै॑धि मा॒पं च्यो॑ष्टाः पर्व॑त इ॒वावि॑चाचलिः ।
 इन्द्र॑ इ॒वेह॑ ध्रु॒वस्ति॑ष्ठे ह रा॒ष्ट्रमे॑ धारय २
 इ॒ममिन्द्रो॑ अ॒दीध॑रद् ध्रु॒वं ध्रु॒वेण॑ ह॒विषा॑ ।
 तस्मै॑ सोमो॒ अधि॑ ब्र॒वत् तस्मा॑ उ॒ ब्रह्म॑णस्पतिः ३
 ध्रु॒वा द्यौर्ध्रु॑वा पृ॒थि॒वी ध्रु॒वासः॑ पर्व॑ता इमे ।
 ध्रु॒वं वि॒श्वमि॑दं जग॑द् ध्रु॒वो राजा॑ वि॒शाम॑यम् ४
 ध्रु॒वं ते राजा॑ वरु॒णो ध्रु॒वं दे॒वो बृ॑हस्पतिः ।
 ध्रु॒वं त इन्द्र॑श्चाग्निश्च रा॒ष्ट्रं धा॑रयतां ध्रु॒वम् ५
 ध्रु॒वं ध्रु॒वेण॑ ह॒विषा॑ ऽभि सोमं मृ॒शाम॑सि ।
 अथो॑ त इन्द्रः के॒वली॑ वि॒शौ ब॑लि॒हत॑स्करत् ६

(१२६) एकोनत्रिंशदुत्तरशततमं सूक्तम्

(१-५) पञ्चर्चस्यास्य सूक्तस्याङ्गिरसोऽभीवर्त ऋषिः । राजस्तुतिर्देवता ।

अनुष्टुप् छन्दः

अ॒भी॒व॒र्तेन॑ ह॒विषा॑ येनेन्द्रो॑ अ॒भिवा॑वृ॒ते ।
 तेना॒स्मान् ब्र॑ह्मणस्प॒ते ऽभि॑ रा॒ष्ट्राय॑ वर्तय १
 अ॒भि॒वृ॒त्य स॒पत्ना॑ न॒भि या नो॑ अ॒रा॒तयः॑ ।
 अ॒भि पृ॑त॒न्यन्तं॑ तिष्ठा॒ ऽभि यो न॑ इ॒रस्य॑ति २
 अ॒भि त्वा॑ दे॒वः स॒वि॒ता ऽभि॑ सोमो॑ अ॒वीवृ॑तत् ।
 अ॒भि त्वा॑ वि॒श्वा भू॒ता न्य॑भीव॒र्तो यथा॑स॒सि ३
 येनेन्द्रो॑ ह॒विषा॑ कृ॒त्व्यभ॑वद् हु॒म्रयु॑त्तमः ।
 इदं॑ तद॒क्रि दे॒वा अस॑प॒त्नः कि॒लाभु॑वम् ४
 अ॒स॒प॒त्नः स॑प॒त्नहा॑ ऽभि॒राष्ट्रो॑ वि॒षास॑हिः ।
 यथा॑हमे॒षां भू॒तानां॑ वि॒राजा॑नि॒ जन॑स्य च ५

(१३०) त्रिंशदुत्तरशततमं सूक्तम्

(१-४) चतुर्ऋचस्यास्य सूक्तस्यार्बुदिः सार्ष ऊर्ध्वग्रावा ऋषिः । ग्रावाणो देवताः

। गायत्री छन्दः

प्र वो॑ ग्रावा॒णः स॒वि॒ता दे॒वः सु॑व॒तु ध॑र्म॒णा । धूर्षु॑ यु॒ज्यध्वं॑ सु॒नुत॑ १
 ग्रावा॒णो अप॑ दु॒च्छुना॑ म॒प से॑धत दु॒र्म॒तिम् । उ॒स्त्राः क॑र्त॒न भे॑ष॒जम् २
 ग्रावा॒ण उ॒परे॑ष्वा म॒हीय॑न्ते स॒जोष॑सः । वृ॒ष्णे द॑ध॒तो वृ॑ष्ण॒यम् ३
 ग्रावा॒णः स॒वि॒ता नु॑ वो॑ दे॒वः सु॑व॒तु ध॑र्म॒णा । य॒जमा॑नाय सु॒न्वते॑ ४

(१३१) एकत्रिंशदुत्तरशततमं सूक्तम्

(१-४) चतुर्ऋचस्यास्य सूक्तस्यार्भवः सूनुर्ऋषिः । (१) प्रथमर्च ऋभवः, (२-४) द्वितीयादितृचस्य चाग्निर्देवता । (१, ३-४) प्रथमर्चस्तृतीयाचतुर्थ्योरनुष्टुप्, (२)

द्वितीयायाश्च गायत्री छन्दसी

प्र सू॒नव॑ ऋ॒भूणां॑ बृ॒हन्न॑वन्त वृ॒जना॑ ।
 क्षा॒मा ये वि॒श्वधा॑य॒सो ऽश्न॑न् धे॒नुं न मा॑तर॒म् १
 प्र दे॒वं दे॒व्या धि॒या भर॑ता जा॒तवै॑दसम् ।
 ह॒व्या नो॑ व॒क्षदा॑नुषक् २

अयमु ष्य प्र देवयुर्होता यज्ञाय नीयते ।
 रथो न योर्भीवृतो घृणीवाञ्चेतति त्मना ३
 अयमग्निरुष्यत्य मृतादिव जन्मनः ।
 सहसश्चित् सहीयान् देवो जीवातवे कृतः ४

(१३२) द्वात्रिंशदुत्तरशततमं सूक्तम्

(१-३) तृचस्यास्य सूक्तस्य प्राजापत्यः पतङ्ग ऋषिः । मायाभेदो देवता । (१)
 प्रथमर्चो जगती, (२-३) द्वितीयातृतीययोश्च त्रिष्टुप् छन्दसी
 पतङ्गमुक्तमसुरस्य मायया हृदा पश्यन्ति मनसा विपश्चितः ।
 समुद्रे अन्तः कवयो वि चक्षते मरीचीनां पदमिच्छन्ति वेधसः १
 पतङ्गो वाचं मनसा बिभर्ति तां गन्धर्वोऽवदद्भै अन्तः ।
 तां द्योतमानां स्वयं मनीषा मृतस्य पदे कवयो नि पान्ति २
 अपश्यं गोपामनिपद्यमान मा च परा च पृथिभिश्चरन्तम् ।
 स सध्रीचीः स विषूचीर्वसान् आ वरीवर्ति भुवनेष्वन्तः ३

(१३३) त्रयस्त्रिंशदुत्तरशततमं सूक्तम्

(१-३) तृचस्यास्य सूक्तस्य तादर्योऽरिष्टनेमिर्ऋषिः । तादर्यो देवता ।
 त्रिष्टुप् छन्दः
 त्यमू षु वाजिनं देवजूतं सहावानं तरुतारं रथानाम् ।
 अरिष्टनेमिं पृतनार्जमाशुं स्वस्तये तादर्यमिहा हुवेम १
 इन्द्रस्येव रातिमाजोहुवानाः स्वस्तये नारमिवा रुहेम ।
 उर्वी न पृथ्वी बहुले गर्भीरि मा वामेतौ मा परेतौ रिषाम २
 सद्यश्चिद्यः शर्वसा पञ्च कृष्टीः सूर्य इव ज्योतिषापस्ततान् ।
 सहस्रसाः शतसा अस्य रंहिर्न स्मा वरन्ते युवतिं न शर्याम् ३

(१३४) चतुस्त्रिंशदुत्तरशततमं सूक्तम्

(१-३) तृचस्यास्य सूक्तस्य (१) प्रथमर्च औशीनरः शिबिः, (२) द्वितीयायाः
 काशिराजः प्रतर्दनः, ३ तृतीयायाश्च रौहिदश्चो वसुमना ऋषयः । इन्द्रो देवता ।
 (१) प्रथमर्चोऽनुष्टुप्, (२-३) द्वितीयातृतीययोश्च त्रिष्टुप् छन्दसी
 उत्तिष्ठताव पश्यतेन्द्रस्य भागमृत्वियम् ।

यदि श्रातो जुहोतन् यद्यश्रातो ममुत्तनं १
 श्रातं हविरो ष्विन्द्र प्र याहि जगाम सूरौ अध्वनो विमध्यम् ।
 परि त्वासते निधिभिः सखायः कुलपा न ब्राजपतिं चरन्तम् २
 श्रातं मन्य ऊर्ध्वनि श्रातमग्नौ सुश्रातं मन्ये तदृतं नवीयः ।
 माध्यन्दिनस्य सर्वनस्य दुध्नः पिबेन्द्र वज्रिन् पुरुकृजुषाणः ३

(१३५) पञ्चत्रिंशदुत्तरशततमं सूक्तम्

(१-३) तृचस्यास्य सूक्तस्यैन्द्रो जय ऋषिः । इन्द्रो देवता । त्रिष्टुप् छन्दः
 प्र संसाहिषे पुरुहूत शत्रूञ्जयेष्टे शुष्मं इह रातिरस्तु ।
 इन्द्रा भर दक्षिणेना वसूनि पतिः सिन्धूनामसि रेवतीनाम् १
 मृगो न भीमः कुचरो गिरिष्ठाः परावत आ जगन्था परस्याः ।
 सृकं संशायं पविमिन्द्र तिम्रं वि शत्रून् ताळिह वि मृधौ नुदस्व २
 इन्द्र क्षत्रमभि वाममोजो ऽजायथा वृषभ चर्षणीनाम् ।
 अपानुदो जनममित्रयन्तं मुरुं देवेभ्यो अकृणोरु लोकम् ३

(१३६) षट्त्रिंशदुत्तरशततमं सूक्तम्

(१-३) तृचस्यास्य सूक्तस्य (१) प्रथमर्चो वासिष्ठः प्रथः, (२) द्वितीयाया
 भारद्वाजः सप्रथः, (३) तृतीयायाश्च सौर्यो घर्म ऋषयः । विश्वे देवा देवताः ।
 त्रिष्टुप् छन्दः

प्रथश्च यस्य सप्रथश्च नामा ऽऽनुष्टुभस्य हविषो हविर्यत् ।
 धातुर्द्युतानात् सवितुश्च विष्णो रथन्तरमा जभारा वसिष्ठः १
 अविन्दन्ते अतिहितं यदासी द्यज्ञस्य धाम परमं गुहा यत् ।
 धातुर्द्युतानात् सवितुश्च विष्णो भरद्वाजो बृहदा चक्रे अग्नेः २
 तैऽविन्दन् मनसा दीध्याना यजुः ष्क्रन्नं प्रथमं देवयानम् ।
 धातुर्द्युतानात् सवितुश्च विष्णो रा सूर्यादभरन् घर्ममेते ३

(१३७) सप्तत्रिंशदुत्तरशततमं सूक्तम्

(१-३) तृचस्यास्य सूक्तस्य बार्हस्पत्यस्तपुर्मूर्धा ऋषिः । बृहस्पतिर्देवता ।

त्रिष्टुप् छन्दः

बृहस्पतिर्नयतु दुर्गहा तिरः पुनर्नेषदघशसाय मन्म ।

क्षिपदशस्तिमपे दुर्मतिं ह न्नथा कर्द्यजमानाय शं योः १
 नराशंसौ नोऽवतु प्रयाजे शं नो अस्त्वनुयाजो हवेषु ।
 क्षिपदशस्तिमपे दुर्मतिं ह न्नथा कर्द्यजमानाय शं योः २
 तपुर्मूर्धा तपतु रक्षसो ये ब्रह्मद्विषः शरवे हन्तवा उ ।
 क्षिपदशस्तिमपे दुर्मतिं ह न्नथा कर्द्यजमानाय शं योः ३

(१३८) अष्टात्रिंशदुत्तरशततमं सूक्तम्

(१-३) तृचस्यास्य सूक्तस्य प्राजापत्यः प्रजावानृषिः । (१) प्रथमर्चो यजमानः,
 (२) द्वितीयाया यजमानपत्नी, (३) तृतीयायाश्च होत्राशिषो देवताः । त्रिष्टुप् छन्दः
 अपश्यं त्वा मनसा चेकितानं तपसो जातं तपसो विभूतम् ।
 इह प्रजामिह रयिं रराणः प्र जायस्व प्रजया पुत्रकाम १
 अपश्यं त्वा मनसा दीध्यानां स्वायां तनू ऋत्व्ये नार्धमानाम् ।
 उप मामुच्चा युवतिर्बभूयाः प्र जायस्व प्रजया पुत्रकामे २
 अहं गर्भमदधामोषधीष्वहं विश्वेषु भुवनेष्वन्तः ।
 अहं प्रजा अजनयं पृथिव्यामहं जनिभ्यो अपरीषु पुत्रान् ३

(१३९) एकोनचत्वारिंशदुत्तरशततमं सूक्तम्

(१-३) तृचस्यास्य सूक्तस्य गर्भकर्ता त्वष्टा प्राजापत्यो विष्णुर्वा ऋषिः । (१)
 प्रथमर्चो विष्णुत्वष्टृप्रजापतिधातारः, (२) द्वितीयायाः सिनीवालीसरस्वत्यश्विनः,
 (३) तृतीयायाश्चाश्विनौ देवताः । अनुष्टुप् छन्दः
 विष्णुर्योनिं कल्पयतु त्वष्टा रूपाणि पिंशतु ।
 आ सिञ्चतु प्रजापतिर्धाता गर्भं दधातु ते १
 गर्भं धेहि सिनीवालि गर्भं धेहि सरस्वति ।
 गर्भं ते अश्विनौ देवा वा धत्तां पुष्करस्त्रजा २
 हिरण्ययी अरणी यं निर्मन्थतो अश्विनौ ।
 तं ते गर्भं हवामहे दशमे मासि सूतवे ३

(१४०) चत्वारिंशदुत्तरशततमं सूक्तम्

(१-३) तृचस्यास्य सूक्तस्य वारुणिः सत्यधृतिर्ऋषिः । आदित्यो देवता ।
 गायत्री छन्दः

महि त्रीणामवोऽस्तु द्युक्षं मित्रस्यार्यम्णः । दुराधर्षं वरुणस्य १
 नहि तेषाममा चन नाध्वंसु वारुणेषु । ईशे रिपुरघशंसः २
 यस्मै पुत्रासो अदितेः प्र जीवसे मर्त्याय । ज्योतिर्यच्छन्त्यजस्रम् ३

(१४१) एकचत्वारिंशदुत्तरशततमं सूक्तम्

(१-३) तृचस्यास्य सूक्तस्य वातायन उल ऋषिः । वायुर्देवता । गायत्री छन्दः
 वात आ वातु भेषजं शंभु मयोभु नो हृदे । प्र ण आर्यूषि तारिषत् १
 उत वात पितासि न उत भ्रातोत नः सखा । स नो जीवातवे कृधि २
 यददो वात ते गृहेऽमृतस्य निधिर्हितः । ततो नो देहि जीवसे ३

(१४२) द्विचत्वारिंशदुत्तरशततमं सूक्तम्

(१-५) पञ्चर्चस्यास्य सूक्तस्याग्नेयो वत्स ऋषिः । अग्निर्देवता । गायत्री छन्दः
 प्राग्रये वाचमीरय वृषभाय क्षितीनाम् । स नः पर्षदति द्विषः १
 यः परस्याः परावत स्तिरो धन्वातिरोचते । स नः पर्षदति द्विषः २
 यो रक्षांसि निजूर्वति वृषा शक्रेण शोचिषा । स नः पर्षदति द्विषः ३
 यो विश्वाभि विपश्यति भुवना सं च पश्यति । स नः पर्षदति द्विषः ४
 यो अस्य पारे रजसः शक्रो अग्निरजायत । स नः पर्षदति द्विषः ५

(१४३) त्रिचत्वारिंशदुत्तरशततमं सूक्तम्

(१-३) तृचस्यास्य सूक्तस्याग्नेयः श्येन ऋषिः । जातवेदा अग्निर्देवता ।
 गायत्री छन्दः
 प्र नूनं जातवेदस मश्वं हिनोत वाजिनम् । इदं नो बर्हिरासदे १
 अस्य प्र जातवेदसो विप्रवीरस्य मीळहुषः । महीमियर्मि सुष्टुतिम् २
 या रुचौ जातवेदसो देवत्रा हव्यवाहनीः । ताभिर्नो यज्ञमिन्वतु ३

(१४४) चतुश्चत्वारिंशदुत्तरशततमं सूक्तम्

(१-३) तृचस्यास्य सूक्तस्य सार्षपाङ्गी ऋषिका । आत्मा सूर्यो वा देवता ।
 गायत्री छन्दः
 आयं गौः पृश्निरक्रमी दसदन्मातरं पुरः । पितरं च प्रयन्त्स्वः १
 अन्तश्चरति रोचना ऽस्य प्राणादपानती । व्यख्यन्महिषो दिवम् २
 त्रिंशद्धाम वि राजति वाक् पतङ्गाय धीयते । प्रति वस्तोरह द्युभिः ३

(१४५) पञ्चचत्वारिंशदुत्तरशततमं सूक्तम्

(१-३) तृचस्यास्य सूक्तस्य माधुच्छन्दसोऽघमर्षण ऋषिः । भाववृत्तं देवता ।

अनुष्टुप् छन्दः

ऋतं च सत्यं चाभीद्धात् तपसोऽध्यजायत । ततो राज्यजायत ततः समुद्रो
अर्णवः १

समुद्रादर्णवादधि संवत्सरो अजायत । अहोरात्राणि विदध द्विश्वस्य मिषतो
वशी २

सूर्याचन्द्रमसौ धाता यथापूर्वमकल्पयत् । दिवं च पृथिवीं चान्तरिक्षमथो
स्वः ३

(१४६) षट्चत्वारिंशदुत्तरशततमं सूक्तम्

(१-४) चतुर्ऋचस्यास्य सूक्तस्याङ्गिरसः संवनन ऋषिः । (१) प्रथमर्चोऽग्निः,

(२-४) द्वितीयादितृचस्य च सज्ज्ञानं देवते । (१-२, ४)

प्रथमाद्वितीयाचतुर्थीनामृचामनुष्टुप्, (३) तृतीयायाश्च त्रिष्टुप् छन्दसी

संसमिद्युवसे वृषन्नग्ने विश्वान्यर्य आ ।

इळस्पदे समिध्यसे स नो वसून्या भर १

सं गच्छध्वं सं वदध्वं सं वो मनोसि जानताम् ।

देवा भागं यथा पूर्वे संजानाना उपासते २

समानो मन्त्रः समितिः समानी समानं मनः सह चित्तमेषाम् ।

समानं मन्त्रमभि मन्त्रये वः समानेन वो हविषा जुहोमि ३

समानी व आकूतिः समाना हृदयानि वः ।

समानमस्तु वो मनो यथा वः सुसहासति ४

इत्यष्टमोऽष्टकः

ऋग्वेदसंहिता समाप्ता

समुद्रे त्वा नृमणा अप्सवन्तर्नृचक्षा ईधे दिवो अग्र ऊर्धन् ।
 तृतीयै त्वा रजसि तस्थिवांसमपामुपस्थे महिषा अवर्धन् ३
 अक्रन्ददग्निः स्तनयन्निव द्यौः क्षामा रेरिहद्वीरुधः समञ्जन् ।
 सद्यो जज्ञानो वि हीमिद्धो अख्यदा रोदसी भानुना भात्यन्तः ४
 श्रीणामुदारो धरुणो रयीणां मनीषाणां प्रार्पणः सोमगोपाः ।
 वसुः सूनुः सहसो अप्सु राजा वि भात्यग्र उषसामिधानः ५
 विश्वस्य केतुर्भुवनस्य गर्भ आ रोदसी अपृणाज्जायमानः ।
 वीळं चिदद्रिमभिनत् परायञ्जना यदग्निमयजन्त पञ्च ६
 उशिक पावको अरतिः सुमेधा मर्तेष्वग्निरमृतो नि धायि ।
 इयर्ति धूममरुषं भरिभ्रदुच्छुक्रेण शोचिषा द्यामिनक्षन् ७
 दृशानो रुक्म उर्विया व्यद्यौद् दुर्मर्षमायुः श्रिये रुचानः ।
 अग्निरमृतो अभवद्वयोभिर्यदेनं द्यौर्जनयत् सुरेताः ८
 यस्ते अद्य कृणवद्भद्रशोचे उपूपं देव घृतवन्तमग्रे ।
 प्र तं नय प्रतरं वस्यो अच्छाऽभि सुम्रं देवभक्तं यविष्ठ ९
 आ तं भज सौश्रवसेष्वग्र उक्थउक्थ आ भज शस्यमाने ।
 प्रियः सूर्ये प्रियो अग्रा भवात्युजातेन भिनदुदुज्जनित्वैः १०
 त्वामग्रे यजमाना अनु द्यून् विश्वा वसु दधिरे वायाणि ।
 त्वया सह द्रविणमिच्छमाना वृजं गोमन्तमुशिजो वि वब्रुः ११
 अस्ताव्यग्निर्नरा सुशेवो वैश्वानर ऋषिभिः सोमगोपाः ।
 अद्वेषे द्यावापृथिवी हुवेम् देवा धत्त रयिमस्मे सुवीरम् १२
 इति सप्तमोऽष्टकः